




SC.15.P/6.



ARA 251





BIBLIA SACRA

VULGATAE EDITIONIS,
SIXTI V. PONTIFICIS MAXIMI

iussu recognita,

& CLEMENTIS VIII

auctoritate edita

cum selectissimis Literalibus Commentariis

IOANNIS GAGNAEI,
IOANNIS MALDONATI,
EMMANUELIS SA,
GUILIELMI ESTII,
IOANNIS MARIANAE,
PETRI LANSSELI,

THOMAE MALVENDAE,
IO. STEPHANI MENOCHII
IACOBI TIRINI,
IACOBI GORDONI,
& IACOBI BENIGII BOSCHII.

A C C E D U N T

Romanae Correctiones, ac Lectionum Varietates a FRANCISCO LUCA BRUGENSI observatae, & Notationes in loca variantia ab eodem concinnatae, in sua singulae capita tributae: nec non selecta variorum Prolegomena, nunc primum in unum collecta: indices denique plures accuratissimi.

TOMUS DECIMUSSEPTIMUS

complectens reliqua Capita ex ISAIA.



VENETIIS

MDCCLII.

Excuderunt { MODESTUS FENTIUS, &
IOANNES TYBERNINUS sub signo Providentiae.

SUPERIORUM PERMISSU AC PRIVILEGIO.

THE UNIVERSITY OF CHICAGO
LIBRARY
1000 S. MICHIGAN AVE.
CHICAGO, ILL. 60607

DATE RECEIVED
JAN 10 1964

FROM
J. R. HARRIS
TO
J. R. HARRIS

RE
J. R. HARRIS

1000 S. MICHIGAN AVE.
CHICAGO, ILL. 60607



I S A I AE

CAPUT VIGESIMUMNONUM.

Obsidio & afflictio Ierusalem, contritio gentium illam obsidentium: de libro signato ac cecitate Iudeorum: ut profundis corde denuntiatur: reliquias Iacob prædicat illuminandas, & ad Deum convertendas.

1. **V**AE Ariel, Ariel civitas, quam expugnavit David: additus est annus ad annum: solemnitates evolutæ sunt. 2. Et circumvallabo Ariel, & erit tristis & mœrens, & erit mihi quasi Ariel. 3. Et circumdabo quasi spharam in circuitu tuo, & iaciam contra te aggerem, & munimenta ponam in obsidionem tuam. 4. Humiliaberis, de terra loqueris, & de humo audietur eloquium tuum: & erit quasi pythonis de terra vox tua, & de humo eloquium tuum multabit. 5. Et erit sicut pulvis tenuis multitudo ventilantium te: & sicut favilla pertransiens multitudo eorum, qui contra te prævaluerunt. 6. eritque repente confestim. A Domino exercituum visitabitur in tonitruo, & commotione terræ, & voce magna turbinis & tempestatis, * & flammæ ignis devorantis. 7. Et erit sicut somnium visionis nocturnæ multitudo omnium Gentium, quæ dimicaverunt contra Ariel, & omnes qui militaverunt, & obsederunt, & prævaluerunt adversus eam. 8. Et sicut somniat esuriens, & comedit, cum autem fuerit expergefactus, vacua est anima eius: & sicut somniat sitiens, & bibit, & postquam fuerit expergefactus, lassus adhuc sitit, & anima eius vacua est: sic erit multitudo omnium Gentium, quæ dimicaverunt contra montem Sion. 9. Obstupescite, & admiramini, fluctuate, & vacillate: inebriamini, & non a vino: movemini, & non ab ebrietate. 10. Quoniam miscuit vobis Dominus spiritum soporis, claudet oculos vestros, prophetas & principes vestros, qui vident visiones, operiet. 11. Et erit vobis visio omnium sicut verba libri signati, quem cum dederint scienti litteras, dicent: Lege istum: & respondebit: Non possum, signatus est enim. 12. Et dabitur liber nescienti litteras, dicereturque ei: Lege: & respondebit: Nescio litteras. 13. Et dixit Dominus: (a) Eo quod appropinquit populus iste ore suo, & labiis tuis glorificat me, cor autem eius longe est a me, & timuerunt me mandato hominum & doctrinis. 14. Ideo ecce ego addam ut admirationem faciam populo huic miraculo grandi & stupendo: (b) peribit enim sapientia a sapientibus eius, & intellectus prudentium eius abscondetur. (c) 15. Væ qui profundi estis corde, ut a Domino abscondatis consilium: quorum sunt in tenebris opera; & dicunt: Quis videt nos, & quis novit nos? 16. Perversa est hæc vestra cogitatio: quasi si lutum contra figulum cogitet, & dicat opus factori suo: Non fecisti me: & figmentum dicat fictori suo: Non intelligis. 17. Nonne adhuc in modico & in brevi convertetur Libanus in charmel, & charmel in saltum reputabitur? 18. Et audient in die illa furdi verba libri, & de tenebris & caligine oculi cæcorum videbunt. 19. Et addent mites in Domino lætitiæ, & pauperes homines in sancto Israel exultabunt. 20. quoniam desecit

cit qui praevalerat, consummatus est illudor, & successi sunt omnes qui vigilabant super iniquitatem: 21. qui peccare faciebant homines in verbo, & arguentem in porta supplantabant, & declinaverunt frustra a iusto. 22. Propter hoc, hæc dicit Dominus ad domum Iacob, qui redemit Abraham: Non modo confundetur Iacob, nec modo vultus eius erubescet: 23. sed cum viderit filios suos, opera manuum mearum, in medio sui sanctificantes nomen meum, & sanctificabunt sanctum Iacob, & Deum Israel prædicabunt: 24. & scient errantes spiritu intellectum, & musitatores discant legem.

(a) Matth. xv. 8. Marc. vii. 6. (b) 1. Cor. i. 19. (c) Abd. i. 2.

B R U G E N S I S

ROMANA CORRECTIO.

secundo casu *flamma* scribunt sextum *flamma*.

Verf. 6. *Et flamma ignis devorantis*. Alii pro

C O M M E N T A R I A

M A L D O N A T I.

Verf. 1. **V**AE ARIEL. Ariel Leonem Dei significare scitum est. Quid autem sit, quod hoc loco Leo Dei appellatur, id est dubium. Alii putant templum propter figuram; alii altare sic vocari, ut apud Ezech. cap. xliii. 15. 16. Alii totam urbem Ierosolymitanam, quod sicut Leo Dei, id est magnus, invicta esset & inexpugnabilis; quod probabilius est, & quia hoc ipso loco vocatur civitas, & quia certum est, non templo, non altari, sed urbi Prophetam minari. Vocat tamen eam Ariel, id est altare Dei, quod in ea multi homines tamquam victimæ ad altare essent occidendi, ut apparet verf. 2. CIVITAS, QUAM EXPUGNAVIT. Heb. קִרְיַת דָּוִד, *civitas in qua mansit David*; id est, civitas Davidis sic vocabatur Sion, ubi Davidis regia erat, I. Paral. xi. 5. 7. & xiii. 13. Est autem synecdoche, qua parte intelligitur totum. ADDITUS EST AN- nus; id est, iam tempus definitum a Deo pene elapsum est, ut puniatis. Heb. שָׁנָה אֶחָדָה, *addite annum anno*: חֲמִישִׁים יָבֹקֶט, *agni excidentur*; id est, numerate annos, & invenietis fore, ut non multo post cessent vestra sacrificia everso templo, & tota urbe.

V. 2. ET CIRCUMVALLABO: וְהִצְקוּחִי, *& in angustias redigam*. ET ERIT MIHI QUASI ARIEL, id est sicut altare, quia multos in

ea homines occidam.

V. 3. ET CIRCUMDABO QUASI SPHÆRAM. Heb. וְחִבְתִּי, *& castrametabor*, efficiam ut Romani cingant te exercitu quasi sphaera. Lucæ xix. 43. *Veniens dies in te, & circumdabunt te inimici tui vallo*. IN CIRCUITU TUO: עִירְךָ, *contra te*. Et IACIAM CONTRA TE AGGEREM: וְעִרְתִּי עִלְיָךְ, *& arclabo contra te*, (id est te) *erectione*; id est, arctabo te erectis contra te machinis. ET MUNIMENTA: מִצֻּרוֹת, *munitiones* erigam *adversus te*. Deus dicit se facturum quod Romani facturi erant, quia eorum ministerio ad puniendos Iudæos erat usus.

V. 4. & 5. DE TERRA LOQUERIS, id est miserabiliter supplici ac demissa voce. Galli dicunt: *On vous fera abbaïsser vostre caquet*. ET DE HUMO AUDIETUR: וְהָשָׁה, *humile erit eloquium tuum*, quemadmodum si ex terra egrederetur. ET ERIT QUASI PYTHONIS. Pythonici spiritus ex locis subterraneis, aut ex inferioribus partibus hominis respondere solebant tenui & obscura voce. ET DE HUMO TUO ELOQUIUM TUUM MUSSITABIT; id est, simile erit eloquio hominis musitantis, quod vix intelligi potest. Quibus omnibus rebus indicat adeo affligendam Ierosolymam, ut vix loqui possit, nisi voce humili, obscura, demissa, miserabili. ET ERIT SICUT PULVIS, id est infinita, innumerabilis fortitudo VENTILANTIUM TE, id est hostium qui te

יִהְיֶה

tamquam aream triturrant, ac ventilabunt. Alludit ad id quod dixerat supra, cap. xxviii. 27. & perseverat in eadem metaphorâ. ET SICUT FAVILLA, כִּסְטָן sicut atomi, qui in radiis solis apparere solent huc illuc volitantes, qui sunt innumerabiles. MULTITUDO EORUM QUI CONTRA TE PRAEVALUERUNT, pro praevalerunt. Heb. עָרִיצִים fortium, tyrannorum, qui terrori nbi erunt.

V. 6. ERITQUE REPENTE; id est, & fiet repente ac de improvviso, ut visitetur (id est, puniatur Ierosolyma: mutatio personarum.) IN TONITRUO, id est ad modum tonitruum: subito scilicet ac vehementer. Sicut tonitru & terrae motus subito & inopinato solent accidere, כּ pro כּ ut saepe annotavimus. ET VOCE MAGNA, id est sicut solet venire strepitus magnus turbinis & tempestatis. ET FLAMMAE IONIS DEVORANTIS, id est fulminis omnia quae offendit consumentis. Omnem sonitum & strepitum Hebraei vocant קוֹל, vocem. Alii in contrarium sensum interpretantur: Erit sicut pulvis multitudine, non diu durabunt hostes, cito dissipabuntur: haud scio quam bene.

V. 7. ET ERIT SICUT SOMNIUM; id est, efficient hostes qui contra Ariel dimicant sunt, (ponuntur enim praeterita pro futuris) ut Iudaei qui se securos esse somniabant, ab hostibus exasperati videant se in periculo versari. Alii contrario sensu: Hostes erunt sicut somniantibus, cum enim existimaverint se vicisse, dissipabuntur. At non agit hic Propheta contra hostes, sed Iudaeos. Itaque priorem interpretationem magis approbo. ET PRAEVALUERUNT ADVERSUS EAM: לֹא הִשְׁתַּחֲוִּיתִים, qui angustis affligent eam.

V. 8. ET SICUT SOMNIAT ESURIENS. Explicatio est praecedentis versus. SIC ERIT MULTITUDO: sic accidet Iudaeis, cum multitudo gentium dimicaverit contra, &c. vel, sic erit multitudo gentium, sicut famēs & sitis: cum existimaverint Iudaei se ab illis liberatos, invenient se magis quam ante premi.

V. 9. OBSTUPESCITE. הִתְחַשְׁתּוּ, alii vertunt, Tardate: quod non videtur ullum congruentem habere sensum. Multo melius noster Interpres, obstupescite, sicut Septuag. ὀκνησατέ: ponuntur imperativi pro futuris: Obstupescitis & admirabimini (aut attoniti

eritis: est enim Heb. idem verbum) stu-
tuabimini, & vacillabitis. Heb. וְהִתְחַשְׁתּוּ, וְהִתְחַשְׁתּוּ, possumus vertere, confisletis attoniti, & ob-
stupescitis, aut ut R. David in Lib. rad. excacabimini, & excacabitis (alios) sicut versu sequenti ait: Claudet oculos vestros. INEBRIAMINI, ET NON A VINO: MOVE-
MINI; id est, delirabitis, incertique eritis quid agatis. ET NON AB EBRIETATE. Heb. לֹא שִׁכָּר, sine sicera; quasi dicat: Magnitudo miseriae & afflictionis delirare faciet vos, inopelque consilii reddet, non minus quam si vino, aut sicera ebrii effectis. Aut: Dominus excacabit vos, & ob-
stupesciet sicut ebrios, ne intelligatis quâ ratione liberare possitis vos a periculo, sicut ante noluitis intelligere eius admonitiones ebrii superbia vestra, & non vino: ut sup. cap. xxviii. 1. 111. & infra cap. LI. 21. & Iob XII. 25. Errare eos faciet quasi ebrios: & Psal. cvii. 27. Moti sunt sicut ebrius.

V. 10. QUONIAM MISCUIT VOBIS: כִּכְרֵם quod alii vertunt, operuit; sed melius meo iudicio noster Interpres. Misceat vobis; id est, potavit vos spiritu soporis soporifero; quemadmodum si quis medicus vinum ægroto papavere mistum dedisset; quasi dicat: Tradet vos Deus in reprobum sensum. Præter pro fut. ET CLAUDET OCULOS VESTROS.... PROPHETAS OPERIET; id est, velabit oculos eorum, ne videant quæ vobis expediunt.

V. 11. ET ERIT VOBIS VISIO, SICUT VERBA LIBRI SIGNATI, id est, epistolæ ob-
signatæ, vel privatis notis scriptæ: eodem enim nomine סֵפֶר vocant Hebraei librum & epistolam. Visiorem autem omnium appellat, quidquid Deus illis dicturus erat per bonos Prophetas ad eorum salutem. Alii id referunt ad litteras sacras, in quarum lectione velamen posuit dicit D. Paulus super corda Iudaeorum, II. Cor. iii. 14. QUEM CUM DEDERINT SCIENTI LITTERAS, id est homini docto. Qui doctus est, respondet epistolam esse signatam: qui indoctus est, respondet se non posse legere, quod sit indoctus; quasi dicat uno verbo: Nemo reperietur qui possit verba Dei intelligere, neque doctus, neque indoctus, sicut dixerat supra cap. xxviii. 11.

V. 13. EO QUOD APPROPINQUAT: וְנִגַּשׁ, appropinquat: ita Septuag. legerunt, וְנִגַּשׁ & Christus Matth. xv. 8. Alii legunt וְנִגַּשׁ cum

cum puncto in dextero cornu, quod significat *arche*; quasi dicat: Populus hic cum in angustis est, tunc ad me appropinquat. Sed alter sensus & lectio est melior: idem enim est eor appropinquare, & labiis glorificare, non ex animo, sed externis caeremoniis Deum colere. ET TIMUERUNT ME, id est coluerunt me. Timere enim Deum est cum colere. MANDATO HOMINUM, id est humanis traditionibus, non divinis, ut Christus interpretatur Matth. xv. 9. Heb. *Timor eorum erga me preceptum ab hominibus institutum.*

V. 14. ECCE EGO ADDAM. Verbum *addam*, hanc habet vim: Illi cum ego eos addemonerem, quasi obliuiscetes noluerunt audire. Ego igitur addam ipsis maiorem stuporem, ut non intelligant quæ ipsis sint salutaria. Hoc est quod dicit, PERIBIT SAPIENTIA.... ET INTELLECTUS PRUDENTIUM EIUS ABSCONDETUR; id est, non apparebit ex effectu, quia nihil intelligit. Sensus huius versus pendet ex versu 9. 10. & 11.

V. 15. VAE QUI PROFUNDI ESTIS; id est, qui tantum confiditis prudentia vestra, ut celetis Deum vestra consilia, omniaque arbitrio vestro geratis. Heb. *סודי מעקים*, *ואי* qui profundi (id est, occulti) sunt a Deo, id est qui putant se Deum latere cum male agunt, ut statim explicat: QUORUM SUNT IN TENEBRIS OPERA. *Qui enim male agit odit lucem*: Ioan. iii. 20.

V. 16. PERVERSA EST. Heb. *הפכסם*, *כחפר היתר יחשב*, *Subversio vestra sicut lutum figuli*; id est, tam facile possum subvertere vos, quam figulus lutum. Vel: Perversitas vestra quemadmodum si esset perversitas luti contra figulum, ita reputabitur, id est similis est perversitati luti contra figulum. *ביומר, quando dicit opus, &c.*

V. 17. NONNE ADHUC IN MODICO: *הלא עדי מעט*, *Nonne adhuc modicum est pusillum* (tempus restat) UT CONVERTATUR LIBANUS IN CHARMEL; id est, fiet omnium rerum conversio cum Christus venerit. Libanus mons infrugifer erat tantum arboribus sylvestribus coopertus; Charmel autem quamvis pro monte aliquando accipiat, plerumque sumitur pro agro Moabitidis regionis. Itaque sensus est: *Omnis vallis exaltabitur, & omnis mons & collis humiliabitur, & erunt prava in directa, &*

aspera in vias planas: Isai. xl. 4. Luc. iiii. 5. Alii interpretantur ex alio loco, qui est infra cap. xxxii. 11. *Et eris desertum in Charmel, & Charmel in saltum reputabitur*; id est, quæ prius erant deserta colentur, & quæ erant culta, deserta erunt: Libanus enim desertus erat, Charmel cultus. Prædicit autem hac similitudine vocationem & culturam populi gentilis, qui prius desertus erat, & reprobationem ac desertionem populi Iudaici, qui prius per legem cultus fuerat.

V. 18. ET AUDIENT IN DIE ILLA SURDI; id est, Gentiles qui prius quasi surdi non audierant legem Dei. ET DE TENEBRIS; id est, oculi eorum qui prius in tenebris & caligine esse videbantur, aperientur, ut legant atque intelligant verba libri, id est prophetias de Christo, quas vos intelligere nolulistis. Ioan. ix. 39. *In iudicium ego in hunc mundum veni, ut qui non vident, videant; & qui vident, cæci fiant.*

V. 19. ET ADDENT MITES, id est inopes, qui mites esse solent. IN DOMINO LAETITIAM; id est, gentiles, qui prius abiecti esse videbantur, maiore cum læticia & voluptate Dominum recipient, quam Iudæi. Hoc enim significat Heb. *addere lætitiā*.

V. 20. QUONIAM DEFECIT (id est deficiet tunc) QUI PRAEVALEBAT: *עריך, qui vim inferebat*. CONSUMPTUS EST ILLUSOR: *לע, impius peribit*. ET SUCCIDENTUR OMNES QUI VIGILABANT, id est qui noctes insomnes ducebant in peccatis.

V. 21. QUI PECCARE FACIEBANT HOMINES IN VERBO; id est, qui subornabant, ut falsum testimonium dicerent in iudicio contra iustum. ET ARGUMENTEM IN PORTA, id est iudicem falsebant falsis testibus. Fiebant enim iudicia in porta civitatis: II. Reg. xv. 2. & Psal. cxxvi. similis phrasia est Amos v. 10. *Odio habuerunt corripientem in porta*. ET DECLINAVERUNT (iudicem active) A IUSTO; id est, desistere ceperunt ab aequitate falsis testibus. Heb. *יטו דורק*, *בחרו דורק*, *& declinare fecerunt iustum*, id est cadere causa: *בחרו*, frustra, sine ullo eius merito: aut, per vanitatem, id est per falsa testimonia.

V. 22. AD DOMUM IACOB. Per Abraham intelligit patrem omnium credentium, ut loquitur D. Paulus ad Rom. iv. 11. Per

Per Jacob omnes Abrahami posteros, quia Jacob inter eos fuit facile princeps; ac propterea eos duos nominat. QUI REDEMIT ABRAHAM, id est liberavit multis periculis, primum a Chaldeis, Gen. xii. 4. deinde a Pharaone; ibid. vers. 16. postea a quatuor regibus, quos vicit, Genes. xiv. 15. cuius liberationis ideo mentionem facit, ut tacite ostendat eum qui Abraham liberavit ab hominibus, liberaturum etiam Jacob, id est eius posteros qui crediderint, a tyrannide diaboli. NON MODO CONFUNDETUR JACOB; id est, non ultra confundetur, non amplius punietur, cum in Christum crediderit, sed salvabitur.

V. 23. SED CUM VIDERIT, id est postquam viderit, non enim significat fore ut cum videat erubescat; sed potius ut desinat erubescere. Quod clarius dicitur Heb. כִּי בָדַחְתִּי, cum viderit, vel, quia videbit, in medio eius, id est in Ecclesia, opus manuum mearum, id est quos ego regeneravi. ET SANCTIFICABUNT SANCTUM JACOB, id est Deum Jacob. Idem quod sequitur, ET DEUM ISRAEL PRAEDICABUNT; vel, יְהוָה, timebunt, id est colent.

V. 24. ET SCIENT ERRANTES SPIRITU, id est ebrii delirantes mente, de quibus supra vers. 9. INTELLECTUM, id est veram sapientiam rerum divinarum. ET MUSSITATORES, מְרַנְּנִים, murmuratores, id est qui prius nesciebant loqui, sed solum mussitabant & balbutiebant, eloquentes erunt & disert, & docebunt legem: quod factum videmus in Apostolis per donum linguarum Act. ii. 3.

S A.

Vers. 1. ARIEL. Chald. altare. Quidam templum intelligunt, vel Ierusalem, quae dicitur Ariel, id est leo Dei, ob fortitudinem, vel Principatum. CIVITAS. Chald. constructum in civitate. EXPUGNAVIT. Vide I. Par. xi. ADDITUS EST, &c. quasi dicat, Post aliquot annos cessavit festi dies.

V. 2. CIRCUMVALLABO, id est obsidebo, scilicet per Assyrios, vel Romanos. QUASI ARIEL, id est ut leo, circa quem multa cadavera. Chald. ut altare circumdatum sanguine victimarum.

V. 3. QUASI SPHAERAM, id est undique.

V. 4. DE TERRA, scilicet deiecta, seu prostrata. QUASI PYTHONIS, id est submissa.

V. 5. SICUT PULVIS, &c. id est innumera. VENTILANTIUM, scilicet hostium. PERTRANSIENS, scilicet velociter. PRAEVALUERUNT; pro, praevalerunt.

V. 6. VISITABITUR, id est punietur, scilicet civitas.

V. 7. SICUT SOMNIUM, &c. quasi dicat, Non diu laetabuntur victores.

V. 9. OBSTUPESCITE, scilicet o Iudaei increduli; quasi dicat, Ostupidi, fluctuantes, & ebrii, Deo sic vos ob peccata puniente.

V. 10. MISCUIT, scilicet ut solet qui potum temperat & propinat: quamquam etiam miscere, propinare significat: vide sup. cap. xix. Chald. immisit in vos. LXX. potavit vos. SOPORIS. Chald. erroris. LXX. compunctionis, id est pertinaciae in malo defixae, ut Graeci interpretantur. OPERIET; id est, faciet ne intelligantur, aut ut errent permittet.

V. 13. APPROPINQUAT, scilicet mihi. ET TIMEVERUNT, &c. LXX. Frustra autem colum me docentes praecepta hominum & doctrinas. MANDATO HOMINUM, id est iuxta hominum traditiones perverfas. Vide Matth. xv.

V. 14. ADMIRATIONEM. Chald. percussionem. PERIBIT, &c. LXX. perdam sapientiam sapientum.

V. 15. ABSCONDATIS, id est abscondi putetis.

V. 16. NON INTELLIGIS. LXX. non sapienter me fecisti. Chald. non intelligis me.

V. 17. LIBANUS IN CHARMEL, id est alta deprimuntur, vel steriles Gentiles fertiles fient. ET CHARMEL, id est ager fertilis, scilicet olim Iudaei. IN SALTUM, scilicet infrugiferum; quasi dicat, Steriles fient.

V. 19. ADDENT, id est augebunt.

V. 20. PRAEVALEBAT, scilicet diabolus. CONSUMMATUS EST. Chald. consumptus est. LXX. periiit. ILLUSOR, scilicet deceptor diabolus. Chald. depredator. LXX. superbus. SUPER INIQUITATEM, id est ut inique agerent.

V. 21. IN PORTA, id est publice, vel in iudicio, quod olim ad civitatis portam fiebat. FRUSTRA, id est sine causa.

V. 22. REDEMIT, id est eripuit, scilicet a Chaldeis, vel idololatria. MODO, id est nunc. Chald. postea.

V. 23.

V. 23. SED, scilicet lætabitur.

V. 24. MUSSITATOIRES, id est fufurrones, scilicet Iudæi contra Deum soliti murmurare.

E S T I I.

Vers. 1. **V**AE ARIEL, ARIEL, CIVITAS, QUAM EXPUGNAVIT DAVID. Per Ariel Ierofolyma intelligitur. Significat autem Ariel, leonem Dei, vel leonem fortem: nam *El* utrumque apud Hebræos significat, & Deum, & fortem. Unde in Psal. xli. *ad Deum fortem virum*, quidam verterunt, *ad Deum, Deum virum*. Ierusalem itaque vocatur *Ariel*, id est leo Dei; quia quondam fortissima fuit civitas, id quod etiam significat verbis subiectis: *civitas, quam expugnavit David*, id est quam David rex fortissimus ægre expugnare potuit, quando adhuc tenebatur ab Iebuseis. Putant quidam vocem hanc *Ariel* primario attributam fuisse apud Iudæos altari templi, quod erat Ierofolymis. Nam constat ex Ezech. xliii. altare vocatum fuisse Ariel ubi dicitur: *Ipse autem Ariel quatuor cubitorum*. Ita sensus erit: Væ altari, altari, quod est in civitate, quam expugnavit David. Et iuxta hunc sensum synecdoche erit in ea voce *Ariel*, ut per altare, quod est in civitate, ipsa civitas intelligatur. Et ita comminatio ista nihilominus ad totam civitatem pertinebit.

V. 13. EO QUOD APPROPINQUAT POPULUS ISTE ORE SUO, ET LABIIS SUIS GLORIFICAT ME, COR AUTEM EIUS LONGE EST A ME, &c. Hoc contra hypocritarum Iudaicæ gentis dictum esse, manifestum est ex Evangelio Matth. xv. & Marci vii. ubi a Domino eadem verba contra eos proferuntur: illi enim summam pietatis in externo cultu tantum ponebant. Quin etiam Sasboldus scriptor pius, & doctus in hunc locum ita commentatur: Sane qui & hodie legunt certas preces, & audiunt sacram, & iis absolutis conferunt se ad popula, aut his similia, illi quoque sunt qui hic dicuntur labiis suis honorare Deum, cor autem eorum longe esse. Quod valde horribile est in homine Christiano, & maxime in sacerdote, existimante omnia tunc recte se habere, quando lætæ sunt horæ, non cogitante interim, ut mens elevetur in Deum, & cor ei per amorem iungatur;

ut sit humiliatum & contritum; & res fluxas atque mundanas contemnat. Sic ille, Neque est quod dicamus tantum contra eos hæc posita, qui in precibus evagationes mentis patiuntur. Nam Iudæi & Pharisei vere de Deo cogitabant, quando Deum laudabant, nominatim Phariseus dicens: *Gratias tibi ago, quia non sum sicut ceteri homines*; sed generaliter ponitur hæc sententia contra eos qui verbis Deum honorant, factis autem eum contemnunt.

M A R I A N AE.

Vers. 1. **V**AE ARIEL. Chald. *Væ altare*. Sic altare vocatur Ezech.

xliii. 15. Vocatur autem altare *Ariel*, id est leo Dei, aut leo fortis, vel ab igne, qui leonis adinstar semper in altari cubabat; aut ob pecudum multitudinem, quæ ibi consumebantur. Ab altari Ierusalem vocabatur civitas *Ariel*, id est civitas ubi altare erat. QUAM EXPUGNAVIT DAVID. Nota est historia II. Reg. v. & I. Paral. xi. Septuag. ut Noster, *expugnavit*. Chald. *in qua manifestus David*. Verbum *חנן hanan*, & *castrametari* significat, & *manere*. Prior significatio magis placet, & *castrametari* pro *expugnare* recte sumitur. ADDITUS EST ANNUM AD ANNUM. Heb. *addite annum*, pro *additus est*, ut Noster dixit. SOLEMNITATES EVOLUTÆ SUNT. Quidam sic Heb. vertunt, *Agni iugulati sunt*; quod perinde est, nam in solemnitatibus agni iugulabantur. Significat ergo, aliquot annis & anniversariis solemnitatibus decursis, fore quæ prædictæ.

V. 2. ET CIRCUMVALLABO. Heb. *conjugulabo Ariel*, id est Ierusalem. ET ERIT TRISTIS ET MOERENS. Heb. *erit planctus ac luctus*. QUASI ARIEL, id est sicut altare, circum quod multæ pecudes iugulatz iacent, sic circum urbem multa cadavera.

V. 3. ET CIRCUMDABO QUASI SPHERAM IN CIRCUITU TVO. Heb. *Et castrametabor pilam super te*, id est instar pilæ & circulo castra hostium circum te erunt. IACIAM CONTRA TE AGGEREM, aut turrim ligneam, ut scilicet inde cives vulnerentur, excitabo. ET MUNIMENTA PONAM IN OBSIDIONEM TUAM. Goth. *commodius in obsidione tua*. Heb. *Et ponam super te munitiones*, scilicet quando te obfcedero.

V. 4. DE TERRA LOQUERIS, id est quasi de sub terra loqueris, Vox præ metu exilis erit.

erit. QUASI PYTHONIS, qui non loquuntur, sed murmurant. DE TERRA, id est quasi de sub terra. DE HUMO. Heb. *de pulvere*, sed pulverem pro humo sumit. MUSSITABIT. Heb. *garriet*. VOX erit non humanæ similis, sed avium, exilis, tenuis.

V. 5. VENTILANTIUM. Heb. *alienorum*, seu *hostium tuorum*. FAVILLA PERTRANSIENS. Heb. *gluma*, seu *pulvis*, pro, sicut gluma erunt hostes tui, tum ob multitudinem, tum quia cito deficient. Psal. 1. 4. Sed sicut pulvis, quem proicit ventus: ibi vox mox est, quæ etiam hic ponitur. MULTITUDO EORUM, QUI CONTRA TE PRAEVALUERUNT. Heb. *multitudo fortium*, id est militum. REPENTE CONFESTIM. Non significat continuo hæc mala ventura; nam initio dixit, fore post aliquot annos: sed improvise ventura, cum minime id cogitent.

V. 6. VISITABITUR, id est punietur, Ierusalem scilicet. COMMOTIONE TERRAE. Heb. *convulsione*; significatque hoc malum instar procelle & ignis fore, qui cuncta confumit.

V. 7. ET ERIT SICUT SOMNIUM VISIONIS NOCTURNAE. Somniamus quæ fieri non possunt. Subito & præter spem venit somnium, & continuo disparat: sic tam multæ gentes convenient contra Ierusalem, ut vix credi possit, reque cito patrata evanescent. ET OMNES QUI MILITAVERUNT. Heb. *oppugnaverunt eam*. ET OBSEDERUNT, ET PRAEVALUERUNT. Heb. *munitionem eius* (scilicet oppugnaverunt) & *angustiantes eam*. Sententia eadem & perspicua.

V. 8. ET SICUT SOMNIAT ESURIENS; quasi dicat: Non Iudei tantum somniant, sed hostes, qui putantes, præda se explecturos suam cupiditatem, contra illis eveniet, spolia unius urbis tam multis gentibus non sufficient. LASSUS ADHUC SITIT, qui somniat. Heb. *lassus*, & *anima eius desiderat*, scilicet potum; quod Noster uno verbo dixit, *sitit*. Porro *anima* hic pro stomacho sumitur, aut pro ipso homine qui esurit & sitit. Sic erit multitudo gentium, quæ dimicaverunt contra montem Sion.

V. 9. OBSTUPESCITE. Sic Chald. Alii vertunt, *moramini*, scilicet cogitantes unde hoc malum vobis venit. FLUCTUATE, ET VACILLATE. Chald. *terremini*, & *admiramini*. INEBRIAMINI, ET NON A VINO, sed ob ærumæ magnitudinem sensibus defici-

Bib. Sac. Tom. XVII.

te. MOVEMINT, ut ebrii moventur. ET NON AB EBRIETATE. Heb. & non a *scera*. Hæc omnia significant cladis magnitudinem, qua mentes de suo statu cadere possint. Porro codices Heb. hoc loco variant, quia hæc verba in imperativo ponunt, quod Hieronymus, Chald. & Septuag. sunt secuti, alii in præterito indicativi, *Obsupuerunt, admirati sunt, fluctuaverunt*. Utroque modo mali vis significatur.

V. 10. MISCUIT, id est potavit, propinavit. SPIRITUM SOPORIS, ut dormientium instar nihil providicatis. *Thardemah*, quod hoc loco ponitur, gravem soporem significat. QUI VIDENT VISIONES, Heb. *Videntes*. Ii sunt Prophetæ. OPERIET; scilicet eorum oculos, ut non videant quid fieri debeat.

V. 11. VISIO OMNIUM, scilicet Prophetarum. SICUT VERBA LIBRI SIGNATI. Non intelligetis quidquam eorum quæ illi monuerunt. Hoc iopor, hoc ebrietas facit. Quidam vertunt, & erit visio omnis.

V. 13. ET TIMUERUNT ME MANDATO HOMINUM ET DOCTRINIS. Heb. & *timor* (id est religio) eorum erga me *mandatum hominum doctum*; id est, non ut ego iubeo me colunt, sed ut homines docent. Septuag. *Frustra autem colunt me docentes præcepta hominum & doctrinas*: quomodo locus hic citatur Matth. xv. 8.

V. 14. PERIBIT ENIM SAPIENTIA ASA-PIENTIBUS EIUS; scilicet ut quod factum sit opus non intelligant. Illi homines prætulerunt mihi: ego faciam ut illi in errorem eos mittant, excæcabo eos.

V. 15. VAE QUI PROFUNDI ESTIS CORDE. Heb. *ve qui profundi sunt a Domino*, id est cum latere se putant. Quæ in profundo sunt non videmus. QUORUM SUNT IN TENEBRIS OPERA, scilicet viri illi: Dei oculus omnia videt, & per omnia permeat.

V. 16. PERVERSA EST VESTRA HÆC COGITATIO. Heb. *perversio vestra*, scilicet hæc est. QUASI SI LUTUM CONTRA FIGULUM COGITET. Heb. *si* (pro, sane) *sicut lutum figuli reputabitur*, id est vere instar luti essis in manu figuli, quod scilicet formare ut voluerit poterit. ET DICAT OPUS. Heb. *quia* (pro, numquid) *dicit opus factori suo*. NON INTELLIGIS. Heb. *non intellexit*. Ergo sicut lutum figulo dicere non

B

potest,

potest, Non intelligit quod facit; nec homines Deum latere possunt, ut eorum cogitationes non intelligat.

V. 17. CONVERTETUR LIBANUS IN CHARME^l, id est magna rerum brevi commutatio erit. *Libanus*, id est divites in *charmel* vertentur, id est fient pauperes. ET CHARME^l IN SALTUM REPUTABITUR? erunt divites qui erant pauperes, ut saltus arboribus est plenus. Adhuc surdi audient, caeci videbunt. Id continet versus sequens. Hieronymus hic ait, duos Carmelos montes fuisse; alterum in tribus Asir prope Ptolemaidem, ubi Elias versabatur, qui fertilis erat, ac vini ferax; alterum ad Austrum, ubi Nabal Carmelus. Hunc montem sterilem fuisse aiunt: & de eo videtur loqui hic Isaias.

V. 19. ET ADDENT MITES IN DOMINO LAETITIAM, id est auctore Domino addent ad laetitiam. Mites semper sunt laeti tunc erunt latiores.

V. 20. DEFECIT QUI PRAEVALEBAT. Ea est latitiae causa. Heb. *fortis*, *tyrannus*, qui scilicet opprimebat pauperes. SUCCISI SUNT OMNES QUI VIGILABANT SUPER INQUITATEM, id est ad eam toto pectore ferebantur iniqui.

V. 21. QUI PECCARE FACIEBANT HOMINES IN VERBO, id est verba aliorum sinistre interpretabantur. ET ARGUEM IN PORTA, id est litigantem, aut eos accusantem publice, coram Iudicibus eum supplantabant. Iudices ad portas urbis erant. SUPPLANTABANT, aut laqueis implicabant: calumnia se tuebantur. ET DECLINAVRUNT FRUSTRA A IUSTO, id est cum oppresserunt. *Frustra*, id est sine causa. Heb. *declinare faciunt in vanitate iustum*, id est cum ob res vanas pervertunt. Si omnes succiderent, peribunt.

V. 22. NON MODO CONFUNDETUR, aut, non nunc pudebit. IACOB, id est populus Iudaeorum. ERUBESCE^t. Heb. *non albesce^t*. In timore facies albescit. Ergo non timebit. Timoris causam rebus mutatis ego removebo.

V. 23. SED CUM VIDERIT. Sic Septuag. & Chald. Verum Heb. non est *sed*, & sine illa planior oratio redditur. Quando Iacob non confundetur? Cum viderit filios suos ad me conversos, sanctificare nomen meum, id est me sanctum sateri. PRAEDICABUNT. Heb. *timebunt*: sic Septuag. Chald. *Deum*

Israel fortissimum dicent. Kimhi hoc secutus, explicat, *roborabunt*, id est robullum dicent.

V. 24. ET MUSSITATORES. Heb. *mutantes, susurrantes*; scilicet cui vana esse dicebant haec omnia, ut Chald. addit, ii. DISCENT LEGEM, continebunt se in officio, ad legis praeciptum vivent. Ii videbunt vera esse quae dicimus.

M A L V E N D A E.

Verf. 1. VAE ARIEL, ARIEL &c. Nonnulli observant, huius conditionis, quam tribus hisce capitibus contineri iudicant, quatuor esse in universum partes: prima est, denuntiatio summa iudiciorum in totum regnum & populum Iudaeorum, quae per Babylonios erat effecturus Deus, usque ad versum 15. secunda & tertia sunt prioris denuntiationis partes, quibus iudicium illud universae pronuntiatum duobus modis accommodat personarum ratione: secunda enim pars est denuntiatio contra hypocritas, a verf. 15. huius capituli ad finem usque: tertia vero, contra desertores Dei manifestos, cap. xxx. quarta est conclusio, populum ad bonam frugem revocans, cap. xxxi. Primae autem denuntiationis partes sunt duae; propositio, usque ad versum 9. & narratio causarum, ex quibus hoc iudicium eventurum est, usque ad verf. 15. Hoc enim *vae*, non est imprecatum, sed praenuntians vocabulum, quo Propheta excidium cum ipsius templi, tum civitatis ostendit. ARIEL, ARIEL. S. Hieronymus: *Ariel*, id est, Leo Dei, *quondam fortissima vocatur Ierusalem*, sive ut alii arbitrantur, *templum & altare Dei quod erat in Ierusalem*. Hebraei notant, Altare Holocaustorum dici hic Ariel, ut etiam Ezechiel. XLII. 15. & 16. id est, *leo Dei*, vel *leo fortissimus & potentissimus*, quod ignis sanctus, qui e caelis descendebat, cubabat super illud ut leo; vel Templum Ariel dici, quod esset extructum in similitudinem leonis, nempe angustum retro, & latum ante. Plerique ipsam Ierusalem Ariel hic vocari asserunt, & singulariter arcem Tziionis, figurate, quod munitissima & fortissima esset, & ut leo hostes discerperet. Mercerus, altare Dei leonem appellatum putat, quod sanguine vi-

etima-

stimulum maderet, ut leo prædam discerpens sanguinem exprimit. Simile est Genes. XLIX. 27. Tremellius & Iunius exponunt: Va Arieli, Arieli, id est altari, ac proinde templo, synecdochice: est autem Arieli vox composita, significans de verbo ad verbum Leonem Dei fortis: quo nomine intelligitur יִצְחָק, sive fovea ingentis illius Altaris ænei, de quo II. Paralipom. IV. 1. quia velut immanis leo holocausta allata consumebat igne perpetuo, cuius mentio est in fine huius prophetiæ cap. XXXI. 9. Nisi quis forte malit exponere, id quod Deus Fortis videt, vel respicit אֲמַרְנָאח; sic etiam accipitur Ezechiel. XLIII. 15. & 16. Est autem in priore huius versus membro prolepsis, sive propositio summa utriusque calamitatis, & regni, & populi, sive excidii cum ipsius Templi, tum civitatis, ob idque geminatur nomen Ariel: quam prolepsin sequentia verba ex ordine interpretantur. CIVITAS, QUAM EXPUGNAVIT DAVID. Varie alii ex Heb. I. civitatis, vel civitati, contra quam castrametatus est David, I. Paralipom. XI. 5. & 7. & II. Samuel. cap. v. 7. & 9. II. civitas, in qua mansit David. III. civitas, in qua resedit David; id est, ubi habuit residentiam & regiam. IV. quod altare est in urbe, in qua habitavit. V. urbi, in qua castrametatus est David; id est, ubi David militiam suam forensam habuit, & totum suum comitatum: nam urbs Davidis ex eo dicta est. VI. Plerique אֲמַרְנָאח, non verbum, sed nomen faciunt: civitas, arx, castrum, sedes, residentia, habitaculum Davidis; vel urbi, aeri, &c. Davidis; id est, quæ fuit arx, sedes, &c. Davidis: quod non placet. Quod אֲמַרְנָאח, civitas, scribatur forma regiminis, nonnulli hic regimen agnoscunt, & si chanaan nomen est, reddunt, civitati residentia Davidis; si verbum, præteritum positum pro infinito fere gerundio, civitas habitandi, seu residendi Davidis: vide in Genes. I. 1. Sed statum syntacticum poni superius pro absoluto observant. Vide Thesaurum novissimum Sanctis, colum. 747. ADDITUS EST ANNUM AD ANNUM. Heb. addite annum super annum. Varie exponunt: I. Id est, post non multos annos, numerate paucos annos; vel elapsis pauculis annis, id est uno aut altero anno. II. Post aliquot annos. III. Id est, post multos annos, numerate multos annos, annum anno addentes.

SOLEMNITATES EVOLUTÆ SUNT. Plurifariam alii ex Heb. I. agni deficient. II. victimæ excidentur, id est cessabunt; quasi dicat, Tandem desinent sacrificare & immolare hostias super te, o Ariel, sive altare. III. hostias excident, sive exterminabunt, hostes Babylonii, exciso templo & altari. IV. & agnos ingulens, id est amoveant sacrificia. V. addite annos, quibus ingulens agni; quasi dicat: Tametsi sacrificia assidue faciatis, nihilominus vindictam suam exequetur Dominus, ut subditur. VI. Forsterus: solemnia ad solemnitates decidentur, id est frondes; vel fecate festivitates, id est frondes ad festivitates. VII. Forerius: festivitates decidentur; id est, decidentur frondes festivas uno atque altero anno; quasi dicat, Non diu erit, quod festivitates in templo agitentur, cito deficient. VIII. Leo Iudas & Avenarius: addite annum ad annum, festa excidentur, seu evertentur; id est, post aliquot annos non celebrabuntur festa, nec immolabuntur hostiæ in te. IX. Marinus: festa præcedent; id est, agnos dierum festorum macTABUNT, ut sit in sacrificiis. X. Montanus: agni cervicabuntur, id est macTABUNT: in Commentariis tamen, solemnitates decidentur; id est, decerpente, & frondes metite, coronas, ramos festivos identidem plectite. Permissio; quasi dicat, Non diu ista facietis. Sic Iuvenalis Satyra VI.

Ornentur postes & grandis ianua lauro. XI. Schindlerus: festa decidentur; id est, sacrificia ad festa macTABUNT: aut frondes festivæ decutientur. XII. Buxtorfius: festa excident; id est, sacrificia festorum macTENT: vel intransitive iuxta Aben-Ezram: excidentur, hoc est cessabunt. XIII. Tremellius, & Iunius: Adclate annum ad annum, festis, id est sacrificiis festorum, capita excident. Apostrophe ad obessos, quæ Propheta ostendit diuturnam fore obsequium, & inutilem Iudæorum laborem in defendenda urbe, atque adeo irritum externum cultum Dei, quem adhibuerint: nam obsidionis illius decretum & everisionis esse irrevocabile. SOLEMNITATES, אֲחֵלֶיךָ chaghim, proprie, festivitates. Plerique metonymia synecdochica, pro agnis, pæcudibus, victimis, sacrificiis, quæ in festivitatibus Iudæorum macTABUNT: vel pro festis frondibus, quibus templum, & altare festis diebus ornabantur accipiunt: vide in Exod. XIII. 18.

& in Psal. cxvii. 27.

V. 2. ET CIRCUMVALLABO ARIEL, &c. Variè hunc versum ex Heb. explanant: Et coarctabo angustias & afflictionibus afficiam Arielem, id est altare: & erit meror & luctus; & erit mihi sicut Ariel; quasi dicat: Ego faciam civitatem sicut altare super quo effunditur sanguis, quia civitas erit plena sanguine interfectorum in plateis eius. II. Et coarctabo Arielem; id est, arcta obsidione cingam Ierusalem per Chaldeos: eritque in urbe plangens, & luctus, vel meror & tristitia, & erit mihi tamquam Ariel, id est initar altaris; quasi dicat: Ut cum sacrificium fit, plurima cadavera iacent circum altare; sic in Ierusalem erunt multa cadavera hominum interfectorum. III. Et pressuram faciam, vel inferam Arieli: & erit meror, & maestitia, seu impulsio; & erit mihi velut Ariel, quem scilicet discepsam & dilaniabo: videlicet Ierusalaim prius fuit leo fortis; qui alios discepsit, nunc ego tibi ero leo fortis & discepsitor, qui te discepsam. IV. In angustiam redigam Arielem, id est Ierusalem; ut sit marens & tristis: tum erit mihi sicut Ariel, id est instar altaris, iuxta quod multæ consueverunt cadere victimæ, sic eadem faciam in Ierusalaim. V. Et inferam tortiones ipsi Ariel, ut sit invecus atque invecilio; id est, erunt contra eum naumachiz, & variz impugnationes hostium; & erit quasi Ariel. VI. Attamen angustabo Arielem: id est, neque viribus vestris, quas ad propulsandos Chaldeos occupabitis, neque sacrificiis, quibus vos iram meam amollituros præsumetis, impediar quominus in summas angustias templum meum, urbemque vestram, & vos ipsos redigam: eritque meror & maestitia, id est summa & incredibilis anxietas: Cum erit mihi urbs ut Ariel; id est, cum urbem æque atque templum perdam. Vide in Lament. ii. 5.

V. 3. ET CIRCUMDABO QUASI SPHÆRAM IN CIRCUITU Tuo. Alii: I. Et castrametabor in circuitu tuo, sicut pilatota contra te. II. Et ponam castra quasi pilatota contra te. III. Et considebo, sicut circulus circa te. IV. Nam castra contra te figam instar pilæ, seu circumquaque. V. Et castrametabor instar trochi contra te. VI. Nam castrametabo (ergasia superioris denuntiatio- nis, usque ad vers. 9.) pilata acie contra te. Vide supra cap. xxii. 18. Coronam, seu

globum, aut circumvallationem militarem intelligunt alii. ET IACIAM CONTRA TE AGGEREM. Alii: I. & obsidebo te turri lignea. II. & cingam contra te stationem, seu propugnaculum, in quo in obsidione stant milites. III. & pressuram tibi faciam, id est, pugnabo contra te, statione, id est obsidione. IV. & angustum tibi faciam munitionem. V. obsidebo te lativis. VI. & coarctabo super te constitutam, vel turrem stantem. Hispanicus: y combaite he con ingenios. ET MUNIMENTA PONAM IN OBSIDIONEM TUAM. Heb. & surgere faciam, vel exigam, excitabo, contra te munitiones, scilicet obsidionis. Alii: aggeres munitionum. Nonnulli: obsidionalia munimenta. Hispanicus: y levantare contra ti baluartes, id est propugnacula. Harum autem minarum complementum vide II. Reg. xxv. 1. & sequentibus.

V. 4. HUMILIABERIS, DE TERRA LOQUERIS. Heb. Deprimeris, deiciaris. Quidam: Adeo ut deiecia de terra loquaris, &c. id est, humillime & submississime loqueris, ut ii faciunt qui corpore & animo aiebti sunt. ET DE HUMO AUDIETUR ELOQUIUM TUUM. Futurum semineum תישחשכך, a תישחשך, seu שחשך schachach, aut שחשך schachab, deducunt: incurvabitur, humiliabitur, inclinabitur, prosternetur, deprimetur sermo tuus. Alii cum Scin sinistro, a שחשך swach, meditabitur, confabulabitur, mussitabit, sermo tuus. Quidam reddunt: reflecletur dictum tuum.

V. 5. ET ERIT SICUT PULVIS TENUIS MULTITUDO VENTILANTIUM TE. תרפים zarim, diversissime reddunt: I. Et erit sicut pulvis tenuis, multitudo, copia comprimentium tuorum. II. dispergentium, ventilatorum tuorum, qui te dispergent & ventilabunt, ut Ierem. ii. 2. III. Nam erit ut pulvisculus tenuis, multiudo extraneorum tuorum, seu alienorum; id est, crit multitudo numerosissima hostium tuorum: nam omnes copias Nebuchadnezzar adduxit. ET SICUT FAVILLA PERTRANSIENT, &c. Alii: I. & multiudo tyrannorum quemadmodum polea, que momento ac subito fertur. II. Et veluti gluma transiens multitudine violentorum, alio erit ad momentum, repente; id est, promptissima, & velocissima crit ad exequenda sine mora iudicia mea. FAVILLA. פז פז, proprie, emunctio, emunctura, inde gluma, acer, folliculus ex grano emunctus.

Vide

Vide in Iob xxi. 18. & sup. cap. xvii. 13. EORUM QUI CONTRA TE PRAEVALUERUNT. Heb. *praevalidorum, violentorum, ערצים gharitzim*. Vide Iob vi. 23.

V. 6. ERATQUE REPENTE CONFESTIM.

וְהָיָה עִתְּהֶם לֶפְתָּאֵיִךְ *phitham*; *casui, eventui*, vel *incasum*, seu *in eventum subitanitatis*, vel *repentinis*. Vide in Numer. vi. 9. A DOMINO EXERCITUUM VISITABITUR IN TONITRUO. תִּפְּקֶה *thippakeh*, futurum, potest esse secunda persona masculula: *Ab ipso Iehova exercituum visitaberis*, seu *requireris in tonitruo*, scilicet, tu popule mi: & tertia feminea: *A Iehova exercituum visitabitur*, requireretur, recessabitur, ipsa urbs Davidis videlicet; quod est aptius. IN TONITRUO. Alii, *in concussione, commotione, tremore*, qui sequitur tonitru, vel *in tumultu*. ET COMMOTIONE TERRAE. Alii: *in terra motu, in concussione*. ET VOCE MAGNA. Alii: *sonoque magno*, vel *fragore magno*, aut *strepituque ingenti*; id est, fragoris, repentinis, vehementibus, immedicabilibusque plagis, quæ hac verborum congerie allegorice designantur. ET FLAMMÆ IGNIS DEVORANTIS, seu *absumentis*. Nonnulli: *consumente*, haud apte; nam Heb. participium coheret cum igne, cum utrumque sit semineum, non cum flamma, quæ cit generis masculini.

V. 7. ET ERIT SICUT SOMNIUM, &c. Hunc versum alii ex Heb. reddunt: I. *Eritque sicut somnium visionis nocturnæ multitudo omnium gentium, quæ dimicabunt contra Arielem: & omnium militantium contra eam, & munitionem extrumentum contra eam, & angustias afficientium ipsam*. II. *Et erit universa multitudo omnium gentium, quæ adversus Arielem, id est civitatem Davidis, veniunt militatum, seu copias eductura est; & omnis, inquam, exercitus militans contra eum, & qui arceves contra eum excitat, & qui eum obsidione cingunt, ut somnium nocturni visi*. III. *Erit enim tamquam somniet visio nocturno multitudo omnium istarum gentium, quæ militatura sunt contra Arielem, & singuli militaturi contra eam, munitionemque eius, & angustaturi eam*. Aetiologia proxime præcedentis congeriei, quæ gravissimæ calamitates Propheta designavit: Non est mirum, inquit, si Chaldaei in vos intonaturi sunt, &c. nam rapientur odio contra vos insatura-

bili, neque facis habebunt umquam vos crudelissime & inhumanissime contumeliis, plagis, cædibus, incendiisque confectis: quod genus odii fœvissimi & inexplebilis, duabus somniantium figuris illustratur versus sequente. ET OBSEDERUNT. Heb. *& munitionem eius*. Quidam: *& edificantes munitionem, seu propugnaculum, adversus eam*, ad capiendum eam. Forlterus: *& receptus eius, id est contra eam*. Loquitur autem de munitione, in quam milites se recipiunt, & ex illa urbem oppugnant. ET PRAEVALUERUNT ADVERSUS EAM. Heb. *& torquentes eam, vel pressuram facientes ei, aut angustiam, molestiam, infestationem ei, ut supra vers. 2*.

V. 8. ET SICUT SOMNIAT ESURIENS, &c. Dilucidius alii hunc versum ex Heb. transferunt: I. *Erit, inquam, ac si famelicus somniet quod comedat, cumque cuspilat, desiderium eius frustratur; ac si quis siticulosus somniet se bibere, ceterum evigilans, seditus est, & desiderium eius adhuc servet: sic eveniet multitudini omnium gentium, quæ contra montem Tzion pugnatura sunt*. II. *Erit, inquam, ac si somniet famelicus quod ecce comedit, cum autem expergiscit, vacua est anima eius; aut quasi somniet siticus quod ecce bibit, expergectus autem, ecce lassus est, & anima eius appetit: ita erit multitudo omnium istarum gentium quæ militatura sunt contra montem Tzionis; id est, hostis Chaldaei semper ardentissime cluriet, ut ita loquamur, & sitiet malis afficere te, neque adhuc allatis gravissimis malis acquiescet: quam rabiem optime describit Ieremias in Lamentationibus; quasi dicat, Numquam saturabitur calamitatibus tuis. VACUA EST ANIMA EIUS. וַדַּךְ נֶפֶשׁוֹ *nephesh*, hic plerique pro *desiderio*, appetitu accipiunt, ut alibi passim; quasi dicat, Frustratur eius appetitus. Sic paulo inferius. ET ANIMA EIUS VACUA EST. וַדַּךְ נֶפֶשׁוֹ *nephesh*, Forlterus: *& animas eius excurrens, præ fame & siti*. Alii: *& anima eius desiderans, appetens potus*.*

V. 9. OBSTUPESCITE, ET ADMIRAMINI. Alii ex Heb. I. *Tardate, immoramini, insistite, subandi, in cogitatione vestra*; id est, diu ac multum cogitate, quæ causa fuerit tantæ miseriæ: *& admiramini*. II. *Forlterus: Interurbemini, & obstupescite*. Prius est negotii & moræ, alterum admirationis. III. *Facite vos ipsos tardos, vel*

vel tardi *eflore*, id est multum defixi in consideratione vestre calamitatis: & ob-
stufescite, ad vestram stoliditatem & ido-
 latriam. **FLUCTUATE, ET VACILLATE.**
 חֲשַׁחְשֻׁעוּ וְשִׁוְעוּ *hischahschaghu vashoghu*
utrumque verbum, primum geminatum,
 posterius simplex, alii prateritum, alii im-
 perativum faciunt, & ab eadem Radice שׁוּעַ
schagagh, aut שׁוּעַ *schagha*, deducunt;
 varieque exponunt: I. *excitati sunt* propheta-
 ta, & vos *excitaverunt*. II. *reprimite oculos*,
 vel vos, & *suis repressi*. III. *facite*
vos vertere visionem, vel *facite vos divertit*,
 & *divertimini*, vel *diversi eflore*; id est,
 oculos avertos, aut repressos habete, ne
 virtus visiva exteriorum extendatur, & pro-
 ducatur. IV. *oblinite vobis ipsis oculos*, &
eflore obliniti oculis. Ex significato Chal-
 daico V. oblectare sese fecerunt, & vocife-
 ramini; ut primum sit ex שׁוּעַ *schagagh*,
 & posterius ex שׁוּעַ *schuagh*. Alii utrum-
 que ex *schuagh* derivant. VI. *clamave-
 runt*, & *vociferati sunt*, vel *vociferamini*,
 & *clamate*. Tremellius & Iunius hunc
 versum ita reddunt: *Cunctantur, quin ad-
 miramini: delicias agunt, quin vociferami-
 ni: inebriantur, at non vino: vacillant,
 non autem inebriante potu*. Exponunt: *Cun-
 ctantur*, narratio, ut diximus in vers. 1.
 qua exponuntur excidii predicti causae duae,
 una est stupor & cæcitas populi Iudeorum,
 versibus quatuor; altera, obdurationis a
 Deo sententia, vers. 13. & 14. In his au-
 tem verbis (quorum allusiones sunt ele-
 gantissimæ) est contestatio, qua Propheta
 primum omnibus palam facit stuporem po-
 puli, deinde per apostrophem ad populum,
 ipsius officium ostendit, quod si sciret,
 facturus esset. Hæc ita accipienda esse,
 distinctiones docent quæ extant in manu-
 scriptis exemplaribus nostris: *Cunctantur*, in-
 quit, nimirum resciscere, & credere mo-
 nitus servorum Dei; *quin admiramini*, id
 est, rapti in admirationem Deo vos tradi-
 te, & glorificate ipsum; *delicias agunt*, id
 est genio indulgent, & cupiditatibus; *quin
 vociferamini*, ad Deum videlicet, multis deli-
 ciis, & omni luxu, implorantes miseri-
 cordiam eius, & tempestive iudicia præver-
 tentes: *inebriantur*, Iudeorum animi stu-
 diis occupati, ne accipiant prophetarum
 verba: metaphore. Ceterum nos ex colla-
 tione Hebraicorum codicum, & meliorum
 Interpretum expositionibus ea tempora &

distinctiones verbis huius versus in nostra
 Translatione apposuimus, quæ nobis aptio-
 ra visa sunt: (Interturbare vos ipsos faci-
 te, & obstufescite: oblectare vos ipsos faci-
 te, & vociferamini: inebriati fuerunt, &
 non vino: moti fuerunt, & non ebriamine.)
MOVEMINI. Heb. potius est prateritum
 quam imperativum: *moti sunt*, vacillarunt,
 nutaverunt, agitati sunt, conculsi sunt. **AB-
 EBRIETATE.** שִׁכָּר *shebechar*, vide in Lev. x. 9.

V. 10. **QUONIAM MISCUIT VOBIS DO-
 MINUS SPIRITUM SOPORIS.** Alii ex Heb.
 I. *Quoniam operuit super vos Iehova spiritum
 soporis*; id est, operuit vos mente soporis,
 hoc est stupore & stoliditate. II. *Nam per-
 fudit vos Iehova spiritum soporis alti*; id est,
 Deus obtinavit animum & oculos vestros
 iusto iudicio suo: vide Romanor. xi. 8. Al-
 legoria. **SOPORIS.** תַּרְדֵּמָה *thardemah*, vide
 in Genes. ii. 21. **CLAUDET OCULOS VES-
 TROS.** Heb. & corroboravit, condensavit,
 compressit, compegit, consolidavit, conspica-
 vit, oblipevit, oculos vestros. Proprie, *of-
 savit oculos vestros*; hoc est, offcos & solido
 reddidit, sine ullo humore & diaphano
 visivo. **PROPHETAS, ET PRINCIPES VES-
 TROS, QUI VIDENT VISIONES, OPERIET.**
 Alii: I. *prophetas vestros*, & *principes ves-
 tros videntes*, id est principes vestros, qui
 providere incommodo debuerant, *obtegit*,
 id est obruit ignorantia. II. *cum prophetis
 etiam primorum vestrorum prudentissimorum
 oculos obtegit*; id est, neque tantum ple-
 bios, sed etiam utriusque ordinis, civilis
 & Ecclesiastici, curatores soporavit: quod
 sequente similitudine illustratur.

V. 11. **ET ERIT VOBIS VISIO OMNIUM,**
 &c. Alii hunc versum ex Heb. eferunt: I.
*Eritque vobis visio omnium verorum pro-
 phetarum sicut verba epistola obsignata,
 quam dabunt ad scientem librum, dicendo,
 Lege nunc istam: & dicit, Non possum,
 quia obsignata est.* II. *Eritque vobis visio
 omnium perinde atque verba libri, qui ob-
 signatus est, quem si offerat quis litterarum
 perito, & dicat, Lege, quæso, istum, res-
 pondebit is, Nequeo, quoniam obsignatus est.*
 III. *Ideo est vobis visio istorum omnium si-
 milis verbis litterarum obsignatarum, quas si
 dent, (impersonaliter dictum, pro quæ-
 dantur) scienti litteris (periphrasis perito-
 rum, ut prophetae atque primores sunt) &
 dicendo, Lege, quæso, hoc; dicit autem,
 Non possum, quia obsignatum.*

V. 12. ET DABITUR LIBER, &c. Alii: I. Quod si datur liber, seu epistola ei, qui non novit litteras, dicendo, *Legenunc istam*: & dicit: Non novi litteras. II. Quod si datur liber litterarum rudi, ac dicatur, *Lege, quæso, istum*; respondet: Non novi litteras. III. Sin autem datur littera ei, qui nescit litteras (periphrasis imperiti & illiterati vulgi) dicendo, *Lege, quæso, hoc*: dicit, *Nescio litteras*.

V. 13. ET DIXIT DOMINUS. Alii: Dixit enim Dominus. Altera pars narrationis, ut dictum est supra in vers. 9. nimirum sententia obdurationis a Deo, exponens causam & iudicium eius, his duobus versibus. EO QUOD APPROPINQUAT POPULUS ISTE ORE SUO, &c. Alii: Propterea quod appropinquans populus iste, ore suo & labiis suis honorant me, &c. Notant duas hic iudiciorum causas explicari: una est hypocritis, altera superbia, non acquiescens præceptis Dei, sed humana anteponeans. Verbi Niphal נִגַּח, duplex est hic lectio; perique enim Hebræorum, quos sequuntur Forsterus, Avenarius, & Schindlerus, cum *Sein* sinistro legunt: *Eo quod adductus fuit, angariatus fuit, oppressus, obtrusus calamitatibus, & angustius, populus iste, ore suo & labiis suis honoraverunt me*; vel quando affligitur, coarctatur, adigitur populus iste, ore suo, & labiis suis honorant me. Alii cum *Sein* dextro: Propterea quod accessus est, vel accessit, appropinquavit populus iste, &c. utitur verbo passivo, ut indicet, non sponte, non vere, non simplici & sincero animo, sed ficto & hypocritico, atque coacto accessisse. Quæ sane lectio omnino præferenda est, quam discrete habet Græcus Interpres Matthæi xv. 8. GLORIFICAT ME. Heb. *aggravaverunt me*, vel *honoraverunt*, *glorificaverunt me*. Possit accipi in malum, ut I. Samuel. vi. 6. quasi dicat, Propterea quod ore tantum & labiis fictis ad me accesserunt, graves mihi fuerunt, molesti, importuni, &c. COR AUTEM EIVS LONGE EST A ME. *pn̄ rīḥāḥ*, ex Pihel, activam habet significationem, *longe, procul removet a me, ablegavit, subaudi, omnia studia sua*; vel *populus cor suum procul removet a me*: nam suppositum verbi *īḥāḥ* potest esse & *populus*, & *cor*. ET TIMUERUNT ME MANDATO HOMINUM ET DOCTRINIS. Heb. I. *suisque timor eorum,*

quo timuerunt me, mandatum hominum edoctum, vel quod docetur, id est humanum, & ab hominibus institutum. II. & est timor eorum erga me doctus præcepto hominum, id est, religio eius populi, quæ me colunt, sita est in præceptis ab hominibus institutis, sine spiritu Dei. III. estque reverentia eorum erga me, præcepto hominum edocta; seu quam præcepto hominum edocti sunt.

V. 14. IDEO ECCE EGO ADDAM UT ADMIRATIONEM FACIAM POPULO HUIUS MIRACULO GRANDI ET STUPENDO. Nota translatio fideliter verba ipsa suo more lectata est: (*Ad sic ecce ego addens ad arduum facere ad populum istum, arduum facere, & arduum.*) Alii: I. Propterea, inquam, ecce ego addens ad mirificandum in populo isto, res mirificas faciendo, & mirum. II. Propterea ecce, ego addo ut mirificem cum populo isto mirabile & miraculum. III. Idcirco ecce ego addo mirificare populum istum, mirificatione & miraculo; id est, reddere populum istum valde mirandum ac mirabilem; quasi dicat, Efficiam ut omnes posthac mirentur fortē, & calamitatem huius populi. Genitio illa mirabile & miraculum, rem maximam & stupendam significat. IV. Idcirco ecce, ego addo, ut mirari faciam populum hunc, ut mirificem & mirabile, vel mirificando & miraculo; id est, miris modis etiam atque etiam admirabilem reddam. V. Propterea, ecce, ego adiciam excessum facere populum istum, arduum scilicet & excessum. VI. Ideo en ipse quoque addam ut mirifice agam cum populo isto, mira scilicet & portentosa. VII. Propterea, ecce, ego adicio ad mirifice tractandum populum istum, mirificatione & mirabili. VIII. Propterea ego addam separare, seu segregare populum istum separando, seu segregando, & separatione, vel segregatione. IX. Idcirco, ecce, ego porrecturus sum res mirificas agere cum populo isto, res mirificas faciendo & mirificum, vel indesinenter, & admirabilis. X. Possis apte reddere: Propterea ego pergam obvelare populum istum, obvelare, & obvelatione, id est obvelare densissima & validissima obvelatione, hoc est cecitate & ignorantia: nam peribit sapientia sapientum, &c. PERIBIT ENIM SAPIENTIA, &c. Alii: & peribit sapientia sapientum eius, prudentia

que prudentium eius sese abdes; id est, non amplius exabit, peribit, ut modo dixit: metaphora; vel evanescet, & de medio tolletur; quasi dicat: Immittam magnam ignorantiam in eos, inter quos erant ante multi viri sapientissimi, & prudentissimi. Vide I. Cor. i. 19.

V. 15. VAE QUI PROFUNDI ESTIS CORDE, UT A DOMINO ASCONDATIS CONSILIUM. Heb. Va profunditibus, vel profundare facientibus a Iehovah, ad abscondere consilium. Alii: I. Va latitantibus a Iehova abdere consilium; id est, qui student latitare & abscondere consilia sua Iehovæ; qui statuunt ac putant se facturos aliquid, quod lateat Deum. II. Va iis, qui sese in profundum abstruunt, ut a Iehova abscondant consilium. III. Va acutis & subtilibus, ut a Iehova, &c. IV. Va profundantibus abdere, vel abdentibus in profundum a Iehova consilium. Secundus hic concionis locus explicat unum peccati genus, cuius causa in populum iudicium denuntiatur est, nimirum hypocrisin, ut diximus in vers. 1. Sunt enim tres huius loci partes: prima est, propositio summa iudicii in hypocritas, hoc versu: secunda, confirmatio per redargutionem, a vers. 16. ad 22. tertia, piorum consolatio inde ad finem capituli. At ergo: Va abdentibus in profundum, &c. id est iis, qui omnem industriam consumunt in consiliis capiendis, quæ etiam Deum ipsum fugere videantur, adeo sua hypocrisis conantur celare Deum, & putant notitiam eius posse subterfugere, ut sequentia verba explicant. Notabis futurum abscondere, ex Hiphil, studiosam, diligentem, & accuratam absconsonem denotare, quæ res suas hypocritæ Deum celare contendunt. QUORUM SUNT IN TENEBRIS OPERA. Heb. & erit in obscuritate opera eorum, id est vel multitudo operum, vel unumquodque ex operibus illorum, distributive. Quæ numeri enallage significat, vel eos magno studio & cura fatigare ut quodque opus eorum lucem & inspectionem divinam subterfugiat; vel unumquodque ex operibus illorum esse magno opere obscurum ac pudendum. Alii: I. & ut opera eorum sint in tenebris. II. qui existentes in tenebris, opere suo quoque dicunt, &c. id est, in abditissimo, occulte institutis, & sententia ipsorum impervestigabilibus consiliis. QUIS VIDET NOS? quasi di-

cat, Ne Deus ipse videt nos.

V. 16. PERVERSA EST HAEC VESTRA COGITATIO, QUASI SI LUTUM CONTRA FIGULUM COGITET. Alii ex Heb. I. Subversio vestra vere sicut lutum figuli reputabitur, id est versio, seu mutatio vestra; quasi dicat: Non tantummodo novit Deus opera quæ facitis, sed vos quoque perdere potest; tam facile enim potest vertere ac mutare sortem vestram, quam facile potest figulus ex luto facere vas quod vult. II. Conversio vestra, seu vertere vestrum, id est consilia, quæ animo versatis, an sicut lutum figuli reputabitur? id est, an initar luti figulini erunt? Miranda plane superbia! nam perinde agitis ac si vos ipsi factores rerum essetis, atque omnia in manu vestra posita haberetis, ut figulus lutum. III. Si versio vestra, id est formatio vestri est veluti lutum, seu versio luti in manu figuli, quando dicit opus factori suo, &c. quasi dicat: Qui estis vos, qui audetis vos Deo opponere, eiusque decreta aut sapientiam intervertere, cum sitis opus Dei, magisque ab illo pendetis, quam lutum a figulo? IV. Quæ vestra perversitas ut lutum figuli reputabitur, si dicat opus factori suo, &c. V. Vertere vos, vel res inverti a vobis, an sicut lutum figuli reputandum est? Confirmatio per redargutionem ex antitheto a persona ipsorum & persona Dei; prius enim argumentum est: Putatisne vobis esse tam facile factum ut evertatis consilia Dei, & rebus omnibus utamini arbitrato vestro, quam facile est figulo tractare lutum atque transformare? hoc versu: posterius autem: Immo vero hoc unus Dei est, atque ita se habere, factum experimini, versibus sequentibus. ET DICAT OPUS FACTORI SUO, &c. Quidam hanc partem ex Heb. ita reddunt: Cum dicit opificium de opifice suo, Non fecit me, etiam figmentum dicere poterit (nam potentialis est, ut vocant, significatio) de ficlore suo, Non intelligit. Hypothesis ironica, sive concessio, qua in ludibrium traducit Deus hypocritarum arrogantiam: Mirum est, inquit, vos ita desipere, ut ne ipsa quidem naturæ principia cognoscatis; prius enim opus negabit opificem suum, aut factum insectum crit, quam consilia & cogitationes vestras fugiant cognitionem meam, nedum ut minimam eorum consiliorum partem labelscent. Non ry-

TELLIGIS. Heb. *Non intelligere fecit*. Verbum ex Hiphil significatum intendit; id est, non cum iudicio & intelligentia observavit, quid fecerit.

V. 17. NONNE ADHUC IN MODICO ET IN BREVI, &c. Alii ex Heb. I. *Nonne adhuc paululum paululum, & convertetur Lebanon in Carmelum, & Carmelus ut silva reputabitur?* quasi dicat: Intra brevissimum tempus omnia immutabuntur; nam futurum est ut superbi, & qui in summo sunt honore, humilientur ac deprimantur, humiles vero ac depressi exaltentur. Kimchius ita exponit: Metaphorice notat quod ii, qui modo sunt excelsi ut cedri Lebanon excelsæ, erunt sicut arbores Carmel, quæ sunt humiles: & Carmel in silvam reputabitur; id est, ii qui modo sunt humiles ut arbores Carmel, erunt excelsi ut arbores silvæ Lebanon. II. *An non adhuc brevissimo tempore Libanus redigetur in agrum planum, seu seracem, & ager planus in silvam, seu & ager serax in saltum?* III. *At non adhuc paulisper tempore pusillo, etiam convertetur Libanus in arbum? & arbum pro silva reputabitur?* Altera pars antitheticæ, qua Deus contra quam putabant hypochritæ, potentiam suam asserit; quasi dicat, Mecum est momento deicere elatos, ut exaltare humiles: quod per allegoriam hoc versu dictum, in sequentibus ab effectibus illustratur. כרמל Carmel, hic non proprie accipiunt pro monte Carmelo tribus Afferis, sed pro agris, arvis, vallibus, planis ac depressis & frugiferis: ut supra cap. x. 18. & cap. xvi. 10. Vide infra cap. xxxii.

V. 18. ET AUDIENT IN DIE ILLA, &c. Quidam hunc versum ita ex Heb. explanant: *Et audient die illa surdi isti verba litterarum, de quibus supra vers. 11. & 12. & ex caligine atque e tenebris, in quas putaverunt se profundissime abditos esse a Iehova, supra vers. 15. oculi eorum videbunt.* Notant hoc versu describi effectum interminationis de cædendo Libano, quo fere elati & insolentes homines figurantur: Tam gravior (inquit Deus) percutiam illos, ut velint nolint cogantur audire, videre, & sentire modis omnibus iudicia mea: ad quorum denuntiationes agebant surdos, & cæcutiebant ad signa. ET DE TENEBRIS, ET CALIGINE. Heb. & de caligine, & de obscuritate. Quidam: *ablati caligine ac tenebris.*

Bib. Sac. Tom. XVII.

V. 19. ET ADDENT MITES IN DOMINO. &c. Alii: *Et cumdabunt mansueti in Iehova letitiam: cœnissimique hominum in Sancto. Israelis exultabunt, vel gessient præ letitia, tripudiabunt.* Effectus promissionis de arvo in silvam attollendo, supra vers. 17.

V. 20. QUONIAM DEFECIT QUI PRÆVALEBAT. Alii: *Quod defecit pravaliidus, vel violentus, formidabilis, tyrannus: vide in Iob xv. 20. ET CONSUMMATUS EST FLUSOR.* Heb. & consumetur, deficiet, cessabit, evanescet illusor, vel derisor. Quidam, *defeceritque derisor.* ET SUCCISI SUNT OMNES QUI VIGILABANT SUPER INIQUITATEM. Alii ex Heb. I. *excidenturque omnes, qui iniquitati invigilant, vel qui perseverant in iniquitate.* II. & excisi fuerint quicumque sedulo observant vanitatem. III. Fortiter: & excidentur omnes advigilantes iniquitatis. IV. Fortius: & succisi sunt omnes vigiles concupiscentia, seu cupiditatis, id est qui excubias agunt, & in hoc maxime intenti sunt, ut concupiscentiam tueantur ac foveant. De voce מן *aven*, quam hic concupiscentiam, seu cupiditatis vertimus, vide in Genes. xlix. 3. & Numer. xxv. 21. Possit hic cultum sine fide significare, seu vanum, superstitiosum & idololatricum cultum, ut supra cap. 1. 13. & I. Samuel. xv. 23. Ex Heb. proprie reddes: & excidentur omnes advigilantes concupiscentia; id est, vigilanter attendentes, intente observantes concupiscentia, seu pravæ cupiditatis.

V. 21. QUI PECCARE FACIEBANT HOMINES IN VERBO. Alii: I. *peccare facientes hominem in verbo; id est, peccatum ei imponentes, & iudicantes eum peccasse in verbis; quasi dicat: Qui in singulis verbis carpere solent doctorem prophetam, qui eos corripuit, omnia in malam partem accipientes.* II. *peccati reum peragentes hominem propter verbum, id est suscepta offensione etiam levissima de causa, aut plane nulla.* III. Hispanicus Interpres: *Los que hazian peccar al hombre en palabra, id est, los impios prophetas que hazian granjeria de los votos temerarios del pueblo, Eclesi. v. 1. ET ARGUMENTUM IN PORTA SUPPLANTABANT.* Heb. & arguenti in porta, id est publice, palamque, nam in portis habebantur iudicia, & con-

C

ven-

ventus publici, laqueos ponent, tendent, complicabunt. Nonnulli Hebraeorum futuram *יעשען* *ieseschau*, non a *קש* *akafch*, illaqueare, sed a *קש* *kufch*, vel *קש* *ka-ehfah*, colligere quisquilas, deducunt: ut sit hic minutissima quoque in aliquo contumeliose colligere, perlerutari, ingerere, unde pro inequare lumunt, redduntque: *Et arguentem in porta increpabunt*; proprie, *quisquilabunt*; id est, perlerutabuntur in eo quisquilas, palcas, stipulas, & minutias qualvis calumniarum, contumeliarum, & undequaque venabuntur etiam ex levissimis rebus materiam iniuriarum. Nonnulli reddunt: *Et corripienti ponentes tendendam in porta*, ut facilius in ingressu vel egressu urbis impingat, seu corruat. **ET DECLINAVERUNT FRUSTRA A IUSTO.** Alii ex Heb. I. *Et declinant in vanitate iustum.* II. *Et caere facient falso iudicio iustum.* III. *denique pervertentes sua iustitiam iustum.* IV. *declinareque faciunt frustra iustum.* V. *Et declinant ad nihilum, vel ad vanitatem iustum*, id est causam iusti; quasi dicat, Cadere faciunt causa sua iustum, evanescere faciunt causam iusti. VI. Forsterus: *Et stectunt inordinatione iustum*; id est, abducunt inopia doctrina. Nam hoc nomine *תול* *tolu*, interdu Spiritus Sanctus appellat idola, & numina commentitia, adeoque illam ipsam idololatricam, atque falsos cultus contra praescriptum verbum Dei, & ordinationem divinam institutos: qui conscientias neque excolunt, neque confirmant, sed potius confundunt, perturbant, & vastant: ut I. Samuel. xii. 21.

V. 22. PROPTER HOC HAEC DICIT DOMINUS AD DOMUM IACOB. Alii: *Idcirco ait Iehova de domo Israhel.* Tertia pars, ut dictum est in vers. 15. consolatio reliquiarum a promissionibus Dei malum arcantis ab Ecclesia, eamque servantis, & informantis. **QUI REDEMIT ABRAHAM**; id est, adductus sola sua & gratuita misericordia, qua Abrahamum servavit, ex idololatria liberans, & posterorum salutem sponddit ei. Alii: liberavit eum de manibus impiorum Chaldaeorum, & de confortio ac contagio nationis pravae. **NON MODO CONFUNDETUR IACOB.** Alii: *Non iam, vel posthac erubescet*, seu *pudescet*, id est cum praedictum opus effecero, *Israhel*, id est Ecclesia, quae haecenus abundavit

filii degeneribus, ac propterea probis affecta est atque deformata. **NEC MODO VULTUS EIUS ERUBESCE.** Alii: I. *neque nunc rubore perfundentur facies eius.* II. *neque iam facies eius expallesce.* III. *neque nunc facies suas avertent*, scilicet pudet. IV. *neque nunc facies eius verebuntur*, id est verecundia afficiuntur. Potest significatus verbi *חור* *char*, descumi a *חור* *chur*, albo, candido, *allescet*, id est expallesceat pra metu ac trepidatione: vel a *חור* *chor*, *foramine*, quasi pra pudore, seu timore velint se in foramen abdere. Similis est acceptio verbi *חפר* *chaphar*, *insodere*.

V. 23. SED CUM VIDERIT FILIOS SUOS, OPERA MANUUM MEARUM. Alii: *Nam cum videbit nates suos opificium manuum mearum*; id est, regeneratos Spiritu meo: quo modo accepit Paulus Ephesior. ii. 10. Hic natos per Spiritum, nedum reliquias Israelis secundum carnem, sed universos filios Dei, etiam ex gentibus adunatos in Ecclesia accipiunt. **ET SANCTIFICABUNT: Ecclesia cum filiis. SANCTUM IACOB.** Heb. *Sanctum Israhel*; id est, eum quem sancte colit Ecclesia, sanctissimum & sanctificatorem hominum. **PRADICABUNT.** Varie alii ex Heb. 1. *timebunt*, *formidabunt.* 2. *praevalere facient*; id est, facient ut eum alii timeant, & tamquam terribilem admirentur. 3. *praevalere fient*, in ipsos, live facient ut eis praevalcant, id est expavescent. 4. *expavescentium pradicabunt.* Nos: *praevalidabunt*, seu *praevalere facient*; hoc est, celebrabunt eius praevalentiam, robur, potentiam, vim, &c.

V. 24. ET SCIENT ERRANTES SPIRITU INTELLECTUM. Alii: *Ut cognoscant errandi spiritum prudentiam*; id est, miseri homines seducti a via veritatis, ac proinde huc illuc impulsii variis doctrinarum ventis. **ET MURMURANTES.** Heb. *Et grunnientes, ringentes, murmurantes, susurrantes, obstreperi.* **DISCENT LEGEM.** Heb. *accceptionem, perceptionem, doctrinam perceptam, disciplinam, institutionem*, ut Proverb. i. 5. Quidam reddunt: *Et susurrantes discant doctrinam*; id est, qui prius prophetis obstreperant, eorumque monita tulerant indignissime, discant conticescere, & placide accipere doctrinam Dei.

ME-

MENOCHII.

Vers. 1. **VAE ARIEL.** Ariel hic significat Ierusalem, ut patet ex sequentibus, & dicitur Ariel, id est Leo ob fortitudinem, & principatum. **QUAM EXPUGNAVIT DAVID:** cum prius illam tenerent Iebusei. Vide I. Paralip. cap. xi. 5. **ADDITUS EST ANNUS AD ANNUM;** quasi dicat: Post duos, id est paucos annos, Ierosolymæ maiestas evertetur, tuncque eius festa erunt evoluta, & cessabunt.

V. 2. **CIRCUMVALLABO ARIEL:** primo per Chaldaeos, deinde per Romanos. Huc alludit Christus Luc. xix. 47. cum ait: *Circumdabunt te inimici tui vallo,* &c. **ET ERIT MIHI QUASI ARIEL,** id est ut Leo, circa quem multa sunt cadavera: vel, quia Ariel significat etiam altare, sensus erit: Ierusalem erit similis altari sanguine redundanti, iuxta quod multæ victimæ occise iacent. Tandem quia Ariel etiam significat maledictionis, seu peccati arietem, qui pro peccato in altari offerri solebat, sensus esse potest: Væ tibi Ierusalem, quæ prius eras quasi Leo fortissimus, nunc autem quasi aries propter scelera macTABERIS.

V. 3. **QUASI SPHAERAM,** id est undique cingam obsidione.

V. 4. **DE TERRA LOQUERIS:** ut victi atque prostrati solent, dum sibi parci a victoribus rogant. **ERIT QUASI PYTHONIS VOX TUA:** gracilis, flebilis, confusa, qualem edebant ii qui habebant spiritum pythonis. Vide dicta I. Reg. xxviii. 7. **MUSSITABIT,** id est submissa loquetur voce.

V. 5. **SICUT PULVIS TENUIS,** id est innumeræ. **VENTILANTIUM TE,** exagitantium te. **ET SICUT FAVILLA PERTRANSIENS:** significatur multitudo hostilis exercitus, & simul innuitur mox a clade Ierosolymorum Chaldaeos dissipandos, sicut pulvis, aut favillæ disperguntur, quas vehemens distat ventus.

V. 6. **VISITABITUR IN TONITRUO,** & c. variis metaphoris significat acrem, & gravem fore cladem Chaldaeorum, qua illos puniet Deus.

V. 7. **SICUT SOMNIUM VISIONIS NOCTURNÆ:** ipsi, eorum exercitus, magni-

tudo, potentia, & superbia, ut somnium nocturnum evanescet.

V. 9. **OBSTUPESCITE.** Redit ad vastitatem Iudæorum, & eos alloquitur; quasi dicat: O stupidi, fluctuantes, & ebrii, Deo sic vos ob peccata puniente. Vel sunt imperativa pro futuris; Obstupescetis, admirabimini, fluctuabitis, eritis quasi ebrii, &c.

V. 10. **MISCUIT VOBIS SPIRITUM SOPORIS:** metaphora sumpta est ab iis, qui potum temperant, & propinant: sententia est, permixturum Deum ut in errores labantur, nec tamen se decipi magis intelligant quam si gravi vetero sopiti essent: vide dicta supra xix. 14. **PROPHETAS,** &c. Operire Prophetas, est facere ne intelligantur, mentem non illuminando ut eorum sensa assequi possint. **PRINCIPES VESTROS:** frequens enim erat apud Iudæos, ut Duces, & Principes populi visiones, & revelationes a Deo acciperent, essentque Prophete.

V. 11. **OMNIUM, Prophetarum.** **SICUT VERBA LIBRI SIGNATI:** involuti, complicati, & clausi. **QUEM CUM DEDERINT,** &c. Sententia est: Oracula hæc tam sapientibus quam insipientibus fore abstrusa, & incognita.

V. 13. **APPROPINQUAM ORE SUO.** Hoc est quod ex hoc Isaïæ loco dicit Dominus Matth. xv. 8. *Populus hic labiis me honorat, cor autem eorum longe est a me.* **TIMUERUNT ME MANDATO HOMINUM, ET DOCTRINIS;** id est, coluerunt me (timere enim Deum est Deum revereri, & colere,) sed non iuxta id quod a me preceptum est, sed iuxta hominum, & scribarum suorum traditiones inanes, & perverfas.

V. 14. **IDEO ECCE EGO,** &c. Sententia est: Idcirco miraculo plene grandi, in hoc genus hominum tale edam offensio, & indignationis documentum, ut populo, si sapiat, admirationem admittere debeat. **PERIIT ENIM SAPIENTIA,** &c. Faciam ut Iudæorum magistri, qui præ ceteris sapere videntur, insipientes fiant. Hoc est, quod miraculum fore dixit. Sapiencia enim est sapientis; quare quasi miraculum est facere ut sapiens sapientiam non habeat, immo sit insipiens. **ET INTELLECTUS,** &c. est repositio eiusdem sententiæ.

V. 15. **PROFUNDI CORDE:** qui adeo profun-

funda, & secreta intus consilia, ut putetis ad ea providenda non posse penetrare Dei oculos.

V. 16. PERVERSA: stulta, & mala. NON INTELLIGIS. Chald. *non intelligis me*. LXX. *Non sapienter fecisti me*.

V. 17. IN MODICO. Post septingentos annos, qui tamen modicum quid sunt comparatione aeternitatis, & respectu temporis, quo duratura est Christi Ecclesia. CONVERTETUR LIBANUS IN CHARMEL; id est, steriles, & incultae gentes colentur ab Apostolis, & fertiles fiunt bonorum operum, per fidem, & gratiam Christi. CHARMEL IN SALTUM REPUTABITUR; id est, ager ante fertilis, id est Iudaei, in saltum infrugiferum, & incultum degenerabunt.

V. 18. SUADI. Per surdos, & cecos Gentiles intelligit. VERBA LIBRI: oracula Scripturarum. DE TENEBRIS, &c. e tenebris, & caligine ducti in admirabile lumen Dei.

V. 19. ADDENT LAETITIAM: augebunt laetitiam Ecclesiae. MITES IN DOMINO: Gentiles per Christum mansueti, qui miti, & docili animo se formandos permittunt Evangelii ministris. PAUPERES: & censu, & spiritu. IN SANCTO ISRAEL EXULTABUNT, id est in Deo, qui veros Israelitas sanctificat, & ab iis colitur. Ita exultavit Christus cum ait: *Confiteor tibi Pater Domine caeli, & terrae, qui abscondisti haec a sapientibus, & prudentibus, & revelasti ea parvulis*: Matth. XI. 25.

V. 20. QUI PRAEVALEBAT, &c. Iudaeos intelligit, qui in religione, & scientia usque ad Christum praevalebant, quique erant illufores Prophetarum dicentes, *Manda, remanda*, &c. SUCCISI SUNT, a Tito, & Romanis. VIGILABANT SUPER INIQUITATEM; id est, qui toti erant intenti ad malum.

V. 21. IN VERBO, id est verbis suis eos decipientes, & male instituentes, pro divinis praeceptis traditiones suas inducentes. ARGUEM IN PORTA: Prophetas intelligit, qui eorum scelera in portis, id est publice arguebant. SUPPLANTABANT: irridebant, vexabant, & perdere conabantur, calumnias struendo, & falsas accusationes, ut damnarentur ad mortem. FRUSTRA, id est temere, & sine causa. A IUSTO: ab aequitate, & iustitia; vel, a iusto, id est Christo, cuius predicationem

secundis auribus non admittebant, ut par fuisset.

V. 22. DOMINUS, QUI REDEMUIT ABRAHAM: qui Abraham liberavit, & eduxit de Ur Chaldaeorum. NON MODICO CONFUNDETUR IACOB: sed tempore Christi, & Apostolorum, qui Iudaeos obstinatos convincent, & confundent.

V. 23. FILIOS SUOS, Apostolos. OPERA MANUUM MEARUM: quos ego gratia mea abunde instruiam, ut apti sint ad evangelizandum. SANCTIFICANTES NOMEN MEUM: predicatione, & miraculis illud glorificant.

V. 24. ERRANTES SPIRITU, &c. Iudaei, qui prius errabant, scient intellectum ab Apostolis edocti: loquitur de iis, qui Christianam religionem erant amplexuri. MUSCITATORES: qui prius erant murmuratores contra Deum, & illusores Prophetarum.

T I R I N I.

Vers. 1. VAE ARIEL, id est leo Dei *a*, seu leo maximus, id est urbs Ierusalem QUAM olim a Iebuseis infestam EXPUGNAVIT rex DAVID, & ab eo constituta est princeps, regina & caput urbium Orientalium, quae ut lerna fortissima fremdebat & saeviebat in vicinas gentes; nunc heu delenda & stirpitur excindenda mihi ante oculos obicitur. ADDITUS EST ANNUUS AD ANNUM, id est excurrent adhuc aliquot anni *b* & SOLEMNITATES EVOLUTAE SUNT, seu evolvuntur; id est, excurrent aliquot Paschata, & alia anni festa recurrentibus annis peraguntur: & ritibus primo Chaldaeorum, dein & Romanorum,

V. 2. CIRCUMVALLABO ARIEL: ET ERIT MIHI QUASI ARIEL; id est, sic me erga Ierusalem geram, sicut venatores solent erga feroces & noxios leones & leonem, cum illis capiendis insudant: nempe vallis, aggeribus, fossis, cuculiculis, retibus, hastis aggrediar illam.

V. 4. DE TERRA LOQUERIS; quasi dicat: Non tunc amplius attolles cristas, nec grandis tonabis eloquio; sed humi prostrata, eversa & excisa, gemes de terra in qua prostrata iaces sub victoris pedibus: ET ERIT QUASI PYTHONIS VOX TUA; nempe exilis, humilis, gemebunda, flebilis & lugubris, qualis est spirituum vel umbrarum, quas python, id est necromanticus, evocat ab inf.

inferis, & facit loqui sub terra, vel ex ventre hominis, aut alterius animalis: vocanturque etiam ipse *Pythones*.

V. 5. MULTITUDO VENTILANTIUM & exagitantium TE, nempe Chaldeorum & Romanorum, (nam de utrisque hæc exponunt S. Hieronymus, S. Thomas, Hugo, Pintus, & Alvarez) ERIT innumeralis sicut PULVIS ET FAVILLA.

V. 6. ERITQUE REPENTE CONFESTIM, id est aderunt celerrime, & imparatos occupabunt. ET VISITABITUR Ariel a DOMINO; id est, Ierusalem cælitus oppugnabitur omnibus quatuor elementis c. Id ad litteram accidisse volunt Varabius, Castrius & Alvarez. Et de Romana obsidione constat ex Iosepho d, oculato teste: de Babylonica, licet expresse scriptum non sit, non difficulter tamen colligitur ex IV. Reg. ult. & Ierem. xxxix. & lili.

V. 7. ET ERIT hostilis illa Ierusalem oppressio, invasio & destructio per multitudinem OMNIUM GENTIUM; erit, inquam, sicut SOMNIUM VISIONIS NOCTURNAE, ita ut videntes vix credant; addubitent potius, num vigilent, an somnient. Quodque omnium erit miserrimum, hac Ierusalem destructione & expoliatione non satiabitur, non minuetur hostium in vos odium, & insatiabilis aviditas. Erit enim non secus atque ESURIENS ET SITIENS, & in somnio solo nocturno comedens ac bibens: qui cum evigilat, nihilo minus esurit & sitit, pergitque quærere quod voret & bibat. Sic Chaldeus, sic Romanus ab excidio & expoliatione urbis vestre regie tam divitis, tam opulente, nihilo vel multitudinem capitum factus ditior, nihilo mitior, perget in vos perpetuo fœvere, nec unquam illo utemini placato. Ita Forerius, Olorius & Sasbourn.

V. 10. MISCUIT VOBIS DOMINUS SPiritum SOPORIS; Hebraice, altissimum soporem & quasi vœternum. PROPHETAS ET PRINCIPES VESTROS, puta Isaiam, Ieremiam, & reges Iuda, QUI VIDENT, seu videre frequenter solent visiones ac revelationes divinas; Deus iam vobis OPERIET: opericulum seu velamen iis obducens, ut, cum legeritis, vel audieritis, non intelligatis: ita S. Hieronymus, Cyrillus & Procopius. Quomodo vero faciat hæc Deus, nempe non directe, neque in intentione, sed per accideos & indirecte, dixi E-

xodi VII. & alibi.

V. 13. EO QUOD POPULUS ISTE Iudaicus APPROPINQUAT quidem mihi ORE suo, sed COR EIUS LONGE EST a ME leparatum: ET TIMUERUNT, id est coluerunt me, non iuxta mea præcepta & præscripta, sed iuxta HOMINUM traditiones & institutiones partim futes & inanes, partim impias & legi meæ e contrarias. En causam excæcationis & reprobationis Iudæorum!

V. 15. PROFUNDI CORDE; id est, machinantes secreta consilia, quæ putatis etiam Deum ipsum latere.

V. 17. ADHUC IN MODICO; id est, post modicum & breve tempus, nempe inchoative post 180. annos soluta captivitate Babylonica: completive vero post 700. annos, soluta per Christum captivitate diabolica, maximam videbitis rerum commutationem. LIBANUS enim mons infrugifer in Phœnicia, nec nisi arboribus, iisque infructiferis, constans, CONVERTETUR IN CHARMEL montem Iudææ fertilissimum, frugibus, vitibus, olivis maxime abundantem; id est, Gentes steriles hæctenus & incultæ, gratia Christi & ope Apostolorum, fertiles reddentur bonorum operum. E converso CHARMEL; id est, Iudæi olim tempore Patriarcharum & Prophetarum fecundissimi & fertilissimi, in saltum infructiferum & incultum degenerabunt: ita S. Hieronymus, Cyrillus, Procopius & Theodor.

V. 18. ET SURDI hæctenus, & cæci Gentiles, fide Christi illuminati AUDIENT s, intelligent & amplectentur VERBA LIBRI, id est oracula Prophetarum, mysteria S. Scripturæ, quæ Iudæis tam scientibus, quam nescientibus litteras, id est tam doctis, quam indoctis, velata & incognita sunt: ita iidem. Atque hac via

V. 19. MITES IN DOMINO, id est mansuæfacti per Christum Gentiles, ET PAUPERES, id est inopes fidei ac gratiæ, ADDENT augebuntque Ecclesiæ LAETITIAM.

V. 20. QUI PRAEVALEBAT religione, scientia, gratia, nempe populus Iudaicus, sed ILLUSOR & contemptor Prophetarum & mysteriorum divinorum, DEFECIT, CONSUMMATUS EST, id est plene absumptus, & successus est; primo, per Chaldeos; secundo, per Romanos, quia VIGILABANT SUPER INQUITATEM; id est, ad



ad hoc unum exuebant, ut nocte non minus quam die explerent scelera sua nefanda.

V. 21. ET PECCARE FACIEBANT HOMINES IN VERBO, non divino, sed suo humano, nempe per suaves & perverfas traditiones suas, de quibus vers. 13. itemque per prava consilia, adulationes, minas & subannationes, quibus homines avellebant a pietate & cultu Dei. ET ARGUEM IN PORTA, id est iudicem, qui pro tribunali subinde nequitas illorum damnabat, & castigare parabat, ipsi structis calumniis, dolis, largitionibus, aliisque insidiis supplantabant & eludebant, *declinantes a iusto*, id est a iustitia & aequitate, idque FRUSTRA, id est sine causa, sine fructu.

V. 22. PROPTER HOC, & propter omnia supradicta scelera, HAEC Dicit DOMINUS, QUI REDEMIT ABRAHAM de Ur Chaldaeorum, CONFUNDETUR IACOB, seu populus Iudaicus, confusione maxima & coram toto orbe, *non tamen MODO*, tempore Isaiae:

V. 23. SED CUM VIDERIT FILIOS SUOS, paucos aliquot & selectos, OPERA MANUUM MEARUM, id est singulari cura mea formatos & instructos, IN MEDIO SUI, id est publice & passim, SANCTIFICANTES & celebrantes NOMEN MEUM, ET SANCTUM IACOB, ET DEUM ISRAEL, id est Messiam praedicantes. Quod inchoarunt captivi Babylone, sed compleverunt Apostoli & discipuli Christi omnes filii Iudaeorum, & ex Iudaeis prognati. Hos enim cum Iudaei videbunt, impune colentes ubique terrarum Deum & Christum, se vero privatos omni cultu & sacrificio, utpote exciso & exulso templo suo, confundent iure merito, & ab omnibus etiam iridebuntur: ac tum denum, sed malo suo.

V. 24. SCIENT INTELLECTUM libri iam clausi, ET DISCENT LEGEM, seu decreta verae legis Dei, quam praedicarunt Prophetæ, & Christus explicuit, & tot signis ac miraculis, tum per se, tum per discipulos suos comprobavit. Nempe videbunt & sentient, cogenturque tunc fateri, quia *digitus Dei est hic*, quantumcumque maneat ipsi ERRANTES SPIRITU, ET MUSSITATORES, seu murmuratores contra Deum & Christum & veram legem ipsius. Interim probro summo sibi ducent, quoti, exhere-

datis Iudaeis, qui filii erant & hereditas Dei, Gentiles & alienigenæ adoptentur. Quod toties praedictum, noluerunt unquam credere futurum: at, cum factum viderint, pudore protinus, sed serius suffundentur: ita fere Procopius & Dionysius.

- (a) Genes. xxxiii. 10. & Psal. xxy. 7.
(b) Prolegom. de Idion. Heb. n. 44.
(c) Sap. v. 18. & seqq.
(d) Ioseph. Lib. viii. Belli c. xii.
(e) Matth. xv.
(f) Ioan. ix. 39.

GORDONI.

Vers. 1. VAE ARIEL, &c. Dixi iam & 2. hanc civitatem esse Ierusalem. David Sionem expugnavit: additus est annus ad annum, hoc est, post paucos annos cessabunt dies festi. Sed quam inepte Calvinus per Ariel intelligit Romanam Ecclesiam; o varem insulsum! eversa quidem Roma fuit, sed non Romana Ecclesia: nulla Scriptura id docet, sed potius expresse facit Scriptura Ecclesiam perpetuam contra portas inferi. At quid illud, ERIT MIHI QUASI ARIEL? Per allusionem videtur quibuscumque Ariel idem quod maledictus; sed rectius designat altare illud sic vocatum Ezech. cap. xlii. hoc est, erit ut altare, circa quod iacent iugulatae pecudes, & quasi natantes in sanguine; sic Sion erit.

V. 5. ET ERIT SICUT PULVIS, &c. Hic vaticinatur de excidio Chaldaeorum: Brevis, inquit, flagellum hoc Sionis flagellabitur a Cyro; quod varia similitudine explicat.

V. 9. OBSTUPESCITE, ET ADMIRAMINI, &c. Post parenthefin de Chaldeis, regreditur ad Iudaeos, quibus zelo sancto itatus, obicit cecitatem & vecordiam, declarans quæ obvenient a Domino, qui immisso spiritu soporis claudet Iudaeorum oculos, subducendo gratiam efficacem ob eorum demerita. Sicut signatus & elatus illis liber manebit continens Prophetarum oracula; recte, & vers. 15. hos vocat corde profundos, seu occultantes ita suas cogitationes, ut putent Deum non videre quod moliantur.

V. 17. NONNE ADHUC IN MOTO, &c. Sermo est de Iudaeis, non de eversione; sed quod

quod longe probabilis est, de multarum gentium conversione ad Christum: nec est quod quicquam obiciat, non esse modicum seu breve tempus ab Italia ad Christum. Sunt quidem (quod probabile est) 800. anni; at Prophetis, quibus res sunt praesentes, & distantiora intuentur, breve tempus hoc est. Est itaque hic sermo de vocatione gentium, & reprobatione Synagoga, quando, ut plures interpretantur, Labanus gentes designans vertetur in Carmelum; & Carme-


lus designans Iudaeos vertetur in saltum. Sic Gentiles multos docebunt Apostoli, ut sint feraces bonorum operum, & exultabunt in Sancto Israel Christo.

V. 22. PROPTER HOC, &c. Loquitur Deus (qui vocavit Abraham de Ur Chaldeorum) designans veniente Christo, non tantum tunc confusionem, pudorem & poenitentiam quorundam Iudaeorum (per Apostolos qui sunt ex semine Abraham) sed etiam plenam conversionem in fine mundi.



CAPUT XXX.

Comminatio adversus Iudaeos, qui Domino inconsulto prementibus Assyriis ad Aegyptios confugiebant: ipsis quoque prophetarum admonitiones audire nolentibus, sed vana praesidia quaerentibus, gravem denuntiat afflictionem: & quam fit Deus futurus benignus ad ipsum revertentibus: & de magna revertentium felicitate, ac iudicio impiorum.

1.  AE filii desertores, dicit Dominus, ut faceretis consilium, & non ex me; & ordiremini telam, & non per spiritum meum, ut adderetis peccatum super peccatum: 2. qui ambulatis ut descendatis in Aegyptum, & os meum non interrogastis, sperantes auxilium in fortitudine Pharaonis, & habentes fiduciam in umbra Aegypti. 3. Et erit vobis fortitudo Pharaonis in confusionem, & fiducia umbræ Aegypti in ignominiam. 4. * Erant enim in Tani

principes tui, & nuntii tui usque ad Hanes pervenerunt. 5. Omnes confusi sunt super populo, qui eis prodesse non potuit: non fuerunt in auxilium & in aliquam utilitatem, sed in confusionem & in opprobrium. 6. Onus iumentorum Austri. In terra tribulationis & angustiae læna, & leo ex eis, vipera, & regulus volans, portantes super humeros iumentorum divitias suas, & super gibbum camelorum thesauros suos, ad populum qui eis prodesse non poterit. 7. Aegyptus enim frustra & vane auxiliabitur: ideo clamavi super hoc: Superbia tantum est, quiesce. 8. Nunc ergo ingressus scribe ei super buxum, & in libro diligenter exara illud, & erit in die novissimo in testimonium usque in æternum: 9. populus enim ad iracundiam provocans est, & filii mendaces, filii nolentes audire legem Dei. 10. Qui dicunt videntibus: Nolite videre, & aspicientibus: Nolite aspicere nobis ea, quæ recta sunt: loquimini nobis placentia, videte nobis errores. 11. Auferte a me viam, declinate a me semitam, cesset a facie nostra sanctus Israel. 12. Propterea hæc dicit sanctus Israel: Pro eo quod reprobastis verbum hoc, & sperastis in calumnia & in tumultu, & innixi estis super eo: 13. propterea erit vobis iniquitas hæc sicut interruptio cadens, & requisita in muro excelso, quoniam subito, dum non speratur, veniet contritio eius. 14. Et comminuetur sicut conteritur lagenæ figuli contritione pervalida: & non invenietur de fragmentis eius testa, in qua por-

portetur igniculus de incendio, aut hauriatur parum aquæ de fovea. 15. * Quia hæc dicit Dominus Deus sanctus Israel: Si revertamini & quiescatis, salvi eritis: in silentio & in spe erit fortitudo vestra. Et nolulistis: 16. & dixistis: Nequaquam, sed ad equos fugiemus: ideo fugietis. Et super veloces ascendemus: ideo velociores erunt, qui persequentur vos. 17. Mille homines a facie terroris unius: & a facie terroris quinque fugietis, donec relinquamini quasi malus navis in vertice montis, & quasi signum super collem. 18. Propterea expectat Dominus ut misceatur vestri: & ideo exaltabitur parcens vobis; quia Deus iudicii Dominus: beati omnes qui expectant eum. 19. Populus enim Sion habitabit in Ierusalem: plorans nequaquam plorabis, miserans miserebitur tui: ad vocem clamoris tui statim ut audierit, respondebit tibi. 20. Et dabit vobis Dominus panem arctum, & aquam brevem: & non faciet volare a te ultra doctorem tuum: & erunt oculi tui videntes præceptorem tuum. 21. Et aures tuæ audient verbum post tergum monentis: Hæc est via, ambulate in ea: & non declinetis neque ad dexteram, neque ad sinistram. 22. Et contaminabis laminas sculptilium argenti tui, & vestimentum conflatilis auri tui, & disperges ea sicut immunditiam menstruata. Egrederere; dices ei: 23. Et dabitur pluvia semini tuo, ubicumque seminaveris in terra: & panis frugum terræ erit uberrimus, & pinguis; pascetur in possessione tua in die illo agnus spatiosæ: 24. & tauri tui, & pulli asinorum, qui operantur terram, commistum migra comedent sicut in area ventilatum est. 25. Et erunt super omnem montem excelsum, & super omnem collem elevatum, rivi currentium aquarum, in die interfectionis multorum cum ceciderint turre. 26. Et erit lux lunæ sicut lux solis, & lux solis erit septemplex sicut lux septem dierum, in die qua alligaverit Dominus vulnus populi sui, & percussuram plagæ eius sanaverit. 27. Ecce nomen Domini venit de longinquo, ardens furor eius, & gravis ad portandum: labia eius repleta sunt indignatione, & lingua eius quasi ignis devorans. 28. Spiritus eius velut torrens inundans usque ad medium colli, ad perdendas gentes in nihilum, & fraxum erroris, quod erat in maxillis populorum. 29. * Canticum erit vobis sicut nox sanctificatæ solemnitatis, & lætitia cordis sicut qui pergit cum tibia, ut intret in montem Domini ad fortem Israel. 30. Et auditam faciet Dominus gloriam vocis suæ, & terrorem brachii sui ostendet in comminatione furoris, & flamma ignis devorantis: allidet in turbine, & in lapide grandinis. 31. A voce enim Domini pavebit Assur virga percussus. 32. Et erit transitus virgæ fundatus, quam requiescere faciet Dominus super eum in tympanis & citharis: & in bellis præcipuis expugnabit eos. 33. Præparata est enim ab heri Topheth, a rege præparata, profunda, & dilatata. Nutrimenta eius, ignis & ligna multa: status Domini sicut torrens sulphuris succendens eam.

B R U G E N S I S

ROMANÆ CORRECTIONES.

Verf. 4. *Erant enim in Tani.* Non est mutandum *erant* a *sum*, in *ierant* ab eo.

Verf. 15. *Quia hæc dicit Dominus Deus sanctus Israel.* Non omittas nomen *sanctus*,

Verf. 29. *Canticum erit vobis, sicut nox sanctificata solemnitatis.* Egregie Correctores scripserunt *nox*, quæ est altera pars diei, pro eo quod plerique vitiose legunt *vox*, id est clamor.

COMMENTARIA

MALDONATI.

Verf. 1. **V**AE FILII. Filiis (est enim comminantis) defectoribus, id est rebellibus, qui contra Deum rebellatis. **UT FACERETIS**, id est qui a Deo rebelles fuistis, ut exequeremini vestra consilia, & non mea. **ET ORDIREMINI TELAM**, id est consultaretis sine spiritu meo. Heb. לְנֶפֶשׁ סֶסֶם, quod alii vertunt, ut segetes (vos) tegumento, id est ut confugeretis ad protectionem AEgyptiorum. Alii, ut absconderetis secretum, id est iniectis secreta consilia sine me, ut ante dixit. **UT ADDERETIS PECCATUM**. Unum peccatum erat Dominum relinquere: aliud ad AEgyptios hostes Dei se conferre.

V. 2. **QUI AMBULATIS**. Verbum ambulandi, & descendendi hanc vim habet hoc loco, ut si diceret, Magnum laborem suscipitis ut peccetis: longum iter suscipitis ut queratis humanum auxilium, cum habere possietis divinum domi. **ET OS MEUM**, id est Prophetas meos: **SPERANTES AUXILIUM**. Heb. לְעֹז בְּסֶעֶן, adrobendum in robore Pharaonis (adverbium) id est, ut se defendant auxilio Pharaonis regis AEgypti. Heb. non est secunda persona, sed tertia. **IN UMBRA**, id est in protectione: metaphora ab umbra arborum, in qua sessi requiescunt.

V. 3. **ET ERIT VOBIS**; id est, sentietis nihil vobis prodesse Pharaonis auxilium, id est humanum, (ponit enim certum pro incerto) & poenitebit vos non usos fuisse meo.

V. 4. **ERANT ENIM IN TANI PRINCIPES TUI**; id est, legati tui erant semper in Tani, quae praecipua AEgypti civitas erat, ut vidimus supra cap. XIX. 13. & Psal. LXXVII. 12. **ET NUNTII TUI USQUE AD HANES**. Et haec AEgypti civitas est; aut, ut alii putant, etiam ultra AEgyptum, quod valde est probabile, quia statim describit gentis barbariem.

V. 5. **OMNES**. Nuntii, quos ad petendum auxilium misisti, erubuerunt cum viderunt gentis imbecillitatem & barbariem. Hoc idem de iis Christianis dici posset, quorum legati semper sunt Constantinopolim, ut a Turca postulent auxilium.

Bib. Sac. Tom. XVII.

V. 6. **ONUS IUMENTORUM**; id est, prophetia adversus legatos, qui magno iumentorum numero eunt in terram Aultralem, id est in AEgyptum. Ideo enim iumenta nominavit, ut significaret & legationis amplitudinem, & copiam munerum quae a legatis in iumentis portabantur. **IN TERRA TRIBULATIONIS**. Describit difficultatem itineris, quod a legatis suscipiebatur: transcundum enim illis desertum, quod Propheta vocat terram tribulationis & angustiae, ubi sunt leones, & viperæ, & reguli, qui ex cis (terris) egrediuntur. **PORTANTES**. יִשְׂאוּ, qui legati portant super humeros iumentorum divitias suas, ut AEgyptiis donent.

V. 7. **IDEO CLAMAVI SUPER HOC**; id est videns hoc. **SUPERBIA TANTUM EST**; id est, ex superbia tua provenit (o Ierusalem) ut opem ab AEgyptiis petas. **QUIESCE ERGO**, id est, ne inanem laborem sumas, ut ad AEgyptum eas. Alii: קִרְאִי לָיוֹת, *ideo clamavi ad hanc* (Ierusalem dicens) *fortitudo eorum, quiescere*; id est, quod eius fortitudo non consisteret in longa ad AEgyptum profectioe, sed in eo potius ut domi maneat, & a solo Deo precibus auxilium petant.

V. 8. **NUNC ERGO INGRESSUS**. וָאֵלַי, *vade, & scribe eis super buxum, in tabula buxæ, ut longius dures*: עַל לִיטָה, *in tabula*. Verba Dei ad Prophetam. Alludit autem ad Prophetarum consuetudinem: solebant enim prophetias scribere, & templi valvis affigere, ut omnes legerent, quæ postea refixæ inde, in templo asservabantur. Cum autem aliquid maioris erat momenti, Deus iubeat accuratius scribi, ut ab omnibus legi posset, ut Isai. VIII. 1. Ierem. XVII. 1. & Habacuc II. 2. **ET ERIT IN DIE NOVISSIMO**, id est in die iudicii.

V. 9. **POPULUS ENIM ADIRACUNDIAM PROVOCANS**. וְכִי עַם סָרִי, *qui populus rebellis est*, id est inobediens. **ET FILII MENDACES**, id est dissimiles mei patris sui: ut Psal. XVII. 46. *Filii alieni mentis sunt mihi*.

V. 10. **QUI DICUNT VIDENTIBUS**, id est Prophetis, ut I. Reg. IX. 9. **NOLITE ASPICERE**, id est vaticinari. **VIDETE NOBIS**: סִדְּדוּתָם, *seductiones*.

D

V. 11.

V. 11. **AUFERTE A ME VIAM** (Domini) sub. dicit unusquisque eorum; id est, ne mihi loquamini de via & lege Domini. **REMOVEDE A ME SEMITAM**, id est, sermone de eius lege. **CESSET A FACIE NO- STRA**; id est, ne fiat ulla mentio de Deo coram nobis. Alii, כִּי כִי יָרָךְ, *recedite a via* (Domini, o Prophetae, id est ne de te loquamini) הֲסֵךְ כִּי יָרָךְ, *Declinate a semita* (eius) הַשְׁבִּיט, *cestate facie a facie nostra sanctum Israel*; id est, remove- te longe a nobis omnem mentionem de Deo.

V. 12. **SANCTUS ISRAEL**. Utiur illdem verbis, quibus Iudaei uli fuerant, energiae causa. **PRO EO QUOD REPROBASTIS VER- BUM HOC**, id est prophetiam hanc, & consi- lium meum. **ET SPERASTIS IN CALU- MNIAM**; כְּעֵשֶׂק, *in calumnia, in violentia, in oppressione*; וְנָתַן, & *perversitate*, & *enixi estis*, עָלֵי, *in eis, super eis*.

V. 13. **SICUT INTERRUPTIO CADENS**, id est sicut pars muri interrupti & cor- ruentis. **ET REQUISITA**, id est per quam hostes exquisiverunt & exploraverunt urbem. Heb. כִּבְעָה, id est *tumens, eminens, ex- tans*, ut partes muri quae ruina minui- tur, extare solent: ita R. Ionah; *vel tu- mens*, id est quae crassior est quam funda- mentum: nam murus altus qui crassior est superne, quam inferne, facillime ruit. Il- li ergo comparat iniquitatem Iudaeorum, id est superbiam elatam & tumidam, quae sicut murus ille altus & turgens inopinato corruet.

V. 14. **ET COMMINUETUR**. Heb. & *con- fractio eius*, (id est superbiae Iudaeo- rum) *erit sicut fractio lagenae* (aut *figuli*, id est fictilis terrae quae facillime conquassatur CONTRITIONE PERVA- LIDA, Heb. וְיִסְמַל לֹא, *non parces* (il- lis Deus) *vel non parces lagena*; id est, absque misericordia, confringitur, *vel non parces viribus, qui eam rumpit*, id est rumpet eam totis viribus: quem sensum expressit noster Interpres. **ET NON IN- VENTUR**. Sensus est, fore ut Iudaeorum ruina prior sit, quam ruina excelsi & ru- mentis muri; murus enim cum cecidit, ma- nent lapides & lateres saltem integri, ex quibus reaedificari possit: sed Iudaei cum ce- ciderint, ita comminuantur, ut in pristi- num statum restitui non possent, sicut la- gena minute confracta reſtngi non po- test; id est, damnabuntur ad infernum,

unde nulla est redemptio.

V. 15. **QUIA HAEC DICIT** (DOMINUS), id est monuit vos dicens: **SE REVERTAMINI**, id est si penitentiam e- geritis, & quiescatis, id est domi vos con- tinentis, neque confugiatis ad Aegyptios, iuventis. **IN SILENTIO**, כִּי־שָׁקֶט, *in quie- te & spe*; in eo ut non confertis vos ad Aegyptios, & in eo ut in Domino sper- catis, fortitudo vestra consulet.

V. 16. **AD EQUOS FUGIEMUS**; id est, confugiemus ad Aegyptiolum auxilium, qui equitatu plurimum valent. Ideo fugie- tis (ad hostibus vestris) elegans parono- masia. **ET SUPER VELOCES** (equos) **AS- CENDENUS**; IDEO, **VELOCIORIS ERUNT**. Altera paronomasia: Psal. xxxii. 17. *Fal- lax equus ad salutem*; & Ital. cxlvi. 16. *Nos in fortitudine equi viciniam laboris*.

V. 17. **MILLE HOMINES**. Heb. מֵלֶחֶם אֶחָד, *mille unum*, id est una chilius, Gall. *Une millice d'hommes*. **A FACIE TERRORIS**. Heb. *propter unius hominis terrorem*, id est uno homine vos terrente. Dicit, xxxii. 30. *Quomodo persequabatur unus mille*, & duo su- garent? duo milia? *Nonne ideo quia Deus iunx. vendidit eos*; & Dominus conclu- sit illos? **DEPEC RELINQUAMINI QUAM MALUS NAVIS**; id est, donec ex vobis ne- mo remaneat prater unum, aut alterum, qui sit veluti titimorum & monumentum calamitatis reliquorum; sicut post magnam tempestatem mari altissimos montes aut scopulos superant, in summis scopulis ma- lus aliquis navis vili solet, iamquam mo- numentum praeteriti naufragi, qui prae- teruntibus nautis exemplo est ut navim a- vertant. **ET QUASI SIGNUM SUPER COL- LEM**; id est, ruinosi aliqui parietes, qui ex veteri edificio remanere, qui longe conspiciuntur. Sensus est, ita puniendos esse Iudaeos, ut omnibus gentibus exemplo sint.

V. 18. **PROPTEREA EXPECTAT DOMI- NUS**, id est tardat ut miseretur; quasi di- cat: Quia haec facitis, Deus differt mi- sericordiam suam, quam vobis aliqui praestitisset. Ita ego interpretor ut conveniat particula causalis: nam si interpretemur ut alii, *expectat ut miseretur*, id est expectat conversionem vestram, ut occasionem ha- beat miserendi vestri, non video quomodo conveniat. Alii, sicuti R. David Kimhi, ver-

bum יהנה vertant active: *expectare iubet* vos, quod multo minus mihi videtur coherere. Et IDEO EXALTABITUR. Heb. וְלֹכֵן יִרָם, ut magnitudinem suam misericorde & patiente expectatione magis quam subita severitate declaret. Sicut Ecclesia orat: *Deus, qui potentiam tuam parcendo maxime & misericordiam manifestas.* QUA DEUS IUDICIUM DOMINUS, id est patiens, misericors, longanimis. Opponit enim iudicium precipiti severitati, & impatienti iræ, ut Psal. xxxii. 5. *Diligit misericordiam & iudicium: pro eodem enim accipit, & Psal. cii. Faciens misericordias Dominus, & iudicium omnibus iniuriis patientibus:* & Prov. xxi. 3. *Facere misericordiam & iudicium, magis placet Domino, quam victimæ:* & Ier. x. 24. *Corripe me Domine, verumtamen in iudicio, & non in furore tuo.*

V. 19. POPULUS ENIM, id est reliquæ, quæ superfuerint, sicut malus navis. Vel, ut alii interpretantur, יָם כֶּסֶף, כֶּסֶף יָם, quando populus in Sion sederit; id est, si se domi suæ contineat, (ut dixit supra vers. 15.) neque eat ad Aegyptios, plorans nequaquam plorabit. Ad vocem CLAMORIS, id est simulatque clamaveris.

V. 20. ET DABIT TIBI DOMINUS PANEM ARCTUM. Heb. & dabit vobis Dominus, וְסִים רָחֵץ, & aquam oppressionis צָר לֶחֶם panem angustiae; id est, in mediis angustis, inque rebus maxime adversis non deerit vobis Dominus, (si in Sion, id est in Ecclesia Catholica manseritis) sed suppeditebit vobis omnia necessaria. Vel, ut accipiatur pro postquam; quasi dicat: Quamvis Dominus det vobis panem angustiae & aquam tribulationis, id est affligat vos rerum omnium penuria, res enim omnes ad vitam necessarias per panem & aquam intelliguntur, tamen postea recreabit vos earundem rerum abundantia, quia cum iratus fuerit, misericordiae recordabitur: Tob. iii. 13. & Habac. iii. 2. & Psal. lxxxix. 15. *Exati sumus pro diebus, quibus nos humiliasti, auiis, quibus vilimus mata.* ET NON FACIET AVOLARE A TE DOCTOREM TUUM; id est, tunc non deerit tibi qui te doceat, quia erunt omnes docibiles Dei: Isai. liv. 13. & Ioan. vi. 47. *Et Christus doctor vester vobiscum eris usque ad consummationem saeculi.* Verba Hebraica a-

lium sensum habere possunt: וְלֹא יִכָּנֵן, עַד מִדּוּר, & non auferetur ultra pluvia. Et videbunt oculi tui pluviam tuam, id est non erit ultra sterilitas. Prior sensus quem noster Interpres reddidit, mihi magis placet; quia statim sequitur: ET AURES TUAE AUDIENT, &c.

V. 21. VERBUM POST TERGUM (tuum) MONENTIS, id est pone מִמְחִיר, id est Dei pone loquentis, & viam ostendentis, sicut solet praedagogus pueros praecuntes ducere, ac viam illis ostendere.

V. 22. ET CONTAMINABIS, id est profanabis, eiicies, confringes, ac ita profana esse declarabis, nihilque habere sanctitatis. LAMINAS, צָפִי, opertorium, id est argenteam celaturam idolorum. Solebant enim esse deargentata, vel deaurata: deargentionem ergo & deaurationem noster Interpres vocat laminas argenti & auri tui, id est sculpsit tui deargentati & deaurati. ET DISPERGES, id est eiicies e templo sicut rivum, מִשְׁפָּת, quæ non poterat in templum ingredi, Levit. xii. 2. & xv. 25. EGREDERE, DICES EI: צֵא מִתְּוֹרֵי, potest etiam verti, Dices illi, Immundities (estu.)

V. 23. ET DABITUR PLUVIA. Describit futuram abundantiam rerum omnium. PASCETUR IN POSSESSIONE TUA יָרֵקָה: סִקִּין, pascetur pecus tuum pascuum latum.

V. 24. ET TAURI TUI ET PULLI ASINORUM; id est, non solum equi tui, sed abiectissima etiam animalia quibus terram colis. COMEDENT MIGMA, id est millionem. Ita vocat noster Interpres triticum cum hordeo aut filigine mistum, quale homines solent edere. Hebraice, בִּלְיִל הֶסֶךְ, יִאֲכָלוּ, pabulum purum, quod ventilatum est pala & ventilabro.

V. 25. ET ERUNT SUPER OMNEM MONTEM; id est, etiam in locis aridissimis, quales solent esse montes, magna erit fertilitas, quæ per aquarum copiam significatur. RIVI CURRENT. Heb. בְּרִיכִים, רִיבִים, rivi, rivi aquarum, id est multi rivi. IN DIE INTERFECTIONIS MULTORUM. Heb. בְּיֹם הַחֲרָפָה, interfectionis magnæ, id est postquam Deus magna strage iniquos de medio sustulerit. CUM CEDIDERINT TURRES, id est homines superbi.

V. 26. ET ERIT LUX LUNAR. Theologi solent hoc de fine mundi interpretari

post resurrectionem, putantque ad verbum esse intelligendum, Solem & Lunam futuros multo splendidiore quam nunc. II. Pet. III. 13. *Novos vero celos, & novam terram secundum promissa ipsius expectamus.* Videtur enim ad hunc locum alludere, & ad illud Isai. LXV. 17. *Eccce ego creo celos novos, & terram novam:* & Isai. LXVI. 22. *Sicut cali novi, & terra nova, quas ego facio stare coram me.* Ioannes etiam in Apoc. XXI. 1. dicit se vidisse caelum novum & terram novam. Possumus etiam hunc locum mystice interpretari de tempore Evangelii, quo lux Lunae est sicut lux Solis; id est, cognitio & scientia rerum divinarum tanta est in mulieribus, quae non discunt nisi ex viris, quanta prius erat in viris magnisque Doctoribus. ET LUX SOLIS; id est, scientia in viris ac Doctoribus Ecclesiae erit septuplo, id est multo maior: numerus certus pro incerto. Potest etiam lux accipi pro gaudio & lætitia spiritali. IN DIE QUA ALLIGAVERIT DOMINUS, id est in die redemptionis; tunc enim eventus ipse melius nobis, quam Iudeorum Doctores, omnia Prophetarum vaticinia declaravit.

V. 17. ECCES NOMEN DOMINI, id est Deus, qui vocatur יְהוָה, VENIT DE LONGINQUO, id est longo intervallo, vel ex caelo: describit enim Christi adventum ad iudicium; vel, de longinquo; id est, qui longe abesse putabatur, inopinatus venit, ut Evangelica heri parabola significatur, qui peregre profectus erat: Matth. XXIV. 48. ARDENS FUROR EIUS, ET GRAVIS AD PORTANDUM, id est intolerabilis, quem nemo sustinere poterit. Psal. XLIX. 1. 2. *Deus manifeste venit, Deus noster & non silebit. Ignis in conspectu eius exardebit, & in circuitu eius tempestas valida.* LABAT ETUS. Labiorum & linguae mentionem tantum facit, quia in illo iudicio lingua Christi pugnabit, non manu, dicens, *Ite maledicti in ignem aeternum:* Matth. XXV. 41.

V. 28. SPIRITUS EIUS; id est, furor, ira eius, sicut TORRENS INUNDANS USQUE AD MEDIUM COLLI. Heb. מַיִם יַעֲרֹךְ, usque ad collum mediabit, ad verbum, id est usque ad medium colli, ut noster vertit Interpres multo melius quam Hebraizantes, qui nescio quid fingunt, quod ad regem Assyriorum accommodent. Sed manifestum est Prophetam de Christi adven-

tu ad iudicium, non de Assyriorum rege loqui: vide vers. 31. Per torrentem autem usque ad medium colli inundantem nihil aliud significat, quam impetum & vim, cui nemo possit resistere: nemo enim torrenti usque ad medium collum ascendenti potest resistere. AD PERDENDAS GENTES. Heb. לִהְרֹסָם בְּכַפָּת שׁוֹמַר, ad ventilandas gentes ventilabro vanitatis, id est inuili. Vocat autem inutile ventilabrum quo separantur paleae inutiles, ut comburantur. Sic enim Deus ventilabit malos ut mittat in ignem aeternum: bonos autem etiam ventilabit, sed ventilabro utili; id est, quo triticum & grana utilia ventilari solent, ut a paleis repurgentur. Agricola alio ventilabro paleas ventiliat, scilicet furca, alio grana, nempe vano. Hinc ergo metaphora translata est. Idem Christus faciet in die iudicii: Matth. tti. 12. & Lucæ III. 16. *Cuius ventilabrum in manu eius.* ET FRAENUM. Repetendum est אֶרֶץ רָעָה לְפָנָיו, spiritus eius erit sicut fraenum errare faciens. Fræno ducimus equum quo volumus, sive ad pascua, sive ad mortem & precipitium, ita ut resistere non possit. Significat ergo ita Deum omnes gentes, id est iniquos ad infernum precipitaturum, atque hoc vocat fraenum errare faciens. Psal. XXXI. 9. *In chamo & fræno maxillas eorum constringe, qui non approximant ad te.*

V. 29. CANTICUM ERIT VOBIS SICUT VOX SANCTIFICATIONIS SOLEMNITATIS: כְּלֹחַ, sicut vox, aut sicut (canticum) noëlis, qua sanctificatur solemnitas. Nota est Iudeorum consuetudo, qui a vespere precedentis diei solemnitates inchoabant, quo tempore incipiebant laudes Deo canere. Huic ergo lætitiæ comparat eam, quam Iudei qui tempore Evangelii erant convertendi, habituri erant. Similitudine vocis credendum est in nostram versionem errorem inductum, ut aliqui pto nox scriberet vox. ET SICUT QUI PERGIT CUM TIBIA, id est cum instrumento musico, UT INTRET IN MONTEM DOMINI, id est in templum quod erat in monte Sion.

V. 30. ET AUDITAM FACIET, id est audiri faciet, resonare faciet gloriam vocis suae, id est tonitru suum, quo suam gloriam & maiestatem declare solet. ET TERROR EM BRACHII SUI: נִתַּח וְרָעַן, descensum brachii sui, id est potentiae suae. Metaphora sumpta a fortiter percutientibus, qui

qui sublatum prius brachium fortius demittunt. IN COMMINATIONE: כְּנֶכֶחַ, in indignatione. IN FLAMMA IGNIS, id est fulminibus. ALLEDET (Heb. non est) IN TURBINE ET LAPIDE GRANDINIS, id est magna precedente tempestate. Versu praecedenti descripsit bonorum laetitiam, hic describit adventum Christi ad iudicandos malos: ut sup. vers. 27.

V. 31. A VOCE ENIM DOMINI: ab illa scilicet, *Ire maledicti in ignem aeternum*, quam ante tonitru vocavit. PAVEBIT ASSUR, id est omnes hostes Dei, omnes iniusti. Erant enim Assyrii nobilissimi Dei hostes, quos pro omnibus nominat. Alii de Assyriis Ierosolymam obsidentibus intelligunt, quibus non repugno; sed tamen videtur Propheta longius spectare. VIRGA PERCUSSUS; id est, quemadmodum tremiscanis, si virga percutiatur, aut quemadmodum si ipse virga percuteretur. Alii יְכִיחֵ active, quemadmodum (ipse alius) virga percutiebat. Vel, qui alios, &c.

V. 32. ET ERIT TRANSITUS VIRGAE. Heb. וְיִהְיֶה כֵל מִנֶּכֶחַ מִסֶּחַ מִסֶּחַ, & erit omnis transitus virgae fundatae, vel fundamenti; id est, Dei puniitio pervadet quocumque ille decrevit, aut toties virga Dei hostes percutit, quoties ab eo decretum est. Virgam fundatam aut fundamenti vocat punitionem a Deo firmiter statutam atque decretam. QUAM (virgam) REQUIESCERE FACIET, id est imponet, infliget super eum (Assur.) IN TYMPANIS ET CITHARIS, ET IN BELIIS PRAECIPUIS, id est prosperis ac bene succedentibus: תְּנוּפָה, elevationis, id est in quibus manus praecititia tollantur. EXPUGNABIT EOS (hostes.) Heb. nunc legimus בְּרַעַם, id est Babylonem, quia fecerat mentionem Assur. Noster Interpres videtur legisse כִּנָּם, eos; sensusque est melior, aut pro eis, id est pro Iudaeis; quasi dicat: Dominus ita pro eis contra hostes pugnabit, ut victoriam tympanis, citharis, manuque sublatione celebrent.

V. 33. PRAEPARATA EST ENIM ABHERI TOPHETH, id est gehenna. Topheth locus erat in valle filii Ennon, ubi solebant Iudaei filios suos igne crematos immolare idolo Moloch IV. Reg. xxix. 10. & Jerem. vii. 31. & xix. 6. it. Hoc autem loco manifestum est accipi pro inferno, vel propter vallis profunditatem, vel propter de-

monem Moloch, qui tam multas illic animas devorabat. Sicut Gehenna aut Gehennom nomen erat vallis tribus Benjamin, Iosue xv. 8. quod post pro inferno ponti captum est Matth. xviii. 9. Dicit ergo Topheth, id est Gehennam praeparatam esse a Deo ab heri, id est a constitutione mundi, ut ad Heb. xxi. 8. *Iesus Christus heri & hodie*. A REGE PRAEPARATA. Heb. נִכְסֵי מֶלֶךְ, etiam regi praeparata. PROFUNDA ET DILATATA, id est capacissima: nusquam in sacris litteris tam proprie describitur infernus. NUTRIMENTA EIUS, IGNI, id est ignivora. Heb. מִנְיָוֶה, pyra eius, (sub. sicut pyra) ignis. ET LIGNA MULTA, id est habens multa ligna. Ligna autem vocat mystice peccata. FLATUS DOMINI; id est ira Domini, sicut torrens sulphuris succendit eam, id est faciet perpetuo ardere.

S A.

Vers. 1. DESERTORES. Chald. transgressores. LXX. apostatae. EX ME. Chald. ex verbo meo. LXX. per me, id est iuxta meam voluntatem.

V. 2. OS MEUM. Chald. verba Prophetarum meorum. LXX. me. UMBRA, id est protectione.

V. 4. PRINCIPES, scilicet legati. TANI. Heb. Zoan, seu Tsoan, est enim x prima littera: civitas est Aegypti, itemque Hanes, quae Heb. Chanah, per n.

V. 6. ONUS, &c. quasi dicat: Onusta duxerunt iumenta ad Austrum, id est Aegyptum. IN TERRA, &c. quasi dicat: Transferunt per desertum, ubi magna rerum inopia. EX EIS; pro, in eis, scilicet locis degunt. LXX. inde. PORTANTES, scilicet Legati per ea loca transibant. DIVITAS, scilicet munera ad Regem Aegypti.

V. 7. SUPERBIA. LXX. vana consolatio. QUINQUE; quasi dicat: Desine petere auxilium a superbis Aegyptiis.

V. 8. INGRESSUS, scilicet ad populum. SCRIBE, scilicet prophetiam. BUXUM, id est buxam tabulam, scilicet ut diu conservetur. NOVISSIMO. Chald. iudicii.

V. 9. AD IRACUNDIAM PROVOCANS, scilicet me. Chald. rebellis. LXX. incredulus.

V. 10. VIDENTIBUS. Chald. & LXX.

Prophetis. VIDERE. Chald. prophetare. LXX. annuntiare nobis. ASPICIENTIBUS. Chald. doctores. LXX. visiones videntibus. ASPICERE. LXX. loqui. Chald. docere.

V. 11. AUFERTE A ME VIAM. Chald. auertite nos a via recta. DECLINATE, &c. repetitio. SANCTUS ISRAEL. Chald. verbum sancti Israel.

V. 12. CALUMNIA. Chald. & LXX. mendacio. ET IN TUMULTU. Chald. & rapina. LXX. & murmurastis. SUPER EO, scilicet mendacio, &c.

V. 13. ET REQUISITA, id est dum quis querit ibi inniti, seu salvari. ETUS, scilicet muri.

V. 14. COMMINUETUR, scilicet civitas, per murum significata. ET NON INVENIETUR; pro, ita ut non inveniatur. IGNICULUS, id est parum ignis.

V. 15. SI REVERTAMINI, &c. LXX. cum conversus ingemueris, tunc salvaberis. QUIESCATIS, id est cessetis, scilicet a peccatis. SILENTIO; quasi dicat, Patientia. SPE, scilicet in Deum. NOLUITIS, scilicet audire.

V. 16. FUGIETIS, scilicet hostes.

V. 17. QUINQUE, id est paucorum. FUGIETIS. LXX. fugient multi. MONTIS, scilicet fixus, quem navigantes aspiciant, ut rectum cursum teneant, sic vestra calamitatis exemplo vitabunt pericula multi: vel in montem e naufragio eiectus.

V. 18. PROPTEREA. LXX. & rursum. EXALTABITUR, id est glorificabitur. IUDICIUM, id est iustus. LXX. Index. Chald. faciens iudicium. EXPECTANT EUM. Chald. sperant in salutari eius.

V. 19. POPULUS. LXX. populus sanctus. SION. Chald. & LXX. in Sion. IN. LXX. & PLORABIS, scilicet ut solent delicti. MISEREBITUR, scilicet Deus.

V. 20. PANEM, &c. quasi dicat: Etsi ad tempus affliget, tamen non deseret, sed liberabit. ARCTUM. LXX. tribulationis. BREVIEM. Heb. afflictionis; quasi dicat, Cibabit pane lacrymarum, id est tribulatione. AVOLARE, &c. quasi dicat: Numquam deerit qui te doceat, &c. vel, semper habebis Christum docentem te per Scripturas, & suos ministros.

V. 21. MOMENTIS, scilicet quod sequitur.

V. 22. CONTAMINABIS, id est convertes in usus profanos, per hæc intelligitur errorum & peccatorum abiectio. EGREDERE; quasi dicat: Abi in malam crucem.

V. 23. PLUVIA, &c. per hæc intellige etiam spiritualia.

V. 24. MIGMA, id est commistionem, scilicet multorum granorum. LXX. paleas mistas hordeo ventilato.

V. 25. RIVI, &c. quasi dicat, Magna fertilitas. MULTORUM, scilicet hostium. TURRES, id est fortissimi quique. Chald. principes.

V. 26. LUX LUNAE, &c. quasi dicat, Erit tunc maxima lætitia. Quidam tamen id referunt ad Beatorum statum, quo celi renovandi.

V. 27. NOMEN, id est Verbum, scilicet filius. DE LONGINQUO, scilicet ex alto. FUROR, scilicet in hostes animæ spirituales. LABIA, id est prædicatio. INDIGNATIONE, scilicet contra peccata.

V. 28. SPIRITUS, id est indignatio. GENITES, id est Gentilium errores.

V. 29. VOBIS, scilicet liberatis, seu: redemptis.

V. 30. GLORIAM VOCIS; pro, gloriosam vocem. IN TURBINE; pro, velut in turbine.

V. 31. ASSUR, id est diabolus. VIRGA, scilicet Dei punitione.

V. 32. FUNDATUS, id est firmus & fortis. IN TYPANIS, &c. id est cum summa piorum lætitia. PRÆCIPUIS. Chald. fortibus. EOS, scilicet hostes.

V. 33. AB HÆRI, id est antea, seu olim. TOPPETH, id est infernus. Chald. gehenna. Not. Toppeth locum esse prope Ierusalem in valle Hennem, unde Gehennæ nomen: nam Ge vallis, ubi parentes filios comburebant in honorem idolorum. Vide Ierem. vii. Significat autem in Scriptura infernum. REGE, scilicet Deo. LIGNA, scilicet ipsi damnati. Quidam sulphur per ligna intelligunt, de quo Apoc. xiv. & xx. & xxi.

E S T I I.

Verf. 1. VAE FILII DESERTORES DICIT DOMINUS; UT FACERETIS CONSILIUM, ET NON EX ME, ET verf. 2. QUI AMBULATIS, UT DESCENDATIS IN AEGYPTUM, ET OS MEUM NON INTERROGA.

MARIANA E.

ROGASTIS. Hæc verba in sonare videntur prima facie, quasi sine oraculo divino illicitum fuerit Iudæis in AEGYPTUM fugere, persequentibus eos Assyriis. Sed si legamus ea quæ habentur Jerem. XLII. & XLIII. intelligemus aliter hæc esse accipienda, & ex negatione intelligendam esse oppositam affirmationem. Ibi enim legimus Iudæos, deserto & contempto Dei consilio, quod eis dabatur per Jeremiam, per rebellionem quamdam voluntatis abiisse in AEGYPTUM: Deus enim expresse id prohibuerat. Unde & hic vocantur, *filii desertores*: & alibi ubi de cultibus idolatricis dicit Deus, *quæ non præcepi eis*, id est quæ prohibui. Sensus igitur huius loci est: *Ut faceretis consilium, & non ex me*, id est expresse voluntati meæ repugnaretis. ET ORDIREMINI TELAM, ET NON PER SPIRITUM MEUM, id est protectionem illam susceperitis contra voluntatem meam. *Et os meum non interrogastis*: quin etiam oraculum meum per Jeremiam Prophetam vobis significatum recepistis.

V. 18. EXPECTAT DOMINUS, UT MISEREATUR VESTRI. Sensus est, quod Deus nostram expectat poenitentiam, ut auferat a nobis flagella, & tribuat bona, poenitentibus & legem servantibus promissa. Interim ipsa etiam poenitentia Dei donum est, quam tamen recte exigit Dominus, nempe quia etiam est actus liberi arbitrii.

V. 26. ET ERIT LUX LUNAE SICUT LUX SOLIS, ET LUX SOLIS SEPTEMPLICITER, SICUT LUX SEPTEM DIERUM IN DIE; QUAE ALLIGAVERIT DOMINUS VULNUS POPULI. Hieron. refert ad diem iudicii, in quo, sicut dicit Apostolus Paulus Rom. VIII. *Expectatio creatura revelationem filiorum Dei expectat*, & ipsa creatura liberabitur a servitute corruptionis in libertatem gloria filiorum Dei. Tunc enim omnis creatura, (scilicet cui convenit permanere in illo statu incorruptionis) in melius commutabitur. Sic Luna accipiet splendorem solis, & solis splendor augebitur in septuplum, ac denique omnia tam celestia quam terrena, quæ tunc permanura sunt, longe fieri præstantiora, ut servantur beatorum immortalitati, eorumque felicitati.

VERS. 1. VAE FILII DESERTORES. Septuag. *apostatae*. Chald. *transgressores*. Alii, *vs filius declinantibus*, aut *rebellibus*. Loquitur contra Iudæos ad AEGYPTIORUM opem contigentes. UT PACERETIS CONSILIUM, ET NON EX ME, id est non auctore & consultore me id fecistis. ET ORDIREMINI TELAM. Heb. *& operiremini operimento*, scilicet AEGYPTI protectione. ET NON PER SPIRITUM MEUM, id est non ex mea voluntate, me consulto.

V. 2. OS MEUM NON INTERROGASTIS, id est responsum a me non quaesistis. IN UMBRA AEGYPTI CONFIDISTIS: *umbra* vocat auxilium, in quo fidebant.

V. 3. IN CONFUSIONEM: in pudorem erit vobis fortitudo Pharaonis.

V. 4. IN TANT PRINCIPES TUI; id est, fuerunt Iudæorum principes missi ad petendum auxilia. Porro *Tanis* & *Hanes* urbes sunt AEGYPTI. Legationis huius nulla præterea in Sacris mentio. Sed certe contra Assyrios hæc auxilia petebantur, cum Sennacherib obsedit Ierusalem.

V. 5. OMNES CONFUSI SUNT. Heb. *omnis pudore affectus est*, scilicet populus Iudæorum.

V. 6. ONUS IUMENTORUM AUTRI; id est, propheta hæc est de bestis, quæ sunt ad Austerum versus AEGYPTUM, in quacumque Legati a Iudæis missi. *Inventa* hic pro seris accipit. Quæ sunt illæ seræ? *LEAENA ET LEO*. Septuag. & Chald. *leo & catulus leonis*, id est leones seniores & iuniores. EXEIS, VIPERA. Sic distinguit, id est præter eos vipera, scilicet ibi erit. ET REGULUS VOLANS. Heb. *& serpens ignitus volans*, supple, affligent, aut aggredientur Legatos eos. PORTANTES SUPER HUMEROS IUMENTORUM DIVITIAS SUAS. Heb. *asinozum*. AT POPULUS; ut scilicet eos thesauros Regni AEGYPTI, & eius aulicis dant, qui utilitatem nullam illis afferant.

V. 7. AUXILIABITUR AEGYPTUS, id est conabitur auxiliari, sed inanis conatus erit. IDEO CLAMAVISUPER HOC. Heb. *ad Iane*, id est ob hanc rem, quod Noster dixit *super hoc*. SUPERBIA TANTUM EST, QUIESCERE. *וַיָּחַל rahab est fortitudo*, id bene præsuper.

superbia sumitur & *oblatione*. Ergo Heb. sic verto: *oblatio ipſis federe*, pro, ſede & quiete, ne progrediari ulterius in eo quod male cepiſti. Quidam vertunt: *Rebur eorum* (id eſt Iudeorum) *federe*, id eſt manere in urbe, neque ire in Aegyptum.

V. 8. SCRIBE EI. Hieronymus in Comment. legit, *ſcribe eis*. SUPER BUXUM. Heb. *ſuper tabulam, cum eis*, id eſt ipſis Iudeis videntibus. Teſtes illos adhibe. EXARA ILLUD, aut *illam*, ſcilicet prophetiam, quam renuntiavi. IN TESTIMONIUM USQUE IN AETERNUM. Sic Chald. & Pagn. Nimirum ꝑ priori loco legerunt cum *Zere*, quo modo *teſtem*, ſeu *testimonium* ſignificat. Alii legentes cum *Pashab*, ut modo eſt in Bibliis, Heb. ſic vertunt: *In aeternum usque in ſeculum*, ſcilicet ſervetur quod ſcribis.

V. 10. QUI DICUNT VIDENTIBUS, Prophetis. ET ASPICIENTIBUS, id eſt Prophetis loqui vetant. Male ſe habent res, cum Prophetis concionatoribus tollitur loquendi libertas. PLACENTIA, ſeu *blanda*. ERRORES, impoſturas, illuſiones loquimini nobis, non alia.

V. 11. AUFERTE A ME VIAM, ſcilicet hanc, quam tenebatis, adverſa dicendi. Heb. *recedite de via*, ſcilicet recta. DECLINATE A ME SEMITAM. Heb. *declinate a ſemita*, ſcilicet recta. CESSET A FACIE NOSTRA, id eſt ne toties inculcate nobis Dei nomen. Quid Deus?

V. 12. PRO EO QUOD REPROBASTIS, aut *ſpreviſiſti*. VERBUM HOC, ſcilicet Prophetarum, quæ illi dixerunt. SPERASTIS IN CALUMNIA. Heb. *in rapina*, ſeu *oppreſſione*, id eſt divitiis fraude partis & violentia comprimitis Prophetas. ET IN TUMULTU. Heb. *in pravitate, & in ea confidiſtis*.

V. 13. SICUT INTERRUPTIO erit vobis, ſeu ruptura. ET REQUISITA, id eſt manifeſta. Alii *tumor*, cum ſcilicet paries prominet. DUM NON SPERATUR. Additum ab Interprete. Ergo ſicut ea muri pars repente corruit, ſic vos.

V. 14. LAGENA. Heb. *nebel*, quæ vox ſæpe *utrem*, ſed & aliquando *lagenam* ſignificat. Ergo ut lagena conteritur, ſic veſtra iniquitas conteretur. CONTRITIO IRAVALIDA. Heb. *conterendo non parces*, id eſt valide & violenter conteret. IGNI-

CULUS, ſeu *ignis purus*. DE INCENDIO; id eſt, de foco, de camino, non portabitur in fragmentis lagenæ, in miniſſima fragmenta conteretur.

V. 15. DICIT, ſeu *dixerat* Deus. SI REVERTAMINI, de via ſcilicet quæ itis in Aegyptum, & quieteſcatis in veſtra urbe. IN SILENTIO. Heb. *in quiete eritis ſalvi*.

V. 16. AD EQUOS FUGIEMUS. Heb. *ſuper equos*: ſic Septuag. & Chald. IDEO FUGIETIS, id eſt fiet, ut vos dicitis: ob hanc diſſidentiam continget fuga. ET SUPER VELOCES, ſcilicet equos, aut camelos (ex eo a *dromo*, id eſt *curſu*, *dromedarios* vocatos) ut ſcilicet fugiamus, eos aſcendemus. IDEO, ob has voces, qui perſequentur vos, veloces erunt, ſcilicet magis quam vos; quod Noſter dixit, *velociores erunt*.

V. 17. MILLE HOMINES. Heb. *millenarius unus*. ET A FACIE TERRORIS. Chald. & alii, *a facie increpationis*. Id ſignificat vox Heb. *ghabarab*. Sed *increpatione* pro minis & terrore ſumitur. Mille homines unum, aut quinque ex hoſtibus fugient. DONEC RELINQUAMINI QUASI MALUS NAVIS, quem erigunt ſupra montis culmen, & in eo vexillum, ad quod ſeu navigantes, ſeu milites conſugunt. Et ut ii mali ſunt pauci, ita & vos. ET QUASI SIGNUM. Repetitio eſt, & explicatio eius quod dixerat.

V. 18. PROPTEREA EXPECTAT DOMINUS. Sic Pagn. Verti etiam poteſt: *Propterea expectare iubet Dominus*, id eſt vetat ire in Aegyptum, & inde auxilia petere. *Propterea*, id eſt ne decidatis in ea mala quæ dixi. ET IDEO EXALTABITUR, vel *exaltabit ſe* Deus, ſcilicet occidendo Aſſyrios. PARCENS VOBIS. Heb. *ut miſereatur veſtri*. QUIA DEUS IUDICII DOMINUS, id eſt iuſtus.

V. 19. HABITABIT IN IERUSALEM, ſeu *ſedebit*; pro, ſi ſederit populus in Ierusalem, ut illi præcipio, non plorabit malis oppreſſus. RESPONDEBIT TIBI, id eſt concedet quæ petitis Deus.

V. 20. PANEM ARCTUM, ſeu *panem anguſtie* dabit Deus. ET AQUM BREVEM, ſeu *aguas oppreſſionis*. Hoc fiet cum ab Aſſyriis obſidebitur. ET NON FACIET AVOLARE A TE ULTRA DOCTOREM TUUM. Heb. *& non avolabit ultra doctorem tuum*. Doctores hic ſunt Deus, aut Ezechias Rex, qui fortaiſſis de fuga cogitabat, cum urbs obſideretur.

deretur ab Assyriis. Ideo ait, *non faciet alitra avolare a te*. Quidam sic vertit: *Et non avolabit*, seu *elongabitur pluvia tua*; quasi dicat: In iis angustiiis pluviae tamen copia erit. Vox מורה *moreh* significat & *doctorem* & *pluviam*. Variæ interpretationis ea occasio. Præstat tamen cum Vulgata, & perisq; omnibus *doctorem* intelligere. PRAECEPTOREM TUUM. Doctorem tuum videbis, id est eius opem præsto esse in iis angustiiis experieris.

V. 21. ET AURES TUAE AUDIENT VERBUM POST TERGUM MONENTIS. Heb. *verbum de post te dicendo*. Dixerat, non desore illis doctorem. Modo ait, illum, scilicet Deum, aut Ezechiam locuturum a tergo. Quare a tergo? Fingit homines a Deo aversos, aut etiam illum fugere, & Deum tamen fugientes docere. ET NON DECLINETIS NEQUE AD DEXTERAM, NEQUE AD SINISTRAM. Sic Chald. Heb. *quia declinatis ad dexteram, Et quia ad sinistram*, quod scilicet facere non debetis. Idcirco viam vobis ostendo. Via autem Lex est.

V. 22. ET CONTAMINABIS LAMINAS. Heb. *operimentum*. Hæc est doctoris doctrina, ut idola amoverent. ET VESTIMENTUM. Chald. *ornamentum*, scilicet idoli. SICUT IMMUNDITIAM MENSURATAE. Heb. *sicut menstruum*. EGEREDERE, DICES ET, id est proicias illud vestimentum idoli.

V. 23. ET DABITUR PLUVIA. Hoc erit pietatis premium. PASCETUR IN POSSESSIONE TUA. Heb. *pascetur pecus tuum*. AGNUS SPATTOSE. Heb. *in loco pascuo* (id est *clar*, id est *campus* est) lato. Quis pascetur? pecus tuum.

V. 24. COMMISTUM MIGNA comedent pulli. Pagn. *migna purum comedent*. *Migna*, id est farraginem, multa semina diversis generis & mixta. SICUT IN AREA VENTILATUM EST. Heb. *quod ventilatur pala* & *ventilabro*.

V. 25. RIVI CURRENTIUM AQUARUM erunt super montes. Sic Chald. Septuag. *aqua pertransiens*. Vatabl. *rivi rivi aquarum*: יביל *iebel* pro *rivo* sumptus, ut ponunt Dictionaria. Ego dicerem, *rivi decursus aquarum*, quod Noster aliis verbis dixit. Per rivos in montibus rerum copiam intelligit. Aut vere cum multæ sunt pluviae, in montibus novi fontes scaturiunt, qui aquæ currentes vocantur. IN DIE INTERFECTIONIS erunt ii rivi. Ut bonis & Iudeis omnia fe-

Lib. Sac. Tom. XVII.

liciter cadent, sic impios vindicabit Deus, ac Assyrios maxime una nocte prostermet. CUM CEDIDERINT TUPRES; id est, diruentur ille turres, quas Assyrii contra Ierusalæm excitaverunt: de illorum enim interfecione proprie agit.

V. 26. ET ERIT LUX LUNAE. Sic Iudeis videbitur alitra lucere multo illustrius quam antea, ob lætitiæ magnitudinem, ob Assyrios cæcos. In tristitia stellæ obscurari videntur, in lætitia fulgere maiori luce. IN DIE QUÆ ALLIGAVERIT DOMINUS VULNUS. Heb. *contritionem alligaverit*, sanaverit, cum sanaverit, erit ea lux & lætitia.

V. 27. ECCE NOMEN DOMINI. Contra id quod exprobrarunt Legati Assyriorum: IV. Reg. xviii. 22. VENIT DE LONGINQUO, id est de cælo. ET GRAVIS AD FORTANDUM. Heb. *Et gravitas oneris*, pro, onus grave. Multis dicitur iracundiam Dei.

V. 28. SPIRITUS EIUS, id est ira eius, aut Angelus, quem mittet ut occidat Assyrios. USQUE AD MEDIUM COLLI, perveniet, scilicet *hasta que llege a la boca*. Heb. *usque ad collum dimidiabit*, id est usque ad collum medium, ut dixit Hieronymus. AD PERDENDAS GENTES IN NIHILUM, id est funditus, ita ut earum nihil maneat. Heb. *ad ventilandum ventilatione vana*, scilicet quæ non fit ad purgandum grana, sed ad proiciendum palcas. ET FRAENUM ERRO-
RIS, supple, ut frantum erroris erit. Heb. *frænum errare faciens erit*, scilicet spiritus eius. Fræno diriguntur equi, Deus autem errare faciet (permittendo) Gentes, quæ convenerunt contra Ierusalæm.

V. 29. CANTICUM ERIT VOBIS. Reliquum est, ut eam lætitiæ canticis celebretis. SICUT NOX, aut, sicut in nocte. SANCTIFICATAE SOLEMNITATIS. Heb. *sanctificari*, pro, qua solet sanctificari solemnitas, id est celebrari. AD FORTEM. Heb. *ad petram*. Sed *petra* pro Deo sumitur, seu pro defensore, præsidio. Canticum erit sicut eius qui cum tibia intrat in templum.

V. 30. GLORIAM VOCIS SUÆ auditam faciet Deus. Quæ est vox Dei? Tonitrua, procellæ. ET TERRORI BRACHII SUI. Sept. *furor*. Chald. *fortitudinem*. Alii *defensionem brachii*, a gestu percutientis, qui brachium demittit. IN COMMINATIONE. Heb. *in ira furoris*. ALLIDET IN TURBINE. Chald. *allisione*. Alii, *dispersione* & *turbine*. IN LAPIDE GRANDINIS. *Lapide*, pro, *E* lapide.

lapidibus. Qua nocte Assyrii sunt occisi, magna fuisse tempestas videtur ex hoc loco.

V. 31. PAVEBIT ASSUR. Heb. *confringetur*. Sic Chald. VIRGA PERCUSSUS, id est flagello Dei. Heb. *virga percussa*, scilicet illum Deus.

V. 32. TRANSITUS VIRGAE FUNDATUS, id est percussio virgae erit stabilita a Deo, ut prohibere nemo possit. REQUIESCERE FACIET. Non ad breve tempus percussiet, sed quiescet flagellum super eum, scilicet Regem Assyrium. In varia mala precipitabit. IN TYMPANTS, scilicet celebrantium eius cladem, vincet scilicet eum. IN BELLES PRAECIPITES, id est sine armis vincet, quae victoria praecipua est. Heb. *in bellis elevationis, agitationis, pulsationis*, id est non armis, sed pulsu tympanorum. EXPUGNABIT EOS, seu *pugnabit cum illis*. Victoriz genus maxime illustre.

V. 33. PRAEPARATA EST ENIM AB HERI TOPHETH. Chald. *gehenna*. Ex II. Regum XXXII. 11. & Ierem. VII. constat, Topheth fuisse montem, ubi Iudaei idolo Moloch filios immolabant, prope Ierusalem, ubi erat vallis Hennom. Ea impietas fecit ut tartarus significetur vocibus Topheth, & Gehenna, quae idem est quod vallis Hennom. Ge enim vallis est. Ergo Topheth, id est tartarus, ab heri, id est iam dudum parata est. Assyrii non hic solum, sed in futura vita poenas dabunt. A REGE PRAEPARATA, PROFUNDA, ET DELATATA, id est Regis Assyrii pravis operibus id factum est. Heb. *Regi parata est, profundam fecit, & dilatavit*, scilicet ipse Rex, ut tot homines capiat, ipsum etiam qui brevi est occisus. NUTRIMENTA ETUS. Heb. *pyra eius ignis & ligna*. Fortassis in eo ipso monte Assyrii tendebant. Quorsum ignis & ligna? Ut cadavera cremarentur. EAM, id est Topheth aut pyram succendit status Domini.

MALVENDAE.

Verf. 1. VAE FILII DESERTORES, DICT DOMINUS. Alii: I. Vae filiis declinantibus, recedentibus, pervertis, dictum Ierem. II. Vae filiis rebellibus, seu contumacibus, dictum Ierem. III. Vae filiis desolatoribus, apostatis. IV. O filios contumaces, fidelis sermo Ierem. Hic hic flo-

machantis interiectionem esse volunt. V. Vae filiis contumacibus, dictum Ierem. Tertius hic coniectionis locus, ut dictum est cap. XXIX. in verf. 1. qui hoc toto capite exponitur, alterum genus peccati explicat, quo populus in se accesi sit iudicia Dei, nimirum electionem. Constat autem ex quatuor partibus: prima est, propositio & denuntiatio summa contra desolatos, usque ad versum 8. secunda, narratio mandati, quod Propheta accepit a Deo denuntiandum populo, inde usque ad versum 15. tertia, attulatio gravissima cum populo usque ad versum 27. postrema, confirmatio ab exemplo Assyriorum, ad finem usque capitis. Ait ergo: Vae filiis contumacibus, id est Iudaeis, qui regnante Zedekia contumaciam maiorem suam cumularunt, obdurantes cervicem suam, & animum obfirmantes, II. Paralipom. XXXVI. 13. cuius contumaciae insigne documentum fuit rebellio in Nebuchad-netzarem contra fidem datam, & prophetarum monita, & consociatio cum Aegyptiis, de qua hic agitur, & Ierem. XXXVI. & Ezechiel. XVII. Ut FACERETIS CONSILIUM. Alii, ad agendum consilium, de rebellionem in Babylonium, & foedere cum Aegypto. ET NON EX ME. Alii: at non ex me, cuius videlicet dicuntur filii: sic amplificatur criminis atrocitas. ET ORDEREMUS TELAM, ET NON PER SPIRITUM MEUM. Notant verbum נָפַח *nasach*, cum suo nomine verbali מַסֵּכָה *massebah*, quod etiam hic ponitur, cum de liquidis dicuntur, per *sundere*, & *fusionem* reddi; unde hic exponunt: & ad *sundendum fusionem*, & non *spiritus* mei; id est, ut perfundamini in fusionem quadam spiritus, non quidem spiritus mei, sed alii soporis, non dixerat supra cap. XXIX. 10. Quando vero de aridis, per *operire*, & *obtegere*; quocirca hic convertunt: & ad *obtegendum, operiendum, protegendum se operitorio, tegumento, protectorio*. Nonnulli exponunt: & ad *regendum tegumento*, sive & ad *obducendum tegumentum*, at non *spiritus* mei; id est, ad *asciscendum sibi protectionem defensionemque aliam quam spiritus Dei*, nimirum eam, quae sequentibus sex versibus exponitur, idque tam occulte, ut non prius de ea Nebuchad-netzar cognoverit, quam copias in Iudream immisisset, ac propterea recipere eas coactus sit inopinato adventu Aegyptii, Ierem. XXXI. 9. & II. Hebr. hic

hic fundere fusionem, seu tegere regumenum, metaphorice accipiunt, pro consulere consilium. Significatio ordiendi ac texendi, quam Noster iecutus est, non est aliena, ut supra cap. xxv. 7. & Iudic. xvi. 13. UT ADDERETIS PECCATUM SUPER PECCATUM. Alii: quo peccatum peccato accumularet; vel, ut adiciat peccatum peccato.

V. 2. QUI AMBULATIS UT DESCENDATIS, &c. Alii ex Heb. hunc versum clarius efferunt: *Prosciscitentibus, seu pergentibus ut descendant in Aegyptum*; id est, Euntibus in Aegyptum, ut sedus iungant, & consequantur auxiliares copias: cum os meum non consuluerunt; quin potius nuntios meos subannuntiant, & spreverunt verba mea, II. Paralipom. xxxvi. 16. Misit: ut roborentur robore Pharaonis, & recipiant se in umbram Aegypti, ad fruendum protectione eius, ut modo dixit, & figuratur Ezechiel. xvii. 7.

V. 3. ET ERIT VOBIS FORTITUDO PHARAONIS, &c. Quidam: nam eris vobis robur Pharaonis, pudori; & receptus iste in umbram Aegypti, ignominia. Ergasia, siue exornatio denuntiationis praecedentis versus. Alii: vertetur itaque vobis fortitudo Pharaonis in pudorem, & fiducia in umbram Aegypti, in ignominiam.

V. 4. ERANT ENIM IN TANI PRINCIPES TUI. Heb. Quia fuerunt in Tzoan principes eius. Quidam: Cum fuerint Tzohane principes istius, regis Iehuaz, nimirum Tzidkia, quos ad auxiliares copias a Pharaone adduccendas misit: haec autem historia habetur Ezechiel. xvii. ut diximus in vers. 2. De Tzoane vide Numeror. xiii. 23. ET NUNTII TUI USQUE AD HANES PERVENIUNT. Alii: & legati istius, scilicet Tzidkia, Chanefum pervenerunt. S. Hieronymus: Hanes autem urbem Aegypti alibi in Scriptura non legitur, sed ex eo quod ait: Nuntii tui usque ad Hanes pervenerunt, intelligimus ultimam iuxta Aethiops & Blemmyas esse Aegypti civitatem. Tremellius & Iunius exponunt: Chanefum, id est Daphnas Pelusias, ut Herodotus vocat Libro II. Numer. xxx. & cvii. quae ceteris Scriptura locis appellantur Thachpentes de nomine illius reginae, quae memoratur I. Reg. xi. 19. aut etiam Thachpanches Ierem. xliii. 7. Obiter tamen observandum est, corruptum esse Herodoti locum istum in Graeco contextu, tum in Latina interpretatione, ubi

hoc modo legendum est: Sub Plammiticho rege eustodias collocatae fuerant in Bephanthine urbe adversus Aethiops, & in Daphnis Pelusias, aliae adversus Arabas & Assyrios &c. Huius interpretationis nostrae auctoritatem secuti sumus Ionathanem Chaldaum. Haec illi. Daphnem circa Pelusium, memorat etiam Stephanus in urbibus: quam a Pelusio xvi. mill. pass. distare auctor est Antoninus in Itinercario.

V. 5. OMNES CONFUSI SUNT SUPER POPULO &c. Varie alii hunc versum transfundunt ex Heb. I. Omnis pudescit super populo, non relevabit eis: non ad adiutorium, non ad relevandum; sed ad pudorem, & etiam ad opprobrium. II. Omnem, id est unicuique pudebit, siue omnes pudore affecti sum, vel omnes pudescit, super populo, qui non proderunt eis; nec ad auxilium, neque ad proficiendum, vel neque ad asserendum utilitatem; sed in confusione, & etiam in opprobrium. III. Omnes satuerunt apud populum, qui nihil sublevaminis afferat ipsis: non in adiutorium, neque in sublevaminem; sed in pudorem insuper & in opprobrium fuerunt; quasi dicat: Iudaei illis suis Aegyptiacis legationibus nihil aliud lucrati sunt apud populum Aegyptium, quam infamiam & contemptum, ut peius audirent apud Aegyptios quam antea: nam eos ignavos & imbelles ac timidos reputarunt. Sic accipitur verbum פחד *baasch*, *factus*, Genes. xxxiv. 30. I. Samuel. xiii. 4. II. Samuel. x. 6. & cap. xviii. 21. IV. Omnes pudescit per populum, nempe ipse Tzidkia rex Iudaeorum; id est, haec defectione sua, & Aegyptiorum societate ruinam pudendam omnibus suis popularibus afferet; per populum Aegyptium, seu Aegyptios, qui ipsis potius confusione & damno futuri erant: ut sequentia verba ostendunt, & docet Iirmeia ii. 36. per homines non profuturos illis: non adriumento, neque emolumento; sed pudori, etiamque probro futuri sunt. Praeteritum Hiphil הוביש *hobish*, cum Aleph, & Iod quiescentibus alii a בוש *bush*, seu יבש *ibash*, deducunt, omnes pudescit, exsiccavit, arefcere fecit pudore. Fortasse additum fuit Aleph, ut maiorem pudorem denotet, inquit Marinus. Alii, a *baasch*, omnes satere fecit, scilicet Zedechias.

V. 6. ONUS IUMENTORUM AUSTRI. &c. Hunc versum varie alii ex Hebræo

convertunt: I. *Onus*, seu prophetia gravis: vide supra cap. XIII. 1. animalium seu iumentorum, aut bestiarum meridiet, id est deserti illius vastissimi, quod est ad meridiem terræ sanctæ, quo descenditur in Aegyptum: nam feræ potissimum versari solent in regionibus squalidis ac desertis, qualis in primis erat illa australis inter Iudæam & Aegyptum: vide Deuteronom. 1. 19. & cap. VIII. 15. quasi dicat, Prophetia eorum, quæ eventura sunt Iehudæis descendentibus in Aegyptum auxilii habendi causa. In terra tribulationis & angustia, leo & tigris egredientur ex illis animalibus, vel partibus seu locis, vipera & serpens ignitus volans ad eos, qui deserunt super humerum pullorum, seu asinorum divitias suas, & super gibbum camelorum thesauros suos, populo qui non proleat, hoc est Aegyptiis, a quibus nihil opis habebunt. II. *Onus iumentorum meridionalium per terram angustia & pressura*, unde *leona* & leo, *vipera* & urens volans portabunt super scapula pullorum facultates suas, & super gibbo camelorum thesauros suos ad populum, qui nihil sublevaminis offeres. Putant ludere Prophetam in voce *וָזָן* massa, *onus*, quæ & onera, quæ dorso deferuntur, & graves & onerosas prophetias designat. Ergo cum Iudæos videret Iaias dorso iumentorum deferre divitias suas in Aegyptum per vastum illud & horrendum desertum australe, & eorum onera videret, quæ in Aegyptum importabant auxiliorum comparandorum causa, atque propter hoc a Deo duriter tractandos esse; ulius est voce ambigua, ac si diceret: Prævideo eorum onera, quæ deferunt in Aegyptum, ob quod onus gravissimum a Deo subire cogentur. Plenique tamen hic *Onus*, non in metaphorica gravis prophetiæ significatione, sed in propria oneris accipitur. III. *Bandarunt iumenta onus per viam australem, per terram discriminis & angustia plenam*, a quibus prodent leones & leona, regulus & prester urens ac volans: bandarunt, inquam; in humeris pulli ipsi facultates illorum, & in gibbis camelis ipsi thesauros eorum, ad populum, qui prodesse non poterit. IV. Tremellius, & Iunius: *Onus iumentis australibus in terram oppressionis & angustia*, ad eos, ex quibus immanis leo, invensque leo, vipera & prester volans proditurus est, de-

portabunt humero asinorum opes suas, & gibbo camelorum thesauros suos, ad populum, qui non proderunt. Amplificatio per antithesin sive comparationem studii & munus ad Aegyptios transmissorum, cum malis, quibus Iudæos ipsos affecturi sunt, & beneficia illorum compensaturi. Hæc autem verba non facere initium novæ alicuius prophetiæ, tam perspicue verborum series commoustrat, & interpretatio nostra, ut pluribus non sit opus. *Iumentis australibus*, id est camelis Arabicis & asinis, quemadmodum sequentia docent: *in terram*, id est Aegyptum, ad cuius nomen alludit Hebræorum oppressionis vocabulum quod sequitur: nam Aegyptus dicitur מִצְרַיִם *mitzraim*, oppressio vero מִצְרָה *metzrah*: oppressionis & angustia; id est, quantum opprimi & in angustias cogi ex more, non adiuvari Iudæi possunt: ad eos, ex quibus, &c. id est, Aegyptios Iudæis tam mortiferos quam sunt leones, vipera, &c. ad populum, qui non proderunt, ut supra vers. 5. *LEONA*. לֵבִיָּא *labi*, leo cordatus: animosus. Vide in Genesi. XLIX. 9. ET *LEO* לֵישׁ *laisch*, leo vetus, amosus, deceptor, vide in Iob IV. 11. Tremellius & Iunius, vel lapsu memoriæ, vel errore typographi habent: *invensque leo*, cum alibi *vetus leo* reddant. *VIPERA*. אֶפְרָחָה *ephrah*: vide in Iob XX. 16. ET *REGULUS*. שָׂרָף *saraph*, prester: vide in Numeror. XXI. 6. *SUPER HUMEROS IUMENTORUM*. Ex Hebr. reddi potest in genitivo: *supra humerum pullorum, asinorum*: & in nominativo, *super humerum suum asini*, vel *pulli*; sic statim: *SUPER GIBBUM CAMELORUM*, seu *super gibbum suum cameli*. AD *POPULUM QUI EIS PRODESSE NON POTERIT*. Heb. *super populum non relevabunt*. Potest bitaniam accipi: I. *super*, vel *ad populum*, Aegyptium, qui non proderunt ipsis Iudæis, ut supra vers. 5. II. Tamen si principes legationis multa & pretiosa munera Aegyptiis afferant, ad impetrandas auxiliares copias pro Iudæis; hæc tamen sua diligentia nihil profusus efficient, nec populum Iudæum obsidione aut excidio sublevabunt.

V. 7. *ÆGYPTUS ENIM PRUSTA*, &c. Alii hunc versum ex Heb. I. Et Aegyptii vane & inaniter auxiliabuntur: ideo clamavi ad hanc Ierusalem: Fortitudo eorum est manere, seu quiescere, subaudi, ut
ip̄a

ipsa urbe Ierusalaim, & non descendere in Aegyptum auxilii causa. II. Et Aegyptii vanitas, & vacue adiuvabunt, idcirco vocavi hanc superbiam eorum statum. שְׁכֶבֶת *sebeth*, infinitivum, vel nomen infinitum faciunt verbi נָשַׁב *naschab*, flare; quasi dicat: Tota haec fiducia, qua superbiunt filii viribus Aegypti, in ventum dissilabitur: sed non observant, haud apte Heb. construui superbiam hanc, cum hanc sit femininum, superbia vero masculinum. III. futiliter auxiliabuntur: propterea clamavi ad hanc Ierusalaim: Robur eorum quiescere vel cessare, ab eiusmodi procurandis auxiliis. IV. Nam Aegyptii in vanum & inaniter auxiliabunt: idcirco proclamo de hoc, consilio & instituto Iudaeorum ad legationem mittendam: fortitudinem ipsi fore, ut maneant; id est, si fortes & salvi esse volunt, ne legationem in Aegyptum mittant: vide in Jerem. xxxvii. 7. SUPERBIA TANTUM EST, QUIESCE. רֶהֱב *raheb*, tumor, elatio, altitudo, superbia, amplitudo, robur, fortitudo. Ex verbo: Tumor ipsi, sunt; id est, totus Aegyptus nihil nisi tumor & ampullae inanissimae sunt; manere vel cessare, subaudi, praestat, vel vobis utilis est. Kimchius exponit: Fortitudo eorum Aegyptiorum, cessare, id est cessabit. Ple-rique *raheb* pro Aegypto ponunt: vide in Psalm. lxxvi. 4. atque exponunt: Idcirco vocavi, seu aperte predicavi super hac re, Aegyptum eorum Iudaeorum esse manere; vel aptius, idcirco clamavi ad hanc vel, de hac legatione: Aegyptus ii, sunt nempe gens perpetuo adversaria populi Dei, a qua nihil opis sperandum, sed potius omnem oppressionem & angustiam, iuxta nominis sui etymon, ut praecedente versu dicebamus, expectandam: manere, subaudi, utilis vobis erit, vel cessare ab hoc insultu; sic concise interdum loquuntur prophetae. Nonnulli explanant: Amplitudo ipsi, vel ipsorum, quiescere, seu cessare; quasi dicat: Tota illa ampla & magnifica Aegyptiorum promissio seu iactatio de mittendis auxiliis, eo tandem recidet, ut nihil agant.

V. 8. NUNC ERGO INGRESSUS SCRIBE, &c. Alii hunc versum ex Heb. I. Nunc ergo ingredere ad eos, & scribe ipsam, id est hanc prophetiam, in tabula apud eos, vel coram ipsis, seu ipsis videntibus: & in libro scribe eam, vel insculpe, exara eam,

ut sit in die novissimo in testimonium usque in saeculum, vel in saeculum, atque in aeternum, id est in saecula saeculorum. II. Nunc veni, vel eia age, scribe illud vel illam, scilicet hanc Iudaeorum defectionem, si- per tabulam cum eis, vel coram eis: & super librum constitue illud, ut sit in postremo die, id est futuris temporibus, in testimonium usque in sempiternum. III. Nunc ergo vale, & scribe eam rem eis in tabulam, atque in librum concipe eam, ut du- ret ad dies posteros, & usque in sempiternum. IV. Nunc veni, inscribe hoc tabulae apud eos, & in libro exara ipsam, ut sit die post venturo, vel temporibus sequentibus in sempiternum, usque in saeculum. Secun- da pars huius loci, nimirum narratio, ut diximus in vers. 1. cuius membra sunt duo: unum, obsignatio prophetiae propter incredulitatem populi, quatuor versibus; cuius ge- neris obsignationem adhibuerat Moyses ex praecepto Dei Deuteron. xxxi. 19. & se- quentibus: alterum, summa prophetiae de exitio populi, inde ad vers. 15.

V. 9. POPULUS ENIM AD IRACUNDIAM, &c. Alii ex Heb. I. Populus enim rebel- lionis, vel rebellis est, filii mendaces, filii, inquam, qui noluerunt audire legem Iehovae. II. Quoniam populus amarus est, filii de- fectores, filii qui noluerunt audire doctrinam Iehovae. Ex Heb. proprie: Quia populus mutationis, mutabilitatis, rebellionis, defe- ctionis, &c. id est, consumax, irritans, mutans, defector, rebellis, vel amaricatio- nis, amaritudinis.

V. 10. VIDENTIBUS. Hispanicus Inter- pres: a los veyentes, id est Prophetis: vi- de in I. Samuel. ix. 9. EA QUAE RECTA SUNT. Heb. rectitudines, directiones, equi- tates. PLACENTIA. חֲלָלוֹת *chalaloth*, dis- pertitiones, perplexitates, lubricitates, blan- ditias, levitates; seu leviores, adulationes, mollires. VIDETE NOBIS ERRORES. Heb. praevidete, vel providete, hoc est praedi- ce, fallacias, deceptiones, illusiones.

V. 11. DECLINATE A ME SEMITAM. Alii ex Heb. declinare facite, deducite, deflectere facite de semita ista, vel de itinere isto recto. CESSET A FACIE NOSTRA SANCTUS ISRAEL. Heb. facite ut cesset a facie nostra sanctus Israel; id est, desinat nos per prophetas obtundere: vel, ne toties nobis faciatis verba de Sancto Israelis, a qua magnopere abhorremus.

V. 12. REPROBASTIS VERBUM HOC. Heb. est infinitivus, *reprobare vos in verbo isto*. Alij, *sprevistis verbum hoc*, vel *abornuistis a verbo*, proprie, *fastidium habuistis in verbo hoc*. Quidam exponunt: *A verbo hoc*, id est a vocabulo isto & nomine sancti Israelis. Alii, a verbo hoc prophetarum, a verbo Dei, cuiusque salutari doctrina. ET SPERASTIS IN CALUMNIA ET IN TUMULTU. Alii ex Heb. I. *Confisi estis in violentia & perversitate*, id est in opibus calumnia & violentia partis, atque in defectione a Deo. II. *Confidistis in fraude & perversitate*. III. *confidistis ante fraudi, & praefractio*, seu *praefracta via*. נלזז *naloz*, quod formam habet participii Niphal, nominaliter in abstracto usurpant: *& in deflexione, defectione, desertione, pravitate, perversitate, praefractione, diversione*. Vide in Proverb. III. 32.

V. 13. SICUT INTERRUPTIO CADENS, ET REQUISITA IN MURO EXCELSO. Alii ex Heb. I. *Velut ruptura cadens*, id est murus ruptus, aut adificium, seu pars muri minantis ruinam: aut *tumor in muro excelsio*, quando murus tumore quodam vitium facit. II. *sicut ruptura labascens*, & *eruta in muro excelsio*; id est cum cruste murorum vetustate erutz concidunt. Quidam: *& prominens, vel emicans in muro excelsio*; id est quae eminebat velut tuberculum, & tumebat, & quae ruinam minabatur. Kimchius cum Nostro: *requisita in muro excelsio*; id est, per quam ingrediuntur, & inde inquirunt: vel quam requirunt hostes ad pervadendam urbem. III. *tumens*, vel *inflata ut bulla, propterea bullata*, in muro excelsio. IV. *Sinilis ruptura cadentis muri tumens*, seu *quae ventrem faciebat in muro edito, cuius repente momento advenit fractura*; id est, perinde facitis hac iniquitate vestra, ac si vestibus aut malleis seu machinis iam inclinantem murum vestrae reipublice momento deturbaretis in cervices vestras: sic Psalm. LXI. 4. QUONIAM SUBITO, DUM NON SPERAT, VENIET CONTRITIO EIUS. Alii: I. *cuius subito ad momentum, vel de repente veniet contritio eius*. II. *cuius repente & subito veniet fractura*. III. *cuius ruina & conqussatio subito ex improvviso venit*: vide supra cap. XIX. 5. Sensum huius versus ita concipiunt: Ut murus altus subita & improvvisa ruina impulsus omnes prope adjacentes opprimit; sic

pravitas vestra in vos recidet, ac vos evertet.

V. 14. ET COMMINEUETUR SICUT CONTRITUR LAGENA FIGULI CONTRITIONE PRAEVALIDA. Varie alij ex Heb. I. *Franget enim Dominus illum iuxta contritionem lagena figulina contrita, non parces*. II. *Et contritio eius sicut contritio vasis figulorum confusa sine commiseratione*. III. *Et fractura eius velut fractura vasis figulorum confusi absque parcendi affectu*. IV. *Cuius ruptura similis erit ruptura vasis figulini, quod absque ulla commiseratione commineatur*. V. *Franget autem eam quasi fractura utris figulorum confusi, non est usus clementia*; id est, & quidem franget minutissime, ut Ierem. XIX. 11. Amplificatio. ET COMMINEUETUR. Heb. diserte nunc habent: *Et franget eam*. Affixum femineum referri non potest ad iniquitatem, de qua praecedente versu, nam haec Heb. est masculi generis; nec ad rupturam, quae est etiam masculini generis; sed referendum est ad murum, qui est feminei generis: *Et conteret eum murum*; vel ad civitatem Ierusalaim, quae subaudiatur, ut sit relativum sine antecedente. LAGENA FIGULI. נבל *nebel*, hic *Lagena, laguncula, urecus, amphora, hydia, fidelia*: vide in I. Samuel. I. 24. CONTRITIONE PRAEVALIDA. Hebraea exemplaria passim legunt in infinitivo *חָתַח* *chatthach*, *conterere non parces*; id est, non desinet contere, indelincenter, sine clementia, aut commiseratione contere. Non pauci *Psalm* legunt *חָתַח* *chatthach*, levissima tantum unius punctuli mutatione a dorso *Vau*, in ventrem: *Nebel confusi* id est, *vasis contriti*, deinde sequatur, *non parces*. DE FOVEA. מַגָּן *ghebe*, cum postrema *Aleph*, de fossa, de fovea, scrobe, cavea, laeuna, palude.

V. 15. QUIA HAEC DIXIT DOMINUS DEUS SANCTUS ISRAEL. Alii: *Ita enim dicit Dominus Iehovi* (vide in Genes. xv. 2.) *Sanctus Israelis*, &c. Tertia pars huius concionis loci tertii, ut observatum est in vers. 1. contestatio, qua Propheta primum contumaciam populi cum Dei mandato comparat, hoc versu & sequentis parte; deinde gravissimas calamitates praenuntiat, tribus sequentibus: ac postremo piorum animos consolatur, erigite amplissimis promissionibus, usque ad vers. 27. SI REVERTAMINI ET QUIESCATIS, SALVI ERITIS. Alii ex Heb. I. *In quiete & requie*

salvi eritis; id est, si manseritis & quieveritis in Deo, urbs vestra non expugnabitur. II. In conversione, seu resipiscencia, & in remissione, seu quiete servabimini; id est, si ab illa vana fiducia conversi fueritis ad me, & quieti fueritis de auxilio meo persuasi, liberabimini ab hostibus vestris. III. Sedendo, quiescenti servabimini. IV. reversione & descensu servabimini; id est, si tranquillis, & laetis animis certa fide conquiescentes in Deo, non autem Aegyptios implorantes, ut supra vers. 7. ad Chaldeo- rum regem, cui vos Deus tradidit, revertamini atque descendatis, ut Ierem. xxxviii. 17. & sequentibus. De voce נחש nachoth, quam hic nos vertimus depositionem, vide in Iob xvii. 16. Noxæ nostræ Translationis hic sensus est: In reversione ab adorta aut coepta legatione in Aegyptum, & depositione huius consilii & instituti vestri servabimini. IN SILENTIO ET IN SPERIT FORTITUDO VESTRA. Heb. in tranquillare, vel tranquillari, id est tranquillos, quietos, sedatos vos esse: aut in tranquillitate. Nam infinita Hebræis passim nominoliter sumuntur: & in fiducia, confidentia, securitate erit prævalencia, potentia, præpotentia, prædominatio, superioritas, victoria vestra. ET NOLUISTIS. Alii: & non acquievestis, vel non acquiescistis autem.

V. 16. ET DIXISTIS: NEQUAQUAM. Alii: Sed dixistis, Nequaquam; id est, nolumus reverti, sed potius omnia tentare, ut illorum effugiamus manus: vide Ierem. xxxviii. 17. & sequentibus. SED AD EQUOS FUGIEMUS, &c. Alii: nam insidentes equo fugiemus, ideoque fugietis: at levi iumento vehemur, ideoque leviores erunt qui persequuntur vos. Vide historiam II. Regum & II. Paralipom. ultimis capitibus, & Ierem. xxxix. & lxi.

V. 17. MILLE HOMINES A FACIE TERRORIS UNUS. Heb. Mille unum, vel militenarius unus a facie increpationis unus. Alii: I. Chilias una fugiet a facie increpationis unus; id est, Mille homines vertentur in fugam ab uno homine. II. Mille hominum ab increpatione unus, ab increpatione quinque fugietis omnes. Confer cum Ierem. xxxviii. 10. idque ex decreto Dei Levit. xxvi. 8. & Deuterom. xxxii. 30. DONEC RELINQUAMINI QUASI MALUS NAVIS IN VERTICE MONTIS, &c. Alii: I. donec relicti fueritis ut malus navis in ver-

tice montis; quasi dicat: Ut pauci mali statuuntur in promontoriis altis ad quos dirigant cursum nautæ, ita pauci vos supereritis. II. Forlurus: donec relinquamini, seu relicti sitis sicut malus navis in cacumine montis; id est, sicut arbor una ramis privata in summo montis vertice, tamquam malus in navi; quasi dicat, Solitarii, omni ope destituti. Simile supra cap. 1. 30. S. Hieronymus: Et quomodo si fracta navi, & compage illius dissoluta, sola arbor quæ malus dicitur, remaneat, & ponatur pro signo in summitate montis, sive in excelsu colle: sic pro signo atque vestigio vix unus aut alter videatur ad Dei potentiam demonstrandam. III. Tricellius, & Iunius: donec reliqui statis similes cippo in vertice huius montis, & similes vexillo in hoc colle; id est, reliqui ex nobis servatæ per electionem gratuitam parvo numero, spectandæ proponantur in oculis omnium gentium, ad colligendam Ecclesiam Dei, ut supra cap. 11. 2. in vertice huius montis, id est in Ecclesia versantes, quæ Tziione monte figuratur.

V. 18. PROPTEREA EXPECTAT DOMINUS UT MISEREATUR VESTRI. Alii ex Heb. I. Et ob id expectare iubet vos Iehova, ut misereatur vestri; id est, iubet vos bono animo esse, & expectare opem eius, ut eam vobis præstet. II. Atque ob hanc causam anhelat, inhiat Iehova, ut vos in gratiam recipiat, vel ut gratificet vos; id est, ut gratiam seu beneficium vobis præstet. Magna vis inest verbo anhelandi, seu inhiandi, ad demonstrandum summum Dei amorem, quo bonum nostrum curat, & inhiat nobis semper beneficiare. III. Idcirco autem, cum ut vos perdat, tum ut reliquias ex vobis servet, expectabit Iehova, id est differet, donec de impiis iudicium fuerit executus: gratiam facere vobis; id est, propter se utrumque effecturus est. Nos alium sensum satis, ut videtur, aptum odorati fumus: Itaque prolongabit, protrahet Iehova gratificare vos; id est, longe, ample, copiose, protrahet, prolixè, diffuse nos sua gratia ac beneficio cumulabit. ET IDEO EXALTABITUR PARCENS VOBIS. Alii ex Heb. I. & idcirco elevabit se ut commiseretur vobis. II. & propterea se exaltabit ad miserendum vestri. III. & idcirco elevaturus est se ad miserendum vestri. IV. Leo Iudas: & ob id illum suspendit, ut sit vobis propitius.

pius. Sed verbum **רָחֵם** *rum*, in Kal, cuius hic futurum ponitur, semper est intransitivum. Ex verbo reddimus: *Et ad sic*, Hispanice *y an si*, elevabitur, id est insurget, excitabitur, ad inviscerandum vos, id est condendum vos intra viscera sua; ad complectendum vos visceribus misericordiae suae, ut loquitur Zacharias Lucae 1. 78. **QUIA DEUS IUDICIUM DOMINUS**. Hebr. *quia Deus iudicii*, seu *iuris*, **יְהוָה**, id est Deus iustissimus, & servatissimus æqui. **BEATI OMNES QUI EXPECTANT EUM**. Alii: I. *Beati omnes qui inhiant, anhelant ad eum*; quasi dicat: Si ipse inhiat & anhelat ad beneficiendum nobis, uti in principio versus diserat; o quam præclare agitur cum iis, qui vicissim ei inhiant, & ad eum amplectendum anhelant! II. *beati omnes expectantes eum*. Epiphonema metabatonic, seu transitorium ad alterum locum de consolatione piorum, ut diximus in vers. 19.

V. 19. POPULUS ENIM SION HABITARIT IN IERUSALEM. Quidam reddunt: *Nam populus Tziene habitabit Ieruscholaim*. Consolatio piorum a promissionibus Dei, primum de restitutione Ecclesiae, hoc versu; tum de incorrupto Dei cultu, tribus sequentibus; postremo de benedictionibus Dei in terra & caelo, vers. 23. & sequentibus. **PLORANS NEQUAQUAM PLO- RABIS**, &c. Alii: *flendo non flebis, gratiam faciendo gratiam faciet tibi*; vel *porro non flebis, omnino gratiam faciet tibi: ad vocem clamoris tui simul ac audieris, exaudiet te*. **RESPONDEBIT TIBI**. Hebr. *preteritum respondit, exaudivit te*: emphatice, ut indicaret summam Dei promptitudinem & celeritatem in opitulando; quasi dicat: Cum primum clamaveris, extemplo puta te exaudium ab eo; non prior erit clamor tuus quam auxilium Dei.

V. 20. ET DABIT VOBIS DOMINUS, &c. Hunc versum diversimode alii ex Heb. exponunt: I. *Si, vel quando, aut ubi vobis Dominus dederit panem angustiae, & aquam oppressiois, non elongabitur ultra doctores tui*; id est, vel multitudo doctorum tuorum, vel quisque & doctoribus tuis, vel doctor tuus, scilicet Deus, qui ita pluraliter nominatur, vel propter auctoritatem & honorem, vel propter mysterium trium personarum: vel *non subducat sese*

longius doctor tuus; quasi dicat, Non diu relinquet vos in tribulatione Deus: finit enim Dominus ad tempus suos affligi, sed postea eos eripit: *videbuntque oculi tui doctores tuos*. II. *Dabit quidem vobis Dominus panem angustiae, & aquas oppressio- nis: verum non includetur angulo amplius ullus docentium te, sed oculi tui videbunt doctores tuos*. Occupatio ne offenderentur piorum animi malorum sensu, quæ inciderunt post restitutionem: docet enim Deus se quidem castigatum esse virga hominum, sed numquam suos relictum esse orphanos, quin a doctoribus & ministris Dei assidue corriganter, informenter, &c. **ET NON FACIET AVOLARE A TE**. Futurum **נִפְחַל** *iechameph*, quod verbum alibi in Scriptura non legitur, non est dubium quin factum sit a **נָחַף** *chanaph*, ala, ora, angulo, extremitate. Varie exponunt: I. *non alabitur, non praeitus erit alis ad volandum, non altius erit, non alis utetur, non alis aufugiet, seu non avolabit*. II. *non colligetur, arcebitur, includetur in extremam oram, in angulum: non recipiet sese velut in extremitatem quamdam*. **DOCTOREM TUUM**. **מֹרְכָה** *morecha*, scribitur cum *Iod* interiecto, quod nota solet esse pluralis, docentes tui, vel doctores tui, & iungitur suppositum verbo singulari: *non avolabit docentes tui, vel te, id est, ullus docentium te, vel doctorum tuorum*. Aut est epithetum Dei propter sacram Triadem, ut antea dicebamus. Alii vero singulare esse volunt, & *Iod* per epenthesin interpositum: *non avolabit amplius doctor tuus*. Sic etiam statim: *erunt oculi tui videntes doctorem tuum, vel doctores tuos*. Nec significatio pluris, ut sumitur Psalm. lxxxi. 7. & Joel. ii. 23. hic aliena est: *non colligetur, excludetur, arcebitur, vel avolabit ultra pluvia tua; & erunt oculi tui videntes pluviam tuam*; ac si dicat: Etsi ad tempus labores penuria frugum & aquarum, at opportune postea mittet tibi Deus in abundantia pluvias, quas tuis oculis videbis ac lætaberis. Sic infra vers. 23.

V. 21. VERBUM POST TERGUM MONENTIS. Alii I. *Verbum a tergo tuo, dicendo*. II. *Verbum eius qui erit post te, dicendo*. III. *Verbum eius, qui post te dicit*. IV. *Verbum a tergo tuo dicentium, scilicet doctorum, de quibus præcedente versu*. Qui-

Quidam significare volunt, eos averfos a Deo, a tergo docendos. Alii metaphoram esse ab itinerantibus, qui aberrantes a via vocibus a longe post tergum admonentur, & reducentur in rectam viam: ut subditur. **HAEC EST VIA, AMBULATE IN EA.** Alii: *Hæc est ista via, incedite per eam;* scilicet, via fidei & mandatorum Dei. **ET NON DECLINETIS NEQUE AD DEXTERAM, NEQUE AD SINISTRAM.** Alii ex Heb. I. *quando dextrabitur, & quando sinistrabitur.* II. *five ad dexteram, five ad sinistram eatis.* III. *cum dexteram, aut cum sinistram petetis;* id est, cum aberrabitis a recta via, aut aliquantum deflectetis.

V. 22. ET CONTAMINABIS LAMINAS SCULPTILII ARGENTI TUI. Alii ex Heb. I. *Contaminabitique, vel tunc profanabit operimentum sculptilium auri tui;* id est, eiicietis omnino e templo Dei, & ex omni loco idola, quæ solebatur operire argento & auro. II. *Et contaminabitis obductionem sculptilium argenti tui,* id est lamine argentæ, quibus sculptilia vestra obducta erant. III. *Et pollutis scælorum sculptilium argenti tui,* &c. id est, abhorrebitis ab iis omnibus, quæ cultui divino adversantur. IV. **Hipanicus Interpres:** *Entonces profanaras la cobertura deus sculpturas de plata,* id est, *los vestidos.* **ET VESTIMENTUM CONFLATILIS AURI TUI.** Alii ex Heb. I. *operimentum fusilis auri tui.* II. *pretiosum amictum conflatis auri tui.* III. *artificium fusilis auri tui,* id est idola tua aurea artificiose facta. IV. *superhumeralæ, pallium cinctorium, superindumentum, superamictum, &c.* V. *elegantiam operimenti ex auro tuo,* id est pretiosum ornatum vestium idolorum tuorum ex auro tuo factorum vel factorum, vel idoli tui operi & obducti auro. VI. *textile fusilis ex auro tuo.* Nos **מִדְּהָא ephuddah,** idem esse quod Ephod existimamus: vide in Exod. xxviii. vers. 8. **CONFLATILIS מַסֵּכָה masechah,** potest reddi *operimentum, scælorum;* & fusile seu fusile: nam & de aridis & de liquidis dicitur, ut supra in vers. I. observavimus. **ET DISPERGES EA Sicut IMMUNDITIAM MENTRUATÆ.** Alii ex Heb. I. *disperges ea tamquam menstruum,* id est tamquam lineæ menstrui. II. *complicabis ea tamquam menstruum,* nam eiusmodi lineæ solent convolvi & complicari, & ita abi-

Bib. Sac. Tom. XVII.

ci. III. *abalienabis ea tamquam languidam, debilem;* id est, horrebis ea tamquam mulierem menstruam laborantem & languentem. IV. *separabis ea ut laborantem ex menstruis;* id est, abicies & ablinabis studiosissime velut a re turpissima & impurissima. V. *semovebis ea veluti panes menstruo imbutos.* **EGREDERE, DICES ET:** vel *Exi, dices;* id est, *Exi de templo Dei, dices unicuique ex sculptilibus.* Profligabis a templo, & a te omnia idola. Quidam: *Apage, dices eorum cuique.* Nonnulli Hebræorum **מִן תֵּרֶז**, non pro imperativo, sed pro nomine accipiunt, *exitus, sordes, sterus, excrementum dices unicuique eorum, sculptilium:* non alio honoratorio nomine eos dignaberis.

V. 23. ET DABITUR PLUVIA SEMINI TUO, UBICUMQUE SEMINAVERIS IN TERRA. Alii: I. *Dabit præterea pluviam semini tuo, quo terram seminasti.* II. *Tum dabit pluviam sementis tue, qua convesaris terram, &c.* id est, Deus tibi se hoc modo colenti benedict. **ET PANIS FRUGUM TERRÆ ERIT UBERISSIMUS ET PINGUIS.** Alii ex distinctione vocum Hebræarum: I. *panem, seu cibum fructuum terræ; erique fructus pinguis & uberissimus.* II. *panem proventus telluris;* & vel qui erit pinguis & uber. III. *adeo ut panis proventus terræ sit uber & pinguis.* **PASCETUR IN POSSESSIONE TUA IN DIE ILLO AGNUS SPATIOSE.** Alii ex Heb. I. *pascet etiam acquisitiones tuas in tempore illo pascuum spatiosum.* II. *depascet pecus tuum in die illa prata spatiosa.* III. *depascet pecus tuum in die illa campum pascuum amplum.* IV. *depascet pecora tua die illa pascuum latum.* V. **Hipanicus Interpres:** *y tus ganados en aquel tiempo seran apaceniados en anchas dehesas.* De voce **רָב** car, quam reddidimus pascuum, vide in Deuterio. xxxii. 14.

V. 24. ET TAURI TUI, ET PULLI ASINORUM, &c. Hunc versum alii ex Heb. I. *boves quoque & pulli asinorum operantes terram, sarraginem mundam comedent, qua ventilatur pala & ventilabro.* II. *boves & pulli asinorum colentes tellurem migma insectum comedent, ventilatum ventilabro & vannio.* III. *boves & pulli asinarum, qui colunt terram, pabulum acidum comedent, vel migma insectum acedine comedent, id est misturam acetosam: quod ventilatum est*

F

ven-

ventilabro & vanno, vel potius vanno & ventilabro. IV. tauri quoque & asini iuniores, qui terram colunt, farraginem sapidissimam seu diligenter repurgatam comedent, quae pala purgatoria, & vanno ventilata est. V. boves etiam, & aselli colentes tellurem, farraginem meram comedent, quae ventilata fuerit vanno & ventilabro; id est, adeo abundabit proventus terrae, ut etiam optimus & purgatissimus cibo iumentis esse possit. Hyperbole. VI. Hispanicus Interpres: Tus bueyes, y tus asnos que labran la tierra, comeran limpio grano, el qual sera ablenado con pala y caranda. COMISTUM. בָּלִי *beli*, de hac voce vide in Iob vi. 5. nos migma vertimus, vel farraginem, a miscendo & confundendo. Migma. חֶמֶץ *chamitz*, alibi haec vox in Scriptura non legitur. Aiunt esse nomen adiectivum masculini generis, insectum fermentatum acedine, merum, purum, pabulum subacidum: Rabbi Ionah scribit, pabulum optimum, & purissimum iumentorum, vocari חֶמֶץ *chamitzah*. Mercerus, inquit: Ceterum *chamitz*, subacidum proprie sonat, nonnihil gustu asperum, & acrimonia seu acore fuit acedine quadam conditum, quod saporis genus Aristoteles in libro de sensu, quatuor appellat: migma acedum vel acetosum potes dicere, Gallice, *aigret*. Marinus suspicatur esse granum cum palea. Chaldaeus exponit, מֶשֶׁךְ *patit*, pingue, optimum. SICUT IN AREA VENTILATUM. Heb. quod sparsum, seu ventilatum cum vanno & cum ventilabro, seu sparsorio. Prior vox רָחַץ *rachath*, a spiritu seu vento nomen habet, vannum reddunt. Servius in I. Georgicorum: Vannus, id est cribrum areale. Hispanice, *garandu*, o *harmo*, inquit Antonius Nebrissensis. Alii, *palem* exponunt, instrumentum, quo ventilando frumentum in aera tollitur & purgatur a paleis.

V. 25. RIVI CURRENTIUM AQUARUM. Heb. *disperitiones, divisiones, rivi, pelagi, divergia, prodectiones, emanationes, processus, fluxus, aquarum*. Alii: I. *rivi, rivi aquarum*. II. *distincti fluxus aquarum*. III. *rivi, processus aquarum*. IV. *rivi, fontia*, seu *scaturigines aquarum*; id est, irrigua erant omnia magna aquarum abundantia, etiam quae natura fuerint aridissima. IN DIE INTERFECTIONIS MULTORUM, CUM CEDIDERINT TURRES. Alii: tempore

caedis magna; id est, cum Deus Ecclesiam suam repurgaverit, cæcis hypocritis & contumacibus, in quos antea invehit est: cum ceciderint, vel corruerint turres, ut supra cap. II. 15.

V. 26. ET ERIT LUX LUNAE SICUT LUX SOLIS, &c. Exponunt: Id est, illustrissima & gloriosissima erunt omnia in rectitudine Ecclesiae. Hyperbolica parabola ad explicandam laetitiam & felicitatem illius temporis. ET LUX SOLIS ERIT SEPTEMPLECTER. Heb. *duo*, vel *bis septem*, aut *septies*, id est quatuor decies: nam שֶׁבַע *shebhathaim*, est duale. Alii: lux autem solis erit septupla. Plerique: erit species intensior; nam mox se ipsum declarat, SICUT LUX SEPTEM DIERUM; id est, si lux septem dierum intensius fumatur; unde quidam reddunt: & lux solis septies clarius erit, ut tanta sit quantitas est lux septem dierum. Sed satius est sumere numerum finitum pro infinito, ut Genes. iv. 15. & Proverbior. vi. 31. quasi dicat, Erit intensissima & fulgentissima ultra solitum morem. IN DIE QUAE ALLICAVERIT DOMINUS, &c. Alii ex Heb. I. in die, quae superalligabit Iehova fracturam populi sui, & cruciationem, seu cruorem plagae eius sanabit. II. in die, quod Iehova obligabit conquestationem, seu rupturam, id est rupta membra populi sui, & transfessionem seu transfixionem percussurae eius sanaverit. III. quo die obligaverit Iehova fracturam populi sui, & fractionem plagae illius curaverit; id est, cum Ecclesiam ex inutilibus & abalienatis membris laborantem, adnotam manu, tamquam chirurgus curaverit: metaphora.

V. 27. ECCE, &c. Notant esse postremam partem huius loci, ut dictum est in versu i. nimirum confirmationem prophetiae ab exemplo Assyriorum, quod exponitur versibus quinque; tum vero ad prophetiam accommodatur, duobus ultimis. In exemplo autem proponuntur duo: primum est mirificum iudicium Dei contra Assyrios, duobus versibus; alterum fuchs inde perveniens cum ad Iudaeos exultantes, tum vero ad Deum ipsum, cuius beneficium & gloria pergeat cantico celebratur, vers. 29. 30. & 31. NOMEN DOMINI; id est, maiestas Domini nominatissima & celebratissima. VENIT DE LONGINQUO; id est, quando iudicio non tantum Assyriorum, sed Iudaeorum quoque, ac denique carnis,

carnis, procul a Iudæis abesse videbatur, ut hos liberaret, illoque perderet: concessio. ARDENS FUROR EIUS, ET GRAVIS AD PORTANDUM. Alii ex Heb. I. *ardens facies, vultus eius, & gravitas oneris, vel grave onus eius*. II. *ardens ira eius, & gravissimum pondus*, subaudi, imponet humeris Assyrii. III. *ardens ira sua, & gravitate incendi; id est, zelotypus pro defensione & liberatione Ecclesiæ suæ, ac proinde armis potentissimis instructus ad præstanda iudicia sua, quæ allegorice & humanitus tribuuntur Deo*. IV. *ardens natus eius, & gravior quam ut sustineatur*. V. *cuius vultus ardet, ut gravissimus sit ferendo*. מַשָּׁא מַשָּׂא *massaah, levanda, onus, pondus*. Nonnulli Hebræorum pro incendio, seu elevatione flammæ, aut sumi accipiunt, ut Iudic. xx. 40. & Jerem. vi. 1. Extremum He, affixum feminicum faciunt, *onus eius, seu incendium eius*. Sed præterquam quod caret Mappik, non habet pronomen quod referatur, nam omnia præcedentia nomina sunt masculina: unde præstat cum Kimchi, ut signum feminicum nominis accipere.

V. 28. SPIRITUS EIUS VELUT TORRENS &c. Alii hunc versum ex Heb. diversimode explanant: I. *Estque spiritus eius torrens inundans usque ad collum dividet, vel in duas partes secabit; id est, qui usque ad collum perveniens, quasi dividere hominem in duas partes videtur, sed tamen inæquales, in partem quæ extat, & aliam quæ sub aqua est*. Metaphorice loquitur de rege Assyriorum, qui perdendus erat pene usque ad internecionem & consumptionem, veluti cum quispiam est in aqua usque ad collum, propinquus est submersioni: & ita accidit cum Angelus Assyriorum castra percussit. Ita quidem Sanctes exponit, ex quo Vatablus mutuatus est. Verum addit ista Mercerus: *Ut hæc desumpta videntur ex Libro Radicum Kimchi, vel de industria ea Sanctes Monarchæ Assyrio accommodavit, vel ipsum Kimchi minus attente legit, qui hanc allegoriam in Ierusalem apostrophice competere ita demonstrat; dividetur (vel dividet) corpus: nam usque ad collum erit operum istis aquis, & a collo sursum versus, erit discopertum, quemadmodum dixit Isai. viii. vers. 8. ad collum usque pertinet. Est ergo allegoria de vastatione regis Assyriorum, qua perditurus erat universam*

terram, ita ut parum abesset quin tota vastaretur: eo prorsus modo, cum quis aquis ad collum usque immerfus sere submergitur & obruitur. Atque hoc, quod ait, usque ad collum dividet, dicit de clade, qua Angelus Domini castra Assyriorum prostravit: quia tunc terra liberata est a præsentis excidio. Ita Mercerus. Ad ventilandum gentes in ventilabro vanitatis, vel ad cribrandum gentes cribro vano seu inutili. Cribrum sit ad expurgandum frumentum a palea; sed hoc cribrum, quo cribrabit gentes Deus, erit cribrum vanitatis, quia non remanebit in eo quidquam, sed omnia affluent & ibunt in perditionem; quasi dicat: Tunc omnes perdet, & nihil relinquet: & frenum errare faciens in maxillis populorum. Frenu iumenta reguntur & continentur; id est, solvet gentibus frena ad errandum. II. Flatus eius velut torrens inundans mediumque collum ambiens, ut eventiles gentes ventilatione nihili, & ut frenum errare faciat in maxillis populorum. III. Et spiritus eius tanquam torrens inundans eum, qui ad collum dividebat, id est Assyrium, qui iamque rerum omnium potiri videbatur, omnibus ferme occupatis præter Ierusalaima: vide supra cap. viii. 8. agitando gentes, ex quibus conflatus erat Assyriorum exercitus, agitatione vanitatis, id est tanta agitatione, ut illi in vanitatem abeant: fecit ut errant; id est, ita propulsavit, ut palantes reliquæ reverterentur in regionem suam: frenu imposito maxillis populorum. Vide II. Reg. xix. 28. & infra cap. xxxvii. 29. AD PERDENDAS GENTES IN NIHILUM. Heb. *ad agitandum, elevandum, cribrandum, ventilandum, in agitatione, elevatione, ventilabro, cribro, vanno, proprie in agnaculo, precipitantia, temeritatis; id est, quo agnaculo precipites in fugam temerariam aget Assyrios*. Alii: *agitatione, vel cribro vanitatis, seu nihili; id est, ut in omnimodam vanitatem & nihilum resolvantur*. ET FRENUM ERRORIS, QUOD ERAT IN MAXILLIS POPULORUM. Heb. & frenum errans, vel errare faciens super maxillas populorum. Mercerus secutus Vatablum, metaphorice accipit frenum, id est gubernaculum & administrationem, seu magistratus, qui coercet & regit, seu frenum, rempublicam, qui errantes ipsi in errorem subditos precipitant. Sed præstat intelligi allusum hic ad locum II. Reg. xix. 28. &c. Potest & in nomi-

nandi, & accusandi, & in auferendi casu accipi.

V. 29. CANTICUM ERIT VOBIS SICUT NOX SANCTIFICATAE SOLEMNITATIS. Alii ex Heb. I. *Canticum erit vobis sicut in nocte, qua sanctificatur solemnitas*; id est, simile erit canticum, quod cani solet nocte precedente solemnitatem, hoc est precedente lucem, in qua celebratur solemnitas: incipiebat enim solemnitas a nocte seu vespere precedente, ex lege. Solemnitatem hic Hebraei intelligunt Pesach, qua nocte tradunt excisa castra Assyriorum: erat ea nox celeberrima ac festivissima. II. *Canticum erit vobis sicut noctis preparandi hostiam*; id est, cantabitis canticum simile canticum, quod canitur ea nocte qua preparatur hostia orta luce sacrificanda. Solebant Hebraei in pervigiliis festivitatum cantica plenae laetitiae in honorem Dei decantare. Forte alludit ad mactationem agni Paschalis, qui vespere antecedente diem azymentorum festivo ritu & canticis laetitiae celebratur. III. *Et erit vobis canticum quemadmodum in nocte, cum se ad diem festus sanctificare, seu preparare solent*. IV. *Illud canticum futurum est vobis*; id est, hoc tanto beneficio habebitis, quo latemini, & unde glorificetis Deum: ut noctis, qua sanctificatur festum; id est, tam celebre & laetum, quam est principium festorum solemnium, quae a nocte incipiebant, ex lege. SANCTIFICATAE SOLEMNITATIS. Heb. est infinitivus Hithpahel, *sanctificare sese facere festum*; id est, qua festum summa sanctitate ac solemnitate incipit celebrari: nam coniugatio Hithpahel significationem intendit. Et LAETITIA CORDIS, SICUT QUI &c. Alii: I. *& laetitia cordis, ut eius qui ad tibiam incedit, ut veniat ad montem Domini, ad petram Israelis*. II. *& laetitia animi, qualis est euntis cum tibia, ut veniat in montem Iehova ad rupem Israelis*: vide Psal. xli. 5. & lxxx. 4. & sequentibus, laetitiae istius exempla.

V. 30. ET AUDITAM FACIET DOMINUS GLORIAM VOCIS SUAE. Heb. *Et audire faciet Iehova celebratam, decus, gloriam, potentiam, dignitatem, maiestatem vocis suae*. Nonnulli futura huius versus per infinita perfecta reddunt: *Fecisse Iehovam ut exaudiat maiestas vocis sui, &c.* ut sit formula seu argumentum cantici praedicantis beneficium Dei erga Ecclesiam suam, duo-

bus versibus. Quidam per hypallagen exponunt, *Gloriam, seu potentiam vocis sui, id est gloriosam, potentem ac magnificam vocem suam*. Tonitrua plerique intelligunt, quae cladem illam nocturnam Assyriorum praecesserunt. ET TERROREM BRACHII SUI OSTENDET. Alii ex Heb. I. *& concussionem brachii sui ostendet*. II. *& descensionem, seu descensum brachii sui demonstrasse*; id est, tamquam homo exerto & vibrato brachio virium suarum documentum insigne contra Assyrios edidisse. Alludit ad gestum ferientis, quando magno impetu deponitur, aut descendit brachium ad ictum: id est, ostendit quam potenter desicere valeat. IN COMMINATIONE FURORIS. Heb. *in fervore nasi, seu in astu ira, seu afluente ira, vel cum furore vultus*. ET FLAMMA IGNIS DEVORANTIS, &c. Alii I. *& flamma ignis absumentis, & collisione, seu dissipatione, nimbo, & lapide grandinis*. II. *& flamma ignis consumentis, dispersione, & inundatione, ac lapide grandinis*. His quatuor comparationibus effecta irae Dei, qua prostrati sunt Assyrii, optime describuntur, perinde ac si igne fuissent consumpti in minutissima frusta (quod supra dixit vers. 14.) diffusiissent; torrentibus arrepti & merfi, aut grandine attriti essent. Etsi, utrum angelus Dei his revera armis adversus Assyrios usus fuerit, an vero haec dicantur paraboli, non possumus confirmare. Et vero simile exemplum est Exod. xiv. 24.

V. 31. A VOCE ENIM DOMINI PAVEBIT ASSUR VIRGA PERCUSSUS. Alii: I. *Nam a voce Iehova conterritur, vel terribetur, formidabit, preterrefiet Assyrius: virga sua percussit illum Iehova*. II. *Cum voce Iehova contritus est Assyrius, virga, ut supra cap. x. 5. & 24. solitus percutere*. Nam multoties Israelael afflixerant Phul, Thiglath-phileser, Schalmanser, Sancherib, de quibus II. Reg. xv. & sequentibus capitibus. III. *Quia Assyrius a voce Iehova, id est tonitru, preterrefiet, in baculum incutiet, vel qui virga percutiebat alios*.

V. 32. ET ERIT TRANSITUS VIRGAE, &c. Alii hunc versum ex Heb. convertunt: I. *Et erit omnis transitus baculi fundati, vel fundamenti, id est fundati & statuti a Deo ad perendum Assyrios, quem incutiet ei Iehova, cum tympanis & citharis*; quasi dicat: Omnis locus, per quem transierit fla-

gellum Dei contra Assyrios, ordinatum, decreverunt fundamentum ab ipomet Deo pulsabit tympana & citharas, id est ob virgam Dei gaudebunt, exultabunt fideles: *bellis motationis*, seu *elevationis*, aut *pulsationis*, subaudi instrumentorum musicorum, *pugnabit contra ea*, scilicet castra Assyriorum; vel *cum eo*, exercitu Assyriorum. Ac si dicat: Dominus vincet Assyrios non armis, aut instrumentis bellicis, nec serio pugnans, sed quasi ludens instrumentis musicis. II. *Et erit in omni transitu, baculus fundatus, quem infliget Iehova super eum*, vel, *quocumque ille transierit, erit virga ei affixa, quam Iehova imponet illi, eum tympanis, & citharis, & praelis elevationis manuum ad psallendum pugnabit contra illam*, scilicet Assyriam, vel ut alia lectio habet, *contra illas*, Assyrios. III. *Et erit totum fundamentum eius transitus virge*; id est, tota Assyriorum castra pertranlibit & permeabit virga percutiens: *quam requiescere faciet Iehova super eum*; id est, quam impactam lateribus eorum affiget: *tympanis, & citharis, & bellis oblationum pugnabit cum ea*, vel *cum eis*, ut hæc verba de populo Ierosolymitano accipiantur; ac si dicat: Populus Dei psalmis & hymnis ad instrumenta musica decantatis, & bellis oblationum & victimarum Deo in templo oblatarum, vincet Assyrios: quæ est optima pugnandi & vincendi ratio. *תְּנוּפָה thenuphah*, quam hic oblationem reddunt, erat peculiaris ritus oblationum: vide in Exod. xxiv. 24. IV. *Sicut eris omnis transitus virge fundationis, sive omnis locus, qua transibit virga fundatissima*: Apodosis, sive accommodatio exempli ad argumentum huius prophetiæ, qua docet Propheta populum quidem Dei ab hostibus mala perpesurum, ut castigetur paterna dispensatione; sed tamen semper illis fore exitum latum a Deo, hostibus vero ingratisimum: *virga fundatissima*, id est certissima, ex Dei decreto immutabili, super quo fundata est, ac proinde immota, & nulla arte evitabilis; cui *imposuerit Iehova eam, cum tympanis & citharis*; id est, reddetur lætissima & exultabilis liberatione a Deo: Synecdoche ab usu veterum, cuius exempla sunt Exod. xv. 20. & I. Samuel. xviii. 6. & Psal. lxxvii. 26. *quando bella agitationis, hyppallage*, pro, quando bellorum agitationem ipsam expugnaverit; id est, hostes, quorum

suos agitat opera, profigaverit. V. *Hifpanicus interpres singularem huius versus explanationem affert: y en todo mal passo astra baculo, sive madero fundado sobre el mal passo el qual Iehova hara hincar sobre el, scilicet, sobre el mal passo, con tamborinos y vihuelas: y con bastallas de altura, id est con fuerca del cielo, peleara contra ella, scilicet Assyria o Babylonia.* **BELLIS PRAECIPUIS.** Heb. *bellis*, seu *præliis* תְּנוּפָה *thenuphah*, id est, *elevationis*, *ventilationis*, *motitationis*, *agitationis*. Noster intellexit bella elevata, id est præstantia, præcipua: ut sane fuit illud, quo angelus exercitum Assyriorum una nocte delevit.

V. 33. **PRAEPARATA EST ENIM.** Heb. participium masculine: *Quia ordinatus, instructus, dispositus, paratus.* **AB HERI:** vel, *ab hesterno*, id est iam antea, iam olim; synecdoche: vide in Genes. xxxi. 2. **TOPHETH.** Heb. תֹּפֶת *thopheth*, inquit Forsterus, *denominativum nominis תֹּפֶת thopheth*, de quo II. Reg. xxiii. 10. quo Isaias in poetica sua descriptione pro inferno, & horribili loco damnatorum usus est: sicut & Christus saepe gehenna, & ignis gehennæ tristissimum aspectum ob oculos ponit. Non est dubium id vocabulum singulariter ex *thopheth* ab Isaiâ confectum ad significandum infernum, tartarum, locum tartareum. Videtur esse generis communis, nam cum adiunctis masculinis & feminis hoc versu constituitur: non sine mysterio, ut significetur locus communis virorum ac mulierum, qui a Deo desciscunt. **A REGE PRAEPARATA.** Heb. *etiam ipsa*, vel *ipsi*, *regi apparatus, seu statuta, decreti, certificata, constituta sunt.* **PROFUNDA, ET DILATATA.** Est utrumque verbum ex Hiphil. *profundavit, profundare fecit, dilatavit, seu dilatare fecit*, scilicet Deus; id est, profundiorum & laxiorum fecit eam. Deus ipsi regi, vel pro ipso rege. Assyrio, vel Babylonio, ut cum ample caperet. **NUTRIMENTA EIUS.** כֶּרֶם *medurah*, autem esse *pyram*, *rogum*, vel ab ordine & serie lignorum, vel quod successeive apponantur ligna. Quidam, *habitationem*; alii *penetrabile*, reddunt. Totum verbum Forsterus ita expressit: *Quoniam ordinata est ab heri Thapeth, etiam ipsi regi decreta, vel stabilita est, in profundum & in latum, vel profundata fuit, & dilatata habitatio eius ignis & ligna multa; sicut*

torrens sulphuris inflammans eam, vel exardet in eam, aut flagrantis in ea. Tremellius & Iunius: *Etenim paratus est iam ante, &c.* exornatio proxime precedentis membri de adversariorum expugnatione, cuius forma hic allegorice describitur: *exilii locus.* Hic singularem vocem adhibet ad notandum singulare iudicium, quo in regem Babylonie erat ulurus Deus: nam deducitur a nomine Thophet, qui locus fuit amplius (unde nomen habet) ab idololatriis celebratus, ut ex Ierem. vii. 31. & 32. & Ierem. xix. 6. constat: quemadmodum etiam ante hæc tempora filios ab Achazo Rege in eodem loco fuisse exultos legimus, II. Paralipom. xxviii. 3. Cum itaque impurissima illa sacrificia palam fierent ad portam Ierusalaimorum maxima pompa atque apparatu, Propheta illustrissimum Babylonii regis exitum magnificentissime efficiendum in oculis Ecclesie ipsius, nominat coniugata & affini voce; quo etiam spectant singula illa descriptionis verba sequentia: *hic etiam ipsi regi constitutus est; profundissimum, latissimum fecit Iehova:* exegit magna loca, quem Propheta modo nominavit, ut ostendat convenientia fore Dei iudicia cum personis: vide supra cap. xiv. nam quod illic Propheta prædicit fore ut Babylonius sepulcro cum aliis non capiatur, hic altera locutione ostendit: *pyre eius, ignis & lignorum multum est; status Iehova quasi torrens sulphuris incendit eam.* Sic pergit in allegoria a comparatione eorum, qui in valle Hinnomi comburebantur, adhibitis rebus quæ hic dicuntur, ad incendium & conflagrationem illorum. Itaque hunc versum non de Assyrio rege, sed de Babylonio capiunt, per exornationem expugnationis hostium Ecclesie.

M E N O C H I I.

Vers. 1. **V**AE FILII, &c. Est propheta contra Iudæos, qui post 150. annos tempore Ieremie occiso ab Ismaele Godolia, timentes Chaldaeos, qui cum Iudææ præsecerant, ne eius necem vindicaret, fugerunt in Aegyptum, contra præceptum Domini, ut narrat Ieremias xlii. & xliiii. **DESERTORES:** qui scilicet deserto Dei consilio in Aegyptum se contulerunt, ut dixi. **ET NON EX ME:** quod consilium ego non probavi. **ORDIRE-**

MINI TELAM: opus inchoaretis. **ET NON PER SPIRITUM MEUM:** non ex inspiratione mea, seu me non probante. **PECCATUM SUPER PECCATUM:** pristina peccata novo inobedientiæ crimine cumulant.

V. 2. **OS MEUM NON INTERROGASTIS.** Interrogarunt, ut patet ex cap. xlii. Ierem. sed parere noluerunt, quod perinde est ac si non interrogando consilium suum secuti essent. **IN UMBRA AEGYPTI:** protectione Regis Aegyptiorum.

V. 3. **IN CONFUSIONEM:** nam Nabuchodonosor persecutus est Iudæos in Aegyptum, ilaque eos cum Aegyptiis cecidit, Ierem. xlii. 15. & sequentibus.

V. 4. **IN TANI:** Tanis regia erat Pharaonis. **PRINCIPES TUI.** Significat Prophetas Iudæos præmississe nuntios scilicet aliquos, & principibus suis ad Pharaonem, qui ab eo peterent locum Iudæis Chaldaeos fugientibus, & facultatem in Aegypto commorandi. **USQUE AD HANES:** quæ, ut docet S. Hieronymus, erat ultima civitas Aegypti iuxta Aethiopas, & Blemmyos.

V. 5. **CONFUSI SUNT,** id est confunduntur, præteritum pro futuro, ut etiam sunt explicanda quæ sequuntur. **SUPER POPULOS, AEGYPTIORUM.**

V. 6. **ONUS:** triste, & minax vaticinium. Non est hic nova prophetia, sed inchoatæ profecutio. Itaque præcedentia huc usque fuerunt quasi præfata præambula adsequentem prophetiam, cuius hic ponitur titulus. Ita S. Hieron. **IUMENTORUM,** &c. Intelligit eisdem Iudæos in Aegyptum fugientes, quos iumenta appellat, quia stolidi egerant, cum hoc consilium proficiendi Aegyptum ceperunt, & quia bonis suis, quæ secum extulerant, onusti incedebant. **AUSTRI:** quia fugiebant in Aegyptum, quæ Iudææ est ad Austrum. **INTER TRIBULATIONIS ET ANGUSTIÆ:** quasi dicat: Videor mihi videre fugientes Iudæos per desertum, quæ est terra tribulationis, & angustie, propter inopiam rerum, & quia ut dicitur Deut. xxxi. 10. est locus horrois, & vastæ solitudinis. **LEAENA, ET LEO EX EIS,** scilicet terræ locis, & antris prædunt, viperæ, & volantes basilisci. **AD POPULUM AEGYPTI.**

V. 7. **SUPERBIA TANTUM EST;** id est, in Aegypto nihil est nisi superbia, id est inanis opum, & roboris ostentatio. **QUIE-**

SCÉ:

scē: noli in Aegyptum fugere, sed remane in patrio solo.

V. 8. INGRESSUS, scilicet in cubiculum. SUPER BUXUM: ut diuturna sit memoria huius praedictionis, nam buxus, ut ait S. Hier. est lignum impuribile.

V. 9. FILII MENDACES: perfidi, adulterini, & degeneres a fide, & pietate suorum Patriarcharum.

V. 10. VIDENTIBUS, id est Prophetis. ASPICIENTIBUS, idem est quod *videntibus*: est enim usitata Hebraeis repetitio. PLACENTIA: quae nostris cupiditatibus favcant. ERRORERES: quae placent, sub quibus saepe error laetetur, & deceptio. Vel errores sunt falsa oracula de prospero successu fugae in Aegyptum.

V. 11. AUERTE A ME VIAM: sunt verba Iudaeorum. Chald. *Avertite nos a via vestra*. Nolumus vitae modum, & rationem sequi, quem nobis praescribitis. DECLINATE, &c. Est repetitio. SANCTUS ISRAEL. Chald. *Verbum sancti Israel*; saepe enim Prophetae repetebant: *Hac dicit sanctus Israel*.

V. 12. SPERASTIS IN CALUMNIA: sperastis, & innixi estis in calumnia, & tumultu, quo scilicet tumultuose calumniati estis Ieremiam verantem fugam, quasi falsum prophetam, ut eum opprimeretis. Vide Ieremiam XLII. 2.

V. 13. SICUT INTERRUPTIO CADENS: sicut murus interruptus, rimis fatiscens, & promus in ruinam. ET REQUISITA, id est ingens, subita, & improvisa, cuius scilicet post lapsum causa, quae non apparet, per admirationem inquirunt: sic de subito, & tristi casu Saul, & Ionathae inquit David: *Quomodo ceciderunt fortes?* II. Reg. 1. VENIET CONTRITIO EIUS. Sicut murus repente cadit, & opprimit eos qui sub illo fuerunt; sic iniquitas haec, id est fiducia haec superba, & vana, quam contra Dei iussum collocatis in Aegypti, vos opprimit, & ipsi etiam Aegypti caesi a Chaldaeis conteruntur.

V. 15. SIREVERTAMINI, ET QUIESCATIS: si ab hac fuga desistatis, & solum patrum non deferatis, sed in coquiescat. IN SILENTIO, ET IN SPE: hoc est, si quiescat in terra vestra, & in Deum speretis, sortes eritis, & tuti a Chaldaeis.

V. 16. AD EQUOS FUGIEMUS: ad equos Aegyptiorum; abundat enim Aegyptus e-

quis, & equitatu, ut patet III. Regum x. 28. cum Iudaei in bellis vix uterentur equitatu. IDEO FUGIETIS: videli, & profugati. SUPER VELOCES, scilicet equos Aegyptiorum. IDEO: me vindice.

V. 17. MILLE HOMINES, scilicet fugient. A FACIE TERRORIS UNUS: unum dumtaxat Chaldaeorum timentes. ET A FACIE TERRORIS QUINQUE: & si Chaldaei fuerint quinque, omnes vos in fugam vertimini. QUASI MALUS NAVIS IN VERTICE MONTIS: scilicet fixus, quem navigantes aspiciant, ut rectum cursum teneant, sic vestra calamitatis exemplo, multi pericula virabunt. Vel sensus est, quasi malus navis e naufragio eiectus, & in scopuli vertice temere & neglectus iacens: prior explicatio videtur prior. QUASI SIGNUM SUPER COLLEM: Est repetitio eiusdem sententiae.

V. 18. PROPTEREA EXPECTAT DOMINUS, &c. quasi dicat: Quia tanta futura est clades, propterea expectat Deus, ut moniti poenitentiam agatis, & ipse vestri misertus exilium hoc auferat. ET IDEO EXALTABITUR PARCENS VOBIS; id est, in altum tolletur, quasi elongans se, suamque manum, & ut Vatablus explicat, suspendet ictum. DEUS IUDICII, id est iustus, nec punit eos qui peccatum deserunt. QUI EXPECTANT EUM: qui spem suam in illo collocant.

V. 19. POPULUS ENIM SION, &c. id est, veri, & fideles Iudaei, qui sperant in Deo sub Ezechia, vel post reditum ex captivitate Babylonica, habitabunt in Ierusalem. Videtur Propheta sub his symbolis significare populum Christianum, qui pacifice habitabit in Sion, & in Ierusalem, hoc est in Ecclesia. CLAMORIS TUI, orationis tuae.

V. 20. DABIT VOBIS DOMINUS: Senacherib & in captivitate Babylonica. PANEM ARCTUM, &c. Exiguum cibi, & potus demensum. In Hebraeo est, *Panem angustiae, sive tribulationis, & aquam angustiae, sive oppressionis*, ut vertunt LXX. NON FACIET AVOLARE A TE DOCTOREM: quia scilicet Prophetae non deerunt a quibus instituaris, inter illas angustias, & calamitates. Respicit Propheta Christum doctorem orbis, qui non avolat ab Ecclesia, sed perpetuo illam docet per inspirationes, scripturas, & doctos ministros suos.

V. 21.

V. 21. VERBUM POST TERGUM MO-
NENTIS. Est periphrasis magiltri, & pæ-
dagogi, qui discipulis semper adesse solet,
eoque sequi, & post tergum monere.
HAEC EST VIA, &c. sunt verba doctoris
monentis. Per viam intelligit doctrinam
legis, & Prophetarum, ac præsertim Chri-
sti.

V. 22. ET CONTAMINABIS, &c. sub Ef-
dra, & magis sub Christo, abiciis, com-
bures, calcabis idola, convertens in usus
prophanos. LAMINAS SCULPTILII: lami-
nas in idoli similitudine figuratas, vel in
quibus sculpta, & exprella erant idola.
VESTIMENTUM CONFLATILIS AURI TOT;
id est, idolorum vestimenta, quæ ex au-
ro constata erant, ut etiam ipsum idolum.
EGREDERE; quasi dicat, Abi in malam
crucem, aut in sterquilinum.

V. 23. DABITUR PLUVIA, &c. pro pa-
ne arcto, & aqua brevi, dabit vobis Do-
minus raram omnium ubertatem. SPATIO-
SE: in amplis, & late patentibus pascuis.

V. 24. COMMISTUM MIGMA COME-
DENT. Migma est mixtio, sive farrago
variorum granorum: LXX. habent, *Pa-
leas mistas ordeo ventilato*. SUPER OMNEM
COLEM: super omnes ecclesias. RIVI CUR-
RENTIUM AQUARUM: rivi, immo flumi-
na gratiarum, per Christum fluxerunt in
lege gratiæ. IN DIE INTERFECTIONIS MUL-
TORUM, &c. occisis, vel prostratis tyran-
nis fidei hostibus. CUM CECIDERINT TUR-
RES: Gentiles imperatores, & philosopho-
rum elata sapientia.

V. 26. SICUT LUX SOLIS; &c. Referen-
da hæc sunt ad diem iudicii, & resurre-
ctionem cum D. Hieronymo, & aliis: eo-
nim avolat Propheta. Accipient autem
hæc sidera incrementum hoc luminis, non
a corporibus beatorum, ut nonnemo opi-
natus est, sed immediate a Deo, ita dis-
ponente, ut in celis Dei maiestas magis
resplendeat, & ut sol & luna sibi invicem
opposita, divisim, sed clarissime utrumque
hemisphærium illuminent. SICUT LUX SEP-
TEM DIERUM, septuplo, scilicet maior
quam nunc sit. Aut multo maior, & cla-
rior; ponitur enim numerus definitus pro
indefinito. IN DIE QUÆ ALLIGAVIT,
&c. cum scilicet Deus vulnus omnis cor-
ruptionis, miseriæ, tristitiæ, mortalitatis,
sanaverit in nobis, per quatuor dotes cor-
poris gloriosi.

V. 27. ECCE NOMEN DOMINI, &c.
id est, ecce maiestas, potentia, & vindic-
ta irati Dei, quam ipse in die iudicii
exercebit in reprobos, longo post tempore
veniet.

V. 28. SPIRITUS EIUS, id est halitus qui
effluat ab ore Dei irati. TORRENS INUN-
DANS: metaphora torrentis significatur ma-
xima celeritas, copia, & impetus iræ Dei.
USQUE AD MEDIUM COLLI, id est usque
ad medium colli pertingens, ut tam rapi-
dum torrentem aquis tam alte tumentem,
transvadare difficilimum sit, & periculi ple-
nissimum. ET FRENUM ERRORIS, &c.
Deus enim in die iudicii auferet, & per-
det potestatem dæmonis, qua ipse velut fre-
no regebat peccatores, eoque in omnem
ducebat errorem, & impietatem; auferet
etiam frenum mundi, & carnis, quo multi
iam infrenantur.

V. 29. SICUT NOX SANCTIFICATAE SO-
LEMNITATIS; quasi dicat: Canent sancti
tale canticum, quale cecinerunt Hebræi,
quando nocte, transito mari rubro, & sub-
merso Pharaone, cecinerunt: *Cantemus Do-
mino*, &c. Exod. xv. 3. Hoc enim canticum
Mosis cantatores electos, docet S. Io.
Apoc. xxi. Ita S. Hieronymus. Aliter Pin-
tus, qui ait solitos fuisse Hebræos cum ma-
ne immolanda esset victima, totam præce-
dentem noctem cum lætitia, & cantu tran-
sfigere. SANCTIFICATAE, sanctæ. SICUT
QUI PERGIT CUM TIBIA, &c. solebant e-
nim vota reddituri, & sacrificaturi exultan-
tes cum citharis, & tibiis ad templum ire
sive ad Deum, qui est fortis, immo for-
titudo Israel.

V. 30. GLORIAM VOCIS SUÆ: poten-
tiam vocis suæ, qua quasi tonitru impios
in tartara præcipitabit, sanctos vocabit ad
gloriam. FLAMMA IGNIS: tum conflagra-
tionis mundi, tum gehennæ. IN TURBI-
NE, id est quasi in turbine, & grandine.

V. 31. ASSUR, id est diabolus, ac qui-
vis tyrannus, & oppressor fidei sententia
terietur, & damnabitur: ita Sanctus Hie-
ron. alludit ad Assur, id est Sennacherib,
qui a Deo vindice fuit percussus. VIRGA,
divinæ ultionis.

V. 32. FUNDATUS. Flagellum divinæ vin-
dictæ transiens per reprobos erit fundatum,
forte, firmum, stabile, & perpetuum in
inferno. IN TYMPANIS, &c. id est cum
summa piorum lætitia. IN BELLIS PRÆ-
CIPUIS

CITPUS EXPUGNABIT EOS; id est, incluto, & glorioso pugnandi, & hostes subiugandi modo, solo scilicet nutu, & impetui, quique celebrari solet cum tympanis & citharis, ut factum est Moysi Exod. xv. & Davidi Goliath prostrato.

V. 33. AB HERI, id est antea, olim, iam pridem. TOPHETH, id est *gebenna*, ut habet Chald. LXX. verterunt, *Vallis profunda*. Quid sit Topheth, & quæ sit huius vocis etymologia diximus IV. Reg. xxiii. 10. A REGE, Deo, regum Rege. LIGNA; scilicet ipsi damnati qui erunt quasi torres huius incendi: vide Luc. xxiii. 31. & Eccl. xi. 3. vel inclit sulphur æternum ardens: de quo Apoc. xiv. & xx. & xxii. FLATUS DOMINI: vis divina ignem conservans, suscitans, & quodammodo acuens.

TIRINI.

Vers. 1. PECCATUM novum inobedientie, superbie & contemptus mandati mei (quo iubeo vos in Iudæa persistere) additis; SUPER PECCATUM vestrum antiquum multiplex & varium crapula, iniustitie, idololatriæ, &c.

V. 2. OS MEUM NON INTERROGASTIS; nempe animo obsequendi, quod perinde est atque non interrogare. Patet Ierem. xlii.

V. 4. TANIS regia a Pharaonis erat. HANES ultima civitas Aegypti versus Aethiops & Blemmyos, inquit S. Hieronymus.

V. 6. IUMENTA AUSTRI vocantur Iudæi, qui contra mandatum Dei stolidè & brute sarcinis suis onusti quasi iumenta proficiscebantur versus Aegyptum, inquit Forsterius. IN TERRA TRIBULATIONIS ET ANGSTIÆ, id est in deserto b invio & iniquo iter fecerunt. LEAENA ET LEO EX EIS desertis locis & antris prodire solent, & viatores inuadere: quin & VIPERA ET REGULUS, seu basiliscus, transeuntibus infidias struunt. Et hæc Iudæos non terreat?

V. 7. SUPERBIA TANTUM EST in Aegypto, & inanis opum, præsidii & roboris ostentatio.

V. 8. INGRESSUS in cubiculum tuum, vel in conventum publicum Iudæorum, scribe, o Isia, hæc quæ iam prædico, & scribe SUPERBUXUM, id est in tabula buxæ cerata, ut in die, seu tempore, NO-

Bib. Sac. Tom. XVII.

VISSIMO, nempe post 150. annos, ipsis sit IN TESTIMONIUM AETERNUM meæ erga eos curæ ac providentiæ, suæ vero obliuionis malitiæ ac proterviæ contra tot monita & iussa mea.

V. 11. AUFERTE A ME VIAM ET SEMITAM mandatorum Dei. Est mimetis, voces sunt pervicacis populi; quasi dicat: Cessent hæc amaræ & ingratiæ voces, *Hæc est via, hæc est semita quam Deus præscribit: Hæc dicit sanctus Israel Deus*, nolumus hæc audire.

V. 12. SPERASTIS INCALUMNIA ET TUMULTU, quo tumultuose calumniati estis Ieremiam verantem hanc fugam, quasi falsum Prophetam, Ierem. xlii. 2.

V. 13. PROPTEREA INIQUITAS HAEC, id est iniqua fiducia, quam contra Deum collocatis in Aegypto, ERIT VOBIS SICUT INTERRUPTIO, id est sicut murus interruptus & pronus in ruinam, subito tandem & repente CADENS, & casu suo opprimens quotquot sub illo debebant. Quod quia subito & ex improviso fit, ideo vocat hic ruinam *requisitam*, id est cuius latens causa per admirationem inquiritur, & requiritur, rogando: *Quomodo id fieri potuit? quomodo factum?* ita Sasbout, Alvarez & a Lapide.

V. 15. IN SILENTIO ET IN SPE ERIT FORTITUDO VESTRA; id est, si silicatis de migratione in Aegyptum, & quiescatis in Iudæa, sperantes in Deo & divina protectione, fortes eritis & salvi a Chaldeis, Alludit ad Exodi xiv. 14.

V. 16. DIXISTIS: AD EQUOS AEGYPTI FUGIEMUS: abundat enim Aegyptus de equitate, quo vix utebantur Iudæi. IDEO, id est in poenam huius, vere FUGIETIS, sed victi & prostrati ante faciem Chaldeorum vastantium Aegyptum. Et licet VELOCES sint equi Aegyptiaci, VELOCIORES tamen erunt Chaldei.

V. 17. MILLE ex vobis fugient a FACIE TERRORIS, id est terrore, UNIUS Chaldei: & terrore QUINQUE Chaldeorum, seu paucissimorum, ita in fugam agentur omnes Iudæi, ut vix aliqui superstities futuri sint, in signum extremæ iræ Dei, & ad alios per orbem vestro exemplo erudiendos, sicut frastra navi solet MALUS a nautis colligi, & IN VERTICE vicini MONTIS, seu scopuli in altum attolli, ut aliis navigantibus serviat pro indicio, locum illum ob-

G

syrtis

fyrtis vel arenas periculofum ac cavendum eſſe: ita S. Hieronymus.

V. 18. PROPTEREA; id eſt, propter omnia hæc ingentia mala vobis impendentia, quia miſeretur veſtri Deum, & mallet vos tanta clade non affligi, EXPECTAT UT obſequentes monitis eius, deſiſtatis a turpi & noxia fuga in Aegyptum, atque in ipſo confidatis, malens ipſe miſereri VE-
STRI, vobisque ſuccurrere, & parcendo potius exaltari & glorificari, quam puniendo: ita S. Hieron. QUIA DEUS IUDICI DOMINUS; id eſt, Deus non agitur furore, ſed iuſto iudicio iudicat & vindicat. Quo vero facilius perſuadeat Iudeis in Iudæa ſubſiſtere, promittit

V. 19. POPULUM STON, id eſt Ieroſolymitas & captivitate Babylonica reduces brevi fore, & ruſus tuto habituros IN IERUSALEM: ita Procopius, S. Thomas & Hugo. Allegorice, populus fidelis pacifice deget in Eccleſia Chriſti, inquit S. Hieronymus, Cyrillus, Theodoretus.

V. 20. DABIT quidem DOMINUS VOBIS ad breve tempus PANEM ARCTUM: Heb. *iſar*, id eſt angoris, ſeu tribulationis, ET AQVAM BREVEM; Hebraice, *lachsas*, id eſt anguſtiæ vel oppreſſionis, uti vertunt LXX. hic, & Noſter III. Reg. ult. verſ. 27. quaſi dicat: Inopiam aliquam, famem, ſitim, aliaque adverſa patiimini; ſed Deus NON FACIET AVOLARE A TE ULTRA DOCTOREM TUUM; id eſt, non deſtituet vos præſentia Jeremiæ Prophetæ, & aliorum Prophetarum, qui inſtar prædagogorum vos tergo ſequentes, monebunt de omnibus neceſſariis ad iram Dei placandam, cuiusque clementiam vobis reconciliandam, atque ita pro pane arcto, & aqua brevi rerum omnium abundantiam recuperandam: ita Procopius, S. Thomas, Hugo, Lyranus. Ex horum monitu

V. 22. CONTAMINABIS LAMINAS SCULPTILII ARGENTI TUI; id eſt, idola ex argento tuo conſtata tractabis ut ſoles res pollutas, id eſt deſteſtaberis, abiicies, exures, eorumque veſtimenta, licet aurea & pretioſa, habebis pro rebus ſordidiſſimis, quales ſunt ſordes menſtruatæ. DICESQUE EI, EGREDERE, apage hinc, abi in malam crucem. Abieciſti idolis pro præmio ubertas rerum omnium tibi obveniet.

V. 24. TAURI ET ASINI TUI COMEDENT

non iam paleas aut nuda gramina, ſed COMMISTUM MIGNA, id eſt miſcellam, ſeu mixturem frumenti varii generis, puta tritici, vicie, lentis, avenæ, hordei, SICUT IN AREA VENTILATUM EST, id eſt puri, ſine paleis; hæ enim in area eventilantur: ita S. Hieronymus, qui addit, adeo commiſceri proſumentorum pabulo tot genera frumenti & leguminum, quia varietate ſua appetitum acunt, & naufeam tollunt. Allegorice, migma fidelibus eſt S. Scriptura inquit S. Hieronymus, Cyrillus, Procopius, & Leo Caſtrius: vel, ut S. Bernardus & alii, Chriſtus, maxime in Euchariſtia.

V. 25. SUPER OMNEM MONTEM IUDÆÆ ERUNT RIVI CURRENTIUM AQUARUM, ſeu pluviarum, ſeu fontanarum, & montibus exilientium, & ipſos fecundantium: unde maxima fertilitas & copioſiſſimæ meſſes, idque IN DIE INTERSECTIONIS MULTORUM, immo omnium hoſtium Iſraelis, nempe in excidio Babylonis & regni Chaldeorum per Cyrum & Darium, CUM ECIDERINT TURRES, tum murorum, tum palatiorum BABYLONICORUM. Allegorice, cum ſub Conſtantino dicteſti fuerint Gentiles principes, & ſuperba philoſophorum Ethnicorum ſapientia, inquit S. Hieron. Cyrillus, Procopius & Haymo. Maxime vero cum per Chriſtum dicteſti fuerit Antichriſtus, & per ignem conflagrationis deſtructæ fuerint omnes totius orbis turres & urbes. Huc enim Iſaiam ad finem uſque capitis reſpicere docent S. Hieron. Haymo, Dionyſius, Lyranus, Saſhout & a Lapide. Nolim tamen negare, quin etiam alludat ad gaudium ſelicitatemque Iudæorum & carceris Babylonico in patriam remigrantium, ut Hugo, Forerius, Vatablus, Sanchez, Alvarez & Rabbinii exponunt. Erant enim hæc typus & figura gaudii & triumphii Sanctorum in die iudicii.

V. 26. LUX LUNÆ ERIT SICUT LUX SOLIS: ET LUX SOLIS ERIT SEPTEMPLOCITER INTENſA, quanta eſt LUX SEPTEM DIERUM: nempe poſt diem iudicii; idque, ut divina maiestas per clariorem totius machinæ celeſtis & utriuſque hemiſpherii illuminationem æternum magis reſplendeat. Sed aptando hæc Iudeis & Babylone remigrantibus, ſenſus eſt, tantam fore ipſorum lætitiā, ut luna & ſol ſeptuplo clariſ ſe ſplendere videantur. Sic iſdem ab impio Aman liberatis Eſther xi. dicitur: LUX &

sol ortus est eis; & cap. viii. Iudæis nova lux ori visæ est.

V. 27. ECCE NOMEN DOMINI, id est maiestas, potentia & vindicta Dei, VENIT DE LONGINQUO, id est longo post tempore venit.

V. 28. FRAENUM ERRORIS, QUOD ERAT IN MAXILLIS GPOPULORUM, est imperium tyrannicum Chaldaeorum, & etiam Antichristi, quod oberrat seu versatur in faucibus tot nationum vi subactarum, & in tot errores quasi freno pertractarum.

V. 31. PAVEBIT ASSUR, id est Chaldaus tyrannus, qui simul erat Assyriorum, ut alibi h dixi.

V. 32. ET ERIT TRANSITUS VIRGAE divinae a Iudæis ad Chaldaeos, FUNDATUS & perpetuo manens apud Chaldaeos, & assecus Antichristi; idque cum TYMPANIS ET CITHARIS, id est cum gaudio & iubilo aliarum omnium nationum antea per ipsos tyrannice subactarum. EXPUGNABIT autem Deus tum Chaldaeos, tum Antichristum, non vulgaribus aut levibus velitationibus; sed BELLIS PRAECIPUIS, id est acerrimis praeliis, & nobilissimo pugnandi & hostes subigendi modo, puta prostratione & excidio omnium copiarum & virium, & quidem nutu & imperio potius quam armis. Ut vero aeternum fundetur & permaneat apud Chaldaeos & Antichristianos virga furoris divini;

V. 33. PRAEPARATA EST IAM AB HERI, id est ab antiquo, TOPHETH; Chaldaice, *gehenna*, id est locus horridi supplicii, & inauditi tormenti, puta infernalis, cuius typus & figura erat sacrilegum illud incendium, quo in *valle filiorum Ennom* iuxta Ierusalem vivos cremabant Iudæi filios suos idolo Moloch, ut dixi IV. Reg. xxiii. 10. Et PRAEPARATA est AB REGE regum Deo opt. max. cuius NUTRIMENTA quoque perpetua, nempe IGNIS igni adiectus, ET LIGNA MULTA: est catachresis, pro quibuscvis fomentis, puta pice, sulphure, &c. quæ eadem numero manebunt semper ardentia inferno, sicut & ipsa corpora damnatorum ardebunt perpetuo, nec tamen unquam absumentur. Porro flabelum excitans & acuens hunc ignem est FLATUS DOMINI, id est spiritus, seu ventus procellosus divinitus ibi excitatus, qui gehennam perinde accendit, ac si TORRENS SULPHURIS ardentis in eam infunderetur.

Quo quid horribilius animo concipias?

- (a) Isaia xxx. 11.
- (b) Deut. xxxii. 10.
- (c) Deut. viii. 15. & Num. xxi. vers. 6.
- (d) III. Reg. x. 25.
- (e) Deut. xviii. 26.
- (f) Bern. Ser. III. in vigilia Natalis Domini & Sc. II. de Nativitate Domini.
- (g) Ezech. xxxix. 4.
- (h) Isaia viii. 4. &c.

G O R D O N I.

Verf. 1. V. AE FILII DESERTORES, &c. Hi sunt Iudæi qui occiso Golia descenderunt in Aegyptum contra consilium Domini per Ieremiam: omnia, inquit, vobis in confusionem vertentur. Ceterum ex Hieronymo *Hamas* est extrema Aegypti urbs, versus Aethiopes; *Tanis* vero regia Pharaonis.

V. 6. ONUS IUMENTORUM AUSTRI, &c. Praefatus est de peccato fugientium in Aegyptum; iam onus addit & mala quæ hos desertores expectant. Vocantur autem hi desertores iumenta austri, quia versus austrum pergebant, onusti suis thesauris, velut iumenta: sed properant, inquit (vers. 6. & 7.) ad mala, & ad spem fallacem; hæc, ut dixi, evenient tempore Ieremæ: & ut extet monumentum posteris, iubetur Isaia hæc scribere (buxo ad scribendum utebantur veteres, seu tabula buxæ) & quam insipienter se gesserit populus.

V. 12. O' deinceps. PROPTEREA HÆC DICIT, &c. Explicat quam sit innais hæc spes in Aegypto, ex similitudine muri minantis præseutem pene ruinam. Interruptionem muri vocat requisitam, hoc est manifestam, spectatam, inventam: confractio erit fractæ lagenæ. Adde ex vers. 17. fore ut unus Chaldaeus agat in fugam mille ex vestris, quinque Chaldaei totam vestram multitudinem.

V. 18. PROPTEREA EXPECTAT DOMINUS, &c. Hactenus de futura clade; nunc vero post tenebras promittit lucem expectantibus Dominum, & pleraque renuntiat feliciter eventura sub Eisdra post reditum a captivitate, & tandem sub Christo: quod vero est de pane & aqua, est afflictio sub Sennacherib.

V. 24. & 25. TAURI TUI, &c. Hæc etiam inter alia evenient illis temporibus.

Migma, commislio est, (*μῖγμα, misceo*) nam sunt in pabulo iumentorum grana varii generis & palea. Septuag. habent paleas mistas hordeo ventilato. Speciatim autem quod additur vers. 25. de prostratis hostibus & occisione, victoria est, & ubi Propheta respicere potuit Ezechiam contra Sennacherib, Eldram item ac Cyrum, atque etiam Constantinum Magnum.

V. 26. *Et deinceps. ET ERIT LUX LUNAE*, &c. Hæc ad diem iudicii referunt Hieron. Lyra. Haymo, & alii non pauci, sed unde hoc lumen auctum in sole? non certe ex splendore corporum beatorum, sed a Deo immediate, ubi insigniter resplendet Dei maiestas, tunc lux solis erit septuplo maior, seu erit tanta, quanta est lux septem dierum: tunc, inquam, quando per immortalitatem & dotes sanabitur vulnus


omnis corruptionis: hinc intellige sequentia. V. 30. *ET AUDITAM FACIET*, &c. Terror magni illius diei describitur: percutitur Assur, hoc est Diabolus, & cum eo tyranni & bonorum persecutores, ac Dei virga seu flagellum, transiens per reprobos, erit virga bene fortis & fundata solide, ac stabilis in inferno; idque in tympanis & nubiloso Sanctorum.

F. 33. *PRAEPARATA EST ENIM AB HERI TOPHETH*; hoc est, gehenna: vide IV. Reg. XXIII. 11. Topheth mons erat prope Ierusalem, ubi idolo Moloch Iudæi filios immolabant; ibi erat vallis Hennon. Est autem gehenna idem quod vallis Hennon. Heb. *נֵינַם* vallis, & *חִנּוֹם* hinom, ut habes Ieremix XIX. 6. *vallis filii Hennon*: ait autem paratam gehennam ab heri, hoc est iamdudum.



C A P U T XXXI.

Iudæos qui fiducia in Deum relicta, ad AEgyptios & humanam confugiunt praesidia, prædicat consumendos una cum suis auxiliariis; revertentes vero ad Dominum, virtute divina liberandos.

1.  AE qui descendunt in AEgyptum ad auxilium; in equis sperantes, & habentes fiduciam super quadrigis, quia multi sunt; & super equitibus, quia prævalidi nimis: & non sunt confisi super sanctum Israel, & Dominum non requisierunt. 2. Ipse autem sapiens adduxit malum, & verba sua non abstulit: & consurget contra domum pessimum; & contra auxilium operantium iniquitatem. 3. AEgyptus, homo, & non Deus: & equi eorum, caro, & non spiritus: & Dominus inclinabit manum suam, & corruet auxiliator, & cadet cui præstatur auxilium, simulque omnes consumentur. 4. Quia hæc dicit Dominus ad me: Quomodo si rugiat leo, & catulus leonis super prædam suam, & cum occurrerit ei multitudo pastorum, a voce eorum non formidabit, & a multitudine eorum non pavebit: sic descendet Dominus exercituum ut prælietur super montem Sion, & super collem eius. 5. Sicut aves volantes, sic proteget Dominus exercituum Ierusalem, protegens & liberans, transiens & salvans. 6. Convertimini sicut in profundum recesseratis filii Israel. 7. In die enim illa abiiciet vir idola argenti sui, & idola auri sui, quæ fecerunt vobis manus vestrae in peccatum. 8. Et cadet Assur in gladio non viri, & gladius non hominis vorabit eum, & fugiet non a facie gladii: & iuvenes eius vestigales erunt. 9. & fortitudo eius a terrore transibit, & pavebunt fugientes

tes

tes principes eius: dixit Dominus; cuius ignis est in Sion, & caminus eius in Ierusalem.

BRUGENSIS

ROMANA CORRECTIO.

rum. Non omittas coniunctionem &.

Verf. 4. Et cum occurreris ei multitudo pasto-

COMMENTARIA

MALDONATI.

Verf. 1. **V**AE QUI DESCENDUNT, id est Iudæis: vide verf. 1. cap. precedentis. **ET NON SUNT CONFISI.** Heb. ולא שער, & non aspexerunt ad Sanctum Israel, id est non confugerunt ad Deum. Noster Interpres videtur legisse, לא שרנו, non sunt confisi, sicut paulo ante, ועל סורים, & in equis confiderunt.

V. 2. **IPSE AUTEM SAPIENS.** Heb. ונחם, & etiam ipse (est) sapiens; id est, quamvis sapiens sit non consuluerunt eum, sed ad Aegyptios se se contulerunt. **ADDUXIT MALUM.** ויבא, hoc loco causalem esse arbitror: itaque verito, Propterea adduxit malum, id est decrevit adducere contra iniquos ac rebelles. **ET VERBA SUA NON ABSTULIT,** non auferet: præt. pro fut. id est, quæ locutus est contra eos, perficiet, non mutabit consilia sua. *Quæ processerunt de labiis suis non faciet irrita:* Psal. lxxxviii. 33. **ET CONTRA AUXILIUM OPERANTIUM INIQUITATEM;** id est, contra eos qui petiverunt, & contra eos qui præstiterunt auxilium; ut declarat versu sequenti.

V. 3. **AEGYPTUS, HOMO, ET NON DEUS;** quasi dicat: Maledictus homo, qui confidit in homine, & ponit carnem brachium suum: Ierem. xvii. 5. **ET EQUIEORUM** (Aegyptiorum) **CARO: ET NON SPIRITUS;** id est, vires eorum humanæ sunt, non divinæ. Carnem vocat Scriptura vim humanam; spiritum, divinam; ut Ioan. vi. 63. *Spiritus est qui vivificat, caro non prodest quidquam.* **ET DOMINUS INCLINABIT MANUM SUAM;** quasi dicat, Nunc Deus habet manum extentam & sublatam, id est solum minatur, non percutit: sed tunc inclinabis manum suam, id est re ipsa percutiet; non

aget verbis, sed verberibus; non minis, sed suppliciis. **ET CORRUET AUXILIATOR,** id est Assur, **ET CADET CUI PRÆSTATUR AUXILIUM,** id est Iudæus. Non potuit Interpretes Latine exprimere paronomasiam, quæ est in verbis Hebraicis עזר, & עזר.

V. 4. **QUIA HÆC DIXIT DOMINUS** (וזה אמר) **QUOMODO SI RUGIAT LEO;** id est, non magis poterunt omnes homines Deum impedire quominus puniat hostes Iudæorum, quam multitudo inermium pistorum leonem rugientem impedire potest, quominus rapiat prædam. **A MULTITUDINE EORUM:** מהם, ab streptu eorum. **SIC DESCENDET,** id est ita ut nemo eum detertere queat. **UT PRAELIETUR SUPER MONTEM SION:** על הר ציון, pro monte Sion, ut declarat versu sequenti, id est pro electis qui credituri sunt: *Nemo enim rapiet eos de manu eius:* Ioan. x. 28.

V. 5. **SICUT AVES VOLANTES** (sup. solent pullos suos protegere) **SIC PROTEGET DOMINUS EXERCITUM IERUSALEM.** Ierusalem, Ierusalem.... quoties volui congregare filios tuos, quemadmodum gallina congregat pullos suos sub alis, & noluisse: Matth. xxiii. 37. Alii, *Sicut aves volantes,* id est celeriter ac sine mora, sicut videtur statim explicare. **TRANSIENS ET SALVANS** פסח והמולים, transiundo & salvabit, id est celeri cursu salvabit, nullo negotio, obiter, & quasi aliud agens.

V. 6. **CONVERTIMINI SICUT IN PROFUNDUM RECESSERATIS:** לאשר העמיקו סוד, ad verbum, quemadmodum profundum secretis defectionem; id est, pro magnitudine peccati vestri agite poenitentiam. Aut, tam serio tantoque animi affectu ad Dominum convertimini, quanto ab eo recesseratis, ut explicat versu sequenti.

V. 7. **ABIICIET VIR,** id est unusquisque usita-

usitatus Hebraismus. IDOLA ARGENTI SUI, id est idola sua argentea & aurea. QUAE FECERUNT VOBIS MANUS VESTRAE. Mutatio personae, prius enim de secunda persona per tertiam locutus est. IN PECCATUM, id est ad exercendam idololatriam.

V. 8. ET CADET ASSUR, id est omnis hostis vester; unum enim ponit pro omnibus. IN GLADIO NON VIRI, id est divinitus. *Fugiet nemine persequente*: Prov. XVIII. 1. ET FUGIET NON A FACIE GLADII, non propter ullum gladium, quem districum videat, sed divino correptus metu, ut Assyriis accidit: IV. Reg. XIX. 35. Hebraei nunc legunt וְיָסֵר, & fugiet sibi, id est fuga sibi consulat. Noster Interpres videtur legisse אֶל, non: itemque Septuaginta, εἰς τὴν γῆν, & ὡς ἀπὸ πρῶτου (κατα)στῆς. Quae lectio multo melior est, sensumque reddit cum proximis verbis magis coherentem. ET IUVENES EIUS VECTIGALES ERUNT, id est *Captivum ducet Dominus captivitatem*: Psal. LXVII. 19. & ad Ephes. IV. 8. Heb. לָמַס יְהוָה, quod etiam interpretari possumus, *In desolationem erunt*; id est, coram animi, qui propter florentem aetatem animosissimi esse solent, morti solvantur; quod valde haeret praecedentibus.

V. 9. ET FORTITUDO EIUS, id est fortissimi quique eius milites (sub. Assur.) A TERRORRE TRANSIBIT, id est praetereffugient. Heb. וְסֵלַע סִטְרֵי יַעֲבֹר, & a munitione sua praetereffugient; id est, deferet munitionem suam; quod ad verbum quidem accidit Senacheribo: IV. Reg. XIX. 35. Mystice vero diabolo forti armato, qui cum fortior illo Christus supervenit, munitionem suam reliquit? Luc. XI. 21. 22. ET PAVEBUNT FUGIENTES. Heb. וְיִרְאוּ מִנִּי שִׁינָא, & pavebunt a signo, id est a vexillo Domini, principes eius (Assur.) Mystice vero, omnes daemones & principes diaboli pavebunt a signo Crucis Christi. CUIUS EST IGNIS IN SION; id est, cuius altare est in Sion, aut cui sacrificia offeruntur in Sion. Per ignem enim, quem Deus iusserat in altari perpetuo conservari, Levit. VI. 12. altare ipsum & sacrificia intelliguntur. ET CAMINUS EIUS IN IERUSALEM? Repetitio est idem significans.

S A.

Vers. 2. IPSE, scilicet Deus. SAPIENS. Chald. in sapientia sua. LXX. sapienter. MALUM, id est calamitatem, scilicet super Indros. ABSTULIT. Chald. fecit irria. LXX. frustrabitur; quasi dicat, Punivit, ut praedixit. AUXILIUM, &c. LXX. spem illorum vanam.

V. 3. INCLINABIT. Chald. levabit. LXX. inducet.

V. 4. PRAELIETUR, scilicet contra hostes populi sui.

V. 5. VOLANTES, scilicet & pullos suos protegentes; vel quasi dicat, cito subveniet. TRANSIENS, scilicet inter suos, more ducis.

V. 8. NON VIRI, scilicet sed Angeli. NON A FACIE GLADII, scilicet humani. Heb. & Chald. a facie gladii, scilicet Angeli. VECTIGALES. Chald. occisi. LXX. victi.

V. 9. A TERRORRE, id est ob terrorem. CUIUS IGNIS, &c. id est qui colitur sacrificiis, quae comburantur in Sion. Potest etiam ad caritatem referri, qua in Ecclesia colitur. LXX. Beatus qui habet seminem in Sion, & domesticos in Ierusalem.

E S T I I.

Vers. 8. ET CADET ASSUR IN GLADIO NON VIRI, ET GLADIUS NON HOMINIS VORABIT EUM: ET FUGIET NON A FACIE GLADII. Loquitur Propheta de exercitu Sennacherib regis Assyriorum, de quo IV. Reg. XIX. ut ibidem narratur, percussit angelus Domini una nocte in castris centum octoginta quinque millia. Sensus ergo est: Cadeat exercitus Assyriorum in gladio non viri, & gladius non hominis vorabit eum, id est percutietur, non ab homine aliquo, qui resistere possit, & quem vicissim repercutere possit, sed ab angelis. Et fugiet ipse rex, non a facie gladii, sed territus nimirum subita clade sui exercitus. Quidam legendum postremum illud putant affirmative: *Et fugiet a facie gladii*, putantes Hebraei favere illi lectioni; tum etiam quod hoc ipso vers. 8. dicat: *Et cadet Assur in gladio*; quasi dicat: In gladio scilicet celi non viri, nec hominis, sed in gladio angeli; sed Sixtina biblia legunt nega-

negative, & sensus, ut vidimus, eodem recidit.

V. 9. ET PAVEBUNT FUGIENTES PRINCIPES EIUS: DIXIT DOMINUS, CUIUS IGNIS EST IN SION, ET CAMINUS EIUS IN IERUSALEM. Periphrasis mirabilis, & terribilis veri Dei, seu Dei Israel. Nempe Propheta iste passim in descriptionibus suis utitur grandibus admodum figuris, sicut & totus eius sermo & stylus supra modum sublimis est, & heroicus; adeo ut ceteri Prophetae huius comparatione admodum humiles in sermone videantur. Quod ergo ait: *Cuius ignis est in Sion, & caminus eius in Ierusalem*; periphrasim continet ex ea re, quae soli vero Deo debetur; videlicet ex sacrificio, quod nulli praequam uni vero Deo licite offertur; quasi dicat: Dominus cui sacrificium & holocausta offeruntur in Sion, & in Ierusalem, haec dicit, & suo tempore rata faciet. Per ignem ergo & caminum sacrificia intelliguntur, maxime holocausta, quae tota incendebantur.

M A R I A N A E.

Vers. 1. VAE QUI DESCENDUNT IN AEGYPTUM. Rursus increpat eos, qui ex Aegypto auxilia petebant. NON SUNT CONFISI. Heb. *non respexerunt*. SUPER SANCTUM ISRAEL. Heb. *ad sanctum Israel*. NON REQUISIERUNT, scilicet quid illi placeret.

V. 2. IPSE AUTEM SAPIENS, scilicet est, ut ulcisci iniuriam possit. ADDUXIT MALUM. Heb. & *adducet malum*, scilicet vindictam. VERBA SUA NON ABSTULIT, id est vaticinia irrita esse non patitur. CONTRA DOMUM, id est domos pessimorum, qui non obediunt. ET CONTRA AUXILIUM, scilicet Aegyptiorum operantum iniquitatem. Illa auxilia perdet.

V. 3. ET NON DEUS. Aegyptus non potest opem ferre, nisi Deus annuat. CARO, ET NON SPIRITUS, id est Angelus, qui perire & vulnerari non potest. DOMINUS INCLINABIT MANUM SUAM, scilicet ad percutiendum.

V. 4. QUIA HAEC DICIT DOMINUS. Promittit nihilominus Iudaeis auxilium venturum. CUM OCCURRERIT EI MULTITUDO PASTORUM, scilicet leoni. Heb. *contra quem convocatur turba pastorum*. Pa-

stores Chald. *רעין rahnian*. Inde deduci videtur nostris vox *rabadan*. NON FORMIDABIT, scilicet leo. Chald. *non coneretur*. Idque proprie significat vox *יבאבתי iebathi*. A MULTITUDINE, sive a tumultu eorum. NON PAVEBIT. Heb. *non humiliabitur leo*.

V. 5. SICUT AVES VOLANTES; scilicet timentur nidum & pullos suos: cap. x. 14. Assyrius minatur nidis gentium. Nunc Deus contra pollicetur nidos servaturum. PROTEGENS ET LIBERANS. Heb. *protegendo & liberando, transiendo & servando*. Hieronymus infinitivos in participia vertit, & bene.

V. 6. SICUT IN PROFUNDUM RECESSE-
RATIS, convertimini. Heb. *in quem profundarunt defectionem filii Israel*, id est profunde recesserunt, id est vehementer. Suspico tamen Hebraica aliter habuisse, & pro *לאסר laaser*, legisse *כאסר chaaser*, id est *sic*. Tum pro *המקני hehniku*, id est *profundarunt*, legisse *המניקו thabniku*, id est *profundastis*. Eamque credo veram esse lectionem, & Hieron.

V. 7. ABICIET; seu reprobabit. VIR, id est unusquisque, idola quae fecit. IN PECCATUM. Heb. *peccatum*. Sed bene suppletur *in*, ut supplevit etiam Chald. Aut dic, *peccatum*, id est cognoscetis fuisse peccatum, quod licere putabitis. Peccatum quique abiciet, nempe idola. Quid ex eo? Cadet Assur.

V. 8. IN GLADIO NON VIRI. Nimirum Angelus occidit Assyrios. ET IUVENES EIUS VECTIGALES ERUNT, id est captivi servient. Chald. *in interitum erunt*. Alii *in liquefactionem erunt*, id est metu liquefcent. Vox *דיד mas*, & *tributum* & *liquefactionem* significat. Priorum significationem Hieronymus est secutus. Ergo *in tributum erunt*, id est vectigales.

V. 9. ET FORTITUDO EIUS A TERRORE TRANSBIT, id est fortitudinem ignavia Assyrius mutabit praeter metum. Heb. (ad) *petram suam (arccm) praeter metum transibit*, fugiet. ET PAVEBUNT FUGIENTES. Heb. *a vexillo* (id est sicut a vexillo) *principes eius* (Assyrii) *pavebunt*, scilicet ut solent homines timere viso hostilis exercitus vexillo. DIXIT DOMINUS, CUIUS IGNIS, scilicet ad incendendum Assyrios. EST IN SION: hoc ad templum refertur & altare Ierosolymitanum. Chald. *Cuius splendor est in Sion facientibus legem, & caminus*

nus

nus in Ierusalem transgredientibus verbum eius.

M A L V E N D A E.

Vers. 1. **V**AE QUI DESCENDUNT, vel descendentes, IN AEGYPTUM, &c. Observant esse hoc capite ultimam partem concionis, ut dictum est cap. xxix. in vers. 1. nempe Conclusionem, cuius partes sunt duae: una est, prophetiae praecedentis repetitio summa, usque ad vers. 6. altera exhortatio ad resipiscenciam, & veram poenitentiam, promissionibus coniuncta, ad finem usque. Repetitionis porro duo sunt loci, minae contra Iudaeos & Aegyptios, tribus versibus; & promissiones erga Ecclesiam, vers. 4. & 5. Hunc versum clarius alii ex Heb. reddunt: I. *Ve iis, qui descendunt in Aegyptum pro auxilio, quique equis nituntur, & fiduciam habent in quadrigis, quod multa sint, & in equitibus propter ingens robur eorum; sed ad Sanctum Israelis non respiciunt, & ipsum Iehovam non quaerunt.* II. *Ve descendentes in Aegyptum ad auxilium, & qui nituntur equis: qui confidunt curribus, cum multi sunt, & equitibus, cum sunt numerosi valde; neque respiciunt ad Sanctum Israelis, & Iehovam non requirunt.* Vide supra cap. xxx. **2.** *QUIA PRAEVALIDI NIMIS: Heb. quia corroborati, confirmati, condensati, compacti sunt; vel numerosi, potentes, praevalidi sunt, valde.* Ex verbo: quia ossati, osses sunt valde.

V. 2. **I**PSE AUTEM SAPIENS ADDUXIT MALUM, &c. Hunc versum quidam ex Heb. ita accipiunt: *Atqui ipse etiam sapiens est, qui cum inferi malum, verba sua non sinit amoveri; sed insurget in domum maleficorum, & in auxilium operam dantium iniquitati.* Antanacsis, qua refringit Prophetam vanam Iudaeorum Aegyptiorumque confidentiam per comparationem sapientiae & potentiae Dei: Esto sane, inquit, sint sapientes, sint potentes Aegyptii; iam vero multoties fecerunt periculum, quam facile ipsorum sapientiam & potentiam deludat & evertat Deus, ut legimus Exod. 1. & sequentibus: quamobrem non dubium est, quin idem porro sit facturus ad vindicandam gloriam suam. *In domum maleficorum, quos filios contumaces & populum rebellem nominavit, supra cap. xxx. 1. & 9. & in au-*

xilium operam dantium iniquitatem; id est, in Aegyptios opitulantes Iudaeis.

V. 4. **Q**UIA HAEC DICIT DOMINUS AD ME. Alii: *Sed ita ait Iehova mihi.* Occupatio, qua temperat Prophetam proxime praecedentes minas: Cadent quidem, inquit, adiutor Aegyptius, & adiutus Iudaeus, Babyloniorum opera; sed reliquias servabo & liberabo e manibus illorum: ut copiose promissit supra cap. xxx. 19. & sequentibus: **Q**UOMODO SI RUGIAT LEO, ET CATULUS LEONIS, &c. Alii: I. *Quemadmodum leo, aut catulus leonis ad praedam suam rugit, & nihil pavet ad examen pastorum, qui ei occurrunt, & vociferantur, neque ad tumultum eorum animum deiciit; vel, contra quem convolvatur catus pastorum, ob quorum clamorem nihil commoveatur, neque ob tumultum eorum humiliatur; id est, nihilo redditur mitior.* II. *Quemadmodum rugiens leo, & juvenis leo ad praedam suam, cum vocatur contra eum multitudo pastorum, a voce eorum non terretur, & a strepitu eorum non demittit se; id est, plane imperterritus a numero potentiaeque hostium Ecclesiam infestantium.* **U**T PRAELIETUR SUPER MONTES SION, ET SUPER COLLEM EIUS. Alii: *ad militandum, seu propugnandum pro monte Tzionis, & pro colle eius, id est pro Ecclesia, synecdochice.*

V. 5. **S**ICUT AVES VOLANTES, SIC PROTEGET DOMINUS, &c. Exponunt: Id est, sicut aves volatu quamcelerrimo opem suis pullis, sic Iehova quamcitissime, &c. Alii: *sicut aves volucres, &c. nimirum protegent nidum suum, ita Deus Ecclesiam perget protegere, protegendo eripere, &c. Gradatio. Est autem hic ellipsis relati nominis, ut Levit. xxi. 4. Ut Assyrius minabatur supra cap. x. 14. nidos cum avibus se perditurum; ita nunc Deus promittit se defensurum suas reliquias de manu Babylonii, ut solet avis nidum suum. TRANSENS, ET SALVANS. Heb. *transsaltando, transfiliendo, & salvam evadere faciendo.* Quidam: *transfiliendo, atque servando.* Alii: *transcundo etiam liberabit;* quasi dicat, Nocte una, sicut in Aegypto factum est, Exod. xii. 29. siquidem nocte una similiter deiectum est Babyloniorum regnum ad liberationem populi, Daniel. v. 30. Nam ut alluderet ad noctem Aegyptiacam, usus est eodem verbo *transfiliendo.**

V. 6. **C**ONVERTIMINI SICUT IN PROFUNDUM

DUM RECESSERATE, FILII ISRAEL. Alii ex Heb. I. *Convertimini ad id, a quo admodum declinastis, filii Israel.* II. *Convertimini ab ea incredulitate in quam vos demersistis, filii Israel.* III. *Revertimini, filii Israel, quantum defectione in profundum descendistis.* IV. *Convertimini, filii Israel, ad eum contra quem plures vestrum machinati sunt rebellionem.* V. *Revertimini ad eum, contra quem multiplicaverunt perversum filii Israelis, id est multa perversa fecerunt.* VI. *Forsterus bitariam exponit: Revertimini ad illum, a quo profundaverunt defectionem, id est multiplicaverunt, filii Israel; vel revertimini ab ea, qua demersi sunt averseione, filii Israel.* VII. *Mercerus: Revertimini ad eum, a quo profundam fecistis averseionem, filii Israelis; quasi dicat, A quo plurimum recessistis, & defecistis, & in quem multiplicastis defectionem. Enallage personæ huic linguæ familiaris.* VIII. *Tremellius, & Iunius: Revertimini ad eum, in quem profundam, sive profundam faciunt apostasiam, vel quem summa & profunda apostasia provocant filii Israelis.* Alter conclusionis locus, ut diximus in vers. 1. reliquias populi exhortans ad veram poenitentiam, hoc versu; tum promissionem subnectens. De voce *סרה Sarah*, quam hic nos *discessionem* vertimus, vide supra cap. 1. §.

V. 7. IN DIE ENIM ILLA ABIICIET VIR IDOLA, &c. Alii: *Cum die illa spernent quisque idola, simulacra, &c.* Expolitio promissionum in respicientes, quorum seria poenitentia describitur hoc versu periphrasticis. De voce *מליטם elisim*, quam hic *idola* vertunt, vide supra cap. 11. 8. & cap. x. 10.

V. 8. ET CADET ASSUR, &c. Alii: *Tunc cadet; id est, quando reconciliatus fuerit Deus cum respiciente Ecclesia, omnia succedent optime: Deus enim ipse Ecclesiam suam protegens victoriam tribuet ab omnibus hostibus, eorum spoliis locupletabit Ecclesiam, denique cumulatibit benedictionibus: quæ promissio synecdochice ab exemplo recentis victoriæ contra Assyrium (quo uno potentissimo hoste fuerat tunc infestata Ecclesia) describitur: Assyrius, id est quisquis, ut Assyrius, fuerit hostis Ecclesiæ Dei: synecdochice, ut supra cap. xxv. 10. gladio non virili, sed divino, id est spiritu Dei, ut Zecariæ 14. 6.*

Bib. Sac. Tom. XVII.

*& gladius non humanus consumet eum; & fuga consulat sibi metu gladii, iuvenesque eius & lectissimi eius tributarii erunt; id est, Ecclesiæ ministrabunt, & servient, ut Psal. lxxi. 8. & sequentibus. Hinc autem apparet non proprie hoc quidem loco agi de cæde exercitus Assyriorum regnante Chizkia (quia tunc temporis minime effectum est, ut ulli Assyriorum fierent tributarii) sed victoriam Ecclesiæ in regno Christi cum illa victoria de Assyrio comparatam, numeris omnibus illi anteferi; quasi dicat: Et illud fiet, & multo amplius. ET IUVENES EIUS VECTIGALES ERUNT. Heb. & electi iuvenes eius contributioni, tributo, vel in tributum erunt. Hoc cladi Sancheribi aptari commode nequit. Quidam reddunt: *iuvenes eius in liquefactionem erunt*, id est animis delituentur, vel corporibus contabescunt ac dissolvuntur ab angelo percussis: quod apte militibus Sancheribi congruit.*

V. 9. ET FORTITUDO EIUS A TERRORE TRANSIBIT. Alii ex Heb. I. & *ad rupem, vel ad arcem suam, seu ad propugnaculum suum munitissimum, id est Assyriam, transibit, vel se recipiet Sancherib.* II. *nam petra eius, id est receptus eius, cui confidit tamquam firmissimo munimento regni, præ formidine transibit, id est evanescet, deiicietur, & habitatores disfluent formidine.* ET PAVEBUNT FUGIENTES PRINCIPES EIUS. Alii ex Heb. I. & *pavebunt principes eius a signo, seu a vexillo.* II. & *conserentur pro signo principes eius, id est metu signi, aut vexilli, quod contra ipsos Deus crexerit, ut Exod. xvii. 15. DIXIT DOMINUS. Heb. certum & indubitatum dictum Iehova, vel fidelis sermo Iehova: vide in Genes. xxii. 16. CUIUS IGNIS EST IN SION, ET CAMINUS EIUS IN IERUSALEM.* Plerique putant esse Hebraismum, quem nos Hispani apte exprimimus: *Tiene casa y hogar en Sion y en Ierusalem; quasi dicat, Deus est quasi inquilinus & habitator Ierusalaimorum, concivis eorum, unde non poterit non adesse illis, & curam ac protectionem eorum agere.* Alii respectum putant ad altare holocaustorum, & ad perpetuum ignem consummentem sacrificia; unde reddunt: *qui habet focum in Tziione, & furnum in Ierusalaim;* quasi dicat, Qui perpetuis sacrificiis in templo Ierusalymitano colitur: unde non

H

pote-

poterit non protegere suos, ac propugnare a quibus iugiter colitur; nam sacrificia sunt, quæ melius bellum adversus hostem gerunt. Sic supra cap. xxx. 32. dicuntur *bella oblationum*: & notum illud Numæ dictum, quod nuntiis de adventu hostium respondebat: *At ego sacrifico*. Tremellius, & Iunius exponunt: *cui ignis est Teziane, & furnus Ierusalaimis*. His attributis Dei summas causas attingit Propheta prædictæ administrationis: Deus, inquit, in Ecclesia sua habitat, & in ea deposuit quicquid cum ad cultum suum, tum ad ultionem de hostibus fumendam pertinet; ac proinde quicumque in Ecclesiam invehuntur, & Dei cultum labefactare volunt, seipfos tamquam in furnum cadentem ingerunt, in iram Dei, ut dictum est supra cap. xxx. 30. & 33. *Ignis est, &c. ad colendum Deum sacrificiis. Et furnus*: ad consumendos adversarios Dei & Ecclesie. De voce *תנור* *thannur*, *furnus*, vide Notas in Genes. xv. 17.

M E N O C H I I.

Verf. 1. **V**AE QUI DESCENDUNT IN ÆGYPTUM. Prophetat contra decem tribus, quæ quia non Dei, sed Ægypti opem imploraverunt, a Salmanasar evertæ, & in Assyriam sunt abductæ.

V. 2. IPSE, DEUS. SAPIENS. Chal. in *sapientia sua*. LXX. *sapienter*. ADDUXIT, id est adducet; est enim prophetia & prædictio rei futuræ. VERBA SUA NON ABSTULIT, id est non fecit irrita, ut habet Chaldaeus. CONTRA DOMUM PESSIMORUM, id est contra decem tribus, quæ spreto Deo ad vitulos aureos, & ad Ægyptios confugerunt. ET CONTRA AUXILIUM OPERANTUM INIQUITATEM, id est contra Ægyptios, qui decem tribubus auxiliantur, suntque homines scelerati, & operantes iniquitatem.

V. 3. ÆGYPTUS, HOMO, ET NON DEUS: id est, Ægyptii homines sunt fragiles, & imbecilles, ideoque spem vestram in iis collocare non debetis, sed in Deo. INCLINABIT MANUM SUAM, scilicet ad percutiendum, tam eos, qui petunt, quam eos qui ferunt auxilium.

V. 4. QUIA HAEC DIXIT DOMINUS, &c. Exemplo duarum tribuum, quæ auxilio Dei invocato tute fuerunt, ostendit Propheta male fecisse Samaritas, qui ad Ægyptios confugerunt. SUPER MONTEM SION: lu-

per Ierusalem, ut illam tueatur ab hostium incurfu, ut leo prædam suam tuctur ab impetu pastorum.

V. 5. SICUT AVES VOLANTES, &c. Sicut aves nidis suis incubant, & pullos protegent, ne rapiantur ab accipiere, sic Deus proteget Ierusalem. In similitudine leonis notatur robur, in similitudine avium pietas, elementia, & sedulitas; quasi dicat: Deus poterit ut leo, & volet eos defendere, ut aves pullos suos. TRANSIENS: circum nidum volitans, & se accipitri, aut milvo opponens.

V. 6. SICUT IN PROFUNDUM RECESSERATIS. Hebraice est, *sicut profundis iniquitatem*; quasi dicat: Sicut profunde a me declinastis ad idola, & scelera descendentes, ita nunc serio ad me redite. Alloquitur decem tribus.

V. 7. IN DIE ILLA, &c. quasi dicat: Convertimini ad Deum, o decem tribus, sic enim eius opem experiemini, perinde ac mox experientur duæ tribus, cum abiectis omnibus idolis, quæ nonnulli eorum tempore Achab fecerunt, unanimes toto corde me colent, & invocabunt; tunc enim liberabo eos, & eadem Assur, id est Sennacherib eos impugnantem.

V. 8. NON VIRI; sed angeli 185. milia interficientis. NON A FACIE GLADII: non ab humano gladio, a quo nihil passi sunt. IUVENES EORUM VECTIGALES ERUNT, id est Assyrii qui prius solabant aliis vectigal imperare, iam ipsi illud pendere cogentur.

V. 9. FORTITUDO EIUS A TERRORRE TRANSIBIT, id est ob terrorem solvetur. CUIUS IGNIS EST IN SION: qui colitur sacrificiis quæ incenduntur in Sion. ET CAMINUS EIUS, &c. Repetitio eiusdem sententiae.

T I R I N I.

Verf. 2. **I**PSE SAPIENS, nempe Deus; quasi dicat: Iudæi quantumcumque sagaces & prudentes sibi videntur in hac sua fuga in Ægyptum, non effugient tamen manus sapientissimi Dei. Quare sapientiores essent, si abnegato proprio sensu, se totos crederent Deo, & eius ope tuti haberent in Iudæa. NON enim ABSTULIT, neque auferet VERBA SUA, id est non revocabit ea quæ verbis suis minatus est eis, sed CONSURGET acerrimus ulior

ultor CONTRA DOMUM PESSIMORUM, id est contra omnem illam Iudæorum Deo rebellium congregationem in AEGYPTUM properantem: & simul confurget CONTRA AUXILIUM OPERANTUM INIQUITATEM, id est contra AEGYPTIOS qui in ipsius Iudæis auxiliari contendunt. Patet ex vers. sequenti contra utroque ait: DOMINUS INCLINABIT MANUM SUAM; nempe ad percutiendum, ad prosternendum, ad consumendum. Quanto sapientius acturi sunt Iudæi sub Ezechia, cum ingruente maiore tempestate per Sennacherib excitata, non confugient ad AEGYPTIOS, fragiles & imbecilles, sed ad Deum immortalem, fortissimum atque invictissimum? Qui instat

V. 4. LEONIS SUPER PRAEDAM SUAM RUGIENTIS, ac pro ea tutanda saragentis, DESCENDET UT PRAELIETUR SUPER MONTEN SION, & tueatur Ierosolymam, totamque Iudæam adversus Assyrium prædatorum Sennacherib.

V. 5. ET SICUT AVES VOLANTES, quæ nidum suum rostro & unguibus adversus accipitrem & aucupem defendunt, immo vitam suam pro pullis periculo obiciunt; ita se geret Deus pro Ierosolyma. Alludit ad verba Sennacherib supra x. 14. minitantis Iudæis, se eos quasi nidos cum pulvis perditurum. Horum Iudæorum exemplo

V. 6. CONVERTIMINI, O FILII, non iam Iuda, seu duarum tribuum Deo adherentium, sed ISRAEL, seu decem tribuum Deo rebellium: nam licet ex Iuda sitis oriundi, cum Israelitis tamen a Deo deflexistis, & IN PROFUNDUM idololatriæ & aliorum scelerum delapsi estis. Convertimini tandem aliquando: sic enim præsentem Dei opem experiemini, sicut sub Ezechia iam experientur antecessores vestri Iudæi, qui abiectis omnibus idolis suis a tempore impiissimi Achaz reliquis, se totos converterunt ad Deum sibi propitium reddendum. Ita facite & vos, & omne hostile robur, quod formidatis a Chaldæis, prorsus concidet & evanescet: sicut iam sub Ezechia mox

V. 8. CADET blasphemus ASSUR Sennacherib prosternendus GLADIO NON VIRI,

sed angeli, qui una nocte cadet ex eius exercitu 185. millia. ET IUVENES EIUS, seu subditi ipsius, nempe Assyrii, qui alii iam dominantur, & tributum ac veltigal imperant, post paulo VESTIGALES ERUNT aliis, nempe primo, Chaldæis; secundo, Persis & Mediis; tertio, Græcis; quarto, Romanis; nec unquam pristino imperio & splendori restituentur: ita S. Hier. Nempe, pari modo Deus pro vobis, si fideles illi adhaeseritis, pugnabit adversus hostes vestros: Chald. Quia

V. 9. IGNIS EIUS EST IN SION, ET CAMINUS IN IERUSALEM; id est, a Ierosolimitanis & Ierosolymæ vult sacrificiis coli in suo altari igne perpetuo succenso; quasi dicat: Non est quod Ierosolyma fugatis in AEGYPTUM, cum decreverit Deus Ierosolymæ cultum divinum una cum templo instaurare: AEGYPTUM vero funditus excindere. Mystice, ignis Dei in Ecclesia, & in anima nostra est caritas, qua maxime colitur Deus, inquit S. Gregorius a.


(*) Gregorius homil. xxi. in Ezech.

G O R D O N I.

Verf. 1. VAE QUI DESCENDUNT IN AEGYPTUM, &c. Hunc descensum in AEGYPTUM melius referemus ad tempora Salmanasar, quando ipse septimo anno Ezechie transiit decem tribus nam tunc multi timore correpti descendunt in AEGYPTUM, inde petentes auxilium, & non a Deo.


V. 4. & 5. Nunc de duabus tribubus sub Ezechia quas protegens Deus liberavit confugientes ad Deum, qui ut leo fortis protegit suos. Hæc velut per parenthesis.

V. 6. CONVERTIMINI SICUT IN PROFUNDUM, &c. Hortatur decem tribus, ut redeant ad Deum exemplo duarum tribuum; Qui, inquit, ivissis in profundum malorum, ita nunc redite profundo corde. IN DIE sane ILLA (vers. 7.) sub Ezechia, ABICIET VIR IDOLA, ET ASSUR (Sennacherib) CADET IN GLADIO NON VIRI, sed Angeli gladio. Nota est historia ex Libris Regum. IV. Reg. cap. xxix.



C A P U T XXXII.

De rege ac principibus in iustitia regnaturis, & de populi subditi felicitate: Stulto autem principi & opulenti mulieribus futura pradicatur calamitas: pacis quoque pulchritudo ac requies opulenta promittitur populo Dei.

1.  Cet in iustitia regnabit rex, & principes in iudicio præ-
runt. 2. Et erit vir sicut qui absconditur a vento, & ce-
lat se a tempestate, sicut rivi aquarum in siti, & umbra
petræ prominentis in terra deserta. 3. Non caligabunt o-
culi videntium, & aures audientium diligenter ausculta-
bunt. 4. Et cor stultorum intelliget scientiam, & lingua
balborum velociter loquetur & plane. 5. Non vocabitur
ultra is, qui insipiens est, princeps: neque fraudulentus appellabitur maior. 6.
Stultus enim satua loquetur, & cor eius faciet iniquitatem, ut perficiat simu-
lationem, & loquatur ad Dominum fraudulenter, & vacuam faciat animam
esurientis, & potum sitienti auferat. 7. Fraudulenti vasa pessima sunt: ipse e-
nim cogitationes concinnavit ad perdendos mites * in sermone mendaci, cum
loqueretur pauper iudicium. 8. Princeps vero ea, quæ digna sunt principe,
cogitabit, & ipse super duces stabit. 9. Mulieres opulentæ surgite, & audite
vocem meam: filiz confidentes percipite auribus eloquium meum. 10. Post
dies enim & annum, vos conturbabimini confidentes: consummata est enim
vindemia, collectio ultra non venit. 11. Obscurescite opulentæ, conturbami-
ni confidentes: exuite vos, & confundimini, accingite lumbos vestros. 12. Su-
per ubera plangite, super regione desiderabili, super vinea fertili. 13. Super
humum populi mei spinæ & vepres ascendent: quanto magis super omnes do-
mos gaudii civitatis exultantis? 14. Domus enim dimissa est, multitudo urbis
relicta est, tenebræ & palpatio factæ sunt super speluncas usque in æternum.
Gaudium onagrorum pascua gregum, 15. donec effundatur super nos spiritus
de excelsis: & erit desertum in charmel, & charmel in saltum reputabitur. 16.
Et habitabit in solitudine iudicium, & iustitia in charmel sedebit. 17. Et erit
opus iustitiæ pax, & cultus iustitiæ silentium, & securitas usque in sempiter-
num. 18. Et sedebit populus meus in pulchritudine pacis, & in tabernaculis
fiduciæ, & in requie opulenta. 19. Grando autem in descensione saltus, & hu-
militate humiliabitur civitas. 20. Beati, qui seminatis super omnes aquas, im-
mittentes pedem bovis & asini.

B R U G E N S I S

ROMANA CORRECTIO.

Vers. 7. In sermone mendaci. Alii pro adie-

| sivo mendaci, scribunt substantivum men-
dicii.

COM-]

COMMENTARIA

MALDONATI.

Vers. 1. **E**CCE IN IUSTITIA REGNABIT REX, id est Christus. ET PRINCIPES, id est Apostoli, IN IUDICIO PRAEERUNT. Heb. *יָשִׁיר*; *principabuntur*; paronomasia.

V. 2. ET ERIT VIR, id est rex ille Christus. Sicut qui absconditur a vento. Heb. *כְּסֻמָּה*, *sicut absconditio a vento*; id est, tam gratus hominibus, quam locus apricus iis, qui a vento fugiunt. ET CE-LAT SE A TEMPESTATE: *וְסָתַר זֶרֶם*, *latibulum imbris*; id est, sicut locus tectus, in quem confugimus ingruente imbre, id est erit asylum & confugium omnium hominum.

V. 3. ET NON CALIGABUNT OCULI VIDENTIUM, id est volentium videre. ET AURES AUDIENTIUM, id est volentium audire: ut *qui habet aures audiendi audiat*: Matth. xi. 15. quasi dicas: Non erunt homines caeci & surdi ad intelligendum verbum Dei, sicut nunc sunt; sed *erunt omnes docibiles Dei*: Isai. liv. 13. & Ioan. vi. 43. ut supra cap. xxx. 20. 21.

V. 4. ET COR STULTORUM, id est qui ante stulti erant & imperiti, quod in Apostolis factum videmus. ET LINGUA BALBORUM, id est qui ante nesciebant de divinis mysteriis loqui, deque eius laudibus. VELOCITER LOQUETUR, ET PLANE: *צֹחַת*, *palles*.

V. 5. NON VOCABITUR ULTRA IS QUI INSIPIENS EST, PRINCEPS. Vel, *לִנְכִל נָדִיב*, *stultus, liberalis & fraudulentus appellabitur maior*. Vel, *לִכְלִי שָׂעָן*, *& avarus non dicetur dives*; ut alii vertunt. Senfus est, fore ut Christo regnante non habeantur pro virtutibus vitia, sicut ante. Aut, non esse futuros homines hypocritas; Christum enim ponendum in ruinam & resurrectionem multorum, ut revelentur ex multis cordibus cogitationes: Lucæ ii. 35. Hunc enim sensum declarat versu sequenti.

V. 6. STULTUS ENIM FATUA LOQUETUR; id est, talis unusquisque & verbis & factis apparebit, qualis re ipsa est. UT PERFICIAT SIMULATIONEM; id est, scelus quod ante simulabat, ac tegebat, re ipsa

patrando declarabit. ET LOQUATUR AD DOMINUM FRAUDULENTER; id est, ita fraudem contra Deum conceptam non simulabit, sed effret & patefaciet. Vel, *וְלִיבֵר לִיחֹה לִיהוָה תֵּעָה*, *ut loquatur Deo (aut de Deo) errorem*, id est blasphemias contra Deum. ET VACUAM FACIET; id est, esurientes & sitientes fame & siti perire faciat; quasi dicat: Contra Deum & contra homines quam iniquis quisque fuerit, apparebit: primo enim loco posuit peccata contra Deum, secundo contra homines.

V. 7. FRAUDULENTI VASA: *כְּלֵי כְלֵי רַעִים*, *& avari vasa mala* (erunt) id est, rationes, artes avari malas esse conflabit, neque dissimulare poterit. Pergit enim Propheta in eadem sententia, & ut doceat fore, ut talis unusquisque appareat, qualis revera erit. IPSE ENIM COGITATIONES CONCINNAVIT; pro, concinnabit tunc, præt. profut. Heb. *וְנָתַת רֵעֶךָ*, *fraudentia inibit consilia*. AD PERDENDOS MITES, id est ad fallendos pauperes verbis mendacibus, sicut avari mercatores pauperes rusticos speciosis verbis circumvenire solent. CUM LOQUERETUR PAUPER IUDICIUM; id est, cum pauper in iudicio causam suam ageret, avarus eum opprimeret falsis testibus. Alii vertunt, *וְסָתַר מִכּוֹן מִשְׁפָּח*, *ut loquatur contra pauperem in iudicio*; aut iudicium, id est ut causam contra illum agat.

V. 8. PRINCEPS VERO EA QUAE DIGNA SUNT PRINCEPE, id est, *liberalis liberaliter aget*: *וְנָדִיב נִבְרֹת רֵעֶךָ*; quasi dicat: Sicut avarus avarum, ita liberalis liberalem se se re ipsa ostendit. ET IPSE SUPER DUCES STABIT, id est prae ceteris magnis viris notus erit. Vel, *וְהָיָה עַל נְיָבוֹת יָקִים*, *& ipse propter liberalitates surget*, ad verbum; id est, fama & opinione crescet, non erit occultus, sed celebris; vel, ipse ad liberalitates surget, id est magis liberalis fiet.

V. 9. MULIERES OPULENTAE. Praenuntiavit ante felicitatem eorum qui in Christum credituri erant; nunc denuntiat calamitatem eorum qui non erant. *Mulieres opulente*. Heb. *שְׂמֹנֶת*, *otiose* ac domi securae desidentes. SURGITE, id est attente audi-

audite: hanc vim habere arbitror hoc verbum; solemus enim furgere cum aliquid attentius audire volumus. Mulieres autem potius quam viros alloquitur, quia in illis maxime solet luctus, vel letitia civitatis apparere: ut cap. III. 16. 17. *Pro eo quod ambulaverint filiae Sion extenso collo, &c. Decalvabit Dominus verticem filiarum Sion.* Alii Hebraeos secuti putant mulieres hoc loco maiores civitates intelligi; filias autem minora oppida. FILIAE CONFIDENTES; id est, quae securae estis, nihil timentes periculi: easdem (ut ego arbitror) vocat filias, quas mulieres, & confidentes, quas otiosas vocaverat.

V. 10. POST DIES ENIM ET ANNUM, id est, tandem aliquando volvenda dies hanc vobis calamitatem afferet. Alii, *dies & annos*, id est diu (scilicet sub vobis hoc malum durabit.) Alii, *post aliquos dies & annum eveniet*: quod ego minime probo. ET VOS CONTURBABIMINI CONFIDENTES; id est, quae nunc confidentes estis, tunc metuetis. Perturbationem futuram praesentis confidentiae opponit. CONSUMMATA EST ENIM, id est consummabitur, deficiet. Praet. pro fut. כלה, & collectio; id est, messis ultra non erit: his verbis sterilitatem significat: per hanc autem sterilitatem omnia poenarum genera intelliguntur; sed loquitur de iis, quae homines maxime timere solent, ut supra cap. XXIV. 7. *Luxu vindemia, infirmata est vitis.*

V. 11. OBSTUPESCITE OPULENTAE: שחנת, otiose, secure (vocativus) ut vers. 9. EXUITE vos (de delicatis & luxuriosis vestibus) ET CONFUNDIMINI: וערה, & nudate (vos.) ACCINGITE LUMBOS VESTROS. Heb. וחגרה על חלצין, & accingite (vos sacco) super lumbos, quod magni luctus signum erat.

V. 12. SUPER UBERA, id est propter ubera; quasi dicat, Propter lactis inopiam. PLANGITE. Heb. פלגים, plangentes (erunt) SUPER REGIONE DESIDERABILI, id est propter agros alioqui fertiles, quia steriles erunt. ET SUPER VINEA FERTILI, quia scilicet non feret fructum.

V. 13. SUPER HUMUM POPULI MEI, id est super terram Iuda non credentis. SPINAE ET VEPRES ASCENDENT, id est terram cooperient, quia inculta erit & horrida: QUANTO MAGIS SUPER OMNES DOMOS GAUDII CIVITATIS EXULTANTIS; id

est, multo magis ascendent super domos ipsas ad voluptatem factas. Civitatis exultantis, id est Babylonis civitatis superbae, quae evertetur; quasi dicat: Si in terram Iuda tantam sterilitatem missurus sum, quanto maiorem mittam in terram hostium. Heb. כי על כדברתי כשם. Alii, quia super omnes domos gaudii (ascendent.) Alii, sed & super omnes domos gaudii.

V. 14. DOMUS ENIM: כי ארסון נטש, quoniam palatium (quae nunc sunt pulchra & magnifica palatia) derelictum est, id est derelinquetur: praet. pro fut. erit desertum. ET MULTI: רעשון עיר, tumultus urbis, id est urbs propter frequentiam plena strepitus & tumultus. RELICTA EST, prorelinquetur, erit inhabitata. ET TENEBRAE ET PALATIO; id est, urbes frequentissimae fient obscurae speluncae, ut earum tenebrae palpari queant. Heb. עפל וכחן, &c. arx & munio erunt in speluncam usque in saeculum. GAUDIUM ONAGRORUM (repetendum אגור אגור אגור,) erunt in gaudium onagrorum, id est in locum aptum, & gratum onagris. ET (in) PASCUA GREGUM.

Sunt segetes ubi Troia fuit.

Sic declarat futuram vastitatem, ut supra cap. XXVII. 10. *Ibi pascetur vitulus, & ibi accubabit.*

V. 15. DONEC EFFUNDATUR SUPER NOS SPIRITUS DE EXCELSO; id est, non prius desinet ita punire nos (loquitur Propheta pro populo suo) quam ira Dei effusa fuerit: hanc enim, ut opinor, vocat spiritum, ut Psal. XVII. 16. *Ab increpatione tua, Domine, ab inspiratione spiritus irae tuae.* Vel, donec effundatur super nos Spiritus sanctus, id est donec & nos per Spiritum sanctum. ET DESERTUM ERIT CHARMEL, id est, omnis creatura renovata fuerit atque munita; id est, donec omnis vallis exalteretur, & omnis mons & collis humilietur: Isai. XL. 4. & Luc. III. 5. Simili locus supra cap. XXIX. 17.

V. 16. ET HABITABIT IN SOLITUDINE; id est, in loco qui prius desertus erat, erit ipsum tribunal iudicii, id est caput regni. ET IUSTITIA, id est locus ubi iustitia reddetur in Charmel, id est in eo qui ante erat ager frugifer. Repetitur praecedentis membri. Myltice vero significat fore, ut caput regni Christi sit in loco, qui prius desertus erat, in populo gentili, sicut nunc videmus esse Romae.

V. 17. ET ERIT OPUS IUSTITIÆ PAX; id est, ex iustitia quæ in Ecclesia administrabitur, consequetur pax. ET CULTUS IUSTITIÆ. Repetitio eiusdem sententiæ. Heb. והעבוד והשקט, & effecta iustitiæ (erunt) silentium, id est quies השקט, securitas & confidentia. Alludit ad falsam illam securitatem, de qua dixit vers. 9. & 11. cui opponit veram & solidam securitatem, quam Christus erat allaturus. Psal. lxxi. 7. *Orietur in diebus eius iustitia & abundantia pacis, donec auferatur Luna.*

V. 18. ET SEDEBIT POPULUS MEUS: non qui nunc est, sed qui tunc erit populus meus, id est Christianus. IN PULCHRITUDINE PACIS. Heb. בְּנוֹר שְׁלוֹם, in (pulchro) habitaculo pacis. Sedendi verbum securam tranquillitatem significat. ET IN REQUIE OPULENTA. Heb. וּבְנוֹחוֹת שְׂמָנוֹת, ad verbum, in quietibus otiosis: idem verbum quod posuit supra vers. 9. ad quod nunc alludit. Hæc autem omnia pro adverbis ponuntur; quasi dicat: Christiani pacifice, confidenter, & tranquille agent.

V. 19. GRANDO AUTEM IN DESCENSIONE SALTUS. Hebræi, & qui eos sectantur, sic exponunt: Quando grandinabit, non descendet neque cadet grando in vineas aut sata, ne illis noceat, sed in sylvas ubi nocere non poterit. ET HUMILIABITUR CIVITAS, id est ædificabitur in locis humilibus & planis, quia non erit ullum periculum, cum ante, propter frequentes hostium irruptiones, non nisi in montibus & locis difficilibus accessus ædificaretur. Possumus etiam sic interpretari fore, ut montes grandine percutiantur, id est, ut superbi deprimentur, & ut superbæ civitates humilientur, ut Isai. xl. 4. & Lucæ iii. v. Nam

— Ferient summus fulmina montes.

V. 20. BEATI QUI SEMINATIS. (Heb. beati vos qui seminantes eritis) SUPER OMNES AQUAS, id est in omnibus locis aquis. Per aquam, fertilitatem significari sæpe diximus, ut supra cap. xxx. 23. In regionibus enim calidioribus, qualis erat Palestina, ex pluvie abundantia fertilitas pendet. IMMITTENTES PEDEM BOVIS, &c. Vulgaris interpretatio est: Tanta erit seggetum luxuries, ut in eas boves & asinos immitatis, ut depascantur. Ego aliter interpretor: Immittentes (id est, figentes) pedem bovis & asini; id est, arabitis in

locis tam aquis, ut boves & asini, quibus arabitis, alte pedem defigant.

S A.

Verf. 1. R Ex, scilicet Christus. PRINCIPES, scilicet Ecclesiæ Prælati.

V. 2. VITÆ, id est quisque piorum, scilicet turus. SITI; pro, siccitate, scilicet loco arido. Chald. terra sitiente; quasi dicat, Nihil iustus decrit, scilicet rerum ad salutem necessariarum. UMBRA; pro, sicut umbra.

V. 4. STULTORUM, scilicet antea: tales gentiles ante fidem, PLANE, id est aperte.

V. 5. NON VOCABITUR, &c. LXX. non dicent ultra stulto, ut princeps sit. Chald. non dicentur amplius impii, iusti. MAIOR. Chald. fortis.

V. 6. STULTUS ENIM, &c. quasi dicat: Apparebit enim statim quis stultus sit. Ad, id est contra, Chald. ante.

V. 7. VAS, id est arma, seu instrumenta. Chald. opera. IUDICIUM, id est iusta, vel in iudicio, scilicet se defendens.

V. 9. MULIERES, id est urbes. Chald. provincie. FILIAE, Chald. civitates. CONFIDENTES, scilicet in divitiis & potentia.

V. 10. DIES ENIM ET ANNUM, id est aliquot annos, CONSUMMATA, id est consumpta.

V. 11. EXUTE, scilicet pretiosis vestibus. ACCINGITE, scilicet faccis.

V. 12. UBERA, scilicet lacte carentia.

V. 13. SUPER HUMUM, &c. quasi dicat: Si iustos punire soleo, quid fiet impiis?

V. 14. SUPER SPELUNCAS, id est ad speluncas confugientium, ut larcant. IN AETERNUM. Chald. ad tempus, scilicet longum. ONAORORUM, scilicet qui illie pascuntur. PASCUA; pro, & pascua.

V. 15. EFFUNDATUR, scilicet tempore Evangelii. SPIRITUS. Chald. refrigeratio. ERIT DESERTUM, &c. vide sup. cap. xxix.

V. 16. SOLITUDINE, scilicet gentilitate, quæ antea sterilis, cum fuerit facta charmel, id est fertilis.

V. 17. SILENTIUM, id est tranquillitas. Chald. & LXX. quies.

V. 19.

V. 19. GRANDO AUTEM, &c. quasi dicat, Punientur iniqui. IN DESCENSIONE SALTUS, id est descendit in saltum, scilicet in homines incultis moribus. CIVITAS, scilicet Ierusalem.

V. 20. OMNES AQUAS, id est loca irrigua, scilicet spiritualiter. IMMITTENTES, scilicet eo. PEDEM, &c. Chald. *boves ad calcandum, & asinos ad colligendum*, scilicet frumentum. Quidam per bovem Iudæum intelligunt, per asinum Gentilem; quod ille fuerit sub iugo Legis, hic vero sub idololatriæ stultitia.

E S T I I.

Verf. 20. **B**EATI QUI SEMINATIS SUPER OMNES AQUAS, IMMITTENTES PEDEM BOVIS ET ASINI. Apostolis hoc dictum est, qui seminarunt verbum Dei super omnes populos, concludentes, & quasi pedicis quibuldam illaqueantes pedem bovis & asini, id est populum iudaicum & gentilem. Ubi per bovem Iudaicus populus intelligitur, propter iugum, de quo Petrus Act. xv. *Et nunc quid tenatis Deum, imponere iugum super cervicem discipulorum, quod neque patres nostri, neque nos portare potuimus?* Per asinum autem, populus gentilis, propter stoliditatem & ignorantiam unius veri Dei.

M A R I A N A E.

Verf. 1. **E**CCE IN IUSTITIA. Heb. *ad iustitiam*, iuste. *Lamed* iuncta nominibus vim adverbii habet, *ad iustitiam*, pro, iuste. Ezechias regnum describitur, & sub eo typo regnum Christi. PRINCIPES IN IUDICIO PRAEERUNT, id est iuste. Non est satis Regem esse iustum, nisi ministri sint probi.

V. 2. ET ERIT VIR, scilicet Ezechias vir ille, aut vir, id est quisque Principum. SICUT QUI ABSCONDITUR. Heb. *sicut latibulum venti*; pro, a vento. ET CELAT SE A TEMPESTATE. Heb. *& latebra a tempestate, seu turbine*. Proteget omnes Ezechias, erit commune perfligium. SICUT RIVI AQUARUM IN SITI. Heb. *in siccitate*; pro, in terra siccā, in deserto. ET UMBRA PETRAE PROMINENTIS. Heb. *petre gravis*, id est vultus rupis. IN TERRA DESERTA, siue *siccitate*. Sic erit Ezechias ut

latebra, ut rivus, ut umbra.

V. 3. NON CALIGABUNT; quasi dicat, Nullæ erunt tenebræ morosis. Lux peripicua, nulli tumultus, qui aures impediā, sed tranquilla pax. Id significat, *Aures auscultabunt*.

V. 4. COR STULTORUM. Heb. *cor festinantium*. Sed festinant stulti: Prov. xix. 2. Chald. *cor insipientium*. Septuag. *cor infirmorum*. VELOCITER LOQUETUR ET PLANE. Heb. *festinabit loqui nitida*, id est facunde; *משפח זלזול* Rabbini eloquentia est.

V. 5. IS, QUI INSPIENS EST, PRINCEPS non vocabitur. Magna perversio est mutare nomina, vitis affingere virtutum similium voces. Id vitium corrigitur eo tempore Ezechiz. Heb. *Stultus non vocabitur liberalis*. *Stultus*, id est prodigus; qui sua sine iudicio effundit. NEQUE FRAUDULENTUS APPELLABITUR MAIOR. Heb. *neque tenax dicitur dives*. Avarus non sibi dives est, sed heredibus.

V. 6. UT PERFICIAT SIMULATIONEM, seu *hypocrisim*, seu *pravitatem*, ut eam ad effectum perducit iniquitatem faciet stultus. ET LOQUATUR AD DOMINUM FRAUDULENTER. Loquatur, id est faciat contra Dominum fraudem. Heb. *errorem*: sic Chald. Quomodo errorem, aut fraudem? quia inopibus nihil dat, ac potius illis aures quæ habent. Id est fraudem contra Deum necare, & esurientis animam evacuare.

V. 7. FRAUDULENTI, tenacis. VASA PESSIMA SUNT, id est mensuræ: sic emungit pauperes. COGITATIONES CONCINNAVIT. Heb. *versutias consuluit*, id est concinnavit. CUM LOQUERETUR PAUPER IUDICIUM, id est cum iusta peteret pauper, ille fraude illum pervertit. Hebraica posunt etiam sic verti: *Et in loquendo pauperi in iudicio*. Ibi etiam suus nescit fraudes, ut illum spoliēt, contra eum iudices prominent. Hæc tenax.

V. 8. PRINCEPS VERO. Heb. *liberalis liberalia consulit*; ut scilicet aliis beneficiat. ET IPSE SUPER DUCES STABIT, id est ministros præstabit civibus, bonos faciet: non solum ipse faciet quæ Principem decet. Id sonant Vulgatæ verba. Heb. & ipse super liberalia exurger, id est propter suam munificentiam extolletur, celebrabitur.

V. 9. MULIERES OPULENTÆ, audite, Mu-

Mulier vocat *urbes*, *filias* *minora oppida*. Porro *læti* *tristitia* *misceat*, *forte* *brevi* *annonæ* *inopiam*.

V. 10. POST DIES ENIM ET ANNUM. Heb. *dies post annum*, id est *dies aliquot supra annum*. Quidam per *dies*, quando absolute ponitur, intelligunt annum; ac si diceret, Anno post annum, id est aliquot annis ea afflictio erit. De quo I. Reg. xxvii. 7. *plura sunt dicta*. Vos CONTURBAMINI CONFIDENTES, id est qui nunc securæ estis. CONSUMMATA EST ENIM VINDEMIÆ. Defecit sive propter hostes circumfusus, sive ob malignitatem temporum. COLLECTIO, scilicet fructuum. ULTRA NON VENIET. Heb. non est *ultra*.

V. 11. OBSTUPESCITE, timeate. EXUI TE, ET CONFUNDIMINI. Heb. *exue te*, & *nuda te*: singulare pro plurali. EXUI TE, scilicet pretiosis vestibus. ACCINGITE LUMBOS VESTROS, scilicet saccis: Heb. *accinge super lumbos*. Sic fit rebus asperis.

V. 12. SUPER UBERA PLANGITE, id est super infantes lætantes. Dedit illis alimentum. SUPER REGIONE DESIDERABILI. Heb. *super agros desiderii*, id est qui erant amœni. VINEÆ FERTILI, seu *frugifera*.

V. 13. QUANTO MAGIS. Heb. *quoniam etiam*. SUPER OMNES DOMOS GAUDII, supple, erit plandus. De quo dixerat vers. superiori. *Super omnes domos gaudii*, id est in omnibus domibus, quæ gaudere solebant.

V. 14. DOMUS ENIM. Heb. *palatium dimissum est*, scilicet sine habitatore. MULTITUDO, seu *turba*. RELICTA EST, defecit, urbe habitatoribus vacua. TENEBRÆ ET PALPATIO. Heb. *arx & munitio*. Hieronymus ex Hebræorum sententia asserit duas turres fuisse Ierosolymis. Altera *Idm Ophel*, id est *tenebra*, quod propter sublimitatem nubes attingeret. Altera *Idm Baban*, id est *probatio & firmitas*, seu *inquisitio*, quod inde tamquam ex specula subiecta contempleretur. FACTÆ SUNT SUPER SPELUNCAS. Heb. *fecerunt pro speluncis*, ad quas scilicet se recipiebant, vel homines, vel greges. USQUE IN AETERNUM, sive *usque in seculum*: nam eam desolationem perpetuam non fuisse, sequens versus ostendit. *Donec*, &c. Hoc quo tempore contigit? forte loquitur de excidio (sub Vespasiano). GAUDIUM ONAGRORUM, id est prope eas

Bib. Sac. Tom. XVII.

turres, aut arces, tum onagri, tum greges pascebantur, urbe scilicet deserta.

V. 15. DONEC EFFUNDATUR SUPER NOS SPIRITUS DE EXCELISO; scilicet Spiritus sanctus, cuius adventu omnia sunt immutata. Aut spiritus prorespiratione, ut Chald. *donec veniat respiratio de celo*, aut pro voluntate, *donec effundatur spiritus*, id est donec fuerit voluntas eius, qui est in celo. ERIT DESERTUM IN CHARMEL. *Charmel* mons erat, sed non præcipuus, nam superius dixit, quod *Libanus vertetur in charmel*, id est deterior fiet. CHARMEL IN SALTUM. In saltu multe sunt arbores. Itaque urbs deserta habitabitur.

V. 16. ET HABITABIT IN SOLITUDINE IUDICIUM, id est æquitas in Ierusalem, quæ erat deserta. Itaque per *solitudinem & Charmel* eam urbem intelligit, quæ perit ob iniquitatem, rebus mutatis iustitiam colet.

V. 17. ET ERIT OPUS, id est fructus iustitiæ. Pax, id est omnia bona. ET CUL TUS IUSTITIÆ, seu *opus*, id est fructus Repetitio. SILENTIUM, ET SECURITAS. Heb. *requies & spes*: felices erunt Iudæi USQUE IN SEMPITERNUM; seu *seculum*.

V. 18. ET SEDEBIT POPULUS MEUS IN PULCHRITUDINE PACIS. Alii vertunt, in *habitu* pacis, id est in pace. REQUIE OPULENTA, seu *tranquilla*. Cum pace opes augentur quæ bello evertuntur.

V. 19. GRANDO AUTEM IN DESCENSIONE SALTUS; id est, non fruges lædet, sed cadet in saltu, ubi arbores frugiferæ non sunt, id est malos punit, non bonos. ET HUMILITATE HUMILIABITUR CIVITAS, scilicet Ierusalem, ubi multi mali erunt in quos tempestas defaviet, & quæ per saltum intelligitur.

V. 20. BEATI, QUI SEMINATIS SUPER OMNES AQUAS, id est in locis irriguis, humidis, ad quæ grando non pervenit. IMMITTENTES PELEM BOVIS ET ASINI, scilicet in segetes, ut eas depascantur. Tanta copia & luxuries satiorum erit.

M A L V E N D A E.

Vers. 1. ECCE IN IUSTITIA REGNABIT REX, &c. Alii hunc versum ex Heb. reddunt: I. *Ecce ad iustitiam faciendam regnabis rex*, & principes ad iudicium faciendum præstant. II. *Ecce iuste*

regnabit rex, & principes iuste principatus administrabunt. III. En iuste regnaturus est rex, & principes iure principatum gerent. Huius, inquit, prophetiae, quam Propheta scripsit ad consolationem Ecclesiae per regnum Christi, partes praecipue sunt quatuor: prima est hypotyposis, sive propositio, oculis piorum subiciens constitutionem illius regni usque ad vers. 9. secunda est; hortatio populi ad praeventendas per poenitentiam calamitates eventuras ante illius regni constitutionem, usque ad vers. 15. tertia, descriptio bonorum, quae percepturi pii ex regno Christi, usque ad vers. 20. ubi est conclusio epiphonematica. Sunt autem in hypotyposi illius regni observanda duo: unum est, salutaris administratio, duobus verbis; alterum; vera institutio & simplicitas in publica & privata administratione omnium, verbis sequentibus. **REX.** Christus: nam de Chirizia aut alio ullo accipere alienum esse a vero, cum sequentes promissiones ostendunt, tum vero antecedentium calamitatum descriptio, quam Propheta in hoc capite posuit de indultia, ut superiorum esset corollarium. **ET PRINCIPES IN IUDICIO PRAEERUNT.** Heb. cum nota dativi *Lamed*: & principibus ad iudicium principabuntur. Exponunt: Et principibus dabitur, vel incumbet principatum iuste administrare; vel & de principibus dicitur, quod iuste principabuntur. Plerique tamen cum Nostro *Lamed* hic notam recti casus accipiunt: & principes in iudicio, seu iure principatum gerent; id est, administris regis Christi, & Ecclesiae, sancte ministrabunt.

V. 2. ET ERIT VIR SICUT QUI ABSCONDITUR, &c. Alii hunc verbum ex Heb. I. Eriquit vir sicut occultatio venti, vel absconditio a vento, seu propter ventum; & ut latibulum a turbine, vel propter inundantiam imbrum: ut rivi aquarum in arido loco, ut umbra petrae gravis, id est magna, in terra siccitate. II. Et erit vir quasi absconditio ab imbre, quasi rivi aquarum in siccitate, quasi umbra rupis magna in terra defatigationis. III. Et erit ille vice latibuli a vento; id est, tam gratus erit Christus hominibus, quam gratus esse solet locus, in quo abducent sese homines ad iniuriam venti vehementis vitandam: sic in sequentibus: & vice receptus a nimbo;

sicut aquarum rivi in deserto, & sicut umbra immanis ac prominentis scopuli in terra ubi laboratur sitis. IV. Et erit vir, homo Christus, spes & perfugium nostrum, mala depellet a suis, & bona conferet; quae figurantur suis comparationibus hoc verum: tamquam absconditio a vento, & latibulum ab inundatione; ut rivi aquarum in arido loco, ut umbra petrae ingratis in terra sessa ex sui, ut Psal. lxxi. 2. Ac sic dicat: Rex ille. erit omnium afflictorum refugium, ad quem afflicti confugient haud secus quam homines qui tempore magnorum ventorum, & imbrum ad tuta latibula confugiunt: erit praeterea omnibus vi malorum aestuantibus opportuna recreatio & refrigeratio.

V. 3. NON CALIGABUNT OCULI VIDENTIUM. Verbum *ny* schaglah, hic reddunt: Non avertentur, retrahentur, reprimuntur, reslinguentur, allucinabuntur, obducuntur, oblitentur, ocluduntur, obscurabuntur. Tremellius, & Iunius hunc versum ita accipiunt: Neque connivebunt oculi videntium, sed ab eis audientium auscultabunt. Expositio verba infirmioris in Ecclesia per Christum, hoc versu quidem allegorica, sequente vero plana; quasi dicat: Omnes erunt edocti a Deo veritatem, infra cap. lrv. 13. Est autem hoc versu appositio anantapodotos, sive ellipsis contrarium, hoc modo: Neque connivebunt oculi, neque obscurascent aures; sed videbunt oculi, & aures auscultabunt. Hispanicus Interpres: No se cegaran entonces los ojos de los veyentes, id est, de los maestros y ensenadores: y las orejas de los oyentes, id est, de los discipulos, oyen. Nobis visum est verbum ab usitata significatione non dimovere, sed alia tamen usurpatione accipere: Et non respiciunt blande oculi videntium; ut hic blande aspicere vitium oculorum indicet, quo oculi teneri, molles, humore detruentes, non solide & firme visionem intendunt, sed blande coguntur connivere, ut Lex oculi Genes. xxx. 17. quasi dicat: Oculi videntium non erunt blandi, molles, teneri, debiles, lusciosi, conniventes; sed firme ac perspicue figent obtutum, & cernent.

V. 4. ET COR STULTORUM. מְסִיחִים *mischim*, festinatorum, festinorum, praecipitatorum, temeritiorum, fatuorum, quod horum sit proprium, omnia festinanter, ac pra-

precipitanter agere. Quidam reddunt: *inconsideratorum*. INTELLIGENTIAM. Heb. *intelligere faciet cognitioni*, «*sive ad cognitionem*. Quidam: *intantum eris scientia*. Verbum ex Hiphil, & constructio eius cum Lamed, seria, & accuratam intelligentiam, attentionem, animadversionem in scientiam denotat. BALBURIUM. עלגים *ghilegim*, aiunt esse per metathesin idem quod לוגגים *logheghim*, *subfannabiles propter lingue absurditatem*: nos blasos, aut balbutientes dicimus. Hebraei notant, eos qui non notint recte disponere sermonem suum, eo nomine appellari. VELOCITER LOQUETUR, ET PLANE. Alii: *festinabit loqui clara, nitida*; id est facunda & disertis verba; quasi dicat: Prompte, expedite, & facile loquentur verbum Dei. Quidam: *expedite eloquetur verba explanata*.

V. 5. NON VOCABITUR ULTRA, &c. Alii hunc versum ex Heb. I. Non vocabitur ultra stultus liberalis, & avarus non dicetur dives. II. Non vocabitur amplius sordidus nobilis; & tenax, parvus, non dicetur liberalis. III. Fortiter. Non vocabitur amplius satius, vel stultus, princeps; nec paucio dicitur opulenter, vel magnificus; quasi dicat: Tempore Christi veritati locus erit, non adulationi, quæ omnia corrumpit, præsertim domos principum. IV. Tremellius, Iunius, Buxtorfius: *Neque flagitioso amplius indetur nomen ingenui, & tenax non dicitur liberalis*. Expositio simplicitatis tempore Christi ex certissima veritatis profectæ: Vere, inquit, discernent spiritus, & vere ac sine hypocrisis agent quoscunque Christus instituent; ac proinde malum, malum, & bonum, bonum appellabunt. INSTIPIENS. נבל *nabal*, *stultus, flagitiosus*, &c. Vide Deuteron. xxxii. 6. sic versu sequente. PRINCEPS. נריב *nadib*, *spontaneus, liberalis, munificus, heros, heroicus, beneficus, qui heroicum animum habet ad benefaciendum, ingenuus, princeps*. Vide in Numeror. xxi. 18. FRAUDULENTUS. כילי *cili*. Hic tantum & infra vers. 7. & non alibi hæc vox in Scriptura reperitur: *avarus, parvus, tenax, sordidus*. Varius ei cum Hebraei tum nostri etymologias assignant. I. a כלל *cala*, omnino coercent, cohibuit, prohibuit, conclusit: quod avarus, seu parvus concludat suas facultates & ab aliis prohibeat ne erogat. II. a כול

cul, *mensurare, metiri*, quod avarus omnia faciat in mensura præcia, nec excedat; vel quod se aliat in mensura, seu parce. III. a כלה *alah*, *consummari, sibi consumi*, quod vel omnia appetat, & numquam se consummatum in divitiis reputet: vel quod perpetuo habendi desiderio se ipsum consumat, ac conficiat. IV. ut sit כלי *cilai*, quasi כלי *cili*, *Quia mihi, vel mea sunt*, omnia: vel כלי *col li*, *omnia mihi*, seu omnia mea sunt; nam omnia appetit, & vellel habere. MAIOR. שוּבָגָה *sebhagh*, *opulenter, opulentus*. Vide in Iob xxxiv. 19.

V. 6. STULTUS ENIM, &c. Hunc versum alii ex Heb. I. stultus enim stultitiam loquitur, & cor eius facit iniquitatem: ut faciat impietatem, & loquatur contra Iehovam errorem, hoc est verba erronea & blasphemica: ut vacuum reddat animam esurienti, & potum sitientis deficere faciat. II. quia sordidus sordida loquitur, & cor eius vanitatem concinnat; ut simulet agat, & ut loquatur contra Iehovam errorem; animam esurientem exhaustiendo, & potum sitientis subtrahendo. III. cum flagitiosus flagitium eloquetur, & eius animus efficit iniquitatem exercendo hypocrisim, & proloquendo in Iehovam errorem; id est, quicquid aberrat a veritate eius, exhaustiendo animam famelici, & potum sitientis subtrahendo. Est exegesis hoc versu hominis flagitiosi, qui designatur ab animo, verbis, & factis in Deum, atque in homines. FATUA. נבלה *nebalah*, *saturnitas*. Vide in Genes. xxxiv. 7. INIQUITATEM: און *aven*, *concupiscentiam, pravam cupiditatem, iniuriam*. Vide supra cap. xxx. 20. SEMULATIONEM. חומה *chomeph*, *hypocrisim, infectionem, corruptionem, depravationem*.

V. 7. FRAUDULENTI VASA PESSIMA SUNT. Alii ex Heb. I. Porro avari vasa mensuræ eius mala sunt. II. Equidem parci arma pessima sunt. III. Et parci vestes eius semper male, vel tota suppellex eius mala. Et experientia docet parcos vitem & pauperem suppellectilem semper habere, acque cuncta utensilia & instrumenta domesticæ sordida. IV. Et tenacis erunt instrumenta mala; id est, non tantum ipse malus iudicabitur, sed etiam omnia quibus utetur, ingrata omnibus & fastidiosa erunt, tamquam maculata contagione peccati: quamobrem hac allusione emphatica

Propheta usus est, cuius lepos in vertendo perit: nam Hebraice est elegans paronomasia, כלי כלי cellai chelai; *Avari vasculi eius*. Atque ob paronomasiam puto Prophetam Iod convertisse in *Tzere*. Ipse enim COGITATIONES CONCINNAVIT. Heb. ipse cogitationes nefarias consuluit, vel consultavit, in consilium adhibuit. Alii: I. ipse scelerate secum consultat: II. ipse versusus consuluit. III. qui scelerata consilia init. יצא יצא יצא zimmob, nefarias, pravas cogitationes: vide in Levit. XVIII. 17. AD PERDENDOS MITES. Heb. ad dissolvendum, abrumpendum, corruptendum afflictos, oppressos, vel humiles, modestos, mansuetos, pauperes. Alii: I. ut circumveniat simplices. II. ad perdendum humiles. III. de dirumpendis inopibus. CUM LOQUERETUR PAUPER IUDICIUM. Alii: I. & loquatur contra pauperem in iudicio. II. & dum loquitur genus iudicium. III. loquendo contra pauperem in iudicio: IV. tum etiam cum pauperi ius dicit. V. etiam cum genus eloquitur ius. Observeant hoc versu esse egegim tenacis & avari, quod falsitate corradit omnia, & ne egentissimo quidem ulli parcat in causa iustissimam.

V. 8. PRINCEPS VERO, &c. Alii hunc versum ex Heb. I. *Liberalis liberalia consulit: & ipse propter liberalitatem confurgit*; id est, liberalis nihil aliud mente agit quam liberalitates, & liberaliter agendo progreditur; hoc est, dignitates magnas consequetur ob suas munificentias. II. *Forsterius: Magnificus magnifica cogitat, & ipse super magnificentiam subsistet*. III. *Forsterius: Princeps vero magnifica cogitat, & ipse super magnificentiam consistet*, id est insistit, eas consilio, & animo versat: quasi hæc esse debeat prima cura & occupatio principis, quoniam pacto omnibus proposit, nemini noceat, iustitiam colat, pacem conservet, felicitatemque populi asserat. Hæc sunt magnifica principis & digna principe consilia, *Benefacere omnibus*. IV. *Liberalis autem liberalia consulat, perque liberalia facta clarus surgit*. V. *Sed dicitur ingenuus, qui ingenua consilia init, & qui rebus ingenuis insistit*: ut hic versus respondeat quinto superiori.

V. 9. MULIERES OPULENTAE, &c. Alii: *Femina tranquilla*, &c. Secunda pars capituli, qua regnum Iudæorum singulæque civitates eius provocant ad resipiscendum, ut anteverant iudicia severissima, quæ

ante denuntiaverat Deus, & hic summam complectitur. Ait ergo: *Femina tranquille*; id est, civitates diffidentes luxu, & nihil mali iam sentientes, aut impolitorum præcavescentes animo, sed otio torpentes. De voce שְׁלוֹמֹת *schaanammot*, quam hic *quietas, tranquillas, otiosas, insolentes, securas* reddunt, vide in Iob XII. 5. sic infra vers. 11. *SURGITE*. Vel est hortantis, pro eia, agite, ut alias: vel *surgite*, ut stantes audialis & reverenter recipiatis verbum Dei. Vide in Genes. XLIX. 33.

V. 10. POST DIES ENIM, ET ANNUM. Heb. *Diebus super annum*; id est, post annum & aliquot dies, vel *diebus aliquot supra annum*. Sanctes: *Annum cum anno*; id est, plusquam per annum: nam dies summi pro anno. Alii: *Annis dierum super annum*, vel *annis integris*, seu multis *continentibus*: vide in Genes. XXIX. 14. id est, septuaginta deportationis, & aliis etiam consequentibus, ut ostendit præfinitio temporis, infra vers. 14. & 15. *CONTURBABIMINI CONFIDENTES*. Alii: I. *commovebimini, o confidentes*. II. *perbebitis, expavescetis, o securæ*; id est, quæ vivitis in magna fiducia & securitate animi, negligentes imminentium. CONSUMMATA EST ENIM VINDEMDA, COLLECTO ULTRA NON VENIET. Quidam: *quia deseruit vindemda, collectio frugum non proveniet*; id est, terra exolvit sabbata sua, ut prædixerat Deus Levit. XXVI. 34. & 43.

V. 11. EXIITE VOS, ET CONFUNDIMINI, &c. Heb. *exuere, & nudare, & accingere super lumbos*. Triâ infinitiva, quomodo & Latini loqui solent ad emphasim, quasi dicat: *Tempus est nulli alteri revacare, & hoc solum agere, exuere se, & nudare, atque accingere lumbos*. Alii imperativa esse malunt, aut pro imperativis sumi: *Exuite atque nudeate vos, denique, accingimini lumbis*, nimirum ordinariis vestibus, & lugubres induatis, & cilicio accingimini: quo etiam modo hortatur Ios. I. 14. Quidam versusum ita convertunt: *Obstipeſcite, o opulenta ac otiosa, imminet confidentibus & securis turbare, expoliare, nudare & accingere lumbos*. Nonnulli putant describi habitum in captivitate euntium.

V. 12. SUPER UBERA PLANGITE. Alii: I. *Plangentes ad ubera*, vel *ob ubera*; quasi dicat, *Lugebunt mariti cum viderint penuriam alimenti uxores suas carere*: hæc ad infan-

infantes lactandos. II. *Propter ubera plangant*; id est, Eitore in luctu gravissimo, ac ne infantes quidem fugientes ubera ab eo liberate, ut Ionæ III. 5. & sequentibus. III. *Super ubera plangentes*; metonymice, super, vel ob infantes lactentes ubera, altilos petris, vel interfectos. IV. *Super ubera plangentes*, significatio Latino, id est, tundentes, percutientes, verberantes ubera sua. Ovidius II. *Metamorphoseon*:

Plangere nuda meis conabar pectora palmas.

Utitur autem participio masculco, vel ut validam verberationem seu planctum significet, vel ut viros & mulieres includat. V. *Super ubera plangant*, id est super uberatatem terræ, quam relinquere, abducti in captivitatem; unde Hispanicus Interpres reddit: *Sobres las tetas endecharan*, id est, per la fertilidad que dexaran. SUPER REGIONE DESIDERABILI. Alii: propter agros desiderii, seu desideratissimos. Quidam: propter arva desiderabilia, id est propter agros fertilissimos, vel ab hostibus devastatos, vel in sterilitatem verfos: aut quos relinquere cogentur exilio acti. Sic sequente membro, propter vicem fructiferam.

V. 13. SUPER HUMUM POPULI MEI, &c. Hunc versum ex Heb. transfundunt: I. *Super humum populi mei spina & vepres ascendet*: quia super omnes domos gaudii, & civitatem exultantem ascendet. II. *Ob terram populi mei, quæ tunc spinas & vepres proferet*: nam propter omnes domos gaudii, & propter civitatem latitudinem lugebunt. Domos gaudii vocat, in quibus gaudere & lætari solebant, & in quibus omnia plena erant gaudio. III. *Super tellurem populi mei spina vepres ascendet*: quoniam super omnes domos gaudii civitatis exultantis. VI. *Nam in terra populi mei ascendet spina & vepres, etiam in omnibus domibus gaudio deditis, & in civitate exultante*. V. *Super terram populi mei ascendet spina & vepres, etiam super domos lætitiæ in urbe exultationis*. IV. *Super tellurem populi mei spina & vepres excrecet*: quia in omnibus domibus lætitiæ est, & in urbibus petulantibus exultatio; quasi dicat, Desolabuntur propter luxum & delicias. VII. *In terra populi mei spina sentica assurgit*: ustio in omnibus domibus lætis in urbe exultantibus. Vocem *ci*, pro ustione accipiunt, ut supra cap. III. 23. abducti fide

historiæ III. Reg. xxv. 12. & II. Paralip. xxxvi. 19. & Nehem. I. 3. & II. 3.

V. 14. DOMUS ENIM DIMISSA EST. Alii: *Nam palatium desertum erit, vel deferetur*; id est, domus regis succensa igne. Nonnulli: *Quia palatium disiecta, derelicta erunt*. MULTITUDO URBIS RELICTA EST. Alii: I. *turba urbis deserta est*; id est, tumultus urbis non auditur. II. *strepitus civitatis derelinquatur*, vel multitudo, ut Lament. I. 1. III. *urbes frequentissima deserta erunt*. TENEBRAE ET PALPATIO FACTAE SUNT SUPER SPELUNCAS USQUE IN AETERNUM. Hebræa varie redduntur: I. *arx & munio erunt, vel redigentur in speluncas usque in sæculum*. II. *recessus & munio erunt in speluncas usque in aeternum*. III. *turris & munio versa sunt in speluncas usque in sempiternum*. IV. *propugnaculum & probatio, id est turris probationum, in speluncas erunt in sæculum*. V. *turres & propugnacula in speluncas redigentur perpetuas*. VI. *clivus & exploratoria spelunca erit pro speluncis*, id est clivus, de quo II. Paralipom. xxvii. 3. & Nehem. III. 26. ubi erat turris magna & prominentissima (quam ab usu vocabant *speculatoriam*) teste Nehemias ibidem. Iosephus a situ Ophlam vocat propter Hebræam *clivi* appellationem, Lib. VI. de Bello Iudaico, cap. vi. 7. TENEBRAE ET PALPATIO. *עֲרֵב* *ghophel*, & *בֶּחַן* *bachan*. S. Hieronymus: *Quas Hebræi duas turres in Ierusalem fuisse arbitrantur, excelsas atque firmissimas, quæ his appellabantur nominibus: quarum prior interpretatur nebulae sive nubilum, quod usque ad nubes erigeret caput; altera probamentum & firmitas, sive ut Symmachus vertit, inquisitio, eo quod in contemplando culmine eius oculi fallerentur*. Ob id nos hæc duo vocabula tamquam nomina propria ininterpretata in Nostra Translatione posuimus. De *ghophel*, vide Notas in II. Regum v. 24. & in II. Paralip. xxvii. 3. De *bachan*, supra cap. xxvi. 13. USQUE IN AETERNUM. Alii: *usque in sæculum*, id est diu, per longum tempus: nam tempus calamitatum definitur sequente versu. GAUDIUM ONAGRORUM, PASCUA GREGUM. Alii I. *Gaudium onagris, pascuo gregibus*. II. *in onagrorum limum, in pascuum gregum*. III. *ubi gaudeant onagri, & pascantur greges*.

V. 15. DONEC EFFUNDATUR SUPER NOS

NOS SPIRITUS DE EXCELISO. Alii: donec infundatur super nos, &c. Tertia pars capituli, in qua deferibuntur bona pios eventura cum exiterit plenitudo temporum. Sunt autem duo bonorum genera proleptice hoc versu posita: unum est communicatio spiritus, & virtutis Dei in Christo; alterum, effectus sanctae huius communicationis, bonis salutaris, & improbis capitalis. Spiritus de excelso, qui propter effecta proxime sequentia appellatur spiritus sublationis, supra cap. iv. 3. Alii: donec effundatur super nos spiritus e supernis; id est, donec Christus mittat superne Spiritum sanctum, qui omnia desolata instaurat, ac recreat, vel donec favor Dei effundatur super nos; quasi dicat: Tempore Christi omnia mutabuntur; & mentes prius infecundae ac steriles, hoc est donis Spiritus sancti vacuae, secundae reddentur: ut statim subditur. Putant ad hunc locum respexisse Paulum ad Titum iii. 6. *Quem effudit in nos abunde per Iesum Christum Salvatorem nostrum.* ET ERIT DESERTUM IN CHARMEL, ET CHARMEL IN SALTUM REPUTABITUR. Alii: I. & redigatur desertum in arum, seu in agrum cultum; id est, pius, qui prius horridus esse videbatur, sit tamquam excultus ager fructum ferens Domino: & arum, seu ager cultus, pro silva reputetur; id est, impius elatus, qui prius videbatur esse cultissimus, horrescat: quod nude dixerat vers. 5. & sequentibus. Sic supra cap. xxix. 17. II. *sitque desertum ut Carmel, & Carmel ut silva reputetur.* Metaphorice significari notant Hebraei, quod urbes, quae sunt vastatae ut desertum abique arboribus frugiferis, erunt sicut Carmel, qui est mons plenus arboribus frugiferis & agris. III. *desertum quodvis in agrum feracem, & ager ferax in silvam reputetur;* id est, tandem fiat similis silvae pomiferae, & hortu amoenissimo. Plerique putant promitti his allegoriis omnium bonorum spiritualium ubertatem tempore Christi.

V. 16. ET HABITABIT IN SOLITUDINE IUDICIUM, &c. Quidam: *Habitetque in deserto illo iudicium, & iustitia in arvo resident.* Ergasia sive ornatio effectorum Spiritus Dei in Sanctis: Erunt, inquit, fructus spiritus in arvo, id est in Ecclesia Dei, iustitia, pax, & gaudium, ut Rom. xiv. 17. & hic sequente versu.

V. 17. ET ERIT OPUS IUSTITIAE PAX.

Heb. *Et erit factura, factum, effectus, iustitia, qua iustificamur per Spiritum Sanctum Christi, pax, id est salus, prosperitas, incolumitas, & omnimoda felicitas, notatione Hebraica, ut alias passim. ET CULTUS IUSTITIAE SILENTII.* Heb. *servitus, servitium, opus, factum, cultus, cultura iustitiae, tranquillari, quiescere, seu tranquillitas, quies, nam potest esse infinitivus, & nomen infinitivum; quasi dicat: Iustitia per Christum non solum efficit pacem, sed etiam in hoc interviert ut quietem & tranquillitatem animorum perpetuo excolat, & conservet.* Quidam hunc versum ita reddunt: *Tunc erit opus iustitiae pax, effectus, inquam, iustitiae tranquillitas, & securitas usque in saeculum;* quasi dicat: iustitia, quae erit per Christum, pariet fidelibus pacem, tranquillitatem & securitatem, quae erit in mentibus hominum. Hispanicus Interpres: *Y el efecto de la iusticia sera paz, y, la labor de la iusticia reposo, y seguridad para siempre.* Nonnulli notant, Paulum Roman. v. 1. hunc locum imitatum, sic reddidisse: *Iustificati per fidem pacem habemus erga Deum.*

V. 18. ET SEDEBIT POPULUS MEUS IN PULCHRITUDINE PACIS. Quidam: *Nam residebit populus meus in caula pacis,* id est in Ecclesia, ubi velut in caulam congregantur oves Christi: quae omnium benedictionum locus est. Alii: *in habitaculo.* Nos: *in nomo, maphali, tesquo, vel tesco:* vide Exod. xv. 13. ET IN TABERNACULIS FIDUCIAE. Heb. *confidentiarum, fiduciarum, securitatum.* Alii: *& in habitaculis securissimis;* nam numerus pluralis augeat significatum. ET IN REQUE OPULENTIA. Alii: 1. *& in residenciis tranquillis, vel securis.* 2. *& in mansionibus opulentissimis.* 3. *& in refrigeriis, vel quietibus tranquillis.* 4. *atque in locis ad quietem tranquillissimis.*

V. 19. GRANDO AUTEM, &c. Hunc versum diversimode reddunt ex Heb. I. *Grandinabit autem grandis in silvam: & in humilitate humiliabit se civitas;* id est, quando grandinaverit, non cadet grandis super civitatem, nec super silvam, sed in silvis, ne lardat ea: ac civitas in depresso loco sita servabitur a grandine. II. *Grandinabit autem in descensu silvae: & in loco humili confidet civitas, vel & in valle humiliter desidebit civitas.* Olim enim in editis & alto-

• MENOCHII.

altioribus locis civitates extruebant, quo difficius ad ipsas esset aditus: Marth. v. 14. III. *Et grandinabit in descensu silvæ*; id est, grando descendet in silvæ: allegorice, in antiquum Carmelum, qui in horridam silvæ versus est; hoc est, in Iudaicum populum infidelitate obcæcatum descendet grando malorum, & omnia adversa experietur. Et HUMILITATE HUMILIABITUR CIVITAS. Id est, Ierusalem. & omnis provincia Iudææ, ob infidelitatem extreme deprimitur iudicio Dei; vel quali dicat: Et grandinabit grandinem super silvæ in frugiferam, id est in infideles immittet calamitates: at Ecclesia fidelium neque ob id esseretur, superbiore reddetur, sed sua se modestia & humilitate continebit. IV. *Ut ut grandinet descendente, vel ruente silvæ, & depressione deprimitur civitas*; id est, Quamvis totus mundus aliqui inhorrescat malorum tempestatibus, si tamen pii ab omnibus immunes conservabuntur. Describitur autem mundus per merismum, seu distributionem, cum silvæ & civitatem Propheta nominet; quasi dicat, Utur perdantur omnia in urbe & ruri: sic etiam piorum securitatem commendat Propheta Plal. XLV. Hoc modo coheret hic versus cum superioribus: quem sensum alii præferimus.

V. 20. BEATI, QUI SEMINATIS, &c. Alii versus ex Heb. I. *O vos felices, qui ad omnes aquas segetis*, id est in omni loco aquoso. Abundantia bonorum spiritualium promittitur sub allegoria temporalium: immittentes pedem bovis & asini, subaudi, in segetes ipsas ut pascant; quasi dicat, Tanta erit copia segetum, ut immisuri sint iumenta in ea. II. *O vos beatos, qui severitis*: conclusio epiphonemática, qua Prophetæ pius cum beatissimis agricolis comparat, qui agrum optimum coluerint propter venturam messem: *secundum omnes aquas*; id est, locis tam irriguis, ut est Ecclesia Dei: vide in Eccle. XI. 1. *qui immiseritis eo pedem bovis & asini*; id est, colueritis Immisso bove & asino ad arandum, & cetera, periphrasis agricultoræ. Quidam: *qui immiseritis pedem bovis & asini*, in agrum vestrum, ut segetes luxuriantes depascantur.

Vers. 1. **E**CCE IN IUSTITIA, &c. In typo Ezechie optimi regis describit regnum Christi (adhuc enim de more avolat) cuiusque temp. Ecclesiam optimè constitutam; miscet tamen typum cum antitypo, hoc est, regnum Ezechie cum regno Christi, unde quædam habet quæ uni, quædam quæ alteri magis conveniunt. REGNABIT REX: Ezechias, & eius antitypus Christus. PRINCIPES: proceres aulæ Ezechie, vel Apostoli.

V. 2. ET ERIT VIR, &c. erit quilibet pius sub illius protectione tutus. SICUT RIVI: nam bonus hic princeps erit tamquam rivus aquæ sitientibus, quia malis lassos recreabit. UMBRA PETRÆ, &c. quam subeuntes aestu fatigati viatores vires intaurant.

V. 3. NON CALIGABUNT OCULI VIDENTIUM; id est, Prophetæ clariore habebunt a Deo visiones, & revelationes.

V. 4. STULTORUM: rudium, simplicium. Vel intelligit Gentiles qui prius cum suis idolis insaniebant, & stultam, inanem, & multis erroribus repletam philosophorum suorum sapientiam sequebantur. ET LINGUA BALBORUM, &c. id est, & lingua Prophetarum, qui prius obscure loquebantur, iam plane, aperte, & clare proponunt mysteria salutis.

V. 5. IS QUI INSPIENS EST, &c. Is erit sub Ezechia, & Christo Reip. status, ut boni tantum, ac prudentes dominentur, neque impostores, & fraudulentum cum impio sint. Sub Christo Pharisei, & Scribæ Principes prius in populo, & doctores, principatu exciderunt, & in eorum locum Apostoli & viri Apostolici subrogati sunt.

V. 6. STULTUS ENIM, &c. quasi dicat: Apparebit enim statim quis stultus sit commemoratione sapientium, quorum magna tunc erit copia, qui etiam stultorum fatuitatem redarguent. COR VIUS FACIET INQUITATEM, &c. apparebit eos fraudulentos esse, hypocritas, & simulate agere. AD DOMINUM, id est de Domino; vel etiam loquuntur ad Dominum fraudulenter, quia Deum labiis honorant, cor autem longe est ab eo. ET VACUAM FACIAT ANIMAM ESURIENTIS: neque enim eorum doctrina animum explebat; vel eorum notat impetentiam

tem, qui specie religionis pecunias accipientes exhauriebant pauperes.

V. 7. FRAUDULENTI VASA : instrumenta, id est ministri, & minores magilstratus a fraudulento Principe constituti. IPSE ENIM COGITATIONES, &c. id est, ipse cogitat, & concipnat quomodo perdat milites, & pauperes qui iustam habent causam, per mendacium & calumniam. CUM LOQUERETUR PAUPER IUDICITUM : cum iustam causam haberet is, & ius suum repereret.

V. 8. PRINCEPS : Ezechias, & Christus. COGITABIT : & effecta etiam dabit. SUPER DUCES STABIT : vigilabit, & explorabit quomodo se gerat, san per fraudes grassentur & iniustitias.

V. 9. MULIERES, &c. Est alterius argumenti prophetia; transit enim ad cladem Hierosol. per Romanos. MULIERES OPULENTAE. Alloquitur feminas opulentas, & in suis divitiis confidentes, & superbas, quas etiam supra perstrinxit cap. iii.

V. 10. POST DIES ET ANNUM; id est, post longum tempus, quo scilicet dies addentur diebus, & anni annis. CONTURBABIMINI CONFIDENTES : quæ confiditis timebitis, superveniente vobis clade, & excidio a Romanis. CONSUMMATA EST ENIM VINDEMIÆ : dicit post ultimam vastitatem, quæ sub Vespasiano, & Tito, Adrianoque accidit, nequaquam aliam captivitatem esse venturam, nec remanens botros in populis qui deinde colligendi sint : ita D. Hier. COLLECTIO &c. Vel est repetitio eiusdem sententiæ Hebraico sermoni familiaris; vel Collectio racemationem significat, cum scilicet post vindemiam latentes botri, qui vindemiatorum manus fugerunt; colligunt.

V. 11. OBSTUPESCITE : magnitudo enim calamitatis stupentes, & attonitos reddit homines. CONTURBABIMINI : timore, & stupore. CONFIDENTES : in divitiis, & opulentia vestra. EXIITE VOS : vestibus pretiosis. CONFUNDIMINI : ad vile ministerium abiecti. ACCINGITE LUMBOS VESTROS : quæ prius otiose quasi reginæ sedebatis, nunc ut ancillæ ad servile opus lumbos vestros succingite.

V. 12. SUPER UBERA PLANGITE : pectus percutite, vel plangite quod ubera præ fame sint arcentia, nec lac parvulis sufficere possint. SUPER REGIONE DESIDERABILI :

Iudæa scilicet, quæ vastata est, quæ vobis est deferenda. SUPER VINEA FERTILI : Iudæam intelligit amœnam, fertilem, & passim vitibus constam.

V. 13. SUPER HUMUM POPULI MEI, &c. quasi dicat : Iudæa vastabitur a Romanis, ut inculta spinis, & verpbris pleatur; quanto magis Ierusalem effusor in luxuriam punietur, quæ ita voluptati indulget, ut videantur omnes eius domus gaudio esse plenæ.

V. 14. DOMUS ENIM DIMISSA EST, &c. Quod pluribus hoc versiculo dicitur, paucis comprehendit Christus cum dixit : *Relinquetur vobis domus vestra deserta* : Luc. XIII. 35. TENEBRAE, ET PALPATIO FACTÆ SUNT SUPER SPELUNCAS, &c. id est, tam densa erunt tenebræ, & ruinæ tum templi, tum domorum, ut redigantur in antra, & speluncas ita profundas, & cæcas, ut in iis videantur esse tenebræ palpabiles, idque in perpetuum. GAUDIUM ONAGRORUM, &c. locis illis feri, & silvestres onagri gaudebunt, & greges ibi habitabunt, & pascuntur.

V. 15. DONEC EFFUNDATUR SUPER NOS SPIRITUS DE EXCELISO. Cum enim Spiritum S. effuderit Deus super Apostolos, & discipulos; tunc reflorescit Ierusalem non terrena, sed spiritualis, scilicet Ecclesia. ET ERIT DESERTUM IN CHARMEL &c. Hæc supra explicata sunt XXIX. 17.

V. 16. IN SOLITUDINE, id est in gentilitate, quæ antea fuerat deserta, & sterilis. IUDICIUM, id est iustitia. IN CHARMEL : cum scilicet solitudo hæc facta fuerit charmel, id est frugifera, & fertilis per fidem Christi.

V. 17. OPUS IUSTITIÆ PAX : merces iustitiæ erit pax. ET CULTUS IUSTITIÆ SILENTIUM : cultura iustitiæ silentium, hoc est, quietem, & tranquillitatem pariet; sic Chakrus : *Colentes iustitiam quiescent*.

V. 18. IN PULCHRITUDINE PACIS : in pulchra, & alta pace. IN TABERNACULIS FIDUCIÆ : fidenter, secure, & quiete habitabunt domos suas. REQUIE OPULENTÆ : paci enim adiuncta erit rerum omnium affluentia.

V. 19. GRANDO AUTEM INDESCENSIONE SALTUS; quasi dicat : E contra vero in saltum, hoc est, silvescentem, & desertam Synagogam, grando descendet, hoc est, malorum omnium agmen. In Hebræo est :

est: *Grandinabit autem grando in silvam*, ut verterunt Pagninus, & Vatablus. *Civitas*: Ierusalem.

V. 20. QUI SEMINATIS SUPER OMNES AQUAS: est apostrophe ad Apostolos, & viros Apostolicos; quasi dicat: *O vos beatos*, quasi super omnes aquas, id est super omnes populos seminatis Evangelium. *IMMITTENTES PEDEM BOVIS*, ET *ASINI*, id est prædicatores, & operarios Evangelicæ & salutiferæ messis.

T I R I N I.

Verf. 1. **R**EX, nempe Ezechias: & per Ezechiam figuratus Messias, Rex regum & Dominus dominantium; REGNABIT, cælo fugatoque Sennacheribo, non tyrannice, non impie, ut patens eius Achaz, sed iuste & pie.

V. 2. ET ERIT VIR quivis ipsi in hoc felici regno subiectus, ac sub umbra eius tam secure deget, sicut degunt naves in portu & statione fida, ubi tutæ sunt a vento procelloso ET TEMPESTATE. Immo rex erit omnibus suis quasi fons vel rivus AQUARUM ad sitim restringendam, & quasi umbra ac refrigerium in deserto, cum ardet sol & æstus.

V. 3. NON CALIGABUNT amplius OCULI VIDENTIUM, seu Prophetarum, sed multo plures & clariores ipsis obvenient visiones ac revelationes. Et (Sanchez & Alvarez particulam & causaliter expouunt, ut idem sit quod quia) AURES AUDIENTIUM DILIGENTER AUSCULTABUNT dictis & monitis Prophetarum. Opponit enim hoc tempus Isaias alteri tempori, quo supra a dixit, Deum clausisse oculos Prophetarum, quia nolebant Iudæi monita illorum audire.

V. 4. COR STULTORUM tum Iudæorum, tum Gentilium, non nisi mendaciis assuetorum, deinceps intelliget, admittet & hauriet veram scientiam de Deo rebusque divinis. ET LINGUA BALBORUM, nempe Isaiæ & aliorum Prophetarum, qui quasi balbi, raro, hæsitante, imperfecte & obscure prædicabant, deinceps expedit, VELOCITER, PLANE & aperte LOQUETUR, divina oracula populo proponet. Ita factum ab Isaiâ patebit ex cap. XL. & sequentibus, ubi non tam Prophetam,

Bib. Sac. Tom. XVII.

quam historicum agere videtur. Sic etiam ab Apostolis factum constat in die Pentecostes. S. Hieronymus, Cyrillus & Procopius.

V. 5. IS QUI INSIPIENS EST, impiis vel stultis moribus, tempore Ezechiae & Christi, NON VOCABITUR, neque erit ULTRA PRINCEPS, magistratus, iudex, rector populi Dei: NEQUE FRAUDULENTUS, dolosus, iniustus quispiam APPELLABITUR MAIOR, aut officiis publicis admovebitur, ut factum fuit tempore impii Achaz patris Ezechiae, & ante adventum Messiae sub impiis regibus & pontificibus. Nulli enim bono sunt eiusmodi in republica, immo maximo malo; unde nec tolerandi.

V. 6. STULTUS ENIM FATUA LOQUETUR & aget, neque alia: cum COR EIUS & omne desiderium ac conatus non aliotendat, neque alio collimet, quam ut hypocrisi & simulatione sua faciat INIQUITATEM & iniuriam proximo suo. Certe talis iudicis impij &

V. 7. FRAUDULENTI VASA, id est instrumenta omnia, PESSIMA SUNT. Neque enim utitur nisi mendaciis, hypocrisi & calumniis, quibus studet perdere atque evertere mites & insones pauperes. Unde Ezechias, & Messias constitutus a Deo rex &

V. 8. PRINCEPS, EA QUAE DIGNA SUNT PRINCIPE COGITABIT, decernet & perficiet, nempe magistratus impios submovebit, pios substituet, qui temp. non evertant, sed soveant, stabiliant, promoveant. Neque ipse, seu per se, seu per suos, expilabit subditos, sed eosdem sua providentia & beneficentia ditabit, extollet, recreabit: hoc enim proprium est animi magni, generosi & regii. Porro hæc, quam iam dixi, seu Ezechiae, seu Messiae, vigilantia, cautela & providentia non divertet impendentem Ierusalem, quam toties prædixi, cladem: etsi enim ob eximiam eius pietatem ac merita parceretur urbi, ne quid a Salmanassar vel Sennacherib, aliive tyrannis Assyriis detrimenti accipiat; extincto tamen Ezechia, & populo ad pristina scelera sub Manasse, Ioakim & Sedecia revertente, & in iis obstinate perseverante (quod etiam post mortem Christi, & tunc quidem vel maxime usu venit) omnia quæ alias prædi-

K

xi

xi mala in impiam urbem inundant. Unde merito vos,

V. 9. O MULIERES & matronæ OPULENTÆ, & in opibus vestris CONFIDENTES, ad luctum & lamentum hortor, & ad sñam penitentiam.

V. 10. POST DIES ENIM ET ANNUM, id est post certum aliquod tempus a me definitum, sed quod vobis definite nolo explicare, CONTURBABIMINI, vastabimini, excindemini, primum per Chaldaeos, deinde & per Romanos. Per quos CONSUMMATA EST; id est, consummate & plene colligetur, VINDEMIÆ populi Iudaici, per excidium & captivitatem omnium: adeo ut COLLECTIO ULTRA NON VENIAT; id est, ut nulli relinquendi sint racemi, qui peracta vindemia reliqui forte in vite colligi possint.

V. 12. SUPER UBERA fame arcentia PLANIGITE, & super parvulos ab uberibus pendulos, inquit Forerius, Sanchez & a Lapide. Omnes enim illi una vobiscum prædæ erunt Chaldaeis & Romanis. Unde Christus b, Vc, inquit, *prægnantibus & nutriendis in illis diebus*.

V. 13. SUPER OMNEM HUMUM POPULI MEI, id est super omnem Iudæam Chaldaeis & Romanis longo bello vastatam SPINAE ET VEPRES ASCENDENT: QUANTO MAGIS; Hebraice, Græce & Chaldaice, *quin etiam*, SUPER OMNES DOMOS GAUDIT, id est amenas & delitiosas, CIVITATIS Ierosolymæ adeo nunc EXULTANTIS.

V. 14. DOMUS ENIM Domini; id est, templum a me meaque tutela *dimissum est* ac derelictum, quin & flammis absumptum. TENEBRAE & PALPATIO, id est tenebræ palpabiles, FACTÆ SUNT SUPER SPELUNCAS, quæ ex rudibus & ruinis tum templi, tum urbis hinc inde hiantibus emeruerunt, adeo vastæ & profundæ & firmæ, ut *cnagri & alix feræ silvestres gaudeant in iis delitescere*. Idque IN AETERNUM, non absolute, sed phrasi Hebræa, id est in *al* longissimum tempus, nempe

V. 15. DONEC EFFUNDATUR SUPER NOS SPIRITUS DE EXCELISO; id est, donec nova vita, scilicet libertas, nobis a Deo per Cyrum restitatur: & spiritali vita ac libertate a MESSIA per Spiritum sanctum in Pentecoste recreemur, inquit S. Cyrillus, Procopius, Hieronymus & Theodoretus.

Tunc enim etiam ERIT DESERTUM IN CHARMEL; id est, non solæ Iudæorum reliquæ, sed etiam Gentiles quam plurimæ subintrabunt in pristinas opes & felicitatem populi Iudaici. Populus vero Iudaicus pro maiori parte hæret in miseris & desolatione Gentilium, ut supra quoque dixit XXIX 17.

V. 16. IN SOLITUDINE, id est in populo ante a Deo deserto & sterili, HABITABIT deinceps IUDICIUM ET IUSTITIA, & licet ex solitudine fiet CHARMEL, id est locus frugifer & fertilis.

V. 17. ET OPUS, id est fructus, effectus, præmium, IUSTITIÆ ET pii CULTUS divini ERIT PAX, ET SILENTIUM, seu quies, ET SECURITAS, tum quoad internam, tum quoad externam: ita Chaldaeus, Hieronymus, Cyrillus, Procopius, Theodoretus.

V. 19. GRANDO; id est, procellosa ira & plaga, erit IN DESCENSIONE SALTUS, id est descendet super saltum, in quem charmel, ut ante dixi, mutabitur, id est super populum Iudaicum qui sua malitia degeneravit in saltum. Porro hac grandine omnia quassante & vastante, HUMILIABITUR quoque omnimoda HUMILITATE, seu deiectione, CIVITAS Ierosolymitana: ita S. Hieronymus & Forerius. Interim

V. 20. BEATI vos, o principes & Babylonico carcere reduces, inquit Sanchez & vos Apostoli alique discipuli, e perditis Iudæis ad Christum conversi: felices vos & his felices; primo, quod, aliis percutibus, vos salvemini; secundo, quod, ut alii quoque salventur, omnibus manum porrigatis, semen verbi Evangelici iacientes SUPER OMNES AQUAS, id est super omnes agros idoneos sementi, nempe aquis & pluvia madentes: ubique sine discrimine in omnes agros idoneos, & aptos regno Dei IMMITTENTES PEDEM BOVIS ET ASINI, quo celerius subigantur, autentur & colantur. Insinuat promissæ deinceps in Ecclesia Dei tam ex Gentilibus, quam ex Iudæis desumendos qui agrum Domini non modo incolant, sed & excolant, inquit S. Hieronymus, Clemens Alexandrinus, Ambrosius & Gregorius e. Lege enim Mosaica prohibita erat aratio in bove simul & asino, Deuter. XXII. Sed in Christo non est distinctio Iu-
dei

dei & Graci. Ipse est *pax nostra*, qui *fecit utraque unum*, & utrumque populum amplexus est.

- (a) cap. xx. 10. & xx. 9.
 (b) Matt. xxiv. 19.
 (c) Proleg. de Idiōtismis Heb. 41.
 (d) Proleg. de Idiōtismis Heb. n. 47.
 (e) Clem. Lib. IX. Stromat. Ambr. L. b. V. epist. xlii. Greg. Lib. XXI. Moral. cap. viii. & Lib. XXXV. cap. xi.

GORDONI.

Verf. 1. **E**CCE IN IUSTITIA REGNABIT REX, &c. Facile est hanc aptare tum Ezechie quem dixi typum, tum Christo: & quidem Ezechie conveniunt post fufum exercitum Sennacherib, quando adhuc vivebat Ifaias, & qui hunc typum Christi habebat prae oculis. Crebras habet descriptio metaphoras: aliqua vero magis conveniunt Christo, ut illud *verf. 3.* de oculis, & *verf. 4.* de lingua & corde.

V. 5. **NON VOCABITUR ULTRA, &c.** Ezechias eiectis impiis principibus & doctoribus, pios & bonos substituit; quanto magis Christus qui reiecit Scribas & Phariseos substituit Apostolos.

V. 9. **MULIERES OPULENTAE, &c.** En iam (quod alterum erat) de clade Iudeorum sub Romanis, ut ait Hieronymus: & eveniet hoc post dies & annum: hoc quævis interpretatur pro sua opinione de clade hic denotata; mihi qui cladem sub Tito intelligo, est hic sensus: Post dies plurimos & annum, ut sit designatio temporis, ab eo qui noluit ut certo sciretur. Ergo (*verf. 12.*) **SUPER UBERA PLANGITE**, hoc est, super filios uberum vestrorum prae fame, & quæ sequuntur.

V. 15. **DONEC EFFUNDATUR SUPER NOS SPIRITUS DE EXCELISO.** Hieronymus qui hic dicit agi de clade sub Tito, intelligit vastitatem Ierosolymæ durasse duplicem, nempe ab adventu Christi abrogata lege,

& deinde in temporalibus post Titum; & eo usque donec per Spiritus S. gratiam coalesceret Ecclesia ex gentibus, & desertam verteretur in Carmel, seu gentes fierent populus Dei, & e contra Carmel olim populus Dei fieret salus, & ut olim gentes extra populum Dei.

V. 16. **ET HABITABIT IN SOLITUDINE** (inter gentes vocatos ad fidem) **IUDICIUM, ET IUSTITIA.** Ibidem, seu in novo hoc & renovato Carmelo, ac securitas usque in sempiternum.

V. 20. **BEATI, QUI SEMINATIS SUPER OMNES AQUAS, &c.** Certe nemo seminat super solam & puram aquam; sed benefuper terram aquosam & irriguam, vel imbris & aquis decidentibus a caelo paratam, vel supra & ultra omnes aquas & per totum orbem, more Apostolorum: quin etiam quid vetat seminare apostolicis prædicationibus in mari? Loquitur certe Propheta more prophetico, & sub crebris metaphoris. Ceterum immittere pedem bovis aut asini, denotat seminantem; habent Septuag. ubi *bos caleat aut asinus*.

EX EIUSDEM AUCTIONARIO.

Verf. 1. In hoc Ezechie typo describitur optimi alicuius principis forma.

Verf. 4. **STULTORUM, rudium.**

Verf. 7. **CUM LOQUERETUR PAUPER IUDICIUM:** cum haberet & proponeret causam iustam.

Verf. 14. **DOMUS DIMISSA:** deserta erit. In domibus erunt palpabiles tenebræ, sicut in speluncis.

Verf. 17. **OPUS.** Merces iustitiæ pax. Cultus iustitiæ silentium, & quietem ferret.

Verf. 19. **GRANDO;** quasi diceret: Non sic de silvescente synagoga, quippe quæ malorum grandine obruitur.



C A P U T XXXIII.

Permixtim de deiectione Sennacherib loquitur, & Iudeorum liberatione, ac divina potentia exaltatione: invehitur contra hypocritas: & quales esse debeant qui cum Domino habitaturi sunt in excelsis: Ierusalem vero habitatio erit opulenta, in qua magnificabitur Dominus, rex & legislator noster.

VAE qui prædaris, nonne & ipse prædaberis? & qui spernis, nonne & ipse sperneris? cum consummaveris depredationem, deprædaberis: cum fatigatus defieris contemnere, contemneris. 2. Domine miserere nostri: te enim expectavimus: esto brachium nostrum in mane, & salus nostra in tempore tribulationis. 3. A voce angeli fugerunt populi, & ab exaltatione tua dispersæ sunt gentes. 4. Et congregabuntur spolia vestra sicut colligitur bruchus, velut cum foliæ plenæ fuerint de eo. 5. Magnificatus est Dominus, quoniam habitavit in excelsis: implevit Sion iudicio & iustitia. 6. Et erit fides in temporibus tuis: divitiæ salutis sapientia & scientia: timor Domini ipse est thesaurus eius. 7. Ecce videntes clamabunt foris, angeli pacis amare stebunt. 8. Dissipatæ sunt viæ, cessavit transiens per semitam, irritum factum est pactum, proiecit civitates, non reputavit homines. 9. Luxit, & elanguit terra: * confusus est Libanus, & obsorduit, & factus est Saron sicut desertum: & concussa est Basan, & Carmelus. 10. Nunc confurgam, dicit Dominus: nunc exaltabor, nunc sublevabor. 11. Concipietis ardorem, parietis stipulam: spiritus vester ut ignis vorabit vos. 12. Et erunt populi quasi de incendio cinis, spinæ congregatæ igni comburentur. 13. Audite qui longe estis, quæ fecerim, & cognoscite vicini fortitudinem meam. 14. Conterriti sunt in Sion peccatores, possedit tremor hypocritas: quis poterit habitare de vobis cum igne devorante? quis habitabit ex vobis cum ardoribus sempiternis? 15. (a) Qui ambulat in iustitiis, & loquitur veritatem; qui proicit avaritiam ex calumnia, & excutit manus suas ab omni munere; qui obturat aures suas ne audiat sanguinem, & claudit oculos suos ne videat malum. 16. Iste in excelsis habitabit, munimenta sanctorum sublimitas eius: panis ei datos est, aquæ eius fideles sunt. 17. Regem in decore suo videbunt oculi eius, cernent terram de longe. 18. Cœ tuum meditabitur timorem: (b) ubi est litteratus? ubi legis verba ponderans? ubi doctor parvulorum? 19. * Populum impudentem non videbis, populum alti sermonis: ita ut non possis intelligere disertitudinem linguæ eius, in quo nulla est sapientia. 20. Respice Sion civitatem sollemnitatis nostræ: oculi tui videbunt Ierusalem, habitationem opulentam, tabernaculum quod nequaquam transferri poterit: nec auferentur clavi eius in sempiternum, & omnes funiculi eius non rumpentur. 21. quia solummodo ibi magnificus est Dominus noster: locus fluviorum rivi latissimi & patentes: non transibit per eum navis remigum, neque trieris magna transgredietur eum.

cum: 22. Dominus enim iudex noster, Dominus legifer noster, Dominus rex noster: ipse salvabit nos. 23. Laxati sunt funiculi tui, & non prævalebunt: sic erit malus tuus ut dilatare signum non queas. Tunc dividuntur spolia prædatorum multarum: claudi diripient rapinam. 24. Nec dicit vicinus: Elangui: populus qui habitat in ea, auferetur ab eo iniquitas.

(a) Psal. xiv. 2. (b) I. Cor. x. 20.

BRUGENSIS

ROMANAE CORRECTIONES.

Verf. 9. *Confusus est Libanus, & obsorduit.* Scribendum est *obsorduit* vocali quarta, derivatum a sordes, non quinta *obsorduit* a furdus.

Verf. 19. *Populum impudentem non videbis.*

Merito correxerunt Patres *impudentem*, quod est inverecundum, pro eo quod complures legunt *imprudentem*, id est insipientem.

Verf. 23. *Et non prævalebunt.* Alii scribunt *sed pro* &.

COMMENTARIA

MALDONATI.

Verf. 1. **V**AE QUI PRAEDARIS: aut וְהָרָג, *devastas*; id est, vae tibi Sennacherib qui Iudaeos, vae tibi Diabole, qui homines prædaris: nonne Christus depraedabitur te? *Captivam enim ducet captivitatem tuam*: Psalm. lxxvii. 19. & Ephes. iv. 8. **ET QUI SPERNIS**: vel, בִּזְיוֹן, *qui prævaricatus es*. Hebraei non legunt interrogative, neque Septuaginta interrogative verterunt; sed lectio nostri Interpretis magis convenit cum sequentibus. **CUM CONSUMMAVERIS**; id est, cum iniquitates tuæ completæ fuerint, a Deo punieris. Alludit autem ad spolia Sennacherib, IV. Reg. xix. 35. & ad spolia Diaboli a Christo crepta, Lucæ xi. 22.

V. 2. **DOMINE.** Apostrophe ad Deum, qua magis confirmat prophetiam suam. **TE ENIM EXPECTAVIMUS**, id est in te speravimus. **ESTO BRACHIUM NOSTRUM**, id est esto nobis auxilio. Heb. זַרְעֵם, *brachium eorum*, subita personæ mutatione. Noster Interpres, ut arbitror, legit זַרְעֵנוּ *brachium nostrum*, quod multo melius coheret.

V. 3. **A VOCE ANGELI FUGERUNT POPULI**; id est, a strepitu cladis quam fecit Angelus in Assyriorum exercitu, IV. Reg. xix. 35. Saepè monuimus vocem ab Hebraeis omnem strepitum appellari. Heb.

קוּל חֲסוֹן, *a voce tumultus*. Noster Interpres non reddidit verba, sed sensum. **FUGERUNT POPULI**: erant enim varii populi ac gentes in Assyriorum exercitu. Fugerunt, pro, fugient.

V. 4. **ET CONGREGABUNTUR SPOLIA VESTRA**, o Assyrii, vel spolia quæ vestra erunt, o Iudæi. **SICUT COLLIGITUR BRUCHUS.** Solet bruchus colligi, & facta fossa in terram defodi acervatim. Acervis igitur bruchorum comparat acervos spoliiorum, quæ Assyrii reliquerunt, ut expeditiones fugerent. Heb. בְּמִסְקֵי שׁוֹקֵק בֵּר, *sicut discursus locustarum, occurrens illi*; id est, sicut colligit magnum locustarum gregem quicumque primus illi occurrit. Solent locustæ gregatim volare huc illuc, aut antequam alas habeant, saltitant: quibus venientibus saccus apertus opponitur, in quem se se ipsæ ingurgitant, atque ita capiuntur. Significat ergo, ut qui primus occurrerit, magnos spoliiorum acervos occupet. Sic ego interpretor: nam aliæ interpretationes alienæ mihi videntur.

V. 5. **MAGNIFICATUS EST DOMINUS**; pro magnificabitur, נִשְׁבַּח, *exaltabitur*. **QUONIAM HABITAVIT IN EXCELISO**; id est, quia revera altus est & excelsus, ostendit se excelsum esse. **IMPLEVIT**, pro implebit, SION, id est Ecclesiam Catholicam, IUDICIO ET IUSTITIA.

V. 6. **ET ERIT FIDES IN TEMPORIBUS TUIS**,

tuis, id est tunc vere homines credent in Deum. Alloquitur autem per apostrophum Ezechiam, & sub eius figura Christum. DIVITIARUM enim SALUTIS, id est salutares, ac veræ (sub. sunt.) SAPIENTIA ET SCIENTIA: & TIMOR DOMINI IPSE THESAURUS EIUS, id est tuus. Subita mutatio personæ; loquitur autem apte ad personam Regis: solent enim Reges divitias & thesauros magnificare; quasi dicat: Veræ Regis divitiarum erunt sapientia & scientia, verusque thesaurus timor Domini, והיה אמנה ערך חסו ישועות חכמת ודעת, quæ alii sic interpretantur: *Et erit firmitas temporis tui fortitudo salutis sapientia & scientia*; id est, firmitas regni tui consistet in salutari fortitudine, (id est in spirituali robore) sapientia & scientia. Ego sic interpretor: *Et erit fides temporis tui*, id est quæ sub tuo regno vigeat, divitiarum, vel thesaurorum חסו salutis, sapientia & scientia; id est divitiarum, sapientia & scientia regni tui, id est opes & consilia tua consistunt in fide. Vel, divitiarum regni tui consistunt in fide, sapientia & scientia, id est cognitione Dei. Vel, erit fides ערך felicitas tua (nam idetiam nomen significat) id est, felicitas regni tui consistit in fide, quæ est fundamentum & initium salutis. Et divitiarum salutares (regni tui) erunt sapientia & scientia.

V. 7. ECCE VIDENTES, id est nuntii, qui Hebraice dicuntur מַרְאָאִים, a fortiter videndo, ut noster Interpres videtur existimasse. Sic vocat legatos missos ad Sennacherib ad agendum de pace: IV. Reg. XVIII. 26. *Eliacim & Sobna & Ioabe missi sunt ad murum Ierusalem obsessum, ut agerent cum Assyriis: quos credibile est exclamasse auditis Assyriorum contra Deum convitiis, quamvis Scriptura eo loco vers. 37. tantum dicat eos scissis vestibus rediisse. Atque hoc est, quod hoc loco dicit, CLAMABUNT FORIS, id est supra murum, ut extra urbem etiam audirentur: vel intelligitur de aliis nuntiis qui missi sunt eodem cap. vers. 14. ANGELI PACIS AMARE FLEBUNT, id est nuntii, qui mittentur ad agendum de pacc. Repetitio est.*

V. 8. DISSIPATAE SUNT VIAE, id est solæ: nemo per viam transit propter obfisionem. Verba sunt quæ dicebant nuntii fientes. CESSAVIT TRANSIENS, id est non

est qui transeat. Usitatus modus Hebræorum plangentium civitates, ut Thren. 1. 4. *Via Sion lugens. IRRITUM FACTUM EST FACTUM, id est foedus quod erat inter regem Ezechiam & regem Assyriorum. Heb. הָפַר בְּרִית, violavit fœdus* (lex Assyriorum: IV. Reg. XVIII. 17.) PROIECIT CIVITATES; id est, expugnavit Sennacherib civitates Iudæ: IV. Reg. XVIII. 13. ET NON REPUTAVIT HOMINES; id est, pro nihilo habuit Ezechiam & Iudæos.

V. 9. LUXIT, &c. Describit per propositam Iudææ vastitatem, omnia enim lugere videbantur. CONFUSUS EST LIBANUS; id est, erubuit mons ipse Libanus spoliatus decore, & pulchritudine arborum suarum. ET OBSORDUIT; id est, nemo tum in eo auditur, cum ante lignatorum voces audirentur. Heb. קָסַל, excisus est, vel obsorduit, id est horridus est. FACTUS EST SARON SICUT DESERTUM, id est incultus & horridus. Saron campus erat feracissimus inter montem Thabor & lacum Tiberiadis, ut ait Hieronymus. vide I. Paral. XXVII. 29. & Act. IX. 35. ET CONCUSSA, נָעַר, excussit (fructus suos) vel excussus est; id est, spoliatus fructibus Bathan & Carmel, qui ut sæpe diximus, agri fertilissimi erant.

V. 10. NUNC EXURGAM: nunc, id est cum omnia videntur esse desperata ac perditæ, ut paulo ante dixit: est enim *refugium pauperi, adiutor in opportunitatibus, in tribulatione*: Psalm. IX. 10. sicut dicit Psalm. XI. 6. *Propter misericordiam inopum & genitum pauperum, nunc exurgam, dicit Dominus*. Exurgendi autem verbum significat Deum ante quodammodo sedisse, id est non tulisse opem: nunc autem paratum fore ad opem ferendam. NUNC EXALTABOR, &c. id est, ostendam potentiam meam, ostendam me alme esse & sublimem.

V. 11. CONCIPIENTIS ARDOREM, id est ignem quo consumamini. Peribitis vestris ipsorum consiliis, atque conatibus. Heb. חָרָר וְחָשָׂה, concipietis quisquiliis. Quisquilias & stipulam vocat peccatum, quod est materia divini supplicii: sicut quisquiliæ & stipulæ sunt materia ignis. Concipere est cogitare peccatum: parere est exequi: spirare est pertinaciter in peccato perseverare: sicut qui non concipit ignem acci-

acqui-

accendisse, illum sufflat. Hoc est, quod dicit, *SPIRITUS VESTER*; id est, conatus & pertinacia in exsequendis malis consiliis vestris, UT IGNIS, (ingentivo; id est, ut spiritus ignis, ut exufflatio ignis vorabit vos:) vide sup. cap. xxx. 33. Hæc autem omnia dicuntur contra Assyrios.

V. 12. ET ERUNT POPULI, id est Assyrii, QUASI DE INCENDIO CINIS; id est, Assyrii qui ex clade evaserint adeo contriti & pene exusti, ut similes videantur esse cineribus, qui ex igne manant. Heb. וְהָיוּ עַמִּים כְּשֵׁר פֹת סִיָּה, *Et erunt populi exustiones calcis*; id est, consumuntur ira Dei & comminuntur, sicut lapides igne cocti comminuantur in calcem. SPINAE CONGRÉGATÆ. Intellegitur particula similitudinis כ. more Hebræorum, id est, sicut spinarum fascis igne comburentur.

V. 13. AUDITE (Deus loquitur.) *Audite*, id est auditis: imp. pro fut. more Hebræorum; quasi dicat: Efficiam ut omnes gentes, & quæ longe, & quæ prope habitant, audiant Assyriorum cædem, & intelligent quam fortis sim.

V. 14. CONTRITI SUNT IN SION, id est propter Sion (Assyrii) vel in pugna contra Sion; quasi dicat, In bello Hierosolymitano. Alii referunt ad Iudeos, quod minime probo. POSSEDIT, id est apprehendit, TREMOR HYPOCRITAS, id est idololatrias, falsorum Deorum cultores. QUIS POTERIT HABITARE DE VOBIS (O Assyrii, apostrophe ad illos) CUM IGNE DEVORANTE? id est cum Deo qui ignis consumens est: Heb. xii. 29. quasi dicat, Quis vestrum poterit Deo resistere? Heb. כִּי יִבְרַח לָנוּ, *quis habitabit ex nobis*. Verba sunt quæ Assyrii contriti dicebant. CUM ARDORIBUS, id est cum incendiis SEMPERTERNIS. סְקִידֵי עֶלְם: repetitio est idem significans, aut *quis habitabit nobis*, id est quisnam habitabit? ut sit interrogatio generalis, neque ad Assyrios, neque ad Iudeos pertinens, & sequatur subiectio.

V. 15. QUI LOQUITUR VERITATEM. Heb. כִּיבֶר מִשְׁרִים, *qui loquitur recta*, id est qui neminem verbo lædit. QUI PROICIT AVARITIAM, id est qui contemnit, qui non scdatur lucrum quod ex fraude vel violentia provenit. QUI OBTURAT AURES SUAS, NE AUDIAT SANGUINEM: id est, qui non conspirat cum homicidis ad effundendum sanguinem, id est

qui innocens est: ut Psal. xxxiii. 3. *Qui ascendet in montem Domini, aut quis stabit in loco sancto eius? Innocens manibus & mundo corde.*

V. 16. ISTE IN EXCELSIS HABITABIT: id est, qui huiusmodi est, habitabit in loco sancto eius. MUNITIMENTA SAXORUM SUBLIMITAS EIUS; id est, munitum erit & inexpugnabile asyllum eius, quemadmodum si in altissima rupe situm esset, id est tutus erit: *Habitabit in adiutorio Altissimi, & in protectione Dei celi commorabitur*: Psal. xc. 1. PANIS EI DATUS EST: dabitur: præt. pro fut. AQUAE EIUS FIDELES ERUNT, id est perennes: *Nihil deest timentibus eum*: Psal. xxxiii. 10.

V. 17. REGEM IN DECORE SUO, id est Ezechiam, & Christum qui per eum significatur, in gloria sua, VIDEBUNT OCULI EIUS, id est iusti & innocentis: sicut Apostoli post resurrectionem gloriosum viderunt. Hebræi nunc legunt עֵינֵי, *oculi tui*. Noster Interpres legisse videtur עֵינֵי. CERNENT TERRAM DE LONGE: מִרְחֹקִים, *longinquorum*: remotam; id est, illustrabit remotissimas quasque regiones, ut Apostoli fecerunt.

V. 18. COR TUUM MEDITABITUR TIMOREM; id est, semper habes tunc infixum animo timorem Dei. Mutatio personæ, ut noster vertit Interpres. Ubi EST LITTERATUS? non erunt tunc multi litterati, non multi ponderatores verborum legis, id est legis periti, non multi doctores parvulorum, id est idiotarum & rudium hominum, quia omnes erunt dociles Dei: Isai. liv. 13. & Ioan. vi. 45. Et per Apostolos homines litterarum imperitos imprimet Deus in animis hominum timorem sui. Ita videtur D. Paulus tacita quadam allusione hunc locum interpretari, 1. Cor. i. 20. *Ubi sapiens? ubi scriba? ubi inquisitor huius sæculi?* Hebræi aliter legunt & exponunt. מִיָּה סֹפֵר, *ubi scriba?* ut sit mimetis verborum quæ Iudei in obsequio Senacherib dicebant, timentes ne ei farent tributarii; quasi dicat: Singulis monentis interrogabit ubi sit scriba? id est, recenset & scribit eos, qui pendere debent vectigal: מִיָּה סֹפֵר, *ubi ponderator*, id est qui pecuniam ponderat, quæ exigitur pro tributo: מִיָּה סֹפֵר מִן הַסְּכָרִים, *ubi scriptor summum?* id est, qui insigniores domos notat, ut maiores vectigal ab eis petat.

tat. Ego malo D. Paulum interpretem sequi.

V. 19. POPULUM IMPRUDENTEM NON VIDEBIS, id est barbarum, non amplius videbis Assyrios hostes tuos. Heb. נֹכְחִים, *populum roboratum*, id est sortem. POPULUM ALTI SERMONIS: עַם סֵפֶר שֵׁשׁ, *populum profundi labii*; id est, qui barbaro & ignoto sermone loquitur: טֹשֵׁט, *ab audiendo*, id est intelligendo, ita ut non intelligas illum: כִּלְכֵּל לִשׁוֹן אִין בִּינָה, *blatse lingua sine intelligentia*, id est ut non queat intelligi. Tribus membris aliis verbis eandem enuntiat sententiam.

V. 20. RESPICE, prorespicias, Hebraismus, SION CIVITATEM SOLEMNITATIS NOSTRAE, id est Ecclesiam Catholicam, ubi non umbratiles, sed veræ celebrandæ sunt solemnitates. Videbis, inquam, (stantem ac florentem) id est admirandus contempleris: hæc est vis verbi *videbis* hoc loco. OCULI TUI VIDEBUNT: repetitio. HABITATIONEM OPULENTAM, id est Ecclesiam variis gratiarum generibus redundantem: שְׂמֵחָה, *tutam*; id est, *adversus quam porta inferi non praevalerunt*: Matth. xvi. 18. TABERNACULUM QUOD NEQUAQUAM TRANSFERRI POTERIT, id est auferri & destrui. Vaticinatur Propheta de perpetua Ecclesiae stabilitate. Uitur autem elegantiori oppositione, nam omne tabernaculum transferri potest; in hoc enim a fixis differt domibus: Ecclesiam autem vocat tabernaculum quod transferri non potest, quia in quemcumque locum transferatur, numquam tamen a suo fundamento, id est a Christo & Romano Pontifice eius Vicario, dimovebitur. NEQUE AUFERENTUR CLAVI EIUS. Tabernacula funibus defixis in terra clavibus tendi solent, quæ mutari transferrique non possunt, nisi aut avulsis clavibus, aut ruptis funibus. Funes Ecclesiae sunt Episcoporum præsertim Romanorum successiones; clavi quibus ligantur, sunt Apostoli, a quibus perpetua serie descenderunt.

V. 21. QUIA SOLUMMODO MAGNIFICUS EST DOMINUS; id est, propterea tuta erit & inexpugnabilis Ecclesia, quia Deus tamquam custos habitat in ea: Psal. xlv. 6. *Deus in medio eius non commovebitur*: כִּי אֵין לַיהוָה אֵין מִקְוֶה, *quia certe ibi magnificus Dominus nobis*; id est, ibi se Dominus pro nobis (aut in defendendis no-

bis) magnificum ostendit. LOCUS FLUVIORUM. Intelligitur כ particula similitudinis, ut sæpe apud Heb. id est, sicut locus fluviorum in quo sunt lati rivi, id est erit Ecclesia tuta sicut locus fluminibus non navigabilibus circumcinctus, ita ut neque magnæ, neque parvæ naves ad eum possint accedere. Hoc enim id est quod sequitur: NON TRANSIBIT SUPER EUM (וְאֵין עֹלָם עִם לֹקַם, *ad eum locum*, id est non accedet) NAVIS. REMIGUM, id est parvum navigium, quod remis agitur. NEQUE TRIERIS MAGNA; id est, neque magna navis transgreditur eum: וְלֹכֶסֶת, *penetrabit ad eum locum*. Fiumina quibus Ecclesia circumdatur, mystice promissiones Dei, Scripturas sacras, Concilia interpretari possumus. His enim rebus efficitur, ut nulla neque parva, neque magna hæreticorum navis Ecclesiam possit superare.

V. 22. DOMINUS ENIM. Reddit causam, quam ob rem Ecclesia inexpugnabilis sit: ecce enim Christus in ea est usque ad consummationem sæculi: Matth. xxviii. 20.

V. 23. APOSTROPHE ad hostes Ecclesiae, qua dicit eos contra Ecclesiam pugnantes facturos naufragium. LAXATI SUNT FUNICULI TUI, id est navium tuarum, o hostis, id est demissa vela ut in naufragio fieri solet: vel, derelicti sunt funiculi tui. Solent enim nautæ cum nullam vident salutis spem, rudentes relinquere. SED NON PRAEVALEBUNT, id est non sunt validi; quasi dicat, Rudentes tuæ laxæ sunt, non validæ. Heb. כִּלְכֵּל בְּיָדֶיךָ, *non roborabunt malum suum* (sub. navium) id est, frangetur, cadet malus navis ipsorum, neque poterunt eum falcire. UT DILATARE SIGNUM NON QUEAS, ita ut non possis vela pandere. Vela enim appellat signa, quia sunt veluti signa militaria. CLAUDI DIRIPIENT RAPINAM, שָׁלַל, *spolia*; id est, adeo delitratæ erunt velis, malo & omnibus rebus naves vestræ, ut non possitis fugere, sed claudi etiam consequi vos, & spoliare possint. Ita hæretici dum Ecclesiam scripturis impugnare volunt, scripturis destituti, etiam a claudis, id est ab hominibus minime doctis convincuntur, & testimoniis Scripturæ, quibus abuti consueverant, dispoliantur.

V. 24. NEQUE DICET VICINUS, id est habitator Sion, vel Ierusalem, civis Ecclesiae Catholice. שָׁכֵן, *ELANGUI*: חֲלוּתִי; *infr-*

infirmus sum; id est, Omnes hostes & hæretici naufragium facient; e contrario vero inter Catholicos nemo queretur se agrotare, id est fidem suam naufragio periclitari. **POPULUS QUI HABITAT IN EA**; in Ierusalem, id est in Ecclesia Catholica. **AUFERETUR AB EO INQUITAS**; relativum redundans consuetudine Hebræorum; id est, remitterentur peccata iis tantum qui in Ecclesia Catholica permanferint.

S A.

Vers. 1. QUI PRÆDARIS. Alloquitur Sennacherib, vel tyrannos.

V. 2. TE ENIM, &c. LXX. in te enim confidimus. BRACHIUM, id est robur. **MANE**, id est cito, vel quotidie. Chald. *omni die*.

V. 3. VOCE, id est vi, seu strepitu. **ANGELI**; scilicet qui exercitum Sennacherib delevit. **EXALTATIONE**, id est sublimi potentia.

V. 4. CONGREGABUNTUR, scilicet a Iudæis. **VESTRA**, scilicet o Assyrii. **BRUCHUS. LXX. locusta**.

V. 5. QUONIAM, &c. LXX. qui habitant in calis. IUDICIO ET IUSTITIA. Chald. *operantibus iudicium & iustitiam*.

V. 6. ERIT FIDES; apparebit veritas, scilicet promissorum Dei. Chald. *faciet Deus quod promissit*. **TUIS**, scilicet o Christe. **DIVITIÆ, &c. LXX. In thesauris salus nostra, illie sapientia, & scientia, & pietas in Dominum, hi sunt thesauri iustitie.**

V. 7. VIDENTES, scilicet Iudei aliter succedere quam sperabant. **FORIS**, id est publice. **ANGELIPACIS**, id est Legati missi ad pacem componendam cum Assyriis. **FLEBUNT**, scilicet non impetrata pace.

V. 8. PACTUM, scilicet de pace, quam Iudei optabant. **PROFECIT**, scilicet Deus, vel hostis. **NON REPUTAVIT**, id est nihil fecit.

V. 9. TERRA, scilicet Iudææ. **CONFUSUS**, scilicet videns se cecidis, id est civibus spoliatum, vel vasis. **LIBANUS**, id est Ierusalem, vel templum. Vide Ezech. xvii. Zach. xi. **SARON**. Regio est Galilææ fertilissima.

V. 10. EXALTABOR, id est glorificabor; scilicet offensa mea potentia.

Bib. Sac. Tom. XVII.

V. 11. CONCIPietis, scilicet deliberatione. **ARDOREM**, scilicet iniquitatis. Chald. *cogitationes impietatis*. **PARIETIS**, scilicet executione. **STIPULAM**. Chald. *opera mala*, scilicet fomenta ignis æterni. **SPIRITUS VESTER**, id est vestra consilia. **LXX. Vana erit fortitudo spiritus vestri**. **VORABIT**, id est perdet.

V. 12. SPINAE; pro, ut spinæ.

V. 14. IN STON, id est Ecclesiæ lumine. **HYPOCRITAS**. Chald. *impios*. **LXX. iniquos**.

V. 15. VERITATEM. Chald. *recta*. **AVARITIAM**. Chald. *mammonam iniquitatis*. **EX CALUMNIA**. Complut. *& calumniam*. Chald. *& rapinam*. **LXX. & iniustitiam**. **SANGUINEM**. Chald. *effundentes sanguinem innocentem*. **LXX. iudicium sanguinis**, scilicet iniquum. **MALUM. LXX. iniquitatem**. Chald. *operantes iniquitatem*.

V. 16. MUNIMENTA, &c. quasi dicat, Et loco tutissimo. **PANIS**. Chald. *cibus sufficiens*. **FIDELES**, id est non deficientes. Chald. *permanentes*.

V. 17. REGEM, id est Deum in cælo, vel in terra Christum. **TERRAM DE LONGE**; scilicet cælestem hereditatem hinc longe distantem, vel e cælo terram. Chald. *descendentes in terram Gehennæ*.

V. 18. TIMOREM, id est res timorem incutientes. **UBI EST, &c. quasi dicat**; Requires qui te doceat, in magna Doctorum penuria; vel, quis te sapientiam præter Deum poterit docere, & dicere tuto, aut liberare? vel, ubi Philosophorum dogmata falsa post lucem Evangelii? Vide I. Cor. i. ubi Paulus hæc ad mundanam sapientiam refert.

V. 19. VIDEBS, scilicet tempore gratie. **ALTI**, id est profundi & obscuri. **IN QUO, &c. scilicet in Gentilium eloquentia parum est sapienter.**

V. 20. STON, id est Ecclesiam; vel, o Ecclesia. **IERUSALEM**, scilicet cælestem; **CLAVI**. His solent alligari funes tentorium. **LXX. paxilli**.

V. 21. IBI, scilicet in Ecclesia. **NAVIS**, scilicet hostium.

V. 23. TUI, scilicet o hostis. **DILATARE SIGNUM**. Chald. *velum extendere*.

V. 24. NEC DICE, &c. quasi dicat, Omnes erunt fortes spiritu.

E S T I I.

Vers. 7. **E**CCE VIDENTES CLAMABUNT FORIS, ANGELI PACIS AMARE FLEBUNT. Hæc sententia obscuritatem habet, propterea quod angelis, quos constat sine omni doloris aut tristitia: permixtione beatos esse, tribuatur fletus, ilique amarus, qui cum perfecta & plena beatitudine consistere non potest. Sed solvitur hæc difficultas, si intelligamus qui hoc loco dicantur angeli pacis, & quis sit huius loci sensus literalis. Agit Propheta de gravissimo periculo, in quo versabatur rex Ezechias & Ierusalem tota, eo tempore, quo in Iudæam inverat Sennacherib rex Assyriorum cum suo exercitu, quando missis ad eum legatis pacem impetrare non potuit; quin potius rex superbus extrema quæque minabatur sanctæ civitati, & templo Dei, ipsique populo captivitatem. Sensus ergo est: *Ecce videntes clamabunt foris*; quasi dicat: Mittentur a rege Ezechia speculatores, (eos *videntes* vocat) ut contemplantur exercitum regis Assyriorum, simulque petant pacem, (quos Propheta hic angelos pacis vocat.) Sed re infecta redeuntes hi speculatores, videntes, angeli seu nuntii, mirabiles clamores, ac desperata pace, amare flebunt. Ceterum hæc omnia idcirco exaggerantur, ut tanto magis commendetur potentia Dei, quæ eos a tali hoste liberavit. Vide etiam nostra in II. Sent. dist. 7.

V. 14. **Q**UIS POTERIT HABITARE DE VOBIS CUM IGNE DEVORANTE, AUT QUIS ABITABIT EX VOBIS CUM ARDORIBUS SEMPITERNIS? Hoc non de inferno intelligendum est, quia dicit Propheta hominem iustum & sanctum cum igne illo & ardoribus habitaturum. Sic enim sibi ipsi respondet versus immediate sequenti; **QUI AMBULAT IN IUSTITIIS, ET LOQUITUR VERITATEM, QUI PROFIKIT AVARITIAM** &c. sed illa (*ignis devorans*) & (*ardores sempiterni*) per periphrasim Deum significant; de quo dicitur Deut. iv. & citatur ad Heb. xii quia *Deus ignis consumens est*. Sensus ergo est: Quis audebit se coniungere Deo, qui tantus est vindex blasphemiarum Assyriorum omnique impietatis? Ae deinde scilicet respondet, non impium, nec hypocritam cum Deo habitaturum;

sed cum qui ambulat in iustitiis & veritate; quasi dicat: Est quidem Deus admodum formidabilis impiis, & horrendum est incidere in manus Dei viventis, sed homo iustus confidenter & sine nocumento cum Deo habitare, & conversari poterit. Et nota hic contra hæreticos nostri temporis, quod vita hominis iusti sustinet iustum iudicium Dei.

M A R I A N A E.

Vers. 1. **V**AE QUI PRAEDARIS. Contra Assyrios videntur hæc dici, aut contra diabolum. **ET QUIS SPERNIS**, aut *prævaricaris*: id est *baghad* proprie significat. *Prævaricaris*, inique agis diripiendo Iudæam. **NONNE ET IPSE SPERNERIS?** Heb. *Et non sunt prævaricati in te*: nullo ipsorum merito diripiuit. **CUM FATIGATUS DESIERIS CONTEMNERE**. Heb. *cum desieris prævaricari, prævaricabuntur in te*. Paria resces, diripieris Angelo vindice.

V. 2. **ESTO BRACHIUM NOSTRUM**; id est robur. Heb. *brachium corum*. Sed tertia persona ponitur pro prima. **IN MANE**, Heb. *in auroris*, id est omnibus diebus, cito. Esto Domine robur nostrum.

V. 3. **A VOCE ANGELI**. Heb. *a voce strepitus*, quem scilicet fecit Angelus. **FUGERUNT POPULI, SCILICET ASSYRII. AB EXALTATIONE TUA**, id est ob excelsum tuam potentiam.

V. 4. **SICUT COLLIGITUR BRUCHUS**. Sept. *locusta*; ne scilicet vineis noceat. **VELUT CUM FOSSAE PLENÆ FUERINT DE EO**. Hebraica sic alii vertunt: *Sicut incessus locustarum incedens in eo*. In quo? *gheb* sanc *locustam* & *foveam* significat. Hieronymus hanc posteriorem significationem est secutus. Quo modo sic Hebraica vertas: *Sicut congregatio fovearum congregans in eo*; pro, ex eo, scilicet bracho. Duram loquendi formam emollivit Hieronymus, retenta sententia. Sane cum locustæ colliguntur, in foveis eas sepeliunt. Colliguntur ergo spolia Assyriorum, sicut locustæ aut bruchus colliguntur, ea copia & facilitate.

V. 5. **IMPLEVIT SION IUDICIO DEUS, VINDICATIS HOSTIBUS**.

V. 6. **ET ERIT FIDES, aut veritas, aut stabilitas**, id est firma felicitas temporibus suis

tuis erit, o Sion. Aut apparebit veritas promissorum Dei. DIVITIAE SALUTIS. Heb. *robur salutum, sapientia, & scientia*. Salus ex vera sapientia & Dei cognitione. THESAURUS EIUS, scilicet Dei aut hominis, (relativum sine antecedente) est timor Domini.

V. 7. ECCE VIDENTES, id est Prophetar, aut nuntii. Heb. *nuntii eorum*, scilicet Iudaeorum missi de pace ad Assyrios. CLAMABUNT FORIS, non facta scilicet potestate Regem Assyrium conveniendi. ANGELI PACIS, id est nuntii pacis, pro de pace missi. AMARE FLEBUNT, re infecta redeuntes.

V. 8. DISSIPATAE SUNT VIAE. Heb. *desolatae sunt viae*; scilicet obsidionis tempore, nullus in viis apparebit. CESSAVIT TRANSIENS. Repetitio, & explicatio. IRITUM FACTUM EST PACTUM. Heb. *dissipavit pactum*, scilicet Deus, quo promiserat Israel opem. PROTEGIT CIVITATES, quasi ad eum non pertinerent. Omnia haec praeterita pro futuris sumantur. *Dissipatae sunt*, pro, dissipabuntur, & sic de aliis.

V. 9. LUXIT. Sic Sept. & Chald. Quidam: *corrupta est, & elanquis terra*. CONFUSUS EST LIBANUS. Heb. *erubuit*. ET OBORDUIT. Heb. *excisus est*: spoliatus suis arboribus. CONCUSSA EST, sive *excussus est* Basan, id est fructus decussi sunt. BASAN erat regio fertilis. Summa, terrae facies. Obsidionis tempore ipsi etiam montes sunt vastati.

V. 11. CONCIPITIS ARDOREM. Heb. *quisquilias*. PARIETIS STIPULAM, id est consiliis vestris, o Iudaei, consentanci exitus erunt, vani scilicet & nullius momenti. SPIRITUS VESTER, id est consilia male succedent, ut ignis vorabit vos.

V. 12. QUASI DE INCENDIO CINIS. Heb. *incendia calcis*; id est, similes lapidibus, quibus combustis fit calx, eritis. SPINAE CONGREGATAE. Heb. *spine*, id est ut spinarum excisae, igne comburentur. Itaque populus propter obsidionis mala calei, seu cineri, & spinis combustis similis erit.

V. 14. HYPOCRITAS, seu impios invasit terror. QUIS POTERIT HABITARE DE VOBIS. Heb. *quis habitabit nobis*; pro, ex nobis. CUM IGNE DEVORANTE? Sic vocat Assyrios: quis eorum impetum ferat? Aut sic: *Quis stabit pro nobis contra*

Assyrios ignis instar consumentes omnia? QUIS HABITABIT EX VOBIS. Heb. *ex nobis*. CUM ARDORIBUS. Sic etiam Assyrios vocat, qui instat ignem inferni essent. Qui evadent?

V. 15. ET LOQUITUR VERITATEM. Heb. *rectitudines*. QUI PROICIT AVARITIAM EX CALUMNIA. Regia, & *calumniam*. Heb. *reprobat avaritiam oppressum*, id est opes ex rapinis. NE AUDIAT SANGUINEM; id est, cadibus non se admiscet: consulentibus ut sit particeps, aures non praebet. NE VIDEAT MALUM, aspectum etiam iniquitatis avertatur, Denique qui est innocens,

V. 16. ISTE IN EXCELSIS HABITABIT. Superior omni iniuria, ad eum procella non pertinet. MUNIMENTA SAXORUM, id est arces, quae rupibus imponebantur. SURLIMITAS EIUS. Sic plerique vertunt; quasi dicat: Eae arces faciunt, ut in sublimi ac tuto loco sit. Ego dicerem, *per fugium eius*: nam *צוֹמִיגְהָב* *missigab, sublimitatem* significat & *per fugium*. PANIS EI DATUS EST, AQUAE EIUS FIDELES, id est stabiles in obsidione neque cibis illi decrit, neque potus.

V. 17. REGEM IN DECORE SUO VIDEBUNT OCULI EIUS: Ezechiam seu Christum. In obsidione Rex erat squalidus, ea soluta refumet regium apparatus. CERNENT TERRAM DE LONGE, seu *longinquam*, libere peregrinari poteris quo feret animus.

V. 18. COR TUUM MEDITABITUR TIMOREM; id est, quod prius meditabatur terrores, & dicebat, UBI EST LITTERATUS? Heb. *ubi scriba*, scilicet tributorum rationem penes se habens. UBI LEGIS VERBA PONDERANS? Heb. *ubi ponderans*, scilicet tributorum exactor. UBI DOCTOR PARVULORUM? Heb. *ubi scriba turrium*, id est praefectus thesauris, qui crant in turribus. Hieronymus proculdubio aliter hunc locum legit, quando pro *turribus parvulis* posuit. Quorsum haec tamen? ut in periculo necessaria illis pararent, pecunia in stipendium expediretur. Meditabitur id ante pulsos Assyrios. Sed post

V. 19. POPULUM IMPUDENTEM NON VIDEBIS. Sic Regia. Heb. *robustum*, id est *barbarum*, ut Pagn. vertit. Barbari pollent viribus. POPULUM ALTI SERMONIS. Heb. *labii profundi*, id est loquentem

lingua Barbara, id est Syriace: IV. Reg. xviii. 26. ita ut non possit intelligere. Heb. *ali sermone ab audiendo*, id est ita ut non intelligas. DISERTITUDINEM. Heb. *balbutientem linguam*. IN QUO NULLA EST SAPIENTIA. Heb. *non intelligentia*, id est parum mente valent. Ergo significat, soluta obsidione non fore amplius qui lingua Barbara loquatur.

V. 20. RESPICE SION. O Sion, oculos conice in Ierusalem, ut videas eius felicitatem. CIVITATEM SOLEMNITATIS NOSTRAE. Ubi festa statuta Lege celebrantur. OPULENTIAM, seu tranquillam sublati belli rumoribus. Vox Heb. *sanam*, & *opulentam* & *tranquillam* significat. TABERNACULUM, quod non transferetur, videbis. Periphrasis est, ad significandum urbis & tabernaculi perpetuitatem. NEC AUFERENTUR CLAVI EIUS. Clavis & funiculis tabernaculum stabat. Sic templum vocat, cuius stabilitatem promittit. Non auferentur clavi.

V. 21. MAGNIFICUS EST DOMINUS. Solus ipse dominabitur. LOCUS FLUVIORUM, id est Deus, erit instar loci, ubi sunt flumina, qui expugnari non possunt. RIVI LATISSIMI ET PATENTES, scilicet rivorum latorum manibus, id est locis. NON TRANSIBIT, id est neque navis parva aëtuaria, neque navis maior transibit per eum locum, transiet ea flumina. Denique navigabilia non sunt, quod locum munitiorem reddit.

V. 23. LAXATI SUNT FUNICULI TUI, scilicet o Assyrii. Assyriorum cladem naufragio comparat. ET NON PRAEVALEBUNT. Heb. *non erunt fortes*, ut scilicet tempestati resistent. SIC ERIT MALUS TUUS, UT DILATARE (explicare) SIGNUM (id est vclum) NON QUEAS. TUNC DIVIDENTUR SPOLIA, cum navis progredi non poterit, & fracta fuerit. PRAEDARUM MULTARUM. Heb. *tunc dividunt praedam*. Id significat *γῆ had*, spolia multa: quae tanta erunt, ut non solum agiles, sed claudii rapere ea possint. CLAUDI DIRTIPIENT.

V. 24. NEC DICET VICINUS. Heb. *habitor*, scilicet Ierusalem. ELANGUI; id est, non possum prodire ad praedam. Omnes erunt fortes, quia civibus omnibus dimissa est iniquitas.

MALVENDAE.

Vers. 1. VAE QUI PRAEDARIS, &c.

Observant haec concione comprehensam tribus capitibus a Propheta de industria fuisse subiectam superioribus omnibus: quia nunc demum singularia iudicia omnia omittuntur, ut transcat ad iustam constitutionem regni Christi, quod post iudicia illa omnia erat adventurum. Sunt autem, inquit, in hac concione summam quatuor partes: prima est, proleptis sive propositio univérse malis malum, & bonis bonum denuntiatio, versibus quatuor: secunda, propositio, sive explicatio secundae partis prolepticos per hyterosin Hebraeis familiarem, toto hoc capite: tertia, explicatio prioris partis prolepticos, toto cap. xxxiv. postrema, conclusio, exponens gloriam regni Christi, piorumque gloriationem ex constitutione eius, cap. xxxv. Hac autem prolepti primum mala improbis praedicantur, vers. 1. deinde bona invocantibus Deum per fidem & caritatem, tribus sequentibus: nam quae hoc loco dicuntur, non ad certam aliquam & singularem gentem referimus, sed ad omnes reluctantes Deo, & Ecclesiam eius vi & fraudibus insistentes. Hunc ergo versum varie alii ex Heb. convertunt: I. *Ve vastanti, & tu non es vastatus, & praevaricanti, cum in te non sit praevaricatum: cum vastare desieris, vastaberis & tu; & cum praevaricari cessaveris, praevaricabuntur in te quoque*. De Assyrio singulariter accipiunt: sed praestat univérse de hostibus Dei & Ecclesiae. II. *Ve tibi, vastator, qui ipse non vastaris*; id est, qui praesentibus commodis, & divitiis benignitatis ac potentiae Dei abuteris, ut alios non laecessitis circumvenias: *& tibi, perfide, cum perfide non egerint contra te*: tertia pluralis impersonaliter: sic in fine versus, pro, contra quem non agitur perfide: *cum desieris esse vastator, vastaberis*; id est, cum mensuram scelerum tuorum ad saturitatem impleveris, & cum laveris, tunc vastaberis: *cum absolveris perfide agere, perfide agetur contra te*. III. *Ve vastatori, & tu non devastatus; & excursori, cum non incurreris in te: quando consummaveris, tu vastare, vastaberis*; cum defatigatus fueris ad excurrendum, incurris in te.

V. 2. DOMINE MISERERE NOSTRI. Quidam: *Iehova gratiam fac nobis*. Alterum membrum prolepticos exponens fidelium preces hoc versu, & consecutura bona, duobus sequentibus. ESTO BRACHIUM NOSTRUM IN MANU. Alii: *Eslo brachium horum singulis matutinis*; id est, esto tuorum defensor te expectantium: sic Ecclesia pro singulis precatur, & singuli pro Ecclesia tota: *singulis matutinis*, vel diebus, synecdochice; vel quod singulo quoque diluculo praeveniat nos Deus suo praesidio.

V. 3. A VOCE ANGELI FUGERUNT POPULI. Heb. *a voce multitudinis, turbae, strepitus tumultus*. Plerique exponunt: Propter timorem, strepitum, tumultum, quem excitavit angelus, quem Hebraei Gabrielem autumant, inquit S. Hieronymus, in castris Sancheribi, *sugerunt*, pro fugient, populi Assyriorum. Alii: *A sono strepitus, hypallage*, pro, *a sonoro strepitu*. Explicatio bonorum, quae in salute percipiunt pii: unum est, liberatio e malis, hoc versu; alterum, omnis boni perceptio, versu sequente. Ait ergo: *A sonoro strepitu*; id est, vel solo auditu iudicii adventantis tui, *pervagantur populi*, id est perduntur: *ab exaltatione tua*, seu sublimitate, celsitudine, altitudine tua *dispersionem gentes*; quae verba elegantissime opponit Propheta illis praecedentibus: *Eslo brachium horum singulis matutinis*; etiam *salus nostra tempore angustiae*. AB EXALTATIONE TUA. Alii pluraliter legunt: *ab exaltationibus tuis*; qui sensus maiorem emphasim habet. Leve discrimen *רוממות* *romemuth*, exaltatio, *רוממות* *romemuth*, exaltationes. Sed exemplaria plurima singulare praeferrunt.

V. 4. ET CONGREGABUNTUR, &c. Hunc versum alii ex Heb. I. Colligeturque praeda vestra collectione bruchi, seu ut colliguntur bruchi: secundum discursum locustarum discurrans per illum, vel gressu locustarum gradietur per illum, aut sicut incessus locustarum, incedens per illum. Exponunt: Ut colliguntur bruchi viridibus nocentes, ut in foveis terra obruantur, vel in aqua mergantur: & ut discurrant locustae per arva fruges omnes & viridia depascentes & erodentes; ita discurrat angelus per castra Assyriorum illa consumendo. II. Forsterus: *Et colligetur spoliis vestrum collectione abstumpis, seu depascentis*; vel *Et colligetur praeda*

vestra collectione bruchorum; & sicut irruptio scrobariorum, seu scarabeorum, in qua est incurfor: seu velut excursio locustarum excurret in illam. III. *Et colligetur praeda vestra*; id est, & vos, o pii, de hostibus triumphatis, eorumque spoliis locupletamini: illud, *praeda vestra*, active, non passive accipiunt, id est quam vos ab hostibus auferetis, non quae a vobis auferetur. Apostrophe gratulatoria ad pios, quam Propheta conficit ex accumulatione & observatione omnium iudiciorum Dei, inde a temporibus Abrahami, prout in Scriptura leguntur: *collecta bruchi*; id est, praeda vobis erit quidquid sibi comparavit hostis, qui tamquam bruchus & locusta depopulatur omnia: secundum discursum locustarum, vel discursum qualis est praefuridum, discursum in eam; id est, locustarum viriditatem terrae excedentium, quae Graecis dicuntur *Prascurides*, ab effectu: sic Hamos VII. 1. De quibus vide Appendicem Henricianam, colum. 1699. Aristoteles Lib. V. Historiae Animalium, cap. XVIII. *E scarabeis sunt prascurides, seu porricidae, seu viridicidae, quae & ipsae quoque alas habent*. BRUCHUS. חסיל *chasil*, vide in I. Reg. VIII. 37. FOSSAE. גְּבוּעִים *ghevim*, id quoque significat, II. Reg. III. 16. Alii scarabeos, quasi scrobarios, quod ii scrobes fodiant, & inhabitent, exponunt: plures tamen locustas interpretantur, ex significato Chaldaico. Quidam tamen Hebraeorum ita hunc locum accipiunt: sicut excursio aquarum in fossas, seu scrobas incurret in eum; id est, ut aquae impetu secuntur in fossas, seu loca depressa, sic angelus incurret in exercitum Assyriorum. DE EO. Heb. affixo masculo, in eo, vel in eum, praedam, de qua initio versus.

V. 5. MAGNIFICATUS EST DOMINUS, &c. Alii hunc versum ex Heb. Editus est Iehova, nam habitat altum. Secundus hic locus expositionem continens secundae partis prolepticos, ut diximus in vers. 1. explicat primum argumenta propositionis usque ad vers. 13. deinde documenta fidei, & sanctorum ad obtinendas promissiones, usque ad vers. 20. postremo per hypotyposin ostendit promissionum fructum, ad finem usque capitis. Argumenta autem ducuntur a natura & fœdere Dei, hoc versu: a fide nostra, & pietate in Deum, versa.

versu sequente: postremo, ab operibus, ac nominatim a recente exemplo rei gestae contra Assyrios, verbis sequentibus. **IMPLEVIT SION IUDICIO ET IUSTITIA:** id est, praesens est ex foedere cum Ecclesia inito, ut iudicet improbos, & iustitiam in suis exerceat. De his duabus vocibus coniunctis, *iudicio & iustitia*, vide in Genes. xxiii. 19.

V. 6. ET ERIT FIDES IN TEMPORIBUS TUIS. Verbum *erit* non est construendum cum supposito *fides*, nam *erit* est masculinum, & *fides* semineum: sed per se itat, ut alibi passim in prophetis. *Et erit*, id est evenit, continget, &c. ut fides temporum tuorum sit thesaurus salutis. Heb. *Et erit firmitas, stabilitas temporis tui*, id est felicitatis tuae: aut *fides*, *veritas*, *constantia*, *certitudo*, *fidelitas*, *temporum tuorum*, *thesaurus salutis*, subaudi, *erit*: *sapientia & scientia*: *timor IHH*, ipse thesaurus eius. **DIVITIAE.** *Closen*, thesaurus, protectio, robur, fortitudo, opes, facultates, quae robur & firmamentum hominis sunt. Vide in Proverb. xv. 6. Quidam hunc verum ita explant: *Est itaque firmitas temporis tui, robur salutis*, seu *omnis salutis*, *sapientia tua & scientia*, vel *sapere te & nosse*: *reverentia Iehovae est thesaurus eius*. Senlus est: Neque vita stabilis, neque firma salus potest cuiquam contingere, nisi per fidem, quae in sapientia scientiaeque certa versatur; & nisi thesaurum pietatis reconditum possideat in bona conscientia, *qua repulsa nonnulli naufragium fidei fecerunt*, I. Timoth. t. 19. **TIMOR DOMINI**; id est, reverentia, cultus, religio, Iehovae, ut passim in Scripturis accipitur. **IPSE EST THESAURUS EIUS.** Quidam: *ipse est theca, apotheca, penus*, seu *reconditorium eius*, scilicet *thesauri*, vel *roboris salutis*, de quo initio versus; vel *eius*, Dei, aut cuiusque pii.

V. 7. VIDENTES. **אֲנָשִׁים** *erellam*. Ple-rique Hebraeorum secuti Chaldaeorum Interpretem, aiunt esse nomen **אֲנָשִׁים** *erel*, cum affixo pronomine, *angelus eorum*, vel *fortis magnus eorum*, & Alii componunt ex **אֲנָשִׁים**, *vidit*, & **אֵל** *ei*, *Deus*, ut sit *videns Deum*. Ut sit epithetum sanctorum angelorum, qui semper vident Deum; & sane auctore Sancto Hieronymo, hoc nomine Hebraei sanctos angelos significari putant. Alii tamen existimant *Erel*, idem omnino

esse quod **אֲרִיֵּל** *ariel*, detracto *Iod*: nam etiam sine *Iod* poni notant Ezechiel. xliii. 15. *harel*: componi autem ex **אֲרִי** *ari*, *leo*, & **אֵל** *El*, *Deus*, vel *Fortis*, ad auxesin, quasi *leoninus*, *leo fortissimus*: & translate dici de quovis fortissimo & valentissimo homine, ut II. Samucl. xxiii. 20. quasi *leonem Dei*, seu fortissimum leonem, hominem leoninum dicas. Unde varie hic reddunt: I. *Ecce angelus, nuntius, legatus eorum*, pro, *nuntii eorum clamabunt foris*; id est, legati missi a Iudaeis ad Assyrium pacis componendae causa, cum redibunt re infecta, in ipsa via extra Ierusalaim clamabunt praemissitia. II. *En*: Tertium argumentum, ut diximus in vers. 6. exponens historiam calamitatis Iudaeorum, vers. 7. 8. & 9. & mirificae liberationis a Deo, tribus sequentibus: quo exemplo voluit Propheta Iudaeos ita confirmare, quasi in rem praesentem adduxisset manu: *valentissimus*, seu *fortissimus* quisque *eorum*, seu *valentissimi horum clamaverunt foris*; id est, qui inter ipsos Iudaeos erant *leones fortissimi*, *leonini*, hoc est, praefecti Iudaeorum missi a rege Chizkia ut audirent legationem Rabshchakis, II. Regum xix. 2. & hic infra cap. xxxvi. 22. Nonnulli Hebraeorum *Erel* hoc loco idem esse quod *Ariel*, supra cap. xxix. volunt, & urbem ipsam Ierusalaim denotare putant, quae foris ab exercitu Assyrio oblecta, praemissitia clamare cogere, vel praesidiarii seu praetorianos milites Ierusalymitanos, qui ut fortes leones habebantur, praemissitia ac metu progressi extra munimenta foris in placis clamaverunt. **ANGELI PACIS AMARE FLEBUNT.** Alii: *nuntii*, *inquam*, *pacis amare flebunt*; ut sit exegesis praecedentis membri. Quidam: *legati pacis amare fleverunt*; id est, qui bellum resugiebant, & pacem factam cum Assyrio servari & coli postulabant. Sed rectius accipitur de eisdem, qui in praecedente membro nominantur.

V. 8. DISSIPATAE SUNT VIAE. Heb. *af-
flata sunt*, *stipende desolatae sunt viae stru-
cta*, *regia*, *actus*. Quidam: *Desolatae erant
aggeres*, Vias publicas & regias intercedente
& occupante Assyrio. **CESSAVIT TRANS-
IENS PER SEMITAM:** ita ut etiam semitam,
& invii calles infederentur ab Assyrio. **A-
lii**: *cessaverat transiens itinere seu viator*;
id est, averfa fuerat omnis commendi ratio oblectis per Assyrium itineribus: quod

genus calamitatis similiter narrat Debora Iudie. v. 6. ex maledictione Legis, Levit. xxvi. 22. IRRITUM FACTUM EST FACTUM. Alii: *labefactaverat, frugerat, irritum fecerat sadius*, Sancherib accepta pecunia, II. Reg. xviii. 14. 15. 16. 17. Alii, Deus, qui ad tempus deferens suos foedus cum ipsis initum labefactasse videri potuit. PROIECIT CIVITATES. Alii: *spreverat, fastidiverat civitates*, Sancherib, cum destruendo, tum etiam gloriando II. Reg. xviii. 33. & cap. xix. 12. Alii suppositum verbi Deum faciunt, qui civitates munitas Iehude in manus Assyrii tradidisse videbatur II. Reg. xviii. 13. NON REPUTAVIT HOMINES. Heb. *non excogitavit, reputavit, aestimavit mortalem*. Quidam: *non habebat rationem ullius mortalis*.

V. 9. LUXIT, ET ELANGUIT TERRA. Nonnulli: *Lugebat, languebat terra*; id est, miserrima erant omnia, atque miserenda: metaphora prosopopoeica. Alii: *Destructa est, infirmata, debilitata, excisa est terra*. De verbo מלל *amalal*, vide supra cap. xvi. 8. CONFUSUS EST LIBANUS. Alii ex Heb. I. *pudescit* est Libanus. II. *erubuit* Libanus, vel *pudebat* Libanum. III. *erubescere fecit*, vel *pudore affecit* Libanus, suos habitatores. IV. *Forsterius: deformatus est Libanus, vel avertit se Libanus*; id est, non amplius videtur, quia excisus est, ut subditur. Ex verbo reddes: *infodit se*, seu *infodere fecit* Libanus. Sed iam sæpe monuimus verbum *infodiendi*, pro *pudesceri* accipi in Scriptura: vide in Proverb. xiii. 5. De Libano vide in Deuteronom. iii. 25. ET FACTUS EST SARON Sicut DESERTUM. שרון *seharon*, hic plerique pro nomine proprio regionis accipiunt, de qua vide Iosue xii. 18. & I. Paralipom. v. 16. & cap. xxvii. 29. Alii, appellative pro quavis regione Iehudæ uberrima, & pascuosissima. Quidam vertunt: *erat Saron quasi solitudo*. Alii: *facta est planities deserta similis*; id est, quævis regio pascua & fertilis versa est in solitudinem & desertum. ET CONCUSSA EST BASAN ET CARMELUS. Heb. *excitans fructus, fruges suas* *Basan & Carmelus*, seu *excitavit Basan & Carmel*, nominandi casu, non accusandi, fructus suos; id est, abiciunt ante maturationem. Quidam: *excitans*, scilicet Sancherib, *Basanem & Carmelum*,

id est concutiet suis copiis. Nonnulli verbum נגח *naghar*, in significato *rudendi* hic accipiunt, quo sæpe de afinis utuntur Hebræi; exponuntque: *rudeliasque Basan & arum*; id est, pascua & arva clamabant præ sterilitate & solitudine, syncdochice, ut infra cap. xxxv. 2. De Basan vide in Numeror. xxi. 33. CARMELUS כרמל *carmel*, nonnulli hic appellative, pro *arvo, agro fertilis* capiunt, ut supra cap. xxix. 17. & cap. xxxii. 15. Alii, pro monte tribus Afer, iuxta Ptolemaidem. Alii, pro alio Carmelo tribus Iehudæ, ubi erat Nabel. Quocirca notant hic a Propheta quatuor terminos terræ sanctæ descriptos, Libanum a septentrione, Saronem ab occidente, Basanem ab oriente, Carmelum ab austro, quasi omnes terminos Chenahanæ concusserit & perturbaverit Sancherib.

V. 10. NUNC CONSURGAM, DICIT DOMINUS, &c. Notant, esse hic alteram partem narrationis, ut dictum est vers. 7. qua consilium Dei, oburgatio improborum, & profligatio docentur, tribus versibus. CONSURGAM, exerta potentia mea ad perendos & profligandos hostes, ut Psal. lxxvii. 2. NUNC EXALTABOR. Alii: *nunc exaltabo me ipsum*, opere mirifico, quod mox patraturus sum: humanitus dicta. Nunc SUBLEVABOR. Alii: *nunc elevabo me*, vel *exollam me*, seu *elevabor*, gloria & maiestate potentie meæ sublimis ero.

V. 11. CONCIPietis ARDOREM. Alii: I. *Concipietis stramen*. II. *Imprægnabimini stramine*. III. *Concipietis torridum gramen*. De voce חשך *chachsch*, vide supra cap. v. 24. Quidam putant hic esse fruticem illum, quem Hispanicæ vocamus *cofcoia*: quod non probo. PARIETIS STIPULAM. Volunt hicse proverbialibus locutionibus denotari consilia, & conatus vanos, irritos, nihil profuturos, immo nocituros iis qui eos ceperint. SPIRITUS VESTER. Exponunt, Id est animus. Alii, consilia, conatus, studia, Nonnulli, superbia, fastus, arrogantia. Quidam hunc versum ita accipiunt: Conceptio est deliberatio, partes est executio operis: Vanæ, inquit, erunt spes vestræ, & conatus vestri iriti; spiritu sive consilio vestro peribitis. Alii notant esse increpationem allegoricam, qua Deus Assyriorum consilia & conatus cremio, animos vero igni ardenti comparat, quæ una consumi solent. Hispanicus Interpres versum ita exponit:

Con-

Conceffiffes hoiafcafas, parireys ariffas: el fopfo de ueffro fuego, id est, la confiança vana, os consumita. Quidam contra interpunctionem Hebraicam ita distinguunt: *Et parietis quifquiliat fpiritus veftri, feu fpiritu veftrum;* id est, pro partu efflabitis animas viles & nullius pretii: sed refragatur accentus Athnach affixus voci *Et parietis, quifquilia.* Heb. ad verbum habent: *gignetis, feu parietis quifquiliat: fpiritus vefter ignis comedet vos;* quod quidam ita accipiunt: *fpiritus vefter erit ignis, qui conſumet vos.* Alii: *fpiritus vefter eſt ignis conſumpturnus vos;* vel ſubaudita nota ſimilitudinis, *fpiritus vefter tamquam ignis devorabit vos.*

V. 12. ET ERUNT POPULI QUASI DE INCENDIO CINIS. Heb. *Et erunt populi quaſi combuſtiones calcis;* id eſt, ſimiles lapidibus, qui incendantur & excoquantur in fornace, & vertuntur in calcem. Quidam reddunt: *Et reddentur populi exuſti ſicut calx.* Alii: *Et erunt populi combuſtiones calcis:* vide ſimile Iſaie x. 8. & xiii. 6. Aliqui totum verſum ita convertunt: *Ita fuerunt populi veluti inditi fornacibus calcariis: ut ſpinae ſuccifa, igne exuſti ſunt.* Eventus Aſſyriorum deſcriptus allegorice, prout narratur II. Reg. xix. Hiſpanicus Interpres: *y los pueblos ſeran cal quemadas: ſpinae cortadas: ſeran quemadas con fuego.*

V. 13. AUDITE QUI LONGE ESTIS, QUAE FECERIM, &c. Norant, ex ſuperioribus argumentis profluere duos illos propoſitionum rivos, de quibus diximus in verſ. 1. prior eſt vocans pios ad fidem & ſanctimoniam, hoc capite: poſterior, iudicium improbis denuntians, capite ſequenti. Huius autem propoſitionis exordium hoc verſu continetur: documenta, ſex verſibus ſequentibus: ac poſtremo hypotypoſis, ut diximus in verſ. 5. *Longinqui autem & propinqui, id eſt omnes ex Iudæis & gentibus. QUAE FECERIM.* Heb. *qua feci:* obſervant poſitum præteritum pro futuro, *qua iam iam faciurus ſum in Aſſyriis.*

V. 14. CONTRERITI SUNT. Heb. *Ex-paverunt.* Alii: *Formidaverunt,* vel *metuerunt.* **POSSEDDIT TREMOR HYPOCRITAS.** Alii ex Heb. tenuit, apprehendit tremor impius, proprie, infectos, corruptos, impuros, &c. vide in Iob viii. 13. **QUIS POTE- RIT HABITARE DE VOBIS CUM IGNE**

DEVORANTE? Verbum *גִּהַר* *ghur*, proprie aiunt eſſe trahere, ſed cum variis ſortitur conſtructiones, varie quoque reddi obſervant: quando ſine aliqua præpoſitione loco aut rei alicui iungitur, tum idem ſignificare quod *verſari, converſari, manere, commorari;* unde exponunt: *Quis converſabitur ex nobis ieni devoranti?* Nos ex verbo reddidimus: *Quis trahet nobis ignem comeden- tem?* apto Hebraiſmo, pro, *Quis trahet nos in ignem abſumentem?* aut *Quis applicabit, adiunget,* ſeu congeret nobis ignem conſumentem? Sic ſequente membro. Nonnulli hunc verſum ita explanant: *Expave- rant Tizioe peccatores, corripuit tremor hypocritas.* Propoſitio de fide & ſanctimonia piorum, occasione ſumpta a dubitatione & incredulitate hypocritarum Iudæorum, qui inſtruite obſidionem Sancheribo, diſidebant promiſſionibus Dei, & perfidiam ſuam obvelabant ſpecie quadam reverentia, quaſi tenuitatem ſuam ex animo cognoviſſent indignam eſſe quæ accederet infinitam Dei maiestatem: cuiuſmodi exemplum in Achazo vidimus ſupra cap. 1. 12. *Quis diverſabitur,* aiebant, *ex nobis cum igne conſumente?* Sic abutitur hypocriſis apertis Dei verbis, Deuteron. 10. 24. quaſi dicerent: Fruſtra exſpectatur liberatio a Sancheribo, quia oblita eſt Iudæa fœderis Iehovæ, & fecit ſibi ſculptile; quamobrem nihil amplius a Deo exſpectandum eſt, quam ut conſumat uos, quia ignis conſumens Deus zelotes eſt: ac proinde conſtat ſententia eius de ulciſcendis peccatis, non autem de inſtaurando fœdere & continuando nobiſcum. *Quis diverſabitur ex noſtris cum ardoribus perpetuis?* id eſt, quis ſubſiſtat ad conſtanſſima iudicia eius, quæ non poſſunt ab hominibus expugnari? Vide ſupra x. 16. hæc enim verba ſunt deſperantium de ſalute, quam Deus per ſervos ſuos promiſerat. Hiſpanicus Interpres: *Quien de noſtros morara con el fuego conſumidor?* id eſt, *Eu Ieruſalem donde ay culto tan peligroſo.* Quidam volunt hæc eſſe verba iſideli- um Iehudæorum reſpicientium Evangelium & conſortium Chriſti, qui ipſis ignis conſumens fuit. **QUIS HABITABIT EX VOBIS CUM ARDORIBUS SEMPITERNIS?** Ex Heb. alii: *I. quis manebit ex nobis, vel noſtrum cum ardoribus æternis, ſeu perpetuis?* II. *quis habitabit ex nobis ad focos æternitatis, ſive æternos?* Videntur reſpicere ad focum per-

perpetuum altaris templi. Nos vertimus: *Quis trahet nobis iustitias, seu iustitias, consubstiones aeterni, vel saeculi, seu aeternitatis?* Vide in Psal. ci. 4.

V. 15. QUI AMBULAT IN IUSTITIIS. Heb. *Ambulans, seu perambulans iustitias*; id est, qui percurrit & lustrat omnes vias & rationes iustitiae. Quidam reddunt: *Qui ambulat iustissime*. Subiectio adversans superiori hypocritarum desperationi, qua Deus pius & iustus (quorum definitio hoc versu continetur) confirmat in expectatione promissorum Dei. ET LOQUITUR VERITATEM. Heb. *& loquens rectitudines*, id est rectissime. QUI PROHICIT AVARITIAM EX CALUMNIA. Alii ex Heb. I. *qui reprobat avaritiam oppressionum*. II. *qui fastidium habet in avaritia, vel quique respuit avaritiam fraudum*. III. *qui abhorret ab eolumento, quod per vinum & calumniam extorqueatur*. IV. *qui spernit lucrum ex fraudibus*. V. *qui repudiatur avaritiam defraudationum*. VI. *reprobans (spernens) in avaritiam occupationes bonorum alienorum, vel oppressiones, aut avaritiam oppressionum*; id est, qua aliena intervertuntur, & fraudulentur ac malis artibus occupantur. VII. *abhorrens ab utilitate ex oppressionibus*. AVARITIAM. *בצב* *betzab*, proprie, praecipuum, segmentum, frustum: vide in Genes. xxxvii. 26. & in Exod. xviii. 21. ET EXECUTIT MANUS SUAS AB OMNI MUNERE. Alii ex Heb. I. *executens manus suas a sulciendo in munere*. II. *discentis manus suas a sustinendo, vel ne sustentet in munere: ut indicet grave & ponderosum munus, quod manibus fulciri ac sustineri opus sit*. III. *qui executit manus suas ne teneat munus*. NE AUDIAT SANGUINEM. Heb. pluraliter, *sanguines*, id est caedes & homicidia; id est, qui non vult audire eos, qui de patrandi caede loquuntur, vel homicidia & sanguinum effusiones thraconice iactant. ET CLAUDIT OCULOS SUOS. Participium *צמצ* *ghozem*, diversimode reddunt: *corroborans, condensans, consolidans, compingens, compingens, conspiciens*. Proprie *ossans*, id est osses reddens & solidos, fortes ac robustos, ut nullos spiritus vivos, nihil diaphani habeant. NE VIDEAT MALUM. Heb. *a videndo in malo*. Notant, cum verbum *ראח* *raah*, constituitur cum *Beth*, ut hic, significare cum voluptate & gaudio, vel

singulari affectu & studio videre.

V. 16. ISTE IN EXCELSIS HABITABIT. Alii: *Hic altissima loca habitabit*. Promissa, quae iusto sunt his quatuor verbis, continent liberationem a multis malis, & malorum metu, bonorumque omnium communicationem, quam private & publice in Ecclesia pii percepturi sunt. Solent loca edita secuta & tuta esse, quo vis externa difficile penetrat. MUNIMENTA SAXORUM SUBLIMITAS EIUS. Heb. I. *receptus rapinum relevamen eius*. II. *refugia petrarum exaltatio eius*. III. *propugnacula petrarum elevatio eius*, id est altum eius seu periculum. IV. *erunt propugnacula petrarum locus editus eius*, nempe Tziion Ecclesia Dei. Hispanicus Interpres: *sortalezas de rocas seran su altura, vel su lugar de a cogimiento*. De voce *מצודות* *metzadot*, quam Noster munimenta vertit, vide in Iudic. vi. 2. PANIS EI DATUS EST. Quidam per futurum reddunt: *panis eius dabitur*; id est, omnibus vitae eius commodis a Deo consuletur: synecdoche. AQUAE EIUS FIDELLES SUNT. *מים ימים* *meamim, credite, fideles, certe, stabiles, flata erunt*; id est permanentes, perseverantes, perennes; quasi dicit, Numquam ei deficit aqua.

V. 17. REGEM IN DECORE SUO &c. Heb. *Regem in pulchritudine, seu formositate sua praevidebunt, seu contemplabuntur oculi tui: videbunt terram longinquitatum, seu longinquissimam, aut longinquarum regionum*; id est, non amplius aequalentem & luctuosum videbis regem, aut regionem occupatam, sed gloria magnificentissima abundabit rex, & inimicos superabit, quorum sedes, quamvis longinquas, te vidente adiungit tibi. Hoc autem, iniquum, typice quidem in Chirizia factum est II. Paralipom. xxxii. 23. sed perfectum & consummatum in Christo. TERRAM DE LONGE. Heb. *terram longinquitatum*. Quidam exponunt: *Spatiosam, amplissimam, liberatam omni hostili exercitu & impressione Assyriorum*. Alii, *regiones longinquas adiectas regno Iehudae*. Nonnulli: *terram distantiarum*, id est remotam & multum distantem; quasi dicat: *Soluta obsidione, cum restitutus fuerit rex tuus in pristinam dignitatem, tibi licebit secure peregrinari in terras multum distantes ab Ierusalaimis*. Scite hunc locum Tertullianus accommodat adversus Iudaeos cap. xiiii. *Interdictum*

M est

est ne in confinio ipsius regionis demoretur quisquam Iudaeorum, ut hoc quoque esset adimpletum per prophetam: Regem cum claritate videbitis, id est Christum facientem virtutes in gloria Dei Patris: & oculi vestri videbunt terram de longinquo; quod vobis pro meritis vestris, post expugnationem Ierusalem prohibitis ingredi in terram vestram, de longinquo cum oculis tantum videre permixtum est. Vide Lib. XI. de Antichristo, cap. III.

V. 18. COR TUUM MEDITABITUR TITOREM: vel formidinem, horrorem, terrorem. Alii in ablativo, formidine; id est, prae metu ac terrore hostium obliditum Ierusalem, secum discipabit; ac varia verabit; quali dicat: Ante cladem Assyriorum multa patieris, totus eris in cogitatione earum rerum, quae metum hominibus incutere solent. Alii ad Evangelium referunt, & timorem hic pro admiratione capiunt, ut sint verba sequentia piorum fidelium admirantium, quomodo omnis sapientia humana cesserit stultitiae praedicationis Evangelii Dei, I. Corinth. 1. 20. UBI EST LITTERATUS? שׂוֹכֵל *sophel*, de qua voce vide II. Samuel. VII. 17. Varie hic accipiunt: primo, pro notario qui in principum aulis siue gubernatione res gestas, & acta publica, item census, ac redditus conscribit, ac nomina eorum, qui pendere tributa debent: secundo, pro legisperito, qui legem & prophetas populo interpretaretur; quorum mentio frequens in Evangelio, qui erant docti Theologi. UBI LEGIS VERBA PONDERANS? Heb. absunt duae dictiones, legis verba. שׂוֹכֵל *schokel*, librans, ponderans, appendens; seu librator, ponderator, appensor. Volunt Paulum I. Corinth. 1. 20. transposuisse haec duo verba, & pro *Sophel* dixisse scribam, & pro *Schokel*, sapientem. Quidam hic libratores seu appensores accipiunt publicanum, cui tributa ad pondus numerari solent. Alii eum quem Latini libratores vocant, qui erinus pugnatur, tela, lapides, aut glandes in hostes torquens. UBI DOCTOR PARVULORUM? Paulus conquistorem huius saeculi reddidit. Syzitis est proprie, qui de omni controversia disputat ac disquirat, & quid pro vero habendum sit, statuit, curiosus scrutator naturae, qui in huius mundi arcanis perferutandis, & acutissimis quibusque questionibus explicandis omnem aetatem

consumit. Hebraice: ubi numerans turres? idem participium vel nomen *Sopher*, quod paulo ante positum fuit. Quidam reddunt: ubi describens, conscribens, annotans turres? Exponunt: Id est, domos & aedes maiores, pulchriores & clariiores, quae scilicet solent maius pendere tributum. Volunt huius locutionibus significari Iudaeos oblectos ab Atyriis magno metu percullos omnes suas cogitationes & curas in eo habuisse, ut curatores & officiales bellicos ad defensionem urbis undique conquirent. Sed cur Noher dixit, doctor, seu scriba parvulorum? Rationem alii difficillime expediunt, & multa inepta nugantur: quidam ingenue se ignorare fatentur, quod fatius duximus. Forte מְגַדְלִים *mighdalim*, turres in significato crescendi, adolescendi, ingrandescendi accepit, quae propria etiam cum verbi sit, atque idcirco parvulos crescentes & adolescentes intellexerit. Immanuel Tremellius, & Franciscus Iunius hunc versum ita reddunt, & explanant: 1. Cor tuum, seu animus tuus 2. meditabitur terrorem, dicens: 3. Ubi est 4. legis peritus? ubi 5. pensator? ubi 6. censor turrium?

I. Id est, nihil metues amplius, sed habebit delectationem secuta praeteritorum malorum recordatio, adeo ut libere quas ludificari omnia consilia, rationes, conatus, & turbas hostium insensorem tibi: atque huc spectavit Paulus I. Corinth. 1. 20. II. non sollicitus, sed exultabundus. III. Hic sermo est piorum, qui ad Ecclesiam se recipientes, & freti praesidio Dei, secure hostibus insultant: quod his interrogantibus Prophetam facit; quasi dicat: Si quid est in rebus humanis ad bellum recte gerendum opus, haec profecto sunt, consilia a peritis, pecunia a pensatoribus siue quastoribus, munitiones a censoribus & tribunis militariibus, robur denique & copia militum: sed ubi sunt ista omnia? si forte possunt Deo obistere. Evannerunt iam olim, & in perpetuum, ut liquefit cera ab igne, ita peribunt improbi conspectu Dei. Psal. LXVII. 3. IV. videlicet castrensis, siue militaris. V. quastor, praefectus arario militari. VI. id est, tribunus praefectus censendis & curandis machinis, tormentis, munitionibusque bellicis: *synecdoche*. Haecenus illi.

V. 19. POPULUM IMPUDENTEM. Participium Niphal נֹחַז *noghoz*, quod verbum alibi in Scriptura non legitur, diversimo-

de reddunt: I. *fortem, fortificatum, robustum, obfirmatum, robore praeditum, praedurum*; ut conveniat cum verbis *ny ghazaz*, & *ny ghaz*. II. *barbarum, aliena, blasa, absorta, & absurde linguae*; ut congruat cum *ny ghaz*, de quo Psal. cxiii. 1. Assyrios intelligunt trahentes validos exercitus contra Ierusalem, qui barbari, atque exoticæ linguae, simulque impudentia obfirmati erant. NON VIDEAT. Exponunt: Nullo pacto experieris eius iugum, ac ne videbis quidem intra moenia tua. POPULUM ALTI SERMONIS. Heb. *populum profunditatis labii*, id est profundissimi labii; quæ profunda sunt, obscura sunt & ignota, ac remota ab auditu visusque. Quidam: *absinistri sermonis*. ITA UT NON POSSIS INTELLIGERE. Heb. *ab audiendo*, vel *præ audire*. Quidam reddunt: *populum profunctoris sermonis quam ut intelligatur*. DISERTITUDINEM LINGUAE EIUS, IN QUO NULLA EST SAPIENTIA. Heb. *subfannatum*, seu *subfannabilem linguae*, non intelligentia. Alii: I. *balbutientem, balbum, blasum, impeditum lingua, sine intelligentia*. II. *subfannabilem propter balbutiem linguae, absurdum lingua, sine intelligentia*; id est, utentem sermone non intelligibili, qui non videbitur loqui, sed potius balbutire. III. *aut balbutienti lingua, quem non possis capere*. IV. *ridiculum lingua, cuius non est intelligentia*. V. *peregrina linguae ac non intellecta*. Aliqui præcedentibus iungunt: *ut percipere nequeas balbutientem lingua sine intelligentia*: vide supra cap. xxviii. 11.

V. 20. RESPICE SION CIVITATEM SOLEMNITATIS NOSTRAE. Alii ex Heb. I. *Contemplantur Tzionem civitatem solemnitatis nostræ*. Imperativus pro futuro, *Aspices*, mox etiam sequitur futurum; id est, videbis adhuc solemnitates celebrari in Ierusalem, quæ futura est in summa pace & tranquillitate deletis Assyriis. II. *Vide Tzionem civitatem festivitatis nostræ*; id est, converte oculos tuos tu, qui perambulas iustitias, non videns ultra populum barbarum, &c. neque aliud videre velis, quam Tzionem civitatem exultantem, & unicum gaudium & festum nostrum. Nam non est dubium, quin interfecisti Assyriis ingens gaudium fuerit in Ierusalem. Mystice de Ecclesia Christi accipiunt, in qua est vera solemnitas. III. *Aspice Tzionem,*

urbem conventuum nostrorum. Hypotyposis confirmans promissiones præcedentes, quæ proponuntur oculis piorum duo, præstantiæ Dei propter Deum habitantem, & insidentem in ea, tribus verbis; & fructus ad singulos perventuri, duobus ultimis. Notant vocem *ny ghaz* *moghed*, id est *stationem*, tribui hic urbi Ierusalem propter templum & cultum in eo constitutum & ordinatum. HABITATIONEM OPULENTAM. Alii ex Heb. 1. *habitationem quietam*. 2. *habitationem tranquillam, vel quietum, pacatum, pacificum*. 3. *poscunt tranquillam*. 4. *casum tranquillum*. De voce *ny naveh*, vide in Exod. xv. 13. de *ny naveh* *sebanam*, in Iob xii. 5. quasi dicat: Erit quidem Ecclesia infirma & tenuis, ut casa piloritia humilis; sed ita ut eo amplius commendetur Dei erga illam beneficentia, nam erit tranquilla, felix, opulenta, fixa, stabilis, inconcussa, ut sequentia docent: allegoria duplex, casæ & tabernaculi. QUOD NEQUAQUAM TRANSFERRI POTERIT. Alii ex Heb. I. *nequaquam volutabitur*. II. *non deponetur*. III. *quod non dissipabitur*. IV. *non sternetur*, scilicet in terra vel loco humiliore. V. *non peregrinabitur*, id est transferretur in locum peregrinum & alienum. VI. *quod nequaquam loco movebitur*, aut dimovebitur. Chaldeus: *quod non dirumpetur*. Verbum *ny naveh* *traghan*, alibi in Scriptura non legitur. NEC AUFERENTUR CLAVI EIUS. Heb. verbum est singulare masculinum, *clavi* vero plurale semineum: unde varie reddunt. I. *nequaquam amovebit*, quispiam, *clavos eius*, vel *nemo amovebit clavos eius*. II. *neque proficietur unus e palis eius*. III. *cuius paxillorum nullus recederet*. Verbum potest esse transitivum, & intransitivum. IV. *nec migrabunt paxilli eius*: id est, non transferentur aut amovebuntur paxilli, ad quos religantur capitula funium tentorii. Hispanice vocant *estacas*. IN SEMPTERNUM. *lanetzach*, omnia ista comprehenditur: *ad victoriam, in æternum, in sæculum, in sempiternum, in perpetuum, unquam, omnino, penitus, finaliter, perpetuo, victorioso*. Notant Hebæri, hoc versu finiri dimidium Libri Isaie.

V. 21. QUIA SOLUMMONO TRI MAGNIFICUS EST &c. Hoc hemistichium varie alii ex Heb. reddunt: I. *quia vere ibi fortis Iehova nobis locus sanctorum, rivorum latiorum manibus*. II. *qui potius illic natus*. M 2

gnificus Iehova nobis, veluti locus ubi circumfluunt amplissimis utrinque ripis flumina & rivi, id est locus amenissimus & irriguus. III. Sed ibi magnificus Iehova erit nobis loco fluviorum, rivorumque ampliorum spatii. Hoc est: Quemadmodum Melopotamia fluvii circumquaque firmata est Euphrate & Tigri, & sicut Aegyptus Nilo in omnes partes ducto; sic Deus, immo valentius multo Ecclesiam firmaturus est, & futurus pro rivo amplissimo, ut sit Ecclesia extra omnem teli iactum: similiter alibi Deus igneum se fore praedicat Ecclesiae lux. Zachar. XIII. 8. & 9. RIVI LATISSIMI ET PATENTES. Heb. rivi latimanibus, id est spatii, locis, brachiis, sinibus, ripis: ut Plal. CIII. 25. NON TRANSIBIT PER EUM NAVIS REMIGUM, &c. Alii ex Heb. I. per quem non possit ire navis remigii, neque navis ingens transibit per eum; id est, quem nulla navis sive parva sive magna transire potest. II. In quibus neque triremis grassatur, neque oneraria navis magna transit. III. non itura est in eo classis remi, seu impulsae remis, neque navis magnifica pervasura eum; id est, non perferet rem ullam adversantem nobis, sed potius iudicio suo perdet & immerget, sicut olim Aegyptios: miosis.

V. 22. IUDEX NOSTER. Alii: vindex, assessor noster; qui ius nostrum nobis servat & administrat, atque causam nostram agit. LEGIFER NOSTER. Proprie, statuarius, dictator, legislator: vide in Genes. XLIX. 10.

V. 23. LAXATI SUNT FUNICULI TUI, &c. Hunc versum ex Heb. alii reddunt: I. Laxati sunt funes tui, vel deferuntur, derelinquentur funes tui, subaudi a nautis: non roborabunt malum suum, nec expandunt velum: peristat in allegoria sua, & comparat exercitum Assyriorum, qui perit navi & nautis, qui patiuntur naufragium: quando enim desperant de salute sua, deferunt funes, quibus malus firmatur, & velum extenditur: tunc divisa est praeda spoliis multi, vel & spoliis multum. II. Rudentes tui laxati sunt, ut ne malum suum firmiter retinere, nec velum expandere possint: tunc distributa sunt ornamenta prae insipientis. III. Defecerunt rudentes tuos: nondum confirmaverint erectum malum suum, nondum expandierint velum; tunc dividetur praeda spoliis permulti. Apo-

strophe gloriosa ad classem inimicorum; qui Ecclesiam cogitant invadere: Illi, inquit Propheta, primo impetu a Deo corammati, cum animis abicient omnia, & praeda erunt Ecclesiae. IV. Forsterus: Dimissi sunt, vel laxati sunt, funes tui, non constrinxerunt malum suum, neque expandunt velum: tunc dividetur rapina praeda multa: vel sic, dividetur rapina praeda multa. V. Forsterus: Dimissi sunt funes tui, ne tantillum quidem confirmaverint malum suum; non expandunt velum: tunc disperitum est a silue spoliis multiplex. NON PRAEVALEBUNT: SIC ERIT MALUS TUUS. Heb. Nequaquam obtinebunt, vel firmabunt, corroborabunt, sic malum suum. 13 cen, sic. Alii ut nomen accipiunt, velum, erectum, statum, malum suum. Nonnulli adverbialiter, recte, stabilius, firmiter. Quidam reddunt: non confirmaverunt vel tantillum quidem malum suum. Vide de hac locutione supra cap. XVI. 6. UT DILATARE SIGNUM NON QUEAS. Heb. Nequaquam expandunt velum, velum, velum, trochaeum: haec enim omnia complectitur vox 3 nes. Tunc dividetur spolia praedarum multarum. Forsterus: Tunc disperitum est usque ad spoliis multiplex. Forsterus: Tunc disperitum est usque ad spoliis multiplex. Rursum Forsterus: Tunc divisa fuit rapina praeda multa. 17 ghad, si est a verbo 17 ghoded, est particula applicativa, seu conjunctiva, vel loci, vel temporis; unde possit hic reddi: Tunc disperitum est usque ad, vel tandem, assidue, ad haec, spoliis multum. Si vero a verbo 17 ghured, redditur rapina, capta, praeda, spoliis multi, vel spoliis multum, ut Genes. XLIX. 27. CLAUDI DIRIPIENT RAPINAM. Alii: I. ut & claudis diripiant spoliis; quasi dicat: Tanta erit praeda, ut non solum agiles & leves sint egressuri ad praeda potiantur, sed etiam claudi; ac si dicat: Etiam iis qui sero ac tarde venerint, ut claudi, supererit multum spoliiorum, adeo multa erunt. II. claudi diripient praedam; id est, etiam tenuissimi quique nullo negotio depopulabuntur eos, adeo offendunt imparatos a rebus omnibus. Proverbium facilitatem rei quae agit, indicans, ut II. Samuel. v. 6. Hispanicus Interpres hunc versum ita reddit: Tunc erudas lassiflexaron: no affirmaron su miscal, ni entefaron la vela repartiofe presa de mu-

elos despojos : hasta los coiros arrebataron presa.

V. 24. NEC DICET VICINUS. *שכח-
chen*, proprie *semitator*, *adhabitator*, *coha-
bitator*, *tabernaculator*, qui *scenam* & *ten-
torium* habet in Ierusalem, sive Ecclesia.
ELANGUI. Vel *Ægrotavi*, *dolui*, *infirmus
sum*; id est, male habeo, propter afflic-
tiones scilicet. Præteritum pro præsen-
ti; id est, vivent postea in summa tran-
quillitate, nec affligentur ultra. POPULUS
QUI HABITAT IN EA, AUFERETUR AB EO
INIQUITAS. Heb. *populus habitans in ea
levatus iniquitate*. Alii: I. *populo*, qui *ha-
bitat in ea*, remissa est *iniquitas*. II. *po-
pulus habitans in ea relevatus*, *sublevatus*,
divisiſſus erit iniquitate. Vide similem lo-
cutionem Psal. xxxi. i. Nonnulli hunc ver-
sum ita reddunt: *Neque dicit habitator,
Ægrotus sum: populus habitans in ea le-
vatus erit ab iniquitate*; id est, omnes in-
columitatem & pacem obtinebunt per re-
missionem peccatorum, iustificati fide in
Christum Iesum regem & servatorem no-
strum. Hos quinque posteriores huius ca-
pituli versus, tamenſi apte de liberatione
Ierusalem ab exercitu Assyriorum obsiden-
te acceperimus, plenius tamen ac perfe-
ctius de salute Ecclesie per Christum ab
omnibus suis hostibus intelligimus.

MENOCHII.

Verſ. 1. VAE QUI PRAEDARIS, &c.
Minatur excidium Sennache-
rib; sententia est: Vix tibi Sennacherib,
qui prædatus es Iudæam, iam immines ur-
bi Ierusalem. NONNE, ET IPSE PRAEDA-
BERIS? id est, spoliaberis, & præda eris
Iudæis. SPERNERIS: Iudæos, & ipsorum
Deum. SPERNERIS: ab iisdem Iudæis, &
etiam a tuis, qui te castris exutum, &
profugum occident. CUM FATIGATUS DE-
SIERIS, CONTEMNERIS, id est cum mul-
tum, & ad fatiæatem contempſeris.

V. 2. TE ENIM EXPECTAVIMUS, id est
in te spem nostram collocavimus. BRACH-
IUM, robur. IN MANE: quotidie, vel
cito.

V. 3. A VOCE ANGELI FUGERUNT PO-
PULI. Hebraice, *A strepitu*, & tumultu,
qui scilicet factus est in castris percutiente
Angelo 185. millia Assyriorum. AB EXAL-
TATIONE TUA, id est sublimi potentia,

vel elevatione manus ad percutiendum.
DISPERSAE SUNT: dispergentur. GENTES:
militantes in castris Sennacherib.

V. 4. SICUT COLLIGITUR BRUCHUS.
Quid sit bruchus, dixi Levit. xi. 22. scilicet
esse genus locustæ: colligunt agricolæ
bruchos ne valent segetes, in fossam proi-
ciunt, & ingesta humo obruunt.

V. 5. MAGNIFICATUS EST DOMINUS:
in strage Sennacheribi. HABITAVIT, ha-
bitat. IN EXCELſO: ideoque se digna, hoc
est excelsu facit, & omnes reges, & eorum
vires infra se habet. IMPLEVIT SION IU-
DICIO ET IUSTITIA; id est, declaravit Deus
hæc strage, se iustum, & fidelem esse Sio-
ni, quia plene præstitit ei opem, & libe-
ravit a malis quibus premebatur.

V. 6. ERIT FIDES, id est apparebit ve-
ritas scilicet promissorum Dei. Chald. *Fa-
ciat Deus quod promisit*. IN TEMPO-
RIBUS TUIS: quamdiu scilicet stabis, o
Sion: verius hæc conveniunt Ecclesie, cuius
typus erat Sion. DIVITIÆ SALUTIS, id
est salutare sunt sapientia, scientia, & ti-
mor Domini, quibus nimirum fideles in-
structi Deum cognoscunt, & illum rever-
entur & colunt.

V. 7. ECCE VIDENTES CLAMABUNT FO-
RIS. Per *videntes* intelligit specularores, qui
videntes tantas Assyriorum copias adven-
tantes, clamabant, ut qui extra civitatem e-
rant, recipere se intra moenia. ANGELI
PACIS. Hi sunt nuntii, quos Ezechias ad
Rabsacem ducem Sennacherib misit pacis
componende causa, scilicet Eliacim, Sob-
na, & Ioahaz, qui cum pacem a Tyrano
non impetrarent, excidium urbis ti-
mentes, flevunt scillis vestibus, ut dicitur
infra xxxvi. 22.

V. 8. DISSIPATAE SUNT VIAE, &c.
Sunt verba Legatorum ex castris Assyrio-
rum redeuntium, & rerum statum expo-
nientium. Dicuntur *vix dissipata*, id est
desolata, ut vertit Vatablus. CESSAVIT
TRANSIENS PER SEMITAM, id est nusquam
videret viator. IRRITUM FACTUM EST
PACTUM; id est, non potuimus cum As-
syriis transigere negotium pacis. PROIECIT
CIVITATES: cepit, evertitque civitates.
NON REPUTAVIT HOMINES: Iudæos om-
nes vilipendit, & contempſit, ut patet IV.
Regum xviii.

V. 9. LUXIT, ET ELANGUIT TERRA:
squalida, deserta, vastata. CONFUSUS LI-
BA-

PANUS: videns se cedris spoliatur, quas in usus exercitus, & ad machinas bellicas succiderunt Assyrii. **OBSDUIT:** decorem amisit, quem habebat cum arbores starent, nec ramalibus, & truncis omnia occupata essent, & confusa. **FACTUS EST SARON SICUT DESERTUM.** Saron regio est Galilee fertilissima. **CONCUSSA EST:** & sua pulchritudine, & fertilitate privata.

V. 10. CONSURGAM, contra Assyrios. EXALTABOR: quia potentiam meam ostendam.

V. 11. CONCIPIETIS ARDOREM, &c. quasi dicat: Quicumque aliis machinatis estis, non magis illis nocuerunt, quam stipule aut quilibet: vobis autem pro fomentis perditionis vestre inservient. Vos enim estis stipule incendio destinatae; simili modo dictum cap. ix. 18. *Succensa est quasi ignis impietas; vaporem, & spinas vorabit.*

V. 12. QUASI DE INCENDIO CINIS; ut cinis, qui post incendium reliquus est. **SPINAE CONGREGATAE, &c.** hic cinis efficietur ex collectis spinis, hoc est Assyriis.

V. 14. CONTERRITI SUNT: videntes cladem Assyriorum. **PECCATORES:** Iudaei aliqui hypocritae, & impii. **QUIS POTERIT HABITARE, &c.** quasi dicat: Audite, & ad maioris incendii cogitationem animos erigite: si gravissimum supplicium vobis videtur quod de Assyriis sumpsi, quid de gehennae ardoribus aeternis sentiendum erit?

V. 15. PROHICIT AVARITIAM EX CALUMNIA: qui detestatur divitias, augere per innocentium calumnias, & per iniustitiam. **NE AUDIAT SANGUINEM.** Chald. *effundentes sanguinem innocentem.* **LXX. Indiciem sanguinis,** scilicet iniquum. **VIDEAT MALUM.** **LXX. iniquitatem,** qui scilicet non probat quae male, & inique geruntur.

V. 16. IN EXCELSIS, id est in Caelo, & in Ecclesia triumphante. **MUNIMENTA SAXORUM SUBLINITAS EIUS.** Idem repetitur, sed sub excelsae, & munitae rupis metaphora. **PANIS EI DATUS EST:** cibus, & potus ei dabitur divinae visionis numquam deficientis. **AQUAE FIDELES:** iugiter manantes, quae numquam deficiunt, aut fallunt.

V. 17. REGEM IN DECORE: Deum, &

Christum in sua gloria. **DE LONGE:** eminus e caelo empyreo.

V. 18. COR TUUM MEDITABITUR TIMOREM; quasi dicat: Si haec serio perpendas, timorem concipies, ne aeterna felicitate excidas, & ne in aeternam damnationem incurras. **UBI EST LITTERATUS, &c.** qui haec non intellexit, sed inani sua sapientia sibi placuit. Citat hunc locum D. Paulus I. Cor. xx.

V. 19. POPULUM IMPUDENTEM NON VIDEBIS. Relit ad dicta versiculo 17. quasi per parenthesim interposito versiculo 18. Sententia est: In patria caelesti non videbis homines impudentes, superbos, barbaros. Alludit ad mores Assyriorum, qui tales erant. **ALTI SERMONIS:** cuius sermo obscurus, & barbarum sonans. Omnes enim caeli cives affabiles erunt. Heb. cit. *אין נחג, id est blasum, vel balbum lingua.* **IN QUO NULLA EST SAPIENTIA:** sed tantum barbara, & serox stoliditas.

V. 20. RESPICE SION: vox Sion, vel est vocativi casus, & sensus est, O cives Sionis respicite; vel accusativi, & sensus est, Respice Sionem, quae est civitas solemnitatis nostrae. **SOLEMNITATIS NOSTRAE:** in caelo enim erit perpetua solemnitas, in eo tantum occupatis beatis, ut Deum laudent, & illo fruuntur. **HABITATIONEM OPULENTAM;** quia omni bonorum genere affluit. **QUOD NEQUAQUAM TRANSFERRI POTERIT:** nam caelestes illae mansiones ruinae non sunt obnoxiae, ut huius temporis quantumvis bene fundata palatia. **CLAVI EIUS, &c.** Ita de caelo loquitur, insinuat allegoriae tabernaculorum, quae funiculis intenduntur, & clavis, ad quos religantur funes, firmantur, ne vento, aut alia ratione evertantur.

V. 21. QUIA SOLUMMODO IBI MAGNIFICUS EST DOMINUS NOSTER; quasi dicat: Haec omnia, quae enumeravi, cernere est in patria illa caelesti, quia, sub uno tantum Principe summo Deo, in alta pace regitur, a quo magnifice omnia, & ad aeternitatem instructa sunt. **LOCUS FLUVIORUM, &c.** quasi dicat: In Ierusalem, non terrestri (haec enim laborat aquarum penuria) sed caelesti, erit ingens fluvius, instar plurium fluviorum, ex quo rivi lacustissimi, & patentes in omnem partem defluent. Huius caelestis fluvii meminit S. Iuan. in Apoc. cum ait c. xxii. *Et assendet.*

dit mihi fluvium aqua vite, splendendum tamquam crystallum, procedentem de sede Dei, & agni. Fluvius hic significat exuberantiam donorum, gaudiorum, & voluptatum quas Deus, & Christus in beatos effundent. NON TRANSBIT, &c. id est, nulla navis, aut triremis hostilis per hunc fluvium transibit, quæ urbis pacem turbet, vel opes diripiat. TRIERIS: Triremis, vox Græca τριήρης.

V. 23. LAXATI SUNT FUNICULI TUI. Transit ad Assyrium Iudæorum hostem, quem alloquitur continuata navis allegoria; sensus est: Rudentes navis tue laxati sunt, soluti, aut fracti. NON PRAEVALEBUNT: inutiles facti, & malum navis in suo statu erectum retinere non valentes. SIC ERIT MALUS, &c. Malus navis tue evertetur, nec in illius summitate, ut fieri solet, vexillum tuum explicare poteris. DIVIDENTUR SPOLIA, &c. exercitu tuo ab Angelo percusso. CLAUDI DIRIPIENT RAPINAM: adeo nullus erit qui prohibeat.

V. 24. NEC DICET VICINUS, ELANGUI: sed omnes circumiecta loca habitantes alacres erunt, & erecti in colligendis spoliis. AUFERATUR AB EO INIQUITAS: oculis, vel fugatis iniquis Assyriis, a quibus opprimebatur, populo in ea regione habitanti melior fortuna affulgebit.

TIRINI.

Verf. 1. VAE tibi Sennacherib, qui Aethiopiam, Aegyptum & tot alias nationes deprædatus es, & Iudæam nunc PRAEDARIS; NONNE ET IPSE IAMIAM PRAEDABERIS, id est spoliaberis, & præda eris hostibus tuis? VAE tibi, qui tot victoris clatus, præ te uno SPERNIS omnes, etiam ipsum Deum; NONNE MOX ET TU IPSE SPERNERIS, non modo ab hostibus, sed & a subditis, adeoque & a propriis filiis tuis, qui fuisset manibus iugulabant te? Allegorice, Sennacherib est diabolus, cuiusque membra tyranni, qui Christum & membra Christi spernunt, persequuntur, deprædantur, ipsi mox æternum ridendi, spolandi, cruciandi, inquit S. Hier. Cyrillus, Procopius, Theodoretus.

V. 3. A VOCE; Hebraice, a strepitu & tumultu, ANGELI, percutientis una nocte 185. millia Assyriorum, FUGERUNT PO-

PULI, quotquot militabant in castris Sennacheribi, AB EXALTATIONE TUA, id est alta & sublimi potentia & robore tuo.

V. 5. QUONIAM DEUS HABITAVIT IN EXCELISO, idcirco Excelsus ipse excelsa præliis, fugando & conterendo suos hostes; atque ita per hanc ultionem terribilem & magnificam, MAGNIFICATUS EST coram cælo & terra, implens SION; id est Ierosolymam, IUDICIO ET IUSTITIA; quasi dicat: Hac edita Assyriorum strage, ostendit Deus se iustum & fidelem esse populo suo, præstans ei opem & liberationem quam per Isaiam ante promiserat. Porro hæc Dei erga te

V. 6. FIDES, seu fidelitas, ERIT perpetua deinceps omnibus TEMPORIBUS TUIS, id est quamdiu stabis. Quod in Ecclesiâ Christi certissime quadrat, cuius typus erat Sion, inquit Cyrillus, Procopius, Theodoretus. Et DIVITIARUM SALUTIS, id est salutiferæ opes Ecclesiæ, erant non iam aurum & argentum, sed SAPIENTIA ET SCIENTIA rerum divinarum, quæ nascetur ex filiali timore a Dei radice, fundamentum, immo complemento sapientiæ.

V. 7. ECCE VIDENTES Ierosolymitani speculatores tantas copias & vires Assyriorum, CLAMABUNT ad eos qui FORIS seu extra urbem degunt, ut fuga sibi mature consulant. Et ANGELI PACIS, nempe Eliacim, Sobna & Iakale, qui a rege Ezechia mittentur nuntii & legati ad Rablacen ducem Sennacheribi, pacis cum eo componendæ causa, cum viderint se pacem imperare non posse, & excidium urbi imminens præsentiscent, AMARE FLEBUNT, ut patet cap. xxxvi. verf. ult. Allegorice, angeli pacis sunt pastores animarum, inquit S. Hieronymus, Theodoretus, Procopius & Gregorius.

V. 8. PACTUM, quod Sennacherib cum Iudæis iniit accepta ab eis pecunia, IRRITUM ab ipso FACTUM EST, IV. Reg. xviii. quia eo non obstante PROJECIT & evertit CIVITATES Iudææ, NEC IUDÆOS REPUTAVIT HOMINES esse, quibus fides servari deberet: ita S. Thomas, Lyranus & Forerius. Sed quid Deus ad hæc?

V. 10. NUNC CONSURGAM; hoste nimis insolescente, ostendam quid possim; Ergo agite, o Assyrii.

V. 11. CONCIPIETIS ARDOREM ire in Ierosolymitanos, machinabimini strages, in-

incendia, rapinas: SED PARIETIS; non ignem aut flammam, sed STIPULAM, id est, inanem & futilem conatum: ardens vero SPIRITUS ille VESTER & ira non VOCABIT Iudeos, sed volucres ipsos, quia causa erit vestri excidii & ruinæ.

V. 14. CONTERITI SUNT hæc tanta Assyriorum strage PECCATORES IN SION, impii Iudæi & hypocritæ, nempe metuentes sibi ob sua scelera similes pœnas: ita Adamus & Forerius. Quos promde sic conterritos, occasione recentis tragediæ acrius monet Propheta: QUIS DE VOBIS POTERIT HABITARE CUM SIMILI IGNE, seu supplicio, corpus & animam DEVORANTE? Tamen sceleribus debetur hæc pœna. Et levis videri possit ignis terrenus & momentaneus, qualis absumet Assyrios; sed vos manet ignis infernalis & ardores sempiterni: ita S. Hieronymus, Procopius & alii. Sed quis evadet hos ignes? & qua via?

V. 15. QUI OBTURAT AURES SUAS NE AUDIAT SANGUINEM, id est non auscultat, non audit, non admittit eos qui de cæde patrandæ & pauperibus exsugendis consultant: ET CLAUDIT OCULOS SUOS NE VIDEAT MALUM; id est, non attendit, non consentit ulli rei quæ possit proximo nocere, inquit S. Gregorius. Qui sic constanter se gerit,

V. 16. IN EXCELSIS, id est in sublimi & ab igne ac similibus plagis tuto loco habitabit: MUNIMENTA SAXORUM SUBLIMITAS EIUS; id est arx fortissima & munissima, qualis solet esse in excelsa rupe, erit habitatio & tutamen illius. Porro pro sustentatione ac recreatione DATUS EST EI PANIS, id est cibi omne genus, & AQUAE FIDELES, id est iugiter manantes, quæ nunquam deficient aut fallent; quasi dicat: Nihil illi deerit, seu necessarium, seu utilium ad vitam iucundissime transigendam: quin &

V. 17. VIDEBUNT OCULI EIUS iam beati REGEM Deum & Christum IN DECORE suo. Et in eo videndo fruendoque primaria consistit illius beatitudo: ita S. Iulianus, Cyprianus, Procopius & Prosper b. TERRAM vero & terrena omnia CERNENT DE LONGE, id est eminus e caelo empyreo, despicientque omnia quasi punctum unum, & sordes, & nihil.

V. 18. COR ERGO TUUM, quisquis spe-

ctator hic ades tragediæ Assyriacæ, MEDITABITUR, si sapit, TIMOREM divinæ vindictæ. Et hæc erit vera ac solida meditatio, unde promanabit celestis scientia ac sapientia, ut supra vers. 6. Abique timore enim Dei UBI EST & LITTERATUS: ubi tam multi, tam celebres philosophi, doctores & legisperiti? Humi omnes ferpunt, evanescunt in vanitate, terrena sola sapiunt, regem in decore suo non videbunt. Tu melius sapias, & sancto timore percussus, animum convertas ad Deum.

V. 19. POPULUM IMPUDENTEM Assyrium deinceps NON VIDEBIS amplius: totius vel cædetur, vel fugabitur. Sed aliam deinceps videbis collectionem hominum, non tibi hostiliam, non stultorum, sed vere sapientium, & tibi amicorum.

V. 20. RESPICE, O SION, novam CIVITATEM non miseræ, non mortoris, sed gaudii, sed SOLEMNITATIS NOSTRÆ, id est in qua solemne festum perpetuo celebrabimus. Per hanc Cyrillus, Procopius, Adamus, Olorius, Haymo & a Lapide Ecclesiam in caelo triumphantem intelligunt: sed S. Hieronymus, Theodoretus & Alvarez militant. TABERNACULUM, cuius non AUFERENTUR CLAVI trabales, quibus terræ infixum est: ET OMNES FUNICULI EIUS, quibus affigitur clavis & distenditur, NON RUMPENTUR; quasi dicat: Immobile erit & perpetuum. Per clavos, Ecclesiæ doctores intelligit Ecclesiastes cap. 1. 11. per funiculos, præcepta & leges S. Hieronymus. Et quis, quæso, revellet clavos Ecclesiæ Christi, vel funiculos disrumpat, cum in eam nullus umquam hostis, nec ipsæ portæ inferorum prævalituræ sint, sed regnatura æternum in ea?

V. 21. & 22. SOLUMMODO MAGNIFICUS DOMINUS DEUS NOSTER, & Christus eius, iudex, vindex & LEGIUM NOSTER. Neque penuria dissolvetur, quia LOCUS FLUVIORUM, seu ingens fluvius in æperpetuo scaturiet, unde plurimi RIVI LATISSIMI ET OMNIBUS PATENTES. Hæc sunt septem Sacramenta, & alia Ecclesiæ charismata, quæ Spiritus sanctus in hunc paradisum continuus immittit. Neque pavebit ab insultu, vel incurfu hostili, quia non patietur Deus per eam transire navim ullam vel trirème hostilem. Et sic quidem immo-

immobilis & inconcussa æternum stabit Ecclesia Christi. At vero, o misera Synagoga,

V. 23. LAXATI SUNT FUNICULI TUI; Græce & Chaldaice, *rupti sunt*, nempe quando deflexisti a naturali principe, pastore & tutore tuo Messia: tunc languescunt omnia sustentacula tua, ET NON PRÆVALEBUNT, id est non poterunt diutius sustinere tabernaculum. Unde licet *malum*, seu statumen tuum, nempe sacros codices, reservatura sis, non tamen poteris DILATARE SIGNUM, id est velum aut corium ei appendem expandere, teque eo cooperire; multo minus tutari aut defendere: potius corruet in caput tuum, teque opprimet & elidet: ita Adamus Sasbout. Tunc risui & præteritis eris omnibus vicinis tuis, & CLAUDI ante ac cæci Gentiles ex divite præda tua colligent spolia & rapinas: promissa patribus tuis charismata tibi præripientes, ut olim Jacob præripuit Esau, Genes. xxv. 33. & xxvii. 24. Ex tunc

V. 24. Nunc amplius DICET VICINUS tuus, populus Gentilis: ELANGUI, seu languidus & morbidus sum, quia omnes validi & robusti erunt per Christum & Spiritum sanctum. Nam unica languoris causa, INIQUITAS AUFERETUR per meritum Christi ab omni eo populo Gentili, QUI HABITAT IN VICINIA tua, & in Christi colonia transit.

(a) Eccli. i. 11. & 30. & xxv. 17. Job xxviii. 28. Prov. xiv. 26.

(b) Justin. contra Tryphonem. Cypr. Lib. II. contra Iudæos c. xxviii. Prosper de Prædict. part. v. c. 2.

(c) 1. Cor. i. 26.

GORDON I.

Vers. 1. **O**NUS Sennacherib, & sub hoc typo eorum qui persequuntur Ecclesiam Dei. Hunc vidit prædatorem Isaïas, & prænuntiat similia ei eventura, ac interitum: considera in prosperitate Ezechie typum Christi.

V. 7. ECCE VIDENTES, &c. Dixit paulo ante magna Deum fuisse usum potentia, & clementia erga Ierusalem: ut autem hoc clarius appareat, ostendit nunc in quanto fuerit Ierosolyma periculo. *Videntes* hic, an Prophetæ, an speculatores?

Nuncii pacis videntur illi qui missi ad Rablacen ab Ezechia agebant de pace.

V. 11. CONCIPITIS; hoc est, Assyrii concipient ardorem, incendium, excidium, sed verteretur hoc consilium in nihilum, ac si stipulam parietis comburent.

V. 13. *Et deinceps* AUDITE, &c. Præclara est Prophete & concionatoris exhortatio ad Dei timorem & virtutem amplectendam ex ostensione rerum gestarum. Castigati sunt in Sion peccatores, excisi sunt tyranni gentiles. En virtutes quas proponit, en penas gehennæ, en gloriam beatorum. At quis ille panis, quæ aquæ fideles? Certe beatis nihil decrit: aquæ fideles, hoc cit quæ numquam deficient.

V. 17. REGEM IN DECORE SUO VIDEBUNT, &c. Vaticinium hoc, ut constat ex precedente sermone, & verbis quæ hic subiunguntur, est de gloria beatorum & Christo rege quem videbunt, licet non sine aliqua analogia ad Ezechielem. Habet hæc oratio egregiam exclusionem eorum qui non sunt apti illi regno. Quale sit regnum hoc sempiternum expendite & vers. 21. & 22.

V. 23. LAXATI SUNT FUNICULI TUI, &c. Apostrophe est ad Assur ostendens quam sit imminuta hostilis potentia contra Ecclesiam Dei, sive triumphantem, sive etiam militantem; ubi quæ gesta hic dicuntur de fracta hostium potestate, de spoliis divisione, & sublata impietate, belle explicant statum felicitatis Ecclesiæ: sicut ad spolia Sennacherib, non erant languidi qui ad ea ibant; ita nec in Ecclesia qui accurrent ad triumphum, & qui efficaciter vocantur ad hostes debellandos.

EX EIUSDEM AUCTARIO.

Vers. 3. ANGELI: percutientis castra Sennacherib.

Vers. 23. LAXATI SUNT. Transiit ad Assyrium hostem populi Dei; quasi diceret: O Assur, dissoluti sunt rudentes navium tuarum: fracta est potentia navium, evertetur malus, ut non possit dux e summo propugnaculo vexillum expandere: vicini etiam, & pauperes claudi latabuntur in victoria sub percussore Angelo.



C A P U T XXXIV.

Acerba Dei ultio super omnes gentes : Idumae quoque contritio & perpetua vastitas pradicitur.

1.  Ccedite Gentes, & audite, & populi attendite: audiat terra, & plenitudo eius; orbis, & omne germen eius. 2. Quia indignatio Domini super omnes Gentes, & furor super universam militiam eorum: interfecit eos, & dedit eos in occisionem. 3. Interfecti eorum proicientur, & de cadaveribus eorum ascendet fetor: tabescent montes a sanguine eorum. 4. Et tabescent omnis militia caelorum, & complicabuntur sicut liber caeli: & omnis militia eorum defluet, sicut defluit folium de vinea & de ficu. 5. Quoniam inebriatus est in caelo gladius meus: ecce super Idumaeam descendet, & super populum interfectionis meae, ad iudicium. 6. Gladius Domini repletus est sanguine, in crassatus est adipe, de sanguine agnorum, & hircorum, de sanguine medullatorum arietum: victima enim Domini in Bosra, & interfectio magna in terra Edom. 7. Et descendent unicornes cum eis, & tauri cum potentibus: * inebriabitur terra eorum sanguine, & humus eorum adipe pinguium: 8. quia dies ultionis Domini, annus retributionum iudicii Sion. 9. Et convertentur torrentes eius in picem, & humus eius in sulphur: & erit terra eius in picem ardentem. 10. Nocte & die non extinguetur, in sempiternum ascendet fumus eius: a generatione in generationem desolabitur, in saecula saeculorum non erit transiens per eam. 11. Et possidebunt illam onocrotalus & ericius: ibis & corvus habitabunt in ea: & extendetur super eam mensura, ut redigatur ad nihilum, & perpendiculum in desolationem. 12. Nobiles eius non erunt ibi: regem potius invocabunt, & omnes principes eius erunt in nihilum. 13. Et orientur in domibus eius spinæ, & urticae, & paliius in munitionibus eius: & erit cubile draconum, & pascua struthionum. 14. * Et occurrent daemona onocentauris, & pilosus clamabit alter ad alterum: ibi cubavit lamia, & invenit sibi requiem. 15. Ibi habuit foveam ericius, & enutrivit catulos, & circumfodit, & fovit in umbra eius: illuc congregati sunt milvi, alter ad alterum. 16. Requirit diligenter in libro Domini, & legite: unum ex eis non defuit, alter alterum non quæsit: quia quod ex ore meo procedit, ille mandavit, & spiritus eius ipse congregavit ea. 17. Et ipse misit eis sortem, & manus eius divisit eam illis in mensuram: usque in æternum possidebunt eam, * in generationem & generationem habitabunt in ea.

BRUGENSIS

ROMANAE CORRECTIONES.

Verf. 7. *Inebriabitur terra eorum sanguine .*
Non mutes futurum in praesens *inebriatur .*

Verf. 14. *Et occurrent demonia onocentauris .*
Patres emendarunt *onocentauris* , scripto casu tertio numeri pluralis , pro nomina-

tivo singulari *onocentaurus* , quem plerique alii scribunt , & ei quod sequitur iungunt .

Verf. 17. *In generationem & generationem habitabunt in ea .* Prior accusativus non est mutandus in ablativum *generatione* , ut plerique faciunt .

COMMENTARIA

MALDONATI.

Verf. 1. **A**CCEDITE GENTES. Captat ab omnibus gentibus attentionem, quia de omnium interitu dicturus est. ET OMNE GERMIN EIVS. וְכָל צִמְצִימָהּ , & omnia germina eius , id est omnes generationes eius, omnes homines : vel, omnes exitus eius , id est extremae quaque orae eius.

V. 2. QUIT INDIGNATIO DOMINI. Reddit causam, quare ab omnibus gentibus attentionem querat , quia indignatio Domini super , על , contra OMNES GENTES (futura est .) ET FUROR SUPER (contra) UNIVERSAM MILITIAM , id est multitudinem earum : militiae autem nomine usus est, quia de hostibus agebat. INTERFECIT (prae. pro fut. interficiet) EOS , ET DABIT IN OCCISIONEM , לְשִׁבַּח , in magnationem , ut utatur metaphora a victimis sumpta .

V. 3. INTERFECTI. Describit generalem eadem. TABESCENT MONTES , וְיִנָּסוּ , & liquefcent montes , id est stillabunt sanguine eorum .

V. 4. ET TABESCENT OMNIS MILITIA : וְיִנָּסוּ , & liquefcent , id est dissolventur & cadent stellae ; eas enim Scriptura vocare solet militiam caelorum , ut Deut. xvii. 3. ac Ierem. xix. 13. ET COMPLICABUNTUR SICUT LIBER CAELI. Describit signa futuri iudicii, quo tempore ita caeli commovebuntur , ut dissolvi ac liquefcere videantur , ut ait D. Petrus II. Epist. cap. 111. 10. *Adveniet autem dies Domini ut fur , in quo caeli magno impetu transigent : & Ioan. Apoc. vi. 14. Et calum recessit , sicut liber*

involutus , & omnis mons & insula de locis suis mota sunt . ET OMNIS MILITIA EORUM DEFLUET , id est omnes stellae cadent : Matth. xxiv. 29. *Stella cadent de caelo , & virtutes caelorum commovebuntur .* Non putant Theologi stellae re ipsa casuras , sed cadere interpretantur obscurari : quod enim est sol obscurabitur , & luna non dabit lumen suum , hoc est stellae cadent de caelo : Matth. xxiv. 29.

V. 5. INEBRIATUS EST IN CAELO GLADIUS MEUS ; id est , ira mea exfuriata est sanguine , gladius enim Dei ira Dei est. Propterea autem dicit in caelo , ut significet decretum in caelo constitutum ; quasi dicat : Divino ac caelesti consilio constitutum est , gladium meum in terris impiorum sanguine madefacere . Vel , in caelo , id est de caelo usque , ut significet tantam futuram stragem , ut sanguis caelum ipsum attingat . ECCE SUPER (על , contra) IUDAEAM DESCENDET (gladius meus .) Iudaeos mystice haereticos interpretor . Nam ut illi ex eodem genere prognati (etenim ex Esau originem ducebant) Iudeorum tamen hostes erant ; ita hi cum ex nobis exierint alque eodem fuerint baptismo regenerati , capitales nobiscum gerunt inimicitias . ET SUPER POPULUM INTERFECTIONIS MEAE , id est quem interfector sum . Alii , contra populum , חֲרָמִי , anathematis mei , id est cui ego maledixi .

V. 6. GLADIUS DOMINI. Repetio est. DE SANGUINE AGNORUM ET HIRCORUM . Agnos & hircos vocat hostes & impios , quia sicut agni & hirci maculantur , ita illi trucidandi sunt . DE SANGUINE MEDULLATORUM : כֶּסֶם כְּלִיטָה מְדוּלָּה , De san-

guine renum arietum. Significat ita se hostes discerpituros, ut intimos etiam renes excecet. VICTIMA ENIM DOMINI IN BOSRA (futura est) id est, Deus hostes suos Idumaeos in Bosra quasi victimas mactaturus est. Bosra erat metropolis Idumaeae: Genes. xxxvi. 33. ET INTERFECTIO: וַיִּכְרֹם, & mactatio magna in AEdom, id est in Idumaea.

V. 7. ET DESCENDENT, id est cadent, occidentur. UNICORNES CUM EIS; id est, cum ipsa multitudine concident etiam potentissimi & superbissimi quique ipsorum, quos per translationem unicornes & tauros appellat.

V. 8. ANNUS RETRIBUTIONIS IUDICI, id est ut ius reddatur Sioni, id est Ecclesiae, quae multas passa est iniurias.

V. 9: ET ERIT, CONVERTENTUR, id est fiet ut convertantur. Alludit ad eversionem Sodomae & Gomorrae: Gen. xix. 24. quasi dicat, Fore ut impii ita aliquando deleantur, sicut Sodomae & Gomorrae deletae sunt: videtur inferni locum describere, qui impiorum regio est, ut Psal. x. 6. Pluit super peccatores laqueos: ignis & sulphur, spiritus procellarum pars calicis eorum.

V. 11. ET POSIDERUNT: וִירְשׁוּ, & hereditabunt eam; id est, habitabunt in ea tamquam in domo propria & hereditate acquisita. ONOCROTALUS, ERICIUS ET TRIBUS: alii, Pelicanus, ulula, & noctua: nominat aves maxime sylvestres & solitudinem amantes, ut doceat impiorum regionem in summam solitudinem redigendam. Similis locus Sophon. ii. 14. & supra cap. xiii. 21. 22. Requiescent ibi bestiae, & replebuntur domus eorum draconibus, & habitabunt ibi struthiones, & pilosi saltabunt ibi. ET EXTENDETUR SUPER EAM MENSURA, UT REDIGATUR AD NIHILUM. Non est sensus, fore ut ideo mensura adhibeatur ut evertatur; non enim ad evertendum, sed ad edificandum mensura solet adhiberi: sed sensus, fore ut quicquid una ex parte homines reedificaverint, altera ex parte Deus demolitur: quod clarius dicitur Heb. וְנִסַּח עָלֵיהֶם חֵן וְאֶבְרִיחוּ, & extendetur super eam (regionem) linea, aut regula vomitatis, & perpendicularis vacuatis; id est, frustra homines ac in vanum adhibebunt regulam & perpendicularum ad edificandum in ea regione, scilicet

Idumaea, quia quicquid illi struxerint, Deus evertet, & Nisi Dominus edificaverit domum, in vanum laboraverunt, qui edificent eam: Psal. cxxvi. 1. Intelligi potest hic locus ex Malachia i. 4. Quod si dixerit Idumaea, Deservisti sumus: sed revertentes, edificabimus quae destructa sunt. Hec dicit Dominus exercituum: Ipsi edificabunt, & ego destruiam. Vel, extendetur regula vacui & vani, id est abyssi, demergetur in infernum.

V. 12. NOBILES EIUS NON ERUNT IBI. Antitheton est versus precedentis: dixerat enim futuros ibi onocrotalos, ericios, &c. nunc dicit non esse ibi futuros principes; quasi dicat: Ordine inverso, non habitabunt in Idumaea principes, ut solebant, sed loco eorum habitabunt onocrotali & ericii. REGEM POTIUS INVOCABUNT: sub. ipsi principes, quatenus sibi alibi regem. Heb. חֲרֻתָּאִין שֶׁם מַלְכָּהּ יִקְרָאוּ, ad verbum, principes eius, & non ibi, vocabunt regnum; (id est, ad regnum, ut intelligatur לא, ut saepe fit apud Hebraeos;) quasi dicat: Tanta erit rerum omnium eversio, ut Idumaei principes suos invitent ad capessendum regnum, & nemo ibi sit, qui velit suscipere, sed omnes discurrant ac dissipentur: hoc est esse in nihilum. Locus similis supra cap. iii. 6. 7. & cap. iv. 1.

V. 13. ET ORIENTUR IN DOMIBUS: מִדְּמִיתָהּ, in palatiis eius, id est in iis locis ubi nunc sunt palatia eius, (Idumaeae.) SPINAE, URTICAE, ET PALIURUS: quae non solent nasci nisi in locis incultis, maxime vero in aedificiorum ruinis.

Carduus & spinis surget palmarum arbor. ET PASCUA STRUTHIONUM. Heb. חֲצִיר לִבְנוֹת יִעֲכָה, atrium filiabus struthionis, id est locus in quo pulli struthionis versentur ac nutrantur: ut supra cap. xiii. 21. 22.

V. 14. ET OCCURRENT DAEMONIA; id est, Fauni daemones sylvestres tam frequentes erunt, ut sibi occurrant alii aliis. Heb. שִׁיִּים מִתְּאִיִּים, sylvestres ad insulantes (occurrent) id est, omne bestiarum genus frequens ibi erit. PILOSUS; id est, Satyrus daemon sylvestris clamabit alter ad alterum: וְקָרָא, vocabit alter alterum; id est, tanta erit eorum multitudo, ut in greges convocentur. IBI CUBAVIT; prat.

pro fut. וְיָנֵחַ, *requiescet* LAMIA, nocturnus dæmon imagine bellæ.

V. 15. IBI HABUIT FOEFAM, ubi pariat catulos suos: parient enim in foveis. Heb. שֹׁמֵר קִנְיָהּ קִנְיָהּ, *ibi nidificabit cipoz*: quod R. David & Chald. Paraphrast. idem esse putant, quod קִנְיָהּ quod supra legimus vers. 11. hoc est, *erucius*; sed epitheta repugnant: nam erucius non nidificat neque ova ponit, sed viviparus est. Hic autem omnia verba Hebraica propria sunt avium: קִנְיָהּ, *nidificabit*: וְיָנֵחַ, *et ova ponet*: וְיָנֵחַ, *et rumpet*, id est excludet: בְּצִילָהּ וְיָנֵחַ, *et colliget* (pullos suos) *in umbra eius* (edificii destructi.) Itaque melius R. Abraham avem significare dixit.

V. 16. REQUIRITE DILIGENTER; id est, consulite librum Domini, id est hoc meum vaticinium, quod Dei iussu scriptum est, & observate omnia quæ in eo scripta sunt, reprobatis vera esse, cum ea eventus comprobaverit, ut Ioan. xiv. 29. *Propterea dixi vobis, ut cum factum fuerit, credatis*. Alii per hunc librum Dei, intelligunt legem Moysi: alii divinum decretum. UNUM EX EIS (animalibus, quæ dixi congreganda in palatis Idumæorum) NON DEFUIT. Prat. pro fut. non decrit, id est omnia congregabuntur. ALTER ALTERUM NON QUÆSIVIT, id est non requisivit, non desideravit; quasi dicat, Nullum eorum socio caruit. Heb. אִשְׁתָּרְעִיתָ, *unaquæque* (bestia) *sociam suam non requirit*. Aut, *unaquæque cum socia sua non deerunt*. Noster Interpres genus semineum mutavit in masculinum. QUIA QUOD EX ORE MEO; id est, quicquid ego prædixi eventurum (inquit Propheta) ille mandavit (Deus) ut feret. Heb. כִּי רָמָה צִוֵּי, *quoniam es ipsum locutum est* (intelligitur relatum eius, id est Dei) sicut statim sequitur. ET SPIRITUS EIUS (Dei) IPSE CONGREGABIT EA (animalia) id est iussit congregari. Repetito: idem enim est spiritus & os, & mandavit, & congregavit, præterita pro futuris.

V. 17. ET IPSE (Deus) MISIT EIS (animalibus) SORTEM; id est, ipsemet distribuit illis Idumæam possidendam veluti iactis fortibus, sicut hereditates dividi solent. ET MANUS EIUS (Dei) DIVISIT EAM ILLIS בְּקִי, *in linea*, id est fune, quo solent agricolæ metiri possessiones.

S A.

Vers. 1. PLENITUDO, id est quicquid in ea est. LXX. *habitantes in ea*. GERME. Chald. *habituantes*. LXX. *populus*.

V. 2. MILITIAM, id est exercitum, scilicet multitudinem. LXX. *numerus*. INTERFECIT, &c. præterita pro futuris.

V. 3. TABESCENT, LXX. *rigabuntur*.

V. 4. TABESCET, &c. Hyperbole, qua significatur magna calamitas, & forte dies iudicii, quo vel cæli possint præ Dei indignatione dissolvi. MILITIA. LXX. *stella*. SICUT LIBER, id est volumen membranæ, quo solent Iudei uti, complicaturque in orbem. DEFLEUET. LXX. *cadet*. Vide Matth. xiv.

V. 5. INEBRIATUS, scilicet sanguine, vel furore. GLADIUS, id est ultio. INTERFECTIONIS MEÆ, id est a me interficiendum. LXX. *perditionis*. Chald. *quem condemnavi*. AD IUDICIUM. Chald. *in iudicio*. LXX. *cum iudicio*.

V. 6. REPLETUS, id est explicatio superiorum. AGNORUM, id est plebis. HIRCORUM, id est principum. ARIETUM, id est potentum, & divitum. VICTIMA, id est cædes. BOSRA: urbs est primaria in Idumæa: videtur autem hic significari mundus, vel secundum quosdam Iudæa; de qua intra.

V. 7. DESCENDENT, scilicet in sepulcrum, vel infernum. UNICORNES. LXX. & Chald. *robusti*. TAURI CUM POTENTIBUS. Chald. *principes cum ducibus*. LXX. *tauri & arctes*.

V. 8. IUDICII. Chald. *ultionis*. STON, id est iniuriarum factarum Ecclesiæ, vel Sion iudicium, intellige vastationem Ierusalem factam a Romanis.

V. 9. CONVERTENTUR, &c. quasi dicat: Reddetur Idumæa, vel Ierosolyma sterilis, vel potius mundanorum studia evadent in supplicium æternum tandem.

V. 10. NON EXTINGUETUR, scilicet ignis. IN SÆCULA SÆCULORUM. LXX. *in multum tempus*.

V. 11. ONOCROTALUS. Chald. *catus*. LXX. *avis*. MENSURA. Chald. *linea*. LXX. *funiculus*.

V. 12. INVOCABUNT, id est optabunt.

V. 14.

V. 14. DAEMONIA. Chald. *fera*. PILOSUS, &c. Chald. *demonēs inter se colludent*. LAMIA. Chald. *noctua*.

V. 15. MILVI. LXX. *corvi*.

V. 16. LIBRO DOMINI, id est quem scripsi a Deo revelatum. Ex eis, scilicet quae dixi. QUAESIVIT, scilicet quasi deesset. CONGREGAVIT. Chald. *congregabit*.

V. 17. EIS, scilicet animalibus. MENSURAM. Chald. *funicula*. Repetitio. EA, scilicet regione. Not. significari per hæc, vel Idumææ, vel mundi desolationem, vel Ierusalem, ut supra indicavi.

EST II.

Verf. 4. **E**T TABESCET OMNIS MILITIA CAELORUM, ET COMPLICABUNTUR SICUT LIBER CAELI: ET OMNIS MILITIA EORUM DEFLUET, SICUT DEFLUIT FOLIUM, &c. Locus similis est Apocal. vi. *Cælum recessit sicut liber involutus*. Liber involutus, (quem rotulam, Teutones, & Galli *rolle* vocant) si expanditur, legi possunt quæ in eo scriptæ sunt; si involvitur, minime: ita sol, luna & stellæ, quæ velut litteræ annuntiant nobis gloriam Dei, subtrahentur, neque in terra apparebunt. Illi qui dicunt significari motum cæli cessaturum, videntur subtiliter magis, quam ad litteram locum hunc exponere.

M A R I A N A E.

Verf. 1. **A**CCEDITE GENTES. Aut de extremo iudicio loquitur, ut sentit Hieronymus, aut de Idumææ excidio. ET OMNE GERMEINUS AUDIAT. Arboribus & herbis denuntiat vastitatem.

V. 2. SUPER OMNES GENTES, contra omnes gentes. Vindicatis Aethyris alias Gentes punire vult, in primis Idumæam. INTERFECIT EOS; pro, interficiet. Heb. *diris eos devoravit*: diras in caput eorum detestatur.

V. 3. INTERFECTI EORUM PROSCIEN-
TUR. Sepulturæ honore carebunt. TABESCENT MONTES. Heb. *liquefcent*, id est lubrici erunt: pedem vix tuo ponas præ sanie in eis.

V. 4. ET TABESCET OMNIS MILITIA CAELORUM. *Militia cæli* sunt stellæ, quæ

tabescent, id est obscurabuntur; vere, si de extremo iudicio agitur, aut est hyperbole, propter cladis magnitudinem, de qua agit. ET COMPLICABUNTUR SICUT LIBER. Apocal. cap. vi. 14. *Recessit cælum sicut liber involutus*. Complicabitur ergo, id est abscondetur tenebris, ne videri possit, sicut liber involutus legi non potest: liber, id est volumen, quod in orbem olim complicabatur. ET OMNIS MILITIA EORUM DEFLUET. *Et stellæ cadent de cælo*: Matth. xxiv. 29. Sed & hoc aut de iudicio extremo intelligatur, aut *ut supra diximus*.

V. 5. INEBRIATUS EST IN CAELO GLADIUS MEUS. Sic in cælo decrevi. ET SUPER POPULUM: contra. INTERFECTIONIS MEAE. Heb. *diris devoti*. AD IUDICIUM, id est ut fiat iudicium, & in eo puniantur fontes.

V. 6. AGNORUM ET HIRCORUM sanguine implebitur gladius Domini. *Agni* populum significant, *hirci* proceres, *arietes* inagilitatus. DE SANGUINE MEDULLATORUM ARIETUM. Heb. *de adipe renum arietum*. VICTIMA ENIM DOMINI, id est cædes magna erit. Id victimam vocat; ut sequentia verba declarant. IN BOSRA. Urbs erat Idumææ primaria. IN TERRA EDOM, id est Idumæa.

V. 7. ET DESCENDENT UNICORNES. Reges scilicet cum ceteris descendunt in sepulcrum, occiduntur. ET TAURI CUM POTENTIBUS. Heb. *& iuvenes cum fortibus*, id est tauris. Chald. *dominatores cum ducibus*. ET HUMUS EORUM ADIPE PINGUIUM INEBRIABITUR. Heb. *pulsis eorum adipe impinguabitur*. Sanguis occisorum solet stercoreis vice agros pingues reddere.

V. 8. ANNUS RETRIBUTIONUM, scilicet quo retribuet eis pro meritis. IUDICI SION. Heb. *ad litem Sion*, id est ut pro Sion litiget, cam vindicet.

V. 9. ET ERIT TERRA EIUS IN PICEM ARDENTEM; id est, combusta erit instar picis ardentis terra. Idumæa.

V. 10. A GENERATIONE IN GENERATIONEM; id est, perpetuo desolata erit ea terra.

V. 11. ONOCROTALUS ET ERICUS. IBS. Pagn. *Pelicanus, & ericius, & noctua*. Chald. *oni, & erici, & ulula*. Variæ interpretationis occasio, excidisse in lingua Heb. veram indicant vocum si-

gnificationem. Neque multum refert, quando Propheta mens intelligitur, in iis locis solum verari aves & animalia silvestria. ET EXTENDETUR SUPER EAM MENSURA. Heb. *Et extendet* (Deus) *regulam* *manitatis*, id est non ad ædificandum, sed ut diruatur. Per regulam, industriam & artificium intellige. ET PERPENDICULUM IN DEMOLATIONEM. Heb. *Et lapides vanitatis*. Sed bene per lapides intelligas perpendiculum; sed quo sensu superiora, scilicet industria ad diruendum.

V. 12. NOBILES EIUS NON ERUNT IBI, non ferent opem. REGEM POTIUS INVOCABUNT. Heb. *Regnum* (pro, Regem) *vocabunt*; scilicet nobiles populo dicent, ut a Rege petant opem. ET OMNES PRINCIPES EIUS ERUNT IN NIHILUM: opitulari non poterunt.

V. 13. IN DOMIBUS. Heb. *in palatiis*. CUBILE DRACONUM. Heb. *habitatio draconum*. ET PASCUA STRUTHIONUM. Heb. *Et atrium filiarum* (pullorum) *struthionis*, aut *ulule*, id est nidus.

V. 14. ET OCCURRENT DAEMONIA. Heb. voces *דַּיִם* & *דִּיִּם* *Ziim* & *Iim* non uno modo vertuntur a Hieronymo. Hic *Ziim*, *dæmonia* vertit, pro *Iim* dixit *onocentauris*, ut & Septuag. Chald. *occurent fera cati*. Isaie xiii. 21. *Ziim*, *dracones* vertit Hieronymus, *Iim*, *ululas*. Ierem. l. 39. pro *Ziim*, *dracones* posuit, pro *Iim*, *sauros* *ficarios*. Goth. legunt *ibi satuos* *ficarios*. Septuag. vertunt in Ierem. loco, *phantasmata in insulis*. Chald. *occurent cercephilei* (id est simiae caudate) *felibus*. Ego credam utraque voce *incubos* significari. Hesp. *Duendes*. Heb. *דַּיִם* dicit esse bestiam, quæ in deserto versatur, sic dictam. *דִּיִּם*, id est *siccitate*; at *דַּיִם* putat esse feles silvestres. ET PILOSUS CLAMABIT ATQUE AD SOCIUM SUUM. Heb. *pilosus clamabit ad socium suum*. Pagn. pro *piloso*, *dæmonem* vertit, secutus Chald. Clamat autem ad socium, quia non unus, sed plures ibi versabuntur. Quidam pro *piloso*, *satyrum* ponunt. Ibi CUBAVIT, quievit, LAMIA, striges in desertis locis versantur, ibique conventus suos celebrare vulgi opinio est, *Brujas*.

V. 15. IBI HABUIT FOVEAM ERICIUS. Sic Septuag. & Chald. Alii, *nidificavit vul-tur*. ET ENUTRIVIT CATULOS. Heb. *perpetit ova*. ET CIRCUMFODIT. Heb. *Et*

scidit, scilicet ova fott, ut pullos excluderet. ET FODIT IN UMBRA EIUS, scilicet pullos. IBI CONGREGATI SUNT MILVI, aut *vultures*. ALTER AD ALTERUM congregantur, ut mares feminas ineant. Heb. *quisque ad socium suum*, ne scilicet desit genus.

V. 16. UNUM EX IIS NON DEFUIT; scilicet ex iis quæ sum locutus, nihil defuit. ALTER ALTERUM NON QUÆSIVIT. Heb. *numquodque socio suo non defuit*, id est simul omnia consonant, nullum verbum ab alio discrepat. CONGREGAVIT EA SPIRITUS DEI, id est fecit ut inter se responderent, essentque consentanea omnia. Aut versus hic intelligatur de iis animalibus, quæ in Idumæa habitare dixit, nullum ex iis defuisse, unumquodque iunctum compari, ut semen propagarent. Deum denique congregasse ea.

V. 17. MISIT EIS SORTEM. Quasi missis fortibus assignavit Idumæam illis animalibus, & quasi hereditatem. IN MENSURAM. Heb. *in regula*. Metaphora ducitur ab iis, qui hereditatem sorte & mensura partiuntur.

MALVENDAE.

Vers. 1. ACCEDITE GENTES, ET AUDITE. Heb. *Appropinquate, adeste, gentes, ad audiendum*, &c. Nunc demum, inquit, venit Propheta ad priorem partem prolepsos, de qua diximus supra cap. xxxiii. 1. nimirum ad propositionem iudicii divini improbis eventuri. Sunt autem huius propositionis tres partes, prima est exordium, hoc versu; quemadmodum in superiore quoque propositione fuisse ostendimus, supra cap. xxxiii. 13. secunda est narratio iudiciorum futurorum a Deo, usque ad vers. 16. tertia est confirmatio duobus ultimis. Est autem exordium hoc patheticum, quo Propheta res omnes creatas provocat, ut afficiantur gravitate iudiciorum Dei, quemadmodum fecerat supra cap. 1. 2. ET PLENTUDO EIUS. Alii: *Et quæ implent eam*, vel *Et quicquid in ea est*: vide Psal. xxiii. 1. ET OMNE GERMIN EIVS. Heb. *exitus*, *egressiones*, *germina*, *propagines*, *stirpes*, *progenerationes eius*: vide Iob v. 25. & supra cap. xxii. 24. sic infra cap. xlii. 5.

V. 2. QUIA INDIGNATIO DOMINI SUPER

PER OMNES GENTES. Alii ex Heb. I. Quia ita est ipsi Iehovæ contra omnes gentes. II. Nam servens ira est ipsi Iehovæ contra omnes gentes. Narratio hæc iudiciorum Dei duas partes continet, convenientes exordio: unam, de iudiciis Dei contra homines improbos, usque ad vers. 9, alteram, de effectibus iudiciorum in terram ipsam, & res creatas omnes, inde ad vers. 16. קֶפֶז *ker-zeph*, fervor, effervescencia subita; ira servens & quasi spumans, fervor ira, bulliens ira. ET FUROR. Heb. ardor, astus, furor, exandescencia, astus ira, astuans ira: ut Gencl. xxv. 44. INTERFECIT EOS. Proprie: anathematizavit eos. Alii: anathematise delevit eos: intermitioni devoravit eos: exscidit, prescripsit, excommunicavit eos. Hæc enim est vis verbi הִכְרִיתִי *hecherim*.

V. 3. INTERFECIT EORUM PROICIENTI-
TUR. חָלָלִים *chalalim*, violati, profanati, vulnerati, sauci, confossi, perfoffi, ex violentia extincti, & interfeciti, abiciuntur, infepulti, vel canibus scisque. Coniugatio *Hophal* significatum auget, miserrime & abiectione proiciuntur. TABESCENT MON-
TES A SANGUINE EORUM. Alii ex Heb. I. cruoreque eorum montes colliguescent. II. & colliguescent montes ex sanguine eorum. Hyperbole elegantissima optime exprimens severitatem iudiciorum Dei, ut sequente versu; quasi dicat: Cæsum & terra exhorrescent tam atroces poenas, quas Deus sumpturus est de inimicis suis, ut supra cap. xiii. 10.

V. 4. ET TABESCEAT OMNIS MILITIA
CAELORUM. Heb. Et emarcescent omnis militia caelorum: de militia caelorum, vide in Gencl. ii. 1. Quidam reddunt: Etiam contabescet totus exercitus caelorum. ETC: M-
PLICABUNTUR SICUT LIBRI CAELI. Heb. & volventur, seu convolventur sicut libri cali. Olim libri in modum rotuli, in cir-
cum, cylindrum convolvebantur, ut vide-
mus nunc fieri in תִּקְרָה *toth*, in synago-
gis Iudeorum; quasi dicat: Cali ipsi, qui
in modum cortinae extensi sunt, convol-
ventur & complicabuntur in modum codi-
cis aut rotuli. Recte passim monent, ex
isto Isaia loco desumptis Ioannem, quod
scribit Apocalyps. vi. 14. Et calum sicut
liber qui involvitur, recessit: notantque ille
hyperbolem admirabilem toto hoc ver-
tu. ET DE FICU. Heb. & sicut defluens, mar-
cescens, de ficu. Quidam: & sicut marce-

scit de ficu; id est, sicut folium marcidum
cadens de ficu. Alii: & ut deciduus gros-
sulns e ficu. Nec est dubium quin hæc res-
pexit Ioannes Apocalyps. vi. 13. Sicut
ficus abiicit grossos suos a magno vento con-
cussa.

V. 5. QUONIAM INEBRIATUS EST IN
CAELO GLADIUS MEUS. Heb. Quia irriga-
tus, lannectatus, madefactus est in celo gla-
dius meus: vel transitive, irrigavit, lanne-
ctavit, madefecit, servit sanguine in calis
gladius meus: volunt esse inverfa verba;
pro, Quoniam gladius meus, qui est in
caelis, inebriatus est. Quidam: Nam in-
ebriatus est in calis gladius meus. Aetiolo-
gia a decreto Dei, pro eo quod est, res
iam in calis conclusa atque consecta est:
fixum est decretum & immutabile. Inebriari
autem dicitur gladius metaphorice, id est,
rutilare & circumfluere sanguine, ut Ierem.
xlv. 10. ECCE SUPER IUDAMAM DE-
SCENDET. Alii: ecce supra Edomam de-
scendet. Hos primo loco Propheta nomi-
nat, cum quia ex propinquitate erant no-
tissimi, tum quia Iehudæis ab omni me-
moriam hostes fuerant insensatissimi, ut Plal.
cxxxvi. 7. Hamos i. 11. Abdaæ vers. 10.
& sequentib. Lamentation. iv. 21. Eze-
chiel. xxv. 12. supra cap. xxi. 11. ET SU-
PER POPULUM INTERFECTIONIS MEÆ.
Heb. & super populum anathematise mei:
sive excommunicationis, excisionis, prescri-
ptionis meæ. Quidam: & super populum,
quem devoti intermitioni: ut supra vers. 2.
Ad iudicium: id est, ut iudicium seu ius-
titiam exerceram in eos, vel ut iustam ul-
tionem sumam de eis; proinde quidam red-
dunt: & super populum, quem iustitiae meæ
devoti; id est, super omnes alios excidio
destinatos.

V. 6. GLADIUS DOMINI REPLETUS EST
SANGUINE. Nolant esse alteram descrip-
tionem iudiciorum Dei, quia ostendit quan-
gratum sibi futurum est, cum inimicos Ec-
clesiæ prostigulat, a similitudine sacrificio-
rum, quæ ipsi odora fuerunt olim in Ec-
clesiæ per Christum. REPLETUS EST SAN-
GUINE. Alii: impletur sanguine, &c. quasi
dicat, Consumam eos plane: nam sanguis
& adeps in sacrificiis (quibuscum improbi
comparantur) solebant consumi Iehovæ,
Levit. iii. 16. & 17. INCRASSATUS EST
ADIPE. Verbum חִשְׁתֵּנָה *chustschenah*, in-
regulare esse notant, & compositum ex
Hio-

Hophal & Hithpahal Hebraei volunt: forte ad indicandum quam gravis & extra ordinem futura esset ultio, & sacrificium illud cruentum in Idumæos. IN BOSRA. Heb. in *Botzrah*. Non est hæc quam *Bosfram* dixere posteriores: vide Genes. xxxvi. 33. Deuter. iv. 43.

V. 7. ET DESCENDENT UNICORNES CUM EIS, &c. Quidam hunc versum ita ex Heb. reddunt: *Descendent quoque unicornes cum eis, & inveni cum robustis tauris*; id est, etiam indomiti, & potentissimi quique potentia Dei decidentur, & mittentur sub iugum: nam unicornium natura indomita esse dicitur, ut Iob xxxix. 12. & sequentibus: & tauri robusti ferocia difficile iugum subit: adeo ut inebrietur terra eorum sanguine, & pulvis eorum adipe pinguiat. Hyperbole ut supra vers. 3. & 4. id est copiose perfundatur.

V. 8. QUA DIE ULTIONIS DOMINI, &c. Alii: Cum dies ultionis Iehovæ, annus retributionum ob causam Tzionis erit, id est propter Ecclesiam. Ulciscitur enim Deus hostes, & tunc malum rependit, in gratiam Tzionis, ut Ecclesiam suam ab illorum impressione fervet. Nonnulli: Nam dies est ultionis Domino, annus retributionum ad iudicium Tzionis, vel rixæ cum Tziane, id est eorum qui contenderint cum Ecclesia; quasi dicat: Veniet tempus, cum Dominus ulciscetur se de improbis, sumetque poenas de his, qui iniuste contenderint cum Ecclesia. Nos reddidimus: Quia dies vindictæ ipsi IHU, annus pacificationum liti, seu controversiæ Tzionis; id est, tempus, quo lites, controversiæ, iurgia, bella hostium contra Tzionem pacificari & extinguí debeant: רִיבֵיב, lites, rixæ, controversiæ, contentio, causa iudicialis. Hispanicus Interpretes: Anno de pagamentos en el pleito de Tzion.

V. 9. ET CONVERTENTUR TORRENTES EIUS IN PICEM. Pronomen eius, quod ter hoc versu ponitur, quidam non satis apte ad Tzionem materiale rescruunt, quæ tandem ob infidelitatem in Christum fuerat igne absumenda. Rectius alii, vel singulariter de regione seu provincia Idumææ, vel de terra improborum hostium Ecclesiæ accipiunt; unde versum reddunt: Itaque mutabuntur torrentes eius in picem, & pulvis eius in sulphur: eritque terra eius pro pice ardenti. Altera pars narrationis, ut

diximus in versum 2. de effectis Dei terrificis, quorum duo in universum ponuntur capita: unum, fore terras incendio absumendas, duobus versibus; alterum, fore horridas, desertas, & solitariis tantum bestiis habitabiles, quinque aliis sequentibus. ET ERIT TERRA EIUS IN PICEM ARDENTEM: vel pice ardens. Exponunt quidam: Id est, regio Idumæorum tam siccæ reddetur, ut ignem facile concipere possit potius quam semen, non aliter quam sulphur aut pice ardens.

V. 10. IN SAECULA SAECULORUM. Heb. in victoriam victoriarum. Alii: in aternitatem aternitatum, quod aternitas sit victoria temporis; vel in perpetuitatem perpetuitatum, hoc est in omnem aternitatem, in perennem aternitatem, seu in omnimodam & perpetuam aternitatem, prorsus in sempiternum.

V. 11. ONOCROTALUS. nnp kaath, alii pelicanum, alii plateam reddunt: vide Lev. xi. 18. ERICIUS. Nos cypselum vertimus; ut supra cap. xiv. 23. videlicet. Ibis. Nos vespertilionem diximus, ut Levit. xi. 17. vide ibi. ET EXTENDETUR SUPER EAM MENSURA, UT REDIGATUR AD NIHILUM. Alii: I. & extendet super eam funiculum inanitatis. Est autem, inquit, in prophetis observandum, quod duplicem ponant funiculum, unum ad ædificandum, alterum in malum ad destruendum, ut II. Reg. xxi. 13. Lamentation. ii. 8. & hic. II. Lineam desolationis, seu inordinationis; id est, desolabit eam & evertet ad lineam, funiculum, & filum, hoc est summo iudicio, & quam regulatissime. Nonnulli tamen hic de funiculo ædificationis accipiunt. III. & extendet super eam lineam deformationis, seu inanitatis; quasi dicat: Architecti frustra laborabunt eam instaurare, & in ea ades ædificare; quisquis instaurare conabitur, inaniter consumet operam: ita Deus materiam & rationem admet ædificandi, & res ædificatas destruet, Malac. i. 4. ET PERPENDICULUM IN DESOLATIONEM. Heb. & lapides vacuitatis. Plerique de materia ædificiorum accipiunt; quasi dicat: In vacuum ac frustra congerent lapides ædificio construendo. Alii, lapillos & ponduscula intelligunt, quæ filo pendunt, instrumentumque constituunt, quo fabri lignarii, & cementarii utuntur: est autem duplex, alterum quo iacentia æquabiliter iacere deprehendunt, aut

inæquabiliter: alterum quo rectitudinem, vel tortuositatem murorum præcipiunt. Nam Lapidem Hebræis pro pondere sumi certum est, ut Deuteronom. xxv. 13. Proverb. xx. 10. II. Samuel. xiv. 26. Levit. xix. 36. Zachar. iv. 10. Hic de perpendiculari seu lapillo primi generis fumunt, quo iacentia complanantur; unde reddunt: & *lapillos evacuatiouis*; id est, perpendiculari ædificia solo complanabit, ut æqualis penitus sit arca demoliti ædificii, evacuato prorsus seu destructo ædificio. Alii: & *perpendiculari inanitatis*; id est, inaniter & frustra adhibebit quique perpendiculari instaurando ædificio, numquam enim id fiet. Hispanicus Interpres: *Y esleuderse ha sobre ella cordel de nadas, y niveles de vanidad*, id est *sera assollada y desierta*.

V. 12. NOBILES EIUS NON ERUNT IBI: REGEM POTIUS INVOCABUNT. Alii ex Heb. I. *Principes eius*, & *non ibi ad regnum vocabunt*. II. inverso ordine: *Vocabunt principes illius ad regnum*, & *illie nulli erunt*; id est, etsi aliqui vocaverint principes illius ad regnum suscipiendum, nulli erunt, qui adire audeant, aut possint dignitatem regiam. III. *Nobiles eius vocabunt*, & *non erit ibi regnum*. IV. *Nobiles eius absque regno ibi vocabuntur*; id est, adeo destruentur, ut nulli ibi sint futuri principes, nullum regnum. V. *Principes clamabant: Non est ibi regnum*; id est, alta voce dicent, nullum ibi futurum regnum, quia nulli erunt subditi. VI. *Clarissimos eius ad regnum vocabunt, sed nemo erit ibi*; id est, non poterunt instaurare regnum amissis regibus & principibus, hoc versu: neque domos suas de integro extruere, tribus sequentibus. Verborum autem emploten, quæ versu hoc Hebraice inest, ad evidentiam ita transposuerunt. Hispanicus Interpres: *Clamaron asus principes, principes sin reyno. חורים chorim, clari, ingenui, candidati*: vide in Genes. xiv. 6. ERUNT IN NIHILUM. *Den ephes, desertus, cessatio, terminus, finis, nihil*; id est, deficient, cessabunt, finientur, erunt nihil, non extabunt.

V. 13. ET ORIENTUR IN DOMIBUS EIUS SPINAE. Alii: I. *Et scandet palatia eius spinæ*. Distributive, unaquæque spinarum. II. *Et succrescent in palatiis eius spinæ*. III. *Et affuerit in palatiis eius spinarum multitudo*. URTICAE. *שוסק kimmoseh, ur-*

tica speciem esse aiunt. Alii, *paliurum*: alii, *carduum*, vel *chamæleonem caruli speciem*: vide Notas in Proverb. xxiv. 31. ET PALIURUS. *חוח choach, spinam* fere omnes interpretantur: paucissimi, *carduum*. Alii, *vepres*; vel *vepricetum*. ET ERIT CUBILE. Heb. *nomus, pasuum, canla, habitaculum*. DRACONUM. *תנינים thanim*, proprie est singulare, nam plurale est *תנינים thanim*; id plerique collectivè pro plurali capiunt: vide supra cap. xiii. 22. *דרתון thionum*. Heb. *filialis strathionis*: vide supra cap. xiii. 21. Quidam hic reddunt: *atrium ulularum pulis*. *חצר chazir*, hic significare aiunt locum superne apertum sub dio, in quo crescit scænum, sive intra civitatem sit circa ædificia, sive in agro, nempe villam seu pradium, septo tantum circumdatum: vide in Genes. xxv. 15.

V. 14. DAEMONIA. *דמים dæmim*, vide supra cap. xiii. 21. ONOCENTAURIS. *דמים lim, formidabile, seu, terrificum animal*: vide supra cap. xiii. 22. ET PILOSUS. Vide supra cap. xiii. 21. *לוי cubavit lamia*. Verbo *רצג ragagh*, contraria significata adscribunt, *subito commoveri*, & *concitari*, & *quiescere*: quod significatum plerique hic potius probant, ex sequente nomine; unde reddunt: *quin etiam ibi quiescit, vel requiem sibi quaerit*: nam verbum est ex Hiphil. Quidam: *verumtamen ibi rescillata est*. Alii, *tantum ibi residet*. Nonnulli: *quin rigit, obriguit, ibi*; id est, rigore & furore seu fævitatem suam exercuit. Possit retineri prior significatus: *verumtamen ibi concitata est*; nam fera animalia facile in iram concitantur. *LAMIA*. *לילית lilith*, semel hic tantum in Scriptura legitur: a nocte nomen habere non est dubium: aiunt esse nocturnam vel *nyctioracem*, seu nocturnum quoddam animal, quod noctu versatur & ululat. Alii, *lamiam*, seu *strigem*, vel *futiam*, aut nocturnum demonium esse malunt. Doctores Hebræorum sic vocant *demonem*, aut *larem familiarem*, *Lemures*, & huiusmodi spectra noctu maxime terrorem affrentia: vide de *lilith* portentosa apud Eliam in Thsibi, & Pentaglotton Schindleri. Frivolum est, quod nonnulli Hebræorum somniant esse *chamæleonem*, animal quod vento vivit. Hispanice vultura ex Hebræo Translationes *Cuculum* reddunt. De strigibus Plinius Lib. XI. cap. xxix. extremo: *Fabulosum enim arbitror*

de strigibus ubera eas infantium labris immulgere: esse in maledictis iam antiquis strigem convenit, sed quæ sit avium, constare non arbitror. Sed esse aves fabulosas poetis celebratas, constat: Lucanus VI. Pharfaliae:

Quod trepidus bubo, quod strix nocturna queruntur.

Eas describit Ovidius VI. Fastorum: & Serenus capite de pueris Dentientibus, &c. Lamias vero tradunt esse fabulosas quasdam scitas Libycas, quas in hunc modum describit Dion Chrysostomus Oracione V. quæ inscribitur Fabulæ Lybicæ: *Natura autem corporis ipsarum & forma talis est: facies egi muliebris, & qualis speciosissime mulieris esse potest: mamillæ autem & pectora & colla pulcherrima, qualia nulla virgo mortalis habere possit, neque adulta Nympha, neque fingens, neque pingens quisquam possit exprimere. Cutis nitior clarissimus est, & hilaritas ex oculis, & desiderium animis incidit simul ac eas quis aspexerit. Reliquum autem corpus durum & infractum squamis, & omne quod dorsum vergit, serpens est. Extremum autem caput serpentis, valde impudens. Ipse autem bestia non dicuntur nasci alata, quemadmodum sphinges, neque colloqui posse, ut illæ, neque aliam emittere vocem: sed sibilare tantum, ut dracones acutissime. Esse autem omnium pedestrium velocissimas, ut nemo fere quæcat eas effugere: & alia quidem animalia robore vincere, hominem autem deceptione, ostendentes pectora & papillas, simulque aspicientes. Incantare autem & vehemens eas coitus iniicere desiderium, & nonnullos accedere ad eas tamquam ad mulieres: illas autem subsistere quiete, & sæpe in terram oculos deicere, imitantes mulierem honestam. Propinquum autem iam factum corripere. Habere enim & belluinas manus, quas abscondant interea. Serpens igitur confestim mordens, occidit veneno: ceciderunt autem devorant simul & serpens, & altera bestia.* Hæc Dion. Philostratus Lib. IV. vitæ Apollonii, cap. VIII. Bona hæc sponsa una est ex empuis, quas lamias, & mormolycias, id est Lemures, larvas, spectra, multi appellant. Hinc factum est, ut veneficas mulierculas, quæ infantes exsugunt & interficiunt, Striges & lamias vocent, Hispanice, Brujas: sic Apulcius duas sagas seu veneficas, lamias appellat Lib. I. Afini.

De lamiis vide Appendicem Thesauri Hieroniani, column. 1344. & 1345.

V. 15. ERICIUS. קִפּוֹז kippoz, notant eundem esse significationis cum קִפּוֹז kippud, quod cysetum veritum supra vers. 11. quod littera Daleth, & Zain sint affines & commutabiles, præsertim cum Habra transiunt in Chaldaea: nam Chaldeus hic habet קִפּוֹז koppedah: Buxtorfius kippoz putat esse merulam, avem quæ salutatum incedit, a verbo קָפַז kaphaz, quod Rabbini & Chaldaei est subsilire, Secutus est Tremellius & Iunius, qui hic exponunt: Ibi nidificabit merula, avis solitaria (unde merulam dictam volunt grammatici, quod mera volet) absultum incedens, qui salendi usus apud Hebræos avi nomen dedit. Nonnulli vulturem: alii resludinem: Hispanicus Interpres cuculum, interpretantur. ET ENUTRIVIT CATULOS. Verbum מָלַח malat, varie reddunt. 1. & evadere fecit. 2. & proiecit, scilicet scetum, ut infra cap. LXVI. 7. 3. & posuit, ova. 4. & eripuit, id est peperit ova. 5. & conservavit, partum. 6. & edidit ova sua. Hispanicus Interpres: conservata sunt hæc ova. ET CIRCUMFODIT. Heb. & discindet, vel diffindet, diffecabit. Alii: rumpeque ova: id est, ruptis ovis excludet scetum. ET FOVIT IN UMBRA EIUS. Forsterus: & persodiet in umbra eius, id est pariet ova. Duo hæc verba idem Forsterus ita exponit: & excludet ubi incubavit in umbra eius, vel potius sua: nam affixum est semineum, & referendum ad Kippoz, quod est semineum. Pagninus: & scindet ova postquam collegerit in umbra eius, vel sua; id est, excludet pullos postquam ova fovērit umbra sua. Vatablus: & frangat ova sua, ubi foverit illa in umbra sua; id est, ruptis ovis postquam ea foverit, excludet pullos suos. Leo Iudas: in umbra sua fovebit ova, & excludet. Avenarius: & excludet, & colligit, seu congregat pullos, sub umbra sua. Tremellius & Iunius: cumque eruperit, id est exclusa fuerit pullitice, quæ per ellipsin hoc loco intelligitur: colligit ad umbram suam; id est, fovebit & incubabit, aliis vel corpore. Hispanicus Interpres: y sacchara sus pollos, y luntarios ha debaxo de sus alas, MILVI. דַּיִת daijoth, milvi, seu vultur aquile. Vide in Deuteronom. XIV. & Lev. XI. 14.

V. 16. REQUIRITE DILIGENTER IN ILLO
O 2 BRO

BRO DOMINI. Alii ex Heb. *Quærite ex libro Iehovæ, vcl consulite, sciscitmini, ex libro Iehovæ.* Confirmatio superiorum denuntiationum ab eventu, quo veritatem sermonum suorum examinandam & probandam Deus exhibet, ut Deuteron. xviii. 22. *Ex libro Iehovæ.* id est libro prophetiarum, quas Iehova edit per prophetas suos ad eos ipsius spiritu. **ALTER ALTERUM NON QUÆSIVIT.** Verbum *וְאֶחָד* pakal, ponitur hic in præterito plurali Kal, quod tamen volunt habere significationem intransitivam, ut in *Niphal*, quod sane est præter morem; unde varie reddunt: I. *mulier cum socia sua non defecit.* II. *mulier sociæ suæ non desiderata sunt.* III. *unumquodque cum socio suo non defecit.* IV. *unum cum sodali suo non devitabantur, sive derescensebantur;* id est decerant, seu nulla defecerunt. Alii vero transitivam significationem retinent. V. *alterum alterum, vel unum alterum non viderunt, vel requisiverunt, aut desideraverunt.* Hoc quidam accipiunt de animalibus supra commemoratis: alii rectius de his, quæ scripta sunt in libro **IHUH.** **QUIA QUOD EX ORE MEO PROCEdit, ille mandavit.** Heb. *quia os meum ipsum præcepit: ipsum potest iungi cum os meum, ipsum os meum;* vel cum præcepit, os meum præcepit istud. Alii: *quia os meum, id est quod dico (metonymia) ipse præcepit.* Quidam: *nam quod dico ipse præcepit;* id est, dixi, & præstabit dictum verbo suo potentissimo. **ET SPIRITUS EIUS IPSE CONGREGAVIT EA.** Rectius vertes: *Et spiritu suo ipse congregavit ea.* Nam ipse non recte coheret cum spiritu, qui est seminum, sed cum Iehovah; id est, ipse Iehovah spiritu suo seu potenti iussu, impulsu, inflatu congregabit ea animalia, ut vers. 15.

V. 17. ET IPSE MISIT EIS SORTEM, &c. Quidam ita hunc versum ex Heb. reddunt: *Nam cum præceperit illis sortem, & manum suam distribuerit illis admissim, usque in seculum hereditaria iure possidebunt illam, per generationem quamque habitabunt in illa;* id est, ex quo semel Deus regiones istas scriis habitandas assignaverit, nunquam desinet maledictio eis regionibus pronuntiata: assignationem autem Propheta figurat duobus modis, sorte & funibus, qui modi tunc in usu erant: ut terra tribus sorte, & agri funibus in familias distribu-

ti sunt, Numer. xxvi. 55. & Iosue xviii. **IN MENSURAM.** *וְכֵן* bakan, in linea, suniculo, filo, regula, amissi: ut solent scilicet distribui possessiones. Vide Psal. xv. 5.

M E N O C H I I.

Vers. 1. ACCEDITE, &c. Ex clade Senachrib assurgit, & avolat de more ad excidium orbis, in fine seculi. **PLENITUDO EIUS;** id est, quidquid terre ambitu continetur. **OMNE GERMIN EIUS.** Chald. *habitatores, LXX. Populus.*

V. 2. MILITIAM, id est exercitum, multitudinem, **LXX. nentum.** **INTERFECIT:** interfecit omnes gentes, partim perignem conflagrationis mundi, partim per plagas illi prævias.

V. 3. TABESCENT MONTES. **LXX. rigabuntur,** imbuentur, perfundentur sanguine. **TABESCET OMNIS MILITIA CAELORUM:** nam sol, & luna, & sidera sub diem iudicii commovebuntur, obscurabuntur, & lumen suum retrahent. **COMPLICABUNTUR Sicut LIBER;** quasi dicat, Sicut libri (sic olim fiebat) circa cylindrum explicantur & circumvolvuntur, & tunc absconditis litteris, legi non possunt: ita cælum cuiusque stellæ, quasi litteræ abscondentur atris nubibus, ut videri non possint, perinde ac fiscalum esset complicatum, & convolutum. **DEFLUET:** stellis e cælo cadentibus; nam ut ait Christus Matth. xxiv. 29. *Stellæ cadent de cælo.*

V. 5. INEBRIATUS EST IN CÆLO GLADIUS MEUS: ultione mea in ipso cælo grassante. **SUPER IDUMÆAM.** Idumæi semper hostes fuerunt Iudæorum, itaque illis minatur exitium, eorumque allegoria omnes impios intelligit. **INTERFECTIONIS MEÆ a me interficiendum, AD IUDICIUM.** Chald. *in iudicio, LXX. cum iudicio,* id est iustum iudicium, & vindictam in eos exercendum.

V. 6. INCRASSATUS EST ADIPE: solet enim culter, quo oves pingues ingulantur, sanguine, & adipe imbuti. **AGNORUM, HIRCORUM, ARIETUM;** quasi dicat: Nulli ætati, sexui, aut gradui parceret hostiis gladius, sed in omnes promiscue deflevit. **ULTIMA ENIM DOMINI IN BOSRA;** quasi dicat: Eadem facturus est Deus in Bosra urbe primaria Idumææ. **IN TERRA EPOM:** in Idumæa.

V. 7. DESCENDENT UNICORNES, &c. Unicornes, & tauros vocat viribus robustos, & armis validos; quasi dicat: Hi omnes cadent cum imbelli plebe, & ad eorum descendunt. CUM POTENTIBUS: divitibus, & primoribus.

V. 8. ANNUS RETRIBUTIONUM IUDICII SION; id est, annus, quo rependet Deus Idumæis, & in eorum caput regeret mala, quibus Sionem affecerunt, ut Sioni ius suum reddat. In die iudicii Deus vindicabit iniurias Sioni, id est Ecclesiæ factas.

V. 9. CONVERTENTUR TORRENTES EORUM IN PICEM: Chaldaei Idumæam incenduntibus, ita ardebit, ac si aquæ torrentium eius in picem verberentur. Id plane accidit in conflagratione mundi.

V. 11. ONOCROTALUS: quid sit onocrotalus dixi Levit. xi. 18. ERICIUS: de quo vide supra xiv. 23. IBIS: de quo Levit. xi. 17. significatur summa Idumææ, id est mundi vastitas, & desolatio, ita ut hominibus vacua, feris, si quæ sint, habitanda relinquatur. EXTENDATUR SUPER EAM MENSURA: est metaphora ducta à linea fabricorum, qua partem parietis, quam diruere in animo habent, metiuntur. UT REDIGATUR AD NIHILUM, &c. quasi dicat: Deus non plus infligit poenæ quam quis meritis sit, sed omnem punitionis modum quasi perpendiculari, aut amissi dirigit: at Idumæorum, & impiorum scelera tam multa erant, tamque atrocia, ut plane desolandi sint, & ad nihilum redigendi.

V. 12. NON ERUNT IBI: sed vel occidentur, vel abducentur captivi. REGEM POTIUS INVOCABUNT: victi, & supplices Regem Nabuchodonosor invocabunt: sic impii in extremo iudicio poenam deprecantes dicent: Quando te vidimus esurientem, &c. & non ministravimus tibi? Matth. xxv. 44. ERUNT IN NIHILUM, id est ad extremam miseriam redacti.

V. 13. PALIURUS: est genus spinæ, & rubi, inquit Plin. Lib. XXIV. cap. xiii. de quo Virg. Eclog. viii.

Carduus, & spinus surgit paliurus acutis.

CUBILE DRACONUM, &c. Idumæa vastata serpentibus, draconibus, struthionibus, aliisque huiusmodi feris relinquetur.

V. 14. OCCURRENT DAEMONIA ONOCENTAURIS. Monstra, spectra, & larvæ in desertis illis locis apparebunt specie fe-

rarum, onocentaurorum, satyrorum, &c. ONOCENTAURIS. Onocentaurus est monstrum ex asino inferne, & ex homine superne conflatum, qualia monstra fuisse olim credidit antiquitas. Alludit aliquando Scriptura sive eius Interpres ad fabulas poetarum, ut notavit D. Hier. sic Iudith. xvi. 8. fit mentio Titanum, & Iob xlii. 14. cornu Amalthææ. PILOSUS: Dæmones specie hircorum hirsuti, quos vetulas Faunos, & Satyros dixit. CLAMABIT ALTER AD ALTERUM. Chaldaei vertit, *Dæmones inter se colludent*; sic supra cap. xiii. 24. dixit, *saltabunt*. LAMIAE: sunt dæmones succubi, vel illorum spectra, quæ Empusæ dicuntur, apparentque mulierum forma, quæ ad venerem homines illicere dicuntur, ut eos devorent.

V. 15. ERICIUS. Vide dicta sup. xiv. 23.

V. 16. REQUIRITE DILIGENTER IN LIBRO DOMINI; id est, quæ tunc accident recentere, & componere cum his, quæ in hac prophetia, quæ est liber Domini, dicuntur. Italice diceremus: *Confrontate*, &c. UNUM EX EIS NON DEFUIT: omnia ad unguem eveniunt, ut prædicta sunt. ALTER ALTERUM NON QUÆSIVIT: alterum monstrum vel infortunium opus non habuit querere comparem suum, quia scilicet aderat. SPIRITUS EIUS IPSE CONGREGAVIT EA: Spiritus Domini, voluntas scilicet, & iussio Domini hoc agmen malorum congregavit, & ordinavit.

V. 17. IPSE MISIT EIS SORTEM, &c. id est, Deus iam dictis animalibus, & monstris divisit Idumæam, & cuique dedit suam sortem, locum, & mensuram, quasi proprii, & perpetui eius incolæ essent futuri.

T I R I N I.

Verf. 1. ACCEDITE GENTES, omnes ad spectandum quasi in publico theatro extremum orbis iudicium & sæculi consummationem: ita S. Hieronymus, Cyrillus, Procopius, Eusebius & Augustinus a.

V. 2. INTERFECIT EOS: nempe totius orbis incolæ, partim per ignem conflagrationis, partim per plagas illi prævias.

V. 3. DE CADAVERIBUS eorum tot præliis, ASCENDET POSTOR, cum vivi sepelien-

pelendis mortuis non sufficiant: unde **TABESCENT MONTES**, id est tabem contrahent ex eorum sanguine, putredine & facie.

V. 4. TABESCEAT OMNIS MILITIA CAELORUM; id est, sol, luna & reliqua. si dera tam insolitis modis commovebuntur, obscurabuntur, & lumen suum retrahent, ut videantur prae indignatione tabescere, liquecere, dissolvi. Et hoc est quod ait Christus Matth. xxiv. *Sol obscurabitur, & luna non dabit lumen suum, & stellae cadent de caelo*: ut ibidem exponunt S. Chrysostomus, & Maldonatus. Atque ita **COPIPLICABUNTUR CAELI B Sicut liber**; id est, sicut in membrana litteris conscripta, (quales erant veterum libri) nulla deforis litterae apparent, si membrana circum cylindrum convolvatur; ita in caelo nubibus undique clauso & quasi involuto nulle apparebunt stellae. Fulgetris quoque, comets, stellis cadentibus, aliisque meteoris ita aer perturbabitur, ut caeli convolvi & complicari, & quasi terrae commisceri videantur: ita S. Hieronymus, Augustinus, Gregorius, Adamus, Pererius c., & passim Scholastici, qui contra quosdam d alios docent, caelos & astra non secundum formam vel substantiam, sed solum secundum lucem & alias qualitates mutatum & innovatum iri. Sed unde tanta etiam in caelestibus perturbatio? Respondet:

V. 5. QUONIAM etiam in caelo inebriatus, id est ad satietatem grassatus, **EST GLADIUS divinae ultionis & vindictae meae**. Ecce sicut gladius hic meus brevi **DESCENDET SUPER IDUMAEAM**, ET **SUPER POPULUM INTERFECTIONIS MEAE**. Hebraice, *anathematis mei*, id est super Idumaeos neci a me devotos ac destinatos, saevietque in eos ad internecionem, & ita in fine mundi descendet & saeviet idem gladius in omnes omnino nationes terrae. Adesdem ergo spectator, & vide quomodo in excidio Idumaeae per Chaldaeos,

V. 6. INCRASSATUS EST gladius Dei, tam **ADIPSE**, quam **SANGUINE** pinguium istorum Idumaeorum; neque **AGNORUM** solum, id est plebierum, imbellium, pauperum; sed **ET HIRCORUM**, id est ducum ac principum, **ET ARIETUM**, id est ditiorum ac robustorum; quasi dicat: Nulli aetati, nulli sexui, nulli gradui pareet hic gladius. **VICTIMA ENIM DOMINI** solemnitas, a Deo

decreta & instituta est in Bosra Idumaeae metropoli, ut incolae omnes gladio Chaldaeorum mactet & offerat divinae suae iustitiae. Id factum paulo post excidium Ierosolymorum per Nabuchodonosorem, ut alibi e dicitur.

V. 7. ET DESCENDENT ad hanc visumam non soli boves & vituli, cives, mercatores, opifices, sed & **TAURI ET UNICORNES**, robusti & armis instructi, **CUM omnibus POTENTIBUS**, divitibus, nobilibus. Tunc erit vers. 8. **ANNUS RETRIBUTIONUM IUDICI & vindictae**, quam pro Sion, id est Iudaea, Deus exercebit contra Idumaeos, qui iurati hostes Iudaeorum, illos perpetuo divexarunt, & una cum Chaldaeis Ierosolymam oppugnaverunt & everterunt: ita Chaldaeus, Vatablus, Lyranus, Arias & Sanchez.

V. 9. ET CONVERTENTUR TORRENTES Idumaeae IN PICEM; id est, aquae ipsae fluminum instar picis & sulphuris ardebant. Alludit ad Sodomam Idumaeae vicinam, ut sceleris, ita & clade illi similem, quae sulphureum habet solum, & igne caelesti conflagravit. Sic in fine mundi, ignis conflagrationis ex pice & sulphure conflatus omnia regna absumet.

V. 12. REGEM POTIUS INVOCABUNT; id est, operabunt miseri tunc ducem aliquem & principem qui rebus afflictis succurrat, sed nemo reperietur qui aut velit, aut possit rempublicam perditam administrandam capessere. Porro pro principibus, pro civibus, pro aliis incolis,

V. 14. OCCURRENT ibi passim **DAEMONIA** & monstra sic larvata, ut superne figuram gerant hominis, inferne asini vel equi. Quale monstrum signo S. Crucis fugavit S. Antonius f: & alterum Claudio Caesari oblatum vidisse se testatur Plinius g. Vide Gesnerum, qui ex Servio h & aliis docet, eiusmodi monstra nomen centaurorum accepisse ex similitudine equitum tauros spiculis confectum. Vir enim equo vel asino insidens, quasi unum cum eo animal constare rudioribus videbatur: cumque nomen aliud non occurreret, ex officio ipsi proprio, quod erat *monstrum*, id est pungere, illudare, configere *tauros*, vocarunt *Hippo*, vel *onocentaurus*, id est equum vel asinum confectum tauros.

PILOSUS idem est qui prius **Satyrus** vel

Faunus: Gēfnerus putat esse genus simiarum, quæ in Brasilia robore & proceritate corporum superant homines, & non raro mulieres conspiciunt. Alii putant fuisse demones qui villosa & hirsuta corpore instar hircinorum, hominibus illudere solebant.

LAMIAE Vatablo, Pagano & Delrio nostro sunt stryges & sagæ: Dion Chrysostomo & sunt bestiae truculentes, facie & superiore parte corporis ad umbilicum muliebri, reliquo in draconem desinente. Alii volunt esse demones fucubos, de quibus multa Gēfnerus & Delrio. Ut ut est, certum designari bestias silvestres feminei sexus rapaces & voraces, de quibus Jeremias Thren. iv. *Lamie nuderunt mammam.* De quibus hic Isaias dicit, quod una cum ONOCENTAURIS & pilosis incolent regionem Idumæ iam excisæ & in solitudinem converfæ. Putatque noster Ioannes de Salas & Cornelius a Lapide ex S. Anselmo & Viguerio 1, prædici hic ab Isaiâ, etiam in inferno damnatos a demonibus spectrorum eiusmodi formam assumentibus territum & cruciatum iri.

V. 16. REQUIRITE DILIGENTER hæc iam a me recensita seu monstra, seu supplicia quæ Idumææ obventura prædixi. *Requirite*, inquam, IN LIBRO DOMINI a Deo dictato, id est in S. Scriptura; quasi dicat: Quando reipsa destructur Idumæa, conferre tunc omnia mala ipsi obvenientia, cum iis quæ hic iam a me ipsi obventura prædicuntur, & ab aliis quoque Prophetis, Amos, Davide, Balaam, prædicta fuerunt, deprehendatis, ne UNUM quidem deesse. S. Hieron. S. Thom. Hugo & Lyranus. ALTER ALTERUM NON QUÆSIVIT quasi absentem; id est, nihil malorum prædictorum deerit, ut a socio quæri debeat: sed SPIRITUS vindictæ divinæ omnia studiose CONGREGAVIT.

V. 17. ET IPSE idem spiritus, iisdem malis, seu monstris, seu plagis, MISIT SORTEM, dividens illis Idumæam omnem quasi possessionem hereditariam, & cuique in eam sortem suam & locum designans, ut quasi proprii eius incolæ sint IN AETERNUM, id est ad longissimum tempus. In inferno autem mala omnia proprie & ad litteram durabunt æternum.

(a) Euseb. Lib. XI. de Præpar. Evang. cap. de in novat. mundi. August. Lib. XIII. Confess. cap. xv.

(b) Apoc. vi. 12.

(c) Hieron. in cap. 12. Isaiæ. August. Lib. XX. de Civit. cap. xiv. Greg. Lib. XVII. Moral. cap. v. Peter. in Apoc. vi.

(d) Chrysost. Theodoretum Oecumenium Basilium, Ambrosium, Nyssenum & Maldonatum citatos a Corn. a Lapide h.c.

(e) Hieron. xlv. Euseb. xlv. & Abdæ 1.

(f) Athanas. in vita Anton.

(g) Plin. Lib. VII. cap. 111.

(h) Gēfner cap. de Equo & Asino. Servius III. Georgic.

(i) Delrio de Magicis.

(k) Dion. Chrys. in hist. Lybica.

(l) Salasin 1. II. q. V. a 5. tractat. 11. disput. xiv. sect. xiv. num. 111. Anselm. in Elucidario. Viguer. cap. xvi. §. 4. vers. 16.

(m) In Proleg. de Idioma. Heb. n. 27.

GORDONI:

Verf. 1. **A**CCEDITE GENTES ET AUDITE, &c. Compellat merito gentes omnes, quando de orbis totius excidio dicturus est. De hoc agi excidio docent Cyril. Hieronym. Euseb. de Præp. Lib. XI. Aug. Lib. XIII. Confess. cap. xv. & alii plures. Occisionem proponit verf. 3. a tyrannis in fine mundi & anti-Christo. At quid verf. 4. de militia cæli? hoc idem est ac si diccret, Sol, luna, & sydera obscurabuntur, immo commovebuntur; & ita ut pene videantur disfluere, ET COMPLICABUNTUR, inquit, ut LIBER CAELI. Sicut enim veterum volumina præsertim apud Hebræos involuta ad cylindrum, & rursus evoluta dabant, vel non dabant legendi copiam; ita complicari quasi videbuntur illa lumina, ut pene in obscuritate sua delitescere videantur.

V. 5. QUONIAM INEBRIATUS EST IN CAELO GLADIUS MEUS, &c. Nunc ad Idumæam vertit sermonem, & ex hoc typo excidium etiam orbis depingit, & in inferis cruciatum. Effusi sanguinis copia per ebrietatem significatur, nec Bofra parceretur, aut fiet exceptio personarum. Bofra erat regia civitas Idumææ, verf. 7. Idumæos utpote fortes vocat tauros & unicornes: tunc Deus rependit pro meritis: verf. 8. torrentes in picem, est hyperbole, & allusio ad vicinam Sodomam.

V. 11. ET POSSEDERUNT ILLAM ONOCROTALUS. Designat iuxta cœptum sermonem summam Idumææ & orbis vastitatem. Locus feris erit, de his feris alibi. Palurus, rubi, seu spinæ genus: Plin. Lib. XIV. cap. xiii.

V. 14. ET OCCURRENT DAEMONIA. De cœ-

centauro lege Gesnerum cap. de equo, & c. de asino. Sed animalia talia fabulosa sunt; unde notat Hieronymus Scripturam aliquando alludere ad fabulas poetarum; ut Iudith. xvi. 8. vel certe demones sunt, qui hæc monstra representant; ut in vita S. Antonii. Sunt porro marina monstra aliqua: vide Plin. Lib. VII. cap. 111. Hinc statuae de pilosis, faunis, & satyris: lamiae putantur demones succubi, & huius generis species aliqua: vide Levit. xvii.

V. 16. REQUIRITE DILIGENTER, & c. Librum Domini vocat hanc suam prophetiam, utpote quam Deus dictavit: & requirite, inquit, cum hæc exciperint & videbitis me vera dixisse, tum de Idumæa, tum de orbis occasu in suo typo. Expende hereditatem perpetuam scris animalibus deputatam.

EX EIUSDEM AUCTARIO.

Vers. 11. Quod animal sit Onocrotalus, & Ibis, vide Lev. xi. 17. & 18. Eri-
cius, an noctua, an testudo, aut avis in-
star hirundinis, quæ celerrime involat a-
quis.


Vers. 12. Nobiles non erunt: nam occi-
dentur, & victi poenam deprecabuntur,
sicut etiam mali in die iudicii. *Quando*
te vidimus esurientem, Matth. cap.
xxv.

Vers. 17. Dei spiritus & voluntas congre-
gavit vastato mundo hæc monstra & a-
nimalia, in quo quasi suas partes sortita
sunt; sic in die iudicii.



CAPUT XXXV.

*De futura consolatione, lætitia, securitate, & felicitate perpetua eorum
qui in Christum sunt credituri.*

1.  **L**Etabitur deserta & invia, & exultabit solitudo, & flo-
rebit quasi lilium. 2. Germinans germinabit, & exultabit
lætibunda & laudans: gloria Libani data est ei: decor
Carmeli, & Saron, ipsi videbunt gloriam Domini, &
decorem Dei nostri. 3. Confortate manus dissolutas, &
genua debilia roborate. 4. * Dicite pusillanimis: Confor-
tamini, & nolite timere: ecce Deus vester ultionem ad-
ducet retributionis: Deus ipse veniet, & salvabit vos. 5.
Tunc aperientur oculi cæcorum, & aures surdorum patebunt. 6. Tunc saliet
sicut cervus claudus, & aperta erit lingua mutorum: quia scissæ sunt in de-
serto aquæ, & torrentes in solitudine. 7. Et quæ erat arida, erit in sta-
gnum, & sitiens in fontes aquarum. In cubilibus, in quibus prius dracones
habitabant, orietur viror calami & iunci. 8. Et erit ibi semita & via, & via
sancta vocabitur: non transibit per eam pollutus, & hæc erit vobis directæ
via, ita ut stulti non errent per eam. 9. Non erit ibi leo, & mala bestia
non ascendet per eam, nec invenietur ibi; & ambulabunt qui liberati fue-
runt. 10. Et redempti a Domino convertentur, & venient in Sion cum lau-
de: & lætitia sempiterna super caput eorum: gaudium & lætitiâ obtinebunt,
& fugiet dolor & gemitus.

BRUGENSIS

ROMANA CORRECTIO.

Verf. 4. *Dicite pusillanimitas*. Servandus est datus pluralis *pusillanimitas*, quod est meticulosus; non surrogandus nominativus pluralis *pusillanimites*.

Ibidem: *Ecce Deus vester*, &c. & *salvabit vos*: Non sunt mutandæ secundæ personæ pronomina in primæ *vester*, *nos*.

NOTATIO.

Verf. 4. **D**icite *pusillanimitas*: *Confortamini* & *nolite timere*. Manuscripta exemplaria pleraque, etiam integritate veneranda, *pusillanimites* legunt; & quædam quidem ei quod sequitur iungunt, *Dicite, Pusillanimites confortamini*: ea quæ Richelius, & Carenis secuti sunt, ad quem modum Græca translatio habet: *Pusillanimites mente sitis robusti*, sine *dicite*: quædam ei quod præcedit copulant, *Dicite pusillanimites*, aut quod in multis est, errore manifesto, *Discite pusillanimites, Confortamini*. Hentenius, & Parisiensis *Pusillanimitas* corexere: sic enim Hieronymus transtulit, dandi casu, non vocandi, *Dicite pusillanimitas* (sive meticulosus) *Confortamini*; quo modo Hebraice אֲמַרְתֶּם לְבָרְכֵם וְלֹא תִירָאוּ: ea enim Hebræorum distinctio est, atque is primum obviis sensus: possit tamen, ut altera habet lectio, verti, *Dicite, O pusillanimites confortamini*. Porro ut

Hieronymus transtulit *pusillanimitas*, legunt codices manuscripti, S. Germani parvus, & Lobienis, insignes illi; impressi, Moguntinus, Nurenburgenfis, Colonienfis, Quentianus, Complutenfis, atque ex hoc Regius. Inter enarratores legit hunc ad modum Haymo. Carenis, „ Andreas, inquit, dicit *pusillanimitas* “. Crediderim *pusillanimitas* in *pusillanimites* mutatum, quod primus singularis muneri casus esse putaretur; itaque non convenire, aut ei quod præit *dicite*, aut ei quod sequitur *confortamini*. Coniunctionem & quæ subiungitur, & *nolite timere*, decem nostri, quinque Hentenii, quatuor Parisiensium, & antiqui Epanorthotæ codices Hebræo, Græcoque conformiter tollunt; qua omiffa, plus certe habet efficacitatis isthæc. *pusillanimitum confortatio*.

Quod subsequitur: *Ecce Deus vester*, ac paulo post, *Et salvabit vos*, multi codices prima persona legunt: *Ecce Deus vester*, & *salvabit nos*. Utramque lectionem exponit Hieronymus, maxime quoad posteriorem partem; sed hanc quidem primæ, inquam, personæ 72. tribuit, quæ & hodie Græcoque est antiquiorum: *יהוה הוא דעו יקראו בך*, quomodo & apud Iustinum legitur, dialogo cum Tryphone: illam vero *vester*, vos, ipse ex Hebræo convertit (sic enim Hebraici, nec non Chaldaici codices habent) quam retinent antiqui Epanorthotæ libri, vetustiores nostri, & inter posteriores tractatores Haymo: Eam a se probatam Hentenius, & Parisiensis in textum recepere.

COMMENTARIA

MALDONATI.

Verf. 1. **L**ÆTABITUR DESERTA, ET INVIA (terra) id est, Ecclesia gentilium; quæ prius inculta erat, ad Evangelium conversa *Frustrum ubertate gaudebit*. Heb. יִשְׂרָאֵל סִדְרָה וְצִיָּה, *laetabuntur desertum & invium*. Similis locus infra cap. LV. 1.

V. 2. GLORIA LIBANI DATA EST EI; id est, Dei notitia, lex, qua Synagoga sicut Libanus arborum pulchritudine gloriabatur, ad Ecclesiam Gentilium transferretur. DECOR CARMELI ET SARON, idem significat, nisi quod gloria Libani, videtur *Bib. Sac. Tom. XVII.*

externam politiam significare: decor autem Carmeli & Saron, gratiam & bona opera: quia laus Libani in externa arborum specie ac pulchritudine, laus Carmeli & Saron, in ubertate & copia fructuum consistebat, ut explicatum est supra cap. xxxiii. 9. IPSI VIDEBUNT, id est solitudo & desertum, gentiles: utitur genere masculino, quia non respicit verba, sed sensum, quasi dicat: *Populus qui sedebat in tenebris vidit lucem magnam: & sedentibus in tenebris & umbra mortis, lux orta est eis*, ut supra cap. ix. 1. & Matth. iv. 16.

V. 3. CONFORTATE MANUS; id est, iube-

P

iube-

iubete bono esse animo eos, qui pusillanimes sunt ac remissi: *Christus enim veniet, & non tardabit*: Habac. ii. 3. & Heb. x. 37.

V. 4. *ECCE DEUS VESTER*, id est Christus: aperte enim Christum (de quo sententia etiam Iudaeorum loquitur) Deum vocat. ULTIONEM ADDUCET RETRIBUTIONIS: id est, inferet ultionem, qua pro suis cuique meritis poenam infligat: quod ad Iudaeorum punishmentem specialiter, generaliter vero ad supremum iudicium referri potest.

V. 5. *TUNC APERIENTUR*. Describit Christi miracula: itaque non sine causa Christus interrogatus a discipulis Ioannis, Matth. xi. 3. *Tu es qui venturus es, an alium expectamus?* ut probaret ex hoc Isaie loco se esse Christum, nihil aliud respondit, quam: *Euntes renunciate Ioanni que vidistis & audistis: Cæci vident, claudi ambulant*, &c. Sunt autem hæc non corporaliter modo, sed etiam spiritualiter intelligenda, fore ut tunc homines & libenter audiant, & facile intelligant Evangelicam veritatem: hoc enim est aures surdorum & oculos cæcorum aperiri, ut aliquid ad ea que dixit supra cap. xxix. vers. 10. 11. 18. Christus etiam ita loquitur, Ioan. ix. 39. *In iudicium ego in hunc mundum veni, ut qui non vident, videant; & qui vident, cæci fiant*.

V. 6. *QUIA SCISSAE SUNT*. Præter pro sunt, quia scinduntur, id est aperientur fontes aquarum in deserto; id est, in incultis & lapideis gentilium animis fient fontes aquæ vivæ salientis in vitam æternam: Ioan. iv. 14. Usus autem est Propheta verbo scindendi, quod non videtur aquis convenire, quia de deserto loquebatur, ut indicaret ita ex durissimis gentilium animis, & gratiam Dei bona opera efficienda, sicut scissis petris deserti educuntur aquæ: Hoc enim significat illud Psal. cxviii. 8. *Quæ convertit poenam in stagna aquarum, & rapem in fontes aquarum*; & Deut. xxxii. 13. *Ut superet mel de petra; oleumque de saxo durissimo*. Itaque verbo scindendi insinuat nihil in nobis fuisse terræ molliis, id est nihil meriti, cum pos Christus ad Evangelium vocavit; sed animos nostros totos fuisse lapideos, atque in illis quasi in durissimis faxis scississe Christum fontem divinitus gratiæ.

V. 7. *ET QUAE ERAT ARIDA* (terra, id est, gentilitas. IN CUNEBUS; id est, loca siccæ (in iis enim dracones habitare solent) sicut aquosa, ut in illis nascantur arundines & iunci, quæ nasci non solent nisi in paludibus).

V. 8. *ET ERIT IBI SEMITA*. Semitam & viam vocat per metaphoram legem Evangelicam, quæ vere sancta est, neque pollutus esse potest qui eam servaverit. *ET HÆC ERIT VOBIS DIRECTA VIA*, id est facilis: Iugum enim Christi suave est, & onus eius leve. Heb. *וְהָיָה לָכֵן דֶּרֶךְ יְשׁוּעָה*, & hæc erit ipsis ambulans per viam, & stulti non errabunt: quod aliqui ita interpretantur, *Hæc erit ipsis (via) ambulans per viam, & stulti*, id est nec qui peritus est iterum, nec imperitus errare poterunt. Alii melius, ut mihi quidem videtur, coniuncte legunt: *Et ipse illis erit ambulans via*, ut sit relativum sine antecedente, aut referatur ad illud vers. 4. *Deus ipse veniet*; quasi dicat: Ipse ille Deus erit illis, id est Catholicis (referatur enim ad *ibi*) viæ dux, aut præbit illis viam præmonstrans, ut errare non possint. Hoc enim est, *Ego sum via, veritas, & vita*: Ioan. xiv. 6.

V. 9. *NON ERIT IBI LEO ET MALA BESTIA*: *וְהָיָה לָכֵן, sava & nocens bestia*; id est, Diabolus non grassabitur in lege Evangelicâ, sicut ante faciebat: aut, non erunt homines crudeles ut leones, & truculenti ut fera, sicut erant ante, quia per gratiam Christi exuent veterem hominem, & induent novum. *ET AMBULABUNT*, id est secure incedent; *QUI LIBERATI FUERINT*, id est redempti, non quod non omnes redempti fuerint, sed quod non omnes participes esse voluerint redemptionis Christi.

V. 10. *CONVERTENTUR* (ab idololatris) *ET VENIENT IN SION*, id est in Ecclesiam Catholicam, atque hanc ipsam conversionem fortasse vocavit viam paulo superius.

S A.

Vers. 1. *DESERTA*, scilicet gentilitas.

V. 2. *GERMINABIT*; scilicet opera bona. *GLORIA*, id est pulchritudo. *LIBANI*; metaphorice spiritualia significantur. DECOR,

M A R I A N A E.

id est fertilitas. LXX. *honor*. GLORIAM, &c. explicatio præcedentium. DOMINI, scilicet Christi.

V. 3. CONFORTATE, scilicet o Prophe-
tæ, vel Apostoli. GENUA, id est crura.
Not. quod Heb. XII. citatur hic locus se-
cundum LXX. pene iisdem verbis.

V. 4. ADDUCET, scilicet impiis. RE-
TRIBUTIONIS, scilicet retribuens eis quod
merentur. DEUS IPSE. Hic aperta Chri-
sti Divinitas. IPSE, scilicet per se.

V. 6. DESERTO, id est mundo, qui an-
tea velut desertum. AQUAE, scilicet gra-
tiæ.

V. 7. ARIDA, scilicet gentilitas. DRA-
CONES, id est dæmones, & vitia. VIROR,
&c. quasi dicat, Virtutes.

V. 8. SEMITA, scilicet arcta via in cæ-
lum ducens. POLLUTUS, scilicet peccatis.
STULTI, id est imperiti alioqui.

V. 9. LEO, &c. per hæc vitiosi homi-
nes significantur.

V. 10. STON, id est Ecclesiam. SEMPI-
TERNA. Id in cælo.

E S T I I.

Vers. 8. **E**T ERIT IBISEMITA, ET VIA,
ET VIA SANCTA VOCABITUR:
NON TRANSBIT PER EAM POLLUTUS: ET
HAEC ERIT VOBIS DIRECTA VIA, ITA UT
STULTI NON ERRENT PER EAM. Ex his
verbis quidam ostendere conantur Ecclesiam
ita sanctam esse, ut omnes, quotquot in
ea sunt, & quotquot sunt eius membra,
sancti sint, mundi, & impolluti, quia di-
citur: *Non transibit per eam pollutus*. Et
rursus, *Ita ut stulti non errent per eam*. Ex
quo colligitur, nec pollutus, nec stultum in
Ecclesia esse. Quibus respondendum est,
hæc non de Ecclesia dici, sed de semita &
via Ecclesiæ, quæ vocatur sancta. Via au-
tem Ecclesiæ, doctrina eius est. Quisquis
autem per hanc viam incedit; id est, qui-
suis doctrinam Ecclesiæ, quæ ad fidem &
mores pertinet, sequitur, is mundus est &
sanctus; ex quo consequitur, scilicet homi-
nem pollutum per eam non transire, &
stultum per eam non errare.

Vers. 1. **L**AETABITUR DESERTA ET IN-
VIA. Post Idumææ vastatio-
nem sequitur Iudææ felicitas & tranquilli-
tas: aut de Ecclesia agit & vocatione Gen-
tium. Heb. *letabuntur desertum & arida*,
scilicet terra. QUASI LILIUM. Sic Chald.
& Sepruag. & Alii, *quasi rosa*: nam vox
חבצלת *habazeleth*, id significat. Cant. 11.
1. *Ego flos campi, & lilium convallium*,
pro flore ea vox est, id est rosa.

V. 2. GERMINANS GERMINABIT, aut
florens florebit: multos flores edet solitudo.
LAETABUNDA ET LAUDANS. Heb. *exulta-
bit exultatione, & laudare*; pro, & laude.
GLORIA LIBANI. Gloria Libani flores &
arbores sunt. DECOR CARMELI, ET SA-
RON. Idem dixerim de Carmelo & Saron,
famosis eius regionis montibus. IPSI VI-
DEBUNT; scilicet populus fidelium gloriam
Domini, videbunt victos hostes.

V. 3. CONFORTATE MANUS, scilicet ob
afflictiones priores debilitatos hac spe eri-
gite, & confortate. Hic locus citatur ad
Heb. XII. 12.

V. 4. DICITE PUSILLANIMIS: Chald. *se-
stinis corde*. Pagn. *stultis*: nam stulti festi-
nant. Heb. *turbatis corde*. ULTIONEM AD-
DUCET. Heb. *ultione*, (pro, cum ultione)
veniet. RETRIBUTIONIS, scilicet diem.
Heb. *retributionem diei*, scilicet videbitis:
sic Heb. & Pagn. IPSE VENIET, non mit-
tet alios, ut antea.

V. 5. TUNC APERIENTUR OCULI. Hoc
a Christo factum est. Iudæi ad captivita-
tem referunt, ubi erant cæcis, mutis, &
claudis similes; quibus malis liberati sunt,
cum in patriam redierunt.

V. 6. ET APERTA ERIT LINGUA MU-
TORUM. Heb. *& laudabit lingua muti*, id
est solvetur in loquelam. QUIA SCISSAE
SUNT IN DESERTO AQUAE, id est prorup-
serunt; id est, terra omnis plena erit Dei
beneficiis & prodigiis.

V. 7. ORIETUR VIROR, ubi dracones an-
tea erant. Heb. *herba, sine orietur*, sed bene
suppletur. CALAMI ET IUNCTI. Hæc
non nascuntur nisi in locis humidis. Sig-
nificat ergo, in locis aridis, ubi dracones
tantum habitabant, fore aquarum copiam.

V. 8. ERIT INI SEMITA ET VIA. In lo-
cis iniis & desertis erit vir. VIA SAN-
CTA:

CTA: quis per eam in templum ibatur, ubi nemo pollutus admittebatur. ETHAEC ERIT VOBIS DIRECTA VIA. Heb. & haec erit illis ambulanti; pro, ambulanti bus via; id est, erit via regia, per quam cursores incedent. STULTI NON ERRENT. Tam plana, lata, & strata erit, ut nemo possit errare, etiam imperiti recta ibunt.

V. 9. ET MALA BESTIA: iniqui & polluti non ibunt per eam viam. Heb. *Is-dens* (inter) *bestias*, id est tera, non ibit per eam. QUI LIBERATI FUERINT. Heb. *redempti*, scilicet per Christum; aut de captivitate redeunt ibunt per eam.

V. 10. ET VENIENT IN SION CUM LAUDE: aut cum iubilo. OBTEREUNT, seu apprehendens gaudium: erunt lati. DOLOR ET GEMITUS. Sic Chald. Septuag. *dolor*, & *tristitia*, & *gemitus fugient*, scilicet inde. *Iaghon*, dolorem & maiorem significat.

M A L V E N D A E.

Verf. 1. LAETABITUR. *לששׁוּ* *iesum*. Plerique Hebraeorum volunt *Men* hic esse affixum: *Gaudebitis ea*, vel *gaudebunt in eis*, vel *cumeis*. Alii notant irregulariter scriptum pro *Iesum* cum *Nun* paragonico, ad indicandam magnitudinem & exuberantiam gaudii. Quidam reddunt: *Laetabuntur de his*, nempe, cum liberatione bonorum, cap. xxxiii. tum iudicii in hostes Ecclesiae, cap. xxxiv. Notant hoc capite esse conclusionem totius concionis, ut dictum est supra cap. xxxiii. 1. qua Propheta partim hyperbolicis orationibus, partim puris atque simplicibus praestantiam illius regni explicat, quod consummatur in Christo. Sunt autem hyperbolae duorum generum: prius est de rebus creatis rationis expertibus, posterius de hominibus. Ceteris rebus creatis tribuuntur duae hyperbolice: unum est sensus cum effectibus suis; alterum est sermo ad homines habitus, quatuor versibus primis: quasi dicat, Gessient quodammodo omnia, & gloriam Dei praedicabunt in Christo. DESERTA. Heb. *desertum*; id est, etiam loca quae videntur omnium inopissima, ut sequentibus. ET INVIA. Heb. & *siccitas*, vel *siccum*. Quidam: & *solarius locus*. QUASI ALIUM. Alii: *tamquam rosa* *חנה* *chabertzzeleh*, vide Cantico. ii. 1.

V. 2. GERMINANS GERMINABIT. Heb. *Florendo florebit*; id est, abundantissime florebit. Alii: *I. Magis ac magis florebit*. II. *Florebit amantissime*. ET EXULTABIT LAETABUNDA ET LAUDANS. Alii ex Heb. *I. & exultabit etiam exultatione, & ovando seu laudando*. II. & *exultabit etiam exultatione sua, & cantu*. III. *exultabit magis ac magis atque iubilabit*. GLORIA LIBANI DATA EST EI: id est, replebitur pulcherrimis & procerissimis cedris, aliisque praestantissimis arboribus. DECOR CARMELI. Quidam: *decor arvi*, ut supra cap. xxxiii. 9. ET SARON. Vide ibidem. IPSI VIDEBUNT, &c. Aliqui reddunt: *Ipsi*, nempe desertum, siccitas, & campitris, videbunt gloriam Iehova in Christo, & decorem Dei nostri, id est Christi, qui est Deus noster: & dicitur:

V. 3. CONFORTATE MANUS DISSOLUTAS. Heb. *Obtinate, fortificate, corroborate, confirmate, valide apprehendite, manus remissas, seu languidas*. Sic versu sequente. ET GENUA DEBILIA. *חשכלח* *choshchloth*, omnia ista complexitur: *labantia, nutantia, impingentia, offendentia, offensa, labantia, corruentia*. ROBORATE. Proprie, *surgite, erigite, strenua facite, confirmate*. Quidam hunc versum ita exponunt: *Confirmate manus remissas, & genua labantia fortificate*; id est, alii alios docete, iubete bono animo esse, & salutaribus monitis adiuvaré: metaphoræ, ut Iob iv. 3. & 4. quæ versu sequente exponuntur.

V. 4. DICITE PUSILLANIMIS. Heb. *Dicite festinis, acceleratis, praecipitis corde*. Quidam: *inconsideratis*, id est levibus, & inconstantibus animo: vel *pusillanimis*, & qui facile terrentur & commoventur ad desperationem in tribulatione, non considerantes promissiones Dei. Vide supra cap. xxxii. 4. vel *festinis corde*, id est, quibus cor palpat, quod meticuloforum est. ECCE DEUS VESTER, &c. Alii hoc hemistichium ita convertunt: *I. ecce Deus noster cum ultione venit, cum retributione Dei: ipse venit, & salvos faciet vos*. II. *ecce Deus vester, ultio advenit, retributio Dei; ipse advenit servaturus vos*; id est, cum venerit sumet poenas de improbis, & iustus bona rependet. *Retributio Dei*, potest exponi, id est magna & copiosa, ut nomen Dei solet adiungi ad incrementum sententiae, ut Genes. i. 2.

V. 5. TUNC APERIENTUR OCULI CAECORUM. Alii: *Tunc aperient se oculi eorum*, &c. alterum genus hyperboles: quod tamen ex parte, quoties videtur, in corporibus prætabat Christus, & in animis suorum quotidie præstat. CAECORUM: ut Matth. ix. 27. & xi. 5. & xii. 22. & xx. 30. & xxi. 14. & Ioann. ix. 1. ET AURES SURDORUM PATEBUNT: vel patefient, aut aperientur: ut Matth. xi. 5. Marci vii. 32.

V. 6. TUNC SALIET Sicut CERVUS, CLAUDUS. Vel, *tunc saliet claudus velut cervus*: ut Matth. xi. 5. & xv. 30. & xxi. 14. Ioann. v. 3. & Actor. iii. 2. & vii. 8. & xiv. 7. ET APERTA ERIT LINGUA MUTORUM. Heb. & *laudabit, prædicabit, ovabit, iubilabit, præconia dicet, cantabit, gratulatorie acclamabit lingua muti*. Matth. ix. 32. & xii. 22. & xv. 30. QUIA SCISSAE SUNT IN DESERTO AQUAE. Heb. *quia discessit, discessit, dissecta sunt*, vel *disciderunt se, eruperunt in deserto aquae*, &c. id est, tunc terra affatim donis Spiritus Sancti perfundetur & affluet. Quidam præcedentibus iungunt, ac reddunt: & *cantabit lingua muti, erupisse in deserto aquas, & torrentes in solitudine*. Argumenta cantus fidelium, omnia instaurata & relictura esse in Christo: quod figurate hoc & sequente versu exponitur.

V. 7. ET QUAE ERAT ARIDA. Nomen substantivum *אֵרֶב* *seharab*, varie exponunt: & *erit adusio, aestus, torridus, aridus locus*, proprie ex calore solis. INCUBILIBUS, IN QUIBUS PRIUS HABITABANT DRACONES, ORIETUR VIOR CALAMI ET IUNCI. Varie alii ex Heb. I. *in habitaculo draconum, in accubitu seu cubili eius, locus erit calamo & iunco*; id est, loca prius arida, quibus gaudent dracones, erunt humida: iunci enim & arundines humida loca amant. Sed affixum eius cum sit femininum, non recte aptari potest draconem, qui est masculinum. II. *in pascuo draconum, cubile eius, sœnum pro arundine & iunco*. III. *in pascuo, in quo cubant dracones, sœnum pro arundine & iunco*; id est, erit sœnum loco arundinis & iunco. IV. *in habitaculo draconum accubitus eius, atrium calamo & iunco*. Mihi difficultatem ingerit, quo referendum sit pronomen illud *femineum eius*. Fortasse ad draconem feminam, quæ magis desidere videtur in cubili propter educationem catulorum: forte ad Ecclesiam

per ellipsin, quæ inter feras & barbaras gentes iundata est. Leo Iudas hunc versum ita exposuit: *Relictæque torrida terra in flagnum, & terra siticulosa in scaturiginem aquarum; in eo domicilio, ubi dracones cubabant, erit herba virens calami & iunco*. Tremellius, & Iunius: *Abisse torridum locum in flagnum, & siticulolum in scaturiginem aquarum: in caula draconum, cubili cuiusque*; id est, in locis etiam abditissimis & incultissimis: sic accipiendum esse hunc locum Hebraicæ distinctiones docent: *gramen esse cum arundine & iunco*; id est, locum qui fuerat aridissimus (qualem dracones expetunt) uliginosum effectum esse. VIOR CALAMI ET IUNCI. *חַזִּיז* *ehatiz*, hic plerique cum Nostro pro herba virente, *sano, gramine* accipiunt. Alii, pro *atrio, sive loco, corte, villa, pradio*, ubi crevit sœnum, vel *gramen*, ut supra cap. xxxiv. 13. nam sœni vel graminis, aut herbe significatio non ita huic loco quadrare videtur.

V. 8. ET ERIT IBI: scilicet, in Ecclesia. Observant, esse secundam partem conclusionis, qua cum Ecclesiæ accessus, duobus versibus; tum fructus, versu ultimo exponuntur: sumpta allegoria a constitutione præcæ illius Ecclesiæ quæ erat Tizio. SEMITA ET VIA. Heb. *strata publica, regia*, ut supra cap. xi. 16. & *via*. Hispanice, *calçada y camino*. Quidam: *agger & via*, id est aggesta & excelsa via: hypallage, sive potius figuraendi adis, ut grammatici vocant, qua sæpe Virgilius utitur. NON TRANSIBIT PER EAM POLLUTUS: id est, infidelis, aut sceleratus ullus. ETHÆC ERIT VOBIS DIRECTA VIA, &c. Alii ex Heb. I. & *ea erit illis, qui ambulant per vias, & stulti non errabunt*; quasi dicat: Tam certa erit via, quæ per Christum ad Deum ducet, ut etiam viarum imperitii errare non possint. Periti itinerum & imperiti eam viam ingressi, non errabunt. II. & *ipse cum eis incedens in via, ut stulti non possint errare*; quasi dicat, Præbit suis. III. & *hec erit ipsis: tam assuetus ambulare per viam, quam stultus non errabunt in ea*. IV. & *hec erit ipsis: ambulant per viam, & stulti non errabunt in ea*. V. *sed erit istorum: nimirum, quorum oculi & aures apertæ, crura correctæ, & linguæ explicate fuerint beneficio Christi, ad predicandam Deum*; id est, quos ille vindicaverit.

verit atque redemerit, ut sequentia docent: *Viator, nec stulti quidem poterunt decurrere.* Hispanicus Interpres: *y aura para ellos en el, scilicet camino, quatenus voya camino, de tal manera que los insensatos no Yerran; id est, siempe aucta compaña, sera camino muy curzado.*

V. 9. NON ERIT IBI LEO: id est, inimicus ullus Dei aut Ecclesiae damnosus. ET MALA BESTIA. Varie alii ex Heb. I. & *ladens inter bestias.* II. & *violenta ferarum, seu & violenta, seu seua ulla fera.* III. & *effractor ferarum.* IV. *neque irruptio ferarum.* Proprie: & *ruptor, irruptor violentus, latro ferarum; id est, quæque ex violentissimis feris.* ET AMBULABUNT QUI LIBERATI FUERINT. Heb. & *ambulabunt redempti.* Alii: I. *incedent autem per eam redempti.* II. *Sed redempti in ea proficiuntur.* III. *sed ambulabunt ea vindicati, seu asserti.*

V. 10. ET REDEMPTI A DOMINO CONVERTENTUR. Heb. potest esse *Pahul, & redempti, liberati Iehove; & potest esse nomen substantivum, & redemptiones, id est redempti, Iehove, quod abstractum maiorem vim habet, revertentur.* ET VENIENT IN SION. Alii: *pervenientque Tzionem;* id est, recipientur in Ecclesiam, & ingredientur in ea. CUM LAUDE. *בְּרִנָּה berinah, in ovatione, tubilo, praconio.* Quidam: *cum cantu, seu acclamatione gratulatoria, ut solebant qui sellis anniversariis proficiscebantur Ierusalaima, ut annotavimus supra cap. xxx. 29.* ET LAETITIA SEMPERNA SUPER CAPUT EORUM. Alii: & *laetitia perpetua super caput suum, ac proinde illam praece Ecclesiae laetitiam, quæ tantum temporaria fuit, modis omnibus superante super caput suum; id est, quæ totos perfundat, ac etiam super caput exuberet: vel, quæ eos ceu diadema & coronamentum exornet.* ET FUGIET DOLOR ET GEMITUS. Heb. *fugientque maror & gemitus;* id est, & quidem constantissimum assequentur gaudium, nulloque pacto mutabile. Vide hunc eundem versum infra cap. LI. II.

M E N O C H I I.

Vers. 1. **L**AETABITUR, &c. scilicet tempore Christi, ad quem de more transit. DESERTA ET INIVA. In He-

braeo est, *desertum & solitudo.* Gentilitatem intelligit, hæcenus a Deo desertam, iustitia vera, religione, & cultu Dei carentem. FLOREBIT QUASI LILIUM: cuius murus est decor, & odoris fragrantia. GERMINANS GERMINABIT: producet enim Ecclesia novas, & copiosas frondes, flores, & fructus, tum novorum fidelium, tum novarum virtutum. LAUDANS: scilicet Deum, per quem tam multa bona consecuta est. GLORIA LIBANI DATA EST EI; id est, omnia ornamenta, opus, & deliciae sacrae, & spirituales Synagogæ, & Iudeorum, transferentur ad Ecclesiam: licet mons Libanus a Gentibus occuparetur, pertinebat tamen ad Hebræos, ut patet Iosue xii. 6. DECOR CARMELI: Carmelus mons Iudææ fertilissimus: idem est decor Carmeli, ac Carmelus decorus. LXX. *Gloria Libani data est ei, & honor Carmeli, quem sensum Heb. efficere noscunt, & Vulgata etiam nostra editio, interpunctione mutata.* SARON: ager eiusdem Iudææ amœnissimus, & uberissimus. IPSI VIDEBUNT GLORIAM DOMINI, &c. Christum, eiusque prædicationem, & miracula.

V. 3. CONFORTATE: o Apostoli, & Evangelii præcones. MANUS DISSOLUTÆ: gentium abiectionum, inertium, & timidarum, & eas excitate ad studium fidei, salutis, & bonorum operum. GENUA DEBITA ROBORATE: eiusdem rei repetitio, phrasi mutata.

V. 4. NOLITE TIMERE: desperantes de vestra salute. ULTIONEM ADDUCET RETRIBUTIONIS: diabolo, qui vos sub iugum miserat, & oppressos tenebat, par pari retribuendo, eique severe & rigide dominando per seipsum, & per fideles suos, quibus in illum dedit potestatem. DEUS IPSE VENIET: humanam carnem assumens.

V. 5. APERIENTUR OCULI COECORUM: multis visum corporis, pluribus mentis tribuens.

V. 6. SALIET CLAUDUS; id est, Gentiles claudicantes, dubio scilicet, & vacillanti gressu aberrantes a via virtutis, per Christum roborati, & directi recta incedent, immo salient per eam in cælum. APERTA ERIT LINGUA MUTORUM: divinitus edocti, loqui magnalia Dei. QUITA SCISSAE SUNT IN DESERTO AQUAE: quia desertum gentilitatis rigarunt aquæ cælestium gratiarum, SCISSAE SUNT: eruperunt. LXX. *וַיִּשְׁפְּךְ מַיִם, erupit aqua.*

V. 7. ERIT IN STAGNUM: erit quasi stagnum, id est aquis abundabit. In *CUBILIBUS*, &c. id est, in locis prius desertis, quæ facta erant cubilia draconum: vide superiori cap. num. 13. *VIRORE CALAMI ET IUNCI.* Viror gratiæ, & virtutum; meminit calami & iunici, ad ubertatem gratiæ designandam; nam calamus, & iuncus in iis tantum locis proveniunt, in quibus est aqua & humoris copia.

V. 8. ET ERIT IBI SEMITA ET VIA; quasi dicat: Non quia ibi futurum dixi calamum, & iuncum, propterea palustrem locum, & invium futurum quis existimet. *SEMITA:* arcta, & angusta via, quæ ducit ad cælum: *VIA SANCTA VOCABITUR:* quia per sanctitatem morum, & vitæ ducet ad sanctum locum; hoc est, ad cælum. *NON TRANSIBIT PER EAM POLLUTUS.* Per pollutum intelligit infidelem, qui infidelitatis labe inquinatus est, nec pertinet ad Ecclesiam. *UT STULTI NON ERANT PER EAM:* nam etiam simplices, & imperiti facile addiscere poterunt quæ ad salutem sunt necessaria.

V. 9. MALA BESTIA NON ASCENDET PER EAM: nam demones, & eorum insidias amolietur Christus a sua Ecclesia, vel certe ita coercet, ut a volentibus facile superari possint. *ET AMBULABUNT QUI LIBERATI FUERINT:* hanc insistent semitam, qui ab erroribus & demonis servitute liberati fuerint.

V. 10. REDEMPTI A DOMINO: a pristino cultu, & impietate ad Christum traducti. *VENIENT IN SION:* in Ecclesiam supernam, & triumphantem. *CUM LAUDE:* Deum celebrantes, a quo redempti sunt. *SUPER CAPUT EORUM:* super ipsos, nam *caput* per toto homine ponitur, pars per toto per synecdochen.

T I R I N I.

Verf. 1. LAETABITUR tempore Christi gentilitas hæcenus *DESERTA* a Deo, a salute, a iustitia, a religione & cultu Dei: & instar *lilii FLOREBIT* miro vitæ & puritatis nitore.

V. 2. GLORIA LIBANI, a ex quo cedri, pini, thus: *DECOR CARMELI ET SARON:* unde segetes, uvæ, olivæ & alii fructus uberrimi, quibus olim gaudebat Iudæa; id est, omnia ornamenta Synagagæ, omnes opes &

delitiæ non solum corporales, sed & spirituales Iudæorum, transferentur ad Ecclesiam Gentilium: ita S. Hieronymus, Cyrillus, Eusebius, Hilarius, Nazianzenus & Theodoretus. *IPSI VIDEBUNT,* antea cæci, in tenebris & in umbra mortis iacentes, iam oculos aperient, & aspicient lumen fidei, *GLORIAM DOMINI,* id est splendorem, pulchritudinem, amoenitatem, felicitatem a Deo submissam: Iudeis e contrario excæcatis, & in tenebras palpabiles delapsis: ita iidem Patres. Ex his verbis Isaia, Faber Stabulensis & Franc. Lucas e putant probabiliter colligi, transfigurationem Christi contigisse in monte Libano: de quo Matth. xvii.

V. 4. & 5. ECCE DEUS VESTER, non minus quam Iudæorum, ultionem adducet retributionis, qua par pari retribuet hostibus omnibus vestris, sed maxime diabolo: sicut enim ipse severe ac rigide vobis dominatus fuit, ita tunc ipsimet severe ac rigide dominabitur Christus & Christiani. Dixi, *Deus vester:* neque enim Moyse quispiam, vel Iosue, vel similibus iudex, liberandis & salvandis vobis adhibebitur, sed *ipse Deus* in persona propria *VENIET,* & *SALVABIT* vos, nempe *Emmanuel, Messias,* Christus, ipse *aperiet oculos CAECORUM, ET AURES SURDORUM* d, &c. ita S. Athanasius, Hilarius, Iulianus, Prosper & alii Patres: qui docent, huc respexisse Christum, cum roganti Ioanni, *Tu es qui venturus es, an alium expectamus?* pro indubitato signo quo se Messiam esse designet, responderi iussit: *Cæci vident, claudi ambulant,* &c. Matth. xi. 3.

V. 6. QUIA PER CHRISTUM SCISSAE SUNT IN DESERTO AQUAE; id est, inter Gentiles eruperunt & sparserunt æque spirituales & cælestes, nempe charitativa Spiritus sancti.

V. 7. ET SITIENS, seu arida Gentilium terra, *ERIT IN FONTES* id est scatebit fontibus, *AQUARUM* (id est gratiarum) salientium in vitam æternam: ita sanctus Cyrillus & Theodoretus.

V. 8. IBI, id est in deserto prius inaccessio & invio, *erit aperta,* facilis & secunda *SEMITA,* fidei nempe, penitentiae & caritatis, arcta quidem & carni molesta, sed recta & spiritui iucunda: quæ *VIA SANCTA VOCABITUR,* quia deducit ad veram sanctitatem, & ad Sanctum sanctorum,

rum, ad caelum, ad Deum. NON TRANSIBIT PER EAM POLLUTUS quispiam, seu immundus. Sicut enim aditu templi Ierolymitani arcebantur polluti & immundi: ita etiam aditu caeli & sanctitatis arcentur omnes peccatores quamdiu peccatores.

V. 9. MALA BESTIA, lamia, pilosus, onocentaureus, daemonia, & alia pusillorum terramenta, NON ASCENDENT PER EAM Deo machinationes omnes hostiles, omnes insidias & insultus, & quaecumque nocere possint, procul arcente & amoliente, nec nisi cum prodesse possunt permittente: ita S. Hieronymus, Cyrillus & Theodoretus. ET AMBULABUNT, in ea, & per eam, libere progredientes & proficientes, sine remora, sine offendiculo, non perfidi & obstinati Iudaei, sed qui per Christum LIBERATI & redempti fuerint a iugo daemonis, peccati & legis Mosaicae. Hi enim

V. 10. CONVERTENTUR a cultu idolorum & impietate ad cultum veri Dei & Christi, & per viam fidei ac religionis iam dictam, VENIENT IN SION; id est, in Ecclesiam Dei tum militantem, tum triumphantem, eo ritu & modo, quo solet sponsa a sponso deduci in regiam Sion, cum geniali plausu, cum nuptiali corona, cum gaudio & tripudio, dolose, gemitu, metu procul relegato: ita Sanchez. Et similia habes Tobiae XIII. 21. sed fufius Efdrae IV. cap. II. 34.

(a) Isaie x. 34.

(b) Euseb. Lib. VI. Demonst. cap. xxi. Hilar. in Psal. lxx. Naz. orat. 2. in Iulianum.

(c) Faber. Stabul. in cap. vii. Marci. Franc. Luc. in Matth. xviii. 2.

(d) Isaie xxxix. 26.

GORDONI.

Verf. 1. **L** AETABITUR DESERTA, &c. 2. & 4. Deserta gentilitatem designat; & ex verf. 2. gloria Synagogae ac Libani & Carmeli transibit ad Ecclesiam Christi, & tunc DEUS IPSE VENIET (verf. 4.) ET SALVABIT NOS. Saron ager in Iudaea amoenissimus.

V. 5. TUNC APERIENTUR OCULI CAECORUM, &c. Haec omnia iuxta citatos iam Patres probe explicant Ecclesiae Christianae progressum, miracula & gloriam, & praeclearis metaphoris indicant effectus gratiae circa iustificationem, merita, & perseverantiae donum: verf. 6. SCISSAE SUNT AQUAE: sparsae, copiosae ad ubertatem spirituales.

V. 10. ET REDEMPTI A DOMINO, &c. En demum subsequenter ad priora beatorum gloriam.

EX EIUDEM AUCTIONARIO.

Verf. 1. Haecenus a Deo quasi deserta gentilitas. Sequetur tandem Messiam, & gloria Synagogae (Libani, inquit, & Carmeli) transferretur ad Ecclesiam. Sane Iosue cap. vi. Iudaeorum esse debuit, & Synagogae, licet occuparetur a gentibus. Adde Carmelum & Saron fuisse Iudaeorum loca fertilissima.

Verf. 8. & 10. Statum Ecclesiae describit. Polluti infideles ad eam non pertinebunt: malos corriget domus haec; & sanctitatem colet in vera doctrina.

CAPUT XXXVI.

Sennacherib captis civitatibus Iudæ munitis, mittit Rabfacem ad capiendam Ierusalem, qui variis in Ezechiam iactatis convitiis, & blasphemii in Deum, Ierosolymitas ad deditionem exhortatur.

I. Factum est in quartodecimo anno regis Ezechiz, ascendit Sennacherib rex Assyriorum super omnes civitates Iudæ munitas, & cepit eas. 2. Et misit rex Assyriorum Rabfacem de Lachis in Ierusalem, ad regem Ezechiam in manu gravi, & stetit in aquæductu piscinæ superioris in via Agri fullonis. 3. Et egressus est ad eum Eliacim filius Helciz, qui erat super domum, & Sobna scriba, & Ioahc filius Asaph a commentariis. 4. Et dixit ad eos Rabfaces: Dicite Ezechiz: Hæc dicit rex magnus, rex Assyriorum: Quæ est ista fiducia, qua confidis? 5. aut quo consilio vel fortitudine rebellare disponis? super quem habes fiduciam, quia recessisti a me? 6. Ecce confidis super baculum arundineum contractum istum, super Aegyptum: cui si innixus fuerit homo, intrabit in manum eius, & perforabit eam: sic Pharao rex Aegypti omnibus, qui confidunt in eo. 7. Quod si responderis mihi: In Domino Deo nostro confidimus: nonne ipse est, cuius abstulit Ezechias excelsa & altaria, & dixit Iudæ & Ierusalem: Coram altari isto adorabitis? 8. Et nunc trade te domino meo regi Assyriorum, & dabo tibi duo millia equorum, nec poteris ex te præbere ascensores eorum. 9. Et quomodo sustinebis faciem iudicis unius loci ex servis domini mei minoribus? Quod si confidis in Aegypto, in quadrigis, & in equitibus: 10. & nunc numquid sine Domino ascendi ad terram istam, ut disperderem eam? Dominus dixit ad me: Ascende super terram istam, & disperse eam. 11. Et dixit Eliacim, & Sobna, & Ioahc ad Rabfacem: Loquere ad servos tuos Syra lingua: intelligimus enim: ne loquaris ad nos Iudaice in auribus populi, qui est super murum. 12. Et dixit ad eos Rabfaces: Numquid ad dominum tuum & ad te misit me dominus meus, ut loquerer omnia verba ista: & non potius ad viros, qui sedent in muro, ut comedant stercore sua, & bibant urinam pedum suorum vobiscum? 13. Et stetit Rabfaces, & clamavit voce magna Iudaice, & dixit: Audite verba regis magni, regis Assyriorum. 14. Hæc dicit rex: Non seducat vos Ezechias, quia non poterit erueri vos. 15. Et non vobis tribuat fiduciam Ezechias super Domino, dicens: Ervens liberabit nos Dominus, non dabitur civitas ista in manu regis Assyriorum. 16. Nolite audire Ezechiam: hæc enim dicit rex Assyriorum: Facite mecum benedictionem, & egredimini ad me, & comedite unusquisque vineam suam, & unusquisque ficum suam: & bibite unusquisque aquam cisternæ suæ, 17. donec veniam, & tollam vos ad terram, quæ est ut terra vestra, terram frumenti & vini, terram panum & vinearum. 18. Nec conturbet vos Ezechias, dicens: Dominus liberabit nos. Numquid liberaverunt dii gentium unusquisque

Bib. Sac. Tom. XVII.

Q

ter-

terram suam de manu regis Assyriorum? 19. Ubi est deus Emath, & Arphad? ubi est deus Sepharvaim? numquid liberaverunt Samariam de manu mea? 20. Quis est ex omnibus diis terrarum istarum, qui eruerit terram suam de manu mea, ut eruat Dominus Ierusalem de manu mea? 21. Et siluerunt, & non responderunt ei verbum. Mandaverat enim rex, dicens: Ne respondeatis ei. 22. Et ingressus est Eliacim filius Helciae, qui erat super domum, & Sobna scriba, & Ioashe filius Alaph a commentariis, ad Ezechiam scissis vestibus, & nuntiaverunt ei verba Rabfacis.

(2) IV. Reg. XVIII. cap. 13. It. PAR. XXXII. 1.

B R U G E N S I S

ROMANA CORRECTIO.

pronomem *eis*.

Verf. 21. Mandaverat enim rex. Non addas

C O M M E N T A R I A

MALDONATI.

Verf. 1. **ET FACTUM EST.** Particula *Et*, hanc vim habet, Sicut praedixeram, ita evenit. Historia est facilis ex IV. Reg. XVIII. 13. & II. Paral. XXXII. 1.

V. 2. **ET MISIT REX ASSYRIORUM:** quasi misso alio fidem non violaret, si ipse non iret: promiserat enim se recessurum, acceptis ab Ezechia trecentis argenti talentis, & triginta auri: IV. Reg. XVIII. 14. Ioseph. Lib. X. Antig. cap. 1. propterea misisse Raphacem, quia ipse in Aegyptum contendit ut Pelusium oppugnaret: sed II. Paral. XXXII. 9. dicitur mansisse Lachis cum universo exercitu. Raphacem Hebraei putant filium fuisse Isaiae, qui a lege defecisset; alii Samaritanum, propterea Hebraice scivisse, ut hoc loco Hieron. annotavit. DE LACHIS. Ea civitas est tribus Iudae, quam restauravit Roboam: II. Paral. XI. 9. IN MANU GRAVI. Heb. *רָחֵל כָּבֵד*, cum exercitu gravi, id est magno, forti. ET STETIT IN AQUAEDUCTU PISCINAE: de hac piscina supra diximus. cap. VII. 3.

V. 3. **QUI ERAT SUPER DOMUM,** id est praefectus regie. ET SOBNA SCRIBA, id est qui scribendis sacris libris praerat, eosque interpretabatur: Grammaticus, antiquo more, *Γραμματικός*. A COMMENTARIIS, id est

a secretis, qui res gestas scribebat, & agendas in memoriam regi revocabat. Sicut legimus Christianos Imperatores magistros (ut vocabant) sacrae memoriae habuisse.

V. 4. **QUAE EST ISTA FIDUCIA;** id est, qua in te confidis?

V. 5. **AUT QUO CONSILIO.** Antè hæc verba defunt quaedam, quæ Heb. leguntur, *דִּבְרֵי מַלְאָכָיו וְכִרְשֵׁי לִבִּי* dixi: certe verbum *labiorum*: quæ subiectio est praeteritæ responsionis; quasi dicat: Fortasse dixisti, id est cogitasti apud apud te. *Verbum labiorum* (sub. est in quo confido) id est, preces ad Deum, aut eloquentia in militibus cohortandis, deinde *consilium* & *fortitudo ad bellum*, id est in rebus bellicis. Hæc duo postrema verba noster Interpres sic vertit: **AUT QUO CONSILIO, VEL FORTITUDINE REBELLARE DISPONIS?**

V. 6. **INTRABIT IN MANUM EIUS.** Pulchra metaphora, qua significat fore ut Aegyptii, in quibus putabat Ezechiam sperare, perniciem illi afferrent.

V. 7. **CUIUS ABSTULIT EZECHIAS,** id est tu ipse: loquitur de secunda persona personam, ut sepe fit; quasi dicat: Non potes considerare in Deo tuo, quia insensibilis est, eo quod eius altaria subverteris. Non subverterat Ezechias altaria Dei, sed idolorum: IV. Reg. XVIII. 4. sed homo impius putat ea altaria Deo dicata fuisse, idcirco-

ideoque summam religionem summam impietatem interpretatur. CORAM ALTARI ISTO, id est in solo templo Salomonis.

V. 8. ET NUNC TRADE TE: *התערב*, quod alii vertunt, *fideiube*: id est, da obsequium domino meo, satis da solvendi tributi. Alii, *trade te in fidem domini mei*: alii, *paciscere cum domino meo*. ET DABO TIBI: *וְ*, hoc loco casualis est, & tota locutio conditionalis; quasi dicat: Quia etiam si dem tibi duo millia eorum, non habebis homines, qui possint in eos ascendere, adeo es imparatus ab hominibus.

V. 9. ET QUOMODO SUSTINEBIS FACTEM; id est, quomodo resistes non dico Regi Assyriorum, sed uni tantum ex iudicibus, id est ex praefectis civitatum. Heb. *וְכִי־תִשָּׁבֵר*, quomodo vertere facies faciem; id est, quomodo timebit te vel unus *דֹּחַ*. Quod si CONFIDIS: propriis auxiliis Ezechiae opponit vires regis, quae longe maiores. Auxilio autem Aegyptiorum opponit auxilium Dei, cuius iussu dicit se vers. sequenti in bellum venisse. Hebraei aliter legunt, *וְכִי־תִשָּׁבֵר*, Et tamen confidis in Aegypto.

V. 10. NUMQUID SINE DOMINO ASCENDE AD TERRAM ISTAM, id est sine voluntate Domini. Dominum vocat homo profanus verum Deum, non quod Dominum esse credat; sed loquens cum Iudeis, accommodat ad eorum opinionem loquitur. DOMINUS DIXIT AD ME. Mentitur verum quodammodo dicens: nam vere Deus illi dixerat, id est permiserat cum venire, sicut praecepit Semei, ut malediceret David: II. Reg. xvi. 10. sed quia id Raptaces non credebant, mentitur.

V. 12. UT COMEDANT; id est, ut augmant se in eas angustias redigendos, ut praefame sicciora sua comedant, & urinam bibant. Aliqui Hebraei legunt honestiore verbo *וְשָׁתוּ*, excrementa sua. Et *וְשָׁתוּ*, aquas pedum suorum, qua periphrasi nominare solent urinam, quod ad pedes eiciatur. VOBISCU; id est, in obsidione, si intra civitatem vobiscum manserint, ut Chaldaei interpretatur.

V. 15. NON VOBIS TRIBUAT EZECHIAS FEDUCIAM SUPER DOMINO; id est, ne persuadeat vobis, ut in Domino confidatis.

V. 16. FACITE MECUM BENEDICTIONEM; id est, facite mihi hanc rem gratam, praestate hoc mihi, ut ad me egredi ammi ni

id est vos mihi dedatis: vel, facite mecum quod vobis in benedictionem cedat, quod vobis utile erit: IV. Reg. xviii. 31. ET COMEDITE; pro, comedetis (Imperat. pro fut.) sicut quod sequitur, ET BIBITE, id est bibetis; quasi dicat: Relinquam vobis omnia vestra bona.

V. 17. DONEC VENIAM. Preparat eorum animos ad exilium; significans non esse futurum eis grave, sed perinde atque si in patria sua versarentur. Hanc vim habent omnia verba: & quod dicit se venturum, quali esset eos honoris causa comitaturus; & quod ait se eos sublatum, quasi sui eos humeris transmissurus esset: & quod dicit ducturum in regionem fertilem & eorum regioni similem.

V. 18. NE CONTURBET, id est ne seducat vos: *וְלֹא יִדָּבֵר*. UNUSQUISQUE TERRAM SUAM; id est, eam terram in qua colebatur. Videbatur ante Raptaces aliquid Deo tribuere, cum dixit vers. 10. se a Deo missum: nunc impietatem suam penitus prodit, comparans Deum cum idolis, & indicans se potentioris esse illo.

V. 19. UBI EST DEUS EMATH; quasi dicat, A me victus est. Hemath urbs est Syriae, aut integra regio ab antiqua urbe dicta, ut colligitur ex IV. Reg. xiv. 25. & xxiii. 33. & I. Paral. xviii. 3. 9. ET ARPHAD. Arphad insula est in Phoenicia non longe a Damasco, Plin. Lib. V. cap. xxxv. & Mela Lib. I. IV. Reg. xviii. 34. & Ier. xlix. 23. SEPHARUAIM etiam civitas est Assyriorum. NUMQUID LIBERAVERUNT SAMARIAM? Hinc videtur posse colligi, ea loca quae ante nominavit, in Samaria esse.

V. 22. SCISSIS VESTIBUS: Hebraeorum more, qui in rebus luctuosius vestes manibus scindebant. Iosue vii. 6. II. Reg. i. 11. & xiii. 31. Matth. xxvi. 65.

S A.

Vers. 2. **L**ACHIS. Urbis est nomen, quam obsederat. MANU GRAVI. Chald. *exercitu multo*. AGRI FULONIS. Chald. *ubi fullones extendunt pannos*.

V. 3. SUPER DOMUM. LXX. *aconomus*: de hoc vide supra cap. xxiii. Quidam domum Dei intelligunt; erat enim summus Pontifex. SCRIBA; id est doctor, seu Leg-

gisperitus. A COMMENTARIIS, id est historiographus. Chald. *qui erat super memorabilia*, id est historias. Quidam Cancellarium interpretantur.

V. 5. RECESSISTI, scilicet negando tributa.

V. 6. SUPER AEGYPTUM; pro, nempe super Aegyptum.

V. 7. CUIUS ABSTULIT, &c. Male interpretatur quod ille pie fecerat: everterat ille idolorum altaria, & ea quae extra templum, ut in hoc solum sacrificaretur iuxta Dei praeceptum. Vide IV. Reg. xviii.

V. 8. ET DABO; pro, si enim dedero tibi.

V. 10. DOMINO, id est Dei voluntate. Not. quod infideles Deum Iudaeorum vocabant *Iehova*, id est *Dominum*, scilicet utebantur eodem nomine quo Iudaei, sicut & Iudaei illorum Deos vocabant nominibus, quibus & ipsi, ut *Baal*, quod *Dominum* significat.

V. 12. URINAM PEDUM. Heb. *aquam pelum*, id est urinam: sic enim appellant modeste, quod ad pedes fluat. LXX. *urinam suam*.

V. 16. BENEDICTIONEM. Chald. *pacem*.

V. 17. PANUM. Chald. *agrorum*. Not. hic differentiam historiae & prophetiae: cum enim haec sit obscurissima, illa tota aperta; quanta enim facilitas huius capitis?

EST I I.

Vers. 4. **E**T DIXIT AD EOS RABSADES. Ac tandem vers. 7. QUOD SI RESPONDERIS MIHI: IN DOMINO DEO NOSTRO CONFIDIMUS: NONNE IPSE EST, CUIUS ABSTULIT EZECHIAS EXCELSA ET ALTARIA? Suadere vult Rabfices, ne confidant in Deo suo, propterea quod ipsum etiam graviter offenderet Ezechias. Sed quod Rabfices putabat contra Dei honorem ab Ezechia factum, id ab eo factum erat ex Dei voluntate, & secundum legem. Abstulerat enim Ezechias excelsa, & altaria, partim idolorum, quibus nullo modo sacrificare licebat; partim veri Dei non suis locis constituta. Non enim licebat sacrificare Deo vero, eo tempore, nisi uno loco ab ipso designato; videlicet in templo Ierusalem. Et hoc ipsum est, quod impetrat harum rerum Rabfices etiam adiecit:

Nonne ipse est cuius abstulit Ezechias excelsa, & altaria: ET DIXIT IUDAEI IERUSALEM: CORAM ALTARI ISTO, ADORABITIS? Intelligitur autem adoratio per sacrificium: nam simpliciter adorare licebat extra Ierusalem, etiam extra templum, sicut Daniel fecit in captivitate positus, sed sacrificium offerre alibi non licebat.

V. 17. DONEC VENIAM, ET TOLLAM VOS AD TERRAM, QUAE EST UT TERRA VESTRA; id est, similis terrae vestrae, ut est IV. Regum xviii. Ubi observa, quod barbarus ille quantumvis grandis, & magnificus in promissis, non tamen audent dicere, terram quam promittit, meliorem esse terra Israelitica; sed tantum dicit illi similem esse, tamen & hoc fraudulentum dicat. Facit autem hoc etiam ad commendationem fertilis, & felicitatis terrae promissionis, seu Palaestinae, qualis quidem tunc fuit.

M A R I A N A E.

Vers. 1. **E**T FACTUM EST IN QUARTODECIMO. Proximis capitibus repetitur totidem fere verbis, quod narratur IV. Reg. cap. xvii. xix. & xx. Quare praeter ea quae ibi sunt dicta, pauca hoc loco adiungemus.

V. 2. IN MANU GRAVI. Sic Heb. id est, cum manu valida Assyrius Sennacherib misit Rabfacerem. Quod Chald. dixit, *cum exercitu multo*; non solum misit, aut cum paucis. ET STETIT IN AQUAEDUCTU; pro *iuxta aquaeductum*, ut Noster posuit in libris Regum.

V. 3. EGRESSUS EST AD EUM ELIACIM.... QUI ERAT SUPER DOMUM. Septuag. *magister aulae*. Ego per domum templum intelligo; erat enim Eliacim Pontifex. ET SOBNA SCRIBA, id est Legisperitus. A COMMENTARIIS, id est a secretis.

V. 5. AUT QUO CONSILIO VEL FORTITUDINE REBELLARE DISPONIS? SUPER QUEM HABES FIDUCIAM, QUIA RECESSISTI A ME? In Libris Regum sic: *Fortitan inisti consilium, ut prepares te ad praelium, in quo confidis, ut audeas rebellare?* Heb. *Dixisti tantum verbo laborum, consilium & fortitudo ad bellum* (scilicet mihi est) *nunc in quo confidis, quoniam rebellasti in me?* Verba Rabfaceris.

V. 8. ET NUNC TRADE TE. Heb. & nunc

nunc pigro postro contende: duobus equorum millibus an ascensores dabis? Nec poteris ex te praeberere. Heb. si poteris dare tibi (id est ex te) ascensores eorum. Si pro; non. Quod si hoc facere non poteris;

V. 9. ET QUOMODO SUSTINEBIS? Heb. quomodo converteres, scilicet in fugam. FACIEM IUDICIS UNIUS LOCI. In Libris Regum: Quomodo poteritis resistere ante unum satrapam de servis domini mei? פנה פאנח proprie ducem significat. Nolite hic iudicem poluit, in Lib. Reg. satrapam.

V. 10. NUMQUID SINE DOMINO ASCENDIT? nomen Dei ineffabile est hic.

V. 11. LOQUERE AD SERVOS TUOS SYRA LINGUA: INTELLIGIMUS ENIM. Heb. audimus; sed audire, pro intelligere.

V. 12. BIBANG URINAM PEDUM. Heb. aquam pedum, quod ad pedes cadat: eam bibant in obsidione.

V. 16. FACITE MECUM BENEDICTIONEM, id est fectis & pacem. ET BIBITE UNUSQUISQUE AQUAM CISTERNAE SUAE. Quidam vertunt, putei sui; quod scilicet in agro & in hortis puteos habebant, de quorum aqua obfessi bibere non poterant. Facto fectere bibetis; sed vox bor, quae hic est, cisternam potius significat, non puteum.

V. 17. TERRAM PANUM. Heb. panis. id est frumentariam: eo ducam vos.

V. 18. Nunc CONTURBET VOS EZECHIAS. Chald. & Septuag. seducat; alii, persuadeat.

MALVENDAE.

Verf. 1. ET FACTUM EST IN QUARTODECIMO ANNO, &c. Notant, hoc caput, & tria sequentia in hunc locum inserta esse ex II. Libro Regum, non tantum ad lucem superioribus prophetiis inferendam, ut a Iesaja conscripta sunt; verum quia commode ad proximae praecedentis prophetiae interpretationem pertinent. Nam hac historia gesta, & mirifica liberatione accepta divinitus, occasio Prophetiae data est prophetandi de regno Christi, & ex gloria Ezechiae ac totius regni, amplificandi gloriam Christi & Ecclesiae, quae tribus praecedentibus capitibus fuit explicata. Sunt autem omnino eodem argumento, & prope eisdem verbis cum

his quae II. Reg. sunt descripta: unde Commentaria accipienda sunt.

V. 5. AUT QUO CONSILIO VEL FORTITUDINE REBELLARE DISPONIS? Hoc hemillychium nos ex Heb. verbatim reddimus: (Dixi, verumtamen verbum laborum, consilium & prevalescentia casioni.) Alii: I. Dixi, fortassis verbum laborum, consilium & fortitudo ad bellum? quasi dicat dux: Ego apud me dicebam, essent ne verba, quae ore exeunt, & in aera evanescent, consilium, & fortitudo ad bellum gerendum: (his enim duobus optime bellum geritur) quod si verba sunt fortitudo & consilium, bene res vestrae habent, nam non vobis defunt: dicitis enim magnifica verba, quod Iehova liberabit vos, quod Aegyptus aderit vobis, &c. at si nihil minus est consilium & fortitudo: quam verba, vosque nihil aliud quam verba habetis; quae est vestra fiducia? II. Puto sane verbum laborum est fiducia tua: sed consilium & robur necessarium est. Ita, inquit, existimo apud me, te collocare fiduciam in oratione; sed falleris: nam ad bellum consilio & viribus opus est, non oratione. Verbum laborum precationem vocat, quod oratio fiat motu laborum. III. Dixero (verumtamen verba futilia) adesse consilium & fortitudinem ad bellum. Concessio ironica; quasi dicat: Ut de te virum esse valentem consilio & fortitudine, certum est tamen te unum nihil praestare contra regem tam potentem posse. Hinc conficitur altera pars orationis: Cui ergo confidis? an Aegyptio? an Deo? sequentibus.

MENOCHII.

Verf. 1. ET FACTUM EST, &c. Quae hic habentur, explicata sunt supra IV. Reg. cap. XVIII. a num. 14. & deinceps.

V. 16. FACITE MECUM BENEDICTIONEM. Loco citato Lib. IV. Regum num. 31. habetur: Facite mecum quod vobis est utile. Subiicite vos mihi, ut vobis inde accidat benedictio, id est beneficentia mea.

T I R I N I.

Vers. 2. **I**N MANU GRAVI. Enallage qualitatis pro quantitate, id est cum multo comitatu & numero exercitu. De aqueductu, cuius hic fit mentio, aliquid dixi II. Paral. xxxii. 3. & IV. Reg. xviii. 7. ubi etiam de *Elia-cim* qui erat *præpositus domus*, de *Ioabe a commentariis*, &c. v. 18.

V. 9. ET QUOMODO destitutus equitatu (rarus enim erat illius usus apud Iudæos iuxta præceptum Domini Deuter. xvii. 16. SUSTINEBIS FACIEM, præsentiam, congressum & insultum, IUDICIS UNIUS LOCI, id est satrapæ, seu præfecti unius provincie.

V. 16. FACITE MECUM BENEDICTIONEM: non activam, utilem Assyriis (quam spernchat superbus tyrannus) sed passivam, utilem Iudæis; quasi dicat: Ita mecum agite vos mihi subdendo, ut inde vobis a me obveniat *benedictio* & *beneficentia*.

V. 19. De EMATH & ARPHAD vide supra cap. x. 9. SEPHAR-VAIM quoque urbs est, ut habent LXX. & metropolis regni sic nominati.

V. 22. Sciderunt vestes suas legati Ezechie, hoc signo testantes animum præ do-

lore disrumpi, tum ob horrendas Assyriorum blasphemias in Deum; tum ob minas Rablæcis & periculum urbi imminens. Videtur hic mos e Palestina & Iudæis manasse etiam ad Persas, de quibus Herodotus scribit, disceidisse vestes suas in obitu Cambylis regis.

G O R D O N I.

Vers. 1. **E**T FACTUM IN-QUARTODECIMO ANNO REGIS EZECHIE. Vide huius rei chronologiam in diagrammate temporis adiecto ad libros Regum. Notatur hic casus ille Sennacherib ad annum Ezechie xiv. vel xv. inchoatum: ergo septimus est annus ab evulsa Samaria.

V. 7. NONNE IPSE EST. Rapaces mentitur, & ex pura calumnia regem Ezechiam trahit ad invidiam: rex enim contra destruxit excelsa.

EX EIUSDEM AUCTIONARIO.

Vers. 1. Vide capitis explicationem IV. Reg. xviii. a versu 4.

Vers. 16. FACITE MECUM BENEDICTIONEM. Subiicite vos mihi, & erit vobis in benedictionem. Lege citatum locum Reg. IV. vers. 31.

CAPUT XXXVII.

Confernatns Ezechias propter blasphemias tum Rabfacis tum Sennacherib, mittit ad Isaiam ut Dominum deprecetur, qui ipsum confortans divinum promissis auxilium: & vaso per Angelum exercitu Sennacherib, atiam ipse a filio suis interimitur.

1.  T factum est, cum audisset rex Ezechias, scidit vestimenta sua, & obvolutus est sacco, & intravit in domum Domini. 2. Et misit Eliacim, qui erat super domum, & Sobnam scribam, & seniores de sacerdotibus, opertos faccis, ad Isaiam filium Amos prophetam, 3. & dixerunt ad eum: Hæc dicit Ezechias: Dies tribulationis, & correptionis, & blasphemie, dies hæc: quia venerunt filii usque ad partum, & virtus non est parienti. 4. Si quomodo audiat Dominus Deus tuus verba Rabfacis, quem misit rex Assyriorum dominus suus ad blasphemandum Deum viventem, & exprobrandum sermonibus, quod audivit Dominus Deus tuus: leva ergo orationem pro reliquiis, quæ repertæ sunt. 5. Et venerunt servi regis Ezechie ad Isaiam. 6. & dixit ad eos Isaias: Hæc dicetis domino vestro: Hæc dicit Dominus: Ne timeas a facie verborum, quæ audisti, quibus blasphemaverunt pueri regis Assyriorum me. 7. Ecce ego dabo ei spiritum, & audiet nuntium, & revertetur ad terram suam, & corrumpere eum faciam gladio in terra sua. 8. Reversus est autem Rabfacer, & invenit regem Assyriorum præliantem adversus Lobnam. Audierat enim quia profectus esset de Lachis, 9. & audivit de Tharaca rege Aethiopie, dicentes: Egressus est ut pugnet contra te. Quod cum audisset, misit nuntios ad Ezechiam, dicens: 10. Hæc dicetis Ezechie regi Iudæ, loquentes: Non te decipiat Deus tuus, in quo tu confidis, dicens: Nondabitur Ierusalem in manu regis Assyriorum. 11. Ecce tu audisti omnia, quæ fecerunt reges Assyriorum omnibus terris, quas subverterunt, & tu poteris liberari? 12. Numquid eruerunt eos dii Gentium, quos subverterunt patres mei, Gozam, & Haram, & Reseph, & filios Eden, qui erant in Thalsasar? 13. Ubi est rex Emath, & rex Arphad, & rex urbis Sepharvaim, Ana, & Ava? 14. & tulit Ezechias libros de manu nuntiorum, & legit eos, & ascendit in domum Domini, & expandit eos Ezechias coram Domino. 15. Et oravit Ezechias ad Dominum, dicens: 16. Domine exercituum Deus Israel, qui sedes super cherubim: tu es Deus solus omnium regnum terræ, tu fecisti cælum & terram. 17. Inclina Domine aurem tuam, & audi: aperi Domine oculos tuos, & vide, & audi omnia verba Sennacherib quæ misit ad blasphemandum Deum viventem. 18. Vere enim Domine desertas fecerunt reges Assyriorum terras, & regiones earum. 19. Et dederunt deos earum igni: non enim erant dii, sed opera manuum hominum, lignum & lapis: & comminuerunt eos. 20. Et nunc Domine Deus noster salva nos de manu eius: & cognoscent omnia regna terræ, quia tu es Dominus solus. 21. Et misit Isaias filius Amos

Amos ad Ezechiam, dicens: Hæc dicit Dominus Deus Israel: Pro quibus rogasti me de Sennacherib rege Assyriorum: 22. hoc est verbum, quod locutus est Dominus super eum: Despexit te, & subsannavit te virgo filia Sion: post te caput movit filia Ierusalem. 23. Cui exprobrasti, & quem blasphemasti, & super quem exaltasti vocem, & levasti altitudinem oculorum tuorum? Ad sanctum Israel. 24. In manu servorum tuorum exprobrasti Domino: & distulisti: In multitudine quadrigarum mearum ego ascendi altitudinem montium, iuga Libani: & succidam excelsa cedrorum eius, & electas abietes illius, & introibo altitudinem summmitatis eius, solum Carmeli eius. 25. Ego sodi, & bibi aquam, & exsiccavi vestigio pedis mei omnes rivos aggerum. 26. Numquid non audisti, quæ olim fecerim ei? ex diebus antiquis ego plasmavi illud: & nunc adduxi: & factum est in eradicationem collium compugnantium, & civitatum munitarum. 27. Habitatores earum breviata manu contremuerunt, & confusi sunt: facti sunt sicut solum agri, & gramen pascuæ, & herba rectorum, quæ exaruit antequam maturesceret. 28. Habitationem tuam, & egresum tuum, & introitum tuum cognovi, & insaniam tuam contra me. 29. Cum fureres adversum me, superbia tua ascendit in aures meas: ponam ergo circulum in naribus tuis, & frænum in labiis tuis, & reducam te in viam, per quam venisti. 30. Tibi autem hoc erit signum: Comede hoc anno quæ sponte nascuntur, & in anno secundo pomis vescere: in anno autem tertio seminare, & metite, & plantate vineas, & comedite fructum earum. 31. Et mittet id, quod salvatum fuerit de domo Iuda, & quod reliquum est, radicem deorsum, & faciet fructum sursum: 32. quia de Ierusalem exhibunt reliquæ, & salvatio de monte Sion: zelus Domini exercituum faciet istud. 33. Propterea hæc dicit Dominus de rege Assyriorum: Non intrabit civitatem hanc, & non faciet ibi sagittam, & non occupabit eam clypeus, & non mittet in circuitu eius aggerem. 34. In via qua venit, per eam revertetur, & civitatem hanc non ingreditur, dicit Dominus: 35. & protegam civitatem istam, ut salvem eam propter me, & propter David servum meum. 36. (b) Egredus est autem Angelus Domini, & percussit in castris Assyriorum centum octogintaquinque millia. Et surrexerunt mane, & ecce omnes, cadavera mortuorum. 37. Et egredus est & abiit, & reversus est Sennacherib rex Assyriorum, & habitavit in Ninive. 38. Et factum est, cum adoraret in templo Nefroch deum suum, Adramelech & Sarasar filii eius percusserunt eum gladio: fugeruntque in Terram Ararat, & regnavit Asarhaddon filius eius pro eo.

(a) IV. Reg. xix. 2. (b) IV. Reg. xix. 35. Tob. 3. 11. Eccli. xlviii. 24. II. Macch. vii. 47. II. Macch. viii. 19.

COM M E N T A R I A

MALDONATI.

Vers. 3. **D**IES CORREPTIONIS, id est quo fiet alienigenis impune nos corripere. ET BLASPHEMIAE; id est, quo licere putant homines in Deum blasphemare. Aut, **רִפְּוּת**, repudiationis; id est, quo Dominus nos aligit, corri-

pit, & repudiat, cuius rei causam a signo reddit. VENERUNT enim FILII USQUE AD PARTUM: **וְשָׁבַר**, usque ad matricem. Describit mulierem habentem infantem in vulva, neque potentem eniti: in maximo enim periculo versatur, cum liberari non possit nisi pariendo, parere autem non possit. Ita significat Ezechias se versari in

eo periculo, ex quo evadere non queat, nisi divinitus.

V. 4. SI QUO MODO: *וְהִנֵּה*, si forte audiat: verba sunt transposita, quæ sic iungenda sunt. LEVA ERGO ORATIONEM; id est, ora pro iis paucis Iudeis qui reliqui sunt. SI FORTE AUDIAT DOMINUS DEUS TUUS. Vocat Deum omnium, Deum Israhel, ut eius sanctitatem commendet: est enim Deus specialiter eorum qui sancti sunt.

V. 5. ET VENERUNT. Non narrat quæ nuntii dixerunt Israhel: sed intelligendum est eos dixisse quæ eis Ezechias mandaverat.

V. 6. NE TIMEAS A FACIE VERBORUM. Hebraismus, id est propter verba.

V. 7. ECCE EGO DABO EI SPIRITUM; id est voluntatem revertendi in patriam suam relicta obsidione Ierosolymitana, audito nuntio, quod rex Aethiopia bellum illi contra Syriam inferret: vel, *Dabo ei spiritum*, id est ventum; quasi dicat: Efficiam ut rumor ad eum deferatur, & audiat, &c. ET CORRUIERE EUM FACIAM GLADIO. Postea in patria dum adoraret in templo, a suis filius intersectus est: super. 38. xi. & IV. Reg. xix. 37.

V. 8. ADVERSUS LOBNAM. Eacerat civitas sacerdotum in tribu Iuda: Iosue xxi. 13. AUDIERAT ENIM. Reddit rationem cur Rapsaces re infecta solverit Ierosolymitanam obsidionem, quia scilicet audivit regem suum fugisse e Lachis: sic enim Hebraice est, itaque credibile est eo convolasse, ut illi Lohnam oppugnantem ferret auxilium.

V. 9. ET AUDIUIT DE THARACA DICENTES, id est qui dicerent: *לִסְרֵר*, dicendo; id est, audivit nuntium, quod cum audisset, misit nuntios. Non videtur accommodata causa reddi: non enim propterea nuntii ad Ezechiam mittendi erant, quod audisset regem Aethiopia contra se venire; sed significat propterea tunc Sennacherib contra Ierosolymam non ivisse, sed tantum per nuntios Ezechiae comminatum esse, quia audivit regem Aethiopiae venire.

V. 12. GOZAM. Credibile est eam civitatem esse Medorum, quæ ex fluvio nomen haberet, qui apud Medos ita vocabatur: IV. Reg. xvii. 6. & I. Paralip. v. 26. Haram vero erat civitas Mesopotamiae: Genes. xi. 32. & xii. 5. Resepha-

Bib. Sac. Tom. XVII.

tem aliqui Petram fuisse dicunt urbem Arabiae, Hieronymus civitatem Syriæ. Eodem autem nomen est viri, cuius posteritatem Syriæ partem incoluerunt, quæ Thalaslar appellabatur.

V. 13. UBI EST REX HEMATH. Vide cap. xxxvi. 19. HANA etiam et AVA: civitates Syriæ fuisse creduntur, quæ ab idolis, quæ in ipsis colebantur, nomen acceperunt: IV. Reg. xviii. 34. & xix. 13. & xvii. 24.

V. 14. ET TULIT EZECHIAS LIBROS: *וְהָיָה לְפָנָיו*, litteras de manu, &c. ET EXPANDIT EAS CORAM DOMINO, quasi vellet eas Domino ostendere, quo magis moverit eum.

V. 16. QUI SEDES SUPER CHERUBIM. Non solum hoc loco, sed multis aliis sedere dicitur Deus super Cherubim, id est super cælum ubi sunt Cherubim, vel quia arca erat super Cherubim, Exod. xxv. 18.

V. 17. QUAE MISIT AD BLASPHEMANDUM, id est scripsit missis nuntiis. Græc. *ἐν τῇ ψυχῇ*.

V. 18. VERE ENIM DOMINE. Verum est quod iactat Sennacherib, DESERTAS FECERUNT, id est vastaverunt, *תֵּרַס וְאֶרֶץ* TERRAS ET REGIONES EARUM. Hcb. *וְאֶרֶץ*, terras & terram earum. Priori loco nomen terrarum accipitur pro habitatoribus, posteriori, pro terra ipsa.

V. 21. ET MISIT, id est remisit nuntios, ut dicerent Ezechiae.

V. 22. SUPER EUM: *עָלָיו*, contra eum (Sennacherib.) DESPEXIT TE: præter propterea despiciet & subannabit te (est enim propheta.) VIRGO FILIA SION, id est Ierosalem, quæ ideo virgo dicitur, quia nondum capta fuerat. POST TE CAPUT MOVIT, id est irrisit te: repetitio iussu sententiae, ut Psal. xxi. 8. *Levati sunt labia, & moverunt caput:* & Psal. cviii. *Viderunt me, & moverunt capita sua.*

V. 23. SUPER QUEM (*עָלָיו*, contra quem) EXALTASTI VOCEM TUAM, id est superbe locutus es. Superbi enim hominis est vocem in loquendo tollere. ELEVASTI ALTITUDINEM, id est exerxisti supercilia, superbus fuisti, *וַתִּשָּׂא עֵינָיו*, levasti in altum oculos tuos, contra SANCTUM ISRAEL, id est superbe egisti contra Deum.

V. 24. IN MANU SERVORUM TUORUM, R id

id est per servos tuos. Hebræi omne instrumentum manuum vocant, quia manus est, ut Philoſophus quidam dixit, *ἐργα-
zaũ ὄργανον*. ET DIXISTI, id est reputasti apud te: sic enim Hebræi loqui solent, & non legimus supra hæc verba dixisse Sennacherib. IN MULTITUDINE, id est vi multarum quadrigarum. ASCENDI: præ-
pro fut. ascendam ALTITUDINEM MON-
TII; id est, superabo Ierolimam, quæ insuperabilis & monti similis videtur. IUGA LIBANI, id est principes viros Ie-
rusalem, qui alti sunt, sicut fastigia Li-
bani: non enim agit de Libano, sed de Ierusalem. ET SUCCIDAM EXCELSA CE-
LORUM, id est excelsas cedros; hoc est, occident magnates, & ut dixit ille, *Sum-
ma capita papaverum decutiam*. Eundem sensum habent quæ sequuntur, repetitiones enim sunt. SALTUM CARMELI EIUS. Monimus aliis locis nomen Carmeli ali-
quando montem, aliquando campum fertilem significare. Hoc loco pro monte ac-
cipi arbitror; quem enim ante vocavit Li-
banum, nunc vocat Carmelum, non quod idem mons esset, sed quod eadem ab utro-
que esset sumpta metaphorâ.

V. 25. EGO RODI. Præ- pro fut. Ego fodiam, & bibam aquam. Lactat poten-
tiam suam rebus difficillimis & contrariis; altera, quod in locis aridissimis possit alte
fodiendo aquas ad bibendum invenire; altera, quod fossas aqua plenas solis vesti-
gii militum exsiccare possit.

V. 26. NUMQUID NON AUDISTI. Ver-
ba sunt Dei respondentis Sennacheribo. Ex
tribus ANTIQUIS, id est ab omni æter-
nitate. EGO PLASMAVI ILLUD; id est,
decrevi ut fieret quod te fecisse gloriaris:
non enim tu auctor es istorum facinorum,
sed ego. ET NUNC ADDUXI; id est, feci
ut quod iam olim decreveram, nunc eve-
niret. ET FACTUM EST; id est, ita fa-
ctum est ut colles compugnantes, id est
munitos, aptos ad pugnam eradicares, id
est explanares, & civitates etiam munitas.
Heb. *Av non iamdiu audisti quod iam fe-
cerim*, *אמך עמך*, id est Ierolimam,
Ecclesiam; *וַיִּצְרֶנָּה*, & formaverim eam:
וְהָיָה תְּהִיבָתָהּ, nunc adducam eam; *וְהָיָה
לְהַשְׁתִּיחַת גְּלִים בָּצִיר* (id est, ut sit)
in ruinas accervorum destructorum, id
est ut redigatur in accervos ruinarum: *עֲרִיס
בְּצִיר*, civitatum munitarum: intelligitur

3 sicut; id est, ut sit in ruinas, sicut fue-
runt alix munitæ civitates, quas tu vassa-
sti. Per interrogationem legendum, ut in-
telligatur, *Non ita faciam*.

V. 27. HABITATORES EARUM (civita-
tum, quas tu expugnasti) BREVIATA MA-
NU: *יד יָדָךְ*, breviate manu, id est fracti
animo. Solent timentibus manus contrahi
& rigere, ut quodam modo breviate vi-
deantur. ET HERBA TECTORUM: Plal.
cxxxviii. *Fiant sicut scænum tectorum, quod
priusquam evellatur, exaruit*.

V. 28. HABITATIONEM. Sensus: Om-
nia tua consilia atque facta cognita sunt
mihî, id est non sunt nisi me iubente aut
permittente. Habitatio significat domestica
consilia, aut otium, vel res domi gestas.
Egressus & introitus significant facta; ut
Plal. cxx. 8. *Dominus custodiat introitum
tuum & exitum tuum*, id est omnes actio-
nes tuas. Vide I. Reg. xxix. 6. & II.
Reg. iii. 25. & III. Reg. xii. 7.

V. 29. CUM FURERES: *עַן הִרְמַךְ*,
propterea furor tuus contra me, & elatio
tua ascendis, &c. PONAM ERGO: 1 causa-
lis. CIRCULUM INNARIBUS TUIS; id est,
sicut bubalum, vel ursum iniecto circulo,
& equum iniecto freno ducam te. IN
VIA. Heb. *per viam*, PER QUAM VENI-
STI.

V. 30. TIBI AUTEM HOC ERIT SI-
GNUM. Convertit sermonem ad Ezechiam.
COMEDE. Imp. pro fut. Comesdes hoc
ANNO QUAE SPONTE NASCUNTUR: *נֶאֱדָה*,
quod nascitur ex granis quæ decidunt in
messe. ET IN SECUNDO POMIS VESCERIS
(quæ sponte etiam nascuntur.) Hebr.
וְהָיָה, quod repullulat ex messe præterita.
Quale autem hoc signum sit, dubitari po-
test. Sunt qui putent, non esse signum rei
futuræ, sed præteritæ, quibus minime qui-
dem assentior. Debet enim referri ad id
quod sequitur vers. 31. *Et misit id quod
salvatum fueris de domo Iuda, radicem*,
&c. id est, quemadmodum duobus primis
annis frumentum quod messum erat, re-
pullulabit, ita domus Iuda reliquæ in-
magnam crescent multitudinem.

V. 31. ET MITTET QUOD SALVATUM
FUERIT, ET QUOD RELIQUUM EST; id
est, reliquæ quæ ex clade ista superfuerint.
RADICEM DEORSUM: quanto maior fuit
clades, tanto maiores radices ager populus
qui superfuerit, tantoque maiores fructus,
id

id est tanto magis multiplicabitur. Metaphora ducta ex lege, quæ quo magis depascitur, eo altiores radices agit, eoque postea uberiores fructus profert.

V. 32. **QUIA DE IERUSALEM EXIBUNT**, id est prodibunt, germinabunt reliquæ. Et **SALVATIO**, id est quod saluum fuerit de monte Sion: repetitio. Comparat Ierolymam agro fato, ex quo erat populus multiplicandus; aut radici, ex qua germen proditurum erat: ceteras vero civitates Iuda herbe, quæ a Sennacherib demissa fuerat. Porro multiplicatio ista non solum corporaliter, sed etiam spiritualiter intelligenda est. *Quia de Sion exivit lex, & verbum Domini de Ierusalem*: Isai. II. 3. Ab Ierusalem enim cepta est Evangelii prædicatio: Luc. XXIV. 47. **ZELUS DOMINI**, id est studium quo populum suum, id est electos persequitur.

V. 33. **NON INTAQBIBIT**, id est nihil illi mali inferet.

V. 34. **IN VIA**: Heb. *per viam*, ut supra vers. 29.

V. 35. **PROPTER ME, ET PROPTER DAVID**, id est, tum quia ego eam amo, tum quia David me pro illa orat: sicut Ieremias iam mortuus erat pro illa, II. Mach. XI. 14. Cur ergo de David potius (obiciunt hæretici) quam de Abraham & aliis sanctis mentionem facit? Ratio est in promptu, quia etsi illi omnes orabant, tamen David, cuius ea civitas erat, quique regni caput, ceteris impensius.

V. 36. **ET ECCE OMNES**. Heb. וְכֻלָּם, & ecce omnes illi (qui percussi fuerant) *castravera mortuorum* (erant) id est, jacebant mortui.

V. 37. **ET EGRESSUS EST**: עָדָה, fugit.

V. 38. **ET FACTUM EST** (accidit) **CUM ADORARET IN TEMPLO NESROCH**. Ita idolum vocabatur: IV. Reg. XIX. 37. **PERCUSSE RUNT EUM GLADIO**. Scilicet tum, cum operam dabat maxime superstitioni suæ, ut appareret non esse religionem, sed vanitatem.

S A.

Verf. 1. **P**ROPHETAM. Sic etiam LXX. & Complut. & non, ut quidam legunt, *Propheta*.

V. 3. **CORREPTIONIS**, scilicet qua a

Deo corripimur. Chald. *approbrii*. **VENERUNT FILII**, &c. qualidicat: Accidit nobis dolor, qualis gravidæ, quæ non potest fœtum emittere. **FILII**, id est fœtus. **PARTUM**, id est parienti tempus, vel locum. Heb. *vulvam*.

V. 6. **A FACIE VERBORUM**, id est propter verba. **PUERI**, id est famuli.

V. 7. **SPIRITUM**, scilicet voluntatem revertendi in patriam.

V. 9. **AUDIVIT**; pro, audisset.

V. 14. **LIBAOS**, id est litteras. Chald. *epistolæ*.

V. 22. **DESPEXIT**, scilicet Sennacherib te, o virgo; vel, virgo te, o Sennacherib, secundum quosdam: quod mihi non probatur, etsi Heb. videantur favere. **VIRO FILIA**. Chald. *Regnum castus*, scilicet solet Regnum custodiri ut virgo. Quidam putant ita dici ob religionis integritatem. At solet Scriptura sic vocare etiam Regnum Israel idololatram contaminatum. **CAPUT MOVIT**: est id irridendum. **FILIA IERUSALEM**. Chald. *Popule qui habitas Ierusalem*.

V. 24. **IN MANU**, id est per ministerium. **LIBANI**, id est Ierusalem. **CEDRORUM**; per arbores homines intelliguntur. **SALTUM**, id est templum. **CARMELI EIVS**; quasi dicat, Fertili loco situm.

V. 25. **FODI**, scilicet pateos. **VESTIGIO PEDIS**, id est militibus me sequentibus. **AGGEREM**, id est munitos, vel inter aggeres fluentes.

V. 26. **ET**, scilicet Ierusalem. **PLASMAVI ILLUD**. LXX. *decrevi*; scilicet permittere quod nunc facis. Chald. *preparavi illud*. **COMPUGNANTIUM**, id est mihi rebellantium per peccata.

V. 27. **BREVIATA MANU**, id est viribus destituti.

V. 30. **TIBI**, scilicet o Ezechia. **POMIS**. Chald. *rematis ex illis*. LXX. *reliquiis*.

V. 31. **ET MITTET**, &c. quasi dicat, Rohorabuntur, & crescent more arborum.

V. 32. **SALVATIO**; pro, salvati; vel salutem intelligit mundo allatam inde per Apostolos. **ZELUS**, id est vehemens amor in suos.

V. 36. **EGRESSUS**, scilicet e celo vel urbe quam tuebatur.

V. 38. **ARARAT**. Chald. & LXX. *Armenia*.

E S T I I.

vers. 3. **H**AEC DIXIT EZECHIAS :
DIES TRIBULATIONIS ,
ET CORREPTIONIS , ET BLASPHEMIAE
DIEI : HAEC , QUIA VENERUNT FILII US-
QUE AD PARTUM , ET VIRTUS NON EST
PARIENDI . Notandum quod Ezechias in-
ter mala , quibus tam ipse quam civitas
& populus Dei afflictebatur , hoc etiam
commemorandum & deplorandum apud Pro-
phetam Domini Isaiam , quod praecepit Rap-
saces ut Deus blasphemaretur ab hostibus .
Dixerat enim Rapsaces Deum Israel ma-
gis liberaturum populum suum de manu
Assyriorum , quam du ceteri , qui suos cul-
tores liberare non poterant . Quam blas-
phemiam ostendit Ezechias se indignissime
ferre ; & quidem etiam tunc , quando ac-
ceptis epistolis blasphemiae plenus a rege
Assyriorum ascendit in templum , & ex-
pandit eas coram Domino ; orans ; ut tam
gravem blasphemiam velit vindicare . Ita
& catholici inter multa mala , quae ab ho-
stibus Ecclesiae patiuntur , praecipuum hoc
ducere debent , non bonorum rapinam aut
oppressiones miserorum ; sed blasphemiam
in Deum & Sanctos eius , Ecclesiarum di-
reptiones , & Sacramentorum profanationem ;
denique , quod ab illis tam multi
misere seducantur , & praecipitentur in ater-
nam damnationem . Quod additur : *quia
venerunt filii usque ad partum , & virtus
non est pariendi* , hunc sensum habet : In
tali dolore constituti sumus , qualem sen-
tit mulier in difficili partu , quando venit
foetus usque ad partum , & tamen virtus
non est pariendi .

V. 36. EGRESSUS EST AUTEM ANGE-
LUS DOMINI , ET PERCUSSIT IN CAS-
TRIS ASSYRIORUM CENTUM OCTOGIN-
TA QUINQUE MILLIA . Hic obiter nota-
da est concordia historiae sacrae cum histo-
ria profana , ne quis profanus forte suspi-
cetur hoc tantum miraculum vel a Pro-
pheta , vel a Iudaeis esse confectum . Hi-
eronymus enim in Commentario huius loci
citatur etiam duos profanos auctores Hero-
dotum & Berofum : Una nocte , inquit ,
iuxta Ierusalem centum octoginta quinque
millia exercitus Assyrii pestilentia corruisse
narrat Herodotus , & plenissime Berofus
Chaldaicus scriptor historiae , quorum fi-

des de propriis libris petenda est . Haec
Hieron . Quod autem Iudaei tradunt igne
extinctos fuisse , non repugnat : nam &
pestilentia ignis nomine frequenter signifi-
catur .

M A R I A N A E .

vers. 1. **O**BVOLUTUS , *opertus* : sic in li-
bris Regum Noiter ; sed pe-
rinde est .

V. 3. ET BLASPHEMIAE , seu *convitiis* est
dies haec .

V. 4. LEVA ERGO ORATIONEM ; pro ,
in oratione leva vocem , aut manus .

V. 6. BLASPHEMAVERUNT PUERI REGIS
ASSYRIORUM , id est servi , qui pueri vo-
cantur , quoniam ea aetas ad ministrandum
est apta . Ergo ne cures verba servorum Re-
gis Assur .

V. 7. DABO EI SPIRITUM . Heb. *dabo
in eo spiritum* , id est voluntatem recludendi
in patriam , aut eundi obviam Regi AE-
thiopiae . ET AUDIET NUNTIIUM , &c. *Nun-
tium* in neutro genere . Heb. *Et audiet au-
ditionem , & revertetur in terram suam* .

V. 11. QUAS SUBVERTERUNT REGES AS-
SUR , aut *vastaverunt* , ut in libris Regum ,
aut *exciderunt* , aut *diris devoverunt* . Id pro-
prie significat verbum *חרם* *harom* .

V. 13. REX URBIS SEPHARVAIM ubi est ?
sic Heb. *Rex civitatis Sepharvaim* . Addit
civitatis , quoniam praecipua erat inter eas ,
quas commemorat . Erat autem Assyriae
civitas .

V. 14. ET TULIT EZECHIAS LIBROS DE
MANU NUNTIIORUM : sic Hebraice , sed li-
bri pro litteris , ut ipse Hieronymus posuit
in Lib. Reg. ET LEGIT EOS . Heb. *cum* .
ET EXPANDIT EOS . Heb. *cum* ; id est , u-
namquamque illarum epistolarum , aut
eam , in qua maiora erant convitia , ex-
pandit coram Domino .

V. 19. ET COMMINUERUNT EOS . Heb.
perdiderunt : sic Noiter in Lib. Reg. scilicet
eos deos & idola perdiderunt Reges As-
sur .

V. 21. DE SENNACHERIB rogasti me :
super Sennacherib in Lib. Reg. Noiter .
Heb. *ad Sennacherib* ; sed ad sumitur pro
super , aut *contra* ; *super* , *pro ad* . Veeba
Isaiae ad Ezechiam .

V. 22. VIRGO FILIA SION , id
est Ierusalem . Urbs virgo vocatur , quia
cu-

custoditur ut virgo : sic etiam cap. xxxiii. 12.

V. 23. ALTITUDINEM OCULORUM TUORUM? Aut sic, *Leuasti* (in) *altitudinem oculos tuos*. Heb. non est regimen. Ita in Lib. Reg. Hieronymus, *eleuasti in excelsum oculos tuos*.

V. 24. EGO ASCENDI ALTITUDINEM MONTIUM. Hæc est regio Israel ceteris sublimior. *Syria Aran* Heb. dicitur ab altitudine. *IUGA LIBANI*. Heb. *latera Libani*. ALTITUDINEM SUMMITATIS EIUS. Heb. *altitudinem finis eius*. SALTUM CARMELI EIUS. Videtur ex hoc Carmelus fuisse Libano-iunctus. Aut *saltum Carmeli*, id est saltum fertile. Sæpe *Carmelus* pro loco fertili sumitur.

V. 25. ET BIBI AQUAM: in Lib. Reg. *agnus alienus*. RIVOS AGGERUM, Heb. *riuos munitionis*; id est, qui præsidium impolium habebant, eos siccaui, id est alio diueri. In libris Regum Hieronymus dixit, *agnus clausus*.

V. 26. QUAE OLIM FECERIM EI? Heb. *Numquid audiui a longe? illam feci*, pro, quid illi feci? Verba sunt Dei. De quibus in Lib. Reg. plura. IN ERADICATIONE COLLUM COMPUGNANTUM. In lib. Reg. *collum pugnatum*, in Vulgat. & Goth. id est in quibus arces & munitiones erant. Ergo illum Regem adduxi, ut eas arces euerteret.

V. 27. HABITATORES EARUM BREVIATA MANU, id est remissi, imbecilli. Septuag. *remissi manus*. Chald. *habitorum eius virtus abbreviata*. *Eius*, id est earum civitatum, de quibus est locutus. ET GRAMEN PASCUAE. Heb. *viridis herba*. ANTEQUAM MATURESCERET. Heb. *ante segetem*, id est cito perierunt. Tales fuerunt earum urbium habitatores.

V. 29. PONAM ERGO CIRCULUM IN NARIBUS TUIS. Sic ducuntur bubali circulo in naribus inferto. Alii, *ponam hamum in naribus*, id est te inlar piscis capiam, o Assur.

V. 30. TIBI AUTEM HOCERIT SIGNUM, scilicet Ezechia, quod nomen Interpres in Lib. Regum addidit. COMEDE HOC ANNO QUAE SPONTE NASCUNTUR. Sic Heb. In Lib. Regum Hieronymus dixit, *que repereris*, id est quæ habes reposita. ET IN ANNO SECUNDO POMIS VESCERE. Heb. *deciduis*, scilicet quæ ex arboribus cadunt.

Alii, *is quæ ex radicibus pullulant*. Denique propter obsidionem duobus annis sementis non erit: ex eo annonæ penuria. Tolerate ergo patienter.

V. 31. ET MITTET ID. Heb. & addet, pro, mitte radicem; hoc est, & numero & felicitate crecent, qui e tribu Iuda reliqui fuerint.

V. 32. DE IERUSALEM EXIBUNT RELIQUIAE. Aliis Iudææ urbibus vallatis, ex sola Ierusalem insitaurabitur ea natio. ZELUS, amor incensus Dei erga eam urbem faciet hoc.

V. 33. ET NON OCCUPABIT EAM CLYPEUS, id est milites.

V. 34. IN VIA. Sic Heb. pro, per viam, qua venit, revertetur, Assur scilicet.

V. 36. ET SURREXERUNT, Iudæi scilicet. ET ECCE OMNES. Heb. *omnes ipsi*, scilicet Assyrii, perierant.

V. 37. ET EGRESSUS EST. Heb. & profectus est Sennacherib.

V. 38. CUM ADORARET IN TEMPLO NESROCH. Fortassis Mars erat; nam ea vox vexillum significat. FUGERUNTQUE IN TERRAM ARARAT. Chald. & Septuag. *Armenia*. Occiso Sennacherib, eo fugerunt eius filii.

M A L V E N D A E

nulla annotatio.

M E N O C H I I

nulla annotatio.

T I R I N I.

Vers. 8. **L** Oba civitas fuit sacerdotilis, ultra Iordanem ad Occidentalem plagam, Iosue xii. 15. & cap. xxi. 13. & tempore regis Ioram simul cum Idumæa deflexit a Iuda, IV. Reg. viii. 22. LACHIS urbs erat munitissima in tribu Iuda, de qua Iosue x. 23. & Ierem. xxxiv. 7.

V. 12. GOZAM fluvius est in Media, IV. Reg. xvii. 6. cui adiacens regio videtur eodem hic nomine compellari. Idem dico de HARAM, cuius mentio fit I. Paralip. v. ult. RES PH a quibusdam in Syria, ab aliis in Arabia collocatur, inquit Arias.

Arias. Per *FILIOS EDEN* *a* intelligit Delirio *b* populos Orientales regionis amoenissimæ ac deliciosissimæ (hoc enim significat *Eden*) v. g. Mesopotamiæ, vel ei vicinæ regionis, ubi Cain habitasse legitur Genes. IV. 16.

V. 14. *TULIT LIBROS*, id est volumina litterarum, ut verit Chaldaeus: *ET EXPANDIT CORAM DOMINO*, quasi legendas illi præbens contra quem conscriptæ erant.

V. 16. *QUI SEDES SUPER ALAS CHERUBIM*, quasi in folio & throno tuo terrestri, de quo Exodi xxv. 16.

V. 22. *Quid sibi velit VIRGO FILIA SION*, alibi e dixi. Uti & *vers. 26. de collibus campugnantibus d*, id est de civitatibus Iudeæ & aliarum regionum in collibus loco edito sitis, & aduersus Assyrios concertantibus. Reliqua huius capitis exposui IV. Regum xix. & II. Paralip. xxxii.

(a) Genes. 12. 8. Ezech. xxvii. 23.

(b) Delirio in Genes. 12. 8.

(c) In Proleg. de Idiotism. Heb. n. 40.

(d) IV. Reg. xix. 25.

GORDONI.

Vers. 7. **D**EUS excitat hosti Assyrio spiritum timoris & perturbationis, ut omnia pessum eant.

V. 26. *NUMQUID NON AUDISTE*, (o Sennacherib) quod olim Deus fecerit ad protectionem populi Israelitici, & olim decreverit nunc agere contra te: ille est Deus (*vers. 29.*) qui nunc circulum in naribus tuis ponet.

V. 30. *TIBI AUTEM HOC ERIT SIGNUM*, &c. Erat in famis magno periculo Ierusalem. Isaïas promittit alimenta, libertatem & mortem Sennacherib, & hæc per triennium: vide in citato diagrammate, & in opere chron. ad annos Ezechiz xiv. xv. & xvi.

V. 33. & 36. *PROPTEREA HAEC DIXIT DOMINUS*. Prophetat de mox futuro excidio Sennacherib, & de Angelo percussore, ut textus declarat.



CAPUT XXXVIII.

Ezechias a morte sibi per Isaiam comminata liberatus, signo in horologio Achaz accepto, & promissa de manu Assyriorum liberatione, additisque ei ad vitam quindecim annis, canticum hoc gratiarum actionis Deo cecinit.

IN diebus illis (a) ægrotavit Ezechias usque ad mortem : & introivit ad eum Isaias filius Amos propheta, & dixit ei : Hæc dicit Dominus : Dispone domui tuæ, quia morieris tu, & non vives. 2. Et convertit Ezechias faciem suam ad parietem, & oravit ad Dominum, 3. & dixit : Obsecro Domine, memento quæso quemodo ambulaverim coram te in veritate, & in corde perfecto, & quod bonum est in oculis tuis fecerim. Et slevit Ezechias sietu magno.

4. Et factum est verbum Domini ad Isaiam, dicens : 5. Vade, & dic Ezechiaz : Hæc dicit Dominus Deus David patris tui : Audiui orationem tuam, & vidi lacrymas tuas : ecce ego adiciam super dies tuos quindecim annos : 6. & de manu regis Assyriorum eruiam te, & civitatem istam, & protegam eam. 7. Hoc autem tibi erit signum a Domino, quia faciet Dominus verbum hoc, quod locutus est : 8. Ecce ego reverti faciam umbram linearum, per quas descenderat in horologio Achaz in sole, retrorsum decem lineis. Et reversus est sol decem lineis per gradus, quos descenderat. 9. Scriptura Ezechiaz regis Iuda, cum ægrotasset, & convalesceret de infirmitate sua.

10. Ego dixi : In dimidio dierum meorum vadam ad portas inferi.

Quasi residuum annorum meorum. 11. dixi : Non videbo Dominum Deum in terra viventium.

Non aspiciam hominem ultra, & habitatorem quietis.

12. Generatio mea ablata est, & convoluta est a me, quasi tabernaculum pastorum.

Præcisa est velut a texente, vita mea : dum adhuc ordiret, succidit me : de mane usque ad vespertinam finies me.

13. Sperabam usque ad mane, quasi leo sic contrivit omnia ossa mea :

De mane usque ad vespertinam finies me : 14. sicut pullus hirundinis sic clamabo, meditabor ut columba.

Attenuati sunt oculi mei, suspicientes in excelsum.

Domine vim patior, * responde pro me.

15. * Quid dicam, aut quid respondebit mihi, cum ipse fecerit ?

Recogitabo tibi omnes annos meos in amaritudine animæ meæ.

16. † Domine si sic vivitur, & in talibus vita spiritus mei, corripies me, & vivificabis me. 17. Ecce in pace amaritudo mea amarissima :

Tu autem eruisti animam meam ut non periret, proiecisti post tergum tuum omnia peccata mea.

18. Quia non infernus confitebitur tibi, neque mors laudabit te : non expectabunt qui descendunt in lacum, veritatem tuam.

19. Vivens vivens ipse confitebitur tibi, sicut & ego hodie: pater filiis notam faciet veritatem tuam.
20. Domine salvum me fac, & psalmos nostros cantabimus cunctis diebus vite nostrae in domo Domini.
21. Et iussit Isaias ut tollerent massam de ficis, & cataplasmaient super vulnus, & sanaretur.
22. Et dixit Ezechias: Quod erit signum quia ascendam in domum Domini?

(4) IV. Reg. xx. 1. II. Par. xxxiv. 49.

B R U G E N S I S

ROMANAE CORRECTIONES.

- Verf. 14. *Responde pro me.* Non facile scribas simplex *sponde*, pro composito *responde*.
- Verf. 15. *Quid dicam, aut quid respondebit mihi cum ipse fecerit?* Nec omittas posterius *quid*, nec veritas in masculinum *quis*. Adhuc ut primae personae pronomen *mibi*, non est commutandum cum secundae *tibi*; ita nec tertiae personae verbum *fecerit* cum primae *fecerim*: haec enim menda sunt in quibusdam codicibus.

LECTIONUM VARIETAS.

- Verf. 16. *Domine si sic vivitur.* Multi codices omittunt conjunctionem conditionalem *si* non absque verisimilitudine, quod docent Notationes nostrae.

NOTATIONES.

- Verf. 14. **D** *Onine vim patior, responde pro me.* Duo Parisiensium codices; Vet. Ge. p. & Compl. legunt *spondae pro responde*. Ad eum modum ex nostris codicibus nonnulli emendati sunt, nonnulli in margine scribunt. Ad eundem modum Lirani in correctis esse libris docet: vitiose enim excusum *responde pro spondae* circumstantia testantur. In glossa interliuere scriptum est: *Vel sponde idem est.* Annotant Dominicani, & Epanorthotes secundum Haymonem, & Hieronymum legendum *sponde*. Haymo utramque lectionem explicat: exposito primum *sponde*, subnectit, „vel ita ut quidem codices habent: Si quid erravi, ut convertar „ad thesaurum, tu responde pro me; id est sis „mihi quasi fides iussor, & accipe me in „fide & protectione tua.“ Apud Hieronymum non invenio *sponde*: tam in commentariis, quam in textu *est responde*: & usque

adeo non evincit Hieronymi commentarius, *sponde* legendum esse, ut Haymo alteram explicaturus lectionem *responde*, Hieronymi commentario sit usus, qui hoc habet modus: „Sed & si quid erravi, convertar ad me „lius, tu responde pro me.“ Plerique omnes libri tum scripti, tum impressi, *responde* habent. Hebraice est verbum **עֲנֵה** quod *fide iubere* seu *spondere* significat. Quare si retinendum est *responde* pro simplici *sponde* accipiendum est; id quod Epanorthotes probatur, cuius haec animadversio est: „Sponde „de secundum Hebraicum, & Hieronymum, „& Haymonem; sed secundum antiquos *responde* „pro me, quae est littera communis; „& videtur *responde* accipi pro *sponde* iuxta „usum...“ Eo autem verisimilius sit verum esse, *responde* quod hic respectans, probabile est; deinceps verterit Interpres, *Aut quid respondebit mihi, cum ipse fecerit?* quamquam non sit idem utrobique in Hebraeo verbum.

Verf. 15. *Quid dicam, aut quid respondebit mihi, cum ipse fecerit?* Christophori Plantini manuscriptum, quod angustum nominamus, *Aut respondebit mihi* habet: omittit, tamen in margine sit notatum, posterius *quid*; quod Hebraice quidem non legitur; sed cum in plerisque omnibus sit nostrae editionis exemplaribus, puto esse ab Interprete ut clarior esset sententia, repetitum. Nonnulli scribere: *Aut quis respondebit mihi*, quod Interpretis non est: corrigens enim Interpretis sententia Ezechias, quod Deo dixerat *Responde pro me*, ait: *Quid respondebit pro me Deus, qui ipse fecit?* Codex unus habet: *Aut quis respondebit tibi duplici mendo.* Complura exemplaria *fecerim* pro *feceris* legunt cum ipse fecerim. 18. Hentenii, viginti octo notata: quibus D. Bernardus sermone in Cant. 81. Porro antiqua Dominicanorum antigrapha, antiqua Epanorthotes, & nostra alicui fecerit tertia persona servant: quibus S. Hieronymus.

nymus ad stipulatur : „ Rursusque, ait, in se
„ revertitur: Quid dicam, quidve caufabor, con-
„ tra te factorem meum? aut quid mihi respon-
„ debit, qui fecit ipse quod voluit? Sustinenda
„ ergo sunt quaecumque decreverit. Consonant
„ posteriores enarratores Haymo, Glossæ ordi-
„ nariz Auctor, Thomas Lyranus, Richelius.
„ Carenis utrumque exponit. Suffragantur He-
„ braici libri, quibus legitur וְהוּא עָשָׂה

ipse fecit : Et Chaldaica paraphrasis, וְהוּא
עָשָׂה (וְהוּא) *ipse* (& ecce R.) *multi-*

plicavit beneficia ad conferendum in me. Con-
sentit 72. translatio, quæ in Hieronymi qui-
dem Latine, in Bibliorum autem Compluten-
si, & Regia editione Græcæ, & Latine habet, &
אַרְבַּע עֶשְׂרֵי, & *ipse fecit.* Vaticanus codex
ut nobis quidem signatus est, scribit & אַרְבַּע
עֶשְׂרֵי, & *ipse fecit.* In Aldino, Ar-
gentoratensi, & Basileensi exemplaribus pars
illa desideratur.

*Recogitabo omnes annos meos in amaritudine
anime meæ.* Exemplar M. N. Hunnzi L. li-
tera notatum habet, *reputabo*, quæ Hierony-
mi commentarius scriptura est. Haymo ad
eundem modum exponit *re cogitabo.* Plu-
rimi codices addunt pronomen tibi, *Recogi-
tabo tibi omnes* &c. quod quidem etiam Hay-
mo legit : sed Hieronymus haud agnoscit. An-
tiqui Epanorthotæ libri, sex Stephani, & se-
decim nostri iugulant, quibus Hebræa patro-
cinantur. Quare castigatores Dominicani,
Hentenius, & Parisienses merito textu ex-
pulere.

Verf. 16. *Domine si sic vivitur.* Ita codi-
ces plerique legunt. Porro quidam omittunt
si, habent *Domine sic vivitur*, antiqui Epa-
northotæ, duo Hentenii, tres Parisiensem

Vet. Ge. o l. m. duo nostri Pl. m. Leod. In
patrum Hieronymi, & Haymonis enarratio-
nibus legitur *si sic* : verum nisi *si* tollatur,
non satis apte constant : hæc Hieronymi e-
narratio est : „ Et quia iam securus est, nec
„ patitur quæ refert, de humano statu phi-
„ losophatur, & dicit : Domine (si) sic vi-
„ vitur, & tali sumus conditione generati : cor-
„ rumpisti me, sed vivificasti me. „ Ista Hay-
„ monis : „ Nihil tamen novum, nihil ac-
„ cidit mihi contra naturam humanæ fragi-
„ litatis : quia (si) sic vivitur, id est, tam
„ fragilis & caduca est humana fragilitas, *Es*
„ *in talibus est vita spiritus mei*, id est, ta-
„ li sum ego, atque omnes homines conditio-
„ ne generatus. Et per tuam gratiam delin-
„ quentem *corripies me* ; quia quis est filius,
„ quem non corripit Pater? & per gratiam
„ eandem *vivificabis me*, reddendo vitam cum
„ sanitate. „ Videtur & Dionysius Richelius,
quamquam recentior solummodo sic legisse.
Carenis huius lectionis meminit. Hebraice
est וְהוּא עָשָׂה יְהוָה quod hodie fere ver-

tunt : *Domine ultra hos* (scilicet annos) *vi-*
vent. Noster Interpres intellexisse videtur ;
Domine in his, vel *eum his vivens* (sic enim
veritas licet) id est, in huiusmodi afflictioni-
bus & miseriis hominis vita agitur ; id quod
sit non *Domine si sic vivitur*, sed *Domine sic*
vivitur, quem legendi modum probant For-
terius, Iansenius, Parisienses, & Epanor-
thotes. Secundum Hebræum notat Epanorthot-
es, & antiquos *Domine sic vivitur* : non est
ibi *si sic* vel *si sic*. *Domine sic vivitur*,
cuius insuper lectionis Epanorthotes meminit,
legunt 4 ex nostris codicibus, sed minime
præstantes illi.

COMMENTARIA

MALDONATI.

Verf. 1. IN DIEBUS ILLIS, id est post ob-
sidionem, ut coniectura est :
nam tempore obsidionis, tanquam de ho-
mine sano Propheta de illo loquitur. R.
Solomoh putat prius ægrotasse, quam ob-
sideretur propter verf. 6. Ceterum illud
manifestum, eodem anno quo obsessus fue-
rat, ægrotasse. Obsessus enim est anno 14.
regni sui, regnavit viginti novem : IV.
Reg. xviii. 2. Additi autem illi sunt
quiddecim anni : quos si demas, reliquum
erit cum anno xiv. ægrotasse. DISPONE :

Bib. Sac. Tom. XVII.

17, *præcipe* ; id est, condi testamentum,
vel commenda domum tuam alicui.

V. 2. ET CONVERTIT : ut scilicet aver-
sus ab hominibus attentius oraret.

V. 3. IN VERITATE, id est sincere,
non simulate. ET CORDE PERFECTO, id
est non ficto animo : idem est, in verita-
te & in corde perfecto. Ponit Deo ante
oculos sua merita non arroganter, sed
simpliciter, sicut Iob & David sæpe fa-
ciunt.

V. 5. DAVID PATRIS TUI. Propterea
nominat Davidem potius quam ullum al-
ium, quia illi promissio facta fuerat de-

S

regni

regni perpetuitate. SUPER DIES TUOS, id est quos victurus eras, considerata morbi natura. Hinc apparet solvere Deum aliis vitam propter peccata contrahere, aliis propter merita prorogare præter naturæ legem.

V. 6. DE MANU REGIS ASSYRIORUM. Probabile est quod R. Selomoh & alii dicunt, Ezechiam ante obsidionem ægrotasse: sed prius a Propheta obsidionem quam ægrotationem narrari. Qui contra sentiunt, respondere possunt, hanc promissionem non esse intelligendam de obsidione illa; sed de alia qua posset iterum vexari.

V. 8. UMBRA LINEARUM, id est per lineas per quas descendit הסעלות horologii: quæ (umbra) descendit IN HOROLOGIO ACHAZ IN SOLE, id est quod est ad solem: PER DECEM GRADUS, id est decem horas retrogredi. Unde aliqui colligunt diem illum viginti horis auctum fuisse, quod sol per decem horas retrocesserit, & per alias decem processerit: sed mihi verosimilius videtur solem momento temporis retrocessisse per decem lineas. Vocatur autem horologium Achaz, quod Achaz pater Ezechiaz illud fortasse fecisset.

V. 10. EGO DIXI; id est, cogitavi apud me, persuasum mihi habui fore ut moreretur, habui mortem animo conceptam. IN DIMIDIO, id est in dimidiatione annorum meorum, cum mihi dimidia pars annorum vitæ meæ succisa esset: כרסתי, in excisione. Fuerat enim Ezechiaz dimidiata vita, id est dimidia parte abbreviata per morbum, ex quo convaleuit. VADAM AD PORTAS INFERI, id est moriar. QUÆSIVI, id est requisivi, desideravi residuum, id est mediam partem annorum meorum: פקדתי, privatus sum residuo annorum meorum; quasi dicat, Vidi me dimidia vitæ parte, quæ mihi supererat, privatum, cum ægrotarem.

V. 11. DIXI, id est existimavi me non visurum Dominum Deum, id est opera Domini, aut cultum Domini, aut templum, aut arcem. IN TERRA VIVENTIUM, id est in hac vita. ET HABITATOREM QUIETIS, id est terræ, in qua homines requiescunt. Heb. עַם יֹשְׁבֵי אֶרֶץ, cum habitatoribus temporis, id est huius sæculi, huius mundi.

V. 12. GENERATIO MEA, id est vita mea, ad quam generatus sum: דור, pe-

reginatio mea, vel habitatio mea in hoc mundo, quod valde convenit cum habitaculo pastoris, quod uno die figitur in uno loco, alio in alio. PRAECISA EST, שְׁתִּיב, succidi sicut textor vitam meam; id est, sicut textor solet subito filum abruptere aut scindere. DUM ADHUC ORDER (telam) SUCCIDIT ME (Deus,) id est, dum adhuc essem in principio ætatis meæ, מדרה, agitudine succidit me (Deus.) DE MANE, מִיּוֹם, a die usque ad noctem, id est, singulis diebus cum ægrotarem, putabam fore ut non pervenirem ad noctem, vel non certo credebam, ut intra unum diem finire vitam meam. Apostrophe ad Deum.

V. 13. SPERABAM USQUE AD MANE. Cum nox, ante quam me moriturum putabam, venisset, rursus spem meam usque ad matutinum tempus extendebam. Heb. שְׁתִּיבָהּ, ponebam, constituēbam (mihi vitæ terminum) usque ad mane. QUAST LEO SIC CONTRIVIT (Deus, vel morbus) OMNIA OSSA MEA: & rursus (sub. dicebam) DE MANE USQUE AD VESPERAM FINIES ME. Ex hoc loco aliqui argumentantur Ezechiam duos dies, alii unum diem cum dimidio ægrotasse: quod fortasse verum est, sed tamen non video quomodo ex hoc loco colligatur. Possunt enim hæc verba, De mane usque ad vesperam, non certum diem, sed distributionem significare, id est singulis diebus dicebam, Hodie finies me.

V. 14. SICUT PULTUS HIRUNDINIS: כִּסּוּס עֵנָב, sicut grus & hirundo (intelligitur enim ו: ut ait R. David.) SIC CLAMABO: fut. pro præter. imperf. sic clamabam, id est gemitbam, conquirebar, ET MEDITABAR, id est ingemiscebam UT COLUMBA. ATTENUATI SUNT, id est infirmati oculi mei (sub. & dicebam) DOMINE VIM PATIOR, id est non possum morbo resistere, non possum ferre. עֲשֵׂה לִי, vim mihi facit (morbus) id est, opprimit me: עֲרַכְנִי, fideiube pro me; id est, interpone fidem tuam ne me abripiat, sicut cum aliquis in carcerem rapitur, dato fideiussores liberatur. Atque hoc sensu vertit noster Interpres. Dixit enim respondere pro fideiube, sicut Galli loquuntur. Alii, quiescere me fac: alii, recrea me: alii, libera me.

V. 15. QUID DICAM, id est, quid est quod

quod quaeram de illo. ET QUID RESPONDEBIT
MIHI; id est, quomodo promittere se fidei suum
pro me, CUM IPSE FECERIT, (sic enim
legendum, non solum quia Hebraice ita
est, sed etiam quia emendationis codicis
apud Latinos ita habent, id est, cum ip-
se auctor fuerit infirmitatis meae. Heb. a-
lius etiam sensus esse potest, מה אמר, *Quid
dicam*; id est, quid est quod a Deo
petam fanitatem, ואמר לי ויהי עמי, *Et
dixit mihi, Et ipse faciet*: id est, quem-
admodum prae dixit mihi per Prophetam
fore ut morerer, ita ipse efficiat, ut mori-
ar. Vel cum ego nescirem iam quid di-
cerem prae magnitudine morbi, dixit mi-
hi per Prophetam fore ut convalescerem,
& ut dixit, ita faciet. RECOGNOSCE TI-
BI OMNES ANNOS MEOS; id est, compu-
tabam omnes annos quos vixeram, cum
agrotarem, propter amaritudinem animae
meae: vel, acceptos tibi referam omnes
annos meos, cum non fine animi mei do-
lore recordatus fuero infirmitatis meae pra-
teritae. Heb. מוֹדוּ מעוברות omnes annos
meos; id est, quoties recordatus fuero tuo
tempore vitae meae, quanto ex pericu-
lo liberatus sum, prae dolore contriti-
scam.

Ps. 16. DOMINE SI SIC VIVITUR, id est utique sic vivitur: si, apud Hebræos aliquando affirmantis est, aliquando etiam curantis, ut sæpe adnotavimus; id est, hæc est humanæ vite conditio, ut huiusmodi miseris obiecta sit, & in his periculis vita spiritus mei consistit; id est, vita qua spiro, vel spiritus quo vivo, per hyppallagen. CORRIPIES ME; id est, ut aliquando corripis me morbo, aliquando fames: vel, Domine, si sic vivitur; id est, si tanto cum dolore, tantisque in miseris vivendum mihi est, corripies me, ET VITIFICABIS ME; id est, si me occideris, dabis mihi vitam: fut. pro imp. mors mihi vita erit, ut dicebat Ionas cap. tv. 8. *Melius mihi mori quam vivere.* Hic sensus quem noster Interpres videtur exprimere voluisse, multo mihi magis probatur, quam omnes Hebræizantium interpretationes; neque alienus est a verbis Hebræicis, ut quidam putant: nam quavis Hebræice non legatur דַּם נִי, tamen ex ipsa verborum connexionne facile potest intelligi. Potest etiam esse sensus affirmativus: Domine, in his vivitur, עֲלֵי־יָמַי.

☉ in his (consistit) VITA SPIRITUS MEI ,
propterea tu , CORRIPIES ; id est , pro tuo
arbitrio potes me vel occidere , vel excitare .

V. 17. ECCE IN PACE; id est, cum in pace mihi esse viderer liberatus a Sennacherib, AMARITUDO MIHI AMARISSIMA; id est, maior morbi calamitas supervenit, ex qua etiam liberali me, oblitus peccatorum meorum. Hoc est quod dicit, TU AUTEM ERUISTI, &c. ET PROIECISTI POST TERGUM. TUUM OMNIA PECCATA MEA. Heb. וְאַתָּה שָׁקַט נֶפְשִׁי מִסַּחַר בְּרִי, tu autem liberali (aut, tibi autem liberare placuit) animam meam de corruptione (aut de fovea) conumptionis.

V. 18. QUA; id est, propterea me a morte liberasti ut laudarem te. NON ENIM INFERNUM; id est, mortui, qui in inferno sunt, confitebuntur tibi, id est laudabunt te. NEQUE MORS. Repetitio, id est mortui. Similis sententia Plal. vi. 6. Quoniam non est in morte qui memor sit tui, in inferno autem quis confitebitur tibi? & Plal. cxlii. 17. Non mortui laudabunt te, Domine, neque omnes qui descendunt in infernum. Quibus locis incepte Hæretici abutuntur ad refellendam Sanctorum intercessionem. Non vident eodem argumento probari posse, neque Sanctos in celo Deum laudare, neque damnatos in inferno illius meminisse. Intelligenda igitur hæc omnia sunt accommodata ad id de quo agitur, quod mortui non laudent Deum, id est non agant illi gratias pro conservatione vitæ, proque aliis novis beneficiis, sicut viventes. NON EXPECTABUNT; id est, non sperabunt in veritate tua, id est in tua misericordia, non habebunt materiam sperandi in tua misericordia, quemadmodum viventes qui in miseris versantur. QUI DESCENDUNT IN LACUM, id est in infernum.

V. 20. DOMINE SALVUM ME FAC. Hcb. יְהוָה יִשְׁלַח יָדוֹ וְיִרְצֵנִי *Domine ad salvandum (presto est)* aut, *Domine ad salvandum me (adeflo.)* ET PSALMOS NOSTROS: וְנִשְׁנְאוּ *& psalmos meos*; id est, hunc ipsum psalmum, quem ego in gratiarum actionem composui. CANTABIMUS, non solum ego, sed ego cum aliis. IN DOMO DOMINI, in templo, publice, coram omni populo, ut omnes tua in me beneficia cognoscant.

V. 21. ET IUSSIT ISAIAS וְצִוָּה יְשַׁעְיָא
S 2 cit.

est: prius enim iusserat Isaias hoc remedium adhiberi, & prius Ezechias sanatus fuerat, quam hunc Psalmum componeret. Itaque clarius verti potest: **אמר**, dixerat Ezechias: Tollant massam ficuum, & alligent vulneri, & vivet: **ויחי**. Hinc colligitur Ezechiam peste laborasse. Quod autem Isaias iussit massam ficuum adhiberi, alii putant tamquam remedium naturale adhiberetur: saepe enim Deus miracula perfecit appositis rebus naturalibus. Sicut Christus Ioan. ix. 7. iussit caecum lavari in natatorio Siloe, & sanatus est. Alii existimant massam ficuum non fuisse salubrem ulceri, sed potius contrariam; ut ea re declararet curationem non esse naturalem, sed divinam. Sicut Christus curavit luto caecum Ioan. ix. 6. & Eliseus sale, quo omnes res steriles fiunt, steriles aquas fecundas effecit: IV. Reg. ii. 21. atque hoc mihi videtur esse probabilius.

V. 22. **ET DIXIT**: **ואמר**, & dixerat Ezechias: Quod erit signum: debet enim referri ad tempus illud plusquam perfectum, quo Ezechias graviter aegrotans audiverat a Propheta fore ut convalesceret, & quindecim praeterea annos viveret: sup. vers. 5. Dixerat enim Isaias Ezechiae, sive ut die tertio ascenderet in domum Domini: IV. Reg. xx. 5. & petivit Ezechias signum, ibidem vers. 8. propositaque illi est optio, velletne ut ascenderet, an ut descenderet umbra in horologio, vers. 9. quae omnia Isaias praeterivit.

S A.

Vers. 1. **USQUE AD MORTEM**, id est lctaliter. **MORIERIS**. Comminatio est, non absoluta denuntiatio.

V. 2. **PARIETEM**. Chald. *parietem domus sanctuarii*.

V. 3. **IN VERITATE**, id est sincere, non simulate.

V. 4. **ACHAZ**. LXX. *patris tui*. **LITNIS**. Chald. *horis*. **SOL**, id est umbra solis, ut supra, vel sol ipse etiam regressus est. Vide IV. Reg. xx.

V. 9. **SCRIPTURA**. LXX. *oratio*, scilicet conscripta suit.

V. 10. **DIXI**, scilicet cum aegrotarem. **QUAESIVI**; id est, optavi. LXX. *relinquam*.

V. 11. **DOMINUM**, id est Domini

templum, vel opera. **QUIETIS**, id est cum quiete.

V. 12. **GENERATIO**, id est vita: sic enim vocatur vitæ unius tempus; vel quasi dicat, Filiis careo. LXX. *defecti a cogitatione mea*. **CONVOLUTA**, id est subverta. LXX. *recessit*. **ORDIRER**, id est texerer. **SUCCIDIT**, scilicet textor Deus.

V. 13. **AD MANE**, id est diutius, scilicet me victurum. **CONTRIVIT**, scilicet Deus, vel morbus.

V. 14. **CLAMABO**; pro, clamo, vel clamabam. **MEDITABOR**, id est gemo, vel gemebam. **IN EXCELSUM**, scilicet ad Deum. **RESPONDE**; quasi dicat, Descende me. Heb. & Complut. *sponde*. Chald. *fac quod oro*.

V. 15. **FECERIT**, scilicet quæ patior.

V. 16. **Si SRC**, &c. quasi dicat: Si talis est humanæ vitæ conditio, ut corripas, id est castiges, & vivifices, ecce amara est.

V. 18. **INFERNUS**. Chald. *qui habitant in inferno*. **LACUM**. Chald. *lacum perditionis*. **VERITATEM TUAM**, id est tuarum promissionum impletionem. LXX. *misericordiam tuam*. Chald. *salutare tuum*.

V. 19. **VERITATEM**. LXX. *institiam*.

V. 21. **IUSSIT**; pro, iusserat antea. **CATAPLASMARENT**, id est emplastrum imponerent.

V. 22. **DIXIT**; pro, dixerat. **DOMINI**, scilicet & datum est id, de quo supra.

E S T I I.

Vers. 9. **SCRIPTURA EZECHIAE REGIS IUDA, CUM AEGROTASSET**, &c. Et postea v. 12. **GENERATIO MEA ABLATA EST, ET CONVOLUTA EST A ME QUASI TABERNACULA PASTORUM**. Sentius est: Vita mea ablata est, & convoluta, quomodo convolvi, & transferri solent tabernacula pastorum. Pastores enim in calidis regionibus tabernacula circumferunt contra æthum; & quoties mutant pascua, convolvunt tabernaculum, & alio transferunt. Ita, inquit Ezechias rex, convoluta quoque est vita mea. In nomine autem generationis potest quoque non improbabiler aliquid amplius intelligi. Ezechias scilicet nondum habebat successorem, quando in hanc infirmitatem incidit,

dit, quia Manasses nondum natus erat; quod ita ostenditur: Ezechias vixit quindecim annis post hunc morbum: patet IV. Regum xx. Manasses autem regnare cepit post mortem patris cum esset duodecim annorum, ut dicitur in eodem libro quarto Regum cap. sequenti, id est xxi. igitur natus est Manasses post hunc annum anno tertio. Quod ergo ait: *Generatio mea ablata est*, sic intelligi potest: Filium non habeo, & ecce iam morior, & tollitur omnis spes posteritatis meae, neque promissus ille Messias ex posteritate David ex me nasciturus est, ut speraram. Nempe pii reges Iuda solliciti erant de posteritate; sperantes Christum ex ipsis nasciturum; sicut & per Ezechiam natus est, ut patet Matth. 1. Quod si Ezechias sine sobole mortuus fuisset, iam per aliam stirpem ex Davide nasciturus fuisset Christus Messias promissus.

V. 14. DOMINE VIM PATIOR, RESPONDE PRO ME: QUID DICAM, AUT QUID RESPONDEBIT MIHI, CUM IPSE FECERIT? Pridem quidam codices corrupte legebant in prima persona, cum ipse fecerim; sed Sixtina recte confirmat lectionem in tertia persona; & sensus est: Domine gravissime affligor vehementia morbi, vim patior, ut sustinere nequeam, *Responde pro me*; id est, suscipe patrocinium meum, mitiga dolorem; & haecenus quidem ut homo fragilis. Sed ecce, deinde reprehendens suam velut impatientiam, subiungit: *Quid dicam*; quasi dicat: Causabor ne contra Deum factorem meum, quasi vim ab eo patiar? *Aut quid respondebit mihi, cum ipse fecerit?* ac si dicat: Ipse Deus est, qui fecit; qui certo consilio hunc morbum immisit: igitur patienter tolerandum est, donec ei placeat quod immisit, auferre. Simile est illud Psalmi xxxviii. *Obmutui, & non aperui os meum quoniam tu fecisti.*

MARIANAE.

Verf. 1. DISPONE DOMUI TUAЕ. Heb. *praeceptum domui tuae*, id est testamentum conde. Hieronymus in Lib. Regum sic dixit, scilicet *praecepte*: sic Chald. Sept. *dispone*.

V. 8. REVERTI FACIAM UMBRAM LENEARUM. Heb. *umbram graduum*: sic horologium vocatur, quod umbra singulis ho-

ris singulos gradus descenderet. Chald. *umbram lapidis horarum*. IN HOROLOGIO: ACHAZ. Sic vocabatur, quod is Rex fecisset illud. DECEM LINEIS. Heb. *decem gradibus*.

V. 9. SCRIPTURA EZECHIAE; scilicet precatio de scripto concepta haec est. Canticum in actionem gratiarum ab concessam ex eo morbo sanitatem. Septuag. *Oratio Ezechiae*. Hoc. Canticum non est in Libris Regum.

V. 10. EGO DIXI: cogitavi, credidi. IN DEMEDIO, id est in media aetate moriar. Septuag. *in excelsu*. Chald. *in mare*; alii, *in exultatione*, cum dies mei praescinderentur morte, scilicet immatura. VADAM AD PORTAS INFERT, id est sepulcri. Moriar haud dubium. QUAESEVI RESIDUUM ANNORUM MEORUM, id est desideravi, ablati sunt anni qui supererant. Heb. *privatus sum residuo annorum meorum*. Verbum *תפד* pakad polysemon est.

V. 11. ET HABITATOREM QUIETIS NON ASPICIAM. Heb. *habitatore temporis*, id est saeculi: homines vivos non aspiciam, non verborum cum eis, cum mortuis agam. *Habitatorem quietis* vocavit eum, cui prospere & ad votum res fluunt. Non videbo homines felices, aut sanctos, ut Hieronymus explicat, neque cum eis agam.

V. 12. GENERATIO MEA. Septuag. *defeci a cognatione mea*. Ita generationem sumit pro cognatis. Vox *דור* multa significat. Ego sic verto: *Peregrinatio mea recessit*. *Peregrinatio* pro *vita*, nec discrepat Vulgata. CONVOLUTA EST A ME, aut *incurvata a me*. PRAECISA EST VELUT A TEXENTE. Sic Chald. Heb. *praeclidi* velut *textor*. *Praeclidi*, pro, *praeclisi* est, velut (a) *textente*, qui solet telam, antequam sit absoluta, praescindere. DUM ADHUC ORDINER, id est initio vitae, sub ipsa principia. Heb. *pra macie*, aut *pra morbo succidit me*: ea macies fuit causa telam praescindendi. DE MANE USQUE AD VESPERAM. Heb. *de die usque ad noctem finies me*. Morbus erat ita gravis, ut diem integrum victurum me non putarem.

V. 13. SPERARAM USQUE AD MANE. Heb. *agnabam* (id est aequo animo ferebam, expectabam) *usque ad mane*; id est, cum intra primum diem me moriturum putarem, vixi tamen usque ad initium sequentis, sed inter magnos cruciatus: id significat.

eat quod addit: *Quasi leo sis contrivit omnia ossa mea.* DE MANE. Repetit quod dixerat, significans eo etiam secundo die de vita desperasse, se ad noctem victurum non putabat.

V. 14. Sicut pullus hirundinis Heb. sicut grus (&) hirundo, aut sicut anser (&) hirundo. Possunt etiam Hebraica sic verti, tinctis Aquile & Symmachi interpretationibus, quas Hieronymus affert, sicut equus clausus: huius enim, praesertim si pabulum desit. Chald. sicut hirundo capta garris. Ita *גח* *gaghar* significabit capere aut claudere. Ergo sicut pullus hirundinis, SIC CLAMABO; pro, clamabam, cum scilicet is pullus in nido eicam peti. Heb. sic garrubam, id est gemebam. MEDITABOR UT COLUMBA. Heb. gemebam ut columba. ATTENUATI SUNT OCULI MEI, SUSPICANTES IN EXCELSUM. Heb. Elevati erant oculi mei in excelsum; e caelo tantum opem expectabam. DOMINE VIM PATIOR. Heb. vim facis mihi, scilicet morbus, RESPONDE PRO ME: opem mihi ferto. Heb. quiescere me fac, scilicet sedato morbo. Regia, sponde pro me.

V. 15. QUID DICAM, AUT QUID RESPONDEBIT MIHI. Heb. quid dicam, & dicet mihi, scilicet Deus? pro, & quid dicet mihi? CUM IPSE FECERIT? id est, Deus morbum miserit. Heb. & ipse fecit, pro, cum ipse fecerit. RECOGITABO, id est que deliqui, ut me poeniteat. Heb. Incedam omnibus annis meis in amaritudine animae meae, scilicet quod Deum mihi iratum sentiam: sententia non alia.

V. 16. DOMINE SI SIC VIVITUR, id est si ex conditione vivimus, ut morbis obnoxii sumus. ET IN TALIBUS. Repetio. CORRIPIES ME, ET VIVIFICABIS ME. Reliquum est, ut postquam me afflixeris, rursum liberes. Heb. Domine ultra ipsos (scilicet annos) vivens (scilicet te prorogante vitam, ut tecum fecisti) & omnibus in ipsis vita spiritus mei (mihi quoque id beneficium contulisti) sanabis me, & vivificabis me; pro, sanando, & vivificando me. Dura locutio, nostra planior.

V. 17. IN PACE, id est in flore ætatis. AMARITUDO MEA AMARISSIMA, id est morbus me oppressit. TU AUTEM ERUISTI ANIMAM MEAM, id est vitam meam. Heb. & tu voluisti (eruiere) animam meam. UT NON PERIRET. Heb. e fovea corruptionis, id est e sepulcro.

V. 18. QUA NON INFERNUS; quasi dicat: Ideo peperciit mihi, ut te laudem: neque enim sepulcrum, id est mortui te laudabunt. David Psal. cxxii. 17. Non mortui laudabunt te, neque omnes qui descendunt in infernum. NEQUE MORIS LAUDABIT TE, id est mortui. Repetio. IN LAECUM. Heb. in puerum, in iocundam, id est sepulcrum qui descendunt. VERITATEM: promissionum scilicet tuarum non expectabunt.

V. 19. CONFITEBITUR, id est laudabit te vivens. PATER FILIIS si vixerit, mortuus non poterit filios insinulare, neque iis ostendere veritatem tuam, promissionum tuorum fidem. Septuag. pro, veritate, iustitiam tuam.

V. 20. DOMINE SALVUM ME FAC. Septuag. Domine salutis mea. Heb. Domine ad salvandum me. Sed infinitivus pro imperativo sumi potest, ad salvandum, pro, salva: aut & sit nota genitivi, & infinitivus pro nomine, ut Septuag. acceperunt. Ad salvare, pro salutis mea.

V. 21. SUPER VULNUS. *שחין* *Selin*, ulcus ex calore significat, uti alio loco dictum est, Iob ii. 7. Fici quoque sunt calidi. Eo miraculum maius, quo remedium ex le inopius.

V. 22. ET DIXIT EZECHIAS; pro, dixerat. Hi duo postremi versus non debent post versum 6. ut constat ex Lib. IV. Regum xx. 7. Nec credere debemus, praeter horologii signum iam positum, novum nunc signum Ezechiam petere.

M A L V E N D A E.

Vers. 8. **E**CCE EGO REVERTI FACIAM UMBRAM LINEARUM, PER QUAS DESCENDERAT IN HOROLOGIO LINEIS. ACHAZ IN SOLE, RETRORSUM DECEM LINEIS. Alii ex Heb. I. Ecce ego reverti facio umbram graduum, quibus descenderat in horologio Achaz in sole retrorsum decem gradibus. II. Ecce ego reduco umbram graduum, quos descenderat, gradibus Achaz, in sole retrorsum decem gradibus. III. Ecce ego reduclurus sum umbram graduum illorum, qua descendit gradibus Achaz solaribus; id est, qui gradus descripti sunt in horologio solario Achaz, retrorsum decem gradibus: vide in II. Reg. xx. 9. 10. & 11. PER QUAS DESCENDERAT. Heb. quibus descendit. Alii:

que

quæ descendit. Hebraice umbra est masculinum, descendit femininum; unde non apte constituitur cum umbra: aptius cum sole, qui est interdum feminei generis, & subaudiendus ex verbis proxime sequentibus.

V. 9. SCRIPTURA EZECHIAE REGIS. Heb. in dativo: Scriptum, id est psalmus, canticum ipsi, Chizkii regi; id est, quod conscripsit, seu composuit rex Chizkia. ET CONVALUISSET. Heb. & vixit, id est revixit, revaluit, ut Numeror. xxi. 8. Hæc inscriptio, ut notant, argumentum sequentis Cantici exponit: primum enim docet Chizkiam quid tecum Deus egerit, & ipse cum Deo quo tempore decumbat, usque ad vers. 15. deinde sanitatem a Deo receptam narrat, fidemque in ipsum, & immortales gratias proficitur, ad finem usque Cantici.

V. 10. EGO DIXI. Alii: Ego dicebam; id est, sic stantebam apud me, seu cum animo meo. Observant priorem hanc narrationis partem exponere cum expostulationem Chizkii cum animo suo, qua intempestivam esse mortem sentiebat apud se, & habenda prolixo desiderio ex promissione Dei tenebatur, quatuor versibus; deinde postulatam a Deo, vers. 14. IN DIMIDIO DIERUM MEORUM. Vocem ידמי demi, varie exponunt: in excisione, rescissione, silentio, quiete, cessatione, præcissione dierum meorum; id est, cum viderem præcindi, rescindi, decurtari, cessare dies meos. Qui dam reddunt, in dimidura dierum meorum; id est, cum domantur & confunduntur, vel conciduntur dies mei. Alii: rescissus, diebus meis. Hispanicus Interpres: en el cortamiento de mis dias; id est, cum audivi actum esse de me, & finem vite mihi adesse, id mihi ex ore Dei renuntiante Prophetæ. Excisionem dierum vocat mortem illam immaturam, quæ scilicet accidit ante periodum naturalis vite; quasi dicat: In silentium redactus fuisssem, periissem in flore ætatis meæ, nisi misertus fuisset mihi Deus. VADAM AD PORTAS INFERTI. Alii: adisurus sum portas sepulcri; id est, si res ita se habet, ut Prophetæ denuntiavit, præpropere me oportet mori: periphrasis mortis; quasi dicat, Esset in florante ætate, nimirum triginta novem annorum. QUÆSIVI RESIDUUM ANNORUM MEORUM. Alii ex Heb. I. Privatus sum, vel carebo, seu privabor, residuo annorum meorum. II. Re-

centus sum in residuo annorum meorum id est, census actus est de me, & iustus sum pendere residuum vite meæ. III. Privatus sum, vel substractus sum residuo annorum meorum; id est, substractum est mihi residuum tempus vite meæ. IV. Devius sum, de recessus sum residuo annorum meorum; id est, detractum est, de recessum est mihi, e censu expunctum est mihi residuum, &c. V. Deesse mihi sensu residuum annorum meorum. VI. Visitatus sum, id est ad mortem vocatus, vel plaga lethali affectus, cum adhuc superessent anni mei, id est ante tempus naturale mortis. VII. Privor residui annorum meorum, id est annis qui mihi supererant agendi ex naturæ lege, & promissione Dei. Hispanicus Interpres, Privado soy del resto de mis años. Hebræorum nonnulli exponunt: Defectus sum residuo, vel defecit, defuit mihi residuum annorum meorum.

V. 11. DIXI: NON VIDEBO DOMITUM DEUM IN TERRA VIVENTIIUM. Alii: Dicebam: Non sum visurus Iah, Iah in terra viventium; quasi dicat, Ego cum a fructu præsentis Dei aspectabilis in populo sum, tum a communione Ecclesiæ viventium subtrahar: quæ duo efficiunt ut vita mihi iucunda sit. De nomine Dei יי Iah, vide Exod. xv. 2. & in Psal. lxxvii. 5. Geminatur autem hic ad maius sententis incrementum: Non video Iah, ipsum, inquam Iah in terra viventium, id est in ipsa Ecclesia militante, ostendentem præsentiam suam in templo, sacrificiis, cultu, & admirandis suis operibus adversus populum suum. ET HABITATOREM QUIETIS. Heb. cum habitatoribus חדר chedel, quam vocem diversimode interpretantur, mundi, sæculi, temporis, avi, ætatis, curriedi vite, deficientis, definitis & instabilis. Fortiter annotat: Ut גבעול ghebul, non solum limitem seu terminum, sed totum spatium & regionem significat, quousque protenditur; ita hoc nomen chedel, non tantum terminum vite humane, verum etiam totum vitam curriculum notat, seu tempus determinatum humane vite, quod cito deficit & cessat. Vide in Iob xi. Quidam reddunt: non intuebor hominem inter habitatores mundi, vel sæculi deficientis.

V. 12. GENERATIO MEA ABLATA EST, ET CONVOLUTA EST A ME QUASI TAPINACULUM PASTORUM. Vane alii ex Heb. I. Ha-

I. *Habitatio mea recessit, & migravit a me velut tabernaculum pastoris*; id est, alio mihi dimigrandum est, ut solet pastor transferre castram suam. II. *Aetas mea translata est, & ablata est a me velut tentorium pastoris*. III. *Series vite meae recessit, & evanuit a me velut tabernaculum pastoris*. IV. *Vita mea translata est, & convoluta est a me instar tentorii pastoralis*. V. *Habitare meum, vel habitatio mea transfertur & transportatur a me tanquam tentorium pastorale*, &c. id est, vita mihi adimitur: quod comparatione figuratur hoc versu tentorii, seu tugurii pastoralis, & telae. Hispanicus Interpres: *mi morada, id est corpus meum, ha sido movida, y transpassada demi, como tienda de pastor*. VI. *Incolatus meus profectus est, & migravit a me velut tentorium pastoris*. **PRÆCISA EST VELUT A TEXENTE VITA MEA.** Heb. *Pracidi*, vel *abrupi sicut texens vitas meas*. Quidam: *Ad excidium perduxit, ut textor flamen vitam meam*; id est, quemadmodum textor eoque perducit telam, donec sit tempus flaminis præcedendi, quod involutum est iugo, sic ego per texui vitam meam. Alii exponunt: Ut textor aliquando concidit telam antequam absoluta sit; sic ego fui in causa mortis meæ. **DUM ADHUC ORDIRE, SUCCIDIT ME.** Diversimode alii ex Heb. I. *agritudine Deus concidet me*. II. *pra macie*, vel *pra morbo succidet me*. III. *Propter tenuitatem*, id est infirmitatem, *concidet me*. IV. *Forsterus: pra tenuitate exhausti me*, si-ve *exhausti concidit me*, vel *a tenuitate avarisavit*, seu *avarisavit me*, id est a-vidè abripuit me. Hoc secutus est Forsterius. V. *Avenarius: pra tenuitate corraderet, obraderet me*; id est, tanquam tenue quoddam facile eradet me. VI. *Leo Iudas: a fastigio incidit me*. VII. Tremellius, Iunius, & Buxtorfius: *a peniculis resecturus est me*. Sic pergit Chizzia in textoris similitudine: Cum pertexuerim, inquit, vitam meam, iam advenit tempus, quo Deus a peniculis si-ve peniculamento suo dissec- turus est telam vitæ meæ, id est, finem illius effecturus: sunt enim peniculi, si-ve peniculamenta telæ extrema stamina, seu tenuia fila, quæ textor circumvolvit iugo, nec potest cum reliqua tela propter brevitate stamina reliqui percurrere, ac propterea ab ea solet rescicare. Hebræum autem vocabulum דלל *dallah*, ita accipimus

adducti simili loco Canticor. VII. 5. ubi accipitur pro vitæ si-ve loro cincinnos capitis discriminante, ad quam rationem peniculi telæ textoriis componi solent. **DE MANE USQUE AD VESPERAM FINIES ME.** Heb. *a die usque ad noctem pacificabis me*. Alii: *consummabis, complebis, perficies, conficies, consumes, absumes, me*. Nonnulli reddunt: *a die usque ad noctem absoluturus, seu perempturus es me*; id est, hoc ipso die antequam nox adveniret, ut versu sequente: apostrophe ad Deum. *Illud pacificabis me*, tantumdem valet, ac integre, plenarie, perfecte me conficies, vel in pacem & requiem, quam desunctis precantur, deduces me. Heb. potest etiam accipi tertia persona feminea: *conficiet me*, ut ad *dallah*, *exhaustionem*, seu *agritudinem* referatur.

V. 13. **SPERABAM USQUE AD MANE.** Verbum נאח *scharah*, hic in Pihel varie exponunt: I. *Tunc posui vitam meam usque ad mane*. II. *Constitui tempus, vel terminum meum, id est, vitæ meæ usque ad mane*; id est, dixi me forsitan victurum usque mane. III. *AEquavi pedes meos cubando usque in mane*. IV. *Supputabam pervigil in lecto horas, ut solent ægrotantes, usque ad mane*. V. *Conferrebam in corde meo usque ad mane*; id est, noctem ducebam in somnum, & mente tota nocte volvebam quid hoc rei esset, quod veluti leo sic confringeret Deus universa ossa ac membra mea, & quod tam brevi tempore vitam meam absumeretur. Notant verbum *scharah* in Pihel proprie esse, adæquare, ut supra cap. XXVIII. 25. transferre ad animum, quando mente res conferimus ad invicem, & veluti adæquamus & complanamus: quod verbum putant a Luca II. 19. expositum per *Conferens in corde suo*. Alii hunc versum ita explanant: *Proponebam dum mane erat, id est ipso die, quemadmodum interpretantur sequentia, eamquam leonem, ita fracturum esse Deum omnia ossa mea; a die usque ad noctem te perempturum esse me*.

V. 14. **SICUT PULLUS.** דב *sus*, aiunt esse nomen avis, proceritate, statura, voce similis equo, quam nos *gruem* vocamus; unde reddunt: *sicut grus*. Reuchlinus, *hirundinem* reddit: Avenarius, *anserem silvestrem ac ferum*. HIRUNDINIS. אנשר *ghagur*, inquit Forsterus, *nomen avis, quam aliqui gruem, alii hirundinem, ego vero anserem* ferum.

ferum esse arbitror: & hoc nomen ei indicium a fridore, quem propemodum grui similem habet. Moses tunc av's non meminit in lege. Certum est ex eorum numero esse, quæ statim temporibus migrant, Ierem. VIII. 7. Nonnulli Hebræorum, picturæ, seu variam esse volunt, quæ Italice dicitur agossa. Avenarius genus esse putat, nonnihil consentiente voce: quod etiam Reuchlinus probat. Plerique tamen hirundinem cum Nostris exponunt. Sic CLAMABO, MEDITABOR UT COLUMBA. Totum hoc hemistichium quidam ita reddunt: Ut grus aut hirundo, ita pipiebam, seu garriebam, gemitbam ut columba, dicens: & cetera. Hic verus constitutionem animi postulantis exponit similitudinibus, & postulati summam: nimirum ita corpore & animo infirmatum fuisse Chirkiam, ut vix posset proloqui, ac proinde supplicasse paucis. ATTENUATI SUNT OCULI MFI SUSPICIENTES IN EXCELSUM. Alii ex Heb. I. elevati erant oculi mei ad excelsam, vel elevatur oculi mei in excelsam. II. tendebant oculi mei in sublimem. III. exhauciantur oculi mei spectantes in sublime. DOMINE VIM PATIOR, RESPONDE PRO ME. Recte monent, Nostrum sponde sortari scripsisse, quod Hebræo magis congruit. Alii ex Heb. reddunt: I. Ichova, infirmus, morbus, vim facit mihi, quiescere fac me, vel incunda me, vel dirige me. II. Ichova, frastus facta est mihi, vel calumnia intentata est mihi, recipe me in tuam fidem. III. o Ichova, defraudatio seu vis mihi fit, fuleinbe pro me. IV. Tremellius, & Iunius: Ichova, oppressio fit mihi, pertere me; id est, hic morbus me conficit, & intempestive opprimit, antequam decurrerim stadium vite mee (quæ adhuc superest pertereunda) ut nequeat perfici: quamobrem tu ipse pertere me, id est, effice ut iustum vite spatium percurram fretus potentia tua. Hæc ita accipienda esse, ostendit series allegoriarum. Verbum autem Hebræum עָרַב gharab, quod alii interpretantur fuleinbere, alii dirigere, alii recreare; nos pertereundi significatione accipimus, a coniugato nomine עָרַב ghereb, subtegmæ, sive tramam significante Levit. XIII. 5. & sequentibus. V. Ichovah, dura & acerba exactio mihi, pigrova me; id est, pignus & fidem a me cape mutationis & poenitentiae in eo cuius causa vexo. VIM PATIOR. נָפַע רָשָׁעִים rhaschekab, potest esse ter-

Bib. Sac. Tom. XVII.

tia persona femina præteriti, defraudavit, oppressit, vim iussit, acerbe exegit, sollicit, exhaustio, vel infirmitas, & variè 12. & potest esse nomen substantivum, syrophantia, defraudatio, fraus, fraudulentia, oppressio mihi, fit scilicet. Nonnulli Hebræorum volunt esse imperativum, & in significatione Chaldaica reddunt: adiuuge, adde mihi, scilicet annos vite.

V. 15. QUID DICAM? AUT QUID RESPONDEBIT MIHI, CUM IPSE FECERIT? Alii ex Heb. I. Quid loquar? vel quid plura? quali dicat, Beneficium Dei narrare verbis non possum: & dixit mihi, & is idem fecit; vel ut promissi mihi, per Isaiam, sic ipse fecit; id est, pristinam valetudinem, quam promiserat, restituit. II. Quid eloquebar, statim prædixit mihi, idemque fecit. Altera pars narrationis continens proficessionem beneficii, a Deo accepti, tribus versibus: & gratiarum actionem ad gloriam Dei, tribus reliquis. At ergo: Quid eloquebar, id est precabar a Deo, statim prædixit mihi, Ichahiam nondum egressum ex atrio mediano præmittens ad me II. Reg. XX. 4. qui & sanitatem per eundem mihi contulit. III. Quid loquar? & quid dicit mihi? & ipse fecit, ac si diceret: Quid opus est verbis? quid de morbo conqueror? quid loquar Domino meo? & is, quid mihi responderet, cum morbus ipse immiserit? Sed priores explanationes præstant. RECOGITABO TIBI OMNES ANNOS MEOS IN AMARITUDINE ANIMAE MEAE. Alii ex Heb. I. Leuiter, vel pedetesta, incedam omnibus annis meis propter amaritudinem animæ meæ. Chaldaus, & aliqui Hebræorum exponunt: propter liberationem ab amaritudine animæ meæ, more scilicet eorum, qui maxore affecti sunt, meminerunt calamitatis & afflictionis præteritæ. II. Perambulabo omnes annos meos super amaritudinem animæ; id est, oppressus hoc morbo molestissimo, mente volvam quot annos vixerim, eosque etiam atque etiam numerando perurram, commemorabo, & Deo dicam: Domine ultra hos annos plerique homines vivere solent, &c. III. Faciam me frequentare omnibus annis meis propter amaritudinem animæ meæ; id est, singulis annis frequentabo domum Dei cum pompa solemnî procedens ob liberationem ab amarissimo morbo isto: sic sumitur id verbum Psal. XLV. 5. IV. Leuiter incedam o-

T mni-

omnibus annis meis, ob aggritudine[m] anime mee; quasi dicat: Quoties memor crogratitatis morbi mei, incedam leniter mor eorum, qui morbo gravi laborant: quoad vivam, memor ero morbi mei. V. *Commovebo me euni tempore vite meae super hac amaritudine anime mee*; id est, dum eius recordabor, concutiar. VI. *Movum in caput, concutienti corpus meditabor omnibus annis meis de amaritudine hac animi mei*. VII. Hispanicus Interpres: *Audire consolando comolenti anima totos los dias deni vida*, nimirum, praeteriti huius iugantis mali recordatione. VIII. *Progredior omnibus annis vite meae ultra amaritudinem anime mee*; id est, nunc supervivo amaritudi[n]i illi meae. De verbo דדלח *dadach*, vide in Psal. xli. 5.

V. 16. DOMINE SI SIC VIVITUR, &c. Hunc verum multariam ex Heb. explanant: I. Domine, ultra eos vivunt, & in omnibus quod in eis est, vita spiritus mei, & sanabis me, & vivificabis me. II. Domine, ultra eos vivunt, & omnibus dicam, quod ip[s]is est vita spiritus mei: itaque sana me, vel impinguam, robora, confirma me, & vivifica me. III. Domine, ultra eos vivunt, & omnibus hominibus narrabo quod in ip[s]is annis habeam vitam spiritus mei, & quod tu me dormitare feceris, atque vivificaveris me; id est, iam cognovi quod ultra eos vitae meae praescriptos annos homines vivere possunt, si tu volueris; id quod in me exterior, qui in superadditis annis fruor gratissima vita spiritus mei, id quod aliis narrare solco. IV. Domine ultra annos suos vivunt pii, & omnibus dicam, In illis est vita spiritus mei: itaque serva me incolumem ac vivifica me; quasi dicat: Simile beneficium, quod ego consecutus sum, consequentur qui revertentur ad te toto corde, victuri nempe diutius: & post hac dicam omnibus, In annis beneficio Dei spatio vitae additus vivo. V. Inverso paululum ordine Hebraicorum verborum: *Etiam omnibus, qui ultra eos vivunt, vita spiritus mei in illis nota erit, & quod me dormire feceris, & vivificaveris me*; id est, quicumque ultra istos annos vivunt, illis etiam spiritus mei vita nota erit. Subauditur relativum *qui*: sed pronomen *illis*, quod femineum, non satis aptatur cum hominibus, sed cum *annis*, qui Heb. femineae effruntur. VI. Domine, ultra istos vivunt; id est,

Mi Domine, ultra hos triginta novem annos meos plerique vivere solent: & ad omnia inter ip[s]os vita spiritus mei; hoc est, per omnia omnino inter eos nemec, qui plures annos quam triginta novem vivunt, possit quidem adhuc spiritus meus vitam ducere, & inter quinquagenarios aut sexagenarios agere: *sonnare me facies, & vivificabis me*; id est, facies ut aggritudo hae veniti hominum transeat, & dissolvatur, ac evanescat, & tandem sanitati restituar: vel dormire me facies, ac sanabis me, non enim nocte somnum caput: & somnus rehit vires, & restituit sanitati. VII. Domine, apud eos, qui demecps vivunt, ad omnia & omnibus erit mihi spiritualis vita; nam, in Domino, quasi sonnare facturus vivificasti me. VIII. Ultra eos vivunt, Domine, subaudi, annos vitae tuae; id est, qui tibi fidi fuerint, vivunt ultra suos annos: & idem beneficium sentient quod ego: & omnibus in eis vita spiritus mei; id est, & omnibus hominibus dicam, quod in illis annis vitae meae additis est vita spiritus mei: tu me somno degravas, & rursus vivificas. Forte etiam l'athargo laboraverat. IX. Hispanicus Interpres: *Senor, aun a todos los que vivian sobre ellos, scilicet, los quinze annos annadidos a mi vida, anunciar, la vida de mi spiritu en ellos: y como me hiziste dormir, id est ne llegasse al punto de la muerte y despus me has dado vida*. X. Domine: apostrophe ad Deum, qua Chizkia thecin sive propositionem universalem de virtute verbi operumque Dei (ex quibus vita constat hominibus) accommodat suae hypothese, per haec vivitur, Heb. vivunt, impersonaliter; id est, per haec quae dicis & facis: *etiam iis singulis meis vita spiritus mei*; id est, non aliunde vivo quam ex verbo procedente ab ore tuo: Deuteronom. viii. 3. *his facis ut revalescam, & vitum conservas me*. CORRIPES ME. ונתחלימי *vetachalimenu*. Futurum secundae personae masculinae. Hiphil, quod varie reddunt: I. & inersabis, ingrossabis, impinguabis me, aut impinguare facies me. Forte quod vi morbi productus esset ad summam maciem. II. & revalescere, convalescere facies me, vel sanum reddes me. Sic verbum *chalam* sumi volunt Iob xxxix. 7. quasi dicat, Incolumem reddes me. III. & sonnare facies me; id est, facies ut hic lethifer morbus, abeat tamquam somnium; vel facies ut haec sanitas tam-

tamquam per somnium advenisse videatur, tam erat præter omnem spem. IV. *Et dormire facies me*; id est, ut essem vicinus morti, quæ facris & profanis auctoribus solet appellari dormitio, seu somnus; vel cum in somnio laborarem vi morbi, restituit mihi somnum, & cum eo sanitatem. Postest etiam esse tertia persona seminea: *Et dormire me fecit ægritudo*, c. vers. 12. quasi dicat, Propemodum ad somnum mortis deduxerat. ET VIVIFICABIS ME. והחייני vebachaieni, imperativus, *Et vivifica me*, seu conserva me in vita, fac ut revalescam, ut supra vers. 9. Alii infinitivum esse putant: *Et vivificando*, seu conservando me; pro futuro, *Et conservabis me*.

V. 17. ECCE IN PACE AMARITUDO MEA AMARISSIMA. Alii ex Heb. I. *Ecce dum essem in pace*, id est prosperitate, amaritudo mihi amara; id est, supervenit mihi ægritudo amara. II. *Ecce pro pace*, id est valetudine, seu incolumitate recuperanda, fuit mihi amara amaritudo, hoc est amare flevi. III. *Ecce in incolumitatem amaritudo mea*, quæ valde mihi amara erat, subito versa est. IV. *Ecce ad incolumitatem cecidit mihi amara hæc amaritudo*. V. *Sane propter pacem amissam amaritudo mihi amara fuit*: id est, ob valetudinem amissam eram in summa tristitia. VI. *Sane in pace*, id est in flore ætatis, quo tempore homines sani & incolumes esse solent, contigit mihi amaritudo hæc amara, id est gravissimus morbus. VII. *Ecce ad pacem advenit amara mihi amaritudo*; id est, postquam mihi & toti regno meo pacem tribueras ab Assyrio & omnibus inimicis incisi, statim in morbum desperatissimum incidi. TU AUTEM ERUISTI ANIMAM MEAM UT NON PERIRET. Alii ex Heb. I. *Tu autem desiderasti eruiere animam meam a fovea consumptionis*, vel corruptionis, id est de sepulcro, in quo corpora conspiciuntur. II. *Et tu suscepisti animam meam ex fovea putrefactionis*. III. *Et tu cupivisti*, vel ex amore acceptasti animam meam ex fovea vetustatis, antiquitatis, seu per metalepsin, corruptionis, putrefactionis, quæ vetuitatem sequitur. IV. *Et tibi placuit eruiere animam meam a fovea corruptionis*, seu putredinis. V. *Et tu amplexus es amore animam meam a fovea abolitionis*. VI. *Et tu dilexisti*, seu optavisti animam meam, ut eam præveres a fovea nihili. VII. *Et tu amplexatus es*, seu com-

plexus es ex amore animam meam a fovea corruptionis. VIII. *Sed tu propensus amore eduxisti animam meam a fovea consumptionis*, sive exedente & consumente. De notatione verbi חָשַׁק chaschak, vide in Genes. xxxiv. 8. Foriterus notat, hoc verbum hic constructum cum præpositione Mem, significare cum desiderio eripere, seu extrahere ex fovea; unde reddit: *Et tu exdesiderasti animam meam ex fovea*, &c. vide ipsum in Radice בלי beli, a בלה balah, vetustas, putrefactio, a בל bal, nihil animam meam, id est vitam meam, ut passim. PROIECTISTI POST TERGUM TUUM, &c. Heb. quia abiicisti post tergum tuum omnia peccata mea; id est, condonasti, remisisti, delevisi ea omnia, quorum nomine affligebat: humanitus dictum.

V. 18. QUIA NON INFERNUS CONFITEBITUR TIBI, NEQUE MORS LAUDABIT TE; &c. Quidam: non enim sepulcrum celebrat te, aut mors laudat te, &c. Aetologia resolutionis vitæ, & remissionis peccatorum omnium gloria Dei: ut Psal. vt. 6. Alii: Neque enim aut inferi, id est sepulcri, te cauent, aut mortui te laudant. NON EXPECTAUNT QUI DESCENDUNT IN LACUM, VERITATEM TUAM. Alii: Non habent expectationem in fide tua, qui descendunt in cisternam, seu sepulcrum; id est, corpora sepulta nullam habent expectationem in fide, constantia, certitudine, impletionem promissionum tuarum, quæ sunt æternæ veritatis: quia nihil sentiunt, & sunt vitæ ac rationis expertia.

V. 19. VIVENS, VIVENS IPSE CONFITEBITUR TIBI: vel vivus, vivus ipse celebrabit te. Geminatio vocis sensum intendit; quasi dicat: Omnino hoc ad viventes pertinet, videlicet celebrare te. PATER FILIIS NOTAM FACIET VERITATEM TUAM: vel fidem tuam, ut versu præcedente; quasi dicat: Pater quavidui vivit, potest institueret liberos suos, & docere illos veritatem promissionum tuarum: quod mortuus præstare ultra non potest.

V. 20. DOMINE SALVUM ME FAC, &c. Hunc versum nos verbo tenus ex Heb. expressimus: (IHUH ad salvare me, & neghinoth meas pulsabimus omnibus diebus vitæ nostræ super domum IHUH.) Varie alii: I. Ichova est ut salvet me, vel Ichova ad salvandum me adjuvit, aut restituere mihi sanitatem voluit, & cantica mea celebrabimus omni-

omnibus diebus vite nostrae in aede Iehove. II. Iehova dixit, quod saluum faceret me; & modulabimur mea modulabimur omnibus diebus vite nostrae in domo Domini. III. Iehova praesto est ad servandum me, ideo odas Lyricas meas pulsationibus omnibus diebus vite nostrae in domo Iehove. Conclusio a professione fidei, & laudationis Dei.

V. 21. ET IUSSIT ISAIAS, &c. Heb. Et dixit Isaiahu. Alii: Dixerat enim Isaiahu, nimirum supra inter versum 6. & 7. antequam Chizkia hoc canticum caneret: nam duo postremi huius capitis versus ibi sedem suam habent, ut apparet ex filo narrationis II. Reg. xx. 7. & 8. Et CATAPLASMARENT. Verbum מרח marach, aium proprie esse chirurgicum, quasi dicas, Alligare, circumligare, fasciare; vel cataplasmare, emplastro obducere: seu potius comprimere, contundere, ex loco Levit. xxi. 20. Aliis est, dislerere, obstrere, conquisare; unde reddunt: & contundunt super ulcus; id est, contusum applicent, appingant, apponant super ulcus. Vide de hoc versu in II. Reg. xx. 7. ET SANARETUR. Heb. & viveret, seu potius vivit, vel ut vivat; id est, & revaluit, ut supra vers. 9.

V. 22. ET DIXIT EZECHIAS: vel, & dixerat Chizkia, &c. Vide versu superiore, & II. Reg. xx. 8. QUOD ERIT SIGNUM, QUIA ASCENDAM IN DOMUM DOMINI? Alii: Quod est signum, ne ascensurum esse in domum Iehove? Quidam exponunt: O quale signum, scilicet, egregium est, vel quam admirandum, quod in domum Iehove ascensus sum!

MENOCHII.

Vers. 1. IN DIEBUS ILLIS, &c. Hæc habentur eodem Lib. IV. Reg. cap. xx. ubi ea explicavimus.

V. 9. SCRIPTURA EZECHIAE REGIS: carmen Eueharisticum Ezechiae, fortasse ab Isaia compositum, quod scriptis ad rei memoriam mandari iussit.

V. 10. ECO DIXI: putavi actum esse de vita mea. IN DIMIDIO DIERUM MEORUM: agebat enim Ezechias annum trigessimum nonum. AD PORTAS INFERT: ad sepulchrum. QUÆSIVI RESIDUUM ANNORUM MEORUM: dolui meam vitam accidi, & annos aliquot vite mihi auferri, illos otavi, & desideravi: quia mihi deesse illos videbam. Sic

qui defuit, dicitur a Latinis, desideratus est.

V. 11. NON VIDEBO DOMINUM: non me amplius Domino sistam in templo. HABITATOREM QUIETIS: non amplius verborum in populo meo, qui, Ierusalcm ab Aegypto liberata, tranquilla quiete fruitur.

V. 12. GENERATIO MEA ABLATA EST: vita, seculum, ætas mea; hoc enim significat Hebraicum דור dor, id est vite cuiusque tempus. CONVOLUTA EST A ME, id est ablata, sed ita loquitur propter loquentem metaphoram tabernaculi pastoralis, quod pastores eum sedem mutant, complicant, & convolvunt. QUASI TABERNACULUM PASTORUM: significat cito ablatam, & convolutam fuisse vitam suam, & moram in terris brevem admodum fuisse, & quasi unius, aut paucorum dierum, ad insular moris pastorum in aliquo loco, qui fere quotidie sedes mutant. PRAECISA EST VELUT A TEXENTE VITA MEA: sicut textor hostibus venientibus, aut alia necessitate ingruente, telam quam texebat, praecidit, ut fugiens secum auferat; ita ego cogor nondum absolutam vite meae telam abruptere. In Hebreo est: Praecidi velut textor vitam meam. DUM ADHUC ORDIRER; id est, multa animo designarem, & vita comite facere constituerem. DE MANE USQUE AD VESPERAM; quasi dicat: Adeo gravis erat morbus, ut putarem me co solo die esse victurum, & vespere moriturum.

V. 13. SPERABAM USQUE AD MANE: cum viderem me ad vespem vivum pervenisse, sperabam usque ad mane, sed non ulterius victurum. QUASI LEO CONTRIVIT, &c. scilicet morbus, & Deus per morbum. DE MANE USQUE AD VESPERAM, &c. quasi dicat: Cum viderem morbum adeo levare, statuebam me ante noctem moriturum.

V. 14. SICUT PULLUS HIRUNDINIS: qui in nido implumis, frigus, & famens gemit. MEDITABOR UT COLUMBA: dicitur columba meditari, quia ex imo gutture, vel pectore gemitum edit. ATTENUATI SUNT OCULI MEI, &c. quasi dicat: Ita assidue, intente, & gemehunde respexi ad Dominum, ut oculi mei fusi, morboque debilitati attenuati sint. DOMINE VIM PATIOR: vehementer hoc morbo crucior, ut non sim ferendo. RESPONDE PRO ME: tu suscipe pat-

tro.

tracinium meum, & quasi patronus tuere me cum hoc morbo litigantem.

V. 15. Quid dicam? Corrigit se Ezechias, quasi dicat: Quid caulabor contra Deum factorem meum? *AUT Quid respondit mihi, cum ipse fecerit?* Sententia est: Quid dicam? Deus enim quem invoco, respondebit se, qui vitæ Dominus est, id fecisse iure suo, ut conquiri merito non possim. *RECOGITABO TIBI, &c.* quasi dicat: Cum tecum iure contendere nequeam, supplex vertar ad poenitentiam, & ad lacrymas, ut iis a tua misericordia non debitum, sed gratiam impetrem.

V. 16. DOMINE SI SIC VIVITUR: si talis, & tam misera est vitæ humanæ conditio. ET IN TALIBUS VITA SPIRITUS MEI: repetitio eiusdem sententiæ, idem enim significat, quod, si sic vivitur. CORRIPIES ME, &c. quasi dicat: Si talis est humanæ vitæ conditio, ut corripas, id est castiges tam acerbis inflictiis doloribus, & tamen in vita conserves, amara est. Peto ergo, ut si vita conceditur, minuantur, immo tollantur dolores.

V. 17. ECCE IN PACE AMARITUDO MEA AMARISSIMA; id est, in media pace, in flore ætatis, & regni mei, amarissimos patior cruciatus. TU AUTEM, flexus mea poenitentia, oratione, & lacrimis, ERUISTI ANIMAM MEAM: a morte præsentis, & futura. PROIECISTI POST TERGUM TUUM: condonasti, amovisti a vultu tuo, oblitus es peccata mea.

V. 18. NON INFERNUS CONFITEBITUR TIBI: restitui tibi mihi vitam, & valetudinem, ut laudem, & celebrem clementiam tuam inter viventes, quod facere non possunt qui extincti, inferno, id est sepulcro, conditi sunt. NEQUE MORS, &c. Est repetitio eiusdem sententiæ. *NON EXPECTABUNT QUI DESCENDUNT IN LACUM, VERITATEM TUAM. LXX. habent: Neque sperabunt, qui apud inferos sunt, misericordiam tuam;* id est, qui iam mortui sunt, non sperant se ante generale mortuorum resurrectionem vitæ restituendos: nam pauci admodum concessum est ut ad vitam revocentur, postquam semel mortui sunt.

V. 19. CONFITEBITUR TIBI, &c. id est, laudabit te inter alios viventes, verbi gratia, in templo, aut domi, filii commemorando beneficia a Deo accepta. *VERITATEM TUAM: fidelitatem tuam, qua pollici-*

tus es te erga bonos benignum & beneficium futurum.

V. 20. SALVUM ME FAC, id est in redita sanitate conserva. IN DOMO DOMINI, in templo.

V. 21. ET IUSSIT ISAIAS, &c. Hæc sunt explicata IV. Reg. xx. 7.

T I R I N I.

Verf. 3. DE fletu, de causa fletus Ezechia, de fletibus quibus curatus est, de regressu solis ad decem lineas, & aliis huc spectantibus, fuisse egi IV. Regum xx. Superest explicandum solum carmen Eucharisticum, quod hic vocatur.

V. 9. SCRIPTURA EZECHIAE, id est conscriptum ab Ezechia in gratiarum actionem Deo pro sanitate restituta: quin & in æmulum, & in modum votivæ tabellæ publicè proponi iussim, in perpetuum divinæ clementiæ præconium & monumentum, inquit Sanctius & a Lapide.

V. 10. EGO DIXI, tum ore, tum corde; id est, puravi omnino actum esse de vitæ mea, mihiq; in flore ætatis (cum annum xxxix. non excederem) moriendum, & AD PORTAS INFERI, secundum corpus ad sepulcrum, secundum animam ad limbum, seu sinum Abrahæ, abeundum esse. RESIDUM ergo ANNORUM MEORUM, quod mihi subtrahi & deesse sentiebam, QUÆSIVI, seu requisivi, sed frustra, inquit Forerius, Sic solemus dicere: Requiro in te diligentiam; id est, video tibi diligentiam deesse, quam optarem adesse.

V. 11. NON VIDEBO DOMINUM DEUM IN TERRA VIVENTium; id est, in hoc terræ theatro prælustria opera patrantem, ac præ omnibus stragem Sennacheribi & vidtoriam de Assyriis mihi exlitus promissam. Nam hic morbus occupavit Ezechiam interim dum Sennacherib ex Iudæa in Aegyptum adversus Tharacam regem Aethyopæ delectaret. Quod si vita mihi superites relinqueretur, reducem illum tyrannum viderem casum, fugarum vel subactum: HOMINEM vero, seu homines regni mei, HABITATORES QUIETIS, id est quiete & pace fruentes, nunc etiam isto gaudio privabor per mortem. Per quam eandem

V. 12. GENERATIO, id est stirps & posteritas omnis MEA ABLATA EST A ME. Careo enim prole: & consequenter Mes-

fias Davidi promissus, ex semine meo non procreabitur. Ergo corruet familia mea, & insit tabernaculi ruralis mox convolvetur & e medio tollitur: ita sanctus Hieronymus, Thomas, Lyranus, Haymo & alii. **DE MANE USQUE AD VESPERAM FINIES ME;** id est, infra diei unius spatium finies vitam meam; adeo saevit in me pessifer morbus, ut ultra diem unum supervivere me posse desperem. Cum tamen exegissem primum diem, corpori nonnihil sperare; & ita

V. 13. SPERABAM USQUE AD MANE, secundi diei, cum & vis morbi profusa me decideret, insit *leoni* OMNIA OSSA, id est vires meas depascens: & denuntiatio Isaie, qua me certo moriturum dicebat, spem nullam ulterioris vitae reliquit.

V. 14. Clamare igitur corpori ex imo corde, sicut *PULLUS HIRUNDINIS*, in nidulo implumis, frigus & famens, & sicut *COLUMBA* corpori meditari, nempe gemendo, plorando, queritando, opem calidius implorando. **DOMINE VIM PATIORA** morbo nimis me cruciante, adeo ut serendo non sim. **RESPONDE PRO ME;** id est, tu suscipe patrocinium meum & tuere me, alioqui succumbentem.

V. 15. QUID DICAM? quid volo queri, quid lamentari? Et si querar, quid aliud ab eo responsi expectare debeo, nisi, *Ego ipse feci*, ego potui, ego volui morbum hunc tibi, & mortem immittere? Sic exigit iustitia, sic poscit consilium meum. Simili modo corrigi querelam suam & cum Deo disputationem Iob capite XLII. versu 2. Cum ergo non possim iure tecum contendere, **RECOGITABO TIBI OMNES PRÆTERITÆ VITÆ ANNOS MEOS IN,** id est cum, **AMARITUDINE ANIMÆ MEÆ;** & supplex convertor ad penitentiam & lacrymas, revocans in memoriam singula peccata quibus tot iam annis iram tuam in me provocavi, atque ita non iam debitum urgebo apud tuam iustitiam, sed gratiam orabo a tua clementia.

V. 16. Si sic vivitur, si culpa nulla impune patrat, per me licet, **CORRIPIES ME,** panes, torques, affliges me pro placito & libito tuo; dummodo sic *visites ME,* & a peccatis, quibus mortem promerui, me expedias, & consequenter in vita iam purgatum conserves: ita fere S. Hieronymus & Sasbout. Et mox stupendam tuam clementiam!

V. 17. ECCE IN PACE AMARITUDO MEÆ AMARISSIMA; id est, acerbissima illa afflictio & dolor lethalis, subito convieuit, & in pace, salute, omnique felicitate, ac gaudio me constituit. Nam illo ipso secundo die sanatus est rex, ut dicitur IV. Regum xx. 5. Ideo vero sanasti me,

V. 18. QUIA INFERNUS ET MORS; id est, qui in inferno & morte versantur, **non consentunt TIBI,** id est non celebrant apud homines mortales nomen tuum, quod tu a me, ut adhuc xv. annis faciam, depreceris. Simulque vis ut *exspectem*, videam & sentiam **VERITATEM TUAM,** id est fidelitatem in præstandis a te promissis, nempe liberatione ab Assyriis, & susceptione proli ex me, per quam Metias olim procreabitur. Quorum neutrum expertus fuissim si iam in *LACUM* sepulcri & limbi *descendissem*. Porro tertio anno ab hac curatione & prostratis vidit Assyrios, & Manassén primogenitum ac successorem suum progenit Ezechias, ut dixi IV. Reg. xx. 3.

GORDONI.

Vers. 1. IN DIEBUS ILLIS AEGROTAVIT, &c. hoc est, ut ego interpretor, anno Ezechiae xv. ex nostro diagrammate, aut ex eunte anno xiv. nam ex hoc ipso capite supersunt illi anni xv. & constat regnasse annis xxix. ex Lib. IV. Reg. cap. xviii. vers. 2. Hic lapsus est Iosephus Lib. X. Antiq. qui putat morbum hunc contigisse post cladem Sennacherib, ut habes hic ex v. 5. & 6.

At quomodo vera prædictio hæc, **MORTERIS TU?** certe ita futurum erat ex statu morbi, & vi naturalium causarum quæ tunc aderant: morbus itaque lethalis erat, sed voluit Deus uti miraculo: vide August. Lib. V. in Genes. ad lit. cap. xvi. tom. 3.

V. 3. FLEVIT. Non habebat regni heredem, nam natus est Manasses fere post triennium.

V. 7. HOC TIBI SIGNUM ERIT, &c. Primum sciaterici horologii (per umbram horas indicat) auctorem fuisse Anaximnem (floruit sub 50. Olympiade) scribit Plinius; sed fallitur: ecce enim hic horologium sciatericum Achaz patris Ezechie; Achaz autem non abest multum a tertia Olympiade.

Quæstio est an umbra solis regressa sit per decem lineas, vel horas; an vero Sol ipse regressus sit per decem gradus respondentes horis totidem. Utraque opinio suos habet auctores; sed Solis regressum affirmant communiter Patres Cyril. Hieronym. Haymo, Procopius, Lyra. Hugo, & alii; & hanc partem satis prolixè probat textus, vers. 8. REVERSUS EST SOL DECEM LINEIS, inquit Isaias, & habetur Ecclesi. XLVIII. 26. vide quæ dixi IV. Reg. cap. XX.

V. 9. SCRIPTURA EZECHIAE REGIS, &c. En canticum Ezechiae continens recuperata sanitate gratiarum actionem. Dubium est an ab Isaiâ scriptum sit, an ab ipso Ezechia, cuius opera (ut alias monui) putantur scripti alii quidem scripturæ libri. Incipit canticum a morbo.

V. 10. EGO DIXI, &c. Loquitur Ezechias in dimidio annorum vitæ; sane finatus est Ezechias anno 8. Ioathan, iam ut minimum agebat annum vitæ 34. & tantum supersunt anni 14. Quomodo ergo IN DIMIDIO DIERUM? intellige vel annos regni, nam sic parum abest a medio; vel in medio ætatis illius quæ designatur hominibus ut maxima, Plal. LXXXIX. 10. ubi designantur anni 70. vel 80. in Heb. varie legitur, דמי דמי, in sanguine meo, דמי דמי, in infirmitate mea.

V. 11. & 12. NON VIDEBO DOMINUM, &c. Scilicet ultra inter hic viventes, seu in terra tabernaculi Dei mei: ex vers. 12. notavi nondum fuisse narum filium Mannassen.

V. 16. DOMINE, SI SIC VIVITUR. Heb. עת'ל'י, super ipsos, scilicet annus (halehem) vivitur, te mihi vitam protegente. In Heb. non est ו' si, sed idem est sensus; nempe, te protegente, vivificabis me, corripe quidem me, sed vivifica: & sic ERIT (vers. 17.) IN PACE AMARITUDO MEA: & quæ sequuntur laudem habent.


V. 21. ET IUSSIT ISAIAS, &c. Hæc quidem dicta & facta sunt ante canticum: hic pro coronide collocantur.

EX EIUSDEM AUCTARIO.

Vers. 13. SPERABAM. Dum morbo gravi vexaretur, spes vitæ fere nulla erat.


Vers. 14. Ut pullus hirundinis in nido implumis, ex frigore & fame gemens: meditatur ut columba ex gutture & pectore gemens.

Vers. 15. QUID DICAM? Statim se reprimi; quasi diceret: Quid plura? cum a Deo meo, qui me creavit, sit hoc malum, convertam me ad poenitentiam.



C A P U T XXXIX.

Ezechias cum misisset a rege Babylonis nuntios suos ostendisset thesauros, ab Isaia de futura eorum in Babylonem ablatione praeuocatur.

1.  N tempore illo (a) misit Merodach Baladan, filius Baladan rex Babylonis, libros & munera ad Ezechiam: audierat enim quod agrotasset & conualuisset. 2. Latatus est autem super eis Ezechias, & ostendit eis cellam aromatum, & argenti, & auri, & odorum, & unguenti optimi, & omnes apothecas supellectilis suae: & universa quae inventa sunt in thesauris eius. Non fuit verbum quod non ostenderet eis Ezechias in domo sua, & in omni potestate sua. 3. Introivit autem Isaia propheta ad Ezechiam regem, & dixit ei: Quid dixerunt viri illi, & unde venerunt ad te? Et dixit Ezechias: De terra longinqua venerunt ad me, de Babylone. 4. Et dixit: Quid viderunt in domo tua? Et dixit Ezechias: Omnia quae in domo mea sunt, viderunt: non fuit res, quam non ostenderim eis in thesauris meis. 5. Et dixit Isaia ad Ezechiam: Audi verbum Domini exercituum. 6. Ecce dies venient, & auferentur omnia, quae in domo tua sunt, & quae thesaurizaverunt patres tui usque in diem hanc, in Babylonem: non relinquetur quidquam, dicit Dominus. 7. Et de filiis tuis, qui exibunt de te, quos genueris, tollent, & erunt eunuchi in palatio regis Babylonis. 8. Et dixit Ezechias ad Isaia: Bonum verbum Domini quod locutus es: Et dixit: Fiat tantum pax, & veritas in diebus meis.

(a) IV. Reg. xx. 14.

C O M M E N T A R I A

M A L D O N A T I.

Verf. 1. IN TEMPORE ILLO. Heb. pro, post tempus illud, id est postquam Ezechias conualuisset. MISIT MERODACH. Is tunc erat rex Babylonis, Ierem. 2. 2. Lib. autem IV. Reg. cap. xx. 12. vocatur Berodach. LIBROS, ספרים, litteras, ut idem noster Interpres vertit, IV. Reg. xx. 12. AUDIERAT ENIM. Redde legationis causam, ut illi recuperatam gratularetur valetudinem.

V. 2. LAETATUS EST AUTEM SUPER EIS, id est cum eis עליהם. ET OSTENDIT EIS CELLAM AROMATUM: בהנחתו, demum thesauri sui, vel, rerum pretiosarum

suarum. NON FUIT VERBUM, id est non fuit res ulla, ut inf. verf. 4. Hebraismus, ut Luca 11. 15. Videamus haec verbum, quod factum est. ET IN OMNI POTESTATESUA, id est in divitiis suis, in quibus eius potentia consistebat: vel, in omnibus quae in eius erant potestate, eorum quae possidebat.

V. 3. QUID DIXERUNT. Verosimile est non ignorasse Prophetam quid legati dixissent; id est, quam Ezechiae legationem attulissent, & unde venissent: sed interrogat quid illi dixissent, ut eliciat a rege quid ipse fecisset, suumque ipse peccatum confiteatur. DE TERRA LONGINQUA. Glorians haec dicit Ezechias; laudat enim se oblique quod

quod ad se tam longe & a tanto rege legati missi sint: ex quo intelligimus quale fuerit peccatum Ezechiae, nempe ambitio fuit, quae propterea Deum tantopere irritavit, qualis fuit illa Davidis populum iubentis recensere: II. Reg. xxiv. 1. Accessit quod bis iam a Deo miraculo liberatus non debuit cum impio rege Babylonis, quasi Deo diffidens, amicitiam inire.

V. 6. AUFERENTUR OMNIA. Isdem verbis poenam regi comminatur, quibus ille gloriatus fuerat; nam quibus quisque rebus peccat, istidem puniri debet.

V. 7. ET DE FILIIS TUIS, id est de posteris tuis: eius enim filii non sunt abducti Babylonem, sed ductus est Ioachim septimus ab Ezechia rex: IV. Reg. xxiv. 15. & multi ex regio genere qui eunuchi regis fuerunt, ut Daniel & eius socii: Daniel. 1. 2.

V. 8. BONUM VERBUM DOMINI, id est iusta est Domini contra me sententia: vel, *Bonum*, id est mihi, benignum: sic enim Hebraei loqui solent; quasi dicat, Minor est ista poena peccato meo. QUOD FACTUM EST: וְכֵן הָיָה, quod (tu Isaiam) locutus es, id est quod mihi denuntiasti. ET DIXIT (Ezechias) FIAT TANTUM PAX, id est saltem fiat pax; id est, hoc saltem mihi Deus concedit, quod id non fiet vivente me. Sicut Salomoni viventi noluit Deus regnum tollere, sed abstulit ab eius filio: III. Reg. xi. 34. 35. Credibile autem est Isaiam Ezechiae indicasse hoc non fuisse eo vivente futurum, quamvis id neque hoc loco, neque in IV. Lib. Reg. scriptum sit; ac propterea ita cum respondisse. ET VERITAS, id est misericordia; vel, saltem stabilitas regni mei, & divinae promissionis, quia mihi quindecim annos addidit, durabit me vivente.

S A.

Vers. 1. LIBROS. Chald. & LXX. *epistolae*.

V. 2. VERBUM, id est res. LXX. *aliquid*. POTESTATE, id est regno. Chald. *dominatione*.

V. 5. EXERCITUM, id est potentissimi.

V. 7. FILIIS, id est posteris.

V. 8. BONUM, id est aequum. Chald. *restitutum*. FIAT, scilicet precor. VERITAS, Bib. Sac. Tom. XVII.

id est quod mihi Deus promisit. LXX. *iustitia*.

EST II.

Vers. 1. IN TEMPORE ILLO MISIT MERODACH BALADAN, FILIUS BALADAN REX BABYLONIS, LIBROS ET MUNERA AD EZECHIAM. Per libros intellige litteras, epistolam: sic enim idem Hieron. vertit IV. Reg. xx. ubi haec eadem historia narratur. Hebraea vox generalis est ad libros, & epistolas, & quodcumque scripti generis.

V. 8. BONUM VERBUM DOMINI, QUOD LOCUTUS EST: FIAT TANTUM PAX ET VERITAS IN DIEBUS MEIS. Hebraice est in secunda persona, *quod locutus es*, quo modo Interpres idem vertit IV. Reg. xx. ut dirigatur sermo Ezechiae ad Isaiam Prophetam, gravia illi ex praecepto Domini comminantis: & eodem recidit; sensus enim est: Quod mihi nuncias a Domino, bonum verbum Domini interpretor. Verba enim sunt, voluntatem suam subiicientis Dei voluntati, & iustitiam eius probantis. Tamen hoc adiecit: *Fiat tantum pax & veritas in diebus meis*: ubi pax quietem & tranquillitatem in bono significat, veritas stabilitatem; & sensus est: Tantum precor, ut quoniam de diebus meis nihil mali nuncias, regni mei statum habeam pacatum & stabilem, quoad vivam. Sic & Ecclesia orat: *Da pacem Domine in diebus nostris*. Non ergo peccavit his verbis Ezechias, quod non fuerit conatus avertere iram Dei quoque a posteris suis, quod ei impingunt Hebraei; sed scilicet cognita per Prophetam absolutae Dei voluntati suam voluntatem pie accommodavit.

MARIANAE.

Vers. 1. MISIT MERODACH. Hunc putant fuisse patrem Nabuchodonosoris, eius qui Ierusalem cepit. LIBROS ET MUNERA. Hebr. *libros & munus*; sed per *libros* litteras intelligit. Chald. & Septuag. *epistolae*: sic ipse Hieronymus vertit in Lib. Regum. Ergo Merodach misit ad Ezechiam litteras cum muneribus. Quid Ezechias?

V. 2. OSTENDIT EIS, scilicet nuntiis, CELLAM AROMATUM. Sic Septuag. Chald.

V

do-

domum thesaurorum suorum. Alii vertunt, *domum desiderabilium suorum*, id est ubi pretiosa quæque servabantur. ET ODORAMENTORUM. Alii, *aromatum.* UNGUENTI OPTIMI. Heb. *olei optimi*, scilicet balsami. ET OMNES APOTHECAS SUPPELLECTILIS SUAE. Heb. *omnium domum vasorum suorum*, id est suppellectilis. IN OMNI POTESTATE SUA, seu *diuina sua*. Hæc Ezechias Legatis ostendit.

V. 7. TOLLENT, de filiis tuis. In Lib. Regum, *tollentur*. Goth. ibi, *tollent*: sic Heb. in utroque loco. ET ERUNT EUNUCHI. Sic Daniel & socii, ut putant Hebræi, fuerunt eunuchi. Chald. hic & in libris Regum, *erant Principes*. Nimirum ex voce *Principes* significatur, ut dictum est Genes. xxxvii. 36. tum ministri regii. Interpres Latinus pro *rabrâbim* voce Chald. id est *Principes*, vertit hic *nutriti*, sed male, ut constat ex Methurgeman Elize.

V. 8. BONUM VERBUM DOMINI: sermo Domini. Fiat quod ei placuerit. QUOD LOCUTUS EST. In Lib. Regum, *locutus es*, in secunda persona; sicque hic est etiam in Heb. VERITAS, scilicet eorum quæ Deus mihi promissit, fiat. Et sit pax in diebus meis. Malum quod nuntias, me vivo non veniat.

MALVENDAE

nulla annotatio.

MENOCHII

nulla annotatio.

TIRINI.

Verf. 1. MERODACH BALADAN quis fuerit, dixi IV. Reg. xx. 12. Quomodo & quamdiu sceptro Babylico potitus sit, vide Chron. cap. xxxiv. MISIT LIBROS. Hebraice, *sepher*, id est, litteras, ut dixi cap. xxxvii. 14. Porro occasione harum litterarum & legatorum

V. 2. LAETATUS EST EZECHIAS; primo, ob honorem sibi a tam potenti rege, tam splendida legatione exhibitum; secundo, ob tanti regis amicitiam & societatem, quæ tunc deinceps esset ab Assyriis & aliis ho-

libus; tertio, ob agnitionem forte veri Dei, quam Babylonii isti occasione retrogressi solis hausisse potuerunt. Atque utinam has iustas gaudii causas, vel saltem harum aliquas non ad propriam laudem & gloriam deriverant! nec magis gavisus sit quod ipse honoraretur, quam quod Deus! Absit, ad auctoritatem & famam maiorem sibi conciliandam scelerit aut iactarit, patratum fuisse in sole istud miraculum. Certe Abulensis etiam in his culpat Ezechiam. Nos contenti sumus, culpasse ipsum in vana ostentatione regie gazæ & reconditorum thesaurorum facta iisdem legatis: quæ ut ex animi elatione proficebatur, Deo non parum displicuit, cuiusque nomine ab Isaia graviter reprehensa fuit, & in posteris punita, ut silius narratur II. Paralip. xxxiii. 25. Quam difficile est in amplis fortunis animo esse moderato!

V. 7. ET DE FILIIS TUIS ac nepotibus, QUI EXIBUNT DE TE, non proxime, sed mediate, ERUNT EUNUCHI IN PALATIO REGIS BABYLONIS; non quod castrandi sint, (nam nomen istud latius patere constat ex dictis Genes. xxxvii. 36.) sed quod palatinis ministeriis functuri sint, quæ olim a solis castratis obiri solebant. Dicti sunt vero *עֲבָדָיו* ab *עָבַד*, id est *cupidi*, & *עָבַד*; id est, *habeo custodiam*; quod antiquitus adhiberi solerent custodiendis cubilibus ditionum matronarum & virginum, ne quis stuprum vel aliam iniuriam inferret. Hæc prædictio impleri cepit cum Manassés & primores Iudæi abducti sunt captivi in Babylonem, II. Paralip. xxxiii. 11. sed completa perfecte cum Iechonias & Sedecias cum omni nobilitate eodem pertracti sunt, ibid. xxxvi. & Dan. 13. Ubi Hebræi, & ex iis Theodoretus tradunt, Daniele cuiusque tres socios fuisse nepotes regis huius Ezechizæ.

V. 8. BONUM VERBUM DOMINI; id est, placet mihi, & accepto sententiam Dei sic punientis meam vanitatem: cum enim cogar illius subire vindictam, neque possim eam in totum declinare; saltem gaudeo de illa sic mitigata, ut vita mea durante, executioni mandanda non sit: ita Arias, a Lapide, Salianus & Alvarez, contra Hebræos, qui in Ezechiam quasi de posteris suis minus sollicitum, graviter, sed immerito invehuntur. FIAT TANTUM IN DIEBUS MEIS PAX a bello Assyriaco aliisque hostibus, ET VERITAS, seu fidelis comple-

tio promissorum mihi a Deo factorum, nempe de vita & regno mihi, pacifice ad 15. annos prorogando, ac de prole & herede ex me procreando. Quoad penas, cum excuti vel eludi non possint, gaudeo saltem post meum e vita excessum differri.


GORDONI.

Verf. 1. IN TEMPORE ILLO, &c. Iam notatus est annus. Sed an hic Merodach sit ille Nabonassar a quo incipit æra Babylonica, & a quo Ptolomæus suas notat observationes astronomicas, certatur: dixi de hac quæst. in opere Chronologico, & in Præloquio ad librum Iudith. *V. 7.* De capto Manasse filio, & captiva posteritate, vide IV. Reg.



CAPUT XL.

Consolatio & salus Ierusalem per Christum futura: Ioannis Baptiste predicatio: fragilitas hominis, & perpetuitas verbi divini: Christi in carnem adventus, ipsiusque gloria, potestas & retributio palam annuntianda: contra idololatrias Deum sculptilibus assimilantes, incomparabilem Dei potentiam ac sapientiam commendat: quodque sperantes in Domino mutant fortitudinem.

1.  **C**onsolamini, consolamini popule meus, dicit Deus vester. 2. Loquimini ad cor Ierusalem, & advocate eam: * quoniam completa est malitia eius, dimissa est iniquitas illius: suscepit de manu Domini duplicia pro omnibus peccatis suis. 3. (a) Vox clamantis in deserto: Parate viam Domini, rectas facite in solitudine semitas Dei nostri. 4. Omnis vallis exaltabitur, & omnis mons & collis humiliabitur, & erunt prava in directa, & aspera in vias planas. 5. Et revelabitur gloria Domini, & videbit omnis caro pariter quod os Domini locutum est. 6. Vox dicentis: Clama. Et dixi: Quid clamabo? (b) Omnis caro sænum, & omnis gloria eius quasi flos agri. 7. Exsiccatum est sænum, & cecidit flos, quia spiritus Domini suscitavit in eo. Vere sænum est populus: 8. exsiccatum est sænum, & cecidit flos: Verbum autem Domini nostri manet in æternum. 9. Super montem excelsum ascende † tu, qui evangelizas Sion: exalta in fortitudine vocem tuam, qui evangelizas Ierusalem: exalta, noli timere. Dic civitatibus Iudæ: Ecce Deus vester: 10. ecce Dominus Deus in fortitudine venit, & brachium eius dominabitur: ecce merces eius cum eo, & opus illius coram illo. 11. [c] Sicut pastor gregem suum pascet: in brachio suo congregabit agnos, & in sinu suo levabit, scætas ipse portabit. 12. Quis mensus est pugillo aquas, & cælos palmo ponderavit? quis appendit tribus digitis molem terræ, & libravit in pondere montes, & colles in statera? 13. (d) Quis adiuvit spiritum Domini? aut quis consiliarius eius fuit, & ostendit illi? 14. Cum quo iniit consilium, & instruxit eum, & docuit eum semitam iustitiæ, & erudit eum scientiam, & viam prudentiæ ostendit illi? 15. Ecce Gentes quasi stilla situlæ, & quasi mo-

mentum stateræ reputatæ sunt; ecce insulæ quasi pulvis exiguis: 16. Et Libanus non sufficiet ad succendendum, & animalia eius non sufficient ad holocaustum. 17. Omnes gentes quasi non sint, sic sunt coram eo, & quasi nihilum & inane reputatæ sunt ei. 18. (c) Cui ergo similem fecistis Deum? aut quam imaginem ponetis ei? 19. Numquid sculptile conflativ faber? aut aurifex auro figuravit illud, & laminis argenteis argentarius? 20. Forte lignum & imputribile elegit: artifex sapiens querit quomodo statuat simulacrum, quod non moveatur. 21. Numquid non scitis? numquid non audistis? numquid non annuntiatum est vobis ab initio? numquid non intellexistis fundamenta terræ? 22. Qui sedet super gyrum terræ, & habitatores eius sunt quasi locustæ: qui extendit velut nihilum cælos, & expandit eos sicut tabernaculum ad inhabitandum. 23. Qui dat secretorum scrutatores quasi non sint, iudices terræ velut inane fecit: 24. & quidem neque plantatus, neque satus, neque radicans in terra truncus eorum: repente flavit in eos, & aruerunt, & turbo quasi stipulam auferet eos. 25. Et cui assimilastis me, & adæquastis, dicit sanctus? 26. Levate in excelsum oculos vestros, & videte quis creavit hæc: qui educit in numero militiam eorum, & omnes ex nomine vocat: præ multitudine fortitudinis & roboris, virtutisque eius, neque unum reliquum fuit. 27. Quare dicis Jacob, & loqueris Israel: Abscondita est via mea a Domino, & a Deo meo iudicium meum transivit? 28. Numquid nescis, aut non audisti? Deus sempiternus Dominus, qui creavit terminos terræ: non deficiet, neque laborabit, nec est investigatio sapientiæ eius. 29. Qui dat lassæ virtutem: & his, qui non sunt, fortitudinem & robur multiplicat. 30. Deficient pueri, & laborabunt, & iuvenes in infirmitate cadent. 31. Qui autem sperant in Domino, mutabunt fortitudinem, assument pennas sicut aquilæ, current & non laborabunt, ambulabunt & non deficiant.

(a) Matth. 217. 7. Mat. 2. 3. Luc. 117. 4. Ioan. 2. 25. (b) Eccl. XIV. 12. Jac. 3. 10, 1. Pet. 1. 24. (c) Ioan. 2. 11. Ezech. XXXIV. 25. & XXXVII. 24. (d) Rom. 21. 34. 1. Cor. 21. 16. 2. Tim. 12. 13. (e) A. S. XVII. 29.

B R U G E N S I S

ROMANÆ CORRECTIONES.

Vers. 2. *Quoniam completa est malitia eius.* Non indicantur Correctores, pro *malitia*, corrigendum esse *militia*, id est pro vocali prima scribendum esse tertiam. Lege Notationes nostras.

Vers. 24. *Et quidem, neque plantatus, neque satus neque radicans in terra truncus eorum.* Non facile mutandi sunt nominativi istius casus numeri singularis, in alios.

LECTIONUM VARIETAS.

Vers. 9. *Tu qui evangelizas Sion, qui evangelizas Ierusalem.* In aliis libris scribitur utroque loco femininum *que*, constetaneæ Hebræo: nam masculinum *qui* Græca probant: vide Notationes.

NOTATIONES.

Vers. 2. *Quoniam completa est malitia eius.* Pro *malitia* Hebræice est מַלְּטָא ^{TT} quod *militiam* significat: ea vox est ex qua Iob septimo capite vers. 1. legimus: *Militia est vita hominis super terram*; rursus ex qua tot quot numerari vix possint locis, translatum est *Dominus exercituum*. Quare existimant scriptores ætatis huius multi, *militia* nobis, non *malitia* legendum esse, Santes Pagninus, (in voce מַלְּטָא) Ildorus Clarus, Leo Castrensis. Hæstor Pinus addit, ita nonnullos correctiores codices habere. Adamus Saxbourn unum esse apud Latinos exemplar dicit, quod pro *malitia*, *militia* habeat. Noa ex

Consolamini, consolamini (o Apostoli) populum meum; id est, annuntiate illi Evangelium. Verba enim consolandi, & loquendi ad cor periphrasim continent Evangelii, quod bonum ac laetum nuntium significat.

V. 2. *LOQUIMINI AD COR IERUSALEM*; id est, exhilarate illam bono nuntio, hoc est Evangelio: *Osce II. & Genes. xxiv.* Et *advocate eam*; id est, vocate ad veritatem Evangelii, ad Christum. Heb. *וְהִנֵּנִי וְהִנֵּנִי*, & clamate ad eam; id est, clara illi voce Evangelium annuntiate, sicut vers. 3. dicit, *Vox clamantis in deserto*: & vers. 9. *Exalta in fortitudine vocem tuam, qui evangelizas Ierusalem. QUONIAM COMPLETA EST MALITIA EIUS.* Heb. *מַלְּטָא*, *malitia eius*; id est tempus adversum & difficile eius, finiti sunt labores eius: ut Iob vii. 1. *Malitia est vita hominis super terram.* Atque verosimile ita nostrum Interpretem convertisse, scriptorum autem vitio in *a* mutatum esse. Nisi fortasse malitiam posuit non pro iniquitate, sed pro labore & molestia, sicut Græci vocant *πενιτίας*, ut Matth. vi. 34. *Sufficit diei malitia sua.* Eodem sensu Septuag. verterunt *καταπονεω*: non enim significat eius iniquitatem ad summum pervenisse, sicut dicuntur completæ esse iniquitates Amorrhæorum: Genes. xv. xvi. cum dicat statim, *DIMISSA EST INIQUITAS ILLIUS*; sed labores eius esse completos. *Dimissa est iniquitas illius*, id est culpa illius per gratiam Christi: vel, ut aliqui Hebræi putant, iniquitas ponitur pro pœna iniquitatis, ut multis aliis locis; quasi dicat, Iam finita est pœna iniquitatum, non amplius punietur. *SUSCEPIT DE MANU DOMINI DUPLICIA.* Aliqui hoc referunt ad pœnas, ut Orig. & Hieron. quia propter peccata sua bis Ierusalem punita est, primum a Babylonis, deinde a Romanis. Alii simpliciter, satis iam pœnarum dedit: sicut solent Galli dicere, *Elle a tout ce qu'il lui faut.* Alii interpretantur de beneficiis; quasi dicat: Multo plura beneficia a Deo accepit, quam fuerant eius peccata, aut pœne peccatorum eius: *Nam ubi abundavit delictum, ibi superabundavit & gratia*: Rom. v. 20. *Duplicia dixit pro multiplicia, numerus finitus pro infinito.*

V. 3. *VOX CLAMANTIS*; id est, vox clamans (audietur vel excitabitur) IN DESERTO. Hunc locum de Joanne Baptista Evangelii-

stæ nobis interpretantur: Matth. iii. 3. Marc. i. 3. Luc. iii. 4. Ioan. i. 23. Est autem tacita quædam antithesis inter desertum & vocem; non enim solet in deserto vox audiri. Ergo non solum de illo deserto; in quo Ioannes Baptista versatus est, hoc intelligendum esse arbitror literaliter, sed etiam mystice de populo Iudæico, qui tunc cum Christus venit, veluti desertum quoddam erat, id est minime cultus disciplina: in eo igitur existit de improvviso Ioannes Baptista quasi vox clamantis in loco solo. *PARATE VIAM DOMINI.* Hæc verba ad Apostolos dirigi existimo, sicut illa vers. 1. *Consolamini, consolamini*; quasi dicat, Proscindite, aperite per prædicationem Evangelii viam in deserto, id est ubi nulla via est, id est nulla Christi notitia, qui *Via est, veritas & vita.* Hanc vim habet quod sequitur, *RECTAS FACITE INSOLITUDINE*: non enim solent in solitudine rectæ esse viæ, sed flexuosæ ferarum ambages. *וְנִפְּתָה, alii vertunt, purgate; alii, aspiciet.* Melius noster Interpres, *Parate*, quia statim sequitur, *Rectas facite.* Si quis malit ad populum, quam ad Apostolos referre, sensus erit: *Hodie si vocem eius audieritis, nolite obdurare corda vestra.* Psal. xlix. 8. & ad Heb. iii. 8. 15. & 4. 7.

V. 4. *OMNIS VALLIS EXALTABITUR.* Expositio est præcedentis verus: hoc enim est præparare viam, montes deprimere, valles exaggerare, ut via plana sit & æquabilis: quod mystice significat fore ut superbi humilientur, non recepta Evangelii gratia; humiles autem exaltentur cognitione veritatis & donis aucti. Aut *colles, & aspera*, id est, qui videbantur sanctitate & scientia ceteris eminere, declarabuntur peccatores & ignorantes, ut Pharisei: valles vero; id est, qui peccatores & indocti esse videbantur, ut Apostoli, ornati sunt sanctitate & cognitione; quasi dicat: *Cæci tunc videbunt, & videntes cæci fient.* Ioan. ix. 39. ET *ASPERA.* Heb. *הַרְבֵּים, prava, obliqua, acervia, ardua:* לבקעה, in planitiem.

V. 5. ET *REVELABITUR GLORIA DOMINI*, id est Christus, aut mysterium Incarnationis. ET *VIDEBIT OMNIS CARO*, id est omnis homo: tunc omnes homines cognoscent quod os Domini per me locutum est, id est quod hæc mea prophetia vera sit; vel, quod os Domini loquatur loquen-

te Christo; non enim loquetur sicut Scribæ & Pharisei, sed *tamquam potestatem habens*: Marc. 1. 22. quasi dicat: *Erunt omnes decibiles Dei*: Isai. lrv. 23. & Ioan. vi. 45. D. Lucas cap. itt. 6. secundum versionem Septuag. *ἡ ἐξουσία τῆς ἀρχῆς ἐν τῷ οὐρανῷ* 3107.

V. 6. VOX DICENTIS. Vel, *vox dicens* (audita est, insonuit) קוֹל דֹּבֵר. Loquitur Propheta quasi esset tempore Ioannis Baptiste, cuiusque personam sustineret. CLAMA. Hoc verbum perspicuitatem, & contentionem indicat, quia Evangelium prædicandum erat. Nam priores prophete, quia solis Iudeis loquebantur, minore voce uti poterant: at Ioannes & Apostoli, qui omnibus hominibus Evangelium annuntiabant, clamare iubentur, ut ab omnibus exaudiantur. ET DIXIT. Heb. דִּבֶּר, & dixit (Ioannes.) QUID CLAMABO? non est ignorantis interrogatio, sed docere volentis. OMNIS CARO FOENUM: hæc de omnibus hominibus dicuntur, sed præsertim de Iudeis, ut explicatur vers. 7. Neque ad corpus tantum referri debet, ut multi alii Scripturæ loci: Iob. xiv. 2. & Psal. ctt. 15. & Eccl. xiv. 18. sed ad mores: opponit enim verbum Dei moribus populi, vers. 8. quasi dicat: Omnis lex Moysi, omnia carnis, quibus Iudæi gloriari solent (hoc est, & omnis gloria eius) sunt velut fenum aridum. *Verbum autem Domini*, id est Evangelium, *stabit in æternum*, id est fiet in eo qui illud receperit, *Fons aque viue salientis in vitam æternam*: Ioan. iv. 14. ET OMNIS GLORIA EIUS, Heb. וְכָל כְּדוֹר, & *omnis beneficentia eius*, id est omnia opera bona eius (sine gratia.) *Omnes enim iustitie nostræ sunt tamquam pannus menstruatus*: Isai. lxiv. 6.

V. 7. EXSICCATUM EST FOENUM, id est exsiccat solet: QUA, כִּי, quando; vel, *quoties spiritus Domini*, id est minimus ventus insufflauerit. VERE FOENUM EST POPULUS: applicat similitudinem una tantum ex parte, alteram nobis relinquit intelligendam. Populus igitur est sicut fenum; ira sive iudicium Dei est sicut ventus: itaque significat opera legalia Iudeorum non posse sustinere Dei iudicium, id est non iustificare.

V. 9. SUPER MONTEM EXCELSUM. Non significat altitudinem montis, sed vocis contentionem: quod enim dixit prius, *Clama*,

ma, vers. 6. nunc dicit, *Super montem ASCENDE*; id est, loquere ita ut te omnes audire possint, quemadmodum si e monte excelso loquerere. TU QUI EVANGELIZAS SION: מְבַשֵּׂר, in qua evangelizas Sion. Dicitur autem Sion evangelizare; vel, quod idem est, Ierusalem, quia in ea primum Evangelium est prædicatum, & ex ea in alia loca permanavit: Luc. xxiv. 47. NOLI TIMERE; id est, ne vereare ut vera sint quæ evangelizas. ECCE DEUS VESTER, id est Christus.

V. 10. ECCE DOMINUS DEUS, id est Christus, IN FORTITUDINE VENIET, id est fortis & potens. Videtur secundum Christi adventum describere, tunc enim fortis veniet, & ut ipse dicit Matth. xxv. 31. tamen etiam de primo adventu omnia possumus intelligi. Venit enim in fortitudine, quia mortem vicit, & portas inferni confregit, captivamque duxit captivitatem. ET BRACHIUM EIUS DOMINABITUR: וְ, sibi, ipse sibi, sine cuiusquam auxilio regnum comparabit. Ioan. xvi. 33. *Confidite, ego vici mundum*: & Rom. xiv. 9. *In hoc Christus mortuus est, ut mortuorum & vivorum dominetur*. ECCE MERCES EIUS CUM EO: afferet secum mercedem, ut reddat unicuique secundum opera sua, ut explicatur in Apoc. cap. xxii. 12. quod in secundo adventu reipla fiet; in primo vero prædicatum est. ET OPUS ILLIUS: idem est opus & merces. CORAM ILLO, cum illo. Accipitur enim passive opus illius; id est, quod ab illo remuneratur, aut remuneratio operum, quæ ab illo fit. *Coram illo*. Quemadmodum qui militibus stipendia solvit, ante se portat pecuniam.

V. 11. SICUT PASTOR: est enim Christus pastor bonus: Ioan. xi. 14. GREGEM SUUM PASCET, id est Ecclesiam, quam gregem vocat: Luc. xii. 32. *Nolite timere pusillus grex*. IN BRACHIO SUO; id est, ferens brachius suis agnos, congregabit eos. Agnos vocat neophytos, recentisque Christianos infirmos adhuc in fide, quos fore dicit, ut Christus brachiis suis congreget; id est, ut eorum infirmitatem patienter ferat: sicut docet nos facere D. Paulus Rom. xiv. 1. *Infirmum in fide assumite*. Congregare autem significat in gregem redigere: agni enim recens nati nequaquam gregem sequi possent, nisi a pastore portarentur. FOETAS IPSE PORTABIT: מְנִיל, dicet,

ect,

ect, foetæ etiam infirmæ sunt, neque gregem aliquando sequi possunt, nisi portentur. Mylice, foetæ sunt homines Christiani quidem, sed operibus & curis secularibus onerati, qui & prægnantes appellantur: Matth. xxiv. 19. *Vt prægnantes & nutriendis in illis diebus*. Similis sententia Isai. lxxvi. 12. *Ad ubera portabimini, & super genua blandientur vobis, quomodo si cui mater blanditur, ita ego consolabor vos*.

V. 12. **QUIS MENSUS EST.** Probat quod dixerat, declarata Dei potentia; quasi dicat: Quis poterit facere quæ dixi, nisi Deus, qui omnia potest. **QUI MEN USEST PUGILLO AQUAS;** id est, fecit ad mensuram quantum aque voluit, quemadmodum si pugillo mensus fuisset. **ET CAELOS PALMO PONDERAVIT:** הֵנָּה, *direxit, discessit*, id est quemadmodum si palmis dimensus esset. **QUIS APPENDIT עֶפְרַיִם הָאֵץ,** *et mensus est mensura pulverem terræ.*

V. 13. **QUIS ANTRUIT:** vel, *quis direxit*, id est instruxit הֵנָּה *spiritum Domini*, id est eius animum. **AUT QUIS CONSILIARIUS.** Heb. *אִישׁ עֵתָּה יוֹדֵינוּ* & (quis) *cum a consiliis tui esset, decessit enim*. D. Paulus Rom. xi. 34. versionem Septuag. secutus est, *τίς γινώσκων κρίνει, & τίς συμβουλεύει διὰ τῆς ἰσχύος*.

V. 14. **CUM QUO INIT CONSILIUM.** Vel, *quomodo a quo consilium petivit, quem consuluit?* Hæc omnia nihil aliud significant, quam summam in Deo esse potentiam, sapientiam, providentiam, quod omnia fecerit in pondere, numero, & mensura.

V. 15. **ECCE GENTES.** Eandem magnitudinem & potentiam Dei per comparationem ad creaturas declarat. **QUASI STILLÆ:** טֵרַף, *guttae stultæ*; id est, sicut gutta una comparatione totius stultæ aqua plenæ minima est, ita omnes gentes comparatione Dei minimum quiddam sunt. **ET QUASI MOMENTUM;** id est, quasi minimus scrupulus stultæ, ita illæ apud Deum minimum habent ponderis. Heb. *כֶּשֶׁף*, *quasi pulvisculus*; id est, sicut minimus pulvis, si in balance sit, non deprimit eam, ita omnes gentes nihil Deum movere possunt. **ECCE INSULAE QUASI PULVIS EXIGUUS.** Heb. *כֶּרֶךְ יָמִינִי*, *ecce insulas sicut pulverem proiciit* (Deus.)

V. 16. **LIBANUS,** id est ligna Libani;

quasi dicat: Nullis rebus possumus eum; quantum par est, colere.

V. 17. **CORAM FO.** Hebraismus, pro, comparatione illius. **QUASI NIHILUM ET TENANE;** quasi vanitas reputatae sunt: præter pro præter reputantur, *וְהָאֵל*, *apud illum*.

V. 18. **CUI IGITUR SIMILEM FECISTIS.** Præter pro fut. Cui similem faciatis Deum. Pueriliter hoc loco Hæretici abutuntur, ut doceant non licere Deum pingere, quasi maius scelus sit Dei proprietates coloribus exprimere, quam verbis, aut figuram illi penicillo, quam scripto tribuere. Scriptura vero facta Deum verbis pingit, nam & caput, & manus Dei saepe nominat. Et Dan. cap. vii. 9. specie leonis cum depingit. Hoc ergo loco & aliis huiusmodi, illud tantum prohibetur, ne uli creaturæ divinitatem tribuamus, neve ullius rei creatæ imaginem appingamus Dei; ut eam rem Deum esse profiteamur.

V. 19. **NUMQUID (pro, numquid non) SCULPTILE CONFLAVIT FABER:** aut aurifex auro, **FIGURAVIT ILLUD.** Heb. *וַיִּפְּחֵם*, *expandit illud*; id est, deauravit extendens aurum de super. **ET LAMINIS:** &, ponitur pro, vel, ut saepe apud Hebræos, idola enim deaurabantur, vel deargentabantur. **LAMINIS ARGENTIS:** דְּהָאָהָרָה כֶּסֶף, quod alii vertunt *catenas argenteas*, nullo penitus sensu: neque enim idola catenis vinciebantur. Multo ergo melius noliter Interpretis: *Laminis argenteis*, id est expanso de super argento; quod enim ante dixit *וַיִּפְּחֵם*, *expandit aurum*, loquens de auro; nunc dicit de argento loquens, *laminis argenteis*.

V. 20. **FORTE LIGNUM.** Declarat modum quo fieri solent idola, quo magis abhorreant homines ab eorum cultu. Hebraice obscurior hic locus est, quam Latine: הַסֵּסֶן הַיָּמִינִי עֵץ לְאִירֵכָךְ יִבְרָח, *quod R. David interpretatur sic: Pauper in oblationem eligit lignum, quod non putrefecit: הָאֵל הָאֵל עֵץ חָכֵם יִבְרָח, artificem sapientem quærit sibi, ut statuat sculptile, ita ut non moveatur.* Putat enim voluisse Prophetam docere, quomodo idola ab omni genere hominum fieri soleant, a divitibus quidem ex auro, a minus copiosis ex argento, a pauperibus ex ligno electo. R. Abraham, & R. Ionah aliter, הַסֵּסֶן הַיָּמִינִי, *Tesaurarius lignum quod non putrefecit eligit.*

V. 21. **NUMQUID NON SCIVISTIS?** Fut. pro præterito, vel præteriti. An non scivistis? (sub.)

(sub. quis sit verus Deus, qui omnia fecerit.) NUMQUID NON intellexistis fundamenta terræ, id est quis iecerit terræ fundamenta. Alii, *An non intellexistis (Deum) ex ipsis fundamentis terræ.*

V. 22. QUI SEDET. Repetendum est verbum ex superiore versu: An non cognovistis (eum) qui sedet super gyrum terræ, id est super cælum, quæ est sphaera, qua tegitur terra: על חוגג הארץ, *super sphaeram terræ, aut super cardines*, ut verti nosser Interpret: Iob xxii. 14. ET HABITATORES EIUS (terræ) QUASI LOCUSTAE (comparatione Dei) id est, multi quidem, sed exigui, & infimissimi. QUI EXTENDIT CAELUM VELUT NIHILUM; id est, sicut rem tenuissimam, quæ videtur nihil esse. Heb. כרס, *sicut telam tenuissimam*, id est facile, tela enim tenuis facillime explicatur, ut Plal. ctt. 3. *Extendens cælum sicut pellem.*

V. 23. QUI DAT SECRETORUM; id est, *Qui comprehendit sapientes in astutia sua*: Iob v. 13. & I. Cor. iiii. 19. *Qui stultam fecit sapientiam huius sæculi.* Heb. חכמת חוכים, *qui ponit principes ut non sint*; id est, qui principes redigit in nihilum: *Qui depouit potentes de sede, & exaltat humiles*: Lucæ i. 52. IUDICES TERRÆ, id est sapientes terræ, vel, potentes terræ, כְּתִירֵי עֵשָׂה, *sicut inane facit*, id est in nihilum reducit: repetitio.

V. 24. ET QUIDEM NEQUE PLANTATUS. Heb. כָּל נֶשֶׁךְ, *non sunt plantati*; כָּל יֶרֶךְ, *non sunt seminati*: *Non est radix in terra trunci eorum*; id est, Deus redigit principes in nihilum, & quidem ita, ut eos penitus extirpet, ut neque plantati, neque seminati umquam fuisse videantur, neque maneat ulla radix trunci eorum, id est ulla spes recuperandæ dignitatis. Alius sensus esse potest, ut reddatur causa præcedentis versus, cur Deus principes in nihilum redigat: quia non sunt plantati, &c. id est, quia non habent ullam firmam stabilitatem: *Omnis enim caro sanum*, ut dixit sup. vers. 6. Propterea, REPENTE FLAVIT, pro, flabit, & arescent.

V. 25. ET CUI ASSIMILASTIS ME: ut supra vers. 18.

V. 26. LEVATE, id est suspicite cælum, & considerate quis creaverit hæc. Relativum sine antecedente; id est, quis fecerit has stellas quas videtis. QUI EDUCIT.

Bib. Sac. Tom. XVII.

Responsio est: Ille scilicet creavit, qui educit sicut dux exercitum, hoc est, oriri facit. IN NUMERO, id est certas, numeratas, quotquot vult. MILITIAM EORUM (harum stellarum.) Militiam autem vocat stellarum numerum, id est exercitum, non quod animatæ sint, ut magni etiam auctores putaverunt, sed propter multitudinem, & ordinem, atque dispositionem, ut Deut. xvii. 3. & IV. Reg. xvii. 16. & xxi. 3. 5. & xxiii. 4. 5. ET OMNES EX NOMINE VOCAT; id est, omnes cognitatas habet, & veluti in numero. Vocare, vel ex nomine vocare apud Hebræos est aliquid perfecte cognoscere, ut hoc loco, & Plal. cxlvi. 4. *Qui numerat multitudinem stellarum, & omnibus eis nomina vocat*: & Rom. iv. 17. *Qui vocat ea quæ non sunt tamquam ea quæ sunt*. Potest etiam significare idem, quod imperare; quasi dicat, Omnes stellas a Deo vocatas ad nutum obedire, id est moveri quocumque ille velit. Sicut Centurio illæ suam potentiam declaravit: Marth. viii. 9. *Nam & ego homo sum sub potestate constitutus, habens sub me milites, & dico huic: Vade, & vadit: & alii, Veni, & venit: & servo meo, Fac hoc, & facit.* PRÆ MULTITUDINE, id est propter multam multitudinem eius (Dei.) NEQUE UNUM RELIQUUM FUIT. Præ, pro fut. nullum. (sydus, nulla stella) decrevit ab eo vocari; id est, nulla non obediit illi vocanti.

V. 27. QUARE DICIS IACOB, id est duæ tribus, ET LOQUERIS ISRAEL, id est decem tribus. Quod sequitur, ABSCONDITA EST VIA MEA A DOMINO; id est, non respicit Dominus viam meam, non curat vitam meam, ut Iob xxii. 14. *Nubes latibulum eius, nec nistra consulerat, & circa cardines cali perambulat.* A DEO MEOTUDICIUM MEUM, id est causa mea. TRANSIVIT, neglecta atque repudiata est, id est non suscipit defendendam causam meam. Conclusio est argumenti a minori ad maius; quasi dicat: Si Deus tantam curam stellarum habet, ut eas in numero habeat; quomodo tu dicis non habere eum curam tui?

V. 28. NUMQUID NESCIS: quod Dominus non sit Deus ad tempus, ut dñi Gentium, sed עֶלְמֵי מְלָכִים Deus æternitatis; id est, qui non mutatur, qui sine ullo labore & fætigatione creavit terminos terræ, id

X

est

est totam terram. Ex eo quod Deus mundum creavit, & ex eo quod non fatigatur, & ex eo quod eius sapientia invicigari non potest, probat eum habere omnium rerum providentiam: si enim novit omnia, si facit omnia, & si non labor curandis rebus, habet ergo curam omnium.

V. 29. QUI DAT LASSO VIRTUTEM, id est sed potius dat lasso virtutem. ET IIS QUI NON SUNT (fortes) FORTITUDINEM. Heb. *Et quibus non sunt fortitudines, robur multiplicat.*

V. 30. DEFICIENT PUERI: נַעֲרִים, *adolescentes*; id est, robustissimi quique potius lassabuntur. ET IUVENES IN INFIRMITATE CADENT. Heb. כְּשֶׁל יִשְׁטוּ *cadendo cadent*; id est, fortissimi quique penitus corruunt, potius quam in Domino.

V. 31. MUTABUNT FORTITUDINEM, id est reintegrabunt, ac resument maiores vires: ut inf. cap. xli. 1. ASSUMENT PENNAS: יִעֲלוּ מִכָּר, *attolent pennas*; id est, alte volabunt, evchentur in sublimem dignitatis gradum, res magnas perficient, renovabunt vires; sicut aquila pennas renovat, ut Psal. cii. 5. *Renovabitur ut aquila inventus tua.* CURRENT ET NON LABORABUNT; id est, non deficient in cursu, atque inhiitito vitæ suæ: II. Cor. xii. 10. *Cum enim infirmor, tunc potens sum.*

S A.

Vers. 2. A D COR, id est consolatoria. MALITIA, id est astutia. DUPLICIA, id est multa, scilicet bona: quidam tamen intelligunt dupliciter, id est graviter punitam. PRO OMNIBUS, &c. quasi dicat, Cum tamen digna non esset.

V. 3. VOX, &c. Hæc de Ioanne Baptista intelliguntur. DOMINI. Chald. *Domino*, scilicet Christo venturo. RECTAS, &c. LXX. *rectas facite semitas eius*, ut citatur ab Evangelistis. SOLITUDINE, id est mundo.

V. 4. VALLIS, id est humiles. EXALTABITUR. LXX. *implebitur*, scilicet Dei gratiis. MONS, &c. id est superbi. PRAVA, id est distorta; quasi dicat, Reformabuntur hominum mores.

V. 5. GLORIA DOMINI, scilicet Christus in carne apparebit. CARO, id est homo. PARITER. LXX. *salutare Dei.* QUOD.

LXX. *quia.* LOCUTUM EST, id est ita futurum prædixit.

V. 6. VOX, scilicet a me auditur. OMNIS CARO. Chald. *omnes impii.* GLORIA. Chald. *Fortitudo.*

V. 7. SPIRITUS, id est ventus, scilicet flante vento cadunt flores.

V. 9. QUI: sic etiam Chald. & LXX, ut ad Prophetam referatur; at Heb. *que*, ut referatur ad Sion, & Ierusalem, unde primum orta prædicatio scilicet per Christum & Apostolos.

V. 10. DOMINUS DEUS, scilicet Christus. MERCES, scilicet quam suis est daturus, ipse enim merces. OPUS, scilicet de quo Ioan. xvii. *Opus quod delistis mihi, ut facerem.* CORAM ILLO; quasi dicat: Intendat operi sibi commisso quam diligentissime.

V. 11. IN BRACHIO, id est brachiis extensis, ut solent pastores. PORTABIT. Chald. *leniter ducet.* LXX. *consolabitur.*

V. 12. QUIS, &c. quasi dicat: Quis nisi Deus omnibus rebus mensuram & modum præscripsit? & tamen tantum cum sit, pro homine homo fieri dignatus est. PUGILLO; pro, velut pugillo. LXX. *manu.* PALMO PONSIFRAVIT; pro, velut palmo mensuravit. TRIBUS DIGITIS, id est trium personarum indiviso opere. Chald. *mensura.* LXX. *pugillo.* LIBRAVIT. LXX. *stavit.*

V. 13. ADIUVIT. LXX. *eoghorvit*: sicut a Paulo citatur Rom. xi.

V. 15. MOMENTUM, id est minimum quid. STATFRAE, id est bilancem facile inclinans. Vide Sap. xi.

V. 16. SUFFICIENT, scilicet ad ignem sacrificiorum, si pro dignitate agendum sit.

V. 18. FECISTIS, scilicet o idola fabricantes. PONENTIS; pro, posuistis; quasi dicat: Itane pro Deo adorare idola, quæ nihil habent cum Deo commune?

V. 21. FUNDAMENTA TERRÆ, scilicet a Deo iacta; quasi dicat, Nonne agnoscitis Dei vcri potentiam?

V. 22. SEDET, id est præsidet. VELUT NIHILUM, id est facillime. LXX. *quasi eam eram.*

V. 23. DAT, id est facit. SECRETORUM SCRUTATORES, id est Philosophos. LXX. *Principes.* INANE. Chald. & LXX. *nihil.*

V. 24. NEC PLANTATUS, &c. id est ac si non esset plantatus, &c. TURBO, id est contempnas.

V. 25. ASSIMILASTIS, &c. quasi dicat: Numquid mihi quidquam simile est, aut aequale?

V. 26. NUMERO, scilicet, certo. MILITIAM, id est exercitum. LXX. *ornatum*, scilicet stellas. OMNES, scilicet & caelos & stellas. EX NOMINE VOCAT; id est, plene novit, seu facit adesse ubi vult, ut solent domini servos vocantes. RELIQUUM FUIT, id est defuit. Cald. *impellitum est ab ordine suo*.

V. 27. ABSCONDATA, &c. id est ignorat Deo res mea. IUDICIUM, id est causa, vel mores. TRANSIVIT, id est erit ignotum: sic dicimus, *præterit me*, id est ignoro.

V. 29. NON SUNT, scilicet fortes. LXX. *non dolentibus, mactorem*.

V. 30. PUERI. Chald. *iuvener*; quasi dicat, Alioqui robusti. ET LABORABUNT; pro, laborando. IN INFIRMITATE, id est præ debilitate. MUTABUNT. Chald. *adident*.

V. 31. PENNAS, id est alas. AQUILAE. Hæc sæpe pennarum mutatione iuvenescit.

EST II.

Vers. 2. **L**OQUIMINI AD COR IERUSALEM, ET ADVOCATE EAM, QUONTIAM COMPLETA EST MALITIA EIUS. In Scriptura sacra completam esse alicuius malitiam sere in malam partem accipitur; ut sit idem, quod iniquitatem eius pervenisse ad summum, ita ut iam vindicta non sit diutius differenda; velut dum dicitur de gentibus terræ Chanaan, quod nondum completa erant iniquitates eorum, Gen. xv. Hic autem omnino diversum quid significatur hac phrasi; est enim sensus secundum nostram lectionem: *Completa est malitia eius*, id est ablata & finita malitia, facta remissione peccatorum. Id enim declaratur immediate sequentibus verbis: DIMISSA EST INIQUITAS ILLIUS. Interim sciendum est quod quadam exemplaria pro *malitia*, habent *militiam*: & vox Hebræa *sebah*, militiam significat, unde est illud *Deus Sabaoth*, id est Deus exercituum, pluraliter. Ex commentario Hieronymi non liquet,

utrum legerit malitiam, an militiam. Septuaginta habent, *completa est humilitatio eius*. Itaque si secundum nostram lectionem, per *malitiam* intelligamus penam & afflictionem, quæ ex bellis & militia provenit, utcumque cum lectione illa ex Hebræo iam convenit nostra. Sic enim & in Evangelio: *Sufficit tui malitia tua*, id est miseria, Matthæi vi.

SUSCEPIT DE MANU DOMINI DUPLICIA PRO OMNIBUS PECCATIS SUIS. Hebræi intelligunt duas captivitates, Chaldaeorum & Romanorum, ut sensus sit: Bis punita est pro peccatis suis. Alii aliter. Sed quia hic est annuntiatio Evangelii, & latus nuntius, videntur hæc verba non ad penam, sed ad beneficia pertinere; hoc sensu: Nec tantum dimissa est iniquitas eius (hoc enim præcedit) verum etiam post tam gravia peccata, quibus Deum offendit, multis ac variis beneficiis a Deo affecta est. Nullo modo ergo ex his verbis argumentari licet, Deum aliquem punire ultra meritum, aut dupla punitione. Quod si ad penas tamen retrahatur, potest hic reddi simplex & commodus sensus: Iam satis superque afflictæ est, punita Ierusalem pro peccatis suis. Sic & Apoc. xviii. dicitur de Babylone: *Duplicata ei duplicia secundum opera eius*.

MARIANAE.

Vers. 1. **C**ONSOLAMINI. De liberatione a captivitate Babylonica, quam superiori capite comminatus erat, nunc loquitur, tum de Christi adventu & vocatione Gentium.

V. 2. LOQUIMINI AD COR, id est blanda, consolatoria. ET ADVOCATE EAM, seu *clamate ad eam*. MALITIA EIUS. Heb. *malitia eius*, id est tempus captivitatis, afflictionis eius: captivitatem vocat, quod laboriosa esset ut militia. *Malitia* etiam pro afflictione captivitatis sumi potest. DIMISSA EST INIQUITAS ILLIUS, id est pena iniquitatis sublata est. DUPLICIA, id est multa beneficia. PRO OMNIBUS PECCATIS VUIS, id est quamvis peccarit contra Deum.

V. 3. VOX CLAMANTIS: ibi comma, quod accentus Heb. ostendit. IN DESERTO: PARATE VIAM DOMINI, id est Christi venientis per desertum peccatorum. Aut

qua veniant Iudei e captivitate, ducente Deo per loca deserta. Complanate eam. Id ut fiat,

V. 4. OMNIS VALLIS, loca profunda exaltentur, terra impleatur, & loca excelsa deiciantur, ut via plana & facilis reddatur: sic fit in Regum adventu. EXALTABITUR. Septuag. *implebitur*: sic citatur Luc. 11. 4. PRAVA, id est curva dirigantur. ET ASPERA. Heb. *excelsa in plantum*, scilicet vertantur.

V. 5. ET REVELABITUR GLORIA DOMINI. Ea gloria est, impleisse quae promissit.

V. 6. VOX DICENTIS: CLAMA; scilicet Angeli Dei iussu id mandantis Isaiae ut clamaret. QUID CLAMADO? Isaiae responsio. OMNIS CARO. Sensus est, omnia esse caduca, quod Deus promissit firmum & itabile esse: non mutari eius decreta.

V. 7. SPIRITUS DOMINI. Ventus vehemens flores decutit, siccatur scenum. Floribus & sceno est homo similis.

V. 9. SUPER MONTEM. Ierusalem in monte sita erat. Ergo ex eo monte evangelizare, sive annuntiare iubet, quae sequantur. TU, QUI EVANGELIZAS SION; scilicet Isaiam iubet haec annuntiare. Heb. *que evangelizas Sion*: sic Sion est in vocativo, illique mandatur, ut evangelizet aliis urbibus. QUI EVANGELIZAS IERUSALEM. Simili modo Heb. est, *que evangelizas (o) Ierusalem*. DIC CIVITATIBUS IUDA, sive tu Propheta, sive ipsa Ierusalem aliis civitatibus nuntia. Quid nuntiabit? Venturum Dominum in fortitudine, sive ut redimat homines, sive ut liberet Israelitas.

V. 10. DOMINABITUR. Heb. adiicitur *sibi*, sed redundat, ut aliis locis, ex Heb. linguae proprietate. Bene Hieron. abstulit. ECCE MERCES EIUS CUM EO, id est praesentem habet mercedem, non differet. ET OPUS ILLIUS; scilicet quod mandavit, praesens habet, ut operi mercedem exaquet.

V. 11. IN BRACHIO SUO CONGREGABIT, id est feret ad caulam agnos suos. ET IN SINU SUO. Repetitur. FORTAS IPSE PORTABIT, scilicet humeris. Heb. *leniter ducet*. Christi & Dei lenitatem & suavitatem erga suos commendat hac metaphora.

V. 12. QUIS MENSUS EST PUGILLO AQUAS. Hic multa de Dei potentia & sapientia dicit, ut ostendat posse implere pro-

missa, quod iam dixit; nihilque eum latere, quod deinde est dicturus. *Pugillum* hic pro vola sumit, quae est Hebraeis minima mensura. Indicat Deum scire quot tales mensuras aquae contineant. ET CAELOS PALMO PONDERAVIT? Heb. *dixit seu mensus est*: צֶרֶת *zereth*, palmum maiorem seu digitonum duodecim significat. Deus ergo in numero habet, quot palmis caelum extendatur. QUIS APPENDIT TRIBUS DIGITIS MOLEM TERRAE. *Salis*, id est *tertia*, mensurae etiam nomen est, Psal. xxxviii. 6. quod Bathi tertiam contineat, nempe modium, sextarios Romanos sedecim: כֹּל *etiam mensus est* significat, aradice כֹּל *Chul*: sic ergo verto Heb. *Quis mensus est mensura salis pulverem terrae*, id est scit quot modios contineat tota terrae moles? ET LIBRAVIT IN PONDERE MONTES. Septuag. *statuit*, Heb. *appendit in statera montes*, vel *amissi*, id est Romana, vulgo. ET COLLES IN STATERA? sive in *balance*. Puto in his mensuram nominibus species sumi pro genere, id est *volum*, *palmum*, *modium* pro mensura in communi.

V. 13. QUIS ADIUVIT SPIRITUM DOMINI? Heb. *quis disposuit mentem Domini*? quis cum docuit, quod mox repetit. Septuag. *cognovit*: sic citatur ad Roman. xi. 34. ET OSTENDIT ILLI? instituit eum.

V. 14. SEMITAM IUSTITIAE quis cum docuit? Heb. *semitam iudicii*. Sed *iudicium* pro *iustitia*, aut pro rerum & orbis dispositione. VIAM PRUDENTIAE. Heb. *intelligentiarum*; id est, fecit illum intelligere ordinem, quem in operibus & in mundi fabrica deberet tenere.

V. 15. GENTES QUASI STILLA SITUAE, id est quasi gutta ex lebete cadens. ET QUASI MOMENTUM STATERAE. *Momentum* est lingua staterae, quae facile in utramque partem vertitur. Heb. *quasi pulveris minutus statera*, quo scilicet non movetur statera. ECCE INSULAE QUASI PULVIS EXIGUUS. Heb. *insulas quasi pulverem minutum proiciet*, id est transieret alio. Quod saepe insulas contingit, ut mari emergant aliae, rursus aliae emergant aliis locis. Vel *insulae* sint gentes remotae, ad quas per mare ibatur.

V. 16. ET LIBANUS NON SUFFICIET. Si quis pro dignitate Deo sacrificare velit, ne-

que Libani ligna ad ignem sufficient, neque pecora, quæ in eo pascuntur, ad mactandum.

V. 17. OMNES GENTES QUASI NON SINT. Heb. *omnes gentes quasi non in conspectu eius*. ET QUASI NIHILUM. Heb. *præ nihilo* (scilicet minores sunt) & *inanis*. Huc tendunt omnia quæ dixit de Gentium vilitate, ut intelligatur earum comparatione maiestas & gloria Dei.

V. 18. CUI ERGO SIMILEM; quasi dicat: Si Deus tantus est, ut cetera eius comparatione nihil sint, nulla imago rei corporeæ illum exprimere poterit. Quid idola facitis?

V. 19. AURO FIGURAVIT ILLUD. Heb. *extendit illud*. Quæ fusa sunt, malleo extenduntur & perficiuntur. ET LAMINIS ARGENTIS ARGENTARIUS? *Argentarius* pro aurifice, cum aliqui *mensurarius* significet. Heb. *catenas argentæ aurifex*, scilicet extendit, ad idoli nempe ornamentum.

V. 20. FORTE LIGNUM ET IMPUTRIBILE. Heb. *pauper* (in) *oblationem lignum* (quod) *non putrescit*, eligit scilicet qui aurum argentumque non habet, is ut idolum offerat, lignum optimum elegit. ARTIFEX SAPIENS QUÆRIT. Heb. *artificem sapientem quærit sibi* (scilicet is pauper) *ad ordinandum sculptile* (quod) *non movetur*, id est incers, sine anima & sensu.

V. 21. FUNDAMENTA TERRÆ? id est quis iecit ea? Quomodo ergo illi idola ineria familia sint?

V. 22. SEDET quasi Dominus. QUASI LOCUSTÆ sunt homines, id est quasi nihil eius comparatione. QUI EXTENDIT VELUT NIHILUM CAELOS, id est nullo labore extendit celos. Heb. *Qui extendit velut cortinam tenuem celos, & ut tabernaculum*. AD INHABITANDUM; pro quod tabernaculum ad inhabitandum extenditur.

V. 23. QUI DAT SECRETORUM SCRUTATORES QUASI NON SINT, id est divinos. Heb. *qui dat* (pro, redigit) *Principes & Reges in non*, id est nihilum. IUDICES TERRÆ VELUT INANE FECIT, id est pro nihilo eos æstimat.

V. 24. ET QUIDEM NEQUE PLANTATUS; pro, quasi neque plantatus, scilicet homo. Heb. *Etiā neque plantati sunt, neque sati, neque radicavit in terra truncus eorum*, id est quasi plantati non essent. REPENTE FLAVIT IN EOS. Heb. *etiā flavit*

in eos, scilicet ventus, aut Deus, & arefecit.

V. 25. ET CUI ASSIMILASTIS ME? Si ea sum potentia, res aliæ inanes, quæ imago me exprimit? ET ADAEQUASTIS. Heb. & *æquabor*, scilicet cui imagini.

V. 26. QUI EDUCIT IN NUMERO, id est numeratas habet stellas. MILITIAM EGROUM. *Stellas militiam* vocat. EORUM, aliorum. EX NOMINE VOCAT. Magnorum ducum est, suos milites ex nomine vocare. NEQUE UNUM RELIQUUM FUIT. Heb. *vir*, id est quisquam non deficit. Nullus ex iis militibus & stellis signa deferit, omnes obedunt.

V. 27. IUDICIUM MEUM TRANSIVIT, scilicet ab oculis eius: non vidit Deus iudicium meum, id est meam iustitiam & probitatem; quasi dicat: Si ea maiestate est Deus, si ea scientia, quare credis & dicis, tuas res illum latere?

V. 29. ET HIS, QUI NON SUNT, FORTITUDINEM DAT. Heb. *Et quibus non sunt vires, robur multiplicat*. Quomodo de eo dicis, cum latere tua?

V. 30. DEFICIENT PUERI. Heb. *lassabuntur pueri, seu adolescentes*. IN INFIRMITATE CADENT. Heb. *cadendo cadent*; quasi dicat: Ii qui per etatem robusti sunt, in labore deficient, quia in suis viribus confidunt. Vel, etiam illi cadant, pii robusti erunt.

V. 31. ASSUMENT PENNAS SICUT AQUILAE, scilicet pii. Heb. *ascendent alæ* (pro, alæ) *sicut aquilæ*. Quæ aquilæ quolibet decennio ad radios solis calefactæ, seque deinde in mare mergentes, veteribus plumis nudantur, pro illis novæ succedunt. *Ascendent*, id est nascuntur. AMBULABUNT, ET NON DEFICIENT. Heb. & *non erunt fessi*, aut *non deficient præ lassitudine*, qui sperant in Domino, pii.

MALVENDAE.

Vers. 1. CONSOLAMINI, CONSOLAMINI POPULE MEUS. Heb. *Consolamini, consolamini populum meum*: subaudi cum Chaldeo & sere omnibus, o vos prophetæ: siquidem verbum *DNJ nicham*, in *Pibel*, ut hic ponitur, semper in Scriptura active sumitur. Notant, horum duorum capitulum, quæ coniungunt, unicam concionem esse, ut ipsa argumentorum se-

ries ostendit manifestissime. Sunt autem, inquit, huius concionis quatuor precipue partes: prima est, propositio beneficii Evangelici, usque ad vers. 12. secunda est, confirmatio promissionum Evangelicarum luculentissima, usque ad vers. 10. sequentis capitis: cui adhaeret repetitio & exortio earundem promissionum, inde usque ad vers. 21. tertia est, confutatio idololatrarum, & eorum omnium qui non acquiescunt Deo, vers. 21. & quatuor sequentibus: postrema est, conclusio de integro asserens promissiones Dei, a versu 26. ad finem usque capitis 42. Propositio vero pars est proleptica, univere Evangelii beneficia praenuntians, duobus primis versibus; pars vero distincte praedicationem Evangelii accommodat primum Ioanni Baptistae praecursori Christi, vers. 3. & duobus sequentibus; deinde apostolis omnibus ministris Evangelii, a vers. 6. ad 12. Quae omnia cum ad consolationem Ecclesiae olim habebatur, & iacentis pertinuerint, & misericentissime a Deo uno impetu praeexpectationem omnium fuerint praestita; propterea Deus vehementiam ac celeritatem facti ex abrupto indicat per repetitionem: *Consolamini, consolamini*, &c. cuius repetitionis in Scriptura usum, vide Genes. xli. 32. Nonnulli volunt repetitionem hic indicare, non qualemcumque consolationem, sed plenam, absolutam, divinam bonorum omnium, quae Evangelium attulit. Observant, iam hinc incipere apertiora oracula de redemptione per Christum, ut deinceps non tam Propheta videatur Isaias, quam Evangelista.

V. 2. LOQUIMINI AD COR, vel super cor, IERUSALEM. Vide Genes. xxxiv. 3. Quidam hic reddunt: I. Loquimini blande ipsi Ierusalem. II. Loquimini quae grata sunt futura ipsi Ierusalem. III. Verbis blandis & suavisibus lenite hostilitatem Ierusalem. IV. Loquimini quae sunt cordi urbi Ierusalem. ET ADVOCATE EAM: ad penitentiam, & ad recipiendum Evangelium. Heb. & vocate, seu clamate ad eam; id est, clara voce annuntiate ei, praedicate ei, nimirum haec sequentia, quod completa sit militia eius, & cetera. QUONIAM COMPLETA EST MILITIA EIUS: sic enim legendum in Nostro, & non *malitia*, contentiunt eruditi quique. מַלְחָמָה, militia proprie, seu exercitus: & sic perpetuo etiam

a Nostro reddi consuevit. Fortiter anno-
tat, hic sumi pro tempore certo & ad rem
aliquam perficiendam constituto, ut Iob
vii. 1. & hunc Isaie locum Marci 1. 15.
explicari: *Implicatum est tempus, instigatum
regnum Dei*, &c. ubi de tempore cultus &
ministerium Levitici est dictum; quasi dicat:
Implicatum est tempus militiae Leviticae &
legalis, consummatum est totum illud mi-
nisterium Leviticum, iam non amplius mi-
litandum est in tabernaculo seu templo,
nova Evangelii militia est exercenda, de
qua Paulus I. Timoth. 1. 18. *Ut milites
pulchram militiam*. Nam *treba*, militia,
seu stationem militarem, quae certo tem-
pore & ordine decenter in Ecclesia consi-
stuitur & administratur, significare, plu-
ribus nobis annotatum est in Exod. xxxviii.
8. & Numer. iv. 3. Nonnulli hic vertunt:
& praedicate ei, completum esse tempus pra-
esentum eius. Quidam exponunt, absolutum
esse tempus afflictionis & laborum eius.
Alii, advenisse tempus visitationis & au-
xilii, quo acceptura est consolationem. Sed
aptius ad sequentia refertur, adesse tempus
eius, quo dimissa est iniquitas illius, &
cetera. Alii tempus definiunt a Patre:
Galat. iv. vers. 4. DIMISSA EST INQUI-
TAS ILLIUS. Verbum מַלְחָמָה, in Ni-
phal diversimode hic explanant: I. quia
perfecta est, vel completa est iniquitas eius,
id est poena iniquitatis eius, ut Genes. xv.
16. & alibi passim. II. quia placabilis fa-
cta est iniquitas eius; id est, iam Deus
placatur iniquitati eius, seu parcat, aut pro-
pitiat, expiabilis, vel expiata est iniqui-
tas eius. III. exolutam esse iniquitatem eius.
IV. quod sumpta est poena iniquitatis ipsius.
V. Fortiter, Mercerus, Fortius: quod
accepta, grata, est iniquitas eius; id est,
poena iniquitatis, qua animi penitentia
ducti agnitione iniquitatis afficiuntur, ea ap-
probatur, accepta & grata est, & habent in po-
na penitentiae bonam voluntatem, & com-
placentiam. Simili phrasi legitur in voce ad-
tiva Levit. xxvi. 41. ex quo loco Propheta
eam desumpsit: vide Comm. in eum locum.
PRO OMNIBUS PECCATIS SUIS. Quidam in
bonum istud accipiunt: Numerus, inquit,
finitus pro infinito, ac si dicat: Consecret
illi Dominus multa beneficia loco pena-
rum quas merito & iuste datura erat pro
peccatis suis: tantum abest ut puniantur sit
eam

eam pro ratione delictorum. Alii in malum, *eam accepisse de manu Iehovæ duplum pro omnibus peccatis suis*; id est, plus latis penas luisse, satis superque castigatam fuisse, ad Dei iudicium, ut infra cap. lxi. 7. & Ierem. xvi. 18. & Apoc. xvi. 6. Deum non amplius meritis ab illa penas reposcere, atque ira contentum esse iis, quas Christus vas & sponsor Ecclesiæ pertulit, quasi Ecclesia ipsa luissetagnarum duplum, remissionis peccatorum, & reconciliationis cum Deo nomine: atque hæc duo sunt officia promissionum Evangelii, remissio peccatorum & reconciliatio in Christo, quæ sequentibus versibus circumscribuntur prædicatione Ioannis Baptiste, & sequentium servorum Dei.

V. 3. VOX CLAMANTIS IN DESERTO: PARATE VIAM DOMINI. Heb. potest reddi, *vox clamans*, & *vox clamantis in deserto*; quasi dicat, Videtur mihi audire vocem quamdam clamantem, & vocem cuiusdam clamantis. Nonnulli istud de restitutione ab exilio Babylonico accipiunt, quod tempore Cyri, ad cuius imperium sacra fuerit præconis vox, ut per desertam quævis loca pateret via Israelitis redeuntibus; unde sumpta occasione in Christum rapitur Propheta: vide Ierem. xxxi. 2. Ceterum prophetiam esse de Ioanne Baptista præcursores Christi, disertissime sacri Evangelistæ testantur, Matth. iii. 3. Marc. i. 3. Luc. iii. 4. & implet Ioannes de se affirmat, Iou. i. 23. Ambiguum est autem an Ioannes dicatur esse ipsa vox clamans, seu clamantis: vel intelligatur esse ille, cuius vox clamans, vel cuius clamantis vox hic describitur a Propheta. Primo modo plerique accipiunt, quod Ioannes dicatur vox, quia ex se nihil dicebat, sed quæ audierat a Deo. Sed secundus sensus est aptior. Tremellius, & Iulinius reddunt: *Voce clamantis, In deserto parate viam Iehovæ, &c.* Hæc verba, auctiore Christo, & Evangelistis omnibus, de Ioanne Baptista accipienda sunt, cuius exponitur primum prædicationis summa, hoc versu; deinde effecta, versu sequente; ac postremo finis summus, vers. 5. Nam, quod aliis placet, ad reversionem ex deportatione pertinere, minime probatur nobis, cum propter auctoritatem eorum, quos modo diximus; tum etiam propter verborum proprietatem, quæ non nisi coacte ad rectum

populi possunt accommodari, cum potius respiciant adventum Dei. Ergo quod ait, *Vox clamantis, vel Vocem clamantis, idem est ac si dicat: Hoc est exordium consolationis, remissionis peccatorum, reconciliationis in Christo, denum Evangelii, prædicatione Ioannis*: In deserto parate viam Iehovæ. Hoc, inquit, ita distinguendum esse, ostendit Hebræa distinctio, & comparatio sequentis membri: neque dubitamus quin eadem distinctio servanda fuerit in Novo Testamento: sunt autem hæc allegorice dicta de fide in adventum Christum, & de penitentia in remissione peccatorum. Sane ut prædicatione Ioannis in deserto communem illam & receptam distinctionem exposcere videatur: hanc tamen Hebraicam esse aptiorem contextui hic & ibi, negare non possumus. PARATE VIAM. Verbum *parat* pinnab, in Phel multifariam hic redditur: I. *reparare viam*. II. *aperire, amovere, viam*, id est quicquid impedimenta viæ. III. *complante viam*. IV. *scopare viam*: Italice, *sgombrare*. V. *expedire viam*. Notant, id verbum in ea coniugatione idem esse ac faciem reddere, vel dare, seu facere quod res habeat faciem, neque aliquid habeat aut fordidum, aut inæqualitatis, seu asperitatis, vel indecentiæ, quod dignum sit removeri a conspectu, seu loco, seu via. Facile reddiderim: *Facite viam ipsius Iehovæ*, id est faciem, decorem, ornatum date ei; ornate, apparate, conspicuam facite, aptate, viam Iehovæ: vide in Genes. xxiv. 31. & Levit. xiv. 36. RECTAS FACITE IN SOLITUDINE SEMITAS DEI NOSTRI. Alii ex Heb. I. *in solitudine planam facite semitam Deo nostro*. II. *adequate in solitudine aggerem Deo nostro*.

V. 4. OMNIS VALLIS EXALTABITUR, &c. Hunc versum quidam ex Heb. ita convertunt: *Omnis vallis attolletur, & omnis mons, collisque deprimentur: & abibit quod curvum est in planum, & salebrosum in convallum*; id est, ex omni hominum genere multos convertet Ioannes ad Dominum Deum ipsorum, &c. ut paret Domino populum constructum, qui cum agro, aut itinere comparari solet: vide Lucæ i. 16. & 17. & 76. cap. iii. 3. & sequentibus. PRAVA. *בצק* ghakob, singulare aiunt esse calcem asperum, indomitum, quod calcem ruere facit, & quod non satis vestigia sinat

firmam.

firmare. Alii, *supplantaterrum*, plerique *curvum*, *pravum*, *disortum*, *obortum*, *toruosum*, *obliquum*, *inequale*, *perversum*. Nonnulli *fraudentum*, *deceptorum*; ut sunt loca in vis, quæ in speciem plana & secura videntur, sed abditis voraginibus & hiatibus facile viatores decipiunt & hauriunt. Aliqui hic reddunt: *Et erit asperitas in planitiem*: vide in Ierem. xvii. 9. Et ASPERA. עֲרֵב רַגְלִים *rechafim*, elevationes, excelsa, elata hinc inde, salebrosa: vide Psalm. xxx. 21.

V. 5. ET REVELABITUR GLORIA DOMINI. Quidam: *Et conspicua erit gloria Iehovæ*, id est Christi, Ioan. i. 14. QUOD OS DOMINI LOCUTUM EST. Heb. *quia os Iehovæ locutum fuit*: videbunt omnes homines Christum æterni Patris Filium prædicantem, & annuntiantem suum Evangelium. Aliqui hunc versum ita convertunt: *Ut reveletur gloria Iehovæ; & videant omnes caro pariter, os Iehovæ locutum esse*; quasi dicat: Finis summus prædicationis Ioannis est, ut ipso indice & prodromo gloria Christi manifestaretur mundo, & omnes agnoscerent Agnum Dei tollentem peccata mundi, & prædicantem Evangelium.

V. 6. VOX DICENTIS: CLAMA. Alii: *Vox dicens, Prædica*, &c. Altera pars prædicationis, ut dictum est in verl. i. qua exponuntur, primum vocatio Apostolorum, ministrorumque Dei, ab ipso: secundo, donum, quod numquam a vocatione divellit Deus; tertio, summa prædicationis, ut de Ioanne Baptista dictum est. Continet autem prædicationis Evangelica primum doctrinam poenitentiae, qua homo totus prosternitur, ut salutem non a se, sed a Deo querat, tribus versibus; deinde doctrinam fidei in Christum, & promissiones eius, tribus versibus alteris. VOX DICENTIS: CLAMA. ET DIXI. Heb. *Et dixit*, seu potius, *dicit*, scilicet vox, vel ille, qui vocem emittebat, QUID CLAMABO? Videtur esse dialogismus inter Deum instantem Apostolos, & ministros Evangelii, & inter ipsos prædicatores: quo Deus informat prædicatores de suo munere, ut initium suæ prædicationis sumant a poenitentia, quæ potissimum consistit in agnitione sui & prostratione coram Deo, &c. Quidam hunc versum reddunt: *Vox dicens, Prædica: Etiam dicit, quid prædicaturus sis*; id est, mandatum Dei, quod

me vocat ad Evangelii ministerium, etiam tribuit mihi donum ministerii, docens me quæ prædicaturus sum: *Omnem carnem esse gramen, etiam omnem benignitatem eius similem esse floribus agri*; id est, quidquid benignissime in eam contulit Deus ad naturæ ornamentum & bonum. Nam hæc verba hominem animale spectant, prout in se ipso est; ac non regnitem Spiritu sanctificationis in Christo. ET OMNIS GLORIA ETUS. עֲדָן *chesed*, pietas, misericordia, clementia, benignitas, beneficentia, gratia, bonitas. LXX. Noë, & Petrus I. cap. i. 24. gloria. Putant nomine *chesed* hic significasse Prophetam, quidquid in homine est præstantissimum ex naturæ, morumque donis, absque gratia sanctificante.

V. 7. EXSICCATUM EST FENUG, &c. Alii ex Heb. I. *Aruit gramen, emareuit flos, quia spiritus Iehovæ flavit in illum*. II. *Exarefecit gramen, decidit flos, cum spiritus Iehovæ perflavit ipsum*. Sic verus sequente. SPIRITUS DOMINI: vel ventus validus, vel iustus, & impulsus Iehovæ: ut Gencf. i. 2.

V. 8. VERBUM AUTEM DEI NOSTRI MANET IN AETERNUM. עֲדָן יֵאָמֵר, *iakem, surget, stabit, consistet, confirmabitur, stabilietur, subsistet ratum, firmum, consilium*. Quidam: *at verbum Dei nostri permanet in seculum*; quasi dicat, Hoc unum semen incorruptum est & immortale, quod potest servare animas hominum, ut dicitur I. Petri, i. 23. & Iacob. i. 21. sic comparatur transitus ad sequentem locum de fide in Christum, & in verbum eius. Itaque verbum hoc, ipsum Evangelium accipiunt. Sane Petrus hunc locum ita interpretatur: *Renati non ex femine corruptibili, sed incorruptibili per verbum Dei vivi & permanentis in æternum*. Quia omnis caro ut fœnum, & omnis gloria hominis ut flos fœni: exaruit fœnum, & flos eius decidit: at verbum Domini manet in æternum. Hoc autem est verbum, quod evangelizatum est in vos. Nonnulli hic ipsam æterni Filii Dei personam in substantia accipiunt, qui Verbum est Patris, e Ioann. xii. 34. *Nos audivimus ex te quia Christus manet in æternum*. Sed id non satis congruit cum interpretatione Petri.

V. 9. SUPER MONTEM EXCELSUM ASCENDE TU. Heb. *ascende tibi*. Pronomen *tibi* est semineum, ut de semina videatur loqui.

loqui. Hispanice eleganter dicimus, *Subete*: vide in Genes. xii. 1. QUI EVANGELIZAS STON. מְבַשֵּׁרֵת *mebassereth*, participium semineum, *evangelizatrix*, *annuntiatrix*: Hispanice voce consona, *embaxadora*. Tzion potest esse vocandi casus, o *Tzion evangelizatrix*, id est, quæ prima annuntiabis Evangelium, supra cap. ii. 3. & potest esse secundi vel tertii casus, *evangelizatrix Tzionis*, vel *Tzioni*, ut ipsa Ecclesia intelligatur evangelizare Tzioni, hoc est Synagoga: sic quoque in sequente membro, *evangelizatrix Ierusalem*. Quidam reddunt: *Montem altum confende*, o *quæ evangelizas Tzion*, atrolle in potentia, seu potenter vocem tuam, *quæ evangelizas Ierusalaimis*, &c. Adhortatio ad Ecclesiam, ut palam, intrepide, & cum libertate summa promulget adventum Christi, doctrinamque fidei. Noster secutus LXX. masculinè reddidit, *tu qui evangelizas Tzioni*, ut ad prophetam, seu quemvis apostolum, & prædicatorem Evangelii rescratur. ECCE DEUS VESTER: Christus adveniens, qui versu sequente dicitur *Sustentator Iehovah*.

V. 10. ECCE DOMINUS DEUS IN FORTITUDINE VENIET, ET BRACHIUM EIUS DOMINABITUR. Variè ex Heb. reddunt: I. *Ecce Dominus Iehova cum forti veniet*, id est cum forti & valido exercitu; & *brachium eius dominium dabit ei*, vel *dominans*, seu *dominatur ei*, vel *in ipso*, vel *ex se*, seu *sibi*. II. *Ecce sustentator Iehova in impetu veniet*, & *brachium eius dominatur ex se*. III. *Ecce Dominus Iehova cum firmitudine veniet*, & *brachium eius potestatem sibi vendicans*; id est, veniet obfirmato animo, quasi omnem difficultatem evicturus, & omnem potestatem extollentem se deicturus, ut reducat inobedientes ad obedientiam fidei, & debellet universam tyrannorum potentiam; & brachio suo sibi imperium peperit, & præminentiæ sibi vindicavit. IV. *Ecce Dominus Iehova veniet in robore*, & *brachium suum dominabitur per se*, ex se se potens erit; quasi dicat: Propria virtute sua pariter sibi ac nanciscetur dominium, potestatem, ac imperium. V. *Ecce Dominus Iehova contra robustum venturus est*, & *brachium eius dominaturum est in illum*. Promissionum in adventum Christi, quas ppi amplectuntur fide, partes exponuntur duæ, una potentissima operatio in adversarios, & hostes Evangelii, hoc

Bib. Sac. Tom. XVII.

versu; altera lenissimus piorum ductus, cura & administratio, versu sequente. DOMINUS DEUS. Heb. ADONAI IYH: quidam legunt, *Iehovi*; cuius nominis rationem ac vim expolitam habes in Notis ad Genes. ii. 4. & in cap. xv. 2. IN FORTITUDINE. חֲזָק *chazak*, cum duplici *Cametz* plerumque est adiectivum; unde hic reddunt: *in, cum forti, robusto, mense, vehementi, pertinet, impetuoso*, scilicet exercitu *veniet*: vel *adversus fortem, robustum*, &c. videlicet adversarium, seu tyrannum, *veniet*. Alii notant hic scmel cum *Beth* ab initio *Bechazak* in abstracto sumi, cum vel in robore, impetu, vehementia, &c. *veniet*. ECCE MERCES EIUS CUM EO, ET OPUS ILLIUS CORAM ILLO. Notant idem his dici, nam *opus hic sumi pro mercede operis*: vide in Deuteronom. xix. 13. *bisariam accipiunt* primo passive; quasi dicat: Christus gnavigator & strenue incubuit operi redemptionis, quia præmium & mercedem magnam inde reportavit, Hebræor. xii. 2. & Philip. ii. 8. 9. secundo active; quasi dicat: Christus omnibus laborantibus in Evangelio promptam, paratam, expeditam mercedem & præmium offert. Nonnulli *mercedem & opus eius*, exponunt ipsos fideles, qui merces laboris & mortis Christi fuerunt, quos semper Christus præ se habet, ac ducit, fovetque, ut versu sequente dicitur. Quidam ita accipiunt: *ecce merces illius robusti*, seu adversarii apud ipsum Deum est, & *opus illius coram ipso*; id est, proculdubio rependet peccata eius, quæ omnia sunt expolita in oculis Dei.

V. 11. SICUT PASTOR GREGEM SUUM PASCET, &c. Alii: *Velut pastor gregem suum pascet, in brachium suum congregabit agnellos*, & *in suum suo portabit, factas ducet commode seu suavit*. Commendat maxime hic locus caritatem & mansuetudinem Christi, qui fideles suos parvos & magnos, validos & invalidos cura vere paternali regit, ducit, fovet, & conservat.

V. 12. QUIS MENSUS EST PUGILLO AQUAS? &c. Confirmatio, inquit, proxime præcedentium, ut dictum est in vers. 1. petitur a duobus locis, nimirum a comparatione rerum creaturarum cum ipso creatore, quarum natura, vis, opus, efficacia, &c. demonstrantur nihil ad Deum accede.

Y

cedere, usque ad vers. 18. unde eruntur certi doctrinae loci usque ad finem capituli: deinde ab enarratione operum singularium Dei, in Abrahamum & Ecclesiam totam, capite sequente usque ad vers. 10. ex qua narratione nascitur repetitio earundem promissionum, & amplificatio, eodem capite usque ad vers. 21. Sunt autem comparationis argumenta tria: primum est ab omnipotentia Dei in creatione & sustentatione rerum omnium demonstrata, hoc versu; secundum, ab omnimoda sapientia, duobus sequentibus; tertium a maiestate infinita, vers. 15. 16. & 17. **PUGILLO AQUAS?** Heb. *in pugillo suo aquas?* Hae voce, inquit, & sequentibus aliis exponit Propheta quam sit facile Deo res omnes creatas sustentare & regere, ut quaecumque promisit, nullo negotio & rebus omnibus sibi ministrantibus exequatur; quasi dicat: Quemadmodum res minimas his exiguis modis & instrumentis homines capiunt, tractant & appendunt; ita Deo tam facile adeoque facilius est hanc universitatem rerum & singulas eius partes minimo negotio regere arbitrato suo. **PONDERAVIT?** Alii ex Heb. *I. palmo direxit? II. mensus est?* vel *dimetendo concinnavit?* III. *perpendit, aestimavit.* IV. *fabricavit.* De notionis verbi **כָּלַץ** *thaceen*, vide in Psal. LXXIV. 4. **QUIS APPENDIT TRIBUS DIGITIS MOLEM TERRAE?** Alii ex Heb. *I. & mensus est mensura ternaria, seu magna pulverem terrae?* II. *& consummavit in ternario pulverem terrae?* III. *& sustinuit, vel sustentavit ternario pulverem terrae?* IV. *aut complexus est trientali pulverem terrae?* V. *aut continuit, totum comprehendit ternario, seu tribus digitis pulverem terrae?* Verbum **כָּלַץ** *cul*, haec omnia complectitur, potuit, sustinuit, sustentavit, consummavit, universavit, id est universe in totum cepit, comprehendit, proprie, calculevit. Vide Genes. XLV. 11. De **שָׁלִישׁ** *schalisch*, mensura, diximus in Psal. LXXIX. 6.

V. 13. **QUIS ADIUVIT SPIRITUM DOMINI?** Idem verbum *Ticen*, quod superiore versu Noster ponderavit reddidit, hic variè recipiunt: I. *Quis direxit*, id est instruxit, vel erudit. II. *Quis mensuravit, mensus est.* III. *Quis paravit, aptavit, disposuit.* IV. *Quis fabricavit.* V. *Quis expendit, perpendit, aestimavit spiritum Iehovæ?* quasi omnibus suis dimensionibus per-

specum habuit, expendit, pensitavit, accurate perpendit, certo mensus est & exploravit. Observant Paulum Romanor. XI. 34. & I. Corinth. II. 16. reddidisse hunc locum: *Quis cognovit mentem Domini?* secutum nimirum LXX. **AUT QUIS CONSILIARIUS EIUS FUIT, ET OSTENDIT ILLI?** Alii ex Heb. *I. & quis vir consilii eius, indicavitque illi.* II. *ut vir a consiliis ei, docuit eum?*

V. 14. **CUM QUO INITI CONSILIUM,** &c. Alii hunc verum ex Heb. reddunt: I. *Cum quo initi consilium, qui cum erudit?* *quis docuit eum in semita iudicii, id est dispositionis orbis: quis docuit eum scientiam?* & iter intelligentiarum intelligere fecit illum; id est, quis declaravit ei rationem, qua quid agendum esset, intellexeret. II. *Cum quo communicavit consilium ut instrueret se, doceretque se iter iudicii: doceret, inquam, se scientiam, & viam prudentiarum, seu summam prudentiam notam faceret sibi.*

V. 15. **ET QUASI MOMENTUM STATERAE REPUTATAE SUNT.** Alii ex Heb. *I. Et ut momentum, quod bilancem propendit, reputantur?* II. *Et sicut levitas, vel tenuitas, bilancium reputatae sunt;* id est, ut levissimus pulvis qui incidit in lances, nullus est ponderis. III. *Et tamquam flos pulvisculi in lancibus reputantur;* id est, minutissimum illud, quod lancibus hærere solet præ tenuitate sua, adeo leve est natura sua. **ECCE INSULAE QUASI PULVIS EXIGUUS.** Alii ex Heb. *I. En insulas velut senne proiciet, vel transferet alio.* II. *Ecce insulas ut tenne, subtile, minutum quid protelabit:* a **נָטַל** *natal*, vel **טִל** *til*, deducunt. III. *Ecce insulas quasi senne operiet, obteget.* a **טָלַל** *a talal*, id est facile est Deo insulas quasi tenui nebula operire & obtegere, atque submergere. IV. **יִטּוּל** *ittol*, futurum ex Niphal faciunt, verbi *tit*: ecce insule, vel insularum multitudo, seu unaquaeque ex insulis, ut pulvis tenuis exonerabitur, hoc est diffabitur, dissipabitur. V. *ecce insulas tamquam tenne sublaturus est, seu ablaturus, levaturus.* VI. *En insulas ut rem minutissimam dispositurus esset, nimirum si placeret, tanta est maiestatis ipsius amplitudo: quod duo sequentes verus amplificanc.*

V. 16. **ET LIBANUS NON SUFFICIET AD SUCCENDENDUM.** Alii: *I. Et Libanus non*
fortis

fatis esset ad incendendum ignem. II. Etiam Libanus non sufficeret ad comburendum. III. Et Libanus non sufficiens incendii. ET ANIMALIA EIUS NON SUFFICIENT AD HOLOCAUSTUM. Heb. *וְבְהֵמָה*, animalis, fera, viri, eius non sufficientia holocausti, vel holocausto, sive ad holocaustum. De voce *וְבְהֵמָה* chaiah, quam animal hic reddunt, vide in Genes. 1. 24. Sensum huius versus ita concipiunt: Nec ligna Libani satis essent ad comburendum holocausta, nec animalia montis eius sufficerent holocaustis, videlicet si litandum esset ipsi pro amplitudine maiestatis eius.

V. 17. OMNES GENTES QUASI NON SINT, &c. Hunc versum alii ex Heb. ita convertunt: I. omnes gentes tanquam nihilum sunt coram eo, seu respectu illius: minus quam nihilum, & inane reputantur pro ipso, vel ipsi, id est si conferantur cum eo. II. omnes gentes e regione eius tanquam nihil sunt, & res inanes atque frivole reputantur illi comparate. III. omnes gentes velut nihil sunt coram eo, minus nihilo & inanimate, vel plusquam nihilum & inane reputantur ei.

V. 18. CUI ERGO SIMILEM FECISTIS DEUM? &c. Hunc versum varie alii ex Heb. exponunt: I. Cui igitur assimilabitis Deum; & quam similitudinem disponetis ei? Vel ordinabitis, seu aquabitis, aut equiparabitis illi? id est, adscribetis & accommodabitis illi. Vide Aetor. XVII. 29. II. Cui ergo similem facietis Deum? aut quodnam simulacrum adornabitis ei. III. Cui ergo assimilabitis Deum sortem, & quam similitudinem comparabitis ei? Præcedenti confirmationis loco, ut diximus in vers. 12. subiicitur documenta duo prout legitima concisionis forma postulat: prius documentum pertinet ad idololatras, positum partim in reprehensione studii quo Deum idolis suis conantur effingere frustra, tribus versibus; partim in redargutione inscientie ipsorum, quinque aliis versibus, partim in hortatione ad veram cognitionem Dei, versu 26. posterius vero documentum ad Ecclesiam pertinet, in quo partim reprehenditur diffidentia vers. 27. partim ad certam fiduciam revocatur, ad finem usque capitis.

V. 19. NUMQUID SCULPTILE CONFLAVIT FABER, &c. Varie hunc versum ex Heb. elucidant: I. *Nenne sculptile conflavit*

*faber? & aurifaber ex auro expandit illud, vel dilatat illud, id est laminis auricis tegit illud, catenasque argenteas conflavit pro eo aurifer, scilicet ut imponat collo eius ornatus causa. II. sine interrogatione: Simulacrum sicut artifex, & aurifaber diducit illud, & argenteis laminis fusor obducit. III. Numquid sculptile sicut faber, & uslor in auro distendit illud, & ligamenta argentea urit? id est, Numquid dignum est ut sculptile fundat faber, &c. vel an si sculptile fundat faber in auro vel argento, Dei similitudinem expressisse putandus est? IV. Sculptile regit artifex, pingendo suis coloribus, vestiendo, &c. ut materia incerta sit, & superstitione magis afficiat animos: & aurifex auro obducit illud: & catenas argenteas conflavit, quibus vincit idolum stare possit. V. Hispanicus Interpres: *El artifice apareja la imagen de tallo: el platero le estiendo el oro: y el platero le fundo cadenas de plata, scilicet, para atarlo que no cayga. NUMQUID. n ha*, potest esse interrogativum, & notificativum, unde & interrogative, & affirmative exponunt. FABER. *וְהַמִּתְּכָה* charafch, artifex, opifex, faber, operi intentus, industrius artifex, dictus a tacendo, & intendendo operi, quod artifices silendo operi mechanico intenti sint. AURIFEX. *וְהַמִּתְּכָה* tzoreph, participium, seu nomen participiale, arens, uslor, excollor, conflator, fusor purificator, qui metalla igne exurit, & a scoris repurgat, & examinat. Sic in fine versus. FIGURAVIT: proprie, expandet, extendet, distendit, continuabit, extendendo confirmabit, diducit, condensando quasi rem prius fluidam & raram in latum extendet, ut solet xs, argentum, & aurum, &c. fluidum, & liquefactum in latum distendi. ET LAMINIS. *וְהַמִּתְּכָה* resbukoth, ligamina, vincula, clausura, claustra, catene, fuses. Forte innuit claustra illa vel cancellos seu clathra argentea, quibus gentiles imagines deorum includebant: aut alludit ad morem priscum, quo statuis deorum vincula iniiciebant, de quo Pierius Lib. XLVIII. Hieroglyphicorum, in laqueo.*

V. 20. FORTE LIGNUM, ET IMPUTRIBILE ELEGIT. Diversimode hunc versum ex Heb. accipiunt: I. perique Hebræorum: *Nenne thesaurarius, vel praefectus, praepositus, super oblationem, lignum quod non putrescat, eligit? intelligit praefectum iis, quae reponuntur in thesauro ut sint in mu-*

nus fuit oblationem, ex quibus fieret sculptile. II. sine interrogatione: *Qui est praefectus oblationi, lignum quod non putrescat, eligit.* III. *Qui est affluens & edoctus ac exercitatus in elevatione, seu separatione & delectu lignorum, lignum quod non putrescat, eligit.* IV. *Depauperatus, seu pauper tenuis oblationi, vel ad oblationem lignum, quod non putrescat, eligit; quasi dicat, Dives facit sculptile ex auro vel argento, uti versu praecedente dixerat: at pauper eligit lignum imputribile, quod offerat ut ex eo sculptile fiat, quia non est ei facultas ex auro & argento consisti illud.* Hispanicus Interpres: *El pobre escoge para ofrecerle materia, que no se corrompa; id est, el que nolo puede hazer de oro, ni de fundicion.* V. *Ad paupertatem redactus, in oblatione; id est, dum curat construendum aliquod idolum, quod postea offerat, ac dedicerit lignum, quod non putrescat, eligit.* VI. *Qui opibus destitutus est, vel qui ad censum, id est paupertatem, redactus est, ut & is offerat, lignum eligit, quod non putrescat.* VII. *Nonne alius ob questum lignum imputribile eligit?* VIII. *Marinus: Inopem elevationem lignum, quod non putrescat, eligit.* IX. *Forerius: Numquid penuriosus pro oblatione lignum quod non putrescat, eligit? vel numquid pauper levandum lignum, quod non putrescat, eligit? id est, Numquid si qui aurum & argentum non habet, lignum offerat, & Deo velit dicare, ut ex illo sapiens faber simulacrum constituat, &c. putabitur Dei imaginem vere expressisse?* X. *Forsterus: Pauper pro levanda, lignum, quod non putrescat, sibi eligit; vel penuriosus levanda est lignum quod non putrescat.* XI. *Tremellius, Iunius, Buxtorhus, Schindlerus: Indignus oblationis, constructa forma, ut in libris nostris manuscriptis legitur: vel quia ita indignus est, ut non habent quod offerat, lignum non putrescat eligit: artificem peritum querit sibi ad parandum sculptile, quod non dimoveatur. Amplificatio vanissimi illius studii idololatrie ab exemplo egentium, qui cum non habent quod offerant, quo tegant, aut ornent idola sua, lignum firmius a carie eligunt: atque hoc pacto evincuntur omnes vanitatis, quae in idolis est, cum hic superiorum (utcumque compta, occulta fuerint) vanitatem & infirmitatem videat; illi vero, ut ditiores sunt, damnum tenuitatem huius, & suo-*

rum idolorum inane pigmentis fuisse testatam faciant. FORTE. Particula *et ha*, potest esse & nota interrogandi, & notificandi, ut versu superiore. **כספ** *mesuccan*, quidam faciunt participium, prateritum, seu passivum Pihel verbi **ספן** *sachan*; alii nomen participiale, ac varie expohunt: thesaurarium, consuetudinarium, praefectum, praepositum; vel assuetum, edoctum, exercitatum. Plerique per antithesin, depauperatum; inopem, indigum, ad censum & pauperiem redactum, quasi censuratum, censum, penuriosum, opibus destitutum. Forsterus ait: *Mejuecan participium prateritum secundae coniugationis: adcollectus, thesaurizatus, scilicet olim, sed iam non amplius: atque idem est, quod decongregatus, decollectus, dethesaurizatus, hoc est penuriosus, sine penu & facultatibus, qui nihil habet bonorum ad se pertinens: & est nomen privativum. Volunt idem esse quod **כספ** *mesuccan*, Hispanice *mesquino*, de quo vide in Eccle. iv. 13. Tremellius & Iunius notant in manuscriptis exemplaribus legi *mesuccan* cum *Pathach*, forma regiminis, seu syntactica: cum passim excusa omnia habent cum *Camerz*. Noster sensum potius secutus forte dixit, id est congruum, commodum, conveniens, quod usui esset: id enim proprie significat verbum *sacan*. De *תירום* *therumab*, vide Exodi xxv. Hic passim pro munere, & oblatione eximia & selecta accipiunt. Nonnulli Hebraeorum, pro separatione & delectu, nempe pro eo, quod ex ceteris ut praecipuum & optimum eximitur, ut supra vidimus in tertia explanatione.*

V. 21. **NUMQUID NON SCITIS?** &c. Alii hunc versum ita ex Heb. reddunt: I. *An horum rudes estis? vel nonne scitis?* subaudi, conscientia magistra: *an hoc non audivistis? an non a verum primordio hoc nuntiatum est vobis? an non docti estis a iactis terrae fundamentis?* II. *An non cognoscitis? an non auditis? an non indicatur a principio vobis? an non intelligitis inde a fundamentis terrae?* id est, a conditu mundi. Redargutio elegantissima, ut diximus in vers. 18. **NUMQUID NON INTELEXISTIS**, scilicet cum discrimine, & observavistis cum iudicio, diiudicavistis, deprehendistis, **FUNDAMENTA TERRAE?** Exponunt: ab ipso nimirum Deo facta fuisse, neque alium fuisse auctorem & opificem orbis. Quidam hunc versum ita accipiunt. Ex

tribus, inquit, istis errorem vestrum agnoscere deberetis: ex cognitione vestra naturali, aut ex audita librorum lectione, aut ex traditione, quæ ab antiquis & primis venit hominibus; vel saltem fundamenta terræ, id est quatuor elementa, inter quæ versamini, vos ducere debuerant in cognitionem unius & veri Dei, qui iis præsidet, & ea pro voto suo gubernat. Nonnulli: *an non intelligentiam didicistis, seu percepistis, ex fundamentis terræ?*

V. 22. QUI SEDET SUPER GRUM TERRAE, ET HABITATORES EIUS SUNT QUASI LOCUSTAE, &c. Quidam antecedentibus iungunt, ac reddunt: *eum, qui insidet ambitui terræ, cui habitatores eius sunt velut locustæ*, &c. id est, Deum periphrastice: sed propterea circumlocutio adhibetur, & hanc congeriem operum mirabilium Dei necesse fuit exponere, ut plana essent huius redargutionis argumenta, cum ab ordinaria administratione, hoc versu; tum a singulari, quæ præter naturæ ordinem evenit, duobus sequentibus. SUPER GRUM TERRAE. Alii: *super globum terræ*. Nonnulli: *super horizontem terræ*. VELUT NIHILUM. *πῶς dok*, proprie, tenue, subtile. Alii, *pellem, cutim*, seu membranam interpretantur, a tenuitate sic dictam: alii *corium, conopeum, autum*. Nonnulli, *nebulam*, quod tenuis sit. Hebraei aiunt esse *corinam*, seu *pellem* ex qua fiunt & constant tabernacula iuxta illud Psal. ciii. 3. *Extendens celos sicut corinam*. Quidam reddunt: *sicut telam tenuissimam*.

V. 23. QUI DAT SECRETORUM SCRUTATORES, &c. Alii hunc versum ex Heb. I. *Qui redigit potentes in nihilum, & reddidit iudices terræ ut sint inanes*. II. *Qui disponit dominatores, seu gubernatores in nihilum, iudices terræ sicut rem inanem efficit*.

V. 24. ET QUIDEM NEQUE PLANTATUS, &c. Hunc versum ex Heb. reddunt I. *etiam non sunt plantati, neque sati sunt, neque etiam radices egi in terra truncus eorum: & etiam stat in eos, & arescunt, turboque velut stipulam auferet eos*. II. *Ut etiam de iis dicatur, Non fuerunt plantati: neque sati fuerunt*, &c. III. *Perinde ac si non fuissent plantati, neque sati fuissent, neque etiam radices egisset truncus eorum: quin cum sufflat, in eos, arescunt,*

turboque, &c. Comparat eos arboribus; quasi dicat: Ita abolentur quasi numquam fuissent plantati, aut sati, &c. IV. *quin ut neque plantentur, neque seminentur, neque radicem fundas in terra stirps eorum: ad hæc, protinus ut in eos fiat, exarent, & turbo eos tollit ut stipulam*. V. *neque plantantur, neque feruntur, neque radicitur in terra succus truncus eorum: quin etiam sufflante eo in illos, exsiccantur, ac turbo quasi stipulam tollit eos*. Ergasia allegorica a plantarum & seminum similitudine, exponens id, quod modo Propheta dixerat, Deum disponere in nihilum & sicut inanitatem efficere gubernatores, & principes: Etiam plants, inquit, seminibusque, &c. a natura plus incit facultatis quam idolis omnibus. VI. *Necdum plantati, nequedum sati, nequedum radicitus in terra truncus eorum erat, cum subito flavit in eos, & aruerunt, & tempestas quasi quisquilias elevarit eos; id est, reges & tyrannos statim initio imperii aufert & de medio tollit, nulla relicta sobole, &c.*

V. 25. ET CUI ASSIMILASTIS ME, &c. Quidam: *Cui ergo assimilaretis me, ut equalis essem, ait Sanctus? Conclusio. redargutionis, ut supra vers. 18.*

V. 26. LEVATE IN EXCELSUM OCULOS VESTROS. Heb. sine præpositione: *levate elevationem, celsitudinem, sublimitatem oculos, &c. vel elevatione, celsitate, &c.* id est, quam altissime, & sublimissime, quam maxime levate. Quidam: *Astolite in sublimem oculos vestros*. Hortatio didascalica, ut diximus in vers. 18. de agnoscendo Deo, cum ex creatione huius universitatis, tum ex imperio summo. QUI EDUCIT IN NUMERO MILITIAM EORUM. Alii: *producent numero suo exercitum ipsorum*; id est, qui omnia sidera educit & instruit per turmas & numeros ut imperator exercitum: vel qui suis quolibet alia temporibus oriri facit certa lege dierum, horarum, & momentorum numero servato. Vide in Genesi. ii. 1. & Psalm. cxlvi. 4. ET OMNES EX NOMINE VOCAT. Heb. *omnibus eis in nomine vocabit*. Alii: I. *omnibus illis nominatim acclamabit*. II. *vocatque ea omnia singulatim nominibus; quasi dicat: Deus sideribus, stellis, astris, & omnium exercituum exercitu utitur pro arbitrio suo, ac si quis servis suis imperaret, nominatim ipsos ad se vocans*. III. *quis ista omnia vocet*.

vocat de nomine? id est, nominatim imperet, ut Psalm. cxlvi. 4. *PRÆ MULTITUDINE* *FORTITUDINIS*, ET *ROBORIS*, *VIRTUTISQUE* *EIUS*, NEQUE *UNUM* *RELIQUUM* *FUIT*. Hanc partem nostra Translatio verbatim ex Heb. transdidit *N de multitudine concupiscentiarum, & surrectus virtutis, vir non de congregatus fuit.*) diversimode alii: I. *præ multa fortitudine, & forti potentia*, subaudi hæc facit: *ne unum quidem deest*. Commendat Dei potentiam; quasi dicat: Adeo fortis & potens est Deus, ut simulatque aliquid mandavit, omnes fiderum exercitus promptum ei obsequium præstent? nec unum quidem desit, quod non mox pareat acclamanti? & iubenti. II. *præ multa fortitudine & forti potentia, ne unum quidem deficit*: ut istud referatur ad stellas & totum calorum exercitum; quasi dicat: Est universus ille calorum exercitus adeo multa fortitudine & robore præditus, ut nullum fidus aut astrum sua vi & fortitudine privetur aut deficiat; sed omnia sua munia & officia perenni & continente vi indeficienter perpetuo obeant. Hispanicus Interpres: *ninguna estrella faltara por la multitud de sus fueras, y por la fortaleza de la fuerza, scilicet, con que las rige*. III. *vocatque ea omnia sigillatim nominibus iuxta multiplicem efficaciam & robur virtutis eorum, ut ne unum desit, quod se ei non sistant aut non pareant imperanti*. IV. *præ multitudine virium, & robore virtutis, ut ne unum quidem deesset*. V. *Fortiter: a multitudine cupiditatum, & robore potentie, vel & surrectus virtute, unum non decedit, vel non defuit*. VI. *præ multitudine virium & strenua virtute ne unum quidem subtrahum fuit*. VII. *præcedentibus nectunt: quis ista omnia vocet de nomine, præ amplitudine virium, prout fortis est robore, adeo ut quidquam non desit, quin sistant se coram vocante & ipsi pareant*. Nos ita expressimus: *præ multitudine concupiscentiarum, seu cupiditatum, & surrectus virtutis, vel & surrecta, strenua, virtute, vi, robore, potentia, Vir, id est, quique, aliquis, vel quidquam, aliquid, unum, non defuit; hoc est, pro multiplici & omnifaria, atque infinita Dei voluntate, ac beneplacito, & quia strenuissima vi præditus est, nullum ex exercitu calorum subtrahum aut desideratum est, vel defuit aut defecit a sua virtute & natura, mu-*

nereque, vel a Dei obedientia & imperio. *FORTITUDINIS*. Heb. pluraliter *וְיָמִין* *onim*, exponunt, *fortitudinum, virium, roborum, potentiarum*. Aliqui, *concupiscentiarum, vel cupiditatum*: vide in Genesi. xlix. 3. & quamvis hanc vocem sæpius in malum accipi notent, tamen hic & infra vers. 29. & Oleez xii. 3. in bonum sumi volunt.

V. 27. *QUARE DICIS IACOB, &c. Alui: Quare dices Iahakob, & loquereris Israel, &c.* Alter documentorum locus spectans ad Ecclesiam, ut in vers. 18. ostendimus. *ABSCONDITA EST VIA MEA A DOMINO, ET A DEO MEO IUDICIUM MEUM TRANSIVIT*? Quidam: *Abfcondita est via mea a Iehova, & a Deo meo causa mea praterit*; id est, Deus nullam amplius habet rationem mei, nec porro curat me. Sic anticipat Propheta infidas populi querimonias, in quas plerique delapsi sunt ante adventum Christi propter diuturnas & graves calamitates suas, quarum nomine dixerat vers. 1. *Consolamini, &c.*

V. 28. *NUMQUID NESCIIS, AUT NON AUDISTI?* &c. Alii hunc versum sic ex Heb. elucidant: I. *An non scis? an non audisti, seu percipisti, quod sempiternus Deus & Iehova ille, qui extremitates orbis condidit, non laborat, seu fatigatur, nec lassitudine fatigatur, neque prudentia eius pervestigari potest?* II. *An non novisti? nonne audivisti Deum æternum Iehovam, creatorem extremitatum terræ, non defetisci, neque defatigari? id est, quemadmodum non desinit gubernare extremitates terræ, ita non desinere ipsum aut cessare a curatione Ecclesiæ suæ: nulla est pervestigatio prudentie eius.*

V. 29. *ET HIS QUI NON SUNT, FORTITUDINEM ET ROBUR MULTIPLICAT*. Alui ex Heb. I. *& cui non sunt vires, robur multiplicabit*. II. *& cui non sunt cupiditates, robur multiplicabit*, nam lassus, ac defessus caret cupiditatibus. III. *& ei, quem vires deficiunt, robur abunde suppeditat*. IV. *& defesso viribus robur copiose suppeditat*.

V. 30. *DEFICIENT PUERI, &c.* Alii ex Heb. I. *Adolescentes fessi & anhelii rediuntur: & iuvenes selectissimi omnino concidunt*. II. *Deficiuntur quidem pueri & defatigantur; & iuvenes praesus impingunt*. Ergalia superioris dicti per antithesin la-

culen.

culentissimam: Ruunt quidem, inquit Propheta, quicumque aut impudentia tamquam pueri non respiciunt ad Deum; aut præfidentia tamquam iuvenes feroces ipsum negligunt; sed bene est illis, qui expectant Deum.

V. 31. **MUTABUNT FORTITUDINEM.** Alii: I. *commutabunt*, seu *innovabunt*, id est *recuperabunt robur*. II. *mutant vires*, videlicet in melius, id est augeſcunt & confirmantur. III. *novas subinde vires recipiunt*, seu *novum robur accipiunt*. Sic cap. xli. I. **ASSUMENT PENNAS SECUT AQUILAE,** &c. Hebr. *ascendent penna, pro pennis, velut aquile*, &c. id est, quam celerime ex difficultatibus evolant, & quemadmodum aquila contento in calum volatu superat omnes alites, ita omnia transcendunt freti benignitate Dei. Sic. Iob xl. 17. Recte Plinius Lib. X. cap. 111. *Ex his, quas novimus, avibus, aquila maximus honos, maxima & vis.* Quidam transitive accipiunt quasi sit futurum Hiphil: *ascendere facient quasi ut aquila, seu proferent, producent pennas*, renascentur illis pennæ ut aquilis; id est, renovabuntur ut aquilæ, sicut subinde iuniores renatis plumis, ut renovatur aquilæ iuventus, Psalm. cii. 5.

M E N O C H I I.

Verf. 1. **C**ONSOLAMINI: passive accipitur pro consolationem accipere. LXX. tamen active capiunt, nam vertunt in accusativo, *Consolamini populum meum.* **POPULE MEUS:** ita appellat fideles, qui in Christum crediderunt, tam ex Iudæis, quam ex Gentilibus.

V. 2. **LOQUIMINI AD COR.** Idioma Scripturæ est (inquit D. Hier.) ut qui mærenti loquitur, & blandiens consolatur, dicatur ad cor loqui: vide Gen. xxiv. 3. & ibi dicta. **ADVOCATE EAM.** LXX. *παράκληται αὐτήν, consolamini eam.* In Heb. est: קרא, קרא, vocare, ut scilicet mittam hanc consolationem ei annuntietis. **MALITIA.** In Heb. est מַצָּא *tsaba*, id est *malitia*, sed sensus est idem; malitia enim hic non nequitiam, sed laborem, afflictionem, & ærumnas militares significat: sic dicitur Matth. vi. 34. *sufficit diei malitia, d est afflictio sua.* **DIMISSA EST INQUITAS ILLIUS:** Christus enim, sicut eius ini-

quitati, sic & militiæ, & malitiæ, afflictioni, & tribulationi finem imposuit. **DUPLECTIA,** id est multa, scilicet bona, charismata, & gratias. Vel sensus est, dupliciter, id est graviter fuisse punitam, ideoque cum sat penarum dederit, completam esse malitiam, & afflictionem.

V. 3. **VOX CLAMANTIS,** scilicet erit, vel audietur in deserto. Intelligenda hæc sunt de sancto Ioanne Baptista: nam Matth. iii. 5. habemus: *Hic est enim qui dictus est per Isaiam Prophetam dicentem: Vox clamantis in deserto*, &c. **PARATE VIAM DOMINI:** sunt verba clamantis in deserto, & iubentis Domino mox venturo, parari viam, & complanari, ut fieri solet in adventu magnorum Principum. Monet ergo ut omnia amoveant impedimenta, quæ illum possint offendere, errores scilicet, & peccata. In **SOLITUDINE;** quasi dicat Ioannes: Existis ad me in solitudine, hic ergo me vos cohortante, mores corrigite, & præparate viam Christo: ad hoc ipsa solitudo invitat, ut semoti a turba verbo Dei, & saluti vestræ vacetis: ita D. Hier. **EXALTABITUR;** pro *exaltetur*, futurum pro imperativo; quomodo etiam sequentia explicanda sunt; sententia est, Tollatur omnis anfractus, & obliquitas, & omnia adxquantur, & complanentur. **PRAVA IN DIRECTA:** obliqua, & torruosa dirigantur.

V. 5. **ET REVELABITUR GLORIA DOMINI:** particula & posita est pro *nam*. Gloria Domini est gloriosa Christi humanitas, quæ hominibus ostendetur. **VIDEBIT,** id est videre poterit, & experiri. **QUOD OS DOMINI LOCUTUM EST;** id est, Christo iam exhibito, videbit omnis homo re ipsa præfari, & impleri quod nunc Dominus per me, alioque Prophetas, de Salvatore promissit.

V. 6. **VOX DICENTIS: CLAMA;** quasi dicat: Ego Isaias audio vocem mihi interius dicentem, & suggerentem, *Clama.* **ET DIXI,** id est respondi. **OMNIS CARO FOENUM.** Hoc suggerit vox esse clamandum: Existimo hoc pertinere ad tanti mysticæ admirationem; quasi dicat Propheta: Cum omnis caro nihil aliud sit quam herba, quæ facile areſcit, & marcescit, tamen non dedignatus est Dominus humanam carnem induere. **FOENUM:** non demesium, & siccum, sed vivum, & in prato ger-

germinans; hoc enim Heb. vocatur צֶמַח *charfir*, quod hic habemus.

V. 7. **QUIA SPIRITUS DOMINI SUFFLAVIT IN EO:** nam spiritu vehementi, & u-renti siccantur herbae, & flores.

V. 8. **VERBUM AUTEM DOMINI:** quasi dicat: Licet homines exsiccantur, & pereant ut fenum, verbum tamen Domini, quod carniem assumpsit, aeternum est, cum sit Deus immortalis.

V. 9. **SUPER MONTEM EXCELSUM, &c.** Sion enim terram in edito monte sita erat. **EVANGELIZAS SION:** qui evangelizas Sioni, id est Ecclesiae, tam latum nuntium apportas. **EXALTA IN FORTITUDINE,** attolle, eleva vocem quantum potes.

V. 10. **IN FORTITUDINE:** nam Christus est Deus fortis, infinitaque potentia instructus ad profligandos Ecclesiae hostes. **BRACHIUM EIUS:** potentia, robur. **ECCE MERCENARIUS CUM EO;** quasi dicat: Liberalis est, & promptam habet mercedem, immo ipsemet eis erit magna merces nimis. **ET OPUS ILLUDS CORAM ILLO;** id est, merces operis, per metonymiam: est repetitio civium sententiae.

V. 11. **SICUT PASTOR GREGEM SUUM PASCET:** magna cura suos reget, immo pascet ut oves; erit enim dominatus illius pastoralis, non tyrannicus. **IN BRACHIO SUO CONGREGABIT AGNOS,** brachiis complectens, & ad caulas deferens. **IN SINU SUO LEVABIT,** id est gestabit. **FOETAS:** quae foetum utero gerunt, vel iam recens enixae sunt. **IPSE PORTABIT:** suaviter ducet, ac si portaret, pedetentim prae se agens, ne fatigentur; sensus totius versificationis est: Regimen Christi, quo suam gubernabit Ecclesiam, fore suave; nam & agnos, id est plebem simplicem, & recens conversam, & feras oves, id est Apostolos, & praedicatores fovabit, & curabit; ut nihil eorum desideret, quibus opus habent ad salutem consequendam, & in aliis promovendam.

V. 12. **QUIS MENSUS, &c.** Excurrit Propheta in divinae potentiae, & sapientiae commendationem, ut ostendat opus Incarnationis illi facile fuisse; sensus ergo est: Quis praeter Deum mensus est aquas, &c. **PUGILLO:** velut pugillo, LXX. manu. **PALMO PONDERAVIT:** quasi palmo manus continet: loquitur humano more, qui enim aliquid palmo continet, eius gravitatem

sentit, & quodammodo ponderat, & explorat. **TRIBUS DIGITIS,** id est summa facilitate. **LIBRAVIT IN PONDERE MONTES:** pondus metonymice vocat stateram, vel bilancem, qua res ponderantur: sustinet manu potentia suae montes, & colles, & cognitum habet ad unguem pondus earum.

V. 13. **QUIS ADIUVIT SPIRITUM DOMINI?** Heb. *Quis ponderavit*, id est expendit, perpendit, penetravit spiritum, id est mentem, & consilia Domini, ut cum ope, & consilio suo in operando adjuvare possit; quasi dicat, Nemo. **OSTENDIT IL-LI,** scilicet, quid esset agendum.

V. 15. **QUASI STILLA SITULAE:** quasi stilla e situla decidua, & neglecta, cuius nulla habetur ratio, immo sicut stillae pars minima. **MOMENTUM STATERAE:** vide dicta Sap. xi. 23.

V. 16. **LIBANUS NON SUFFICIENT AD SUCCENDENDUM;** quasi dicat: Ea est divinae naturae maiestas, ut Libanus qui thure abundat, & silvis odoratis, non satis sit ad suffimenta, & animalia quae magno ibi pascuntur numero, ad sufficienda holocausta, quae illi debentur.

V. 18. **CUI ERGO SIMILEM, &c.** Per digressionem invehitur in idololatriam; sensus est: Cum omnes gentes Deo comparatae sint quasi gutta, immo nihilum, & inane, qua temeritate, impietate, ac sacrilegio, vos o Gentiles, Iovem, Iovisque Idolum comparatis, & aequiparatis Deo, Deumque Iovi, immo Deum facitis Iovem, & Iovem Deum? **AUT QUAM IMAGINEM PONETIS DEO?** quasi dicat: Quae poterit ex rebus hisce materialibus imago fieri, quae divinae illius naturae vim, atque praesentiam representet? Neque tamen hinc colligi potest otiosum esse, vel illicitum imaginum usum; nam licet imago nulla ad vivum Deum representet, excitare tamen potest Dei vivi, & veri memoriam in animis hominum. Adde non colere nos imagines ut deos, quod tamen faciebant Gentiles, qui in lapide illo, aut ligno numen inesse existimabant.

V. 19. **NUMQUID SCULPTILE CONFLAVIT FABER?** In Heb. est, *Nonne sculptile conflabit faber*, ut vertunt Pagninus, & Vatablus; quasi dicat: Quis adeo vecors est, ut existimet metallum illud in idoli formam figuratum, divinitatem habere?

V. 20.

V. 20. FORTE LIGNUM, ET IMPUTRIBILE: durum, & quod cariem non sentiat. RAPIENS: accipiens.

V. 21. NUMQUID NON SCITIS, &c. quasi dicat: Si Deus terram creavit, & metalla quæ in ea gignuntur, quis ita deliriet, ut Deum esse credat simulacrum ex auro vel argento sculptum aut conflatum? FUNDAMENTA TERRÆ: id est, nonne scitis, & maiorum traditione accepistis, Deum terram fundasse, & suo loco statuisse?

V. 22. QUI SEDET; qui præsidet, & gubernat mundum. QUAS LOCUSTÆ: quod exiguum est animal, vile, miserum, & brevis vitæ. VELUT NIHILUM, id est facillime. SICUT TABERNACULUM. LXX. quasi cameram: rotundos scilicet instar cameræ, & fornicis.

V. 23. SECRETORUM SCRUTATORES: Philosophos investigatores arcanorum naturæ. LXX. vertunt *Principes*, ut etiam Pagninus, & Vatablus, qui scilicet status politiæ, ac gubernationis secreta rimantur; hi enim Heb. vocantur רִצְּוֹנִים, *rozeim*. IUDICES TERRÆ: Principes quorum munus est populis ius dicere. VELUT INANE FECIT: potest enim Deus etiam Principes solio decedere, quod frequenter fecit, & si libuerit velut inane facere, hoc est redigere in nihilum.

V. 24. ET QUIDEM NEQUE PLANTATUS, &c. perinde ac si non esset plantatus. Vel sensus est, Deum reges, & tyrannos aliquando statim initio imperii de medio tollere antequam prolem susceperint.

V. 25. ET CUI ASSIMILASTIS ME? Vel queritur quod creaturas etiam viles, & despicabiles illi adquæverint, & deos secerint; vel sensus est, quasi dicat: Numquid mihi quiddam simile est, aut æquale?

V. 26. QUIS CREAVIT HÆC; quasi dicat, Nonne ego? EDUCIT IN NUMERO: numerosæ; multæ enim sunt stellæ, vel in numero, ut scilicet una quælibet suam servet stationem, & ordinem, sitque verbi gratia hæc prima, illa secunda, aut tertia. MILITIAM EORUM: exercitum scellarum, id est multitudinem: vel sic appellantur, quod suos ordines, & stationes tueantur, ut stellæ. OMNES EX NOMINE VOCAT: id est, plene novit naturam earum, seu facit adesse ubi vult, ut solent

Bib. Sac. Tom. XVII.

domini, cum servos vocant. PRÆ MULTITUDINE FORTITUDINIS, &c. quasi dicat: Tam multa, & magnæ est fortitudo, robur & virtus Dei cælos & astra moderantis, ut ne vel unum sit, quod eius ordinationi, & mandato per omnia non satisfaciatur.

V. 27. ABSCONDITA EST VIA MEA A DOMINO: ignotus est Deo status rerum mearum, nec illas curat. A DEO MEO, &c. Est eiusdem repetitio; quasi dicat: Deus causam meam pertransit, negligit, iudicare contemnit.

V. 28. NON DEFICIET NEQUE LABORABIT: non fatigatur in mundi gubernatione, ac proinde quam olim habuit populi sui providentiam, etiam nunc habet. NEC EST INVESTIGATIO SAPIENTIAE EIUS: ut potentia, ita Deo sapientia non deest, quæ rebus vestris providere sciatur; est enim immensa & investigabilis.

V. 29. QUI DAT LASSO VIRTUTEM; quasi dicat: Non solum Deus ipse non fatigatur, sed & lassus vires, animosque restituit. HIS QUI NON SUNT, scilicet fortibus.

V. 30. PUERI: adolescentes, iuvenesque vegeti, & robusti. IN INFIRMITATE CADENT: infirmabuntur, & frangentur illorum vires.

V. 31. MUTABUNT FORTITUDINEM, id est innovabunt, instaurabunt, integrabunt. ASSUMENT PENNAS, &c. LXX. pennas producent, ut aquila, & divina ope adiuti, sine labore current, &c.

T I R I N I.

Vers. 2. LOQUIMINI AD COR a IERUSALEM; id est, quæ cordi ipsius operata, grata & iucunda sunt, nuntiate illi, quæ cor eius mulecant, solentur, recreant, omnemque ab eo molestiam pellant, illi proponite. ET ADVOCATE EAM: ut diu experitum consolationem, & a malis quibus premitur liberationem accipiat. QUONIAM COMPLETA EST MALITIA b EIUS, id est afflictio, miseræ & ærumnæ, quæ illi male faciunt. Heb. *sfaba militiam* significat, seu laborum & dolorum stadium, Græce est, *humilitas*, id est depressio, eius. DIMISSA EST INIQUITAS ILLIUS LXX. solum est peccatum, nempe infidelitatis ac rebellionis Deo, per

Z

omnis

omne genus peccati. Nec culpa sola peccati remittitur illi, sed & reatus poenae, seu supplicii tum aeterni, tum temporalis pro culpa subeundi. Hæc est perfecta remissio, quæ copiosa Christi redemptione nobis obvenit. **SUSCEPIT DUPLICIA** (id est multiplicia & grandia) **PRO OMNIBUS PECCATIS SUI:** quod Cyrillus, Theodoretus & Procopius de penis exponunt, quibus expiavit Deus peccata suorum; quasi dicat: Sat poenarum dedit pro sceleribus suis, maxime in Christo & per Christum, qui nostra scelera in se luenda suscepit, inquit Forerius. Sed Sasbout & alii plures id non de penis, sed de donis ac gratis accipiunt, quæ ex immensa Dei clementia propter Christum nobis donantur, loco poenarum quas pro peccatis nostris merebamur. Sed unde scis, o Isaia, tanta bona nobis parari a Deo? Respondet: Id mihi indicat

V. 3. VOX CLAMANTIS IN DESERTO, id est vox præconis, cuius ore Deus clamat: ita S. Ambrosius & Theophylactus; vel, si mavis, vox præconis clamans in deserto Iudææ, ut quisque se pareat ad hunc consolatorem & realemptorem condigne excipendum, & remissionem peccatorum, celestiaque charismata quæ affert, accipienda. Porro hunc præconem esse *Ioannem Baptistam*, ipsemet diserte affirmat, Ioan. 1. *Ego vox clamantis in deserto, sicut dixit Isaïas Propheta:* idemque omnes alii Evangelistæ & testantur: & SS. Patres omnes & Doctores d. Ecclesiæ sic exponunt: & plerique Hebræi, teste Lyrano, hæc & sequentia fatentur ad tempora Messie spectare. Unde induci non possum, ut cum Hugonc, Ianfenio, Maldonato, Toletto & Sanctio credam, hæc & alia sequentia literaliter exponenda esse de Iudæis & captivitate Babylonica Ierosolymam iussu Cyri reductis, & solum Allegorice ad Christum & redemptionem per Christum referri. Licet negare nolum, alludi magna ex parte ad liberationem illam Iudaorum & Babylone per Cyrum; cum hæc illius per Christum figura & typus fuerit, ut omnes admittunt.

PARATE VIAM DOMINI. En aderit mox Christus, ut quasi rex inauguretur. Ei ergo vias complanate: sordes, inæqualitatem, asperitatem, indecentiam, aliaque impedimenta omnia semovete, per seriam

nempe poenitentiam & alias virtutes, quibus dignum illi in cordibus vestris hospitium introitis, idque in solitudine, tum spiritali, pravonum asceticum, ut S. Bernardus; tum corporali, ut Cornelius a Lapide exponit; quasi dicat: Ad mores pravos corrigendos, & viam Christe in cordibus vestris apparandam, plurimum conducet solitudo, & spiritalis, qua semoveatis omnia ipsi displicentia; & corporalis, in qua mecum una degentes, semoti a turba & strepitu mundano, potestis verbo Dei & saluti vestræ toti vacare, inquit S. Hieronymus. Sic parata via

V. 5. REVELABITUR; id est, hucusque abscondita propalabitur & innotescet orbi **GLORIA DOMINI,** non illa Exodi XIX. in monte Sinai, sed Verbi incarnati, Ioan. 1. t4. *Vidimus enim gloriam quasi unigeniti a Patre.* Tunc vidimus, cum videre poterit, **OMNIS CARO PARITER,** id est omnis profluens homo, **SALUTARE DEI** (id est Salvatorem Messiam reipia mundo exhibitum,) **QUOD** iam per me, perque alios Prophetas **OS DOMINI LOCUTUM EST,** & toties promissit. Sed en alia rursus in auribus cordis mei

V. 6. & 8. VOX DICENTIS & interius suggerentis, CLAMA; id est, alta, clara, libera voce notum fac hominibus. **QUID? OMNIS CARO FOENUM,** &c. id est, omnis homo, seu humana natura erat instar fœni, graminis, & floris mox decidui & marcescentis, nempe res vilissima & fragillima, nullaque ex parte digna cui iungeretur, seu per hypostasim, seu per gratiam iustificantem, **VERBUM** divinum, quod **MANET IN AETERNUM,** immortale, immensum & omnimode infinitum: ita S. Hieron. Procopius, Theodoretus. Unde illustrior evadit dignatio & benignitas Verbi, quod tam vileni naturam assumpsit, & tam vilibus hominibus sociari dignatur.

V. 10. ECCE DOMINUS DEUS Messias noster in **FORTITUDINE,** id est cum maximis viribus, **VENIET,** ad debellandos demones, tyrannos, omnesque alios hostes Ecclesiæ suæ, & omnes gentes sibi subiungendas, inquit S. Cyrillus, Procopius, Thomas, Lyranus & Forerius. Et veniet non manu vacua, non parca vel illiberali: seu **ECCE MERCES REUS CUM EO,** distissima, amplissima, nobilissima, qua ditabit omnes

omnes sibi militare volentes, sed præ omnibus cooperatores suos in hac militia, duces belli & præfectos, utrique copiosissima mercede & præmio donandos. Neque vero indormiet militiæ suæ & susceperit semel expeditioni, *Sed opus illius coram illo*; id est, semper & continuo intendet operi perficiendo quod ipsi a Patre cælesti commissum est, nempe mundo redimendo, & ovis suis e faucibus luporum infernaliū erendis, iisdemque doctrina cælesti pascendis, & ad Patris sui ovile deducendis: ita S. Hier. Cyrill. & alii iam citati. Porro non erunt hæc difficilia Messias: nam

V. 12. QUIS MENSUS EST PUGILLO AQUAS immensi maris? nisi ipse, qui Deus simul est & homo, & infinita sua potentia ac sapientia quidvis potest, quando vult. Unde nec in opere redemptionis & salvationis mundi præpediri a quopiam potest.

V. 16. ET LIBANUS NON SUFFICIET AD SUCCENDENDUM; id est, omnia ligna, omne thus, omnia aromata, omnia animalia Libani, immo omnium simul montium; non sufficiens holocaustis, si Deo prodignitate offerri deberent. Tanta est Dei celsitudo & maiestas. Unica sola victima infinita potest condigne honorari, qua scilicet unigenitus filius Dei & cruento lemle obtulit in cruce, & in cruento quotidie offert in Eucharistia: ita fere S. Hieronymus & Cyrillus.

V. 18. CUI ERGO SIMILEM FECISTIS DEUM? quam vili rei, (nempe homini) tribuistis divinitatem, o idololatæ! Iovem, v. g. spurcissimum vilissimumque homuncionem appellantes Deum. *QUAM IMAGINEM PONETIS EI*, quæ eius essentiam perscrutari (id dixi) infinitam, & naturam omni ex parte incomprehensibilem, potentiam ac magnitudinem interminabilem ad vivum referat, & ad perfectum repræsentet, ut vos idololatæ fingitis? Nihil ergo hic contra imagines Christianorum, quæ non ad repræsentandam Dei naturam, sed ad memoriam illius in hominibus, & debitam venerationem excitandam exponi solent, ut alibi dixi f.

V. 21. NUMQUID NON SCITIS FUNDAMENTA TERRÆ? id est, an nescitis saltem ex avorum traditione, terram & quæcumque in terra sunt, Deo uno & vero creatæ & fundatæ esse? Quomodo ergo sic

delirare potestis, ut credatis Iovem, Mercurium, Venerem, aliaque creaturas deos esse? aut simulacris ex terrena materia conflatis aliquid divinum inscisse?

V. 23. DAT SECRETORUM SCRUTATORES QUASI NON SINT, id est philosophos, aut, si mavis, consiliarios & iudices, seu principes arcana politiarum rimantes, ita subinde spoliatur: omni scientia & prudentia, ita eos infatuat & deiecit, ut quasi in nihilum redigantur, instar stipule reflectæ, quæ nullum amplius in terra truncum radicatum habet.

V. 26. MILITIAM EORUM, id est stellas & astra cælorum, EDUCIT; Hebraice, *oriri facit*, IN NUMERO, id est ordine quæque suo & vice & loco quem a Deo acceperunt. ET OMNES EX NOMINE VOCAT; quasi dicat: Omnium stellarum naturam, energiam, virtutes & proprietates intime perspectas habet, ita ut singulis nomina indere possit: & singulis sua munia, naturæ cuiusque proportionata demandat: omnes ita nutui suo obsequentes habens, ut iussu mox instar promptissimorum militum adducant & parcant. Sic paruerunt iussui Dei tempore Iosue, Ezechie, & passionis Christi, cum vel momento retrogressi sunt, vel radios suos subtraxerunt. Et parent adhuc quotidie, *lucentes cum inundante ei qui fecit illas*, Baruch III. 35. Cum ergo tam potens, tam providens sit Deus tuus, ut etiam Gentiles plurimi fatentur,

V. 27. QUARE TU O IACOB, O Iudæe, qui melius me nosti, ICIS: *ABSCONDI TA EST VIA MEA A DOMINO*; id est, nescit vel negligit Deus res meas in arcto, positas, vel non videt, vel non curat? ita S. Cyrillus. IUDICIUM, seu causa & ius, MEUM A DEO TRANSIVIT, parvipenditur, negligitur: nec curæ, nec cordi est ipsi sive iure, sive iniuria nobiscum agatur, vel nos agamus cum aliis. Impie blasphemie mox respondet.

V. 28. DEUS SEMPERITERNUS EST DOMINUS: ergo quam olim perpetuo habuit, eandem deinceps quoque habebit vestri, adcoque & totius universi, providentiam & curam: numquam deficiens senio vel talio, numquam labore lassescens. NEC EST POSSIBILIS INVESTIGATIO SAPIENTIAE EIUS: utpote immensæ & infinitæ, quam proinde nulla hominum consilia, nulla

fraudes latere, fallere, turbare possunt.
V. 30. PUERI, id est iuvenes, etsi robusti ac vegeti, si suis ipsi naturæ solius viribus nitantur, statim DEFICIENT, frangentur & cadent.

V. 31. QUI AUTEM diffisi sibi ipsis, SPERANT in DOMINO, etsi infirmi, lapsi & pene collisi, mea providentia & ope pristinam recuperabunt & FORTITUDINEM & felicitatem: ASSUMENT PENNAS SICUT AQUILAE, nempe novus, ut vertunt LXX. quasi dicat: Ope gratiæ meæ divinæ non tam currendo, vel ambulando penetrabunt, aspera quæque & adversa, quam volando, ac si aquilæ forent cælestes, immo angelizati, inquit S. Cyrillus, Procopius, Theodoretus & S. Thomas: quæ Religiosis & ad perfectionem tendentibus pulchre adaptant S. Dionysius, Hieronymus, Augustinus & Gregorius g.

(a) Gen. xxxiv. 3, in Hebræo. 12. & Osee 12. 24.

(b) Matt. vi. 33.

(c) Matth. xiv. 3, & Marci 7. 2, & Lucæ 11. 4.

(d) Cirsati a Gabriele Alvarez, & a Lapide.

(e) Lucæ 11. 4. & hic 12.

(f) Exodi 22. 4.

(g) Dionys. de Cal. hierat. Aug. ep. xxx. ad Hefychium, Greg. Lib. XIX. Moral. cap. xvi.

GORDONI.

Verf. 1. CONSOLAMINI. Passive, pro
 & 2. Consolationem accipite, loquimini præcones verbi & Apostoli ad cor & blanda ac læta: subdit causam; COMPLETA EST MALITIA, in remissione peccati. Heb. *completa militia*, מלחמה *Isabæ*, militavit: idem est sensus: plus profuit Christus quam novit peccatum.

V. 3. VOX CLAMANTIS audietur INDE-
 SERTO. Hic est Ioannes præcursor Christi, ut omnes Evangelistæ testantur, & explicat Ecclesia, & prolixè illi qui scribunt in Evangelia commentarios, Math. iii. Mar. i. Ioan. iii.

V. 4. OMNIS VALLIS IMPLEBITUR, &c. Designat conversionem morum & vias inæquales ac clivosas fore æquales & planas: nihil (ac si diceret) sit reliquum; nihil nimis sublime in mente superba, nil nimis abiectum & vitiosum opposito modo: revelabitur ad hoc gloria Christi, &c.

V. 6. VOX DICIENTIS, &c. Isaias iam post mentionem de adventu & gloria Christi

si agit doctorem, & docet modum parandi viam Christo. Sane via ad Christum, & ratio complanandi inæqualitatem viarum est hæc meditatio quam proponit Isaias; si agnoscat homo quam ipse sit nihil: quod si addas verbum pro te factum esse forum, en novum amoris stimulum.

V. 9. SUPER OMNEM, inquit, MONTEM, clama, ECCE DEUS VESTER, &c. Redi ad Christi adventum, quem prænnunciat, & tam clare Deum prædicat, ut hæc ad litteram non conveniant cum reditu sub Cyro. Mons hic est Ecclesia & cathedra evangelizantium.

V. 12. QUIS MENSUS EST PUGILLO, &c. Magnum est Verbi incarnati mysterium, magna potentia, magnus in omnibus Christus Dominus noster, qui omnia quæ pollicetur (quod experientia etiam docuit) præstabit in Ecclesia: agnoscat ergo homo istilla simulæ (vers. 15.) quid sit ipse comparatus Deo, & qualem se exhibere debeat erga talem redemptorem.

V. 18. CUI ERGO SIMILEM FECISTIS DEUM, &c. Christus qui tantus est, merito debet coli: hinc digreditur ad reprehensionem idololatricæ, quæ non planat sed destruit viam ad Christum. Alium sane Deum & non verum colit idololatra; immo materiam imaginis, aut simulacri vult esse Deum, ut hoc bene expressit Paul. Roma. i. 23. & habetur Sapient. xiv. 21.

Hic expende inscitiam Novatorum, qui dum Iconomachi evadunt, nec Isaiam clare loquentem, & Patres intelligunt, nec Ecclesiam audiunt; sed nec ipsam idololatricæ vocem, quid significet assequuntur: equis enim est fideliū tam vecors, aut rudis, qui imaginem colat ut Deum, quod factitabant gentiles. Ceterum tantum abest Deum hic carpere imagines, ut ipse aliando in imagine hominibus, Moisi & Prophetis apparere voluerit: vide Damascenum Lib. IV. cap. xvii. & in orat. de Imaginibus.


V. 21. NUMQUID NON SCITIS, inquit, & scire potuistis Deum esse rerum creatorem, & fundamenta terræ ab eo posita fuisse, non vero a Mercurio, Iove aut lapide. Quid sculpsit sit & דוד pesel, dixi Exod. xx. 4. & Sap. xiv.

V. 22. & deinceps. QUI SEDET SUPER CYRUM TERRAE, &c. Quantum sit Deus ex effectis ostendit, quam superet falsos deos

deos, & quæ parvi momenti sint omnia illi comparata: dat ipse secretorum iudices, Philosophos, principes, militiam cæli, seu astra ac demum omnia, atque ea facillime ac si nihil essent producit; & cælum ipsum quod est ante simulacra, & lignum ex quo fit Mercurius.

V. 27. QUARE DICIS IACOB, &c. Post

explicatam Dei potentiam supra deos omnes & omnia, nunc providentiam etiam declarat, & simul æternitatem: nihil tale in idolis, ex his & præsertim, vers. 31. spernitur, excitat & recreat mirifice: Mutabunt fortitudinem, instaurabunt, innovabunt: hæc & alia sunt sperantium in Deo præmia & præfidia.



CAPUT XLI.

Discepat Dominus eum idololatriæ de potentia & variis magnisque beneficiis populo Iudaico exhibitis: quibus suam comprobat potentiam & benignitatem erga homines: ostendens simul & idolorum impotentiam, & idololatrarum vanitatem.

1. **I** Accent ad me insulæ, & Gentes mutant fortitudinem: accedant, & tunc loquantur, simul ad iudicium propinquemus. 2. Quis suscitavit ab Oriente iustum, vocavit eum ut sequeretur se? dabit in conspectu eius Gentes, & reges obrinebit: dabit quasi pulverem gladio eius, * sicut stipulam vento raptam arcui eius. 3. Persequetur eos, transibit in pace, semita in pedibus eius non apparebit. 4. Quis hæc operatus est, & fecit, vocans generationes ab exordio? Ego Dominus, (a) primus & novissimus ego sum. 5. Viderunt insulæ, & timuerunt, extrema terræ obstupuerunt, appropinquaverunt, & accesserunt. 6. Unusquisque proximo suo auxiliabitur, & fratri suo dicet: Confortare. 7. Confortavit faber ærarius percutiens malleo eum, qui cudebat tunc temporis, dicens: Glutino bonum est: & confortavit eum clavis, ut non moveretur. 8. Et tu Israel serve meus, Jacob quem elegi, semen Abraham amiei mei: 9. in quo apprehendi te ab extremis terræ, & a longinquis eius vocavi te, & dixi tibi: Servus meus es tu, elegi te, & non abieci te. 10. Ne timeas, quia ego tecum sum: ne declines, quia ego Deus tuus: confortavi te, & auxiliatus sum tibi, † & suscepit te dextera iusti mei. 11. Ecce confundentur & erubescunt omnes, qui pugnant adversum te: erunt quasi non sint, & peribunt viri, qui contradicunt tibi. 12. Quæres eos, & non invenies, viros rebelles tuos: erunt quasi non sint: * & veluti consumptio, homines bellantes adversum te. 13. Quia ego Dominus Deus tuus apprehendens manum tuam, dicensque tibi: Ne timeas, ego adiuvi te. 14. Noti timere vermis Jacob, qui mortui estis ex Israel: ego auxiliatus sum tibi, dicit Dominus: & redemptor tuus sanctus Israel. 15. Ego posui te quasi plaustrum trituras novum, habens rostra ferrantia, trituras montes, & comminues: & colles quasi pulverem pedes. 16. Ventilabis eos, & ventus tollet, & turbo disperget eos: & tu exultabis in Domino, in sancto Israel lætaberis. 17. Egeni & pauperes quærent a te, quas, & non sunt: lingua eorum siti aruit. Ergo Dominus exaudiam eos,

Deus

Deus Israël non derelinquam eos. * 18. Aperiam in supinis collibus flumina, & in medio camporum fontes; ponam desertum in stagna aquarum, & terram iniviam in rivos aquarum. 19. Dabo in solitudinem cedrum, & spinam, & myrtum, & lignum olivæ: † ponam in deserto abietem, ulmum, & buxum simul: 20. ut videant, & sciant, & recogitent, & intelligant pariter, quia manus Domini fecit hoc, & sanctus Israel creavit illud. 21. Prope facite iudicium vestrum, dicit Dominus, asserite, siquid forte habetis, dixit rex Jacob. 22. Accedant, & nuntient nobis quæcumque ventura sunt: priora quæ fuerunt nuntiate: & ponemus cor nostrum & sciemus novissima eorum, & quæ ventura sunt indicate nobis. 23. Annuntiate quæ ventura sunt in futurum, & sciemus quia dii estis vos: bene quoque aut male, si potestis, facite: & loquamur & videamus simul. 24. Ecce, vos estis ex nihilo, & opus vestrum ex eo quod non est: abominatio est qui elegit vos. 25. Suscitavi ab Aquilone, & veniet ab Ortu solis: vocabit nomen meum, & adducet magistratum quasi lutum, & velut plastes conculcans humum. 26. Quis annuntiavit ab exordio ut sciamus, & a principio ut dicamus: Iustus es? non est neque annuntians, neque prædicens, neque audiens sermones vestros. * 27. Primus ad Sion dicet: Ecce adsunt, & Ierusalem evangelistam dabo. 28. Et vidi, & non erat neque ex istis quiscumque qui iniret consilium, & interrogatus responderet verbum. 29. Ecce omnes iniusti, & vana opera eorum: ventus & inane simulacra eorum.

(*) Isa. xlii. 6. & xliiii. 12. Apoc. i. 18. & xxi. 17.

BRUGENSIS

ROMANAE CORRECTIONES.

- Verf. 2. *Sicut stipulam vento raptam*. Non præponas coniunctionem &.
- Verf. 12. *Et veluti consumptio homines bellantes adversum te*. Nequaquam sunt nominativi plurales *homines bellantes*, commutandi cum genitivis singularibus *hominis bellantis*.
- Verf. 18. *Aperiam in supinis collibus flumina*. Non facile scribendum est *supremis*, quod est summis, pro *supinis*, quod opponitur pronis.
- Verf. 27. *Primus ad Sion dicet: Ecce adsunt*. Mendose plerique omnes libri scribunt, *adsum*, prima persona singulari, pro *adsunt* tertia plurali.

LECTIONUM VARIETAS.

- Verf. 10. *Et suscepit te dextera iusti mei*. Pro tertia persona *suscipit*, est qui scribat primam *suscepi*: quod si verum est (ut est Hebræo, & Græco consentaneum) id quod sequitur *dextera* accipiendum est auferendi casu, prout etiam Hebræice præponitur præpositio *in*, & Græce legitur casus dandi.
- Verf. 19. *Ponam in solitudinem cedrum*. Plures antiqui libri legunt ablativum *solitudine*, sicut mox sequitur, *Ponam in deserto abietem*.

COMMENTARIA

MALDONATI.

- Verf. 1. **T**ACEANT AD ME; id est, attentæ audiant me, silentium

mihî præstent. INSULAE, id est remotissimi quique habitatores terræ: insulas vocat, id est insularum incolis, omnes qui ultra mare habitabant. ET GENTES: עַמִּים populi.

populi, id est omnes totius terræ habitatores. MUTENT FORTITUDINEM; id est, vires ad audiendum me refutant, vel, parent se atque muniunt ad disceptandum mecum in iudicio, ut supra cap. XL. 31. ACCEDANT; id est, ne murmurent contra me, ut solent, quasi contra absentem, sed accedant, & coram disceptemus.

V. 2. QUIS SUSCITAVIT AB ORIENTE IUSTUM; id est, quis Abrahamum iustum, qui prius inter idololatrias ignobilis erat, nobilitavit, & ad tantam dignitatem evehxit, educens eum de Ur Chaldeorum, quæ ad orientem erat; (hanc vim habet verbum excitandi) quasi dicat, Non idola eum nobilitaverunt, sed ego. VOCAVIT EUM UT SEQUERETUR SE. Genes. xli. & Aët. vii. 3. *Egredere de terra tua, & de cognatione tua, & veni in terram quam monstravero tibi.* Alii Hebraïsmum, וְקָרָאתוּךָ, ita vertunt: *Invocavit (Abraham) eum (Deum) ad pedem suum*, id est ubicumque fuit, ubicumque pedem posuit. Melius notter Interpretas, *Vocavit (Deus) eum (Abrahamum) לְרַגְלִי, ad pedem suum*, id est ut sequeretur se. Proponit exemplum Abrahami, quia pater credentium fuit, & quia illi primum promissiones factæ sunt; & quia, ut aliqui putant, priusquam a Deo vocaretur, idola coluerat, quæ nihil eum iuvare poterunt. DABIT (יִתֵּן, *dedit*, fut. pro præst.) IN CONPECTU EIUS GENTES, id est subiecit illi gentes. ET REGES OBTINEBIT, pro, obtinuit, id est Reges sibi subiungavit. Historia est in Gen. cap. xiv. DABIT (pro, dedit) QUASI PULVEREM (reges) GLADIO EIUS (Abrahami) id est, fecit, ut non magis possent illi resistere, quam pulvis. ET SICUT STIPULAM VENTO RAPTAM (quæ vento rapi solet) ARCUI EIUS; id est, ut tam facile in fugam verterentur ab illo, atque stipula a vento rapi solet.

V. 3. PERSEQUETUR (pro, persecutus est) EOS: Abrahamus quatuor illos reges: Genes. xiv. xv. ET TRANSIBIT (pro, transivit) IN PACE; id est, consecit iter illud tuto, sine periculo. ET SEMITA IN PEDIBUS EIUS NON APPAREBIT; pro, apparuit; id est, per loca ignota, ubi nulla erat semita, & noctu persecutus est reges. Heb. clarius, אֶרֶץ בְּרַגְלֵי לֹא יָדָעָה, *per semitam, per quam pes eius ingressus non fuerat*; id est, per viam sibi ignotam tu-

to transivit, quia Deus eum ducebat.

V. 4. QUIS HAEC OPERATUS EST ET FECIT. Hic debet esse interrogatio, & sequitur responso, VOCANS GENERATIONES AB EXORDIO; id est, ego qui verbo meo ab initio omnia creavi; vel, qui omnes generationes, id est res omnes quæ sunt, voco ab initio, id est novi antequam fiant: qui voco ea quæ non sunt, tamquam ea quæ sunt, Rom. iv. 17. EGO DOMINUS PRIMUS ET NOVISSIMUS, id est solus, ut explicatur inf. xlii. 6.

V. 5. VIDERUNT INSULAE; id est, extremarum etiam insularum incolæ cognoscentes quæ fecissent per Abrahamum servum meum, timuerunt eum. ET EXTREMA TERRAE. Repetitio est: idem enim valet, insulæ, &, extrema terræ; sicut, timuerunt, & obdormierunt. APPROPINQUAVÉRUNT, ET ACCESSERUNT; id est, conventicula egerunt, ut consilium caperent, quo modo resistere possent Abrahamo; quasi dicat, Omnes gentes testes sunt, vera esse quæ dico, quæ audientes timuerunt.

V. 6. UNUSQUISQUE PROXIMO SUO AUXILIATUR. Pro, auxiliatus est (contra Abrahamum) ET FRATRI SUO, (id est alteri) DICET: CONFORTARE: bono esto animo; quasi dicat: Tantus fuit, tamque generalis terror, ut opus fuerit, ut alii alios vicissim consolarentur.

V. 7. CONFORTABIT FABER AERARIUS. Locus est obscurus; ego convenienter verbi præcedenti interpretandum puto: quod enim ante generaliter dixit, nunc dicit specialiter. Prius dixit, alios aliis auxiliatos fuisse: nunc specialiter dicit, falsos alios aliis animum addidisse, ut arma bene fabricarent, quibus repugnarent Abrahamo. Hoc est quod ait, *Confortabit*, pro, confortavit, ut etiam legitur in nonnullis libris. *Faber ararius, eum qui cudebatur*, id est alium fabrum ararium Heb. אֶרֶץ צֶרֶף, *faber susorem percutiens malleo*; id est, exhortati sunt alius alium: הוֹלֵם פֶּסֶם, *percutiens malleo ad percutiendum malleo*. Repetitio: idem enim est *חרשׁ*, *faber* & *צֶרֶף*, *susor*, מַחֲלִיק פֶּסֶם, *molliens malleo*: & הוֹלֵם פֶּסֶם, *cuens incude*, aut malleo. DICENS: GLUTINO; id est, deo quod (armis) agglutinatur, ut reficiantur cum exesa sunt. BONUM EST; id est, laudans alter alterius opes. ET CONFORTABIT, pro, con-

confortavit, EUM (glutinum, addismentum, ferrum quod addidit) CLAVIS, UT NON MOVEATUR. Describit nobis ardens fabricum studium in armis reficiendis.

V. 8. ET TU ISRAEL SERVE MEUS. Hi duo versus sequentes non continent absolutam sententiam, sed solos titulos Iacob: sententia vero concluditur versu 10. SEMEN ABRAHAM AMICI MEI. Activi אֲמִיכִי, qui dilexit me.

V. 9. IN QUO APPREHENDI TE, id est cum apprehenderim te, cum assumpserim te: אֲשֶׁר הִחֲזִיקְךָ, quem apprehendi te, relativum redundante, Hebraeorum more, id est quem assumpsit ab extremis terrae: sic enim haec verba iungenda sunt. ET A LONGINQUIS EIUS, id est ab ultimis eius finibus: אֲסֻלִּיָּה, est enim repetitio. Itaque multo melius vertit noster Interpres, quam Hebraizantes: A maioribus eius, quod vix ullum sensum habere potest. ELEGI TE, ET NON ABIECI TE; id est, elegi te in perpetuum amicitiam, ut numquam abiicerem, vel postquam elegi, numquam abieci.

V. 10. NE TIMEAS. Antithetum est versus 5. Viderunt insulae & timuerunt, tu autem ne timeas, neque declines, id est ne vacilles: אֲלֵה הַשָּׂתֵּי, ne animo deficiās, ne terrearis. ET SUSCEPIT TE. Heb. suslinni te dextera iustitia meae; id est, qua tibi & aliis iustam pro meritis mercedem reddo.

V. 11. ERUNT QUASI NON SINT, id est delectantur.

V. 12. QUÆRES EOS, ET NON INVENIES, id est penitus exterminabuntur: ut Psal. xxxvi. 10. Adhuc pusillum, & non erit peccator, quæres locum eius, & non invenies: & vers. 36. Et transivi, & ecce non erat, & non est inventus locus eius. ET ERUNT QUASI NON SINT; id est, quasi non fuerint, non remanebit ulla eorum memoria: Perit memoria eorum cum sonitu: Psal. ix. 8. ET VELUTI CONSUMPTIO; id est, consumetur homo bellans adversum te. Heb. אֲכַלְךָ מִלְחָמָךְ, & sicut nihilum (erunt) viri qui bellum tecum gerunt.

V. 13. APPREHENDENS MANUM TUAM; id est, sustentans te, ducens te. Solemus enim manum apprehendere eius, quem sustentare volumus aut ducere. Psal. xv. 8. A dextris est mihi, ne commovear: vel, Apprehendens manum; id est, qui data acce-

ptaque dextera promisi tibi forte ut te adiuverem. EGO ADIUVI: pro, adiuvabo te.

V. 14. NOLI TIMERE VERMIS, id est Iacob abiecte, reliquiae Iacob; quasi dicat: Etsi adeo afflictus & abiectus sis; ut vermibus & non homo esse videare, noli timere. QUI MORTUI Eritis; id est, vos qui adeo vexati estis, ut mortui iam esse videamini, nolite timere. QUIA AUXILIATUS SUM. Præter pro fut. auxiliabor tibi, & redimam te. Alii vertunt, מיִי, Israel, viri Israel. Sed magis probo Interpretis nostri versionem: eum enim dictio מִיִּי sine punctis & viros & mortuos significare possit; secunda significatio magis congruit in hunc locum: nam sicut non dixit, Viri Iacob, ita non dicit, Viri Israel, sed mortui per tapinosin.

V. 15. EGO POSUI TE: הָיוּ, ponam te, vel decrevi ponere, id est facere te. Heb. quasi plaustrum triuvans: לְמוֹרֵי חַיִּי, in tribulam & traham, id est in conculcationem gentium. TRITURABIS MONTES; id est, reges & principes conculcabis & conteres. ET COLLES. Repetitio est.

V. 16. VENTILABIS EOS, id est iactabis, exagitabis. ET VENTUS; id est, ira Dei dissipabit eos per te.

V. 17. EGENI ET PAUPERES; id est, cum egeni & pauperes Iacob & Israel aquas quaesiverint, & non invenerint, cumque lingua eorum siti exaruerit, EGO DOMINUS, &c. quasi dicat: In rebus desperatis illis adero, omniaque necessaria suppeditabo.

V. 18. APERIAM IN SUPINIS: עַל שְׂפֵיטִים, in excelsis locis, in montibus. Declarat, nihil esse difficile, quod non sit facturus, ut illis succurrat. Simulque alludit ad historiam Exodi xvii. 7. Nam ex eo quod iam effecit, tacite vult probare quid facturus sit, si res postulet.

V. 19. DABO; id est, provenire faciam in solitudine prae aquarum copia cas arboreos, quæ nonnisi in hortis irriguis nasci solent, ut cedrum, & spinam: שֵׁנָה species est cedri melioris. ET LIGNUM, OLIVAE: עֵץ שֶׁנָּה ad verbum, lignum pinedinæ, quod alii pinum interpretantur. Sed melius noster Interpres, lignum olivæ; quasi dicat, Lignum quod fert oleum pingue.

V. 20. UT VIDEANT; id est, ut omnes qui

qui viderint, intelligant & recogitent. Heb. *ישיבו* ponant; intelligitur לב aut בלב. Sic loquuntur Hebraei, ponere cor, vel ponere in corde, pro, auctor cogitationeque veritare: Aliquando simpliciter dicunt שם, ponere, ut hoc loco, eodem sensu.

V. 21. PROPE FACITE IUDICIUM; id est, appropinquate ad iudicium, accedite ut coram disceptemus. Alloquitur Deus idola, vel eorum cultores; quasi dicat: Ego facio ea quæ dixi vers. 18. & sequentibus, unde constat me esse Deum: videamus quid vos facere possitis, ut sciamus vos esse Deos. AFFERTE SI QUID FORTE HABETIS. Forte hoc loco non est adverbium, sed nomen עֲצֵמֵיכֶם, fortia vestra, id est argumenta vestra, præsidia causæ vestræ.

V. 22. ACCEDANT ET ANNUNTIENT (idola: est enim subita mutatio personæ ad illa.) Sicut iternum PRIORA QUAS FUERUNT; id est, narrate nobis quo modo, & a quo factus sit mundus. ET PONEMUS COR NOSTRUM; id est, cogitabimus, considerabimus, animum attendemus, ut sciamus novissima eorum; id est, si nobis præterita quomodo facta sint narrabitis, postea audiemus vos de rebus futuris: quas si prædicere poteritis,

V. 23. SCIEMUS QUOD DII ESTIS. BENE QUOQUE FACITE AUT MALE; id est, non solum dico ut futura nuntiatis, quod Dei proprium est, sed meliorem conditionem ostendo, ut faciatis aliquid sive boni, sive mali: cistis enim lapides & ligna quæ ne male quidem potestis facere. *Idolum enim nihil est*: I. Cor. VIII. 4. vel, facite bene vel male vestris cultoribus; id est, iuvate illos, vel caligante, sicut ego facio: vel, saltem tentate futura prædicere quoquo modo sive bene sive male. ET LOQUAMUR, ET VIDEAMUS SIMUL; id est, visum & coram disputemus quis nostrum Deus sit.

V. 24. ECCE VOS (oidola) ESTIS EX NIHILO, id est facta ex rebus nullam divinitatem habentibus, sicut D. Paulus dixit idolum nihil esse: I. Cor. VIII. 4. ET OPUS VESTRUM; id est, fabricatio vestri, ex eo quod non est, עֲמֵם, ex nihilo, repetitio est, vel explicatio præcedentis sententiæ. ABOMINATIO EST QUI ELEGIT, id est qui fabricatus est vos; quasi dicat: Neque vos, neque qui vos faciunt, quidquam

Bib. Sac. Tom. XVII.

valetis: aut, Abominatio (sit) ei qui facit vos: sicut Plal. CXXII. 16. *Similes illis fiant qui faciunt ea, & omnes qui confidunt in eis*. Probat idola nihil posse facere, ut dixerat, ex eorum origine, quia sunt ex nihilo.

V. 25. SUSCITAVI (pro, suscitabo,) AB AQUILONE, ET VENIET AB ORTU SOLIS. VOCAVIT. Heb. *וּבְנֵי מַנְכִּים*, veniet super principes, id est conculcabit principes, hoc est, idola, quæ omnia apud impios regere putantur. SICUT PLASTES, id est figulus conculcat lutum: טִיס prædicat idolorum confractionem, quam per Constantinum, & Theodosium factam legimus. Quod autem dicit, *Ab Aquilone & ab ortu solis*, certum locum (ut opinor) ponit pro incerto; quasi dicat: Undique excitabo, qui invocato nomine meo idola comminuant.

V. 26. QUIS (vestrum, quod idolum) ANNUNTIAVIT (hoc ipsum) quod idola sint destruenda: quemadmodum si quis astrologos coarguens interrogaret: Quis vestrum umquam suam mortem præsensit? Argumentatur ergo a maiori ad minus: Si non potestis prædicere abolitionem vestram, nihil prædicere poteritis; non ergo clis Dei. Ut dicamus, Iustus est, id est verus Deus. Hæc nomina, *Iustus, & sanctus*, sæpe substantive ponuntur pro Deo, ut supra vers. 16. NEQUE AUDIENS SERMONES VESTROS; id est, qui dicat, se aliquod a vobis vaticinium audivisse. Non quod multi non dicerent, sed quod nemo posset verum esse probare aliquod idolorum vaticinium.

V. 27. PRIMUS AD SION DICET (Deus per Prophetas.) ECCE ADSUM; הִנֵּה, Ecce adsunt, sicut & Hieronymus legit, id est ecce quæ futura sunt; quasi dicat: Non est nisi in Sion & Ierusalem, id est in populo & Ecclesia Dei, Propheta qui ea quæ ventura sunt ante oculos ponat, aut quasi digito demonstret. Hanc vim habet illud, *Ecce adsunt*. ET IERUSALEM, (Ierusalem, datus) EVANGELISTAM, מְבַשֵּׂר, prophetam, nuntium futurarum rerum.

V. 28. ET VIDI; id est, qualvis apud me animo & cogitatione, num aliquod esset idolum, quod futura prædicere & non erat. Neque ex illis ullum erat quod ini-
ret consilium יִדְעָ, quod posset consilium

A a

dare

dere (de futuris rebus.) ET INTERROGATUS. Heb. וְשָׁאַלְתָּ, & interrogavi ea idola, & nullum fuit quod responderet. Deus non interrogavit idola, sed induit personam eorum, qui idola consuebant.

V. 29. ECCE, id est cum ea interrogassem, expertus sum, meis oculis vidi (hoc est, ecce) quod OMNES, כֻּלָּם, omnia illa essent iniusti, id est falsi dii: sicut vers. 26. Iustus accipitur pro vero Deo. Heb. פָּא, vanitas, sicut statim dicit: ET VANA OPERA EORUM. וְעִמְלָתָם טִפְלָה, & nihil opera eorum, genitivus est passive significans, id est, fabricationes eorum, ut supra vers. 24. Et opus vestrum ex eo quod non est. VENTUS ET INANE, id est inanitas, nihil נִכְבִּיחַ, confutationes eorum: repetitio usitata.

S A.

Vers. 1. TACEANT AD ME, id est tacite me audiant. Chald. *auscultent verbum meum*. MUTENT FORTITUDINEM; quasi dicat, Roborentur, & disceptent mecum. IUDICIUM, scilicet de hoc, quod me relicto idola colunt.

V. 2. IUSTI M, scilicet Abraham. DABIT; pro, dedit: sic infra. GENTES, &c. scilicet victoriam, de qua Gen. xiv. OB-TINEBIT; pro, obtinuit. Chald. *contrivis*. DABIT; pro, dedit, scilicet hostes.

V. 3. SEMITA, &c. quasi dicat: Tam velociter, ut non tam ambulasse quam volasse videatur.

V. 4. VOCANS, scilicet creando. Chald. *ordinans*. GENERATIONES, id est homines. NOVISSIMUS, id est post omnia, scilicet aternus; vel quasi dicat, Principium omnium, & finis.

V. 5. VIDERUNT, scilicet quae feci. AC-CESSERUNT, scilicet ut viderent opera mea.

V. 6. UNUSQUISQUE, &c. quasi dicat, Et tamen in fabricando idola se se mutuo adjuvant.

V. 7. GLUTINO, id est re aliqua tenaci, scilicet alligare idoli partes. CONFORTA-VIT. Chald. *fortificavit*.

V. 9. IN quo. Chald. & LXX. *quem*. EXTREMIS, scilicet Aegypto.

V. 10. DECLINES, Chald. *frangaris*. LXX. *erres*. IUSTI MEI, id est qua soleo iustos meos. LXX. *iusta mea*. Chald. *vetinatis*.

V. 12. CONSUMPTIO, id est consumpti. Chald. *nihilum*.

V. 13. ADIUVI; pro, adiuvo.

V. 14. VERMIS, id est abiecte. LXX. *parvule*. MORTUI, id est velut mortui.

V. 15. PLAUSTRUM, id est traham, seu tribulam. ROSTRA, id est dentes. MON-TES, id est reges. COLLES, id est princi-pes.

V. 17. EGENT, id est humiles. PAUPE-RES, scilicet spiritu. AQUAS, scilicet gratiae, vel refrigerium. Chald. *doctrinam*.

V. 18. COLLIBUS, id est locis aridis autem; quasi dicat, Ex rudibus faciam do-ctos.

V. 19. SPINAM; pro, spinum: genus est cedri. Chald. *setim*. Genus est cedri, cuius mentio frequens in Exodo. Not. per arbores significari iustos.

V. 20. Hoc. LXX. & Complut. *haec*, scilicet bona.

V. 21. FACITE, &c. quasi dicat: Vestrā causam proferre, o idololatraz. FOR-TE, id est validum argumentum.

V. 22. NUNTIENT, scilicet idola, vel eorum prophetae. EORUM, scilicet quae futura sunt.

V. 24. OPUS VESTRUM, &c. quasi dicat, Nihil potestis. AROMINATIO; pro, abomi-nabilis. ELEGIT, scilicet ut coleret.

V. 25. SUSCITAVI, scilicet Cyrum, qui Iudaeos liberet. VENIET; pro, venient, scilicet alii. VOCABIT, &c. quasi dicat, Me agnoscet. ADDUCET; pro, conculca-bit. MAGISTRATUS, id est principes scilicet Babyloniz. PLASTES, id est figulus. HUMUM, id est lutum.

V. 26. QUIS, scilicet ex diis gentium. ANNUNTIAVIT, scilicet ventura, vel ab exordio, id est ea quae a principio. ET A PRINCIPIO. Repetitio. IUSTUS ES; quasi dicat, Vicisti. Chald. & LXX. *verax*. SERMONES, scilicet futura praedicantes; vel quasi dicat, Loqui non possunt idola.

V. 27. PRIMUS, scilicet a captivitate re-diens. ADSUNT, scilicet liberati. EVAN-GELISTAM, id est lata annuntiantem.

V. 28. ISTIS, scilicet idolis, vel idolo-latris. CONSILIUM, scilicet sanum. VER-BUM, scilicet bonum.

E S T I I.

Verf. 2. **Q**UIS SUSCITAVIT AB ORIENTE IUSTUM, VOCAVIT EUM, UT SEQUERETUR SE? Sensus est: *Quis ex omnibus vestris diis, quos colitis (insulas gentium alloquitur) hoc potuit præstare quod ego? suscitando videlicet ab Oriente iustum quemdam; & vocando eum, ut se sequatur, ac sibi obtemperet, sicut ego facturus sum? Sed queritur, quis sit ille iustus, de quo Dominus contra gentium Deos gloriatur? Quidam intelligunt Abraham: hic enim ex Oriente, videlicet ex Chaldaea vocatus est a Deo, ut ipsum sequeretur. Sed quæ sequuntur, maiora sunt quam quæ in Abraham competant. Sequitur enim: DABIT IN CONSPPECTU EIUS GENTES, ET REGES OBTIMEBIT. Item: VIDERUNT INSULAE, ET TIMUERUNT, ET EXTREMA TERRAE OBSTUPUERUNT. Alii igitur Cyrum regem Persidis, quæ regio Iudæis Orientalis est, intelligunt; & alii ad Christum referunt, qui solus proprie iustus & sanctus est; de quo Act. III. *Vos autem iustum & sanctum negastis.* Item, *Qui prænuntiabant de adventu iusti.**

Sed hæc duæ expositiones de Cyro & Christo non repugnant, sed subordinatæ sunt; ita ut alter sensus sit litteralis, alter mysticus, in littera proprie fundatus. Id enim in Prophetis frequens est, ut sub typo alicuius hominis, vel populi, Christus vel eius Ecclesia; & rursus alibi, diabolus, eiusque sequaces significantur. Quod autem Cyrus fuerit typus Christi, expresse ostendit initium capitis XLV. ubi sic legimus: *Hæc dicit Dominus Christo meo Cyro.* At quæres, quomodo Cyrum iustum vocat? Resp. Heb. est *iustitia*, quæ tamen pro iusto sæpe ponitur. Iustus itaque vocatur, quia fuit minister iustitiæ Dei adversus gentes, & simul minister bonitatis erga populum Dei, populum Israel, quando eius captivitatem relaxavit eumque remisit in patriam, ut est I. Esdræ I.

V. 23. ANNUNTIATE QUAE VENTURA SUNT IN FUTURUM, ET SCIEMUS, QUIA DII ESTIS VOS. Hinc scilicet consequens est, solius Dei esse futuros eventus præscire, & prædicere. Angeli igitur nihil tale præsciunt; seu boni, seu mali, nisi quantum eis divinitus revelatur. Ceterum, quod

subiungitur: BENE QUOQUE AUT MALE, SI POTESTIS, FACITE, non de bonitate aut malitia morali intelligendum est: sic enim male facere in Deum non convenit; sed de beneficiis & penis accipiendum est; quasi dicat: præstare si potestis vestris cultoribus sanitatem corporum aliasque felicitates, & hostes eorum affligite.

M A R I A N A E.

Verf. 1. **T**ACEANT AD ME INSULAE. Heb. *tacete ad me insule*, id est me attente audite. Per *insulas* intelligit gentes remotas. Invehiturque toto capite in idola: simul solatur suos. ET GENTES MUTENT FORTITUDINEM, id est vires colligant ad disceptandum necem. PROPINQUEMUS, aut accedamus ad litem.

V. 2. AB ORIENTE IUSTUM, id est Abraham, quis adduxit? sic Chald. Heb. *iustitiam*: sic Sept. sed *iustitia* pro *insula* sumitur antonomastice. VOCAVIT EUM UT SEQUERETUR SE? Heb. *vocavit enim ad pedem suum*; id est, quocumque ibat Abraham, eius curam gererat Deus. DABIT IN CONSPPECTU EIUS GENTES, pro, dabat coram eo Gentes, id est eas illi subiiciebat. ET REGES OBTIMEBIT; pro, obtinebat. Heb. *Regibus dominabatur*. DABIT; pro, dabat (eos) quasi pulverem. GLADIO EIUS; aut *gladius eius*. Gladium in accusativo ponit Pagn. sed sententia non constat. Tangit Abrahæ victoriam de quatuor Regibus, Genes. XIV.

V. 3. PERSEQUETUR EOS, persequeretur eos. TRANSIBIT IN PACE, id est nullo documento accepto. SEMITA IN PEDIBUS EIUS NON APPAREBIT; id est repente irruit in eos, nullo signo sui adventus. Heb. *semita* (per quam) *pedibus suis non iuit*; id est, via sibi incognita ante, aut per viam insolitam, non tritam, irruit in eos Reges.

V. 4. VOCANS GENERATIONES AB EXORDIO? id est quis vocat generationes? id est gentes, a principio his favens, illos evergens. PRIMUS ET NOVISSIMUS, id est æternus, sine initio, sine fine. Heb. *ego Dominus, primus & cum postremis ego sum*.

V. 5. VIDERUNT INSULAE; id est, gentes remotæ viderunt quæ fecit Abraham, & timuerunt. APPROPINQUAVERUNT, ET AC-

CESSERUNT, scilicet foedus inierunt cum Abraham. Econtrario alii ad idola se contulerunt. Hoc frequentia significant.

V. 6. UNUSQUISQUE PROXIMO SUO AUXILIABITUR, scilicet contra Abraham conspirarunt, ne illos subiceret. Viri inter se communicarunt prius, deinde ad idola confugerunt, ut eos liberarent.

V. 7. CONFORTAVIT FABER AERARIUS PERCUTIENS MALLEO. Locus plane difficile; sed *percutiens*, id est laborans malleo: quem confortavit? mox dicit, Heb. *Confortavit faber aurificem polientem malleo*. *הרש הרש* *haras*, Græce *χρυσος* Latine *faber*, *aurificem* in communem significant. Verum subiecta materia exigit, ut hic faber sit faber lignarius, qui idolo dolato sollicitat aurificem, ut bracteas ad illud tegendum faciat. Quidam in ipso textu ponunt, *faber lignarius*, sed non oportebat. EUM, QUI CUDEBAT TUNC TEMPORIS, id est aurificem. Heb. *cum percussione incudis*, id est polientem malleo supra incudem. DICENS: GLUTINO (id est de glutino) BONUM EST. *Glutinum* pro iunctura Heb. dicens *iunctura*: (pro, de iunctura) *Bona est*; id est, bracteæ inter se bene coherent. Adhibuitque clavos, ne bracteæ moverentur.

V. 8. ET TU ISRAEL, scilicet ne timeas, neque colas ea idola, sed me.

V. 9. IN QUO APPREHENDI TE. Heb. *qui apprehendi te ab extremis terræ*, id est Ur Chaldaeorum, aut Aegyptio. ET A LONGINQUIS EIUS. Heb. *Et a Principibus eius*, scilicet terræ. Illis invitis apprehendi te.

V. 10. NE DECLINES: ne terrearis. ET SUSCEPIT TE DEXTERA IUSTI MEI. IS est Christus, aut Abraham: sic cum vers. 6. vocavit. Heb. *sustentavi te dextera iustitiae meae*, id est mea fortitudine & iustitia: & præterita pro futuris sumantur. *Confortavi*, pro confortabo.

V. 11. ECCE CONFUNDENTUR, pudebunt. Heb. *qui infamantur in te, popule meus*. QUI CONTRADIICUNT TIBI. Heb. *variis litibus*, id est qui litem tibi intentant, ii peribunt.

V. 12. REBELLES TUOS. Heb. *viros litis* aut *inimici tui*. ET VELUTI CONSUMPTIO. Heb. *et veluti nihil*. HOMINES BELLANTES ADVERSUM TE. Heb. *homines bellum*, id est contra te bellantes, ii confundentur.

V. 14. NOLI TIMERE VERMIS IACOB, *vermis*, id est abiecte. *Iacob* est in genitivo; quasi dicat, Fili abiecte Iacobi. QUI MORTUI ESTIS EX ISRAEL, id est mortui similes. Duæ dictiones Hebraicae sunt, *מיתים* *metim* per *Zere*, & significat *mortuos*: sic Hieronymus legit; & *מיתים* *metim* per *Seva*, & significant *homines seu mortales*: sic nunc habent libri Hebraici. Si sic legimus, vertendum, *homines Israel*, scilicet ne timeatis.

V. 15. EGO POSUI TE QUASI PLAUSTRUM TRITURANS. Chald. *quasi tribunal sortem*. *Plaustrum* pro tribula posuit Noster: sic Heb. *חרור* *haruz* non sumo pro tribula, ne sit repetitio, sed adiective, pro *sortem*. NOVUM, HABENS ROSTRA SERPENTIA. Chald. *novam, plenum dentibus*: id significat *habentem ora*, ut est Heb. QUASI PULVEREM: sicut glumam aut stipulam pones montes seu colles, quando scilicet eos trituras, rediges in pulverem. Per colles & montes Principes intellige.

V. 16. LAETABERIS. Aut laudabis te, aut gloriaberis in Deo.

V. 17. EGENI ET PAUPERES QUÆRUNT AQUAS. Hi sunt Israhelites, qui rebus necessariis carent, quas per aquas intelligit.

V. 18. APERIAM IN SUPINIS COLLIBUS, in locis excelsis. ET TERRAM INVIAM IN RIVOS AQUARUM. Heb. *terram aridam in featurigines aquarum*. Hæc Christi adventu sunt facta, ubique gratia rivi & fontes.

V. 19. CEDRUM, ET SPINAM. *Spina* genus cedri. Chald. *setim*. ET LIGNUM OLIVÆ. Heb. *lignum olei*, id est olivam. Denique terra ante arboribus nuda, illas procreabit ob aquæ copiam.

V. 20. PARITE. Id est omnes intelligent Deum hoc fecisse.

V. 21. PROPE FACITE IUDICIUM VESTRUM. Heb. *appropinquate litem vestram*; id est, nunc est litigandi tempus, Iudicem habetis propitium. AFFERTE, SI QUID FORTE HABETIS. Forte pro nomine sumere vellem, non pro adverbio. Heb. *afferite sortia vestra*, id est nervos iustitiæ vestrae explicare. Hæc Deus fecit, quid idola? Iudicra esse docet.

V. 22. ACCEDANT, ET NUNTIENT: explicent, divinent idola. PRIORA, id est antiqua, quæ non vidimus. QUÆ FUERUNT, aut quæ fuerint. ET SCIAMUS NO-

VISITATA EORUM, id est eventus, quem finem habuerunt illa antiqua, sic explico, ne sit repetitio in verbis proximis. ET QUAE VENTURA SUNT. Heb. *aut quae ventura sunt* indicat.

V. 23. BENE QUOQUE AUT MALE, SI POTESITIS, FACITE, id est miracula, & sciemus quia dii eitis. ET LOQUAMUR, ET VIDEAMUS SIMUL, id est examinemus an hae opera sint miracula. Heb. *et narrabimus et videbimus simul*, id est visa aliis testificabimur.

V. 24. ABOMINATIO EST; pro, abominationem facit. Abominatio pro idololatria. QUI ELEGIT VOS, aut eligit vos quasi dios.

V. 25. SUSCITAVIT AB AQUILONE. Hinc Cyrus esse voluit, qui ex Perside contra Babylonios venit. Porro Persis comparatione Babylonis Aquilonaris est. VOCABIT; pro, invocabit nomen meum, cognoscat me, MAGISTRATUS. Heb. *Principes*. ET VELUT PLASTES, figulus. CONCULCANS HUMUM. Heb. *lutum, argillam*: ut figulus argillam, sic Cyrus conculcabit dynastias.

V. 26. UT DICAMUS. Heb. *et dicemus*. IUSTUS ES, scilicet tu qui talia annuntias. SERMONES VESTROS, verba vestra; sed verba pro rebus, id est negotia vestra, o Iudei, nullus annuntiavit, neque ex ore Vatis, aut idoli quisquam audivit.

V. 27. PRIMUS AD SION DICET. Heb. *primus Sioni* (scilicet ego dico) Ecce, ecce ipsa, scilicet veniunt, quae dixi. ECCE ADSUNT, id est praesto sunt, suoque tempore Evangelistam, id est Prophetam dabo Ierololymae, qui hae nuntiet. Evangelista pro nuntio aut Vate. ET IERUSALEM EVANGELISTAM DABO, scilicet me dabo (pro, dedi) nuntium harum rerum Ierololymae. Vulgate verba ad Deum, non ad Isaiam referri debent.

V. 28. ET VENI. Hic versus iungatur cum versu 26. Dixit ibi, non est annuntiatus, neque praedicatus; modo ait, ex omnibus illis civibus non esse qui consilium daret, ac ne interrogatus quidem. ET INTERROGATUS; pro, neque qui rogatus responderet: negatio prius posita geminari debet.

Verf. 1. TACEANT AD ME INSULAE.

Hebr. Imperative, Cessate, taceat, filete ad me insulae, seu insulares, id est remotissime quaeque gentes, ad quas non nisi per mare ibatur: & synecdochice omnes in universum gentes. Aunt iudicii speciem describere Isaiam, quod Dominus cum omnibus gentibus subire non recusat: tantum postulat ut in causa sua audiat; ordo namque iudicii postulat ut quisque seorsim audiat. Ait ergo: Cessate ad me, vel filete ad me; id est, silenter, & sine strepitu auscultate me, silenter attendite ad me. Hebraismus frequens cum uni verbo adscribitur alterius restrictio, quod non exprimitur, sed subauditur. Vide Forsterum in Praefatione Lexici §. LII. Quidam exponunt: Silentes accedite me, insulae, &c. Secundus confirmationis locus, ut diximus supra in cap. XL. 12. a singularibus Dei beneficiis in Abrahamum & Ecclesiam totam, nunc demum a Propheta demonstratur, & praemunitur suo exordio. Primum enim Deus exteris omnes populos contestatur, qui suo malo saepius Dei fidem in Ecclesiam fuerant experti, hoc versu: deinde narrat sua beneficia in Abrahamum, usque ad versum 4. itemque in Ecclesiam vers. 4. & sequentibus ita expositis promissionum Evangelicarum argumentis, ad eas explicandas Propheta regreditur vers. 10. & sequentibus. ET GENTES MUTENT FORTITUDINEM. Ait: I. *et familiae commutent fortitudinem, seu virtutem*; id est, animum ac vires colligant, ut postquam audierint, fortiter deorum suorum causam agant. II. *resumant populi novas vires*, qui me relicti idola colunt incontinentes. III. *et nationes mutent vires*; id est, se confirmet quibuscumque modis poterunt, ut fiat inter nos conciliatio. Similis locutio cap. XL. 31. Hispanicus Interpres: *Esfuercense los pueblos*.

V. 2. QUIS SUSCITAVIT AB ORIENTE IUSTUM. Heb. *Quis excitavit ab ortu iustitiam*, seu virum iustitiae: Abrahamum intelligunt, quem Deus a regionibus orientalibus Mesopotamiae de Ur Chaldaeorum excitavit, & adduxit in Chanaanem. Haud satis apte alii Cyrus regem Persarum accipiunt. Vocat autem ipsum Abrahamum iustitiam, abstracte, quod exadiffi-

me

me iustitiam coluerit, eiusque iustitiam minime prædicat Spiritus Sanctus Genes. xv. 6. Quidam vocem *iustitiam* sequentibus annexunt: I. *Quis suscitavit ab oriente eum, qui iustitiam prædicabat, seu prædicabat ad pedem suum*; id est, in omnibus locis, in quibus versatus est, seu quocumque veniebat, ad pedem ponebat. II. *Quem excitaverat ab oriente Deus, id est Abrahamum, de cuius vocatione Genes. xi. 33. & Iosue xxiv. 3. iustitia, seu iuste vocas eum ad vestigia sua*; id est, iustissime & efficacissime regens pro vocatione sua, cuius lex habetur Genes. xvii. 1. *Indefinenter ambula coram me, & esto integer. Vocavit eum ut sequeretur se.* Recte expressit Hebraismus, *vocavit eum ad pedem suum.* Alii: *prædicabat eum quocumque veniebat*: nempe Abraham religionem & doctrinam Iehovæ disseminabat in omnes partes & loca, quo pedem inferebat. DABIT IN CONSPECTU EIUS GENTES. Heb. *dabit ad facies eius, vel coram eo gentes*; id est, subdidit ei gentes. Quidam exposuit ei, vel coram eo, ut Genes. xlii. 9. *gentes*, de quibus Genes. xiv. ET REGES OBLINEBIT. Verbum *רדח* *radah*, in Hiphil varie exponunt: I. *fecit ut in reges dominaretur.* II. *imperare faciebat eum regibus.* III. *reges subiecit*, pro subiecit, de quibus Genes. xiv. DABIT, eos scilicet, QUASI PULVEREM GLADIO EIUS, ET SICUT STIPULAM VENTO RAPTAM ARCUI EIUS. Alii ex Heb. I. *dabit eos veluti pulverem in gladium eius, sicut stipulam proiectam, seu propulsam, vel propulsatam in arcum eius.* II. *ut pulverem gladio suo, & veluti stipulam impulsam arcui suo.* III. *reddidit similes pulveri gladio eius, similes stipule impulsæ arcui eius*; quasi dicat, Gladius eius dissipavit, dispersit eos ut pulverem; & arcus eius dissipavit eos ut stipulam. Hispānicus Interpres: *como polvos entrego asu espada, cy como hoirasfascas arrastradas a su arco.* Quidam exponunt: *dabit quasi pulverem gladius eius, & quasi quisquiliis expulsa arcus eius*; id est, gladius eius scilicet Abrahami dedit gentes & reges quasi pulverem, id est, concidit & comminuit veluti pulverem; & arcus eius dedit eisdem quasi quisquiliis vento expulsa, hoc est, prælio fudit exercitum, & minimo negotio sine suorum sanguine reges & gentes vicit. Vide Genes. xiv. sed hæc interpretatio non

recte coheret: nam Heb. verbum *dabit* est masculinum, *gladius* autem & *arcus* feminæ, illud semper, hoc sæpius. Aliqui reddunt: *dabit tamquam pulverem gladium eius*; id est, efficiet ut gladius eius sit instar multorum ut pulvis: *sicut quisquiliam impulsam, arcum eius, id est, velocissimum, facilem, & sine sui damno.*

V. 3. PERSEQUETUR EOS, TRANSIBIT &c. Alii ex Heb. I. *Persecutus est illos, transivit in pace per semitam, quam pedibus suis non ingressus fuerat.* II. *Persequebatur eos, transibat incolumis viam, qua pedibus suis non veniebat.* III. *Persequetur eos, transibit pax, seu integritas*; id est, omnino integer, & incolumis evasit, nemine ex suis amisso: *viam, quam pedes eius nunquam antea fuerant, vel via, quam pedibus suis nunquam triverant*, id est via sibi ignota. IV. *Persecutus illos pervasit incolumis itinere, quo pedibus suis non venerat, videlicet Damascum usque & Chobam*, Genes. xiv. xv. Hispānicus Interpres: *Siquiolo, passo en paz por camino por donde sus pies, nunca avian entrado.*

V. 4. QUIS HÆC OPERATUS EST, ET FECIT, &c. Alii hunc versum ex Heb. varie explanant: I. *Quis operatus est, & fecit, vocas generationes ab exordio*? id est quis præest seculis ac generationibus, singulive hominum ætatibus, easque beneficiis afficit solo suo verbo? *Ego Iehova primus, & cum novissimis ego sum*; id est, ego Iehova, qui omnimodam & plenam æternitatem possideo, sum ipse, qui hæc omnia in Abrahamo designavi. II. *Quis operatus est, & fecit hæc*? ille, qui vocavit nationes ab initio? id est, qui novit homines multo antequam gignantur aut nascantur. III. *Quis operatus est, & fecit hæc*? *vocas seculum ab initio*? vel nationes nasciturus, id est, qui creaturus est homines post multa secula, eosque novit: *nam ego Iehova primus, & cum novissimis ego ipse, subaudi, futurum sum*; quasi dicat: *Primus sum qui omnia creavi*; & post consummationem sæculi ero, sum æternus sine principio & fine: vide infra cap. xliiv. 6. & cap. xlviii. 12. Apocalyp. i. 17. & cap. xxii. 13. IV. *Quis operatus est, & fecit illud*? *quis vocat generationes, inde a principio*? id est, quis non dico Abrahamo tantum, sed omnibus in universum imperat? sic enim accipitur vocandi verbum, ut supra cap. xl. 26. *Ego Iehova*

Iehova primum etiam ultima ego idem operor; quasi dicat: Totum est a me; nihil plane a principio ad finem usque geritur sine me; qui lenius ut planior sit, eclipctica verba ex hoc ipso versu expressimus. V. *Quis operans est, & fecit?* scilicet hec omnia in Abrahamo: respondet, ille nimirum, qui vocat secunda ab initio, sive promissus ab exordio, id est, qui est rex faculorum, ut Paulus appellat, qui est auctor cunctorum & moderator, qui ab initio omnia creavit, & universorum providentiam habet: quod si quas quis iste sit, ego Iehova primus, & cum postremis ego sum; id est, qui ante omnia sum, & quem quando ultima venient, invenient & postremis superero, a quo omnia, & per quem, & in quem omni, &c.

V. 5. *VIDERUNT INSULAE, &c.* Hunc versum quidam ex Heb. ita explicant: *Videntes insule timent, extrema terre trepidant:* exornatio beneficentissimæ administrationis Dei in Ecclesiam per antithesin, qua docet Prophetæ, idololatriæ operibus Dei confutari, indurarique, nec ab idolis tamen iuvari posse, tribus versibus; Ecclesiam vero operibus illius & sermone confirmari, vers. 5. 8. & 9. *appropinquant, & conveniunt;* id est, magis ac magis alienati a Deo vero, confugiunt frequentes ad idola sua, hoc versu, se obfirmant, sequente versu; & studiosissime in dies superstitutiones novas excogitant, ut a terroribus, quos Deus iniecit; liberentur terriculorum suorum opera. Alii exponunt: *Viderunt insule,* id est longinquæ nationes, quæ gessit Deus in gratiam Abrahami: nam fama victoriæ de quatuor regibus ad remotissimas gentes pervagata est, saltem ad illas eorum regum: *& timuerunt, extremi fines terra exasperant:* accesserunt tamen *& venerunt,* subaudi, ad Abrahamum: prodiit enim Abrahamo obviam rex Sodomorum, item Melchizedech rex Salem, Genes. xiv. 17. & 18.

V. 6. *UNUSQUISQUE PROXIMO SUO AUXILIABITUR, &c.* Alii ex Heb. I. *Quisque proximo suo opem tulit, & fratri suo dixit: Sis fortis;* quasi dicat: Licet Sodomitæ, & alii idololatræ audivissent quæ præclare egisset Deus cum Abraham, qui relictis patriæ suæ idolis Deum verum colebat; nihilominus idola fecerunt, & coluerunt illa, & mutuo sibi opem ferebant, &

operam præstabant ut scilicet cultum illorum tuerentur. II. *Quisque proximo suo auxiliatur, & fratri suo dicit, Confirmare.* III. *Quisque familiarem suum adiuvabant, ut facerent,* scilicet idola: *& fratri suo dicebat, Obfirmare, vel roborare, fortis, seu strenuus esto.*

V. 7. *CONFORTAVIT FABER AERARIUS PERCUTIENT MALLEO.* Hæc absurde quidam conciliantur, Nostrium quarto casu scriptæ, *gravina,* quod Hebræa omnino possulare videntur. Sed totum versum obsecure in Hebræo conceptum varie elucidant. I. *Sanctes: Confortavit etiam faber lignarius artificem mollicentem malleum ad percussionem bractearum super incudem, dicens: Coniunctio bractearum bona est, ad idolum scilicet compingendum: & firmavit idolum ipsum clavis, ne moveatur.* II. Idem in Thesauris: *Et roboravit faber lignarius aurificem, mollicians malleum cum percussione contritionis, vel percussione mallei, vel mollicentem malleum ad percussionem incudis; id est, ad percutiendum cum illo bractæas aut laminas super incudem: dicens coniunctioni, seu conglutinationi, scilicet bractearum: Bona est: & roboravit, consolidavit eum clavis, & non movebitur.* III. Vatablus: *Et confortavit faber aurificem; id est, cohortatus est ut esset animo bono & forti: pollicentem, seu levigantem malleum ad percussionem incudis, seu dividens, vel percutiens incudem malleo, contundentem vicissim; subaudi, hortatur; dicens aurifici: Ad coniunctionem bractearum bonum est, sive accommodum: & corroboravit illud scriptile, sive illam coniunctionem clavis ne moveatur.* IV. Leo Iudas: *Faber lignarius confirmavit conflatorem, qui expolit malleo, cum eo qui crebris vicibus incudem percussit, & dicit: Bonum hoc erit ad plumbatam, sive coagmentationem; vel, & dicit de coniunctione bractearum, Bonum est: firmavitque simulacrum hoc clavis, ne loco moveretur.* V. Ifidorus Clarius: *Confortavit faber lignarius argentarium percutientem malleo bracteam super incudem, dicens glutino, Bonum est: & confortavit eum clavis, ut non moveatur.* Hoc est, nihil non egit, quo cito sculptile fabricaretur: faber lignarius parabat sculptam imaginem, aurifaber vero super incudem deducebat bracteam auream, quam deinde glutino affigebat imagini, & clavis firmavit. VI. Forficulus: *Et confir-*

mas

mat faber lignarius confilatorea, expolientem mallico percussuram in incude, seu percussorem incudis, id est rem eundem in incude: vel, & firmavit faber usforem, dispersiens vel, dispersientem mallico, seu, qui expolit mallico laminam iclu, id est qui diducit in partes, dicens adhesionem, Bona est: & firmavit eam clavis ne moveatur. VII. Forerius: Et confirmabit faber confilatorea dispersiens mallector percussorem incudem, vel percussorem vicissim; id est, malleator exhortabatur eum, qui iteratis vicibus, vel eum, qui secum vicissim tundebat: dicitur autem dispersiens malleator, id est qui laminas diducit in partes: dicens adhaerenti sibi, id est socio suo, affecit, qui lateri suo in opere assidet: Bonum est, vel bene est, id est, iam aptum est, & perfectum, nihil supra. & confirmabit illud opus vel idolum, clavis, ne moveatur. VIII. Marinus: Et roboravit verbis artifex aurificem, fusorem, perficentem, mollem reddens, vel expolientem mallico percussorem, seu confusione incudis, dicens coniunctioni, seu coniunctione, Bonum est, id est bene compactum & coniunctum est: & firmavit illud in clavis. IX. Avenarius: Et confirmavit faber confilatorea dispersientem mallico iclu, vel blandam reddens la-vinam mallico super incudem, dicens de glutino, adhesionem, coherentiam, iuncturam, Bonum est, firmavit illud simulacrum, seu sculpitile, clavis, ne moveretur loco. X. Montanus: Et confortavit faber aurificem levigantem mallicem cum confusione incudis, dicens: Ad iuncturam bonum; & roboravit ipsum in clavis ne moveretur. XI. Schindlerus: Et roboravit faber confilatorea, seu aurifabrum levigans mallico maiori, id est, qui mallico magno diducit laminas super incude: confusione, percussorem, rem contundendam, ferrum incudis, percussuram, mallico minoris, dicens ad adhesionem, Bona est; & roboravit eam in clavis. XII. Tremellius, & Iunius, ac Buxtorfius: Et confirmat faber lignarius aurifabrum, levans, vel levigans mallico, seu malleator eum, qui tundit incudem: dicit de ferrumine, Bonum est; & firmat illud clavis ut non moveatur. XIII. Oleastrius: Confortavit fabricator, scilicet idolorum, aurificem, seu malleatorem dividantem, seu malleantem, mallico & conferentem contritione: dixit coniungenti, id est ei qui metallum aut membra idoli coniungit, Bonum ipsum, scilicet

idolum, seu bene fabricatum est: & roboravit illud, scilicet idolum, cum clavis: non movebitur, id est ut non moveatur; vel poltea, non movebitur. XIV. Hispanicus Interpres: Et carpintero animo al platero: y el que alisa con martillo al que bacia en la lengua, diciendo: Buena es la soldadura. Y afirmelo, scilicet al idolo que herizien; con clavos, que no se moviese. Nunc verba expendamus.

AERARIUS, vel avarum. מְרִירִי tzeophre: vide supra cap. XL. 19. PERCUTIENS. מַחֲבִילֵי machalke, participium Hiphil, haec omnia confectitur: dispersiens, id est diducens in partes, seu laminas, emollients, mollificans, lenificans, expolens, blandificans, blandam faciens, levans, levigans. Non tam apte alii in accusandi casu: dispersientem, vel mollificantem, &c. MALLO. פָּטִישׁ phattisch, malleus, scilicet magnus & ponderosus, quo aliquid conqualitur. Plerique in accusativo capiunt: mollificans mallicem. Bonaventura Bertramus exponit: lenificans, seu leniter demittens, malleum. Sed praestat in ablativo: mollificans, expolens mallico. EUM QUI CUDEBAT. מְרִירִי bolem, apte Notter pro participio accepit, percussentem, contundentem, conqualificantem; ut lenius & blandius sic expolire mallico, quod ante dixit, quam contundere in incude: & sic plerique accipiunt. Alii tamen secuti passim Hebraeos nomen tubilantivum faciunt, percussorem, percussuram, insonem, contusionem, rem eundem, laminam, quae super incude tunditur. TUNC TEMPORIS. פֶּסַע plagam, aiunt esse, percussorem, percussuram, iclu, pulsus, seu impetus: item incudem, super quam metalla eundunt, sic dictam a tundendo, & concutiendo; unde hic quidam vertunt: percussentem vel contundentem incudem, alii: percussuram intudis, vel super incudem. Nec desunt, qui malleum, scilicet minorem interpretentur, cum phattisch praecesserit, pro more artificum, qui operi primum maiorem, deinde minorem malleum adhibent: vicem quoque significare constat, e Genes. xviii. 32. Exod. viii. 32. II. Samuel. xxiii. 8. & adverbialiter hic sumi quidam volunt: percussentem vice, seu vicissim, id est eum, qui alternis vicibus tundebat, seu cudebat. Quo Notter respectivae videtur, reddens: tunc temporis, seu per vices, vicissim. DICENS: GLUTINO BONUM EST. דֶּבֶק debek, proprie, adha-

adhesio, coherencia, iunctura, commissura, ferrumen, agglutinatio, coagmentatio, plumbatura, conferruminatio, glutinum. Quidam aliis punctis legunt *dabek, adhaerens, coniunctus, afflecta.* Varie distinguunt: I. *dicens: Glutino bonum est, vel ad glutinum bonum est.* II. *dicens glutino, vel de glutino.* Bonum est.

V. 8. ET TU ISRAEL, &c. Alii ex Heb. I. *Tu autem, Israel, servus meus es, & non idololatra: & tu Labakob, quem elegi, vel elegi enim te, semen Abrahæ es amici mei.* II. *At tu, Israel, serve mi, tu Labakob quem elegi semen Abrahami amici mei.* Apolosif antitheti, de quo diximus in vers. quintum, transitum comparans ad sequentem narrationem promissionum Dei.

V. 9. IN QUO APPREHENDI TE AB EXTREMIS TERRÆ. Alii: *Tu es, quem prehendi ab extremitatibus terræ, id est ab extrema usque AEGYPTO, ut narratur in libro Exodi.* Nonnulli: *Qui apprehendi te ab extremitatibus terræ.* Proprie, firmiter arripui, confirmavi, tenui, obtinui, continui, corroboravi, instauravi, adiutavi. Sic infra vers. 13. ET A LONGINQUIS EIUS VOCAVITE. Vocem *מרחוק*, *marzuth*, varie hic reddunt: I. & a maioribus, seu principibus eius vocavi te, id est a regibus, qui ibi in terra AEGYPTI dominabantur. II. & ab eminentiis eius, terræ, id est a regionibus, quæ præ aliis eminebant, & in pretio habebantur. III. & a selectis eius vocavi te; id est, e potestate regum potentissimorum, qui tum in AEGYPTO fuerunt, evocatum eduxi te. IV. Nos diximus: & ex cubitis eius vocavi te. Figure, ex optimatibus & magnatibus populi, quibus sustentatur & affirmatur, ac nititur respublica: vide in Exod. xxiv. 11. Fortius: & a brachiis, seu cubitis, seu recessibus. Nam Hebraismus metaphoricè mari & terræ manus, brachia, cubitos attribuit, quod sinus recessusque habeant, ad quos se velut brachiis extendant. Credo esse quas Latini voce consentiente axillas vocant, & pro concavitatibus accipi hoc loco, id est absque locis, unde videbamus vix educi posse.

V. 10. NE TIMEAS, QUIA EGO TECUM SUM, &c. vel: *Ne timeto, quia tecum sum.* Hortatio, inquit, ad finem constantem a promissionibus Dei, quarum

Bib. Sac. Tom. XVII.

partes sunt duæ: prior est, præsentia, & virtutis Dei ad servandum populum, hoc versu; posterior, omnipotentia ad persequendos adversarios, duobus versibus: quæ duo proleptice posita, deinde per hysterosin explicantur. NE DECLINES. Verbum *נחל*, *schaglah*, ponitur hic, & infra vers. 23. in Hithpael, contrariis significationibus, inquit Fortiter: hic pro *avertere se: ne avertas te, seu divertas; & vers. 23. pro avertere se, respicere, aspicere, animadvertere: & respiciemus, animadvertemus.* Sed hic varie exponunt: I. *ne paveas.* II. *ne sis sicut cera, quæ scilicet liquefit & solvitur ab igne, scilicet a nomine נחל*, *schaglah*, cera, Chaldaico, quod est ex hac radice; quasi dicat, Ne liqueas aut solvaris animo. III. *ne debiliteris, vel remissum te præbeas, seu ne mollescas.* IV. *ne desinas, cesses.* V. *non circumspicias, vel ne circumspicies.* VI. *ne flupeto.* VII. *ne terrearis.* Nos: non blande aspicere te te facies, more scilicet eorum, qui in magno periculo constituti hinc inde blande circumspiciunt, quasi auxilium, & opem quærentes & complorantes: vide de notione verbi, supra cap. xxii. 4. ET SUSCEPIT TE DEXTERA IUSTI MEI. Heb. *etiam sustinui, vel sustinui, suscepi te dextera iustitie mee.* Quidam: *etiam sustento te dextera iustitie mee, vel iusta mea; id est, quæ iustitie tue vindex futura est, & ultrix illorum iniustitie.*

V. 11. ECCE CONFUNDENTUR ETERUBESCENT, &c. Hunc versum alii ex Heb. ita reddunt: I. *Ecce pudore afficientur, & erubescunt omnes, qui irascuntur contra te: erunt tamquam nilum, & peribunt viri rixe tue, sive litis & contentions tue, seu viri contententes tecum.* II. *Ecce verecundabuntur, & ignominia afficientur omnes qui exardescunt in te: erunt quasi nilum, & auferentur viri litis tue.* III. *Ecce pudebunt & ignominiosi erunt omnes qui irascuntur contra te: redigentur in nihilum, & peribunt viri, qui litem contra te suscipiunt.* IV. *En erubescunt, & ignominia perfundentur, quicunque exardescunt contra te: erunt tamquam nilum, & peribunt homines contentions tue, seu adversarii tui.*

V. 12. VIROS REBELLES TUOS. Vocem *מרתצ*, *marzuth*, cuius hic plurale ponitur, nam meliora exemplaria *מרתצות*, *marzuthot* habent.

Bb

cha,

cha, cum *Iod* nota plurali habent; diverse modo reddunt: *homines litium, rixarum, pugnarum, velitationum, concertationum, contentationum tuarum, vel iurgiorum tuorum*. Alii singulariter exponunt: *homines concertationis tuae*; id est, qui concertant & contendunt tecum. Proprie reddes: *homines involutionum, irruptionum, irruptionum tuarum*; id est, qui in te involant, irruunt, irrumpunt. ET VELUTI CONSUMPTIO, HOMINES BELLANTES ADVERSUS TE. Heb. & tamquam defectus, cessatio, finis, *absumptio, nihilum, homines belli tui*; id est, qui tecum belligerantur, vel oppugnant te, aut qui bellum contra te movere audent.

V. 13. QUITA EGO DOMINUS DEUS TUUS, &c. Alii hunc versum ita ex Heb. elucidant: Cum ego Iehova Deus tuusprehendam dexteram tuam, edicens tibi, Ne timeam, ego auxilium tibi. Epexergasia praecedentis hortationis & promissionum Dei: hortationis quidem, duobus verbis; promissionum vero, sequentibus.

V. 14. NOLI TIMERE VERMIS IACOB, QUI MORTUI ESTIS EX ISRAEL, &c. Hunc versum alii ex Heb. elucidant: I. Ne formides vermis Iahakob, viri pauci Israelis, seu exiguitas, paucitas, Israelis: ego auxiliatus sum tibi, dixit Iehova, & redemptor tuus Sanctus Israelis. II. Ne timeas tu, o Iahakob vermicule, id est abiciste: vermen vocat rationem habens fortis, qua servivit in Aegypto: o Israel, qui paucus es numero, ego auxilium tibi feram, dicit Iehova, & vindex tuus Sanctus Israelis. III. Ne timeo, vermicule Iahakobi, id est qui in pulvere prostratus iaces afflictionum gravitate, ut Psalm. xxi. 7. hominum Israelis, seu Israelitarum: ego auxilium tibi, dicitur Iehova, & redemptoris tui, sancti Israelis. IV. Forsterus: Ne timeas, vermis, seu vermicule Iahakob, pusille grex Israel: quam phrasim nedum imitatus, verum etiam mutatus est Christus, cum Lucæ xii. 32. discipulos suos iisdem verbis consolatur: Nolite timere pusillus grex. Vide Genes. xxxiv. 30. ego adiuvi te, fidelis sermo Iehova, redemptor enim tuus est Sanctus Israelis. REDEMPTOR TUUS. גֹּאֵל ghoel, vide in Genes. xlviii. 16.

V. 15. PLAUSTRUM TRITURANS. Duae voces Hebrae מֹרֶגֶץ moragh, & charutz moragh, aiunt esse tribulum, vel tra-

ham, vel plaustrum: vide in II. Samuel. xxiv. 22. De charutz vero libet insere quæ Lexicographi amotant. Reuchlinus: Charutz, clava dentata, ferra, vel flagellum, virga, tribula, seu baculus, quo de melle segetes excutiantur. Forsterus: Charutz, de instrumento dicitur fabrilis & rustico ab acredine, quod nos rastrum, vel tribulum vocamus quæ incidit. Mercerus: Et etiam charutz instrumentum, quo fruges trituran- tur, seu conciduntur, aut etiam terra, ut quidam existimant. Alii rastrum, alii tribulam ferratam a terrendo; vel clavum dentatam; alii plaustrum a plodendo, iuxta varios modos excutiendi frumenti in diversis regionibus. Kimchi ita describit, quod sit tabula lignea, cui cubus infixi sunt tenues lapilli ad incidendum paleam, & educendum fruges et folliculo. Marinus: Charutz, transfertur eleganter ad traham, quod semper sedulo versetur. Avenarius: Charutz significat rastrum, tribulam dentatam, instrumentum habens multas incisores, seu tessulas, quo frumenta in area inciduntur, & excutiantur: & sepe additur verbo דוּשׁ Dusch, trituvit. Schindlerus: Charutz, tribulum, plaustrum genus quod rotis subter ferreis atque dematis volvitur, ut excussis frumentis stipulam in areis conerit, & in cibos inmentorum propter saxi sterilitatem, paleas comminuat, teste Hieronymo Isaie xxviii. 27. Buxtorfius: Charutz, tribula, intelligenda autem tribula antiqua, quæ traha quædam species erat, alligatis ipsi bobus, iuxta illud, Non obturabis os bovi trituranti, Deuteron. xxv. 4. Generale est moragh, speciale charutz, a casuris: Fuit enim tribula, ut scribit R. Salomon Iarchi Isaie xli. 15. plena casuris, sive incisionibus instar instrumenti fabrorum ferrariorum, quod dicitur lima, & trahabatur super trituran, donec abscederentur spicæ, ac stramen eius ferret palea. Apud Thalmudicos legitur, fuisse instrumentum ligneum ex tigillis factum, plenum clavis, sive dentibus inferne obtusis, cui imponebatur massa ferrea gravandi causa: trahabatur a bobus super trituran, atque ita frumentum excutiebatur, stramenque redigebatur in paleam, Cedice Menachoth, cap. iii. fol. 22. & Cod. Sebachim, cap. xiv. fol. 116. De traha ac tribulo vide II. Samuel xii. 31. Hic autem cum ponatur hæc duo nomina moragh charutz, alyndeta, quidam subaudiunt coniunctionem: in traham, ac

tribulam; quæ quamvis videantur unum & idem instrumentum, potest tamen esse aliquod discrimen inter illa. Alii volunt *charutz* esse nomen adiectivum ipsius *moragh*, unde Kimchi annotat, ipsius quidem instrumenti nomen esse *moragh*, sed appellari *charutz* ab actione sua, quasi incisoria dicitur. Unde locum varie exponunt: I. *Ece posui te vel ponam te*, præteritum pro futuro, in *traham*, & *tribulam novam*, habentem ora, id est asperitates illas clavorum & lapillorum. II. *Ece ponam te in traham incisoria*, seu bene incidentem, habentem ora. III. *Ece posui te in traham acutam novam habentem posita*, id est dentes, acumina. IV. *Ece posui te in tribulam novam habentem ora*. V. En ego faciam te plaustrum, & *tribulam novam dentatam*. Prædicit fore, ut Ecclesia primitiva initio fit debilis & infirma, quæ tamen postea sit Dei auxilio reges, tyrannos, & magnates trituratione, id est victura & redactura in nihilum. Utitur metaphora ducta a tritura. VI. *Ece ponam te in tribulam excisam, recentem, habentem multa ora*, id est multas celsuras. VII. *Ece dispositorum sum in te tribulam stylis recentibus*. Exornatio allegorica posterioris membri prolepticos, de excidio adversariorum Dei, & Ecclesiæ, duobus versibus, ut supra vers. 11. & 12. vide supra in vers. 10. *dominam orium*, seu *bipennem*: ut Psalm. cxlix. 6. id est, stylorum pinnas utrimque habentem, ut in quamcumque partem vertaris, adversarios teras. VIII. Hispanicus Interpres: *He aqui que yo te he puesto por trillo, trillo nuevo feo de boras*, hoc est, lleno de dientes. TRITURABIS MONTES, &c. id est, hostes quamvis elatissimos & potentissimos perdes, utrumque vermiculus esse videaris. ET COLLES QUASI PULVEREM PONES. Alii ex Heb. I. Et colles tanquam glutinam dispones. II. & colles in scobem rediges. De voce *סוס* *morz*, quem emendationem reddidimus, vide supra cap. xx. x. 5.

V. 16. ET TU EXULTABIS IN DOMINO, IN SANCTO ISRAEL LAETABERIS. Alii: I. tu autem exultabis in Iehova, in Sancto Israel te iactabis. II. tu vero exultabis in Iehova, in Sancto Israelis gloriaberis. Transito ad prius membrum prolepticos, de quo versu 10. exponens singula-

rem Dei beneficentiam erga Ecclesiam, usque ad vers. 21. elegantissimis allegoriis rerum ad præsentis vite commoda pertinentium. LAETABERIS. תִּיהָלַל *tihalal*, Futurum *Hithpael* significatum intendit, *evehere laudibus te te facies*, laudibus te magnopere efferes, splendide te iactabis, vehementer gloriaberis, ut ingentem sui gloriam ex Dei benignitate celebret.

V. 17. EGNI ET PAUPRES QUÆRUNT, &c. Hunc versum quidam evidentius ex Heb. ita transfundunt: I. *Ipsos pauperes, egenesque ipsos, qui querunt aquas, ubi nulla adsunt, quorum lingua siti deficit*; ego Iehova exauditus sum, Deus Israelis non derelicturus sum eos. II. *Cum afflicti & egeni aquas querunt, nec inveniunt, & lingua eorum siti exares*; ego Iehova exaudio eos, ego Deus Israelis non desero eos.

V. 18. APERIAM IN SUPINIS COLLIBUS FLUMINA. Vocem *שֶׁפֶלֶת* *shephelat*, varie interpretantur: *Aperiam in precipitiis, præcipitiis, eminentiis, prominentiis, in locis eminentibus, in excelsis, in editissimis locis, in clivis, in eminentissimis verticibus flumina*. Hispanicus Interpres: *en los cabecos altos abrive rios, &c.* Sensum huius & sequentis versus ita concepiunt: id est, irrigabo & fecundabo terram siccantem, idque etiam permutato, si opus erit, naturæ ordine.

V. 19. ULMUM. תִּדְהָר *tidhar*, inquit Reuchlinus, *Sapinus, arbor picea, seu alia cedri species*, Hieronymus traduxit *Ulmum*, nostri Hebraei saepe exponunt. De Sapino vide Plinium Lib. XV. cap. xii. & Lib. XVI. cap. xii. & xxix. Sanctes: *tidhar, species quædam cedri, ut inquit Rabbi David, Hieronymus traduxit ulmum*. Fortiter: *tidhar, nomen arboris quam pinum, alii cedrum seu cedri speciem asserunt, Hieronymus ulmum transtulit, Isaia xli. 19. & lx. 13. arbitror autem dictam a fragore, seu fremitu, quem ventorum agitatione edit: nisi forte dictam velis a resina, ut æquivaleat nomini תִּדְהָר *tidhar*. Mercerus: Arborem quidam a fremitu dictam putant quem edit ventis agitata: vel a resina, quasi *tidhar*. Quidam putant esse pinum, vel piceam, alii fragum. Forenus: *Qualis etiam arbor sit tidhar, ignoratur, certe a fremitu seu fragore videtur dicta, quem a ventis agitata edit. Hieronymus ulmum vertit:**

sunt qui pinum putent, quasi a resina appellationem habeat, aut a splendore quem si accenditur, edit: nam יָרֵךְ zahar, resplendere est Chaldaeis atque Hebraeis: at quantam cognationem habeant litterae Daleth, & Zain, est manifestum: hinc exillimo vocem Latinam tæda originem ducere: quæ primo arborem notat ex earum genere, quæ resinas ferunt abundantiori succo reliquis eiusdem generis, Græcis, δῖα δαδῖον: improprie deinde dicuntur tæda partes imæ piceæ sativæ, atque alia ligna, quæ vel naturali pinguedine, vel oleo, piceve illius faculæ modo lucent. De tæda vide Plinium Lib. XVI. cap. x. Marinus: tidhar nomen arboris cuiusdam, et si quide proprie sit, ignoretur: laurus nos dicimus. Avdanius: tidhar, ulmus, a fragore, quem ventorum agitatione edit. R. David Kimchi dicit esse cedri speciem. Serapion cap. cv. vocat Arabice didar. Schindlerus: tidhar, laurus, seu species cedri. Buxtorfius: tidhar, tæda, arbor resinam ferens. Ergo tædam hic reddunt, Tremellius, Junius, Buxtorfius. Buxum. תַּשְׁכֶּשֶׁחַר theschschur, inquit Sanctes, secundum Hieronymum est buxus. At Rabbi David in Libro Radicum speciem scribit esse cedri: sunt qui putant esse arborem bresilium: in Thalmud exponitur sorbus. Et Rabbi Iona scripsit quod in Arabico vocatur sorbus; & scripsit quod sit abies, aut potius buxus. Thargum, אֲשֶׁרֹנִי אֲשֶׁרֹהִין ascheronin. Fortiter: thschschur, nomen arboris, Chalæus transulit ascheronin, quam alii buxum, alii bresilium, alii cedrant seu speciem cedri esse putant, a proceritate, & erecta statura sic dictam. Tremellius, & Junius reddunt: arboreæque opacas. Hebræam, inquirunt, vocem theschschur, quæ nusquam nisi hic, & infra cap. LX. 13. legitur, sic interpretantur, propter etymon coniugate vocis אֲשֶׁרֹהִי ascherah, quæ significatur lucus. Si augurari licet, forsitan consentiente voce fuerit taxus, quam similem aspectu abieti, piceæ, larici, tædæ coniungit Plinius Lib. XVI. cap. x. sic dicta per antiphrasin, quasi minime beata, sed infelix & venenata.

V. 20. ET RECOGITENT. Heb. & ponant, subaudi, super cor. Alii לֹא ap-
ponant, sive & adhibeant se, ut Iudic. xix. 30. II. & alta mente reponant. Notant esse conciliam locutionem, quæ infra vers. 22. expletur: & ponemus cor nostrum, ut

Ezechiel. XL. 4. & cap. XLIV. 5. Aliter perficitur: & ponant super cor, ut infra cap. LVII. 1. & II. ET INTELLIGANT PARITER. Verbum שָׁכַח sachal, in Hiphil hæc omnia includit: & accurate confitentur, graviter pendunt, strenue intelligant. QUIA MANUS DOMINI FECIT HOC, ET SANCTUS ISRAEL CREAVIT ILLUD. Possis reddere: quod manus IAHU fecit istam, & sanctus Israelis creavit eam, scilicet salutem, vel Ecclesiam.

V. 21. PROPE FACITE IUDICIUM VESTRUM, &c. Alii ex Heb. I. Appropinquate iudicium vestrum, dicit Iehova: accedere facite fores vestros, id est patronos & advocatos causæ, dicit rex Iahakob. II. Appropinquare facite litem vestram, vel admove, ponite in medium, dicit Iehova, convertit sermonem ad idololatrias, accedere facite fortis vestra, id est argumenta vestra, quæ putatis esse fortissima, & validissima: dicit rex Iahakob. III. Proponite causam vestram, dicit Iehova: offerte confirmationes vestras, dicit Rex Iahakob. צַמַּת gharzumat, aiunt esse hic confirmationes, seu corroboraciones, quas quisque pro se in iudicio assert, quæ sunt in oratione velut ossa & nervi in corpore. IV. Asserte causam vestram, ait Iehova: adducite robora vestra, id est, robur & firmitudinem litis, seu disceptationis vestræ, & præcipuas demonstrationes vestras, firmas probationes vestras, vel argumenta vestra, quæ pertinent ad confirmationem causæ, Latini firmitamenta vocant. V. Adesle causæ vestræ, dicit Iehova: asserte firmitamenta vestra, dixit rex Iahakob. VI. Hispanicus interpres: Accedat vestro pleyto, seu alegad pro vestra causa, dicit Iehova: trahet vestros fundamentos, id est, vestras rationes, dicit el rey de Iahakob. VII. Proferre, seu producite causam vestram, ait Iehova: admoveite firmitamenta vestra, ait rex Iahakob. Tertia concionis pars, ut dictum est cap. XL. 1. constituta idololatrarum, eorum, qui non acquiescunt Deo: primum adversarios provocat sarcasmo, hoc verbum; deinde cum ipsorum hominum, tum idolorum, quibus confidunt, vanitatem arguit, tribus versibus; ac postremo maiestatem Dei asserit, vers. 25.

V. 22. ACCEDANT, ET NUNTIENT NOBIS, &c. Hunc versum ita ex Heb. ex-
pla-

planant. I. *Quin afferant, adducant, deos suos, ut annuntient nobis quæ eventura sint, aut saltem quæ prius fuerint indicent, vel montate, o idola: ut responsum in cor nostrum, ut sciamus novissimum eorum, seu quæ subspectura sunt, aut quæ in foribus sunt, exponant nobis, vel aut quæ ventura sunt docere nos, vel predicite nobis o vos idololatæ.* II. *Proponant, & indicent nobis ea quæ obventura sunt: priora quænam sunt, indicite, id est quam primum eventura: ut apponamus animum nostrum, & cognoscamus finem eorum, id est ultimum eventum ex prioribus illis consequentem: aut eventura pronuntiate nobis.* Primum vanitatis argumentum, quod idolorum cultores res futuras, ac ne mox quidem futuras, certo non possunt cognoscere aut prædicere.

V. 23. ANNUNTIATE QUAE VENTURA SUNT IN FUTURUM; ET SCIEMUS QUIA DIU ESTIS VOS. Alii: *Indicite quæ ventura sunt in posterum, ut cognoscamus vos esse Deos.* Secundum argumentum, quod ne præsignificare quidem illi res venturas possunt. Alii idem dicere volunt, quod præcedente versu ad maiorem sententiae inculcationem: vel *נִינְיָא אֲבוּיֹת*, proprie significat ventura quæ ex signis præcedentibus cognosci & indicari possunt: nam ex eadem radice est, *נִינְיָא אֲבוּיֹת*, signum, prodigium, portentum, quod aliquid eventurum portendit: quasi dicat, Neque ex signis antecedentibus certo quidquam cognoscere possunt. BENE QUOQUE, AUT MALE, SI POSTESTIS, &c. Alii ex Heb. I. *quin etiam benefaciatis, aut male faciatis, & narrabimus postquam videbimus simul, vel postea, quam viderimus pariter.* II. *quin etiam benefaciatis, aut male faciatis, ut narremus & videamus, subaudi, miracula vestra, simul.* III. *etiam quod benefaciatis & male faciatis, narrabimus, & videbimus simul.* IV. *quia benefacite aut malefacite, ut narremus, & videamus pariter.* V. *bene etiam aut malefacite, & advertemus, & videbimus pariter.* VI. *sive benefeceritis, sive malefeceritis, respiciemus, vel animadvertemus, & videbimus utrumque.* VII. Hispanicus Interpres: *O alomenos hazed bien, o hazed mal para que tengamos que contar, y juntamente veremos, seu nos maravillemos.* VIII. *etiam benefacite, aut malefacite, ut oblique sciamus videntes pariter.* Tertium ar-

gumentum, quod nihil plane boni, vel mali queant efficere: ex quibus conficitur doctrina sequentis versus. ET LOQUAMUR. *נִינְיָא אֲבוּיֹת* *נִינְיָא אֲבוּיֹת*, diversimode exponunt: & narrabimus, & oblique sciamus, & circumspiciamus, & respiciemus, & advertemus. Quidam exponunt: & versis vultibus ad nos mutuo pariter rem examinabimus, & confabulabimur, atque tractabimus quoniam honore digni sitis, &c. Nos vertimus: & blande respicere nos fecimus, seu facimus, vel ut blande nos ipsos respicere faciamus; id est, ut benevolo ac pio erga vos intuitu simus & affectu, & videamus magnifica vestra facta.

V. 24. ECCE, VOS ESTIS EX NIHILO, &c. Alii: I. *Ecce vos estis ex nihilo, & factura vestra ex nihilo est: id est, nihil boni vel mali efficere potestis, abominatio elegit vos; id est, homo abominabilis elegit vos, ut colat.* II. *Eu vos minus quam nihil estis, & opus vestrum peius opere viperae: abominationis vir, seu abominabilis, qui elegit vos.* III. *Forsteris: Ecce estis minus quam nihil, & opus vestrum, vel opera vestra minus sunt quam sibilus; abominatio eligit vos.* *נִינְיָא אֲבוּיֹת*, de, ex, serpente, ex vipera: ut *נִינְיָא אֲבוּיֹת* idem quod *נִינְיָא אֲבוּיֹת*, vipera, Iob xx. 16. quasi dicat: Opera eorum sunt serpentina, viperina, lædencia proximos, vel præ serpente, vipera, id est, peiora & magis noxia quam opera viperae, aut serpentis. Alii: *de sibilu, vel præ sibilu, id est minus sunt quam sibilus, a נִינְיָא אֲבוּיֹת, sibilavit; quasi dicat, Inaniora, & vaniora sibilu, nihil solidi aut ponderis habentia.*

V. 25. SUSCITAVI AB AQUILONE, &c. Alii hunc versum ex Heb. I. *Excitavi ab Aquilone: hunc locum de Cyro accipiunt, quem Deus suscitavit a Perside, quæ est ad aquilonem respectu Iudææ, ut bellum susci-peret contra Babylonios, ut illis devictis, populum Dei in libertatem affereret: abortu solis vocabitur in nomine meo, vel nomen meum, id est, fatebitur me verum Deum esse: vide II. Paralip. xxxvi. 22. & v. 23. & Ezæ 1. 1. & 2. venit super principes, veluti super lutum, & conculcabit quemadmodum figulus lutum.* II. *apertius alii: Excitaturus sum: antithesis potentie Dei, quæ prædicat & interminatur subversionem regni tenebrarum per Ecclesiam Christi, ex omni-*

omnibus orbis terrarum partibus. adunatam ad invocandum nomen eius: ab aquilone, & meridie, similiter ab ortu, & occasu, est enim ellipsis contrariorum in hac loquendi forma, ut Genes. xxxiii. 10. *qui veniat, ab ortu solis, qui vocet nomen meum, qui veniens proculcat antistes tamquam lutum, & tanquam figulus canum.* Hebraicam verborum emptionem hoc loco perspicuitatis ergo mutarunt. ET ADDUCET MAGISTRATUS QUASI LUTUM. Alii ex Heb. I. *& veniet super principes veluti super lutum.* II. *& ambulabit super magnates sicut super lutum.* III. *& invadet magnates quasi lutum.* De voce דִּגְמָנִים *seghanim*, quam hic principes, magnates, antistes reddunt, vide in Hezre ix. 2.

V. 16. QUIS ANNUNTIAVIT AB EXORDIO &c. Hunc versum dilucidius alii ex Heb. exponunt: I. *Quis annuntiavit hæc ab initio?* id est quis hominum aut idolorum? ut sciremus? & porro quid futurum sit, & dicemus cum habere causam potiore? vel ut cognoscamus, subaudi, cum vera dicere, & illum esse verum Deum: & ab antea, dicemus illum iustum? id est, quis indicabit aliquid multo antequam eveniret, & affirmabimus illum iustum esse, & veracem in predicatione sua? sed nullus est, qui annuntiavit, subaudi, futura, nullus est, qui prædixerit, vel qui aulitiam faciat vocem suam; quasi dicat: Tantum abest ut possitis futura prædicere, ut omnino missis: neque est, qui audierit sermones vestros. II. *Quis annuntiavit ab initio, & scimus, & a principio,* seu ab antiquo, vel iam ante, & dicemus quod iustus sit? utique non est qui annuntiet, etiam non est qui narret, etiam non est qui audiat sermones vestros. III. *Quis annuntiavit a principio, & scimus, & antea, & pronuntiabimus iustum?* immo non est, qui annuntiet, non est qui prædicet: immo non est qui audiat dicta vestra. Id est: Quis ex vobis, o dii, futura cognovit aut prædixit? eloquimini, ut sciamus quinam vestrum hic sit, & pronuntiemus cum iustum, id est pro eo sententiam feramus, & victor ex indicio prodeat, palmamque referat. Sed frustra expectamus, nullus est, qui vel eos musitantes audiat, aut aliquod verbum ex ore vestro percipiat. IV. *Quis indicavit inde a principio ut cognosceremus?* Conclusio totius sermonis, qua Deus summam superiorem an-

tiethelin his duobus versibus repetens, sibi omnem gloriam assumit, omnia in Christo prædicandi, præsignificandi, & efficiendi arbitratu suo: deinde ætiologicos totam gloriam omnibus idolis, hominibusque admittit, duobus ultimis versibus. Aut ergo: Quinam igitur, nimirum ex istis diis, aut hominibus indicavit &c. Aut inde ab antiquitate, ut diceremus, iustus est; id est, non iniuste, sed merito sibi hanc gloriam arrogat; neque ullus est, qui indicet, neque ullus qui præmittet, neque ullus qui audiat sermones vestros. V. Hispanicus Interpretes: *Quien dio nravas desde el principio, para que sepamos? cy de antes, cy diremos.* Iusto; id est, Bien esta, es verdad; quasi dicat: *Acordarle hemos que es Dios.* Ciertamente ay quien lo annuncie, cierto no ay quien lo ensene, cierto no cy qui en oya vuestras palabrass.

V. 27. PRIMUS AD SION DICET: ECCE ADSUNT, ET IERUSALEM EVANGELISTAM DABO. Alii ex Heb. I. *Primus Tzionis, Ecce, ecce adsunt;* id est, ego primus omnium sum, qui dico Tzionis quæ futura sunt: & Ierosolymis Evangelistam dabo, singulare pro plurali, Evangelistas; quasi dicat: Non solum potens sum futura prædicere, sed facio etiam meos prophetas & Evangelistas ea prævidere, & annuntiare. Semper enim Deus populo suo providit prophetas futurorum eventuum &c. II. *Ego primus sum, qui dico hæc Tzionis, Ecce, ecce ipsi:* quasi dicat, Deus non est talis ut illi dii gentium, nam est futurorum peritissimus: & ipsi Ierosolyma dabo læta ac sausta nuntiantem: Christum inferentem Evangelium in mundum. III. *Primum Tzionis, in quo ecce, ecce ista, & Ierusalem evangelizantem dabo.* Alterum membrum antitheseos, quo demonstrat Deus se ea omnia præstare, quæ modo dicta sunt in exhibitione Christi, quia idem est sapientia Dei, & potentia Dei ad salutem credentium. Non efficiuntur, inquit, neque prædicantur hæc alia virtute aut scientia hominum: sed is demum unus effecturus & prædicaturus est, cui donavero. Est autem ille Christus primarius, sive caput Ecclesie, plenus gratiæ & veritatis, de cuius plenitudine perenni ac præsentissima hauriri sunt omnes, & in quo ecce istarum prophetiarum omnium invenitur complementum. Hunc, inquit Deus, dabo Ecclesie potestatem

tem dictis & factis, ut efficiat res prophetis prænuntias, & prophetias Evangelicas committat suis ad ædificationem Ecclesie, Evangelizaturus per ipsos, & futurus cum ipsis ulque ad consummationem sæculi. Hunc locum, inquit, ut ita accipiamus, cogunt distinctiones Hebraice, ipsa argumentatio, & prophetie sequentis comparatio.

V. 28. ET VIDI, ET NON ERAT, &c. Alii ex Heb. I. Ego *videbo*, seu *contemplabor*, & non *vir*, & de illis non est consultor: si scisciter ab ipsis, ne verbo quidem respondent; id est, quamvis diligenter contempler, & quæram, tamen non inveniam idolum aliquod, quod futura prænuntiet, aut dare possit consilium, aut edere ullum verum responsum. II. Nam cum respicio, nullus est *vir*, etiam ex ipsis nullus est consultus, ut cum interrogabo eos, respondeant quidquam. A Etologia præcedentis promissionis de Christo, qua confirmat Deus, se gratiose propterea mittere Filium in mundum, quod nemo ex diis, aut hominibus prophetare possit per se, nescium salutem sibi comparare aut præstare alteri.

V. 29. INIUSTI. *in arven, vanitas, iniquitas, dolor, molestia*: proprie, concupiscentia, cupiditas. Recte observant sumi hic pro impio, & idololatriæ cultu propria cupiditate ac devotione, instinctu diaboli, contra Dei voluntatem, & verbum Dei instituto: atque ipsa idola significare, quæ ex prava illa & innata, atque originaria concupiscentia, seu fomite peccati in mundum introducta sunt, pro mera hominum libidine, & absque ulla ratione, sed stulta quadam cupiditate inventa. Vide in Numer. xxiii. 21. & I. Samuel. xv. 23. ET VANA. Heb. *defectus, cessatio, absumptio, nihilum*. ET INANE. *inim thohu, inordinatio*. Vide in Genes. 1. 2. SIMULACRA. Heb. *fusiones, fusilia, conflabilia, eorum*. Hispanicus Interpres: *suo variados*, vel *sus diores de fundicion*.

MENOCHII.

Vers. I. TACEANT AD ME, id est tace me audiant. INSULAE: Insulas vocat insularum, hoc est, gentes remotas, trans mare sitas, quales respectu Iudeorum erant Itali, Græci, Hispani. MUTENT FORITUDINEM; id est, robo-

rentur animis, viribus, & argumentis, ut mecum disceptent, me resellant, & suam causam stabiliant, si possint. ET TUNC LOQUANTUR; cum scilicet me audient. SIMUL AD IUDICIUM PROPEREMUS: in quo disceptabitur hæc ne, an male fecerint, cum, me relicto, idolis cultum tribuerint.

V. 2. QUIS SUSCITAVIT AB ORIENTE IUSTUM: Abrahamum intelligit, quem Deus vocavit e Mesopotamia, quæ Orientalis est Palestina. UT SEQUERETUR SE: secutus est autem Abrahamus Deum vocantem, circa obedientiam, nesciens quomodo iret Heb. xi. 8. DABIT; pro *dedis*; omnia enim hæc futura per præteritum exponenda sunt. DABIT IN CONSECUTUS GENTES: tradidit coram eo Gentes, easque ei subiecit. REGES OBTINEBIT: victoriam de regibus reportavit. Respicit victoriam quam retulit de Codorlahomor, & aliis tribus regibus liberando Loth nepotem suum Genes. xiv. 15. DABIT QUASI PULVEREM GLADIO EIUS: pulverem scilicet vento raptum; hoc est, quam facile pulverem ventus dispergit, ita facile Abrahami gladius hostes dissipavit.

V. 3. TRANSIBIT IN PACE: transivit feliciter, nemine ex suis amisso. SEMITA IN PEDIBUS EIUS NON APPAREBIT; quasi dicat: Tam velociter, ut non tam ambulasse, quam volasse viderentur; vel sensus est: Deus Abrahamum, & Hebræos in deserto, & per terram Chanaan, ita sanos, vegetos, & integros in expeditionibus deduxit, ut nullum semitæ, & tantæ viæ vestigium appareret, nam nec callum pedes obdlexerunt, nec calcei, aut vestes attritæ: vide Deut. xxix. 5.

V. 4. QUIS HAEC OPERATUS EST, &c. ut scilicet Hebræi inermes, & timidi, tot gentes suis regionibus expellerent, & tot victorias reportarent. VOCANS GENERATIONES AB EXORDIO. Sane non alius quam Deus, qui Hebræos omnes ab Abraham genitos, huc usque vocavit, & elegit in populum suum, & multis, præclarisque beneficiis auxit. PRIMUS ET NOVISSIMUS EGO SUM; id est, ego solus hoc feci: sic dicimus Italice, *Io sono il primo, e l'ultimo*, id est ego solus sum. Alii ita explicant; quasi dicat, Ego sum principium omnium, & finis.

V. 5. VIDERUNT INSULAE, ET TIMUERUNT;

RUNT; quasi dicat: Gentes remotæ, audientes victorias non tantum Abrahæ, sed & Moïsi, in transitu maris rubri, ac deserto, & quæ Iosue patravit, &c. agnovērunt, & veritæ sunt potentiam meam: vide Exod. xv. 15. & Iosue v. 1. APPROPINQUAVERUNT, ET ACCESSERUNT: scilicet ut viderent opera mea.

V. 6. UNUSQUISQUE PROXIMO SUO AUXILIABITUR. Loquitur de gentibus, quæ ad opera Dei, aut Christi famam excitæ, pro suo gentilismo consilia agitabant, & sibi mutuo animos addebant in eo propugnando. CONFORTARE: vox idololatrarum fæ adhortantium ad retinendam, & stabilendam Idola.

V. 7. CONFORTAVIT FABER AERARIUS, &c. Describens fabros idola fabricantes, & stabilientes ne cadant, simul irridet eos qui idololatriam male fundatam, & labentem fulcire conabantur. CONFORTAVIT EUM QUI CUDEBAT: socium laboris sui, cum quo ad eandem incudem, circa idem idolum formandum, occupabatur. Dicens, GLUTINO BONUM EST, id est de glutino pronuntians, quod bonum esset, & tenax. CONFORTAVIT: eum clavus firmavit, solidavit, ne laberetur.

V. 9. IN QUO APPREHENDI TE, &c. id est, quem apprehendi, & elegi in ipso Abrahamo, cum ab extremis terræ, id est Chaldaea, cum evocavi.

V. 10. SUSCEPIT TE DEXTERA IUSTI MEI. Per iustum, Abrahamum, de quo hætenus egit, intelligit, & per Abrahamum Christum etiam respicit. Sensus ergo est: Qua dextera Abrahamum, & multo magis Christum suscepi, eadem suscepi eorum filios & posteros, qui in iis quasi in parentibus suis, eorumque lumbis continebantur.

V. 11. CONFUNDENTUR: victi pudeficient. ERUNT QUASI, &c. erunt res nihili, mox nihilum futuri. REBELLES TUOS: hostes tuos.

V. 12. VELUTI CONSUMPTIO: veluti id quod consumptum, & deletum est.

V. 13. APPREHENDENS MANUM TUAM: ut tibi animos adomem, & in pugna iuvem.

V. 14. NOLI TIMERE, &c. Iudeos intelligit afflictos ab Assyriis, & paulo post vastandos a Nabuchodonosor; vel Apostolos, & Christianos nascentes Ecclesie,

quos ob paucitatem, vilitatem generis, & contemptum, vermem appellat: QUI MORTUI ESTIS EX ISRAEL: qui afflicti estis, & contempti, adeo ut quasi pro mortuis habeamini, immo qui a tyrannis morte multamini. REDEMPTOR TUUS: qui te a tantis malis eripiam.

V. 15. QUASI PLAUSTRUM TRITURANS: videris vermiculus abiectus, sed ego te erigam, & roburum faciam, ut similis sis plaustris dentatis quibus agricolæ muntur in tritura ad grana excutienda ex spicis. ROSTRA SERRANTIA, id est dentes in modum serræ. MONTES, ET COLLES: Reges, & tyrannos intelligit.

V. 17. EGENI, ET PAUPERES, &c. Peccatores quærebant animæ suæ refrigerium, sed non inveniebant; hanc ego eis præstabo per Christum.

V. 18. FLUMINA, ET FONTES: gratiæ, & cælestium donorum. PONAM DESERTUM IN STAGNA AQUARUM: faciam ut desertum aridum, hisce aquis redundet. TERRAM INVIAM: est repetitio eiusdem sententiæ.

V. 19. DABO IN SOLITUDINEM, &c. Faciam ut hætenus inculta gentilitas, Apostolorum prædicatione exulta arbores multiplicet, & pulcherrimas virtutum germinet. ET SPINAM. Heb. est שִׁטָּה *sita*, quod idem est cum ligno *Setim*, quæ est arbor in deserto proveniens, odorata, & cariem non sentiens, cuius frequens mentio in S. Litteris. Vocatur *spina*, quia quoad speciem similis est spinæ albae.

V. 20. CREAVIT ILLUD. LXX. *ostendit*, id est fecit.

V. 21. PROPE FACITE IUDICIUM VESTRUM; quasi dicat: Ego argumenta meæ divinitatis huc usque proposui; vos, o Gentiles, si quid habetis, pro idolis vestris, nunc proferre. FORTE, id est validum argumentum.

V. 22. PRIORA QUAE FUERUNT NUNCIATE: ipsa compellat idola; quasi dicat: Idola, si divinitatem habetis, ostendite vos divinam habere scientiam præteritorum, futurorumque cognitionem. Dicite quid Deus a principio, & ab æterno fecerit, cogitaverit, decreverit. PONEMUS COR NOSTRUM: si illa nobis explicare poteritis, vobis credemus, & audiemus illudis, cognoscere latagentes novissima, id est quæ ventura sunt. EORUM: referendum

etiam est ad vocem *priora*; id est, ea quæ longo post tempore post priora illa evenitura sunt.

V. 23. **SCIEMUS QUIA DIT ESTIS**: nam *testimonium divinitatis est veritas divinationis*, ut ait Tertull. Apoget. cap. xx. **BENE AUT MALE**. Aliud argumentum quod idola non sint dii, ex eo sumptum, quod nec nocere possint, nec prodesse. **LOQUAMUR, ET VIDEAMUS SIMUL**; id est, hoc ipsum coram videamus, & examinemus: videtur respondere Italice phrasi, qua dicimus: *Fate quæsto, & poi venite a parlare insieme*: quo dicendi modo significatur eos primum illud quod exigitur, nullo modo esse facturos.

V. 24. **EX NIHILO**: quia cum ceteris rebus ex nihilo creata sunt. **OPUS VESTRUM**: passive, id est quo vos idola facta estis, fabrica vestra. **ABOMINATIO**, id est abominabilis. **QUI ELEGIT VOS**: ut colcret, tamquam deos.

V. 25. **SUSCITAVI** &c. quasi dicat: Quæ in vobis divinitatis argumenta requiro, ego ad meam divinitatem ostendendam iam pridem exhibui; nam ut supra dictum est, ego Abrahamum, & in eo Israelitas, ab oriente, scilicet a Chaldaea, & e septentrione, scilicet a Mesopotamia, adduxi. **VOCABIT NOMEN MEUM**: colet, & invocabit nomen meum, vel coluit, & invocavit. **MAGISTRATUS**: Magnates, Principes, Reges. **PLASTES**: figulus. **HUMUM**: lutum, argillam.

V. 26. **QUIS ANNUNCIAVIT**, &c. quasi dicat: Quis ex vobis, o idola, harum rerum ordinem prævidit, & prædixit? ut in hac disceptatione & iudicio pro eo sententiam feramus, dicamusque, *Iustus es*; id est, tua causa iusta est, ius a te stat, iuste Deus habetis, & coleris. **NON EST ANNUNTIANS**; quasi dicat: Muta estis faxes, & ligna, nihil dicitis, nec ullus vos loquentes audit.

V. 27. **PRIMUS**: ego qui primus sum, & omnium Deus: de se loquitur in tertia persona. **ECCE AD SUNT**; qui scilicet tibi futura prædicant. **EVANGELISTAM DABO**: scilicet Isaiam, aliosque Prophetas, qui quasi Evangelistæ, boni scilicet nuntii apportatores, nuntient Ierusalem quæ futura sunt, præcipue ad Christum, & ad eius Evangelium pertinentia.

V. 28. **ET VIDI**, &c. sunt verba Isaïæ. *Bib. Sac. Tom. XVII.*

Sensus est: Ad hæc interrogata, & argumenta nemo in decorum suorum causa respondit, neque consultavit de adornanda responsione. Itaque concludit pronuntians contra idola, ut habetur vericulo sequenti.

V. 29. **INIUSTI**: iniusti, & iniustam causam sœvent, causa cadunt, & condemnantur. **VANA OPERA EORUM**: passive accipitur, ut supra num. 24. Perditur opera cum idola sunt.

T I R I N I.

Vers. 1. **TACEANT AD ME**. Metalepsis, pro tacite me audiant, nempe causæ meæ & divinitatis argumenta proferentem. **INSULAE, ET GENTES**; id est, insulani omnes, respectu Iudææ trans mare siti, v. g. Græci, Itali, Hispani, &c. **MUTENT FORTITUDINEM**, id est roborentur animis, viribus, argumentis, ut si possint me refellant, & idolorum suorum causam stabiliant.

V. 2. **QUIS ALIUS A ME, SUSCITAVIT AB ORIENTE IUSTUM Abrahamum**, evocans illum e Mesopotamia, quæ Orientalis est Palestina? Genes. xii. 1. & Heb. xi. 8. **DABIT** (enallage temporum*, pro, quis dedit?) **IN CONSPECTU EIUS**, seu coram ipso, prosterni gentes, Colorahomor, & trium sociorum regum, Genes. xiv. 15. Et in conspectu Moysis, Iosue, tot iudicum & regum, posterorum Abraham, quis Amalecitas, Chananæos, Philisthæos, Moabitas, Madianitas, Idumæos prostravit? Ita Chaldaeus, S. Thomas, Hugo, Lyranus, Forerius, Sanchez & a Lapide. Tam ipse, quam ipsius posteritas.

V. 3. **TRANSIVIT IN PACE**; id est, pacifice, feliciter, ex voto perrupit agmina hostilia, & adeptus est optatas victorias. **SEMITA IN PEDIBUS EIUS NON APPAREBIT**. Tam sanum, tam vegum & integrum deduxit Deus Abrahamum, totumque Israelcem per tot itinera, per tot bella, ut nullum vestigium tam molestæ semitæ, tam prolixæ viæ in pedibus ullius appareret, perinde ac si nihil viæ confectum esset. Nam, ut dicitur Deuter. vii. 4. & xxix. 5. nec pedes callum ullum obdlexerunt, nec calcei aut vestes attritæ sunt.

V. 4. **QUIS HAEC** tam stupenda **FEKIT**, C c VO.

VOCANS GENERATIONES AB EXORDIO ? id est, praesciens, providens & figillatim generationes continuatae scire ab Abrahamo usque ad modernum Ezechiam, quas tot tantisque victoriis ac triumphis suo tempore condecoravit. Utique nemo alius, quam EGO, PRIMUS ET NOVISSIMUS, a deo, universi prae & puppis: ex quo tamquam ex primo fonte omnia featurunt, & ad quem tamquam ad ultimum finem: suum & felicitatis portum omnia devolvuntur. Porro has tam insignes Israelitarum victorias simulatque

V. 5. VIDE PUNT INSULAE, & insulari senserunt, sane oblitupuerunt & ingenti horrore percussi timuerunt, Exodi xv. 15. & Iohes v. 1. maiuerunt tamen hostiliter mihi resistere, quam victis ultro manus dare: ergo instructi armis APPROPINQUAVERUNT a.

V. 6. CONFORTARE. Hac voce se mutuo contra Deum Hebraeorum excitantes & roborantes: quin &

V. 7. FABER AERARIUS cudent idolum, cuius protectione se suosque concives adversus Deum tutaretur, alterum fabrum focium suum animabat & corroborebat, dicens: GLUTINO BONUM EST utamur, & idoli partes conectamus. Ac tandem ita conncxum clavibus affixit parieti. Egregium sane aylum & munimen adversus omnipotentem Deum. Sed tu, o Israel,

V. 10. NE TIMEAS haec crepundia. SUCEPIT TE DEXTERA IUSTI MEI; id est, eadem potentia qua iuvi Abrahamum patrem vestrum, iuvabo & vos: ita S. Thomas. Sed S. Hieronymus, Cyrillus, Theodoretus, Forcius & Haymo magis genuine id de Christo accipiunt, de quo accipienda etiam sequentia.

V. 17. EGENI ET PAUPERES Hebraei in deserto querebant aquas, sed nulla adebant. Ego mox profeci, &

V. 18. IN SUPINIS COLLIBUS, e duris rupibus clicui fontes, inllar fluminum, quia irrigata terra & fecundata

V. 19. DEDIT SOLITUDINI CEDRUM, SPICAM, MYRTUM, OLEAM, aliasque arbores frugiferas, quae in loco ante sterili numquam vixae fuerant, sed iam spatio tot annorum haud dubie succreverunt, inquit Forcius. Allegorice, Christus & Spiritus sanctus caelestibus suis donis steriles Gentium & aliorum peccatorum animos fecerunt

dant, & tristitia in delicias convertunt, inquit S. Hieronymus & alii supra citati. Et c. o quidem haecenus, inquit Deus, argumenta meae divinitatis proposui: iam vos viciitum, o idololatras,

V. 21. PROPE FACITE IUDICIUM VESTRUM; id est, proferite in medium quae stabilimentae caute vestrae, nempe divinitati idolorum, possint deservire. Et quidem ante omnia, probate nobis, o idola, omniscientiam vestram: saltem

V. 22. NUNTIATE NOBIS PRIORA QUAE FUERUNT ante conditum mundum; quid Deus a principio & ab aeterno fecerit, cogitant, decreverit. Inde PONEMUS COR VOSTRUM; id est, intelligemus, nobisque persuadebimus, vos quoque scire NOVISSIMA EORUM, id est ea quae post illa priora, seu secuta sunt, seu sequuntur: ita Origines b. Deinde secundo loco

V. 23. ANNUNTIATE QUAE VENTURA SUNT IN FUTURUM, nempe contingentia & a libero arbitrio dependentia, Veritas enim arminianis testimonium est divinitatis, inquit Tertullianus c: nam solus Deus infinita vi sua cognitiva & intuitu videt ab aeterno & penetrat quicquid umquam futurum est, acie eius visiva extendente se in omne ens quacumque denum parte temporis exiens. Sed nulli purae creaturae id possibile est, ut passim docent SS. Patres & Doctores d. Mox tertium divinitatis argumentum ab idolis depoluit: BENE AUT MALE, si POTESTIS, FACITE cultoribus vel hostibus vestris, sicut ego me fecisse Abrahamo, cuiusque posteris comprobavi vers. 2. & seqq. Sic Iosias pater Gedeon Iudicum vi. 31. *Deus est Baal, vindicet se de eo qui suffodit aram eius*. Impotentiam hanc idolorum pluribus exaggerat Baruch vi. 52. & seqq. Sed Lutherus hoc ipso I-faite loco quo sola idola perstringuntur, perdit abutitur ad liberum arbitrium hominibus adinendum.

V. 24. ECCE (insultat) idolis quasi iam convictis) vos ESTIS EX NIHILO; id est, ortum habetis non ex aliqua veritate, aut solo principio, sed ex inani, falsa & ficta imaginatione, & puro ac mero mendacio. ET OPUS VESTRUM quo idola facta estis, id est vos ipsa, quae estis opus & fabrica stultorum hominum, estis EX EO QUOD NON EST, id est ex nihilo, ac proinde nihil. Sic vers. ult. ait, *vana esse opera*

*pera eorum, ventum & inane quid simula-
era eorum: quia nempe divinitas quæ illis
affingitur, nulla illis inest. Unde & S.
Paulus disertis verbis affirmat, idolum nihil
esse in mundo, I. Corinth. viii. 4. Mox
exemplis probat, quæ paulo ante di-
xerat de ignorantia & impotentia idolo-
rum.*

*V. 25. SUSCITAVI AB AQUILONE cer-
tum quendam monarcham, mihi uni no-
tum, sed toti orbi adhuc ignotum, nempe
Chaldeum Nabuchodonosorem. ET VE-
NIET alter quoque AB ORTU SOLIS, nempe
Cyrus e Perſide. De hoc enim expo-
nunt hæc omnia S. Thomas, Oſorius, Hugo,
Pintus, Vatablus, Lyranus, Mariana & Sa.
Uterque VOCABIT NOMEN MEUM, tam-
quam domini & heri lui; id est, uterque
ſerviet mihi in expeditionibus quas ipsis
demandabo. Uterque etiam agnoſcet & co-
let me: ut de Nabuchodonosore conſtat ex
Danielis iii. 95. & cap. iv. 31. De Cyro
quoque I. Eſdræ i. 2. Uterque ADDUCET
MAGISTRATUS QUASI LUTUM; id est, eo
adiget proceres, principes & reges omnes
ſibi adverſantes, ut ſibi victori ſubdantur
& ſubalternantur, ſicut lutum figulo. Sed
quis veſtrum, o idola,*

*V. 26. ANNUNTIAVIT hæc, aut prædi-
xit ulli viventium? ut DICAMUS pro hoc
tribunali, IUSTUS ES; id est, ius a te ſtat,
iuste merito pro Deo haberis & coleris.
Sed nullus est omnium veſtrum, qui tale
quid prædicare poterit. Ego, ego*

*V. 27. & 28. PRIMUS Ierofolymæ EVAN-
GELISTAM DABO, puta Iſaiam, Icremiam,
alioſque Prophetas, qui quaſi Evangelizæ
prædicent populo meo quæ ipſi obventura
ſunt, tum triſtia, tum læta. Hi AD SYON
DICENT, ECCE ADSUNT; id est, aderunt
præſinito a Deo tempore nunc Chaldei,
nunc Perſæ; nunc qui affligant, nunc
qui recreent populum meum. Sed &
cum iamiam Chaldeus tyrannus immine-
ret, immo incubaret iugulo Ierofolymæ,
nullus ERAT EX ISTIS ſalvis diis QUI INI-
RÊT CONSILIUM, id est conſultaret aut
conſuleret aut iuvaret miſeros clientes ſuos.
Unde iure merito contra falſos deos. con-
cludo:*

*V. 29. ECCE OMNES INIUSTI; id est,
iniuſta & iniqua eſt cauſa eorum: nullo
iure vindicant ſibi divinitatem, cuius nec
umbram probare poſſunt.*

- (a) Pſal. xciv. 10.
(b) Origen. Lib. IV. Tertarchon cap. 21.
(c) Tertullian. Apologenci cap. xx.
(d) Doctores in I. part. S. Thomæ.

GORDONI.

*Verſ. 1. TACEANT AD ME INSULÆ,
& 2. ET GENTES MUTENT FOR-
TITULINEM. Probat Deus ſuam divinita-
tem ex potentia & providentia. Taceant
gentes, ſeu tacite audiant me, & mutent
ſortitudinem ac roborentur; ut mecum di-
ſceptent in hac cauſa. Commemorat initio
vocationem Abraham in poſteris miracula,
& victorias. Secutus quidem eſt Abrahamus
Deum neſciens quo iret, ex Paulo
Heb. cap. xi. DABIT IN CONSPECTU TUO GENTES;
hoc eſt, dedit, in præterito, ut loqui cœpit Iſa-
ias. Sermo eſt de victoria Abraham, Genſ. xiv.
15. item de victoriis Moſis, Iſue, & po-
ſteriorum. Cedit hoſtes ut pulverem, &
verſ. 3. SEMITA IN PEDIBUS NON APPA-
RUIT. Hypallage eſt & converſio; pro,
in ſemita non apparuit pes eius, adeo ſcilicet
velociter pertranſiit.*

*V. 6. & 7. UNUSQUISQUE VIDERUNT,
inquit, QUÆ FECIT: & tamen in idolis
ſuis conſarcinandis & glutinandis inſiſtebant
cœci gentiles. Conſortare vox eſt idolola-
trarum exhortantium ſe mutuo ad vilem
& ridiculam fabricam idoli, clavis & glut-
tino ſolidantes ſcile & inane opus.*

*V. 8. ET TU ISRAEL. Apollrophe iam
eſt ad Iſraelitas, veros Dei cultores, quos
animat, & fide ac ſpe firmat, promittens
ſe potentem protectorem.*

*V. 17. EGENI ET PAUPERES, &c. Ha-
betur hic tacita exhortatio ut perſiſtant Iſ-
raelitæ in vero cultu, promittens non de-
ſutura ſimilia in poſterum, qualia maiori-
bus ſunt exhibitæ in deſerto & terra pro-
miſſionis. Indicat verſ. 17. & demceps,
quæ acta ſunt in ſublevando populo Dei,
in deſerto & alias ſepe: qualia etiam poſt
captivitatem præſidia non deſcuerunt, & my-
ſtice loquendo non deerunt ſub Chriſto,
ubi vel maxime in ſolitudine dabuntur ced-
rus & arbores gratum proferentes fructum.*

*V. 21. PROPE FACITE IUDICIUM VE-
STRUM, &c. Iam monet ut gentes pro
ſuis idolis proſerant ſi quid habent, dent
idola, ſaxa & ligna, ſimilia opera his quæ
Deus hæcenus ſcicit: dent ſigna divinita-
tis, & prædictionem futurorum.*

V. 24. **ECCE VOS ESTIS EX NIHILO, &c.** Probatum est idola non esse Deos veros, quia non dant signa divinitatis. Iterum hoc probatur quia vere ex nihilo sunt, seu nihil possunt: vel ut alii putant, ratione materiae & formae quoque nihil sunt; quatenus ex Apostolo idolum nihil est: abominatio est qui vos elegit, seu abominabilis est.

V. 25. & 26. **SUSCITAVI AB AQUILONE, &c.** Cyrum hic suscitatum multi intelligunt e Perside quae Babylonis est aquilonaris: immo & Iudaeae aliqua ex parte; ac si diceret Deus: Ego suscitabo ab Aquilone & Oriente quem nesciunt idola vestra: ipse agnosceret nomen meum, & me iubente remitteret populum meum in patriam: & pergit vers. 26. **QUIS ANNUNCIAVIT, &c.** hoc est, dicite mihi o idolorum cultores, quisnam ex vestris diis praedixit ista, ut inde sciamus illum esse Deum verum.

V. 27. **PRIMUS EX SION DICET, ECCE ADSUNT.** Hieronymus in huius loci com-

mentario legit *adsunt*; & sensus erit: Idola nihil possunt vere nuntiare; sed Deus est qui primus dicit Sioni, Ecce adsunt (& sunt & erunt) quae ipse promissit, & ipse dicit: Ego dabo Ierusalem Evangelistas, seu qui fausta pronuntiabunt.

V. 28. **ET VIPERAE, &c.** Haec sunt verba Isaiae, agnoscentis nec idola, nec eorum cultores posse quidquam respondere ad ea quae a Deo sunt allata. Unde tandem concluditur vers. 29. **ECCE OMNES INIUSTI, idololatrae, ET VANA OPERA EORUM, solventque causam iniustam.**

EX EIUSDEM AUCTIONARIO.

Vers. 14. **QUI MORTUI, qui afflicti estis, & contemnimini.**

Vers. 15. **Ut plaustrum dentatum excutens grana nova, & instar ferrae.**

Vers. 19. **DABO IN SOLITUDINEM: producam in solitudinem & gentilitatem, quidquid est fertile & speciosum.**



C A P U T XLII.

Pater sibi complacet in filio Christo, cuius virtutes & opera qua facturus est, Prophetia explicat, exhortans universas gentes ad laudem & gratiarum actionem: addit quoque, malos, idololatrias & ingratos graviter a Domino puniendos, plurimum conquerens de ingratitudine servorum Dei.

Ecce servus meus, suscipiam eum: (a) electus meus, complacuit sibi in illo anima mea: dedi spiritum meum super eum, iudicium Gentibus proferet. 2. Non clamabit, neque accipiet personam, nec audietur vox eius foris. 3. Calamum quassatum non conteret, & linum sumigans non extinguet: in veritate educet iudicium. 4. Non erit tristis, neque turbulentus, donec ponat in terra iudicium: & legem eius insule expectabunt. 5. Hæc dicit Dominus Deus, creans caelos, & extendens eos: firmans terram, & quæ germinant ex ea: dans statum populo, qui est super eam, & spiritum calcantibus eam. 6. Ego Dominus vocavi te in iustitia, & apprehendi manum tuam, & servavi te. (b) Et dedi te in socius populi, in lucem Gentium: 7. Ut aperires oculos cæcorum, & educeres de conclusione victum, de domo carceris sedentes in tenebris. (c) 8. Ego Dominus, hoc est nomen meum: gloriam meam alteri non dabo, & laudem meam sculptilibus. 9. Quæ prima fuerunt, ecce venerunt: nova quoque ego annuntio: antequam oriantur, audita vobis faciam. 10. Cantate Domino canticum novum, laus eius ab extremis terræ: qui descenditis in mare, & plenitudo eius: insule, & habitatores earum. 11. Sublevetur desertum, & civitates eius: in domibus habitabit Cedar: laudate habitatores Petræ, de vertice montium clamabunt. 12. Ponent Domino gloriam, & laudem eius in insulis nuntiabunt. 13. Dominus sicut fortis egredietur, sicut vir præliator suscitabit zelum: vociferabitur, & clamabit: super inimicos suos confortabitur. 14. Taciui semper, silui, patiens fui, sicut parturiens loquar: dissipabo, & absorbebo simul. 15. Desertos faciam montes, & colles, & omne gramen eorum exsicabo: & ponam flumina in insulas, & stagna arefaciam. 16. Et ducam cæcos in viam, quam nesciunt: & in semitis, quas ignoraverunt, ambulare eos faciam: ponam tenebras coram eis in lucem, & prava in recta: hæc verba feci eis, & non dereliqui eos. 17. Conversi sunt retrorsum: confundantur confusione qui confidunt in sculptili, qui dicunt constabili: Vos dii nostri. 18. Surdi audite, & cæci intuemini ad videndum. 19. Quis cæcus, nisi servus meus? & surdus, nisi ad quem nuntios meos misi? quis cæcus, nisi qui venundatus est? & quis cæcus, nisi servus Domini? 20. Qui vides multa, nonne custodies? qui apertas habes aures, nonne audies? 21. Et Dominus voluit ut sanctificaret eum, & magnificaret legem, & extolleret. 22. Ipse autem populus direptus, & vastatus: laqueus iuvenum omnes, & in domibus carcerum absconditi sunt: facti sunt in rapinam, nec est qui eruat: in direptionem, nec est.

est qui dicat: Redde. 23. Quis est in vobis qui audiat hoc; attendat & a. sculet futura? 24. Quis dedit in direptionem Iacob, & Israel vastantibus? nonne Dominus ipse, cui peccavimus? Et noluerunt in viis eius ambulare, & non audierunt legem eius. 25. Et effudit super eum indignationem furoris sui, & forte bellum, & combussit eum in circuitu, & non cognovit: & succendit eum, & non intellexit.

(a) Matth. xii. 18. (b) Inf. xli. 6. (c) Inf. xlii. 11.

COMMENTARIA

MALDONATI.

Vers. 1. **E**CCE. Ostendit venturum Christum quasi iam presentem, propter certitudinem prophetiae: nam quem Ioannes presentem digito demonstravit, cap. 1. 29. Ecce agnus Dei, hunc Deus venturum presentia praemonstrat. **SERVUS MEUS**, Christum vocat pater servum suum propter humanam naturam, quia formam servi accepit: Philip. 11. 7. sicut Christus patrem vocat Deum suum: Ioan. xx. 17. *Ascendo ad patrem meum & patrem vestrum, Deum meum & Deum vestrum.* **SUSCIPIAM EUM**, id est defendam: **חֹמֶקְךָ לוֹ**, *sustentabo eum*, fulciam, corroborabo spiritu sancto, ut statim exponit. Alii, *innitit in eo, confidam in eo*; quasi dicat: Ecce servum meum fidelem. **ELECTUS MEUS**, quem pra omnibus elegi. Est enim Christus omnium praedestinatorum caput & exemplar; quem vocat pater hoc loco, electum, alibi vocat filium: Matth. xii. 17. & II. Petri 1. 17. *Hic est filius meus dilectus, in quo mihi complacet*; id est, in quo nihil inveni, quod non esset mihi gratissimum, quia Peccatum non fecit, neque inventus est dolus in ore eius: I. Pet. 11. 22. **DEDI SPIRITUM MEUM**; id est, replevi eum spiritu, ut gentes iudicet. *Dedi illi spiritum sapientiae & intellectus; spiritum consilii. & fortitudinis*, ut dixit sup. cap. xl. 12.

V. 2. NON CLAMABIT; id est, non venit cum magno strepitu, ut alii reges venire solent, sed humilis, placidus, mansuetus: Matth. xxi. 5. **NEQUE ACCIPIET PERSONAM**; id est, non habebit in iudicio rationem personarum. Hebraice ponitur verbum **שָׂא** sine nomine. Itaque potest intelligi aut nomen **פָּנִים** *facies*, & sensus erit, non accipiet personam: aut no-

men **וּלְךָ** *vocem suam*, & significabit, non tollet vocem suam, ut nonnulli interpretantur. **NEQUE AUDIETUR**: **וְלֹא יִשְׁמָע קוֹל**, *& non faciet audire vocem suam* **בְּחֵץ**, *in platea*: repetitio.

V. 3. CALAMUM QUASSATUM NON CONTERET. Duabus metaphoris declarat Christum non esse quidquam violente, aut turbulenter & temere effecturum; sed leniter omnia, prudenter, attente, utiliter, ita ut omnibus prosit, nemini, quantum in se est, noceat: hoc est, *Calamum quassatum*, id est homines inopes & afflictos, non confringet prorsus, ut alii iudices faciunt, (loquitur enim de iudicio) sed potius sublevabit, ac descendet. Idem significat altera metaphora: **LINUM FUMIGANS**; id est, elichnium lucernae iam pene extinctum, non extinguet omnino, sicut dixit, *Calamum quassatum*. Sic interpretatur R. David in Lib. rad. **IN VERITATE**, id est secundum iustitiam, aut vere, ita ut non erret. **EDUCET**, proferet, pronuntiabit iudicium.

V. 4. NON ERIT TRISTIS NEQUE TURBULENTUS; id est, neque erit nimis timidus & remissus, quales esse solent qui tristes sunt; neque nimis acer & vehemens. Heb. **וְלֹא יִבֶּה וְלֹא יִרָץ** repetit utro verba praecedentis: versus, itaque interpretari possumus, *Non extinguet, inquam (linum fumigans) & non conteret (calamum quassatum).* **DONEC PONAT IN TERRA IUDICIUM**; id est, donec legem Evangelicam stabiliat. **ET INSULAE**; id est, extremae quaeque orbis terrarum insulae Evangelium avidè suscipiant; hoc est, **EXPECTABUNT**; quasi dicat: Usque ad secundum adventum mitis erit & lenis, in secundo autem adventu formidabilis.

V. 5. FIRMANS TERRAM: **וְיָקֵץ הָאָרֶץ**, *et erigetur terra*.

alii vertunt, *extendens terram*, sicut dixit *EXTENDENS CAELOS*: sed melius noster Interpretes, *Firmans*: hoc enim magis terra convenit, quam *extendi*, ut Plal. ciii. 5. *Qui fundasti terram super stabilitatem suam, non inclinabitur in seculum saeculi*. DANS FLATUM, id est in quo vivimus: Act. xvii. 28. ET SPIRITUM, id est spirationem calcantibus terram, id est bestis per quem & homines & bestiae vivunt. AUT CALCANTIBUS FAM, id est hominibus, ut sit repetitio.

V. 6. EGO DOMINUS VOCAVI TE, id est praedestinavi. INIUSTITIA, ut iniustitiam doceres, ut homines iustos efficeres, vel ut iustus es, non quod ante esset iniustus, sed quia cum omnino non esset homo, ne iustus quidem homo erat: sicut de nostra praedestinatione dicit D. Paulus Ephes. i. 4. *Elegit nos in ipso ante mundi constitutionem, ut effemus sancti & immaculati*. ET APPREHENDI MANUM TUAM; id est, adfui tibi, adjuvi te: ut sup. cap. xli. 13. ET SERVAVI TE; id est, *Angelis meis mandavi de te, ut custodiant te in omnibus viis tuis*: Plal. xc. 11. DEDI TE IN FOEDUS POPULI, ad firmandum foedus, ad explendas promissiones factas populo meo, quae omnes futuro Christi adventu nitebantur. Gal. iii. 16. *Abrahae dicta sunt promissiones, & semini eius, non dicit, Et seminibus, quasi in multis, sed, quasi in uno, Et semini tuo, qui est Christus*: & II. Cor. i. 20. *Quotquot enim promissiones Dei sunt, in illo est*. IN LUCEM GENTIUM; id est, *Ut illumines omnem hominem venientem in hunc mundum*: Ioan. i. 9. Prius de populo Iudeorum mentionem fecit, deinde de gentibus, quia Christus ad Iudeos primum mittendus erat: Matth. xv. 24. *Non sum missus nisi ad oves quae perierunt domus Israel*. Concinnat autem aptissime verba: nam populo non dicit Christum datum in lucem, quia per legem Moysi aliquam iam lucem habebat; sed in foedus, quia foedus cum eo tantum populo per Christum pactum fuerat. Gentibus vero non dicit in foedus datum esse, quia nullum cum illis foedus intercesserat; sed in lucem, quia in tenebris ignorantes verfabantur, nullamque legis lucem aspexerant: *Populus enim qui ambulabat in tenebris, vidit lucem magnam*. Iai. ix. 2.

V. 7. UT APERIRES: *אפרח, ut aperias*

OCULOS CAECORUM. Hoc mystice intelligi debet de oculis mentis, id est ut omnes occas: quamquam oculos etiam corporis saepe Christus aperuit ut prophetiam omnibus modis impleat. ET EDUCERES, id est educas, DE CONCLUSIONE, id est de custodia. *מסגרת, e carcere*. DE DOMO CARCERIS SEDENTES, *שוכני*; habitantes in TENEBRIS, id est in obscuris locis carceris. Potest hoc proprie intelligi de Patribus, quos Christus descendens ad inferos inde eduxit. Sicut illud Zachar. ix. 11. *Tu quoque in sanguine testamenti tui emisisti violos tuos e lacu, in quo non est aqua*.

V. 8. EGO DOMINUS. Modus confirmandi ac pene iurandi est; quasi dicat: Quod promitto, re ipsa praestabo, quia *Ego sum Deus, & non mutor*: Malach. iii. 6. HOC EST NOMEN MEUM, id est mihi proprium, quod alteri convenire non potest: loquitur autem de nomine יהוה tetragrammario. GLORIAM MEAM, titulum hunc meum, ut vocer יהוה, Dominus aut Deus, non permittram ut quisquam alius sibi usurpet. ET LAudem MEAM. Repetitio est.

V. 9. QUAE PRIMA FUERUNT; id est, quae olim a me praedicta sunt. ECCE VENERUNT; id est, experientia ipsa didicistis, oculis ipsis vidistis iam eventisse: hanc vim habet *Ecce*. NOVA quoque; id est, futura, quae nondum audistis, EGO ANNUNTIO. Probat quod dixit versu 8. se solum esse Deum ab effectu, quia novit futura, sicut sup. cap. xli. 23. probavit idola non esse Deos. Simul etiam docet debere sibi credi Christi adventum praedicienti, quando cetera quae praedixerat, evenerunt.

V. 10. CANTATE DOMINO; id est, mihi laudes divinas soli dicite, cum ego sim solus Deus. Vel, *Cantate*; id est, laudate Deum ob singulare beneficium missi in mundum Christi. CANTICUM NOVUM, id est singulare, exquiritum, non vulgare: nova enim & singularia beneficia novis sunt & singularibus laudibus celebranda: ut Plal. xxxii. 3. & xxxix. 4. & xc. 1. LAUS EUS (cantetur vel resonet) AB EXTREMIS TERRAE, undique, aut ubique gentium. *ההללו, potest esse accusativus: laudem eius (cantate)*. QUI DESCENDETIS IN MARE, id est navigantes, quasi dicat: Non solum qui in terra, sed etiam qui in mari versamini, Deum laudate. ET PLENTUDO EIUS (Deum laudet) id est, quidquid mare replet,

replet, omnia quæ in mari sunt. Alii, plenitudinem eius interpretantur insulas esse, quæ veluti plenitudo & tubera maris sunt, ut statim videtur explicare. INSULAE ET HABITATORES EARUM. Potest etiam נִימָן esse accusativus, Qui descenditis in mare, & plenitudinem eius; quasi dicat uno verbo, Qui descenditis in altum mare.

V. 11. SUBLEVETUR DESERTUM, id est laticia exulcet. Heb. יִשָּׂא, tollite vocem; id est, clamare, o desertum, & civitates quæ in deserto sunt, sicut supra vers. 2. IN DOMIBUS HABITABIT. תַּצִּירִים תִּשְׁכְּנוּ, villæ, in quibus habitat Cedar; id est, tabernacula Arabum, in quibus habitat Cedar, id est niger,

— Sole perflus Arabs.

Erant enim Arabes, Nomades ac Scenitæ non habentes sedes fixas, sed tabernacula quotidie mutantes. HABITATORES PETRAE, id est arcium: sing. pro plur. DE VERTICE MONTIUM, id est qui habitant in summis montibus clament: futurum pro imperativo.

V. 12. PONENT (pro, ponant) DOMINO GLORIAM. Heb. pro, dent Domino gloriam, & laudem eius in insulis annuntient. Distributio est, quæ uno verbo significat, ut omnes homines Deum laudent.

V. 13. DOMINUS Sicut fortis: כַּכֹּחַ, ut vir fortis, aut ut gigas egredietur; id est, ostendet se, cum ante quodam modo latuisset, ut inimicos suos sibi subiiciat. Videtur de secundo iam Christi adventu loqui: quod si de primo agit, ad spiritalem expugnationem demonum referri debet. Sicut vir praeliator suscitabit zelum; id est, excitabit sese ad iram, ut viri bellicosi facere solent, cum praelium committunt. VOCIFERABITUR, ut in bello fit. SUPER, עַל, contra INIMICOS SUOS CONFORTABITUR, corroborabit se se.

V. 14. TACUI SEMPER: סָכַלְתִּי, a saculo. Solent homines qui iram diu comprehenserunt, silentiumque tenuerunt, in magnum tandem clamorem erumpere, sicut & mulier parturiens, quæ se aliquantisper continens, fortius postea vociferatur. Hinc ergo se se Deus comparat, ut ostendat forte, ut quo magis distulavit, gravius puniat. DISSIPABO ET ABSORBEBO SIMUL: id est, uno impetu erumpam, omniaque dissipabo atque consumam, id est omnes ho-

mines meos, vel omnia quæ ad hostes spectant, ut statim explicat.

V. 15. DESERTOS FACIAM MONTES. Non sunt hæc ita intelligenda, quasi re ipsa montes desertos facturus Deus sit, & flumina in insulas converfurus; sed per hypothefim, ut multa alia in Scripturis facris; quasi dicat: Si opus fuerit, nihil tam difficile factum est, quod non sim facturus, ut inimicos meos perdam.

V. 16. ET EDUCAM: וְיִלְדִּיתִי, & ambulare faciam cæcos per viam quam nesciunt, id est quam prius nesciebant. Mystice hoc est intelligendum: cæcos enim vocat homines qui Deum ignorabant, quos dicit se in viam salutis revocaturum. ET IN SEMITIS: reperitio est. PONAM TENEBRAS IN LUCEM; id est, convertam eorum ignorantiam in scientiam rerum divinarum: vel, ego eos ita ducam per obscura loca, quemadmodum si lumine plena essent, & per loca prava, id est anfractuosa, & obliqua, quemadmodum si recta essent, & plana: ita ut non offendant, neque deerrent. Quod mystice de fide intelligi potest, quæ cum obscurissima sit, & anfractibus plena atque difficultatibus, Deus nos per eam quasi cæcos per planissimam viam, sine ullo errore ad salutem ducit. HÆC VERBA, id est has res, hæc omnia, quæ dixi. FECI EIS, ET NON DERELIQUI EOS. Præterita Hebraica pro futuris: hæc omnia faciam eis, nec eos declinam.

V. 17. CONVERSI SUNT. Præter. pro fut. convertentur RETRORSUM, id est eadem spe sua. CONFUNDENTUR CONFUSIONE. Hebraismus, id est valde confundentur. Confundi autem est apud Hebræos pudore affici, quod non sis consecutus quod optabas. QUI CONFUNDUNT IN SCULPTILI: sing. pro plurali: sicut CONFLATILI, pro, conflabilibus.

V. 18. CAECI INTUEMINI: הִבִּיטוּ, intendite ad videndum, vel, visum recipite ut videatis: quia dixerat supra vers. 7. Christum oculos cæcorum aperturum, Heb. exhortatur illos per apostrophem, ut se parent ad videndum.

V. 19. QUIS CAECUS. Declarat quos potissimum cæcos appellavit. Latet autem hic tacita quedam comparatio. QUIS CAECUS NSI SERVUS MEUS; id est, cum omnes homines cæci sint, maxime tamen cæcus est servus meus, id est populus meus, Iudei, quia

quia in media legis luce caligant. ET SURDUS NISI (populus meus) AD QUEM NUNTIOS, id est Prophetas, MEOS MISI; quasi dicat: Qui sunt cæci, nisi Iudæi qui lucem legis habent? qui surdi, nisi quibus Prophetæ locuti sunt? id est, qui maxime oculati & aurati esse debebant. QUIS CAECUS NISI QUI VENUNDATUS EST; id est, nisi populus qui a me liberatus est, & veluti pecunia & servitute redemptus: כַּמְשָׁל, nisi perfectus, id est, qui maxime perfectus esse debebat: ut Matth. viii. 12. Filii autem regni eiicientur foras, id est quos filios regni esse oportebat. ET QUIS CAECUS NISI SERVUS DOMINI; id est, qui maxime debebat Domino servire.

V. 20. QUI VIDES MULTA. O popule Iudæorum, qui multa Dei testimonia, multa mandata legis vides, nonne custodies, & cum apertas habeas aures, nonne audies? Heb. דְּמַת רַבּוֹת וְלֹא יִשְׁמָע, nonne audire debetis, & non servabitis: פָּקַח א׳יִם, & non aperire aures, & non audiet. Quod aliqui interpretantur: Quid prodest videre multa, & non facere, & habere aures, & non audire? quasi dicat: Propterea vocavi populum meum cæcum, & surdum, quia quamvis videat, non facit quæ videt esse faciendæ; & quamvis aures habeat apertas, id est, quamvis audiat multa (ut ante dixit, videre multa,) non audit, id est non obedit: sic enim Hebræi loquuntur. Sed mutat personam, ut solet; priori enim membro loquitur per secundam, posteriori per tertiam. Possumus etiam infinitivum in secundam & tertiam personam resolvere, sic: Vides multa, & non custodis; apertas habet aures, & non audit.

V. 21. DOMINUS VOLUIT; id est, nihilominus Dominus non desistit velle sanctificare eum (populum) quamvis cæcum, quamvis surdum, quamvis immergerum. Heb. יְהוָה חָשַׁבְנוּ דָּוָק, Dominus amavit (illum populum) propter iustitiam suam; id est, ut ostenderet iustitiam suam, quæ promissa sua servat. ET MAGNIFICARET LEGEM: repetenda est particula לְמַעַן, ut magnificaret; id est, ut rationem haberet legis suæ, quæ promiserat se populo suo non delicturum. Et extolleret: יִאֲדֹר, & honoraret, & illustraret.

V. 22. IPSE AUTEM POPULUS DIREPTUS; id est, Deus quidem semper voluit populum salvum esse & incolumem; sed populus
Bib. Sac. Tom. XVII.

ipse sua culpa multas sibi calamitates accersivit, ut dicit aliis verbis: Osee xiii. 9. Perditio tua, o Israel, tantummodo ex me auxilium tuum. Describit statim eorum calamitates. LAQUEUS IUVENUM OMNES; id est, in ergastulis ut mancipia. IN DIRECTIONEM, NEC EST QUI DICAT: REDDE; id est, qui redimat, qui oblata pecunia dicat ei a quo capti sunt, Redde eos, & accipe pecuniam.

V. 23. QUIS IN VOBIS; pro, ex vobis, vel, inter vos. ET AUSCULTET FUTURA: qui credat quæ a me prædicantur. Verba Prophetæ. Alii vertunt לְאַחֵר, in posterum, id est, ut in suum corrigat se sc.

V. 24. QUIS DEDIT. Docet eos tam cæcos esse, ut non intelligant, omnia mala Iacob & Israelis a Domino propter eorum peccata immissa esse; quasi dicat: Non animadvertunt Non esse malum in civitate, quod Dominus non fecerit: Amos iii. 6. ET NOLUERUNT: וְ, ponitur pro, nihilominus; quasi dicat: Quamvis graviter a Deo Iacob & Israel afflicti fuerint, noluerunt nihilominus in viis eius ambulare.

V. 25. ET; id est, propterea, EFFUDIT SUPER EUM, עָלָיו, contra eum. ET FORTE BELLUM, עֶזְרָא מִלְחָמָה, robur belli; id est quasi fortis bellator direxit in eos aciem & quos belli ut supra vers. 13. ET COMBUSSIT EUM IN CIRCUITU. Metaphora est militaris. Solent enim hostes cum volunt magnam aliquam civitatem ad deditionem cogere, oppida circumvicina incendio vastare: ita Deus cum nollet Iacob & Israel perdere, veluti per circuitum castigabat, nunc aliquos eorum, nunc eorum vicinos puniens, ut aliorum exemplo commoti ad se converterentur: tamen non intellexerunt.

S A.

Vers. 1. SERVUS MEUS. Chald. servus meus Messias. COMPLACUIT, &c. quasi dicat, Est mihi carissimus. ANIMA. Hieron. epist. cli. Anima nomine, Dei significatur affectus. SPIRITUM. Chald. Spiritum sanctum. IUDICIUM, scilicet Dei, vel quod iustum est. PROFERET. Chald. revelabit.

V. 2. CLAMABIT, scilicet more perturbatorum. FORIS; quasi dicat, In plateis. Aug. XX. Ciu. 1. ab his, qui foris sunt, ab eius corpore præcisi.

D d

V. 3.

V. 3. LINUM, id est myxum, seu ellychnium. FUMIGANS, scilicet pene extincto lumine. NON EXTINGUET; quasi dicat: Neminem laedet, quin etiam vilissimos iuvabit, seu pene deficientes. Chald. per calammum manuctos, per linum pauperes intelligit. IN VERITATE, &c. quasi dicat, Vere indicabit.

V. 4. NON ERIT, &c. quasi dicat, Magna animi quiete, scilicet nulla passione turbatus praedicabit. IUDICIUM, id est iustitiam & rectam legem Evangelicam. ET LEGEM, &c. LXX. & in nomine eius gentes sperabunt, quomodo citatur Matthaei XII. INSULAE, id est remotissimi quique. EXPECTABUNT, scilicet cum desiderio.

V. 5. FLATUM. Chald. spiramentum.

V. 6. TE, scilicet o Christe. IN IUSTITIA, id est cum iustitia; quasi dicat, Iustum & iustificantem. SERVAVI, &c. Prae. pro fut. IN FOEDUS, scilicet ferendum cum tuo sanguine. POPULI. LXX. generis Israel.

V. 7. CONCLUSIONE, id est carcere, scilicet peccatorum.

V. 9. FUERUNT, scilicet a me praedicta. NOVA, id est inusitata & mirabilia.

V. 10. NOVUM; quasi dicat, Novis laudibus celebrare. LAUS EIUS, scilicet audiat, vel cantetur. PLENITUDO. LXX. navigantes.

V. 11. DESERTUM, id est mundus. HABITABIT; pro, habitantes. CEDAR. Regio est Arabiae. PETRAE, id est rupium. Quidam urbis nomen putant. Vide sup. cap. XVI.

V. 12. PONENT. LXX. dabunt.

V. 13. EGREDIETUR, scilicet ad iudicandum. ZELUM. Chald. iram. VOCIFERABITUR, &c. id est aget more irati. CONFORTABITUR, id est praevalerebit.

V. 14. TACUI, id est iram continui. Dei verba sunt. Apud Prophetas frequens personae mutatio. SEMPER. LXX. a saeculo; quasi dicat, Diu. SICUT PARTURIENS, scilicet cum vi effundens conceptam iram. ABSORBEBO, id est perdam. Chald. consumam.

V. 16. PRAVA, id est distorta. HAEC VERBA, id est res has. FECI. Praeteritum pro futuro.

V. 17. CONVERSI, scilicet impii frustrati spe.

V. 18. INTUEMINI. LXX. respicite.

AD VIDENDUM, id est ut videatis.

V. 19. VENUNDATUS EST, scilicet servus peccati, ut qui venditur. LXX. qui recessit.

V. 20. CUSTODIES, id est observabis, seu attendes.

V. 21. SANCTIFICARETEUM. Chald. iustificaret Israel. LEGEM. Chald. legis factores.

V. 22. IUVENUM, id est sortis; quasi dicat, Fortiter illaqueati. Chald. iuvenes sunt omnes. DICAT, scilicet raptori. REDDE, scilicet quod diripuit.

V. 24. CUI, id est contra quem.

V. 25. COGNOVIT, id est respicit. INTELLEXIT. Chald. proposuit animo timorem eius.

EST I I.

Vers. 2. **N**ON CLAMABIT, NEQUE ACCIPIET PERSONAM, NEC AUDDITUR VOX EIUS FORIS. Hoc testimonium cum verbis aliquot sequentibus citat Matthaeus Evangelista cap. XII. idque ad declarandam insignem Christi mansuetudinem erga omnes. Et sciendum est, quod tam Chaldaeus Paraphrasis, quam omnes quoque Iudei hunc locum de Christo accipiunt. Et Chaldaeus Paraphrasis expressit sic: Ecce servus meus Messias. Matthaeus loco horum verborum habet: Non contendet neque clamabit, neque audiet aliquis in plateis vocem eius. Sensus est: Non litigabit, neque contentiole clamabit, sicut quidam solent, qui cum rationibus & argumentis non possint, clamore volunt adversarium vincere. Neque audietur vox eius foris; vel, ut Matth. habet, in plateis; id est, non iactabit in plateis, vel foro suam doctrinam, quasi per tumultum, vel ostentationem; sed sedate aget, docens in locis ad docendum accommodis, cuiusmodi est synagoga, desertum, ad mare, &c. In iis enim locis Christus docuisse legitur. De clamore huiusmodi Paulus agit ad Ephes. IV. Omnis ira, & indignatio, & clamor tollatur a vobis.

V. 4. NON ERIT TRISTIS NEQUE TURBULENTUS. Non negat Propheta futurum in Christo tristitiae affectum, qui de seipso verissime dixit Matth. XXVI. Tristis est anima mea usque ad mortem. Sed tristitia, cuius hic fit mentio, ad intellectum pertinet,

net, non ad affectum; & significat caliginem seu obscuritatem mentis in iudicando. Unde alii vertunt: *Non caligabit*, vel *non allucinabitur*, & *non festinabit*; & sensus est: Christus nullam patietur ignorantiam, aut difficultatem in cognoscendis iis, de quibus ei iudicandum erit, sed erunt ei omnia expedita, & manifesta. Item *non erit turbulentus*, seu, *non festinabit*; id est, in iudicando non erit princeps, non precipitanter proferet sententiam, quod est in iudicando gravissimum vitium, sed cum maturitate, & summa prudentia iudicabit, & sententias proferet.

M A R I A N A E.

Verf. 1. **E**CCE SERVUS MEUS. *Servus* est Christus secundum naturam assumptam, non tamen filius adoptivus. Hoc caput de Christo est, uti ex Matthæo constat, cap. xii. 18. Verum in Matth. *Eccæ puer meus dicitur*, non *servus meus*, ut est in Isa. etiam Heb. Septuag. *puer meus*. SUSCIPIAM EUM; aut *innotat in eo*, ut scilicet herus fovi innotat, illi fidet. IUDICIUM GENTIBUS. Evangelium, Legem gentibus, quas vocabat ad se, nuntiabit.

V. 2. NON CLAMABIT, non excitabit tumultum. NEQUE ACCIPET PERSONAM. Chald. *nece vociferabitur*. Heb. *non elevabit*, scilicet vocem. Repetitio est, ut & verba quæ sequuntur. NEC AUDIETUR VOX EUS FORIS. Ratio agendi placida erit, præcipua benignitas.

V. 3. CALAMUM QUASSATUM.... ET LINUM FUMIGANS vocat plebeios & pauperes, quibus iniuriam non faciet. In iudiciis veritatem sequetur, non gratiam aut dona. ET LINUM, id myxum.

V. 4. NON ERIT TRISTIS. Heb. *non rugabit*, scilicet frontem, ut moesti solent. NEQUE TURBULENTUS. Heb. & *non curret*. Hoc est, neque remissus erit in agendo, neque festinus: mediam viam tenebit. LEGEM EUS INSULAE, id est gentes remotæ, EXPECTABUNT: sequentur; quas vocal *insulas*, quoniam ad eas mari ibatur.

V. 5. FIRMANS TERRAM. Heb. *expandens terram*. Septuag. *firmavit terram*, Chald. *fundavit*. DANS FLATUM. Sic Septuag. Heb. *animam seu mentem*. ET SPI-

RITUM, id est animam. Itaque dat hominibus vitam, id *status*, id *spiritus* significat.

V. 6. VOCAVI TE IN IUSTITIA; pro, in iustitiam, ut cam. mundo restitueres. Aut in *iustitia*, id est ut erat iustum, & tua merita exigebant. Chald. *in veritate*. IN FOEDUS POPULI, scilicet Iudaici, ut illud impleret, & in lucem aliarum gentium te, o Christe, vocavi.

V. 7. DE CONCLUSIONE. Heb. *de carcere* educeres. VINCTUM; pro, vinctos. Sic erat genus humanum cæcum, & in tenebris carceris.

V. 8. EGO DOMINUS. Hic est nomen ineffabile Dei, quod ab existendo deducitur, quod quæ promissit, omnia implat. Hoc est NOMEN MEUM, scilicet proprium & substantiale, alia appellativa & accidentaria. GLORIAM MEAM. Hanc gloriam & laudem, id est hoc nomen nulli, ac idolis præsertim non dabo.

V. 9. QUAE PRIMA FUERUNT, id est antiqua, præterita iam venerunt, iam exhibui. NOVA QUOQUE, id est futura annuntio; quasi dicat: Ex præteritis colligitis vera esse quæ de futuris dico, ex utrisque mihi illud nomen convenire.

V. 10. CANTATE DOMINO CANTICUM NOVUM, quia nova sunt beneficia. ET PLENITUDO EIUS; id est, omnes qui in mari versantur, & qui terram habitant, Deum laudent.

V. 11. SUBLEVETUR DESERTUM. Heb. *levant* (scilicet vocem) *desertum* & *urbes eius*, scilicet vocem in laudem Dei elevent. IN DOMIBUS HABITABIT CEDAR; pro, in domibus ubi habitabit Cedar, scilicet laudent Deum. *Domos* vocat mapalia. Heb. *vici* (ubi) *habitat Cedar*, id est *Arabes*, ut Chald. *laudent*. Item villas vocat gurgustia aut tentoria, ubi illi habitabant, Nomadum instar. LAUDATE HABITATORES PETRAE; id est, qui in arcibus habitant, & in vertice montium, ii etiam Deum celebrent. Arces in rupibus ponebantur, & in montium cacumine.

V. 12. ZELUM. Suscitabit in suos amorem, in adversarios vindictam: utrumque *zelus* significat. CLAMABIT. *יִצְרִיחַ* *יצריח* significat *clamabit vehementissime*. SUPER INIMICOS, aut contra inimicos.

V. 13. TACUI SEMPER. Heb. *tacui a saeculo*, id est æternum; sive iam diu iram

continui. PATIENS FUI. Heb. *continui*, scilicet vocem aut iram. Non est ergo mirum, si post tam longum silentium & dissimulationem nunc clamabo. Ergo SICUT PARTURIENS LOQUAR. Heb. *clamabo*. Ingentes sunt parturientis clamores. DISSIPABO, seu *desolabo*, scilicet hostes. ET ABSORBEBO SIMUL, perdam.

V. 15. DESERTOS FACIAM, seu *vastabo*, ut Septuag. GRAMEN, herbam seu fenum. ET PONAM FLUMINA IN INSULAS, id est extenuabo. In aritate in mediis fluminibus apparent insulae, quae hieme aquis tegebantur.

V. 16. ET DUCAM CAECOS. Hæ sunt gentes, quæ nescientes quod facerent, ad Evangelium Dei dono venerunt.

V. 17. CONVERSI SUNT RETRORSUM; aut *convertentur*. Res illis in contrarium & vota cadent, qui idola colunt. Suos dixit servaturum superiori versu; nunc impios ait secus acturos.

V. 19. QUIS CAECUS, NISI SERVUS MEUS? Locus difficilis. Heb. a nostra Vulgata discrepant multum. Vulgatæ sensus est: Quis caecus nisi populus hic? quem servum Dei vocat, quia talis esse debuit. Et quis surdus nisi is, ad quem mitto nuntios? id est, Prophetas, & non audit eos populus. QUI VEN-DATUS EST? Vocem מְשֻׁלָּם *mesulam* pro *radito* sumptis seu *venudato*, scilicet in malum, id est nequitiae servus est. Hebraica sic habent: *Quis caecus nisi servus meus? & mutus sicut nuntius meus (quem) misi? Quis caecus nisi perfectus, & caecus sicut servus Domini?* Nimirum Christus, aut Isaias. Hoc autem dicit ex Iudeorum opinione, & verbis, non quod ita esset. Vocaverat Iudeos surdos & mutos; illi respondent, non ipsos tales esse, sed Messiam, sed Isaiam. Melius nostra.

V. 20. QUI VIDES MULTA, NONNE CUSTODIES? pro, observabis. Heb. *videre multa* (pro, vides multa) & *non observas*. QUI APERTAS HABES AURES, NONNE AUDIES? Heb. *aperire aures* (pro, aperis aures) & *non audis*; quasi dicat: Perinde hoc est ac esse caecum & mutum. Ne dicas, Multa video, aures habeo, & quidem apertas. Inanis ea obiectio est.

V. 21. ET DOMINUS VOLUIT, facere scilicet quæ dicta sunt, bonis favere, punire malos. UT SANCTIFICARET EUM, scilicet populum. Heb. *propter iniquitiam suam*,

id est ut eam ostenderet. ET MAGNIFICARET LEGEM, scilicet cum viderent ex eius observatione salutem: ex contemptu exitium extare. Chald. *magnificaret Legis flores*.

V. 22. DIREPTUS, ET VASTATUS: sive *direptus* & *expilatus*, scilicet erit populus. Dabitur in prædā, quia Legem non servavit. LAQUEUS IUVENUM OMNES, id est corrumpit hic populus iuniores. Heb. *illaquea*, pro, illaqueabuntur *iuvenes*. Ducentur captivi. Quidam vertunt, *illaqueabuntur in foraminibus, seu speluncis* בְּחִירִים *bahurim*, quæ vox & *irvencs* potest significare, quod sequitur Chald. & in *speluncis*. Sensus est, fore ut populus recludatur in speluncis & in carceribus, ut capti solent detrueri a victoribus. NEC EST QUI DICAT: REDDE; id est, qui opem ferat direptis non erit.

V. 25. ET EFFUDIT; pro, effundet. Præterita pro futuris sumantur. FORTE BEL-LUM. Heb. *robur belli*, id est hostes robustos. NON COGNOVIT, non est conversus, scilicet populus. ET NON INTELEXIT. Heb. & *non posuit super eam*, id est non respexit, aut non intellexit populus.

M A L V E N D A E.

Verf. 1. **E**CCE SERVUS MEUS, &c. Ob-servant, concionem hanc commodè præcedenti coniunctam esse, ex eo apparere, quod exponit præcedentis conclusionis argumentum de Christo, capite Ecclesiæ, & auctore prophetiarum omnium, ut proxime nominatus est verf. 27. superioris capitis. Continet autem, inquit, hæc concio primum propositionem officiorum & functionum, administrationumque Christi ex vocatione Patris erga Ecclesiam, & vicissim Ecclesiæ in ipsum, usque ad verf. 13. deinde narrationem prosopopæticam operum, quæ Deus effecturus est in Christo, usque ad verf. 18. tertio reprehensionem populi, usque ad verf. 26. sive ad initium capitis XLIII. postea consolationem a promissionibus miserentis Dei, usque ad versum 34. sive a verf. 1. cap. XLIII. usque ad verf. 9. postremo confirmationem, ad finem usque, sive a verf. 9. cap. XLIII. usque ad verf. 14. Quamobrem, addunt, ut hæc concionis forma & series argumen-
tum

rum evidentior esset, partem illam, quæ vulgo in caput sequens relata est, a vers. 26. cum superioribus coniunximus. Sunt autem in propositione membra tria: primum, quo exponitur gloriosa Christi administratio atque salutaris, veribus quatuor: secundum, quo exponitur vocatio a Deo ad illam administrationem, quinque sequentibus verbis: tertium, de mutuo Ecclesie officio erga ipsum Christum, tribus reliquis veribus. **EN SERVUS MEUS:** Christus, qui se exinanivit ipse forma servi accepta, similis hominibus factus, &c. Philippenf. ii. 7. Sic I. Paralip. xvii. 19. & II. Samuel. vii. 22. vide Matth. xii. 17. & sequentibus, ubi quatuor priores huius capitis versus de Christo interpretatur. **SUSCIPIAM EUM.** Alii ex Heb. *quem sustinebo, sustentabo, foveam, adiuvabo.* Nonnulli: *innitit in eo, vel ei, ut solet herus inniti servo fidei.* **COMPLACUIT SIBI IN ILLO ANIMA MEA.** Verbum *נָחַץ* *natzach*, varie hic reddunt: I. *in quo bonam voluntatem habuit animus mea.* II. *in quo beneconplacitum est animæ meæ;* id est, qui est mihi carissimus & gratissimus, quem favore & benevolentia prosequor, erga quem sum pronus & propenso animo, affectuque, sive quem unice & ex animo diligo. III. *complacuit animæ meæ.* IV. *voluit anima mea.* V. *quem benigne accipit anima mea.* VI. *quem gratum, acceptumque habuit anima mea.* VII. Hispanicus Interpres: *en quien mi alma toma contentamiento:* vide Matth. iii. 17. cap. xii. 18. & cap. xvii. 5. & II. Petri. 17. Nam ex hoc loco proculdubio ea phrasidis desumpta est. **DEDI SPIRITUM MEUM SUPER EUM.** Quidam: *indam spiritum meum ipsi,* ut supra cap. xi. 2. & Ioan. iii. 34. Nonnulli hoc referunt ad Spiritum Sanctum columbæ specie in Christum baptizatum descendentem, Matth. iii. 16. **IUDICIUM GENTIBUS PROFERET:** *vel promittet, promulgabit;* id est, ius gentibus dicit: periphrasis regni & imperatoris maiestatis; per Evangelium autem iudicium Christus in omnes gentes exercuit. Quidam exponunt: Id est, Spiritu instructus sine mensura, prophetam ager, sacerdotem, & regem, sed ea forma & efficacia, quæ deinceps explicatur. Hispanicus Interpres: *dará virzio alas gentes,* id est, *leges, reglas de vivir en justicia.* Nonnulli: *iudicium,* id est Evangelium, quod iudicium Dei continet. *Qui*

crediderit, &c. salvus erit, &c. Forsterus annotat, Evangelium appellari hic *iudicium*, quod scilicet Evangelion simpliciter arguat & damnet omnem mundi & carnis iustitiam, & solius Christi iustitiam commendat & offerat.

V. 2. NON CLAMABIT, seu *vociferabitur,* &c. id est, spiritu lenitatis administrabit, in humilitate & misericordia, ut Zachariæ ix. 9. Alii: *Non clamabit,* id est non agitur perturbationibus. **NEQUE ACCIPIET PERSONAM,** Heb. tantum est, *non elevabit,* seu *non exaltabit, non tollet, non intendet;* iunguntque sequentibus, *neque audire faciet foris vocem suam;* hoc est, non tollit vocem suam, ut foris possit audiri; quasi dicat, *Submissa voce, modeste, placide, & sine ulla vocis elatione, aut iracundia loquatur, ac peraget suam administrationem.*

V. 3. CALAMUM QUASSATUM NON CONTERET, ET LINUM FUMIGANS NON EXTINGUET. Alii ex Heb. I. *Calamum conquassatum non confringet, & linum obscurum, seu obscuratum, id est non lucens, seu splendens, non extinguet.* II. *Calamum fore quassatum non conteret penitus, & linum caligans, hoc est caliginose scintillans, seu fore extinctum, non extinguet.* III. *Arundinem fractam non conteret, & nyxam iam sumantem, id est parum ardentem, & pene extinctam, non extinguet.* Homines afflictos comparat luci malignæ; quasi dicat: *Tantum abest, ut sit cuiquam facturus iniuriam, ut ne homunciones quidem sit læsus.* IV. *Arundinem quassatum non frangat, & linum seu elychium ipsum (metonymicus, ut infra cap. xlii. 17.) fumigans non extinguet;* id est, infirmis misericorditer consulat, nutantes in pietate confirmans, & præditos scintilla pietatis aliqua veluti moribunda, fovens & excitans: quam in sententiam hic locus adducit Matth. xii. 20. allegoriæ. V. Hispanicus Interpres: *Noacabara de quebrar la canna cascada, ni apagara el porvilo que humear.* Non absurde notant aliqui esse istas proverbiales formas. **IN VERITATE EDUCET IUDICIUM.** Heb. *ad fidem, constantiam, certitudinem, veritatem proferet iudicium.* Exponunt: Id est, pro veritate sententiam feret; vel in causis iudicialibus faciet ut veritas vincat & elucescat. Alii, id est omnes vere & iuste iudicabit. Nonnulli, id est non falso odorabi-

rabitur, indagabit, cognosceat, atque iudicabit ad aspectum oculorum suorum, vel auditum aurium; sed ex veritate administrabit omnia, ut supra cap. xi. 3. Aptius erit, fideliter, constanter, stabiliter exequetur iudicium, dicit ius.

V. 4. NON ERIT TRISTIS. Diversimode alii ex Heb. I. *Non obscuro erit*, seu *turbidus*, *connotatus*; id est, non agitabitur animi perturbationibus. II. *Non erit retritus*, id est severus, obductis superciliis. III. *Non debilitabitur*, vel *non remissus erit*, a faciendo iudicio. IV. *Non obscurabitur*, id est, non docebit aut loquatur obscure, sed ad edificationem luculenter, plane, & simpliciter. V. *Non allucinabitur*, seu *caligabit*; sed luculentissime omnia penitus intraspiciet, rectissime intelliget, & diiudicabit. VI. *Non favebitur*. Hispanicus Interpres: *Nose censura*, ab administrando suo munece. VII. *Non sumabit*, seu *sumigabit*: sic Noëter id verbum vertit verbi superiore; id est, non extinguetur, seu non tolletur de mundo Christus, antequam promulgarit Evangelium. VIII. *Non faciet ut sumget, neque quassabit*; id est, nemini erit offensio; nam quibus est offendiculo, eos non offendit ipse, sed ipsi offendunt visioitate sua: ut supra VIII. 15. Nos exposuimus: *Non contrahet rugas*, non *corrugabit*, scilicet frontem; id est, præ indignatione, & torvitate non contrahet frontem in rugas. Vide in I. Samuel. III. 13. *NEQUE TURBULENTUS.* Alii ex Heb. I. & non *frangetur*, vel *concutietur*, *conquassabitur*, animo. Hispanicus Interpres: *ni dismayara*. II. *neque curret præceptis*; id est, non feretur impetu, sed summa cum prudentia res, causasque iudicabit. III. *neque quassabit quemquam*; id est, neque offendet, nec more superbiorum alios proculcabit. IV. *Forstereus præcedens*, & prærens verbum ita exponit: *neque restrictus erit*, *neque procurret*, ut *ponat in terra iudicium*; id est, servabit medium, seu modum, & tempus; neque cessator erit, neque præceptus. Radices *ררר* *rutz*, & *פרפר* *ratatz*, cognate sunt, unde hic quidam reddunt: & non *curret*; alii: & non *quassabit*, seu *quassabitur*. *DONEC PONAT IN TERRA IUDICIUM.* Alii: *donesc disponat in terra iudicium*; id est, donec evulgarit suum Evangelium: Nonnulli: *quousque ponat in terra iudicium*; id est,

quamdiu in terra ius dicet, & inter vivos aget, mortalesque gubernabit; vel quousque efficiet ut ius & iustitia in terra vigeant; quasi dicat, Sua mansuetudine atque prudentia regnum Dei, in quo viget vera animarum iustitia, propagabit. *ET LEGEM EUS INSULAE EXPECTABUNT*; id est, excipietur cum magna expectatione Evangelium a remotissimis quibusque nationibus. Quidam: & in doctrinis eius regionis expectationem habebunt; id est, gentes vocatæ ad Evangelium adventu Christi.

V. 5. HAEC DICIT DOMINUS DEUS, CREANS CAELOS, &c. Aliqui: *Sic ait Deus ille fortis Iehova, creator caelorum, &c.* Vocatio Christi, ut ad vers. 1. dictum est: quam præmunit Deus argumentis a mirifica creatione, conservatione, & administratione rerum omnium, hoc versu. *ET QUAE GERMINANT EX EA.* *דומים תזעזע*, *exitus*, *egressiones*, *propagines*, *stirpes*, *germina*: vide supra cap. xxi. 24. Quidam reddunt: *res prognatas ex ea.* *DANS FLATUM POPULO.* *נשנש* *neschamah*, *halitum*, *anhelitum*, *animam*, *respirandi vim*, *inspirationem*, *populo inhabitanti*, *agenti in ea.*

V. 6. VOCAVI TE IN IUSTITIA. Varie exponunt: 1. *iuste*. 2. *in iustitia*, ea, quam prædixit pro mea iustitia & bonitate feci ut in terra nascereris, & te ad ministerium mediatoris & servatoris accivi. 3. *in iustitia tua*, id est te plenum iustitia & sanctitate. 4. *in iustitiam*; id est, ut homines per te reddantur iusti, ut tu iustus esses, & alios iustificans. Roman. iii. 26. *ET APPREHENDI MANUM TUAM*, vel *apprehendi te per manum*, quod est & favorem & auxilium præstantis: mire enim & unice Pater Filio favit, illumque iuvit, &c. Quidam: & apprehendam te *manu tua*, id est adero tibi. Alii: *ut confirmem manum tuam*; id est, ut tibi adsim in tota administratione tua, Ioann. v. 19. & sequentibus. *ET SERVAVI TE.* *ET DEDI TE IN FOEDUS POPULI.* Quidam: & custodiens te tradam te in *foedus populi*, id est ut sis angelus foederis, Malach. iii. 1. & electos omnes uno corpore reconcilies Deo per crucem, peremptis inimicitias per eam, venientque evangelizes pacem omnibus, Ephesior. ii. 16. Sic distinguuntur officia Christi, sacerdotium hic, atque propheta,

tia, sequente membro, quorum effecta per hysteron sequente versu exponuntur. IN LUCEM GENTIUM: ut infra cap. XLIX. 6. & Luce II. 32.

V. 7. UT APERIRES OCULOS CAECORUM. Heb. *Ad aperiendum oculos caecos*, ut supra cap. XXXV. 5. ET EDUCERES DE CONCLUSIONE VINCTUM. Alii ex Heb. *ad educendum clauistro vinctum*, ut infra cap. LXI. 1. DE DOMO CARCERIS, vel *coercitionis*, SEDENTES IN TENEBRIS: ut supra cap. IX. 2.

V. 8. EGO DOMINUS, HOC EST NOMEN MEUM, &c. Alii: *Ego sum Iehova*, illud est nomen meum, &c. Confirmatio praecedentis instituti de Christo, primum a natura vocantis, & mandantis Dei, gloriamque suam sibi soli asserentis in Christo, ut qui Deus est unus cum Patre & Spiritu sancto, hoc versu; deinde a veritate integrorum operum, quae denuntiaverat Deus, quo argumento se effecturum confirmat quicquid praenuntiavit, versu sequente. Quidam reddunt: *Ego Iehova*. *אני הוה* hu est nomen meum; id est, vocor hu, id est Ipse, quod mei similis semper sum ab aeterno, constans, immutabilis, invariabilis, semper idem ipse.

V. 9. QVAE PRIMA FUERUNT, ECCE VENERUNT. Quidam: *Priora ecce venerunt*; id est, prophetata prius in nomine meo. ANTEQUAM ORIANTUR, AUDITA VOBIS FACIAM. Alii: I. *antequam oriantur*, nota faciam vobis. II. *cum nondum exoritur, pronuntio vobis*; ac proinde tam certo eventura sunt, quam evenerunt priora: oratio anantapodos.

V. 10. CANTATE DOMINO CANTICUM NOVUM, &c. Hortatio Ecclesiae ad mutuum officium gratiarum actionis & praedicationis Dei, ut dictum est in versu I. *Canticum novum*. Vide in Psal. xxxii. 3. LAUS FIUS AB EXTREMIS TERRAE. Alii ex Heb. I. *laudem eius cantant ab extremo terre*. II. *canticum laudis eius, ab extremo terra*; subaudi, cantate, ex initio versus. QUI DESCENDITIS IN MARE, ET PLENITUDO EIUS. Alii I. *descendentes in mare*, & plenitudo eius. II. *canant, qui descendunt in mare*, id est omnes navigantes, & quidquid in eo est: vide in Psal. xxiii. 1. III. *qui descenditis in mare* & plenitudinem eius, seu & in flumina adimplentia illud.

V. 11. SUBLEVETUR DESERTUM, ET CIVITATES EIUS. Heb. *Attollent vocem*, seu

laudem, aut canticum, *desertum*, & *civitates eius*. IN DOMIBUS HABITABIT CEDAR. Alii ex Heb. *Ville, quas inhabitant Cedar*; id est, Arabes nomades, & sce-nitae: vide in Psal. cxix. 5. LAUDATE HABITATORES PETRAE. Heb. *canent, sublabunt, ovabunt habitatores petrae*, id est Arabiae Petrae: vide supra cap. xvi. 1. Per Kedarenos & Petraeos intelligunt hic homines etiam scriffimos & omnium maxime barbaros, a pietate & humanitate alienos, ad quos perventurus erat beneficium Christi. Quidam reddunt: *cantent habitatores rupis*, singulare pro plurali, habitatores petrarum seu rupium, id est habitantes in arcibus edificatis in rupibus & locis munitis.

V. 13. DOMINUS SICUT FORTIS EGREDIETUR, &c. Alii: *Iehova velut robustus prodibit*, &c. Secunda pars, nimirum narratio prolopoetica operum Dei in Christo, ut in versu I. diximus, cum erga suos, tum in adversarios: quae duo proleptice hoc versu posita, deinde hysteron proteron praeposito ordine explicantur. Quidam reddunt: *Iehova herois instar prodibit*. SICUT VIR FRAELIATOR SUSCITABIT ZELUM. Alii ex Heb. I. & sicut miles in prociectu suus zelum excitabit. II. *ut vir bellorum*; seu *ut vir bellicosissimus evigilans zelo*, id est studio zelotypiae, quo afficitur Deus propter Ecclesiam suam. VOCIFERABITUR. *ויעי יאריג*, omnia ista continet, voce lata ac plena personabit, vel ore, vel tuba, aut bucina, taratantarizabit, triumphabit, inubilabit, classicum canet, clanger fractio sono: vide in Numeror. x. 7. & Iosue vi. 5. ET CLAMABIT. Futurum Hiphil *ויעי יאריג*, *taratantarizabit*, verbi צרח *zarach*, exponunt: *Etiam acerrime proclamabit*. Aiunt enim id verbum proprie significare, fortiter, dure, acriter, a more exclamare more gigantum, qui cum sortia habeant latera, clamoris vehementia alios feriunt ac velut enecant. Utrumque futurum significatum intendit: *vehementissime taratantarizabit, etiam acerrime exclamabit*. Tremellius, & Iunius reddunt: *etiam barrier*; id est, horrenda & terrificata voce inclamabit, ut solent facere milites inituri praelium, ad conservandos hostes. Vegetius Lib. III. de Re militari, cap. xviii. *Clamor autem, quem barritum vocant, prius non debet attolli, quam acies utraque se iunxerit*. Imperitorum enim est, vel igna-
vo-

vocem, vociferavi de longe, cum hostes meos terreamur, si cum telorum ictu, clamoris horror accesserit. Sed de clamore, seu barritu militum, cum praelium incit, plura ex magnis auctoribus concessit Strevuchius in Notis ad Lib. III. Vegetii, cap. XVIII. & Lipsius Lib. IV. de Militia Romana, Dialogo XI. Hispanicus Interpres reddit: *kara algazara. SUPER INIMICOS SUOS CONFORTABITUR.* Alii ex Heb. I. *contra inimicos suos roborabit se*; id est, omnes suas vires colliget; quasi dicat, Tandem superior evadet & superabit hostes suos. II. *super inimicos suos prevalescet, seu predominabitur, superior erit, superioritatem obtinebit.* III. *contra hostes suos potenter seget.*

V. 14. **TACUI SEMPER, SILUI, PATIENS FUI.** Alii ex Heb. I. *Tacebam iam dudum, silebam, continebam me.* II. *Tacui a seculo, silui, & contui, subaudi, iram meam.* Mutatur hic persona: Deus enim nunc loquitur. III. *Hactenus diu silui, num igitur dissimularem? num me continere perpetuo?* IV. *Dicens, silui a seculo, sive iam olim, ut Genes. vi. 4. sursum egi contui me, &c.* Humanitas dicta per gradationem, quibus ostendit Deus & potentiae suae magnitudinem, & iudiciorum suorum gravitatem fracta patientia: quae iudicia non tantum homines, sed res ipsorum omnes dicuntur pervasura, ad tollendum indignationem eius & zelum erga Ecclesiam, sequente versu. **PATIENS FUI.** Heb. *continebo me, vel continere me ipsum faciam, seu comprimam, coercebo, cogam, compellam, cohibebo me, vim mihi faciam;* nam formula *Huphahel* augeat significatum: sic Genes. XLIII. 31. **STUT PARTURIENS LOQUAR: DISSIPABO, ET ABSORBEBO SIMUL.** Alii ex Heb. I. *tandem velut parturiens clamabo, desolabo, & deglutiam simul, omnes inimicos meos.* II. *sicut parturiens sibilabo, vel eiulabo, aut vociferabor, flabo, & inforbebo pariter.* III. *sicut parturiens sibilabam, ambelabam, & inforbebam pariter.* Elegans similitudo a feminis parturientibus, quae pro dolore, quo halitus diutius continent, eo maiori impetu refundunt, & frequentius halitus emittunt, ac resorbent, spirant ac respirant: sic Deus ex multa strage hostium, quam se edidurum designat, se defatigari ait, & spissius trahere & retinere spiritum, vel

pro dolore & angustia sustinendi & patienti, crebro anhelare, & respirare: ut sit illud Pauli Romanor. IX. 22. *Sustinuit in multa patientia vasa apta, seu aptata in interitum:* unde illud Nostri, *dissipabo, posset sumi pro dissipabo anhelitum, flatum, spiritum, seu flabo.* IV. *quin more parturientis clamabo, anhelos gemam, & simul suspiria ducam.* V. *ut parturientem viperam desolabo, exhauriamque pariter.* Alludit ad id, quod producit auctores, catulos viperarum nascentes abrodere, & ambedere uterum parientis, & eam interimere. Vide Herodotum Lib. III. Numero 109. Plinium Lib. X. cap. LXII. & alios. Sed hanc interpretationem non admittunt accentus Hebraici. **LOQUAR.** *הָיֵן ephgheb, plerique futurum faciunt verbi phaghab, clamabo, sibilabo, eiulabo, vociferabor.* Alii nomen, *viperam, ut Iob XX. 16. & infra cap. LIX. 5. DISSIPABO.* *שָׁוֶן eschschom, a nasham, anhelabam, anhelitum, seu halitum emittebam, a נָשָׁה nashah, vel שָׁוֶן schanah, flabo, efflabo: a שָׁוֶן schanah, afflabo, stupendo desolabo.* Sunt omnes cognatae radices. **ABSORBEBO.** *אֶשְׁכַּחֵם eschaph, hauriam, exhauriam, attraham, auclabo, inhiabo, aspirabo, absorbebo, deglutiam:* ut Iob V. 5.

V. 15. **DESERTOS FACIAM MONTES, &c.** Hunc versum quidam ita explanant: *Vaslabo montes & colles, omnesque herbas eorum arefaciam, & disponam flumina in regiones, & stagna arefaciam;* id est, potius ordinem naturae evertam, & caelum miscbo terrae, quam Ecclesiam desera. Sunt autem haec omnes minae, promissionesque allegorice ex prophetiarum usu.

V. 16. **ET DUCAM CAECOS, &c.** Hunc versum nonnulli dilucidius ex Heb. transfundunt: *Ut deducam caecos per viam, quam non moverant; semitis, quas ignorabant, agam eos: disponam tenebras eas eis in lucem, & obliqua in planitiem: haec sunt res quas faciam eis, neque derelinquam eos.* **AM-BULARE EOS FACIAM.** Alii: I. *calcare faciam eos.* II. *dirigam eos.* III. *viabo eos;* id est, per viam ducam eos. **ET PRAVA IN RECTA.** Heb. *perveritates, tortuositates, obliquitates, seu obliqua, pravitates, nos hypocrifes diximus: vide similem vocem Proverb. IV. 24. in rectitudinem, planitiem, planum.* De מִשְׁכֹּר mischor, plantis, vide in Deuteronom. III. 10.

V. 17. **CONVERSI SUNT RETRORSUM.** &c. Alii hunc versum ex Heb. ita reddunt: *I. Acti sunt retrorsum, pudere pudefient quicumque sculptili fidunt, & quicumque dicunt fusi: Vos estis dii nostri.* II. *Avertentur retrorsum, suffundentur pudore, qui confidunt sculptili, qui dicunt fusi: Vos estis dii nostri.*

V. 18. **SURDI AUDITE, ET CAECI INTUEMINI AD VIDENDUM.** Alii: *O surdi, audite; & o caeci, intuemini ad videndum.* Tertia pars, nimirum reprehensio populi cæcitantis, & obsurdæ ad opera, monitaque Dei, ut dictum est in vers. 1. ad quam transitus paratur exclamatione, hoc versu. Sunt autem in hac reprehensione primum exprobratio cæcitantis, vers. 19. & sequente: deinde confirmatio a iustissima administratione Dei, a vers. 21. usque ad finem capitis, seu usque ad vers. 26.

V. 19. **QUIS CAECUS NISI SERVUS MEUS?** Nimirum populus Iudæorum liberatus ex AEGYPTO, & e manu hostium suorum, ut serviret Deo, supracap. xli. 8. **ET SURDUS, NISI AD QUEM NUNTIOS MEOS MISI?** Alii: *& surdus, nisi quem sicut angelum meum missurus sum?* Hoc plerique de Isaiæ vel de Christo intelligunt, qui Iudæorum infidelium opinione cæcus & surdus habitus est. Non satis apte; rectius alii: *& surdus sicut nuntius meus, quem mittam, vel mitto;* id est, sicut sacerdotes & Levitæ mei, instituti ut docerent Israelitæ iudicia & legem Dei, Deuteronom. xxxiii. 10. & Malach. ii. 7. **NISI QUI VENUNDATUS EST.** כְּמִשְׁכָּל כִּמְשָׁל cimeschullam, participium passivum Pihel, proprie, sicut pacificatus, pacificus: postis reddere, retributus, repensus, persolutus; id est, cui abunde retributum, repensum, & persolutum est, quo forsitan respexit Noster, cum reddidit, qui venundatus est: nam persoluto pretio aliquis venundari solet. Vel, sicut integer, integritas, absolutus. Estque id epithetum populi Iudaici, quem Deus integrum, absolutum, pacificum, cumulatim bonis præstitit, cui innumera beneficia retribuit atque rependit. Aptè quidam exponunt: *quis cæcus ut donatus pace?* id est, populus, quicum Deus fœdus æternæ pacis, & omnis benedictionis iniverat. Nec male convertes: sicut prosperatus, felicitatus. Nam felicissimus ille populus fuit tantis a Deo

Bib. Sac. Tom. XVII.

ornatus & auctus beneficiis.

V. 20. **QUI VIDES MULTA, NONNE CUSTODIES?** Heb. est duplex lectio, in textu: *Vidisti multa;* in margine: *Videndo multa, & von observabis,* vel tamen non observas, &c. Hæ frequentes apostrophæ augent pathos. Quidam exponunt: *Id est, afflixit te Dominus sæpe, ut respiceres;* at non attendisti cur te affligeret. Sed magis universalem sermonem esse remur: *Multa documenta & exempla expertus es a Deo bonorum & malorum, sed non observasti ea conferens in corde tuo.* Aliqui reddunt: *Visiones multa sunt, id est prophetiæ & revelationes, sed non attendisti eis.*

V. 21. **DOMINUS VOLUIT UT SANCTIFICARET EUM.** Alii ex Heb. I. *Iehova autem voluit propter iustitiam suam;* id est, voluit illa facere, vel hæc fecit, ut se iustum approbare. II. *Iehova approbavit propter iustitiam suam;* id est, voluit ac constituit Deus Iudæos obsecrari, ut iustificaret se, ac notam faceret iustitiam suam, dum ab eis auferit regnum Dei, & dat illud genti facienti fructus eius; hoc est, dum impios punit, ac pios beat, quod utrumque est opus iustitiæ. III. *Egregeum quidem voluntatem erga vos habuit Iehova.* IV. *Iehova delectabatur ipso servo suo, propter iustitiam suam,* &c. Confirmatio cæcitas surditatisque Iudæorum, a presentibus Dei Iudicis iusti castigationibus: cuius peccati indignitas ab antegressa Dei benignitate amplificatur, hoc versu. **ET MAGNIFICARET LEGEM, ET EXTOLLERET.** Alii ex Heb. I. *legem suam inter vos magnificam, & angustam reddidit.* II. *& magnificabit doctrinam, & amplificabit.* Excitationem Iudæorum consecuta est magnificatio, id est, amplificatio, & gloria legis Dei, seu dictorum eius, quod nihil aliud est quam iustificatio Dei, eo quod omnia quæ antea prædixerat de excitatione & reiectione Iudæorum, in lege ipsa & sacra Scriptura contenta, ad amissum completa succurrunt. III. *magnificabat doctrinam, & reddebat magnificum,* opere: nam triplex gradus dignitatis ponitur a Deo in populum collata, videlicet amoris, colloquii, & operis. **ET EXTOLLERET.** Alii: *& corroborabit, illustrabit.*

V. 22. **IPSE AUTEM POPULUS DIREPTUS ET VASTATUS.** Alii: I. *At hic populus direptus & expilatus.* II. *At ipse est populus*
Ec
lus

lus directus & proculcatus. III. *pradam possum, directus. LAQUEUS IOVENUM OMNES.* Heb. varie accipiunt: I. *capere facere in speluncis omnes ipsos*, vel quos omnes eorum inimici capere facient in speluncis. II. *illaquare, pro illaqueant*, laqueos tendunt in foraminibus, id est in ipsis speluncis, & cavernis, in quibus abscondebantur, omnes ipsos; equali dicat: *Capiebant eos laqueis in ipsis foraminibus, speluncis.* III. *capientur laqueo in illis ipsis foraminibus, speluncis*, in quibus delinunt, omnes ipsi. IV. *rogeat eos omnes in foraminibus, quia illis erunt instar laqueorum.* V. *illaquea in foraminibus omnes ipsos*; id est, detruce, & compelle in foramina. VI. *inflatus est*, id est, quasi vento propulsus, vel propulsus in foramina, seu in cavernas universus ipse, seu omnis eorum. VII. *illaqueans cunctos iuvenes suos* VIII. *illaqueando*, vel *illaqueant iuvenes*, quotquot sunt, id est hostes, quibuscumque per iram Dei exponuntur Iudæi, etiam fortissimos & lectissimos illorum quosque captivos ducunt. IX. *laqueus iuvenes universas ipsorum*, vel omnes ipsi; id est, omnes electi praestantes iuvenes in illo populo, erunt laqueus, seu in laqueum, hoc est illaqueati, & velut laqueis capti. *Notæ: laqueus iuvenum omnes*; nam quamvis hic forma emphatica non patiatur constructionem, at solet subaudiri constructio more Hebraico; *laqueus, laqueus*, inquam, *iuvenum omnes ipsi.* LAQUEUS חַפְזֵי הַבְּחִירִים, quidam infinitum, alii imperativum faciunt, verbi חַפְזֵי *phuah* in Hiphil, *illaquare*, vel *flare*, *perflare*: aut *illaquea*, *infla*. Nonnulli, participium cum *He* notificativo, *inflatus*. Alii nomen, *laqueus.* IOVENUM בְּחִירִים *bachurim*, multi unam vocem faciunt, *iuvenes electos*. Alii, duas, ut *Beth* sit præpositio: *in foraminibus, speluncis, cavernis.* ET IN DOMIBUS CARCERUM ABSCONDITI SUNT, &c. Reliquam partem versus alii ex Heb. convertunt: I. & in domibus carcerum in quibus latitabunt, erunt in rapinam, & non eruens, vel non erit, qui eruat; in direptionem, nec erit qui dicat, *Redde*. II. & in domibus carcerum ablati sunt: fuerunt in direptionem, & non est qui eripiat: in prædam, & non est qui dicat, *Redde*. III. ut retrahi sint in carceres: præda patuerunt nemine liberante; proculcati sunt & nemo di-

xit, *Resitue*. IV. in carceribus abduntur: sunt præda, nemine eripiente; conculcationi, nemine dicente, *Resitue*.

V. 23. QUIS EST IN VOBIS QUI AUDIAT HOC, &c. Alii ex Heb. I. *Quis ex vobis hæc auribus capit quis advertit, & attendit, ut impossibilem doceat?* II. *Quis inter vos auribus percipit hoc? attendit, ut auscultet impossibilem?* Apostrophe ad populum pathetica, quasi dicat: *Quis vestrum tam gravia monita accipit, aut his verberibus respicit? cæci ergo & surdi estis, ac sensu expertes. ET AUSCULTET FUTURA?* Alii ex Heb. I. & *audiet impossibilem?* id est, ut impossibilem admoneatur, & respiciat. II. *ut audiat impossibilem?* id est, quotus quisque vestrum crederet, quæ dico ventura.

V. 24. QUIS DEDIT IN DIREPTIONEM, &c. Alii hunc versum ex Heb. reddunt: I. *Quis autem tradidit Iahakobum ut conculcetur, & Israel em direptionibus? nonne Iehova? peccavimus ei, & noluimus incedere in viis eius, nec audierunt legem eius.* II. *Quis exponit proculcationi Iahakobum, & Israel em diripientibus? nonne Iehova: hic est cui peccavimus: non enim acquieverunt ut in viis eius ambularent, neque auscultaverunt legi eius.*

V. 25. ET EFFUDIT SUPER EUM IRAM FURORIS SUI. Heb. *astum*, *ardorem*, *excandescientiam ira sua*. Notant *non chamath*, hic non esse formam regiminis, sed poni pro *non chamath*, constructo, nam absolutum loco constructi non raro poni, iuxta formam esset dicendum: *astum*, *iram suam*, vel *astu iram suam*; vel subaudito regimine, ut alibi: *astum*, *ardorem*, *inquam*, *ira sua*. Quidam exponunt hunc versum: *Quapropter effudit super illum excandescientiam iram suam, & robur belli*, id est, bella vehementissima; hypallage: sed *est inflammatus eum circumquaque*, non animadvertit; *est incendit eum*, tamen non ponit in animo. Elegans significatio misericordie divinæ in ipsa iudiciorum executione. AESTU, inquit Propheta, afficitur Deus propter peccata nostra, sed tamen aestum illum suum ita moderatur, ut illius particula tantum nos aspergat, quæ ira dicitur: itaque non consumit nos aestu, sed iræ demonstratione excandescens revocat: hostes vero contra, ut infra LXVI. 15. Alii reddunt: *Propterea effudit super eum ardorem ira sua, & belli* impe-

impetum; & inflammavit eum undique, sed non animadvertit: exarsit contra ipsum, vel succendit eum, neque corde hoc expendit, id est non respuit. ET COMBUSSIT EUM IN CIRCUITU, ET SUCCENDIT EUM. Heb. utrumque verbum est femininum tertie personae futuri, & ad *chamah, astum, excandescenziam* referendum. Alii pro secunda persona futuri masculina capiunt: *& inflammabis eum, & exardescet in eo*, ut ad Deum referendum.

MENOCHII.

Vers. 1. **S**ERVUS MEUS: intelligit Christum, qui servus est Dei, quatenus formam servi assumpsit, factus homo. **SUSCIPIAM EUM.** Hebraicum *קָבַצְתִּי* *ethmach*, significat eo modo suscipere, quomodo pater filium sustentat; & in ulnas accipit, & fovet. **ELECTUS:** in ducem belli spiritualis contra diabolum, & peccatum: electus etiam in filium dilectissimum. Huc alludit Deus pater, cum Christo baptizatio intonuit: *Hic est filius meus dilectus, in quo mihi complacuit.* Matt. III. 17. **SPIRITUM MEUM:** septuplicem, de quo cap. XI. 2. **IUDICIUM:** iustas leges, verum iustumque Dei cultum, & veram iustitiam, & sanctitatem.

V. 2. NON CLAMABIT: non erit clamor, nec contentiosus, unde Matt. XII. 19. vertitur, *Non contendet*: erit mansuetillimus. **NEQUE ACCIPIET PERSONAM:** iuste enim iudicabit, & favor, & gratia apud illum locum non habebit.

V. 3. CALAMUM QUASSATUM NON CONTERET: summe mansuetus erit, nam rem vilem ceptam frangi, sive quae inibi est ut frangatur, prorsus non comminet. **LINUM FUMIGANS NON EXTINGUET:** nec myxam, sive ellychnium ex lino extinguet, licet oleis, & narihus fumo molitiam afferat: significatur hoc duplici adagio Christi mansuetudo, qui imbecilles in fide, spe, & caritate, non clamose, nec contentiose increpabit, & opprimet, sed sustentabit, fovebit, sanabit, & accendat. Paulus aliter Maldon. quasi dicat: Christus tam mansuetus, quiete, & attente ambulabit, ut etiam si super arundinem quassatam ambularet, eam tamen non frangeret; aut si super linum, aut stuppam fumigantem incederet, eam tamen non exstingueret. **INVE-**

RITATE EDUCET IUDICIUM, vere iudicabit.

V. 4. NON ERIT TRISTIS: difficilis, morosus, vultuosus; sed facilis, affabilis, benignus. **NEC TURBULENTUS:** sed summa cum maturitate, quiete, modestia oris corporisque compositione omnia faciet. **DONEC PONAT IN TERRA IUDICIUM;** id est, non desilet Christus tota vita usque ad mortem sua patientia, & mansuetudine instruere, ac docere, donec in terra legem Evangelicam stabiliat. **INSULAE:** gentes remotissimae, & trans mare in insulis habitantes.

V. 5. DANS FLATUM POPULO, dans spiritum, & vitam. **ET SPIRITUM:** est repetitio eiusdem sententiae.

V. 6. VOCAVI TE. Ego Deus vocavi te, elegi, & excitavi, o Christe. **IN IUSTITIA,** id est in iustitiam, ut scilicet colapsam iustitiam, sanctitatem, morum probitatem, & veram religionem restitueres. **APPREHENDI MANUM TUAM;** hoc est favi, sustentavi, deduxi te. **SERVAVI TE:** illatum inter hostes, & pericula. **IN FOEDUS POPULI,** id est ut compleretur pactum, & promissum Dei, de mittendo Messia, & in reconciliationem humani generis tuo sanguine sancendam. **LUCEM GENTIUM:** Christus de se dixit, *Ego sum lux mundi;* attulit enim lucem Evangelicæ veritatis.

V. 7. UT APERIRES OCULOS CAECORUM: Christus enim, & corpora illuminavit, & mentes. **DE CONCLUSIONE,** id est de carcere infidelitatis, vitiis, & servitutis diaboli.

V. 8. EGO DOMINUS. Heb. ego *Iehova*; est enim Ichova proprium nomen Dei, idem cum eo, *sum qui sum*: vide Exod. III. 14. & cap. VI. 3. **ALTERI,** id est idolis, ut patet ex sequentibus.

V. 9. QUAE PRIMA FUERUNT, ECCE EVENERUNT. In Hebraeo, ut vertunt Pagninus, & Vatablus, habetur: *Priora venerunt*, quae scilicet ventura praeixeram. **NOVA QUOQUE,** &c. quasi dicat: Ut illa evenerunt, sic etiam haec evenient.

V. 10. CANTICUM NOVUM: quia nova vobis beneficia annuncio. **LAUS EIUS;** scilicet audiat, celebretur, resonet. **QUI DESCENDITIS IN MARE;** id est, vos qui mare navigatis, cantate Domino. **PLENTUDO EIUS;** scilicet maris, id est, ut se-

Ecce 2 qui-

quitur, insulae, & habitatores earum.

V. 11. SUBLEVETUR DESERTUM; quasi dicat: Cedareni, id est Arabes, aliaeque gentes in deserto habitantes, adeoque tota gentilitas haecenus deserta, & depressa, nunc se erigat, letitia exultat, & exultet, attollat vocem, & iubilet Deo. IN DOMIBUS HABITABIT CEDAR: nam Arabes, & aliae gentes feritate deposita, non amplius in desertis, & sub pellibus vivent, more Nomadum, sed in domibus, vicis, & civitatibus socialiter cum aliis, postquam sacra Christiana susceperint. Id ad litteram videmus hodie impleri in Brasilia, & tota India Occidentali. PETRAE: Metropolis est Arabiae, quae inde Petra cognominata est. Per Synecdochen omnes Arabes, & Barbaras nationes intelligit. CLAMABUNT: etiam ipsi cantantes, & plausum dantes Domino.

V. 12. PONENT: dabunt. INSULIS: remotis gentibus. NUNTIABUNT: ad alias etiam nationes veri Dei cognitionem deferentes.

V. 13. DOMINUS, &c. describit admirabilem, & magnificum victoriam Dei, & Evangelii per Christum. SICUT FORIS. Forerius veritatis, sicut sigis. Aliqui Christum intelligunt, alii Deum, qui per Christum haec patravit; sed sensu eodem redit. SUSCITABIT ZELUM; scilicet indignationem contra diabolum, ex amore erga genus humanum. VOCIFERABITUR, ET CLAMABIT: ut solent milites in bello, cum hostes aggrediuntur. CONFORTABITUR, id est praevalebit. LXX. retulerunt ad clamoris vehementiam, habent enim: *Clamabit super inimicos suos cum fortitudine.*

V. 14. TACUI SEMPER: sunt verba Dei loquentis; quasi dicat: Iam multis saeculis idololatriam, & alia hominum vitia tacitus, & patienter tuli, non amplius feram. Hoc est, quod ait Apostolus ad Rom. III. 32. *Sustinuit in multa patientia vasa ira apta in interitum.* SEMPER. LXX. a saeculo; quasi dicat, Diu. UT PARTURIENS LOQUAR: quae ex vi doloris, cum foetum emittit, fremit, & rugit. DISSIPABO, ET ABSORBEBO; id est, depolabo, & deglutiam simul omnes inimicos meos. Aliqui vertunt, *Anhelabo, & inforbebo pariter*; quasi dicat: Tantam edam hostium stragem, ut ex defatigatione anhelus spiritum frequentius ducere cogar, expirare, & inspirare,

sive attrahere ad pectus aestuans refrigerandum.

V. 15. DESERTOS FACIAM MONTES: in quibus erant excelsa, id est altaria, & templa idolorum. PONAM FLUMINA IN INSULAS, id est in aridas; quasi dicat, Flumina, & stagna arefaciam. Fluminibus etiam minatur, quia Gentiles iuxta ea, ob locorum amenitatem, diis suis aras statuebant.

V. 16. DUCAM CAECOS IN VIAM: caecae gentilitati veritatis lumen impartiens. PRAVA, distorta. HAEC VERBA FECI EIS, id est faciam: est enim prophetia; verba, quae facturus est, proxime ponuntur n. 18.

V. 17. CONVERSI SUNT RETRORSUM; quasi dicat: Meos cultores servabo, idololatrias vero pudesfaciam; ipsique vim, & lucem Evangelii non sustinentes, convertentur retrorsum.

V. 18. AD VIDENDUM: ut scilicet veritatem assequi, & videre possint.

V. 19. SERVUS MEUS, scilicet populus Iudaicus. NUNTIOS MEOS: Prophetas, & ipsum Christum. QUI VENUDUM EST: est epitheton servi, qui tot dona accepit a Domino, ut iis solvendis non sit par, nisi se ipsum ei recipiat, & in servum adducat, & quasi venudet.

V. 20. QUI VIDES MULTA. O Israelitae, quibus per prophetias, revelationes, & Scripturas multum caelestis luminis communicatum est. NONNE CUSTODIES? Cur non custodis legem, & ea praestis opere, ad quae te obstringi non ignoras?

V. 21. ET DOMINUS VOLUIT, UT SANTIFICARET EUM; quasi dicat: Non Dei culpa, sed populi malitia factum est, ut furdus fieret, & caecus: nam Deus, quantum in se erat, voluit eum sanctificare, ideoque legem dedit, Prophetas, Scripturam, sacras ceremonias, &c. ET MAGNIFICARET LEGEM, ET EXTOLLERET: Legem magnificavit, exultit, & declaravit tot caeremoniis, tanta Levitarum, Sacerdotum, & Pontificum maiestate, tot tantisque miraculis, & victoriis.

V. 22. DIREPTUS, ET VASTATUS, id est sceleribus suis se ipsum rapinam demoni, & hostibus suis obiecit. LAQUEUS IUVENUM OMNES, id est fortiter illaqueati, & Romanorum armis, & stratagematibus, quasi laqueis, capti. Itaque *laqueus iuvene.*

invenum, idem est ac laqueus fortis, & validus. NEC EST QUI DICAT: REDDE: qui de illis e captivitate liberandis cogitet.

V. 24. CUI: contra quem. NOLUERUNT, id est nolimus: vel intelligit decem tribus.

V. 25. SUPER EUM: populum Israel. ET FORTE BELLUM. LXX. & *prevoluit adversus eum bellum*. COMBUSSIT EUM IN CIRCUITU; quasi dicat: Deus per Assyrios decem tribus, & totam Samariam circumquaque vastavit & combussit. ET NON COGNOVIT: etiam cum vastaretur, adeo stupida fuit.

T I R I N I.

Verf. 1. ECCE SERVUS MEUS Christus: de quo S. Matthæus hos quatuor primos versus ad verbum exponit cap. XII. verf. 18. Is enim antonomastice est *servus Dei*, in amplissimo nobilissimoque ministerio redemptionis, instructionis & gubernationis universi deserviens Deo. ELECTUS ab ipso tum in filium naturalem, tum in ducem & principem totius Ecclesie militantis ac triumphantis. Sed licet Christus, etiam qua homo, propter identitatem suppositi sit filius Dei naturalis; manet tamen semper servus Dei ratione naturæ suæ humanæ, quæ est mera creatura, ac proinde serva sui creatoris, inquit S. Thomas & Scholastici a. DEDI SPIRITUM MEUM septuplicem SUPER EUM: de quo supra XI. 2. In cuius symbolum missa fuit species columbæ dum baptizaretur Christus, Matth. III. 17. & vox, cuius hic meminit, audita: *Hic est filius meus dilectus, in quo mihi complacui*. Ipse non Iudæis solis, sed & GENTIBUS omnibus, PROFERET, expromet, docebit, inculcabit IUDICIUM, id est quod iustum est, & iustus faciet: puta per legem Evangelicam, quæ tria complectitur; primo, iustas leges; secundo, iustum Deoque debitum cultum; tertio, iustitiæ & sanctitatis assequendæ vias & media. Porro hanc legislatoris & iudicis personam non ager Christus more principum & iudicum mundanorum.

V. 2. NON CLAMABIT; Matthæus b addit, *non contendet*, id est non ager rixose, vel clamose, ita ut FORIS, vel in

plateis, vox eius audiri possit: NEQUE ACCIPIET PERSONAM cuiusquam, sed summa sinceritate & æquitate ius cuique dicet.

V. 3. CALAMUM QUASSATUM, id est fistulam, seu tibiam fissam & hiulcam, inquit S. Hieronymus, quam homines abiicere & contemnere solent, quia inutilem, & suis aculeis manus lædentes, Christus non abiicit, NON CONTERET: ET LINUM, seu ellychnium lineum, non ardens, sed *sumigans*, quod quia fumo oculis, & fœtore naribus incommodat, extingui mox solet; Christus, NON EXTINGUET, sed incredibili mansuetudine tolerabit infirmos, fovetque imbecillos, ægros curabit, cæcos illuminabit, &c. ita S. Hilarius, Cyrillus, Hieronymus, Procopius. Ita Matthæus XII. 15. de Christo testatur, cessasse ipsum ad tempus impotenti Phariseorum odio & obloquio, ne magis eos exasperaret, interim non desisse curare infirmos, &c.

V. 4. NON ERIT TRISTIS; id est, non erit tetricus aut morosus, nullum vultus sui tristitia deterrebit aut animo deiiciet, inquit S. Hieronymus, sed omni cum benevolentia, suavitæ ac modestia devinct sibi omnium animos: nec vero desistet, DONEC loco impietatis & iniustitiæ PONAT IN OMNI TERRA IUDICIUM, id est iustitiam, seu legem Evangelicam iustificantem, de qua verf. 1. S. Matthæus legit, *donec eliciat*, seu perducatur, ad victoriam iudicium, ut scilicet illud toto orbe instar regis & victoris dominetur, & supra omnes alias leges, Moysis, Solonis, Lycurgi, Pythagoræ principatum nanciscatur, inquit S. Irenæus c. Neque enim uno Iudææ angulo, vel una gente coarctabitur lex Christi, sed eam INSULAE, id est insulari quoque, seu gentes quæ trans mare in insulis habitant, usque ad extremos orbis terminos avidissime EXPECTABUNT.

V. 6. VOCAVI TE IN IUSTITIA; id est, excitavi te, o Christe, summa iustitia præditum, & gratia ornatum: APPREHENDI MANUM TUAM, sustentans, fulciens, deducens te: IN FOEDUS, id est ad complendum fœdus, pactum, promissum populo meo a me factum, quia promissi Iudæis me missurum ipsis Messiam: *Gentilis* vero, licet te non ita promiserim, DEDI TA-

MEN

men TE IN LUCEM; ut scilicet etiam ip-
sas illumines, doceas, deducas ad fidem,
ad iustitiam, ad vitam aeternam.

Atque hæcenus invidiæ divinitatis suæ
argumenta protulit Deus, nempe perpe-
tuam in clientes suos munificentiam, &
omnium (ut obiter vers. 9. perstringit)
que prima, seu primo, promissa fuerunt
Patriarchis, completionem: denique certam
constantemque futurorum multis demum
post sæculis prædictionem de Christo, de
vocatione & conversione Gentilium, &c.
Iam quasi parva pro tribunali victoria de
idolis & idololatriis, nemine contra mu-
tiente, sententiam pro se ipse pronuntiat,
inquiens,

V. 8. EGO DOMINUS; Hebraice, ego
Iehova, ego solus sum qui sum: hoc no-
men, uti & res nomine significata, debe-
tur mihi uni. Et hanc GLORIAM mihi uni
propriam, ALTERI NON DABO: absit, per-
mittam SCULPTILIBUS dari. Quid autem
designet nomen Iehova, & quomodo soli
Deo convenire possit, dixi Exodi III.

Ob lætam Dei de idolis, ut audivimus,
victoriam, maximeque ob beneficia per
Messiam obventura, excitat Propheta omnes
ad lætas Deo laudes novo epinicio concin-
dendas.

V. 10. PLENITUDO maris, id est INSU-
LAE; ut mox sequitur, seu insulani, qui
sicut gemma annulum, & urbes terram,
sic ipsi implent mare, inquit Sanchez &
Lapide.

V. 11. DESERTUM tum Palestinæ, tum
Arabiae, quod Iudæa est ad Meridiem, si-
cut mare ad Occidentem. Allegorice, om-
nis Gentilitas SUBLEVETUR e luto & sor-
dibus, lætitia exultet & exsiliat: Forerius
& Vatablus, *elevet & attollat vocem eum
iubilo*. Quia CEDAR; id est, silvester A-
rabis, prælo, barbarus, per deserta loca va-
gari solitus, fide Christiana mansuetus, in-
HABITABIT deinceps pacifice IN DOMIBUS;
id est, gentes agrestes, feræ & incultæ man-
suescent, civiles mores induent, mutuo co-
habitabunt, simul conviventes & convivan-
tes in Ecclesiis & sacris conventibus, in-
quit S. Hieronymus. Nec Cedarsenis modo
vicinis Iudææ, sed & remotis *habitationi-
bus PETRÆ*, quæ metropolis est Arabie
Petræ, eadem felicitas obvienit: ac pro-
inde etiam ipsos evoco, ad laudes Deo &
Christo eius simili iubilo concinendas:

nam in illorum gratiam

V. 13. DOMINUS SICUT FORTIS bella-
tor INGREDIETUR in bellum adversus ido-
la & demones, & omnes Ecclesiæ suæ
hostes. Huculque quidem.

V. 14. TACUI SEMPER, & permisi tot
iam sæculis demones in orbegrassari, ido-
la Gentibus dominari; sed id diutius non
feram, sed instar *parturientis LOQUAR*,
quæ vi doloris quo sortum enititur, hor-
rende fremit & rugit: ita enim & ego
fremam & rugiam & deconabo in hostes
meos.

V. 15. DESERTOS FACTIAM MONTES
(in quibus altaria sunt & templa idolo-
rum) ET FLUMINA (quæ quasi deos ad-
orant idololatræ, testibus Herodoto, Hori-
atio & aliis) PONAM IN INSULAS: seu in
aridam, id est arefaciam. Per catachresin
significat, regna idolorum & idololatrarum
per Christum proflus eversum iri, in-
quit S. Hieronymus & Procopius.

V. 17. CONVERSI SUNT, id est
convertentur idola & idololatræ, RETRO-
SUM, id est succumbent, terga vertent, lo-
co cedent.

V. 19. QUIS CAECUS, & in cæcitate
obstinatus, NISI SERVUS MEUS? nempe po-
pulus Israeliticus, seu Iudaicus; QUI d
VENUNDATUS EST: nempe demoni
& peccato; Hebraice, *traditus est*: nem-
pe hostibus suis iuratis in perpetuum man-
cipium.

V. 20. VIDES MULTA, tibi a Deo per
Prophetas, & maxime per Christum, re-
velata: vides tot prodigia, tanta miracu-
la: audis tot pia monita, tanta promissa,
tam horribiles minas; an nihil horum e-
tibi curæ erit vel cordi? ita S. Hierony-
mus, Procopius, Theodoretus, Iustinus &
Chrysostomus. Neque vero surditas hæc
aut cæcitas populi ascribenda est Deo,
qui, quantum ex se est;

V. 21. VOLUIT SANCTIFICARE EUM
mittendo tot illi sanctos Prophetas, tot
sanctas instructiones, tot sacrificia, tam
sanctam LEGEM, quam tot miraculis ac
prodigiis *magnificavit & extulit*. Sed culpa
omnis peccis ingratum, populum est, qui
spretis his omnibus ad sanctitatem ille-
cebris & adminiculis, maluit venundari pec-
cato & diabolo; a cuius ministris, iure
meritoque

V. 22. DIREPTUS ET VASTATUS EST,
tum

tum sub Chaldeis, tum sub Romanis: a quibus facti sunt OMNES LAQUEUS IUVENUM. Abstractum pro concreto, *laqueus*, id est illaqueatus; quasi dicat: Iudei suis sceleribus texerunt juvenibus filiis suis miserum captivitatis, servitutis & mortis laqueum, quo a Chaldeis & Romanis illaqueati sunt, inquit S. Cyrillus, Vatablus, Adamus & Forerius. NEC EST QUI DICAT, REDDE; id est, nemo curat aut cogitat de Iudeis, seu prece, seu pretio, seu vi liberandis e manu hostili: deserti sunt ab hominibus, adeoque & ab ipso Deo. Et vero hucusque.

V. 24. QUIS ISRAELEM, id est ex Israele prognatus, tum Iudeos proprie dictos, tum decem tribus, DEDIT VASTANTIBUS, seu Assyris, seu aliis hostibus, IN DIREPTIONEM?

V. 25. ET COMBUSSIT EUM IN CIRCUITU, igne & gladio omnia absumens. *Quis*, inquam, nisi Dominus, ob horrenda scelera populi illius? Qui tamen tam stupidus fuit, ut etiam, cum vastaretur, non agnosceret, non intelligeret, has sibi poenas a Deo ob scelera sua infligi. Vos ergo o mei Iudei, melius sapite, ne simili cecitate & poena involvami.

- (a) S. Thom. & Scholastici in III. p. q. XX.
(b) Matth. XII. 19.
(c) Iren. Lib. III. cont. haeres. cap. XI.
(d) III. Reg. XI. 25.
(e) Isa. VI. 9.

GORDON I.

Verf. 1. **E**CCE SERVUS MEUS, &c. Servus hic ex Matth. XII. 18. est Christus Dei servus in assumpta humanitate; qua vero ratione sit filius Dei naturalis, dixi Lib. X. Theo. An, inquam, qua homo, ut humanitas subsistit in persona Verbi. Hic est Evangelista promissus Sioni, capite XII. 27. habens Spiritum Dei septemplacem, ut supra cap. XI. addit hic iudicem esse & legislatorem gentium.

V. 2. NON CLAMABIT, &c. non erit contentiosus; & Matth. XII. 19. non contendet. Hinc habes mansuetudinem. NON ACCIPIET PERSONAM. Heb. *אין פנים*, facies; perinde est.

V. 3. CALAMUM CONQUASSATUM NON CONTERET. Hic summa Christi mansuetudo proponitur. Calamum quassatum o-

mnes abiciunt ut inutilem; linum etiam, seu ellychnium non ardens sed fumigans omnes extinguunt. Christus vero qua erit mansuetudine, talia non abiciet, sed sovebit debiles in fide & moribus: ita Hieronym. Cyrill. & alii.

V. 4. NON ERIT TRISTIS, &c. Maturus in omnibus hic praedicatur Christus; sed passionum dominus, & supra id de quo gloriantur in Socrate gentiles, aequalitatem vultus, & motuum quietem omni tempore conservans: vide quid sit de Passionibus in Christo, Lib. X. operis Theol. ubi de his ex professo. DONEC PONAT IN TERRA IUDICIUM; hoc est sua patientia, lenitate statuat legem Evangelicæ sanctitatis in terris. Nec (ut ait Hieronymus) ullum tristitia vultus deterrebit, non selenabit ad poenam, donec venerit tempus & dies iudicii. In Heb. est, *לא יכהה* *lo ikehe*, non caligabit, non contrahet, scilicet vultum, a radice *כהה* contrahere, caligare. Noster vertit, non erit tristis; quod per contrariam affirmationem Septuag. expresserunt *αἰσχρομένη*, splendebit.

V. 5. HAEC DICIT DOMINUS DEUS, &c. Promovetur descriptio futurorum sub Christo, ubi Deus declarat primo potentiam, deinde mirabilia quæ facturus est. Creator est omnium, verf. 5. mittet Christum: erit socius cum gentibus, verf. 6. miraculis probabitur missio, verf. 7. qui hæc fecit Deus verus est, superans Deos falsos, nomine, potentia, & prædictione futuri, 8. 9. Multa hic dici possunt de fœdere novi testamenti, de Dei nominibus, de eius attributis, sed sunt præter institui rationem.

V. 10. CANTATE DOMINO, &c. Invitat gentes ad salutem; nova & inaudita promittit sub Christo, remissionem, gratiam, & æternam gloriam; ac proinde ad canticum invitat & laudem.

V. 11. SUBLEVETUR DESERTUM. Erigat se & exultet lætitia: civitates habebunt Cædareni, hoc est sylvestres Arabes: hos Hebræi barbaros vocabant, sicut nos Scythas: idem de his qui edita petrarum incolebant.

V. 12. & 13. EGREDIETUR, Deus, & dissipabit idola gentium sub Christo: desertos faciet montes, verf. 15. item verf. 17. CONVERSI SUNT RETRORSUM frustrati spe sua idololatæ.

V. 18. SURDI AUDITE, &c. Hæc in Iudæos dicuntur, qui dum convertentur gentes, cæci manebunt, ac proinde prædicat illis bella & everfionem. Præclara narratur facta Iudæis, fed magna ingratitudo; hoc probavit eventus sub Chriſto, immo etiam ſub Nabuchodonofore.

EX EIUSDEM AUCTIONARIO.

Vers. 19. Servus hic populus & Iudaicus, ingratus poſt tot accepta beneficia. VE-

NUMDATUS, vel ſub peccato, vel qui tot accepit dona a Deo, ut etiam ſciſmum Deo debeat.

Vers. 20. Populus hic auditis tot prophetie multa vidit de lege, fed quam non cuſtodivit.

Vers. 21. Quasi utrimque certatum eſt. Deus bona offerebat: populus in mala pronus caſtigabatur.

Vers. 22. LAQUEUS IUVENUM OMNES. Laqueus fortium; quaſi diceret, Laqueus forti colligati ſunt.



C A P U T XLIII.

Populum credentem ſecutum facit, Eius ex univerſo orbe multiplicationem futuram promittens, cum enarratione præteritorum ac futurorum Dei erga populum ſuum beneficiorum, quibus ſe ſolum verum Deum eſſe comprobabat; addita gravi expoſtulatione adverſus Iudæorum ingratitudinem.

IT nunc hæc dicit Dominus creans te Iacob, & formans te Iſrael: Noli timere, quia redemi te, & vocavi te nomine tuo: meus es tu. 2. Cum tranſieris per aquas, tecum ero, & flumina non operient te: cum ambulaveris in igne, non combureris, & flamma non ardebit in te: 3. Quia ego Dominus Deus tuus ſanctus Iſrael ſalvator tuus, dedi propitiationem tuam AEGYPTUM, AETHIOPIAM & SABA pro te. 4. Ex quo honorabilis factus es in oculis meis, & glorioſus: ego dilexi te, & dabo homines pro te, & populos pro anima tua. 5. Noli timere, quia ego tecum ſum: ab Oriente adducam ſemen tuum, & ab Occidente congregabo te. 6. Dicam Aquiloni: Da; & Auſtro: Noli prohibere: aſſer filios meos de longinquo, & filias meas ab extremis terræ. 7. Et omnem, qui invocat nomen meum, in gloriam meam ercavi eum, formavi eum, & feci eum. 8. Educ foras populum cæcum, & oculos habentem: ſurdum, & aures ei ſunt. 9. Omnes gentes congregatæ ſunt ſimul, & collectæ ſunt tribus: quis in vobis annuntiet illud, & quæ prima ſunt audire nos faciet? dent teſtes eorum: iuſtificentur, & audiant, & dicant: Vere. 10. Vos teſtes mei, dicit Dominus, & ſervus meus, quem elegi: ut ſciatis, & credatis mihi, & intelligatis quia ego ipſe ſum. Ante me non eſt formatus Deus, & poſt me non erit. 11. (a) Ego ſum, ego ſum Dominus, & non eſt abſque me ſalvator. 12. Ego annuntiavi, & ſalvavi: auditum feci, & non fuit in vobis alienus: vos teſtes mei, dicit Dominus, & ego Deus. 13. Et ab initio ego ipſe, & non eſt qui de manu mea eruat: operabor, & quis avertet illud? 14. Hæc dicit Dominus redemptor veſter, ſanctus Iſrael: * Propter vos miſi in Babylonem, & detraxi veſtes univerſos, & Chaldæos in navibus ſuis gloriantes. 15. Ego Dominus ſanctus veſter, creans Iſrael rex veſter. 16. Hæc dicit Dominus,

minus, qui dedit in mari viam, & in aquis torrentibus semitam: 17. Qui eduxit quadrigam & equum, agmen & robustum: simul obdormierunt, nec resurgent: contriti sunt quasi linum, & extincti sunt. 18. Ne memineritis priorum, & antiqua ne intueamini. 19. (b) Ecce ego facio nova, & nunc orientur, utique cognoscetis ea: ponam in deserto viam, & in invio flumina. 20. Glorificabit me bestia agri, dracones & struthiones: quia dedi in deserto aquas, flumina in invio, ut darem potum populo meo, electo meo: 21. Populum istum formavi mihi, laudem meam narrabit. 22. Non me invocasti Iacob, nec laborasti in me Israel. 23. Non obtulisti mihi arietem holocausti tui, & victimis tuis non glorificasti me: non te servire feci in oblatione, nec laborem tibi præbui in thure. 24. Non emisti mihi argentum calamum, & adipe victimarum tuarum non inebriasti me. Verumtamen servire me fecisti in peccatis tuis, præbuiisti mihi laborem in iniquitatibus tuis. 25. Ego sum, ego sum ipse, qui deleo iniquitates tuas propter me, & peccatorum tuorum non recordabor. 26. Reduc me in memoriam, & iudicemur simul: narra si quid habes ut iustificeris. 27. Pater tuus primus peccavit, & interpretes tui prevaricati sunt in me. 28. Et cantaminavi principes sanctos, dedi ad intercessionem Iacob, & Israel in blasphemiam.

(a) Ols. XIII. 4. (b) II. Cor. V. 17. Apoc. XII. 5.

B R U G E N S I S

ROMANA CORRECTIO.

mutas verbum simplex *nisi* in compositum *emisi*.

Verf. 14. *Propter vos nisi in Babylonem*. Non

C O M M E N T A R I A

M A L D O N A T I.

Verf. 1. **E**T; pro, At NUNC; id est, cum poenas iam de sceleratis dignas sumpsero, ceteros iam meam Ecclesiam aggregabo. Consolatur bonos ac electos. CREANS TE IACOB. Non loquitur de corporali creatione: sic enim non solum Iacob, & Israel, sed omnes homines, atque adeo res omnes creavit: sed de spirituali, qua Iacob & Israel, id est prædestinati regenerati: de qua dicit D. Paulus Ephel. II. 10. *Ipsius enim sumus factura creati in Christo Iesu*: & inf. cap. XLIV. 21. **NOLI TIMERE, QUIA REDEMITE**: præter pro fut. redimam te sanguine filii mei: vel, redemi te, id est decrevi redimere, ut referatur ad prædestinationem, ut Psal. II. 7. *Ego hodie genui te*. **ET VOCAVI TE NOMINE TUO, MEUS ES TU**. Hæc verba coniungenda sunt, sicut apud

Bib. Sac. Tom. XVII.

Hebræos coniunguntur, ita ut hæc oratio, *Meus es tu*, sit in accusativo; sensus enim est: Tantum te dilexi, tantoque honore affeci, ut loco proprii nominis vocarem te, *Meus es tu*, id est populum meum, sicut Galli vocant, *Mon mignon*. I. Pet. II. 9. *Vos autem genus electum, regale sacerdotium, gens sancta, populus acquisitionis*.

V. 2. **CUM TRANSIERIS**. Transire per aquam & ignem, est experiri contraria, id est omnia periculorum genera: sicut ignis & aqua contraria sunt, utroque tamen periclitamur; aqua suffocamur, igne urimur. Dicit ergo Deus se eos ab omnibus periculis liberaturum: ut Psal. LXX. 12. *Transivimus per ignem & aquam, & eduxisti nos in refrigerium*.

V. 3. **DEDI PROPITIATIONEM TUAM**, id est redemptionem tuam: מִסְּכָרָא, AEGYPTUM, AETHIOPIAM, ET SABA PRO TE; id est, ut te liberarem, converti impetum

F f

Scn-

Sennacherib contra AEGyptum, AEthiopiam & Saba, quæ AEthiopiae regia civitas est: III. Reg. x. 1. ut supra Isaias indicavit cap. xxxvii. 9. Sensus ergo est: *Insuper de angustia liberabitur, & tradetur impius pro eo: ut ait Salomon Prover. xi. 8.*

V. 4. **EX QUO: eo quod, וְכֵן.** Reddit causam cur cum liberaverit, quia וְכֵן; pretiosus fuisse in oculis meis; id est, habui te in magno pretio, dilexi te. Ideo DABO, vel dedi, HOMINES PRO TE, ET POPULOS, gentes, וְעַמִּים, PRO ANIMA TUA, pro vita tua, ut librem te a morte. Explicat quod dixerat vers. precedenti, probatque ex rebus ipsis, se cum dilexisset.

V. 5. **AB ORIENTE ET AB OCCIDENTE.** Ponit loca certa pro incertis; quasi dicat: Undique semen tuum, id est posteros tuos congregabo: Deut. xxx. 3. 4. *Rursum congregabit te de cunctis populis, in quos te ante dispersit. Si ad cardines calis fueris dissipatus, inde te detrahet Dominus Deus tuus.*

V. 6. **DICAM AQUILONI: DA;** id est, iubebo Aquilonem reddere filios tuos, qui ibi dispersi fuerint. **ET AUSTRO (dicam) NOLI PROHIBERE** (venire ad me electos meos.) **AFFER, restitue.** Simili phrasi utitur Ioannes de resurrectione loquens Apoc. xx. 13. *Dedit mare mortuos suos, & mors & infernus dederunt mortuos suos, qui in ipsis erant.*

V. 7. **ET OMNEM.** Et hoc loco exegerica est, pro, scilicet. Dixerat, *Dicam Austro, Da:* dicit nunc quos velit sibi dari, scilicet non omnes, sed eos qui invocant nomen suum, id est, qui pertinent ad populum suum. Heb. וְכָל בְּשֵׁם הַקָּדוֹשׁ, qui vocatur nomine; id est, qui convenit nomen illud meum, quod meis imposui vers. 1. *Mens es tu:* vel, qui est filius, aut servus, aut populus Dei. **INGLORIAM MEAM CREAVI EUM.** Hebraismus, pro, omnem quem creavi, quem formavi, quem feci in gloriam meam, id est quos praeclitavi, *Ut ostenderem divitias gloriae meae in vasa misericordiae:* Rom. ix. 23.

V. 8. **EDUC;** id est, redde, restitue, educ ex carcere, vel servitute (o Aquilo & Austro) **POPULUM CAECUM, ET OCULOS HABENTEM;** id est, omnes tam caecos, quam qui oculos habent, tam surdos, quam eos qui aures habent. Hebraismus. **SURDUM, ET AURES ET SUNT;** id est, surdum, &

eum, cui aures sunt; quasi dicat, Nemo relinquitur: ut Luc. xiv. 21. *Exi cito in plateas, & vicos civitatis, & pauperes, ac debiles, & caecos & claudos introduce huc; id est, omnes quos inveneris, nemine excepto.*

V. 9. **OMNES GENTES CONGREGATAE SUNT SIMUL.** Præteritum pro Imperativo: Congregentur omnes gentes, & colligantur omnes tribus: וְעַמִּים, omnes populi; quasi dicat: Etiamli omnes gentes & populi congregentur, nemo eorum reperietur qui possit polliceri quod ego pollicitus sum, me congregaturum servos meos ex omnibus terræ partibus. Hoc est quod dicit, **QUIS IN VOBIS?** id est, inter vos, pro, inter eos. Est enim subita apostrophe & mutatio personæ. **ET QUAE PRIMAS SUNT,** id est præterita, **AUDIRE NOS FACIET.** Heb. וְיִשְׁמְעוּ, audire nos faciet; id est, qui retexet nobis & futurarum & præteritarum rerum seriem, ut sciamus eorum idola deos esse, ut sup. cap. xli. 23. **DENT TESTES EORUM,** pro testes suos (sub. idola.) **ET IUSTIFICENTUR,** id est probent suam causam, ostendant se deos esse. **ET AUDIANT** (sub. omnes) **ET DICANT: VERE, aut, Verum.** וְאָמְרוּ, id est verum esse quod idola dii sint; quasi dicat, Nequaquam id præstare poterunt.

V. 10. **VOS TESTES MEI.** Convertit Deus orationem ad populum suum; quasi dicat: Illi non poterunt ullos divinitatis suæ testes producere; vos autem divinitatis meae locupletissimi testes estis, quia vidistis miranda opera quæ feci. **ET SERVUS MEUS QUEM ELEGI,** id est totus populus meus. Alii de Isaiâ, alii de omnibus prophetis interpretantur, ut sit singularis pro plurali. **UT SCIATIS ET CREDATIS;** id est, itaque potestis scire ac credere, & intelligere ipsa experientia me esse Deum. **ANTE ME ET POST ME;** id est, ego sum solus Deus; ut sup. cap. xli. 4. & inf. xlii. 6. & xliiii. 12. & Apocal. i. 18. & xxi. 13.

V. 12. **EGO ANNUNTIAVI, ET SALVAVI;** id est, quemadmodum prædixi me salvaturum, ita re vera salvavi vos, **ET AUDI- TUM FECI;** id est, feci ut id omnibus notum esset, ut eius rei fama apud omnes divulgaretur. **ET NON FUIT IN VOBIS ALIENUS;** id est, nullus inter vos fuit alius Deus præter me, qui hæc fecerit & prænuntiaverit.

V. 13. ET AB INITIO. Heb. כִּי־מֵרֵאשִׁית, a die, aut, ut alii vertunt, ante diem; id est, semper ego fui eodem modo me habens, non mutor, ut Heb. xiii. 8. Iesus Christus heri & hodie, ipse & in secula. ET NON EST QUI DE MANU MEA ERUAT; id est, sum omnipotens, nemo mihi potest resistere: Rom. ix. 19. & xiii. 2. OPERABOR; ET QUIS AVERTET ILLUD; id est, si quid ego efficere voluero, quis est, qui possit impedire quo minus id fiat?

V. 14. PROPTER FUS EMIST BABYLONEM. Præ. præ fut. emitam; id est, migrare faciam Babylonios, ac fugere Cyprium, ut vos liberemini, ut postea latius explicabit cap. xlv. 1. ET DETRAXI VESTES; id est, disrumpam carceres ubi vincti eritis, ut liberi abeatis. Heb. בְּרִיחִים, alii vertunt, fugitivos. ET CHALDAEOS (sub. fugere faciam) IN NAVIBUS SUIS GLORIANTE, id est qui navibus gloriantur solent. Heb. בְּנֵאִמֹת רִיבָתָם, in navibus clamor eorum; id est, clamantes fugient in navibus.

V. 16. QUI DEDIT IN MARIVIAM. Alludit ad historiam Exod. xiv. 21. ET IN AQUIS TORRENTIBUS, id est vehementibus, עֲוִים, fenitam: repetitio eiusdem sententiae.

V. 17. QUI EDUXIT (ex AEgypto) QUADRIGAS ET EQUUM (Pharaonis.) Singularia pro pluralibus, quadrigas & equites; id est, qui fecit ut exirent ex AEgypto, Hebraeosque persequerentur, ut eos mari obrueret, ita ut non amplius surgerent.

V. 18. NE MEMINERITIS PRIORUM. Concessio est per comparisonem. Non enim iubet eos tanti illius beneficii oblivisci, cum passim dicat: Ego sum Dominus Deus tuus, qui eduxi te de terra Aegypti; sed significat se tanto maiora effecturum, ut eos a diaboli tyrannide liberet, quam olim fecit ut eos a Pharaonis potestate liberaret, ut præ novi beneficii magnitudine veteris obliviscantur, ut aperitus scribit Ierem. prædicens verorum Iudeorum, id est prædestinatorum ad Evangelium vocationem, cap. xxiii. 7. Ecce dies veniunt, dicit Dominus, & non dicent ultra, Vivit Dominus, qui eduxit filios Israel de terra Aegypti; sed, Vivit Dominus, qui eduxit & adduxit semen domus Israel de terra Aquilonis, & de cunctis terris, ad quas eieceram eos illuc. Christus e-

nim mortuus est non tantum pro gente, sed ut filios Dei qui erant dispersi, congregaret in unum: Ioan. xi. 52.

V. 19. ECCE EGO FACIO NOVA, id est res alias multo magis inauditas & admirabiles. ET NUNC ORIENTUR, id est cito, non multo post. Nam etsi ab Isaia usque ad Christum anni pene fuerint 600. tamen, ut ait D. Petrus II. Epist. cap. iii. 8. Mille anni apud Deum sicut dies unus. UTIQUE COGNOSCETIS EA. Phrasis habens vim relativam; quasi dicat: Efficiam res adeo novas, adeo admirandas, adeo magnas, ut non possint latere vos, ut non possitis eas non cognoscere. Heb. הֲלֹא תִדְעָה, an non cognoscetis ea? id est, certe cognoscetis. PONAM IN DESERTO VIAM, id est IN INVIO, id est in solitudine, FLUMINA. Dicit se contra miracula effecturum illis, quæ in exitu Israel de AEgypto fecerat, Tunc enim per mare viam fecit, nunc per solitudinem dicit se esse facturum: tunc siccavit mare, nunc dicit se in solitudine, id est in locis siccis atque aridis aperturum flumina. Quod non est historice intelligendum, sed mystice, nam in deserto viam fecit, cum in media gentilitate Evangelium per Apostolos prædicavit: flumina vero aperuit in solitudine, cum in arida gentilium corda Spiritum sanctum effudit: Act. x. 44. quia, ut ait Christus Ioan. iv. 14. Aqua, quam ego dabo ei, fiet in eo fons aquæ salientis in vitam æternam: & Ioan. vii. 38. Qui credit in me, sicut dicit Scriptura, flumina de ventre eius fluent aqua vivæ. Similem locum vidimus sup. xxxv. 6. & xli. 18.

V. 20. ET GLORIFICABIT ME BESTIA. Sing. pro plur. Mystice debet intelligi sicut versus præcedens: populum suum vocat Iudeos, bestias agri, dracones, & struthiones gentiles. Significat ergo fore ut prius Spiritus vivæ detur Iudeis quasi potus aquæ vivæ, sicut datus est Apostolis: Act. ii. 4. deinde quasi flumen in gentiles effunderetur: Act. x. 44.

V. 21. POPULUM ISTUM, id est Iudaicum, FORMAVI MIHI; id est, regeneravi per gratiam, ut laudem meam narret. Explicat quem vocaverit populum electum. Vel, Populum istum, id est Christianum ex bestis & draconibus, id est ex gentilibus formavi mihi, id est per baptismum genui.

V. 22. NON ME INVOCASTI IACOB: יִשְׂרָאֵל, & non me invocasti Iacob; quasi dicat:

cat: Populus gentilis ad Evangelium conversus laudabit me, tu vero, o Iacob, qui eras populus mihi electus ac pecularis, Evangelium averfatus non invocasti me, id est non me coluisti. NEQUE LABORASTI IN ME; id est, non dedisti operam, ut me observares. Heb. כִּי יָנַעַת בִּי, sed potius laborasti in me, o Israel, id est, non libenter, sed agra & cum molestia de me cogitasti: Osee II. 25. & Rom. IX. 25. *Vocabo non plebem meam plebem meam.* Aut aliter, ego te, o Iacob & Israel, sine ullis tuis meritis elegi, cum tu potius mihi repugnares. Ioan. XV. 16. *Non vos me elegistis, sed ego elegi vos.*

V. 23. NON OBTULISTI MIHI. Non significat aut queritur non obtulisse, nimis enim diligentes Iudaei in hac re fuerunt, ut dixit sup. cap. I. 11. *Quo mihi multitudinem victimarum vestrarum, dicit Dominus, plenus sum holocaustis arietum.* Sed sensus, neque haec abs te requisivi, neque huiusmodi sacrificiis quicquam apud me meruisti. Illud dicit Dominus Isai. I. 12. *Quis quasivit haec de manibus vestris?* Hoc Paulus Rom. III. 20. & ad Gal. II. 16. NEC LABOREM TIBI PRAEBUI: וְלֹא הִנָּחֵיתִי, & non feci te laborare in thure; id est, non iussi te offerre thus, eo scilicet modo quo mihi obtulisti sine caritate & misericordia, quam omnibus ego sacrificiis antepono: Osee VI. 6. & Matth. IX. 13. Alioqui Deus iusserat offerri sibi thus: Exod. XXX. 34. & Levit. II. 1. 2. 15. 16.

V. 24. NON EMISTI; id est, non iussi te emere eo modo quo emisti sine misericordia calamum, ex quo unguenta conficiebantur: Exod. XXX. 23. 24. 25. SERVIRE ME FECISTI, id est laborare, sicut statim dicit; quasi dicat: Tantum abest ut me tibi ullis tuis meritis obligaveris, ut me potius offenderis.

V. 25. EGOSUM, EGOSUM; id est, ego solus tuus, non tu, QUI DELEO INIQUITATES SUMS PROPTER ME, id est gratis: non propter merita tua, sed propter misericordiam meam. Est enim confirmatio versus 23. & 24. quasi dicat: Non tu tuis sacrificiis remissionem peccatorum meruisti, sed ego tibi ea gratis remitto.

V. 26. REDUC ME IN MEMORIAM; id est, revoca mihi in mentem si quid fecisti, cuius causa iustificari mereare. ET IUDICEMUR SIMUL; id est, iudicio contenda-

mus, ut videamus, ecquid meritorum habeas, quod ego non animadvertam. NARA, id est profer, SI QUID HABES, UT IUSTIFICERIS.

V. 27. PATER TUUS PRIMUS PECCAVIT, id est Adam: aut singulare pro plurali, patres tui. ET INTERPRETES TUI, id est Moyses & Aaron, vel Doctores tui; quasi dicat: Neque tuis, neque maiorum tuorum meritis iustificari poteris: Omnes enim peccaverunt, & egent gratia Dei: Rom. III. 23.

V. 28. ET; id est, propterea contaminatos esse ostendi PRINCIPES SANCTOS: שְׂרָפִים sanctitatis, id est populi sancti, quia peccaverant. Neque permisi Moſen & Aaron ingredi in terram sanctam: Deut. XXXIV. 4. UEDI AD INTERNECIONEM IACOB; id est, propterea feci, ut in deserto sancti a serpentibus morerentur: Num. XXI. 5. 6. I. Cor. X. 9. ET ISRAEL IN BLASPHEMIAM, id est in opprobrium, quia ceterae gentes videntes ita perire Iudaeos, dicebant: *Ubi est Deus eorum?*

S A.

Vers. 1. IACOB, id est Ecclesia, seu popule fidelis. VOCAVI, scilicet ut solent domini servos.

V. 2. CUM TRANSIERIS, &c. quasi dicat: In omnibus periculis te liberabo.

V. 3. PROPITIATIONEM, id est redemptionem; quasi dicat: Pro te perdidisti multas gentes tibi adversantes. Chald. & LXX. commutationem.

V. 4. DABO, id est perdam. TE, scilicet servando. ANIMA, id est vita; quasi dicat: Perdam vitam tuam insidiantes.

V. 5. SEMEN TUUM. Chald. filios tuos.

V. 6. PROHIBERE. Chald. morari. Affer, id est reducere; quasi dicat, Reducendos curabo.

V. 8. EDUC. Chald. & LXX. eduxi; pro, adducam, scilicet ad lucem Evangelicam. ET OCULOS, &c. quasi dicat: Oculos habet, sed non videt; aures, & non audit.

V. 9. CONGREGATAE, scilicet in Ecclesiam ex omnibus mundi partibus. VOBIS, scilicet o cultores idolorum. PRIMA. LXX. a principio; quasi dicat: Mundi creationem, & quae Dei revelatione sola possunt sciri, vel primo ventura. IUSTIFICATUR, id est

cat-

causam suam iustificent, scilicet quod veraces sint dii eorum. VERE. Chald. & LXX. *verum*. At Complut. cum sequentibus iungit; quasi dicat, Sane vos, &c.

V. 10. VOS, scilicet o Apostoli. SERVUS MEUS. Chald. *servus meus Christus*. FORMATUS. LXX. *alius*. Quidam legunt *formator*, scilicet rerum.

V. 12. ANNUNTIAVI, scilicet futura. ALIENUS, id est alius, scilicet Deus, qui ista faceret.

V. 14. MISI; pro, mittam, scilicet Cyprium, vel Christum. VECTES, id est impedimenta. CHALDAEOS, scilicet detraxi, seu perdidici. NAVIBUS, scilicet per Euphratem.

V. 16. MART, scilicet rubro. AQUIS; scilicet Iordanis. TORRENTIBUS. Heb. Chald. & LXX. *vehementibus*.

V. 17. EDUXIT, id est fecit exire ex Aegyptum, scilicet contra Hebraeos. OBDORMIERUNT, scilicet submersi in Mari rubro. RESURGENT. Chald. *surrexerunt*.

V. 18. NE MEMINERITIS, &c. quasi dicat: Atque ut antiqua omittamus.

V. 19. NUNC, id est cito. DESERTO, id est gentilitate. VIAM, scilicet salutis. FLUMINA, id est copiam gratiarum.

V. 20. BESTIA, &c. scilicet gentiles ante fidem, ut ferre.

V. 21. FORMAVI MIHI. Chald. *præparavi cultui meo*.

V. 22. NON ME, &c. quasi dicat: Non me coluisti, ut debueras. IN ME, id est causa mea.

V. 23. SERVIRE, scilicet gravi servitute, vel *præ*. pro fut. quasi dicat: Non a te posthac exigam sacrificia ista, sed alia potiora.

V. 24. ARGENTO, scilicet multo. CALAMUM, scilicet aromaticum. LXX. *thymiamum*. INEBRIASTI ME. Chald. *impinguasti altare meum*. SERVARE, id est inducere formam servi, vel gravari, more servorum. IN PECCATIS TUIS, id est ob peccata tua. LABOREM, scilicet Passionis; vel quasi dicat, molestiam.

V. 26. ME, scilicet quid tecum egerim. NARRA SI QUID HABES. LXX. *die tu iniquitates tuas primus*. IUSTIFICERIS, id est causam tuam iustifices; quasi dicat, Te defendas.

V. 27. PRIMUS, scilicet Adam. INTERPRETES, scilicet Moyses & Aaron. Chald.

doctores. LXX. *principes*. IN ME, id est contra me.

V. 28. CONTAMINAVI; id est, ostendi contaminatos peccato, & indignos qui Terram promissam ingrederentur. DEDIT, scilicet in deserto. BLASPHEMIAM. Chald. & LXX. *opprobrium*, scilicet hostium.

E S T I I.

Verf. 8. **E** DUC FORAS POPULUM CAECUM, ET OCULOS HABENTEM; SURDUM, ET AUREI SUNT. Potest hoc vel de Iudæis intelligi, vel de gentibus. Si de Iudæis accipiantur, prophetia est comminatoria execrationis Iudaeorum; & sensus erit: Produc foras, ut omnibus innotescat, populum qui oculos habet, & tamen cæcus est, aures habet, & tamen surdus est: scilicet, populo Iudaico oculi quidem sunt & aures ad legendum, & ad audiendam legem & Prophetas; sed cæci sunt, & surdi, quia legentes non intelligunt, & audientes non credunt verum Messiam. Si de gentibus intelligitur, laeta est prophetia, & hunc habet sensum: Educ foras, velut e tenebris, & e carcere, populum quondam cæcum per infidelitatem, sed nunc habentem oculos illustratos lumine veritatis; surdum quondam ad prædicationem cæli & terræ, nunc autem aures habentem, quibus audiatur prædicationem Apostolorum. Et hic sensus magis convenit contextui sermonis; quia quæ præcedunt, ad fideles pertinent; & de gentibus subiicitur generalis sententia: OMNES GENTES CONGREGATAE SUNT STIMUL.

V. 25. EGO SUM, EGO SUM IPSE, QUI DELEO INIQUITATES TUAS PROPTER ME. Abutuntur hac Prophetæ sententia hæretici, qui ita remissionem peccatorum volunt esse gratuitam, ut nulla poenitentis opera ad eam consequendam requirantur. Contra docent catholici esse quidem remissionem peccatorum gratuitam, ita ut nihil eorum quæ iustificationem præcedunt, sive fides, sive opera, ipsam iustificationis gratiam promoveantur, ut declaravit & definivit Concilium Tridentinum sess. vi. cap. viii. Sed sicut necesse est hominem fide præparari ad consequendam peccatorum veniam, quod & hæretici concedunt; ita etiam dicimus requiri poenitentis opera, eaque tamquam media quæque propinquiora ad remissionem peccatorum, &

& iustitiam obtinendam. Neutra tamen, neque fides, neque opera poenitentiae meriti rationem habent, si de merito proprie dicto loquamur. Unde vere hic dicit Deus: *Ego qui deleo iniquitates tuas propter me*; quasi dicat: Omnino gratuite, propter bonitatem meam, non propter opera, immo ne quidem propter fidem tamquam meritum condignum. Potest etiam dici Deus gratis delere iniquitatem, quia omnino gratuito inspirat homini fidem & poenitentiam, per quam pervenit ad gratiam remissionis, sicut & Ezech. xxxvi. dicit: *Non propter vos ego faciam, sed propter nomen sanctum meum.*

EGO SUM IPSE QUI DELEO INIQUITATES. Ergo (inferunt Novatores) sacerdos non debet aut remittit peccata. Respondeo, distinguenda est duplex deletio iniquitatis, seu vivificatio animae; altera per conversionem cordis praecedentem, altera per remissionem peccati subsequentem. Priorem Deus solus operatur sine ministerio hominis, saltem efficaciter: neque enim ad effectum conversionis internae Deus proprie constituit sacramenta, sed potius conversionem in adultis ad suscipienda sacramenta praerequisit. Posteriorem vero per ministerium hominis sacramentum conferentis operatur, sicut ipsa veritas in discipulos suos insufflans, & potestatem communicans dixit Ioan. xx. *Accipite Spiritum sanctum: Quorum remiseritis peccata, remittuntur eis.*

M A R I A N A E.

Vers. 1. **E**T NUNC HAEC DICIT DOMINUS. Mala quae populo minatus sum, non erunt perpetua. Post illa succedet quies & felicitas. REDEMI TE, id est liberabo te a malis: praeteritum pro futuro. ET VOCAVI TE NOMINE TUO. Id amoris argumentum, cum quis suo nomine vocat aliquem. Inde Nomenclatores Romae. MEUS ES TU, scilicet servus aut populus, ideo ut rem meam diligo.

V. 3. DEDI PROPITIATIONEM TUAM; id est, pretium pro te dedi Aegyptum, cum mala quae tu merebaris, in illas nationes verti. *Dedi*, pro, dabo. SABA scribitur per *p*; non est ergo Saba Africae, sed Asiae, ubi erant Sabaei in Arabia Felici: de quo Genes. x. 7.

V. 4. EX QUO HONORABILIS, id est quoniam pretiosus fuisti coram me. ET GLO-

RIOSUS. Heb. *gloriosus es factus*. ET DABO HOMINES PRO TE, id est in alios mala & bella vertam, ut tu liber evadas; quod superiori versu dixerat. PRO ANIMA TUA, id est vitae & incolumitatis tuae dabo homines.

V. 5. AB ORIENTE, ex omnibus mundi plagis posteros tuos congregabo & liberabo. Hoc Christi adventu & benignitate est factum. Aut de reditu e Babylone loquitur, uti paulo post.

V. 7. ET OMNEM, QUI INVOCAT NOMEN MEUM. Sic Septuag. Heb. *omnis qui vocatus est nomine meo*, id est qui meus est. IN GLORIAM MEAM CREAVI EUM, id est ut eo liberato gloriosus appaream.

V. 8. EDUC FORAS; pro, educam, liberabo. POPULUM CAECUM: quamvis apertis oculis nihil videat, aut audiat populus hic, id est non agnoscat mea beneficia, tamen eum liberare certum est.

V. 9. OMNES GENTES CONGREGATAE SUNT; pro, congregantur in unum. TRIBUS. Heb. *populi*. QUIS IN VOBIS ANNUNTIET ISTUD; quasi dicat: An erit ex omnibus aliquis qui possit annuntiare quae ego ventura dico? ET QUAE PRIMA SUNT, id est antiqua: par enim difficultas, vetera & futura nuntiare. Quod si tentare audent, DENT TESTES, id est aliquo argumento declarant se vera dicere. IUSTIFICENTUR, id est iustos eos putabimus. ET AUDIANT, ET DICANT: VERE; pro, & de iis quae audient (a Deo) dicant vere, Heb. *veritatem*. Illud verè, Regia iungunt cum sequentibus: *Vere vos testes.*

V. 10. VOS TESTES MEI, id est vos scitis me vera dicere; quasi dicat: Si peto ab aliis testes, ego do etiam. ET SERVUS MEUS: Isaias est, scilicet testis. ANTE ME NON EST FORMATUS DEUS; id est, non est alius Deus, nec fuit ante me, nec post me erit. Quibusdam durum videtur de Deo formationem dici, ita *formatus* ponunt in neutro genere, sic: *Ante me*, id est prius quam ego conderem res, *non formatum Dei*, id est a Deo nihil formatum est: *& post me non erit*. Ego solus sum rerum opifex. Haec sunt prima & vetera, quae negavit posse aliquem nuntiare.

V. 12. ET NON FUIT IN VOBIS ALIENUS, scilicet Deus: aut melius, non fuit ex vobis qui ista nesciret.

V. 13. AB INITIO. Sic Septuag. Chald. *a se*

a *saeculo*. Heb. a *die*, scilicet primo. EGO IPSE; pro, ego sum. NON EST QUI DE MANU MEA ERUAT. Omnes subiectos habeo. OPERABOR, id est, omnia opera ego facio, necque aliquis ea impedire potest.

V. 14. PROPTER VOS, ut vos liberem. MISSI IN BABYLONEM; pro, mittam, scilicet Cyrum. DETRAXI VECTES; pro, detraham. Alii vertunt, *fugitivos*: id Septuag. sunt secuti. Vox *בְּרִיחִים* pro ratione punctorum, & *vestes* significat, & *fugitivos*: si *vestes*, clara est sententia; si *fugitivos*, significat Iudaeos, quos fugitivos, id est exules vocat, inde detracturum. Detraham etiam Chaldaeos, eos agam in captivitatem. IN NAVIBUS SUIS GLORIANTE. Multas cymbas in flumine Tigris & vicinis stagnis habebant Babylonii.

V. 16. IN AQUIS TORRENTIBUS. Heb. *vehementibus*. SEMITAM dedit. Hoc fecit, cum eduxit Israel ex Aegypto.

V. 17. QUI EDUXIT QUADRIGAM, fecit Deus exire quadrigas contra Iudaeos, quando discesserunt. CONTRITI SUNT QUASILINUM, scilicet cum maceratur in aqua, & postea ligno decutitur. Heb. *extincti sunt sicut linum*, id est mixtum lucernae: sic Septuag. Periere omnes Aegyptii.

V. 18. NE MEMINERITIS PRIORUM. Quid opus est vetera commemorare? nova nunc prodigia facturus sum.

V. 19. PONAM IN DESERTO VIAM, ut scilicet captivi redeuntes in patriam minus laborent, eis complanabo viam, auferam difficultates. Id significat *ponere in deserto flumina*. Aut dic copiosos imbres misisse, unde flumina existerent.

V. 20. GLORIFICABIT ME BESTIA AGRI. Bestius etiam utilis fuit ea reductio, nam aquam unde biberent, & ipsae habuerunt. Mutis vocem tribuit: cum laetæ sunt bestiae, videntur Deum laudare bonorum largitorem.

V. 21. POPULUM ISTUM FORMAVI MIHI. Non mirum si illi benefacio; est populus meus. Heb. sic verito: *Dixerat posuisse in deserto flumina, ut potaret populum*, nunc addit: *Populum istum (quem) formavi mihi (ut) laudem meam narrarent*: sic connectitur hic versus cum superiori, sic connectunt Septuag.

V. 22. NON ME INVOCASTI IACOB; quasi dicat: Ego te formavi in laudem meam, ut me laudares; tu fecisti contra,

non me invocasti. NEC LABORASTI. Heb. *quin potius te lassasti in me*, id est fastidisti me, & cultum meum. Aut sic: *quin non laborasti in me*, id est propter me nullum laborem suscepisti, ut negotio prior gementur.

V. 23. NON OBSTULISTI MIHI ARIETEM, aut *pecudem*: id significat *non sebo*. ET VICTIMIS TUIS: significat nulla Deo obtulisse sacrificia, nulla munera. Quae omnia ad Dei laudem pertinebant, ad quam celebrandam te formaram. NON TE SERVIRE FECI; pro, non servisti, scilicet in deserto victimas non obtulisti.

V. 24. CALAMUM, scilicet odoratum, aromaticum; odoris causa non emisti. Nec INEBRIASTI ME. Chald. *impingvastis altare meum adipem*. Id *inebriare* vocat propter copiam adipis. VERUMTAMEN; seu *quin potius*, tua peccata mihi negotium & molestiam exhibuerunt. Loquitur more humano.

V. 25. EGO SUM IPSE, QUIDELEO INQUITATES TUAS. Tu mihi molestiam exhibuisti, ego tamen tibi remitto peccata.

V. 26. REDUC ME IN MEMORIAM, id est mihi: si quid contra haec habes, si quid boni fecisti, id profer in medium, ut pro tribunali iustus esse iudicaris.

V. 27. PATER TUUS PRIMUS. Non est quod maiorum merita excules, nam Adam peccavit. ET INTERPRETES TUI, id est Principes, scilicet Patriarchae illi etiam praevaricati sunt.

V. 28. CONTAMINAVI; seu *profanavi*, profanos esse ostendi. PRINCIPES SANCTOS. Heb. *Principes sanctitatis*, id est quos mihi consecraram, Moysen & Aaron, quos aditu Terrae promissae prohibui. LEDI AD INTERNECIONEM. Heb. *dedi in anathema, devovi, occidi*. Quem? IACOB, magnam eius populi partem in deserto occidi. IN BLASPHEMIAM, aut *opprobria*, id est ex quo factum, ut gentes convitiarentur populo, quasi non haberet Deum qui illum tueretur.

MALVENDAE.

Verf. 1. ET NUNC HAEC DICIT DOMINUS, &c. Alii: *Nunc vero sic ait Iehova creator tuus, &c.* Quarta pars concionis, nimirum consolatio a promissionibus Dei, uti dictum est in cap. XLII. 1. quæ

quæ confirmatur a natura eius, ab opere creationis, a vocatione populi, & a singularibus exemplis beneficentiae Dei erga vocatum, additumque populum: quæ omnia proleptice hoc versu polita, sequentibus exponuntur usque ad vers. 9. vel, ut distinguunt, 34. **QUIA REDEMI TE.** Alii: *nam vindicavi te, vel liberavi te*; hoc est, asservi a servitute gentium & satanae, & in servum mihi comparavi. Et **VOCAVI TE NOMINE TUO:** id est, illis vindictis singulare dominium mihi in te comparavi, ut supra cap. xli. 8. & 9. ac proinde peculiari ratione meus es, Exod. xix. 5. Alii hic notant ad morem herorum, qui servos suis nominibus propriis accerunt, & vocant ad operas. **MEUS ES TU.** Heb. *mibi tu*: quidam, *ut meus esses tu*.

V. 2. CUM TRANSIERIS PER AQUAS &c. Alii hunc versum ex Heb. transfundunt: **I. Et cum transibis per flumina,** ego tecum ero, & *flumina profunda te transversum non rapiunt; cum ambulaveris per ignem non combueris, nec flamma te laedet.* II. **Ut cum transieris per aquas** ego tecum essem, cum vero flumina non te obruerent, cum per ignem incederes, non combureris, neque flamma te incenderet; id est, vocavi te ut meus esses, ut cum transires &c. III. **Cum transis per aquas, tibi adsum,** & per flumina, ne inundent te; cum ambulas per ignem, non ureris, & flamma non incendit te.

V. 3. DEDI PROSTITUTIONEM TUAM AEGYPTUM. Vox כֹּפֶר *copher*, hæc omnia complectitur: expiationem, redemptionem, pretium redemptionis; *lytton*, vel placationem, piaculum, piacmentum, lustramentum, & quod Græci dicunt, *catharma, peripsma, purgamentum*. Quidam exponunt: **Ut te expiarem,** & lustrarem, mactavi Aegyptios & Aethiopes, ac synecdochice alios hostes populi mei: nam occisio improborum est victima gratissima Domino, qua nedum iusti, sed totus ipse mundus lustratur, & purgatur, & a piis in improbos supplicia depelluntur; nam dum ea lustratio non fit, flagella promittuntur probos & improbos involvunt. Unde hic reddunt: **dedi piaculum tuum Aegyptum, vel tradidi Aegyptum,** ut esset pro te piaculum, ut eorum sanguine tua supplicia luere. Aptius alii: **dedi in redem-**

pionem tui Aegyptum, &c. His verbis Deus se servatorem esse populi confirmat, primum a recente exemplo, de quo supra cap. xxxvii. 9. deinde generali liberationum omnium commemoratione, sequente versu. Est autem exemplum recens regis Thirhaze, qui Sancheribo Iudam infestante, cum maximis copiis adventavit Aegyptiorum atque Aethiopum: atque ita deveniens in Iudæorum locum (ut loquitur Sapiens Proverbior. ii. 8.) ipse fusus est, & Iudæi liberati: ac proinde quodammodo Iudæis redemptioni fuit. Hispanicus Interpres exponit: **A Aegypto he dado per tu rescate,** id est, *Los idolotras impios llevaran mi ira, tu: & loque dixo arriba cap. xxxii. 19. AETHIOPIAM.* כֶּשֶׁף *cheshaf*, vide in Genesi. ii. 13. & in cap. x. 6. ET SABA. Heb. סָבָא *seba*, cum *Samech*: vide in Genesi. x. 7. & in Psal. lxxi. 10.

V. 4. EX QUO HONORABILIS FACTUS ES, &c. Hunc versum alii ex Heb. transferunt: **I. Ex quo pretiosus habitus es in oculis meis,** ex quo honoratus fuisti; & ego dilexi te, & dedi hominem pro te, & nationes pro anima tua. II. **Ea quæ pretiosus fueris in oculis meis,** quodque te magnificerem, id est, reliquis anteponebam, vel quodque tanti esses, & quod te amore prosequeretur; immo quævis genus hominum pro te expendi, & populos quævis pro anima tua. III. **Ex quo pretiosus visus es in oculis meis,** honoratus fuisti, quia ego dilexi te: & subieci homines tibi, & nationes animæ tuæ, seu desiderio tuo, ut Psal. xxvi. 12. quasi dicat: Denique ex quo mihi fuisti peculium, præ omnibus illis populis honore & dominatione valuisti propter amorem meum erga te. **HONORABILIS FACTUS ES.** Heb. *pretiosus fuisti, in pretio fuisti, magni estimatus es.* ET GLORIOSUS. Heb. *gravis, honoratus, gloriosus, splendidus, clarus fuisti.* ET DABO HOMINES PRO TE. Heb. *& dedi hominem sub te, vel subitus te.* Plerique exponunt pro te, ut superiore versu, id est, in locum tui, seu loco tui, vel in gratiam tui, nedum Aegyptios & Aethiops, ut superiore versu, sed etiam plures alios homines & nationes dedi, expendi, concidi, nihil feci. Sic, ut Israelitas servaret, primogenitos Aegyptiorum interfecit: sic pro salute populi sui saepe gentes exercitus, & gentes delevit. Alii, *sub te seu subitus te*; id est, dedi tibi, tradidi

subie-

subiectos, subieci tibi homines, feci te illis superioriorem, ac dominari in eos. ET POPULUS PRO ANIMA TUA. Heb. *et nationes sub anima tua*, vel *pro anima tua*, id est pro vita tua, seu ut te vivum conservarem, nationes multas ac gentes concidi. Alii: *sub anima tua*, id est sub desiderio, vel pro desiderio, & arbitrio tuo, ut illas pro tua voluntate ageres, & illis uteris.

V. 5. AB ORIENTE ADDUCAM SEMEN TUUM, &c. Mysterium vocationis gentium ad Christum, ac omnibus orbis plagis venturos ad fidem, qui in semine Abrahami secundum promissionem censentur. Hoc est illud Christi, Matth. viii. 11. *Multi ab oriente & occidente venient, & recumbent cum Abraham, & Isaac, & Iacob in regno celorum.* Ab oriente: Mesopotamia, Chaldaea, Persia, India, Sinarum regione, Iaponiis &c. Ab occidente: Graecia, Italia, Gallia, Hispania, &c.

V. 6. DICAM AQUILONI, DA. Germaniae, Gothiae, Norvegiae, Moschoviae, Sarmatiae, Scythiae, &c. ET AUSTRUM: Africae, Aegypti, Aethiopiae, Nubiae, &c.

V. 7. ET OMNEM, QUI INVOCAT NOMEN MEUM. Heb. *omnis vocatus in nomine meo*; id est, qui dicitur & appellatur meus. Hispanicus Interpres: *Todo llamado de mi nombre*; id est, *mió, mi hijo, mi fiel, mi siervo*, ut vers. 1. Quidam hunc versum exponunt: *Omnes, qui vocat se de nomine meo, quem ad gloriam meam creavi, quem formavi, etiamque feci.* Gradatio elegans, qua Deus ordinem suae benignitatis in electos explicat: quia primum inde a creatione instituit illos ad gloriam suam, ex proposito aeterno bonae voluntatis suae: deinde eos vocat & iustificat, reformatque spiritu regenerationis; ac postremo ornat, & glorificat, ut ait Apostolus Romanor. viii. 29. hoc autem significari faciendi verbo saepius ostendimus, ut Deuteronom. xxxii. 6.

V. 8. EDUC FORAS POPULUM CAECUM. Heb. infinitivus, *Exire facere*, seu educere, producere, subaudiunt, dixi, vel iussi, seu feci, *populum caecum*. Alii hunc versum ex Heb. reddunt: I. *Educam*; id est, ab ignorantia ad Evangelii lucem pertraham, *populum caecum*; cui oculi sunt, & surdos, *quamvis aures sint eis*. II. *Omnino propitius est educere populum caecum, cui tamen sunt oculi; tam surdum quam eos, qui au-*

res habent. III. Hispanicus Interpres: *Salvando al pueblo ciego, que tiene ojos: y a los sordos que tienen oïdas, id est salvanse de la sancta compaña, y de sus condiciones los hypocritas.* IV. *Produc populum caecum, cui iam sunt oculi; & surdos, quibus iam sunt aures*; id est, populum Dei, qui ex caeco & surdo, per gratiam Dei oculatus & auritus factus est. Ita in bonum, vel in malum hic versus varie accipitur.

V. 9. OMNES GENTES CONGREGATAE SUNT SIMUL, &c. Hunc versum quidam ex Heb. ita convertunt: *Omnes gentes congregantur pariter, & colligantur nationes: quis in illis indicaret istud; vel priora pronuntient nobis: ut supra cap. xli. 22. adant testes suos ut iustificentur: ut supra cap. xli. 26. aut audiant, & dicant, Verum est, id est cedant veritati Dei.* Ultima pars concionis, confirmatio superiorum omnium, ut supra cap. xlii. 1. dictum est: primum per comparationem Dei loquentis cum gentibus obloquentibus Deo, hoc versu; deinde a sanctissimo testimonio Christi, & Ecclesiae, sequente versu: ex quibus asseritur categorice maiestas & veritas Dei ad praestandum ea quae dixit, tribus sequentibus versibus, usque ad vers. 14. five, ut alii distinguunt, usque ad finem capituli. *Uti iustificentur*; id est, ut iusti pronuntientur, & causam evincant.

V. 10. VOS TESTES MEI, DIXIT DOMINUS. Alii: *vos testes mei estis, dictum Iehova.* Apostrophe ad pios, qui adunati Christo membra sunt Ecclesiae. ET SERVUS MEUS, QUEM ELEGI: Christus, ut supra cap. xlii. 1. ANTE ME NON EST FORMATUS DEUS. Plerique secuti nonnullos Hebraeorum, נִפְּלָא נִפְּלָא, existimant esse participium *Niphal* constructum, quod sic cum *Patach*, redduntque: *Ante me non est formatus*, vel *formatum* aliquid *Dei fortis*, vel *non esse formatum Dei fortis*, vel *a Deo forti*; id est, omnia per me fieri, & sine me nihil fieri eorum quae sunt, neque futurum esse umquam, Ioan. 1. 3. Sed praestat esse praeteritum *Niphal*, *Ante me non est formatus Deus*, ut plures accipiunt, nam Scriptura de Deo humano more loquitur: & dicitur hoc ad aliorum deorum extenuationem, qui esse aliquando coeperint, cum a suis cultoribus fidei sunt: cum Deus ab aeterno fuerit. Vide Thesaurum Sanctis, colum. 1029.

V. 12. EGO ANNUNTIAMI, ET SALVAMI, &c. Hunc versum alii ex Heb. tradunt: *Ego indico, & servo, & praevenio, non autem ullus in vobis alienus Deus: & vos testes mei estis, dictum Iehova, me Deum fortem esse.*

V. 13. ET AB INITIO EGO IPSE. Heb. *Etiā a die ego ipse.* Alii: I. *Etiā, ex quo dies esse coepisset, ego eram.* II. *Etiā pra die, vel ante diem, seu antequam esset dies, ego ille sum.* III. *Quodque ab aeterno ego ille ipse.* OPERATOR, ET QUIS AVERTETISTUD? Quidam: *opus faciam, & quis revocabit illud?* Hispanicus Interpres: *Si yo hicere, qui en lo eslorava?* Heb. *seminem effertur: operator, quis reverti faciat eam, scilicet rem.* Sed femina in his locutionibus passim pro neutris usurpantur. Nonnulli: *cum operator, quis avertat illam, scilicet manum, quae proxime praecesserat: vide supra XIV. 17.*

V. 14. HAEC DICIT DOMINUS REDemptor VESTER, &c. Alii: *Sic ait Iehova vindex vester, sanctus Israelis, &c.* His faciunt initium capituli XLIII. & illud continentur usque ad vers. 6. cap. XLIV. unde ipsi exordiantur caput XLIV. Hanc concionem, inquit, ita componendam, & distinguendam integro hoc cap. XLIII. ut fecimus, res ipsa loquitur. Estque tota quoddam veluti argumentum breve sequentium capitulum. Duo enim summam continet, quae copiosius deinceps exponuntur: casum regni Babylonici, duobus primis versibus; & liberationem populi, reliquo capite, sive ad vers. 6. cap. XLIV. in nostra distinctione. PROPTER VOS MISI IN BABYLONEM. Alii: *propter vos missurus sum in Babyloniam; id est, ut vos gratiose liberem & instauram, mittam in Babyloniam Cyrum cum ingenti exercitu Medorum ac Persarum.* ET DETRAXI. Heb. *& descendere faciam, detrahā, deponam deiiciam.* VECTES UNIVERROS. *ברחים barichim, proprie, transfugatoria, transcursoria, vectes, repagula, transilla: vide in Exod. XXVI. 26.* Quidam: *& detraxi omnes vestes illos, id est optimates, qui scilicet tamquam vestes gestant ac munient populum.* Alii: *& deiecturus sum vestes omnes, id est munimenta omnia, synecdochice: ut I. Samuel XXIII. 7.* Fortasse intelligi possint portulae illae edificatae in ora fluminis a Nitocris regina, quibus descensus erat in flumen, quas si Babylonii

observavissent, ipsi pro ripis stantes, Perlas progressos in flumen veluti in cavca exceperunt, inquit Herodotus Lib. I. Num. 191. sed Deus admittit illis mentem, ne portulas vectibus firment, & obsecrant, ut per eas ingrederentur Persae; ac proinde ait sic deiecturus vestes omnes: vel forte alludit ad portas Babylonis, de quibus Herodotus Lib. I. Num. 179. *Eius per ambitum centum porta stabant, area omnes cum cardinibus, postibusque.* Nonnulli, quia hic *barichim* scribitur cum *Cametz*, cum pro vectibus scribi soleat cum *Scheva, berichim*, exponunt: *& deponam fugitivos universos, vel profugos universos ipsos, hoc est deponam e sede sua seu dignitate Chaldaeos, qui postea fugient navibus; vel & descendere faciam, subaudi, in naves, fugientes omnes.* Quidam distinguunt: *& descendere feci: ut superioribus uclatur: misi, & descendere feci; deinde sequatur: fugitivi universi ipsi, & Chaldae, quorum in navibus est clamor.* Sanctus in Thesauro vertit: *& descendere feci lignos vectibus serreis universos ipsos, Chaldaeos.* ET CHALDAEOS IN NAVIBUS SUI GLORIANTE. Heb. *& Chaldaeos, in navibus gratulatoria adclamatio eorum.* Alii: I. *& Chaldaeos, quorum clamor, mœroris & ciulatus, in navibus est; hoc est, fugient Chaldaei in navibus clamantes & ciulantes pra mœrore, quod deturbati patria possessione sint.* II. *quorum exultatio in navibus est, id est, qui navibus exultant ac superbiunt.* III. *quorum est in navibus oratio; id est, navibus ovant & triumphant.* IV. *Chaldaeosque cum navibus cantus ipsorum, seu cum navibus celeberrimis ipsorum; id est, quas ipsi celebrant, viribus eorum praedictes, & quarum nomine apud alios decantantur Babyloniorum vires.* Erant enim in Babylonia Euphrates, Tigris, Basilius, Nahar-Malcha, Nahar-Sares, Marfias, Pallacopa, & fluvii alii multi, qui magnos lacus, & vastas paludes efficiunt, navigabileque, ut ex Plinio, Ptolemaeo, Arriano, Amiano Marcellino constat: quibus maxima erat navigandi per Babyloniā commoditas: tamen ipsa quoque navigandi facultas, utendumque navium, a Cyro adempta est in expugnatione Babylonis, ut demonstratum est supra cap. XXI. 1. Verum hunc locum de celebritate Babyloniarum navium mire illustrant Plutarchus, & Arianus, ille in Alexandro: *Instituit ipse Alexander magna clas-*
se de-

se decessus Euphrate Arabiam, & Africam ambire, atque per columnas Herculis mare mediterraneum decurrere. Omnis generis navigia apud Thapsacum parabantur, nautique & gubernatores conquirebantur undique. Arrianus Lib. VII. Rerum Alexandri, multa de classibus Alexandri apud Babyloniam paratis prodens, hæc inter alia narrat: *Portum præterea apud Babylonios effodi curavit, qui mille naves oblongas caperet: porticus etiam, & navalia portui adiecit.* Et quamvis hæc multo post tempora Cyri facta fuerint, at satis arguunt Babyloniam multo iam antea multitudine navium abundasse.

V. 15. EGO DOMINUS, SANCTUS VESTER, &c. Quidam: *Ego Ichova sum sanctus vester, creator Israelis, rex vester.* Confirmatio a natura Dei, officio & beneficiis.

V. 16. HÆC DIXIT DOMINUS, QUI DEDIT, &c. Alii: *Sic ait Ichova, &c.* Altera pars capitis, ut dictum est in versum 1. qua Deus primum liberationem populi, proligatis Chaldeis, ad gloriam suam promittit, usq. ad vers. 9. seu 22. deinde populum hypocrisios nomine reprehendit, ut quisque gloriaturus gloriatur in Domino, usque ad vers. 16. sive usque ad finem capitis: postremo, plenam restitutionem promittit in Christo, ad finem usque capitis, seu quinque prioribus versibus capitis sequentis. QUI DEDIT IN MARI VIAM, ET IN AQUIS TORRENTIBUS SEMITAM. Alii: *qui edit in mari viam, & in aquis validis semitam;* id est, qui invia loca mirifice reddit pervia, non tantum Ecclesie sue, ut eam liberet (quemadmodum olim factum est in mari rubro, & in Iarlene) sed etiam iis, quorum operam Deus adhibet ad vindicandam Ecclesiam, ut Cyro Euphrates factus est pervius ad occupandam Babylonem ab utraque parte populi. Vide Herodotum Lib. I. Num. 191.

V. 17. QUI EDUXIT QUADRIGAM, &c. Hunc versum alii ex Hebr. reddunt: I. *Qui eduxit currus & equos, exercitum, & robur, ita ut simul iaceant, & non resurgant, extincti, ut linamentum expirent.* II. *Qui eduxit currus, & equos, copias & robur, pariter iacebunt, non resurgent, expirabunt ut linum, seu ut elychinum, ut supra cap. XLII. 3. extinguentur;* id est, duces Chaldeorum singuli cum rege facile debentur. III. Hispanicus Interpretes: *Quando el saca carro y cavallo, e-*

xercito y suerça, id est, quando Dios desplega su potencia en favor de su pueblo: caen juntamente para no levantarse: que dan apagados, como pavilo que dan apagados, scilicet, los enemigos. ET EQUUM, AGMEN, ET ROBUSTUM. Alii ex Heb. & equum strenuitatis, & obfirmatum. Sed præstat חילי עזאי, absolute accipere, equum, strenuitatem, seu aciem, exercitum, copias, agmen. ויך גחיצו, vero pro adiectivo accipiunt: & sortem, robustum, vel obfirmatum, ut Psalm. xxxiii. 8. Alii pro substantivo: & fortitudinem, robur, obfirmationem. CONTRITI SUNT QUASI LINUM, ET EXTINGUITI SUNT. Utitur Hebraice duobus verbis synonymis, ad maius sententiae incrementum; quasi dicat, Penitus, omnino, nullo negotio, quam facillime extinguuntur.

V. 18. NE MEMINERITIS PRIORUM, &c. Alii: *Ne recordemini priorum, & antiqua ne consideretis, sive & anteriora ne diligenter observetis.* Expositio usus iusti, & finis beneficiorum Dei, nimirum glorie ipsius in Ecclesia prædicatio. Hoc autem interdictum non simpliciter, sed respectively accipiendum est; quasi dicat: Etsi præcedentes liberationes vobis perpetuum celebrandæ sunt, ut de liberatione ex Aegypto præcipitur Exod. xii. & xiii. tamen tanta erit novi huius beneficii dignitas, ut huic uni maxime prædicationi vobis sit incumbendum: ut Ierem. xvi. 14. 15.

V. 19. ECCE EGO FACIO NOVA, &c. Hunc versum quidam ex Heb. reddunt: *Ecce ego facio novum quid iam iam efflorescet: num & hoc cognoscetis, &c.* Alii: *Ecce ego facturus sum rem novam, iam exoriatur, an cognoscetis illam; etiam disponam in deserto viam, in solitudine flumina;* id est, quemadmodum olim populo viam paravi per avias solitudines, & de viatico prospexi in locis aridissimis; ita etiam facturus sum.

V. 20. GLORIFICABIT ME BESTIA AGRI, &c. Versum ex Heb. exponunt: I. *Gloriam meam prædicabunt agrestes bestie, dracones, & pulli struthionum, quod dederim aquas in deserto, & flumina in solitudine, ut potum habeat populus meus, electus meus.* II. *Honorabit me bestia agri, dracones & filia ululæ, ut Levit. xi. 16. cum posuero in deserto aquas, flumina in solitudine, ad præbendum potum populo meo.* Exponunt: *Honorabit me, videbit in populo meo; quasi dicat, Nullo damno afficiet meos fere a-*

Brestes, sed reverentia prosequentes eum, ut cedent ei, aut servant: respicit enim ad historiam exitus ex Aegypto, qua nomina animalia populo cesserunt, Deuteronom. viii. 15. alia vero fuerunt cibo, ut Exod. xvi. 13.

V. 21. **POPULUM ISTUM FORMAVI MIHI**, &c. Alii ex Heb. *Populum, quem formavi, vel formi mihi, laudem meam enarrabunt*; id est, Populus, qui sunt opus meum, conditi in Christo Iesu ad opera bona, quae preparavit ut videntur in eis, Ephesior. ii. 10.

V. 22. **NON ME INVOCASTI IACOB**, &c. Observant esse etiologyam honoris, quem sibi attribui Deus praecepit, ab improbitate populi, cui exprobratur sua hypocrisis, tribus verbis; & a natura, ac sedere Dei efficace in nobis per remissionem peccatorum, vers. 12. vel potius 25. quae duo postea per contestationem confirmantur, usque ad versum 16. vel finem capituli. Hunc versum alii ex Heb. interpretantur: I. *Et tu Iahakob non invocasti me, ut mei gratia laboris aut molestiae aliquid insumeres, o Israel.* II. *Et ad me non clamavisti, o Iahakob, quin fatigatus es in me, o Israel, vel quin potius tadio mei affectus es, aut quia laboravisti in me, o Israel;* id est, cum fastidio suscepisti quicquid a me praeceperatur. Alii: *tantum abest ut laboraveris in me, o Israel;* id est, sessus fueris in cultu meo. III. *Nam me non invocas, Iahakob, id est non colis:* synecdochice, ut Genes. iv. 26. similem exprobrationem vide supra cap. i. 11. & sequentibus: *aut laboras apud me, Israel, id est, ante faciem meam, ut dicitur ibidem, vers. 12.*

V. 23. **NON OBTULISTI MIHI ARIETEM HOLOCAUSTI TUI.** Alii ex Heb. I. *Non aduxisti mihi pecudem holocaustorum tuorum.* II. *Non offeres mihi parvam pecudem holocaustorum tuorum.* Sed demonibus: quia sacrificium improbi est abominationi Iehovae, Proverbior. xv. 9. Vide Deuteron. xxxii. 17. **ET VICTIMIS TUIS NON GLORIFICASTI ME.** Alii: I. *nec sacrificiis tuis me celebrasti.* II. *& sacrificiis tuis non honoras me.* **NON TE SERVIRE FECI IN OBLATIONE.** Alii: I. *nec ego te coegi, ut servires in oblatione minchah;* id est, non extorsit a te multa sacrificia sariacea, ut heri a servis suis multas operas solent exigere. II.

non premo te ut servias munere. **NEC LABOREM TIBI PRAEBUI IN THURE.** Alii: I. *Neque fatigo te thure.* II. *Neque negotium tibi feci thure.* III. *Neque fatigavi te in suffimento.* Hispanicus Interpres: *Nitescere fatigar con perfume;* id est, ut mihi multa odoramenta alferres.

V. 24. **NON EMISTI MIHI**, &c. Hunc versum ex Heb. alii reddunt: I. *Non emisisti mihi pecunia calanum aromaticum, neque adipe victimarum tuarum imbuisti me: quin potius me servire fecisti in peccatis tuis, vel ob peccata tua, & negotium mihi fecisti iniquitatibus tuis.* II. *Non comparas mihi pecunia calanum odoratum, & adipe sacrificiorum tuorum non irrigas me: quin servitute premis me;* id est, me ipsum angis; mihique molitibus es: dictum anthropopathos, ut supra cap. i. 14.: *propter peccata tua, fatigas me in iniquitatibus tuis.*

V. 25. **PROPTER ME;** id est, ex mera mea misericordia & gratia, non propter merita tua, aut iustitiam tuam, ex lege.

V. 26. **REDUC ME IN MEMORIAM**, &c. Hunc versum varie ex Heb. exponunt: I. *Reduc mihi in memoriam, subaudi, peccata tua, iudicabimur simul, vel contendemus iudicio inter nos: narrato tu, ut iustificeris, sive id cuius causa absolutionem speras;* id est, ut in hac disceptatione vincas si vincere debes, ut ostendas causam tuam iustam & bonam. Quod si dicas te fuisse aliquid in mei gratiam, quo tibi sim obstrictus, age videamus. II. *Revoca in memoriam mihi, disceptemus una; enarra tu ut iustificeris.* Contestatio synchroretica, seu concessiva, ad confirmandum superioris versus documentum, de gratuita peccatorum remissione in Christo; quasi dicat, Profer iustitiam tuam, si qua forte est, & si obliviscor eius.

V. 27. **PATER TUUS PRIMUS PECCAVIT**, &c. Quidam hunc versum ita accipiunt: *Pater tuus primus peccaverit, & interventores tui defecerint a me.* Subiectio, seu responsio ad precedentem contestationem: Si ad disceptationem, inquit Deus, causae veniatur, invenieris non tantum peccasse in me, sed etiam inde a conceptu peccatore esse, ut patres tui, neque tibi ullum esse, qui tibi intercedere tua causa possit: adeo omnes ordines tui, omnesque aetates corruptae sunt. *Interventores tui,* &c. id est, sacerdotes & Levitae ipsi, quorum interven-

tus

M E N O C H I I

tus facer institutus est a Deo, Numer. iiii. Nam distribuantur Israelitæ hoc versu in ordinem popularem, & sacrum: & sux pœnæ utrique ordini hyleron proteron denuntiantur, sequente versu: quæ fuissent eventuræ nisi ad gloriam suam respexisset Deus. Plerique, *Interpretes, interventores, legatos, restores, oratores*, hic intelligunt Moſen, & Aaronem, qui erant interpretes inter Deum & populum, & ipsi quoque prævaricati sunt ad aquas contradictionis.

V. 28. ET CONTAMINAVI PRINCIPES SANCTOS, &c. Quidam hunc versum reddunt: *Et principes sanctuarii vel sanctitatis*, id est principes populi sancti, vel principes, quos mihi consecravcram, & delegeram, ut essent duces populi mei, videlicet Moſen & Aaronem, *proſanavi*, id est, illos proſanos & contaminatos denuntiavi, atque indignos qui ingrederentur in terram promissam & sanctam: *Iahakobum devoti interneconi*, vel *dedi neci Iahakobum*; id est, maiorem partem Iahakobi trucidavi in deserto: & *Iſraelem obici opprobriis*, vel *opprobriis*; id est, permisi ut Israelitæ probis afficerentur: nam cum tanta strages ſicret in deserto, hostes Israelis per contumeliam dicebant, Ubi est Deus Israelitarum? & ludibrio illis erant Israelitæ. Alii: *Et proſanavi principes sanctitatis*; id est, ut contaminatos & proſanatos duxi tuos illos principes, quorum erat eximia sanctitas, & tamquam immundos eos caſtigavi, noluique ut terram sanctam pedibus contingerent: & *dedi in anathema Iahakobum*; id est, inſuper & ceteros omnes patres tuos, quod in me prævaricati fuissent, dedi in anathema, ut internecone deleterentur. ET ISRAELEM INOPPROBRIA: id est, fueruntque opprobrio univerſis; nemo enim erat qui non eos damnet, quemque non eorum puderet, qui tam ingrati in Deum suum fuissent, toties ab eis fide deficientes. Hispanicus Interpres: *Portanto yo proſane los principes del Sanctuario?* id est, *deſheche, de puſe del miniſterio: ey puſe per anathma, para ſer deſtruído a Iahakob, y a Iſrael por verguenga.* Nonnulli hunc versum poſſibilitate accipiunt: *Proinde eſſem proſanaturus principes ſacros*, id est sacerdotes & Levitas, nimirum univerſum ordinem ſacrum; & *expoſiturus anathemati Iahakobum*, & *Iſraelem contumeliis*, id est omnem ordinem popularem, niſi ad gloriam meam reſpexiſſem.

Verſ. 1. HAEC DICIT DOMINUS, &c. Alloquitur Heb. Babylone captivos, eoſque liberandos prædicat, ſed ſub hoc typo altius aliquid intelligit, ſcilicet liberationem fidelium a captivitate peccati, & diaboli per Chriſtum. Itaque typum cum antitypo permiscet, iamque dicit aliqua quæ magis typo, iam quædam, quæ magis antitypo convenient. CREANS TE IACOB. Deus peculiariter dicitur Iſraelitas creafſe, quia miraculoſe Abraham ex Sara anu; & ſterili genuit Iſaac, ex Rebecca genuit Iacob, ex quo prognati ſunt Hebræi. FORMANS TE: feci te tamquam vas in honorem, legibus, & ſanctis inſtitutis formavi, ut eſſes mihi in remp. fidelem, & ſanctam. REDEMI TE: ex captivitatibus Aegypti, & Babylonis, & tandem diaboli per Chriſtum. VOCAVI TE NOMINE TUO; id est, vocavi nomen tuum, volui ut nomen tuum eſſet, MEUS ES TU.

V. 2. CUM TRANSIERIS; id est, ego tibi adro, & a periculis incolumem præſtabo.

V. 3. DEDIT PROPITIATIONEM TUAM AEGYPTUM. Pagninus & Vatablus vertunt: *dedi pretium tuum AEGYPTUM*; id est, effeci, ut Sennacherib Iſraeli iam imminens, ad vaſtandum AEGYPTUM &c. verteretur, atque ita regnis illis ei obiectis, quaſi in tui pretium, te liberavi. Vide hiſtoriam ſupra cap. xx. & xxxvii. Pro Eccleſia Chriſtiana perdidit Deus Gentes illi adverſantes, iuxta illud Prover. xi. 8. *Iuſtus de anguſtia liberatus eſt, & tradetur impiis pro eo.*

V. 4. EX QUO. Pro rationali particula accipit Hebræi, *Quia, eo quod.* Poſſet etiam eſſe temponis: *Ex quo tempore.* Pagninus, & Vatablus vertunt: *Ex quo prætioſus fuiſti in oculis meis, glorioſus fuiſti.* DABO HOMINES PRO TE: ſicut AEGYPTIOS, & AETHIOPAS dedi pro te, ſic dabo & Babylonios: hos enim Deus per Cyrum deleſti voluit, ut Iudæos liberaret. Sic pro Eccleſia populos Deus aut evertit, aut convertit. ET POPULOS, &c. eſt repetitio eiſdem ſententiz.

V. 5. AB ORIENTE: ex omnibus orbis plagis colligitur Eccleſia Chriſti, omnibus nationibus ei nomen dantibus.

V. 7.

V. 7. ET OMNEM: particula *et*, est causalis. Quia omnem, &c. IN GLORIAM MEAM CREAVI EOS: creavi, formavi, & feci eos fideles, aut Christianos, ut nomen meum celebrarent, & invocarent.

V. 8. EDUC FORAS: e coetu fidelium eice o Chrite per te, & per Apostolos. POPULUM CAECUM: Iudaeos: hoc est quod ait Christus Matth. viii. 12. *Filii regni eiiciantur in tenebras exteriores.* ET OCULOS HABENTEM: qui voluntarie, & suo vitio caecus est.

V. 9. OMNES GENTES, &c. Redit Propheta ad disceptationem cum Gentibus & earum idolis; sententia est: Congregentur omnes gentes, cum suis diis. TRIBUS: nationes. QUIS IN VOBIS ANNUNTIET I-STUD. Hoc mysterium redemptionis mundi a potestate demonis, & foundationis Ecclesiae, quis deorum agnovit? quis praedixit? ET QUAE PRIMA SUNT AUDIRE NOS FACIET? Vide dicta cap. xli. 22. EORUM, scilicet oraculorum suorum. IUSTIFICENTUR: causam suam iustificent, scilicet probent se esse deos, ex praesagio futurorum. ET AUDIANT, &c. id est, & populi hoc testimonium audiant, & dicant, Vere sunt hi dii.

V. 10. VOS: Israelitae. TESTES MEI: quia multis beneficiis affecti, & recenter a Sennacherib liberati. SERVUS MEUS. Alii putant intelligi Cyrum, alii Isaiam ipsum, alii verius Christum, qui etiam supra cap. xli. 1. vocatus fuit *Servus Dei*: est autem Christus testis, quia dictis verba Prophetarum confirmavit, & factis, quia in ipso illorum vaticinia adimpleta sunt. EGO IPSE SUM: scilicet Deus.

V. 12. ANNUNTIAVI, scilicet futura. ET SALVAVI: salutem attuli, quod idola facere non possunt. AUDITUM FECI: est idem quod dixerat *Annuntiavi*. NON FUIT ALIENUS: quasi dicat: Cum haec mirabilia ad vestram salutem fierent, nullus erat in vobis Deus alienus, nulla idola colebatis, sed me tantum: ergo illorum mirabilium ego auctor fui. VOS TESTES, &c. id est, vos ergo testes estis, quod ego sim Deus.

V. 13. ET AB INITIO EGO IPSE: id est, quae olim a principio maiores vestri beneficia receperunt, a me profecta sunt. ET NON EST QUI DE MANU MEA ERUAT: quasi dicat: Ego quippe sum omnipotens, penes quem vitae, & mortis claves sunt.

OPERABOR, &c. id est, si aliquid facere velim, quis prohibebit quominus fiat?

V. 14. MISTI: mittam Cyrum. DETRAHI: detrahā. VECTES UNIVERPOS: vectes portarum, omniaque robora, & munitiones Babylonis frangam, ut vos ex ea liberem. Pari modo per Christum, cuius typus est Cyrus, vos ex demonis captivitate liberabo. IN NAVIBUS SUIIS GLORIANTE: alluitur enim Babylon ab Euphrate, per quem naves ultro citroque comitant.

V. 15. CREANS ISRAEL: vide dicta supra num. 1.

V. 16. IN MARI, rubro. IN AQUIS TORRENTIBUS, id est vehementibus maris rubri; est enim repetitio eius quod dictum fuerat priore parte versiculi.

V. 17. QUI EDUXIT QUADRIGAM, ET EQUUM, id est fecit exire ex Aegypto, scilicet contra Hebraeos, AGMEN, ET ROBUSTUM: exercitum, & strenuos bellatores. OBDORMIERUNT: somno mortis. QUASI LINUM: ea facilitate, qua lini stipula conteritur, vel crebris, & validis Dei percussis ieiibus, ut percutitur linum.

V. 18. NE MEMINERITIS PRIORUM, &c. quasi dicat, Sed omittamus antiqua.

V. 19. NUNC ORIENTUR: nunc recentia exhibebo beneficia, veteribus illis maiora. UTIQUE COGNOSCETIS EA: adeo magna erunt, & evidētia, ut neminem latere possint. PONAM IN DESERTO VIAM: in deserto gentilitatis viam apertam, quae ducat ad Christum. IN INVIO PLUMINA: in eodem deserto flumina caelestium gratiarum.

V. 20. GLORIFICABIT ME BESTIA AGRI: scilicet Gentiles, qui ante fidem erant quasi ferae.

V. 21. FORMAVI MIHI: ex feris, & quasi ex lapidibus, suscitans mihi filios Abrahæ.

V. 22. NON ME INVOCASTI IACOB: quasi dicat: Ideo elegi Gentes, quia tu o Israel, non me, ut par fuisset, invocasti, aut coluisti. NEC LABORASTI IN ME: nec causa mea laborasti, meæ legis, religionis cultor sedulus. Vatabulus vertit: *Quin fatigatus es in me o Israel.*

V. 23. NON TE SERVIRE FECI IN OBATIONE: non optavi a te mihi oblationes offerri, quia sacrificia tua, & oblationes tuas pollutas existimavi. NEC LABOREM, &c. est repetitio eiusdem sententiae.

V. 24. NON EMISTI MIHI ARGENTO CAL-

TIRINI.

CALAMUM; quasi dicat: Calamum quem emitti, ut mihi offerres, ego mihi emptum, & oblatum non reputo, non accepto, nec admitto, cum sis sceleribus pollutus, & exitiis fatis esse, si externa hæc offerrentur sacrificia, & interim pietas, religio, & iustitia negligatur. **CALAMUM**: aromaticum. Aliqui putant cam esse, quam vulgo *camellam* dicimus. LXX. habent *thymiana*. **SERVIRE ME FECISTI IN PECCATIS**, id est graviare more servorum, adeo molestus mihi fuisti tuis illis sacrificiis. **PRAEBUISTI**, &c. est repetitio eiusdem sententiae.

V. 25. **EGO SUM**, &c. quasi dicat: Non tuæ victimæ, quæ plus habent sceleris quam pietatis, non opera legis a te facta, ut tu putas; sed ego per Christum, & eius merita deleo iniquitates tuas. **PROPTER ME**: mea misericordia, non meritis tuis. **NON RECORDABOR**: ut puniam.

V. 26. **REDUC ME IN MEMORIAM**: revoca in memoriam iudicium tecum egerim. **IUDICEMUR SIMUL**: iudicio simul contendamus, ut videamus, an ex operibus, & meritis tuis, an vero ex mera mea misericordia remissio peccatorum tibi obtingere debeat. **UT IUSTIFICERIS**: ut in hac causa, & lite superior evadas, & pro tua iustitia sententia pronuncietur.

V. 27. **PATER TUUS PRIMUS PECCAVIT**. Aliqui Adamum intelligunt; alii Abrahamum, quo patre potissimum Hebraei gloriabantur; hic autem peccavit, quia ut multi docent, antequam vocaretur a Deo, coluit idola gentis suæ, scilicet Chaldaeorum, ut colligi videtur Ios. xiv. 2. vide ibi dicta. **INTERPRETES TUI**: Moyses & Aaron, qui fuerunt squestri, & internuntii inter Deum, & populum.

V. 28. **CONTAMINAVI PRINCIPES SANCTOS**: & Aaronem hunc, & Moysen, Principes sanctos, peccato contaminatos ostendi, & indignos, qui terram sanctam ingrederentur; quare eos quasi peccati reos ad mortem damnavi, & mori in deserto coegi. **DEDI AD INTERNECIONEM IACOB**: ob peccatum murmuris Num. xiv. 29. **IN BLASPHEMIAM**. LXX. & Chaldaei habent, *In opprobrium*; hostes enim irridebant eos, & subannabant, quod ob scelera a Deo suo educti essent ex Aegypto, ut male perirent in deserto.

Verf. 1. **CREANS TE IACOB**, etiam præter morem vulgarij hominum, nempe ex sterili Rebecca a & Sara b. En primum beneficium. Secundum, **FORMANS TE**, inflat figuli, in vas mihi in honorem, in rempublicam florētissimam, in regnum amplissimum ac potentissimum. Tertium, **REDEMTE TE** tum ex Aegypto, tum ex tot aliis hostibus. Quartum, **VOCAVI TE NOMINE TUO** (id est, quod tuum, seu tibi proprium esse volui) **MEUS ES TU**: hoc ipso faciens, ut reple sis populus meus, peculium, hereditas & cimetrium meum. Nam ut verissime ait Plato, c, *Dei appellatio est, cum facit inesse rei nominata id quod nomen significat*. Quæ sane ingens est dignitas æque ac utilitas, ut filii Dei nominemur & sumus: *genus d electum, regale sacerdotium, gens sancta, populus acquisitionis*. Nec potuit quidquam tristius accidere Iudæis, quam quod Osce 1. Deus minaretur, vocatum eos iri deinceps, *Non populus meus*: ita Leo Castrius.

V. 2. **CUM TRANSIERIS PER AQUAS ET IGNEM**; id est, per gravissimas afflictiones & vitæ pericula tum sub Assyriis & Chaldeis, tum sub aliis hostibus, illarum te traducam, ut olim traduxi Abrahamum per Ur, id est ignem e Chaldaeorum & patres vestros per mare f rubrum & Iordanem g. Sic ad litteram traducti postea per ignem tres pueri in fornace, Daniel iii. 50. & in novo testamento S. Vincentius, Cæcilia, Agnes, Lucia, alique plurimæ virgines, in flammis tum libidinis, tum fornicis, Deo protegente, prorsus fuere intactæ.

V. 3. **AEGYPTUM AETHIOPIAM ET REGNUM SABA**, quæ est Abassia, **DEDI PROPITIATIONEM PRO TE**; id est, pro victimâ piaculari macianda obici Sennacheribo, loco Iudææ & Ierosolymæ cui devorandæ inhiabat. Historiam vidimus supra xxxvii. & IV. Reg. xix. 7. Sic LXX. vertunt, *AEgyptum, Aethiopiam & Saba feci commutationem tuam pro te*. Et hoc est quod Proverb. xi. dicitur, *Influs de angustia liberatus est, & tradetur impius pro eo*: ita S. Cyrillus, Sanchez & a Lapide. Sicut ergo tunc dedi Aethiopes & Aegyptios: ita postea

V. 4. DABO alios HOMINES PRO TE, nempe Babylonios, reliquosque Chaldaeos quos Cyro & Dario victimas obiciam.

V. 5. SEMEN TUUM per quatuor orbis & plagas dispergendum, ego rursus ex illis omnibus reducam in propriam patriam. Saltem

V. 7. OMNEM, QUI INVOCAT NOMEN MEUM; id est, omnes qui volunt esse & cenſeri populus meus, de quo v. 1. Nam de reliquis subditur:

V. 8. EDUC; Hebraice, *eiſce* FORAS extra limites patriae: extra numerum populi Dei, POPULUM CAECUM, id est in perfidia ſua obſtinatum, OCULOS quidem HABENTEM, quibus vident & palpant veritatem, ſed nolunt amplecti, immo oculos occultant, ut caeci: ita S. Hieronymus, Procopius, Theodoretus & Proſper i. Et hoc est quod ait Chriſtus Matth. viii. *Filii regni eiſcientur in tenebras exteriores.*

V. 9. OMNES GENTES idololatriæ CONGREGATAE SUNT coram oculis meis divinis; Vatablus vertit, *congregentur omnes gentes, simul cum idolis ſuis.* Quis omnium falſorum deorum iſtorum ANNUNTIET ISTUD IN VOBIS? id est prædicere tale quid poſſit vobis olim obventurum, quale ego nunc palam prædico? DENTESTES, ſi quos habeant, ſimilium oraculorum a ſe profeſſorum. Hac enim occasione digreditur ad inſectandam idololorum ignorantiam & impotentiam, ut Iudæos in idola propenſiſſimos longius ab illorum cultu divertat.

V. 14. PROPTER VOS MISI IN BABYLONEM, ſupple, Cyrum & Darium, & per hos DETRAXI VECTES UNIVERSOS portarum, id est impedimenta & remoras omnes, quas Zacharias vi. 1. vocat *montes aereos*: nempe, ut ſubmotis obſtaculis tota ſacilius Babylonia potiantur, & vos in libertatem afferant.

V. 17. EDUXIT ex AEGYPTO QUADRIGAM ET EQUUM, id est quadrigas & equitatum Pharaonis, in mare rubrum; ubi aquis in alveum ſuum reductis oppreſſi, morte aeterna OBDORMIERUNT, CONTRITI & EXTINGTI QUASI LINUM, vel ſtupa fumigans in aquas depreſſa. Magna hæc ſunt & ſtupenda beneficia: ſed nolo

V. 18. MEMINERITIS iam iſtorum PROTORUM olim vobis collatorum: ſtatui enim longe ampliora de novo propediem in vos,

conferre, puta per Chriſtum, & in Eccleſia Chriſti, inquit S. Hieronymus, Procopius, Forerius & Sanchez. Kuſſus enim, ut olim ſub Moyſe,

V. 19. PONAM IN DESERTO VIAM, id est per Gentilium deſerta prius corda & invia viam apertam ad terram promiſſam, non Palæſtinæ, ſed caeli: neque *mare rubrum* aut ſolitudinem *Sin*, duce columna nubis & ignis, ſed per omnia dæmonum obſtacula duce Chriſto & Spiritu ſancto: quo *flumina* erumpent gratiarum & benedictorum ſpiritualium, quæ deſertum illud ſic humectabunt, ut quemadmodum olim ſub Moyſe, aquis & rupeſcaturientibus,

V. 20. DRACONES, STRUTHIONES & aliz *beſtiae* AGRI ſitim illic ſuam reſtinguebant, ſeque oblectabant: ita nunc gentes barbaræ, & ſcitate draconibus & ſtruthionibus ſimiles, ex his fontibus haurire poſſint quicquid, ſeu ad ſalutem, ſeu ad oblectationem exoptarint: ob tantas delicias me *glorificantes*, & gratias perpetuo agentes: ita S. Hieronymus & Abulenſis k; qui addit, aquis Moſaïcis e petra exculſis, perpetuo deinceps fluentibus Arabiam ante aridam & ſterilem, redditam proſperis ſecundam & habitabilem. Simili etiam modo regiones Gentilium ſecundatæ ſunt per fidem & gratiam Chriſti, inquit S. Gregorius l. Hic Deo obſtrepunt Iudæi. Vocas, inquit, Gentes, ut laudent & ſerviant tibi: cur nos deſeris & ſpernis qui continuo te laudamus, tibi ſacrificamus & ſervimus? Reſpondet Deus, negando hæc illos facere.

V. 22. NON ME INVOCASTI, ſed ad iram provocasti, o IACOB: non LABORASTI IN ME colendo vel laudando; ſed vituperando & offendendo: ita S. Hieronymus, Procopius, & alii.

V. 23. NON MIHI honorando vel *glorificando* OBTULISTI VICTIMAS TUAS, ſed propriæ tæx laudi & commodis conſulendo. Unde NON TE SERVIRE FECI in cuiuſmodi OBLATIONE, NEC LABOREM TIBI PRAEBUI IN THURE ſic adolendo; id est, nil tale tibi præſcripſi vel expecti a te. Potius ut ingrata & exofa deſector & execror.

V. 24. CALAMUM aromaticum, id est canellam, inquit Forerius, EMISTI ARGENTO, ſed NON MIHI, qui tali odore

non

non oblector, sed corde religioso & a seculis puro. ADIPE VICTIMARUM te INEBRIASTI, sed non me, qui externa sacrificia sine interno mentis obsequio neque rata, neque grata habeo. Quin potius, o te ingratum, immo perfidum! tu me tibi SERVIRE & laborare fecisti cum PECCATIS TUIS: primo, illis mihi ob oculos impudenter statuendis & ostentandis, ut LXX. insinuant: secundo, illis ferendis, & quasi contra divinam iustitiam meam ne mox plectantur, tutandis, inquit S. Hieronymus: tertio, illis ope & concursu meo vobiscum quasi produendis. Nam licet Dei concursus ad scelera hominum ex se determinatus non sit, neque ea intentione illis detur; adest tamen promptus paratusque ad illorum arbitrium, optans ex se ad bona impendi, sinens tamen etiam ad mala, sed invitum trahi. Et hoc exprobat hic impiis Iudaeis, quod non sinerent se suo iurisdictionis illorum & menti dominari; sed ipsi Deum, ac si servus illorum & mancipium esset, egerent impio suo nutui vel invitum deservire: quarto denique illis expiandis & delendis: in quem finem destinavit unigenitum meum, qui humanam servitutem indutus, tot annorum labore & dolore, ac demum probrosissima morte liberet vos a peccato, a diabolo, ab inferno: ita Lactantius m., & Leo Castrus. Sed hoc feci

V. 25. PROPTER ME; id est, propter immensam meam misericordiam, merumque amorem, non ob victimas vestras: sed nec ob merita patrum vestrorum, inquit Origenes n.

V. 26. REDUC ME IN MEMORIAM; id est, fac mihi in mentem veniant, si quae habes, aut proferre potes merita, seu tua, seu tuorum parentum, ob quae putas me debere tibi tua scelera ignoscere, vel per filium meum expiare.

V. 27. PATER TUUS PRIMUS, Adam, item Abraham (in iuventute o idololatra) & si quem alium iactes, peccavit in me. Quin ET INTERPRETES TUI, Moyses & Aaron, qui sequestri & internuntii fuerunt in me & te, PRAEVARICATI SUNT IN ME apud aquas p. Contradictionis. Unde & hos

V. 28. PRINCIPES TAM SANCTOS CONTAMINAVI, id est ostendi contaminatos esse peccato, & reos mortis pronuntiavi, & in Bib. Sac. Tom. XVII.

deserto mori coegi. Quod vero ad reliquos parentes vestros attinet, qui tunc una cum Moysē & Aaron erant in deserto, omnes ob ingratitudinem, ob murmur, ob rebellionem suam, DEDI AD g. INTERNECTIONEM, id est damnavi ad mortem obundant in deserto: totumque Israel non tunc solum, sed & postea tempore Iudicum, dedi hostibus IN BLASPHEMIAM; seu in opprobrium, ut vertunt LXX. & Chald. Quo igitur pacto parentes tui te suo merito iustificent, qui ipsimet ob sua crimina morte damnati sunt? Omnes peccaverunt, & egent gloria r ac misericordia Dei & gratia Christi. Hanc amplexi sunt Gentiles, hanc & vos Iudaei amplectimini; & pari iure utroque pari affectu, pari amore complectar: ita S. Hieronymus & alii Patres.

- (a) Genes. xxv. 31.
- (b) Genes. xviii. 18.
- (c) Plato in Cratyl.
- (d) Exod. xix. 5. & l. Pet. ii.
- (e) Genes. xxi. v. 31.
- (f) Exod. xiv. 22.
- (g) Iosue xii. 15.
- (h) Zacharias ii. 6.
- (i) Psal. Lib. l. de Vocat. Gentium c. 112.
- (k) Abulc. in Num. xx. q. 22. 114.
- (l) Greg. Lib. XXXI. Moral. c. v.
- (m) Lact. Lib. IV. cap. x.
- (n) Orig. hom. xiii. in Gen.
- (o) Gen. xli.
- (p) Num. xx. 12.
- (q) Num. xv. 29.
- (r) Rom. viii. 27.

GORDONI.

Verf. 1. ET NUNC HAEC DICIT DOMINUS, &c. Israelcum, hoc est Ecclesiam solatur, initio commemorans quatuor beneficia, creationem, legem datam quae format, redemptionem, & vocationem.

V. 2. CUM TRANSIERIS, &c. En promissionem factam Ecclesiae, ut olim per aquas maris rubri & Iordanis, ignemque & Ur Chaldaeorum adfui; ita deinceps non tantum eum pueris in fornace Babylonica, sed etiam post aliquot saecula adero: contra tyrannorum & imperatorum ignes, & feras, ostendam protectionem meam: libri sunt pleni exemplis.

V. 3. QUIA EGO DOMINUS, &c. Narratum est cap. xvii. quomodo Deus regem Sennacherib avertit ab Ezechia in Aegypto, ut hinc haberet propitiationem E. Hh ze-

zechias; hinc, inquit Deus, concipe spem, ne timcas: maiora beneficia te manent. Sic ergo in hoc typo multa promittuntur Ecclesiae, quod satis usque ad vers. 9. explicatur.

V. 9. OMNES GENTES CONGREGATAE SUNT SIMUL, &c. Regreditur Itaias ad gentes & idola. Superiora quae iam commemoravi, faciet Dominus: iam ergo congregentur gentes in unum, & dicant idolis si quid simile habent: proferant pro se prima & praecipua; vel divinent si possunt ventura. Vos autem (v. 10.) Israelitae & principes Ecclesiae, testes estis eorum quae fecit Dominus.

V. 16. HAEC DICIT DOMINUS. Commemorat beneficia & miracula facta in mari rubro, vel aquis Iordanis. Sed expectate (ex v. 18.) nova & maiora quae fient in Ecclesia Christi; & quod v. 20. dicitur de bestiis glorificantibus Deum, intellige homines feris moribus, quos convertet gratia Christi.

V. 22. NON ME INVOCASTI IACOB, &c. Paterna vult exhortatio est ad Israelcm & Ecclesiam, habens commemorationem tum negligentiae praeteritae in cultu divino; tum bonorum quae Deus parat dare Ecclesiae; ac si diceret, Non me invocasti ut liberabas: vitiofae tuae oblationes, non laudes, sed potius opprobria fuere. Ego tales oblationes, boves sic oblatos, & calamos aromaticos non volui, nec optavi: ego non te sic servare feci, sed me potius tibi servire fecisti, gravans me tuis peccatis, ac si servus essem tuus: aspice ventura (v. 25.) non opera legis quae tu facis mihi deinceps placebunt; sed aliunde tibi salus erit: ego enim per Christum te redimam, misericors ero, & iustificabo: revoca in mentem pristinos dies, & meditare quae facturus sum, ait Dominus.

Nota v. 25. DELEO INIQUITATES TUAS. Hoc sane non est mercentia in homine peccata abscondere, aut non imputare; sed est efficere ut non sint, sicut inter homines deletur & obliatur chirographum, & obliatio diplomatis. Respondent editiones ahae Septuag. *ἰσχυρίσας*. Heb. *חָסַד מוֹכֵחַ*, *deleus*: rad. *חָסַד*, *delevit*, *abstersit*: vide cap. XLIV. 22.

V. 28. PRINCIPES SANCTOS CONTAMINAVI, &c. Ne putarent Iudaei se ob patrum merita iustificari, dixit v. 27. etiam primum patrem peccasse; sive Adamum intelligas in quo omnes peccaverunt; sive Abrahamum, qui putatur coluisse idola, antequam vocaretur a Deo, ex Iosue XXIV. 2. de qua re dixi Genes. XI. & XII. Iam vers. 28. addit se satis ostendisse principes eorum peccato contaminatos fuisse. CONTAMINAVI, hoc est, iudicio declaravi, ostendendo indignos qui ingrederentur terram promissam. Sancti vocantur, quia segregati erant ad sanctuarium Moyses, & Aaron, & alii. Septuag. *contaminaverunt*.

EX EIUSDEM AUCTARIO.

Vers. 3. DEDI PROPITIATIONEM. Sicut ad liberandum Ezechiam ab hoste Sennacherib, Deus obtrusit Aegyptum & Aethiopiam; has, inquam, & alias nationes obiecit hosti velut in propitiationem, quo modo advocatus est hosti: ita plane erit de Ecclesia quando Deus gentes perdet, ut consulat Ecclesiae.

Vers. 18. NE MEMINERITIS. Post recensita vetera quae Deus egit, nunc est ad nova transitio.

Vers. 22. NON ME INVOCASTI. Haec de cultu & sacrificiis: non sunt facta, ut oportuit.



C A P U T XLIV.

Deus consolatur populum suum, effusus super eum spiritum suum, & aquas super sitientem: ipse primus & novissimus ac solus Deus, omnium creator ac moderator: idolorum quoque, artificum eorum ac idololatrarum magna vanitas, immo stupor aperte convincitur: proinde ab idolis ad Deum, in cuius manu sunt omnia, populus revocatur.

1. **B**T nunc audi Jacob serve meus, & (a) Israel quem elegi: 2. Hæc dicit Dominus faciens & formans te, ab utero auxiliator tuus: noli timere serve meus Jacob, & recitissime, quem elegi. 3. Effundam enim aquas super sitientem, & fluenta super aridam: effundam spiritum meum super semen tuum, & benedictionem meam super stirpem tuam. 4. Et germinabunt inter herbas, quasi salices iuxta præterfluentes aquas. 5. Iste dicet: Domini ego sum: & ille vocabit in nomine Jacob: & hic scribet manu sua: Domino: & in nomine Israel assimilabitur. 6. (b) Hæc dicit Dominus rex Israel, & redemptor eius Dominus exercituum: Ego primus, & ego novissimus, & absque me non est Deus. 7. Quis similis mei? vocet, & annuntiet: & ordinem exponat mihi, ex quo constitui populum antiquum: ventura & quæ futura sunt annuntient eis. 8. Nolite timere, neque conturbemini: ex tunc audire te feci, & annuntiavi: vos estis testes mei, numquid est Deus absque me, & formator quem ego non noverim? 9. Plastera idoli omnes nihil sunt, & amantissima eorum non proderunt eis: ipsi sunt testes eorum, quia non vident, neque intelligunt, ut confundantur. 10. Quis formavit Deum, & sculptile constavit ad nihil utile? 11. Ecce omnes participes eius confundentur: fabri enim sunt ex hominibus: convenient omnes, stabunt & pavent, & confundentur simul. 12. (c) Faber ferrarius lima operatus est: in prunis, & in malleis formavit illud, & operatus est in brachio fortitudinis suæ: esuriet & deficiet, non bibet aquam, & lassescet. 13. Artifex lignarius extendit normam, formavit illud in runcina: fecit illud in angularibus, & in circino tornavit illud: & fecit imaginem viri quasi speciosum hominem habitantem in domo. 14. Succidit cedros, tulit illicem; & quercum, quæ steterat inter ligna saltus: plantavit pinum, quam pluvia nutrit. 15. Et facta est hominibus in focum: sumpsit ex eis, & calefactus est: & succendit, & coxit panes: de reliquo autem operatus est deum, & adoravit: fecit sculptile, & curvatus est ante illud. 16. Medium eius combussit igni, & de medio eius carnes comedit: coxit pulmentum, & saturatus est, & calefactus est, & dixit: Vah, calefactus sum, vidi focum. 17. Reliquum autem eius deum fecit & sculptile sibi: curvatur ante illud, & adorat illud, & obsecrat, dicens: Libera me, quia Deus meus es tu. 18. Nescierunt, neque intellexerunt: obliiti enim sunt ne videant oculi eorum, & ne intelligant corde suo. 19. Non recogitant in mente sua, neque cognoscunt, neque sentiunt, ut dicant: Me-

H h 2

die.

dietatem eius combussi igni, & coxi super carbones eius panes: coxi carnes & comedi, & de reliquo eius idolum faciam? ante truncum ligni procidam? 20. Pars eius cinis est: cor insipiens adoravit illud, & non liberabit animam suam, neque dicet: Forte mendacium est in dextera mea. 21. Memento hominum Iacob, & Israel, quoniam servus meus es tu: formavi te, servus meus es tu Israel, ne obliviscaris mei. 22. Delevi ut nubem iniquitates tuas, & quasi nebulam peccata tua: revertere ad me, quoniam redemi te. 23. † Laudate cæli, quoniam misericordiam fecit Dominus: iubilare extrema terræ, resonare montes laudationem, saltus & omne lignum eius: quoniam redemit Dominus Iacob, & Israel gloriabitur. 24. Hæc dicit Dominus redemptor tuus, & formator tuus ex utero: Ego sum Dominus, faciens omnia, extendens cælos solus, stabiliens terram, & nullus mecum. 25. Irrita faciens signa divinorum, & ariolos in furorem vertens. Convertens sapientes retrorsum: & scientiam eorum stultam faciens. 26. Suscitans verbum servi sui, & consilium nuntiorum suorum complens. Qui dico Ierusalem: Habitaberis; & civitatibus Iuda: AEdificabimini, & deserta eius suscitabo. 27. Qui dico profundo: Desolare, & flumina tua arefaciam. 28. Qui dico: Cyro: Pastor meus es, & omnem voluntatem meam complebis. Qui dico Ierusalem: AEdificaberis; & templo: Fundaberis.

(a) Ier. xxx. 10. & xlvii. 27. (b) Sup. xli. 4. Inf. xlviii. 12. Apoc. vi. 18. & xxi. 13.
(c) Sup. xlii. 21.

B R U G E N S I S

ROMANA CORRECTIO.

V. 16. *Et de medio eius carnes comedit.* Quod multi codices addunt *coxit* & *ante comedit*, superfluum est.

LECTIONUM VARIETAS.

Verf. 23. *Laudate celi quoniam misericordiam fecit Dominus.* Multi antiqui libri, Hebræo similiter, omittunt *misericordiam*: quod tamen supplet Græcus & Chaldaeus.

NOTATIONES.

Verf. 16. **E**T de medio eius carnes comedit: coxit pulmentum, & saturatus est. Coniunctionem quæ in huius partis capite est, auferunt antiqui libri: quam etiam Hebræa, Chaldaeaque transducunt. Complures codices cum Hugone Carenfi addunt *coxit* & de medio eius coxit, & comedit: (& o.) coxit pulmentum &c. Quidam unus calamo, tres typis exarati transponunt *coxit*, quod præponitur pulmento, & comedit, quod postponitur carnibus, hoc modo:

de medio eius carnes coxit, comedit pulmentum. Hinc autem facta est, & illa additio, & hæc transpositio, quod absurde dici videretur, quemquam de ligno carnes comedere; recte autem de ligno carnes coquere. Atqui emendatiora exemplaria cum nostra, tum Hentenii, Parisiensium, Epanorthotæ, & Dominicanorum scribunt: De medio eius carnes comedit: coxit pulmentum &c. quibus Hieronymi textus, Richelii commentarius, & Hebræici, ac Chaldaici libri suffragantur. Richelii commentarius hunc ad modum habet: „ Et de medio eius carnes comedit, id est, carnes „ coctas per ignem constructum ex media „ parte ligni: vel de medio cuius carnes co- „ medit, id est, unam partem ligni vendidit, & cum pecunia illa carnes emit, & comedit. Porro illud coxit &c, quod multis codicibus additur, sumptum est ex versu huius capituli 19. quo eis quæ hoc versu similia leguntur, inter quæ sunt hæc: *Et coxi super carbones eius panes: coxi carnes & comedi.* Quo ex loco longe plura Græcis antigraphis, 16. versu adiecta sunt: sic enim habent pleuraque, 16. versu: *ἔφα' τῷ ἰσραὴλ ἀντὶ ἰσραὴλ (ἰσραὴλ ο. -- R.) ἔστ' ἀντὶ ἀντὶ ἀντὶ, ἔστ' ἀντὶ ἀντὶ ἀντὶ (ἀντὶ ἀντὶ ἀντὶ Vatic.) ἀντὶ ἀντὶ ἀντὶ (ἰσραὴλ*

vi. R.) הַיִּמְיָנוֹת. Et super medio eius coxit in carbonibus panes, & super illo carnem comedit postquam coxit (postquam coxit comedit Vatic.) coxit coctum, & repletus est. Adiectum est inde in primis illud יִמְיָנוֹת לֵב רֵץ; אֲדִיִּיִּי אֲרָץ, additumque est הַיִּמְיָנוֹת; ea quæ Complutensis, & Regia editiones tollunt. Tum adiectum est inde אֲרָץ quod in Vaticano quidem codice ante

אֲרָץ scribitur, ut 19. versu; in aliis post. Complutensis, & Regiæ editionibus אֲרָץ legitur pro אֲרָץ: utrumque significat coquere, sed in particulari illud quidem liare; hoc autem assare. Quare quod sequitur אֲרָץ אֲרָץ, recte veritas assavit assatum; quo modo recentiores ex Hebræo vertunt, pro eo quod noster dixit coxit pulmentum.

COMMENTARIA

MALDONATI.

Vers. 1. **ET** NUNC; id est, cum & tu & patres tui omnes peccaveritis, convertimini ad me tandem aliquando.

V. 2. FACIENS ET FORMANS TE. Heb. coniunguntur hæc cum sequentibus, FORMANS TE AB UTERO: postsequitur יַעֲרֵךְ, auxiliabitur tibi, intellecto relativo, אֲשֶׁר, qui. RECTISSIME שָׁרִיף, o recte, id est quem eligendo rectum feci: Elegit enim nos ut essemus sancti & immaculati: Ephes. 1. 4. Vel, o recte, id esto delecte, licenim loquuntur Hebræi, ut Deut. xxxii. 15.

V. 3. EFFUNDAM ENIM AQUAS; id est, Spiritus sancti dona largiter impertiar: hanc enim vim habet verbum effundendi, ut Isai. ii. 28. & Act. ii. 17. Effundam de Spiritu meo super omnem carnem, & prophetabunt filii vestri & filie vestra. Potest etiam intelligi de rebus ad vitam necessariis: nam quas hic vocat aquas, paulo post vocat spiritum, & benedictionem. SITIENTEM autem, & ARIDAM vocat homines maxime indigentes opis Dei, ut Psal. xli. 3. Sitivit anima mea ad Deum fontem vivum: & Psal. lxii. 2. Sitivit in se anima mea: & Psal. cxlii. 6. Anima mea sicut terra sine aqua tibi. SUPER STIPEM TUAM: עַל צִמְצָמֶיךָ, super germina tua, id est super posteros tuos.

V. 4. ET GERMINABUNT INTER HERBAS: כִּכְיִן חֲצִיר, inter herbam, id est sicut herba. ET QUASI SALICES IUXTA PRÆTERFLUENTES AQUAS: עַל יְבֵלֵי טִים, iuxta fluentia aquarum; id est, omnia illis prospere succedent. Psal. 1. 3. Et erit tamquam lignum quod plantatum est secus decursus aquarum. Similis sententia est apud Hierem. cap. xvii. 8.

V. 5. ISTE DICIT, DOMINI EGO SUM; id

est, unus confitebitur verum Deum. ET ILLE, id est alter, VOCABIT IN NOMINE IACOB (se) id est, profitebitur se esse ex semine Iacob, appellabitur fidelis sicut Iacob. ET HIC SCRIBIT; id est, alius vero ascribit nomen suum in catalogum credentium in Deum. ET IN NOMINE ISRAEL ASSIMILABITUR, יִכְנֶה, cognominabit se, id est gloriabitur nomine Israelitæ, non secundum carnem, sed secundum spiritum: Non enim omnes qui ex Israel, ii sunt Israelitæ: Rom. ix. 6. Itaque sensus est, fore ut certatim omnes ad Ecclesiam veniant: hæc enim est vis huius distributionis, Iste, ille, hic.

V. 6. EGO PRIMUS: vide supra xli. 4.

V. 7. VOCET ET ANNUNTiet; id est, clara voce annuntiet, ET ORDINEM EXPONAT MIHI: יַעֲרֵכֵה לִי, ordines mihi; id est, ordine mihi exponat, textat mihi seriem rerum omnium, quæ acciderunt, ex quo constituit populum antiquum; id est, ex quo tempore condidi primos homines. VENTURA ET QUÆ FUTURA SUNT ANNUNTIENT (idola) EIS, id est cultoribus suis. Relativum sine antecedente: ex cognitione præteritarum & futurarum rerum probat divinitatem: ut sup. xli. 22.

V. 8. NOLITE TIMERE; id est, cum ego sim. Deus vester, qui hæc omnia fecerim, non est quod me protectore timeatis. EX TUNC AUDIRE TE FECI; id est, iam olim exposui tibi per Moysen originem mundi & primorum hominum, unde potes cognoscere me esse Deum. Opponit se idolis, quæ dixerat neque futura neque præterita nuntiari posse. VOS ESTIS TESTES MEI, id est divinitatis meæ, quia audistis quæ prædixi vobis. NUMQUID EST DEUS PRÆTER ME, id est vos scitis non esse. ET FORMATOR: יָצַר, fortis, id est Deus: sic enim vocant Hebræi. Noster autem Interpres

pres videtur legisse, *יצר formator*, id est creator. QUEM EGO NON NOVERIM; id est, vos mihi ostendite, si quis fortasse alius Deus est, quem ego ignorem: ego enim neminem prae me novi.

V. 9. PLASTAE, id est fictores, fabricatores idoli. Sing. pro plur. NIHIL SUNT: *והוּא, vanitas sunt*; id est, nullam rationem habent, quia suam idololatricam tueantur: itaque facillime vanitatis arguantur: vel, *vani sunt*; id est, perdunt operam suam in faciendis idolis, quia faciunt sibi deos, qui non possunt eos iuvare, ut statim explicat.

ET AMANTISSIMA EORUM; id est, idola quae illi maxime amant, NON PRODERUNT EIS. IPSI (cultores idolorum) SUNT TESTES EORUM, id est quod non sint dii, quia non vident, neque intelligunt (idola: Psal. cxiii. 5. & cxxxiv. 16.) sicut vos testes estis, quod ego sim Deus. UT CONFUNDANTUR: *לפני כיסור, propterea confundentur*, (ipsi cultores) quia spem ponunt in idolis, quae nihil illis professe possunt. Hoc enim est confundi apud Hebraeos, ut saepe diximus, fide falli.

V. 10. QUIS FORMAVIT DEUM; id est, quis adeo infans fuit, ut idola primus fabricaverit, quae nihil professe possent. Incipit idolorum originem explicare.

V. 11. ECCE OMNES PARTICIPES EIUS (idoli) id est, omnes qui manum admovent, ut idolum fabricarent, CONFUNDENTUR, vel, *כל חבריו, omnes socii eius* (artificis qui idola fabricatur) quasi dicat: Et artifices idolorum, & eorum ministri confundentur. CONVENIENT ENIM OMNES; id est, quamvis omnes congregentur, & in una quodam modo aie stent ut se defendant; pavebunt & confundentur, quia eorum idola nullum ipsis auxilium ferre poterunt.

V. 12. FABER FERRARIUS LIMA OPERATUS EST (idolum.) Alii ex R. David, *fecit*: quod instrumentum minus convenit fabro ferrario, quam lima. IN PRUNIS. Heb. *prunis & malleis*, aut cum *prunis & malleis* FORMAVIT ILLUD. ET OPERATUS EST IN BRACHIO FORTITUDINIS SUAE, id est brachio forti suo, totis suis viribus. ESURIET ET DEFICIET. Heb. *סורעק ולא כח, etiam famescens usque ad virum defectum*; quasi dicat: Tanta aviditate idola constat, ut neque famem neque laborem sentiat.

V. 13. ARTIFEX LIGNARIUS EXTENDIT NORMAM: *regulam, lineam* וק. INRUNCINA: *בשרר, cum filo phoenicio*, ut interpretatur R. David. Significat enim *שרר filum* phoenicio colore tinctum, quo fabri lignarii solent dolanda ligna designare. IN ANGULARIBUS, id est ductis prius angulis: *בספצות, dolabris*. INCIRCINO TORNAVIT: *יתארו, figuravit illud*.

V. 14. SUCCIDIT CEDROS. Heb. *לכרת לו ארזים, ad succidendas sibi cedros* (ivit in sylvam.) INTER LIGNA sylvæ. Heb. *והאסן בעצי יער, ad verbum, corroloravit sibi inter ligna sylvæ*; quasi dicat: Delegit sibi magnam copiam optimorum lignorum inter ligna sylvæ. Gall. *Il se fournit de tous les meilleurs bois*. PLANTAVIT PINUM, QUAM PLUVIA (ablativus) id est quam rigando NUTRIVIT. Declarat enim infanum laborem, & sollicitudinem idololatrarum, qui longo ante tempore, ut idola facerent, pinos plantabant, rigabant, caedebant, nullique labori parebant.

V. 15. SUCCENDIT (furnum) sicut Hispanice, *Caleñar*, id est calefacere: absolute positum aliquando significat, calefacere furnum. DE RELIQUO AUTEM; id est, de eo, quod inutile erat ad alios usus, Deum fecit, ut apparat eius stultitia.

V. 16. COMEDIT PULMENTUM. Heb. *אכל, affavit affaturam*.

V. 18. NESCIERUNT NEQUE INTELLERUNT; id est, stulte & insipienter egerunt idolorum fabricatores. OBLITI ENIM SUNT. Obliti legendum est accentu in prima syllaba a verbo *oblino*, non ab *obliviscor*, ut ex verbo Hebraico *נחש* perspicuum est, quod significat *oblinere*. Est autem hoc loco *נחש* singularis numeri, *oblivit*. Itaque intelligendus est nominativus. Unusquisque eorum oblivit oculos (suos) ne videat, & cor suum ne intelligat; id est, *Noluit intelligere ut bene ageret*: Psal. xxxv. 4. vel, ut alii putant, intelligendus est nominativus, Deus; quasi dicat: Deus excæcavit oculos eorum, ne videant, & corda eorum, ne intelligant.

V. 19. NON RECOGITANT IN MENTE SUA. Heb. *והם ישיב אל לבו, & non induxit in animum, & non est* (illi) scientia, neque intelligentia, ut dicat, ANTE TRUNCUM LIGNI; id est, truncum ligni adorabo?

V. 20. PARS EIUS (ligni aut idoli) CR-

NIS EST. In cinerem conversa per ignem; & tamen adeo insipienti corde est idololatra, ut cum videret unam partem in cinerem redactam, alteram adoret. Ita etiam interpretatur est Chaldaus Paraphrastes. Hebraei vero aliter legunt, *למה, posuit cinerem*; id est, frustra laboravit ut faceret idolum, quia non liberabit animam eius. Pascere ventum dicunt Hebraei, pro, frustra laborare, ut Prov. x. & Osce xii. 1. Pascere autem cinerem nusquam legi: quare suspicor nostrum Interpretem, & Chaldaum Paraphrastem legisse, *למה, faciens eius*; id est, altera pars eius cinis est, quemadmodum verterunt. COR INSIPIENS ADORAVIT ILLUD. Melius mihi videtur noster Interpres sensum expressisse, quam hebraizantes, qui quod Hebraice legimus, *כל הוהל הוהל*, interpretantur nimis ad verbum: *Cor seductum inclinavit illum* (idololatrā) id est, errare fecit. Malim sic exponere, *Cor seductum*; id est, homo corde seducto, inclinavit se ad illud (lignum) id est adoravit illud. NEQUE DICET, forte. Heb. *הלא, an non mendacium est in dextera eius*; id est, non consideravit an frustra laboraverit dextera sua, quodque nullum fructum attulerit labor dexterae suae quod idolum fecit, ut sup. cap. xxviii. 15. *Posuimus mendacium spem nostram*: & Heb. iii. 17. *Mentietur opus olivae*; id est, frustra olivae colentur, non enim fructum ferrent.

V. 21. MEMENTO HORUM, id est eorum omnium quae dixi, maxime vero, quod nullus sit Deus praeter me. FORMAVITE; id est, feci te populum mihi peculiarem, aut regnavi te spiritualiter, ut supra cap. xliii. 1. & ad Ephes. ii. 10. NE OBLIVISCARIS MEI. Alii secuti puncta quae nunc Hebraice leguntur, *למה, interpretantur* passive, non traderis a me oblivioni.

V. 22. DELEVI UT NUBEM INIQUITATES TUAS, id est facile, ut nihil culpae remaneat, nam poenam quidem remissa culpa saepe remanere, multis exemplis Scripturae discimus. Ponuntur autem praeterita, *delevi*, & *redemi*, pro, *delebo*, & *redimam*. Invitat enim illum ut ad se revertatur.

V. 23. LAUDATE CAELI. Invitat per propitiā res omnes ad collaudandum Deum ob singulare beneficium redemptionis per Christum collatum. QUONIAM MI-

SERICORDIAM FECIT DOMINUS. Praet. pro fut. Hebraice absolute ponitur verbum, *עשה, fecit*, sine ullo accusativo: sed noster Interpres exprestit quod intelligebatur. IUBILATE EXTREMA TERRAE: *תחתית הארץ, inferiores partes terrae*; quasi dicat, Et summae partes caeli, & infimae partes terrae. QUONIAM REDEMISTIS: quoniam redimet. ET ISRAEL: *וישראל יתפאר, & in Israel glorietur*; (passive id est, in redimendo Israel gloriam suam declarabit, ut dixit Christus, Ioan. xvii. 1. *Pater venit hora, clarifica filium tuum*).

V. 25. ET ARIOSI IN FUREM REVERTENS, id est ostendens esse infanos. CONVERTENS SAPIENTES RETROSUM; id est, faciens ut consilia sapientum non consequantur suum effectum, sed contra res accidant, quam illi putaverant. ET SCIENTIAM EORUM STULTAM FACIENS, id est ostendens esse stultitiam: *Sapientia enim huius mundi, stultitia est apud Deum*: I. Cor. iii. 19. & I. Cor. i. 20. *Nonne stultam fecit Deus sapientiam huius mundi*.

V. 26. SUSCITANS VERBUM SERVI SUI; id est, faciens ut eveniat, quidquid servus suus dixit; id est, quidquid Prophetae prae-dixerunt: sing. pro plural. ET CONSILIUM NUNTIORUM SUORUM COMPLENS; id est, perficiens quae Prophetae consulti praenuntiaverunt. QUI DICO IERUSALEM, HABITABERIS; id est, qui promitto ea quae videntur fieri non posse, & praesto. Videtur enim fieri non posse, ut civitas funditus deleta iterum habitetur. Id autem mystice de Ecclesia intelligi debet, fore ut cum Ecclesia videbitur in summas angustias redacta, tunc crescat maxime.

V. 27. QUI DICO PROFUNDO; id est, qui solo iussu profundissimas aquas arefacio; id est, qui facio quaecumque videntur fieri non posse.

V. 28. QUI DICO CYRO; qui facio Cyrum hominem profanum pastorem populi mei, ut eum in patriam suam ex Babylone reducat, qui etiam inimicorum meorum opera uti scio ad liberandum populum meum. Intelligitur hic locus ex initio sequentis cap. & ex Lib. I. Esdræ, cap. 1. ET TEMPIO: FUNDABERIS. Post captivitatem Babylonicam, Aggæi ii. 4. viii. 10.

S A.

Vers. 2. **R**ECTISSIME. Chald. & LXX. *Israel.*

V. 3. SITIENTEM, id est aridam, scilicet gentilitatem. SEMEN TUUM. Chald. *filios tuos.* STIRPEM TUAM. Chald. *filios filiorum tuorum.*

V. 4. INTER; pro, ut inter.

V. 5. VOCABIT, scilicet se; quasi dicat, Dicit se Israelitam, id est Christianum. DOMINO, scilicet servio; quasi dicat, Domini sum. ASSIMILABITUR, id est cognominabitur, scilicet Israelita, id est Christianus.

V. 6. ABSQUE ME, id est prater me.

V. 7. VOCET, id est dicat clare. ANNUNTIET, scilicet futura. ORDINEM, scilicet futurorum. ANTIQUUM, scilicet docui neminem de futuris. Dii ergo gentium ventura, &c.

V. 8. ANNUNTIAVI, scilicet futura. TESTES, scilicet huius rei. QUEM EGO NON NOVERIM, scilicet nihil posse sine me, Chald. *qui a me non sit data fortitudo.*

V. 9. AMANTISSIMA, id est dilecta simulacra. CONFUNDANTUR, id est merito confundi debent.

V. 10. QUIS, scilicet nisi demens aliquis; quasi dicat: Quae insania est Deum formare?

V. 11. PARTICIPES EIUS. Chald. *cultores eorum.* CONFUNDENTUR, scilicet die iudicii, vel ubi errorem intellexerint per Evangelium.

V. 13. RUNCINA: vulgo *planula* dicitur, qua fabri tabulas lavigant. Chald. *perpendiculo.* ANGULARIBUS: videtur significari instrumentum triangulare fabrorum. Chald. *dolabra.* TORNAVIT. Chald. *formavit.* LXX. *regulavit.*

V. 16. VAH. LXX. *dulce mihi.* FOCUM. Chald. *ignem.*

V. 18. OBLITI, id est illiti re aliqua visum impediante. Chald. *obturati.* LXX. *obtenebrati.*

V. 20. LIBERABIT, scilicet errore. DEXTERA, id est opera dextere, scilicet idolo.

V. 21. SERVUS, scilicet iure creationis.

V. 23. FECIT, scilicet redemptionem.

ISRAEL. Chald. *in Israel.* GLORIASITUR. Chald. *laudabitur.* LXX. *glorificabitur.*

V. 25. VERTENS; quasi dicat, Ostendens esse insanos. CONVERTENS, &c. quasi dicat, Faciens frustrari eorum opera. STULTAM, scilicet apparere.

V. 26. SUSCITANS, id est implens. LXX. *flatuens.* SUSCITABO. Chald. *inflaturabo.*

V. 27. PROFUNDO. Chald. *Babyloni.* LXX. *abyssus.*

V. 28. PASTOR MEUS ES; quasi dicat: Tu reduces populum meum, ut solet pastor gregem. Chald. *dandum ei Regnum.* LXX. *ut sapiat.*

E S T I I.

Vers. 15. **E**T FACTA EST HOMINIBUS IN FOCUM, DE RELIQUO AUTEM OPERATUS EST DEUM. Et rursum *vers. 17.* RELIQUUM AUTEM EIUS DEUM FECIT, ET SCULPTILE SIBI. CURVATUR ANTE ILLUD ET OBSECRA DICENS: LIBERA ME, QUIA DEUS MEUS ES TU. Quae hic dicuntur de idolis gentium a Propheta, ea ab Iconomachis nostri temporis, nominatim Io. Oecolampadio, & Cont. Pellicano, utroque apostata monacho, detorquentur ad imagines Christianorum. Hinc quoque dicunt illi, ethnicos non usque adeo fuisse crassos, & stupidos, ut lapides & ligna pro diis colerent, sed eodem modo idola sua coluisse, ut christiani colunt suas imagines. Sed respondeo, falsum esse assumptum: dicimusque idololatrias fuisse in triplici differentia. Qui rudiores erant, ipsa simulacra aurea & argentea deos putaverunt; ut patet hoc loco & alibi. Alii paulo intelligentiores, non quidem ipsa simulacra deos putabant, sed tamen iis adstiteri vel inesse divinam quamdam virtutem existimabant. Qui denique inter ethnicos cordatissimi videri voluerunt, simulacra tantum, ut simulacra honoranda duxerunt, hoc est, ut imagines, Iovem, Martem & alios representantes. Sed Christiani colentes, vel venerantes imagines, nullis horum possunt assimilari. Non primis; nam nemo sanæ mentis dicit ullum Christianum tam esse stupidum. Non secundis; nam Christiani nullam vim divinam putant inesse ipsis imaginibus, sed tantum venerantur eas, tamquam illorum imagines, per quas ipsis gratia eorum recordatio & communio in mem-

mo-

memoriam revocetur. In tertiis autem illud discrimen est, quod illi in simulacris suis illos colebant pro diis, qui tantum homines fuerant; Christiani autem in imagine Christi, verum Deum colunt; in imaginibus autem Sanctorum sanctos quidem, non tamen ut Deos, sed secundo modo iam dicto. Et de hoc tertio discrimine sic quoque August. Quid enim, inquit, interit ad errorem, sive Iovem, sive Iovis statuum quis colat, cum utroque modo honor Dei transferatur in creaturam? Hæc ille. Sed non sic apud nos.

V. 28. QUI DICO CYRO, PASTOR MEUS ES; ET OMNEM VOLUNTATEM MEAM COMPLEBIS. Sensus est: Qui Cyrum regem constituo, pastorem populi mei, cuius videlicet curam habebit, sicut pastor ovium suarum. Admiratione dignum est, quod hic Propheta, nomine suo Cyrum appellet, regem Persarum & Medorum, qui multo post natus erat, nimirum post annos centum quinquaginta, aut circiter, idque non in Iudæa, sed in gente remotissima. Porro cum subdit de eodem Cyro, *Et omnem voluntatem meam complebis*, non de voluntate signi loquitur, ut alibi in laudem Caleb & Iosue dicitur, sed de voluntate beneplaciti sui. Sensus enim est: Quæ promitto & facere dispono, circa populum meum & captivitate liberandum, & in terram suam reducendum, deque templo & civitate eius restituenda, illa omnia Cyrus implebit; id est, ea per Cyrum implebo. Non ergo hinc recte quis collegerit, quod Cyrus Deo placuerit, tamquam implens voluntatem Dei: nam & per malos sæpe suam implet voluntatem Deus, malis aliud cogitantibus, vel prava etiam intentione rem gerentibus: nam & de Iudæis Christi persecutoribus dicitur Act. xiii. quod voces Prophetarum, quæ de Christo erant, impleverunt, & consummarunt.

MARIANAE.

Vers. 1. ED NUNC AUDI IACOB. Rursus consolatur veros Israelitas, & in idola invehitur.

V. 2. ET RECTISSIME, QUEM ELEGI. Chald. *Et Israel, quem elegi*. Rectum vocat Israel, quia Deum recto cultu colebat.

Bib. Sac. Tom. XVII.

V. 3. SUPER SITIENTEM, scilicet terram. SUPER SEMEN TUUM, id est filios tuos, posteros. SUPER STIRPEM TUAM. Heb. *super germina tua*, id est filios & posteros effundam aquas & spiritum meum. Per aquas & spiritum intelligit dona cælestia, & opem, quam suis contulit Deus.

V. 4. ET GERMINABUNT INTER HERBAS filii tui; id est, sic inter herbas germinabunt, sicut quod seminatur in locis herbidis, id est locis humidis & pinguibus; ibi enim herbe & scænum nascuntur. Per herbam scænum intellige. QUASI SALICES IUXTA PRAETERFLUENTES AQUAS. Heb. *iuxta rivus aquarum*. Salices ad rivos crescunt.

V. 5. ISTE DICET: DOMINI EGO SUM. Tanta erit felicitas Israel, ut externi certatim se Dei esse, & ex genere Jacob contendunt. ET HIC SCRIBET MANU SUA: DOMINO; id est, manu exteriori notam feret scriptam, quæ id significat se Domini esse. ET IN NOMINE ISRAEL ASSIMILABITUR, cognominabit, scilicet se: dicit se Iudæum esse. Sic felicitus contingit, multi se esse cognatos dicunt eorum.

V. 7. VOCET; id est, clara voce dicat, protestetur se esse Deum mihi similem. ET ANNUNTIET. Heb. *annuntiet illud*, quod scilicet iam præterit. ET ORDINEM EXPONAT MIHI. Heb. *exponat illud mihi*. Ex quo constituitur populum antiquum. Heb. *populum sæculi*, id est ex quo tempore creavi homines, dicat quæ tunc contigere. Deinde etiam futura nuntiet. Quod si non possunt, quid se esse deos mentiantur.

V. 8. NOLITE TIMERE, NEQUE CONTURBEMINI, neque paveatis, scilicet idola. Ex tunc AUDIRE TE FEI; id est, iam olim nuntiavi vobis tum præterita, tum futura. Vos id verum esse scitis, vobis testimonium dico, non esse Deum alium præter me. ET FORMATOR, id est Deus, scilicet est alius? Heb. *petra*. Sed per petram sæpe Deum intelligit.

V. 9. PLASTAE IDOLI, id est formatores, artifices idoli nihil sunt. ET AMANTISSIMA, id est idola non proderunt. IPSI SUNT TESTES EORUM. Ipsi falsi dei & idola testes sunt, testantur se non esse deos, quia non vident, & non cognoscunt quidquam. UT CONFUNDANTUR, pudeant scilicet eorum cultores.

V. 10. **QUIS FORMAVIT DEUM**; pro, formare audeat, scilicet nisi demens. **CONFLAVIT**; pro, conflare audeat.

V. 11. **ECCE OMNES PARTICIPES EIUS**. Heb. *focii eius*, scilicet formatoris idoli aut idoli ipsius socii, id est cultores pudent. **FABRI ENIM SUNT EX HOMINIBUS**, id est homines sunt, non Angeli. **ET PAVEBUNT**, quasi in idolo sit numen. **ET CONFUNDENTUR SIMUL**, id est pudebunt omnes videntes, scilicet se fecisse rem inutilem.

V. 12. **FABER FERRARIUS**. Ex materia & modo faciendi idolum, ostendit non esse Deum. **LIMA OPERATUS EST**, scilicet idolum. Heb. *securim*: sic Chald. alii *asciam* aut *dolabram*. Denique securim facit ferrarius, ut illa lignarius idolum fabricet. **IN PRUNIS, ET IN MALLEIS FORMAVIT ILLUD**, scilicet idolum. Alii, *formavit securim, igne adhibito* & malleo: & per *securim* intelligunt alia lignarii instrumenta. **ESURIET ET DEFICIET**, id est etiam si esuriat, & sitiatur, & lassetur, non tamen desinit ab opere.

V. 13. **EXTENDIT NORMAM**, id est regulam. **FORMAVIT ILLUD IN RUNCINA**. Heb. *formavit*, seu *designavit illud* (scilicet lignum) *in filo rubricato*: id vox *seced* significat. **FECEIT ILLUD IN ANGULARIBUS**. Heb. *in asciis*, seu *dolabris*. Hisp. *el cepillo*. **ET IN CIRCINO TORNAVIT ILLUD**, figuravit illud. **IMAGINEM VIRI**. Heb. *sicut imaginem viri*. **QUASI SPECIOSUM HOMINEM**. Heb. *pulchritudinem hominis*; qui scilicet inter animantes longe pulcherrimus est. **HABITANTEM IN DOMO**. Heb. *ad habitandum in domo*, id est civilis hominis adinstar, qui in domo habitat; quod Noster dixit, non in agro, ubi facies coloratur, & de gratia perdit.

V. 14. **QUAE STETERAT INTER LIGNA SALTUS**. Heb. & *roboravit sibi in lignis*, *saltus*, id est aliqua ex illis lignis accepit. **PLANTAVIT PINUM**, scilicet ut deinde succideret eam ad faciendum idolum. Commemorat has arbores, quoniam ex illis dolari potest idolum.

V. 15. **ET FACTA EST HOMINIBUS IN FOCUM**, scilicet pinus. Heb. & *erit* (scilicet lignum) *homini ad comburendum*. Parte ligni se calefactus, parte coquit panem, id est panes: ex parte format deum, quem adoret. Irrisio est.

V. 16. **ET DE MEDIO EIUS CARNES CO-**

MEDIT. *Carnes*, supple, *assas*, aut *elias*. **COXIT PULMENTUM**. Heb. *assus assaturam*, & *saturatus est*. Explicatio eius quod dixerat, *carnes comedit*. **VIDI FOCUM**, id est sensi, calefactus sum, scilicet parte ligni quam combussit.

V. 18. **OBLITI ENIM SUNT**: ab obliquo ducitur, non ab *obliviscor*. Heb. *oblevit a viciu lo*, id est ne videant, quod opus est, fallaciam: Deus scilicet oblevit, excavit oculos.

V. 19. **IDOLUM FACIAM EX LIGNI PARTE**. Heb. *in abominacionem faciam*; sed *abominatio* pro *idolo*. **ANTE TRUNCUM**: alii, *ramum* *bul* significare putant. **PROCI-DAM**. Heb. *me incurvabo*, scilicet ut adorem. Irrisio.

V. 20. **PARS EIUS CINIS EST**. Chald. *Ecce dimidium eius in cinerem redactum est*. Ita videntur legisse Heb. *רעה rehav*; id est *socia eius*, live *pars eius*, ut Genes. xv. 10. Nunc mutatis punctis legunt *רעה robe*, id est *pasceus*: hac sententia: *Pasce cinerem cor inspiciens*, id est rem inutilem facit: nostra melius. **ADORAVIT ILLUD**: Heb. *inclinavit se* (ad) *illud*, scilicet adorationis ritu. **FORTE**, &c. Heb. *Nomen mendacium est in dextera mea*; scilicet quia idolum feci, quod mendacium est; aut in *dextera*, quoniam in adoratione manus ad os admovemus. De quo plura in illa verba, *Si osculatus sum manum meam*: Iob xxxi. 27.

V. 21. **MEMENTO**. Hæc cogita Israel, ne te impio cultu polluas.

V. 22. **UT NUBEM**, scilicet ventus aut Sol ita difficit nubem, ut ne vestigium quidem superfit: ita ego peccata tua delevis: ad me revertere.

V. 23. **QUONIAM MISERICORDIAM FECIT DOMINUS**. Vox *misericiordiam* Heb. non est, sed bene suppletur. Supplet Septuag. & Chald. *quia fecit Dominus salutem*. **EXTREMA TERRAE**. Heb. *inferiora terræ*, id est tu terra, quæ infima es, iubilat. **ET ISRAEL GLORABIATUR**; pro, in Israel (ut est Heb. sic Chald.) *glorabitur Deus*.

V. 24. **STABILIENTS TERRAM**. Heb. *expandens terram ego sum*. **ET NULLUS MECUM**. Heb. & *a mecum*; id est, mea potentia facta est nullo alio socio.

V. 25. **DIVINORUM**: signa irrita facio. Heb. *mendacium*. **CONVERTENS SAPIENTES RETRO**.

RETRORSUM. Quomodo vertat retrosum, explicat mox. **ET SCIENTIAM. FORUM STULTAM FACIENS,** id est ostendens costituta & falsa loqui.

V. 26. SERVI SUI, scilicet Isaia suscitans verbum. **ET DESERTA EIUS SUSCITABO,** id est inhabitari faciam urbes & oppida ante desolata Iudaeæ.

V. 27. QUI DICO PROFUNDEO: DESOLARE, id est Babylonis profundis aquis siccitatem inducam, id est cladem ei urbi & genti.

V. 28. CYRO. Cyri nomen hic expressum fuit causa liberationis populi & captivitate Babylonica: Iosaphat Lib. XI. cap. I. **PASTOR MEUS ES.** Tu reges populum meum, tu Cyre. **COMPLEBIS.** Heb. *complebitur*. In ea lingua sæpe personæ mutantur.

MALVENDAE.

Vers. 1. ET NUNC AUDI IACOB, &c. Quidam quinque priores huius capitis versus præcedenti capiti assunt, notantque esse postremum locum præcedentis concionis, exponentem promissiones restitutionis in Christo, excedere, æternoque decreto Dei, ut dictum est superiore capite, vers. 16. atque hunc versum ita reddunt: *Iam vero audi, Iahakob serve mi, & Israel quem elegi.*

V. 2. HAEC DICIT DOMINUS, &c. Alii hunc versum ex Heb. reddunt: *Sic ait Iehova, qui fecit te, & formavit te ex utero, adiuturus te: ne timeto, serve mi Iahakob, & Ieschurun, quem elegi.* Ieschurun epitheton vix Ecclesiae: vide in Deuteronom. xxxii. 15.

V. 3. AQUAS SUPER SITIENTEM, &c. id est, spiritum & benedictionem omnimodam in Christo copiose largiar, quemadmodum hac allegoria sequente membro exponitur. **SUPER SEMENTIVM:** id est, Ecclesiae filios ex Iudaeis & gentibus adunatos, & genitos in Christo, ut appareat ex versu quinto. **SUPER STIRPEM TUAM.** Alii: *I. super germina tua. II. super prognatos tuos. III. super progerminationes, seu propagines tuas:* vide de hac voce supra cap. xlii. 5.

V. 4. ET GERMINABUNT INTER HERBAS, &c. Alii: *I. Et crescent ut inter herbas, & sicut salices ad rivus aquarum. II.*

Et succrescent inter sanum, veluti salices iuxta scaturigines aquarum. III. Et efflorescent velut inter gramen, velut salices, inquam, secundum processus aquarum.

V. 5. ISTE DICET, DOMINI EGO SUM, &c. Quidam ex Heb. rogiunt: *Hæc anet, Iehova sum; & ipse vocabit nomine Iahakobi: ille vero scribit manu sua, Sum Iehova, & de nomine Israelis cognominabit;* id est, profitebuntur singuli se filios esse Dei & Ecclesiae, ut Psal. lxxxvi. & fratres in eandem Ecclesiam adscitos & cooptatos prædicatione verbi ac ministerio suo testificabuntur: sive, ut Paulus ait, servabunt se, & eos qui ipsos audiverint.

V. 6. HAEC DICIT DOMINUS, REX ISRAEL, ET REDEMPTOR EIUS DOMINUS EXERCITUM, &c. Quidam: *Sic ait Iehova rex Israelis, & vindex eius, Iehova exercituum,* &c. Hinc ordiuntur caput XLIV. Concionem hanc, inquit, ab hoc loco incipiendam esse, cum præcedentis concionis verba ostendunt, tum huius argumentum: nam cum in præcedente concione duæ summæ partes essent expositæ de reversione populi & Babylonia, & de inflatione regni per Christum; iam Prophetæ priorum partem aggreditur, & capitibus quinque explicat; quæ propterea in concionem unam computavimus. Sunt autem huius concionis (ut eam in pauca membra dividamus) summæ partes quatuor: prima est exordium, toto hoc capite; secunda, narratio prophetica rerum gerendarum ex decreto Dei, tribus capitibus, usque ad vers. 12. capitis 48. tertia, confirmatio, inde ad vers. 16. deinde conclusio ad finem usque cap. XLVIII. Exordium autem, quod hoc capite diximus contineri, sumit Deus a persona sua, fidem asserens, & populum suum confirmans de suis promissionibus, duobus argumentis: unum est, ab æterna omnipotente & constantissima natura sua, operum suorum, & sermonis sui, usque ad vers. 16. seu potius 21. alterum, a fœdere, & effectibus eius, inde ad finem usque capitis. Prius autem argumentum propositum summam hoc versu 6. illustratur sequentibus per synchysin sive comparisonem veri Dei cum falsis. **EGO PRIMUS, ET EGO NOVISSIMUS, ET ABSQUE ME NON EST DEUS.** Alii: *Ego sum primus, & ego ultimus, ac præter me nullus est Deus,* id est natura sempiternus,

ac proinde dictis & factis constantissimus, & aliorum omnia principia atque exitus in manu habens. Vide supra cap. xli. 1.

V. 7. QUIS SIMILIS MEI, VOCET ET ANNUNTII, &c. Quam hunc versum ex Heb. exponunt: *Quis ergo ut ego pronuntiet? & indicat istud, aut ordinat istud mihi, ex quo disposui populum sancti, seu aeternum, ut futura & quae ventura sunt indicent: sumptum impersonaliter, ut Ios. vii. 3. pronuntientur illis? Antithesis, quia Deus ex antegressa propositione sibi uni asserit facultatem & officium prophetandi in Ecclesia, aliisque omnibus abdicat: populum aeternum, id est Ecclesiam, quam ab aeterno elegit Deus, sique tempore vocavit ut in aeternum sanctificet: ut futura & quae ventura sunt, &c. vide supra cap. xli. 22. & 23. VOCET. Exponunt; id est, clara voce & alta dicat ac narret, quod praeteriit. Hispanicus Interpres: *y quien llamara como yo? llamar por criar y dar ser.* Alii vocet, id est imperet: ut supra cap. xli. 26. Alii: *praedicet.* ET ORDINEM EXPONAT MIHI. Heb. *& ordinabit illud mihi.* Alii: *equabit, aequiparabit, instruet illud mihi.* Exponunt: Id est, conferat mecum, videat si est res aliqua, quae mihi conferri & aequiparari queat. Ex quo CONSTITUIT POPULUM ANTIQUM. Heb. *ex quo posui populum sancti.* Quidam: *ex quo posui mihi populum mundi,* id est ab eo tempore, quo creavi homines in terra; quasi dicat, Post homines natos. VENTURA ET QUAE FUTURA SUNT, ANNUNTIENT EIS. Quidam evidentius reddunt: *& ea, quae paulo post sunt ventura, & quae futura sunt longo post tempore, annuntient idola illis?* id est, suis cultoribus.*

V. 8. EX TUNC AUDIRE TE FECI, ET ANNUNTIAVI. Alii: *I. monne ex tunc, sive ex eo tempore, id est priusquam acciderent, indicavi tibi, & annuntiavi? nimirum ventura.* II. *an non inde ab eo tempore, nimirum ex quo disposui populum aeternum, pronuntiavi tibi ac indicavi? Vos estis testes mei.* Vide supra cap. xlii. 10. & 12. ET FORMATOR, QUEM EGO NON NOVERIM. Heb. *& non petra, non cognovi.* Alii: *I. & quod non sit fortis, seu deus, quem ego non noverim.* II. *aut petra, quam non cognoverim.* III. *utique nulla est rupes, nullam novi.* צור, *petra, rupes,* attributum Dei: vide in Deu-

teronom. xxxii. 4. Haec autem toties a Propheta inculcantur, ut populus Dei adversus Babyloniorum idola firmo esset seu quoque animo, quemadmodum etiam fuit Ieremias 10.

V. 9. PLASTAE IDOLI OMNES NIHIL SUNT. Alii ex Heb. I. *Fictores, artifices, sculptilis, omnes ipsi vanitas.* II. *Efficiatores sculptilis omnes sunt inanitas.* III. *Formatores sculptilium omnes vani sunt.* IV. *Formatores sculptilis omnes sunt rei inanis formatores.* Ergasia proxime praecedentis antitheseos, qua confirmavit Deus nullum esse Deum, & nullam rupem praeter se, nam cetera, inquit, idola sunt, prorsus inania, quae nullam utilitatem, sed confusionem iustam cultoribus afferunt, hoc versu: cuius utrumque membrum singulis versibus deinde exponitur. ET AMANTISSIMA EORUM NON PRODERUNT EIS. Heb. *& expetibilia, seu concupiscibilia, desiderabilia eorum;* id est, ipsa, quae maxime amant, sculptibilia; vel optima quaeque & pretiosissima, quae ipsis sunt idolis, ut argentum, aurum, gemae, &c. non subleventur, relevabunt, levamen afferent, conservabunt, proficiunt, proderunt, prodesse poterunt, usum aliquem aut utilitatem afferent, usui aut commodum esse poterunt: sic infra vers. 10. IPSI SUNT TESTES EORUM, &c. Alii: *I. ac testes eorum sunt ipsa, non vident neque cognoscunt, ut erubescant;* id est, idola ipsa testantur & clamant in ipsorum idololatrarum animis se nihil esse, cum nullo sensu, aut intellectu sunt praedita: quod unum satis esset ad perfundendos pudore idololatras. II. *& quidem testes eorum ipsi sunt, plastrae, qui cum ea fabricantur, satis cognitam habent eorum materiam & formam; vel testes autem sui ipsa sunt, id est ipsa idola testantur, quod sunt inutilia: non enim vident, neque cognoscunt, ut pudore afficiantur;* subaudi, cultores eorum, cernentes se tam inutilia pro diis habere. Quidam subaudiunt, propterea hoc dico, ut pudore afficiantur idololatraz: alii: *testes autem eorum ipsi sunt formatores, quod idola non vident, neque cognoscunt, ideoque, vel propterea confundentur, seu pudebunt cultores eorum.* Nonnulli hunc sensum concipiunt. Non opem ferre possunt idola; cuius rei ipsi effectores testes sunt: hoc tamen non vident, neque norunt idololatraz, ut vel sic pudeant, & idolorum cultum deferant.

V. 10. QUIS FORMAVIT DEUM, ET SCULPTILE CONFLAVIT AD NIHIL UTILE? Alii ex Heb. I. *Quis formavit Deum, & sculpsit conflavit, ut non profuit? vel quod ad nihilum profuit?* II. *Quis unquam nisi stolidus, finxit Deum aliquem, aut sculpsit conflavit, ut non profuit? vel quod nullam utilitatem afferit, quod non est emolumentum, vel emolumento?* III. *Quis formavit Deum, & sculpsit fudit, ut sublevamen non ascerat?* IV. *Quis igitur nisi demens fingat Deum, aut fuisse simulacrum, quod nihil prodest?* V. *Qui format Deum fortem, & sculpsit fundit.* VI. *Quis igitur formare audeat Deum, & sculpsit conflare? ad nihilum certe proderit.* הוֹחִיל *hohil*, plerique Præteritum faciunt, rectius alii Infinitivum; vide verbum superiorem.

V. 11. ECCE OMNES PARTICIPES EIUS CONFUNDUNTUR. Alii ex Heb. I. *Ecce omnes socii eius, videlicet artificis, pudore suffunduntur.* II. *En omnes partiaris eius pudefcent.* III. *En omnes se confociantes ei erubescunt;* id est, qui adhærent illis idolis, & quasi spiritali coniugio cum illis copulantur, ut Numeror. xxv. 3. FABRIENIM SUNT EX HOMINIBUS; quasi dicat: Cum fabri ipsi sint homines, quid divini fabricari possunt? Quidam: & fabri ipsi magis quam homines ulli, subaudi, erubescunt, ex præcedente membro, videlicet ex interminatione Dei Exod. xx. 5. CONVENIENT OMNES, STABUNT, &c. Alii: congregent se omnes, consistant, pavebunt, erubescant una. Concessio idololatrias graviter provocans, infausumque exitum omnibus prænuntians.

V. 12. FABER FERRARIUS LIMA OPERATUS EST: PRUNIS ET IN MALLEIS FORMAVIT ILLUD. Variè alii ex Heb. I. *Faber ferrarius dolabra operabitur, prunis & malleis figurabit illud.* II. *Faber ferrarius securim fabricat cum prunis & cum malleis (qua securi possit) fingere illud:* fecit, inquam, securim illam, ad formandum sculptile. Per unum instrumentum reliqua omnia intelligit synecdochice. III. *Faber ferri dolabram faciet, & operabitur in carbone & malleis, qua figures illud.* IV. *Fabricatur ferrum in forcipe, & operatur in carbone, & cum malleis format illud.* V. *Faber ferrarius forcipe correpta operatur in prunis, & sculpsit fingit illud.* VI. *Faber ferrum polit & operatur in carbone, & cum malleis format illud.* VII. Hispanicus Interpres: El

*herrero tomara la tonaza, obrava en las afo-
quas, darle ha forma con los martillos.* VIII. *Faber ferrarius cum norma, & operatur prunis, & malleis format illud.* Confirmatio præcedentium propositionum, quarum una est, Idola ad nullam utilitatem esse; & probatur usque ad vers. 18. altera, confusionem asseri ab illis in cultores ipsorum, quæ probatur vers. 18. & duobus sequentibus. Inutilia autem esse, probatur ab operariis, instrumentis, materia, & uilius, ipsorumque impotentia. LIMA. יֵצֵד *maghatzad*, & Ierem. x. 3. reperitur, aiunt esse, securim, asiam, dolabram. Nonnulli, normam. Foriterus: יֵצֵד *maghatzad*, litterarum transpositione, a *zaghad*, incesit, foriceps, quod forcipe ferrum in ignem, & ex igne alias transferatur. Quod etymon recte congruat lima, quæ sæpius incedit, & reciprocatur per ferrum, videtur hic esse instrumentum ferrariorum: at in Ieremia diserte est lignariorum. Foriterus: Ego tamen, si, quod sentio, dicendum est, hic *maghatzad* participium esse existimo verbi, quod polire seu complanare notat, & sic reddendum locum duco: *Faber ferrum polit*, &c. Extricet hæc Oedipus, nam ego non capio. ET OPERATUS EST IN BRACHIO FORTITUDINIS SUÆ, &c. Alii posterius hoc hemistichium variè ex Heb. convertunt. I. *operabitur*, inquam, illam dolabram, brachio fortitudinis suæ, id est totis viribus suis, etiam famelicus, non bibat aquam, & lassus sit, vel & sui conficiatur. II. *agit robusto brachio suo: quin esuriat interim, ita ut vires deficiant.* III. *& operatur illud brachio potentis suæ, id est brachio suo potentissimo: esurit etiam, neque vires ei sunt: non bibit aquam, & defatigatur.* IV. Hispanicus Interpres: *obraru en ella con el brazo de su fortaleza: aunque este hambriento y le falter las fuerzas, no bevera agua aunque se desfaye.* V. *cum operatur illud brachio roboris sui, seu robusto suo, etiam esurit, & nullus est viribus, non bibens aquam defecit;* id est, etiam in isto opere sentit lassitudinem, neque a deo, quem cudit, sublevatur, neque reficitur, nisi sumptis alimentis, quæ Deus verus subministrat.

V. 13. IN RUNCINA. Quid sit *runcina*, docuit te Nome pclator Iunii. שֵׁרֶד *sered*, aiunt esse filum Phœnicium, quo fabri lignarii designant ligna incidenda, minium, seu rubricam, seu alium colorem, aut in-

stru-

strumentum, quo fabri lignarii utuntur, filum rubrica infectum, quod super ligna ducunt, Hispanice, *hilo de aimagre*. Quidam, *amussum* reddunt. **FECIT ILLUD IN ANGULARIBUS:** vel *aptat illud in angulos*. מקצות *makzuthoth*, aiunt esse instrumenta, quibus aliquid defricatur, seu abraderetur, seu dedolatur, & quasi decorticatur; *ascias, dolabras, planulas*, exponunt. Hispanicus Interpres: *cepillos*. Vide Lexicon Sanctis, colum. 2515. Nonnulli Hebræorum volunt esse regulas, *amusses*. Totum versum dilucidius alii ex Heb. transiungunt: I. *Faber vero lignarius extendit lineam, delineabit illud filo Planicio, faciet illud dolabris, & circino figurabit illud: facietque illud ad imaginem viri iuxta gloriam hominis, ut habiet in domo; id est, dat illi effigiem humanam elegantissimam, ut reponat illud in adicula sua.* III. *Faber lignarius regulam extendit, designat illud rubrica, & format illud nimis, vel dolabris, aut securibus; & desinit illud circino, & dat illi formam viri, atque speciem hominis, ut in ade sedeat, sibi constructa.* IV. *Faber lignarius extendit regulam, delineat ipsum amussi, aptat illud in angulos suos, aut circino format illud: denique faciet illud ad structuram viri secundum ornatum humanum, ut desident domi.* **QUAST SPECIOSUM HOMINEM.** Hebræorum nonnulli exponunt: secundum decorem (pulchritudinem) hominis, id est feminæ, nam etiam deas effigebant. **HABITANTEM IN DOMO.** Heb. *admanendum domi*, sive *ut domi sedeat*. Putant id significare non in alium usum affabrefactum fuisse idolum, nisi ut domi maneret, sensu & vita cassum, ut dicitur infra cap. XLVI. 7.

V. 14. **SUCCIDIT CERROS, TULIT ILICEM, ET QUERCUM.** Alii ex Heb. I. *Ibit ut succidat sibi cedros, & tollet ilicem & quercum.* II. *Accingit se a lincidendum sibi cedros, ut adducat ilicem, & quercum.* III. *Ceden'o sibi cedros, cum sumpsit cupressum & robur.* **ILICEM.** תירז *tirzah*, dicunt esse speciem cedri a tenuitate dictam, ut *ירז ataz*, cedrum, ab eadem radice רז *razah*, tenuem, gracilem esse: quia procera, & gracilis tamen sit, non frondosa, nec resina pinguis. Alii, *pinum*, alii *abietem*, & alii *ilicem*; alii *cupressum* interpretantur. Nos vocem obscuram sine interpretatione retinimus. **QUAE STETERAT INTER LIGNA SALTUS: PLANTAVIT PINUM, QUAM**

PLUVIA NUTRIVIT. Ex Heb. varie alii I. *& roborabit se ut quærat meliora inter ligna silva: plantabit pinum, quam pluvia nutriet.* Ac si dicat, magno studio, cura, & diligentia deligit sibi optimam materiam ex lignis silvestribus. II. *& surgit sibi inter arbores silva*, id est erigit, ac ferit alias arbores silvæ, plantat omnem, & imber crescere facit. III. *& corroborat se in lignis saltus; plantat cedrum, atque imbre auget, seu educat.* IV. *& erexit sibi inter ligna silva; id est, firmiter decrevit, deitinavit, strenue selegit: plantavit cedrum, quam pluvia crescere facit.* V. *aut que fortificat se inter arbores silvæ: omnium quam plantaverit, & pluvia educaverit; id est, sive arborem voluntariam cadat, quæ sponte nascitur, sive plantatam & cultam humana arte, materia illa quæcumque tandem sit, in varios ac plane differentes usus consumitur, ac proinde nihil divinum habet, nisi quantum affingit hominis voluntas, & superstitio.* VI. Hispanicus Interpres: *y esforcarse ha contra los arboles del bosque; id est, validam utraque manu bipennem quatit in arbores: plantata pinoque se erit con la lluvia.* **PINUM.** ארז *oren*, voce consona, *ornum* fere omnes interpretantur. Forster: *Arboris nomen, quam alii cedrum alii pinum, alii abietem, alii ornum esse putant, Chaldaeus vertit ארזא urenah. Quidam haud vulgariter docti existimant eam esse arborem, quam Germani vocant Lerchenbaum, aptam fabricandis cistis, & que non facile putrescit.* Shindlerus ait, iuxta quosdam Arabicè vocari Tzanabar, id est *pinum*: & annotat, Masoritas observasse scribi cum Nun parvo; & tria esse Nimmim parva in Scriptura. Sed quid portendant, ipse non augurat.

V. 15. **ET FACTA EST HOMINIBUS IN FOCUM, &c.** Hunc versum ita alii ex Hebr. reddunt: I. *Fit hæc homini ad incendendum ignem, accipit enim ex his lignis, & calefit, quin & incenso furno panem coquit; deinde & Deum ex his facit & adorat: sculptile illud facit & coram illo procumbit.* II. *Tunc est homini ad comburendum, qui sumit ex eis ut calefiat, etiam accendit furnum, ut coquat panem, etiam operatur Deum fortem, cui honorem exhibens incurvat se; aptatissim in sculptile ante quod procumbit.* **ET CURVATUS EST ANTE ILLUD.** נָכַח *nahad*, est proprie

Chal-

Chaldaeorum, aiunt esse *procumbere adorandi*, vel *honorandi causa*. Forsterius vult esse *flectere se*, ac notat voluisse fortasse eo consilio hoc verbo Chaldaeo uti Prophetam (nam solum in Isaia reperitur) ut simul gestum & ritum gentium significaret: differre autem significatione a verbo *הִשְׁתַּחֲוֶה* *hishthachavah*, quod significat *prostrernere se in faciem*. Forte innuit ritum illum gentilium, quo usum patrem Vitellii Imperatoris Syetonius cap. 11. ita describit: Idem miri in adolando ingenii, primus C. Cæsarens adoravi ut Deum instituit: cum reversus ex Syria non aliter adire ausus esset, quam capite velato, circumvertensque se, deinde procumbens. Plinius Lib. XXVIII. cap. 11. In adorando dexteram ad osculum referimus, totumque corpus circumagimus, quod in Levam scissile, Gallia religiosis creditur. Vide Notas Delecampii. Ceterum *saghad*, Avenarius ait esse, *flectere se, incurvare se capite*, cum *hishthachavah*, sit incurvare se toto corpore. Mercerus nullo modo distingui putat, & utrumque verbum totius corporis prostrationem & inflexionem significare. Siquidem Chaldaeus *hishthachavah*, per *saghad* reddit Genes. XLVIII. 12. Reuchlinus exponit: *adgeniculatus est ei*. Nobis observatio Forsteri placet, quod Isaías utrumque verbum coniungens distinguere videatur, hoc versu, & infra vers. 17. & cap. XLVI. 6.

V. 16. *MEDIUM EIUS COMBUSTIONI*, &c. Ex Hebr. alii: I. *Partem eius incendit igni*, parte eius carne assa edit: *assat assaturam*, & *satur fit*; calefit etiam, & dicit, *Euge, caleo*, & *ignem vidi*, id est sensu. II. *Partem eius exussit igni*, ad partem eius carnes comedit, *assat assum*, & *satiatur*; etiam *calefit*, dicitque, *Euge, concalui, vidi ignem*.

V. 17. *RELICQUUM AUTEM FIUS*, &c. Hunc versum alii ex Hebr. I. *Et residuum eius in Deum facit, sculpsit suo flectit se*, & *proci dens adorat* & *interpellat ad eum*, & dicit, *Eripe me*, quia *Deus meus es*. II. *Reliquum autem eius*, vel ex reliquiis autem eius, subaudi, *ligni*, in Deum facit, & in simulacrum, seu in idolum suum; vel Deum facit, idque est sculpsit eius, cui *procumbit*, quod *adorat*, & ante quod *precatur*, dicens, *Libera me*, Deus enim meus es tu. III. *Residuum autem eius in Deum fortem capiat exculpando illud*; pro-

cumbit coram eo, incurvatque se honorum exhibens, & *deprecatur ipsum*, dicens: *Eripe me*, nam *Deus fortis meus es*. וְדַלְּסִי לִפְתִּילָא, plerique nomen accipiunt cum articulo, & affixo, *Ipsi sculpsit, dedolavit simulacro suo, vel in sculpsit suum*. Alii, Infinitum putant: *ad dedolare, exculpere illud, vel exculpando illud*.

V. 18. *NE SCIERUNT, NEQUE INTELLIGERUNT*, &c. Hunc versum alii ex Hebr. I. *Nihil neque sentiunt, neque intelligunt ceci idololatras, quia rectorium est super oculos eorum*, quo minus videant, aut cordibus suis intelligant. II. *Non norunt, neque animadvertunt*, &c. Confirmatio alterius propositionis, ut diximus in vers. 12. nimirum idola confusioi esse suis cultoribus; primum enim execrantur idolis suis ipsum oculi & corda, duobus versibus: deinde etiam in dies obfirmantur ad suam ipsum perditionem, vers. 20. *illud obducere oculos ipsum a videndo*, seu a *visionibus*, id est ne videant, & *corda ipsum ab intelligendo, vel ne intelligant*; id est, idolum in animis hominum quoddam veluti rectorium, & velum esse ad obsecrandos idololatras, non autem specillum ad cernendum Deum. OBLITI ENIM SUNT NE VIDEANT OCULI EORUM. Hebr. *obliti*, obduxit, obtexit, operuit, incrustavit, rectorium induxit, complanavit a videndo oculos eorum, scilicet Deus, vel idolum ipsum.

V. 19. *NON RECOGITANT IN MENTE SUA*, &c. Alii totum versum ex Hebr. transfundunt: I. *Nullus ad cor suum revocat (neque enim sensu pollent, aut intellectu) ut dicat: Partem eius igni combusti, quin ad prunas eius panem coxi, assavi carnem & comedi*; & ex religio eius abominandum idolum facerem? & ante truncum ligneum procumberent. II. *Neque revocat ad animum suum, neque scientia, neque prudentia inest, ut dicat: Partem istius excussi igne, etiam coxi ad prunas istius panem, assavi carnem quam comedo*: & reliquum istius in rem abominandam aptavero? ante proventum arboris, seu ante illud quod provenit ex arbore, proculvero? ANTE TRUNCUM. *Bul*, inquit Forsterius, per *apheresin* *lod* initialis littere, similiter ut יְבֹרֵל *yebul*, est nomen collectivum, *germen*: ad germen ligni adorabo? Vocat autem Propheta Idolum ex ligno instar germinis sabrefactum, & excul-

exsculptum hac voce, sicut eadem ratio de idolo legitur Ierem. x. 5. Quasi palmæ dispositio eorum, & tamen non loquuntur. Avenarius: *Bul ramus densior in arbore, ex quo fit palus ad sustinendam vimem; item truncus ligneus, qui pallosus, seu cuius folia emarcuerunt.* Unde hic reddunt: *Truncus, ramo, palo, germine, proventui, fructui, productioni arboris me inflectiam?*

V. 20. PARS EIUS CINIS EST, &c. Hunc versum varie ex Hebr. reddunt: I. *Pasci cinerem cor seductum, facit declinare illum, neque eripiet animam suam, neque dicit: Nonne est mendacium in dextera mea? Cinerem pascere proverbiali sermone, est frustra & sine fructu laborare, rem vanam & nihili moliri, ut Hosee xii. 2. pascere ventum.* Cor, inquit, seductum idololatia frustra laborat, declinare facit eum a via recta, neque se ipsum eripiet a morte seu damnatione, neque tandem respiciet, ut dicat: Nonne frustra laboravi, cum sculptile manu dextera mea feci, existimans me Deum facere? II. *Cinerem pascens, & cor errore seductum devolvit illum, ut mentem suam non asserat, neque dicat: An non dolus in dextera mea?* III. *Pascens cinere animum, id est, luctuosus deus nihil nisi luctum & mala omnia importans toribus suis: periphrasis idoli; nam cinerem pro luctu & miseris luctuosus accipi, omnibus notum est, ut Psalm. ci. 10. & infra cap. lxi. 3. aut (si quis me vult) consocians cineri, id est, hominem in terram deiciens. illusum, id est, qui iam idolorum velo captus & excæcatus est, avertit, id est, magis ac imago sedusit, & transversum rapit: alter gradus confusionis, ut diximus in vers. 18. adeo ut non eripiat animam suam, seu se ipsum: id est, præcepta ruat in perditionem suam, ac ne cogitare quidem de salute velit, aut falsitatem, cui adheret, agnoscere; neque dicat: An non falsitas est ad dexteram meam? id est, an non in falsitatem incumbo, cum do operam idololatricæ, ut Eccli. ix. 20. Hieronimus Interpres: *La coena apacientia, id est, hæc obia inutil, scilicet, e fabricator del idolo: su coragon enganado lo inclina, para que no libre su anima, y diga: no es la mentira a mimam derecha? id est, no es idolatria lo que hago.* V. *Socius cineris est: quasi dicat de idolo, quod altera pars illius trunci seu rami in cinerem versa sit.**

haud apte, nam mutant puncta, & pro רֶגֶה regheh, participio pascens, vel conficiens, legunt, regheh, Socius, sodalis, &c. cor falsum inclinabit, neque eripiet animam suam, & non dicit? An non fallacia est in dextera mea? Subtilius aliqui: *Pascens cinerem, id est, scripsit ille antiquus, qui pulvere pascitur, Genesi. iii. 14. cor falsum inclinatur ad fabricanda & colenda idola, &c.*

V. 21. MEMENTO HORUM IACOB, &c. Transito, inquit, ad alterum huius exordii argumentum, ut dictum est in vers. 5. in quo Deus Iudeis proposito idololatrarum exemplo ad fœdus suum revocat, quod a se integrum persistere ostendit. Primum itaque fœdus suum proponit populo, & res omnes creatas contestatur de veritate eius, tribus versibus; deinde fœderis effecta futura, a vers. 24. ad finem usque capituli. NE OBLIVISCARIS MEI. וְלֹא לוֹ שָׁחַחְתִּינֶאֱשֶׁנִּי nasheni, est futurum Niphal. Mercurius & Bertramus: *Sic resoluendum esset, Ne te obliviosum exhibeas mei; propter communicationem significationis Hithpa'el, & Niphal: ita ut reciprocato, & frequentatio in hac voce consuans. Sensus ergo erit: Ne te, Israel, mei oblitio capiat: sicut & Chaldaeus vertit, ne obliviscaris, oblivione capiaris, timoris mei. Est enim etiam Chaldaice, וְשָׁחַחְתִּינֶאֱשֶׁנִּי tishneshe, passivum: Kimchi tamen passivæ, ut vocis natura postulat, verbum obliviscendi accipit: Mihi in oblivionem non venies, Israel non a me obliviscaris: tantum da operam, ut mei memineris, sicut & ego semper tui ero memor, qui te formavi, &c. quod est summe consolatorium. Unde Rab. David in libro Radicum exponit: וְשָׁחַחְתִּינֶאֱשֶׁנִּי tinnashech-mimmeti, in oblivionem daberis a me, memoria mihi non excides. Nam neutrum, aut passivum verbum non nisi hac ratione, affixa adsciscit. Hec illi. Buxtorfius: *Ne obliviscaris, vel ne obliviosum exhibeas te mei, vel passive, oblivioni traderis a me, ut Kimchi explicat, quasi tinnashech mimmeti.* Vatablus: *Ne oblivioni traderis a me.* Leo Iudas: *Neque venies mihi unquam in oblivionem.* Tremellius & Iunius: *Non traderis oblivioni urbi, seu a me, etsi oblitus mei peccavi in me: quolibet sequitur proxime prædicatio remissionis peccatorum gratiæ: sic infra cap. xliix. 5. Hunc senium quoque sequuntur Marimus & Schindlerus. At**

For-

Forsterus exponit: *Ne oblivioni tradar ego*; id est, ne obriuar apud te: quod durum existimo.

V. 22. DELEVI UT NUBEM INIQUITATES TUAS, &c. Quidam: *Ego delevi transgressiones tuas ut densas nebulas*, subaudi, ventus delet ac dissipat. Alii: *Deleo ut densa nubes defectiones tuas*; nimirum, ut densa nubes delet & abluit fordes, quæ in terra sunt, cum pluviam profundit in terram: eclipsis relati, ut Levit. XXI. 4. & Proverb. v. 19. QUONIAM REDEMI TE. Alii: *nam vindico te*; quasi dicat: Melius agitur tecum quam cum idolorum cultoribus, quibus nulla utilitas, nullæ vindicæ, nulla salus, sed totus luctus est ab idolis suis.

V. 23. LAUDATE CAELI, QUONIAM MISERICORDIAM FECIT DOMINUS: vox misericordiam non est. Heb. Alii: I. *Iubilare caeli*, quia Iehova fecit, subaudi bonum cum Israele, id est adimplevit promissiones suas Israeli. II. *Ovate*, vel congratulamini caeli, quoniam fecit Iehova. Verbum faciendi absolute positum emphasim habet, ut illud: *Spera in Domino, & ipse faciet*; id est, fecit ingens aliquod opus & se dignum. III. *Cantate caeli*, facere Iehova hæc. Contestatio ut diximus in vers. 21. IUBILATE EXTREMA TERRAE. Alii ex Heb. I. *iubilum edite profundissima terra*. II. *triumphate inferiora terra*. III. *clangite in terra*. Verbum proprie est: *tartarizarate, clausum canite*: vide supra cap. XLII. 13. RESONATE MONTES LAUDATIONEM. Alii: I. *edite montes clamorem*, plenum lætitiæ, iucundum & lætum. II. *erumpite montes in laudem*. III. *personate montes ovationem*. IV. *prorumpite in lætas voces o montes*. V. *scagorom edite montes cantu*. ET ISRAEL GLORIABITUR. Heb. & in Israele glorificare sese faciet, decorare, ornare sese faciet; gloriosum, decorum, ornatum, speciosum sese exhibebit, vel glorificabitur, decorabitur, ornabitur. Sed coniugatio Hithpabel significatum auget, amplissime ac frequentissime sua virtute gloriosum sese præstabit & ostentabit. Quidam reddunt: & in Israele gloriam suam amplificabit; id est, in liberando Israellem a Babiloniis magnum honorem sibi peperit, vel ob Israellem liberatum magna gloria afficietur.

V. 24. HAEC DIXIT DOMINUS REDEM-
Bib. Sac. Tom. XVII.

PTOR TUUS, &c. Alii: *Sic ait Iehova vindex tuus*, &c. Transitio ad effecta fœderis, ut diximus in versum 21. quia Deus ab exemplo creationis rerum omnium, hoc versu confirmat se promissiones effecturum, quæ summam proponuntur quatuor versibus sequentibus. STABILIENT TERRAM, ET NULLUS MECUM. Alii ex Heb. I. & mea virtute terram expando. II. *expando terram per me ipsum*. III. *expandens terram a mecum*, seu mea potentia. IV. *diduco terram a me ipso*. Nonnulla exemplaria Hebraica habent: *expandens terram quis mecum?* id est, quis mecum expandit terram? quasi dicat, Quis me iuvit in condendo mundo?

V. 25. IRRITA FACIENS. מִפְּתֵר mepher, participium Hiphil: *Disfrumpens, distringens, irritans, labefaciens, abolens, abrogans, dissipans, cassam reddens*. SIGNA DIVINORUM. כִּימִים *badim*, varie interpretantur, divinatorum, astrologorum, iudicatorum, vatum, vaticinorum, magorum, qui sic dicti videntur, quasi solitarii, quod id genus hominum sit clancularium, & solitudinem amet. Forsterus exponit: *labefaciat signa vestium*, id est, sacerdotum seu prophetarum, qui cum vœtes portant onera populi. Hebræorum tamen nonnulli, & plerique Nostrorum reddunt, *signa mendacia*, seu mendacium. Tremellius, & Iunius ita hunc locum accipiunt. *Is sum, qui irrita facit signa mendacium*. Propositio summa totius sequentis narrationis: primum de sapientissimis Babyloniorum consiliis adimendis, & verbo Dei unius præstando, duobus versibus: postea de modo & instrumento, quod Deus erat adhibiturus ad iudicia sua, duobus versibus ultimis: quæ duo per hysterosin exponuntur, instrumenti quidem ratio, cap. XLV. iudicia vero, sequente cap. XLVI. *Signa mendacium*, de quibus infra cap. XLVII. 10. & sequentibus.

V. 26. SUSCITANS VERBUM SERVI SUI. Alii: *Excitans, statuens verbum servi sui*. Quidam: *Præstaturus verbum servi sui*, id est Christi, cuius spiritu acti locuti sunt prophetae, II. Petri. 1. 21. Plerique: *servi sui*, id est Isaia. ET CONSILIUM NUNTIORUM SUORUM COMPLENS. Nonnulli: & consilium nuntiorum eius absoluturus, id est consilium prophetarum, quorum opera Christus utitur ad nuntiandam voluntatem suam.

tuam. QUI DICO IERUSALEM, HABITABERIS; ET CIVITATIBUS IUDA, AEDIFICABIMIN. Alii ex Heb. I. *qui dico Ierusalem, sis habitata; & civitatibus Iude, Aedificabimini.* II. *qui dico de Ierusalaimis, Habitabuntur; & de civitatibus Iude, Aedificabuntur.* ET DESERTA EIUS SUSCITABO. Alii: I. *& desolationes eius erigam.* II. *& qui vastitates istius crederis sum.* III. *cuius vastitates ego restitutam.*

V. 27. QUI DICO PROFUNDO, DESOLARE; ET FLUMINA TUA AREFACIAM. Alii ex Heb. I. *Qui mando abyssis, Arefce; & flumina tua arefacio.* II. *Qui edicturus sum ipsi de profundo, Exficcare; & flumina tua arefaciurus;* id est, Babyloniam palustrem, in qua Iudæi demereri quodammodo & sepulti erant futuri, ita comparaturus, ut commode ex ea liberentur Iudæi, & ipsi hostes in cam pertrumpant: nam Iudæos commodissime ex Babylonia reverteros esse, historix Hezre & Nechemix docent: Cyrum vero siccato Euphrate Babylonem irrupisse, ex prophetis & historiis ante confirmavimus.

V. 28. QUI DICO CYRO: &c. Alii hunc verbum ex Heb. elucidant: I. *Qui dicit de Chores: Pastor meus, & omne beneplacitum meum perficiet; dicendo etiam ipsi Ierusalaim, Aedificaberis; & templo, Fundaberis.* II. *Edicturus Choresch, seu Cyro pastori meo, ut omnem desolationem meam perficiat; utque edicat Ierusalaimis, Reedificentur; & templo, Fundentur.* Exponunt: *Edicturus Cyro primo Persarum regi, in historiis famigeratissimo, Persicæ monarchix conditori; cuius nomen de industria exprimi per Prophetam voluit Deus, ut hoc signo Ecclesia amplius confirmaretur de veritate sermonis Dei; quemadmodum factum fuerat de Ioschia, I. Reg. xlii. 3. nam a tempore huius prophetix, quo enuntiata est, usque ad complementum eius (ut ab ultimo Chyziæ anno numeremus) fuerunt minimum anni 170. ut melior chronologia docet: pastori meo, id est pastoris officium facturo erga populum meum, liberando, remittendo, curando, fovendo, omnia denique præstando, quæ fuerint opus; sic Homerus Agamemnonem pastorem populorum appellat: utque edicat Ierusalaimis, &c. quemadmodum narratur II. Paralipom. xxxvi. 22. & 23. & Hezre i. Est autem*

totus hic versus ad narrationem sequentem metabaticus, sive transitorius.

MENOCHII.

Verf. 1. ET NUNC, &c. Describit felitem statum, & aurum seculum Ecclesiæ. JACOB. Intellige spiritualem Israel, id est populum fidelm, & Christianum, cum allusione tamen ad Israel carnalem, eiusque liberationem e captivitate Babylonica.

V. 2. FACIENS & FORMANS TE. Vide dicta superiori cap. num. 1. AB UTERO: ab initio ortus tui; ab antiqua tui origine. RECTISSIME. Israel dicitur rectissimus, quia rectissimam Dei legem, cultum, & religionem a Deo accepit.

V. 3. AQUAS: celestium charismatum. SITIENTEM. Sitientem terram appellat gentilitatem, quæ prius arida, squalida, & infrugifera erat. SPIRITUM MEUM: halitum, sive calorem vitalem, quo semina quasi emortua vivificantur. SEMENTUUM: intelligit Israelis posteros spirituales, non carnales; quasi dicat, Super Gentes Christo credentes, ideoque spirituales Abraham, & Israelis filios.

V. 4. INTER HERBAS, &c. quasi dicat: Quantum inter herbas humiles eminent salices: sic Virgilius dixit Ecloga 1.

Verum hæc tantum alias inter caput extulit urbes,

Quantum lenta solent inter viburna cupressi.

V. 5. ISTE: populus scilicet Gentilis. DOMINI SUM: servus Domini. VOCABIT: scilicet se; quasi dicat, Se Israelitam vocabit. ET HIC SCRIBET MANU SUA: DOMINO. Prostebitur se Domini esse syngrapham manu propria exarans, quæ id testetur. LXX. habent: *inscribet manus sue: Dei ego sum:* olim enim servi stigma manus inultum ferebant, ex quo cuius essent agnoscerentur. ET IN NOMINE ISRAEL ASSIMILABITUR: cognominabitur enim Israelita, id est Christianus, Græcus, aut Italus; non se Græcum dicet aut Italum, sed Christianum.

V. 6. HÆC DICT DOMINUS, &c. Hic rursus vertit se Deus ad idola, & idololatrias, & cum eis de divinitate disceptat. REDEMPTOR EIUS; scilicet Israelis, & populi fidelis. PRIMUS ET NOVISSIMUS: vide

vide dicta supra xli. 4. ego solus Deus sum.

V. 7. VOCET : prædicet, clara voce pronuntiet. ORDINEM EXPONAT MIHI : naret mihi ordinem, & scribam rerum gestarum, & consiliorum meorum circa populum Israeliticum. Ex quo constituitur POPULUM ANTIQVUM : ex quo Adamum, & primos parentes creavi, & terre cultores constitui. VENTURA, ET FUTURA, &c. Hoc est quod dixit supra cap. xli. 23. *Annuntiate quæ ventura sunt in futurum, & sciemus quia dii estis vos.*

V. 8. NOLITE TIMERE. Cum idololatæ omnia vastassent in regno Israelis, occasio dabatur infirmis, ut a diis Gentium timerent. Ex tunc; quasi dicat, A priscis temporibus, ab initio mundi docui veritatem, & futura prædixi : ego, inquam, non idola; ergo ego solus sum Deus, non idola. VOS ESTIS TESTES MEI : qui potestis testificari ea ad unguem evenisse, quæ prædixi, & me maioribus vestris opem tulisse, cum fideliter invocaverunt nomen meum. FORMATOR. In Hebræo est צור *tsur*, quæ vox saxum, aut præruptam rupem significat, & sæpe ponitur pro loco tuto, ad quem quis confugit, & in quo tutus est, & Deo non infrequenter tribuitur, ut cum I. Reg. ii. 2. dicitur : *Non est Deus sicut Deus noster*, ubi primo loco pro *Deus* in Heb. est צור *tsur* petra, rupes &c. noster legit יצחק *israhel*, quæ vox formatorem, aut *Plastem* significat, hoc est Deum qui omnium plasmator est, & architectus. Sensus ergo est : An aliquis Deus est præter me, & mihi incognitus?

V. 9. PLASTAE IDOLI : artifices omnes qui fabricantur, aut fingunt idola. NIHIL SUNT : vani sunt, & nihili faciendi. AMANTISSIMA EORUM ; scilicet idola, quæ ipsi amant, & habent in pretio. IPSI : plastæ scilicet idolorum. SUNT TESTES EORUM : testificari possunt de suis idolis, quod scilicet saxa sint, & trunci, visus, & mentis expertes. CONFUNDANTUR : ut merito confundi debeant, qui idola fingunt, & quasi deos colunt.

V. 10. QUIS FORMAVIT DEUM, &c. quasi dicat : Quis ergo adeo demens fuit, ut idolum formaret?

V. 11. OMNES PARTICIPES EIUS : qui in idolo fabricando, poliendo, orando,

collaborant. FABRI ENIM SUNT EX HOMINIBUS ; quasi dicat : Quomodo ergo non pudebiant, qui cum sint homines, & Adæ filii, Deum tamen fabricare volunt? CONVENIENT OMNES : coram tribunali Christi, & parcebant, & confundentur. Vel loquitur de artificibus collato studio idolum fabricantibus, & sollicitis, & paventibus cum opus non succedit ut voluissent ; quasi dicat : Quam miseri ergo sunt dii, qui a talibus homuncionibus formantur. IN BRACHIO FORTITUDINIS : summo brachionum nisu. ESURIET, ET DEICIET : deo illo, quem fabricatur, esuriet, & sitim non sedante. NON BIBET AQVAM, ET LASSESCET : nisi enim comedant, & bibant vires deficiunt.

V. 13. NORMAM : lineam, regulam menforiam. IN RUNCINA. Runcina fabrilis est instrumentum, quo trabes, & tabulas, inæqualia, & aspera abradendo, complanant, & levigant. IN ANGULARIBUS : angulari mensura, ad rectum perpendiculari angulum, illud dimetiendo : videtur significari triangulare instrumentum fabricum, vel, fecit illud in angulis domorum, & locis secretis. TORNAVIT. Chald. *formavit*, figuravit : ut est in Heb.

V. 14. PLANTAVIT PINUM ; quasi dicat, Vel etiam ex arbore, quam ipse olim plantaverat, materiam eligit, ex qua faciat idolum.

V. 15. FACTA EST HOMINIBUS FORMA, id est crevit, & aptam materiam suppeditavit alienis flammis. SUCCENDIT, clibanum.

V. 16. CARNES COMEDIT : coxit, & comedit. ET DIXIT : VAH, id est euge. LXX. *dulce mihi* : suavis enim est ignis frigenti.

V. 18. NESCIERUNT, NEQUE INTELLXERUNT. Plastæ idolorum, & horum cultores non intellexerunt hæc non esse numina, & nullam inesse truncis illis divinitatem. OBLITI : penultima correpta. Oculi fabricorum, ut etiam idolorum obduti sunt, ne videre possint.

V. 20. COR INSIPENS ADORAVIT IL-LUD : stultum est huiusmodi statuum colere. NON LIBERABIT ANIMAM SUAM ; id est, nullus idolo vota faciens salutem consequetur, nec propterea quod illud coluerit, pericula evadet. NEQUE DICET, &c. quasi dicat : Non cogitat artifex ut

Kk 2 dicat :

dicat: Fortasse dextera mea operatus sum rem mendacem, & vanam; tale enim est idolum.

V. 22. UT NUBEM: quam facile ardor solis nubem solvit, aut ventus dissipat. NEBULAM: caliginem, acrem occupantem. REDEMUIT TE, ex AEGYPTO; & redimam ex Babylone, & plenius per Christum a captivitate demonis, & peccati.

V. 23. LAUDATE CAELI, &c. Quia meminuit Propheta redemptionis, ad beneficii huius memoriam, erumpit in iubilum, caelosque & terram, &c. ad Dei laudem invitat.

V. 24. REDEMPTOR TUUS, ET FORMATOR, &c. Vide supra num. 2. cap. XLIII. num. 1. & ibi dicta.

V. 25. IRRITA FACIENS: inania esse ostendens signa futurorum, quae divini capant ex altis, animalium extis, avium garrim, &c. ARIOSUS. De significatione huius vocis, Ariolus, dixi Levit. XIX. 31. & Num. XXII. 5. VERTENS IN FUREM: ostendens eos non divino spiritu agi, sed lymphatico furore demonis. CONVERTENS SAPIENTES RETROSUM: ut cyclicant ab ea sapientiae fama, quam imperita plebecula ceperat. STULTAM FACIENS: stultam, inanem, veteratorem esse ostendens.

V. 26. SUSCITANS VERBUM SERVI SUI: implens oracula cuiuscumque Prophetae servi sui; videtur peculiariter Isaiam intelligere. CONSILIUM NUNCIORUM SUORUM: verba Prophetarum salutaria suadentium, & divina consilia suis vaticiniis appetentium. QUI DICO IERUSALEM, &c. qui praenuncio Ierusalem a Chald. everfam, per Cyrum aedificandam, & restaurandam. Rursus, & potius, Ierusalem, spirituales, id est Ecclesiam Christianam per Christum instituendam. SUSCITABO: excitabo aedificia, quae erant fere solum aquata, & habitatoribus vacua.

V. 27. PROFUNDO: Babylo ni amplae, frequenti, & opulenta civitati. FLUMINA TUA; Tygri m & Euphratem.

V. 28. DICO: dicam; edita est enim haec propheta decentes, & decem annis ante Cyrum, ut ait Iosephus. PASTOR MEUS ES: qui more pastoris populum dispersum congregabis, & in Iudaeam reduces, sicut pastor oves dissipatas colligit, & reducit ad causas.

T I R I N I.

Vers. 2. RECTISSIME. Sic merito vocatur Israel propter rectissimam Dei legem, cultum & religionem, qua reliquis gentibus praecebat. Hebraum *oesan* LXX. & Chald. verunt, dilecte, vel dilectule Israel, ob similitudinem litterarum, inquit S. Hieron.

V. 3. EFFUNDAM AQUAS, id est charismata Spiritus sancti, SUPER SITIENTEM ET ARIDAM terram, id est super Gentilem populum: & SPIRITUM, id est vitalem halitum, MEUM EFFUNDAM SUPER SEMEN TUUM, id est super procreandos ex lege, partim Iudaeos, partim Gentiles, qui instructi ab Apostolis & discipulis Christi, ex iis spiritaliter prognati sunt: ita S. Cyrillus, Procopius & Gregorius a.

V. 5. ISTE. Gentilis conversus DICET gratulandus, DOMINI EGOSUM; supple, servus vel cliens. Alter VOCABIT SE IN NOMINE, seu de nomine IACOB, id est supplantatorem, puta demonis & peccati. Tertius SCRIBET MANU SUA, DOMINO, supple, mancipatus sum, illi vivo & servio. ET sic NOMINE ISRAELIS ASSIMILABITUR, seu similis reddetur Gentilis Iudaeo: uterque enim vocabitur & erit vere ISRAEL, id est praevalens Deo d, & per Deum quibuscumque hostibus.

V. 6. EGO PRIMUS ET NOVISSIMUS: ut supra XLI. 4.

V. 7. VOCET; id est, clara voce denuntiet enarret ORDINEM, id est seriem generationum & saeculorum, quae fluxerunt ab eo tempore EX QUO CONSTITUIT in terris POPULUM ANTIQUM, nempe Adamum, eiusque filios & nepotes usque ad diluvium, & inde hucusque.

V. 8. EX TUNC; id est, a priscis illis & primis temporibus, AUDIRE TE FECI in parentibus tuis, id est praenuntiavi futura, quae iam sentitis impleta; quasi dicat: idola nil tale praestiterunt, ergo dii non sunt.

V. 9. PLASTAE, id est fabri IDOLI, OMNES NIHIL SUNT, id est homines nihili, nullius rei nomine digni, utpote qui adeo desipiunt, ut putent se suis manibus deos efformare: ita Forerius. Et vero AMANTISSIMA EORUM, nempe idola ab ipsis efformata, NON PRODERUNT EIS, sed obvertunt e quamplurimum: UT merito CON-

FUND-

FUNDANTUR, id est confundi debeant ob tantam stultitiam.

V. 13. FORMAVIT ARTIFEX idolum suum RUNCINA, id est instrumento, quo tabula lignea sculptura levigantur, & complanantur, unde *planula* a quibusdam teste Plinio d, vocari solet: FECIT ILLUD IN ANGULARIUS, id est ad angulos perpendiculari illud dimittendo; Chaldaeus & Vatablus, *dolabris efformavit illud*; Forerius, *in angulis domorum*.

V. 16. VAH. Hebraeorum *heach* gaudens est, idemque quod *euge*; LXX. vertunt, *dulce est mihi*.

V. 18. OCULI plastrum istorum OBLITI & testis videntur eodem stibio, calce & furo, quo ipsi obliverunt oculos suorum idolorum.

V. 20. FORTE MENDACIUM EST IN DEXTERA MEA; id est, forte manibus meis conficerem mendacem, falsum & vanum, nempe fictitium Deum.

V. 21. MEMENTO HORUM tam stultorum, tam absurdorum plastratum: memento, inquam o IACOB, cum alias semper, tum maxime sub *Manasse*, qui vos ad idola pertrahet, & sub Chaldaeis, qui etiam compellunt f. Tum memineris horum, & NEMEI OBLIVISCARIS qui FORMAVI g & creavi TE: & semper hucusque,

V. 22. DELEVI PECCATA TUA, semperque deinceps delere paratus sum, ea promptitudine, facilitate & perfectione, qua *nubes* & *nebulae*, vel a vento dissipantur, vel radiis solis dissolvuntur, & aeris serenitas emergit.

V. 25. IRRITA FACIENS SIGNA DIVINORUM, augurum & ariolorum: v. g. exta animalium, garrum vel volatum alyum, aspectu astrorum, somnia, fulgura & alia e quibus divinae solent. Quae Deus irrita & mendacia facit quando vult: CONVERTENS SAPIENTES, ut cadant RETORSUM, & excidant spe, lucro, fama & gloria sua: e contrario autem

V. 26. SUSCITANS VERBUM SERVI SUI; id est, reipsa complens quaecumque praedixi & promisi per Isaiam *servum* meum, & per alios *nuntios* meos Prophetas. Ac nominatim tibi, o Ierusalem, quam per Chaldaeos vastandam praedixi, certissime promitto, iterum HABITABERIS.

V. 27. DICO & impero PROFUNDO flu-

minis magni Euphratis, DESOLARE, aquis destituere, exsiccare ut per siccum fluminis alycum Perse & Medi subintrent urbem Babylonem. Ita factum testantur historici. Porro qui haec mea iussa exequetur, tu eris,

V. 28. O Cyre, cui DICO, PASTOR MEUS ES, id est rex populum meorum qui inillar optimi pastores colliges dispersas per Chaldaeos oviculas, & reduces eas ad caulas suas Iudaicas in Iudram, alias alio. Voluit autem Deus, haec & alia cap. seq. de Cyro per Isaiam fere ducentis annis antequam fierent nominatim praedici: primo, ne Iudaei suam illam liberationem alicui, seu homini adscriberent, sed soli Deo, a quo scirent tot annis ante praedictam & promissam fuisse: secundo, ut hac tam certa testataque experientia fidem Iudaeis faceret de aliis nobilioribus oraculis suis, quibus remissio peccatorum, & liberatio a servitute diaboli, aliaque gratiae per Christum toti orbi promittebantur, quarum typus & figura erant illa beneficia quae Iudaeis per Cyrum obvenerant, inquit Tertullianus. Iulianus, Cyprianus, Lactantius, Chrysostomus, Augustinus, a Leone Castrio, immo & Rabbinii plerique a Galatino citati b: qui tamen corrigendi sunt in nomine *Cyri*, Hebraice *cyros*: nam ipsi aliis punctis legunt, *cores*, quod *solem* designat, cui volebant Cyrum assimilare. Foedior error irreptit in quodam exemplaria LXX. interpretum, ubi pro *cyros* legitur *cyros*: sed hoc mendum ex Hebraeis, Chaldaeis & Latinis aliisque Graecis exemplaribus aperte detegitur, inquit S. Hieronymus.

(a) Greg. Lib. XXXIII. Moral. c. v.

(b) Gen. XXXII. 35.

(c) I. Reg. XIII. 27.

(d) Psal. Lib. XVI. XXIV.

(e) IV. Reg. 12. 3.

(f) Daniel. XII. 14.

(g) Isai. XLIII. 1.

(h) Galat. Lib. IV. cap. XII. Legendum כורש

non vero כורש.

G O R D O N I.

Verf. 1. ET NUNC AUDI, &c. Alloqui- & 5. ET tur populum fidelem, immo & Christianum, non tamen excludendo Israelitas, praesertim sub Cyro, promittit praelara. Hinc verf. 5. ILLE VOCABIT IN NOMINE MEO, invocabit, praedicabit, ET

scribi-

SCRIBET MANU SUA DOMINO. LXX. *Domini, Ego sum*; ac si dicat, se esse e familia Domini; quo modo dicuntur baptizati esse e familia Christi, aut qui cum morte, aut martyrio, aut voto profitentur: cetera perspicua sunt.

V. 3. PLASTAE IDOLI OMNES, NIHIL SUNT. Longa descriptio ostendens idoli vanitatem. Fabricatores sunt homines, sunt nihil, esuriunt, sitiunt, deficiunt, a Deo deducti sunt: (non sic Deus) hi sunt qui ex rebus usu consumendis, operantur Deum.

V. 21. & 22. MEMENTO HORUM IACOB, &c. Apostrophe est ad populum fidelem, cum exhortatione ad verum cultum & promissione. DELEVI (inquit vers. 22.) UT NUBEM INIQUITATES TUAS, & faciens ea quæ usque ad finem capitis dicuntur, de Cyro & Christo.

V. 24. VOX SOLUS, excludit creaturas, non vero personas.

EX EIUSDEM AUCTARIO.

Vers. 5. ISTE DICET, scilicet populus gentilis profitebitur Christum: scribet & syngrapha, si oportet, hoc ipsum testabitur. ASSIMILABITUR, vocabitur cognomento, Israelita, Christianus, &c.

Vers. 6. HAEC DICIT DOMINUS. Hic conversus Dominus iterum ad idola, disputat cum illis de divinitate.

Vers. 13. RUNCINA. Instrumentum est quo lævigari solent tabulæ asperiores.


Vers. 21. VAX: euge: letantis est vox ob novum Deum fabricatum.

Vers. 28. Supra in tabula ad initium Isaie ostensum est, diu ante Cyrum hæc prædicta fuisse.



C A P U T XLV.

Prophetia de Cyro & victoriis ipsi a Deo concedentis, cum increpatione quod Deum in his non agnoscat, cum ipse solus sit Deus, omnium Dominus, cui nemo potest contradicere: prædicitur Christi nativitas: & loquitur Propheta per mixtum de Iudeorum per Cyrum liberatione, ac salute per Christum futura: quandoque solus Dominus sit Deus, iustus & salvans, promissaque complens.

1.  AEC dicit Dominus christo meo Cyro, cuius apprehendi dexteram, ut subiciam ante faciem eius Gentes, & dorsa regum vertam, & aperiam coram eo ianuas, & portæ non claudentur. 2. Ego ante te ibo: & gloriosos terræ humiliabo: portas æreas conteram, & vinctos ferreos confringam. 3. Et dabo tibi thesauros absconditos, & arcana secretorum: ut scias quia ego Dominus, qui voco nomen tuum, Deus Israel. 4. Propter servum meum Iacob, & Israel electum meum, & vocavi te nomine tuo: assimilavi te, & non cognovisti me. 5. Ego Dominus, & non est amplius: extra me non est Deus: accinxi te, & non cognovisti me: 6. Ut sciant hi, qui ab ortu solis, & qui ab occidente, quoniam absque me non est. Ego Dominus, & non est alter. 7. formans lucem, & creans tenebras, faciens pacem, & creans malum: ego Dominus faciens omnia hæc. 8. Rorate celi desuper, & nubes pluant iustum: aperiatur terra, & germinet salvatorem: & iustitia oriatur simul: ego Dominus creavi eum. 9. * Væ qui contradicit sistori suo, testa de Samiis terræ: (a) numquid dicit lutum figulo suo: Quid facis, & opus tuum absque manibus est? 10. Væ qui dicit patri: Quid generas? & mulieri: Quid partus

parturis? 11. Hæc dicit Dominus sanctus Israel, plastes eius: Ventura interrogate me, super filios meos, & super opus manuum mearum, mandate mihi. 12. Ego feci terram, & hominem super eam creavi ego: manus meæ tenderunt caelos, & omni militiæ eorum mandavi. 13. Ego suscitavi eum ad iustitiam, & omnes vias eius dirigam: ipse ædificabit civitatem meam, & ca-
 • privitatem meam dimittet, non in pretio, neque in muneribus, dicit Dominus Deus exercituum. 14. Hæc dicit Dominus: Labor Aegypti, & negotiatio Aethiopiæ, & Sabaim viri sublimis ad te transibunt, & tui erunt: Post te ambulabunt, vincti mancis pergent: & te adorabunt, teque deprecabuntur: Tantum in te est Deus, & non est absque te Deus. 15. Vere tu es Deus absconditus, Deus Israel salvator. 16. Confusi sunt, & erubuerunt omnes: simul abierunt in confusionem fabricatores errorum. 17. Israel salvatus est in Domino salute æterna: non confundemini, & non erubescetis usque in sæculum sæculi. 18. Quia hæc dicit Dominus creans caelos, ipse Deus formans terram, & faciens eam, ipse plastes eius: non in vanum creavit eam: ut habitaretur, formavit eam: ego Dominus, & non est alius. 19. Non in abscondito locutus sum in loco terræ tenebroso: non dixi semini Iacob: Frustra quaerite me: ego Dominus loquens iustitiam, annuntians recta. 20. Congregamini, & venite, & accedite simul qui salvati estis ex Gentibus: nescierunt qui levant lignum sculpturæ suæ, & rogant Deum non salvantem. 21. Annuntiate, & venite, & consiliamini simul: quis auditum fecit hoc ab initio, ex tunc prædixit illud? numquid non ego Dominus, & non est ultra Deus absque me? Deus iustus, & salvans non est præter me. 22. Convertimini ad me, & salvati eritis omnes fines terræ: quia ego Deus, & non est alius. 23. In memetipso iuravi, egredietur de ore meo iustitiæ verbum, & non revertetur: 24. (b) quia mihi curvabitur omne genu, & iurabit omnis lingua. 25. Ergo in Domino, dicit, meæ sunt iustitiæ & imperium: ad eum venient, & confundentur omnes qui repugnant ei. 26. In Domino iustificabitur, & laudabitur omne semen Israel.

(a) Rom. IX. 20. Jerem. XXIII. 6. (b) Rom. XIV. 11, Philip. II. 10.

B R U G E N S I S

ROMANA CORRECTIO.

Verf. 9. *Væ qui contradicis filiori suo*. Non scribas *fictori* a facio, pro *fictori* a fingō.

C O M M E N T A R I A

M A L D O N A T I.

Verf. 1. **H**AEC DICIT DOMINUS CHRISTO MEO CYRO: מַלְאָכִי, *Christo suo*: vel, de christo suo Cyro. *Christi* vocabantur reges Iudæ, quia uncti erant, ut I. Reg. 11. 10. *Et dabit imperium regi suo; & sublimabis cornu Christi sui*: & I. Reg. xxi. 3. & xv. 6. & xxiv. 7. *xl. מֶלֶךְ יִשְׂרָאֵל*, vero redemptor noster hoc nomine appellatus est: & quia Cyrus quamvis profanus rex eius figuram in liberando populo præ se ferebat, Christus etiam vocatur. *Cuius apprehendi dexteram*; id est, cuius dux ero, vel, quem sustentavi atque roboravi, cui auxilio

xilio fui: ut Plal. LXXII. 24. *Tenuisti manum dexteram meam*, & in voluntate tua deduxisti me. Ponitur autem prateritum profut. apprehendam. UT SUBIICIAM ANTE FACIEM EIU8 GENTES, id est Babylonios. ET DORSÀ REGUM VERTAM, id est faciam ut fugiant ab eo. Heb. וְתַחֲתֵי מַלְכִּים וְתַחֲתֵי מַלְכִּים, & lumbos regum aperiam, id est dissolvam; quasi dicat, Efficiam ut eius metu etiam potentissimi reges animum despondant: sicut dixerat ante apprehendere dexteram, id est corroborare, ita nunc dicit, dissolvere renes, id est debilitare: nam in utraque parte corporis robur hominis maxime consistit. Sicut Galli solent dicere, *Estre faible des reins*. UT APERIAM CORAM EO, id est eo veniente, aut eo pugnante, IANUAS, portas urbium. ET PORTAE NON CLAUDENTUR; ita ut me aperiente nemo possit claudere: ut Iob XII. 14. Isai. XXII. 22. Apoc. III. 7. *Qui aperit, & nemo claudit*: quo Hebraismo, ut illic diximus, summa potentia significatur, cui nemo possit resistere.

V. 2. EGO ANTE TE IBO, id est ero dux tuus. Chaldaeus, *verbum meum ante te ibit*. ET GLORIOSOS TERRAE HUMILIABO, id est potentissimos quosque tibi subiiciam. Heb. וְהִדְרִיתִּי הַדְּרוֹתִים, quod Hebraei interpretantur, *Et tortuosa recta faciam*, viam illi facilem reddam: ita etiam Septuag. verterunt, ὁδὸν ὁμαλὴν. PORTAS AEREAS, &c. per portas aereas, & vestes ferreas, summās difficultates significat: difficillimum enim est portas aereas conterere, & vestes ferreas confringere; quasi dicat, Nulla erit difficultas tanta, quam me duce non superes.

V. 3. ET DABO TIBI THESAURUS ABSCONDITOS: וְאֶצְוֹתֶיךָ, thesauros tenebrarum, id est reconditos in locis tenebrosis. ET ARCANÀ SECRETORUM. Heb. Repetitio est: וְהִסְתַּרְתִּי סֵתֶרִים, & thesauros absconsonum, id est abstrusos; quasi dicat, Omnes opes Babyloniorum tibi tradam. UT SCIAS QUIA EGO DOMINUS, QUI VOCO NOMEN TUUM; id est, qui te elegi, & ad hoc munus vocavi: hoc enim significat vocare aliquem nomine suo: vel, vocavi te nomine tuo, imposui tibi nomen Cyri antequam nasceretur, ut inde possis intelligere me esse Dominum.

V. 4. PROPTER SERVUM MEUM; id est, non elegi te propter teipsum, sed propter

servum meum Iacob, ut eum a servitute Babyloniorum liberares. ET VOCAVI TE NOMINE TUO: ut sup. vers. 3. ASSIMILAVI TE; id est, antequam natus esses, qualis futurus esses, depinxi per Prophetas meos imaginem & similitudinem tuam. Heb. וְאֶמְצָא, cognominavi te, ut sup. cap. XLIV. 5. quasi dicat: Vocavi te nomine & cognomine tuo antequam tu me cognovisses: itaque non tu me elegisti, sed ego elegi te.

V. 5. EGO DOMINUS, ET NON EST AMPLIUS, id est & nullus est praetera Dominus. EXTRA ME, id est praeter me non est Deus. ACCINXI TE; id est, dedi tibi vires, antequam me cognosceres. Prius enim Cyrus Chaldaeorum regnum occupavit, quam cognosceret Deum: postea vero ex consuetudine Iudaeorum, qui in captivitate erant, Deum novit, doctore, ut creditur, Daniele, postea vero Iudaeos in libertatem misit.

V. 7. FACIENS PACEM, ET CREANS MALUM, id est excitans bellum. Opponit enim malum paci, sicut tenebras luci. Est autem repetitio eiusdem sententiae: idem enim significat per lucem & pacem, nempe res omnes prosperas, & per tenebras & malum, nempe omnes res adversas. Nominat autem res prosperas & adversas potius quam alias, quia agebat de captivitate & liberatione Iudaeorum.

V. 8. RORATE CAELI DESUPER. Dubium an sint haec Prophetae, an Dei verba. Si Dei sint, magis haerebunt ad superiora; cum enim Deus de futuro Cyro Christi figura loqueretur, transfert sermonem ad Christum. Si sint verba Prophetae, precatorie accipi debent; si Dei, imperative. *Rorate cali*; id est, emittite Spiritum sanctum in Virginem ut Christum concipiat, sicut Angelus dixit, *Spiritus sanctus superveniet in te, & virtus Altissimi obumbrabit tibi*: Lucæ I. 35. ET NUBES PLUANT: וְשָׁרִיף, cali pluant: est enim repetitio verbis variata. PLUANT IUSTUM, צַדִּיק, iustitiam, id est Christum qui iustitia nostra est, id est quæ nos iustificat: I. Cor. I. 30. APERIATUR TERRA; id est, praearetur B. Virgo ad concipiendum atque pariendum Christum. Aperi enim non significat apertionem, sine qua B. Virgo concepit ac peperit, sed effectum apertionis, id est praeparationem: quia cum terra aperitur prae-

parat

parat se ad excipiendam pluviam. Beata ergo Virgo aperuit animum suum ad excipiendum Spiritum sanctum, cum dixit: *Ece ancilla Domini, fiat mihi secundum verbum tuum*; Luc. I. 38. SALVATOREM: *ישע ודוקה*, salutem & iustitiam, id est Christum salvatorem, & iustificatorem nostrum. EGO DOMINUS CREAVI EUM, id est, sine opera viri in utero B. Virginis formabam: prae. pro fut. Hinc apparet nomina feminina *Iustitia* & *Salus*, posita fuisse pro Christo, quia utitur nunc relativo masculino, *בראיתי*.

V. 9. VAE QUI CONTRADICIT. Difficile est intelligere, quo modo cum praecedentibus haec verba cohaereant. Ego sic existimo coniungenda, ut quia de Christi adventu mentionem fecerat, nunc reprehendat impatientem eorum temeritatem, qui Dei providentiam arguebant, quod non statim toties promissum Christum mitteret, sed per Cyrum quasi per eius umbram se diceret populum liberaturum, ut Habacuc II. 3. *Si moram fecerit, expecta illum, quia veniens venit, & non tardabit. Ece qui incredulus es, non erit recia anima eius in ipso*. TESTA DE SAMIIS TERRAE; id est, tamquam testa, aut tamquam fictile aliquod ex fictilibus terreis. Samia vasa fictilia apud veteres auctores celebrata sunt; posuit Interpretes nomen proprium pro comuni; nemo tamen nisi videtur tam bene sensum expressisse. ET OPUS TUUM ABSQUE MANIBUS EST, id est impolitum est, non est manu artificis labrefactum. Gallice, *Il n'est pas bien manie*.

V. 10. VAE QUI DICIT PATRI. Eadem sententia aliis exemplis declarata.

V. 11. HAEC DICIT DOMINUS. Loquitur Deus cum hominibus tamquam par cum paribus, aut inferior potius cum superioribus deposita maiestate sua, ut ostendat se quid facit non auctoritate, sed ratione facere. VENTURA INTERROGATE ME; id est, tantam habeo curam filiorum meorum, ut paratus sim rationem reddere de omnibus quae illis sunt in futurum eventura. ET SUPER OPUS MANUUM MEARUM MANDATE MIHI; id est, praescribite mihi quam curam habere debeat auctor operis sui, & ostendam me eam habere: vel, iubete reddere rationem operis mei, & reddam; quasi dicat: Etsi non debet opus ab artifice rationem exigere cur ita

se fecerit, vosque opus manuum mearum estis; hoc tamen vobis concedo ut rationem a me exigatis eamque vobis reddam.

V. 12. EGO ET MANUS MEAE. Heb. *יד יד*, ad verbum, *Ego manus mea*; id est, ego sum, cuius manus caelos tendebunt. ET OMNI MILITIAE EORUM; id est, omnibus eorum stellis certam legem imposui, qua moverentur; vel, omnes stellas solo verbo iussuque feci.

V. 13. EGO SUSCITAVI; pro, suscitabo eum; id est, Cyrum hominem a religione & iustitia alienum faciam in hac re ministrum iustitiae meae, ut populum meum in libertatem dimittat. ET OMNES VIAS EUS DIRIGAM; id est, faciam ut in hac re nullo modo erret, sed prudenter se gerat: vel, tollam illi omnes difficultates. IPSE AEDIFICABIT; id est, permittet aedificari civitatem meam Ierosolymam, quae incensa fuerat una cum templo, per Nabuzardan principem militiae regis Babylonis: IV. Reg. xxv. 8. 9. ET CERVITUTATEM MEAM; id est, populum meum qui Babylonii captivi tenebantur. Captivitas, pro captivis, ut Psal. lxxvii. 19. & Ephel. iv. 8. *Ascendens in altum captivam duxit captivitatem*. NON IN PRETIO. Heb. *non propter pretium aut munera*, sed gratis motus a me ut id faciat.

V. 14. LABOR AEGYPTI; id est, omnes opes, quas Aegyptii labore suo pepererunt. ET NEGOTIATIO AETHIOPIAE; id est, quidquid per negotiationem Aethiopes acquiverunt. ET SARATIM. Civitas erat regia Aethiopiz, alio nomine Saba appellata: III. Reg. x. 1. Sensus est, fore ut Iudaei opibus Aegyptiorum & Aethiopum templum & urbem Ierosolymitanam reaedificarent. Legimus enim I. Lib. Esdr. cap. vi. 4. Cyrum praecipisse, ut templum suis sumptibus aedificaretur: erant autem illi Aegyptus & Aethiopia vestigales, atque factum est ut Aegypti & Aethiopiz divitis templum aedificaretur. VIRI SUBLIMES. Heb. *אנשי מדה*, viri mensura, id est proceri Aethiopes intelligit, qui fere magna sunt statura. VINCTI MANICIS PERGENT; id est, ita a Deo impellentur, ut Ierosolymam confluant, ut vincti duci videantur. Debent autem haec de Ecclesiae reedificatione mystice intelligi: nam ex omnibus gentibus

concurfus ad Ecclefiam factus eft, & eorum opibus ad Apoftolorum pedes politis Ecclefiae fundari cepit: Act. iv. 35. **ET TE ADORABUNT**, id eft tibi te fe inclinabunt, atque fubiciunt. **TANTUM IN TE EST DEUS**, (fub. dicentes.) **ET NON EST DEUS ABSQUE TE**, id eft nifi in te. Deus ubique eft, fed dicitur eſſe in ſola Eccleſia Catholica, quia in ea ſola rite colitur.

V. 15. VERE TU ES DEUS ABSCONDITUS, id eft incomprehenſibilis, quem homines non cognoscunt: ſi enim cognoscere, amarent, & colerent, reliſtis idolis. Verba ſunt Prophetae ſententiam gentilium confirmantis: ſicut dixit Iacob Gen. xxviii. 16. *Verè Deus eſt in loco iſto, & ego neſciebam.*

V. 16. CONFUSI SUNT; pro, confundentur, & erubeſcent. **ABIERUNT IN CONFUSIONE**, id eſt confuſi perierunt. **FABRICATORES ERRORUM**, מַצְבֵּי, ſimulacrorum.

V. 17. ISRAEL SALVATUS EST; pro, ſalvabitur ſalute æterna, id eſt quam ſemel partam numquam amittet: Antithetiſ præcedentis verſus. **NON CONFUNDEMINI**, o Iſraelitæ: mutat perſonam, ut ſolet.

V. 18. NON IN VANUM. Oratio abſoluta vim habet relati-; quaſi dicat: Hæc dicit Dominus, cuius potentia & ſapientia in cæli terraque conditione cernitur. Non enim temere fecit, ſed ut commodam hominibus habitationem præberet.

V. 19. NON IN ABSCONDITO LOCUTUS SUM. Qui falſa docent, ſolent in locis abditis & obſcuris docere; ſicut idola & idolorum vates. Qui autem vera, palam loquitur, ut Chriſtus ait, *Ego palam locutus ſum mundo*: Ioan. xviii. 20. Opponit ergo ſe idolis, quod non falſa vanaque prænuntiet. **NON DIXI SEMINI IACOB: FRUSTRA**; id eſt, non ſefeſſi illos, cum iuſſi ut me ſequerentur: ſed quicumque ſecuti ſunt me, copioſe eos remuneravi.

V. 20. QUI SALVATI ESTIS EX GENTIBUS: מִלְּיָדִים. Nemo hunc locum meo iudicio tam bene vertit, quam noſter Interpretes. Invitat enim eos qui ex gentibus prædeſtinati erant, ut veniant ad Eccleſiam. Atque eos vocat ſalvatos ex gentibus, id eſt prædeſtinatos ad ſalutem: ſi-

cut Ioannes vocavit filios Dei etiam ante quam crederent, *Ut filios Dei qui erant diſperſi, congregaret*: Ioan. xi. 52. **NESCIERUNT**; id eſt, imprudentes fuerunt, neſcierant quid egerunt. **QUI LEVANT: מַצְבֵּי, qui portant ſimulacra ſculptilium ſuorum**; id eſt, qui deos habent ligneos, & lapideos, qui moveri non poſſunt de loco, niſi portentur. **ET ROGANT**, id eſt ſupplicant Deo lapideo, qui ſalvare eos non poteſt.

V. 21. ANNUNTIANTE ET VENITE ET CONSILIAMINI SIMUL; id eſt, congregamini; & inite conſilia quantumcumque vobis libet, non reſcriptis ullum Deum præter me futura prædiſſe. Ex tunc, id eſt iam olim **PRÆDIXIT ILLUD**. Relativum *Hoc*, & *illud* referunt ad hiſtoriam Cyri, quam paulo ante narravit, antequam accideret. **NUMQUID NON EGO, ET NON EST ULTRA**; id eſt, numquid non ego, præter quem non eſt alius Deus. **DEUS IUSTUS ET SALVANS** (ego) **NON EST PRÆTER ME**; id eſt, qui ſolus ſum Deus iuſtus & ſalvans, id eſt præter quem nullus Deus iuſtus eſt, & qui ſalvare poſſit.

V. 22. CONVERTIMINI: שׁוּבוּ, *reſpice ad me*; id eſt, venite reſta ad me via, revertimini ad me.

V. 23. IN MEMETIPSO: כִּי, per me ipſum iuravi, ut Hier. xxii. 5. **EGREDIETUR DE ORE MEO**; pro, egreſſum eſt de ore meo iuſtitiae verbum, aut verbum in iuſtitia: **ET NON REVERTETUR**, id eſt non erit vanum & inane; quaſi dicat: Efficiam ut eveniat, quicquid eventurum prædixi. **QUIA MIHI CURVABITUR**; id eſt, me colent omnes gentes, & rebus, & verbis, **GENU ET LINGUA**: ſignificavit omne genus cultus externi: colimus enim Deum aut animo, aut lingua, aut rebus externis. Lingua, cum per eum reverenter iuſteque iuramus; proſitemur enim iurantes eum eſſe Deum, ideoque Iudeis præceptum erat, ut cum iurandum illis eſſet, per nomen Dei iurarent: Deut. vi. 13. & x. 20. **Psalm. lxii. 12. Laudabuntur omnes qui iurant in eo**. Eſt enim iuramentum, ut Theologi docent, actus religionis. Genu autem flexione ſignificatur quilibet alius actus externus.

V. 24. ERGO: itaque, vel, atque, מֵן (unuſqueque eorum) **DICET, IN DOMINO**

NO MEAE SUNT IUSTITIAE; id est, omnis mea iustitia ex Deo profecta est. ET IMPERIUM: *יְמִי, & fortitudo*; id est, quidquid possum auctore Deo possum. AD EUM VENIENT; id est, ad eum convertentur qui in eum credent, QUI VERO REPUGNANT, id est qui increduli sunt, CONFUNDENTUR.

V. 25. IN DOMINO IUSTIFICABITUR; id est, cognoscat se a Deo iustificari, in eoque omnem suam laudem sitam esse.

S A.

Verf. 1. CHRISTO, id est uncto; quasi dicat, Regi. APPREHENDI; quasi dicat, Quem adiuvī: prateritum pro futuro. VERTAM, scilicet ante eum in fugam.

V. 2. GLORIOSOS, scilicet principes. AEREAS, id est fortes.

V. 3. ARCANA SECRETORUM. Chald. *abstrusas opes*. Voco, scilicet multo ante quam sis.

V. 4. ASSIMILAVI, scilicet pastori; vel quasi dicat: Feci, ut esset figura & similitudo Christi mundum e captivitate liberaturi. Chald. *direxi*. LXX. *suscepi*. Heb. *cognominavi*.

V. 5. AMPLIUS. Chald. *alius*. EXTRA, id est prater. ACCINXI. Chald. *audivi*. LXX. *confortavi*.

V. 7. CREANS, id est faciens. MALUM, id est bellum, seu calamitatem.

V. 8. RORATE, scilicet misso Spiritu sancto in Virginem, vel Christo in mundum. IUSTUM, scilicet Christum. ORIA-
TUR, scilicet per Christum iustificamur.

V. 9. TESTA; pro, cum sit velut testa. SAMIIS TERRAE, id est vasīs e terra. *Samia vasa* vocantur a Samo insula, ubi pulchra fiebant. MANIBUS, id est artificio.

V. 10. QUID GENERAS, id est cur me genuisti? quasi dicat: Ut indignum est queri de parentibus, quod genuerint; ita de Deo, qui fecerit.

V. 11. MIHI, id est Prophetis meis; quasi dicat, Per eos me interroga.

V. 12. MANUS, id est virtus. MILITIAE. LXX. *stellis*.

V. 13. EUM, scilicet Cyrum, vel Christum. IUSTITIAM, id est punitionem, scilicet Chaldaeorum; vel, si ad Christum

referatur, iustificationem hominum. AEDIFICABIT, id est permittet aedificari, scilicet Cyrus, vel Ecclesiam aedificabit, scilicet Christus. IN PRETIO, id est accepto pretio; quasi dicat, gratis.

V. 14. LABOR, id est opes labore paratæ. SABAİM, id est Sabaeorum. Per hos populos Gentiles intelliguntur ad Christum conversi. SUBLIMES, id est proceri. VINCTI; pro, velut vincti; scilicet compulsi spiritu. TANTUM. Chald. *in veritate*. IN TE, scilicet o Christe. ABSQUE, id est prater. Not. non esse unam personam prater aliam Deum, quia una sola est Divinitas.

V. 16. ERRORUM. Chald. *idolorum*.

V. 17. SALVATUS EST; pro salvabitur.

V. 19. DIXI: iungi potest cum *frustra*. IUSTITIAM. Chald. *veritatem*.

V. 20. LEVANT, id est gestant, scilicet humeris; vel ponunt loco edito.

V. 21. ANNUNTIATE, scilicet reliquis, ut veniant. Hoc, scilicet quod futurum est, seu quod supra dixi.

V. 23. IN MEMETIPSO, id est per meipsum. IUSTITIAE, id est iustum. NON REVERTETUR, id est non erit irritum.

V. 25. ERGO IN DOMINO; pro, per Dominum, scilicet iurabit, non per idola. Heb. tantum in Domino. DICET; pro, dicit, scilicet Dominus. EUM, scilicet Deum.

V. 26. IN DOMINO, id est per Dominum. LAUDABITUR. Chald. & LXX. *glorietur*.

EST I I.

Verf. 4. PROPTER SERVUM MEUM IACOΒ, ET ISRAEL ELECTUM MEUM VOCAVI TE NOMINE TUO; ASSIMILAVI TE, ET NON COGNOVISTI ME. Verba sunt Dei ad Cyrum, ut patet ex initio capitis. Quod ergo ait: *Vocavi te nomine tuo*, hoc significat, quod proprium eius nomen tanto tempore ante prædixerit. Illud autem, *assimilavi te*, quidam intelligunt, volui te gerere similitudinem & typum Christi mei; sed vox Hebræa aliud significat; videlicet legere aut vocare aliquem, non aperto nomine, sed oculo ac secretioni, quod sit velut cognomen, unde alii verunt, *Cognominavi te*; sensus itaque est: Non

facis mihi est te proprio nomine vocare, sed & adieci cognomina, eaque talia, quibus excellentiam tuam declararem; videlicet hæc: *Christus, pastor, iustus, salvator*: in quibus omnibus itaque Cyrus haud dubie; typum gessit Christi veri Salvatoris. Verum in eo quod addit: *Et non cognovisti me*, in eo Cyrus Christi typum non gessit, sed hoc addere voluit Propheta, ut ostenderet aliud esse typum, aliud veritatem, & sicut populus Iudaicus etiam nesciens præfiguravit veritatem evangelicam; ita Cyrus homo gentilis, Christi quidem typum gessit, sed nesciens.

Sed quomodo non cognovit Cyrus Deum cum dicatur, II. Paralip. ult. & I. Esdræ I. ex nomine ipsius Cyri: *Omnia reges terræ dedit mihi Dominus Deus celi, Et ipse præcepit mihi, ut ædificarem ei domum in Jerusalem?* Respondes: cognoverat aliquo modo; nihilominus, recte hic dicitur: *Et non cognovisti me*; ut intelligatur de cognitione certa, stabili, ac perfecta. Quia in religione veri Dei parum erat institutus. Potest etiam referri ad cognitionem typi, quæta gerebat, hoc sensu: Magnifice te appellavi, & tamen nescis quam magnæ, & eximie rei typum geras.

V. 9. NUMQUID DICIT LUTUM FIGULO SUO, &c. Argumentatur ex hoc Calvinus: Ergo sicut lutum tantum patitur, & non agit, neque movere seipsum potest, neque resistere, dum figulus ex ipso facit opus aliquod, ita & homo se habet in his quæ Deus in ipso operatur: sed respondeo, eatenus hanc similitudinem locum habere; quod homo non magis possit impedire voluntatem Dei circa ipsum statuentis sive prospera, sive adversa, quam lutum impedire possit operationem figuli; deinde etiam ad significandum non ex ullis meritis, sed ex sola Dei voluntate unum eligi, ut ex eo fiat vas in honorem; alium vero relinquui ut sit vas in contumeliam. Neque repugnat hoc libero arbitrio: nam cum homo sit animal ratione præditum, sic voluntas eius a Deo movetur, ut & ipsa sese movcat & quidem libere: nimirum Deo illam movente, secundum modum naturæ eius. Vide plenius ad illud Eithæ. xv. *Convertis Deus spiritum regis*.

M A R I A N A E.

Verf. 1. **H**AEC DICIT DOMINUS CHRISTO MEO, uncto meo, Regi meo. Reges ungebantur. De Cyro agit. CUIUS APPREHENDI DEXTERAM, UT SUBICIAM, vel *sternam*. ANTE FACIEM EIUS, ante eum, coram eo, aut illi. DORSUM VERTAM, scilicet in fugam. Heb. *lumbos Regum aperiām*, id est dissolvam, scilicet præ metu.

V. 2. ET GLORIOSOS TERRAE HUMILIBO. Heb. *Et tortuosa dirigam*: complanabo scilicet viam.

V. 3. THESAURUS ABSCONDITOS DABO. Heb. *thesauros tenebrarum*, id est occultos. CUIUS ARCANAE SECRETORUM. Repetitio. QUI VOCO NOMEN TUUM. Heb. *qui voco (te) nomine tuo*. Id signum amoris est.

V. 4. PROPTER SERVUM MEUM IACOB, quasi dicat: Tot in te beneficia confero, ut liberes populum meum. ASSIMILAVI TE. Heb. *cognominavi te*, Regis, & Messiae cognomina dedi. ET NON COGNOVISTI ME, non enim Cyrus coluit Deum.

V. 5. ACCINXI TE, id est balteo militari te instruxi. Militem meum feci.

V. 6. ABSQUE ME NON EST. Heb. *absque me nihil*, scilicet fit. Victoriarum Cyri ego sum auctor, nisi mea ope tam magna præstare non potuisset. Ego Dominus.

V. 7. FORMANS LUCEM, id est noctem & diem, ut in Genesi. ET CREANS MALUM, id est bellum, sic dictum, quoniam malorum omnium fons est. Vel malum poenæ creans.

V. 8. ET NUBES. Sic Septuag. Heb. *cali*, aut *athera*. PLUANT IUSTUM. Heb. *pluant iustitiam*; pro, *iustum*. ET GERMINET SALVATOREM. Heb. *germinet salutem*, scilicet cali, atque ex iis cadat in terram; aut *germinet*, pro, *germinet terram*, ut Noster posuit. ET IUSTITIA ORIA-
TUR SIMUL. Heb. *iustitiam germinare faciat*: terra scilicet. CREAVI EUM, Christum, de quo omnia hæc intelliguntur. Chald. *ego Dominus creavi ea*, scilicet iustitiam & salutem.

V. 9. VAE QUI CONTRADICIT PICTORI SUO. Non *factori*. Heb. *væ qui litigat cum flore suo*. TESTA DE SAMIS TERRAE, id est talis est quasi argilla. *Sanna* pro

pro testis vasis sumuntur, teste Nonio Marcello, quod scilicet in Samo stilia nobilissima fierent. Sensus ergo erit: Testa de testis terræ, scilicet ligat. Quid vero si *חרשי harfei* legamus cum puncto *Lamin*, non cum *Smol*, ut modo est, dicamus: *Vz testa liganti cum sigulis terræ*. Male illi erit. ET OPUS TUUM ABSQUE MANIBUS EST, id est rude, ut manibus factum non videatur. Heb. *Opus tuum non manus illud*, scilicet fecerunt, *Lamed* pro nota accusativi in *17 lo*, id est *illud*. Hoc testa si dicit figulo, Rude opus fecisti, stulte loquitur; sic qui Deum accusant.

V. 10. QUID GENERAS? quasi dicat: Neque filii cum parentibus ligare debent.

V. 11. PLASTES, id est fictor sum Israhelis. INTERROGATE ME; pro, interrogatis; MANDATE MIHI; pro, mandatis; quasi dicat, In hoc mecum litigatis.

V. 12. MILITIAE EORUM MANDAVI, id est solo iussu feci stellas: ut sic, *mandavi*, pro, mando, impero militie cæli. Ita licet homines stulte faciant litigantes cum Deo, ipse tamen rationem reddit, cur stulte faciant, quia scilicet cum omnipotente litigant.

V. 13. EGO SUSCITAVI EUM AD IUSTITIAM. Ad Christum revertitur, sive ad Cyrum, quem vult iustitiam sancire sublata tyrannide.

V. 14. LABOR AEGYPTI ad te transibit, tibi dabitur, id est labore ab Aegyptiis parta. ET NEGOTIATIO AETHIOPIAE, id est merces. ET SABAIM VIRI SUBLIMES. Sic Septuag. Heb. *virii mensurae*, scilicet magnæ, aut qui mensuris utuntur. Ideo dixit Chald. *virii negotiationis*. Mercatores potissimum mensuris utuntur. *Sabaim*, per *Samech* scribitur: significat Sabæos, qui erant in Arabia Felici. VINCTI MANICIS, aut *compedimus*: ET TE ADORABUNT quasi Deum. TANTUM IN TE EST DEUS. Sic dicent illi de vero Deo Iudæorum, te solum ut Deum habebunt. Cap. XXIII. 3. dixerat Deus se pro Israele daturum Aegyptios, Aethiopes & Sabæos, seu Sabaim: nunc ostendit id factum cum Cyrus in eos versis armis illos omnes sibi subiecit.

V. 15. DEUS ABSCONDITUS. Nempe lucem habitat inaccessibilem. Hic Isaias sermonem vertit ad Deum verum. Qui absconditus, & eius consilia abscondita latent, & rationes eorum quæ fecit.

V. 16. OMNES, scilicet illæ gentes, quas subiugatas a Cyro dixit. FABRICATORES ERRORUM. Heb. *artifices idolorum*: isti pudefacti sunt, cum idola cultoribus suis opulari non poterunt.

V. 17. IN DOMINO SALVATUS EST ISRAEL, id est per Dominum. SALUTE AETERNA. Sic Septuag. & Chald. non loquitur ergo de liberatione per Cyrum, quæ non longi temporis fuit; sed de liberatione per Christum. Iudæi ut hoc evadant, dicunt, tunc Iudæos fuisse in perpetuum ab idololatria liberatos.

V. 18. NON IN VANUM CREAVIT EAM: terram scilicet de cuius conditione loquitur. Heb. *non Tolu creavit eam*, id est non ut esset chaos & vasa. Memcho ca voce Gen. 1. significari chaos. Ergo ut inhabitaretur terram finxit. Ideo parciit hominibus, ne terra vasteretur.

V. 19. NON IN ABSCONDITO. Dixerat, Deum absconditum; nunc ait, se palam locutum. FRUSTRA, seu *in vanum*, ut Septuag. & Chald. qui iungunt illud cum verbo *dixi*, non cum verbo *querite*. Ergo non frustra dixi, querite me, sed ut vobis, scilicet beneficerem. EGO DOMINUS LOQUENS TUSTITIAM, id est veritatem. Veræ sunt promissiones meæ. Confidite, non fallam.

V. 20. ET ACCEDITE, scilicet ad me QUI SALVATI ESTIS, quos & captivitate liberavi: sic Septuag. & Chald. Alii vertunt, *Accedite ad me abiecti gentium*, id est inter gentes. NESCIUNT, scilicet me. Qui nesciunt? QUI LEVANT LIGNUM, scilicet ut adoraret illud, ponunt in loco sublimi: sic inter nos elevantur ossa eorum qui cælo adscribuntur.

V. 21. ET CONSILIAMINI; id est, communicatis inter vos consiliis dispicite, non ab alio quam a me iam olim esse prædicta quæ sunt futura, argumento nec solum Deum esse. Ergo ad me convertimini: sic

V. 22. ET SALVI ERITIS OMNES FINES TERRAE. Omnes gentes invitat ad salutem, quod non contingat nisi per Christum.

V. 23. IN MEMETIPSO, id est per memetipsum iuravi. Egreduetur de ore meo. IUSTITIAE VERBUM, id est verbum iustum & verum. Heb. non est regimen: ideo sic verò, *iustitia verbum*; pro, in iustitia verbum non erit irritum. Sententia eadem.

V. 25.

V. 25. ERGO, seu *vere*. IN DOMINO, id est, per Dominum, hoc est, per semetipsum iurans. DICET; pro, dixit. ET IMPERIUM, seu *fortitudo* mea est, & iustitia. AD EUM VENIENT. Heb. *veniet*; pro, *venient*. Ad eum, id est ad me; mutat personas. Nimirum qui nunc sunt rebelles, ad Deum tandem venient, convertentur. ET CONFUNDENTUR, pudore suffusi ob rebellionem & repugnantiam priorem.

V. 26. ET LAUDABITUR. Heb. *laudabunt se*, glorificabunt se Israelitæ, cum viderint Deum de omnibus gentibus triumphasse, subiecisse omnes.

M A L V E N D A E.

Verf. 1. **H**AEC DICIT DOMINUS, &c. Heb. *Sic dixit Iehovah*, &c. Secunda pars concionis, inquit, quam prophetieam narrationem esse diximus supra in cap. XLIV. 6. nunc demum incipit: in qua Deus mirificam suam administrationem prædicat in perdidis Babylonis, & servandis suis. Sunt autem huius narrationis partes duæ; una est, proleptis sive propositio & narratio brevis rerum gerendarum, causarum & consiliorum Dei, hoc capite: altera est, ergasia, id est exornatio sive explicatio fusior huius narrationis, in sequentibus capitibus, 46. 47. & 48. Huius ergo capitis tria sunt membra; primum, de nomine, vocatione, & rebus gerendis a Cyro, tribus versibus: secundum, de causis istius administrationis, inde ad versum 14. tertium, de consilio promovendi his rationibus, & suo tempore instaurandi regni per Christum, inde ad finem usque capitis: e quibus primum membrum fusius explicatur cap. XLVI. & XLVII. secundum cap. XLVIII. ad tertium tota reliqua prophetia libri pertinet, quam non dubium est permultis vicibus prophetatam esse. CHRISTO MEO CYRO: vel *Unctio, Messia, suo Cyro*; id est, regi vocato & instituto divinitus ad perficiendam voluntatem Dei, que mox subiicitur: metonymia est signi pro re significata, ex Iudæorum usu, ut I. Reg. XIX. 15. Nam alioqui Cyrus non legitur unguento unctus in regem, nec Persarum regibus inaugurandis unguentum adhibebatur; sed alius inaugurationis ritus, quem describit Plutarchus in ARTAXERXE. CUIUS APPREHENDI DEXTERAM;

id est, quem præsentii auxilio meo defendo, guberno, ac confirmo in ea vocatione, in qua eum constitui: sic supra cap. XLII. 6. Quidam reddunt: *cuius confirmaturus sum dexteram*; id est, cui non solum vocatione, sed etiam donum a Deo obventurum est, ut præstet hæc mandata Dei; quasi dicat, Cui assurus sum, ut reges & regiones subigat: quemadmodum fuisse factum docent historici, scorsim Herodotus Lib. I. Ctesias in Excerptis Persicis, Iulianus Lib. I. Synecdoche. UT SUBIECIAM ANTE FACIEM EIUS GENTES. Alii: I. *ut subdam coram eo gentes*. II. *ut expandam coram eo gentes*. III. *ad sternendum ad facies eius gentes*. ET DORSÆ REGUM VERTAM. Heb. *Et lumbos regum aperiam*, vel *dissolvam*; id est, faciam ut viribus deficiant, & destituantur, infirmabo robur eorum, & exarmabo, ut nihil superfit virium.

V. 2. EGO ANTE TE IBO. Alii: I. *Ego ante te procedam*. II. *Ego tibi præsturus sum*. ET GLORIOSOS TERRARUM HUMILIBO. Vocem חַדְוִיחַ *hadurim*, varie exponunt: I. *Et tortuosa, aspera, inæqualia, perversa, loca, vel vias tortuosas, & obliquoas*, seu *asperas ac difficiles, dirigam, rectificabo, æquabo*; id est, difficultates omnes ita sublaturus sum, ut nullo negotio etiam potentissimas nationes ac regiones perdomes. II. Participium passivum verbi *חָדַר* *hadar*, faciunt: *Et decoratos, ornatos, honoratos*, id est magnos & altos, *æquabo*, id est in ordinem redigam. Istud sequuntur Marinus, Avicennarius, Schindlerus. At Forsterus annotat: *Pluraliter hadurim, quod abstractive ponitur, pro ornamentis, id est rebus excellentibus, & excellenter ornatis: & excellentia quæque æquabo*.

V. 3. ET DABO TIBI THESAUROS ABSCONDITOS, &c. Hunc versum alii ex Heb. efferunt: I. *Dabo tibi thesauros, qui sunt in locis tenebrosis, & absconditis latibulorum, vel arcana latebrarum, seu thesauros absconditos: ut scias quod ego sum Iehova, qui voco te nomine tuo, vel voco nomen tuum, Deus Israelis. Deus nomine vocare dicitur eos quos eligit, atque ad opus aliquod destinat, ut ipsum Cyrum constituit ac designavit ducem ac principem huius liberationis. Vide de hac locutione supra cap. XLII. II. Et dabo tibi thesauros caliginis, seu thesauros in tenebris latentes, & que in occulto abstrusa sunt, seu thesauros abs-*

consonum, id est thesauros deoscos in terra; quasi dicat: Faciam ut urbium, quas tibi subiecerim, thesauris potiaris, etiam abditissimis: ut cognoscas, quod ego sum Iehova, qui te nomine tuo voco, Deus Israelis.

III. *Daturusque tibi sum thesauros tenebrarum, seu abstrusissimos, & repositas opes latebrarum, seu abstrusissimas:* fortasse innuit immensas opes Crexi Lydorum regis, etiam proverbis celebratas, quibus eo devicto potius est Cyrus. Plinius Lib. XXXIII. cap. tit. Nam Midas & Cræsus in infinitum possederant. Iam Cyrus devicta Asia pondus triginta quatuor millia invenerat, præter vasa aurea, aurumque sacrum, & in eosolia, ac platantum, vitæque. Qua victoria argenti quinquaginta millia talentorum reportavit, & craterem Semiramidis, cuius pondus quindecim talenta colligebat. Talentum autem Aegyptium pondus octoginta capere farræ tradit: ut cognoscas me Iehovam, qui voco te nominatim, Deum Israelis esse.

Transito ad explicationem causarum, ex quibus Deus ad hæc iudicia per Cyrum efficienda adducitur, quarum una est, ut agnoscatur Deus, & fides ipsius, studiumque in populum suum, cum a Cyro, hoc & sequente versu; tum a gentibus, versibus tribus sequentibus; tum a rebus creatis omnibus, vers. 8. altera, ut Babyloniorum blasphemæ & scelerata vita castigetur, a vers. 9. ad 14. Huius autem Cyri agnitionis exemplum exitat II. Paralipom. xxxvi. 23. & Hezræ t. 2. nimirum qualis in viro ignorante Dei esse potest: non autem salutaris, ut sine duorum sequentium versuum confirmatur. ET ARCANÆ.

מִסְתָּרִים *matmonim, mammonæ, divitiæ, thesauri, recondita, reposita, occultationes:* vide in Genes. xlii. 23. SECRETORUM. מְסֻתָּרִים *mishtarim, proprie absconditum, latebrarum, occultorum, latibulorum, mysteriorum.* Nam ex Hebraica Græcæ vocem effluxisse, non est dubium.

V. 4. ET VOCAVI TE NOMINE TUO: ASSIMILAVI TE, ET NON COGNOVISTI ME. Alii ex Heb. I. *vocavi te nomine tuo, proprio;* vers. 1. & vers. 23. antecedentis capituli: & te cognominavi; id est, locutus sum de te nomine recto, vel tacito, seu suppresso; quasi dicat: Aliquando locutus sum de te per prophetas nomine tuo expresso, aliquando intellecto, cum nondum haberes mei notitiam. II. Tremellius, &

Iunius: *propterea me vocasse te de nomine tuo, cognominasse me, quamvis ignores me.* Exponunt, *Cognominasse me*, nam proprium illi nomen, teste Herodoto & Iustino, fuit, *Spaco*, id est Canis, Mædorum lingua, a cane, quæ ipsum infantem lactaverat: *Choresch* vero cognomen fuit honorificum a Persis indilum, quod sonat Dominum: nam eadem quoque ratione *Choresch* apud Persas est solis, quem colunt, epitheton, vel cum augmento *Perficæ* terminationis, *Choresar*. Evidens allucinatio, neque enim Herodotus aut Iustinus proprium Cyri nomen *Spaco* fuisse produunt, sed nutritic eius uxoris bubulci, quæ Medica lingua *Spaco*, id est Canis, & Græca *Cyno*, quod etiam canem significat, appellabatur: unde factum locum fabulæ, Cyrum expositum, a cane fuisse educatum. Sed hunc Isaïæ locum illustrat perspicue Herodotus ipse Lib. I. Numero cxiii. *Alterum vero infantem qui postea Cyrus appellatus est, uxor bubulci sibi sumptum educavit, imposito illi alio quopiam, ac non Cyri nomine.* Et paulo inferius Numero 114. agens de Cyro puero, ait: & *quæ a Cyro pertulisses deploravit: non tamen Cyrum, nominans (nondum enim eius hoc erat nomen.)* Ex quibus constat Cyrum, primum alio nomine, sed quod ignoratur, nuncupatum fuisse: deinde Cyri nomen ei divina ordinatione inditum, & hoc esse, quod hic Isaïas ait, *cognominavi te.* De nomine vero *choresch*, seu Cyri, vide Comm. in II. Paralip. xxxvi. 22. Nonnulli exponunt: *Cognominavi te*, videlicet, cognomine *Messæ, Christi*, seu *Uncti*, supra vers. 2. *Pastoris*, cap. xlv. 28.

V. 5. ACCINGITE. Heb. *accingam te;* id est, expediam, instruam, roborabo, dabo tibi vires ad officium, ad quod infitui te; vel armabo te, accingam te viribus, & exercitibus, strenuum te ducem ac bellatorem faciam.

V. 7. FACIENS PACEM; id est, omne bonum & prosperitatem, cuius contrarium est malum, quod proximo membro nominatur.

V. 8. RORATE CAELI DESUPER, ET NUNES PLUANT IUSTUM, &c. Plerique exilimant Prophetam præstridum oculos mentis sublimitate mysteriorum, relicto filo historiarum, subito a Cyro liberatore ad Christum verum servatorem orationem convertere. Admonitum

nitum enim per umbram Cyrum, Christum liberatorem optare. Descendat, inquit, Spiritus Sanctus in virginem, velut ros & imber, & incarnetur Filius Dei & nascatur de caelo Iulus, Christus, iustus nimirum ipse, & iustificans impios, &c. Quidam hunc versum ita ex Heb. accipiunt: *Disillat cali superne, & superiores nubes fluant insilitia: aperiat se terra, & terre flua edant fructum salutis, insilitiaque efflorescat simul, me Iehova patran- te illud*. Provocatio rerum creaturarum omnium ad testificandum & predicandum salutem, iustumque Dei opus, & quibuscumque modis poterunt ministrandum ei: quae omnia enuntiantur allegorice. **APERIATUR TERRA, ET GERMINET SALVATOREM; ET IUSTITIA ORIATUR SIMUL.** Alii ex Heb. *aperiet se terra & fructificet*, seu *crescant, succrescant, proveniant salus & insilitia, quas germinare faciet terra simul*. Quidam exponunt: *Aperiat se terra, & fructificet salus & insilitia*; id est, virgo pariat sine opere viri: pariat, inquam, nobis salvatorem & iustificatorem: *quas progerminare simul faciet*; id est, quas virgo est productura simul cum Christo. Nec absurde expones: *Disillat cali, aethera fluant, aperiat se terra, & fructificet verum salutem*, seu *ut fructificent salutem*; nempe cali, aethera, omnia effundant & producant salutem. **EGO DOMINUS CREAVI EUM**, id est, Cyrum, vel Christum; aut *eam*, iustitiam, & salutem; aut *illud*, opus iustum & salutem, mittendi Cyrum ad liberationem populi.

V. 9. VAE QUI CONTRADICIT FICTORI SUO. Alii: *Vae litigantis, contendenti, disceptanti, corricanti, cum fictore, formatore, seu plasmatore suo*. Transistio ad alteram causam iudiciorum Dei, nimirum, nequitiam Babyloniorum, ut dictum est in vers. 3, cuius primum indignitas coniuncta maledictione his duobus versibus exponitur, perinde esse ac si figmentum in figulum, aut semen genitale in parentes efflueretur: deinde potentia Dei asseritur adversus illorum blasphemias, inde usque ad vers. 14. **TESTA DE SAMIIS TERRAE.** De *samiis* vide Plinium Lib. XXXV. cap. XII. & XVI. & Nonium Marcellum cap. IV. §. 474. Quidam reddunt: *testa cum aliis testis terreis*; id est, qui utrumque alat ingentes animos, tamen aeque testa est fragilis ad voluntatem figuli, atque altera quavis: vide Daniel. V. **NUMQUID DICET**

LUTUM FIGULO SUO? Alii: *an dicturum est lutum fictori suo?* Simile argumentum contra Assyrium vide supra cap. X. 15. **QUID FACIS?** Quidam: *Quid facturus esses?* id est, non poteris facere quod dicis: te invito permancibimus, neque Iehudaei tibi eripientur nobis. **ET OPUS TUUM ABSQUE MANIBUS EST?** Alii ex Hebr. I. *Operi tuo non sunt manus?* id est, alicuius opus dicitur fictori suo: Non sunt manus doctae, quae me fecerunt? quasi dicat: An dicit alicuius opus se non esse assabretactum, & perite elaboratum a suo artifice? Soletne insurgere opus in factorem suum, ac dicere ei: Opus tuum est rude, & tale quale est id quod non est factum manu artificis periti? **II. & opus tuum non habet manus?** id est, inutile est, nihil valet efficere, vel non habet ansas; sic enim manus sumi pro ansis notant, Exod. XXVI. 17. & XIX. quasi dicat: Dicit ne testa figulo: *Opus tuum ansas habet, aut non habet?* **III. cum opus tuum non sint manus ad illud.** Employe verborum. Hebraei recepta in concursu relativi cum antecedente; pro, cum ad opus illud tuum nullae sint manus? id est, cum vires te deficient, & sis imbecillior quam ut praestes ea, quae praenuntiavi de nostra everfione, istorumque liberatione.

V. 10. QUID GENERAS? Alii: *Quid veniturus esses?* &c. quasi dicat, Laboras frustra: penes me est potentia rerum conficiendarum, non penes te.

V. 11. HAEC DICIT DOMINUS SANCTUS ISRAEL, PLASTES FIUS. Alii: *Sic ait Iehova Sanctus Israelis, & formator eius.* Asseritio potentiae Dei, ut diximus in versum 9. **VENTURA INTERROGATE ME.** Alii: *I. Sciscitantia a me imminet.* **II. quae ventura sunt, petite a me.** Obsecro ironica in Babylonios: Agite, inquit Deus, negare ista siquidem vultis, aut si potestis impedite: sed tamen signa praesentia iam satis evincunt dictorum meorum veritatem, sequente versu: opus autem meum, cui obliuistis vobis invitis suo tempore consummabo, vers. 13. **SUPER FILIOS MEOS, ET SUPER OPUS MANUUM MEARUM MANDATE MIHI.** Nonnulli: *de filiis meis*, id est Iehudaeis liberandis, & *de opere manuum mearum*; id est de toto eo, quod me denuntiavi per Cyrum effecturum esse, *interdicite mihi*, id est impeditis si potestis: **II. 12.**

V. 12. EGO FECI TERRAM, &c. Quidam hunc versum ex Heb. reddunt: Ego feci terram, & hominem super eam creavi; ego manibus meis extendentibus celos, omni quoque exercitui eorum precepta dedi. Dicta sua confirmat Deus a signis & elementis rerum naturalium inanitarumque. ET OMNI MILITIAE EORUM MANDAVI. Quidam: & omni exercitui eorum precepi; id est, mandato feci, vel solo verbo & iussu creavi. Alii: & omni militia eorum impero.

V. 13. EGO SUSCITAVI EUM. Alii: Ego excitatus sum illum. Cyrum, cuius ante memini, vers. 1. IN IUSTITIA: vel propter iustitiam faciendam, ut scilicet summat penas de Babylonis: Alii: iuste, id est, prout iustitia mea denuntiat peccatis vestris, & iuste effectura est ad meorum liberationem. IPSE AEDIFICABIT CIVITATEM MEAM. Alii: ipse reedificaturus est civitatem meam, ut supra cap. XLIV. 28. ET CAPTIVITATEM MEAM. Heb. devotionem, deportationem, exilium, demigrationem meam; id est, deportatos meos dimittet, seu remittet, aut remissurus est in solum patrium ipsorum. NON IN PRETIO, NEQUE IN MUNERIBUS. Alii: non pretio, neque munere; id est, gratis, non tantum non accipiens munus ad dimittendum populum, sed ipse ultro offerens liberationem & munera, Hezræ 1. vide infra cap. LI. 3.

V. 14. HAEC DICIT DOMINUS, &c. Heb. Sic ait Iehova, &c. Tertium membrum huius capitis, ut diximus in versu 1. quo Deus ostendit consilium suum: se non alium ad finem ista effecturum esse, quam ut promoveat hoc pactum, & instauret regnum suum tempore suo per Christum, qui fundamentum est & finis omnium prophetiarum. Quamobrem prædicuntur duo: primum, gentes his principiis adductum iri ad colendum & prædicandum Deum, quatuor versibus: secundum, Deum illas ultro vocaturum, aucturum esse, & confirmaturum in notitia & fide in Christum, a vers. 18. ad finem usque capitis. LABOR AEGYPTI. Exponunt: Id est, opes labore paræ: metonymia. Alii pretiosæ merces quæ ex Aegypto asportabantur, de quibus I. Reg. x. 28. ET NEGOTIATIO AETHIOPIÆ. Heb. & circulatio, circumperatio, negotiatio, mercimonium, merx,

Rib. Sac. Tom. XVII.

Chus, seu Aethiopia. ET SABAIM VIRI SUBLIMES AD TE TRANSIBUNT, ET TUI ERUNT. Heb. & Sabaim homines mensura, id est altos, magnos, proceros, seu magnæ stature, ut Num. xiiii. 32. & I. Paralipom. xi. 23. Quidam reddunt: & Sabaimque procerorum ad te transibunt, & tua erunt; id est, Sabaimorum potentissimorum agro, & mercibus: fuerunt enim Sabai propter thuris & odorum merces clarissimi, ad utraque maria porrectis gentibus, Persicum & rubrum, teste Plinio Libro VI. cap. xxviii. Vide Strabonem Lib. XVI. pag. 778. POST TE AMBULABUNT; vel post te ibunt. Quidam: te sequentur; id est, adiungent se, & submittent Christo in Ecclesia. TEQUE DEPRECABUNTUR: TANTUM IN TE EST DEUS, ET NON EST ABSQUE TE DEUS. Alii ex Heb. 1. & supplicabit tibi, vel supplices te precabuntur: tantum in te est Deus, præter quem nullus Deus est; id est, ut semel dicam, Non est alius Deus præter te. II. te deprecabuntur, dicentes: Tantum in te est Deus fortis, cor nullus est præterea, nusquam præterea Deus.

V. 15. VERE TU ES DEUS ABSCONDITUS, DEUS ISRAEL SALVATOR. Alii: Utique tu Deus fortis, præbens te latibulum Deus Israelis, servator es; id est, qui a temporibus æternis reticuiisti apud gentes mysterium tuum, nunc vero fecisti manifestum, & per Scripturas ad obedientiam fidei omnibus gentibus te perfugium esse piorum in quavis gente declarasti, ut ait Apostolus Romanor. xvi. 25. Aliqui exponunt: Deus abscondens te, seu tegens te; id est, qui omnibus te notum non reddis, sed tantum electis tuis Israelitis.

V. 16. CONFUSI SUNT, ET ERUBUERUNT, &c. Alii hunc versum ex Heb. transferunt: I. Erubescant, pudeant quoque omnes, cum ignominia abeant simulopifices idolorum. II. Erubuerunt etiamque ignominia affecti sunt omnes isti: pariter abiverunt cum ignominia fabri imaginum. Exornatio præcedentis dicti a spectato iudicio eius per antithesin ultionis in idololatrias, & Babylonios ipsos, salutisque communicatæ cum populo, versu sequente. ERORORUM. צורִים *tzirim*, omnia ista continet, figuratum, imaginum, formarum, plasmationum, idolorum; vel coangustationum, angustiarum, torminum, dolorum; quo nomi-

M m n c

ne dicuntur *idola figurate*, conscientiis & cultoribus suis nihil aliud asserentia quam angustiam & dolorem. Radices צור, & יצר latzar, affines sunt.

V. 17. ISRAEL SALVATUS EST IN DOMINO, &c. Alii ex Heb. I. *Israel salvus est*, vel *servabitur in Iehova salute sempiterna*; non *erubescet*, neque *ignominia notabuntur per aeterna secula*. II. *Israel servatur per Iehovam salute seculorum*, seu *aeterna*: non *erubescetis*, neque *ignominiosi reddemini in secula aeternitatis*, seu *in sempiterna secula*.

V. 18. QUIA HAEC DICIT DOMINUS, &c. Hunc versum alii ex Heb. convertunt: I. *Quoniam sic dixit Iehova, creans celos, Deus ille, qui finxit terram, qui fecit eam, qui & paravit eam: non creavit eam in vanum, vel frustra, seu ut vana esset; sed finxit eam ut inhabitaretur: ego Iehova, & nullus alius*. II. *Nam sic ait Iehova creator celorum, ille ipse Deus firmator terra, & opifex eius, idem stabiliens eam*. Alterum membrum promissionis ex consilio Dei, ut supra diximus vers. 14. quo Deus confirmat, se gentes ad ipsum confluentes aeterna benedictione & salute donaturum esse, quam in fine superioris versus penes Iisraelem esse constabat: *qui non ad inanitatem creavit eam, sed ad inhabitandum formavit eam*; id est, qui non vult prostratis hostibus & idolis terram desertam esse, sed habitari a suis; ac proinde statuit gentes cum Iudaeis in Ecclesiam cooptare. Haec autem dicuntur allegorice comparatione sumpta a rebus bellicis: *ego sum Iehova, & nullus preterea*.

V. 19. NON IN ABSCONDITO LOCUTUS SUM, IN LOCO TERRAE TENEBROSO. Alii: I. *Non in occulto locutus sum, aut in obscuro terra loco*, II. *Non clam loquor, non in loco terra tenebrarum, seu tenebrarum*; id est, nunc demum me sermonem & beneficia mea expono palam, contra quam supra dixerant gentes, vers. 15. NON DIXI SEMINI IACOB: FRUSTRA QUAERITE ME. Quidam distinguunt: *Non dixi semini Iacobobi, Inaniter quaerite me*; id est, non frustra voco Ecclesiam meam, sed ad iustitiam & vitam aeternam, ut sequentia docent.

V. 20. CONGREGAMINI, ET VENITE, ET ACCEDITE SIMUL QUI SALVATI ESTIS

EX GENTIBUS. Alii: *Congregamini, & advenite, appropinquate una qui evasistis ex gentibus*. Praenuntiatio luculentissima vocationis gentium ad Evangelium Christi, tribus versibus: cui subiungitur confirmatio a iuramento Dei patefacti in Christo Filio suo, tribus versibus ultimis. ACCEDITE, verbum ex Hithpahl, *accedere vos ipsos facite*, magnum habet sententiae incrementum; id est, ingenti studio & propensione, ac promptissima voluntate accedite ad Christum. QUI SALVATI ESTIS EX GENTIBUS. Varie alii: I. *fugitivi gentium*, id est abiectissimi quique inter gentes. II. *praecipui gentium*; id est, qui dignitate, opibus, potentia, scientia inter gentes illustres evaditis. III. *remoti gentium*; quasi dicat, Ab extremis terrae. IV. *Forisiterus: salvatores gentium*, sic enim haec vox sumi videtur infra cap. LXVI. 19. ut ironice sic vocet deos gentium, seu praecipuos cultores eorum: vel potius reges & principes gentium intelligat. NESCIERUNT QUI LEVANT LIGNUM SCULPTURAE SUAE, ET ROGANT DEUM NON SALVATEM. Alii ex Heb. I. *Nihil norunt*, id est errant, *qui lignum simulacrum extollunt, vel gestant, scilicet humeris collocatum in thelis: & qui ad deum erant, qui salvando non est, vel qui servare non potest*. II. *qui ignari erant gestantes lignum sculpsit sui, & deprecantes deum forsem, vel pro deo sorti, non valentem servare*; id est, qui prius alieni erant a Deo & promissionibus eius, innixi falsis diis, Ephesior. 11. 12.

V. 21. ANNUNTIATE, ET VENITE, &c. Alii hunc versum ex Heb. convertunt: I. *Annuntiate & adducite, ut consilium pariter ineant, quis prodixit hoc olim? & haecenus qui hoc annuntiavit? an non ego Iehova, & non est alius Deus praeter me solum, Deus iustus & salvans, nullus praeter me*. II. *Inducite, & admovete, etiam consilium ineant, impersonaliter, pro ineatur una: quis pronuntiavit hoc a praefcis diebus? ab eo tempore indicavit istud? an non ego Iehova, nullusque amplius Deus praeter me, Deus fortis, iustus & servator? nullus praeterquam ego*; id est, nuntiatis, & vocatis alii alios, convenite & consilia inite fidei, & poenitentiae, &c. quae duo ponuntur hoc & sequente versu.

V. 23. IN MEMETIPSO IURAVI &c. Hunc versum quidam ita ex Heb. explanant:

*nant: *Per me iuravi, prodit ex ore meo iuste verbum, quod non revocabitur: Mihi incurvatum iri omne genu, iuraturam omnem linguam.* Confirmatio a iuramento, ut dictum est in vers. 20. quia Christus primum asserit auctoritatem suam, hoc versu: deinde totam Ecclesiam sibi attributum & delatum iri docet, duobus sequentibus: quo sensu accipiendum esse hunc locum docet Apostolus Romanor. XIV. 11. & Philippens. 11. 10. EGREDIETUR DE ORE MEO IUSTITIAE VERBUM, ET NON REVERTETUR. Quidam ex Heb. I. *egressum est ex ore meo iustitia*, id est iuste, *verbum*, quod non revertetur, id est non erit irritum. II. *egressa ex ore meo iustitia, verbum, quod non retrocedet.* Sed est Hebraice discordia generum, nam *מִי* iatza, *exivit*, est masculinum, & *iustitia* femineum.

V. 25. ERGO IN DOMINO, DICET, &c. Hunc versum ex Heb. varie transferunt: I. *Dixit autem in Iehova dixit Iehova*, id est in Filio Pater, *sunt mihi iustitie & robur*, id est, prestabo quæ promitto, quia sunt mihi vires; nec denegabo, quia iustum sum: *usque ad ipsum*, id est usque ad me: mutatio personæ: *veniet*, quique electus: *& pudebunt omnes illum provocantes*, vel quotquot indignabuntur illi. II. *Uisique*, vel tantum per Iehovam mihi (dixit electus) *iustitie & fortitudo*, usque ad eum veniet: pudore autem afficientur omnes, qui irascuntur in eum, vel succensentes ei, seu qui repugnant ei. III. *Certe per Iehovam (mihi dixit)*, id est, in gratiam meam dixit omnis lingua) *iustitie & imperium ad eum veniet*; id est, ad Christum pertinebunt, eius erunt, ut eius propria & genuina ab omnibus prædicabuntur: *& pudebunt omnes, qui exarscunt in eum*. IV. Hispanicus Interpres: *y a mi dira*, scilicet *toda lengua*: *cierro en Iehova esta la iustitia y la fuerza, hasta el vendra: y todos los que se enojan contra el*, id est, *tonam contienda*, ut supra vers. 9. *feran avergonzados*. V. *Tantummodo in Iehova, de me, inquiet, omnis iustitia & robur est prædicatio Ecclesie gloriantis in Christo*, quam prædicationem Christus de se futuram dicit: *ad ipsum veniat congressurus, acerbescant quicumque exarscunt contra eum*. Erubescant: provocatio gloriosa in hostes; quasi dicat Ecclesia: Agedum, si qui pugna experriri cum Christo volent; victi cum pudore cecedent.

V. 26. IN DOMINO, &c. Alij: *In Iehova iustificabuntur, & gloriantur totum semen Israhel*; id est, Iehova facit, ut electi apud ipsum iustitiam consequantur, de qua gloriantur inter homines; seu in Christo iustitiam & gloriam adipiscitur Ecclesia Dei, ex omnibus gentibus adunata.

MENOCHII

Vers. 1. CHRISTO MEO CYRO. Cyrus vocatur Hebraice Messias, id est Christus, sive unctus tum allusione ad Reges Hebræorum, qui unctione consecrabantur (Cyrus autem fuit Rex a Deo electus, & quasi consecratus ad liberationem Hebræorum, quare Deus cum hic vocat suum cum ait, *Christo meo*) tum quia Cyrus fuit typus, & imago Christi; imago autem sortitur nomen eius cuius est imago: sic de imagine S. Petri dicimus, Hic est S. Petrus. CŒLUS APPREHENDI DEXTERAM: illa, tamquam instrumento meo utar ad feriendum, & puniendum Chaldaeos. DORSA REGUM VERTAM: scilicet ante eum in fugam. APPETIAM, &c. urbium portas.

V. 2. ET ARCA SECRETORUM: repositos, & absconditos thesauros intelligit. In Hebræo est: *Dabo tibi thesauros caliginis, & thesauros absconssimam.* QUI VOCO NOMEN TUUM: multo antequam sis.

V. 4. PROPTER SERVUM MEUM IACOB. Hic est finis, & scopus Dei, ob quem Cyrus ita evertit. VOCAVI TE NOMINE TUO. Voluit Deus in sacris litteris, multo ante inscribi cum hoc elogio nomen Cyri, ut Hebræi Cyro ipsi possent ostendere, quæ tanto ante de illo prædicta fuerant, & gratiam illius inire; & ut ipse ad ea præstanda animaretur, quæ prænnuntiata fuerant a Propheta. ASSIMILAVI TE: feci ut esses figura, & similitudo Christi mundum & captivitate liberaturi. Sanchez putat, assimilavi te, idem esse ac, te tuis notis, & characteribus descripsi, vocando te nomine tuo, & quæ facturus es præ dicendo.

V. 5. ACCINXI. Chald. *adjuvi*, LXX. *confortavi*. ET NON COGNOVIST MEI; id est, nescis te a me eligi, & dirigi ad eversionem Babylonis, hoc consilio, ut Iudeos inde liberes, utque formam, & typum Christi geras.

V. 6. ABSQUE ME NON EST. LXX. *Non est Deus præter me.*

M m 2

V. 7.

V. 7. **FACIENS PACEM.** Pax Heb. significat quietem, opulentiam, libertatem, felicitatem, & bonorum omnium affluentiam. **CREANS MALUM:** ut, verbi gratia pestem, famem, bellum, &c.

V. 8. **RORATE,** &c. scilicet misso spiritu sancto in virginem, vel Christo in mundum. **IUSTUM:** Christum Dominum. **APERIATUR TERRA,** &c. quasi dicat, Utinam terra producat, & in lucem proferat Salvatore: Christus enim nasciturus quidem erat cælis, sed in terris. Terra ergo hic simpliciter, & generice sumitur; terra enim præbuit materiam corpori, ut Christus nasceretur. **ET IUSTITIA ORIATUR SIMUL;** scilicet cum Christo. Respicit illud Psal. LXVI. 6. *Descendet sicut pluvia in vellus, & sicut stillicidia stillantia super terram; orietur in diebus eius iustitia,* &c. **EGO DOMINUS CREAVI EUM,** id est creabo eum, scilicet Cyrum, ad quem redit Propheta, ita tamen, ut multa Christo conveniant, cuius typus fuit Cyrus.

V. 9. **VAE QUI CONTRADICIT FACTORI SUO.** Increpat eos qui de divina providentia querebantur, quod misera ipsis conditio contigisset, & in mala tempora incidissent, captivatis, scilicet ærumnarum plenæ. **TESTA DE SAMIIS:** cum sit quasi vas non ex auro, aut pretioso metallo, sed ex argilla sœvia formatum. In Heb. est, *Testa de testis terræ;* quasi dicat, Testa lutea, terrea, vilis. **ET OPUS TUUM ABSQUE MANIBUS EST;** id est, opus tuum caret anis suis: anis enim vasi sunt quod manus homini: vel sensus est, opus tuum impolitum est, & informe, ac si pedibus non manibus esset elaboratum, & sic maior est blasphemia.

V. 10. **QUID GENERAS?** id est, cur me genuisti? quasi dicat: Ut indignum est geri de parentibus quod genuerint; ita de Deo quod fecerit, aut tali loco, tempore aut aliis circumstantiis. **ET MULIERI;** scilicet matri.

V. 11. **PLASTES ETUS;** scilicet Israelis formator. **VENTURA INTERROGATE ME:** licet enim, ut figulus luto rationem reddere non teneat consilii mei, tamen, quæ mea est benignitas, quid de vobis, deque vestra captivitate proroganda, vel solvenda decreverim, quidque vobis eventurum sit, aperire non dedigabor. **SUPER FILIOS MEOS:** vobis, qui filii mei estis. **SUPER**

OPUS MANUUM MEARUM: quod estis vos. **MANDATE MIHI,** id est ab Isaia, meisque Prophetis sciscitamine, & postulante. Alii putant esse ironiam; quasi dicat: Est ne vestrum mihi mandare quid facere, & quomodo filios meos regere debeam?

V. 12. **MILITIAE EORUM:** stellis. **MANDAVI:** eas disponens, & ordinans.

V. 13. **SUSCITAVI EUM AD IUSTITIAM:** Cyrum scilicet ut iuste puniret tyrannos, Chaldaeos, & fideles Hebræos ab eorum tyrannide liberaret. Cyrus, ut iam supra dictum est Christi typus. **CIVITATEM MEAM:** Ierusalem. **CAPTIVITATEM MEAM:** captivum populum meum, scilicet Iudæos. **NON IN PRETIO:** gratis, & sine lytro. Ita factum, ut patet I. Eldræ t. 3.

V. 14. **LABOR AEGYPTI,** &c. Sensus est: Labore partæ divitiarum negotiatorum, Aegyptiorum, Aethioporum, Sabæorum sive Abyssinorum, quas opulenti, & primarii viri collegerunt, ad te Cyre transibunt, cum dominis earum, & ipsis provinciis; sub Cyro tamen, propheta intelligit Christum, eiusque victorias. **TANTUM IN TE EST DEUS,** &c. quasi dicat: Quæ facis, Deo auctore & impulsore facis, qui per te, quasi flagello suo gentes illas punit: sic cap. v. dixerat indignationem Dei fuisse in manu, & virga Assur. **Varablis vertit:** *Revera in te est Deus, præter quem nullus est alius.* Optime hæc Christo conveniunt, in quo habitavit plenitudo divinitatis corporaliter, (ut loquitur) Paulus ad Coloss. II. 9.

V. 15. **VERE TU ES DEUS ABSCONDITUS.** De Christo possimum dicuntur, cum aliquo tamen respectu ad Cyrum; quasi dicat: Sicut in Cyro occulte salutem Iudæorum operatus est Deus, & quasi abscondit se: ita multo magis in Christo homine paupere, & abiecto absconderet se deitas, quæ tamen miraculis, & salute, quam afferet, foras emicabit.

V. 16. **CONFUSI SUNT:** Babylonii, & aliæ gentes, quod Baal, sive Bel eorum Deus non posset eos rueri: sic demones, & omnes impietatis, & errorum propugnatores erubuerunt Christi doctrina, increpationibus, & miraculis confusi.

V. 17. **SALVATUS EST:** salvabitur. **IN DOMINO:** Dei beneficio, & gratia. **SALUTE AETERNA.** Talis fuit salus, quam Christus attulit; nam salus per Cyrum par-

ta temporalis tantum fuit. USQUE IN SAC-
CULUM, id est numquam erubescetis, nec
confundemini.

V. 18. NON IN VANUM CREAVI EUM; quasi dicat: Reducam vos per Cyrum in Iudæam; non enim frustra creavi eam, ut esset, & maneret deserta.

V. 16. NON IN ABSCONDITO, &c. ut demones Lucifuge qui in antris edebant oracula. Ita etiam de se vere dicebat Christus Ioan. XVIII. 20. *Ego palam locutus sum mundo: & in occulto locutus sum nihil.* FRUSTRA QUÆRITE ME: non frustra Dominum querunt qui illum sectantur; nam fidelibus suis ampla præmia constituit. LOQUENS IUSTITIAM, ANNUNTIANS RECTA. Pura, iusta, recta, sancta obsequia exigens; non impura, & scelestia, ut demones.

V. 20. CONGREGAMINI, &c. Vide dicta supra cap. XLIII. 9. & XLI. 1. sensus est: Quicumque idolorum causam defenditis, convenite, & asserite si quid habetis quod iis, quæ dixi, opponatis pro causa idolorum. QUI SALVATI ESTIS EX GENTIBUS: qui a gentilismo ad Christum convertimini. NESCIERUNT; quasi dicat: Frustra eos provocho ad defendendam idolorum causam; scio enim omnes mecum dicturos cæcos, & stolidos esse omnes idololatrias. QUI LEVANT LIGNUM SCULPTURÆ SUÆ; id est, qui erigunt idolum ligneum a se sculptum, illudque colunt. ROGANT: invocant.

V. 21. ANNUNTIATE, &c. iungite colloquia, cœtus, & consilia, ut quod uni non occurrit, alter suggerat pro deitate idolorum. QUIS AUDITUM HOC FECIT, &c. quasi dicat: Cogitate quis prædixerit Iudæos & Babylone per Cyrum liberandos, idque re ipsa præstiterit.

V. 23. IN MEMETIPSO: per memetipsum. IUSTITIÆ VERRUM; id est, verbum quod est vera, & mera iustitia; verbum iustissimum, & æquissimum.

V. 24. IURABIT: homines enim per eum iurare solent, quem credunt esse Deum, & summum numen, quod periurii sit vindex.

V. 25. ERGO IN DOMINO, &c. Vel sensus est: Omnis lingua dicet, meæ iustitiæ sunt in Domino, quia illarum fons, & auctor est Deus. Vel, omnis lingua iurabit, dicetque, *In Domino*; ita ut, *in Domino*, sit formula iurantis. Immo dicet o-

mnis lingua quod Dei sit laus iustitiæ, & imperium. Dicit meæ, quia hæc sunt verba loquentis Dei. Vel, Christus dicet meæ iustitiæ, & imperium mihi sunt in Domino, id est a Deo Patre, a quo habeo quod sum iustus, & iustificans, & quod Ecclesiæ imperem. Vel tandem sensus est; quasi dicat: Omnis fidelis sua lingua dicet, *In Domino*, id est Dominum laudans decet, meæ sunt iustitiæ Evangelii, meum est imperium, & regnum Christi, meæ est eius Ecclesiæ, non Iudæorum. AD EUM: scilicet Christum Deum.

V. 26. IN DOMINO: apud Dominum, a Domino, vel coram Domino. IUSTIFICABITUR; per fidem vivam & Sacramentum. Vel sensus est, iustificabuntur, id est iusti publice declarabuntur. LAUDABITUR OMNE SEMEN ISRAEL: ab omnibus, ita ut etiam reprobi dicturi sint: *Eccæ quomodo computati sunt inter filios Dei, & inter sanctos fors illorum est:* Sapient. v. 5.

TIRINI.

Vers. 1. CYRO CHRISTO MEO, id est uncto a me in regem & monarcham. CUIUS APPREHENDI DEXTERAM: ut illa seriam & exscindam Chaldaeos: ipsum vero Cyrum per omnes hostes & pericula illesum, immo victorem traducam.

V. 2. ANTE TE TEO quasi dux & antesignanus, ut prævi olim castra Hebræorum in deserto per columnam nubis & ignis Exodi XIII. ET GLORIOSOS TERRÆ principes HUMILIABO, pedibusque tuis adsternam. Audi Xenophontem a: *Cyrus subiugavit Syros, Assyrios, Arabas, Cappadocas, Phrygas, utrosque Lycos, Caras, Phœnicias, Babylonios: potius est Bactrianis, Indis, Cilicibus, Sacis, Paphlagonibus & Mariandinis: dominatus est Asiaticis, Græcis, Cypris, Aegyptiis, &c.* Audi & Herodotum b: *Quamcumque gentem Cyrus invaserat, nullo pacto poterat evadere. Quid mirum? Deus præibat, obvia quæque sternebat. Et vero, si notum id fuit Cyro, ut vult Iosephus c, ex narratione Iudæorum, illi innotuisse, & quæ ex I. Esdræ l. 2. potuit iure a Deo sibi dato Babylonem, aliaque regna sibi subiugare, nec tyrannus fuit, sed legitimus monarcha.*

V. 3. DABO TIBI ARCANÀ SECRETORUM. Hebraice, *thesaurus caliginis*, id est

in locis profundis & occultis, ac proinde obscuris repositos. Cogita thesauros quos Cræso eripuit, quos Babylonē reperit, quos & reliqua Asia exulit, quos ad trecentos aureorum milliones ascendisse Plinius d' testatur. Ad solum Euphratem fertur e reperisse *hydrias aeneas 680. plenas auro & pretiosis lapidibus, margaritis & gemmis*. Porro hæc omnia tibi dabo.

V. 4. PROPTER SERVUM MEUM IACOB; id est, ut Iudeis mihi vera religione obstrictis faveas & opituleris, eosque e captivitate liberos & opibus auctos in Iudæam remittas, & templum meum Ierosolymis initaures. Ita fatur ipse Cyrus, I. Esdræ 1. *Omnia regis terra dedit mihi Dominus Deus celi, & ipse præcepit mihi (ubi? nisi hic per Isaiam?) ut ædificarem ei domum in Jerusalem.* ASSIMILAVI TE, id est vero Christo meo Messie similem te in plurimis rebus fici, utpote typum illius & figuram: primo, in nomine Christi & patris; secundo, in liberatione populi mei e captivitate & translatione in patriam; tertio, in tot victoriis, triumphis & thesauris. Hebraice est, *cognominatus es*. Sanchez exponit, descripsi & demixi te tuis notis & characteribus, quibus facile, cum prodieris, orbi innotescet, te illum esse quem hic prædico venturum. Tu tamen NON COGNOVISTI ME: saltem initio, & prius quam ex Iudeis intelligeres talia de te iam olim a me prædicta fuisse: ita Lyranus & Forerius. Sed & hoc ex Iudeis intellectu, non plene *cognovisti me*: nam licet agnoveris me Deum celi esse, meque talia de te prædixisse, & hæc ipsa a te deponere; non tamen cognovisti me solum & unicum Deum esse: nam una mecum idola quoque tua & aliarum gentium colere perrexisti ad mortem usque, ut Xenophon g, S. Hieronymus & alij testantur.

V. 8. NUBES PLUANT IUSTUM: non Cyrus, ut S. Thomas, Lyranus & Forerius exponunt; sed antitypum Cyri, Christum Messiam, qui etiam quæ homo, fuit germen illud celi, toti orbi exoptatum, ac tandem a Spiritu sancto tanquam nube rorida Virginem obumbrante formatum, & sine lésione conceptum, inquit S. Angelinus h & reliqui omnes Patres. Respondet mox votis Prophete Deus: Bono sis animo, EGO CREAVI EUM ex nunc decreto meo æterno, sed reipsa creabo in tem-

pore, quo placitum mihi fuerit. Interim par est, omni patientia præstolemini hæc obventura olim beneficia, neque murmuratis quod post tot sæcula demum promittam & præstem vobis felicem ac lætam sortem sub Cyro, sub Christo, vobis relictis in pristina miseria & afflictione, quin & afflictis adicienda per Chaldaeos nova maiorque afflictione; ut melius censeatis, notos numquam fuisse, quam sic natos.

V. 9. VAE TESTAE DE SAMIIS TERRAE; id est, vix testæ ex luto Sami infusæ a figulo compactæ, si contendar cum figulo tuo: illam enim figulus mox confringeret. Pari modo continget homini, a Deo prout & quando illi collibitum fuit plasmato, si factori suo obstrepere voluerit. Quare suadeo, nutui meo placitoque divino per omnia acquiescatis.

V. 21. INTERROGATE ME, ET MANDATE MIHI, non quæ vobis arident; sed quæ ego iustissimo decreto meo designavi VENTURA SUPER VOS, non hostes, sed FILOS MEOS; quasi dicat: Mihi fideite, mihi totum committite, mihi acquiescite: pater & figulus vester ego sum, magis mihi curæ & cordi estis, quam vos ipsi vobis. Quando ergo mihi visum fuerit,

V. 13. EGO SUSCITAVI, id est suscitabo i, EUM puta Cyrum, inquit S. Thomas, Hugo, Forerius & Sanchez: & etiam Cyri antitypum Christum, inquit alii. Utrumque enim hic promittit Deus: excitatum irr suo tempore, idque ad TUTTIAM exercendam in omnes sibi adversarios & rebelles. Uterque AEDIFICABIT CIVITATEM MEAM Ierosolymam: Cyrus terrenam; sed inchoate tantum, iubendo ruinas eius instaurari, I. Esdræ. Christus caelestem & spiritalem perficere & complete extruendo, puta Ecclesiam suam. Uterque captivum populum Dei dimittet, & quidem gratis, ac sine lyro: sed Cyrus e captivitate Babylonica, Christus ex infernali: Cyrus exiguum Synagogam, Christus universum orbem. Uterque dicitur:

V. 14. LABOR EGYPTI, ET NEGOTIATIO AETHIOPIAE, ET SABAÏM VIRI SUBLIMES, id est Aegyptii laboriosi, & Aethiopes negotiosi, & Sabæi, seu Abyssini proceris corporibus homines, TRANSIBUNT AD TE, o Cyre, tibi quæ subiciuntur cum omnibus opibus tuo labore & negotiatione par-

partis. Omnes enim has nationes Cyro subiectas fuisse, constat ex Xenophonte & qui imperium illius terminat a Oriente mari Rubro, ab Occidente Aegypto, a Meridie Aethiopia, ab Aquilone Ponto Euxino. Et quidem non omnino sponte illos Cyro subiectos fuisse, colligi videtur ex illo, **VINCTI MANICIS PERGENT**: id enim bello subactis convenit. Sed ut Christo, cui omnes illae nationes etiam subiectae fuerunt, accommodatur, exponendum est de potenti & efficaci gratia Spiritus sancti, cuius vincula adamante fortiora sunt, inquit S. Ambrosius l. His enim vinculis & manicis adstrictae nationes etiam remotissimae & barbarae, Christo eiusque Ecclesiae constanter multis saeculis adhererunt, publice fauentes ac proclamantes: **TANTUM IN TE, O CHRISTE, EST DEUS**; nempe & hypostatice, per divinum suppositum: & superexcellenter per tanta dona Christo communicata, quo modo in nulla pura creatura Deum, seu esse, seu operari, seu emicare certissimum est: ita S. Hieronymus, Cyrillus, Epiphanius m, Procopius & Theodoretus. Sic Cyro figura & typo Christi vere dicebatur: *Tantum in te est Deus*. Neque enim per alium quempiam operatur Deus tam stupendas victorias, quam per te: unde nec in alio sic relucet, sicut in te. **ET NON EST ABSQUE TE, O DEUS**, qui talia possit non idolum, non homo, non angelus: ita Forerius & alii. Sed in his omnibus

V. 15. **VERE TU ES DEUS ABSCONDITUS**: in tam vili creatura tantus Deus tam occulte latens, operans, relucens: ita S. Hieronymus, Hilarius, Ambrosius, Cyrillus & Eusebius n. Sed quantumcumque *absconditus*, manifestaris per opera tua mirabilia. Unde

V. 16. **CONFUSI SUNT OMNES idololatraz, ET FABRICATORES idolorum**, quae nil tale possunt. Inter idola vero & Deum triplex hic discrimen datur. Primum, quod Deus

V. 19. **NON IN ABSCONDITO** ut lucifuga loquatur, ex LOCO TERRAE TENEBROSO, ex antris & cavernis, ex ventre pythoni, &c. ut solent daemones, incantatores & magi: sed publice & palam, clara voce, media luce, ut olim in Sinai, & Ierosolymis sub Davide, Salamone, & tot Prophetis, in baptismo Christi, in

Pentecoste, &c. Secundum quod idola frustra colantur, nullo pramio, nullo fructu: Deus vero cultoribus suis amplissima det pramia, v. g. Chanaanidem, & tot adiunctas terras; ac demum etiam exilum. Tertium, quod idola a suis impura & scelestis possulent obsequia: Deus non nisi iusta, recta, pura & sancta. Testes vos ipsos cito

V. 20. **QUI SALVATI ESTIS EX GENTIBUS**, e captivitate Babylonica, e gentilismo. An aliud fateri potestis, quam **NEGECERUNT**, quid faciant caeci & stolidi idololatraz, QUI **LEVANT LIGNUM SCULPTURAE SUAE**, id est qui in altum erigunt idolum ligneum a se sculptum, illudque adorant & rogant & invocant tamquam DEUM, cum tamen neminem salvet aut iuvet?

V. 21. **QUIS HOC**, id est hanc per Cyrum Iudaeorum, & per Christum omnium gentium redemptionem, **AUDITUM FECIT AB INITIO, & EX NUNC PRAEDIXIT**, & fideliter suo tempore praestabit? Quis, inquam, nisi ego?

V. 23. **EGREDIETUR DE ORE MEO**, id est dicam, proloquar, **IUSTITIAE VERBUM**, id est sententiam iustissimam & aequissimam, **ET NON REVERTENTUR**, id est non erit irrita, vel frustra, sed re ipsa complebitur. Quenam haec tam iusta sententia?

V. 24. **OMNE GENU omnium populorum, MIHI CURVABITUR**, Deo, Domino, creatori & redemptori suo: **ET OMNIS LINGUA omnium nationum IURABIT MIHI**, id est colet me & adorabit. Synecdochice enim species una cultus divini, nempe iuramentum, ponitur pro quovis Dei cultu in genere. Unde S. Paulus pro *inabit*, vertit, *confitebitur*, id est laudabit & glorificabit me, ad Rom. xiv. 11. ubi hunc locum exponit de die extremi iudicii quando complete & perfecte *omne genu flectetur* Christo: interim inchoate id impletur quotidie in conversione Gentium ad Deum, inquit S. Hieronymus, Cyrillus & alii.

V. 25. **ERGO IURANDO DICET omnis lingua, IN DOMINO**, id est per Deum, per Christum (haec erit formula iuramenti) quod **MEAE SUNT IUSTITIAE**, id est quod a me sicut iustitia, non item a parte idolorum, quae (ut vidimus,) ubique causa ceciderunt. Ergo meum solum esse **IMPERIUM** in omnes & in omnia. Hoc mihi accla-

acclamabunt, hoc adgratulabuntur æternum: ita Forerius, Sanchez & a Lapide.

- (a) Xenophon. Lib. III.
 (b) Herod. Lib. I.
 (c) Ioseph. Lib. X. Antiq. cap. 1.
 (d) Flin. Lib. XXXIII. cap. 21.
 (e) Ab Auctore Chaldaico lib. Esther (qui Compluti manuscripti textui teste Sanchez) initio libri.
 (f) Isaiæ xli. vers. ult. & hic
 (g) Xenoph. Lib. VIII. de Cyro.
 (h) Aug. Lib. V. de Hæres. cap. xv.
 (i) In Pseleg. de Idolotism. Heb. n. 44.
 (k) Xenoph. Lib. VII. & VIII. Cyri pad.
 (l) Ambros. in Psalm. xxxvii. post princ.
 (m) Cyrill. I. in Ioan. xv. Epiph. Lib. II. in hæresi Noctianorum.
 (n) Hilari. Lib. IV. de Trinit. Ambros. in cap. 11. ad Rom. Cyr. Lib. V. in Ioan. cap. 21. Euseb. Lib. V. Demonst. cap. xv.

GORDONI.

Verf. 1. **H**ÆC Dicit Dominus Christo meo Cyro, &c. Satis notum est ex verf. 4. Deum ad litteram loqui de Cyro, qui dicitur non cognovisse Deum: vocat autem eum Deus propter libertatem populi sui, verf. 4. Potuit sane Cyrus a Deo vocatus iure invadere Chaldaeos; de quo vide etiam Eisdram, cap. 1. Vocatur vero Christus more Hebræorum, qui reges ungebant suos. De Cyri victoria vide Xenophontem initio Libri I. Non recte aliqui Cyro tantum dant triennium: vide Chronol. Verf. 7. CREANS MALUM, antithesis est. Deus ut paccm dat & bona, ita etiam mala pœnæ.

Verf. 8. **R**ORATE CAELI DESUPER, &c. Lyranus vult ad litteram hoc pertinere ad Cyrum: alii ad litteram de Christo intelligunt, ut sane verba hic aliqua plus sonant quam Cyrum: est ergo hic non una sermonis mutatio. Prophetæ quidem aliquando simul in sensu litterali loquuntur de signo & re signata, (verf. 9. de Hierosolyma & caelesti patria,) aliquando de altero tantum (quod læpius fit) in sensu puro litterali. Ea vero regula dari solet, tunc esse sensum litteralem solum de re signata, quando verba aliquid maius habent, quam quod possit typo convenire. Atque ita fit, ut hoc versiculo 8. per repentinum excursum, tantum sit sermo (in sensu litterali) de antitypo seu re signata, nempe de Christo; ita ut totus hic versus sit parenthesis, continens velut in raptu, votum Prophetæ re-

pentinum. Solum per hæc ultima versiculi verba, **EGO DOMINUS CREAVI EUM**, redit post suspitum de Christo ad Cyrum; & sic recte coherent omnia, nam verf. 9. pergit loqui de Cyro, ut iam dicam.

V. 9. **V**AE QUI CONTRADICIT FICTORI suo, &c. Creavit & creabit (enallage Prophetarum) Cyrum Dominus qua est erga captivum populum suum providentia: & vae illis qui huic providentiae, & factis Dei contradicunt, quod varia similitudine illustratur; & suam Deus demonstrat simul potentiam, qui est plastic & fictor Israël.

V. 11. **I**NTERROGATE ME VENTURA. En futurorum noticiam in Deo, locus Theologicus.

V. 14. & 15. **H**ÆC Dicit Dominus, &c. Victoria hæc, & opes sanè Cyro designantur, qui regiones has pervasit a Ponto Euxino ulque ad Aethiopiam interiorem, cuius provinciam præcipuam, quæ Sabæa, sive Abyssia dicta est, occupavit. Non dubium tamen videtur quin de Christo (qui in his antitypon est) aliqua dicantur, & hic misceantur, quæ ipsi etiam in litterali sensu conveniant, ut potissimum est versiculus 15. **VERE TU ES DEUS ABSCONDITUS**, &c. & vere sicut in Cyro occulte operatus est Deus salutem Iudæorum; ita multo magis in Christo, Deo abscondito, operatus est Deus redemptionem orbis: sic clare proponitur divinitas Christi.

V. 16. **C**ONFUSI SUNT, &c. Iterum regreditur ad idololatras, & eorum pudorem exaggerat; ingeminat etiam quod est de salute Israël, quem non frustra, sed proposito præmio invitavit, & gentes invitat ad salutem.

V. 23. **I**N MEMETIPSO IURAVI, &c. Iuramento firmat Deus quod dixit, & verbum eius vanum non erit; in me IURABIT OMNIS LINGUA, hoc est confitebitur, adorabit: hinc verf. 26. **IUSTIFICABITUR ET LAUDABITUR OMNE SEMEN ISRAELIS**, non carnalis, sed spiritalis, in iustitia & sanctitate.

EX EIUSDEM AUCTARIO.

Verf. 1. Hoc Domini decretum de vocando Cyro ad tollendam captivitatem, & typo Christi, fuit per Isaiam publicatum multis annis ante Cyrum natum, ut iam dicam.

dicebam. ARCANA, sunt thesauri absconditi.


Vers. 4. ASSIMILAVI TE, formavi

& descripsi. Alii, institui in typum futuræ sub Christo libertatis.



CAPUT XLVI.

Ostenditur idolorum vanitas, & destructio ipsorum prædicitur: Iudei cum reliquis Israel ad Deum revocantur, offensa Dei magna benignitate ad ipsos, addita gravi increpatione ob ipsorum ingratitudinem & idololatram: hortaturque ut ad ipsum qui solus omnia novit & potest, revertantur, salutem ipsis per filium promittens.

1.  Onfractus est Bel, contritus est Nabo: facta sunt simula-
cra eorum bestiis & iumentis, onera vestra gravi pondere usque ad lassitudinem. 2. Contabuerunt, & contrita sunt simul: non potuerunt salvare portantem, & anima eorum in captivitatem ibit. 3. Audite me domus Iacob, & omne residuum domus Israel, qui portamini a meo utero, qui gestamini a mea vulva. 4. Usque ad senectam ego ipse, & usque ad canos ego portabo: ego feci, & ego seram: ego portabo, & salvabo. 5. Cui assimilastis me, & adæquastis, & comparastis me, & fecistis similem? 6. Qui confertis aurum de sacculo, & argentum statera ponderatis: conducentes aurificem, ut faciat Deum: & procidunt, & adorant. 7. (a) Portant illum in humeris gestantes, & ponentes in loco suo: & stabit, ac de loco suo non movebitur: sed & cum clamaverint ad eum, non audiet: de tribulatione non salvabit eos. 8. Mementote istud, & confundamini: redite prævaricatores ad cor. 9. Recordamini prioris seculi, quoniam ego sum Deus, & non est ultra Deus, nec est similis mei: 10. Annuntians ab exordio novissimum, & ab initio quæ necdum facta sunt, dicens: Consilium meum stabit, & omnis voluntas mea fiet: 11.* Vocans ab Oriente avem, & de terra longinqua virum voluntatis meæ: & locutus sum, & adducam illud: creavi, & faciam illud. 12. Audite me duro corde, qui longe estis a iustitia. 13. Prope feci iustitiam meam, non elongabitur, & salus mea non morabitur. Dabo in Sion salutem, & in Israel gloriam meam.

(a) Bar. vi. 25.

BRUGENSIS.

ROMANA CORRECTIO.

Vers. 11. Vocans ab oriente avem. Quidam, in-

terpretandi causa, pro *avem*, id est volucrem, scripserunt *instum*; male.

COMMENTARIA

MALDONATI.

Verf. 1. **C**ONFRACTUS EST BEL: בֵּל נִשְׁבַּר, *cecidit, pro, cadet, Bel idolum celeberrimum. CONTRITUS EST: דָּרַק, iacuit, prostratus est, pro, prostrernitur. NABO idolum etiam Chaldeorum, cui post Bel secundos honores deferrebant. Per hæc duo idola alterum maius, alterum minus, omne genus idololatriæ comprehendit; quasi dicat: Omnis idololatria concidet. FACTA SUNT SIMULACRA FORUM BESTIIS; id est, facta sunt onera bestiarum, cum enim idola confracta essent iumentis comportabantur, ut comburerentur. ONERA VESTRA (erunt idola) mutatio personæ. Alii vertunt כְּשֵׂאתֵיכֶם, *que vos portant, id est iumenta, onerata sunt pondere (idolorum) USQUE AD LAETITUDINEM. Ego alium sensum esse arbitror, ut alloquatur idololatras, qui cum fingerent, idola sua secum portabant, ut ab illis salutem obtinerent, vel, ut ipsa idola fervarent, ut verbi sequenti significatur. Portabant autem usque ad lassitudinem, id est quamdiu poterant, postea relinquebant.**

V. 2. CONTABUERUNT: קָרַסוּ, corruerunt & ceciderunt simul (idola) vel, qui idola portabant, nimio pondere succubuerunt. NON POTUERUNT (idola) SALVARE PORTANTEM, id est qui ea portabat, ut ab illis salvaretur: vel, non potuerunt (ipsi idololatræ qui idola portabant) salvare: נִשָּׂא, onus, id est idola quæ portabant, quia præ lassitudine abiciebant ea: omnia debent verti per futurum, referrique primum ad expugnationem Babylonis, quæ per regem Persarum facta est, vel per Darium regem Medorum: Dan. v. 31. Deinde ad tempora Christi, quibus temporibus idola ubique conciderunt. ET ANIMA; id est, vita eorum, qui idola portabant, IN CAPTIVITATEM abducentur; pro, illi abducentur in captivitatem, ut in ea miserabilem vitam agant.

V. 3. QUI PORTAMINI A MEO UTERO. Duo significantur hac similitudine gravide mulieris; summa Dei sollicitudo erga populum suum, qualem habere solet mulier præ-

*gnans uteri sui; & summa molestia. Sicut & D. Paulus de Christianis dicit ad Gal. iv. 19. Filioli mei, quos iterum parturio, donec formetur Christus in vobis. Alium sensum habere possunt verba Hebraica, מִנִּי בֶטֶן מִנִּי רֶחֶם, *ab utero & a vulva, id est ex quo nati estis; quasi dicat: Mater vestra non portavit vos nisi novem menses; ego porto vos toto reliquo tempore usque ad senectutem, ut dicit vers. sequenti, id est usque ad mortem.**

V. 4. USQUE AD SENECTAM EGO IPSE (porto vos.) EGO FECI (vos) id est, ego genui, propterea æquum est ut portem, sicut mater, infantem, quem generavit.

V. 5. CUI ASSIMILASTIS ME. Fabricantes idola, ut sup. cap. XL. 18. 25. quasi dicat: Nemo mihi æqualis, nemo similis est, ut possitis me eius simulacro colere.

V. 6. QUI CONFERTIS: חִילִים, qui promunt aurum de sacculo, ET ARGENTUM STATERA ponderant. Ridet eos qui adorant idos, quos ipsi suis impensis fecerunt.

V. 7. PORTANT ILLUM; quasi dicat: Non potest Deus eorum moveri nisi portetur.

V. 8. MEMENTOTE ISTUD; id est, ista, quæ supra de me & de idolis exposui. ET CONFUNDAMINI; id est, erubescite videntes vos, relicto me vero Deo, servire diis, qui nisi portentur humeris, moveri non possunt. Verbum חִיָּמָשׁוּ, alii vertunt, Corroborate vos: alii, Viriliter agite, quod vix sensum habet. Melius igitur nolite Interpretes.

V. 9. RECORDAMINI PRIORIS SÆCULI: מַעֲשֵׂי דְאִשְׁתֵּי קִדְמוֹת, priora a sæculo; id est, ea quæ a me ab origine mundi facta sunt: cx illis enim perspicere poteritis quod ego sim Deus, & non sit alius similis mei.

V. 10. ANNUNTIANS AB EXORDIO NOVISSIMUM; id est, quod novissimis temporibus futurum est prænuntians antequam fiat. CONSILIUM MEUM STABIT, id est firmum erit, non poterunt interrumpi, aut impediri mea consilia, sed quicquid delibetavi ut fieret, fiet.

V. 11. VOCANS AB ORIENTE AVEM, id est Cyrum, qui tam subito ac celeriter venit contra Babylonem, ut tamquam avis volare videatur: *עץ* *avem* significat, ut Genes. xv. 11. & Job xxviii. 7. Ier. xii. 9. Tamen R. Menachen exponit hoc loco, *consilium*, ut Dan. 11. 13. *עצה*, sensusque videtur convenire, quia continuo addit, *VRUM consilii mei*, id est Cyrum qui exequatur consilium meum adversus Babylonem: *איש עצה*, quod noster Interpres vertit, *Virum voluntatis mee*, eodem prorsus sensu. Et locutus sum, ET ADDUCAM ILLUD: *אח דברתי אח אביאנה*, *utique locutus sum, utique adducam illud*; id est, sicut locutus sum, ita faciam ut eveniat, quemadmodum locutus sum, ita faciam. **CREAVI UT FACIAM ILLUD**: *אח מעשנה צירתי אח אביאנה*, *formavi, id est, cogitavi, designavi animo, utique faciam illud*; id est, quemadmodum animo consilioque designavi, ita faciam.

V. 12. QUI PROCUŁ ESTIS A IUSTITIA, id est ab auxilio meo, qui vos indignos redditis auxilio meo, dum promissis meis non creditis. Iustitiam vocat auxilium suum, quia propter promissionem suam illud praeſtat, & iustum est, ut Deus promissa sua perficiat. Itaque quia facit, non quod nobis, sed quod sibi ipsi debet, iustus vocatur: ut versu sequenti.

V. 13. PROPE FECI IUSTITIAM MEAM; id est, appropinquare feci auxilium meum, ut versu praecedenti. **NON ELONGABITUR**, id est non differetur. **ET SALUS MEA**, qua salvum faciam populum meum, non tardabit. Historice loquitur de salute qua populum suum a servitute Babyloniorum liberaturus erat: Mystice vero de ea qua Iesus salvum facturus erat populum suum a peccatis eorum: Matth. 1. 21. **DABO IN SION SALUTEM**, id est salvabo Sion, hoc est, populum meum, vel, Ecclesiam meam. **ET IN ISRAEL**, in populo meo, **DABO**, id est ostendam ac declarabo **GLORIAM MEAM**.

S A.

Vers. 1. CONFRACTUS EST. Chald. *incurvatus est*. LXX. *cecidit*. **BEL**, Idoli nomen. **NABO**. LXX. *Dagon*. Vide I. Reg. v. IUMENTIS; scilicet portanda in Persidem, capta Babylonia.

ONERA VESTRA, id est quae vos solebatis gestare.

V. 2. CONTABUERUNT. Chald. *praeſisa sunt*. **EORUM**, scilicet qui ipsa colebant.

V. 3. A MEO UTERO, &c. Dei uterum, intellige viscera misericordiae. **VRUA**, id est utero. Repetito. LXX. *infantia*.

V. 4. CANOS, id est senectam. Repetitio; quasi dicat, Per totam vitam vestram. **PORTABO**. LXX. *sustineo vos*. **FERAM**. LXX. *dimittam*. Chald. *dimittam peccata*. **PORTABO**. LXX. *suscipiam*.

V. 5. ASSIMILASTIS, &c. quasi dicat: Numquid aliquid mihi simile est, quod pro Deo adoretis? Vide sup. cap. xl.

V. 8. CONFUNDAMINI. LXX. *ingemiscite*. Chald. *confortamini*. **REDITE, &c.** LXX. *penitentiam agite, revertimini corde*.

V. 9. ULTRA, id est praeſter me.

V. 10. NOVISSIMUM; quasi dicat, Longe post futura.

V. 11. AVEM, scilicet Cyrum festinantem. **MEAE**, scilicet executorem in expugnanda Babylonia, & liberandis Hebraeis. **ILLUD**, scilicet quod promissa. **CREAVI**; pro, creabo. Chald. *preparabo*.

V. 12. DURO CORDE. LXX. *qui perdidit cor*.

V. 15. FECI. Chald. *est*. **IUSTITIAM**, scilicet Christum. **GLORIAM**, id est filium.

E S T I I.

Vers. 1. CONFRACTUS EST BEL, CONFRACTUS EST NABO. Prophetia est, qua praedicatur destructio idolorum Babyloniae futura in everſione regni Babylonici. Quae res ulterius fuit figura abolendae idololatriae per univerſum mundum, coruscante Evangelio Christi. **BEL** idolum erat proprium Babyloniorum, ut ex Daniele constat. Hunc Hieron. putat esse quem Graeci Belum, & alio nomine Saturnum vocant. Cuius, inquit, tanta apud veteres fuit religio, ut ei non solum hostias humanas captivorum, ignobiliumque mortalium, sed & proprios liberos immolarent. **Nabo** autem, seu *Nebo* & ipsum erat idolum Chaldeorum, sed secundi nominis, & auctoritatis; quod interpretatur, *prophetia seu divinatio*. Et per hoc significatum est, post predicationem Evangelii,

gelii, omnia quoque oracula deorum, id est demoniorum cellatura. Pro *Nebo*, Septuaginta verterunt, *Dagon*, quod fuit idolum Philisthim.

V. 8. MEMENTOTE ISTUD, ET CONFUNDAMINI, REDITE PRAEVARICATORES AD COR. Hieron. legit *fundamini*, ut patet ex eius commentario. Et vox Hebraea non significat *confundi*, sed *fundari*, seu *roborari*; quasi dicat: Revocate in memoriam vanitatem idolorum; & fundamini, seu corroboremur, id est praestare vos viros; estote fortes & fundati, ne iterum forte vos idololatriae turbo subvertat. Sic etiam legit Glossa ordinaria: tamen legendo, *confundamini*, sensus eodem recidit; ac si dicat: Mementote, nec umquam deponatis ex animo pristinam vestram stultitiam: fundate vos in fano iam proposito, & sic utiliter confundamini, ac redite ad cor.

M A R I A N A E.

Verf. 1. CONTRITUS EST NABO, aut incurvatus est. *Bel*, seu *Baal*, & *Nebo* erant idola Babylonis. BESTIIS ET IUMENTIS, ONERA VESTRA, scilicet a vobis imposita iumentis, sunt idolorum fragmenta, ut in Persidem deferrentur, urbe capta a Cyro. GRAVI PONDERE. Hebr. *gravatis*, scilicet iumentis. *Pondere*, onere eo, usque ad lassitudinem. Indicat ea idolagratia esse, per irrisionem.

V. 2. CONTABUERUNT, ET CONTRITA SUNT SIMUL, seu *conciderunt*, & *corruerunt*, aut *curvaverunt*, & *incurvaverunt se*, scilicet ea iumenta prae lassitudine. NON POTUERUNT SALVARE PORTANTEM, scilicet idola. Hebr. *non potuerunt liberare onus*: fortassis ea idola in praedam in itinere cesserunt. ET ANIMA EORUM IN CAPTIVITATEM IBIT: *anima eorum*, id est idola ipsa. Audite vos Israel:

V. 3. QUI PORTAMINI A MEO UTERO. Hebr. *portamini ab utero* & *a vulva*; id est, a nativitate vestra gesto vos quasi onus. *Vulgata matris uterum* vocat *Dei uterum*, quod Deo auctore concipiant & pariant. Sept. *ab infantia*.

V. 5. USQUE AD SENECTAM. Per totam vitam curam vestri geram. EGO FECI, id est vos genui. ET EGO FERAM. Non patiar, intellige, ut sis in praedam. Sed ego *gestabo*, *NUM esa* Hebr. Haec ego feci: quid vos?

V. 5. CUI ASSIMILASTIS ME, idola fecistis. ET FECISTIS SIMILEM? Hebr. & *assimilatus sum cui*, scilicet qui faciunt idola, Deum illis assimulant, quia Dei nomine illa vocant.

V. 6. QUI CONFERTIS AURUM, aut vilipenditis, aut profunditis aurum de masure. ET ARGENTUM STATERA PONDERATIS. Sic Sept. & Chald. Hebr. *in calamo*: sed *calamus* est mensurae genus, & hic pro *statera* sumitur: significat autem, illos, ut idolum faciant, aurum argentumque prodigere.

V. 7. PORTANT ILLUM IN HUMERIS, neque enim movere se possit. ET PONENTES IN LOCO SUO. Hebr. *ponunt illum sub se*, id est in loco suo, ut dixit Hieronymus & Chald. NON AUDIET. Hebr. *non respondebit*. NON SALVABIT EOS. Hebr. *eum*, pro, eos: sic Chald.

V. 8. CONFUNDAMINI. Chald. *Confortamini*. Hebr. *roborate vos*; id est, vos viros esse ostendite contra hanc vanitatem. REDITE. Hebr. *revocate*, praevaricatores ad cor, ut scilicet peccare desinant.

V. 9. RECORDAMINI PRIORIS SAECULI. Hebr. *recordamini priorum a saeculo*, id est antiquorum a condito orbe. Ex iis intelligitis non esse alium Deum praeter me.

V. 11. VOCANS AB ORIENTE AVEM: sic vocat Cyrum ob velocitatem. VIRUM VOLUNTATIS MEAE. Hebr. *consilii mei*, ut scilicet exequatur illud. ADDUCAM ILLUD, scilicet consilium. CREAVI. Hebr. *formavi*; id est, apud me id consilium dispositum & constitutum.

V. 12. QUI LONGE ESTIS A IUSTITIA; id est, estis iniqui & duro corde. Audite.

V. 13. PROPE FECI IUSTITIAM MEAM, id est Christum, aut decretum puniendi Babylonios cito veniet. ET SALUS MEA. Decretum liberandi populum meum. ET IN ISRAEL GLORIAM MEAM DABO, id est libertatem, quae est gloria mea, & de hostibus vindictam.

M A L V E N D A E.

Verf. 1. CONFRACTUS EST BEL, &c. Ergasia, inquit, id est exornatio narrationis, quae praecedente capite facta est, nunc demum incipit, ut diximus supra cap. XLV. 1. ac primum quidem exornantur res gestae, duobus capti-

bus: deinde vero causa istarum, cap. XLVIII. Res autem gestæ in duo iudiciorum genera dividuntur: narratur enim iudicia Dei effecta contra idola, hoc capite; & deinde contra Babylonios ipsos idololatras, capite sequente: & singulis istis narrationis partibus suus usus, suaque doctrina subnectitur. Sunt itaque huius capitis partes duæ; una est narratio (ut modo diximus) duobus versibus comprehensa; altera est doctrina ad populum Dei, eruta ex narratione præcedente, toto reliquo capite. Quidam reddunt: *Procurbuit, concidit Bel, vel prostratus est. BEL*: de quo vide Numeror. XXII. 4. Sed nunc pauca adiciamus. Herodotus Lib. I. Num. 131. *Iovis, Beli templum, aris portis*, &c. Diodorus Siculus Lib. II. Numero 69. *Æ Iovis, quem Belum Babylonii nominant, imagines*, &c. & Numero eodem paulo inferius: *Iovi, quem Belum, ut diximus, Babylonii vocant*, &c. Plinius Lib. VI. cap. XXVI. *Duræ adhuc ibi Babylone Iovis Beli templum. Inventor hic fuit fidei scientiæ.* Et Lib. XXXVII. cap. x. de gemma dicta *Beli oculus*: *Hæc propter suam speciem sacratissimo Assyriorum Deo dicatur.* Et infra: *Eumetren Beli gemmam sanctissimi deorum suorum Assyrii appellant.* Arriacus Lib. IHI. Rerum Alexandri: *Beli, quem præcipue deum Babylonii colunt.* Agathias Lib. II. Historiarum cap. XLII. *Siquidem vetustiores illi Persæ, Iovem Belum dicebant.* De Beli templo summa magnificentia Babylone condito, vide Herodotum & Diodorum iisdem locis, Strabonem Lib. XVI. pag. 738. Q. Curtium Lib. V. Plinium Lib. VI. cap. XXVI. Solinum cap. IX. Arrianum Lib. VII. Dionysium in Perigeli. Quod vero ait Propheta, *Procurbuit Bel*, forsan alludit ad historiam eversti templi Belis a Xerxe, quam fusc narrat Strabo & Arrianus iisdem locis, & Ælianus Lib. XIII. Variæ Historiæ, cap. III.

Ceterum S. Hieronymus hic ait: *Bel, quem Græci Belum, Latini Saturnum vocant.* Sanctus Theophilus Antiochenus Lib. III. ad Antioyem: *Quidam divinos honores Crono deferunt, eumque Bel, & Bal nominant.* Cronus a Romanis Saturnus appellatur. Tremellius, & Iunius annotant: *Bel nomen est idoli, quod unum in pretio fuit apud Assyrios, Persas, & Babylonios; alii Saturnum esse volunt filium Oceani, alii Io-*

vem, (unde Iupiter Bellus appellatur Plinio Lib. VI. Naturalis Historia, cap. XXVI.) alii denique Solem; quod magis probamus, quia Solem ab Assyriis, Persis, & Babyloniiis pro deo summo habitum esse, & igni tamquam illius particula cultum exhibitum omnes historie testantur: unde factum est, ut temporibus Iosephæ, equi currus, & cultus soli essent dicati Ierusalaimis superstitione invecata per Assyrios II. Reg. XXIII. 11. Dicitur autem Belilatarum gentium sermone tamquam Dominus, pro eo quod dicunt Hebræi Bahal. Hæc illi. Marinus notat fortasse dictum Bel, a Babel, Babylone, detracto altero Beth: sed satius est contractum esse a Bahal Hebraico.

CONTRITUS EST NEBO. Alii: *incurvatus, incurvus, repandus est Nebo, vel corruit Nebo.* Quidam idem esse volunt, quod Valentine dicimus, *Ajupir, Accurcasæ.* Sic versu sequente. Tremellius, & Iunius: *deflexit se, vel reflexus est Nebo.* Hac loquendi forma non dubium est, quin Propheta ad fatidica illa oracula respexerit, quæ religionis specie edebantur: nam stabant proceræ statux, Sacerdotes vero ex tripode, aut alio instrumento, velut Deum a tergo consulentes responsa dabant: Iam vero, inquit Propheta, illi reflexi & complieati sunt, ademptaque facultas amplius edendi oracula. Nebo exponunt, Id est *Deus vaticinus.* Vocem, inquit, qua Propheta utitur, appellative accipimus pro idolis omnibus, quæ superstitiosi consulebant a verbo aque Babylonii atque Hebræis usitato, quod significat prophetare.

FACTA SUNT SIMULACRA EORUM BESTIÆ ET IUMENTIS. Heb. *fuertunt dolores eorum bestia & iumento.* Alii: *fuertunt terricula eorum imposita bestia & iumento,* nimirum deportanda in Persidem veluti captiva, ut prædæ essent post expugnatam Babyloniæ. Enallage numeri, ut in fine verius. Hispanicus Interpres: *Sus imagines fuertunt puestas sobre bestias, y sobre animales de carga.* Fortasse alludit ad morem sacerdotum Dææ Syriæ, quam iumento impositam circumducere solebant, uti fusc narrat Apuleius Lib. VIII. Asini. ONERA VESTRA GRAVI PONDERE USQUE AD LASSITUDINEM. Variæ ex Hebr. alii: I. *gestamina vestra onerata erant onere ad lassitudinem.* II. *qua vos ferebant; id est, iumenta, quæ vos portabant, onerata erant*, &c. III.

&c. III. *quæ a vobis sunt gravata, & onerata pondere premente ad fatigationem.* IV. *quæ portando gravata sunt onere usque ad lassitudinem.* V. *gestatrix vestra, seu gestamina vestra imposita, onus ad lassitudinem, subaudi, fuerunt.* VI. *oneribus vestris crebrentur, pondus fuit illis fessis; id est, iumenta vestra maximis oneribus ex auro & argento vestro, quod hostes avehant, prægravabuntur, & lassabuntur.* VII. *in oneribus vestris, o idola, onerabantur iumenta, pondus eritis fesso iumento.* VIII. *gestamina vestra onerata, oneri sunt defesse, nimirum bestię & iumento in Perlidem exportanti: erant enim aures, pretiosæque & gravia multa, ut constat ex Danielis III. IX. Hispanicus Interpres: que os illovaran, cargadas de volutas, carga de cansicio. נשאתים נשאתים, participium passivum seminecum cum affixo, proprie, levata, portata vestra, scilicet bestię & iumenta.* Alii active capiunt: *levantes, portantes vestra, sive quæ vos portant, bestię.* Nonnulli nomen substantivum faciunt: *gestamina vestra, id est onera ex auro & argento vestro עֲשֵׂת גְּמָלוֹת, participium etiam passivum seminecum, onerata, imposita.* USQUE AD LASSITUDINEM. לעֵיפָה *laphaiphah, nomen sciunt, lassitudini, vel ad lassitudinem.* Alii participium in dativo, *defatigata, lasse, scilicet bestię.* Illustrant hunc Isaïæ locum ea quæ de aureis, gravibusque vasis templi Belis Babylonici exportatis a Persis victoribus prodit Diodorus Siculus Lib. II. Numero 69. & 70. *In summo ascensu tres ex auro statuas molles ductas, Iovis videlicet, Iunonis & Rheæ erexit Semiramis. Iovis imago pedibus insistenti ac veluti ambulanti similis erat, pedum quadraginta longitudine, & pondere mille talentum Babyloniorum. Rheæ effigies eiusdem ponderis in aureo throno residens, iconesque duos ad genna stantes ac prægnantes iuxta cubitos ex argento talentum trigenum pondus habebat. Illie etiam Iunonis simulacrum obtingente talenta pendens, quod dextra serpente capite præhensum, sinistra gemmatum sceptrum tenebat. Mensa omnibus communis ex auro, molleis elaborata, pedes quadraginta longa, & septemdecim lata, quingentorum talentorum pondere apposita erat. In qua carbores duo talentum triginta. Aderant et-*

iam sturibula numero quidem paria, sed pondere trecentum talentorum. Crateres insuper aurei tres, quorum Iovi dicatus talenta Babylonii mille & ducenta pendebat, ceterorum uterque sexcenta. Verum ipsa Persarum reges postea sacrilegio abstulerunt. Hæc Diodorus.

V. 2. CONTABUERUNT, ET CONTRITA SUNT, &c. Hunc verum alii ex Heb. diversimode reddunt: I. *Curvaverunt sese, vel corruerunt, prostrata sunt, incurvaverunt se, seu succubuerunt simul, vel per futura: corruent & concident pariter, animalia illa onusta idolis, & auro, & argento: nec poterunt erui se ab onere, vel nec poterunt subtrahere se, vel subducere se gravi illi oneri: & anima eorum in captivitatem abiit.* II. *Repanda fuerunt, incurvaverunt se pariter, non poterunt facere evadere, vel eripere onus: anima eorum in captivitatem ruit; id est, non poterunt excutere a se onus. Quidam exponunt, non poterunt evadere onus, vel erui, aut erui se ab onere, vel facere evadere, id est, saluum auferre, onus, vel servare onus, quin illud a se excutere præ lassitudine.* III. *Reflexi sunt, procubuerunt pariter, neque poterunt Babylonii eripere onus, sed ipsi in captivitatem abiverunt.* Possit hic verus ferri ad ipsa idola, quæ corruerunt & conciderunt, nec poterunt evadere quin imposita iumentis in captivitatem abducerentur; quibus animam tribuit opinione idololatrarum, vel per sarcasum. Alii ad ipsos Babylonios: qui prostrati hostibus succubuerunt, nec poterunt Persis eripere prædam, quin potius ipsi in captivitatem abierunt. Sed rectius expones: *Iumenta illa procubuerunt & corruerunt præ lassitudine, nec poterunt portare tam grave onus auri & argenti (hyperbole) quin & ipsi Babylonii in captivitatem abduci sunt.*

V. 3. AUDITE ME, &c. Alii hunc verum ex Heb. exponunt: I. *Attendite ad me, domus Iahakobi, & universi residui domus Israelis, impositi, seu onerati ab utero, gestati a matre.* II. *Auscultate mihi domus Iahakobi, totumque residuum domus Israelis.* Secunda hæc pars didascalica, ut dictum est in vers. 1. sumpta occasione ex præcedente historia Iudæos instituit, primum fideles & pios, usque ad versum 8. deinde infirmos Iudæorum: itemque impios & hypocritas, ad finem usque. Est autem utriusque

que loci commune exordium, his duobus versibus, in quibus Deus per antithesin singularia sua officia in populum suum explicat, ostendens quam procul ab idololatriæ conditione abist, quæ nisi a suis ferantur, & eripiantur, percutit: *qui bairamini inde ab utero, qui gestamini inde a vulva*; id est, quos ego baiulo, quemadmodum portat quis, aut nutrix, seu mater filium suum, Deuteronom. i. 31. & tamquam aquila assumens porto vos super alas meas, Exod. xix. 4. & Deuteronom. xxxii. 11. Heb. ad verbum: *impositi, onerati, a me utero; levati, portati, a me vulva*; id est, quos tam caros, & intimos habeo, ac si vos-utero meo genuissem, ac in matrice portarem, ut mater infantem suum.

V. 4. USQUE AD SENECTAM EGO IPSE, &c. Alii hunc versum ex Heb. reddunt: *Et usque ad senium ego idem, & usque ad canitiem ego portaturus sum: ego feci, & ego gestabo; ego, inquam, portaturus sum, & erepturus*; quasi dicat: Nedom vos genui, & in utero fovi ac gestavi, sed iam inde ab utero per totam vitam vestram usque ad extremum senium alui, sustentavi, vobis adfui, curam vestri perpetuo gessi, & de omnibus periculis eripui, nimirum mei semper similis.

V. 5. CUI ASSIMILASTIS ME, &c. Quidam: *Cui assimilaretis me, & aquaretis, aut compararetis me, ut similes essemus?* Primus doctrinæ locus, quo præmonentur pii. ut sibi prudenter & sancte a falsis Babyloniorum commentis & superstitionibus caveant, observantes naturam Dei Optimi Maximi, atque in ipsos beneficentissimi. Simile vide supra cap. xl. 18. & 25. ET COMPARASTIS ME. Proprie, & proverbialiter me; id est, proverbio comparabit, cui me adagialiter similem dicetis, vel proverbio iactabit. ET FECISTIS SIMILEM? נִדְמֶה *nidmeh*, plerique participium Niphal esse aiunt: *assimilatus, similis*. Quidam reddunt: *ut similis sim*. Alii nomen substantivum: & *similitudo ero?* Nonnulli, futurum plurale: & *assimilabimus, vel ut similes essemus?* Puta ego & imago, cui compararetis me.

V. 6. QUI CONVERTIS AURUM DE SACULO, &c. Quidam reddunt: *Qui prodigunt aurum et maysupio*, &c. Amplificatio a comparatione idolorum & maiestate Dei, ut supra cap. xl. 18. & 25. & officiorum,

quæ idololatræ coguntur diis suis inutilibus exhibere, cum illis officiis, quæ cultoribus suis facit Deus, hoc & sequente versu. Participium *וְיָלִים* *yalim*, exponunt, *vilipendentes, tamquam rem vilem deprecantes, prodigentes, profundentes, abicientes*. ET ARGENTUM STATERA PONDERATIS. Alii ex Heb. & *argentum in calamo ponderant*, id est in statera habente utrimque lances. II. & *argentum in balance appendunt*. III. & *argentum scapo appendunt*, id est trutina, synecdochice: est enim scapus trutinæ pars ex qua dependent lances. קַנֶּה *kaneh*, hic est, *canna, calamus mensurarius*, ut Ezechiel. xlii. 16. AURIFICEM. אֲרִיצֵם *arizeph*, *arentem, aurorem, excelsorem, confatorem, fusorem, aurisabrum*: ut supra cap. xl. 19. & cap. xli. 7. ET PROCIDUNT. Vide supra cap. xlii. 15.

V. 7. PORTANT ILLUM IN HUMERIS GESTANTES. Ponuntur hic duo נָשָׂא *nasa*, & נָשָׂא *saba*, quorum discrimen & vis ex hoc loco, & superius ex vers. 4. dignoscitur: nam *Nasa* motum, seu levationem significat, nempe onus levando accipere, tollere, imponere: *Saba* vero, onus in se susceptum & impositum portare. Vide Forsterum in Lexico. pag. 522. Proculdubio alludit ad morem Gentilium, quo simulacra deum fovebant in sacra pompa ferulis super humeros gestare. Macrobius I. Saturnalior. cap. xxiv. *Vehitur etiam simulacrum Dei Heliopolitani ferulo, veluti vehuntur in pompa ludorum Circesium deorum simulacra*. Et subeunt plerumque provincie proceres, raso capite, longi temporis castimonia puri: serunturque divino spiritu, non suo arbitrio, sed quo Deus propellit vehentes, ut videmus apud Antium promoveri simulacra Fortunarum ad danda responsa. Vide quoque Apuleium Lib. XI. *Alini ad finem, cum describit pompam Idis*. Hunc versum alii luculentius ex Heb. convertunt: I. *Portant eum in humero, baiulant eum, & collocant eum in locum suum: illic stat, nec de loco suo movetur: & si quispiam ad eum clamat, nihil respondet, ab angustia sua non liberat eum*. II. *Gestant eum, humero portant eum, deinde collocant eum in sede sua, ubi stat, e loco suo non recedit; etiam si quis clamet ad eum, non exaudit, ab angustia ipsius non servat ipsam*.

V. 8. MEMENTOTE ISTUD, &c. Secundus doctrinæ locus, ut diximus in vers. 3.

ad

ad ludæos infirmos aut ignorantes Dei, ut consimiliter imbuti vera notitia Dei, si qua infirmitate cedentes Babyloniorum tyrannidum cultum Dei veri dimiserint, saltem his duobus argumentis ad bonam frugem revo-centur: primum documentis rerum creatarum, & operum prætorum Dei, vers. 9. & 10. deinde præsentissima liberatione, quam per Cyrum promisit Deus, & iusto tempore effecit, vers. 11. ET CONFUNDAMINr. Imperativum *hithpabel*, הִתְפַּאֵל *hithschafschu*, quidam a nomine *פִּיטְפִּיטְ* *aschschim*, *fundamenta*, supra cap. xvi. 7. derivant: *Et fundate vos ipsos, fundamini, vel fundamenta sitis, aut fundati sitis*; hoc est, fortes & robusti estote, ut fundamenta. Alii ab *פִּיטְ* *esch*, *ignis*: *Et ignescere vos facite*, id est *erubescite, rubore persundimini* instar ignis: ut Poetæ dicunt:

Calor per ora cucurrit.

Plerique ab *פִּיטְ* *isch*, *geminatio*, id est *vir*: *Et viriliter agite, seu præbere vos viros*; & *geminatio* significatum auget, *præbere vos, exhibere, præstare vos summos viros*. Pudet referre, quod Marinus conieciatur depravatam esse scripturam, & pro *hithschafschu*, legendum *הִתְפַּאֵל* *hithschafschu*, *erubescite*. REDITE PRÆVARICATORES AD COR. Heb. *revocate, reducite, o defectores in cor, seu in animum*; subaudi, ea quæ dico, id est *respicite*.

V. 9. RECORDAMINI PRIORIS SAECULI, &c. Hunc versum ex Heb. reddunt: I. *Memineritis priorum, quæ iam olim facta sunt: quod ego sum Deus, & nullus ultra Deus, neque quidquam mihi simile est*. II. *Recordamini priorum inde a sæculo, me esse Deum fortem, & nullum præterea Deum esse, & neminem parem mihi*.

V. 10. ANNUNTIANS AB EXORDIO &c. Alii hunc versum ex Heb. transferunt: I. *Qui annuntio a principio postrema, & ab exordio ea quæ nondum facta sunt: qui dico, & consilium meum ratum est, & quidquid volo facio*. II. *Indicantem a principio finem, & ab antiquitate, quæ nondum facta sunt, dicentem*, id est, qui solus merito ac vere dicere possum: *Consilium meum stabit; & omnem delectationem meam facturum sum*; id est, quicquid mihi libuerit.

V. 11. VOCANS AB ORIENTE, id est a Perside, AVEM. *עֵשׂ* *ghais*, *volatum, volucrem, avem*, alitem, *turbam ferarum ac rapacium avium, quæ multitudine irruit: vo-*

lunt enim esse nomen collectivum: vide in Genes. xv. 11. & supra cap. xviii. 6. Forsterus: *Voco ab oriente volatum*: vocat autem hoc nomine Cyrum cum suo exercitu, a velocitate & rapacitate. Tremellius, & Iunius: *Voco ab oriente*, id est *Perside, volucrum*, id est *Cyrum* *ducem expeditissimum, qui tam leviter difficultates omnes expediturus, & superaturus est, quam si prætervolaret: qui velociter in Babylonios a Perside & Media ingentes ducet exercitus, & quasi involabit*. Quidam reddunt: *Vocans ab ortu avitum*; id est, exercitum Perfarum ac Medorum, de terra longinqua seu remota. VIRUM VOLUNTATIS MEÆ. Heb. *virum consilii mei*; id est, effectorem & executorem consilii mei. Alii: id est, quem consilio meo destinavi, & decrevi mittere. Alia Hebraica lectio habet *virum consilii sui*, id est *virum consultissimum*. ET LOCUTUS SUM, ET ADDUCAM ILLUD, scilicet consilium. Quidam reddunt: *præterea prædixi, & adducam illud*; vel, *simulque locutus sum, ipsum adducam*. CREAVI, ET FACIAM ILLUD. Heb. *formavi etiam faciam illud*. Alii: *cogitavi, statui*. Nonnulli: *protinus ut finxi animo, hoc ipsum faciam*.

V. 12. AUDITE ME DURO CORDE, QUI LONGE ESTIS A IUSTITIA. Alii ex Heb. I. *Attendite ad me robusti corde, procul remoti a iustitia*. II. *Audite me, qui contumaces estis corde, vel qui præfracto, & pervicaci animo estis, alieni a iustitia*. III. *Auscultate mihi robusti animo, qui longinqui estis a iustitia*. Tertius doctrinæ locus, ut dictum est in vers. 3. ad impios & hypocritas: quibus denuntiavit Deus, se propter nomen suum effecturum promissiones suas, & iustitiam adhibiturum ad salutem Ecclesie suæ, & ipsorum confusionem.

V. 13. PROPTER FECI IUSTITIAM MEAM. Alii: I. *Adduxi iustitiam meam*. II. *Accedere faciam iustitiam meam*, id est Christum, quem promisi iustificatorem, mittam. III. *Admoveo iustitiam meam*; id est, vos inviti & fugientes, experiemini tamen iustitiam meam. NON ELONGABITUR. Alii: I. *non longinqua est*. II. *neque longe aberit*. ET SALUS MEA NON MORABITUR: *vel moram faciet*. Verbum proprie significat, *Et salus mea non posteriorabit, postergabit, postmanebit, retromanebit, cunctabitur, tardabit*. Tremellius, & Iunius exponunt: *Sed salu-*

salutem meam non retardabis. Id est, *præcise complebit suo tempore salutem meam, neque impediatur nequitia vestra, aut in supplicio de vobis sumendo ita occupabitur, ut gratia salutaris opus avertat.* Sed verbum retardabit est semineum, nec apte referri potest ad Deum, sed ad salutem, & *salus mea non tardabit.* ET ISRAELI GLORIAM MEAM. Heb. *decorem, ornatum, honorem, pulchritudinem meam:* vide supra cap. XLIV. 23.

M E N O C H I I.

Vers. 2. **B**EL: Bel sive Beel, Baal, aut Belus fuit Nemrod fundator, & primus Rex Babylonis, & pater Nini, divinis postea honoribus cultus a Babylonis. NABO. Alterum Babyloniorum idolum, ita dictum quod ederet oracula; *Nabo enim Hebraice, & Chaldaice idem est quod prophetia, vel divinitas, ut inquit D. Hieronymus.* In primariis hinc Chaldeorum idolis a Cyro conterendis significat Isaías per Christum abolendam idololatriam. FACTA SUNT BESTIIS, &c. In Hebræo est, *Fuerunt iumentis*, id est tradita sunt iumentis: nam cum iumenta dorso gestarent idola quæ alio asportabantur, habebant ea quasi captiva in sua manu, & potestate. ONERA VESTRA, &c. idola vestra, quibus iumenta, vel vos onerati incedebatis usque ad lassitudinem.

V. 2. CONTABUERUNT, &c. contracta sunt a Persis, perierunt, consumpta sunt. NON POTUERUNT SALVARE PORTANTEM; sed iumento sub pondere cadente & ipsa contrita sunt. ANIMA EORUM IN CAPTIVITATEM IBIT: ipsa idola in captivitatem asportata sunt, simul cum adoratoribus suis.

V. 3. OMNE RESIDUUM: omnes ex captivitate superstites, & reliqui. QUI PORTAMINI A MEO UTERO, &c. quos ego misericordiae meae visceribus materno complexor affectu.

V. 4. USQUE AD SENECTAM; quasi dicat: Matres paucis mensibus sortum gestant in utero, & paucis annis in ulnis infantes suos; ego vero fideles meos usque ad senectam. EGO IPSE; scilicet, portabo vos. EGO FECI: ego vos genui, ego alui, ego educaui, ego provexi. EGO FERAM: etiam deinceps, & in posterum feram usque.

Bib. Sac. Tom. XVII.

que ad senectutem vestram.

V. 5. CUI ASSIMILASTIS ME, &c. fabricando idolum quasi Deum alium mihi similem, & æqualem; vide dicta supra XL. 18.

V. 6. QUI CONFERTIS AURUM, &c. quasi dicat: Videte egregios vestros deos, quos collata materia vos ipsi formatis; & cuditis, & deinde adoratis.

V. 8. CONFUNDAMINI: pudeat vos, quod huiusmodi deum adoretis. REDITE AD COR. LXX. *agite penitentiam qui errastis, revertimini corde.*

V. 9. RECORDAMINI PRIORIS SACULI, scilicet quanta promiscrim, prædixerim, & præstiterim patribus vestris, inde videbitis me esse Deum vestrum, quem patres vestri coluerunt.

V. 10. ANNUNTANS AB EXORDIO NOVISSIMUM, id est prædicans ab initio id quod multo tempore post futurum est. ET AB INITIO, &c. est repetitio eiusdem sententiæ.

V. 11. VOCANS AB ORIENTE AVEM: Cyrum scilicet festinantem, & quasi avem volentem. AB ORIENTE, id est Perside, quæ Babylonis est ad orientem. VIRUM VOLUNTATIS MEAE: qui scilicet voluntatem meam effectum dabit. LOCUTUS SUM: futura hæc prædixi, & sicut. CREAVI, id est creabo, præteritum pro futuro.

V. 12. AUDITE ME: Iudæi, qui estis Babylone. LONGE ESTIS A IUSTITIA: qui a Deo, & virtute, sanctitate, & iustitia defecistis. Vel potius, qui me accusatis violatæ fidei, quasi procul sitis ab ea iustitia obtinenda, id est ab ea libertate, quam ego vobis toties promisi.

V. 13. PROPE FECI IUSTITIAM MEAM: ecce enim Cyrus quasi avis mox advolabit, qui meam iustitiam, id est fidem præstabit; usque e captivitate liberabit. IN SION: Sioni, sic IN ISRAEL, id est Israël. GLORIAM MEAM: fuit enim hæc gloriosa, & magnifica Israël liberatio.

T I R I N I.

Vers. 1. **B**EL, idolum Babyloniorum, de quo Genes. XI. NABO alter eorumdem deus, & forsitan per abbreviationem est ipse Nabuchodonosor, qui a Babylonis adorari voluit ut deus in aurea statua quam erexit Danielis III. Saltem ab

O q hoc

hoc idolo *Nabo* desumptum est nomen Nabonazar, Nabo-chad-nazar, Nabuchodonosor: sic a Belo, seu Baal, nomen Bal-zazar. Sic etiam Iudeorum reges solebant a suo Deo *Iah*, quo est abbreviatum *Iehova*, nomina sua neutare, ut *Abias*, *Obias*, *Ezechias*, *Iosias*, &c. SIMULACRA EORUM idolorum FACTA, seu tradita, SUNT BESTIIS ET TUMENTIS: nam iussu Cyri, aurum & argentum, ex quo conflata erant illa idola, per partes impositum eis dorsis camelorum & alinorum, ut in Persidem transferretur: ita Forerius. Ita dii vestri facti sunt onera iumentorum, quæ prius erant ONERA VESTRA, o Babylonii, vestris humeris baiulari solita a, & vos suo PONDERE fatigantia, USQUE AD LASSITUDINEM. Et hac alinorum via

V. 2. ANIMA EORUM, nempe idolorum, id est ipsa idola, quæ vos ingitis animata esse, IBIT IN CAPTIVITATEM. En lapideos deos

V. 5. CUI ASSIMILASTIS ME? Quam villi rei, quam sordido metallo similem credidistis divinam excellentiam?

V. 9. RECORDAMINI PRIORIS SAECULI, quanta prædixerim & promissum patribus vestris, & nunc vobis ex fide præstiterim. Facile inde colligetis, me longe præcellere omnibus idolis, quibus nec umbra inest divinitatis.

V. 10. EGO SUM ANNUNTIANS ac prædicens AB EXORDIO nascentis Synagogæ, immo mundi, quæ *novissima*, id est novissimis, seu posterioribus sæculis evenitura sunt: v. g. Genes. iii. prædixi, quod mulier per semen suum, nempe Christum, contereret caput serpentis. Abrahæ ex sterili Sara addixi posteritatem numerosam sicut stellas cæli, possessionem Chanaanitis, &c. Quæ omnia nunc vel completa, vel certo complenda sunt. Pari ergo ratione.

V. 11. VOÇO AB ORIENTE, id est e Perside, AVEM, id est Cyrum, cuius laborum est aquila aurca expansis alis, teste Xenophonte; & summa celeritate atque impetu devolabit in Babylonicam columnam, quam unguibus suis in frustra discer-

per. Allegorice, hæc aquila est Christus oriens ex alto, inquit S. Hieronymus & Cyrillus.

V. 13. PROPE FECISTI UTITIAM MEAM; id est, factam ut adventus Cyri non multum distuleretur, sed brevi adit curabo, & promissa mea fidemque vobis datam exsolvat, & vos Babylone liberatos in patriam remittat. Per illum enim DABO IN SION Ierusalemitanis SALUTEM, ET toti *Israeli* GLORIAM MEAM, id est gloriosam liberationem e carcere Chaldaico: per Christum vero toti orbi dabo liberationem e carcere infernali, dabo spiritalem & absolutam iustitiam, dabo æternam salutem & gloriam: ita S. Hieronymus & alii Patres.

(*) Baruch vi. vers. 3.

GORDONI.

Vers. 1. **N**ABO erat alter Babyloniorum Deus a divinatione sic dictus, ut ait Hieron. Solebant homines illarum gentium nomina sua a diis derivare: hinc Nabonius rex, qui & Merodach, vel Evilmerodach vocabatur. Ceterum suos servat Deus ab utero usque ad senectutem, & ab ortu Synagogæ usque in finem.

V. 5. CUI ASSIMILASTIS ME, &c. Iterum carpit idololatras. CUI ME COMPARASTIS? Sensus apertus est: vide cap. xl. vers. 18.

V. 10. ANNUNTIAMI AB EXORDIO, &c. Prædixi, inquit, quæ sunt ventura & cuncta. STAITE CONSILIUM, & (vers. 11.) AVEM, hoc est, Cyrum adducam, velociter veniet.

EX EIUDEM AUCTARIO.

Vers. 1. Duo idola Babyloniorum evertenda, Bel & Nabo. Hoc secundum nomen *Nabo* Chaldaice est propheta: frangenda prædicit idola hæc, & bestiis tradenda, nempe ut disportentur: onera gravia vocat.

Vers. 4. Deus suos servabit usque ad senectutem: fidelis erit protector & constans.



C A P U T XLVII.

Babylonis humiliatio ac contritio predicatur, propter ipsius superbiam, arrogantiam, & crudelitatem in Iudeos suos captivos: & quia in maleficiis, auguribus, atque incantatoribus spem posuit.

1. **D**Escende, sede in pulvere virgo filia Babylon, sede in terra: non est solum filię Chaldæorum, quia ultra non vocaberis mollis & tenera. 2. Tolle molam, & mole sarinam: denuda turpitudinem tuam, discooperi humerum, revela crura, transi flumina. 3. (a) Revelabitur ignominia tua, & videbitur opprobrium tuum: ultionem capiam, & non resistet mihi homo. 4. Redemptor noster, Dominus exercituum nomen illius, sanctus Israel. 5. Sede tacens, & intra in tenebras filia Chaldæorum: quia non vocaberis ultra domina regnorum. 6. Iratus sum super populum meum, contaminavi hereditatem meam, & dedi eos in manu tua: non posuisti eis misericordias: super senem aggravasti iugum tuum valde. 7. Et dixisti: In sempiternum ero domina: non posuisti hæc super cor tuum, neque recordata es novissimi tui. 8. Et nunc audi hæc delicata, & habitans confidenter, quæ dicis in corde tuo: (b) Ego sum, & non est præter me amplius: non sedebo vidua, & ignorabo sterilitatem. 9. (c) Veniet tibi duo hæc subito in die una, sterilitas & viduitas: universa venerunt super te, propter multitudinem maleficiorum tuorum, & propter duritiam incantatorum tuorum vehementem. 10. Et fiduciam habuisti in malitia tua, & dixisti: Non est qui videat me: sapientia tua & scientia tua hæc decepit te. Et dixisti in corde tuo: Ego sum, & præter me non est altera. 11. Veniet super te malum, & nescies ortum eius: & irruet super te calamitas, quam non poteris expiare: veniet super te repente miseria, quam nescies. 12. Sta cum incantatoribus tuis, & cum multitudine maleficiorum tuorum, in quibus laborasti ab adolescentia tua, si forte quid prosit tibi, aut si possis fieri fortior. 13. Defecisti in multitudine consiliorum tuorum: stent, & salvent te augures cæli, qui contemplabantur sidera, & supputabant menses, ut ex eis annuntiarent ventura tibi. 14. Ecce facti sunt quasi stipula, ignis combussit eos: non liberabunt animam suam de manu flammæ: non sunt prunæ, quibus calefiant; nec focus, ut sedeant ad eum. 15. Sic facta sunt tibi in quibuscumque laboraveras: negotiatores tui ab adolescentia tua, unusquisque in via sua erraverunt: non est qui salvet te.

(a) Nah. 212. 5. (b) Apoc. xviii. 7. (c) Isai. 17. 29.

C O M M E N T A R I A

M A L D O N A T I.

Verf. 1. **D**ESCEDE. Imperativa pro futuro, descendens; id est, deiciaris, deturbaberis de folio regio, in quo nunc sedes, & sedebis IN PULVERE, VIRGO FILIA BABYLONIS; id est, o civitas Babylonis, quæ nunc caput regni Chaldaeorum es, usque ad terram deiciaris. Sæpe diximus Hebræos civitates filias & virgines appellare. NON EST, pro, non erit, SOLIUM FILIAE CHALDAEORUM, id est Babylonii, non erit ultra sedes regni Babylon. Possumus Hebraica sic vertere, *Sede in terra absque folio, filia Chaldaeorum.* QUIA ULTRA NON VOCABERIS MOLLIS, id est non eris domina, sed serva. Interpret noster non reddidit verba, sed sensum.

V. 2. TOLLE MOLAM, ET MOLE FARINAM; id est, præpara te ad molendam farinam, sicut molere solent servæ, quia & ipsa serva eris. Solbant apud Iudæos & AEGYPTIOS servæ molere farinam, sicut nunc equi & muli in Africa, & multis locis Hispaniæ propter aquarum inopiam. Exod. xi. 5. *A primogenito Pharaonis ad primogenitum ancilla quæ est ad molam:* & Matth. xxiv. 41. *Due molentes in mola, una assumetur, & altera relinquetur.* DENUDA TURPITUDINEM TUAM, id est genua, aut femora tua: צַחֲתֹךְ, alii, *casariam tuam*, alii, *cincinnos tuos*, quod videtur esse abs re, quia statim addit, TRANSI FLUMINA: ad transseunda autem flumina non erat opus, ut casariam nudaret, sed femora. DISCOOPERI HUMERUM: שֶׁכַּל, quod alii secuti R. Mosén vertunt *capillum in maxillas defluentem*. R. Solomoh, *coxam aut genua*, ut sit repetitio, aut explicatio præcedentis; idque magis loco congruit, cum agat de flumine trauciendo. REVELA CRURA. Repetitio est, *Transi flumina*; quasi dicat: Accinge te ad transseunda vado flumina, quia cito captiva duceris, cruntque tibi in itinere multa flumina transvadanda.

V. 3. ULTIONEM CAPIAM: de te (potenter) ita ut nemo mihi possit resistere. לֹא אֶפְנֶה אִיִּם, ad verbum, *non occurram homini*; id est, non habeo rationem ullius hominis mihi occurrentis, quod noster In-

terpres dixit, NON RESISTET MIHI HOMO. Alii subintelligunt particulam similitudinis *2*, sicut, & vertunt, *Non occurram (tibi) sicut homo*, (sed sicut leo) id est, non misericorditer, sed servere & irracunde. Alii, *non viribus humanis, sed divinis occurram tibi*, id est puniam te. Septuag. *ἐν ἰσχύϊ καρδίας ἀνθρώπου*, quasi legerint, *ἐν ἐμῇ* in Hiphil, *non occurrefaciam (te) homini*; id est, non faciam te amplius in manus hominis incidere, sed in manus meas. Chaldaus: *Et mutabo iudicium tuum a filiis hominum*; id est, non iudicabo te more hominum, qui rationem personarum habere solent, sed more meo.

V. 4. REDEMPTOR NOSTER. Verba sunt Prophetæ, quibus confirmat superiora verba Dei: ita nimirum Deum punire posse, ut nemo illi resistat, quia DOMINUS est EXERCITUM, id est potentissimus, atque ita cognominatur.

V. 5. SEDE TACENS, id est verecunda: ET INTRA IN TENEBRAS; id est, abde tectè præ pudore in obscurum aliquem locum. Imperativa pro futuro, ut sup. verf. 1. QUIA NON VOCABERIS ULTRA; id est, non eris ultra caput omnium regnorum, ut hactenus fuisti. Vocari idem significare apud Hebræos aliquando, atque esse, sæpe diximus, ut sup. verf. 1. & Lucæ i. 32. & Rom. iv. 17.

V. 6. IRATUS SUM. Reddit causam cur populum suum in Babyloniorum servitutem tradiderit, nempe quia propter eius peccata iratus illi fuerat; non quod cum Babylonii sua virtute subiugaverint. CONTAMINAVI; id est, tamquam profanam tractavi, non tamquam sanctam, tradens illam in captivitatem; vel, tradidi in potestatem profanorum hominum, ut apud eos contaminaretur: passus sum contaminari HEREDITATEM MEAM, id est populum meum. NON POSUISTI RES MISERICORDIAS; id est, non es usa ulla erga eos misericordia, sed duriter eos tractasti. SUPER SENEM AGGRAVASTI. Sign. pro plur. id est, ipsos etiam senes nimio labore oppressisti.

V. 7. ET DIXISTI; id est, cogitasti apud te fore ut semper dominare. NON POS-

SUISTI HAEC SUPER COR TUUM; id est, non cogitasti, non considerasti hæc quæ nunc tibi eventura pronuntio. NEQUERECORDATA ES NOVISSIMI TUI, id est quod tibi novissimis temporibus eventurum erat: non servasti præceptum Ecclesiastici cap. vii. 40. *Memorare novissimam tuam, & in æternum non peccabis*: & xi. 27. *In die bonorum ne immemor sis malorum*: & xviii. 25. *Memento paupertatis in tempore abundantie*. Reddit tacite duas causas, quare Babylonem in servitutem traditurus sit: altera est, quod victoriam, qua sibi Iudæos subiugaverat, non Deo, sed sibi tribuerat; altera, quod nimis crudeliter Iudæos in captivitate tractavisset.

V. 8. ET NUNC AUDI. Postquam culpam Babylonis ostendit, sententiam contra illam pronuntiat, ad quam audiendam eam excitat. AUDI HAEC: מִי, hoc. DELICATA, quæ nunc est delicata, id est delitiis dedita. ET HABITANS: הַשֵּׁכָה, quæ sedes, id est regnas confiderent, quæ putas te perpetuo regnaturam. QUAE DICIS IN CORDE TUO, id est quæ cogitas apud te. EGO SUM (sola regina) ET NON EST PRÆTER ME (alia civitas quæ mecum comparari possit.) NON SEDEBO VIDUA; id est, numquam iacebo sine rege, quasi sine marito, semper ero civitas regia. ET IGNORABO STERILITATEM, id est non experiam: per sterilitatem autem intelligi inopiam rerum; quasi dicat: Cum sim regia civitas, nihil mihi deerit.

V. 9. VENIENT TIBI HAEC DUO, VITUITAS ET STERILITAS UNIVERSA, id est cuncta simul mala. Hebr. בְּתוֹסִים, secundum perfectionem eorum, id est cumulate venerunt, pro, venient super te. PROPTER MULTITUDINEM MALEFICIORUM TUORUM, vel, maleficiorum tuorum; id est, quia confidisti in multitudine maleficiorum, & in oblatione, id est in oblationibus & constantibus prædictionibus incantatorum tuorum; quasi dicat, Quia de causa putabas te tutam esse, ea de causa mala tibi cuncta evenient, nempe ob multitudinem divinatorum tuorum, qui tibi persuadebant nihil tibi mali impendere.

V. 10. ET FIDUCIAM HABUISTI IN MALITIA TUA, id est in fraude, in violentia tua. ET DIXISTI, id est existimasti neminem esse, qui videret te, quasi Deus non videret res humanas, ut, Psalm. lxxiii.

6. *Narraverunt, ut absconderent laqueos, dixerunt, Quis videbit eos?* & Psal. xciii. 6. *Viduiam & advenam interfecerunt, & pupillos occiderunt, & dixerunt, Non videbis Dominus, neque intelliget Deus Iacob*. SAPIENTIA TUA ET SCIENTIA TUA. Loquitur ex eius opinione, id est magia, quam tu summam esse sapientiam existimabas. DECEPIT TE; id est, cum tibi prospera pollicerentur, adversa tibi eveniunt. ET DIXISTI: vide supra vers. 8.

V. 11. VENIET SUPER TE MALUM, ET NESCIES ORTUM EIUS. Hebr. שָׁחַדָּה, ad verbum, auroram eius; id est, quo die venturum sit, cum profectus Mathematicas, & omnium rerum futurarum ephemeridas notatas habere videare; vel, nescies auroram eius, id est, ortum, originem, nescies per tuam astrologiam qua ex causa proficiscatur; non enim ex causis naturalibus, sed ex divino consilio proficiscitur: quia *Neque ab oriente, neque ab occidente, neque a desertis montibus, sed quoniam Dominus iudex est*: Psal. lxxiv. 7. ET IARUET SUPER TE CALAMITAS, QUAM NON POTERIS EXPIARE, id est removere abs te, aut durando minuire.

V. 12. STA CUM INCANTATORIBUS TUIS: vel, cum incantationibus tuis: תְּחַדְרִי; ET CUM MULTITUDINE MALEFICIORUM, vel, maleficiorum tuorum. Utrumque enim nomen כִּשְׁףָא significare potest. Est autem concessio; quasi dicat: Arma te incantationibus, & maleficiis tuis solitis. IN QUIBUS LABORASTI, id est quibus semper operam dedisti.

V. 13. DEFECISTI. Præteritum pro Imperativo; id est, labora usque ad lassitudinem in conquirendis consiliis ab incantatoribus tuis. Persequitur concessionem. STENT, id est exultant, offendant sese, ET SALVENT TE AUGURES CAELI, חֲזָרִי שָׁמַיִם, incantatores caeli, id est Astronomi, qui caelum observant; quasi dicat, Non poterunt salvere te.

V. 14. ECCE FACTI SUNT QUASI STIPULA. Præter. pro fut. id est, erunt similes stipulae, quæ ab igne facile consumuntur. IGNIS COMBUSSIT, pro, comburet eos. NON LIBERABUNT ANIMAM SUAM, id est seiplos DE MANU FLAMMAE. Hebr. pro, a flamma. NON SUNT PRUNÆ; pro, non erunt prunæ, id est penitus consumuntur igni, ita ut nullum eorum vestigium

stigma remaneat : sicut cum stipulae aut palae comburuntur , nullae remanent prunae , nec cineres pene ulli . QUIBUS CALEFIANT . Tertia persona numeri pluralis pro verbo impersonali , more Hebraeorum ; id est , nec maneant prunae , quibus calefiat , nec focus , ad quem sedeat . Ignem autem hoc loco vocat non ignem verum , sed calamitatem .

V. 15. SIC FACTA SUNT TIBI ; id est , ita peribunt tibi omnia maleficia , in quibus multum operae & studii posuisti . Vel genere masculino , *Sic facti sunt* ; pro , sicut tibi (incantatores tui) quibus operam dedisti . NEGOTIATORES TUI , id est malefici , qui quaestum faciebant divinando . UNUSQUISQUE IN VIA SUA , id est in propria causa errabit , nesciens quid sibi eveniturum sit ; ac si dicat : Si illi , quibus confidis non poterunt se ipsos liberare , sed igne consumuntur ; quo modo poterunt liberare te .

S A.

Vers. 1. DESCENDE , &c. imperativa pro futuris . VIRGO , &c. Chald. *regnum congregationis Babylonis* , scilicet Regna custodiuntur , ut solent virgines . TENERA . Chald. *delicata* .

V. 2. TOLLE MOLAM ; quasi dicat , Servies in pistrino : olim servi molam vertebant , ut sit apud Mauros . TURPITUDINEM TUAM . LXX. *operimentum tuum* . HUMERUM . Hebr. *plantam* . TRANSI , &c. quasi dicat , Ut possis ducta in captivitatem flumina transire .

V. 3. IGNOMINIA , id est turpitudine , scilicet pudenda . OPPROBRIUM , id est quod videri probrosum est . CAPIAM , scilicet de te .

V. 4. REDEMPTOR , scilicet olim ex Aegypto , & deinde ex Babylone .

V. 6. CONTAMINAVI , id est veluti sordidam tractavi , expellens e sedibus suis . Chald. *profanavi* , scilicet mittens in profanum Babyloniam .

V. 7. HAEC , scilicet tibi eventura , quae nunc praedico . NOVISSIMI TUI , id est eorum , quae te tandem manebant .

V. 8. AMPLIUS . LXX. *alia* . STERILITATEM , id est orbitatem : sic infra promittit .

V. 9. VENERUNT ; pro , venient . DU-

RITIAM . Chald. & LXX. *fortitudinem* , scilicet obstinationem .

V. 11. ORTUM , id est unde , seu quando veniat . EXPIARE , id est effugere . Chald. *auferre* .

V. 12. STA , &c. ironice .

V. 14. FACTI SUNT . Præterita pro futuris . NON SUNT , &c. quasi dicat : Ille ignis non erit , ut solet prunarum ad calcifiendum , sed flammæ ad comburendum .

V. 15. FACTA SUNT ; pro , sicut . ERAVERUNT , scilicet huc illuc fugientes .

E S T I I.

Vers. 1. DESCENDE , SEDE IN PULVERE VIRGO FILIA BABYLON . Mirum , quam Ioannes Apocal. xvii. meretricem vocat , Prophetæ virginem nominat . Sed respicit Prophetæ hanc cultum , & ornatum & pulchritudinem , & quasi ætatis florem in illa civitate , & in illo regno Babylonico ; ob quæ merito poterat cum virgine quapiam pulcherrima , & cultissima comparari ; Ioannes autem de spiritali Babylone loquitur , quæ est mater fornicationum , & abominationum terræ ; ut dicitur Apoc. xvii .

M A R I A N A E.

Vers. 1. DESCENDE , de tua magnitudine , o Babylon . Imperativa pro futuris . SEDE IN PULVERE : lugentium in morem . VIRGO . Sic eam vocat , quod nondum esset expugnata & subdita . Aut sic urbes vocat ob custodiam , ut superius est dictum . FILIA BABYLON : congregatio Babylonis . NON EST SOLIUM ; non est ubi sedeas , sublati omnibus præditiis & ornamentis . NON VOCABERIS MOLLIS ET TENERA . Nimirum acta in captivitatem , & in servitutem data . Babylonis excidium explicat .

V. 2. TOLLE MOLAM . Accipe molam , servæ adinstar . Ante inventas molas fluminum , servæ triticum molebant . Porro inferior mola כֶּשֶׁב *cheseb* , superior רֶבֶב *rebeb* vocatur . Heb. utraque רֶהַיִם *rehaïm* , qua voce hic utitur . Latinis *meta* vocatur inferior mola , superior *catillus* . DENUDA TURPITUDINEM TUAM . Hebr. *coenam tuam* , qua seminae maxime gloriantur .

tur. Et in subiectionis signum, sic Chald. *suscipe subiectionem*. Hieronymus eam denudationem comæ *urpitudinem* vocavit. DISCOOPERI HUMERUM. Hebr. *pedem*. REVELA CRURA. Sic solent quæ vestes lavant. Ita quod sequitur, TRANSI FLUMINA; pro, transi ad flumina, ut ibi servarum initar vestes ablutas.

V. 3. REVELABITUR IGONOMINIA TUA, seu *verenda tua*, id est te subigent homines nequam. ET NON RESISTET MIHI HOMO. Hebr. *Et non suscipiam hominem*, id est preces pro te non accipiam. Hic *אד* *pahag* non significat *occurrere*, ut solet, sed *suscipere*.

V. 4. REDEMPTOR NOSTER, scilicet hæc faciet, ait Ilaas: certissimi sunt, Deus auctor est.

V. 5. ET INTRA INTENEBRAS, scilicet carceris: non amplius Regina, sed serva.

V. 6. IRATUS SUM. Ultionis causa, quod populum meum male & crudeliter habuisti.

V. 7. IN SEMPERTERNUM ERO DOMINA. Id dixisti. Non es verita rerum mutationem. NEQUE RECORDATA ES NOVISSIMI TUI. Hebr. *finis eius*; pro, *finis eorum*, ut possit Chald. id est, quem finem hæc omnia essent habitura, non es recordata.

V. 8. ET NON EST PRAETER ME AMPLIUS, id est me melior nulla civitas est. STERILITATEM, orbitatem ignorabo, filius non privabor.

V. 9. UNIVERSA VENERUNT SUPER TE. Hebr. *secundum perfectionem suam*; id est, plene venerunt super te viduitas & orbitas. ET PROPTER DURITIAM. Hebr. *propter robur*, id est multitudinem incantatorum. VEHEMENTEM. Hebr. *valde*, id est multitudinem nimiam. Illi te deciperunt.

V. 10. DECEPIT TE, aut te rebellare fecerunt. NON EST ALTERA. Hebr. *non est ultra*, id est me potior alia urbs non est. Id Babylon dicebat.

V. 11. ORTUM EIUS. Hebr. *auroram eius*; sed *aurora* pro *ortu* aut *die*: nescies diem eius, id est quo die sit veniendum malum. CALAMITAS, seu *contritio*. NON POTERIS EXPIARE, id est remove eam. MISERIA. Hebr. *desolatio*, vastatio venit repente.

V. 12. STA CUM INCANTATORIBUS

TUIS. Ironice: pete ab incantatoribus opem. IN QUIBUS LABORASTI; id est, negotium habuisti a prima ætate, a principio, quibus operam dedisti. Si possis fieri fortior: si roboreris, scilicet ut malis resistas, illa avertas.

V. 13. DEFECISTI. Hebr. *laborasti*. Defatigata es, varia consilia captando. Inter alios, Astrologos consulisti: illi te malis eripient. SUPPUTABANT MENSES. Hebr. *indicabant menses*, scilicet quid in quoque mense futurum esset ex lunæ inspectione. UT EX EIS ANNUNTIARENT VENTURA TIBI. Sententiam Hieronymus expressit: alioqui Hebr. *ex (iis) quæ ventura essent super te*, scilicet prædicebant.

V. 14. ECCE FACTI SUNT. Astrologi & incantatores perierunt omnes quasi stipula igne combusta. ANIMAM SUAM, vitam suam non liberabant. NON SUNT PRUNAE. Combusta stipula nullas relinquit prunas, ut alia ligna; sic ex horum interitu nulla utilitas existeret. QUIBUS CALEFIANT, alii scilicet homines. Hebr. *ad calefaciendum*, scilicet se, aut alios.

V. 15. SIC FACTA SUNT TIBI IN QUIBUSCUMQUE LABORAVERAS; id est, omnia præidia, quæ magno labore comparasti, inutilia evaserunt, non profuerunt. NEGOTIATORES TUI (qui tecum fuerunt) AB ADOLESCENTIA TUA. Homines pecuniosi solent in rebus artibus Reipubl. opulari. UNUSQUISQUE IN VIA SUA ERRABERUNT, id est in negotiatione sua. Hebr. *in transitu suo*, id est commutatione mercium, illi etiam erraverunt, non solum incantatores & Astrologi. Ideo ad inopiam redacti non possunt opem ferre. Quidam pro, *in transitu suo*, vertunt, *in latere suo*; sed sententia multum implicatur.

MALVENDAE.

Vers. 1. DESCENDE, SEDE IN PULVERE, &c. Altera pars narrationis prophetiæ contra Babylonios idololatrias, ut diximus supra cap. XLVI. i. hoc toto capite continetur. Sunt itaque huius, ut ibidem diximus, partes duæ: una, qua iudicia Dei gravissima in Babylonios exponuntur, versibus quinque; altera, qua cum Babylonis Deus concitatur de suorum iudiciorum causis, reliquo capite. VIRGO FILIA BABYLON, vel *Babylonis*; id est, Baby-

Babylonia tota, sive Chaldaea, cuius, in-
quint, monarchia corpori virginis com-
paratur, quia videbatur sibi indomita, &
erat in summo luxu delitiosae perdita;
virginis enim nondum subactae aut subie-
ctae viris sunt, & maxime gaudent orna-
mentis, mundo, luxu, delitiisque. Sic Ba-
bylonia nondum expugnata, omnibusque
divitiis & opulencia diffuens. SEDE IN
TERRA, NON EST SOLUM FILIAE CHAL-
DAEORUM. Alii ex Hebr. I. *sede in ter-
ra, non in folio, filia Chaldaeorum*. II. *se-
debis in terra, nullum enim erit ultra so-
lium tibi, o filia Chaldaeorum*. III. *sede
humis nullo solo, vel defecto solo filia Chal-
daeorum*. IV. *sede in terra absque throno,
filia, &c. QUIA ULTRA NON VOCABERIS
MOLLIS ET TENERA*. Alii ex Hebr. I. *quia
non amplius vocabunt te teneram &
delicatam*. II. *nam non perges vocari, tene-
ra & delicata*, sed mancipium eris abie-
ctissimum, duobus versibus sequentibus.
De delitiis, luxu, foedibus moribus Ba-
byloniorum, multa tibi suppeditabunt He-
rodotus Lib. I. Num. 195. & sequenti-
bus Strabo Lib. XVI. pag. 745. Q. Cur-
rius Lib. V. Rerum Alexandri, cap. 1.

V. 2. TOLLE MOLAM, ET MOLE FA-
RINAM. Hebr. *Accipe molas, & mole fa-
rinam*; id est, abi in pistinum, & mole-
re, ut mancipium turpissimum & abiectis-
simum: vide Exod. xi. 5. DENUDA TUR-
PITUDINEM TUAM. Alii ex Hebr. I. *re-
teges, decandabis, comam tuam*, more sci-
licet lugentium II. *dissolve cincinnos tuos*.
III. *retege crines tuos*; id est, luge capil-
lis passis: synecdoche. IV. *explica fasciam
tuam, seu constrictorium tuum*, quo comae
& cincinni constringuntur ne diffuant: de
voce *צממח* *trammach*, vel *צמח* *trammach*,
abunde differimus in Cantico. iv. 1. Ego
hic pro verendo seu padendo muliebri ac-
ceperim, cum nostro & doctissimo Hiero-
nymo, quem hic vide: vel pro fascia seu
velo, quo teguntur partes illae. DISCOOPE-
RI HUMERUM. *שכב* *schobol*, plerique hic
plantam reddunt, seu vestigium. Alii, *ti-
biem*, seu totum pedem, unde a coxa us-
que ad plantam excurrit. Tremellius, &
Iunius: *denuda vestigium*; id est, omis-
sis soccis & mollibus calcamentis, ad tristis-
simum iter te compara: quo etiam spe-
stant verba sequentia: vide supra cap. xx.
3. Eustorfius *prosemita* accepit, ut *שביל*

schebil, Psalm. LXXVI. 20. unde vertit:
denuda pedes ad semitam. Forerius: *denu-
da coxam*, id est partem illam, quae a co-
xendice usque ad talos excurrit. Alludit
autem ad eos, quibus aquae pertransfunde-
re sunt, qui eam partem corporis denudant,
quam aquae inadsacere possunt. Babylonii
vero in Persidem captivi abducendi, Ty-
grim, & multa alia flumina, quibus re-
gio Babylonica abundat, transituri erant,
ut mox subditur.

V. 3. IGNOMINIA TUA. Hebr. *nuditas,
seu turpitudine tua*; id est, pudenda, seu ve-
renda tua. Vide in Genes. ix. 22. Qui-
dam: *retegetur nuditas tua*; id est, pro
eo quod mollissime & latissime induisti te,
in miseriam tantam detruderis, atque pau-
pertatem, ut ne pudenda quidem de tuo
possis contegere. ULTIONEM CAPIAM, ET
NON RESISTET MIHI HOMO. Alii ex Hebr.
I. *ultionem capiam, & non occurrat tibi
sicut homo*, sed sicut Leo, qui te funditus
discerpat. II. *& non occurrat tibi in mi-
sericordia sicut homini*. II. *& non irruam,
vel non impingam in te more hominis*, id
est viribus humanis, sed divinis, quibus
resistere non possis. IV. *& non suscipiam
preces hominum*. V. *& non obviam habeto
hominem*; id est, non sinam me interpel-
lari aut exorari ab homine. VI. *ultionem
sumam, vel supplicium sumam, nec occur-
ram homini*: hypallage, pro eo quod est,
nec occurret mihi homo; vel *neque seram
obstare quemquam mihi*. Notant verbum
פגש *phagagh*, quando habet adiunctum
Beth, esse orare: sine *Beth* vero, ut hic,
exorari, placari, preces admittere.

V. 4. REDEMPTOR NOSTER, &c. Hunc
versum sic alii concipiunt: *Inquit vindex
noster Iehova exercituum nomine suo, San-
ctus Israelis*. Eclipsis verbi *ait*, vel *in-
quit*, ut I. Reg. xx. 24. & supra cap.
v. 9.

V. 5. SEDE TACENS. *דמם* *dumam*, pic-
trique *Pahul* faciunt: *Sede silentiata, silens,
in silentium redacta, vel excisa*. Alii no-
men: *sede in silentio*, ut Psalm. xciii. 17.
ET INTRA IN TENEBRAS FILIA CHAL-
DAEORUM; id est, ingredi in summas
angustias, ignominiamque maximam, eu-
ius nomine decidatur a ipsa in tenebris
delitescere. QUIA NON VOCABERIS ULTRA
DOMINA REGNORUM. Hebr. *quia non ad-
dix, vocabunt tibi*, vel *ut vocent te domi-
nam*

nam regnorum. Eadem loquendi forma, quæ supra vers. 1. id est, *non amplius vocaberis domina*, נכרת *gheberet*, prævalida, superior, heræ, heræis, heræina, domina, regnorum. Vide supra cap. xiii. 19. Sic infra vers. 7.

V. 6. IRATUS SUM. Hebr. *Subito effervui, bullivi ira, spumavi*. Quidam: *effervueram*. Altera pars capitis, ut dictum est in vers. 1. contestatio, qua Propheta suorum iudiciorum causas evincit fuisse in Babylonis ipsis, primum propter arrogantissimam inhumanitatem ipsorum, usque ad versum 10. deinde propter blasphemam prædictam suæ magiæ & incantationum, inde ad versum 15. postremo propter intolerabilem factum animo conceptum ex infinitis opibus, versu ultimo; quibus singulis peccatis suæ minæ, iudiciaque attestantur. SUPER, vel contra POPULUM MEUM. Idem argumentum vide Zachar. I. 15. CONTAMINAVI HEREDITATEM MEAM. Hebr. *violavi, profanavi, pollui, perfodi*, transferendo scilicet in regionem veiram; o Babylonii, ubi inter idololatrias incuriosos & pollutos homines versaretur. NON POSUISTI EIS MISERICORDIAS. Alii: *non præstisti, exhibuisti, eis misericordias*.

V. 7. NON POSUISTI HAEC SUPER COR TUUM. Quidam: *unquam non reposuisti hæc in animo tuo*. Alii: *hucusque non reposuisti illa in cor tuum*. NEQUE RECORDATA ES NOVISSIMI TUI. Hebr. *non recordata es finem illius*, nimirum possessionis meæ; de qua vers. 6. quasi dicat: Non observasti quem finem calamitatum Deus præitare soleat & præstiturus sit Ecclesie tuæ, ut Deuteron. viii. 17. Alii: *non meministi postremi illius*, id est Ecclesie meæ; quasi dicat: Non perpendisti quid tandem facere velim cum Ecclesia mea, quod sim eam liberaturus, & te perditurus.

V. 8. DELICATA. *ghadinah*, voluptuaria, voluptuosa, deliciosa, delicata; quæ deliciis & voluptatibus es dedita: ut vers. 1. ET HABITANS CONFIDENTER. Alii: *desidens secure*; vel, quæ sedes securæ. EGO SUM, ET NON EST PRÆTER ME AMPLIUS. Alii: *Ego sum, & nulla præter me amplius*; quasi dicat, Cetera præter me nihil sunt. Sic infra vers. 10. NON SEDERO VIDUA, ET IGNORABO STE-

Bib. Sac. Tom. XVII.

RILITATEM. Hebr. *non sededo vidua, neque cognoscam, sive experiar orbitatem*, id est, regem & regnum florentissimum perpetuo habitura sum. Vidua, rege tamquam marito: orbitatem a civibus & popularibus, aut subiectis regno, veluti filiis.

V. 9. VENIENT TIBI DUO HAEC SUBITO IN DIE UNA. Alii: I. Attamen duo ista evenient tibi repente in uno die. II. Immo evenient tibi duo ista momento, eodem die. Prænuntiatio iudicii, de quo Danielis v. 30. UNIVERSA VENERUNT SUPER TE. Hebr. *secundum integrare, perscere, ea venerunt super te*. Alii: I. cum perfecta fuerint ipsa, videlicet hæc duo maria, venerunt super te. II. cum perfecta essent, id est, in perfectione & plenitudine sua. III. secundum integritatem suam, id est secundum omnes vires suas, venient super te: sic sumi volunt I. Regum xxxi. 34. & II. Paralipom. xviii. 33. IV. secundum integritatem suam, id est, plane, & plene supervenient tibi. Hilpanicus Interpretes: *en toda su perfeccion vendran sobre ti*, id est, *quan grandes pæden ser*. PROPTER MULTITUDINEM MALEFICIORUM TUORUM. Alii: *divinationum tuarum*. Plenique: *cum multitudine prestigiarii tuarum*. Vide in Exod. vii. 11. Sic infra vers. 12. PROPTER DURITIAM INCANTATORUM TUORUM VEHEMENTEM: Forsterus: *in corroboratione coniuratorum tuorum valida*, vel propter densitatem coniuratorum, vel adiuratorum tuorum nimiam. Alii: *in multo robore incantatorum tuorum*. Nonnulli: *cum fortitudine incantationum tuarum maxima*; id est, neque te defendent ista: transitio ad secundam causam iudiciorum Dei in Babylonios, de qua diximus in vers. 3. De voce חברים *chabarim*, quam Incantatores, seu Incantationes reddunt, hic & infra vers. 12. vide in Deuteron. xviii. 11. & in Psalm. lvi. 6. Porro Chaldaeos infames fuisse magiæ, divinatione, astrologia iudiciaria, incantatione, & aliis nefariis artibus, vel ipsum eorum nomen perspicue demonstrat: vide Daniel. ii. 2.

V. 10. ET FIDUCIAM HABUISTI IN MALITIA TUA, &c. Alii: *Quia confissa es malitia tua*, &c. Secunda causa, ut diximus in vers. 6. nimirum blasphemia & contumeliosa in Deum persuasio de magiis incantationibus, & scientia tota Baby-

P p

lonio-

loniorum: cuius crimen hoc versu, poena versu sequente exponitur: deinde amplificatur utrumque sarcasmo elegantissimo, tribus postremis versibus. NON EST QUI VIDEAT ME. Quidam: Nullus videt me; quasi dicat, Ne Deus quidem videt rationes meas. SAPIENTIA TUA ET SCIENTIA TUA IPSA DECEPIT TE. Proprie, revertere fecit te; avertis, abduxit, seduxit, pervertit te; ea nimirum, quae exagitur verbi. 12.

V. 11. ET NESCIES ORTUM EIUS. Heb. non cognoscet auroram eius. Quidam, id est ortum, originem. Alii: lucem, diem eius: sic iudicatur astrologos iudiciarios. ET IRRUET SUPER TE CALAMITAS. חורבן boab, fientia, eventus. Et semper in mala partem sumi notant, pro fientia mala, seu eventu & accidente adverso, quod fiet, aut futurum est, & tamen non definitur quid & quale sit: erumnam, calamitatem, contritionem, infortunium, casum aduersum, seu pravitatem, vtrere solent. Quidam: hoiam, heu, uia, dolorem. QUAM NON POTERIS EXPIARE; id est, avertere incantationibus tuis: sic iudicatur magos. Alii: quam non poteris placare, vel amovere.

V. 12. STA CUM INCANTATORIBUS TUIS. Heb. Sta iam, vel nunc, seu quaso (Sarcasmus gravis in Babylonios, ut diximus in versu. 10.) cum incantationibus tuis: vide Psal. LVII. 6. SI FORTE QUID PROSIT TIBI. Heb. si forte possis proficere, vel subleuare tuam calamitatem, aut levamen, seu sublevamen accipere; vel si forte usui, aut emolumento, seu utilitati tibi esse poterit. Hispanicus Interpres: qui zapodras meliorate. AUT SI POSSIS PIERI FORTIOR. Heb. si forte praevalidabis, praevaleres, roborabis te, praebebis te fortius.

V. 13. DEFECISTI IN MULTITUDINE CONSILIORUM TUORUM, &c. Quidam: Defecisti multitudine consiliorum tuorum, &c. Ironica oratio; quasi dicat: Frustra laboras, ut te ipsum confirmes tua industria, nisi sapientissimos quoque doctorum tuorum adhibueris, ut consulant tibi: aegedum, experiantur illi. Heb. Defatigata es, delassata, defessa, consumptas in multitudine, &c. AUGURES CAELI. חוברים boberim, cum He, nullibi alibi occurrit: reddunt, observatores, contemplatores, specu-

latores, scrutatores, calorum astrologos. Nonnulli Hebraeorum exponunt: Pevitos signorum caelestium; vox peregrina videtur, unde Kimchi ex Arabico neducit. Forsterus putat vitio scribentium positum He pro Cheth, & scribendum חוברים choberim, quasi dicas, Consociatores, coniunctores calorum, qui numquam cessant stellas coniungere, combinare, &c. ac coniunctiones aliorum, oppositiones, & constellationes observare. Hi sunt astrologi: vide supra v. 9. Hispanicus Interpres: y defendante los ligadores delos cielos, id est, los encantadores, que se iactan de poder detener los cielos, abaxar de ellos la luna, &c. QUE CONTEMPLABANTUR SIDERA. Heb. contemplantes, praevidentes in stellis. Alii: inspectores stellarum. Nonnulli: qui attenti oculis praefigunt in stellas. Hac arte plurimum valuisse Chaldaeos, & Babylonios, nimis est pervagatum: vide in Daniel. II.

2. ET SUPPUTABANT MENSES. Heb. cognoscere facientes innovationibus, seu ad innovationes, sive menses. Alii: I. quique indicant quae eventura sunt per singulos menses. II. quique nova praedictum. Forte intelligit eos, qui nova luna inspecta futura praedicebant. III. qui notas faciunt in menses praedictiones suas; id est, singulis mensibus emittunt praedictiones suas de his, quae illo mense eventura sunt. U T EX EIS ANNUNTIARENT VENTURA TIBI. Heb. de quibus venient super te. Alii: I. quae ab iis ventura sunt tibi, id est ab his stellis, vel mensibus. II. undenant super te haec veniant, III. ex quo venient super te, vel quamnam venient super te. IV. Verbum salvent, vel servent, positum superius, huc traducunt: Et servent te ab his, quae superventura sunt tibi. Emploren verbo-rum, quae in contextu Hebraico implicata sunt, ita transfulerunt ad evidentiam. Hispan. Interp. los que ensenan los cursos de la luna, de loque vendra sobre ti. ECCE FACTI SUNT QUASI STIPULA, vel quifquilia, palea, &c. Emphatica, inquit, demonstratio vanitatis, quae est in omnibus Chaldaeis, & mathematicis, quibus eventurum Propheta ostendit, ut ab igne ipso, quem pro Deo habebant, consumerentur. NON LIBERABUNT ANIMAM SUAM DE MANU FLAMMAE. Alii: I. non erunt vitam suam de vi flamma, seu incendii. II. non eripiunt se ipsos e flamma. NON SUNT

PRU.

PRUNAE, QUIBUS CALEFIANT, &c. Alii: I. *nec supereris pruna ad calefaciendum, nec ignis ut quispiam ad eum sedeat*; quasi dicat: In Babylonis incendio comburentur ita tui astrologi, ut nullas prunas relinquunt, quibus homines calefcere possint; nullum ignem, ad quem assidere queant. Ligna ulla utilia sunt, nam relinquunt prunas, quæ usui sint hominibus: at astrologi tui nihil prunarum, nihil ignis sunt relicturi. II. *nullus superest carbo ad calefcendum, nedum ignis ad sedendum ex aduerso eius*; id est, plane absumuntur ipsi, & deus ipsorum ignis cum ipsis extinguitur.

V. 15. SIC FACTA SUNT TIBI IN QUIBUSCUMQUE LABORAVERAS, &c. Hunc verbum nostrâ Translatio verbatim ex Hebræo expressit: (*Sic fuerunt tibi, quæ laboravisti circumgyrantes tui de excessibus tuis: vir transiui suo erraverunt: non salvans tuus*:) Alii I. *Tales erunt tibi cum quibus te fatigasti, vel ii, quibus insudasti; quin & negotiatores tui, qui tecum fuerunt a pueritia tua, quisque ad transitum suum errant, vel in latus faciei suæ errando abibunt: nemo est, qui te servet*; quasi dicat: Negotiatores tui, qui in te versati sunt ab eo tempore, quo primum imperium tibi vindicasti, fugient alii in orientem, alii in occidentem, aut in aliam partem, & nulla ratione te iuvabunt. II. *Sic erunt tibi ea in quibus laborasti*; id est, in quibus congregandis & parandis plurimum laboris insumpsisti: *negotiatores tui ab adolescentia tua, quisque ante se errabunt, vel ad latus suum, ad transitum suum, ad plagam suam*: alludit ad plagas cæli quos astrologi dividunt ac metiuntur, ut ex his prognostica sua deducant: *nemo erit qui servet te*. Quidam reddunt: *quisque vel singuli ad transitum suum erraverunt*. Aptè Interpres Hispanicus: *cada uno hechera por su camino*, vel *a su parte*. Nonnulli putant esse allegoriam, ut infortunati negotiatores in quovis transitu, seu commercio, aut transactione vel transvectione mercium, iacturam patiuntur: sic isti astrologi & mathematici vanissimarum mercium nundinatores, passim errant, falluntur, ac fallunt in quovis transitu, supputatione, applicatione, combinatione, influxu, traiectione stellarum, &c. *ita sunt tibi quibuscum laborasti: negotiatores tui a pueritia tua singuli*

in transitum suum; id est, quocumque permeare possunt, ut vitæ suæ consulant, vel in partes suas, aberrant; nemo servat te. Tertia causa, ut diximus in vers. 6. ad quam transitur eiusdem pœnæ accommodatione ad summas opes Babyloniorum, & luxum profusissimum.

MENOCHII.

Vers. 1. **D**ESCEDE: de regio throno tuo: alioquitur enim Babylonem evertendam, quali reginam folio delectam, & ad ancillæ statum redactam. SEDE IN PULVERE: more mancipiorum, & lugentium. VIRGO FILIA BABYLON, id est o Babylon tenera, & delicata instar filiae virginis. FILIAE CHALDAEORUM. Babylon dicitur Alia Chaldaeorum, vel quia ab ipsis condita, aut restaurata est. Vel est Hebraismus, idemque est, *Filia Chaldaeorum*, quod *filia Chaldaea*. Filia quia delicata ut proxime dictum est; Chaldaea quia sita erat in Chaldaea. NON VOCABERIS MOLLIS, &c. quia scilicet in posterum durum servitutis iugum ferendum erit.

V. 2. **TOLLE MOLAM**, &c. munus servorum, & ancillarum erat versare molas in pilistrinis. DENUDA TURPIDITUDINEM TUAM. Corpus tuum discoperi veste ad cubitum revocata, & alte succincta, ita ut appareant brachia, & crurâ, sinuetiam & humeris apertis ut expeditius molam versare possis, & alios ancillares labores sustinere; vel etiam dicitur discoperi humerum, ut plagas, & verbera Perfarum nudo humero & dorso excipias. REVELA CRURA, TRANSI FLUMINA; quasi dicat, Ut possis ducta in captivitatem flumina transire.

V. 3. **REVELABITUR IGNOMINIA TUA**, id est nuditas tua. **OPPROBRIUM TUUM**, id est quod videri probrosum est.

V. 4. **REDEMPTOR NOSTER**; id est, Deus qui nos olim ex Aegypto, & deinde ex Babylone liberabit, hoc faciet.

V. 5. **SEDE TACENS**: ut moesti solent, & lugentes. **INTRA IN TENEBRAS**, captivitatis, & carceris.

V. 6. **IRATUS SUPER POPULUM MEUM**; id est, cum ego iratus populo meo Israel modice punire volui, tu modum excessisti, crudeliter in eum saviens. **CONTA-**

MINAVI HEREDITATEM MEAM : populum meum, quasi rem contaminatam abieci, & regionem eius vastari permisi. NON POSUISTI EIS MISERICORDIAS : immisericorditer eos tractasti. SUPER SENEM, &c. senio, & canitici non peperisti.

V. 7. IN SEMPITERNUM ERO DOMINA : alterum Babylonis crimen, falsus, & arrogantia. NON POSUISTI HAEC SUPER COR TUUM : quod scilicet Israel populus meus esset, qui puniendus tibi tradebatur, non immaniter vexandus. NOVISSIMI TUI : quid scilicet tibi olim evenire posset, immo eventurum esset.

V. 8. HABITANS CONFIDENTER : omni scilicet metu soluta. NON EST PRAETER ME AMPLIUS ; id est, nulla alia in orbem civitas est me felicior, aut opulenterior. NON SEDEBO VIDUA : populo, & divitiis viduata. IGNORABO STERILITATEM : semper ex me multitudo magna populi subinde nascentis prodibit.

V. 9. PROPTER MULTITUDINEM MALEFICIORUM TUORUM : tellium Babylonis peccatum, quia scilicet maleficiis, incantationibus, & divinationi dedita fuerit, ita ut Chaldaei artis potius quam gentis nomen videatur. DURITIAM INCANTATORUM TUORUM : quia incantatores suis falsis oraculis obdurabant Babylonios.

V. 10. FIDUCIAM HABUISTI IN MALITIA TUA ; id est, fidenter mala perpetrasti, Deum, & eius vindictam non timens. NON EST QUI VIDEAT ME : aut Deus peccata mea non videt, aut non curat. SAPIENTIA TUA, &c. id est, tua astrologia iudiciaria, tua divinatorio decepit te ; promittebas enim tibi felicitatem, & tamen in gravissimas arumnas incidis. EGO SUM, &c. Vide dicta proxime num. 8. NESCIES ORTUM EIUS, id est unde, seu quando veniat. Videtur alludere ad Chaldaeorum disciplinam, quae nativitates, & ortus rerum observat. EXPIARE : effuge, expiationibus evertere.

V. 12. STA CUM INCANTATORIBUS, &c. Est sarcasmus, sive hostilis irrisio ; quasi dicat : Salvem te incantatores tui ; quibus adhaesisti, & quorum disciplinam longo tempore, & labore didicisti. AUGURES CAELI : divinatores, astrologi.

V. 14. FACTI SUNT QUASI STIPULA, &c. quasi dicat : In Babylonis incendio ita comburentur omnia, & cum illis astrolo-

gi tui, ut ne prunae quidem remaneant ; quibus se quis possit calcifacere, sed cuncta in favillam, & cinerem rediguntur.

V. 15. FACTA SUNT TIBI, &c. id est, hunc exitum forticentur ea, in quibus laborasti, urbs nimirum & ornamenta eius, augures etiam, & auguria. NEGOTIATORES TUI, &c. astrologi tui, qui ex arte sua quaestum faciunt. IN VIA SUA ERRAVERUNT : methodum suae disciplinae securi erraverunt. NON EST QUI SALVET TE : suis illis fallacibus artibus tibi opem ferre non possunt.

T I R I N I.

Vers. 1. VIRGO FILIA *a* BABYLON, id est, o urbs Babylon tenera, delicata, florida instar filiae virginis, descendente de throno tuo monarchali, & sedente IN PULVERE, IN TERRA, instar vilis mancipii. Ita Iudaea subacta a Vespasiano & Tito, desculpta in nummo visitur quasi ancilla humi in terra sedens. NON EST amplius ullum SOLIUM regium FILIAE CHALDAEORUM, id est regioni Chaldaee : sed solum & sceptrum a Chaldeis translatum est ad Persas.

V. 2. TOLLE MOLAM, ET MOLE FARINAM, ad pistrinum relegata, inquit S. Cyrillus. DENUDA TURPITUDINEM CAPITIS & COMAE TUAE, praescindendo capillitium, ut appareat turpitudine, id est calvitium tuum : ita Legionensis *b* & Sanchez. DISCOOPERI HUMERUM, ut expeditor sis ad molendum, & ad flagra Persarum, ut sis in trinemibus ; nudo dorso excipienda. REVELA CRURA, sub curta ancillarum veste, & sic TRANSI FLUMINA nudis tibiis, ut alio capiva demigres. Sublata vero veste

V. 3. REVELABITUR IGNOMINIA TUA ET OPPROBRIUM, id est detegentur occulta vitia & tortuosa membra vel maculae, quae prius splendida & nobili veste tegebantur : ita de te statuit

V. 4. REDEMPTOR NOSTER : nempe ut nos hac via ex unguibus tuis eruiamur.

V. 5. INTRA IN TENEBRAS, id est in carcerem obscurum : ibi SEDE TACENS : in illis fordibus delitiare & conquesce.

V. 6. IRATUS fui populo meo Israelitico mihi hereditario, idcirco CONTAMINAVI eum, id est profanavi ; & ut rem profanam quae suam sanctitatem amisit, factaque est publi-

publica, communis & immunda, DEDI *eum* IN PROFANA MANU TUA, & tibi castigandam commisi. Tu vero barbara & crudelis non castigasti filios meos more parentis, virga vel scutica, sed nec more heroum seu dominorum, fuisse vel baculo: sed more tyrannorum, ferro & igne, non parcens senibus, (quorum tamen carities misericordiam etiam ab infenso hoste extorquere solet) nec pueris, nec virginibus, nec ulli statui, ætati, sexui.

V. 9. VENIENT TIBI IN DIE UNA, id est simul, STERILITAS ET VIDUITAS; quasi dicat: Privaberis filius, id est civibus tuis, simul & marito, nempe rege, & regia dignitate: nam rex reip. ut tutor & protector, ita etiam sponsus ac maritus est, inquit S. Cyrillus, Vatablus & Forerius. PROPTER DURITIAM INCANTATORUM TUORUM: nempe activam, qua te falsis oraculis suis in malo tuo obdumabant, ut nec Deum timeres, nec homines, sed summa arrogantia & præsumptione quidvis auderes, & quovis præ te contemneres. Unde &

V. 10. FIDUCIAM HABUISTI IN MALITIA TUA, id est fidenter, sine ullo metu, mala quævis perpetrasti, dicens, tibi que persuadens, NON EST, seu in celo, seu in terra, QUI VIDEAT ME, id est qui ut iudex aut vindex, inspiciat, examinet, damnet, puniat opera mea. Hæc enim omnia significat *re videat*, per metalepsin, inquit Haymo. Sed, ah misera! SAPIENTIA ET SCIENTIA TUA, qua putabas te tibi optime prospexisse, maxime vero Astrologia iudiciaria, qua toto orbe Chaldaea celebris eras, hæc decipit te: cum enim non videres ex astris (unde credebatur vitam humanam sortisque reip. in solidum pendere) malum aliquod tibi imminere, præfidens & secuta nihil timebas; ita Forerius.

V. 14. IGNIS COMBUSSIT omnes astrologos & augures & ariolos tuos. Porro ignis vite & flammæ quæ ipsos involverunt; NON SUNT PRUNAE, foculi quibus frigidi CALEFANT, NEC FOCUS in camino, UT SE CALEFACTURI SEDEANT AD EUM, & membra torpentia grato calore foveant: sed erit ignis & flammæ ipsi exitiales, quibus instar stipulæ in cineres redigantur. Innuit arsisse vivis flammis urbem Babylonem cum incolis suis. Quod iussu Cyri factam testatur Xenophon.

V. 15. SIC FACTA SUNT TIBI, nempe in cineres redacta, omnia IN QUIBUSCUMQUE LABORAVERAS, idola, templa, palatia, incolæ, astrologi, augures, principes, milites, NEGOTIATORES TUI, qui licet AB ADOLESCENTIA TUA, cum primum condita florere cepisti, tibi ornandæ, firmandæ, tutandæ studuerint viis omnibus sibi possibilebus; hac tamen vice te salvare nequiverunt, sed UNUSQUISQUE IN VIA SUA, id est in arte & conatu suo, turpiter elusi ERRAVERUNT; quasi dicat: Nulla arte, nullo auxilio, nulla prece, nullo pretio potuisti ab excidio liberari.

(a) In Prof. de Idiōtismis Heb. n. 40.

(b) Luīgus Legion. in Cant. xv. 1.

(c) Apoc. xviii. 9.

EX GORDONI AUCTIONARIO.

Vers. 2. Multa hic congerit opprobria, quæ habebunt Babylonii, edocti ad omnia abiecta, & vilia opera. Transitus fluminum designat exilium.

Vers. 6. Taxat Chaldaeos ut homines crudeles etiam in senes.

Vers. 8. Notatur vana spes mortalium, cum prospera illis sunt omnia.

CAPUT XLVIII.

Incepit Dominus hypocrisim, ingratiitudinem ac duritiam Iudeorum; se, & non idola annuntiasse futura & illa complevisse ostendens: propter nomen suum tamen parces ipsis; & ita benigne eos ad se revocat, probans se solum verum Deum, omnium conscium, suique populi redemptorem ac gubernatorem: conquerens quoque de mandatorum suorum pravaricatione, quibus observatis felices fuissent.

1.  Udite hæc domus Iacob, qui vocamini nomine Israel, & de aquis Iuda existis, qui iuratis in nomine Domini, & Dei Israel recordamini non in veritate, neque in iustitia. 2. De civitate enim sancta vocati sunt, & super Deum Israel constabili sunt: Dominus exercituum nomen eius. 3. Priora ex tunc annuntiavi, & ex ore meo exierunt, & audita feci ea: repente operatus sum, & venerunt. 4. Scivi enim quia durus es tu, & nervus ferreus cervix tua, & frons tua ærea. 5. Prædixi tibi ex tunc: antequam venirent indicavi tibi, ne forte diceret: Idola mea fecerunt hæc, & sculptilia mea & conflabilia mandaverunt ista. 6. Quæ audisti, vide omnia: vos autem num annuntiastis? Audita feci tibi nova ex tunc, & conservata sunt quæ nescis. 7. nunc creata sunt, & non ex tunc: & ante diem, & non audisti ea, ne forte dicas: Ecce ego cognovi ea. 8. Neque audisti, neque cognovisti, neque ex tunc aperta est auris tua: scio enim quia prævaricans prævaricaberis, & transgressorem ex utero vocavi te. 9. Propter nomen meum longe faciam furorẽ meum: & laude mea iafrenabo te, ne intereat. 10. Ecce excoxi te, sed non quasi argentum, elegi te in camino paupertatis. 11. Propter me, propter me faciam, ut non blasphemet: (a) & gloriam meam alteri non dabo. 12. Audi me Iacob, & Israel quem ego voco: (b) ego ipse, ego primus, & ego novissimus. 13. Manus quoque mea fundavit terram, & dextera mea mensa est cælos: ego vocabo eos, & stabunt simul. 14. Congregamini omnes vos, & audite: quis de eis annuntiavit hæc? Dominus dilexit eum, faciet voluntatem suam in Babylone, & brachium suum in Chaldæis. 15. Ego, ego locutus sum, & vocavi eum: adduxi eum, & directæ est via eius. 16. Accedite ad me, & audite hoc: non a principio in abscondito locutus sum: ex tempore antequam fieret, ibi eram: & nunc Dominus Deus misit me, & spiritus eius. 17. Hæc dicit Dominus redemptor tuus sanctus Israel: Ego Dominus Deus tuus docens te utilia, gubernans te in via, qua ambulas. 18. Utinam attendisses mandata mea: facta fuisset sicut flumen pax tua, & iustitia tua sicut gurgites maris: 19. & fuisset quasi arena semen tuum, & stirps uteri tui ut lapilli eius: non interisset, & non fuisset attritum nomen eius a facie mea. 20. (c) Egredimini de Babylone, fugite a Chaldæis, in voce exultationis annuntiate: auditum facite hoc, & esset illud usque ad extrema terræ. Dicite: (d) Redemit Dominus servum suum Iacob. 21. Non sitierunt in deserto, cum educeret eos: (e) aquam de petra pro-

produxit eis, & scidit petram, & fluxerunt aquæ. 22. (f) Non est pax impiis, dicit Dominus.

(a) Sup. xlv. 8. (b) Sup. xli. 4. & xlv. 6. (c) Iscm. xxxv. 6. (d) Exod. xvii. 6. (e) Num. xx. 22. (f) Inf. lvi. 22.

C O M M E N T A R I A

M A L D O N A T I.

Verf. 1. QUI VOCAMINI NOMINE ISRAEL; id est, quia iactatis vos nomine Israelis, qui gloriâmini nomine Israelis. ET DE AQUIS LUDA EXISTIS: *מַיִם*, *exierunt*, mutatio; personæ. Intelligitur autem relativum: *qui de aquis Iudæ exierunt*; id est, ab Iudæ originem ducunt, sicut fluvii ab aquis fontis. QUI IURATIS IN NOMINE DOMINI. Heb. *per nomen Domini*; id est, qui solo iurando Deum colitis: quales sunt nunc nimis multi Christiani, quos non alia ratione Christianos esse cognoscēs, nisi quia per Christum iurant. ET DEI ISRAEL RECORDAMINI: *זָכַרְתִּי*, *recordantur*, id est mentionem Dei faciunt, nomen Dei usurpant. NON IN VERITATE, NEQUE IN IUSTITIA; id est, ut quod falsum & iniquum est iurent.

V. 2. DE CIVITATE ENIM SANCTA VOCATI SUNT; id est, ab Ierusalem nomen accipiunt, ut Ierosolymitani cognominentur. ET SUPER DEUM ISRAEL CONSTABILITI SUNT: *סָבְדוּ*, *confissi sunt*, id est fingunt se confidere. DOMINUS EXERCITUUM NOMEN EIUS; id est, cuius nomen est, Dominus exercituum. Hebraismus. Declarat Iudeorum hypocrisim.

V. 3. PRIORA, id est quæ iam facta sunt. EX TUNC ANNUNTIAVI, iam olim antequam fierent; ET AUDITA FECI, id est declaravi vobis. REPENTE OPERATUS SUM, id est vobis nec opinantibus. Ex eventuum præteritarum probat etiam quæ futura prædixit, eventura esse, ut explicat *verf. 6.*

V. 4. SCRIVI ENIM QUIA DURUS ES TU. Reddit causam, cur res futuras ante quam evenirent, illi prædixit, ut eius duritiem & incredulitatem perfringeret, & cum viderent omnia ita prorsus accidere, ut Deus ante nuntiaverat, illi deinceps crederent.

ET NERVUS FERREUS CERVIX TUA; id est, duræ & inflexibilis cervicis es, quasi nervis ferreis constaret, nervis enim cervix movetur: cervice autem superbia notatur. ET FRONS TUA AEREA, id est dura ut æs. Per cervicem duram intelligit superbiam; per frontem duram, impudentiam, sicut dicimus os durum.

V. 5. NE FORTE DICERES: ne eorum eventum idolis attribueres, ut intelligeres non ex tuis sculptilibus, sed ex meo consilio proficisci, cum videres a me esse prænuntiata.

V. 6. QUAE AUDISTI, VIDE OMNIA; id est, quidquid tibi a me prædictum est, experiri tibi ac videre licet. Prædixeram enim captivitatem & cetera mala, quæ nunc patetis. Alii, *audisti, & vide*; id est, considera diligenter quæ ex me audivisti. Sed prior sensus melior est. VOS AUTEM NON ANNUNTIASTIS. Heb. *אָמַרְתֶּם הָלָא תְּבַרְכּוּ*, *vos autem nomen annuntiabitis?* qualidicam, Non: comparat se cum idolis, sicut sæpe supra cap. xxi. 4. ut si diceret: Ego iam experientia ipsa ostendi me esse Deum; an idola vestra idem poterunt ostendere? AUDITA FECI TIBI, id est annuntiavi tibi NOVA EX TUNC: *מֵעַתָּה*, *ex nunc*. ET CONSERVATA SUNT QUAE NESCIIS; id est, quæ tibi reservata sunt a me mala, quæ te manent calamitates in futurum, nescis; quasi dicat, Quæ olim tibi prædixeram eventura, iam experiris: quæ nunc prædico, nondum experiris, experieris autem aliquando. Aut, *conservata sunt quæ nescis*; id est, multa alia apud me tibi reservantur, quæ nolo scias, ne forte dicas, ecce cognovi ea.

V. 7. MODO CREATA SUNT. Præter pro fut. id est, subito sicut, cum ante tibi nuntiata non essent, & ante cum diem quo tibi evenirent, non audiveris, NE FORTE DICAS, ECCI COGNovi EA. Significat Deus se quædam futura prædicere, ut homines suam providentiam cognoscant; alia non præ-

prædicere, ne si homines sciant, nimis secure vivant, & dum futurum eventum expectant, maiore licentia peccent, ut indicat. *versu sequenti*, SCIO ENIM, QUA PRAEVARICABERIS.

V. 8. NEQUE AUDIVISTI, &c. NEQUE EX TUNC, id est prius, APERTA EST AURIS TUA, id est nuntiatio tibi: frequens Hebraismus: aperire, vel, revelare aurem, pronuntiare, vel dicere: I. Reg. xx. 13. II. Reg. vii. 27. Iob xxxiii. 16. & xxxvi. 10. 15. SCIO ENIM QUA PRAEVARICABERIS. Reddit causam cur non omnia velit illi prædicere, ne liberius peccet. TRANSGRESSOREM EX UTERO VOCAVI TE; id est, antequam nascereris novi te futurum transgressorem; vel, novi te ex quo natus es, usque ad finem vitae futurum transgressorem. Vocare, ut sepe diximus, aliquando significat apud Hebraeos, idem quod perfecte explorateque cognoscere: ut Psal. cxlvi. 4. *Qui novit multitudinem stellarum, & omnibus eis nomina vocat*, id est perfecte eas cognoscit: & Rom. iv. 17. *Qui vocat ea quae non sunt, tamquam ea quae sunt*.

V. 9. PROPTER NOMEN MEUM LONGE FACIAM; id est, differam furem meum, non continuo animadvertam in te. ET LAUDE MEA. Ablativus causae, id est propter laudem meam, ut laudem meam parcendo potius ostendam, quam puniendo. INFRAENABO TE, id est sustinebo te, ut vertit Chaldaicus Paraphrastes, sicut dicimus Latine, Sustinere equum; quasi dicat: Iam diu tuis flagitiis in interitum fuisses, nisi te quasi fræno quodam tenuissem, ut ostenderem in te misericordiam meam parcendo; aut potentiam iustitiaeque puniendo. Simile est illud Rom. ix. 22. *Deus volens ostendere iram, & notam facere potentiam suam, sustinuit in multa patientia vasa irae apta in interitum*. Quod enim illic dicit Paulus sustinere, hic dicit Isaias infrænare. Alii interpretantur, *לְךָ יִפְדֶּנּוּ*, prolongabo tibi (laudem meam) ut R. David in Lib. radicum.

V. 10. ECCE EXCOXI TE, SED NON QUASI ARGENTUM, id est non igne, sed servitute & captivitate: excoxi, pro, excoquam, sicut statim exponit. ELEGI TE IN CAMINO PAUPERTATIS, vel, afflictionis: *כִּי*, id est non in camino ignis, ut argentum eligi solet, id est purgari, ut

quod bonum est eligatur. Alii interpretantur, *Excoxi te non quasi argentum*; id est, non omnino, non ita ut perderem, sed ita ut servaverim, sicut dixerat *versu* praeced. *Laude mea infrænabo te, ne intereas*.

V. 11. PROPTER ME, PROPTER ME FACIAM; id est, propter nomen meum faciam quod dixi, ut ita te excoquam ut non intereas. UT NON BLASPHEMETUR: *אֵין יִתֵּל, quomodo pollicetur* (nomen meum) id est, quomodo enim patiar, ut nomen meum male audiat apud gentes, dicantque: *Ubi est Deus eorum?* ut Psal. lxxviii. 9. 10. *Propter gloriam nominis tui Domine libera nos, & propitius esto peccatis nostris propter nomen tuum, ne forte dicant in gentibus, Ubi est Deus eorum?* & Psal. cxlii. 1. 2. *Non nobis Domine, non nobis: sed nomini tuo da gloriam. Nequidam dicant gentes, Ubi est Deus eorum?* ET GLORIAM MEAM ALTERI NON DABO; id est, non feram, ut alius præter me Deus appelletur.

V. 12. ET ISRAEL QUEM EGO VOCO: *יִשְׂרָאֵל, vocatus a me*; id est qui ex me nomen habes. Dicitur enim Israel, *prævalens contra Deum*, Gen. xxxii. 28. Aut, *qui a me vocatus es*, id est electus. Aut aliis punctis, *qui vocat me, qui profiteris te cultorem esse mei*, ut per nominis invocationem totum Dei cultum designet, ut sup. *versu* 1. *Qui iuratis in nomine Domini*. EGO IPSE; id est ego sum (Deus.) EGO PRIMUS, ET EGO NOVISSIMUS; id est, ego solus sum Deus, neque fuit, neque erit alius Deus præter me: ut sup. cap. xli. 4. & xlii. 6.

V. 13. MANUS QUOQUE MEAE: *מַנְיָמַי* manualis videtur esse hoc loco, *manus enim mea*, ut reddat causam, quo probet se esse Deum. ET DEXTERA MEA MENSÆ EST CAELOS: *מִסַּח, palmo calos mensa est*, ut sup. cap. xl. 12. id est, celos extendit & fabricata est quasi metiens eos, & adamussim dirigens. EGO VOCABO EOS, ET STABUNT SIMUL; id est, solo verbo sistam eos, sicut solo verbo feci, iussuque meo moventur. Exemplum est Iosue x. 13. Alii interpretantur de prima conditione, per præteritum: *Ego vocavi & steterunt*, vel, *ego dixi & facti sunt*: Psal. cxlviii.

V. 14. CONGRAGAMINI OMNES VOS (qui idola colitis) ET AUDITE (quod sequitur.) QVIS DE EIS (de falsis diis, quod idolum; vel, quis ex iis qui colunt idola) ANNUN-

TIATIVIT

TIAVIT HÆC. Quæ ego annuntiavi de liberatione per Cyrum futura, aut aliquid simile, tam multo tempore ante quam eveniret: probat idola non esse deos sibi similes, quia non possunt, ut ipse, futura nuntiare: ut supra cap. xlii. 22. 23. & xliii. 9. & xlv. 7. DOMINUS DILEXIT EUM (Cyrum) cuius causa hanc omnem texuit historiam. FACIET (Cyrus) VOLUNTATEM SUAM, id est Dei, exequetur voluntatem Dei in capiendâ Babylone. ET BRACHIUM SUUM, id est potentiam Dei inter Chaldeos.

V. 15. EGO, EGO LOCUTUS SUM, id est, ego ipse, qui hæc prædixi, vocabo postea eum, & adducam Babylonem: præter. profut. ET DIRECTA EST VIA EIUS, pro, dirigetur a me via eius, וְדַרְכּוֹ הַזֶּה תִּשְׁלַח *prosperebitur via eius*.

V. 16. ACCEDITE AD ME. Hæc verba alii putant esse Prophetæ, alii Dei, quibus potius assentior, & quia versu præcedenti Deus loquebatur, *Ego, ego locutus sum*: & quia sup. cap. xlv. 19. eadem phrasi Deus de se loquens usus est, & quia Prophetæ nullo modo videntur hæc verba posse convenire. NON A PRINCIPIO IN ABSCONDITO LOCUTUS SUM; id est, non potestis meam divinitatem ignorare: vide cap. xlv. 19. & Ioan. xviii. 20. EX TEMPORE, id est longo tempore, ANTEQUAM FIERET (hoc quod prædixi) IBI ERAM, id est habebam præsens: *Omnia enim nuda sunt & aperta oculis eius*: Heb. iv. 13. Alii, quia חֵיִתָּה est seminini generis, verterunt, *antequam fieret hæc prophetia*: prorsus male, quis enim ignorat femininum genus Hebraice pro neutro servare? ET NUNC DOMINUS DEUS MISIT ME. Quæri solet quomodo dicat se a Deo missum esse, si Deus ipse est, qui loquitur. Responderi potest Christum esse qui loquitur, ut veteres auctores docuerunt, qui se a patre missum esse dicunt: aut Isaiam loqui persona Dei, ideo alia dicere, quæ non sibi, sed Deo, ut a principio esse, alia quæ non Deo, sed sibi conveniant, ut missum esse.

V. 17. DOCENS TE UTILIA: לִדְרֹשׁ, *ut profum*, id est utilitatis tuæ causa. GUBERNANS: מְדַבֵּר, *dirigens te*.

V. 18. FACTA FUISSET SICUT FLUMEN PAX TUA; id est, omnia tibi prospere & ad tuam voluntatem fluerent: pacis enim nomine res omnes prosperas intelligit. ET

Bib. Sac. Tom. XVII.

IUSTITIA TUA, id est prosperi successus tamquam iustitiæ tuæ fructus, ut dixit cap. 1. 19. Si volueritis & audieritis me, bona terra comedetis.

V. 19. ET FUISSET QUASI ARENA SEMEN TUUM, id est copiosum & innumerable, ut Deus Abrahamo patri tuo promiserat: Genes. xxii. 17. ET STIRPS UTERI TUI. Heb. כִּסְיָי מִמֶּנִּי, & *germina viscerum tuorum*, id est posterii tui. Est autem elegans Hebraice paranomasia inter כִּסְיָי, *viscera tua*, & כִּסְיָי, *lapillos eius*.

V. 20. EGREDIMINI DE BABYLONE. Imperativum pro futuro, egrediemini de Babylone, & fugietis a Chaldeis. Consolatur populum ob futuram calamitatem. IN VOCE EXULTATIONIS ANNUNTIATE; id est, exultantes clara voce annuntiabitis, & per omnes terræ oras prædicabitis, quomodo a Deo e servitutis Chaldeorum fueritis liberati.

V. 22. NON SITIERUNT. Præter. pro fut. non sitient in deserto cum Babylone Ierosolymam redierint; id est, nihil illis deerit etiam in media solitudine, ubi summa sterilitas est: per aquam enim synecdochicè omnium rerum ad vitam necessarium abundantia significatur. Neque intelligendum est ruptam fuisse petram & fluxisse aquas, cum populus Babylone rediret; sed quia id acciderat in reditu ex Aegypto: alludit ad eam historiam, indicatque nihil populo desuturum, sicut olim cum petra a Moyse scissa est: Exod. xvii. 6.

V. 22. NON EST PAX IMPIS. Hoc epiphonema eo pertinet, ut doceat Prophetam huius beneficii liberationis, quam pacem vocat, non esse futuros participes eos, qui in sua impietate permanerint.

S A.

Vers. 1. N OMINE ISRAEL, id est Israelitæ. AQUA, id est femine; quasi dicat, de fonte. Chald. *cognitione*. IN NOMINE, id est per nomen. IN, id est cum.

V. 2. DE CIVITATE, &c. scilicet Ierusalem cives. CONSTABILITI SUNT. Chald. *confidunt*.

V. 4. DURUS, &c. quasi dicat, obstinatus, superbus, & impudens.

V. 5. EX TUNC, id est multo ante.

V. 6. OMNIA, scilicet impleta. AN-

Q 9

NUN-

NUNTIASTIS, id est divulgastis, scilicet ad gloriam meam; vel quasi dicat: Ego prae-dixi, non vos. LXX. *cognovistis*; quali dicat, Non cogitalis. CONSERVATA, scilicet apud me; quasi dicat, Ignota, seu occulta sunt multa.

V. 7. CREATA SUNT, scilicet quaedam. EX TUNC. LXX. *olim*, scilicet tibi praedicta. ANTE DIEM. LXX. *prioribus diebus*.

V. 8. AUDISTI, scilicet ea, vel praecepta mea, ut faceres. EX TUNC. LXX. *a principio*. SCIO; pro, sciebam. EX UTERO, id est iam inde a nativitate.

V. 9. LAUDE, &c. Chald. *Propter laudem meam sustentabo te*. INFRAENABO, id est retinebo, ut solet equus, ne praecipitet.

V. 10. NON QUASI ARGENTUM; quasi dicat, Leviter affligi; pro, affligam. E-LEGI. Chald. *probari*.

V. 11. BLASPHEMER, scilicet quasi impotens, aut non verax. ALTERI, scilicet idolis; quasi dicat: Non patiar coli pro diis.

V. 12. VOCO; quasi dicat: Cui nomen indidi Israelis. NOVISSIMUS. LXX. *in sempiternum*.

V. 13. VOCABO; pro, vocavi. STABUNT; pro, steterunt, id est adfuerunt. *Dixit, & facta sunt*.

V. 14. DE EIS, scilicet diis Gentium. HAEC, scilicet quae ego; quasi dicat: Quis eorum potest dicere talia, qualia ego? EUM, scilicet Israel, vel Cyrum. SUAM, scilicet liberando Iudaeos. BRACHIUM, id est fortitudinem, scilicet ostendet.

V. 15. DIRECTA. LXX. *prosperrata*.

V. 16. ACCEDITE. Verba Christi, vel Isaie. ABSCONDITO; scilicet palam locutus est Christus in mundo, & Deus Legem dedit in monte Sinai. EX TEMPORE, &c. quasi dicat: Antequam quidquam in tempore fieret, cum Deo eram cuncta componens, scilicet cum Patre Filius. MISIT, scilicet secundum humanitatem.

V. 19. EIUS, scilicet Israelis.

V. 20. EFFERTE, id est divulgate.

V. 21. STETERUNT, scilicet diu.

V. 22. PAX. LXX. *gaudere*.

EST I I.

Verf. 18. **U**TINAM ATTENDESSES MANDATA MEA, FACTA FUISSET Sicut FLUMEN PAX TUA. Subinde

talem sermonem Scriptura Deo tribuit, quo videatur optare aliquid ut fiat; quod tamen videatur impetrare non posse. Ita Dcut. v. dicit: *Quis det talem eos habere mentem, ut timeant me, &c.*

V. 22. NON EST PAX IMPIS, Dicit DOMINUS. Sententiam hanc infra quoque repetit capite LVII. Sensus est: Ubique-que fuerint impii, & quidquid illis contigerit; evadant opulenti, potentes, magni in saeculo; sint sortis & sani; quidquid eis contingit, pax eis vera non contingit. Est enim pax quaedam huius saeculi, pax mundana; quam mundus dare potest, & de qua I. ad Thess. v. *Cum dixerint pax & securitas, tunc repentinus eis superveniet interitus*. Et hanc quidem pacem impii habent, immo magis impii frequenter, quam pii huius terrenae pacis sunt participes: sed est alia pax vera, de qua Christus Ioan. xiv. *Pacem meam do vobis, Pacem meam relinquo vobis*. Haec pax est consensio hominis secum, & cum Deo quae in hac quidem vita inchoatur, sed in futura periclitatur. De hac re etiam ethnicus homo Cicero in Paradox. Improbo bene esse non potest. Et Lib. II. de finibus. Animi conscientia improbi semper cruciantur.

M A R I A N A E.

Verf. 1. **A**UDITE HAEC DOMUS IACOB. Redit ad increpandum filios Israel. QUI VOCAMINI NOME ISRAEL, id est Israelitae. ET DE AQUIS IUDAE EXISTIS, id est de semine, quod *aguas* vocat. ET DEI ISRAEL RECORDAMINI. Heb. *recordari facitis*; id est, prae vobis scitis esse Dei populum.

V. 2. DE CIVITATE ENIM SANCTA VOCATI SUNT; pro, vocati estis cives Ierosolymitani: mutat personas linguae more. CONSTABILITI SUNT, seu *inmixti sunt*, in-nituntur. In ipso Deo confidere se aiunt, ipsum habere patronum.

V. 3. PRIORA, id est antiqua. EX TUNC, id est olim indicavi, iam te admonui.

V. 4. SCIVI, vel *scio*. QUIA DURES TU; quasi dicat: Argumento iam dicto ostendi me esse Deum, propter duritiam & incredulitatem, ne idolis ea tribueres.

V. 6. QUAE AUDISTI, VIDE OMNIA, scilicet opere impleta. VOS AUTEM NUM ANNUNTIASTIS? ea ex responsis, scilicet idolo-

idolorum. AUDITA FECI TIBI NOVA EX TUNC. Quæ nesciebas, olim nuntiavi. Heb. *ex nunc*. Olim prædixi quæ iam sunt impleta, nunc alia nova dico. CONSERVATA SUNT QUÆ NESCIIS; id est, quæ suo tempore venient, ea quæ non vides modo, neque noster.

V. 7. NUNC CREATA SUNT; pro, creabuntur, iam venient. ET NON EX TUNC, id est non olim. ET ANTE DIEM: ibi duo puncta. Significat autem, neque ex tunc, neque ante diem, id est olim non esse facta. ET NON AUDISTI EA; nempe, conservata & occulta.

V. 8. NEQUE AUDISTI; quasi dicat: Propter scelera tua nolui tibi arcana mea retegere. TRANSGRESSOREM EX UTERO VOCAVI TE. Heb. *vocatus es tibi*, id est ab initio merito prævaricator vocaris.

V. 9. PROPTER NOMEN MEUM; quasi dicat: Tu quidem mala mereris, ego tamen LONGE FACIAM, elongabo, differam iram & supplicia. ET LAUDE MEA: & propter laudem meam: sic Hieronymus in Comment. ut propter repetatur. IMFRAENABO TE, scilicet ut me sequaris quasi iumentum. Alii vertunt *infranabo*, scilicet furorem, iram meam, tibi, id est tua causa. Ergo non ob merita tua, sed propter nomen & laudem meam, id est propter me continebo me, ne paria meritis rependam.

V. 10. ECCE EXCOXI TE. Heb. *purgavi te*. SED NON QUASI ARGENTUM, id est levi afflictione, non gravi. Heb. *non in argento*: sic Chald. Septuag. *non propter argentum*, scilicet quod ex te lucrum caperem. Hieronymus in sumpsit pro *quasi*. Aut pro *Beth* legit *Caph*, quod magis putro; quia ex litteræ sunt similitudinæ. IN CAMINO PAUPERATIS. Heb. *afflictionis*, id est postquam te purgavi captivitate, elegi te, ut te liberarem.

V. 11. UT NON BLASPHEMER. Heb. *quomodo enim polluetur*, scilicet nomen meum, si Gentes credent non posse liberare te. Quomodo id feram? nullo modo. ET GLORIAM MEAM (quod te liberaverim) ALTERI NON DABO: eam laudem mihi servo.

V. 12. QUEM EGO VOCO, scilicet nomine Israelis, & populum Dei, audi me. EGO IPSE; pro, ego sum primus & novissimus, scilicet æternus, numquam mutor.

V. 13. DEXTERA MEA MENSA EST CAELOS: adde, *palmis*. Id significat *תחת* *tipahab*, a *tipah*, quod est *palmus minor* quatuor digitorum. EGO VOCABO EOS (caelos) ET STABUNT, scilicet ut servus præcipiam illis: præsto erunt, ut iussis meis obediant.

V. 14. QUIS DE IIS; pro, de vobis, aut de Gentibus potuit prædicere excidium Babylonicum? DOMINUS DILEXIT EUM. Quem? Cyrum. Relativum sine antecedenti. FACIET VOLUNTATEM SUAM; aut *eius*, scilicet Domini faciet Cyrus. BRACHIUM SUUM; aut *eius*, scilicet Dei. IN CHALDAEIS, supple, faciet iudicium. Chald. & *fortitudinem brachii sui revelabit in Chaldaeos*.

V. 15. ET DIRECTA EST VIA EIUS. Heb. *prosperabitur via eius*, scilicet Cyri.

V. 16. ACCEDITE AD ME. Verba sunt Prophetæ. NON A PRINCIPIO, id est initio, non abscondite, sed palam sum locutus. EX TEMPORE ANTEQUAM FIERET. Heb. *a tempore esse hoc*, id est antequam hæc contingerent. IBI ERAM. Heb. *ibi ego*, scilicet annuntiavi hæc. ET NUNC DOMINUS: scilicet Deus me iterum misit, ut eadem nuntiem. ET SPIRITUS EIUS: & voluntas eius.

V. 18. PAX TUA, id est felicitas tua esset copiosa instar fluminis. IUSTITIA TUA, probitas. SICUT GURGITES MARIS. Heb. *sicut fluctus maris*, id est ut aquæ maris copiosæ, si me audisses.

V. 19. ET STIRPS UTERI TUI; fuisset ut arena. Heb. *germina viscerum tuorum*, id est filii. Filiorum numerus in magnis beneficiis ponitur. UT LAPILLI EIUS, scilicet arenæ, ut grana eius esset multitudo filiorum. NON INTERISSET, &c. Heb. *Non succisum esset, neque deletum nomen eius*. Semper eum populum Iudeorum apud me retinuissem, semper illi favissem: non esset captivus quasi amisso nomine. Aut *nomen* pro gloria & honore sumatur.

V. 20. FUGITE, id est velociter discedite e Babylone.

V. 21. NON SITIERUNT; pro, non sitietis. De petra aquam excutiet, ut factum est olim, cum populus exiit de Aegypto. Denique faciant ut iter prosperum sit. Eo pertinent omnia quæ hic dicit.

V. 22. NON EST PAX IMPIIS; quasi

dicat: Hæc beneficia piis dabuntur, non impiis.

M A L V E N D A E.

Verf. 1. **A**UDITE HÆC DOMUS IACOB, &c. Heb. *Audite hoc, domus Iahakobi*, &c. Hoc capite, quemadmodum diximus supra cap. xlv. 1. continentur tria: Primum est, expositio alterius membri, quod in narratione positum est, supra cap. xlv. 4. de causa istorum iudiciorum Dei usque ad versum 12. Secundum est, confirmatio narrationis a vers. 12. ad 16. Tertium, conclusio, ad finem usque, ut supra diximus cap. xlv. 6. Summa autem causa iudiciorum Dei per contestationem explicatur, qua Deus populum evincens improbitatis, duobus primis verbis, per comparationem exemplorum antecedentium, usque ad vers. 6. ostendit se nulla dignitate populi, vers. 7. & 8. sed sua unius gloria adductum esse, ut populum affligat, & ex afflictione liberet iustitia sua, vers. 9. 10. & 11. **QUI VOCAMINI NOMINE ISRAEL.** Alii: *qui vocant se de nomine Israelis*. Idem argumentum ad exprobrationem populi, vide copiose tractatum Hofæ xiii. & xiii. **ET DE AQUIS IUDÆ EXISTIS.** Alii: *ex aquis Iebudæ prodierunt*. Enallage personæ ex secunda, audite, in tertiam, prodierunt; id est, qui ex Iahakobo tamquam ex fonte promanarunt: ut Deuteronom. xxxiii. 28. & Psal. lxxvii. 27. **QUI IURATIS IN NOMINE DOMINI.** Heb. *Iuratis in nomine Iehovah*. Alii: *qui iurant per nomen Iehovæ*. **ET DEI ISRAEL RECORDAMINI NON IN VERITATE, NEQUE IN IUSTITIA.** Alii ex Heb. 1. *Et memoriam faciunt in Deo Israelis, ad non ex fide neque ex iustitia*. Mutatio etiam personæ. 11. *Dei Israelis mentionem faciunt, non fideliter neque iuste; id est, qui non elitis integri erga Deum vestrum: sic Jerem. v. 2. Notat Fortiter hoc verbum in Hiphil significare, annuntiare, conionari, predicare, celebrare: & Deum Israelis commemorabunt, id est celebrabunt.*

V. 2. DE CIVITATE ENIM SANCTA, &c. Alii hunc versum ex Heb. convertunt: *I. Quamvis a civitate sancta se vocent, & Deo Israelis imitantur; id est, se riti iacentes ac gloriantur: cuius nomen est, Iehova exercituum*. II. *Notum est, quod de*

urbe sancta vocati sunt, vel se nominant, & Deo Israelis nuntunt, cuius nomen est, &c. quasi dicat: Profitentur quidem verbis se esse cives urbis sanctæ Ierusalam, nempe cives sanctorum & domesticos Dei, ac religionem cultumque Dei specie quadam iactant, voluntque videri ac si Deo niterentur; sed omnia sunt hypocritæ, & fucus, cum cor eorum alienum sit a me.

V. 3. PRIORA EX TUNC ANNUNTIAVI, &c. Quidam hunc versum ita reddunt: *Priora inde ab eo tempore indicaveram, & ex ore meo prodeuntia pronuntiaveram: ea repente effeci, atque evenerunt*. Comparatio rerum antegesturarum prædictarumque, qua Deus utitur his quatuor versibus, tota eo spectat, ut demonstret sibi fuisse quidem perspectam improbitatem populi; sed gratias propter gloriam suam immeritis etiam & averlantibus beneficia sua prædixisse, & suo tempore contulisse: deinde vero sequitur accommodatio, qua confirmat Deus se nunc eandem rationem sequi ob eandem causam. *Inde ab eo tempore, ex quo domus est Iahakobi, & vocas te de nomine Israelis, ea repente effeci; id est, simul atque visum est, etiam nullis præcedentibus meritis, aut adverlantibus*. II. *Prima, qua evenerunt, iam olim antea prædixi, & ex ore meo egressæ sunt, subaudi prædictiones, & indicavi illas prophetias: subito decrevi me ea facturum, & evenerunt*. III. *An non priora, qua a primordio annuntiavi, cum de ore meo exirent, & vobis exponerem, protinus ea feci, usque venerunt? Hispanicus Interpres: Loque passò, y a dias ha quelo dixi, y demi boca salio, publicuelo; hize lo presto, y a vino.*

V. 4. SCIVI ENIM QUIA DURUS ES TU, &c. Quidam hunc versum ita expouunt: *Ex præscientia mea erat, te durum esse, & nervum ferreum esse cervicem tuam, frontemque tuam chalybeam: ut testatur Exod. xxxii. 9. & Deuteronom. xxxi. 27. & toto cap. xxxii. SCIVI ENIM.* Heb. *Ex scientia mea expertus novi*. Quidam: *Ex scientia mea est, vel scientia mea est; quasi dicat: Iam novi quod &c. Aliqui reddunt: Etiam si nossem quod pertinax esses, &c. Alii: Quamvis non ignorarem, &c. QUIA DURUS ES TU.* חסד קשה, *intricatus, perplexus, durus, rigidus, pertinax, difficilis, intracabilis.*

V. 5. PRAEDIXI TIBI EX TUNC, &c. Hunc versum alii ex Heb. ita explanant: I. *Attamen iam olim priusquam venirent, nuntiavi & exposui tibi; ne forte diceret: Idolum meum, aut sculpsile, aut conflatile meum precepit ea; id est, iussit ut eveniret.* II. *Quapropter indicavi tibi ex eo tempore, cum nondum eveniret, pronuntiavi tibi, ne diceret: Terriculum meum fecit ista, & sculpsile meum, aut fusile meum precepit; id est, ne res iam praedictas, & suo tempore praestitas attribueres diis novis, qui e propinquo adveniunt, & recens sunt facti, ut Deuter. xxxi. 17.* III. *Annuntiavi, inquam, tibi iam olim, id est ante multa tempora, antequam eveniret; audita feci ea, id est praedixi, vel & praedicavi ea: ne forte diceret, Idolum meum fecit haec, &c.*

V. 6. QUAE AUDISTI, VIDE OMNIA, &c. Hunc versum alii ex Heb. explicant: *Audiveras, respice totum hoc; id est, animadvertit ut re ipsa effecta sunt quaecumque audiveras ex te, & nihil praedictorum meorum exciderit, ut Iosue xxi. 43. & I. Samuel. i. 19. & vos an non indicabitis? Id est, an dissimulabitis ea omnia, quae in vos fuerunt collata? neque certa fide amplectemini praedictiones meas, quibus vos testimonium oportuit perhibere ab antea facta experientia: ut supra cap. xliii. 10. pronuntio tibi nova ex hoc tempore, recondita, quae ignorasti.* Transiit ad accommodationem exemplorum, de qua dictum est in vers. 3.

V. 7. NUNC CREATA SUNT, ET NON EX TUNC, &c. Alii hunc versum ex Heb. ita concipiunt: *Qua nunc creantur, non autem ab eo tempore; nimirum, nova haec, quae nunc fiunt de captivitate tua per Babylonios, excidio Babyloniorum, & liberatione tua per Cyrum: etiam ante diem non audivisti, ut non dicas: Ecce noveram ea; id est, nunc primum in lucem eduntur, patiscuntque admirabiliter numquam hactenus tibi audita & nota, ut exponunt verba sequentia.* Hispanicus Interpres: *Ahora fueron criadas, no en dias passados, ni antes de este dia las aulas oydo; porque no digas: He aqui que yo lo sabia.*

V. 8. NEQUE AUDISTI, NEQUE COGNOVISTI. Quidam: *Neque audivisti quidquam, neque novisti, a divinis & astrologis tuis. NEQUE EX TUNC APERTA EST AURIS*

TUA. Verbum פתחה *phitechab*, est ex Pihel femineum: notantque legi in quibusdam locis neutraliter & intransitive, ut hic: *etiam ex tunc non aperuit se, non fuit aperta, auris tua.* Alii active malunt: *neque ab illo tempore aperuit aurem tuam, videlicet Spiritus sanctus.* SCIO ENIM QUIA PRAEVARICANS, &c. Ex Heb. alii: *Isciebam enim quod omnino praevicator esses, & quod ab utero transgressor vocatus sis.* II. *novi enim quod vim inferendo vim inferes, & transgressorem ab utero vocavi te.* III. *nam novi te perfide agendo perfide acturum, seu omnino acturum esse perfide, & defectorem ex utero vocari te.*

V. 9. PROPTER COMEN MEUM LONGE FACTAM FUREM MEUM, &c. Ex Heb. alii: *Propter nomen meum disseram iram meam, vel prolongabo iram meam, seu longanimitas ero.* Prophetiae summam incipit Iesachia superiore & hoc versu ab occupatione; quasi dicat: *Non est quod metuas ut non praestem ea, quae ante dicta sunt, propter duritiam tuam: nam propter me effecturus sum.* ET LAUDE MEA INFRAENABO TE, NE INTEREAS. Verbum prius עֲבַרְתָּ *ebartam*, alibi in Scriptura non legitur; ob id varie exponunt: I. *& propter laudem meam prolongabo naves, id est iram meam, tibi, id est in gratiam tui, ad non succidendam te, sive ut non succidam te.* II. *& propter laudem meam obturabo naves; id est, continebo furem meum, tibi, id est, ne eum in te effundam.* Verbum dicitur Hebraeis a naribus, quod est continere statum narium, seu iram, quam status narium indicat, ut de equis scribit Virgilius III. Georgicorum:

Collectumque premens volvit sub naribus ignem.

Vel *nares meas obstruam, vel obturabo tibi, ne scilicet egrediatur fumus irae meae.* III. *& laudem meam ponam in nasum tui, vel causa tui, ut non corrumpam te.* Hebraismus elegantissimus; id est, oppono laudem meam irae meae in gratiam tui, ne perdam te. IV. *in laudem meam moderabor mihi erga te, ut ne succidam.* V. *& erit laus mea si longanimitas ero tibi, & non succidero te.* VI. *& laus mea erit, si cohibebo, retinebo, tibi, id est tui causa, tibi in bonum.* VII. *& propter laudem meam frenum iniciam mihi tui causa, ne te omnino excindam.* VIII. *& propter laudem*

dem meam condar tibi, seu recondar tibi, in bonum, seu abscondar, & cohibebor, ne excindam te. IX. *Et laudem meam obsignabo tibi, vel obsignatam observabo tibi; ut non excindam te;* id est, quasi sigillo munitam rescrvabo tibi laudem & gloriam meam, ad non excindendum te; quasi dicat, Tibi parcam propter gloriam meam: vel obsignabo, id est concludam, neque exteram iram meam propter laudem meam; quasi idem sit quod Chatham, vel imprimo & indo tibi sigillum seu signum laudis meae, indo tibi tamquam signum laudem meam, ut illud videns, non excindam te.

V. 10. ECCE EXCOXI TE. Hebr. ussi, confraxi, purgavi, examinavi, purificavi, probavi te. SED NON QUASI ARGENTUM. Non dubium est, quin Caph legerit pro Beth simillima littera: nam hodie exemplaria constanter habent Beth: *Et non in argento.* Quidam subaudiunt e sequente membro: *Et non in argenti catino, seu fornace;* quasi dicat: Ussi te non in fornace argenti, sed in fornace afflictionis. Aliqui hunc versum ex Hebr. reddunt: I. *Ecce confraxi te, at non pro pecunia; elegi te probatum in fornace afflictionis.* II. *Ecce constabo te, non autem argento, selectum efficiam te catino afflictionis;* id est, non agam ullo pretio, sed gratis curabo, & magnificabo te. *וְנִסֵּיתִי לְפָנֶיךָ אֶת־אֲפִיקֵי הַמָּוֶת, afflictionis, passionis, oppressionis, humiliationis, paupertatis, inopiae, abiectionis.*

V. 11. UT NON BLASPHEMER, Hebr. quia quomodo violabitur? Alii: I. quomodo enim polluetur, nomen meum? Id est, quomodo fieri possit, ut patiar nomen meum denigrari? quod fieret ab his, qui mendacii me arguerent, si promissa mea non praestarem. II. nam quomodo profanaretur illud? nomen meum, de quo vers. 9. ET GLORIAM MEAM ALTERI NON DABO; id est, neque concedam ut id faciant idola, nam materiam gloriæ meae idolis non permittam. Alii: non sinam eripi mihi, aut alio a me transferri.

V. 12. AUDI ME IACOB, ET ISRAEL QUEM EGO VOCO. Alii: *Ausculata mihi Iacob, Et Israel vocare a me.* Tertia concionis pars, ut diximus cap. XLIV. 6. confirmatio, qua primum Deus a persone suae operumque amplitudine prophetiam ob-

signat, quatuor verbis: deinde Prophetam fidem suam in sua vocatione & administratione testatam facit, vers. 16. QUEM EGO VOCO. Hebr. vocatus meus, vel vocare a me; id est, vocatus & appellatus a me, qui nomen habes a me, & nomen meum praesens, qui vocaris populus meus, ut supra vers. 1. & 2. Alii, id est, domesticus & familiaris meus, quos saepe vocare solemus.

V. 13. MENSA EST CAELOS. Hebr. palmavit caelos; hoc est, palma palmavit, explanavit, palma explicavit, & distendit ac aequavit caelos, ut essent instar veli expansi & explicati. Alii: *palmus, mensura quatuor digitorum, mensa est caelos.* Nonnulli: *Et dextera mea palmus expendit caelos,* ut supra cap. XL 12. EGO VOCABO EOS, ET STABUNT SIMUL. Alii: I. ego cum ea vocare, protinus constiterunt simul, vel praesto fuerunt, vel servi scilicet facturi imperata. II. me vocante ea, consilium pariter; id est, se sistant ad exequenda iussa mea, ut Psalm. CXVIII. 91. III. vocavi illa, Et steterunt; id est, dixit, & facta sunt.

V. 14. QUIS DE EIS ANNUNTIAVIT HAEC? Alii: *quis ex illis indicat ista?* diis videlicet, de quibus vers. 5. vel ex istis hariolis, magis, Chaldeis, de quibus cap. XLVII. 9. & 13. DOMINUS DILEXIT EUM, &c. Alii ex Heb. *Ieborā diligens hunc facturus est delectationem suam in Babyloniam, Et brachium eius in Chaldeos.* Hunc Cyrum intelligit, qui executurus est quod statuit Deus in Babyloniam, & vires roburque exercituum eius in Babylonios irrurent.

V. 15. ET VOCAVI EUM; videlicet Cyrum, de quo cap. XLIV. 28. & cap. XLV. 1. ET DIRECTA EST VIA EIUS. Alii: I. qui prosperabitur in professione sua. II. Et secundabit viam suam. III. Et profectum faciet via eius. IV. Et fortunabit viam eius. V. Et perfrumpet viam eius; id est, prospere omnia illi succedent, sublati omnibus impedimentis.

V. 16. ACCEDITE AD ME, ET AUDITE HOC, &c. Prophetæ verba confirmantis fidem suam, quam adhibuerat ad enuntians verbum Dei, & diligentiam ad audiendum ex Deo, prout vocatus fuerat. NON A PRINCIPIO IN ABSCONDITO, seu in occulto LOCUTUS SUM; id est, ex quo fuit verbum Dei ad me, non dissimulavi, sed

sed palam locutus sum, seu concionatus sum. Hanc sententiam imitatus videtur Christus Ioann. XVIII. 20. *EX TEMPORE ANTEQUAM FIERET, IBI ERAM.* Quidam: *ex quo tempore fuit hoc, ibi sum,* nimirum in ea tamquam specula, ubi me collocavit Deus, ut verbum ab ipso audiam, & ad vos referam, ut supra cap. XXI. 8. & 10. *ET NUNC DOMINUS DEUS MISIT ME, ET SPIRITUS EIUS.* Heb. *Et nunc Adonai Iehueh misit me, & Spiritus eius.* Alii: *nunc Dominus Iehovi misit me, & Spiritus eius.* Dominus Adonai, Pater Iehovi, Filius, & Spiritus eius, Dei Patris & Filii, cum Patre & Filio unus æternus Deus, quo uno acti olim homines sancti locuti sunt II. Petri 1. 11. Quod hic nomen sacrum Quadrilitterum coniungitur cum Adonai, plerique non Iehova, sed Iehovi legunt: vide supra cap. XL. 10. Perpicuum hic mysterium sacræ Triadis.

V. 17. *HAEC DICIT DOMINUS, &c.* Alii hunc versum ex Heb. efferunt: *I. Sic dicit Dominus, redemptor tuus, sanctus Israelis, docens te qua profutura sunt, seu ut proficias, vel ut prosim, dirigens te in via, qua tibi est eundum. II. Sic ait Iehova, vindex tuus sanctus Israelis: Ego Iehova Deus tuus doceo te proficere, deduco te via, qua ambules;* quasi dicat, *Prostro quod mearum est partium.* Ultima concionis parte, ut diximus in vers. 1. id est conclusione, Deus primum officia sua universe in Israelitas commemorans, hoc versu, per hypothesein summam benedictiones exponit eventuras Iudeis si paruissent ipsi, vers. 18. & 19. deinde summam repetit res ante promissas propter nomen suum, de beneficentia erga suos & hostium statu miserum, tribus versibus ultimis. *DOCENS TE UTILIA.* Heb. *docens te ad prodesse;* id est, ut proficias, ut sublevamen, emolumentum, utilitatem accipias.

V. 18. *UTINAM ATTENDISSES MANDATA MEA, &c.* Alii *I. o si ad precepta mea animam advertisses. II. o si attendisses ad precepta mea.* Simile vide Deuteronom. XXXII. 29. *FACTA FUISSET SICUT FLUMEN PAX TUA.* Alii: *I. redundaret instar fluminis pax tua. II. ita fuisset tamquam flumen pax tua;* id est, numquam defuissent fluere, sed omnia bona se ultro dedissent tibi. Pax more Hebraico, pro prosperitate, & cornucopiæ bonorum. *ET*

IUSTITIA TUA SICUT GURGITES MARIS. Heb. *sicut volutiones, fluctus, procellæ maris,* quæ quasi æcerui in orbem volutantur; quasi dicat: *Continenter perterritet, ut fluctus excipiunt alii alios, vel esset ut æcerui & cumuli aquarum abundantissima.*

V. 19. *ET FUISSET QUASI ARENA SEMEN TUUM.* Vide in Genes. XXII. 17. *ET STIRPS UTERI TUI.* Heb. *egressiones, genimina, germina, progenies, propagines;* vide supra cap. XXII. 24. *viscerum tuorum.* Quidam: *Et prognati visceribus tuis.* Alii: *Et fatus intestinorum tuorum;* id est, filii ventris tui. *UT LAPILLI EIUS.* Vocem *בָּרָבָה megboth,* quæ in hac forma alibi non legitur, varie elucidant: *I. sicut viscera, intestina, interanea eius,* id est maris; hoc est, sicut pisces, qui sunt velut viscera & interanea maris. Similis locutio est Genes. XLVIII. 16. *II. sicut æcerui eius arenæ. NON INTERISSET, ET NON FUISSET ATTRITUM NOMEN EIUS A FACIE MEA.* Alii ex Heb. non tamen excindetur, neque perdetur nomen eius & conspectu meo. Translitio ad summam promissionum, simili argumento atque usus est supra vers. 8. & 9.

V. 20. *EGREDIMINI DE BABYLONE.* Alii: *Exite a Babylonia.* Prophetica hortatio, quasi in rem præsentem Iudæos adducens, & præmovens de liberatione ventura. *FUGITE A CHALDAEIS:* ne communi cum Babylois iudicio pereatis, & circumveniâmini ira Dei, quæ denuntiatur illis, versu ultimo; ut Ierem. LI. 6. & 45. similis causa adducitur Genes. XIX. 15. *IN VOCE EXULTATIONIS ANNUNTIATE: AUDITUM PACITE HOC, ET AFFERTE ILUD USQUE AD EXTREMA TERRAE.* Variæ alii ex Hebr. *I. cum voce iubili, ovationis, præconii, prædicatæ & divulgatæ hoc, efferte illud usque ad fines terræ. II. voce cantus, seu voce canora indicatæ, pronuntiatæ hoc, proferre hoc usque ad extremitatem terræ;* quasi dicat: *Fruimini beneficio Dei, & fruentes animo grato prædicatæ.*

V. 21. *NON SITIERUNT IN DESERTO, &c.* Hunc versum ex Hebr. alii ita reddunt: *I. Et non sitiuerunt, cum per solitudines duceret eos; aquam enim eis de petra promanare fecit: scidit petram, ut latices effluerent. II. Neque sitiunt cum per vastitates deducit eos; aquas e rupe profundis eis;*

eis: quasi fidisset rupem ut fluant aquae; id est, æque admirabiliter de viatico illis proficit, atque olim prospexit maioribus ex Aegypto exeuntibus. Vide Hezræ 1.

V. 22. NON EST PAX IMPIIS, DICIT DOMINUS. Alii: Nulla est pax, inquit Iehovæ, improbis; ac proinde ne copulemini cum illis, aut consortium habetote; sed fugite, ut supra vers. 20. vide infra cap. LVII. 21.

M E N O C H I I.

Vers. 1. QUI VOCAMINI, NOMINE ISRAEL: qui gloriamini Iacob parente, eum tamen ab eius moribus, & sanctitate longe abstis. DE AQUIS IUDA EXISTIS, id est femine: quasi dicat, de fonte. Chald. Qui de stirpe Iuda existis. IURATIS, &c. Vide dicta supra XLV. 24. DEI ISRAEL RECORDAMINI: frequenti sermone usurpatis, commemoratis, celebratis, & prædicatis. NON IN VERITATE, NEQUE INIUSTITIA: vel falso iurantes; vel hanc quasi larvam religionis veri Dei multis, & gravibus sceleribus prætendentes. Hoc est quod dicebat Christus Matth. xv. 8. Populus iste ore suo, & labiis suis glorificat me, cor autem eius longe est a me: vide supra cap. XXIX. 13.

V. 2. DE CIVITATE ENIM SANCTA VOCATI SUNT; id est, audite vos qui omnia tuta vobis pollicemini, quod in sancta civitate Salem habitetis, cui Dominus magnopere favit; quasi dicat: Hæc gloriatio, & fiducia vana est, si absit vera religio, iustitia, & virtus. Grande est Christianum esse, non dici, ait S. Hieronymus. DOMINUS EXERCITUUM NOMEN EIUS. Hoc nomine Iudæi valde gloriabantur: recte, si in cultu eius fideles persistissent.

V. 3. PRIORA EX TUNC ANNUNCIAVI; id est, quæ iam pridem evenerunt, olim prædixi, idemdem repetit, & orget suam de futuris prædictionem impletam esse, quasi infallibile argumentum divinitatis, & providentiæ suæ. REPENTE: inopinato, & rebus desperatis auxilium tuli, & id quod pollicitus fueram, opere adimplevi.

V. 4. SCIVI ENIM. In Hebræo, ut vertunt Pagninus, & Vatablus est, Lam novj quia durus es; quasi dicat: Toties hæc

repeto, quia duritiam cordis tui, obstinationem, & impudentiam tuam novi.

V. 5. MANDAVERUNT: ut ficerent.

V. 6. QUAE AUDISTI, VIDE OMNIA; id est, videtis impleta omnia, quæ ex me, & Prophetis meis audistis esse ventura. Vos AUTEM ANNUNCIASTIS? an non vos ipsi quotidie ea annuntiat, & commemoratis, dum celebratis festa in eorum memoriam instituta? verbi gratia Pascha in memoriam liberationis ex Aegypto, &c. AUDITA FECI TIBI NOVA; id est, non adduco vetera ut fidem astruam, sed nova quæ contra Babylonios facturus sum annuntio. EX TUNC. In Hebræo, Chaldeo, & LXX. est, ex nunc, ut cum Forerio, Pagnino, & aliis legendum putat Corn. a Lapide. CONSERVATA SUNT: reservata, recondita sunt apud me.

V. 7. NUNC CREATA SUNT; id est tunc a me decreta sunt; quasi dicat: Nunc a me lata est sententia de Babylonis excidio, nunc cum illud per Isaiam edico, & prædico. ET NON EX TUNC, &c. Lucem accipit hic versiculus ex versione LXX. qui sic habent: Nunc sum, & non olim, & non prioribus diebus audisti ea. Itaque ex tunc idem est quod olim, ut etiam supra n. 3. ET ANTE DIEM, id est ante diem hunc non audisti ea, ut vertit Pagninus, scilicet neque ab idolis, nec aliunde.

V. 8. NEQUE EX TUNC APERTA EST AURES TUA: est eiusdem sententiæ repetitio; sensus est: Hæc numquam audisti, ne quidem ex tunc, id est ab olim. SCIO ENIM, &c. quasi dicat: Hæc signa divinitatis meæ toties tibi inculco, quia scio te prævaricaturum, & defecturum ad idola. EX UTERO: iam inde a nativitate, & a principio, cum te in populum meum elegi.

V. 9. PROPTER NOMEN MEUM: licet futurus sis prævaricator, & transgressor, libero nihilominus te a captivitate propter nomen meum, ne scilicet gentes illud blasphement, si videant me populum meum in captivitate derelinquere. LONGE FACIAM: auferam, amovebo. FUREM MEUM: quo te puniam tempore captivitatis. LAUDE MEA INFRAENABO TE, NE INTEREAS. Magnis, & eximiis beneficiis te afficiam, quibus quasi freno continebo te, ne ruas in interitum. Beneficia vocan-

cantur *laus*, quia Principes nihil æque commendat, & laudabiles facit, ac beneficentia, quæ subditos frænat, & cogit eos amare, laudare, & eis obsequi. Porro tunc beneficentiam in suos ostendit Dominus, non solum cum eos liberavit, sed etiam cum in captivitatem abduci passus est; nam vexario illa luxum, & lasciviam cohibuit, & tamquam srenum indomitis Iudæorum cupiditatibus iniecit.

V. 10. SED NON QUASI ARGENTUM: quod ardenti fornace excoquitur, ut a scoria separetur, ego vero non excoxi te gravissimis ærumnis, sed levioribus quibusdam, qualis est paupertas, & servitus Babylonica. ELEGIT TE: sicut in fornace, separata scoria, ab argentario feligitur, & colligitur purum argentum.

V. 11. PROPTER ME, &c. Vide dicta num. 9. UT NON BLASPHEMER: a Gentibus, quæ fortasse dicere possent Deum Hebræorum esse impotentem, vel infidellem, aut crudelem, qui suos adeo vexari sineret. GLORIAM MEAM ALTERI NON DABO: non pariat ut idola me potentiora videantur.

V. 12. QUEM EGO VOCO: quem ego Israelum voco, cui ego nomen Israelis indidi. PRIMUS ET NOVISSIMUS: præter quem alius Deus non est.

V. 13. EGO VOCABO EOS: si eos vocem, si quid circa illos iubeam, statim parebunt; sic Iosue x. 13. Sol, Luna, Cælique steterunt.

V. 14. OMNES VOS: Israelitæ. DE EIS: diis scilicet gentium, vel astrologis, quos superiori cap. num. 12. confutavit. ANNUNTIAVIT HAEC: quæ ego prædico de Cyro & Babylonis excidio, de vestra captivitate, & liberatione. DOMINUS DILEXIT EUM: scilicet Cyrum, quem victorem Chaldæorum fecit, & elegit vindictæ suæ administrum. FACIET VOLUNTATEM SUAM IN BABYLONE: id est, Deus per Cyrum faciet voluntatem, & vindictam suam in Babylone. BRACHIUM SUUM: validam plagam: est repetitio.

V. 15. LOCUTUS SUM: ego ita fieri iussi, & tanto ante vobis quæ futura sunt prænuntiavi. DIRECTA EST VIA EUS: prospere successit. NON IN ABSCONDITO LOCUTUS SUM: quasi dicat: Ex quo ceppi prophetare de excidio Babylonis non in angulis ambigue, & perperle, sed publice,

Bib. Sac. Tom. XVII.

clare, & aperte de eo locutus sum. EX TEMPORE ANTEQUAM FIERET, &c. antequam scilicet Babylon everteretur, ego Isaias ibi eram spiritu præfens, videbamque & contemplabar rei gerendæ seriem, modum & ordinem. DEUS MISIT ME, &c. a Deo, & Spiritu sancto eius missus sum, ut hæc prænuntiarem.

V. 17. DOCENS TE UTILIA, id est id quod tibi expedit.

V. 18. SICUT FLUMEN: abundans scilicet, & perennis. PAX TUA: quies, prosperitas, & rerum omnium affluentia; hoc enim *pacis* nomine significatur ab Hebræis. IUSTITIA: pacis comes, & effectrix: vel, intelligit iniustitiæ præmium. SICUT GURGITES MARIS: ampla, & plena, quam ampli & pleni sunt gurgites maris.

V. 19. QUASI ARENA: ut promissum fuerat Abrahamo Genes. xxii. 17. NON FUISSET ATTRITUM: non excidisset nomen, fama, gloria nominis tui.

V. 20. EGREDIMINI DE BABYLONE: lætum e Babylone reditum describit, & ad eum captivos excitat. IN VOCE EXULTATIONIS ANNUNTIATE: cum lætitia nuntiate reditum in Iudæam, & ad patriam repetendam cives vestros invitate. REDEMIT: eripuit, liberavit.

V. 21. NON SITIERUNT IN DESERTO CUM EDUCERET EOS. Vide hist. Exod. xvii. 6. & Num. xx. 11. sensus est: Nihil vobis deerit in reditu: nam Deus aderit, sicut adfuit maioribus vestris, quibus in arida creta largos aquarum latices suppeditavit.

V. 22. NON EST PAX IMPIIS DICIT DOMINUS. Respicit versiculum 20. quasi dicat: Egredimini, relinquitte Babylonem, quia non est pax impiis, sed illis mala impendent, ut etiam iis qui illorum societate, & consuetudine delectantur.

T I R I N I.

Vers. 1. **D**E AQUIS IUDA EXISTIS. Metaphora desumpta a fontibus & rivis: Iacobenim fuit quasi fons, ex quo 12. rivi, id est 12. Patriarchæ & tribus. Sed Iudæi ex nobilissimo rivo, puta ex Iuda, profuerunt, inquit S. Hieronymus, Sanchez & a Lapide. QUI IURATIS quidem IN NOMINE, seu per nomen, DOMINI, ET sæpe RECORDAMINI; Hebrai-

R r

biai-

braice *commemoratis*, seu mentionem facitis, DEI ISRAEL, sed NON IN VERITATE, NEQUE IN IUSTITIA: quia plerumque iuratis quod falsum est, vel iniustum, vel Deo iniurium, pulchra religionis larva tegentes vestras uluras, rapinas, aliasque fraudes & dolos: ita Forerius.

V. 2. DE CIVITATE SANCTA VOCATI SUNT; id est, ab urbe sancta Ierusalem nomen acceperunt civium civitatis Dei, & dicti sunt cives sancti, qui a potenti Deo Israelis sustentantur & stabiliuntur, quasi cives & domestici eius. Unde putant, nil sibi metuendum ab ullo hoste, vel excidio, vel alia calamitate. Et recte quidem, si in cultu tam potentis & benevoli Dei fideles perstitissent: absque eo enim omnia haec nomina cassa sunt & inania.

V. 3. PRIORA praeceptorum seculorum EX TUNC diu antequam fierent, ANNUNTIATI per Prophetas & praedixi futura: eademque ut praedixeram, OPERATUS SUM REPENTE; id est, produxi & perfeci inopinatum, praeceptorum opinionem & expectationem, praeceptorum & naturae constructum cursum: v. g. diluvium, ortum Isaac & Jacob, egressum Hebraeorum ex Aegypto, possessionem terrae Chanaan, &c. ita S. Hieronymus.

V. 6. VOS AUTEM NUM (Hebraice, *nomine*) ANNUNTIASTIS, iam pridem haec omnia completa esse ut praedixeram? & adhuc quotidie annuntiatis, Scripturas quae illa commemorant, lectitantes; psalmos qui illa inculcant, decantantes; festa in illorum beneficiorum memoriam celebrantes? ita Forerius, Sasbout, Vatablus & Sanchez. Pari modo, pari certitudine AUDITA EFFICI TIBI NOVA EX TUNC. In Hebraeo. LXX. & Chaldaeo, *ex nunc*: sed utrumque est verum: nam & olim Deuter. xxx. & alibi minatus est Deus delinquentibus severas penas, & nominatim oppressionem ab hostibus, & deductionem in alienas terras; poenitentibus vero reductionem ad propria: & nunc in specie designat, abducentes a Chaldaeis in Babylonem, sed paucis post annis in patriam reducentes. Quae haecenus *negligisti*, & apud me CONSERVATA SUNT, & in sinu recondita:

V. 7. ET NUNC demum CREATA SUNT, id est a me prolata in lucem, idque AN-

TE DIEM, seu tempus illi rei destinatum: ET NON AUDISTI quidquam haecenus ea de re, seu ex idolis, seu ex ariolis & divinis tuis.

V. 8. NEQUE EX TUNC APERTA EST AURIS TUA; id est, ante hac nulla eius rei fama vel notitia devenit ad aures tuas: nihil tibi super ea re indicatum vel revelatum fuit. Et vero quid iuvat praedixisse tibi talia? SCTO ENIM QUIA, non obstant tali praedictione, PRAEVARICANS & PRAEVARICABERIS, id est certo certius deficiet a lege mea, apostatabis a cultu & obsequio meo, & transfugies ad idola: nam TRANSGRESSOREM novi; & VOCAVI TE non ab heri vel nudius tertius, sed iam inde EX UTERO, id est ab ipso tui ortu & conceptu: nempe cum in Sinai (ubi te formabam & parturiebam novam Ecclesiam) vitulum aureum conflasti & adorasti. Et quidem perpetua haec tua praevariatione mercharis excindi stirpis de terra: & ita facerem si furor meo iustissimo obsequi vellem; sed

V. 9. PROPTER NOMEN MEUM, meamque clementiam, & in te, licet immerentem, assuetum, LONGE FACIAM FUREM MEUM a te, NE INTEREAS. Ne tamen pergas insolere, INFRAENABO TE apto tibi & commodo freno, mihi que glorioso & laudabili, nempe brevi servitute & captivitate Babylonica: ita S. Hieronymus, Haymo, Sasbout, Dionysius & Sanchez. Sic obiter in fornace Babylonica.

V. 10. EXCOXI TE, SED NON QUAST ARGENTUM; ut nempe stannum omne & plumbum & alia scoria plane removeantur, maneatque purum argentum: si enim sic excoxissem, utique consumpsissem te, cum non sis nisi mera peccatorum scoria (*argentum enim tuum versum est in scoriam*, ut dixi Isa. cap. 1. 22.) sed leniori CAMINO & purgatione purificavi te, nempe paupertate, servitute & similibus aerumnis in Babylone: ita S. Cyrillus & Procopius.

V. 12. EGO PRIMUS ET NOVISSIMUS: ut dixi cap. xli. 4. EGO V. 13. VOCABO caelos & terram, ET MOX ad vocem & iussum meum STABUNT SIMUL, id est fissent se, ut famuli ad nutum heri sui. Id patuit tempore Iosue b, & Ezechiae c.

V. 14. QUIT, seu magorum, seu idolorum, DE EIS, seu ex eis, puta caelis, a facie,

aſtris, influentiis, ANNUNTIAVIT, vel præ-
nuntiare vobis potuit, HAEC quæ ego per
Iſaiam prænunti? Primum, de Nabucho-
donofore vos in carcerem abrepturo; ſe-
cundo, de Cyro, vos e carcere in patriam
remiſſuro. DOMINUS DILEXIT EUM, nem-
pe Cyrum, dilectione naturali, ſeligendo
illum ad tam nobile, tam grande miniſte-
rium. Per ipſum FACIET omnem VOLUN-
TATEM SUAM IN BABYLONE eventenda,
ET BRACHIUM, id eſt potentiam, SUUM
IN CHALDAEIS exciſcendis.

V. 16. PRINCIPIO, ſeu ex quo ceppi
prophetare, NON SUM LOCUTUS IN AB-
ſCONDITO, non in angulis, non ambi-
gue, non perſede, ſed palam, clare &
aperte: & quidem diu ANTEQUAM FIE-
RET tranſmigration veftra in Babylonem,
& remigratio in Iudæam, ego IBI ERAM
ſpiritu meo præſens, videbamque totius rei
gerendæ ſeriem, ordinem & modum.
ET NUNC MISIT ME DEUS, ET SPIRI-
TUS EIUS ſanctus, ut quæ mihi revelavit,
vobis edicam, & certo ſic obventura de-
nuntiem: ita Chaldaeus, S. Hierony-
mus, Vatablus, Forerius, & Sanchez. Al-
legor. SS. Patres dicunt, his verbis innui
Chriſtum quæ homo eſt, miſſum a Patre
ſimul & Spiritu ſancto ad redemptionem
generis humani.

V. 17. EGO DOMINUS DOCENS TE V-
TILIA: non curioſa, non vana, non fa-
ſtuoſa, non plaufum captantia, ſed quæ
curandæ ſaluti tuæ & præſenti & æternæ
convenient.

V. 18. Atque UTINAM ATTENDISSES
MANDATA MEA! iam pridem PAX TUA
& proſperitas & rerum aſſuſcentia, FACTA
FUISSET SICUT FLUMEN, novas continuo
felicitatis aquas vobis advehens, & obvia
quæque obſtacula ſternens: ET IUSTITIA
TUA, tum propriæ ſumpſa, tum metony-
mice, id eſt premium d iuſtitia, tibi ob-
veniret ſicut GURGITES MARIS, nempe
ſumma copia, perenni affluxu, & cui ne-
mo reſiſtere, nemo præpedire poſſit: ita
ſere Cyrillus & Procopius.

V. 19. NON FUISSET ATTRITUM NO-
MEN IſRAELIS A FACIE MEA; id eſt, non per-
miſiſſem famam ſublimem & nobilem po-
puli mei, apud gentes viles & ignobiles tam
ſæpe procubari; ut nunc procubabitur a
Chaldaeis, & adhuc magis a Romanis.
Sed quid hoc monſtri? laxata per Cyrum

captivitate, & facta Iudæis copia in pa-
triam remigrandi, nolunt viles animæ e
Chaldaea, ubi tanto ſunt probro, in
propriis terras remigrare. Malunt for-
cida maucipia, ſpe neſcio cuius lucelli
manere inter hoſtes ſuos, & ignominioſam
iſtic ſervire ſervitutem, quam dominari in
propria patria: ita multos egiſſe conſtat ex
I. Eſdrae 1. & 2.

V. 20. EGREDIMINI, ſi ſapitis, DE BA-
BYLONE, dum licet. Allegorice, e car-
cere & ſervitute diaboli, inquit S. Cyril-
lus.

V. 21. NON SITIERUNT olim patres ve-
ſtri IN DESERTO f, ſub Moyſe. Nec iam
permittam, aliquid deſſe vobis in patriam
e Babylone redeuntibus: curabo per Cyrum
g, per Darium, per alios, omnia neceſſa-
ria ſubminiſtrari per viam, donec ſalvi in
patriam appellatis. Ibi ſolidam pacem,
quietem, felicitatem habebitis, non vero
in Chaldaea: nam

V. 22. NON EST PAX IMPIIS, idololatriſ,
ſuperſtitioſis, & in omnia vitia proſuſis,
tum Chaldaeis, tum Chaldaeorum ſervis ul-
troneis, (pro pudor!) Iudæis: ſed erit
perpetua iſtic iſtis calamitas h, afflictio &
miferia.

- (a) Prolegom. de Idioliſm. Hebr. n. alix.
- (b) Iſaie 2. 23.
- (c) Iſaie xxxviii. 8.
- (d) Genef. xxx. 31.
- (e) II. Cor. vi. 17.
- (f) Ex od. xviii. 6.
- (g) I. Eſdr. 1. & vi.
- (h) Rom. 12. 9. & Apoc. xviii. 4.

GORDONI.

Verſ. 1. AUDITE HAEC DOMUS Iſ-
ACOB, &c. Exordium hic
eſt, Iudæos qui exierunt de aquis, & ſon-
te Iſraelis, non re, ſed nomine tantum
eſſe Iſraelitas, ac eſſe degeneres, glorian-
tes de nomine Dei, & civitatis Sanctæ.

V. 3. Prædixi & evenerunt, quæ olim
dixi (inquit Deus) de Abraham, de ſer-
vitute in Aegypto, de terra Chanaan, &
ſimilibus. Credite ergo ſimiliter eventurum,
quod nunc annuntio de Babylone.

V. 6. & 7. QUAE AUDISTI, &c. Omnia
quæ vidisti impleta ſunt, immo & annun-
tiata a vobis, ac celebrata in feſtis veſtris,
quæ commemorant præterita beneficia: nunc

R r 2 audi

audis nova de Babylone, conservata apud me, ignota tibi. *וְנִי עַתָּה* EX TUNC, multi putant legendum *nunc*, ex Sept. *נִי*. Hebraice *מִבְּחַטָּה* *mibhatta*, ex nunc, & sic videtur sentire Hieron. in sensu huius versiculi. Sequitur ex vers. 7. hæc esse creata, hoc est decreta.

V. 8. TRANSGRESSOREM EX UTERO VOCAVI TE; hoc est, vidi te transgressorem esse ex utero; & ab initio vocationis tuæ, quando in Sina formasti vitulum.

V. 9. & 10. PROPTER NOMEN MEUM, &c. itaque si parco tibi, est non quia mereris, sed propter nomen meum; tamen infrenabo ne omnino pereas; at hoc fiet per captivitatem & miracula.

V. 12. AUDI ME IACOB, &c. Invitat, ad verum Dei cultum; ac ut obediat vocatipui: obediunt cæli, æstra & omnia; idem facite, &c.

V. 16. ET NUNC DOMINUS DEUS MISIT ME ET SPIRITUS EIUS. Aliqui Isaiam loqui hic volunt: alii Christum cum Pinto. Non est tamen sensus secundam personam mitti a tertio. Video quidem plures asserentes sensum hic litteralem esse de Isaiâ loquente, & allegorice tantum de Christo, sub persona Isaiæ, ut typo & allegoria Christi. Sane loqui sic Isaiam opinantur Hieronymus, Vatabl. Sanches, & Cornelius, unde sequi videtur tantum mystice agi de Christo. Sensus tamen esse de Christo, & ipsum loqui, sentiunt Galatinus, Pintus, & alii, quibus favere videntur verba vers. 13. & contextus sermonis annexi. Ceterum hinc significari Trinitatem (saltem mystice) multi docent; nempe filium qua homo est, missum a

Patre & Spiritu sancto: nam qua Deus est, tantum a Patre procedit, nec hoc modo mittitur a Spiritu sancto, ut dixi in opere Theolog. Lib. IX. quæst. ult. ita Patres, Hieronymus, Procop. Anasta. Cyril. Basil. S. Thomas hic, & recentiores. Denique Paschasius Lib. de Spiritu sancto, cap. vii. probat ex hoc loco Spiritum sanctum subsistere, & in Trinitate habere suam subsistentiam.

V. 17. HÆC DIXIT DOMINUS REDemptor tuus, &c. Deus redemptor, & gubernator est Israelis, sed male auditus; tamen vers. 20. promittit reditum e Babylone. Reponit mox præterita beneficia sub Mose, ut credant futura, & sciant non esse pacem impiis.

EX EIUSDEM AUCTARIO.

Vers. 1. QUI DE AQUA, de stirpe & semine Iuda exiistis: qui in gravibus peccatis iuratis.

Vers. 7. NUNC CREATA SUNT: iam decreta a me, & lata sententia in Chaldaeos.

Vers. 9. INFRAENABO NE PEREAS; hoc est, donis liberalitatis & beneficiis Deus suos refrænat & continet, ne pereant.

V. 10. EXCOXI, non gravissima afflictione, quasi per ignem, sed leviori, & paupertate.

Vers. 12. QUAM VOVO, cui nomen Israelis impono.

Vers. 14. DE EIS: de diis gentium.

Vers. 16. EX TEMPORE. Antequam Babylon auferretur, hæc prædicta, & definita sunt.

Vers. 21. Vide Exod. xvii. & Num. xx. ii.



C A P U T XLIX.

Constituitur Christus dux Gentium ac Iudeorum salvandorum, daturque in sædus populi ex omni orbis parte vocandi: Et ostensa magna felicitate credentium in Christum, hortatur eos ad gratiarum actionem: benigne etiam consolatur Sion quæ se a Deo desertam conquererebatur, promittens eam toto orbe fore gloriosam, omnibus ad ipsam confluentibus, eiusque contritis inimicis.

1.  Udite insulæ, & attendite populi de longe: Dominus ab utero vocavit me, de ventre matris meæ recordatus est nominis mei. 2. (a) Et posuit os meum quasi gladium acutum: in umbra manus suæ protexit me, & posuit me sicut sagittam electam: in pharetra sua abscondit me. 3. Et dixit mihi: Servus meus es tu Israel, quia in te gloriabor. 4. Et ego dixi: In vacuum laboravi, sine causa, & vane fortitudinem meam consumpsi: ergo iudicium meum cum Domino, & opus meum cum Deo meo. 5. Et nunc dicit Dominus, formans me ex utero servum sibi, ut reducam Iacob ad eum, & Israel non congregabitur: & glorificatus sum in oculis Domini, & Deus meus factus est fortitudo mea. 6. Et dixit: Parum est ut sis mihi servus ad suscitandas tribus Iacob, & facies Israel convertendas. (b) Ecce dedi te in lucem Gentium, ut sis salus mea usque ad extremum terræ. 7. Hæc dicit Dominus redemptor Israel, sanctus eius, ad contemptibilem animam, ad abominatam gentem, ad servum dominorum: Reges videbunt, & consurgent principes, & adorabunt propter Dominum, quia fidelis est, & sanctum Israel qui elegit te. 8. (c) Hæc dicit Dominus: In tempore placito exaudivi te, & in die salutis auxiliatus sum tui: & servavi te, & dedi te in sædus populi, ut suscitares terram, & possideres hereditates dissipatas: 9. ut diceres his, qui vincti sunt: Exite; & his, qui in tenebris: Revelamini. Super vias pascuntur, & in omnibus planis pascua eorum. 10. (d) Non esurient, neque sitient, & non percutiet eos æstus & sol: quia miserator eorum reget eos, † & ad fontes aquarum potabit eos. 11. Et ponam omnes montes meos in viam, & semitæ meæ exaltabuntur. 12. Ecce isti de longe venient, & ecce illi ab Aquilone & mari, & isti de terra Australi. 13. Laudate cæli, & exultet terra, jubilate montes laudem: quia consolatus est Dominus populum suum, & pauperum suorum miserebitur. 14. Et dixit Sion: Dereliquit me Dominus, & Dominus oblitus est mei. 15. Numquid oblivisci potest mulier infantem suum, ut non misereatur filio uteri sui? & si illa oblita fuerit, ego tamen non obliviscar tui. 16. Ecce in manibus meis descripsi te: muri tui coram oculis meis semper. 17. Venerunt structores tui: destruentes te & dissipantes, a te exibunt. 18. (e) Leva in circuitu oculos tuos, & vide, omnes isti congregati sunt, venerunt tibi vivo ego, dicit Dominus, quia omnibus his velut ornamento vestieris, & circumdabis tibi eos quasi sponsa. 19. Quia deserta tua, & solitudines tuarum, & terra ruinæ tuæ, nunc angusta erunt præ habitatoribus, & longe suguntur

tur qui absorbebant te. 20. † Adhuc dicent in auribus tuis filii sterilitatis tuæ: Angustus est mihi locus, fac spatium mihi ut habitem. 21. Et dices in cor. de tuo: Quis genuit mihi istos? ego sterilis, & non pariens, transmigrata, & captiva; & istos quis enutrivit? ego destituta & sola: & isti ubierant? 22. Hæc dicit Dominus Deus: Ecce levabo ad Gentes manum meam, & ad populos exaltabo signum meum. Et afferent filios tuos in ulnis, & filias tuas super humeros portabunt. 23. Et erunt reges nutritii tui, & reginæ nutrices tuæ: * vultu in terram demisso adorabunt te, & pulverem pedum tuorum lingent. Et scies quia ego Dominus, super quo non confundentur qui expectant eum. 24. Numquid tolletur a forti præda? aut quod captum fuerit a robusto, salvum esse poterit? 25. Quia hæc dicit Dominus: Equidem, & captivitas a forti tolletur: & quod ablatum fuerit a robusto, salvabitur. Eos vero, qui iudicaverunt te, ego iudicabo, & filios tuos ego salvabo. 26. Et cibabo hostes tuos carnis suis: & quasi musto, sanguine suo inebriabuntur: & sciet omnis caro, quia ego Dominus salvans te, & redemptor tuus fortis Iacob.

(*) Isai. II. 22. (b) Sup. xlii. 6. Ab. xlii. 47. (c) Il. Cor. vi. 2. (d) Apoc. vii. 16. (e) Isai. lx. 4.

BRUGENSIS.

ROMANÆ CORRECTIONES.

Verf. 21. *Ego destituta & sola: & isti ubi erant?* Minime intericiendum est, adverbium hic inter ubi & erant.

Verf. 23. *Vultu in terram demisso adorabunt te.* Non mutes, accusativum *terram* cum ablativo *terra*.

LECTIONUM VARIETAS.

Verf. 10. *Et ad fontes aquarum potabis.* Plura vetera manuscripta, etiam Missale Romanum Sabbato post dominicam quartam Quadr. loco *potabis* quod est, potum dabit, scribunt, *portabit*, quod est, feret, ducet, non sine similitudine veri, quod docent Notationes nostræ.

Verf. 20. *Adhuc dicent in auribus tuis filii sterilitatis tuæ.* Vix dubito quin sit hic error typographicus in editione Romana, quo datus *filii*, positus, sit loco nominativi *filii*.

NOTATIO.

Verf. 10. **E**T ad fontes aquarum potabis (*potabis* o.) *eos*. Frequentior codicum scriptura est *potabis*, quam sequuntur Glossæmatici Lyra, Caro, & Richel. Porro quidam codices *portabit* habent, duo Parisiensem, & Germani parvus, & Complu-

tensis; tres nostri, Hoonzi M, Plantini angustus, atque is quem cœnobii S. Iacobi Leodii Abbas commodavit, ex quo erasa quidem est littera *r* (ut sunt plerique omnia in eo, ceteroqui integerrimo, recentiori depravatoris manu immutata) sed satis etiamnum apparet. In Card. Bessarionis libro addita est *r* littera, notatumque in margine: „ recte „ est *portabit*. “ Hebraice est *יָרֵם*, id

quod LXXII. senes reddidere *יָרֵם* S. Ioannes Apocalypseo vii. capite, verf. 17. *יָרֵם*; similiter plerique hodie Interpretes, ducet, vel deducet eos; Chaldaeus paraphrastes *יָרֵם* habitare faciet, vel collocabit eos;

quæ omnia *portabis* adstruunt. Adhæc Interpretes nosse vocem illam portare convertit, Exodi xv. 13. & Isaiæ xl. capite 11. Videri igitur possit, & hoc loco ad eum modum convertisse: quibusdam tamen locis *fontem* atque *emittere* interpretatus est. Commentarius *potabis* habet: verum ita: ut non liqueat an ab eo scriptum, an vero, ex *potabis* mutatum sit. „ Et deducet, ait, ad „ fontes aquarum, sive potabit illos ad fontes, de quibus scriptum est: Benedicite Domino de fontibus Israel: & in alio loco, haurite aquas de fontibus salvatoris. „ Hi fontes in veteri testamento & novo „ sunt. “ Haymo qui eius fere commentarium sequitur, *portabit* legit: Et cum per se nihil possint, & ad fontes aquarum potabis eos.

par. Ad illos utique fontes, de quibus canitur, haurietis aquas in gaudio de fontibus Salvatoris: quibus aut sacra Scriptura, aut Spiritus sancti gratia intelligitur.

COMMENTARIA

MALDONATI.

Yerf. 1. **A**UDITE INSULAE, (יְמִי) ET ATTENDITE POPULI DE LONGE. Qui longe cillis; id est, audiant extreme orae orbis terrae quae dicturus sum; ad omnes enim pertinent. DOMINUS AB UTERO VOCAVIT ME, id est destinavit, designavit me, ut essem redemptor generis humani: sicut D. Paulus ad Gal. 1. 15. dicit se ab utero matris suae segregatum, & vocatum per gratiam Dei, id est destinatum ad officium Apostoli, & Rom. 1. 1. & I. Cor. 1. 1. appellat se vocatum Apostolum. Et loquens de hac ipsa Christi vocatione ad Heb. v. 4. *Nec quisquam sumit sibi honorem, sed qui vocatur a Deo tanquam Aaron.* Sic & Christus non semetipsum clarificavit, ut Pontifex fieret: sed qui locusus est ad ipsum: *Filius meus es tu, ego hodie genui te.* Hoc idem fortasse significat illud Psal. cix. 3. *Ex utero ante Luciferum genui te.* DE VENTRE MATRIS MEAE. Repetitio est: idem enim significat, RECORDATUS EST NOMINIS MEI, & VOCAVIT ME. Utitur autem iisdem verbis, quibus de Cyro loquens usus est supra.

V. 2. ET POSUIT OS MEUM QUASI GLADIUM ACUTUM. Declarat officium ad quod se a Deo vocatum fuisse dixerat, nempe ut doceat homines. Doctoris autem officio, officium etiam redemptoris comprehendit, dualique proprietates duabus metaphoris declarat. Una proprietates est vis & efficacia doctrinae, quae per gladium acutum, & sagittam electam significatur: *Virus est enim sermo Dei, & penetrabilior omni gladio accipiente:* Heb. iv. 11. *Gladium autem est verbum Dei:* Eph. vi. 17. quod idem per sagittam electam, aut יָרֵי, mundam, id est exacutam declaratur. Sicut e contrario lingua & verba maledicorum, quia penetrant, sagittae vocari solent, ut Psal. lvi. 5. *Dentes eorum arma & sagittae:* & Prov. xxv. 18. *Iaculum & gladius, & sagitta acuta homo qui loquitur contra proximum suum solum testimonium.* Altera proprie-

tas est, ut laedi frangique non possit: quod significat cum dicit, IN UMBRA MANUS SUAE PROTEXIT ME: & cum dicit, IN PHARETRA SUA ABSCONDIT ME: quibus verbis docet doctrinam suam ab omnibus iniuriis a Deo defendi. Rursus quia gladio cominus, sagitta vero eminens ferimus; illud etiam hac duplici metaphora notatur, Christum alios per se ipsum, alios per Apostolos & eorum successores docuisse, *Cresce se fructum laborum pacem, pacem ei qui longe est & qui prope,* ut dicit infra cap. lvii. 19. & Paulus ad Eph. ii. 17.

V. 3. ET DIXIT MIHI, SERVUS MEUS ES TU ISRAEL. Aliqui putant transferri sermonem a Christo ad eius populum, id est Ecclesiam, quasi a capite ad corpus. Solet enim inter Christum & Ecclesiam propter summam coniunctionem communicatio idiomatum fieri, sicut multi veteres auctores interpretati sunt de Ecclesia, quod de Christo dicit D. Paulus I. Cor. xv. 28. cum patri esse subiiciendum: & ad Col. i. 24. ait, *Adimpleo ea, quae defuncti passionum eius in carne mea pro corpore eius, quod est Ecclesia.* Magis probò quod alii dicunt, ut ipsum Christum vocet Israelit, & quia secundum carnem Israelita erat, quia merito nomen corporis capiti tribuitur: sicut Gallum solemus Regem Galliae, Turcam Turcarum Imperatorem appellare. SERVUS MEUS ES TU, secundum humanam naturam servum vocat ut sup. cap. xlii. 1. *Ecce servus meus suscipiam eum, electus meus, complacuit sibi in eo anima mea: eadem enim utriusque loci sententia est: vide quae illic adnotavimus.*

V. 4. ET EGO DIXI, IN VACUUM LABORAVI. Conqueritur Christus se frustra laborasse, id est frustra quodam modo mortuum esse, quia maior pars hominum noluit ex eius morte fructum ullum percipere, & ut ait Ioannes i. 10. 11. *Lux in tenebris lucet, & tenebrae eam non comprehenderunt; in propria venit, & sui eum non receperunt.* ET VANE FORTITUDINEM MEAM CONSUMPSI, pugnando pro hominibus contra Diabolum & mortem. ERGO, יֵן,

propterea IUDICIUM MEUM CUM DOMINO; id est, apud Dominum causa mea iusta erit, cum homines incredulitatis aeculabo, feci quod debui. *Iustificata est sapientia a filiis suis*: Matth. xi. 19. *Et cum venerit ille arguet mundum de peccato, & de iustitia & de iudicio*: Ioan. xvi. 8. Vocat Christus Deum & Dominum suum loquens ut homo, ut Ioan. xxi. 17.

V. 5. FORMANS ME EK UTERO; id est qui me incarnari fecit. UT REDUCAM IACOB. Missus enim est ad oves quas perierunt domus Israel: Matth. xv. 24. ET ISRAEL NON CONGREGABITUR. Hic locus aliter legitur & exponitur ab aliis. Heb. est וְיִשְׂרָאֵל אֵל יוֹסֵף, & Israel non congregabitur, ut noster vertit interpretes. Alii vero negationem sustulerunt quod videatur sensum evertere, ut Septuag. & Ἰσραὴλ συναχθήσεται. Alii praeposuerunt ἢ particulam interrogativam, An Israel non congregabitur? quasi dicat, Congregabitur, ut Hebraei interpretantur, gratia gentis suae. Alii legunt וְיִשְׂרָאֵל in י, ut saepe fit, ut sit sensus: Et Israel illi, id est Deo, congregabitur, ut Chaldaei interpretatur. Alii interpretantur י, pro, quamvis Israel non congregabitur, tamen ego glorificabor. Sed lectio Interpretis nostri germana est, sensusque est faelilis. Idem enim est Iacob & Israel, & nihil aliud significat, quam missum quidem esse ut congregaret Israel, fore autem ut Israel nolit congregari, ut idem Christus dicit, Matth. xxi. 37. *Quoties volui congregare filios tuos, quemadmodum gallina congregat pullos suos sub alas, & noluiisti*. ET GLORIFICATUS SUM IN OCULIS DOMINI; id est, plaecuit Domino glorificare me & corroborare ad pugnandum cum morte, sicut a patre petivit, paulo ante quam moreretur: Ioan. xvii. 1. *Pater, venis hora, clarifica filium tuum*: idem enim est clarificare & glorificare, quia gloria, claritas, & splendor quidem est.

V. 6. ET DIXIT. Superior versiculus suspensus fuerat, nondum enim exposuerat Propheta quid Deus dixisset, nunc autem exponit. PARUM EST: כָּכָל, leve est. Hebraei, ne videantur vocationem gentium confiteri, interrogative legunt, praeposcentes ἢ. An parum est? quasi dicat, Non. Sed sensus est planus: dicit enim Deus se non tantum missurum filium suum ut Israel ad se traducat, ut ante mittebat, sed

ut omnes etiam gentes ad se convertat, ut docet D. Ioannes xii. 32. *Christum mortuum esse pro gente, & non tantum pro gente, sed etiam ut filios qui erant dispersi congregaret, id est gentes*. Quomodo ergo dicit se non esse missum, nisi ad oves quas perierunt domus Israel: Matth. xv. 24. id intelligitur, primum non esse missum nisi ad illos, quia illis promissiones factae fuerant, ut Paulus & Barnabas dicunt, Act. xiii. 46. *Vobis oportebat primum loqui verbum Dei: sed quia repulisti illud, & indignos vos indicatis aeterna vitae, ecce convertimur ad gentes*. ET FAECES ISRAEL: פְּסָלִים, everfiones, ruinas Israel, id est peccatores. Chaldaei בְּרָמָה, captivitatē. Septuag. τὴν διασπορὰν Ἰσραὴλ.

V. 7. HAEC DICIT DOMINUS, &c. AD CONTEMPTIBILEM ANIMAM, id est ad populum afflictū & abiecti animi. ET AD ABOMINABILEM GENTEM, id est, ad Israelitas, qui servitute oppressi apud omnes nationes in opprobrio sunt. AD SERVUM DOMINORUM, id est ad Iacob, ad populum Israel, qui captivus diversis dominis servire cogitur. REGES VIDEBUNT. Haec est consolatio populi, cuius miseria defcripsit. Reges (quibus nunc servitis) videbunt liberationem vestram, & admirabuntur, adorabuntque Deum.) ET CONSURGENT PRINCIPES, ET ADORABUNT (Deum) PROPTER DOMINUM, QUIA FIDELIS EST; id est, adorabunt Deum propter eius fidelitatem, videntes fecisse quae populo suo promiserat. ET (propter) SANCTUM ISRAEL, id est propter Deum Israelis, QUI ELEGIT TE. Saepe diximus, Sancti nomen absolute positum Deum plerumque significare.

V. 8. IN TEMPORE PLACITI EXAUDIVI TE. De Christo hic locus intelligitur, qui ab initio huius capitis loquitur, quamquam D. Paulus propter communicationem idiomatum, quae, ut supra diximus, inter Christum & Ecclesiam saepe fit, aliquando de ipso Christo interpretari videatur, ut Heb. v. 7. *Qui in diebus carnis suae, precibus, supplicationesque ad eum qui possit illum salvum facere a morte, cum clamore valido, & lacrymis offerens exauditus est pro sua reverentia*: aliquando de Ecclesia, ut II. Cor. vi. 1. *Adiuvantes autem exhortamur, ne in vacuum gratiam Dei recipiatis: ait enim, Tempore accepto exaudivi te, &*

in die salutis adiuvi te. AUXILIATUS SUM TUI, pro, auxiliator fui tui. ET DEDIT IN FOEDUS. Hoc non potest nisi de Christo intelligi, in quo fœdus absolutum fuit, & in quo omnes promissiones fuerunt Amen Deo: II. Cor. I. 20. UTSUSCITARES TERRAM, id est mundum a peccatis in quibus iacebat, relevares. ET POSSEDERES HEREDITATES DISPATAS, id est ut quæres, & saluum faceres quod peccerat: Luc. XIX. 10.

V. 9. UT DICERES IIS QUI VINCTI SUNT, EXITE; id est, qui solo verbo eos qui peccatorum vinculis obstricti tenebantur, liberares: ut Matth. IX. 2. Confide, filii, remittuntur tibi peccata tua: & Mar. II. 5. & Luc. v. 20. Potest etiam intelligi de liberatione eorum qui in limbo erant: ut illud Zachar. IX. 11. Tu quoque in sanguine testamenti tui emisisti vinctos tuos & lacu, in quo non est aqua. ET QUI IN TENEBRIS ILLUMINAMINI; id est, ut illuminares omnem hominem venientem in hunc mundum: Ioan. I. 9. Ut illumines iis, qui in tenebris, & umbra mortis sedent, & dirigas pedes eorum in viam pacis: Luc. I. 79. Duo Christi officia hic indicantur, redemptoris & doctoris. SUPER VIAS PASCENTUR, ET IN OMNIBUS PLANIS, id est in omni plano loco. Vel, דרכים, in fastigiis montium. Neque in viis, quia pedibus teruntur, neque in verticibus montium, quia aridi sunt, pascua esse solent. Significat ergo etiam in locis aridissimis pascua illis futura esse, qui per Christum liberabuntur. Quæ non ad verbum, sed mystice sunt intelligenda, nempe divinam gratiam, qua homines a Christo pastore bono pascuntur, in rebus maxime duris & adversis non desuturam.

V. 10. NON ESURIENT NEQUESTIENT, id est nihil illis deerit, persequitur eandem sententiam. NON PERCUTIET EOS AESTUS; id est, sicut olim interposita nube fecit Deus, ut filii Israel a Pharaone liberati soli non urerentur: Exod. XIII. 21. ita faciet, ut qui a Diaboli potestate liberati fuerint, a tentationibus non urantur aut superentur. QUIA MISERATOR EORUM REGET EOS: hypallage, pro, qui regite eos, miserebitur eorum. ET AD FONTES AQUARUM POTABIT: יְהַלִּילֵם, deducet eos. Qui enim credit in eum, sicut dicit Scriptura, flumina de ventre eius fluent aqua viva:

Bib. Sac. Tom. XVII.

Ioan. VII. 38. Et qui biberit ex aqua, quam ille dabit, non sitiet in æternum: Ioan. VI. 13. Simile est illud Psal. XXII. 1. Dominus regit me, & nihil mihi deerit, in loco pascue ibi me collocavit. Super aquam resurrectionis educavit me.

V. 11. ET PONAM OMNES MONTES MEOS IN VIAM; id est, montes quos ego feci, explanabo, ut omnes gentes ad Ecclesiam planissima via venire possint; tollam omnia impedimenta, explicabo omnia illa mysteria, quæ ante intelligere non poterant. ET SEMITAE MEAE EXALTABUNTUR; id est, exaggerabuntur, ut ab omnibus conspici possint, neque quisquam aberret, sicut a via quæ lapidibus strata est, nemo deerrare potest.

V. 12. ECCE ISTI DE LONGE. Utitur distributione, quia declarat gentes ab omnibus terræ partibus ad Ecclesiam venturas, quod similibus verbis Christus dicit Matth. VIII. 11. Multi ab oriente & occidentem venient, & recumbent cum Abraham & Isaac & Jacob in regno calorum. DE TERRA AUSTRALI. Hebr. דִּם־צָפוֹן, de terra Sinis, vel, ut alii legunt, de terra, דִּם־סִין, Sinis, quam interpretantur Syriam urbem Aegypti. Chaldaus vertit, de terra Australi, sicut nos Interpret. Septuag. vero in ἡνὶ Περσῶν.

V. 13. EXULTATE: פְּרוּ, exultabitis; sicut, CONSOLATUS ET, פְּרוּ, consolabitur. Utitur prosopopeia, ut rem ante oculos ponat, magisque confirmet.

V. 14. ET DIXIT SION; id est, cum ego liberationem illi promittam, illa contrario dicit se a me derelictam, meque oblitum sui.

V. 15. ET SI ILLAE: הַמָּתֵר, ha matres, mutato numero. Singularem providentiam erga suos declarat hoc exemplo.

V. 16. ECCE IN MANIBUS MEIS. Probat se non posse oblivisci, quia in manibus suis descriptam gerit: solemus enim quod semper recordari volumus, in manibus scribere, ut Deut. VI. 8. Et ligabis ea, quasi signum in manu tua. ET MURI TUI CORAM OCULIS MEIS: חָזַרְתִּי, coram me; id est, semper recordor murorum tuorum. Mystice, per Sion intelligit Ecclesiam, per muros, leges quibus conservatur & regitur, ne porta inferi prevaleant adversus eam: Matth. XVI. 18.

V. 17. VENERUNT STRUCTORES TUI; S C id

id est, veniant qui te aedificent Apostoli. Heb. סורו, *sestinaunt*. DESTRUENTES ET DISSIPANTES; id est, qui te prius destruebant Pharisei & haeretici a te discedent.

V. 18. LEVATO IN CIRCUITU OCULOS TUOS. Hac phrasi solet attentio & expectatio excitari, sicut de Abrahamo, qui Ecclesiae figura erat: Genesi. xv. 5. *Suspice calum, & numera stellas, si potes, sic eris semen tuum*: & Iacob Genesi. xxxi. 12. *Leva oculos tuos, & vide omnes masculos ascendentes super feminas, varias, maculosos atque vesperos*: & rursus Abrahamo Genesi. xiii. 14. *Leva oculos tuos, & vide a loco in quo nunc es, ad Aquilonem, & Meridiem, ad orientem, & occidentem, omnem terram, quam conspicias, tibi dabo*: & Luc. xxi. 28. *Respiciite, & levate capita vestra, quoniam appropinquat redemptio vestra*. OMNES ISTI CONGREGATI SUNT. Præter, pro fut. id est, omnes gentes, quas ubique terrarum vides, ad te confluent, id est ad Ecclesiam, *Ut sis unum ovile, & unus pastor*: Ioan. xi. 16. OMNIBUS HIS VELUT ORNAMENTO VESTIERIS. Vocat gentes Ecclesiae ornamenta, quæ Iudæorum populo quasi corpori accesserunt. ET CIRCUMDABIS EOS: חֲשִׁים, sicut torquem circumdabis eos tibi.

V. 19. DESERTA TUA, id est loca quæ habitatoribus vacua erant. ET TERRA RUINAE TUAE; id est, terra tua vastata ac destructa, NUNC ANGUSTA ERUNT PRÆ HABITATORIBUS, id est præ multitudine Christianorum. ET LONGE FUOABUNTUR tyranni, qui te affligebant.

V. 20. ADHUC, id est etiam postquam Ecclesia dilatata fuerit. DICENT IN AUDIBUS TUIS, id est te audiente. FILII STERILITATIS TUAE, id est quos peperisti, cum prius sterilis esses: *Quoniam multi filii deserta maris, quam eius quæ habebat virum*: ut ait inf. cap. liv. 1. Et sterilis peperisti plurimos, & quæ multos habebat filios informata est: L. Reg. ii. 5.

V. 21. ET DICES IN CORDE TUO. Significat fore ut Ecclesia Iudæorum miretur, unde illi tanta filiorum, id est gentium multitudo nata fuerit, cum ipsa eos non pepererit. Quæsitio autem hæc sic explicatur a D. Paulo Rom. ix. 8. *Non qui filii carnis, hi filii Dei: sed qui filii sunt promissionis astimamur in semine*. Non genuit ergo Ec-

clesia Iudæorum gentiles carne, sed genuit ex aqua & Spiritu sancto.

V. 22. LEVABO AD GENTES MANUM MEAM. Levare manum aliquando significat iurare, aliquando minari, aliquando percutere, aliquando dare signum ad vocandum, ut hoc loco, ubi de vocazione gentium agi manifestum est, & quod dicit, *Levabo manum*, statim explicat, *EXALTABO SIGNUM*; id est, tollam signum aut vexillum meum, ut ab omnibus conspiciatur. Signum autem est Evangelii prædicatio quæ ubique auditur, *Virtus enim Dei est in salutem omni credenti*: Rom. i. 16. virtus autem per manum significatur. ET AFFERENT FILIOS TUOS IN ULNIS; id est, afferent infantes suos, futuros filios tuos per baptismum, ut abs te baptizentur: prædicatur quod postea, ut Aug. ait, in Ecclesia factitatum fuisse videmus, ut matres cum infantibus ad Ecclesiam currenter.

V. 23. ET ERUNT REGES NUTRITII TUI; id est, reges qui prius carnifices tui erant occidentes eos qui Christiani fiebant, suscepto Evangelio sicut nutritii tui; id est, fovebant ac defendent Christianos filios tuos, quod in Constantino, Theodosio, aliisque Christianis regibus factum videmus. Potest etiam sic intelligi, *Erunt nutritii tui*, nutriant te suis facultatibus, quod omnes reges, Gallie vero maxime fecerunt, quos nunc Ecclesia אֲרֻמֵּי הַמִּלְכָּה וְהַמִּלְכָּה, *regum co-*rum, id est, uxores eorum erunt nutritrices tuæ. VULTU IN TERRAM DEMISSO. Hoc proprie de penitentia intelligitur, quam reges ipsi ad pedes sacerdotum prostrati petunt ab Ecclesia. SUPER QUO NON CONFUNDENTUR; id est, non fallentur sua spe qui confidunt in eo. Hebraismus sic esset Latine resolvendus: Ego Dominus in quo qui confidunt, non pudebunt.

V. 24. NUMQUID TOLLETUR A FORTI PRAEDA? Significat neminem sibi crepturum prædam, id est eos quos prædestinavit, & a Diabolo tamquam prædam abstulit, quia fortis & robustus est, ut Christus ait Ioan. x. 27. 28. *Oves meae vocem meam audiunt, & ego cognosco eas, & sequuntur me, & ego vitam æternam do eis, & non peribunt in æternum, & non eripies eas quisquam de manu mea*. Itaque non vocat fortem Diabolum, ut multi putant, sed

S A.

sed generaliter omnem fortem, neque prædam quam ab eo Diabolus ceperit. Sed alio loco dicitur captivam duxisse captivitatem: Psal. LXVII. 19. & Ephes. IV. 8. Sed vocat prædam quicquid a quovis captum sit. Argumentatur enim tacite ad hunc modum: Nemo tollere potest a forti prædam; ego sum fortis, nemo igitur meam prædam a me tollit. Addit confirmationem versu sequenti. Eilo, a forti aliquid tollat, tamen a me, qui omnium fortissimus sum, nemo tollit. Sicut de muliere supra dixit, vers. 15. *Numquid potest oblivisci mulier infantem suum*: etsi illa oblita fuerit, ego tamen non obliviscar. AUT QUOD CAPTUM EST A ROBUSTO. Nunc Hebræi legunt, *פָּרַדָּה*, a *iusto*, quod vix sensum habere potest. Credo ego hunc locum sicut multos alios, corruptum esse apud Hebræos, legendumque esse, *פָּרַדָּה*, a *robusto*. Primum quia sensus magis coheret: est enim repetitio verborum precedentium. Itaque quem prius fortem vocaverat, nunc robustum appellat. Deinde quia versu sequenti, ubi eadem sententia repetitur; non legitur, *פָּרַדָּה*, sed, *פָּרַדָּה*, *robustus*. Præterea quia manifestum ex eius versione, nostrum Interpretem ita legisse, quamquam non ignoro & Septuag. & Chaldaicum Paraphrastem, & D. Hieronymum legisse aliter. Denique quatuor litterarum similitudo facile potuit errorem inducere.

V. 25. ET CAPTIVITAS A FORTI TOLLITUR. Oratio absoluta vim habens conditionalis, quod apud Hebræos usitatum est; quasi dicat: Etiam si captivitas a forti, id est quod fortis ceperat, tollatur, & quod ablatum fuerat a robusto, salvetur, tamen inimicos tuos nemo de meis manibus eripiet, aut impedit quominus eos indicem. *Negue filios tuos*, id est prædestinatos quicquam mihi tollit, quominus salvem eos.

V. 26. ET CIBABO HOSTES TUOS CARNIBUS SUIS; id est, ita affligam obsidione, ut humanis carnibus vesci, & humanum sanguinem potare cogantur: quod in obsidione Ierosolymitana sub Vespasiano factum legitur: vel mystice, efficiam ut hostes tui ipsi se inter se conficiant, quod quotidie accedit hæreticis: bellum enim hæreticorum, ut Aug. dixit, pax est Ecclesie.

Vers. 1. **A**UDITE. Chald. *obedite*. VOCAVIT, scilicet nomine IESU.

V. 2. OS MEUM. Chald. *verba in ore meo*. GLADIUM, scilicet verbum Dei penetrabilis omni gladio. SAGITTAM. Gladio vicini caduntur, sagitta remoti, scilicet prædicatum est Iudæis & Gentibus. ABSCONDIT, scilicet quoad mitteret in mundum, continuat in sinu Filium Pater. Chrysost. In corporis pharetra abscondita Divinitas.

V. 3. SERVUS, scilicet propter formam servi. ISRAEL, & Christus Israelita.

V. 4. IN VACUUM, scilicet pauci Christo obediunt, paucique salvantur. CONSUMPSIT, scilicet moriendo. IUDICIUM, id est iustitia, seu meritum. CUM DOMINO. LXX. *apud Dominum*. Chald. *manifestum coram Domino*. OPUS. Chald. *merces operum meorum*. LXX. *labor*. CUM DEO. Chald. & LXX. *coram Deo*.

V. 5. NON, Hebræi legunt *ei*, etsi Hebræi non dicunt enim esse *אֵל* pro *יְהוָה*, ut interdum solet, & alibi notavimus.

V. 6. DIXIT, scilicet Deus. SUSCITANDAS, scilicet ad vitam gratiæ. FAECES. Chald. *captivitatem*. LXX. *dispersionem*.

V. 7. SANCTUS, id est sancte colendus, & sanctitatis auctor. CONTEMPTIBILEM ANIMAM, scilicet mundi iudicio. LXX. *despicientem animam suam*. ABOMINATAM GENTEM. LXX. *qui abominationi habetur a gentibus*. DOMINORUM. LXX. *principum*. VIDEBUNT, scilicet tuam dignitatem. CONSURGENT, id est assurgent, scilicet honoris causa. ADORABUNT, scilicet te venerabuntur: vel Christi Divinitas intelligitur, ad quem hæc quidam referunt.

V. 8. PLACUIT, id est beneplaciti, seu quo mihi placuit. LXX. *opportuno*. Paulus II. Corinth. VI. *verit accepto*. EXAUDIVI; pro, exaudiam. *Exauditus est pro sua reverentia*. FOEDUS, id est fœderis prædicationem, seu confirmationem, aut renovationem. SUSCITARES. LXX. *constituere*, scilicet bono statu. TERRAM, id est homines in terra habitantes. Chald. *incolas*, qui iacent in pulvere. DISSIPATAS. Chald. *desolatas*. LXX. *desertas*.

V. 9. REVELAMINI, id est in lucem prodite,

S f 2

dite, seu apparet. **SUPER**, id est iuxta, scilicet conspicue. **PLANIS**; quasi dicat, Locis commodis.

V. 11. IN VIAM, quasi dicat, Reddam planos, iuxta illud: *Et asperas in vias planas*. **SEMITAE**, scilicet depressae. **EXALTABUNTUR**, scilicet, ad commoditatem viarum; quasi dicat: Tollam impedimenta ad me veniendi.

V. 12. LONGE, id est Oriente. **MARI**, id est Occidente. **AUSTRALI**, scilicet Medie.

V. 13. CONSOLATUS, scilicet misso Filio, vel adveniens Filius.

V. 14. DIXIT, scilicet ante Christi adventum, videns differri tamdiu. **SION**, id est fidelium congregatio, vel Iudaei.

V. 16. IN MANIBUS; pro, velut in manibus ne possim oblivisci. **MURI**, id est civitas, scilicet quam statui defendere, nempe Ecclesia.

V. 17. STRUCTORES, id est qui te aedificant, scilicet Apostoli. **EXTIBUNT**, scilicet eieci.

V. 18. VIDE, scilicet conversam gentilitatem.

V. 19. ABSORBEbant, id est perdebant.

V. 20. STERILITATIS. Chald. *transmigrationis*.

V. 22. SIONUM, id est vexillum, scilicet praedicationis Evangelice. **PORTABUNT**. Fit hoc Reliquiis Sanctorum.

V. 23. PULVEREM PEDUM, &c. quasi dicat, Sequae ad pedes tuos decipient. Fit hoc, cum Pontificis pedes fideles osculantur. Vide inf. cap. LX.

V. 24. NUMQUID, &c. quasi dicat: Faciet Deus quod videtur impossibile, scilicet ut tollatur a diabolo praeda.

V. 26. CARNIBUS SUI; quasi dicat: Edent carnes proprias pro fame. **CARO**, id est homo.

E S T I I.

Vers 1. AUDITE INSULAE, ET AT-
2. TENDITE POPULI DE LONGE. DOMINUS AB UTERO VOCAVIT ME, DE VENTRE MATRIS MEAE RECORDATUS EST NOMINIS MEI, &c. Ecclesia quidem hanc sententiam cum verbis aliquot sequentibus accommodat. B. Joanni Baptista, in officio Missae festi eius; & possunt haec ver-

ba de eo aliquo modo intelligi: nam ab utero vocatus est, immo in utero matris sanctificatus, & de ventre matris eius Deus recordatus est nominis eius, quia nomen ei imponi iussit, antequam nasceretur, immo antequam conciperetur, *Et posuit os eius quasi gladium acutum*, quia liberrime increpavit vitia hominum etiam Phariseorum dicens: *Gemmima viperarum*. Sed tamen ad litteram, & proprie, haec de Christo ipso intelligenda sunt; & de eo valde inusitatum prophetiam continent; ut ex sequentibus patet, maxime ex eo quod paulo post vers. 6. ait sibi dictum esse: *Dedit te in lucem gentium, ut sis salus mea usque ad extremam terram*: quod Paulus quoque de Christo aperte interpretatur Act. XIII. Accommodando ergo haec omnia Christo, quod dicitur, *Dominus de utero vocavit me, de ventre matris meae recordatus est nominis mei*, ex Evangelio Lucae 1. satis intelligitur, ubi per angelum Gabrielem, nomen Salvatoris nostri, etiam ante conceptum intimatur, his verbis: *Et vocabis nomen eius Iesum*. Quod autem sequitur *ET POSUIT OS MEUM QUASI GLADIUM ACUTUM*, declarat nobis vehementiam, & energiam praedicationis Christi, quae non obstante quacumque animorum duritia, efficax fuit in convertendis iis, qui ad vitam erant praedestinati, ut patuit in primis in Saulo. Idem significatur per id, quod sequitur: *ET POSUIT ME QUASI SAGITTAM ELECTAM*; quasi dicat, praestantissimam, quae maxime penetret. Unde & Psal. XLIV. de Christo dicitur: *Sagitta tua acuta in corda inimicorum regis*, id est tuorum, pharisi Hebraei. Et de Apostolis Psal. CXXVI. *Sicut sagitta in manu potentis, ita filii excussorum*. In manu potentis, id est in manu viri robusti & validi.

V. 4. ET EGO DIXI: IN VACUUM LABORAVI, SINE CAUSA ET VANE: FORTITUDINEM MEAM CONSUMPSI. Et vers. sequ. **UT REDUCAM IACOB AD EUM, ET ISRAEL NON CONGREGABITUR.** Fictio rhetorica est, qua introducit Propheta Christum filium quasi conquerentem & expostulantem cum Patre, & Patrem respondentem; consolantem, & pacantem filium promissione conversionis gentium. Et quia tamen dici non potest, quod Christus frustra laboravit, ne quidem respectu Iudeorum; tum quia Christus omnium conversionem vere non intendit,

die, sed tantum eorum quos efficaciter convertere voluit, qui principaliter sunt electi. Nam & Paulus ait II. Tim. II. *Omnia sustineo propter electos, ut salvi fiant*; tum quia opus predicationis Christi apud eos, qui non erant convertendi, usum suum tamen habuit; vel quia erat futurum hoc illis in testimonium in die iudicii; vel quia ad consolationem nostram id fecit; ut videlicet predicatorum Evangelii non nimium dolerent, & animum abicerent, si semen ab illis proiectum aliquando viderent in animis audientium non fructificare. Quam ratione & Iudam frem in familia sua tolerare voluit, tum sciens, quid per eum boni esset facturus; tum ut nos doceret & imoneret, tales quoque interdum tolerare.

MARIANA E.

vers. 1. **A**UDITE INSULAE. Hoc capit de Christo intelligi, testimonia ex eo allata in Act. II. ad Corinth. & Apoc. ostendunt; sed & de liberatione & captivitate Babylonica pleraque dicuntur. DOMINUS AB UTERO, scilicet Virginis, Christum, aut Isaia a conceptu. RECORDATUS EST NOMINIS MEI. Heb. *memoravit nomen meum*; id est, mihi nomen imposuit, me nomine meo nominavit.

V. 2. ET POSUIT OS MEUM QUASI GLADIUM. Sermo Dei est penetrabilior omni gladio accipiti. IN UMBRA MANU SUAE, id est potentia, quam manus *umbram* vocat: sumpta ab iis metaphora, quae contra solent manu velum praeferunt. SAGITTAM ELECTAM. Heb. *versam & mentam*. Gladio cominus pugnatur, sagittis eminus. IN PHARETRA SUA ABSCONDIT ME; pro, repositus in pharetra, ut suo tempore meis verbis hostes feriat.

V. 3. SERVUS MEUS ES TU ISRAEL: Christus sic vocatur, quod ex ea gente esset: Isaia etiam. QUIA; pro, certe. IN TE GLORIABOR. Hec gloria sunt servi boni.

V. 4. IN VACUUM LABORAVI. Inutiliter fuerunt labores mei. Id Christus aut Isaia dicit, pauci mihi crediderunt. ERGO IUDICIUM MEUM CUM DOMINO, id est mercedem operis mei & laboris a Deo expectabo. Deo me & mea committo. ERGO. Heb. *vire*.

V. 5. ET ISRAEL NON CONGREGABITUR; id est non obedivit verbis meis. Pro *non*, id est *non*, quod est in textu, quod Hieronymus est secutus, in margine ponitur *non*, id est *ipsi*, hac sententia: *Israel ipsi*, scilicet Deo *congregabitur*, quod non esse Iudaeorum commentum, Septuag. & Chald. indicant, affirmative locum vertentes, & sine negatione. ET GLORIFICATUS, sive *honoratus* sum. IN OCULIS DOMINI, coram Domino. Honor in eo est, quod me ad tantum opus elegit, populum convertendi.

V. 6. ET FAECES ISRAEL CONVERTENDAS. Parum est ut id facias. Septuag. *dispersionem*. Chald. *captivitatem Israel*, id est captivos. Heb. *servatos seu residuos Israel convertendos*. Eos, quia pauci & abiecti erant, Hieronymus vocat *faeces*. ECCE DEDI TE IN LUCEM GENTIUM, UT SIS SALUS MEA, id est salutem a me datam omnibus conferas. USQUE AD EXTREMUM TERRAE. Hoc non fecit Isaia, sed Christus, & de Christo Isaia verba ubique sunt suscepta.

V. 7. AD SERVUM DOMINORUM, id est ad populum Israel, qui nunc servit in captivitate, quem contemptibilem animam vocat, quod contemptum esset inter gentes: hac Dominus dicit. ET CONSURGENT PRINCIPES. Sic solemus coram maioribus. ET ADORABUNT TE, quem contemnebant. Hoc etiam per Christum est factum, cum cum & Apostolos, qui erant ex Iudaeorum gente, Reges suscepit, & venerati sunt.

V. 8. IN TEMPORE PLACITO, id est quod mihi placuit, quod designavi & defini. EXAUDIVI TE; pro, exaudiam preces, scilicet tuas pro populo effusas. IN DIE SALUTIS, scilicet quo dare illi salutem constitui. ET DEDI TE IN FOEDUS POPULI; id est, te arbitro foedus cum populo iungam. UT SUSCITARES TERRAM: ut suscites, inflatres, quae nunc est vastata. ET POSSEDERES HEREDITATES DISSIPATAS, desolatas, scilicet ab hostibus mudatas incolis.

V. 9. UT DICERES, ut dicas victis, id est qui captivi tenentur, exite, sitis liberi. ET HIS, QUI IN TENEBRIS, id est in carcere. REVEI AMINI, manifestate vos, prodite in publicum. SUPER VIAS PASCENTUR: invisi; ubique pascua erunt. ET IN OMNIBUS PLANIS. Heb. *in verticibus*, ubi non solent esse herbae ob locorum ariditatem;

tem, ibi pascentur, rebus mutatis. De populo ut de grege loquitur, quem in patriam restituet sublati vix difficultatibus.

V. 10. REGET EOS. Hebr. *deducet eos*. POTABIT EOS. Hebr. & Sepuag. *ducat*. Regia, *portabit*, scilicet Deus.

V. 11. OMNES MONTES MEOS IN VIAM, id est complanabo eos. ET SEMITAE MEAE, id est valles exaltabuntur, implebuntur, ut via plana maneat. Omnis vallis implebitur.

V. 12. ECCE ISTI DE LONGE, id est ab Ortu: quae regiones longissime distant. ET MART, id est ab Occasu. DE TERRA AUSTRALI. Hebr. *de Sinis*: sed mons Sina, & gens ab eo dicta ad Austrum erat. Ergo significat ab omnibus terrae plagis venturos sive Iudaeos, sive in commune fideles.

V. 14. DIXIT SION, scilicet ante in afflictione posita, dereliquit me. Dominus.

V. 16. IN MANIBUS MEIS DESCRIPSI TE. In: nullo tuum nomen incisum gero. Quod amantium est. Si dicas, quomodo ergo urbs destructa iacet? Respondet: MUTUORAM OCULOS MEIS, scilicet ut eos insatium semper cogito.

V. 17. VENERUNT, pro, venient. STRUCTORES TUI, qui muros aedificent tuos, praesto erunt. DESTRUENTES TE... EXIBUNT; id est, procul recedent. Babylonii, qui eos muros everterunt.

V. 18. OMNES ISTI CONGREGATI SUNT; id est, gentes. variæ se adiunxerunt Iudaeis, cum redierunt e captivitate; vel omnes gentes Christo. VENERUNT TIBI, id est ad te. ORNAMENTO VESTIERIS. Vestis praclaræ instar erunt tibi illæ gentes, quæ ad te confluent. ET CIRCUMDABIS TIRIOS. Hebr. *ligabis*, scilicet ut monile sponset. Tibi decori erunt.

V. 19. DESERTA TUA. Tanta erit confluentium multitudo, ut deserta tua & solitudines oppidæque everfa impleant, & angusta omnia videntur, nec poterunt tam multos capere. QUI ABSORBEANT TE, id est hostes tui procul absint.

V. 20. FILII STERILITATIS TUAE, id est adoptivi. Gentes, quæ adiungant se, filios vocat sterilitatis, quoniam ob sterilitatem solent filii adoptari. EAC SPATIUM MIHI. Sic Chald. Sept. *fac locum mihi*. Hebr. *accende mihi*, id est cede mihi, scilicet locum, ubi habitem. Id gentes dicunt adventitiae.

V. 21. DICES IN CORDE TUO, oppressa quamvis & gravata tanta multitudine, ore non audebis repugnare, tantum in corde tuo apud te *Dices*, id est cogitabis, unde mihi tam multi filii? NON PARTIENS. Hebr. *solitaria*, scilicet efficta propter ætatem. EGO DESTITUTA ET SOLA. Hebr. *captiva & remota*, scilicet a patria exul. ISTI UBE ERANT? Hebr. *isti unde ipsi*, pro, sunt? se captivam & exulem vocat, quod filii essent captivi & exules. Propterea addit:

V. 22. ECCE LEVABO AD GENTES MANUM, ut scilicet vocem eas. SIGNUM MEUM, vexillum erigam, ad quod populi vocati concurrant. FILIOS TUOS e captivitate & exilio portabunt. IN ULNIS, sive in sinu, sive in brachio, pro, in brachiis: id vox *horem* significat. ET FILIAS TUAS SUPER HUMEROS PORTABUNT, seu portabuntur filiae super humerum, id est in lecticis, quoniam teneriores sunt, & ob honestatem.

V. 23. ET REGINAE NUTRICES TUAS. Hebr. *lactatrices*. ET PULVEREM PEDUM TUORUM LINGENT, pedes deosculabuntur. NON CONFUNDENTUR: non pudeant expectantes me, opere implebo quæ promissi omnia.

V. 24. QUOD CAPTUM FUERIT A ROUSTO. Hebr. *est captivitas iusti liberabitur*, id est quod in bello iusto capitur: quasi dicat: Hoc inter homines non fit, ego faciam tamen.

V. 25. SALVABITUR, liberabitur. EOS VERO, QUI IUDICAVERUNT TE, EGO IUDICABO. Hebr. *licet tuam ego litigabo*.

V. 26. CIBARO HOSTES TUOS. Hebr. *spoliantes, opprimentes te*. CARNIBUS suis, id est ad summam inopiam redigam, & famem: vel faciam, ut inter eos maxima sit laetitia. Occident homines, aut ipsimet, aut hostes magno numero. Id est devorare carnes suas, & sanguine suo inebriari.

M A L V E N D A E.

Verf. r. AUDITE INSULAE, &c. Alii ex Hebr. *Auscultate, insulae*, ad me. Cum Propheta inquit, inde a cap. xi. duos consolationis locos explicans sibi proposuerit, unum de reversione Iudaeorum ex captivitate Babylonica; alterum,

rum de instauratione Ecclesie per Christum; nunc demum incipit speciatim hunc secundum locum exponere, & in eo argu-mento pergit ad finem usque prophetie. Hoc autem caput quoddam est veluti præfatio, ac potius summum argumentum eorum, quæ sequuntur, omnium: nam primum Christus per Prophetam omnes nationes vocans, sibi conciliat auctoritatem a narratione vocationis suæ, sex prioribus versibus; deinde promissiones sibi & Ecclesie factas, ad finem usque capitis: in quibus argumentis duobus tota prophetia reliqua consumitur usque ad finem libri. At in vocatione quidem explicatur vocatio Christi a Deo Patre ad sanctam illam functionem mediatoris inter Deum, & Ecclesiam ipsius, duobus versibus: deinde ostenditur ex quibus Ecclesia sit vocanda per Christum, versibus quatuor. ET ATTEN-DATE POPULI DE LONGE. Quidam: & attendite nationes & longinquo; id est, quamvis longe abistis usque ad extremas oras terræ; quasi dicat, Remotissimæ quæque nationes. DOMINUS AB UTERO VOCAVIT ME. Alii: Iehova inde ab utero vocaverat me; id est, vocavit ab æterno, ac proinde iam vocaverat cum in utero matris conciperet. Est enim Christus semen illud benedictum, in quo salus ab æterno constitit Ecclesie, & promissiones salutis factæ sunt, Galat. 11. 26. idque ex vocatione Dei Patris, Hebræor. v. 4. & 5. DE VENTRE MATRIS MEÆ RECORDATUS EST NOMINIS MEI. Heb. & de visceribus, in terra-
neis, matris meæ recordari fecit nomen meum. Alii: I. & memoravit, seu memorata fecit no-
men meum, vel commemoravit nomen meum. II. memoriam constituerat nominis mei. Quidam exponunt: In visceribus matris meæ memora-
vit nomen meum; id est, indidit mihi no-
men, Matthæi 1. 21. Alii: antequam ex
utero matris in hanc lucem prodirem; commendavit honorifice, prædicavit, cele-
bre & gloriosum effecit nomen meum, ut
supra cap. XLVIII. 2.

V. 2. ET POSUIT OS MEUM QUASI GLADIUM ACUTUM, &c. Alii: Et dispo-
suit os meum veluti gladium acutum, &c.
id est, armavit me verbo suo efficacissimo
& penetrantissimo, quod cum gladio &
sagitta acutissima comparatur, adiunctis
promissionibus de defensione mei, & mi-
nistrii; vide Ephesior. vi. 17. Hebræor.

1v. 12. & Apocalyp. 1. 7. ET POSUIT ME
SICUT SAGITTAM ELECTAM. Alii: &
disposuit me in sagittam expurgatam, ex-
tersam, nitidam, limpidam, purificatam,
clarificatam: ut Psalm. XLIV. 6. Gladio vi-
ciosos fecimus, & remotos: sic Christus &
Iudæos proximos, & gentes remotas ver-
bo Dei percussit.

V. 3. ET DIXIT MIHI: SERVUS MEUS
ES TU. Alii: Dixerat mihi: Servus meus
es; ut supra XLII. 1. ISRAEL QUITA IN TE
GLORIFICABOR, vel gloriabor. Accentus
Athenach perspicue dispescit vocem Israel a
superioribus, sequentibus annectit. Quidam
Hebræa reddunt: Israel, qui in te glorifi-
cabor; vel Israel, certe in te glorificabor.
Heb. ex verbo habent: Israel, quod, vel
quod in te, decorabor, ornabor, glorificabor.
Aliqui exponunt: Israel est, de quo per te
gloriaturus sum; id est, iudeo te primum
Israëli proponere verbum gloriosum meum,
& in Iudæis primum gloriam meam ex-
plicare; ut Matth. x. 6. 24. Actor. XIII.
46. & XXVIII. 25. & sequentibus.

V. 4. IN VACUUM LABORAVI, SINE
CAUSA ET VANE FORTITUDINEM MEAM
CONSUMPSI. Alii ex Heb. 1. Frustra la-
boravi, inutiliter ac temere virtutem meam
consumpsi. II. Frustra laboro, ad inanita-
tem & vanitatem, seu inanis & vane
vires meas consumo; id est, non audit,
neque accipit verbum Israëli: paucissimi ex
Israëlitis credunt. ERGO IUDICIUM MEUM
CUM DOMINO, ET OPUS MEUM CUM
DEO MEO. Exponunt: Certe vellem cum
Deo iudicio contendere, & opus meæ præ-
dicationis illi approbare: per me non ste-
tisse, quin omnem operam & studium meæ
administrationi adhibuerim, ut Iudæos ad
fidem adducerem, quod tamen ipsi renue-
runt. I. verumtamen iudicium meum cum
Iehova: vel ius meum, id est præmium,
& opus meum, vel merces operis mei,
cum Deo meo, sive apud Deum meum;
quasi dicat: Quamvis pauci sint credituri
mihi, tamen officio meo fungar, & labo-
ris mei præmium a te expectabo, Pater.
II. Forsterus, & Forerius, certe conditio
mea, seu status meus, a Iehova, & opus
meum a Deo meo; quasi dicat: Non est
quod quiquam existimet, ideo me fru-
stra laborasse, quod non missus venerim,
aut scus quam oportet rem tractarim, in
aliquove deliquerim; certe conditio mea,
status;

status, studia, actiones omnes a Patre meo disposita, & ordinata fuisse, ut nec latum unquam unquam aberraverim. III. Tremellius, & Iunius: *verumtamen officium meum penes Iehovam est, & opus meum penes Deum meum*. Amplificatio indignitatis a testimonio conscientiae, & Dei ipsius in conscientia: Ego, inquit Christus, totas vires consumpsi in Iehudæis informandis; Deus Pater testis est, & testificatur conscientiae meae, qui solus officium meum, & opus optime cognovit. Nec desunt qui iudicium hic Evangelicum interpretentur, ut supra cap. xlii. 1. & 4. ut etiam, opus.

V. 5. ET NUNC DICIT DOMINUS. Alii: *Nunc autem dicit Iehova*. Videlicet, cum omnibus meis viribus apud Iudæos consumptis, expertus est illorum contumaciam Deus. FORMANS ME EX UTERO SERVUM SIBI. Alii: *qui formaverat me inde ab utero ut serviam ipsi*; id est, aeterno decreto suo comparaverat, ut supra vers. 1. ET ISRAEL NON CONGREGABITUR. Hebraei quia id cedere videbatur in contumeliam ipsorum, quasi numquam reducendi sint ex exiliis, quibus dispersi per mundum fuerunt, annotant hunc locum esse unum de quindecim, in quibus *non* lo cum *Aleph*, id est *non*, accipiendum sit pro *non* lo cum *Vau*: & Israel ipsi congregabitur, vel & Israel ei congregabit sese. Sed proculdubio lectio negativa praefrendenda est. Quidam reddunt: *atque ut Israel non colligatur, tamen glorificabor in oculis Iehovæ*. Alii per parenthesis (*ut Israel non congregabit sese ad ipsum*) vel etiam *si Israel non colligatur ad Dominum, tamen gloriosus ero*, &c. Tremellius, & Iunius: *cum Israel non reciperet se, ad Deum vocantem Iudæos per Evangelium Christi*. ET GLORIFICATUS SUM IN OCVLIS DOMINI, &c. Alii: *quia gloriosus sum in oculis Iehovæ, & Deus meus est robur meum*, id est, quia Pater amat Filium, & omnia tradidit in manus illius: non autem eum contemnit, quod perversi Iudæi faciunt, at proinde non vult ferre ut ministerium Filii sui inutile sit atque inglorium: sicut parabola ostenditur Matth. xxi.

V. 6. ET DIXIT: PARUM EST UT SIS MIHI SERVUS, &c. Hebr. *Et dixit, Levi-sacrus tu de existere tu mihi servus*, &c. Alii: I. *Leve est ut sis mihi servus*. II. *Inhecorum fuit*, id est inhonestum, igno-

miniosum reputatum est, non esse te mihi servum: sic enim propositio *Mem* praefixa infinitivo, sumi solet pro *non*, ut Samuel. xv. 26. & alibi passim. Sed hunc sensum ego minime probō, nam apte instituto non convenit. III. *Dixit, invicem, Levior videris quam ut sis mihi servus*, Iudæis videlicet, ut explicat sequens versus. IV. *Dixit inquam, Leve sit, quod servus meus sis*, &c. Et hic sensus parat, qui est Nostri; quasi dicat: Non adeo magnum est te esse prophetam Iudæorum, ad ampliora te destinavi, &c. Iudæi ut suæ ignominiae velamen obtendant, interrogative legunt: *Num leve est, ut sis mihi servus*, &c. AD SUSCITANDAS TRIBUS IACOB. Hebr. *ad erigendum, statuendum, constituendum, suscitandum, stabiliendum, confirmandum, ratificandum* tribus *Israhakobi*. ET FAECES ISRAELIS CONVERTENDAS. Docte, nam Hebr. *ad reservata, reposita*, id est faeces, quæ in fundo vasis reservantur & desident. Alii: I. & ad reducendas desolationes seu vastitates *Israelis*. II. & ad reducendum, seu restituendum *conservatos, servatos, assertos* *Israelis*. III. & custoditos *Israelis*, seu *Israelitas reducendum*; id est, quos ego singulari studio custodiveram hæcenus, veluti peculium præ omnibus aliis populis, & tamquam pupillam oculi: Deut. xxxiii. 10. ECCE DEDIT IN LUCEM GENTIUM. Alii: I. *Nisi dederō te ut lux sis gentium*. II. Ergo constituo te in lucem gentium. Id est, ut perfundas omnes gentes illustratione tui Evangelii, ut supra cap. xlii. 6. Vide Actor. xiii. 46.

V. 7. HAEC DICIT DOMINUS. Alii: *Sic ait Iehova*, &c. Altera pars capitis, propositio nimirum evangelicarum promissionum, primum erga Christum, usque ad vers. 14. deinde erga Ecclesiam in Christo, inde ad finem usque: quæ duo membra proleptice hoc versu continentur. REDemptor ISRAELIS: seu *vindex Israelis*, id est electorum Dei. AD CONTEMPTIBILEM ANIMAM, AD ABOMINATAM GENTEM, AD SERVUM DOMINORUM. Alii ex Hebr. I. *ad eum, qui contemptus est anima, & qui abominandus est gentibus*, & dominantium est servus. De Christo, cuiusque apostolis accipiunt. II. *ei, quem contemnit anima, seu quisque, quem abominatur gens, servo dominantium*, id est Christo,

sto, quem quisque ex Iudeorum gente spernit, abominatur, ac veluti in durissimam servitutem cogit. Illud *servo dominantium*, exponunt, Iudeorum, videlicet qui sibi dominatum confingebant, etiam in servitute gravissima, & libertatem sibi asserabant, ut Ioann. viii. 33. AD CONTEMPTIBILEM. *מַבְזֵּה* *bezab*, potest esse infinitum, ad contemnere animam, vel animam; id est, ei, qui idoneus est ut eum spernit quavis anima, vel ut eum spernat omnis anima; quasi dicat, Omnium contemptui expositus: vel ad contemnere unitam, per enallagem, id est ad eum, quem contemnit anima cuiusque, id est qui que: vel potest esse *Toar*, vice *Pahul*: ad contemptum anime; vel animo, seu anima; id est, qui est contemptui cuique. AD ABOMINATAM GENTEM. *לִמְתַּגְּבֵּה* *limtagheh*, participium Pihel cum præfixo *Lamed* nota dativi; quod quidam sic resolvunt: ad abominabilem gentis; id est, quem omnis gens abominatur. Alii: ad eum, quem abominatur gens. Et hoc est rectius. Avenarius reddit: contemnti animam, & abominanti gentem. REGES VIDEBUNT, ET CONSURGENT PRINCIPES, &c. Alii ex Hebr. *Reges videntes miracula & gloriam Christi, assurgunt* honoris causa tibi, principesque honorem habentes incurvabunt sese; propter Iehovam, qui fidelis est, id est verax & constans in promissis præstandis, ut I. Corinth. I. 9. sanctum Israelis, qui elegit te.

V. 8. HAEC Dicit DOMINUS. Alii: Sic ait Iehova. Explicatio prioris promissi in Christum, nimirum fore ut in Christo habeatur reconciliatio ex fœdere, hoc verum; remissio peccatorum & liberatio, verum sequente; omnis benedictio depellens mala, & bona conferens, vers. 10. & 11. mirifica electorum ad ipsum concursatio vers. 12. denique rerum creaturarum omnium gratulatio vers. 13. IN TEMPORE PLACITO. *בְּיָמֵינוּ* *ratzon*, beneplaciti, gratia, propensionis animi, acceptationis, bonæ voluntatis, benevolentis, favoris. Quidam: Tempore accepto exaudiam te; id est, in tempore, quo benevolentia & salus Dei promulgata est per Evangelium, II. Coriath. vi. 2. ET SERVAVI TE, ET DEDI TE IN FOEDUS POPULI. Alii: *custodiens te, disponentem te in fœdus populi*; id est, ut sis reconciliatio ex fœdere: sic Daniel. ix. 27. UT

SUSCITARES TERRAM. Alii: I. ut *inflant res terram*. II. ad confirmandum terram; id est Ecclesiam, & illius habitationem, synecdochice. Hebr. ad erigendum, stabilizandum, constituendum, firmandum terram. ET POSSIDERES HEREDITATES DISSIPATAS. Alii: I. *ut possideas hereditates desolatas*; id est, animas alienas a me, & doctrina mea desitutas. II. ad efficiendum ut possideas, videlicet Ecclesia, possessiones desolatas.

V. 9. UT DICERES IIS, QUI VINCENTI SUNT. Alii: dicendo *vincitis*, ut supra cap. xlii. 7. PER VIAS PASCENTUR. Alii: super vias pascuntur; id est, ubique occurrerent ipsis benedictiones Dei, hic & duobus versibus sequentibus: quæ benedictiones allegorice figurantur sumptis similitudinibus a tempore liberationis Aegyptiacæ. ET IN OMNIBUS PLANIS PASCUA EORUM. Alii: I. *in omnibus verticibus eminentioribus erunt pascua eorum*. II. *in omnibus clivis pascuum eorum erit*. III. *in omnibus præcipitiis pascuum eorum*, id est in locis aliqui abruptis & asperis. IV. *in omnibus locis editis, excelis, pastus, pascuum, pastura, eorum*. Vide de voce *שֶׁפְּחַיִּים* *sephaim*, supra cap. xli. 18. ET PONAM OMNES MONTES MEOS IN VIAM. Alii: *Et disponam omnes montes meos ut sint pervii*; vel, *omnes montes meos reddam pervios*. ET SEMITAE MEAE EXALTABUNTUR. Hebr. est discordia generum, nam *semita* est femineum, & exaltabuntur masculinum; proinde quidam reddunt: *in aegeribus meis emineant*, nimirum, quos Christus e vinculis satanae & potestate tenebrarum extraxerit. Possis reddere: *in viis regias meae elevarunt*; scilicet homines, imperforaliter more Hebraico, pro *strata*, *accessu viae meae elevarunt*. Quidam: *Strata viae meae alta erunt*; id est, sternam & muniam.

V. 12. ET ISTI DE TERRA AUSTRALIS. Hebr. de terra *Sinim*. Quidam: denique isti a terra *Sinorum*, id est meridiem versus, quam in partem Sinæ terminum Iudææ constituiebant, Genes. x. 17. clertumque Sinis, & mons Sinai spectabant, Exodi xvi. 2. nisi forte intelligant Sinæ populi Indiæ, quæ extra Gangem est, contermini: hoc enim videtur & esse emphaticoteron. Vide Nostrum Antichristum, Lib. IV. cap. xvii. extremo.

V. 13. LAUDATE CAELI, &c. Alii: *Cantate, ovate, praconizate, iubilare celi*, &c. id est, vos res omnes create gratulamini Christo, & filiis Dei vindicatis in libertatem gloriæ, Roman. viii. 9. & sequentibus. IUBILATE MONTES LAudem. Alii ex Hebr. I. personate montes ovationem, seu praconium. II. edite montes clamorem; id est, erumpite in voces lætas. III. in iubilum prorumpite montes. IV. clamate montes praconio. V. & fragorem edite montes cantu: vide similem locum supra cap. xliv. 23.

V. 14. ET DIXIT SION, &c. Quidam: *Quod si dicat Zion*, &c. Transito ad alterum promissionum Evangelicarum caput, quæ sunt de studio Dei erga Ecclesiam, usque ad vers. 17. & de propagatione & multiplicatione illius, inde usque ad finem. Transiit autem per occupationem.

V. 15. NUMQUID OBLIVESCERE POTEST MULIER INFANTEM SUUM? Alii: I. Num oblivioni tradit mulier infantem suum? II. An oblivisci potest mulier satus sui, &c. Responsio ad præcedentem occupationem a comparatione minoris. ET SI ILLA OBLITA FUERIT, &c. Hebr. pluraliter maiori emphasi: *etiam he oblivisci possunt*, id est, etiam si omnes obliviscantur, & crudeles sint in filios, quod fieri non posse videtur, ut ne una aut altera inveniatur misericors; *tamen ego non obliviscar tui*. Hypothesis ad amplificandum studium Dei in Ecclesiam. Quidam reddunt: *Sed esto obliviscantur illæ, ego tamen tui non obliviscar*.

V. 16. ECCE IN MANIBUS MEIS DESCRIPTI TE. Alii: I. *En in manibus istis ambabus insculpsi te*, quod Cappaïm sit duale. II. *En in manibus insculpsi te*; id est, semper obverberis mihi, & numquam desino curare te; ut Psal. cx. 4. humanitus dictum, ut Exod. xiii. 9. & 19. & passim in lege. III. *En super utramque palmam constitui te*, vel ecce super manus duas constitui te, id est imaginem tuam. Ex verbo proprie reddes: *En super utramque volam characterizavi te*; id est, insculpsi, expressi formam, imaginem, characterem tuum. MURI TUI CORAM OCULIS MEIS SEMPER. Alii: I. *muri tui perpetuo sunt coram me*. II. *muri tui e regione mei versantur ingerit*.

V. 17. VENERUNT STRUCTORES TUI. דָּנִיךְ *danaich*, quidam volunt positum pro דָּנִיךְ *bonaich*, *Festinant, accelerant edificantes te*, vel *adificatores tui*; id est, præsto adsum qui te instaurant, adificent, construant, reparant. Alii: *Festinant filii tui*; id est, qui tibi gignentur in Christo per semen incorruptum Verbi: iam enim hoc versu transiit ad multiplicationem Ecclesie, quæ illustratur per hypotyposin, sequente versu; deinde exornatur tribus sequentibus. DESTRUENTES TE. Hebr. *dormentes, dissipantes, demolientes, devastantes te*. ET DISSIPANTES TE. Hebr. *& exsiccantes, devastantes, desolantes te*, seu *devastatores tui*.

V. 18. LEVA IN CIRCUITU, &c. Hunc versum evidentius ex Hebr. transfundunt: I. *Attolle circumquaque oculos tuos, & vide, isti omnes congregantes se accedunt tibi*: Ut vivo ego, dictum Iehova, *istis omnibus tamquam ornamento vestieris, & circumligabis eos tibi tamquam sponsa*. II. *Attolle circumquaque oculos tuos, & vide omnes isti electi, seu filii Dei, congregati venerunt ad te*: Vivo ego, ait Iehova, *quoniam eis omnibus amicticris tamquam ornamento, & ut sponsa eos circumligabis, tamquam torques*, id est, ornaberis fidelibus, ut sponsa torquibus & aliis monilibus ornari solet.

V. 19. QUIA DESERTA TUA, ET SOLITUDINES TUAE, &c. Hunc versum varie ex Hebr. convertunt: I. *Quia in desertis tuis & desolationibus tuis, & terra destructionis tue, sen in terra tua destructa: quia, inquam, nunc arcta eris, vel brevi arctaberis præ habitatore, seu ab incolæ; & elongabunt se absorbentes te*. II. *Quia siccitates tue & desolationes tue, & terra ruina tua: quia iam angusta eris præ habitatore; & longe abibunt, qui absorbebant te*. III. *Siquidem desolationes tue, devastationes tue, & terra tua eversa, iam iam, vel propediem angustior erit, quam ut habitatores capere possit: & qui te devorant, longe aberunt*. IV. *Cum vastitates erunt tue, & desolationes tue, & terra destructa tua; quia iam angustaberis præ habitatoribus; id est, quando terram totam, quæ nunc vastata est, & desolata, atque destructa, occupabis, tamen tanta futura est multitudo filiorum Dei, ut vix possit capere omnes terra; hyperbole: procul profectis eis, qui absorbebant te, id est vastatoribus tui*, ut

ut supra vers. 17. vide Psalm. cxxiii. 3.

V. 20. ADHUC DICENT AURIBUS TUIS, &c. Alii hunc versum ex Heb. I. *Adhuc dicent in auribus tuis filii orbitatum tuarum*; id est, quibus nunc orbaris: *Angustus est mihi locus, secede alio propter me, ut habitem*. II. *Adhuc dicent in aures tuas filii, qui tibi sterili nati sunt: Angustus est mihi locus, adice mihi aliquid ut sedeam*. III. *Adhuc dicent te audiente filii orbitatis tue*, id est gentiles, qui tibi agnoscuntur, cum Iudeis orbara fueris: *Angustus est mihi hic locus, retrocede mihi ut habitare possim*. Laxius, ac libricius. Forsterus: *Verbum נָאֻשׁ נָאֻשׁ, est accedere: legitur tamen semel, ubi alio accedere significat, pro quo Latinus sermo utitur verbo cedo, quia non aliter fert, Isaia xlix. Est angustus mihi locus, cede mihi ut habitare queam*.

V. 21. ET DICES IN CORDE TUO. Alii? *Adeo ut dicas cum animo tuo*. EGO STERILIS. Alii: *cum fuerim orba*. ET NON PARIENS. Alii: *solitaria*. Alii: *sterilis, seu gignens molan*. De voce גִּלְמוֹד ghal-mud, quæ hic forma feminea scribitur גִּלְמוֹתֵי ghalmutah, vide Job 111. 7. TRANSMIGRATA. גִּזְלוֹהֵם gholah, devolvens, migrans, transmigrans, huc illuc migrans, alio demigrans, exul, relegata. ET CAPTIVA. כַּוְּחָה Pahal, si sic loqui liceat, discessa, abducta, vaga, discedens, recedens, fugitiva.

V. 22. HÆC DICTU DOMINUS DEUS. Alii ex Hebr. *Sic ait Dominus Iehovi*. Hypophora, sive subiectio, quæ Deus respondet præcedenti admirationi Ecclesiæ, & docet se ex quavis gente illi conciliatorum liberos, alumnos, & cetera. De pronuntiationis nominis Iehovi cum iungitur nomini Adonai, vide supra cap. xlviii. 16. Sic infra cap. l. 4. 5. & vii. & 9. ECCE LEVABO AD GENTES MANUM MEAM, &c. Alii: *Ece sustollam ad gentes manum meam*, & ad populos efferam vexillum meum. Exponunt: *Manum meam*, cum vexillo Evangelii, quod est potentia Dei ad salutem cuius credenti, Romanor. 1. 16. hæc autem omnia allegorice dicuntur de amplificatione regni spiritualis Christi, ut prophete solent. Quiddam reddunt: & ad populos signum meum erigam, vel vexillum, id est, promulgabo illis Evangelium meum. ET AFFERENT FILIOS TUOS IN ULNIS, ET FILIAS TUAS SUPER HU-

MEROS PORTABUNT. Alii: I. *ut afferant filios tuos lacerto*, & filia tua super humerum portentur II. *afferant ad te filios tuos in gremio*, & filia tua in humeris portabuntur. IN ULNIS. יָדַי choren, exponunt: *in gremio, in sinu, brachio, lacerto*, vel in ora, ala vestium. Hispanice, en la falda. Vide in Nehem. v. 13. Alii: *in axilla*, ut plerumque deferri solent infantes.

V. 23. ET REGINAE NUTRICES TUÆ. Heb. & femina principes eorum; id est, reginæ uxores eorum, surgere facientes, seu lactantes tue. VULTU IN TERRAM DEMISSO ADORABUNT TE. Alii: *Vultu in terram demisso incurvabunt se habentes honorem tibi*; id est, honorem habebunt Christo in te habitanti, veluti capiti tuo, ut Psalm. lxxii. & in te Christum honorabunt, Psalm. lxxi. 9. & II. ET PUTVEREM PEDUM TUORUM LINGENT. Vide Psalm. lxxi. 9. ET SCIES QUIA EGO DOMINUS, &c. Alii: *ut experiaris me esse Iehovam, non erubescere eos qui expectant me*.

V. 24. NUMQUID TOLLETUR A FORTI PRAEDA. Alii I. *Num vero auferetur heroi, seu potenti duci, aut militi praeda?* II. *An auferetur avobuslo captura?* & cinguent gentes & prædones omnes explicantes Ecclesiam: quorum sermonem anticipat Deus; quasi dicat: Ludificatur hostes Ecclesiæ promissiones meas, duobus argumentis, cum quod sibi numeris omnibus videntur valentiores esse; tum quod iusto bello Ecclesiam sibi subiectam & mancipatam putant, ut supra cap. xlv. 9. & sequentibus: sed ad hæc argumenta respondetur versibus sequentibus. Forsterus annotat, vocem גִּבּוֹר gibbor, quæ hoc & sequente versu a Noistro redditur fortis, etiam Matth. xii. 29. Marc. iii. 27. & Lucæ. xi. 21. redditam eodem modo fortis. AUT QUOD CAPTUM FUERIT A ROBUSTO, SALVUM ESSE POTERIT? Alii: I. & poterim iusto captivitas eripi? Vel iusta captivitas eripi? id est, captivi iusto bello capti. Verba synagoga fidelis rogantis, qua ratione feri possit, ut electi, qui sunt in potestate gentium, sive in manu diaboli, auferantur: II. *an etiam captiva-turba, iusti eriperetur?* id est captiva multitudo mancipis & possessoris: nam et si Deus populum suum & filios suos vocat; tamen hoc sibi semper arrogant ad-

versari, ut iusti sint illorum domini: sic duobus argumentis utuntur, potentiae suae, & iuris.

V. 25. **QUIA HAEC DICIT DOMINUS.** Alii: *Quia sic ait Iehova.* Deus aeternus, ac proinde infinite omnes superans potentia sua: sic respondetur priori obiectionis argumento. **EQUIDEM ET CAPTIVITAS A FORTI TOLLETUR, ET QUOD ABLATUM FUERIT A ROBUSTO, SALVABITUR.** Alii I. *Et captivitas heroi eripietur, & praeda violenti eripietur.* II. *Et turba captiva robusti auferetur, & captura violenti eripietur.* Violenti inquit, ac propterea non iusti domini, quod hostes de se praedicant: responsio ad posterius argumentum. Haec autem responsionis membra exornantur hoc & sequente versu. **וַיִּרְיֵהוּ gharir,** quod Noster hic *robustum* vertit, est proprie, *praevalidus, valentior, violentus, terrificus, formidabilis, tyrannus.* Vide supra cap. xxix. 20. *Foriterus: & rapina praevalidi eripietur.* Hinc, inquit, non modo argumentum Christus sumpsit contra aperte blasphemos Phariseos, sed etiam ipse Isaia verbis usus est, quae Lucas Evangelista cap. xi. postea in Graecam linguam translulit: Si fortior, inquit, eos superveniens vicerit eum, universa arma eius auferit in quibus confidebat, & spolia eius distribuit, &c.

V. 26. **ET CIBABO HOSTES TUOS CARNIBUS SUIS, ET QUASI MUSTO SANGUINE SUO INEBRIABUNTUR.** Alii I. *spoliatores tuos pascam suis carnibus, & sanguine suo cum musto inebriabuntur.* II. *Efficiamque ut comedant oppressores tui suam ipsorum carnem, & veluti musto sanguine suo inebrientur;* id est, committam ipsos inter se ut talionis poenas inferant ipsis, & quemadmodum carnem & sanguinem tuum exhausserunt, sic etiam alii ab aliis consumantur. **HOSTES TUOS.** Heb. *depradatores, spoliatores, oppressores, depopulatores, molestatores tuos.* Vide in Exod. xxii. 21. *Musto דִּם־חַסִּים ghafis, succo expresse, & calcato.* Vide in Cantico. viii. 2. **ET SCIET OMNIS CARO, QUIA EGO,** &c. Alii: *ut agnoscat omnis caro, me Iehovam esse servatorem tuum, & vindicem tuum robustum Deum Iahakobi;* id est, ut sciant omnes homines etiam impii & adversarii, me Iehovam esse, &c. **FORTIS IACOB:** id est, *fortis*, quem Iahakob colit. **אָבִיר abir, Potentissimus, Robustissimus, Penniger, Alatus, Penatus, Iahakobi;**

id est, cuius vires & potentiam, a'asque seu protectionem saepe expertus est Iahakob: vide in Genes. xlix. 24.

MENOCHII.

Vers. 1. INSULAE: vide dicta supra xl. 11. **XLII. 4. DOMINUS AB UTERO VOCAVIT ME:** loquitur de Christo, quem Iesum vocavit per Gabrielem Archangelum, Mat. i. 21. **RECORDATUS EST NOMINIS MEI.** In Hebraeo est, *memorare fecit nomen meum*, scilicet per Angelum: est eiusdem sententiae repetitio.

V. 2. **OS MEUM: verba mea,** ut vertit Chaldaeus. **QUASI GLADIUM ACUTUM:** ad penetranda audentium corda, & errores excidendos, & vitia. **IN UMBRA MANUS SUAE:** protectione manus suae omnipotentis. **SICUT SAGITTAM ELECTAM:** non solum similem gladio fecit ad vicinos salutariter feriendos, sed etiam sagittae, ut ad remotas gentes per me salus perveniret. **IN PHARETRA SUA ABSCONDIT ME:** scilicet sub integumento humanae carnis.

V. 3. **SERVUS MEUS:** Christus vocatur servus Dei, quia cum in forma Dei esset, formam servi accepit: vide supra cap. xlii. t. **ISRAEL.** Christus vocatur Israel, quia natus de eius semine, quia missus primario ad oves quae perierant domus Israel, & quia Israel sive Iacob typus eius fuit. **IN TE GLORIOR:** quia in te ostendi mundo abyssum meae bonitatis, potentiae & sapientiae.

V. 4. **ET EGO DIXI:** sunt verba Christi qui loquens inducitur. **IN VACUUM LABORAVI,** &c. nam praedicationis, & passionis fructus angustus est, paucis Iudaeis conversis. **ERGO IUDICIUM MEUM CUM DOMINO;** quasi dicat: Feci quod mei muneris erat. Iudicium ergo huius causae tibi Pater committo; tu iudica vitio cuius factum sit, ut tam pauci ex iis mea opera sint conversi, & salvati. **OPUS MEUM CUM DEO MEO.** LXX. habent, & *labor meus coram Deo meo;* quasi dicat, Ipse iudicet.

V. 5. **DICIT DOMINUS:** inducitur Deus Christi querelae respondens. **ET ISRAEL NON CONGREGABITUR;** quasi dicat: Missus sum ad colligendas oves Israel, & cogendas in Ecclesiae caulas, sed illae noluerunt, itaque non congregabuntur. In Hebraeo

bræo est: *Israel non congregabit se.* GLO-
RIFICATUS SUM: signis, & miraculis edi-
tis, & admirabili doctrina Evangelii. IN
OCULIS DOMINI: coram Domino, ut ha-
bent LXX. ET DEUS MEUS FACTUS EST
FORTITUDO MEA: cui omne bonum ad-
scribo, & a quo vim hæc patranda ac-
cepi.

V. 6. ET DIXIT: verba sunt Dei. UT
SIS MIHI SERVUS AD SUSCITANDAS TRI-
BUS IACOB: quasi dicat: Nollo tuam præ-
dicationem exiguis finibus Israelis circum-
scribi. FAECES ISRAEL: eos intelligit, qui
tot populi cladibus superfuerant, exigux,
& viles reliquæ. DEDIT TE IN LUCEM GEN-
TIUM: ut sis quasi sol spiritualis, & di-
vinus mundi totius; lumen ad revelationem
gentium, ut canit Simcon Luc. 11. 23. UT
SIS SALUS MEA: ut tua opera salus a me
profecta mundo communicetur. LXX. ut
fis in salutem.

V. 7. REDEMPTOR ISRAEL: qui Israelitas
ex captivitate, & malis eripit. AD-
CONTEMPTIBILEM ANIMAM: ad Christum
quasi contempnibilem habitum, tamquam
vermem, opprobrium hominum, & abie-
ctionem plebis. ABOMINATAM GENTEM:
gentem Christianorum, quam Ethnicæ, &
Iudei abominabantur. SERVUM DOMINO-
RUM: Christum cum suis intelligit; ille
enim quasi vile mancipium flagellis cæsus
est, in crucem actus, confusus, &c. RE-
GES Videbunt, ET CONSGRGENT; id est,
assurgent, & venerabundi supplicabunt ti-
bi, o Christe, & Ecclesie se submittent.
PROPTER DOMINUM: qui eorum corda
mollicet efficacitate gratiæ suæ. Vel sensus
est, detulisse Principes hunc honorem Ec-
clesiæ ministris propter Dominum. QUA
FIDELIS EST: & quod verbo promissit, o-
pere præstat.

V. 8. IN TEMPORE PLACITO. Tempus
placiti sive benevolentie (hanc enim signi-
ficat Hebraicum *per raiſon*) divinæ erga
Christum & Ecclesiam, est tempus placabi-
le, quo Deus placatus, & reconcili-
atus est per Christum generi huma-
no, hoc est, tempus gratiæ, & Evan-
gelii. EXAUDIVI TE; id est, exau-
diam te, cum incarnatus, & natus fueris
pro membris tuis, & in membris tuis,
Apostolis scilicet, & Christianis deprecan-
tem, opemque, gratiam, & salutem toti
mundo postulantem. Hæc enim ob preces

tuas illi conferam, & præstabo. IN DIE
SALUTIS: in tempore salutis, cum scilicet
tu mundo per mortem, & promulgationem
legis gratiæ, salutem afferes mundo. SER-
VAVI TE: ne moriens interires, sed mox
gloriose resurges. DEDIT TE IN FOEDUS
POPULI: ut iædus pacis inter me, & po-
pulos sanctiores sanguine tuo. SUSCITARES
TERRAM: terræ incolæ in peccatum lap-
sos, & in sempiternum exitium nientes
erigeres, & ad vitam, & salutem revoca-
res. POSSIDERES HEREDITATES DISSIPATAS.
Dabo tibi Gentes hereditatem tuam, ut est
in 11. Psalmo. Appellantur autem Gentes
hereditas dissipata, quia longe recedebat a
fide, Deo, gratia, & salute, & quia hæc
hereditatem vastaverant, dissipaverant, &
pessumdederant monstra errorum & vitio-
rum.

V. 9. HIS QUI VINCTI SUNT: peccatorum,
& errorum laqueis, & vinculis im-
plicatis. IN TEN BRIS: idololatriæ, & gen-
tilismi. REVELAMINI; id est, in lucem
prodire, seu apparere; est repetitio superio-
ris hemistichii. SUPER VIAS PASCENTUR,
&c. Hic, & sequentibus metaphoris si-
gnificat Propheta tempore Christi non Ie-
rosolymis tantum, ut olim, sed ubique ter-
rarum fore copiam pabuli, & potus spiri-
tualis.

V. 10. AESTUS ET SOL: tribulationum,
& tentationum. MISERATOR EORUM:
Christus bonus pastor, qui misericordia tan-
gitur propter suorum calamitates, præferam
spirituales. POTABIT EOS: aqua saturatis
doctrinæ, & fluentis gratiarum.

V. 11. PONAM OMNES MONTES, &c. Hoc
quod supra dictum est cap. XI. 4. *Omnis
vallis exaltabitur, & omnis mons, & col-
lis humiliabitur*, &c. PONAM IN VIAM:
faciam eos pervios, & planos. SEMITAE:
vallium.

V. 12. ECCE ISTI, &c. quasi dicat: Ec-
ce ex omni plaga, & regione ad Ecclesiam
confluent. ET MARI, id est ab occidentem;
nam Palestinæ mare est ad occidentem.
DE TERRA AUSTRALI. IN Hebræo est,
de terra סִינַי sinim, quare Oforius, Arias
Montanus, & alii putant esse prophetiam
de conversione regni Sinarum.

V. 13. CONSOLATUS EST POPULUM SU-
UM: fideles suos gaudentes accessione tam
insignium populorum, Ecclesiæ Christi se
subdientium.

V. 14. ET DIXIT SION, id est Iudæi ad Christum, conversi. DERELIQUIT ME DOMINUS: qui multos ex Gentibus, ex Hebraeis paucos convertit ad Christum.

V. 15. NUMQUID OBLIVISCI POTEST, &c. est Dei responsio querelæ respondentis, & se oblitum non esse populi sui asseverantis.

V. 16. IN MANIBUS MEIS DESCRIPSI TE: pro, velut in manibus, ne possem oblivisci. Vel alludit ad annulos memoriales. Vel certe, quod verius videtur, loquitur de vulneribus, & cicatricibus manuum, quæ memoriale sunt Christo, eorum, quæ, & pro quibus, passus est. MURI TUI, &c. quasi dicat: Semper memor sum sanctæ iustitiae Civitatis Ierusalem, præcipue tamen spiritualis, & verorum filiorum Abrahami, qui sunt fideles in Christum credentes.

V. 17. VENERUNT STRUCTORES TUI. In Hebr. est *Festinabunt filii tui*; qui scilicet te reedificent: alludit enim ad reedificationem Ierusalem post captivitatem Babylonis. Per hosce structores commode intelliguntur Apostoli, & viri Apostolici. DESTRAENTES ET DISSIPANTES. Alludit ad Sanaballath, quæ Nehemiam a reedificatione Ierusalem impedire conatus est: Nehem. xlii. A TE EXIBUNT: a te recedent, removebo eos, ne te impediant.

V. 18. VENERUNT TIBI: omnis hæc multitudo venit ad te. VELUT ORNAMENTO VESTIENS: multitudine & varietate fidelium, quasi elegantis amictu ornatur Ecclesia, de qua dicitur Psal. xlii. 10. *Assistit Regina a dextris tuis in vestitu doctato, circumdabit varietate.*

V. 19. DESERTA TUA: deserta, & solitudines vocat regiones Gentilium, quæ non fuerant cultæ doctrina veræ religionis. TERRÆ RUINAE: sunt Hebraei, apud quos verus Dei cultus obsoleverat, & quorum Synagoga propter errores & vitia quasi sitisfens, prona erat in ruinam. QUI ABSORBEbant TE: qui te absorbere cogitabant, & parabant, immo iam absorbere incipiebant, hoc est, hostes tui.

V. 20. DICENT IN AURIBUS TUIS, id est dicent tibi. FILII STERILITATIS TUAE: filii tui, quæ te sterilem, & quasi desolatam quæreris. ANGUSTUS EST MIHI LOCUS: præ multitudine eorum qui convertentur. Alludit ad reditum Iudæorum ex Babylonica captivitate.

V. 21. ET ISTOS QUIS ENUTRIVIT? unde hi produciunt? quis hosce genuit in Christo, quis educavit, &c.

V. 22. LEVABO AD GENTES MANUM MEAM: ut signo edito eas evocem. SIGNUM MEUM: crucis vexillum. AFFERENT FILIOS TUOS IN ULNIS: tamquam boni pastores oviculas hinc inde collectas ad caulas Ecclesiae deferant.

V. 23. ERUNT REGES NUTRITI TUI: Reges enim aluerunt Ecclesiam, & bonis ditaverunt. Alludit ad Persarum reges, quæ in Iudæos qui reversi fuerant ex captivitate, beneficos se exhibuerunt. VULTU IN TERRAM DEMISSO: nam Reges Ecclesiae præfules, & Pontifices demisse veneratione, PULVEREM PEDUM TUORUM LINGENT: est hyperbole significans summam demissionem, sic Psal. lxxi. 9. dicitur: *Coram illo procedent Æthiopes, & inimici eius terram lingent.* SUPER QUO NON CONFUNDENTUR, &c. cui qui fidunt, in eo locantes spes suas, non confunduntur, quia illi bene cuncta cudent.

V. 24. NUMQUID TOLLETUR A FORTI, &c. quasi dicat: Quis poterit hoc evincere ut captivi liberentur, & e manibus potentium, qui eos habent in potestate eripiantur. Respicit captivitatem Babyloniam typum captivitatis generis humani, sub daemonis, & peccati iugo. AUT QUOD CAPTUM, &c. repetitio eiusdem sententiae.

V. 25. EOS QUI IUDICAVERUNT TE: qui vexarunt te in captivitate, & quasi damnatum addixerunt servilibus ministeriis, &c.

V. 26. CIBABO CARNIBUS SUIS: ut mutuo se conficiant; vel certe dolore furentes, carnes suas, manus, & brachia dentibus lacerent.

T I R I N I.

Vers. 1. **A**UDITE INSULAE, & insulae: a omnes etiam remotissimi. DOMINUS AB UTERO, immo antequam essem in utero matris, immo ab æterno, vocavit ME; nempe Iesum, id est salvatorem, Matth. i. 21. quasi dicat: Designavit me ut essem vindex ac redemptor totius generis humani. Nam Dei vocare, efficere est, inquit S. Hieronymus, Cyrillus & Ambrosius.

V. 2. POSUIT OS MEUM, id est verba oris mei (ut verit. Chaldaeus) QUASI GLADIUM & ACUTUM, quo resecem & iugulem, primo, scelera quae toto orbe grassantur; secundo, omnem falsam & vanam doctrinam; tertio, demones, mundi huiusque principes. UMBRA & MANUS SUAE; id est, manu & potentia sua divina mihi contra astum hostilem obiecta, PROTEXIT ME.

V. 3. ET DIXIT MIHI: SERVUS MEUS ES TU. Vide dicta cap. XLII. vers. 1. Et ISRAEL, id est antitypus Iacobi, qui vocatus est *Israelf*, id est dominans Deo, cum luctatus mecum mihi praevaluisse: nam potiori iure tu tua lucta & morte mihi irato praevaleris & dominaberis. Potest etiam dici Christus *servus Israel*, quia ex Israele natus, & quia primario missus ad oves quae perierunt domus Israel g. IN TE GLORIFICABOR, Chaldaeus, *laudabor*; Christus enim omnibus suis laboribus nihil aliud quaesivit quam h. glorificare Patrem suum. Est insuper Christus omnis gloria, decus & delicta Patris, inquit Forerius. Sed audiretelas Christi.

V. 4. IN VACUUM LABORAVI, docendo, patiendo, tot miracula, tot virtutes operando; atque ita SINE CAUSA quia frustratus sine & tuo & meo, nempe conversione Iudeorum i, quae causa fuit tam multa operandi & patiendi, inquit S. Hieronymus. ERGO IUDICIUM MEUM CUM DOMINO; id est, causam hanc meam tibi, o Pater, diiudicandam committo: ET OPUS MEUM; LXX. *labor*; Chaldaeus, *merces operum meorum*; quasi dicat: Iniquum esset, frustrari debita mercede & praemio tot labores, tot sudores, tot dolores meos. Cum ergo

V. 5. ISRAEL, id est Iudaei, ad quos in ovile reducos me misisti, nolint in id congregari; an nullum alium fructum, nullum aliud premium nanciscat? Absit hoc a tua tam illustri, immo infinita bonitate & iustitia. Et ecce uno loco unius exiguae gentis Iudaicae tradidisti mihi Pater omnes nationes universi; atque ita longe maiore gloria GLORIFICATUS SUM IN OCULIS DOMINI, totiusque caeli, & terrae.

V. 7. HAEC DICIT DOMINUS, ADCONTUMPTIBILEM ANIMAM, id est ad Christum adeo contemptum a Iudaeis, ab Herode, a Pilato, verum & non hominem k, *asprobrum hominum & abiectionem plebis*: dicit item AD ABOMINATAM GENTEM, id

est ad Christum eiusque sequaces Christianos, LXX. *qui abominatur a Gentibus*; & est *servus* quorumlibet DOMINORUM, & quasi vilissimus servus a dominis Gentilibus & Iudeis principibus irritus est, confusus, flagellatus, spinis coronatus, denique in crucem actus. Sors haec, ut putatur miserrima, brevi in felicissimam commutabitur: nam REGES ET PRINCIPES potentissimi ex Gentibus, ut primum audierint viderintque miranda stupendae opera, quae in te & per te toto orbe patrabo, admirabundi & venerabundi suspicient te, o Christe, o Ecclesia Christi, & tibi assurgent, & ad te amplectendum CONSURGENT, & *vidu in terram i, demisso adorabunt te, & pulverem pedum tuorum lingent*: ita S. Hieronymus & Cyrillus & alii SS. Patres.

V. 8. TEMPORE PLACITO; Hebraice, *ratione*, id est benevolentiae & favoris; LXX. *tempore opportuno*; S. Paulus m legit, *tempore accepto & acceptabili*; quasi dicat: Eo tempore quo decreveram favere & benefacere tibi, & propter te toti orbi, EXAUDIVI TE cum orares me, Psalmo LXVIII. *Tempus beneplaciti o Deus advenit: exaudi me, in veritate salutis tuae*. Moxque exaudivi te, ET SERVAVI TE in eorum populum, illarum & intantum ab unguibus saevitiae, inferni & mortis, saltem ne te capiaret, ne detineret. Insuper DEDI TE in FOEDUS POPULI, ut & passiva victima sis foederalis tua reconciliet generi humano: & active foederalior sis, novo foedere rursus me populo obstringens, ut olim antiquo foedere Moyses me illi obstringit: ita Forerius. Idque UT TERRAM, id est terrae incolae morti aeternae omnes obnoxios, & ex nunc per peccatum mortuos, erigeres & ad vitam *resuscitares* ET HEREDITATES n, id est Genes tibi pro hereditaria portione concessas, sed per peccatum profugas, dissipatas, perditas, ad fidem, ad obedientiam, ad salutem reduceres, & reductas pacifice possideres: ita S. Hieron. Cyrillus & alii Patres.

V. 9. UT DECERES HIS QUI scelus suorum reatu & compediis VINCTI SUNT, seu in limbo o & Purgatorio (ut S. Anselmus p exponit) seu in terra (ut alii) EXISTE liberi a vinculis, a carcere: ET HIS QUI IN TENEBRIS iacenti infidelitatis & ignorantiae, vel etiam lumbi infernalis, diceres, REVELAMINI, id est illustrimini, luce caelesti perfundamini & recremini. Porro lu-

cis

eis nomine designantur omnia leta, secunda & prospera, ut *q* alibi dixi. Neque haec avara vel parca manu, nec uno solo loco (ut olim Iudeis in solo templo Ierosolymitano) vobis erogabuntur; sed ubique gentium, & passim, etiam PER VIAS ET IN OMNIBUS PLANTIS, PASCUA & verbi Dei, sacrificii & Sacramentorum, omniumque gratiarum & spiritalium donorum vobis aperientur & perpetuo patebunt: ita Ovipens *f*, S. Hieronymus & Cyrillus. Ur, sicut olim sub Moysse nullus Hebraeorum in deserto esurivit, sitivit, aut aëre solis afflictus fuit, ita & Christiani in lege Evangelica.

V. 10. NON ESURIENT, NEQUE SITI-
ENT, &c. quia longe nobiliori manna
piscetur, multo suavioribus aquis recrea-
buntur, multo spissiore nube protegentur,
multo clariore columna ignis illustrabun-
tur, inquit Forerius. Quae omnia in SS.
Eucharistiam & verissime quadrant. Sed
Anagogice, de plena saturitate Sanctorum
in caelo exponit S. Ioannes Apoc. VII. 16.
Obitacula quoque viarum omnia tollam,
ut sustuli tententibus ex Aegypto in Cha-
naanitidem.

V. 11. OMNES MONTES MEOS etiam
altissimos PONAM IN VIAM, id est faciam
pervios, ut plana & commoda via peregre
pateat, & *senite* si quae nimis depresso
fuerint, EXALTABUNTUR, & implebuntur
& attollentur. Sic via parata.

V. 12. ECCE ISTI Orientes populi (in-
quit S. Hieronymus, Forerius & Sanchez)
DE LONGE VENIENT ad Ecclesiam Christi:
& illi de MARI, id est ab Occidente: res-
pectu enim Iudaei mare est ad Occiden-
tem. ET ILLI AB AQUILONE, ET ISTI
DE TERRA AUSTRALI: ergo a quatuor
plagis mundi. Pro *Australi* vertunt LXX.
de terra *Perfarum*. Sed Hebraice est, de
terra *Sinim*, id est Sinæorum, seu incola-
rum & accolarum deserti *Sin* & montis
Sinai, inquit S. Hieronymus, Forerius,
Vatablus, Sanchez & Alvarez. Sed inco-
lae & accolae *Sinai* pauci sunt, nec un-
quam in Scripturis solent nomine *Sinim*
appellari. Quare malim cum Olorio, Aria
Montano & a Lapide intelligere ampli-
um *Sinæarum* regnum, S. Hieronymo qui-
dem incognitum, sed Deo & Isaie notissi-
mum; nec potuisset aliis litteris Hebrai-
cis certis nudiussque describi. Sinus ver-

prae aliis omnibus nominatim expressos vo-
luit Propheta, ut doceat, gentes etiam re-
motissimas, ac potentissimas, & exteris
inaccessas, Christo cuiusque Ecclesiae sese
ultra subiecturas aliquando, ut ab eodem
Evangelii gratiam & salutem adipiscantur.
Ubi e contrario

V. 14. SION, id est Synagoga Iudaica,
Deo ante carissima & familiarissima, iam
pro maiore sui parte ob spectum Deum &
Christum eius, spreta vicissim ab ipso &
reiecta, amarissime desiet misericordiam suam,
dicens: DERELIQUIT ME DOMINUS, ET
OBLIVIS EST MEI. Sed id negat diserte
Deus.

V. 15. NON OBLIVISCAR TUI, o Syna-
goga, nempe quae & quatenus mihi fide-
lis adherere volueris: nam licet plerique
tuorum Iudaeorum rebelles Christo & in
perfidia sua obstinati, reiecti sint a me,
& reiecti a corpore Ecclesiae meae; tamen
reliqui de Synagoga (& quidem sanior
pars) Christo meo adherentes, nunquam
a me reicientur, sed erunt mihi quam
maxime cordi & curae. Et pro perfidis
Iudeis, qui tibi exciderunt, substitutam &
incorporabo tibi vastissimam multitudinem
Gentilium, ut sequitur versu 18. & S.
Paulus fute docet Rom. XI. Et sic fiet ex
omnibus una nobilior Synagoga, & Ec-
clesia: ita S. Hieronymus, Haymo, For-
erius & alii complures. Pro pignore ve-
ro tante inae erga te benevolentiae, olim
certissimo praestande, do tibi nunc instau-
rationem materialis *Sion*, seu Ierosolymae,
per Nabuchodonosorem eversa, exulta, &
humano iudicio proflus desperata.

V. 16. ECCE ENIM MURI TUI CORAM
OCULIS MEIS SEMPER; id est, assiduè me-
mini moenium tuorum, ut illa restaura-
rem. Et iam completis 70. annis capti-
vitati tuae praefixis,

V. 17. VENERUNT, & ecce adsunt STRU-
CTORES TUI, Esdras & Nehemias. DE-
STRUENTES VERO TE Chaldaei, ET OPERA
TUA DISSIPANTES Samaritani, II. Esdrae IV.
EXIUNT A TE, sinentque promovere fab-
ricam & perficere. Nempe se olim fu-
gabo procul a te perfidos Scribas, Phari-
saeos, pontifices, tyrannos, alioque hostes
tuos, ne spiritualem Sionis, id est Ec-
clesiae fabricam, per Christum cuiusque disci-
pulos inchoandam turbare vel praepidire pos-
sint quo minus perficiatur, quasi dicat:
Non

Non est cur angaris, tam multos tibi ex-
cidere & a me divelli; hostes sunt tibi,
non filii: destrucere te illi & dissipare vo-
lunt, non ornare vel roborare: sed ego sa-
ciam illos exire a te, fugere & procul sa-
cessere, ne impediatur structura tua.

V. 19. DESERTA TUA loca a profugis
Iudeis, ET RUINAE TUAE, id est loca &
stationes e quibus illi prouerunt, ANGU-
STA ERUNT nimis PRAE NOVIS INHABI-
TATORIBUS, quos e gentilitate deducam ad
te, tuoque trunco inferam.

V. 20. Tunc DICENT FILII STERILITA-
TIS TUAE, nempe Apostoli & discipuli Chri-
sti, & pauci alii ex Iudeis Deo & Chri-
sto adherentes, qui soli ex stirpe & trunco
Israelitico reliqui sunt, orbis & sterili ma-
tri suae: hi advolantibus certatim ad se tam
multis e gentilitate, dicent, ANGUSTUS
EST MIHI LOCUS Iudae & Palaestinae; FAC
MIHI per reliquum orbem universum nova
spatia quae inhabitent: ita fere S. Hierony-
mus & Forerius.

V. 22. MANUM MEAM auxiliatricem &
deductricem LEVABO AD GENTES, ET SIG-
NUM MEUM, id est vexillum militare, de
quo alibi x (quod S. Hieronymus, Cy-
rillus, Haymo & alii passim de vexillo cru-
cis Christi exponunt) EXALTABO AD OMNES
POPULOS; & sola illius ostentatione traham
ad te mundum universum.

V. 23. ET ERUNT REGES NUTRITI TUI,
id est alent te, & bonis suis dirabunt te,
ut solent parentes fovere & ditare filios
suos. An non ita fecerunt Constantinus,
Theodosius, Carolus, Ludovicus, Helena,
Pulcheria, Cunegundis, Mathildis, & tot
alii tum antiqui, tum moderni principes,
reges, Imperatores? VULTU IN TERRAM
DEMISIT, & toto corpore humi prostrato
(more Chaldaeorum & y Persarum) ADO-
RABUNT TE tamquam dominam & regi-
nam suam. Nempe eodem honore quo ipsi
a suis subditis honorantur, honorabunt ipsi
Praelatos Ecclesiae. ET PULVEREM PEDUM
TUORUM LINGENT: id est, terram quam
pedibus tuis calcas, ipsi supplices osculabun-
tur, seque suaeque sceptri tibi submittent.
Hic ritus etiamnum viget apud Sinas, Iapo-
nes, & plures alios Indos, ut principem
veneraturi, fronte humum feriant.

V. 24. Sed NUMQUID TOLLETUR A FOR-
TI PRAEDA? id est, an a forti illo gigan-
te vel leone diabolo tolli poterit gentilitas,
Bib. Sac. Tom. XVII.

quam ipse quasi praedam hucunque captam
& validissimis vinculis contrictam tener?
Equividem aa tolletur, nempe per Christum,
longe fortiozem diabolo. Reliquos vero

V. 26. HOSTES TUOS, tyrannos, here-
ticos, perfidos Iudaeos, CIBABO CARNI-
BUS SUIIS, ET SANGUINE SUO INEBRIABUN-
TUR. Est cataphresis, pro, mutua caede se
conficient, & fraterno sanguine madebunt.
Quae enim fratris tui sunt, tua censentur.
Sic cap. ix. dicitur, *Unusquisque carnem bra-
chii sui vorabit*. Alludit ad Madianitas,
Iudae. vii. & Moabitas, ii. Paralip.
xx. qui mutuis vulneribus se confuce-
runt.

- (a) Isaia xli. 2.
- (b) Isaia xlii. 1.
- (c) Ambros. in Psal. xxxv.
- (d) Matth. 2. 12, & ad Heb. 2. 24, & Apoc. 7.
- (e) Thren. iv. 30.
- (f) Genes. xxxii. 28.
- (g) Matth. xv. 24.
- (h) Ioan. viii. 29. & xvii. 4.
- (i) Hic vers. seq.
- (k) Psal. xxi. 7. Item Isaia lxi. 3, & 4.
- (l) Hic vers. ap.
- (m) II. Cor. vi. 2.
- (n) Isaia xlii. 6.
- (o) Olee viii. 14.
- (p) Anselm. in Elucidario.
- (q) Psal. iv. 7.
- (r) Ioan. 2. 8.
- (s) Orig. Lib. 1. contra Celsam.
- (t) Psal. xxiii. & I. Cor. iv. 2.
- (u) Isaia xl. vers. 4.
- (x) Isaia xi. 10.
- (y) Xenophon Lib. VIII. & Plutarch. in Alcibiade.
- (z) Psal. lxxi. 9.
- (aa) Matth. xii. 29.

G O R D O N I.

Vers. 1. A UDITE INSULAE, &c. Hoc
loco sensus literalis est de
Christo, ut ex verbis constat: & Aeto.
xiii. 47. *posui te in lucem gentium*. Eum
Deus vocavit ab utero, Matth. 1. 21.

V. 4. & 5. ET EGO DIXI, IN VACUUM
LABORAVI. Conqueritur Christus de tot suis
laboribus inutiliter susceptis apud Iudaeos.
Sed IUDICIUM MEUM CUM DOMINO, in-
quit Christus; hoc est opus & meritum
meum ipse retribuet. Respondet vers. 5. &
6. Christus formatus est & missus, &
hoc ut congregaret Israel. Ad noluerunt:
unde tandem datus est Christus in lucem
gentium.

V. 7. HAEC DIXIT DOMINUS REDEM-
PTOR,

V u

PTOR,

TOR, &c. Missus est Christus ad gentem contemptibilem, sive Iudæos intelligas sub Herode & Romanis; sive intelligas Apostolos, & Christianos sub tyrannis Imperatoribus: tandem tamen futurum est, ut principes & reges adorent, idque propter Deum (Sanctum in Israel) qui hæc faciet, & te elegit.

V. 8. HAEC DICIT DOMINUS IN TEMPORE PLACITO, &c. Fient quæ prædicta sunt de Christo, contemptu, cruce, & similibus. Exaudietur oratio eius, & erit in fœdus populi; & mira evenient in conversione populorum: crebra metaphora est.

V. 15. & 17. VENIENT STRUCTORES TUI, &c. Structores Ecclesiæ sunt Apostoli & successores, & dum instant operi, venient etiam destructores. At parum efficiunt, sere ut sub Esdra in extruendo templo: crescit Ecclesia, ut (vers. 20.) angustus locus futurus sit in tot incrementis Ecclesiæ.

V. 22. & 23. ECCE LEVABO SIGNUM, &c. Hoc signum est vexillum crucis, ad quod convocabuntur gentes, & ad castra Ecclesiæ. Proxi sunt Patres in crucis vir-

tute mirabili prædicanda: & vers. 23. **RUNT REGES NUTRITI TUI.** Reges alent, & bonis ditabunt Ecclesiam: **ADORABUNT, PULVEREM LINGENT,** hanc hyperbolem, si ad Pastores referas, magnam designat venerationem, ut vides in Petro, Paulo, & aliis Apostolis.

V. 24. NUMQUID A FORTI TOLLETUR PRAEDA, &c. Non potest a forti auferri præda; faciet tamen Deus quod impossibile videtur, auferet prædam a diabolo, & clavam Herculi illi eripiet: prolixum esset dicere, quot & quam graviter persecutores Ecclesiæ a Deo sint puniti.

EX EIUSDEM AUCTARIO.

Vers. 2. OS MEUM; verba mea ex Chald. nempe ad corda penetranda, & movenda in bonum.


Vers. 14. ET DIXIT: ECCE DICIT SION. Ecce dicent Iudæi ad Christum.

Vers. 26. Promittit hostium ruinam, adeo ut ipsi se mutuo conficiant.



CAPUT L.

Non ex Dei impotentia, sed propter suas iniquitates manet Synagoga repudiata, Christum nolens recipere, qui nihil pratermisit quod agendum fuerat ut ab ea reciperetur; immo illius amore seipsum in ignominiosas tradens afflictiones: ideoque Synagoga doloribus interituram denuntiat.

1.  AEc dicit Dominus: Quis est hic liber repudii matris vestrae, quo dimisi eam? aut quis est creditor meus, cui vendidi vos? ecce in iniquitatibus vestris venditi estis, & in sceleribus vestris dimisi matrem vestram. 2. Quia veni, & non erat vir: vocavi, & non erit qui audiret: (a) numquid abbreviata & parvula facta est manus mea, ut non possim redimere? aut non est in me virtus ad liberandum? Ecce in increpatione mea desertum faciam mare, ponam flumina in siccum: putrescent pisces sine aqua, & morientur in siti. 3. Induam caelos tenebris, & saccum ponam operimentum eorum. 4. Dominus dedit mihi linguam eruditam, ut sciam sustentare eum, qui lassus est verbosus: erigit mane, mane erigit mihi aurem, ut audiam quasi magistrum. 5. Dominus Deus aperuit mihi aurem, ego autem non contradico: * retrorsum non abii. 6. (b) Corpus meum dedi percutientibus, & genas meas vellentibus: faciem meam non averti ab increpantibus, * & conspuentibus in me. 7. Dominus Deus auxiliator meus, ideo non sum confusus: ideo posui faciem meam ut petram durissimam, & scio quoniam non confundar. 8. (c) Iuxta est qui iustificat me, quis contradicet mihi? stemus simul, quis est adversarius meus? accedat ad me. 9. Ecce Dominus Deus auxiliator meus: quis est qui condemnet me? Ecce omnes quasi vestimentum conterentur, tinea comedet eos. 10. Quis ex vobis timens Dominum: audiens vocem servi sui? qui ambulavit in tenebris, & non est lumen ei, speret in nomine Domini, & innitatur super Deum suum. 11. Ecce vos omnes accendentes ignem, accincti flammis, ambulate in lumine ignis vestri, & in flammis quas succendistis: de manu mea factum est hoc vobis, in doloribus dormietis.

(a) Inf. 11x. 2. (b) Matth. xxv. 67. (c) Rom. viii. 33.

BRUGENSIS.

ROMANAE CORRECTIONES.

Verf. 5. *Retrorsum non abii.* Subest hic mendum in auctographo Romano, ubi excu-

sum est tertia persona *abii* pro prima *abii* Verf. 6. *Et conspuentibus in me.* Non iudicant Patres omittendum *ro in me.*

C O M M E N T A R I A

M A L D O N A T I.

Verf. 1. **Q**UIS EST HIC LIBER. Heb.

מִי הַזֶּה הַלִּבֵּר, ubi est libellus repudi; quasi dicat: Soletis con- queri vos a me sine causa sola mea austeritate repudiatos; ostendite ergo libellum repudi; quo id probetis; reperietis vos a me non morositate mea, sed scelcribus vestris repudiatos: matrem autem eorum vocat Synagogam. AUT QUIS EST CREDITOR; quasi dicat, Nullus est, non enim ego vos vendidi, sed ipsi vos peccatis vestris vendidistis. ECCE ENIM. Reddit causam, cuius quod subintelligitur, scilicet nullum esse. IN INIQUITATIBUS: 2. propter iniquitates vestras, & propter scelera vestra.

V. 2. QUITA VENI, ET NON ERAT VIR; id est, nemo fuit qui recipere vellet meum auxilium. Potest referri ad auxilium Dei, quod saepe Iudaeis offerebat, ut inf. LXV. 2. *Expandi manus meas tota die ad populum incredulum, qui graditur in via non bona:* & LXVI. 4. *Vocavi, & non erat qui responderet, locutus sum, & non audierunt, feceruntque malum in oculis meis:* & Hier. VII. 13. *Locutus sum ad vos mane confutans & loquens, & non audistis:* & Prov. 1. 24. *Quia vocavi, & non venistis, &c.* Dicitur enim Deus ad nos venire cum nobis opem fert. Vel potest referri ad adventum Christi. In propria enim venit, & sui cum non receperunt: Ioan. 1. 11. Cum autem dicit neminem fuisse qui responderat, neminem posuit pro admodum paucis. NUMQUID ABBREVIATA. Heb. *Numquid abbreviando abbreviavit se manus mea;* quasi dicat: Non stetit per me, quasi ego impotens fuerim, quominus salvi effectis, sed per vos ipsos stetit. ECCE IN INCREPATIONE MEA; id est, prohibendo ne fluat, solo verbo, DESERTUM FACIAM MARE: *אֲחִירֵיב, exicabo mare.* Probat quod dixerat non esse abbreviatam manum suam, id est se non esse minus potentem, quam semper fuerit, quia sicut olim exiccavit mare: Exod. XIV. 21. ita nunc exiccare poterit, si res postulabit.

V. 3. INDUAM CAELOS TENEBRIS; id

est, sicut quondam caelum tenebris operui per tres dies, Exod. x. 22. ita nunc faciam quoties opus erit. ET SACCUM PONAM, id est induam eos sacco: repetitio est eiusdem sententiae. Est enim saccus habitus lugentium: cum autem caelum obdu- ctum est tenebris, lugere videtur.

V. 4. DOMINUS DEDIT MIHI LINGUAM ERUDITAM: *לְשׁוֹן דּוֹעֵר*, doctorum, id est qua docti uti solent. UT SCIAM, *וְדַעַת*, ut sciam opportune (loqui) verbum lasso. Sicut Christus dicebat, *Venite ad me omnes qui laboratis & onerati estis, & ego reficiam vos.* ERIGIT MANE, MANE; id est, singulis diebus mane erigit mihi aurem, ut audiam quasi magistrum, *כְּלִמְיָי*, sicut doctorum: vel, sicut iis qui docentur. Christus loquitur quatenus homo est: significat- que se a patre audire, quae alios doceat, ut ipse testatur, Ioan. XII. 50. *Quae ergo ego loquor, sicut dixit mihi pater, sic loquor.*

V. 5. DOMINUS DEUS APERUIT MIHI AUREM, EGO AUTEM NON CONTRADICO, id est Deo loquenti docilem me praebere. *Audio quid loquatur in me Dominus, quoniam loquatur pacem in plebem suam:* Psal. LXXXIV. 9. RETRORSUM NON ABI, id est non recessi ab eius mandatis: ut Hier. VII. 24. *Non audierunt, scilicet sunt retrorsum, & non in ante:* & Ier. XV. 6. *Tu reliquisti me, dicit Dominus, retrorsum abiisti.*

V. 6. CORPUS MEUM DEDI PERCUTIENTIBUS. Illustrissimum est de Christo vaticinium, quod re ipsa videmus fuisse perfectum: *Matth. XXVI. 67. Mar. XIV. 65. ET FACIEM MEAM NON AVERTI AB INCREPANTIBUS:* *סָבַלְמַת וּרָק*, ab ignominia & sputo.

V. 7. POSUI FACIEM MEAM UT PETRAM; id est, imperticritus ero, non magis vultum meum metu aut pudore mutabo, quam petra durissima.

V. 8. IUXTA EST QUI IUSTIFICAT ME; id est, Dominus a dextris meis, ne commovear: Psal. XV. 8. QUIS CONTRADICET MIHI; id est, Quis arguet me de peccato: Ioan. VIII. 46.

V. 9. ECCE DOMINUS AUXILIATOR MEUS; id est, Si Deus pro me, quis contra me: Rom. VIII. 31. *Deus qui iussit*

eat, quis est, qui condemnet? Ibidem, vers. 33. ECCE OMNES QUASI VESTIMENTUM CONTERENTUR. Non loquitur de naturali interitu, sed de spiritali & morte secunda, ut vocat D. Ioan. Apocal. xx. 6. xiv. & xxi. 8. ac si dicat: Omnes qui mecum in iudicio contenderint, damnabuntur, & se ipsi paulatim consumunt; nam quo magis me accusant, tanto magis augment, & producent peccata sua. ET TINEA COMEDET EOS; id est, sua ipsorum conscientia eos condemnabit, atque torquetur.

V. 10. QUIS EX VOBIS. Invitat Christus praeclinatoros, ut ad se veniant & illuminentur. QUIS AMBULAVIT IN TENEBRIS. Heb. non est interrogativum, sed relativum, *שמע, qui ambulat in tenebris ac sine lumine*. SPERET IN NOMINE DOMINI, (sub. & illuminabitur.)

V. 11. ECCE VOS OMNES. Prius allocutus est praeclinatoros, nunc alloquitur per apostrophem reprobos. Utitur autem antithesi inter lumen divinum, ad quod praeclinatoros vocavit, & lumen vel ignem peccatorum, in quem reprobos mittit; quasi dicat: Quia vocati nolulistis venire ad lumen & ignem caritatis & gratiae quem ego accendo, ite in ignem aeternum inferni, quem ipsi vobis peccatis vestris accendistis. ECCE VOS OMNES ACCIDENTES, id est accenditis ignem. ACCINCTI FLAMMIS, id est undique circumdati estis flammis, pleni estis peccatis. AMBULATE. Imperativum pro fut. ambulabitis IN LUMINE IGNIS VESTRI, id est in igne aeterno inferni versabimini, quem vos accendistis. DE MANU MEA FACTUM EST HOC; id est, mea potestate & auctoritate ita est constitutum, ut qui noluerunt igni meo salvi esse, igni suo pereant. IN DOLORIBUS DORMIETIS; id est, moriemini, perpetuis inferni doloribus cruciabimini: *חשכו, iacebitis*, id est in perpetuis cruciatibus versabimini.

S A.

Vers. 1. MATRIS, scilicet Synagogae. IN INQUITATIBUS VESTRIS. Chald. *propter peccata vestra*. VENDIDI, scilicet diabolo; quasi dicat: Non ego vos vendidi prior, aut dimisi, ut a me discedere coacti sitis, sed vos ipsi ultro ciscellistis a me per peccata deficientes. IN SCELERIBUS, id est ob scelera.

DIMIſI, id est abieci tandem. VIR, id est quisquam, scilicet qui me reciperet. INCREPATIONE, id est precepto, seu ira. DESERTUM FACIAM. Chald. *siccabo*; quasi dicat, Possum siccare si velim.

V. 3. SACCUM; pro, velut saccum.

V. 4. SUSTENTARE, &c. LXX. *quando oporteat loqui verbum*. ERIGIT, id est excitat. MANE, id est mature, seu invitate principio, scilicet conceptione: vox Christi; vel mane, mane, id est quotidie.

V. 5. APERUIT, &c. Chald. *misi me ad prophetandum*. ABII, scilicet renuens.

V. 6. PERCUTIENTIBUS. LXX. *flagellis*. VELLENTIBUS. LXX. *alapis*. INCREPANTIBUS, id est calumniantibus; quasi dicat, Expositus fui Iudaeorum calumniis.

V. 7. CONFUSUS, id est pudefactus.

V. 8. IUSTIFICAT ME, scilicet per gratiam; vel quasi dicat, Qui meam causam defendit, ut iustam.

V. 9. OMNES, scilicet me condemnantes: vox Christi. TINEA, id est conscientiae vermis.

V. 10. SERVI, scilicet Christi secundum humanitatem.

V. 11. IGNEM, scilicet cupiditatis, vel supplicii. AMBULATE; pro, ambulabitis. LUMINE, id est flamma; quasi dicat: Punietur supplicio quod vobis per peccata accersistis.

EST II.

Vers. 1. HAEC DIXIT DOMINUS: QUI EST HIC LIBER REPUDI MATRIS VESTRAE, QUO DIMISI EAM? AUT QUIS EST CREDITOR MEUS, CUI VENDIDI VOS? Verba sunt Domini loquentis ad populum Iudaicum, qua parte incredulus permansit, & reprobatus est. Neque directe significatur datum synagogae repudium, sed tantum ex consequenti; nam sensus est: Quare accusatis me, quasi mea sponte dimissem matrem vestram dato libello repudii, sicut solent morosi ac difficiles mariti, levi occasione repudiare uxores? Aut quis est creditor meus, cui, repenti debitum, cum non haberem quod solverem, vos filios meos in servitutem vendidi & tradidi? quasi dicat: Nihil tale est. Et culpa huius reiectionis vestra non

non est neque in duritia mea, neque in paupertate mea, sed in vobis, & in peccatis vestris. Unde sequitur: ECCE ENIM IN INQUITATIBUS VESTRIS VENDITI ESTIS, ET IN SCELERIBUS VESTRIS DIMISI MATREM VESTRAM; id est, Ecce & vos, & matrem vestram synagogam repudiavi, non ob aliud, quam propter iniquitates & scelera vestra.

V. 4. 5. & 6. DOMINUS DEDIT MIHI LINGUAM ERUDITAM ERIGIT MANE, MANE ERIGIT MIHI AUREM, UT AUDIAM QUASI MAGISTRUM, DOMINUS DEUS APERUIT MIHI AUREM. Verba ad Christum pertinent, ut ex sequentibus manifestum est: ubi idem dicit: CORPUS MEUM DEDI PERCUTIENTIBUS, ET GENAS MEAS VELLENTIBUS, quod constat Matth. xxvi. in Christo impletum. Illud vero mane, mane repetitum, proprietate sermonis Hebraici significat idem, quod per singula mane; sicut, homo, homo de domo Israel, id est quilibet homo apud Ezechielem cap. xiv. bis. Sensus ergo est: Quotidie mane, & mature Deus aurem mihi erigit, & iubet se auscultare, tamquam magistrum; quasi dicat: Et propterea nihil mihi desse potuit, quod ad perfectissimum concionatorem, & annunciatorem voluntatis divinae requiritur: nam ubi Deus suggerit quod dicendum est, perfecta doctrina est. Propterea quoque omnes concionatores diligenter orare debent, ut huius divinae instructionis fiant participes. Et hæc Christus dicit secundum hominem, scilicet mane, id est mature, diligenter, cito. Similes phrasæ sunt Ieremæ xxv. xxvi. xxix. & Psalm. cxxxviii. & alibi.

M A R I A N A E.

QUIS EST HIC LIBER REPUDI? Redit ad increpandos Iudeos. QUO DIMISIT EAM? Videtur Deus repudiasse Synagagam, cum in Babylonem est ducta. AUT QUIS EST CREDITOR MEUS? Hebr. aut cur e creditoribus meis, cui venditi vos? Solebat debitor, cum solvendo non erat, filios creditori vendere. Deus videtur Iudeos vendidisse, cum in captivitatem tradidit. ECCE IN INQUITATIBUS; quasi dicat: Non mea debita fuerunt causa, sed vestra scelera.

V. 2. QUIA VENI. Sic Sept. Chald.

quare venit: ita Hebr. pro certe veni. ET NON ERAT VIR, id est quisquam qui me reciperet. QUI AUDIRET. Hebr. qui responderet. Per me non stetit quo minus vos liberarem. Neque modo desistam. ECCE IN INCREPATIONE MEA, id est precepto. DESERTUM FACIAM MARE. Hebr. exsiccabo mare; pro, exsiccavi, scilicet cum populum ex Aegypto eduxi. PONAM FLUMINA IN SICCU. Hebr. ponam flumina (in) desertum. Quid si in deserto dicamus, ut sit antithesis? Ponam, pro, ponam.

V. 3. INDUAM CAELOS TENEBRIS. Hebr. nigredine; sed nigredo pro tenebris. Hoc fecit in Aegypto. Induam, ergo pro indui. ET SACCUM PONAM. Sic nubes vocat, quo lugentium more caelum induitur. Quod si illa fecit, cur modo meos liberare non potero?

V. 4. DOMINUS DEDIT MIHI LINGUAM ERUDITAM. Hoc de Christo intelligi frequentia ostendunt. Hebraei de Isaia dicunt. UT SCIAM SUSTENTARE EUM, QUI LASSUS EST VERBO. Hebr. ut sciam opportune loqui lasso verbum, scilicet ad illud erigendum. ERIGIT MANE, MANE. Hebr. excitat mane, mane; id est, omnibus diebus me excitat: Deus ut vos moveam. UT AUDIAM QUASI MAGISTRUM. Hebr. Ut audiam quasi eruditus excitat aurem, scilicet prophetis, quos docet quæ debeant dicere.

V. 5. NON CONTRADICO. Hebr. non rebellavi; pro, non rebello. RETRORSUM NON ABII: facio quæ mihi præcipit Deus.

V. 6. DEDIT MIHI GENAS MEAS VELLENTIBUS; supple, capillos, pilos barbae. FACIAM MEAM NON AVERTI. Hebr. abscondi. AB INCREPANTIBUS, ET CONSPUENTIBUS. Hebr. ab ignominia & spatu. Ex colloquio cum Deo eximia patientia facta est in Isaia animo; seu verius ad Christum hæc omnia referantur.

V. 7. IDEO NON SUM CONFUSUS, non crubui, non sum pudore affictus. IDEO POSUI FACIEM MEAM UT PETRAM DURISSIMAM, scilicet. Nullis opprobriis moveor. NON CONFUNDAR, pudeam. Non erit irrita spes & patientia mea, neque sine fructu.

V. 8. IUXTA EST QUI IUSTIFICAT ME, qui meam iustitiam tuctur, me esse iustum ostendit.

ostendit. QUIS CONTRADICET MIHI ? Hebr. *quis litigabit mecum ?* STEMUS SIMUL, scilicet ad tribunal. QUIS EST ADVERSARIUS MEUS ? Hebr. *quis (est) Dominus iudicii mei ?* id est caput in hac lite. ACCEDAT, praeſto ſum.

V. 9. CONTERENTUR, ſcilicet adverſarii mei. Hebr. *veteraſcent*. TINEA COMEDET EOS ; id eſt, levis calamitas illos proſternet, tineae ad inſtar.

V. 10. SERVE SUI ? id eſt, ſervi vocem audiat Deus. Hic eſt Ihuſus ipſe. QUI AMBULAVIT IN TENEBRIS ; pro, ambulat : premitur aſſiſtione. ET NON EST LUMEN EI. Repetitio. Per tenebras aſſiſtioneſ intelligit. Is ſperet in Deo, illi opem feret, eruet a malis.

V. 11. ECCE VOS OMNES ACCENDENTES IGNEM. Dixit, non eſſe lumen aſſiſtens, modo eſſe quidem praviſſim ignem, & lucem impius. ACCINCTI FLAMMIS. Hebr. *accincti ſcintillis*, ſcilicet eſtis circumfuſi moleſtiis. ET IN FLAMMAS QUAS SUCCENDISTIS. Hebr. *in ſcintillis*. Veſtra vos peccata premunt, luitis quod feciſtis. DE MANU MEA ; id eſt, mea providentia eſt factum, ut peccator uratur ſua pravitate. Quod eſt amplius, IN DOLORIBUS DORMIETIS ; pro, moriemini. Dolor erit perpetuus.

MALVENDAE.

Verſ. 1. **H**AEC DICIT DOMINUS, &c. Alii : *Sic ait Iehova*, &c. Tota haec, inquit, concio, quae duobus capitibus continetur (quemadmodum ſuperiore capite diximus de ſequentibus prophetis omnibus) ad explicationem pertinet illius dicti, quo cap. XLIX. 4. utebatur Chriſtus. Sunt autem partes huius concionis quatuor : prima eſt, conſeſtatio, qua Chriſtus in Iudaeos utitur, uſque ad verſ. 10. ſecondæ, propoſitio, reliquias Iudaeorum vocans ad poenitentiam, ut ſalvæ fiant ; inde ad verſ. 9. ſequentis capitis : tertiæ, oratio reliquiarum quæ ſollicite expectaverant adventum Chriſti, uſque ad verſ. 12. poſtrema, reſponſio Dei accipiens orationem Eccleſiæ, & promiſſa ſua de integro confirmans, inde ad finem uſque capitis LI. In hac porro conſeſtatione Chriſtus Iudaeos evincit per complexionem, hoc modo : Aut per te factum eſt, ut te

dimitterem, aut per me : per me autem minime factum eſt ; cum neque officium meum, neque potentiam, neque voluntatem merito deſiderare poſſis ; ſequitur ergo hoc per te effectum eſſe propter peccata tua : quod poſteriori complexionis membrum, ſive dilemmatis, verſ. 1. & parte ſecondæ : prius vero ſequentibus exponitur. QUIS EST HIC LIBER REPUDIÏ MATRIS VESTRAE, QUO DIMISI EAM ? AUT QUIS EST CREDITOR MEUS, CUI VENDIDI VOS ? Alii : *Ubi eſt libellus repudiÏ matris veſtrae, quo dimiſerim eam ? aut quis eſt ex creditoribus meis cui vendiderim vos ?* Ut evidenter, inquit, ſit hæc argumentatio, ita coniungenda eſt cum ſequentē verſu : Miror me, ait Chriſtus, cum ad meos venio, a meis non recepi. Quid vero cauſæ eſt, cur neque venientem admittatis me, neque reſpondeatis advocanti ? an ego umquam dimiſi, aut alienavi vos ? neutrum proſecto probabit, ſed quod ita diſceſſionem facitis a me, ita plane acceptum ſerendum eſt improbitati veſtræ. Neutrum probaturos eſſe Iudaeos confirmat Deus ex ritu uſitato legis : Alienantur, inquit, ex lege liberi a patria poſtſtate, cum aut repudiatur mater propter adulteriam, cum a dulcerino ſemine, ut Hoſea tr. aut venduntur propter paupertatem liberi, ut Exodus. XI. 7. horum autem neutrum factum &c. LIBER REPUDIÏ. Hebr. *liber exſeſſionis*, &c. Vide in Deuteronomio. XLIV. 1. ECCE IN INIQUITATIBUS VESTRIS VENDITI ESTIS. Quidam : *in iniquitatibus veſtris venditis vos* ; id eſt inique facitis, eſtiſque in me & in vos ipſos iniuri ; in me, quia ius meum erga vos mihi adhuc ſervavi integrum ; in vos autem, quia ipſi vobis adiudicatis libertatem filiorum Dei : ut ſi quis miſer filiusfamilias nulla neceſſitate preſſus, & omnibus bonis a patre abundans, ſeipſum certa malitia venderet. ET IN SCALERIBUS VESTRIS DIMISI MATREM VESTRAM. Alii : *deſeſſionibus veſtris dimittitur mater veſtra*, id eſt Eccleſia Iehudæorum ; ſic enim totum corpus in Scriptura ſolere appellari, oſtendimus Cantico. VIII. 2.

V. 2. QUA VENI, ET NON ERAT VIR, &c. Hunc verſum alii clariſſe ex Heb. exprimunt : *I. Cum ego venirem, nemo recipiebat. (In propria venit, & ſui cum non receperunt : Ioan. 1.) cum vocarem,*

ntmo

nemo respondebat. Num sic omnino precipua est manus mea, ut liberando non esset? aut virtus deceret mihi ad eripendum? Ecce sola increpatione mea exsiccabo pelagus, flumina in deserto converto, ita ut pisces eorum aut aque penuria putrescant, aut siccitate pereant. II. Quomobrem cum venio, nemo adest? cum voco, nemo respondet? an ullo modo brevior est manus mea, quam ut redimat, & an nulla sunt in me vires ad eripendum? quati dicat: Sensistisne ullo pacto min utam esse aut potentiam meam, aut voluntatem erga vos? potentiam confirmat duobus verbis, hoc & sequente; de voluntate deinceps agit: in increpatione mea: confirmatio potentiae a patris quibuldam exemplis; ad quae iterum praestanda, cum opus fuerit, tam potentem se esse confirmat Deus, quam olim fuit: Exsiccabo mare, Exod. xiv. dispono flumina in desertum, ut Iosue xii. faciet multitudo piscium eorum mortua sibi, eo quod desit aqua. Emploen verborum evidentiae causa transponimus.

V. 3. INDUAM CAELOS TENEBRAS, &c. Alii: I. Ego tristi caligine caelos vestio, & facio operio eos. II. Induo caelos atrox, ut Exod. io. velut cilicium pono operimentum eorum: comparatio caeli atrii, & lugubris cum atratis & lugentibus: quomodo fuit caelum Aegyptiis luctificum, cum nubes procederet inter castra Aegyptiorum & Israelitarum.

V. 4. DOMINUS DEDIT MIHI LINGUAM FRUITAM. Alii: Dominus Iehovi dedit mihi linguam eruditorum, seu eruditissimam. Confirmatio alterius partis, nimirum benevolentiae Dei erga Ecclesiam Iudeorum, ut diximus in vers. 2. Deus, inquit Christus, tantopere vos amat, ut iam mittat Filium suum instructum rebus omnibus ad salutem vestram pertinentibus: spiritu & verbo, quod Pater suppeditat Filio, & Filius ab ipso accipit, hoc versu; obsequio, sequente versu; patientia, vers. 6. & constantia fidei, qua armatus Christus audacter laceffit omnes adversarios, vers. 8. & 9. Quidam vertunt: Linguam eruditionum, seu doctrinarum. UT SCIAM SUSTENTARE EUM, QUI LASSUS EST VERBO. Alii ex Hebr. I. ut sciam dicere, vel preparare in tempore suo, laeso verbum, vel sustinendo, id est cupido audiendi verbum Dei, verbum. II. ut sciam tempestive agere cum

laeso, verbo. III. ut sciam tempestive miscere cum desartigato colloquium. IV. ad sciendum opportune loqui laeso verbum, vel ut sciam tempestive loqui cum seiso, id est, afflicto verbum. V. ad sciendum informare, injungere seissam, verbo. VI. ut sciam tempestive, ita ut dicamus, vel tempestive eloqui desesso verbum: ut Matth. xi. 28. Hispanicus Interpres: para saber dar en su sazón palabra al cansado. Hispanice eleganter dicimus, para saber temporizar con el cansado de palabra. ERIGIT MANE, MANE ERIGIT MIHI AUREM, UT AUDIAM QUASI MAGISTRUM. Alii ex Hebr. I. excitabis singulis matutinis, excitabis, inquam, mihi aurem ad audiendum sicut doctis, vel sicut docti, aut ut solent doctores. Quidam: sicut eorum, qui docentur. II. summo diluculo vellicavit, vellicavit, inquam, mihi aurem (ut solent doctores) ut auscultarem, vel ut audirem dicenda ut erudiis; id est, ut prophetis illis erudiis a Deo suggereret olim Spiritus quae dicenda erant. III. excitat unoquoque mane, excitat mihi aurem; id est, indesinenter me informat spiritu, non autem per tempora seu momenta, ut omnes prophetas alios: ad audiendam, ut audiantur eruditissimi; id est, ad studiosissime & diligentissime audiendum.

V. 5. DOMINUS DEUS APERUIT MIHI AUREM, &c. Alii ex Hebr. I. Adonai Iehovi aperuit mihi aurem; id est, revelavit mihi dicenda & patienda: rebellis non fui, nec sum retroactus; id est, nec retuli pedem ab eius obedientia. II. Dominus Iehovi aperit mihi aurem, & ego non rebellis, retrorsum non averti me; id est, ad obsequium informat me, ut quae audivi a Patre haec loquar vobis: Ioann. viii. 26. & exequar voluntatem eius, qui misit me, perficiamque opus ipsius, Ioan. iv. 34. EGO AUTEM NON CONTRADICO. Verbum מרא marah, haec omnia complectitur: & ego non mutavi in deterius, non mutavi mandatum, seu voluntatem Patris, non rebellavi, non defecor fui, aut defector, non amarecavi, non exacerbari, vel exacerbarus sum.

V. 6. CORPUS MEUM DEDI PERCUSSIONIBUS. Quidam reddunt: Corpus meum expono percussoribus; id est, in obsequio eius qui misit me, persolio patientissime, exinatio me, & submitto in omnia mala etiam iniquissima, factus obediens usque ad

mor-

mortem crucis, Philip. 11. 7. & ix. Perspicuum vaticinium Dominiæ passionis hoc versu continetur. PERCUTIENTIBUS. Vide Matth. xxvi. 67. & Ioan. xix. 1. & 2. ET GENAS MEAS VELLENTIBUS. Alii: *Et genas*, seu *malas meas depilantibus*; id est, avellentibus barbam indignissime. AB INCREPANTIBUS ET CONSPICIENTIBUS IN ME. Hebr. *ab ignominis & spuro*: vide Matth. xxvi. 67. & 68. & Lucæ xxii. 63. & 64. & 65.

V. 7. IDEO NON SUM CONFUSUS. Alii: *ideo non afficior ignominia*; id est, totam, quanta est, mihi facio. IDEO POSUI FACIEM MEAM UT PETRAM DURISSIMAM. Alii: *ideo circo compono faciem meam tamquam saxum adamantinum*; id est, obstituto me adversus omnes iniurias: simile est Ieremæ 1. 18. & Ezechiel. 11. 8. De voce חללמיש *challamish*, quam Noster *petram durissimam* exponit, alii, *silicem*, vel *saxum adamantinum*, vel *chalybeum*, vide in Job xxix. 4.

V. 8. IUXTA EST QUI IUSTIFICAT ME, QUIS CONTRADICIT MIHI? Alii: *Propinquus est iustificator meus*, vel *qui me iustum pronuntiat, quis contendat mecum?* ut Ioan. viii. 46. Hoc autem eodem argumento Paulus ut strenuus miles & imitator Christi, utitur, & utendum docet Roman. viii. 33. & sequentibus. STEMUS SIMUL, QUIS EST ADVERSARIUS MEUS? Hebr. *quis dominus, patronus, potius, possessor, magister, iudicii, seu cause mea?* Alii: I. *stemus simul, quicumque velit iudicio mecum contendere*. II. *constamus simul, quis habet causam iudicii contra me?* III. *stemus simul, quis in potestate habet iudicium meum?* id est, quis audeat de me iudicium ferre? vel quis speret quod palmam ferat, & victor evadat si mecum in iudicium descenderit: quis putet se causam obtenturum, & positurum victoria iudicii mei. IV. *quis exspectatur iure contra me?*

V. 10. QUIS IN VOBIS TIMENS DOMINUM? &c. Alii: *Quis inter vos timens Iesum?* &c. Altera parte concionis, id est, propositione, ut dictum est in vers. 1. Christus primum univere Ecclesiam Iudeorum vocat ad fidem in verbum suum, & poenitentiam, hoc versu: deinde seorsim quasi distributam in duas classes Ecclesiam, cum impios compellat, versu sequente;

tum resipiscences consolatur, principio capitis sequentis. AUDIENS VOCEM SERVI sui. Alii: *auscultans voci servi eius*, id est voci meæ, qui sum servus Patris, ut supra cap. xlii. 1. QUI AMBULAVIT IN TENEBRIS, ET NON EST LUMEN EI. Quidam: *qui ambulat in tenebris, cui nullus est splendor*. Exponunt, *In tenebris*, cum Pharisaice ignorantie, in qua perierant oves Israelis, tum calamitatum omnium, ut supra cap. ix. 2.

V. 11. ECCE VOS OMNES ACCENDENTES IGNEM, &c. Prius, inquit, membrum propositionis, quo Christus primum superbos illos Pharisaorum spiritus, totamque Ecclesiam Iudeorum vincit impietatis, quod in tenebris illis spiritualibus se sibi accensuros lucem putaverunt, & humanas traditiones tamquam malleolos comportaverunt, neglecta luce verbi Dei, & luce Evangelii, quam offerrebat Christus: deinde sententiam fert condemnationis, ut Ioan. ix. 41. Alii: *Ecce vos omnes ignem incendistis*; subaudi, *iræ Dei in vos*. ACCINCTI FLAMMIS. אקת זיקות, plerique a אקת *zikah*, deducunt: *accingentes*, vel *accinctores vinculorum, laqueorum, retinaculorum, compedum, seu manicarum*; id est, qui se, aliosque vinculis errorum irretiunt & illaqueant, complicantque. Alii a זיק: *accinctores flammarum, scintillarum, malleolorum*: vide in Proverb. xxvi. 18. id est, qui flammis alios accingunt. Quidam reddunt: *En vos omnes accendentes ignem, circumcingentes malleolis*: sic mox volunt esse laqueos ignitos. AMBULATE IN LUMINE IGNIS VESTRI, ET IN FLAMMIS QUAS SUCCENDISTIS. Alii ex Hebr. I. *incedetis in fulgore & scintillis ignis vestri, quem incendistis*. II. *ut in focum ignis vestri, & in malleolos, quos succendistis*; quasi dicat: *Cum non acquiescatis igni sacro, pergitote in prophano vestro; sed perituri tamen, ut filii Aharonis, Levit. x. Sic obsignat Christus primum obturationem & execrationem eorum, deinde æternam condemnationem, ut Matth. xxv. 41. DE MANU MEA FACTUM EST HOC VOBIS, &c. Alii: I. *a manu mea sunt hoc vobis, in dolore enbitum ibitis*. II. *a manu mea est hoc vobis, in dolore inebitis*; nimirum, execratio vestra ad graviorem condemnationem: ut Matth. xiii. 14.*

Bib. Sac. Tom. XVII.

X x

ME-

MENOCHII.

Verf. 1. **H**AEC Dicit Dominus: Iudæos sibi incredulos alloquens. **QUIS EST HIC LIBER REPUDI**; quasi dicat: Immerito querimini repudiatam a me Synagogam vestram, nam potius ipsa me prius deseruit. **AUT QUIS EST CREDITOR MEUS**, &c. quasi dicat: Ego non habeo creditores, quorum nummis egam, ut propterea oporteat me vos in servos vendere. Alludit ad legem Exod. xvi. 1. & 7. ubi parentibus permittitur ut in necessitate liberos vendant. **IN INIQUITATIBUS VESTRIS VENDITI ESTIS**: demonis, & poenae peccati traditi estis propter iniquitates vestras, propter quas matrem vestram Synagogam dimisi.

V. 2. **VENI**: in mundum, docens & predicans. **ET NON ERAT VIR**: qui doctrinam meam secundis auribus exciperet. **NUMQUID ABBREVIATA**, &c. quasi dicat: Quod vos dereliquerim, & a calamitatibus non crucium, non propterea accidit, quod minor nunc sit potentia mea; sed quia scelera vestra sunt impedimento. **ECCÆ**: si volvero. **IN INCREPATIONE MEA**: increpationem vocat Dei iustum minacem, & terribilem: sic Psal. cv. 9. habemus: *Incepit mare rubrum, & exsiccatum est. Desertum faciam*: aquis nimium; Chald. habet *fecabo*.

V. 3. **SACCUM**: pro, velut *saccum*.

V. 4. **LINGUAM ERUDITAM**: eruditum, ut est in Hebr. sane ita fuit; nam ipsimet Iudæi de Christo dicebant: *Numquam sic locutus est homo*; & Apostoli: *Dominus quo illevis, verba vite æternæ habes*. **UT SCIAM SUSTENTARE**, &c. ut peccatores miseris, & languidos sub peccati, & demonis iugo fellos, anhelantes, & gementes, in spem erigam, consolor, sustentem, & recreem, & sanem omnes oppressos a diabolo. **ERIGIT MANE**, &c. docet unde habeat linguam eruditam, scilicet ex eo quod a Deo tamquam magistro excitur, & erudiatur; hoc enim significat erigere aurem: sic Poetæ dictum est, *Cynthia aurem vellit*. **MANE**, **MANE**, id est singulis diebus, sive quotidie summo mane.

V. 5. **RETRORSUM NON ABII**: alludit

ad Moysen, qui Deo vocanti contradixit Exod. iv. 13.

V. 6. **CORPUS MEUM**, &c. Sic factum legimus Matth. xxvi. 67. *Tunc expuerunt in faciem eius, & celaplis eum ceciderunt, alii autem palmas in faciem eius dederunt, &c.*

V. 7. **DOMINUS DEUS AUXILIATOR MEUS**: adfuit mihi Deus animus, & robur sufficiens, ut omnia patienter, & moderate ferrem. **NON SUM CONFUSUS**: non puduit me illatæ ignominie, sciens honorificum esse hæc pati Dei voluntate, & pro salute hominum. **UT PETRAM DURISSIMAM**: immotus, invictus, & incunctus ad verbera, contumelias, & ignominiam crucis. **NON CONFUNDAR**: immo ex ignominia passionis, summæ gloriæ deus consequar.

V. 8. **IUSTA EST, QUI IUSTIFICAT ME**; quasi dicat: Licet obloquantur homines aut etiam propter mortem ignominia plenam scandalizentur, tamen iniquo illorum iudicio Dei iudicium oppono, qui meam causam iustificat, & me innocentem toti mundo ostendit, sustinet me a mortuis, & gloriose in celum subvehens. **QUIS EST ADVERSARIUS MEUS**; quasi dicat, Accedat, & videat quam non bonam causam defendat.

V. 9. **ECCÆ OMNES**, &c. Hunc locum explicat alter, qui habetur proxime sequenti cap. vers. 7. *Nolite, inquit, timere opprobrium hominum, & blasphemias eorum ne metuantis, sicut enim vestimentum, sic comedit eos vermis, & sicut laqueum, sic devorabit eos tinea*.

V. 10. **TIMEANS DOMINUM**: iustus, & divinæ legis tenax. **SERVI SUT**: Christi Domini. **INTENSERIS**: tribulationum, & persecutionum. **SPERET IN NOMINE DOMINI**: quem sequitur crucem ferendo.

V. 11. **ACCENDENTES IGNEM**: flammis incendi, & facti pabulum ignis persecutionum, & afflictionum. **AMBULATE IN LUMINE IGNIS**, &c. adeo vobis non nocebit persecutio, ut potius vos illustratura sit, & lumen præbitura, ita ut in vestro lumine ambulare possitis: sic tres pueri in fornace Babylonica ambulant in medio ignis: Daniel. iii. 92. **IN DOLORIBUS DORMIETIS**: in doloribus, in cratibus ferreis igne succensis, quasi in molli strato suavisiter cubabitis. Alii totum hunc versiculum de impiis

impiis explicant, qui futuri sint fomentum ignis, & ambulaturi in lumine ignis, id est versaturi se in flammis. IN DOLORIBUS DORMIETIS. In Hebræo est, *In dolore moriemini*, ut vertunt Pagninus & Vatablus.

T I R I N I.

Verf. 1. **Q**UIS EST HIC (de quo querimini) LIBER REPUDIUM MATRIS VESTRÆ, Synagoga Christo incredula & rebellis : QUI EAM desponsatam olim mihi in Sinai a, iam a me DIMISI ? Proferatur in medium hic liber, examinetur, & iudicetur, an ego prior vos repudiarim, an e contrario vos me : ita Forerius & Vatablus. **QUIS EST CREDITOR MEUS**, cui ut faciam satis, & nummos mutuo acceptos refundam, vos filios meos (quod lex b permittit) VENDIDI in servos, ut fallo iactatis ? quasi dicat : Ego tales creditores nullos habeo, nummis nullis indigeo, servitus vestra mihi nulli usui esse potest. Quod ergo quodam venditi sitis in servos, & traditi in avariciam, tum diabolo, tum aliis hostibus vestris, nemo prudens mihi adscribet, sed vobis ipsis, ET INIQUITATIBUS VESTRIS : quibus sponte iugum hoc induisti : qui enim facit peccatum c, servus est peccati. Sed inter innumera Iudæorum peccata, quodnam maxime displicuit Deo ?

V. 2. **QUIA VENI in mundum**, inquit Christus, ET NON ERAT VIR ; id est, nemo erat qui me adventatorem, docentem, predicantem exciperet, audiret, obediret : sed insurgentes in me, voluerunt nunc lapidibus obruere, nunc de monte precipitare ; ac tandem in probroissimam erucem egerunt. Hæc fuit præcipua causa repudii ac reprobationis vestræ, simulque excidii, captivitatis ac perpetuæ servitutis sub Romanis, sub aliis gentibus. Non vero causa huius est infirmitas vel impotentia, seu Dei, seu Christi, ut vos calumniamini, quasi imbecillior sim quam ut vos liberare possim. Nam me increpante, id est minaciter iubente, *deseretur mare* non modo piscibus, sed & aquis suis omnibus, ut accidit flumini Nilo & mari Rubro Exodi VII. & XIV. *Cæli quoque & astra ob-* tenebrescent, ut accidit Aegypto Exodi

X. 21. & in passione Christi Matth. XXVII. 45. & accidit in fine mundi, Matth. XXIV. 29. Rursum causa tanti mali quo involvimini, non est aliqua Christi insipientia, imprudentia, vel similis defectus, ut subinde arguitur :

V. 4. **NAM DOMINUS DEDIT MIHI LINGUAM ERUDITAM**, vobismet testibus Ioan. VII. 46. *Nunquam sic locutus est homo*. Et unde mihi hæc tam crudita lingua ? Ex eo quod DEUS ERIGIT MIHI AUREM, id est excitat ad audiendum, & ad vocem magistri celestis excipendam, idque MANE, id est summo mane & quotidie, nempe a primo d conceptus me instanti. Ex tunc enim

V. 5. **APERUIT MIHI AUREM**, id est revelavit exposuitque mihi omnia & singula quæ voluit me & scire, & pati, usque ad ultimum vitæ momentum. *Neque EGO ulli rei mihi ab ipso propositæ contradixi*, ut Moyses Exodi IV. sed alacer omnia acceptavi e. **RETRORSUM NUMQUAM ABII** : nulli difficultati cessi, molestias nullas fugi, dolores nullos.

V. 6. **CORPUS MEUM DEDI PERCUTIENTIBUS**, &c. LXX. *Dorsum meum dedi in flagella, & maxillas meas in alapas*. Ex quibus etiam luce clarius patet, causam desolationis Iudæorum non posse adscribi molitiei alicui mex, quasi labores aut dolores subterfugerim iis redimendis necessario subeundos : nam subivi omnes, & quidem ultro ac libenter : ita S. Hieronymus, Cyrillus & Origenes f. Et similia legere est apud Sibyllam, teste S. Augustino g.

V. 9. **ECCE OMNES**, qui seu in hæc, seu in alia causa se Christo opponunt, **CONTERENTUR QUASI VESTIMENTUM**, consumerentur & excederentur, immo sibi ipsis exitium & supplicium per sua scelera procudent, pariendo ex se *timeas h*, a quibus corrodamur & absumantur.

V. 10. **QUIS EX VOBIS**, o Iudæi TIMENS EST DOMINUM, & AUDIENS VOCEM, doctrinam, instructionem SERVI I SUI, id est eius, patra Christi, eidemque obediens vult esse & obsequens ; hunc immuncem facio a dictis poenis. Et si AMBULAVIT IN TENEBRIS afflictionum, dolorum & mille miserationum, & nullum EI LUMEN affulget lætioris fortunæ, pa-

cis vel gaudii; SPERET SOLUM IN NOMINE DOMINI, & certissimam ab illo opem & solatium accipiet. E contrario

V. 11. ECCE VOS INPITI IUDAEI, OMNES ACCENDENTES VESTRIS SCeleribus IGNEM IRAE divinae, tum temporalem per Romanos, tum aeternum per demones immittendum; agite, sic ACCINCTI FLAMMIS, AMBULATE IN LUMINE huius IGNIS VESTRI, gaudete foco quem struxistis, volutamine IN FLAMMIS QUAS SUCCENUISTIS: bene sit vobis. DE MANU MEA, tamquam iusti iudicis & vindicis, FACTUM EST VOBIS HOC firatum: voce & sententia mea ad hos ignes damnamini: IN DOLORIBUS & cruciatibus infernalium flammarum DORMIETIS. Hebraice, *cubabitis* perpetuo. *Discedite a me maledicti in ignem aeternum, qui paratus est diabolo & angelis eius.*

- (a) Exodi xii. 6.
(b) Exodi xxi. 2. & 7. Levit. xvi. 39. & 47.
(c) Ioan. viii. 34.
(d) Hebr. x. 4.
(e) Psalm. xxxix. 9. & Hebr. x. vers. 7.
(f) Origen. in Matth. xxv.
(g) Aug. orat. contra Iudaeos cap. xvi. & xvii. 10. VI.
(h) Psalm. lx. 8.
(i) Psalm. xlii. 2.
(k) Psalm. xv. 7.
(l) Matth. xxv. 42.

GORDONI.

Vers. 1. **I**nitium hoc est a dimissa, & quasi vendita Synagoga propter scelera commissa. Textus perspicuus est, & de Iudaeis intelligendus, qui post Christi adventum credere illi noluerunt: ita Euseb. Lib. III. de demonstr. cap. xxxiv. Cyril. Procop. Ambr. Lib. VIII. in Luc. cap. 1. Immo Origen. in xxvi. Matth. ait hunc esse totius Ecclesiae con-

sensum ex recentioribus. Pintus & Cornelius, allusio est ad libellum repudii: Deuteron. xxiv. & Matth. xix.

V. 2. Causa accise Synagoga non est Christi impotentia, aut fuga laborum in illo; sed obinata mens Iudaeorum.

V. 4. DOMINUS DEDIT MIHI LINGUAM, &c. Constante est sermo de Christo, ut docet Hieronymus, & comprobatur ex Ioan. cap. xii. 49.

V. 6. CORPUS MEUM DEDI PERCUSSIONIBUS. Patres omnes haec verba, ut sunt clarissima, accipiunt de Christo, ut merito dicant Itaiam videri Evangelistam. Lege August. Serm. CXIV. explicantem, quantum hinc debeat homo suo redemptori. Hinc Ierem. Thren. iii. 30. *saturabitur opprobriis*. Sibyllam de hoc mysterio loquentem August. orat. contra Iudaeos cap. xvi. & xvii. Tom. VI.

V. 8. IUSTA EST QUI IUSTIFICAT ME &c. Ostendit Christus innocentiam suam, malitiam Iudaeorum, & poenas subinde attingit quae ipsos expectant.

EX EIUSDEM AUCTARIO.

Vers. 5. APERUIT AUREM. Proposuit agenda, & dedit intelligentiam. NON CONTRADICO: non ergo ut Moyses, Exod. iv. 13.


Vers. 7. NON SUM CONFUSUS: sustinui opprobrium, nec puduit me: immo inde secuta est gloria.

Vers. 10. QUIS TIMENS, IUSTUS. SERVI sui, Christi. IN TENEBRIS, persecutionis.

Vers. 11. ECCE VOS: vel de bonis & iustis potest hoc intelligi, qui persecutionem patiuntur, quae illustrabuntur velut flammis nitentes: vel de malis & impiis, qui reservantur igni aeterno.

C A P U T L I.

Exhortatus Sion exemplo Abrahe, cui Deus promissa complevit, ut & ipsa certo fidas se promissam a Deo consolationem accepturam: de consolatione, salute & magna felicitate Sion, hoc est Ecclesie, per Christum futuram, & de Lege Evangelica late differit, ac de humiliatione hostium Ecclesie.

1.  Udite me qui sequimini quod iustum est, & queritis Dominum: attendite ad petram unde excisi estis, & ad cavernam laci, de qua præcisi estis. 2. Attendite ad Abraham patrem vestrum, & ad Saram, quæ peperit vos: quia unum vocavi eum, & benedixi ei, & multiplicavi eum. 3. Consolabitur ergo Dominus Sion, & consolabitur omnes ruinas eius: & ponet desertum eius quasi delicias, & solitudinem eius quasi hortum Domini. Gaudium & lætitia invenietur in ea, gratiarum actio & vox laudis. 4. Attendite ad me popule meus, & tribus mea me audite: quia lex a me exiit, & iudicium meum in lucem populorum requiescet. 5. Prope est iustus meus, egressus est salvator meus, & brachia mea populos iudicabunt: me insulæ expectabunt, & brachium meum sustinebunt. 6. Levate in cælum oculos vestros, & videte sub terra deorsum: quia cæli sicut fumus liquefcent, & terra sicut vestimentum atteritur, & habitatores eius sicut hæc interibunt: (a) Salus autem mea in sempiternum erit, & iustitia mea non deficiet. 7. Audite me qui scitis iustum, populus meus lex mea in corde eorum: nolite timere opprobrium hominum, & blasphemias eorum ne metuatis. 8. Sicut enim vestimentum, sic comedet eos vermis; & sicut lanam, sic devorabit eos tinea: Salus autem mea in sempiternum erit, & iustitia mea in generationes generationum.

9. Consurge, consurge, induere fortitudinem brachium Domini: consurge sicut in diebus antiquis, in generationibus sæculorum. Numquid non tu percussisti superbum, vulnerasti draconem?

(b) 10. Numquid non tu siccasti mare, aquam abyssi vehementis: qui posuisti profundum maris viam, ut transirent liberati?

11. Et nunc qui redempti sunt a Domino, revertentur, & venient in Sion laudantes, & lætitia sempiterna super capita eorum, gaudium & lætitiā tenebunt, fugiet dolor & gemitus. 12. Ego, ego ipse consolabor vos: quis tu ut timeres ab homine mortali, & a filio hominis, qui quasi scænum ita arefecit? 13. Et oblitus es Domini factoris tui, qui terendit carlos, & fundavit terram: & formidasti iugiter tota die a facie furoris eius qui te tribulabat, & paraverat ad perdendum; ubi nunc est furor tribulantis? 14. Cito venit gradiens ad aperiendum, & non interficiet usque ad internecionem, nec deficiet panis eius. 15. Ego autem sum Dominus Deus tuus, qui conturbo mare, & intumescunt fluctus eius: Dominus exercituum nomen meum. 16. (c) Posui verba mea in ore tuo, & in umbra manus meæ pro-

texti

texi te , ut plantes calos , & fundes terram : & dicas ad Sion : populus meus es tu . 17. Elevare , elevare , consurge Ierusalem , quæ bibisti de manu Domini calicem iræ eius : usque ad fundum calicis soporis bibisti , & potasti usque ad feces . 18. Non est qui sustentet eam ex omnibus filiis , quos genuit : & non est qui apprehendat manum eius ex omnibus filiis , quos nutrit . 19. (d) Duo sunt quæ occurrerunt tibi ; quis contristabitur super te ? vastitas , & contritio , & fames , & gladius ; quis consolabitur te ? 20. Filii tui proiecti sunt , dormierunt in capite omnium viarum , sicut oryx ilaqueatus : pleni indignatione Domini , increpatione Dei tui . 21. Idcirco audi hoc pauperula , & ebria non a vino . 22. Hæc dicet dominator tuus Dominus , & Deus tuus , qui pugnabit pro populo suo : Ecce tuli de manu tua calicem soporis , fundum calicis indignationis meæ , non adicies ut bibas illum ultra . 23. Et ponam illum in manu eorum , qui te humiliaverunt , & dixerunt animæ tuæ : Incurvare , ut transeamus : & posuisti ut terram corpus tuum , & quasi viam transeuntibus .

(a) Psal. xxxv. 32. (b) Exod. xiv. 27. (c) Sup. xlv. 1. (d) Sup. xlv. 2.

COM M E N T A R I A

M A L D O N A T I.

Vers. 1. **A**UDITE ME QUI SEQUITUR : *inquit* , ostendit se non agere , nisi cum predestinatis . ATTENDITE AD PETRAM , id est ad Abrahamum , ex quo elis propagati . ET AD CAVERNAM LACI , id est ad Saram , ex cuius ventre quasi ex caverna omnes prodierunt .

V. 2. ATTENDITE AD ABRAHAM . Explicat quod metaphorice per petram & cavernam significaverat . QUIA UNUM VOCAVI EUM , id est solum sine liberis , cum neque haberet , neque habere posset liberos : Gen. xii. ET BENEDIXI EI ; id est , quemadmodum cum ille nihil in se haberet virium ad generandum , mea benedictione eius semen multiplicatum est ; sic cum nihil sint in vobis meriti , mea gratia multiplicabimini : quod reipsa factum est , cum Apostoli nullis suis meritis a Christo vocati , infinitam hominum multitudinem ad Christum adduxerunt .

V. 3. CONSOLABITUR DOMINUS SION (id est , Ecclesiam) ET CONSOLABITUR OMNES RUINAS EIUS , id est Iudeorum ruinam , & excisionem , gentilium vocatione reparabit : Illorum enim delicto salus est gentibus : Rom. xi. 11. Et amissio eorum reconciliatio est mundi : ibid. 15. ET PONET DESERTUM EIUS . Alludit ad paradisum ,

unde primi parentes exacti fuerunt ; quasi dicat : Ecclesia Iudeorum quæ primum ex paradiso in desertum cecidit est ; rursus ex deserto , id est ex peccato per penitentiam in paradisum revocabitur . ET SOLITUDINEM EIUS QUASI HORTUM DOMINI , id est sicut paradisum , quem plantavit Dominus : Genes. ii. 8. vel , hortum Domini vocat , hortum amenissimum Hebræorum phrasi , sicut montes Dei , id est altissimos ; & hominem Dei , id est optimum . GAUDIUM ET LAETITIA . Describit florentem statum Ecclesie Catholice , qui in hac quidem vita inchoabitur , in altera perficietur cum exhibebit Christus ipse sibi gloriosam Ecclesiam , non habentem maculam aut rugam , aut aliquid huiusmodi : Ephes. v. 27 .

V. 4. QUIA LEX A ME EXIIT , id est Evangelium . Dabo legem meam in visceribus eorum , & in cordibus eorum inscribam eam : Jerem. xxxi. 33. ET IUDICIUM MEUM IN LUCEM POPULORUM REQUIESCET : מִשְׁפָּטִי , requiescere faciam , id est dabo : statuam legem Evangelicam , qua non solum Iudei : sed etiam gentiles illuminentur : Quod parabit ante faciem omnium populorum , lumen ad revelationem gentium : Luc. ii. 32 .

V. 5. PROPE EST IUSTUS MEUS , id est Christus iustus , Filius meus in quo mihi bene complacui . EGRESSUS EST ; pro , egreditur , SALVATOR LIENS , id est quem ego

LIENS

mittam ad salvandos homines. Heb. צדק, *iustitia mea*, & צדק, *filius mea*. Et BRACHIUM MEUM; id est, potestate mea iudicabo populos: videtur aspicere & extremum iudicium. ME INSULAE EXPECTABUNT; id est, in me confident extremi quique habitatores terræ; quasi dicat: Omnes, ut supra XII. 1. 5. & XLII. 4. 10. & XLIX. 1. Et BRACHIUM MEUM SUSTINEBUNT; id est, in potentia mea sperabunt, ut eos salvos faciam.

V. 6. LEVATE IN CAELUM; id est, convertite oculos vestros in omnes mundi partes, omnia quæ videbitis potius peribunt, quam iustitia mea, id est veritas verborum meorum: vocat enim iustitiam hoc loco, facere quod promissit: itaque quam hic iustitiam appellat, Christus vocat verba sua, id est promissa. Matth. XXIV. 35. *Calum & terra transibunt, verba autem mea non prateribunt*. Oratio est non absoluta, sed conditionalis, sicut & hoc loco; quasi dicat: Quamvis caelum & terra perire possent, verba mea falsa esse non possent.

V. 7. AUDITE ME QUI SCRIPSISTIS IUSTUM. Qui Christum receperunt, aut qui iustam legem meam receperunt: quod enim hic vocat iustum, statim vocat legem suam. POPULUS MEUS, LEX MEA IN CORDE EORUM. Hebraismus, qui sic resolvitur debet: Populus meus, cui lex mea cordi est, aut, qui diligis legem meam, aut, cuius in corde scripsi legem meam, hoc est Evangelium; ut Isaiam. XXXI. 33. Alloquitur enim & consolatur novos Christianos, ut Christus Matth. X. 28. *Nolite timere eos, qui occidunt corpus, animam autem non possunt occidere*. Opprobrium hominum appellat, quod non potest animo nocere.

V. 8. SICUT ENIM VESTIMENTUM, SIC COMEDET EOS VERMIS: וְכָמֹכָהּ, *tinea*, sicut statim, hoc est, facile peribunt, aut ipsi sese confument sicut vestimentum tinea sua. SALUS AUTEM MEA, וְצִדְקָתִי, & *iustitia mea*, IN SEMIPITERNUM FRUIT, ET SALUS MEA IN GENERATIONEM GENERATIONUM; id est, quos ego salvabo, nunquam peribunt.

V. 9. CONSURGE, צוּרֵי קוֹרֵי, *excitare, excitate*, BRACHIUM DOMINI; id est, ostende te te potentia Domini, quæ hactenus latere videbare, ut Psal. LXXIX. 3. *Excita potentiam tuam, & veni, ut salvos facias nos*. Possunt hæc verba esse Prophe-

ta, aut Dei per tertiam personam de se loquentis. SICUT IN DIEBUS ANTIQVIS, id est sicut olim, cum populum tuum deduces ex AEGYPTO.

V. 10. NUMQUID NON TU PERCUSSISTI: מִתָּה מִתְּהִי, *an non tu illud* (brachium) es, quod percussisti superbum, id est Pharaonem, aut, וְהָרָה, ut alii interpretantur, *Aegyptum*, ut Psal. LXXXVI. 4. *Memor ero Rahab & Babylonis scientium me*. VULNERASTI (perculisti) וְפָרַעְוֹנִים, id est Pharaonem, ut apud Ezechiel. cap. XXIX. 3. *Ecce ego ad te Pharaon rex Aegypti, draco magne, qui cubas in medio finium tuorum*; quasi dicat: Num Deus inferior est, quam olim fuit; aut abbreviata est manus eius, ut sup. I. 2. & inf. LIX. 2. & Num. XI. 23. *Numquid non tu siccasti mare*: Exod. XIV. 21.

V. 11. ET NUNC QUI REDIMPTI SUNT A DOMINO, REVERTENTUR; id est, sicut olim Hebraei qui a Deo liberati sunt, ex AEGYPTO in terram promissionis venerunt, ita qui a Christo a diaboli potestate redimuntur, VENIENT AD SION, id est ad Ecclesiam primum quidem militantem, deinde triumphantem, ubi perpetua laus, & lætitia erit, nullus vero dolor, nullus gemitus.

V. 12. EGO, EGO, id est Deus: opponit enim se homini mortali; quasi dicat, Ego, cui nemo potest resistere. QVIS TU. Hebraice est sinumini generis, וְאַתָּה, *brachium*. Alloquitur enim brachium suum Deus, ut vers. 10. quasi dicat: Num tu, o brachium meum, infirmum es, ut timeas ab homine mortali. ET A FILIO HOMINIS, QUI QUASI FOENUM יֵצֶת, *ponetur*, id est secabitur, demetitur, ardet, cremabitur; vel, intelligitur Sion.

V. 13. ET OBLIVIS ES DOMINI FACTORIS TUI. Opponit oblivionem timori, & Deum homini. Nam *formidare a facie tribulantis*, hoc loco non significat quomodo modo timere, sed tinere colendo, aut serviendo. Sicut timere Deum, est Deum colere; quasi dicat, Mæris coluisti ac reveritus es homines mortales, quam me qui te feci. *Ubi nunc est furor tribulantis*; id est, quid nocuit tibi furor hominum, qui te opprimebant.

V. 14. CITO VENIET GRADIENTS. Christus cito veniet per diversos veluti gradus ex semine Davidis descendens; aut, *Veniens veniet*,

veniet, *ſed non tardabit*: Habacuc II. III. & Heb. x. 37. ET NON INTERFICIETUSQUE AD INTERNECIONEM; id eſt, incerpabit quidem homines, ſed non perdet. *Arundinem quajſtatam non confringet*: IIai. XLII. 3. & Matth. XII. 20. NEC DEFICIET PANIS EIUS, id eſt conſolatio, ſuſtentatio. *Percurſus, & ipſe ſanabit*: Deut. XXXII. 39. Hebraice alius ſenſus eſſe poteſt: סָחֵר, *ſeſtinae* (tempus) צֶעֶד רְחֹמָיו, *vinctus ut ſolvatur*; id eſt, appropinquat tempus, quo tempore vincli ſolvantur, id eſt qui apud inferos vincli tenentur, per Chriſtum educeantur: וְלֹא יִמָּוֵת לְיָמָיו, *ſed non morietur in laeo*, id eſt ne abſorbeat eos tartarus, ut loquitur Eccleſia. *Nec deficiat panis eius*, id eſt ne fame pereat. Famem autem vocat myſtice deſiderium videndi Dei, quo patres qui in limbo erant tenebantur.

V. 15. EGO AUTEM. Probat poſſe ſe facere quod dixerat, quia Deus eſt. Alloquitur autem Chriſtum, de quo dixerat, *Cito venies gradiens*: eſt enim apoſtrophe, vocatque ſe Deum Chriſti, qua parte homo eſt.

V. 16. POSUIT VERBA MEA IN ORE TUO. Sicut Chriſtus dicebat, *Doctrina mea non eſt mea, ſed eius qui miſit me*: Ioan. VII. 16. & rursus, *Sermonem quem audiviſti non eſt meus, ſed eius qui miſit me patris*: Ioan. XIV. 29. ET UMBRA MANUS MEAE, id eſt auxilium potentiae meae protegi te. UT PLANTES; quaſi dicat, Ut totum mundum renoves, *Ut reconcilies quae in caelo, & quae in terra ſunt*: ad Coloff. I. 20. *Ut facias caelum novum, & terram novam*: Apocal. XXI. 1. 5. Dicitur autem Chriſtus caelum & terram renovaviſſe, renovatis hominum moribus, ita ut nulla ſit inter mores hominum & Angelorum differentia. ET DICAS AD SION: POPULUS MEUS ES TU; id eſt, ut iure tuo Eccleſiam appellare poſſis populum tuum, id eſt a te regeneratum, a te redemptum.

V. 17. ELEVARE, ELEVARE: הִתְעוֹרֵר, *תְּעוֹרֵר*, *evigila, evigila*, SURGE IERUSALEM, QUAE BIBISTI DE MANU DOMINI CALICEM IRAE EIUS; id eſt, quae haecenus oppreſſa calamitatibus a Domino immiſſis veluti ebria & attonita iaciuiſti. USQUE AD FUNDUM CALICIS SOPORIS, id eſt ſoporiferi, BIBISTI. Soporiferum autem calicem vocat non ſolum qui ſonnum inducit, ſed qui ebrietate mentem emovet; quaſi

dicat, *Hora eſt iam te de ſomno ſurgere, quia propior eſt tua ſalus*: Rom. XIII. 11.

V. 18. NON EST QUI SUSTENTET EAM: הֵן סִנְהָלָהּ, *non eſt, qui ducat eam*. Alludit ad conſecrationem, de qua dixerat verſ. precedenti; non enim poſſunt ebrii incedere niſi manum ducantur. Ex omnibus filiis eius quos genuit; quaſi dicat, Quod Theologi dicere ſolent, nullum purum hominem poſuiſſe pro peccatis omnium hominum ſatiſfacere; ſed necceſſe fuiſſe, ut Deus fieret homo. ET NON EST QUI APPREHENDAT MANUM EIUS. Repetitio eſt; idem enim eſt ducere, & apprehendere manum. Vel, *Qui apprehendat manum eius*, id eſt qui opem ferat illi, ut eam a peccato & penis, quas luit, liberet.

V. 19. DUO SUNT QUAE OCCURRERUNT TIBI; id eſt, omnia malorum genera tibi acciderunt; non enim ſignificat duo tantum mala illi accidiſſe, cum poſtea quatuor enumeret, ſed duo malorum genera, id eſt omnia, quia nullum malum eſt quod non ſit internum aut externum. In utroque autem genere proponit duo exempla; contritionem, id eſt mortem, aut dolorem animi, & ſanctam, quae interna mala ſunt; & vaſtatem, & gladium, quae ſunt externa. Phraſis autem Hebraica interrogatione conſtans, hanc habet vim: Cum omnia malorum genera tibi conigerint, nemo eſt etiam ex filiis tuis, non ſolum qui adiuvet, ſed etiam qui conſoletur, ac delectet.

V. 20. FILII TUI PROJECTI SUNT, id eſt diſperſi, in exilium & captivitatem miſſi: וְעָלְיוּ, *deſecerunt, iacent laſſi*. DORMIERUNT: שָׁכְנוּ, *iacent in capite omnium viarum*, id eſt in compitis urbium כְּרִאשׁ כָּל חוֹצוֹת, *in capite omnium platearum*; id eſt in mediis plateis vincti iacent venalles. SICUT ORYX ILLAQUEATUS, id eſt ſicut bos ſylveſtris laqueo irretitus. Heb. כְּתוֹם טֶבֶר R. Abraham dicit eſſe genus avis, quod huic loco non male congruit. Significat enim Iſraelitas vinctis poſt terga manibus, ſicut aves quae laqueo captae ſunt, vendi. PLENI INDIGNATIONE DOMINI, id eſt ebrii, attoniti, perterriti Domini indignatione, quam ſicut calicem uſque ad ſeces perpotarunt: ſicut de ebriis dicere ſolemus, *Iſt eſt plenus*. Alludit enim ad id quod dixerat verſ. 17.

Con-

Consurge Iersalem, qua bibisti de manu Domini calicem ira eius.

V. 21. EBRIA ET NON A VINO, id est ab ira Dei emota, non quod vinum potatit eadem phrasia explicata est supra cap. XXIX. 9.

V. 22. QUI PUGNAVIT: יָרִיב, qui causam defendit populi sui, id est tuam. ECCE TULI DE MANU TUA CALICEM SOPORIS, id est avertam iram meam a te. PRÆT. pro fut. NON ADICIET UT BIBAS ILLUM, id est non bibes illum iterum, non puniam te his in idipsum.

V. 23. ET PONAM ILLUM IN MANU EORUM QUITE HUMILIABERUNT, id est ut illum propinquem inimicis tuis, ut David petit Psal. LXXVIII. 6. Effunde iram tuam in gentes, qua te non noverunt, & in regna, qua nomen tuum non invocaverunt: & Ierem. x. 25. Effunde indignationem tuam super gentes que non cognoverunt te. ET DIXERUNT ANIMAE TUAE, ist est tibi, Hebraismus: ut Psal. III. 3. Multi dicunt animae meae (id est mihi) non est salus ipsi in Deo eius. INCURVARE UT TRANSEAMUS, id est qui te adeo abiecerunt, ut pedibus conculcarent. ET POSUITI, præt. pro Imperativo, pone, UT TERRAM CORPUS Tuum: תַּשְׁכִּי, quasi viam transeuntibus; id est, submitte te omnibus, qui te volent conculcare.

S A.

Vers. 1. Q UOD IUSTUM EST. Chald. veritatem. PETRAM: sic vocat Abraham ob fidei firmitatem. CAVERNAM LACI, id est Sarze utrum.

V. 2. ATTENDITE: explicatio præcedentis. UNUM, id est cum solus esset sine prole. Chald. solus erat in saculo, scilicet quem vocarim. MULTIPLICAVI, id est davi, seu dedi filios.

V. 3. DELICIAS. Heb. Heden. LXX. Paradisum.

V. 4. TRIBUS, id est gens. Chald. congregatio. LXX. Reges. Lex, scilicet Evangelica. IUDICIUM, id est doctrina. REQUIESCET; pro, faciet requiescere, vel permanebit.

V. 5. IUSTUS, scilicet Christus. BRACHIA, id est vires, seu potentia. INSULAE, id est gentes. SUSTINEBUNT, id est Bib. Sac. Tom. XVII.

expectabunt. LXX. in brachium meum spectabunt.

V. 6. LIQUESCENT. Chald. transibunt. ATTERETUR. Chald. & LXX. veterasces.

V. 7. IUSTUM, id est iustitiam, Chald. veritatem. LXX. iudicium. BLASPHEMIAS. Chald. superbias. LXX. contempnum.

V. 8. VERMIS, scilicet conscientie. TI-NEA. Repetitio.

V. 9. CONSURGE, scilicet o Christe. LXX. exurge Iersalem. INDUERS, &c. quasi dicat, Ostende te fortem. BRACHIUM, id est potentiam, vel, o brachium: alloquitur enim Christum, & verbis femininis, quia brachium Heb. semineum. ANTIQUIS, scilicet ostendisti potentiam tuam. SAECULORUM. Chald. qua ab initio fuerunt. SUPERBUM, scilicet diabolum, vel Pharaonem. Chald. fortes. DRACONEM. Chald. Pharaonem, & exercitum eius.

V. 10. MARE, scilicet rubrum. LIBERATI, scilicet Hebraei ex Aegypto.

V. 11. DOMINO, scilicet Christo. REVERTENTUR, scilicet ad Deum, a quo facti & redempti. SION, scilicet eadestem.

V. 12. QUIS TU; pro, indignum ut tu.

V. 13. EIUS, scilicet hostis.

V. 14. VENIET, scilicet Christus. APERIENDUM, scilicet salutis ostium. NON INTERFICIET; scilicet non venit ut perdat, sed ut salvet. PANIS EIUS. Chald. cibaria iustorum.

V. 15. EGO AUTEM, &c. verba Patris ad Christum. TUUS, scilicet quatenus homo es.

V. 16. CAELOS, id est caelestes viros. TERRAM, id est terrae habitatores, scilicet in Ecclesia, vel terram novam. SION, id est Ecclesiam.

V. 17. SOPORIS, id est stuporis, scilicet stuporem inducentis, seu soporem mortiferum. Chald. maledictionis. LXX. furoris.

V. 19. FAMES, ET GLADIUS. Explicatio præcedentium.

V. 20. ORVX. Animal est caprae simile. Chald. laguncula confracta. LXX. beta semicocta.

E S T I I.

Vers. 5. P ROPE EST IUSTUS MEUS, EGRESSUS EST SALVATOR MEUS.

MEUS. Verba sunt ipsius Dei, qui Christum vocat Salvatorem suum, non a quo ipse salvetur, sed Salvatorem a se dandum, mittendum, & per quem salvet homines. Sic supra cap. XLIV. 28. Cyrum vocat Pastorem suum, non a quo pascatur, sed pastorem a se constitutum, ut pascat & regat populos. Ita & hoc tempore, qui a regibus praefici solent provinciis, Praefecti regis, & Gubernatores regis appellantur; non quod ipsos reges gubernent, aut regibus sint praefecti, sed quod reges eos praefecerint, ut subditis praesint, eosque gubernent.

M A R I A N A E.

Vers. 1. **A**UDITE ME. Alloquitur Deus pios Iudaeorum, quibus pollicetur se fore propitium ob merita patrum. ATTENDITE AD PETRAM UNDE EXCISI ESTIS, id est lapidinam. AD CAVERNAM LACT. Hebr. *ad foramen putei*: sic vocat milchiria. DE QUAEPRACISI ESTIS. Hebr. *erant estis*. Hoc est, maiores vestros considerate, propter quos vobis beneficio. Attendite ergo ad Abraham, & ad Saram.

V. 2. QUAE PEPERIT VOS. Hebr. *conceptus vos*. QUIA UNUM VOCAVI EUM; id est, ex omnibus populis unum selegi, cui benedicerem, & quem multiplicarem. Aut unum Abrahamum elegi.

V. 3. CONSOLABITUR ERGO DOMINUS. Hebr. *quia consolabitur*; sed *quia*, pro, certe. Ob merita patrum Deus consolabitur Sion. Tristitia in gaudium vertetur. GRATIARUM ACTIO, seu *confessio*, ut Septuag. *Vox todah* utrumque significat.

V. 4. TRIBUS MEAE. Hebr. *gens* seu *natio mea*. QUIA LEX A ME EXIIT; pro, exivit lex, id est promissio vos liberandi. ET IUDICIUM MEUM. Ea promissio implebitur cunctis videntibus. Id significat, IN LUCEM POPULORUM.

V. 5. PROPE EST IUSTUS MEUS. Hebr. *iustitia mea* ad implenda promissa; sed *iustitia* sumi potest pro *iusto*. Is est Christus. SALVATOR MEUS. Hebr. *salus mea*. ET BRACHIA MEAE POPULOS IUDICABUNT; id est, mea potentia condemnabo, puniam populos vos opprimentes. ME INSULAE EXPECTABUNT, ut illi etiam liberentur ab oppressione eorum populorum. SUSTINEBUNT; pro, *expectabunt*, ut est Hebr.

& *sustinere* Latinis *expectare* est.

V. 6. SICUT FUMUS LIQUESCENT. Hebr. *pe-ibunt*, ATTERETUR terra. Hebr. *veterascer*. ET HABITATORES EIUS (terra sicut haec) INTERIBUNT. Hebr. *similiter conterentur*. ET IUSTITIA MEAE NON DEFICIET. Hebr. *non conteretur*. Sententia totius versus est: *Calum & terra transibunt, verba autem mea non prae-teribunt*: Matth. XXIV. 35.

V. 7. QUI SCITIS IUSTUM. Hebr. *iustitiam*, id est qui scitis me stare promissis, POPULUS MEUS. *Meus* non est Hebr. LEX MEAE IN CORDE EORUM, id est si promissio mea sit in corde vestro, non erit quod timeatis opprobria & convitia putantium vos a me esse derelictos. Conscientia vestra & fides vos solabitur.

V. 8. SICUT ENIM VESTIMENTUM. Repetit quod versu 6. dixerat. SIC COMEDET EOS, scilicet caelos. VERMIS. Hebr. *tinea*. ET SICUT LANAM, SIC DEVORABIT EOS TINEA. Repetitio. *py has* & *po sas* synonyma sunt, ut Latine *sit* & *tinea*. SALUS AUTEM MEAE; id est, etiam si illi deficiant, salus & iustitia mea in aeternum stabunt.

V. 9. CONSURGE, seu *excitate*. Verba Prophetæ ad Deum. BRACHIUM DOMINI, potentia. PERCUSISTI SUPERBUM, seu *excelsi*. Vox *rahah*, *superbum* significat; sed multis locis sumitur pro Aegypto, Psal. LXXXVII. & LXXXIX. sic Pagn. vertit hoc loco, *Proscindens superbam Aegyptum*; sicut per *draconem* mox intelligunt Pharaonem, illis verbis: VULNERASTI DRACONEM? aut dolore affectu instat parturientis. Id significat vox *meholeleth*.

V. 10. UT TRANSIRENT LIBERATI? Hebr. *redempti*: ideo siccatu mare.

V. 11. ET NUNC. Nunc Hebr. non est, sed sic: Et *redempti domini* revertentur, scilicet ex captivitate. LAUDANTES. Hebr. *in iubilo*. ET LAETITIA SEMPERITERNA SUPER CAPITA EORUM; id est, in mente & in lingua erit laetitia.

V. 12. QUI QUASI FOENUM ITA ARESCET homo. Hebr. *fenem dabitur*, id est quasi foenum erit. Vox *quasi* suppleri debet. Supplet Septuag. & Chald. Ne ergo hominem timearis, sed me.

V. 13. ET OBLITUS ES DOMINI. Ea fuit causa timendi homines, Deum proculis non habere.

V. 14. CITO VENIET, scilicet Deus. GRADIENS AD APERIENDUM. Anhelans ad

ad aperiendum, scilicet carcerem. ET NON INTERFIGET USQUE AD INTERNECIONEM. Hebr. *non morietur in fovea*, id est in carcere populus, שַׁחַב *sabath* scpe pro sepulcro sumitur, nunc pro carcere fumo. NEC DEFICIET PANIS EIUS, id est alimentum populi victi. Non morietur in vinculis fame.

V. 15. QUI CONTURBO MARE; pro, conturbavi. Hebr. *divido*, ut scilicet transirent filii Israel egressi de Aegypto. INTUMESCUNT FLUCTUS EIUS. Hebr. *intumuerunt prae impetu* scilicet retrocedendi.

V. 16. POSUIT VERBA MEA. Deus loquitur ad Prophetam, ostenditque esse impleta quae dixit cap. XLIX. initio: *Et posuit os meum ut pladium acutum*. UT PLANTES CAELOS. Hebr. *ad plantandum caelos*. Sic alii in prima persona vertunt: *ut plantem caelos*, id est *populum*, de quo est dictum, *quod multiplicaretur sicut stella cali*: sic Chald. ET FUNDES TERRAM. Hebr. *ad fundandum terram*, id est *populum*, de quo est dictum, *quod multiplicaretur sicut pulvis terrae*. ET DICAS. Hebr. *ad dicendum Sioni: Populus meus tu*. Ex his vides referre parum, ut eos infinitivos aut gerundia per primam aut secundam personam vertas.

V. 17. USQUE AD FUNDUM CALICIS SOPORIS BIBISTI, id est venenatam potionem, quae somnum conciliat. Hebr. *Facies calicis venenum mortiferum bibisti, expressisti*. Vox תרעלה *taralah* id venenum mortiferum significat. Noster dixit: POTASTI USQUE AD FAECES. Sententia una est, verba varia. Hoc contigit cum Deus eam urbem Ierusalem, scilicet hostibus tradidit.

V. 18. NON EST QUI SUSTENTET. Hebr. *quis ducat eam*; id est, in ea calamitate nullus e filius eius potuit illi auxiliari.

V. 19. QUIS CONTRISTABITUR SUPER TE? aut quis consolabitur te. Omnia haec potest significare verbum יָנַח *ianach*. QUIS CONSOLABITUR TE? Sic. Sept. Hebr. *quis consolabor te*, pro, *consolabitur*: prima persona pro tertia.

V. 20. FILII TUI PROIECTI SUNT. Hebr. *defecerunt*, scilicet pro fame. DORMIERUNT. Hebr. *incurant occisi*. IN CAPITIBUS OMNIUM VIARUM. Hebr. *in capite omnium platearum*, scilicet in foro, palam. SICUT ORYX ILLAQUEATUS. De *oryge* Dent. XIV. 5. Alii, *sicut bos silvestris* in

reti. Gotth. *sicut bestia illaqueata*. Iacet enim moesta quaecumque bestia, cum se e reti aut laqueo non potest explicare. Id significat, PLENI INDIGNATIONE.

V. 21. ET EBRIA, scilicet angustis & malis. Solent enim dementare homines. NON A VINO.

V. 22. QUI PUGNABIT PRO POPULO SUO. Hebr. *litigabit* (pro) *populo suo Deus*. CALICEM SOPORIS. Hebr. *veneni mortiferi*. FUNDUM. Hebr. *feces calicis indignationis meae non bibes amplius*; id est, te a malis, quae pertulisti, liberabo.

V. 23. ET PONAM ILLUM. Faciam, ut hostes tui bibant illum calicem. QUI TE HUMILIABERUNT. Hebr. *contristaverunt*. ET DIXERUNT ANIMAE TUAE, id est tibi. INCURVARE, UT TRANSEAMUS. Vox hostium. ET POSUISTI UT TERRAM, te incurvasti, & abiecasti ad terram. ET QUASI VIAM, seu plateam pedibus transeuntium calcandam praebuisti. Itaque abiecta & humiliata magnopere es, nunc vices mutantur.

M A L V E N D A E.

Verf. 1. AUDITE ME QUI SEQUIMINI QUOD IUSTUM EST. Quidam: *Auscultate mihi sectatores iustitiae*, &c. Posterius membrum propositionis, ut dictum est cap. 2. 10. quo Christus respicientes Iudeorum reliquias consolatur, & confirmat, propositis argumentis, primum spei, fideique certae in gratiam Dei, usque ad versum 7. deinde patientiae, verf. 7. & 8. Ad spem autem & fidem comparat partem recordatione Abrahami & Sae, ac proinde promissionum foederis ad ipsos naturam pertinentium, tribus versibus; partim exemplo gentium, quo Iudaeos provocat Deus, ut percipiant efficaciam Evangelii; usque ad vers. 6. partim a praestantia beneficiorum suorum. Verf. 6. ATTENDITE AD PETRAM UNDE EXCISI ESTIS, ET AD CAVERNAM LACI, DE QUA PRAECIST ESTIS. Alii: *respicite, seu intuemini rupem unde excisi estis, & in eam foveam unde effossi estis*. Alii: *& ad perforationem cisternae unde eruti estis, vel & ad caveam cisternae, unde effossi estis*. Plerique passim in petra Abrahamum iam siccum & sterilem intelligunt, & Saram cavernam iam veterem & exsiccatam, unde tamen sint

Y y 2 hausti

haufit Iehudæi, id est orti. Tremellius, & Iunius exponunt: Id est, Abrahamum & Saram, ut sequente versu exegesis ostendit. Est autem hoc dictum allegorice, sumotum a latumia, sive lapidina, & unde effodiuntur & exvuntur lapides, quemadmodum Propheta allegoriam fontis adhibuit, supra cap. XLVIII. 1. Hæc autem allegoria hic propterea ponitur, quod magis cum argumento convenit: nam sic argumentatur Christus: Promitto me confortaturum & instauraturum Ecclesiam, utcumque vastata sit ac pene nulla, vers. 5. hoc autem ut facilius credatis, cogitate vos ex iis parentibus ortos esse, qui nunquam genuissent liberos, nisi Deus potente verbo, tamquam malleo e rupe lapides excidisset, ac proinde vos, qui in eodem sedere estis, eandem virtutem Dei eiusdem experturos. ET AD CAVERNAM IACI. נִקְבָּה makebet, proprie, excavatio, perforatio, cavea, fovea. Nonnulli Hebræorum allusum putant ad vulvum, seu iterum mulieris: ex qua etiam radice dicta est femina נִקְבָּה nekebah, quasi excavata, & perforata propter fornicum.

V. 3. CONSOLABITUR ERGO DOMINUS SION. Alii. Nam consolabitur Iehova Tziōnem, &c. Aetiologia, eui debeat prius respicere ad promissiones factas Abrahamo, & ad historiam eius: Nam, inquit, si respectietis eandem salutem consequimini: quæ allegorice figuratur in hoc versu. OMNES RUINAS EIUS. Hebr. omnes exsecrationes, siccitates, devastaciones, desolationes, vastitates eius: metonymice, quod siccitatem sequi soleant. ET PONET DESERTUM EIUS QUASI DELICIAS. Alii: & disponet desertum eius tamquam Hedenem. Hic pro nomine proprio horti deliciarum accipiunt, de quo vide in Genes. 11. 8. GRATIARUM ACTIO, ET VOX LAUDIS. Alii: I. confessio, & vox amici. II. laudatio, & vox psalterii. III. celebratio, & vox psalmodia, seu psalmedica.

V. 4. ATTENDITE AD ME POPEL MEUS, ET TRIBUS MEA ME AUDITE. Alii ex Hebr. I. Ad me igitur attendite, o populus meus, & aurem præbe mihi, o plebs mea. II. Attendite ad me, popule mi, & natio mea ad me aurem adverte. Secundum argumentum, quo Christus Iudeorum Ecclesiam ad fidem hortatur, & emulatione & exemplo gentium, ut Deuteronom.

XXVII. 21. QUA LEX A ME FIKET, &c. Alii: I. quia lex a me egreditur, id est Evangelium, ut apud Paulum, lex spiritus vitæ: & iudicium meum, id est doctrinam meam, ad lucem populorum proferam; id est, promulgabo eam ut gentes illustret. II. nam doctrina a me prodibit; & ius meum in lucem populorum faciam ut quiescat, seu colloco. ET IUDICIUM MEUM IN LUCEM POPULORUM REQUIESCET. Varie alii ex Hebr. I. & iudicium meum in lucem populorum requiescere faciam; id est, interea dum iudicia mea exercebo in gentes, in oculis omnium populorum, scilicet ut omnes illa videant, quiescere faciam vos, & pacatos ac securos vos reddam ab ira mea, vel a bello: requiem vobis præstabo. Sed hic sensus durus est. II. & iudicium meum in lucem populorum momentabo, ut sic loqui liceat; id est, momento ostendam, patefaciam, vel perficiam; quasi dicat: Derepente, sine mora, vel singulis momentis iudicio meo populos illuminabo, hoc est Evangelio. III. & iudicium meum in lucem populorum concitabo; id est, faciam ut momento appareat. IV. rigere faciam, vel rigide proferam, id est in oculis omnium populorum, publice, spectante mundo severa iudicia in gentes Evangelio infestas exercebo: vel iudicium meum integrum & solidum haud flexibile faciam, vel vigere faciam, nempe Evangelium. Potest enim hoc hemilychium & in malum, & in bonum accipi. De notione verbi יָרָא ragha, vide in Deuter. XXVIII. 65. & supra cap. XXXIV. 14.

V. 5. PROPE EST IUSTUS MEUS, EGRESsus EST SALVATOR MEUS, &c. Alii: Propinqua est iustitia mea, prædixi salutem, &c. id est, iam prope est, cum iustitia mea salutarem doctrinam meam, id est Evangelium, communicabo cum gentibus, & illæ accepturæ sunt. Alii, iustitiam & salutem concrete sumunt, pro Christo salvatore, & iustificatore, qui auctor est totius salutis & iustitiæ. ET BRACHIA MEA; id est, robor, fortitudo, vires meæ, metonymice, POPULOS IUDICABUNT: vel regent, gubernabunt; dominabuntur populis: synecdochice; vel vindicabunt, afferent, descendent. INSULAE, id est remotissime quæque nationes, ut passim in Scriptura usurpantur, ME EXPECTA-

BUNT,

BUNT. Heb. *ad me insule intendunt, collineabunt, collimabunt, lineam & circumscripte tendunt, affectabunt*: vide in Genes. 1. 9. ET BRACHIUM MEUM: id est, Evangelium, quod virtus Dei est, in salutem omni credenti, Romanor. 1. 16.

V. 6. LEVATE IN CAELUM OCULOS VESTROS, &c. Alii: *Attollite in celum oculos vestros, & intuemini terram deorsum*, &c. Tertium argumentum ad conciliandam fidem, a qua beneficia amplificantur comparatione rerum creaturarum omnium. QUIA CAELI SICUT FUMUS LIQUESCUNT. נִדְּחִי נִמְלֵאֲכִי, verbum ductum a sale, id est, *tamquam sal colliquefient, dissolventur*; vel per antiphrasim, quod sal arceat, corrumpuntur, consumuntur, deficient. Motant hunc locum imitatum Petrum II. Epist. 111. 10. ita reddidisse: *Veniet dies Domini sicut fur in nocte, quo cali procelle in motem transibunt, elementa vero astutia solvantur*, &c. Quidam reddunt: *celos velut fumum evanescunt esse, & terram ut pannum & cetera*; id est, vetustate peritura. SICUT HAEC INTERIBUNT. Forister: *velut sic morientur*, nimirum facto talitro aut crepitu digitis, vel demonstrata digito re aliqua levi, & nullius momenti; quasi Hispanice diceremus, *Come una castaneta*. Vide de hac locutione supra cap. xvi. 6. NON DEFICIET. Heb. *non consternabitur, prostrabitur, frangetur, atteretur*.

V. 7. AUDITE ME QUI SCITIS IUSTUM, &c. Alii: *Auscultate mihi qui cognoscitis iustitiam*, &c. Secundum documentum ut dictum est in vers. 1. ad patientiam adversus momentaneas afflictiones, & scandalum Evangelii Christi, ne Iudaei boni & timentes Dei propterea animum abiicerent.

V. 8. DEVORABIT EOS TINEA. *Od fas*, alibi non legitur; *tineam*, seu *blattam* omnes interpretantur: nec dubium esse eam, quae Matth. vi. 19. *ibi* dicitur.

V. 9. CONSURGE, CONSURGE, &c. Alii: I. *Suscita te, indue te fortitudinem, o brachium Iehovae, suscita te, inquam, quemadmodum retro temporibus per omnia saecula*. II. *Evigila, evigila, indue robur, brachium Iehovae: evigila ut diebus praeis*. Tertia pars concionis, ut dictum est cap. 1. oratio nimirum reliquarum Ecclesiae exoptantium adventum Christi, & decla-

rationem Evangelii ad salutem suam: quod optatum Ecclesia ab exemplis antegressis beneficentiae Dei, hoc, & sequente versu confirmat. PERCUSSISTI SUPERBUM. Heb. *excidens, succidens Rahabum*. Fere omnes intelligunt Aegyptum: vide supra cap. xxx. 7. Psalm. lxxxvi. 4. vide huius rei historiam Exod. vii. & sequentibus. VULNERASTI DRACONEM? Heb. *violans, profanans, afficiens dolore & cruciatu draconem*? Quidam: *quod dolore afficit balenam*? Vide in Psalm. lxxiii. 13. & 14. ubi habetur idem orationis genus.

V. 10. NUMQUID NON TU SICCASTI MARE, &c. Alii hunc versum dilucidius ex Heb. effecerunt: I. *An non tu ipsum es, quod exsiccabat mare, rubrum, Exod. xiv. & aquas abyssi immensa; quodque pelagi profunda pervia fecit, ut transirent redempti, scilicet illi, quos tu de Aegypto eduxeras*. II. *An non tu illud es, quod exsiccavit mare, aquas abyssi magnas: quod disposuit profunditates maris ut essent via, qua transirent vindicati*.

V. 11. ET NUNC QUI REDEMPTI SUNT A DOMINO, &c. Alii hunc versum ex Hebr. reddunt: I. *Sic redempti a Iehova revertentur, & venient*; id est, Excitare brachium Iehovae, ut redempti a Iehova veniant, & intrent in Tzionem cum iubilo, & gaudium perpetuum erit super caput eorum; gaudium & letitia se se continget, fugiet dolor & moror. II. *Ita redempti Iehovae revertentur, & ingrediantur Tzionem cum cantu, letitiaque perpetua super caput suum: gaudium & letitiam assequantur, fugiant moror & gemitus*. Finis petitionis, Ecclesiae salus, quae eisdem verbis fuerat promissa supra cap. xxxv. 10.

V. 12. EGO EGO IPSE CONSOLATOR VOS. Alii ex Heb. *Ego ego ipse sum consolator vester*. Ultima pars concionis, ut dictum est cap. 1. I. nimirum Dei responsio ad querimonias sanctorum reliquarum Israelis adventum Messiae expectantium; qua Deus eas consolatur, primum confirmando a presente metu, per comparisonem imbecillitatis hostium cum Ecclesiae dignitate, & omnipotentia sua, hoc & sequente versu; deinde a promissionibus restitutionis, vers. 14. quibus postremo subicitur sua exornatio, usque ad finem capituli. QUIS TU UT TIMERES AB HOMINE MORTALI, &c. Alii ex Hebr. *quis es tu, quis timeas*.

timeas a mortali morituro, & a filio hominis, qui ut sanum reddetur? Obiurgatio lenis, qua Ecclesiam quasi labantem in tenebris revocat, cum ad agnitionem dignitatis, ad quam electa & vocata fuerat a Deo, hoc versu; tum ad recordationem maiestatis Dei, versu sequente; quorum neutrum ostendit Deus ab adversariis labefactari posse; quasi dicat: Quid times? quin potius cogitas conditionem tuam, hostiumque tuorum, & recordatione Dei consolaris te?

V. 13. ET OBLITUS ES DOMINI FACTORIS TUI, &c. Alii hunc versum ex Hebr. transferunt: *I. Oblivisceris autem Iehove factorem tuum, qui celos extendit, & terra fundamenta iecit? Hinc est ut ingiter omni tempore metuas a furore assurgentis, qui te vastare parat: ubi vero est furor illius assistoris? II. Quod obliviscaris Iehove opificis tui, qui extendit celos, & fundavit terram; paveasque ingiter quotidie propter excedentiam eius, qui angustia afficit, quasi compares se ad perendum; id est, quasi iam gladium strictum momentis singulis vibraturus esset in cervicibus tuis: & ubi est excedentia eius, qui affuit angustia? id est, etsi gladius strictus est in manibus eius, quando percepisti adversarium agere omnia pro furore suo, neque potentia mea cohiberi; tunc momento omnis impetus eius dissipatur & evanescit. Eius qui te TRIBULABAT, צַר צַר metzk, Opprimentis, coarctantis, pressuram facientis, angustia afficientis, compellentis, extorquentis, angentis, coangustantis: sic in fine versus.*

V. 14. CITO VENIET GRADIENS, &c. Diversimode hunc versum ex Hebr. convertunt: *I. Festinat ligatus, vel accelerat incarcerationis, sive captivus, ut solvatur, & non moriatur in fovea, nec deficiat panis eius. II. Festinavit exulans, errans, seu divagans, demigrans, ut solveretur a vinculis suis, &c. III. Quin festinabit discurrens, ut aperiat, & non moriatur, vinculus in fovea, neque deficiat eum commeatus. IV. Festinabat volutans se in terra, vel volutata, ut aperiretur, &c. V. Festinavit, qui volutabat, ad aperiendum & non moriatur, ad foveam, & non defecit panis eius; id est, iam ille, qui ante premebat, amplius non premet, immo mutabitur in amicum, & scilicet volutator, qui te, tuaque omnia volutabat & prosternebat, festinabit,*

inquam, ad aperiendum seu solvendum; id est, ut quem detinebat captivum, solvat, & ille non moriatur; ad foveam, inquam, festinabit in qua detinebatur captivus, & ei cibum ministrabit largiter. VI. Festinabit educere, vel festinanter educet, ut I. Reg. xxii. 9. peregre vinculum, qui solvendus est: non morietur in ista fovea, neque deficietur pane suo. Promissio restitutionis Ecclesiae per Christum, quam a periculis & malis liberat, & bonis instruit.

V. 15. EGO AUTEM SUM DOMINUS DEUS TUUS, &c. Alii: *Atqui ego sum Iehova Deus tuus.* Exornatio superius representationis, qua Deus eadem confirmationis argumenta amplificans a potentia sua, & dignitate Ecclesiae ex fœdere, & promissionibus, hoc versu, & sequente, excitat Ecclesiam ad spem presentissimam liberationis suae, & ultionis de adversariis, vers. 17. & sequentibus. **QUI CONTURIO MARE.** Alii: *I. concitans, commovens. II. scindens, findens. III. disrumpens mare;* id est, nihil non possum ad liberandum Ecclesiam, & protigandos hostes: alludit ad liberationes Aegypti. Nos diximus: *rigere faciens mare, ut illud poetæ:*

— astringit glaciali frigore pontum.

Et notum est Norvegiae, Groenlandiae, & Novae Zembiae mariæ gelu concrecere. Sed præstat: *scindens mare.* Sed scissio maris est eius commotio & conturbatio: etsi aliter accipi queat pro scissione tantum, seu divisione, quæ Israelitis facta est Exod. xiv.

V. 16. POSUI VERBA MEA IN ORE TUO, ET IN UMBRA MANUS MEAE PROTEXI TE. Alii: *Qui indidit verba mea ori tuo, umbra manus meae tegens te;* id est, qui te constitui prophetam & magnum ministrum Evangelii, presentissimam semper tui curam habens. **UT PLANTES CAELOS.** Alii: *ut plantem celos, & fundem terram, ut dicam Tziioni; vel me plantaturum celos, & fundaturum terram, & dicturum Tziioni: Populus meus es;* id est, me instauraturum esse omnia per Christum pro Ecclesia mea, ut copiosius promittitur infra cap. lxxv. 17. & lxxvi. 22.

V. 17. ELEVARE, ELEVARE, CONSURGE IERUSALEM, &c. Alii: *Expergiscere, expergiscere, surge, urbs Ierusalaimorum, &c.* Hypotyposis promissionum Dei de salute

lute Ecclesie, & hostium internecone, amplificata per antithesin præcedentium Ecclesie calamitatum. QUAE BIBISTI DE MANU DOMINI CALICEM IRAE EIUS. Alii: *quæ bibisti a manu Iehove poculum exardescentie eius*; id est, afflictiones gravissimas percella es: allegoria, ut Psalm. LXXIV. 9. & LXXIX. 6. & alibi passim. USQUE AD FUNDUM CALICIS SOPORIS BIBISTI, ET POTASTI USQUE AD FACIES. Ex Hebr. alii: I. *quæ bibisti, & exuxisti cum face calicem soporiferum*. II. *crassamentum, poculum horrificentissimum bibisti, exuxisti*. Vocem Hebræam קֶבֶץ *kubbaghat*, *crassamentum* interpretantur, quia ipsa notatio vocis id tantum significari ostendit, quod crassum & fæculentum est, atque ex liquidis potionibus externi solent, colari, aut alio modo auferti: *evapulam* etiam appellat Plinius Lib. XIII. cap. 1. III. *facem calicis tremoris bibisti, & expressisti*, subaudi, fugendo, scilicet guttas remanentes: sic infra vers. 22. SOPORIS. תַּרְגֵּמָה *targhelah*, *tremoris, anxietatis, majoris*. Alii: *toxici, veneni mortiferi*: vide in Psalm. XIX. 5. sic infra vers. 22.

V. 18. NON EST QUI SUSTENTET EAM, &c. Alii hunc versum exponunt: *Nemo deducebat eam ex omnibus filiis, quos pepererat: & nemo prebendat manum eius ex omnibus filiis, quos educeverat*; id est, ab omnibus deferta erat cum ebria esset calamitoso poculo.

V. 19. DUO SUNT QUAE OCCURRUNT TIBI: QUIS CONTRISTABITUR SUPER TE? Alii ex Hebr. I. *Duo ista obvenierunt tibi, nimirum vastatio ex gladio, & contritio ex fame, quæ duo per hysterofin inter se componuntur, ut mox hoc versu subditur: quis consolaret tibi?* nimirum hominum præterquam ego? aut Christus, quandoquidem ab exteris afflictus, a tua deferta es. Hebr. ex verbo: *Duo ista occurrentia tibi, quis diripabit tibi?* id est, quis amovebit, vel effugabit tibi, seu a te? Possis vertere: *Duo ista accidentia tua, seu duos istos eventus tuos quis emigrare faciet, vel dimovebit a te?* nisi ego, ait Christus: QUIS CONSOLABITUR TE? Hebr. in prima persona, *quis consolabor te*; vel *quo, seu in quo, qua re consolabor te?* Aliqui: *per quem consolaret te?* alium præter me: respicit enim ad illud,

quod ante dixerat, *Ego ego ipse sum consolator vester*, vers. 12.

V. 20. FILII TUI PROIECTI SUNT. Alii ex Hebr. I. *Filii tui defecerunt animo, vel passi sunt animi deliquium*. II. *desatigati sunt*. III. *obscurati, rekti, absconditi, obdusti, obvelati, involuti sunt, vel perturbati sunt*. Avenarius reddit: *pullati sunt*. SICUT ORYX ILLAQUEATUS. מִן תְּהוֹ *min theo*, idem omnino esse aiunt, quo transpositum מִן תְּהוֹ *min theo*, de quo vide in Deuteron. XIV. 5. Hic varie reddunt; *urum, bovem silvestrem, ibicem, bubalum*. Ego voce non abluente facile crediderim esse *Theom*, de quo Plinius Lib. VIII. cap. XXXIV. *Nam theos laporum id genus est, procerius longitudine, brevitate crurum dissimile, velox saltu, venatu vivens, innocuum homini, habitum, non colorem mutant, per hieles hirti, æstate nudi*. Vide Cælium Rhodiginum Lib. XXIII. Lætionum Antiquarum, cap. XXVII. & Scaligerum Exercitatione 210. in Cardanum, & in Commentariis ad Lib. II. Aristotelis de Historia Animalium, cap. XIX. Textu CL. & ad Lib. VI. cap. XXXV. Textu CCCXXVI. Quidam reddunt; *ut bubalus irretitus, ac proinde omnino impos sui*. Alii: *sicut ibex reti implexus*.

V. 21. IDCIRCO AUDI HOC, &c. Alii: *Idcirco audi iam hoc, o afflictus, & ebria, non autem ex vino*. Alterum membrum antitheseos, cuius meminimus in vers. 17.

V. 22. QUI PUGNABIT PRO POPULO SUO. Hebr. *litigabit, contendet, populo suo*. Alii: I. *qui causamaget populi sui, vel causam acturus populi sui*. II. *qui vindicet populum suum*. III. *qui tueri solet causam populi sui*. IV. *qui obiurgaverat populum suum: non tam recte*.

V. 23. EORUM, QUI TE HUMILIAVERUNT. Alii ex Hebr. *affligentium te, vel depopulantium te*. ET DIXERUNT ANIMAE TUAE: INCURVARE, &c. Alii: I. *qui dixerunt animæ tuæ, Sternere, vel prosterne te, ut transeamus, per te*: *Pone corpus tuum tamquam terram; vel aqua terræ corpus tuum, ut sis vice plateæ transeuntibus*. II. *qui dicebant animæ tuæ: Abiice te ut transeamus: quibus exponebas tamquam humum corpus tuum, & tamquam plateam, id est publicum locum, transeuntibus; quasi dicat: Qui insolenter & thrafonice conculcabunt te*.

MENOCHII.

Vers. 1. **A**UDITE ME. Alloquitur Iudeos Christo credentes, de quibus egit cap. xlix. & cap. precedenti num. 10. QUI SEQUIMINI QUOD IUSTUM EST: qui iuretis Deum, ut dixerat num. 10. capitis precedentis, & colitis iustitiam. AD PETRAM UNDE EXCISI ESTIS, id est ad Abraham, ex cuius semine formati estis, ducta est similitudo a statuis, quæ ex rupe aliqua excisæ formantur a sculptoribus in figuram hominis. ET AD CAVERNAM LACI DE QUA PRÆCISI ESTIS. Est repetitio eiusdem sententiæ; cavernam lacu vocat cavitatem illam & aream, quæ in latomis relinquitur; post excisos, & exportatos lapides.

V. 2. ATTENDITE AD ABRAHAM, &c. Planius explicat quid metaphora petræ, & cavernæ lacu significaverit. QUA UNUM VOCAVI EUM, id est cum solus esset, & sine prole.

V. 3. CONSOLABITUR DOMINUS SION: numerosam illi prolem spirituales tribuendo. CONSOLABITUR RUINA EIUS: quæ diruta sunt instaurando. QUASI DELITIIS: quasi Eden, ut est in Hebræo. LXX. habent, sicut paradisus, sensu eodem, nam terrestris paradisus erat in regione Edem, Gen. ii. 8. QUASI HORTUM DOMINI; Paradisus terrestris; est enim repetitio. IN EA: in Gentium solitudine ad Christum conversa.

V. 4. TRIBUS MEA: gens mea. LEX A ME EXIET: lex evangelica, hoc est, quod dixit cap. ii. 3. *De Sion exiit lex:* & verbum Domini de Ierusalem. IUDICIUM: idem est quod lex; nam iuxta legem iudicandum. IN LUCEM POPULORUM REQUIESCET; id est, non obiter transibit, sed requiescet in gentibus, quasi in sede & loco suo, firmiter, & longo tempore.

V. 5. IUSTUS MEUS: Christus Salvator. EGRESSUS EST, id est brevi egredietur. SALVATOR MEUS: per quem orbem salvabo: sunt verba Dei Patris. BRACHIA MEA POPULOS IUDICABUNT. Per brachia intelligit vires, & potentiam quam Deus per Christum, & per Christi crucem exercuit, dum per prædicationem Apostolorum ei omnes gentes subiecit. Crux enim fuit

Dei virtus, ut ait Apostolus. Alludit ad Christi brachia in cruce extensa. IUDICABUNT: gubernabunt, dominabuntur. INSULAE: insularum habitatores; gentes remotæ. EXPECTABUNT: magno desiderio, ut excipiant legem Christi. ET BRACHIUM MEUM SUSTINEBUNT. Est precedentis sententiæ repetitio, nam *sustinebunt* idem est quod, *expectabunt*. Brachium vero significat efficacitatem divinæ potentie, eruentis a daemonis & peccati captivitate eos, qui in Christum credunt.

V. 6. VIDETE SUB TERRA DEORSUM: In Hebræo, *videte terram deorsum*; quasi dicat: Quæcumque videtis deficient; non autem salus quam vobis dare paro. SICUT FUMUS LIQUESCENT, &c. quasi dicat: Salus, & iustitia quam per Christum medaturum promisi, firmior erit, & diuturnior cælo, & terra, &c. similis est locutio illa Christi, Luc. xxi. 33. *Calum & terra transibunt, verba autem mea non transibunt.*

V. 7. AUDITE ME. Loquitur Christus ad suos primos fideles, & Apostolos. QUI SCITIS IUSTUM: qui iustitiam colitis. LEX MEA IN CORDE EORUM, id est in quorum corde est lex, & doctrina mea. OPPOBRIUM HOMINUM: Scribarum, Phariseorum, Tyrannorum, aliorumque infidelium, qui vobis maledicunt, & doctrinam vestram damnant, & vos persequuntur. BLASPHEMIAS EORUM: maledicta, convicia, irrisiones, contumelias, &c.

V. 8. SICUT ENIM VESTIMENTUM, &c. quasi dicat: Mortales omnes morti debentur, & cito interibunt, & gloria eorum peribit, ideoque eorum iudicia & voces condecernendæ sunt. Vide superiori cap. Similitudo vermis, & tinea ex ipsa lana, aut vestimento nascentis indicat homines in se ipsis suæ mortalitatis causas habere.

V. 9. CONSURGE: excitare, quasi a somno quietis, lenitatis, & patientiæ: sunt verba Isaie, vel populi expectantis, & anhelantis ad Christi adventum. INDUERE FORTITUDINEM, &c. id est, o brachium Domini, induc te fortitudine, para ad prælium, &c. sic Psalm. xcii. 1. *Indutus est Dominus fortitudinem & præcinxit se.* IN GENERATIONIBUS SÆCULORUM: sic appellat antiqua tempora, inter quæ, & præsens multa fluxerunt secula,

DRA-

DRACONEM : Pharaonem intelligit, ut patet ex sequenti.

V. 10. SICCASTI MARE : mare rubrum **Exod. xiv. 21.** **ABYSSI** : maris rubri, quod abyssum appellat ob profunditatem. **VEHEMENTIS** : ob aestus, & fluctuum vehementiam.

V. 11. ET NUNC, &c. Sententia est : Quemadmodum liberasti Hebraeos subverso Pharaone, & usque in terram promissam deduxisti, ita per Christum e tyrannide, & captivitate diaboli redimes veros Israelitas; & in Sion, hoc est, in Ecclesiam induces gaudentes & lertantes. **LÆTITIA SEMPITERNA SUPER CAPITA EORUM**. Quod dicitur *super capita eorum*, vel idem est quod super eos, vel alludit ad coronas, quibus olim utebantur antiqui, in nuptiarum, aut victorie lætitia, & aliis huiusmodi. **QUIS TU, UT TIMERES**; quasi dicat, Indignum est te timere. **AB HOMINE MORTALI**: quales sunt tyranni, persecutores, detractores, irrisores.

V. 13. ET OBLIVIS ES; quasi dicat : Ideo times, quia Uci oblitus es, & eius magnitudinis, & potentiz. **UBI NUNC EST FUROR TRIBULANTIS**; quasi dicat : Ut furor Pharaonis absorptus est a mari, ita furor persequentium absorbebitur & evanesceat.

V. 14. CITO VENIET, Christus. **AD APERIENDUM** : ostium salutis. **NON INTERFICIET USQUE AD INTERNECIONEM** : non permittet nos funditus perire. **NEC DEFICIET PANIS** : curabit ut annona corporalis, & spiritualis non deficiat.

V. 15. QUI CONTURBO MARE : qui omnipotens sum, & cum lubet elementis impero, & mare concito, &c.

V. 16. POSUI VERBA MEA IN ORE TUO : sunt verba Dei Patris ad Christum filium. **IN UMBRA**, &c. vide sup. cap. XLIX. 2. **UT PLANTES CAELOS, ET FUNDES TERRAM** : ut scilicet crees, & fundes novum orbem spiritalem, scilicet Ecclesiam. **ET DICAS** : tu, o Christe. **AD SION** : ad Ecclesiam. **POPULUS MEUS ES TU** : omnes enim fideles sunt populus Christi, quare etiam Christiani appellati sunt.

V. 17. CONSURGE IERUSALEM. Alloquitur Cives Ierusalem captivos in Babylone, eisque reditum, & libertatem promittit, simul tamen respicit spirituales libertatem a iugo demonis, & peccati per-

Bib. Sac. Tom. XVII.

Christum partam. **CALICEM IRAE** : men suram penar, vel vindictæ a Deo irato propinate urbi Ierusalem, ob eius peccata. **USQUE AD FUNDUM CALICIS SOPORIS** : soporem, & stuporem lethiferum inducentis. **POTASTI USQUE AD FÆCES** : totum exhauriens dolium significatur ingens, & extrema vindicta, clades, & calamitas Ierusalem, quæ fuit tum in captivitate Babylonica, tum magis in Romana.

V. 18. NON EST QUI SUSTINET : solent enim filii in parentes suos pii, eos sustentare cum surgunt, aut ambulant, &c.

V. 19. DUO SUNT QUÆ OCCURRERUNT TIBI, &c. Quomodo duo, cum quatuor enumerentur, vastitas, contritio, fames, gladius? Sunt duo, quia alterum fuit urbis flagellum, vastitas scilicet, & contritio; alterum civium, scilicet fames, & gladius. **QUIS CONTRISTABITUR SUPER TE?** quasi dicat : Tanta est afflictio tua, ut & tu, & videntes te stupant, & præ stupore nec illi te possint consolari, nec tu ab eis consolationem accipere.

V. 20. PROIECTI SUNT : strati iacent in plateis, & compitis, aut gladiis confossi; aut præ furore agentes animam. **SICUT ORYX**. Oryx est animal capræ simile: vide Arist. Lib. II. de hist. anim. cap. 1. & Lib. III. de part. animal. cap. 11. sententia est, Ierusalem, & eius cives sunt sicut oryx laqueo constrictus, quem canes lace- rant, & venatoresque venabulis confodiunt. **PLENI INDIGNATIONE DOMINI**; id est, suppliciis, & cruciatibus ex Dei indignatione provenientibus. **INCREPATIONE** : castigazione. **EBRIA NON A VINO** : sed calice furoris Domini, de quo num. 17.

V. 22. TULI: abstuli. **FUNDUM** : fæces, de quibus num. 17.

V. 23. ANIMAE TUÆ, id est tibi. **INCURVARE** : solent enim victi a victoribus calcari : ad hunc morem allusse Pfaltes Psalm. cix. 1. *Donec ponam inimicos tuos scabellum pedum tuorum.* Vide dicta Iosue x. 24.

T I R I N I.

Verf. 1. **U**NUM & solum & effectum Abrahamum vocavi, & effeci ut pater fieret tam multarum, tam numerosarum gentium. Multo facilius erit
Z z mihi,

mihī, Ecclesiam e paucis Iudeis Christo-
fidelibus constalam, novarum prolium ac-
cessione multiplicare. Nolite ergo timere
pulsus grex: faciam vobiscum quod cum
Abrahamo: ita S. Hieronymus & Cyril-
lus.

V. 3. RUINAS SIONIS, quibus maior il-
lius pars corrui, dilapsa fide, a Chri-
sto, a Deo, CONSOLABITUR supplemento
novæ fabricæ ex Gentili populo: cuius ac-
cessione quod DESERTUM ac solitudo iam
videbatur, *hortus* fiet amenissimus & pa-
radisus deliciarum.

V. 4. LEX non prisca Moysis, sed nova
Christi & Evangelica, EXIET A ME,
meoque iussu prædicabitur per univærsam
orbem. Et erit hæc lex IUDICIUM a
MEUM, quo iudico & decerno quid cui-
que agendum vel omittendum, quid cui-
que tribuendum, quid ferendum, quid cre-
dendum. Et erit in LUCEM POPULORUM;
id est, illuminabit omnes populos terræ,
non obiter insular fulguris, sed constanter
& perseveranter insular luminis solaris:
REQUIESCET enim in eis quasi in propria
sede, in domestico palatio.

V. 5. PROPE EST IUSTUS MEUS; id
est, brevi aderit in mundo Messias, omni
ex parte iustus & vos iustificaturus mihi-
que reconciliaturus. EGRESSUS EST divino
iam decreto, & scipsa brevi egredietur
SALVATOR MEUS: per quem ego orbem
salvabo, & perditum mihi rursus vindica-
bo. BRACHIA MEA; id est, robur ac po-
tentia, maxime quam per crucem Christi
(ad cuius brachia seu cornua b hic allu-
dit) exeram in univærsam orbem, & per
eam omnes POPULOS iudicabo e, id est,
vindicare a tyrannide & iugo diaboli, &
iustus omnibus iudex, dominus ac princeps
ero.

V. 6. VIDETE SUB TERRA DEORSUM;
Hebraice, Grace, Chaldaice, *respicite in*
terram deorsum. QUIA SICUT VESTIMEN-
TUM d ATTERETUR: CAELI quoque sic-
UT FUMUS LIQUESCENT, ut alibi e dixi.
SALUS AUTEM MEA ET IUSTITIA, quam
vobis per Christum imperitiam, nunquam
concidet, sed æternum durabit: ita S. Hie-
ronymus.

V. 7. AUDITE ME & credite mihi, o
vos Christo fideles, qui SCITIS IUSTUM.
Hebraice, *iustitiam*; id est, qui prope no-
stis quid iustum, quid æquum sit, utpote

quorum in corde viget lex & doctrina mea
cælestis, ut vertit Vatablus. Respondent
illi, Audimus o Domine, & obedimus ti-
bi per omnia.

V. 9. CONSURGE ergo a somno lenita-
tis & patientiæ, ad debellandos hostes &
tuos & nostros: INDUERE FORTITUDINEM
O BRACHIUM f DOMINI accingere, armare ad
prælium. NUMQUID NON TU PERCUSSISTI
SUPERBUM Pharaonem; & lethaliter VULNE-
RASTI DRACONEM gillum marinum, bala-
nam; vel, si mavis, draconem fluvialem,
crocodilum, regem Aegypti? ita S. Hie-
ronymus, Cyrillus & alii. Mystice draco
est satanas, inquit Rupertus. Porro sicut
olim Hebraei ex Aegypto, ita

V. 11. ET NUNC quotquot per Chri-
stum a diaboli captivitate ac tyrannide RE-
DEMPTI SUNT, VENIENT IN SION,
id est in Ecclesiam, primo militantes,
deinde & triumphantem, extreme lætantes,
& Deum ob tanta beneficia LAUDANTES.

V. 12. QUIS ergo TU UT timeas? He-
braice genus est femininum; quasi dicat: Quid
tu, o femina times? Increpat tepidos &
timidos Christianos, metu perfidorum Iu-
deorum vel tyrannorum trepidantes. Et vis
nosse causam vani timoris?

V. 13. OBLITUS ES DOMINI FACTORIS
tui, utique & protectoris & consolatoris
tui. Quo tutore quid timeas? UBI NUNC
EST FUROR TRIBULANTIS? nempe Pha-
raonis, & cuiusvis alterius hostis affligentis
populum Dei: ac novissime Nabuchodonoso-
ris Chaldaei tyranni, & Balthazaris filii
eius, qui vos captivos tenet in Babylone.

V. 14. CITO VENIET mittendus a me
Cyrus, GRADIENS & accurrens AD APE-
RIENDUM carcerem vestrum, & captivita-
tem solvendam: ita S. Thomas & Hugo.
Hanc enim liberationem per Cyrum obit-
er hic pro pignore vel arrha Iudeis obici-
cit tutelæ divinx, & liberationis per Chri-
stum certissimo ipsis olim obventuræ. Igi-
tur me vos protegente ac tutante, licet af-
figat vos & torqueat Chaldaeus tyrannus;
tamen NON INTERFICIET USQUE AD IN-
TERNECIONEM, NEQUE unquam DEFICIET
PANIS EIUS; id est, sufficiens annona per
ipsum vobis continuo subministrabitur. Hæc
sit vobis pro pignore, quod olim Christi
sequacibus adero perpetua mea providentia
ac tutela etiam in medio æstu tribulationum
& afflictionum. Porro hæc

V. 16. VERBA & promissa MEA POSUI, o Christe (ad hunc enim loqui Deum Patrem censent S. Hieron. Forerius, Adamus & plerique alii:) IN ORE TUO, & per te in ore omnium filiorum tuorum, ut audacter & libere omnibus denunties, quod UMBRA MANUS MEAE perpetuo protegam te & tuos omnes: UT tali umbra proteas, sine metu, sine remora, sine mora, PLANTES IN TERRIS NOVOS CAELOS, ET IN CAELIS FUNDES NOVAM TERRAM, id est novos incolas: nempe Ecclesiam novi testamenti excusitabis, quae caelestem vitam aget in terris, & replendis caelis copiosos incolas subministrabit. Cui Ecclesiae fidenter DICAS, & addicas meo quoque nomine: POPULUS MEUS ES TU, filii mei omnes vos: quod si filii, & heredes, heredes quidem Dei, coheredes autem Christi. Quos amabo, fovebo, protegam perpetuo.

V. 17. ELEVARE, CONSURGE IERUSALEM: exulta iam & exalta per Chaldaeos, iterum instaurare per Cyprium, Darium, Elsdram, Nehemiam: ita S. Thomas, Hugo & Sanchez. Sed sub hoc typo intelligitur antitypum eius spirituale Ierosolymam, nempe Ecclesiam Christi longe feliciore modo instaurandam, inquit S. Hieronymus, Cyrillus, Dionysius, Haymo, Forerius & alii.

V. 20. FILII TUI PROJECTI SUNT A Chaldeis, gladio confossi, vulneribus vel inedia confecti iacent strati in compitis & plateis: & sancti etiam ac valentes, expulsi domibus partim exiit, partim ab hoste occupatis, dormire coguntur sub dio in viis & plateis, omnibus ostentui, omnibus ludibrio, sicut ORYX ILLAQUEATUS, seu laqueis irretitus & captus. Sicut enim animalia ista Aegypto admodum truculento & saevo, bibulis unguis, & cornibus omni silice & ferro durioribus (teste Aristotele, Plinio, Oppiano & Martiali) si quando capi, & captivum per plateas pro spectaculo trahi contigerit, ab omnibus illudatur, opprobriis afficitur, denique millenis iniuriis coagitur: ita vobis in Chaldaea continget, plenae indignatione & increpatione DOMINI, id est poenis, tormentis, cruciatibus ex Dei indignatione manantibus & in vos depluentibus. Sed iam

V. 21. AUDI PAUPERCU LA IERUSALEM, EBRIA calice meo, quem plenum NON VINO, sed ira & indignatione hucusque habuisti.

V. 22. HUNC CALICEM SOPORIS; LXX. ruina; Symmachus & Theodotion, *commotionis*, alii, *tubulationis*; quasi dicat: Calicem tam noxio misto plenum, ut bibentem faciat trucidare, tubulare, soporari & corrumpere, rollam DE MANU TUA, & hostibus tuis Chaldeis epotandum dabo.

- (a) Proleg. de Noë. Heb. 2. 14.
- (b) Habac. 117.
- (c) 1a & 2a. 10.
- (d) cap. 1. 9.
- (e) cap. XXIV. 4.
- (f) Hic vers. 9. & Psal. XCIV. 7.
- (g) Saech. XXX. 3.

GORDONI.

Vers. 1. AUDITE ME, &c. Sermo est iterum ad Iudaeos, qui cum aliis fidelibus Christo nomen dederunt, quos solatur, & iubet ne ob paucitatem frangatur cuius animus: intueantur Abraham & Saram: potens est Deus, ex lapidibus multiplicare gentem.

V. 5. & 6. PROPE EST IUSTUS. Pro-mittitur a Patre Salvator, per quem subicietur orbis Deo, & verum est, *caelum transibit*, non tamen verbum hoc. Transibunt caeli, forte non in substantia, sed certe in accidente & innovatione aliqua.

V. 7. AUDITE ME QUI SCITIS IUSTUM, &c. Monet fideles ut perseverent constanter; peribunt persecutores, non sic iustus. Draco hic vers. 9. est Pharae ad mare rubrum.

V. 14. CITO VENIET, &c. Sermo est de auxilio Christi, qui adversarios strenue concutabit, non interficiet; hoc est, non permittet interfici, seu non venit ut interficiat, sed ut salvet.

V. 16. POSUI VERBA MEA IN ORE TUO, &c. Recte Hieronymus, & alii plures docent esse verba Dei patris ad Christum; & sub Christo ad Apostolos ac successores a Deo missos: Hinc Matth. x. 19. Nolite cogitare quomodo aut quid loquamini, dabitur enim vobis in illa hora, &c.


V. 17. & 20. ELEVARE, ELEVARE, CONSURGE IERUSALEM, &c. Commodior sensus est per Ierosalem intelligi primitivam Ecclesiam, quod satis suadent dicta ab initio capitis; & ita sentiunt Cyril. Hieronymus, & alii multi: & sane graviter afflicta fuit in suis initiis vastitate & contritione: angustia sunt quibus, quibus, ut

ait Paulus, *dignus non erat mundus*: nec videtur a vero alienum etiam perstringi hic Iudæos Ierosolymis contritos sub Tito: nam tam illi, quam fideles passi sunt acerba; sed ad fideles est tota promissio & consolatio quæ hic permiscetur, *vers. 20.* oryx, unicornæ & bisulcæ animal sicut captum iacet laniatum; ita contigit Iudæis occisis: de hoc animali Aristot. hist. ani. Lib. II. cap. 1.

EX EIUSDEM AUCTARIO.


Vers. 2. Est explicatio prioris metaphore: sicut enim homines Israëlitarum, posterius Abrahamæ, velut excisi lapides e cavernis ad ædificia; sic Deus suos multiplicabit & consolabitur.

Vers. 19. DUO SUNT. At dum dicit duo, enumerat quatuor, vastitatem, contentionem, famem, & gladium. Recte tamen duo vocantur: unum urbis (vastitas & contentio) alterum hominum, seu civium (fames & gladius.)



C A P U T LII.

Excitat Sion, hoc est, Christi ecclesiam ad consolationem ob gratuitam sui redemptionem: meminit descensus Israel in Aegyptum, & liberationis ab Assur: prædicatores autem Evangelicæ pacis commendat, excitans omnes ad laudem propter Christum paratum omnibus salvatorem; & de ipsius exaltatione ac humiliatione, & fide Gentium in ipsum.

1.  Onsurge, consurge, induere fortitudine tua Sion, induere vestimentis gloriæ tuæ Ierusalem, civitas sancti: quia non adiciet ultra ut pertranseat per te incircumcisus & immundus. 2. Excute de pulvere, consurge, sede Ierusalem: solve vincula colli tui captiva filia Sion. 3. Quia hæc dicit Dominus: Gratis venundati estis, & sine argento redimini. 4. Quia hæc dicit Dominus Deus: (a) In Aegyptum descendit populus meus in principio, ut colonus esset ibi: & Assur absque ulla causa calumniatus est eum. 5. Et numquid mihi est hic, dicit Dominus, quoniam ablati sunt populus meus gratis? Dominatores eius inique agunt, dicit Dominus, (b) & iugiter tota die nomen meum blasphematur. 6. Propter hoc sciet populus meus nomen meum in die illa: quia ego ipse qui loquebar, ecce adsum. (c) 7. Quam pulchri super montes pedes annuntiantis & prædicantis pacem; annuntiantis bonum, prædicantis salutem, & dicentis Sion: Regnabit Deus tuus! 8. Vox speculatorum tuorum: levaverunt vocem, simul laudabunt: quia oculo ad oculum videbunt cum converterit Dominus Sion. 9. Gaudete, & laudate simul deserta Ierusalem: quia consolatus est Dominus populum suum, redemit Ierusalem. 10. Paravit Dominus brachium sanctum suum in oculis omnium Gentium: (d) & videbunt omnes fines terræ salutem Dei nostri. 11. Recedite, exite inde, (e) pollutum nolite tangere: exite de medio eius, mundamini qui fertis vasa Domini. 12. Quoniam non in tumultu exhibitis, nec in fuga properabitis: præcedet enim vos Dominus, & congregabit vos Deus Israel. 13. Ecce intelligit servus meus, e-

xal.

exaltabitur; & elevabitur, & sublimis erit valde. 14. Sicut obstupuerunt super te multi, sic inglorius erit inter viros aspectus eius, & forma eius inter filios hominum. 15. Ille asperget gentes multas, super ipsum continebunt reges os suum: (f) quia quibus non est narratum de eo, viderunt, & qui non audierunt, contemplati sunt.

(a) Gen. iv. v. 6. (b) Rom. x. 24. Ier. xxxv. 20. (c) Rom. x. 25. Nah. i. 15. (d) Psal. xlvii. 3. (e) II. Cor. vi. 17. (f) Rom. xv. 21.

BRUGENSIS.

LECTIONUM VARIETAS.

Verf. 7. *Dicentis Sion, Regnabit Deus tuus.*
 Alii libri scribunt pro futuro præteritum re-

gnavis, consentanee Hebræo, quamquam futurum sit Græce.

COMMENTARIA.

MALDONATI.

Verf. 1. **C**ONSURGE, CONSURGE: עָרָא, עָרָא, *evigila, evigila*; id est, excitare a somno & ebrietate, quam contraxisti bibens calicem iræ Dei, ut dixit supra cap. LI. 17. Et mystice, *Surge qui dormis, & exurge a mortuis, & illuminabit te Christus*: Ephes. v. 14. **INDUERE** **FORTITUDINE**; resume animum, & vires pristinas. **INDUERE** **VESTIMENTIS GLORIAE** **TUAE**; id est, vestimentis libertatis, quibus utebaris, cum esses in gloria tua, antequam captiva esses: nunc enim utcris servili habitu, quia captiva es. Loquitur de futuro tempore Babylonicæ captivitatis, tamquam de re præsentis, more Prophetarum. **IERUSALEM CIVITAS SANCTI**, id est Dei, qui absolute, ut sæpe diximus, sanctus & iustus dicitur. Aut, *Civitas*, יְרוּשָׁלַיִם, *sancta*. **QUIA NON ADICIET ULTRA UT PER-TRANSEAT PER TE INCIRCUMCISUS**; id est, non expugnabunt, non occupabunt, non conculcabunt te amplius profani homines, ut Assyrii. Et mystice de Ecclesia, non grassabuntur in te dæmones, sicut ante Christi adventum grassabantur.

V. 2. EXCUTERE TE PULVERE, id est evade ex ista misera servitute, in qua veluti in pulvere iaces: ut dixit cap. LI. 23. **SEDE**, id est regna, sicut olim in folio tuo. **SOLVE VINCULA COLLI TUI**; id est, relinque servitutem istam, qua premeris. Solent enim captivi vinculis collo religari: Psal. 11.

3. *Dirumpamus vincula eorum, & proiciamus a nobis iugum ipsorum.*

V. 3. GRATIS VENUNDATI ESTIS; id est, quemadmodum nulla accepta pecunia tradidi vos in Chaldaeorum potestatem, ut scelus vestrorum poenas lueretis; ita poenis per solutus, nulla data pecunia ab eorum vos potestate liberabo. Mystice, sicut vos sponte vestra in diaboli vos servitutem tradidistis, ita ego sponte mea nullo argento, sed sanguine meo a diaboli vos servitutem liberabo: I. Pet. i. 18. *Non corruptibilibus auro vel argento redempti estis de vana vestra conversatione paterna traditionis, sed pretioso sanguine quasi agni immaculati.*

V. 4. IN AEGYPTUM DESCENDIT POPULUS MEUS. Sensus: Si Aegyptios tam graviter punivi, quod populum meum asperius tractassent, cum ipse se illis sponte sua subiecisset; quid faciam Assyriis, qui populum meum primum de suis sedibus in captivitatem abduxerunt; deinde miserabiliter affligerunt. Et Assur, id est Rex Chaldaeorum. **ABSQUE ulla causa CALUMNIATUS EST EUM**: יָצַד, *vexavit eum*; quasi dicat: Aegyptii aliquid causæ habere videbantur ut Iudæos opprimerent, quia ipsi se illis subiecerant: at Chaldaei nihil causæ habuerunt.

V. 5. ET NUNC QUID MIHI EST IHC. Quid causæ est, ut cessem, ut me contineam, neque liberem populum meum a Chaldaeis? quasi dicat, Nihil. **QUONIAM ABLATUS EST**. Reddit causam, cur potius
 lum

lum liberare debeat, quia, vi a Chaldaeis abductus fuerat. GRATIS, id est cum nullam illis occasionem praebuit. DOMINATORES EIUS, id est Chaldaei, qui populo meo dominantur. INQUE AGUNT, id est duriter eum tractant: vel, *יְהִי*, *nhulare faciunt*, id est miserabiliter gemere praedolore. Haec est altera causa cur liberare eum debeat: tertia sequitur: ET TUGTER TOTAE DIE; id est, singulis diebus nomen meum blasphematur a Chaldaeis dicentibus: *Ubi est Deus eorum?* cum videant me non eos liberare.

V. 6. PROPTER HOC, id est his tribus de causis, quas exposui. SCIET POPULUS MEUS NOMEN MEUM; id est, re ipsa experietur me non solum vocari, sed esse verum Deum, merito me Deum dici. QUAEGO IPSE QUI LOQUEBAR, id est cum videret me illi operi ferre, quemadmodum praedixeram: aut, cum videret fieri ea, quae a me praedicta fuerant: ex eventu enim vaticinationum intelligitur eorum auctorem verum esse Deum, ut probavit supra cap. xlii. 22. 23. & xlii. 9. & xliii. 9. & xlii. 7. Intelligitur autem hic locus, primum de praesentia Dei populum a Chaldaeorum servitute vindicantis: deinde de Christi ad nos adventu, ut videtur D. Paulus explicare ad Heb. 1. 1. *Multifariam multisque modis Deus locutus est patribus nostris in prophetis, novissime diebus istis locutus est nobis in filio.*

V. 7. QUAM PULCHRI SUPER MONTES PEDES; quasi dicat: Quam gratus erit adventus Apostolorum Evangelium annuntiantium. Quam pulchrum erit videre eos super montes adventantes, id est caelitus a Deo missos, & per montes ad nos quodammodo e caelo descendentes, ut tacite videtur D. Paulus interpretari Rom. x. 15. *Quomodo vero praedicabunt nisi mittantur, sicut scriptum est: Quam speciosi pedes evangelizantium.* Potest etiam significare procul, quia: eos qui super montes veniunt, procul videmus, quasi dicat Propheta animo prospiciens Apostolos venientes ad praedicandum Evangelium: Quam pulchrum est videre pedes, id est adventum evangelizantium. Per BONUM, pacem, salutem, Evangelium circumscribit. REGNABIT DEUS TUUS, id est Christus: *יְהוָה, regnavit*, pro, regnat, regnare incipit.

V. 8. VOX SPECULATORUM ET THORUM, id

est Prophetarum, Apostolorum, & qui Apostolis successerunt, Episcoporum; hi enim officio suo speculatores sunt, ut infra lvi. 10. & Ezech. iiii. 17. & xxxiii. 2. 6. 7. *Vox* (inquam, sub auditur) LEVAVERUNT, pro, levabant, VOCEM, id est, clara voce annuntiabant Evangelium. SIMUL LAUDABUNT, *יְהַלְלוּ*, *latius exultabunt*, aut, clamabunt. QUIA OCULO AD OCULUM, id est suis oculis, VIDEBUNT, restaurationem Sionis, id est, Ecclesiae, ut Apostoli dicunt Act. iv. 20. *Non possumus quae vidimus & audivimus non loqui.* Et I. Ioan. i. 1. *Quod vidimus oculis nostris, quod perspeximus, & manus nostra contrectaverunt de verbo vita annuntiamus vobis.*

V. 9. GAUDETE ET LAUDETE; id est, gratias agite simul deserta Ierusalem, loca quae nunc deserta estis atque visitata, quia restaurabimini. Intelligitur hoc historice quidem de ruinis urbis Ierolymitanæ. Mystice vero de peccatis, quae per Christum tollenda erant.

V. 10. PARAVIT DOMINUS (*נָחַם, nh-*
amit) BRACHIUM SANCTUM SUUM; id est, ostendit potentiam & sanctitatem suam. Solebant milites pugnaturi dextrum brachium nudare, quod & Arabes hodie faciunt. Inde metaphora ad Deum translata est. ET VIDEBUNT OMNES FINES TERRAE; id est, omnes gentes SALUTARE DEI NOSTRI, id est salutem, quam Christus nobis affert.

V. 11. RECEDITE, RECEDITE. Convertit orationem ad populum, hortaturque ut quemadmodum Deus paratus est ad afferendam, ita ipsi ad recipiendam salutem, & libertatem parati sint. EXITE INDE, id est ex Babylone, ut sup. xlviii. 20. *Egredimini de Babylone, fugite a Chaldaeis: & Ierem. 1. 8. Recedite de medio Babylonis, & de terra Chaldaeorum egredimini.* Mystice, recedite de mundo, & confugite ad Christum. POLLUTUM NOLITE TANGERE; id est, nolite communicare operibus infructuosis tenebrarum: & I. Timot. v. 22. *Neque communicaveris peccatis alienis.* MUNDAMINI QUI FERTIS VASA DOMINI, id est Sacerdotes. Omnes vult mundos esse ab operibus Babylonis, id est huius mundi, Sacerdotes vero maxime.

V. 12. QUONIAM. Reddit causam cur parati esse debeant, quia non sicut olim cum exirent ex Aegypto, repente ac tu-

mal-

S A.

multuario fugient; sed quiete & tuto nullo persequente hoste, sed Deo potius duce, ipsique Babylois deducenribus. NON IN TUMULTU, id est non temeranter more fugientium, כִּפְזוֹן, *in festinatione*, ut Exod. xii. 11. & Deut. xvi. 3.

V. 13. ECCE INTELLIGET SERVUS MEUS, id est sapienter rem totam administrabit. Alii, יִשְׁכִּיל, *virtute, prospere ager*, ut Chald. Paraph. *Servus meus*, id est Christus, ut etiam Chaldeus interpretatur, qui propter humanam naturam servus appellatur. EXALTABITUR. Aliqui hanc exaltationem ad crucem referunt, ut Ioan. iii. 14. & 8. xxviii. & 12. xxxii. Christus ipse mortem suam exaltationem vocat. Alii referunt ad eius gloriam, quod magis probat, ut D. Paulus loquitur Philip. ii. 9. *Propter quod & Deus exaltavit illum, & dedit illi nomen, quod est super omne nomen.*

V. 14. SICUT OBSTUPUERUNT SUPER TE: יָלַי, Chald. legit יָלַי, *super eum*, sicut statim sequitur vers. 15. *Super ipsum continebunt reges os suum.* Sic INGLORIUS ERAT INTER VIROS, חַוְסָא, *corruptus, deformis*; id est, quemadmodum antequam pateretur, omnes super eum mirabantur, quia Speciosus erat forma praefiliis hominum: Psal. xlii. 3. Sic in passione eius aspectus erit deformatus, ut ait cap. sequenti 2. *Vidimus eum, & non erat aspectus.* Alii putant comparationem hoc versu non compleri, nec dictionem כִּי sic, respondere praecedenti dictioni, *sicut*: sed sic, accipi pro, *usque adeo*: & comparationem compleri versu sequenti; quasi dicat: Sicut multi super eum obstupuerunt, quod adeo deformis esset (in passione) eius aspectus, sic

V. 15. ISTE ASPERGET GENTES MULTAS. Sanguine suo, aut doctrina sua inter omnes gentes disseminata. Alii, *Asperget gentes multas*, id est sanguinem multarum gentium, ut ait R. Abraham in comment. Alii, חַוְסָא, *stillare facies gentes multas*, id est de se loqui. SUPER IPSUM CONTINEBUNT, יִסְפְּדוּ, *claudunt REGES OS SUUM*; id est, admirabuntur, & obstupescunt sic, ut loqui non possint. QUIA QUIBUS NON EST NARRATUM DE EO; id est, ii, qui nihil ante de venturo Christo ex Prophetis audiverant, ipsum recipient, obstupescuntque reges, quod Christus regnet ubique gentium.

Verf. 1. FORTITUDINE TUA, scilicet a Deo tibi data. *Induimini Dominum nostrum Iesum Christum. VESTIMENTIS*, scilicet virtutibus ad Christum excipiendum. GLORIAE TUAEE, id est quae te gloriosam reddunt, seu ornant. SANCTI, scilicet Dei, vel templi. Chald. & LXX. *sancta*. INCIRCUMCISUS, scilicet corde; quasi dicat, Infidelis, vel peccator. Aug. Lib. cont. Donat. post. collat. id intelligit de futura vita. Alii referunt ad liberationem a persecutione infidelium.

V. 2. SEDE, scilicet loco honesto, quae antea in pulvere, id est statu peccati. VENCULA, scilicet peccatorum.

V. 3. GRATIS, id est sine pecunia; vel quasi dicat, Ulro vos dedidistis peccatis. REDIMEMINI, scilicet e Babylone, vel ex peccato.

V. 4. ASSUR, scilicet postea: vel potius pro Aegyptiis accipitur, qui ex Assyriis oriundi. Vide Ezech. xxxi. & quidem, quid hic attingebat ad Assyrios transire? Plane si quis utrumque locum diligenter legat, videbit Assur pro Aegypti Rege accipi, quicquam cur ita vocetur non satis scio. CALUMNIATUS EST. Chald. *appressit*.

V. 5. NUMQUID MIHI, &c. quasi dicat, Quin libero, scilicet a peccato, ut olim ab Aegypto? GRATIS. Vide sup. DOMINATORES, scilicet principes. ET IUGETER, &c. יַחַד. *Propter vos nomen meum blasphematur in gentibus semper.*

V. 6. NOMEN MEUM; quasi dicat, Me agnoscat. LOQUEBAR, scilicet per Prophetas. ADSUM, scilicet factus homo.

V. 7. SUPER MONTES. Et Christus in montibus aliquando docuit. SION, id est Sion, scilicet Ecclesia, vel potius Sioni, ut Heb. indicatur. REGNABIT. Chald. *revelatum est Regnum Dei tui*.

V. 8. SPECULATORUM. Chald. *gubernatorum*. LXX. *custodum*. LEVAVERUNT VOCEM. LXX. *exaltata est*. OCULO AD OCULUM. Chald. *oculis suis*. VIDEBUNT. Chald. *videbunt magnalia Dei*.

V. 9. DESERTA, scilicet arida antea animae.

V. 10. PARAVIT. Chald. *revelavit*; pro, *revelabit*. LXX. *revelabit*. BRACHIUM; id est

est potentiam, vel filium. OMNES FINES; quali dicat, Totus orbis.

V. 11. RECEDE, scilicet a peccatis, vel servitute diaboli, vel commercio infidelium. Vide II. Cor. VI. EIUS, scilicet Babylonis, id est mundi. MUNDAMINI. Chald. *electi estote*. LXX. *separamini*. VASA, scilicet quibus in templo ministratur Deo.

V. 12. IN TUMULTU, &c. quasi dicat, Quæta erit per Christum liberatio. FUGA, scilicet ut olim ex Aegypto.

V. 13. INTELLIGET, id est prudenter agget. SERVUS MEUS. Chald. *servus meus Christus*.

V. 14. OBSTUPUERUNT, scilicet visis miraculis. INGLORTUS, id est contemptus, scilicet in passione. EIUS. Mutatio personæ, pro, tuus.

V. 15. ASPERGET, scilicet aqua Baptismi, vel sanguine, scilicet redemptione. Chald. *disperget*, scilicet dilatans Ecclesiam. CONTINEBUNT, scilicet non male loquentes de eo, ut antea. NARRATUM, scilicet antea. VIDERUNT. LXX. *videbunt*, scilicet Christi miracula. CONTEMPLATI SUNT. LXX. *intelligunt*: scilicet gentes ad salutem pertinentia.

E S T I I.

Vers. 1. **C**ONSURGE, CONSURGE STON CIVITAS SANCTE, QUIA NON ADICIET ULTRA UT PERTRANSEAT PER TE INCIRCUMCISUS, ET IMMUNDUS. Hæc si intelligimus de Ierusalem, humilis & abiectus erit sensus; immo, ut apparet, falsus; quia post tempora captivitatis Babylonice sepe adhuc incircumcisi civitatem & templum contaminaverunt, ut tempore Antiochi Epiphanis, ut narratur in Lib. Machabæorum; maxime vero sub Tito & Vespasiano; quando templum eversum est, & civitas incircumcisis tradita ad habitandum, & Iudei in omnes terras ducti captivi. Rectius ergo de ecclesia Christi hæc intelliguntur. Sed quæstio est, quomodo etiam de ea verum sit: *Non adiciet ultra, ut pertranseat per te incircumciscus & immundus*; cum in Ecclesia multi sint immundi, & incircumcisi corde, & moribus? Resp. talem transitum improbum non esse, nec fore in Ecclesia, qualis fuit in synagoga illa, & templo Iudaico. Scilicet per Ierusalem, qui typus fuit

Ecclesie, talis fuit transitus incircumcisorum, & immundorum, ut tandem prævalerent; & universum populum illum abducerent captivum, maxime sub Romanis. Sed numquam hoc futurum est Ecclesie Christi, (cuius Ierusalem typus fuit) ut sic per eam pertranseat immundi, ut eam, quoad fidem, vel mores, penitus subvertant; quia iuxta promissionem Christi Matth. XVI. numquam futurum est, ut *porta inferi prævaleant adversus eam*.

V. 3. GRATIS VENUNDATI ESTIS, ET SINE ARGENTO REDMEMINI. Si de populo Iudaico intelligitur, quaeritur, quomodo gratis venundati, cum abducti sint in Chaldaeam merito peccatorum suorum? Respond. Gratis, quia rex ille aut populus Chaldaeorum nullo suo iure meruit, neque ullo modo ei debebatur, ut populo Iudaico prævaleret, eumque in servitutem abduceret. Et similiter quoque dicitur: *& sine argento redimimini*; scilicet, quia idem populus gratis, & sine suo merito liberatus est e captivitate Babylonica, Deo, animum Cyri, ut id liberaliter faceret, excitante. Ac similiter si de generis humani redemptione per Christum agatur, similis quaestio est, Quomodo gratis homo venundatus sit diabolo? cum peccati sui merito in diaboli venerit potestatem? Sed similis quoque est responsio: nam licet homo id merito passus sit, non tamen id diabolo absolute debebatur, ut eius potestati homo subiugaretur; nam erat creatura Dei, & quidem apud eum reus læste maiestatis. Eodem quoque modo homo gratis redemptus dicitur, si merita hominis spectentur, quæ nulla sunt ante redemptionem; sed iterum non gratis, si consideretur inestimabile pretium sanguinis Christi, quo redemptus fuit, de quo Apostolus I. Cor. VI. *Empti enim estis pretio magno*. Et canit Ecclesia: famulis tuis subveni, quos sanguine mercatus es. Sed in primis, ut manifestum est, redemptus est omnino sine argento.

M A R I A N A E.

Vers. 1. **I**NDUERE FORTITUDINE, id est sume arma. VESTIMENTIS GLORIAE TUAE, id est vestimentis festivis. CIVITAS SANCTE. Heb. *sanctitatis*, pro, sancta. NON ADICIET ULTRA UT PERTRANSEAT. Heb.

ut veniat in te incircumcisus; id est, gentes tui non dominabuntur, ut hactenus fecerunt. Quod de Ecclesia magis est verum quam de Ierusalem.

V. 2. EXCUTERE DE PULVERE. Dixerat cap. xxvi. vers. 5. *Detrahes eam usque ad pulverem*. Nunc contra, *excute de pulvere*, id est excute pulverem. SEDE IERUSALEM. Dixerat de Babylone cap. xlviii. vers. 1. *Non est solum tibi, ideo sede in pulvere*, in terra, ut solent qui non habent, ubi sedeant. Nunc ait, de Israel: Sede, solum habes ubi sedas. Surge de terra, luctum pone. SOLVE VINCULA. Exi e captivitate, qua teneris.

V. 3. GRATIS VENUNDATI ESTIS, id est sine pretio. ET SINE ARGENTO, sine pretio, sine pecunia. *Argenti* nomine in Heb. lingua intelligitur pecunia. Ergo sine labore, sine causa, id est gratis captivis, ita sine causa liberamini, vel nullis datis donis.

V. 4. UT COLONUS ESSET IBI, descendit populus in Aegyptum. Heb. *ut peregrinaretur ibi*. Adde, & tamen eum servare fecerunt. ET ASSUR. Per *Assur* Babylonios intelligit, qui Assyris imperabant, & captivarunt Iudeos postea. ABSQUE ULTRA CAUSA, id est nullis iniuriis provocatis. Id est quod dixit, *gratis venundati estis*. CALUMNIATUS EST EUM. Heb. *oppressit eum*, duxit in captivitatem.

V. 5. ET NUMQUID MERE EST HIC. Regia, Lovan. & Septuag. *Et nunc quid*. Significat autem, Et nunc quid moror a liberando meos? QUONIAM ABLATUS EST POPULUS MEUS GRATIS? iustum scilicet est, ut eos liberem. Affert rationes ob quas debeat suos liberare. Prima, quoniam gratis sine causa sunt oppressi. Secunda, INIQUE AGUNT. Heb. *ululare faciunt*, scilicet eos; tyrannide opprimunt. Id magis me provocat. Præterea, quoniam NOMEN MEUM BLASPHEMATUR. Nimirum inter impios.

V. 6. SCIET POPULUS MEUS NOMEN MEUM. Quod nomen? nam multa Dei sunt nomina. Sciet ergo populus nomen, quod ab existentia deducitur, quia impleo qui promisi, id est nomen ineffabile. Qui LOQUEBAR, ECCE ADHUC, ut scilicet faciam que dixi, prælo sum.

V. 7. QUAM PULCHRI SUPER MONTES. Hoc est, felicissimum nuntium id erit, cum annuntiaverint populum esse liberatum, aut
Bib. Sac. Tom. XVII.

Christum venisse. Paulus ad Rom. x. 17. de Evangelica prædicatione hæc verba affert. *Super montes*. In montibus sita erat Ierusalem, cui potissimum hæc nuntiabantur. PEDES ANNUNTIANTIS ET PRÆDICANTIS PACEM. Quia ex regione remota veniebant in nuntii, laudat pedes.

V. 8. VOX SPECULATORUM, scilicet audietur. Fingit in speculis constitutos qui adventum populi nuntiarent, postquam præmissi nuntii concessam libertatem affirmarunt, ac propediem venturos filios Israel. SEMUL LAUDABUNT. Heb. *inubilabunt præleteria*, scilicet videntes suis oculis populum venientem.

V. 9. GAUDETE, ET LAUDATE. Heb. *clamate, inbilate*. DESERTA IERUSALEM: quia incolis replebimini & cultoribus ob multitudinem venientium.

V. 10. PARAVIT. Heb. *denudavit brachium*, more scilicet pugnantis. SALUTARE. Heb. *salutem Dei nostri*, scilicet felicitatem & bona quæ contulit populo suo, videbunt omnes.

V. 11. RECEDITE, scilicet e captivitate. POLLUTUM NOLITE TANGERE, ne scilicet polluamini, ut offerre Deo sacrificia possitis, ac præsertim Levitic id præstat. MUNDAMINI QUI FERTIS VASA DOMINI, id est Levitic.

V. 12. QUONIAM NON IN TUMULTU EXIBITIS. Heb. *in festinatione*, ut olim scilicet prodierunt ex Aegypto festinantes. Porro in festinatione, multa perturbata sunt. NEC IN FUGA PROPERABITIS. Heb. *Et in fuga non ibitis*, id est instat fugientium, qui præ festinandi studio cetera nihil curant, per munda & polluta transeunt.

V. 13. ECCE INTELLIGET, id est prosperabitur. Chald. *Ecce prosperabit servus meus Messias*. Sane prudentia felicitatis est mater: sic Hebræi per intelligendi verbum prosperitatem significant.

V. 14. SICUT ORSTUPUERUNT, vel *admirati sunt* multi videntes tuam humilitatem & afflictionem, o Israel. SIC INGLORIUS ERIT INTER VIROS ASPECTUS EUS. Heb. *sic corrumpetur aspectus eius* (scilicet servi mei Messiae) *præ viro*, id est magis quam aliorum virorum aspectus; quasi dicat: Sicut tu in captivitate eras deformis, sic Messias abiectus erit. Populus ille Messie typhus erat.

V. 15. ISTE ASPERGET GENTES MULTAS. Heb. sic asperget gentes multas, id est suo sanguine mundabit. Vel sibi vendicabit gentes multas, & quasi rubrica asperget, sua nota signabit. CONTINEBUNT REGES OS SUUM. Non audebunt contra eum loqui. QUIA QUIBUS NON EST NARRATUM. Heb. sic verito, quia quod non fuerat narratum ipsis, videntur? id est, quae numquam audierant prodigia, viderunt. ET QUI NON AUDIERUNT, CONTEMPLATI SUNT. Heb. & quod non audierant intellexerunt, seu contemplati sunt, ut Noster dicit. Ea admirationis & silentii occasio.

M A L V E N D A E.

Vers. 1. **C**ONSURGE, CONSURGE, &c. Alii: *Exigila, exigila*, vel *Excita te, experegrare*, &c. Postquam Deus, inquit, reliquias Iudaeorum promissionibus consolatus est, nunc denum per Prophetam veluti in rem praesentem adducit eos hoc capite: & Ecclesiam ad praesentem Christum, Evangeliumque ipsius percipiendum hortatur. Sunt itaque huius capitis duae partes: prima est, hortatio ad excipiendum grato animo Christum, & salutem eius ex consilio, quod cepit Deus de Ecclesia liberanda per Christum, usque ad versum 7. secunda, descriptio Ecclesiae qualis fuit in adventu Christi, a persona ministrorum eius, & ministerio. **INDUERE FORTITUDINE TUA SION.** Alii: *indue robur tuum o Zion*; id est, confirma animum, quem abiectile videbaris: vide simile supra cap. LI. 9. **INDUERE VESTIMENTIS GLORIAE TUAE.** Alii: *I. induere vestibus decoris tui*. II. *indue vestes ornatus tui*; id est, depone luctum, & ad letitiam te compara in adventum sponsi tui. **QUIA NON ADICIET ULTRA UT PERTRANSEAT PER TE.** Alii: *I. quoniam ultra non venit in te*. II. *nam non perget invadere te amplius*; id est, iam tibi affertur salus sempiterna, vacua omnibus incommodis. **INCIRCUMCISUS ET IMMUNDUS.** Heb. *praeputiatus & contaminatus*, seu pollutus, id est, quisquis adversatur sanctitati aut saluti tuae: synecdochice ritibus legis.

V. 2. **EXECUTE DE PULVERE.** Alii: *Excute te ipsam o pulvere*, id est luctu, qui agitabatur in pulvere; ut Job 1. 20.

& cap. 11. 8. 12. imperativus Hithpahel significatum augeat: *excute te ipsam fac de pulvere*; id est, diligentissime & accuratissime excute te a pulvere, sordes omnes & luctum atque merorem abiice, nitidam te ac lxtam praesta. **SEDE.** שָׁב *sebebi*, potest esse imperativus a שָׁב *insab*, sede, mane, consiste: vel nomen substantivum a שָׁב *sebabah*, id est, *captiva abeluctio*, *captiva turba*, seu multitudo Ierusalitiorum. **SOLVE VINCULA COLLI TUI CAPTIVA FILIA SION.** Alii: *Explica te a vinculis colli tui*, id est servitute spirituali, ut Luce 1. 74. o *captiva filia Zionis*. Imperativus quoque ex Hithpahel magnam vim habet: *aperire te ipsam fac vincula colli tui*; id est, tu ipsa per te bono animo alacriter solve, ac discipe vincula peccatorum tuorum. Quidam, quod Hebraice sit altera lectio, reddunt: *aperiri facta fuerunt*, vel *aperta*, *soluta sunt vincula colli tui*; quasi dicat: Non tuis meritis, sed gratia Christi remissa sunt tibi peccata.

V. 3. **QUIA HAEC DICIT DOMINUS.** Heb. *Nam sic dixit Ielova*. Aetologia laetitiae a consilio Dei, quod modò efficiendum praedicatur. **GRATIS VENUDATI ESTIS, ET SINE ARGENTO REDIMEMINI.** Alii: *gratis vendidistis vos, & non argento*, vel *& sine pecunia vindicabimini*; id est, Ego, qui sum Dominus vester, nullum pretium accepi cum venderemini hostibus vestris, vel diabolo, ut Psalm. XLIII. 13. & supra cap. v. 1. ac proinde rem venditam meo iure accepturus, seu recuperaturus sum. Quidam exponunt: *Gratis, sine causa, temere, nullo pretio venditi fuistis in iniquitatibus vestris, quare etiam sine argento redimemini: non dixit, & gratis redimemini; licet enim non corruptibilibus, auro & argento redempti sumus, nequaquam tamen sine pretio, eoque inestimabili, pretioso videlicet sanguine agni immaculati Christi*. I. Petri 1. 18. & 19. Possit & hic esse sensus: *Voluntarie vestra mera libertate arbitrii vos vendidistis diabolo, & tradidistis in eius servitutum, & sine ullo vestro pretio aut merito, sed mera gratia Dei redimemini*.

V. 4. **QUIA HAEC DICIT DOMINUS DEUS.** Alii ex Heb. I. *Nam sic ait Dominus Ielovi*. Explicatio consilii, quod Deus paucis proposuit praecedente versu. Proponit autem hic captivitatem populi Aegy-

Aegy-

Ægyptiacam, & Chaldaicam, tamquam exempla, quod hæc præcipue servitutem sub iugo satanæ ac peccati adumbraverint. Quod vero legunt *Iehovis*, ut alibi passim, vide in Genes. xv. 2. In ÆGYPTUM DESCENDIT POPULUS MEUS, &c. Alii ex Heb. I. *Olim descenderat populus meus in Ægyptum, ut inquilinus illic esset, postea Assyrius sine causa oppressit eum, vel Assyrius autem tenuit vine ei servis*. II. In Ægyptum descenderat populus meus in principio, seu, olim ad peregrinandum illic: ut Genes. XLVII. 4. *Assyrius quoque*, id est Babylonius, qui idem fuit rex Assyriorum: nam etiam Babylonia omnium historicorum consensu olim habitata est Assyriæ; pro nihilo oppressit eum; id est, gratis, sine pretio (ut dixit præcedente versu) illo tamquam suo mancipio abusus est. Oratio huius versus est anantapodotos, utraque pars terna membra complectitur, ex sensu præcedentis versus hoc modo: In Ægyptum venit populus meus: Ægyptus de nihilo oppressit eum; ego oppressum liberavi. De Assyrio itidem, in Babyloniæ abductus est populus meus: Babyloniæ de nihilo oppressit eum; & similiter ego oppressum liberavi: quorum exemplorum subicitur accommodatio, versu sequente. ET ASSUR sive Assyria, seu Assyrius. Quidam Assyrium Pharaonem intelligunt, propter potentiam & crudelitatem: erat enim veluti in proverbio nomen Assur ea tempestate, ut ex lectione prophetarum apparet, qui hostes populi Dei illorum populorum nominibus solent appellare, qui Iudeis insensu fuerant. Quod sane nobis non probatur. Fecius alii hariolantur hunc Pharaonem dictum Assur, quod ex gente Assyriorum esset: vide in Exod. i. 8. Illud omnino rectius, Assur hic dici Babyloniæ, quod Babylonia olim Assyriæ accenseretur. Herodotus Lib. I. Num. 178. *Assyria autem cum alia multa sunt magna oppida, tum vero celeberrimi nominis ac valitissimum est Babylon*. Strabo Lib. XVI. pag. 743. *Babylon olim Assyria fuit metropolis*. Et Hygenus Fabula 275. *Semiramis Decretis filia in Syria Babyloniæ condidit*. Constat autem quæ prius Assyria dicta fuit, postea Syriam appellatam. Absque ulla causa. Heb. in non in, vel pro nihilo, in defectu. Marinus exponit: *in defectione vim intulit ei*; id est, con-

tus est in nihilum redigere, vel ut eum omnino deficere faceret.

V. 5. ET NUNC QUID MIHI EST HIC, Dicit DOMINUS? Alii: I. *Et nunc quid mihi hic? fidelis sermo Iehovæ*; id est, quid mihi hic negotii, quid moror, quin liberò populum meum? An non graviore servitute nunc premitur quam Ægyptiaca aut Babylonica? descendam ergo & liberabo eum. II. *Nunc autem quid mihi istinc usus est? vel quid mihi hic est? dictum Iehovæ*. Accommodatio exemplorum antecedentium ad conditionem Iudeorum misere servitutem satanæ & peccato cum adventaret Christus. Nihil amplius, inquit, mihi accellit ex ista Iudeorum alienatione, quam ex superioribus illis Ægyptiaca & Babylonica: quamobrem cum non vendiderim eos, aut nullum venditionis pretium acceperim, meos esse confirmo, & pro meis vindicaturus sum, hoc & sequente versu. QUONIAM ABLATUS EST POPULUS MEUS GRATIS? Alii: I. *cum populus meus gratis abductus est*, id est nulla data pecunia a satana, sed ob peccata sua. II. *nam captus est populus meus gratis*. Exortatio præcedentis dicti, Nihil amplius inde obvenire Deo; per antithesin: Primum enim, inquit, nihil accepi: deinde vero, quod est indignius, non tantum non accepi, sed iniurias patior in servis meis; atque adeo blasphemias in me ipsum, quod est omnium indignissimum, hoc versu. DOMINATORES EIUS INIQUE AGUNT. Alii ex Heb. I. *dominatores eius ululare faciunt eum*. II. *cum domini eius ad eiulatum adigunt*. III. *qui principem locum tenent inter eos*, id est prophetæ, ululant, expectando scilicet adventum Christi. IV. *dominatores ipsius eiulant*; id est, illi ipsi, in quos auctoritatem contuleram, ut præfente populo meo imperio doctrinaque, ii gravissime affliguntur, & servitutem exteris servant. BLASPHEMATUR. Heb. reddunt: spernitur, irritatur, incessitur, laceffitur, contumelia exponitur, provocatur, involatur. Participium מְבִזֵּי מִמְּנָאֵז, aunt compositionem ex Pahul, Pihel, & Benoni Hithpahel: unde & compositio & aynmalia indicant maximam & enormem iniuriam fieri nomini. Hunc locum annotant respexisse, & reddidisse Paulum Roman. ii. 24. *Nam nomen Dei propter vos blasphematur in gentibus, sicut scriptum est*; nimirum

Isaia LII. 5. & II. Petri II. 2. *Per quos via veritatis blasphemabitur, conviciis incessetur.*

V. 6. PROPTER HOC SCIT, &c. Alii: *Idecirco experietur populus meus nomen meum, in Christo aeterno, aeterni Patris Filio, ut Exod. XXIII. 21. idecirco, inquam, experietur illo ipso die mecum esse, qui proloquitur, ecce me; id est, me esse Christum, Verbum & Sermonem Dei Patris, qui Deus est partefactus in carne. Nonnulli, illud sciet nomen meum in die illo, putant esse Hebraismum & Hispanismum, sabra quidem illo mo, id est, sciet quantum viribus valeo, me praestare promissa, & adesse presentem in carne.*

V. 7. QUAM PULCHRI SUPER MONTES PEDES ANNUNTIANTIS, ET PRAEDICANTIS PACEM, &c. Quidam reddunt: I. *O quam speciosi sunt super montes pedes evangelizantis, praedicantis pacem, &c. Verba Prophetarum admirantis Christum & Apostolos, ac discipulos eius praedicantes Evangelium; quasi dicat: Quam iucundum erit videre Christum advenientem montes, Evangelii docendi causa! Christus saepe docuit in montibus, ut ex Evangeliiis clarum est.* II. *Quam decentes sunt super illos montes pedes evangelizantis, pronuntiantis pacem, &c. Secunda pars capitis, ut dictum est in vers. 1. qua Propheta rationem describit mirificae liberationis, quam consecutura est Ecclesia in Christo. Sunt autem istius rationis duae partes summae, quae proleptice hoc versu continentur; una est praedicatio Evangelii de regno Dei, quae deinde exponitur usque ad vers. 13. altera est ipsa constitutio regni in persona Christi, quae annuntiatur Evangelio, tribus versibus ultimis. Transigitur vero ad sermonem hunc ex abrupto, perinde atque si piis confidentibus in summis tenebris lux repente exoriretur, & conspicui fierent ministri Evangelii, ut supra cap. IX. 2. *Super illos montes, id est in Iudaea montosa, ut Exod. XV. 17.**

QUAM PULCHRI SUPER MONTES. *Utrum, Quam concupiti, desiderabiles, decori, decentes, pulchri, amari, elegantes, formosi sunt: ut Cantico. 1. 9. ANNUNTIANTIS ET PRAEDICANTIS PACEM, ANNUNTIANTIS BONUM. Hunc locum Paulus Romanor. X. 15. citans, pluraliter reddidit: Quam speciosi pedes evangelizantium pacem, evangelizantium bona! universe ad*

ministros Evangelii accommodans.

V. 8. VOX SPECULATORUM TUORUM &c. Alii hunc versum ex Heb. elucidant: *Vocem speculatorum tui, attollunt, inquam, vocem, pariter cantant, seu tubilant; se oculis suis videre coram, cum reducit Iehova Tzionem, id est cominus, evidentissime, ut Numeror. XIV. 14.*

V. 9. GAUDETE, ET LAUDATE SIMUL DESERTA IERUSALEM. Alii ex Heb. I. *Pociferate, ovate pariter desolationes Ierusalem. II. Erumpite in laudem, tubilate pariter solitudines Ierusalem. III. Resonate, ovate pariter siccitates Ierusalem. IV. Fragorem edite, cantate pariter vastitates Ierusalaimorum; id est, o Ecclesia Dei, quae prius vastata misere, & haec facta fuit. Forma praedicationis, qua usuri sunt praedicones Evangelii in ipso adventu Christi, cuius duo sunt capita: unum est gloriatio fidei amplectentis beneficium Christi, & omnem gloriam tribuentis Deo, duobus versibus; alterum est sera resipiscencia seu poenitentia & sanctificatio nostri ipsorum secuta in Domino, vers. 11. & 12. QUIA CONSOLATUS EST DOMINUS POPULUM SUUM, REDEMIT IERUSALEM. Alii per praesens: quia consolatur Iehova populum suum, vindicat Ierusalaima.*

V. 10. PARAVIT DOMINUS BRACHIUM SANCTUM SUUM, &c. Alii per praesens: *Nudat Iehova brachium sanctitatis suae ante oculos omnium gentium: ut videant omnes fines terra salutem Dei vestri; id est, tamquam explicato brachio, opus suum circa Ecclesiam efficit: metaphora ab opificibus in aliquid serio incumbenibus. Alii: brachium sanctitatis suae, id est Christum Dei virtutem & sapientiam.*

V. 11. EXITE INDE, vel illinc; id est, ab impuro & polluto loco; vel illinc, nimirum e vastitatibus, de quibus supra vers. 9. quasi dicat: *Eripite vos vera poenitentiae tantis malis, in quibus adhuc versati estis, & sanctificationi vestrae incumbite: ut sequentia docent. EXITE DE MEDIO EIUS: scilicet impunitatis & contaminationis peccati, seu vastitatis. MUNDAMINI QUI FERTIS VASA DOMINI. Heb. Pergate, seu expurgate vos portantes vasa Iehovae. Vos vel Levitae & sacerdotes, qui ad dicti estis ministerio Domini, & sacris eius: vel vos, qui estis armigeri Dei, vos fideles, qui gestatis armaturam Dei, de qua Ephel.*

Ephes. vi. Vel vos Christiani omnes, quorum est regnum sacerdotale, qui sunt domus spiritualis, sacerdotium sanctum, ad offerendum spirituales hostias acceptas Deo per Christum, I. Petri. ii. 9. & Apocalypf. i. 6.

V. 12. QUONIAM NON IN TUMULTU EXIBITIS, NEC IN FUGA PROPERABITIS. Alii: I. Quoniam neque cum festinantia exibitis, neque fugitivorum more abibitis, seu discedetis a captivitate. Longe, inquit, alia erit hæc liberatio ab illa Ægyptica, nam egressi sunt tunc cum præcipitatione, & pene fugientes. II. Nam non festinatione exibitis, neque fuga proficiscimini; id est, cum triumpho provehmini & servitute ista in gloriam filiorum Dei:iosis. Heb. Quia non in affestinantia, abreptione, exibitis, id est scititanter, abrupte, rapide. Alludit proculdubio ad locum Exod. xii. ii. & Deuteron. xvi. 3. ubi est eadem vox. PRAECEDET ENIM VOS DOMINUS, ET CONGREGABIT VOS. Alii ex Heb. I. Iehova enim ante vos incedet, & agmen vestrum colliget. II. quia præitutus est vobis Iehova, & colligens vos, seu extrema aciem vestra (vide Numeror. x. 25.) erit Deus Israelis; id est, ducturus est vos & omni ex parte conservaturus, quasi primam aciem & postremam ageret: metaphora a re castrensi, qua gloriam liberationis in Christo omnibus modis præferendam docet Ægyptiacæ.

V. 13. ECCE INTELLIGIT SERVUS MEUS, &c. Alii hunc versum ex Heb. I. Ecce prudenter geret rem servus meus; exaltabitur, evehetur, & supra modum sublimis erit. II. Eccegnaviteraget servus meus; exaltabitur & elevabitur, & sublimis erit valde. III. Ecce prosperabitur servus meus. Altera pars de constitutione regni in persona ipsa Christi, ut diximus in xcrf. 7. qua exponit Deus finem quidem illius fote infinitam gloriam; sed præituræ perpeffionis, & abiectionis maximam, I. Petri i. ii. hoc & sequente versu: ex quibus sequitur maxima piorum omnium admiratio, versu ultimo. Servus meus, Christus, ut supra cap. xlii. i. extolletur, & elevabitur, & altus erit valde. INTELLIGET. יִשְׁכִּיל iaschil, futurum Hiphil, hæc omnia complectitur: intelliget, intelligere faciet, callide, prudenter, considerate, intelligenter, accurateaget, strenue,

gnaviter, industrie rem geret, secundabitur, prosperabitur. Vide I. Samuel. xviii. 5.

V. 14. SICUT OBSTUPUERUNT SUPER TE MULTI, &c. Hunc versum subobitum in Heb. varie elucidant: I. Quemadmodum admirati sunt super te multi: mutatio personæ, pro, super illum, scilicet servum meum: quod adeo corruptus esset præ viro aspectus eius, & forma eius præ filiis hominum. II. Quemadmodum obstupuerunt super te multi, adeo deformata fuit ab hominibus species eius, & forma eius a filiis hominum: sic asperget, &c. III. Quemadmodum obstupuerunt super eum multi, quod sic deformatus esset præter humanum morem aspectus eius, & forma eius alienata a filiis hominum; sic, &c. Sequenti versu absolvetur sensus. IV. Ut obstupefcent super illum multi, ita corruptetur peius quam cuiusvis hominis aspectus eius, & species ipsius peius quam reliquorum hominum. V. Quemadmodum admirati sunt super eum multi, sic corruptus plusquam viri aspectus eius: & forma eius priusquam filiorum hominum: sic loqui faciet gentes multas, &c. id est, Ut admirabuntur multi visis miraculis, quæ patrabit Christus, sic obstupescunt cum viderint faciem eius sic perpeffionibus labefactatam, ut non videatur humana facies. VI. Quemadmodum admirabundi obstupuerunt multi de eo, quod aspectus eius deformior fuerit quam ullius viri, & forma eius plusquam filiorum hominum, subaudi, qui ante illum afflicti fuerint: nam percutietur, conspuitur, exedetur, male tractabitur a Iudeis, & ita corruptetur, ut non videatur forma hominis: sic stillare faciet gentes multas, &c. VII. Hispanicus Interpres: Como abominaron sobre ti, vel como te abominaron muchos, en tanta manera fue desfigurado de los hombres su parecer, y su hermosura, de los hijos de los hombres: Ansi salpicara muchas gentes, &c. VIII. Quemadmodum obstupuerint de te multi, nimirum de te, o popule Iehovæ, cuius ante meminerat: ita decorujta supra virum seu quemlibet specie istius, & forma istius præ filiis hominum; id est, tantam, & tam excellentiam gloriam, ex tanta Christi abiectione & ignominia mirabuntur atque obstupescunt. IX. Sicut obstupuerunt super te multi, sic unctio aspectus eius præ viris, & forma præ filiis hominum; id est: Que-

madmodum multi super eum obstupuerunt seu fibilarunt videntes crucis ignominiam; sic unctio, id est gratia, veniunt, latria, aspectus eius erit prae aliis, &c. ut Psalm. XLIV. 8. vel: Quanto magis super eum obstupuerunt, eo maior erit gratia aspectus eius, &c. Vocem מִשְׁכַּח מִשְׁכַּח, non a שַׁח שַׁח, perdidit, sed a מִשְׁכַּח מִשְׁכַּח, unxit, deduxerunt. Nos secuti Forlicrum vertimus: Sicut afflaverunt super te multi; id est, afflatu seu sibilo ut rem abominandam execrati sunt. Aliiter: Sicut stupende desolati sunt super te multi; id est, stupore & admiratione perciti de te: ita disperditus a viro visus, seu aspectus, eius, & forma eius a filius Adam.

V. 15. ISTE ASPERGET GENTES MULTAS. Forte Noster scripsit Ita, non Iste: nam Hebr. est כֵּן cen. Varie reddunt: I. Ita loqui faciet de se gentes multas; id est, dabit ansam & occasionem multis loquendi de se, quod ut nos servaret, tanta pati voluerit. II. Sic stillare faciet, seu effundet gentes multas, id est sanguinem gentium multarum. III. Ita asperget gentes multas; quasi dicat: Fama sui nominis multas gentes asperget, & nomen suum longe lateque propagabit. Predicationem Evangelii, & divulgationem intelligit, ac si dicat: Sic asperget gentes multas, predicatione scilicet Evangelii. IV. Ita, inquam, persperget stupore gentes multas, nimirum ex comparatione tantae abiectionis & gloriae Christi, & bonorum, quae hoc pacto nobis afferuntur, admiratione. V. Sic asperget gentes multas, sanguine suo, & lavacro spiritus in verbo vitae mundans eas. Alludit ad legales illas aquae & sanguinis varias aspersiones, quae typi & figurae fuerunt pretiosissimae illius asperfusionis sanguinis Christi, & baptismatis: vide Hebræor. ix. 7. & sequentibus, & cap. xii. 24. SUPER IPSUM CONTINEBUNT REGES OS SUUM. Alii: I. super ipsum claudunt, contrahunt, reges os suum; id est, nihil loquentur contra ipsum. II. quin reges coram eo os suum compriment. III. propter eum obdunt reses os suum; id est, non obloquuntur, sed sicutum praestabunt, dociles ad predicationem Evangelii, ut Iob xix. 9. QUA QUIBUS NON EST NARRATUM DEO, &c. Alii ex Hebr. I. quoniam id, quod antea non fuit narratum eis, cognoscunt; & quod non audierant, intelligunt. Preterita pro-

futuris. II. quando, quod non narratum fuerat eis; id est, Evangelium, quod a temporibus aeternis tacitum fuerat inter gentes; Rom. xvi. 25. videbunt, id est percipient oculis fidei; & quod non audierant, animadvertent. Hunc locum citat Paulus Romanor. xv. 21. CONTEMPLATI SUNT. Heb. intelligere sese fecerunt: formula Hithpael importat conatum & diligentiam, seu diligentem observationem; quali dicat, Accuratissimam operam dabunt ut intelligant, & percipiant.

M E N O C H I I.

Vers. 1. CONSURGE: o Ierusalem, quae iaces in sordibus mœstia, & lugens. INDUERE FORTITUDEM TUAM: animos refume, alacris esto. VESTIMENTIS GLORIAE: vestibus hilaritatis, & lœtitiæ. CIVITAS SANCTE: scilicet DEI, cuius cultui Ierusalem dicata erat, & in qua templum erat positum. Potiori iure Ecclesia est civitas sancti, cui non solum adest Christus spiritualiter per gratiam, sed etiam corporaliter in Eucharistia, in qua sunt sancta Sacramenta, S. doctrina, &c. Non ADICIET ULTRA, &c. id est, non iam amplius dominis servies Babylonis, neque ultra incircumcisus, & immundus sic Iudeorum fines invadet, ut tui, sicut antea, dominetur.

V. 2. DE PULVERE: in quo captiva, & vincita iacuiisti.

V. 3. GRATIS VENUMDATI ESTIS, &c. id est sicut libertatem vestram alienus nullo perfoluto pretio eripuit; sic nullo perfoluto lytro libertati restituemini.

V. 4. IN AEGYPTUM DESCENDIT: cum Iacob patriarcha Genes. xlii. Assur. I. Ita appellatur Pharaon ob potentiam & crudelitatem: sic etiam appellatur Ezech. xxxi. 3. CALUMNIATUS, id est per vim, & calumniarum affixit, & oppressit.

V. 5. ET NUMQUID MIHI EST HIC, DICIT DOMINUS; id est, nunc autem quid mihi hic? quidnam hic habeo ut non idem faciam, quod tunc feci? quid memoratur? cur populum meum sine causa, quod ad Babylonios attinet, in captivitate abductum, non libero? DOMINATORES EIUS? Babylonii, demones & vitia. NOMEN MEUM BLASPHEMATUR: ab infidelibus exultantibus, & dicentibus me non posse, a Iudæis.

Iudeis autem non velle liberare populum meum.

V. 6. SCIENT NOMEN MEUM : nam assumam humanam carnem, & *Iesus* appellabor, & hoc nomine me invocabunt, ut cum dicent, *Iesu Christe salva nos*. Potest etiam nomen Dei, eius virtutem, & potentiam significare. QUAM PULCHRI, id est quam grati. SUPER MONTES : alludit ad Sion, quæ in monte erat sita. ANNUNTIANTIS PACEM : pacem, & salutem Iudeis partam post captivitatem. Potissimum tamen intelligit Evangelii annuntiationem per Apostolos; sic enim hunc locum accipit D. Paulus ad Rom. x. 19. REGNABIT DEUS TUUS : Christus in Ecclesia.

V. 8. VOX SPECULATORUM TUORUM : scilicet audietur, qui lati de Sionis felicitate, attollent voces gratulationis, & lætitiæ plenas, & Christum evangelizabunt. Itaque speculatores sunt Apostoli, præcones Evangelii. QUIA Oculo AD OCULUM VIDEBUNT : Christum ipsum suis videbunt oculis. CUM CONVERTERIT DOMINUS SION : cum Dominus Sionem captivam liberam faciet.

V. 9. DESERTA JERUSALEM : loca deserta, desolata, & diruta Ierusalem.

V. 10. BRACHIUM SANCTUM TUUM : Christum, per quem potenter salutem dabit fidelibus suis : sic B. Virgo cecinit : *Fecit potentiam in brachio suo*, &c. Luc. I. 51.

V. 11. RECEDITE, RECEDITE. Exite de Babylone, o Levitæ, & mundi estote, ut vasa Domini ferre possitis. Potior tamen sensus Apostolos respicit; quasi dicat : Exite de infideli, blasphema & polluta Ierusalem. POLLUTUM NOLITE TANGERE : curate, ut sancta sancte tractetis. QUI FERTIS VASA DOMINI : qui sacram Scripturam, & sacramenta tractatis, & ministratis.

V. 12. QUONIAM NON IN TUMULTU EXIBITIS : ut cum patres vestri urgentibus Aegyptiis, sessinanter, & tumultuarie exierunt; sed ut victores quiete, alacriter, & impavide. Alloquitur Apostolos, & alludit ad modum, quo ex Babylone exierunt post captivitatem. CONGREGABIT vos : vobis adcrit Deus, vos proteget, & diriget.

V. 13. INTELLIGET SERVUS MEUS ; id est, prudenter, & strenue ager, & nego-

tium redemptionis humanæ perficiet, vel intelliget, & perficiet iussa æterni Patris. SERVUS MEUS : Christus, qui formam servi accepit, cum humanam carnem induit. EXALTABITUR : per admirabilem doctrinam suam, miracula, &c.

V. 14. SICUT OBSTUPUERUNT SUPER TE MULTI : admirantes, o Christe, doctrinam, & miracula tua. SIC INGLORIUS ERIT, &c. Ita ab iisdem ignominia afficitur, cum flagellabitur, & crucifigetur.

V. 15. ASPERGET : scilicet tum sanguine suo ad redimendas gentes, tum aqua baptismi. Alludit ad Mosaicas lustrationes, & asperiores aquæ expiatrix; & ex cinere vitule rufæ : vide ad Hebr. ix. 13. CONTINEBUNT : admirantes Christi, & discipulorum sapientiam, hircere non audebunt. QUIBUS NON EST NARRATUM : Gentes, Ethnici, Pagani viderunt divinam sapientiam, & gloriam crucis Christi. ET QUI NON AUDIERUNT, &c. Est repetitio præcedentis hemistichii.

T I R I N I.

Vers. 1. CIVITAS SANCTI Dei, Ierusalem; Hebraice & Græce, *civitas sancta*; nempe divino cultui specialiter dicata iam inde a tempore Davidis, Salomonis, &c. sed iam destructa & excisa per Chaldaeos, & humi iacens in sordibus & ruinis tuis iubente Deo, Cyro, Dario, Artaxerxe, CONSURGE rursus in altum, cingere novis muris, instruere ut olim domibus, turribus, palatiis. INCIRCUMCISUS ET IMMUNDUS Chaldaus, aut alius quispiam infidelis, qui hactenus tibi dominatus fuit & pessumdedit, NON ADICIET ULTRA a, UT PERTRANSEAT PER TE ; sed ipsemet destructur per Cyrum & Darium. Nullus autem hic sermo est de peccatoribus vulgaribus, ut vult Calvinus & Pelicanus, quasi nulli tales sint membra Ecclesiæ Dei. Sed neque proprie dicti infideles alio sensu negantur hic per allegoricam Sionem, id est Ecclesiam, pertransituri, quam instat victorum, dominorum & vastatorum : nam nec porta inferi b prævalent adversus eam.

V. 3. SEDE : supple, in pristino solio, delitiis & gloria. Moralliter hæc designant dignitatem animæ ad Deum convertæ.

V. 3. GRATIS VENUNDATI ESTIS : id est,

est, sine pretio traditi estis Chaldeis; quia bello ab eis capti: rursum SINE ARGENTO, sine pretio, REDIMEMINI a Cyro, qui remigrantibus in patriam, etiam de suo donabit, I. Eldre 1.

V. 4. ASSUR, nomen generale tyrannorum a tempore Iſaie designat hic Pharaonem regem Aegypti Hebraeorum oppressorem, inquit Forenus. Addit Caictanus, Pharaonem illum natione non fuisse Aegyptium, sed Assyrium, ut dixi Exodi 1. ac proinde merito hic vocari Assur, uti & Ezech. xxxi. 3. CALUMNIATUS EST, id est per calumniam & vim oppressit & afflixit e populum meum in Aegypto.

V. 5. Et nunc, cum duriori tyrannide idem populus meus premitur a Chaldeis, QUID MIHI EST HIC AGENDUM? utique sicut tunc perdendo Aegyptios eduxi populum meum, ita & nunc faciam perdendo Chaldaeos.

V. 6. SCIET & sentiet NOMEN MEUM, de quo Exodi iii. 14. quasi dicat: Expectietur me esse Iehova, Deum & dominum universorum, potentissimum, sapientissimum, optimum, maximum. EGO IPSE QUI LOQUEBAR, & per Prophetas hanc praedicebam iam ECCE ADSUM: ego ipse ducam castra, ipse praibō d, & hostes vestros sternam. Sed haec figurate, ut & sequentia, Cyri temporibus aptantur: nam proprie conveniunt antitypo Cyri, nempe Christo, in quo vere dicebat mundo Deus, Ecce adsum, indatus hominem vobis sociatus sum, ut vos crucem & faucibus diaboli, peccati, mortis & inferni: ita exponit S. Paulus initio epistolae ad Hebraeos: ut & sequentia de Apostolis aliisque Evangelii praenunciis, Rom. x. vers. 15, & SS. Patres ad unum omnes.

V. 8. VOX SPECULATORUM sonora, immo stentorea, ubique personabit, nempe, regnabit deinceps toto orbe Deus tuus, non Chaldaei, non daemones, non Moyses, sed Messias & Emmanuel. Hunc OCULO AD E OCULUM VIDEBUNT Apostoli, id est, familiariter cum illo versabuntur & colloquantur: ac proinde non nisi certa arque indubitata ex ipsiusmet ore nobis de illo denuntiabunt.

V. 10. PARAVIT; Hebraice, nudavit, nudum exeruit, DOMINUS BRACHIUM SUUM, id est potentiam & robur divinum: ac nominatim Christum qui est brachium

& fortitudo Dei; brachium quo nos amplectitur, quo nos liberat, quo nos iustificat, roborat, glorificat. Hoc duce, hoc rege, hoc redemptore vobis proposito, nolite, o Iudaei, diutius haerere in legalibus vestris caeremoniis, figuris & umbris: nolite, o Gentiles, immorari idololatriae & aliorum scelerum vestrorum sordibus.

V. 11. RECEDITE, EXITE INDE. Immunda sunt illa omnia & polluta, quae si pergatis TANGERE & tractare, polluti permanebitis. EXITE DE MEDIO EIUS, sicut olim ex Aegypto, & nunc e Babylone. Et sicut tunc sacerdotes ac Levitae singulari studio mundari debebant ut aptescent descendis vasis templi, ita & vos QUI longe nobiliora VASA DOMINI FERTIS, Sacramenta nempe Christi tractatis, emundamini a peccatis; a sordibus iam dictis puri estote & sancti. Huic vero emundationi nec otium vobis deerit, nec media necessaria.

V. 12. Quia NON cum TUMULTU, praepropere & importune urgemini, ut sit IN FUGA; & factum vobis olim cum ex Aegypto f egressi cogere minimi: sed placide, lenim & commode (ut continget in egressu e Babylone sub Cyro g) omnia ad emundationem necessaria parare & applicare potestis: ita Tertullianus h, S. Hieronymus, Cyrillus, Procopius, Haymo & Sasbout. Et S. Paulus ex hoc loco sumpsit occasionem monendi Corinthios i, ut nimiam consuetudinem, maxime vero connubia, cum infidelibus devitarent, ne ab iis polluerentur. Porro ad emundationem hanc spirituales, & sequestrationem ab omnibus immundis, PRAECEDET vos; id est, dux, adiutor, immo exemplum vobis erit non Moyses unus, non Aaron; sed DOMINUS ipse Deus iam incarnatus, qui vos undique e ludaeorum & Gentilium erroribus eductos ad se colligit & sibi adgregabit. Et licet haec eductio, collectio & adgregatio multo illi labore, dolore, immo & sanguine stabit; quia tamen ita volui, ita decrevi, ita illi iussi, & ad hoc misi in mundum; ideo

V. 13. ECCE INTELLIGET, capiet & acceptabit haec iussa mea SERVUS MEUS Messias: ita S. Iustinus, Origenes, S. Augustinus k, & Sanchez. Et ob hanc suam obedientiam, promptitudinem & patientiam mire EXALTABITUR tum in terris, tum in caelis.

V. 14. SICUT SUPER TE, O Ierosolyma, a Chalkris excisa, OBSTUPUERUNT MULTI, cum viderent te; tam caram Deo, tot beneficiis illius ornatam, tam sordē, tam probris a profanis Gentibus tractari: sic APECTUS EIUS, nempe Messis frui mei, INGLORIUS ERIT INTER VIROS. Hebraice, *pra aliis viris*: nempe apparebit facile confusus, lividus, vulneratus, cruentatus, inter latrones suspensus, in cruce moriens, &c. Sed hac ratione

V. 15. IPSE ASPERGET tum sanguine suo, tum aqua baptismali GENTES MULTAS, hoc ritu, hoc lytro redimens, purgans, & quantum ex se est salvans mundum universum: ita S. Hieronymus; nempe multo nobilitate atque efficacia lustratione & emundatione, quam erat illa Mosaica per sanguinem & cinerem vitulæ ruse l ut S. Paulus exponit ad Heb. ix. 13. Porro hac Christi asperione mundati non solum plebei & viliores animæ, sed & principes possim & REGES, CONTINEBUNT OS SUUM SUPER IPSUM; id est, instar discipulorum vel famulorum silbunt ipso docente & iubente, nec audebunt contra hircere, sed mox obsequentur, reverebantur & obediunt ei: ita Forerius. Neque Iudei modo, sed & Ethnici, QUIBUS NON EST hucusque NARRATUM DE EO. Ita sanctus Hieronymus, Augustinus & alii Patres, immo & S. Paulus Rom. xv. 21.

[a] Prolegom. de Idiostim. Heb. n. 47.

[b] Matt. xvi. vers. 18.

[c] Exod. 1. &c.

[d] Isaie xlv. vers. 1.

[e] Ioan. 1. vers. 1.

[f] Exod. xxi. 34.

[g] I. Efd. 1. 3.

[h] Tertull. Lib. III. contra Marcionem cap. xxi.

[i] Il. Cot. vi. 39.

[k] Iustin. coort. Tryphonem. Orig. Lib. I.

cont. Celsum. Augu. Lib. XVII. de Civit. cap. xxi.

[l] Num. xxi. Augu. l. de Coofatu Eueg.

cap. xxi.

GORDONI.

Vers. 1. CONSURGE, &c. Multi hic capitivatem intelligunt in AE-

gypto, quæ maxima fuit: nam Pharaos vocatur etiam Assur Ezech. xxxi. 3. Alii Babyloniam hic explicant captivitatem, & conformius est præcedenti vaticinio: quamvis vers. 4. utriusque fiat mentio, vers. 3. GRATIS VENUMDATI, id est sine causa data: utrumque etiam est in peccatore.

V. 5. ET NUMQUID MIHI EST HIC; quasi dicat: Quid moror a liberando populo meo: & vers. 6. qui locutus sum per Prophetas, nunc vero per incarnationem.

V. 7. QUAM PULCHRI SUPER MONTES, &c. Regressus ad Christum: pedes sunt Apostolorum ex Rom. x. 15. vel tum Christi, tum Apostolorum, ex S. Hieronymo, ex quibus etiam patet hunc esse sensum litteralem: pax cum Deo est quæ promittitur, *speculatores*, Apostoli & Prophetæ sub Christo.

V. 11. RECEDITE, RECEDITE, &c. Sub Christo post ascensionem Ierusalem erimibus & multorum infidelitate polluta erat: iubentur Apostoli inde exire, ut designat hic Propheta, & revera iverunt postea ad gentes. Interim vers. 13. & 14. multa de gloria Christi, ET REGES (vers. 15.) CONTINEBUNT OS SUUM; nempe convicti miraculis non audebunt obloqui.

EX EIUSDEM AUCTIONARIO.

Vers. 3. GRATIS VENUMDATI: gratis & nullo persoluto pretio. Chaldaus: *Eripuit vobis libertatem, ita redimimini nullo persoluto pretio.*

Vers. 8. VOX SPECULATORUM. Pastores & præcones verbi Dei evangelizabant lætantes, oculis suis Christum videbant.

Vers. 12. Alloquitur Apostolos. Exhibunt non in tumultu, ut in exodo de Aegypto, sed pacate & intrepide.

Vers. 15. Asperget gentes sanguine suo in Baptismo & visis miraculis ac doctrina continebunt os, & mirabuntur reges.



C A P U T LIII

Non omnes Evangelii prædicationem suscipiunt: prophetia de Christi nativitate, & ignominiosa passio ac morte ipsius propter peccata nostra: contemptui habitus est qui salutem nobis peperit: de mansuetudine & voluntaria ipsius oblatione: de gloria & exaltatione eius, credentiumque multitudine.



1. **Q**uis (a) credidit auditui nostro? & brachium Domini cui re-
velatum est? 2. Et ascendet sicut virguleum coram eo, &
sicut radix de terra sitienti: non est species ei, neque de-
cor: & vidimus eum, & non erat aspectus, & desilera-
vimus eum: 3. (b) Despectum, & novissimum virorum,
virum dolorum, & scientem infirmitatem: & quasi abscon-
ditus vultus eius, & despectus, unde nec reputavimus eum.
4. (c) Vere languores nostros ipse tulit, & dolores
nostros ipse portavit: & nos putavimus eum quasi leprosum, & per-
cussum a Deo & humiliatum. 5. (d) Ipse autem vulneratus est propter
iniquitates nostras, attritus est propter scelera nostra: disciplina pacis
nostræ super eum, & livore eius sanati sumus. 6. Omnes nos quasi oves erra-
vimus, unusquisque in viam suam declinavit: & posuit Dominus in eo iniqui-
tatem omnium nostrum. 7. Oblatus est quia ipse voluit, & non aperuit os
suum: sicut ovis ad occisionem ducetur, & quasi agnus coram tondente se ob-
mutescet, (e) & non aperiet os suum. 8. De angustia, & de iudicio sublatu
est: generationem eius quis enarrabit? quia abscissus est de terra viventium:
propter scelus populi mei percussit eum. 9. Et dabit impios pro sepultura, &
divitem pro morte sua: (f) eo quod iniquitatem non fecerit, neque dolus
fuerit in ore eius. 10. Et Dominus voluit contere eum in infirmitate: si po-
fuerit pro peccato animam suam, videbit semen longævum, & voluntas Domi-
ni in manu eius dirigetur. 11. Pro eo quod laboravit anima eius, videbit &
saturabitur: * in scientia sua iustificabit ipse iustus servus meus multos, &
iniquitates eorum ipse portabit. 12. Ideo disperdiam ei plurimos, & sortium
dividet spolia, pro eo quod tradidit in mortem animam suam, (g) & cum
sceleratis reputatus est: & ipse peccata multorum tulit, & pro transgressoribus
rogavit.

(a) Ioan. xiv. 31. Rom. xvi. 26. (b) Mat. ix. 12. (c) Matth. viii. 17. (d) 3. Cor. xv. 30.
(e) Matth. xxvi. 53. Act. vii. 34. (f) 1. Pet. ii. 24. Jo. vii. 1. (g) Mat. xv. 21. Luc. xxi. 37.

ROMANA CORRECTIO.

Verf. 11. In scientia sua iustificabit ipse infusus servus meus multos. Nec futurum iustificabit vertendum est in præteritum, nec nominativi singulares infusus servus meus in accusativos plurales infusus servos meos.

NOTATIO.

Verf. 11. Iustificabit ipse infusus servus meus multos. Hanc huius loci veram esse existimo lectionem. Non enim legendum esse præterito tempore iustificavit, emendatissimi quique libri, & fons Hebraicus docent: quo Hentenius, & Parisienses secuti iustificavit emendarunt. Rursus non esse legendum infuso: quod in duobus manuscriptis invenimus, plerique omnes codices, Hebræo conformiter, infusus scribentes probant. Chaldaica paraphrasis יצחק יצחק quod, est: iustificabit infusus, habet: verum non ex Chaldæo nostra profluxit editio. Tertio non legendum esse servos meos, quod in antigraphis est haud paucis, sed quod ex aliis Hentenius, & Parisiis in textum retulere servos meos, Hebraica duddicant exemplaria עבדי יצחק

id est, iustificabit infusus servus meus multos. Scio punctis mutatis posse esse servos meos, hoc est עבדי: verum cum proxime sequentem vocem לרבים Interpres verteret multos, puto eum non עבדי legisse, non servos meos transfuisse. Nam sinistra littera Lamed præfixa sequenti voci רבים non præcedenti עבדי alio eam modo accipiendam significat, quam accipienda est præcedens, nempe non ut respondens ad eclivum substantivo præcedenti coniungendam. Ergo quod diximus, vera est huius loci lectio, quam in 19. manuscriptis exemplaribus a nobis reperta est: Iustificabit ipse infusus servus meus multos: quam ut ne illius superfluit scipulus omni ex parte Hieronymi commentarius probat. „In scientia sua, id est in doctrina ipse infusus, qui peccatum non fecit, nec dolus inventus est in ore eius & servus patris qui formam servi acceperat, & Domini servierat voluntati multos iustificabit de toto orbe credentes. „ Non opus est addere consonantes Hugonis, & Haymonis Enarrationes.

C O M M E N T A R I A

MALDONATI.

Verf. 1. QUIS CREDITIT AUDITU IN OSTRO, id est Nuntio nostro, Evangelio quod annuntiavimus; quasi dicat, Pauci ex Iudæis: loquitur Propheta Apollolorum persona, ideoque utitur verbis præteriti temporis, accusatque Iudæorum incredulitatem, ut explicant D. Ioannes cap. xii. 38. & Paulus Rom. x. 16. ET BRACHIUM DOMINI; id est, potentia & virtus Domini, Evangelium, quod virtus Dei est in salutem omni credenti: Rom. i. 16. Cui REVELATUM EST, id est a quo eius revelatio suscepta est. Nam revelatum quidem est omnibus, sed non ab omnibus susceptum est. Quis credidit miraculis factis per Christum & eius Apostolos, ut videtur D. Ioannes interpretari.

V. 2. ET ASCENDET (Christus) SICUT VIRGULTUM CORAM EO, id est coram Deo; quasi dicat, Opinione quidem hominum despectus erit, & inglorius, ut dixit cap. superiori, verf. 14. apud Deum autem pulcher erit, & fortis, sicut virgultum, quod pullulat ex terra, quæ putatur esse arida, sed subtus succum habet & humorem. Ita enim Christus ex terra arida, id est ex regno Davidis, quod iam prius deletum esse videbatur, Christus exiit; qui initio adco humilis fuit, ut Iudæi cum despexerint, neque crediderint fore ut eius regnum in tantam cresceret magnitudinem. Deus autem, qui iamdiu illi dixerat, *Posula a me, & dabo tibi gentes hereditatem tuam, & possessionem tuam terminos terræ*: Psal. ii. 8. videbat altis nixum esse radicibus. Eadem similitudine similem sententiam explicavit Isaias sup. cap. xi. 1. E-

predietur flos de radice Jesse. NON EST SPECIES EI, NEQUE DECOR. Describit patientem Christum. ET VIDIMUS EUM; id est, cum videremus eum ita deformatum, ut non desideraremus eum amplius videre: aut, NON ERAT ASPECTUS eius eiusmodi; ut desideraremus eum videre.

V. 3. DESPECTUM (vidimus eum) ET NOVISSIMUM: חורר, *abiectionum virorum*, id est quem omnes abiicerent, atque contemnerent. SCIENTEM INFIRMITATEM, id est expertus infirmitates: sing. pro plur. ET QUASI ABSCONDITUS VULTUS EIUS, id est deprecti oculi, quales eorum esse solent, qui dolore confecti sunt: ינסכר סכר פנים סכר, *& quasi abscondens vultum ab eo*; ad verbum, id est talem, qualis solet esse is, qui adeo fœdatus est, ut unusquisque vultum ab eo avertat. UNDE, 1, *& non re putavimus eum*, id est ita ut eum non cognovimus.

V. 4. VIRE LANGUORES NOSTROS IPSE TULIT, id est peccata nostra, quamquam quod de morbis animi dictum est a Propheta, merito ad corporis morbos accommodavit Matth. cap. viii. 17. ET NOS PUTAVIMUS EUM QUASI LEPROSUM, נכר, PERCUSSUM, id est quasi hominem ob sua peccata a Deo flagellatum. Loquitur autem Propheta persona gentis suæ.

V. 5. IPSE AUTEM VULNERATUS EST. Nihil de morte Christi & redemptione nostra clarius dici potuit. DISCIPLINA, id est castigatio, qua pax nobis conciliata est, SUPER EUM cecidit. Discipulinam מוסר vocat castigationem, ut D. Paulus Heb. xii. 11. Omnis autem disciplina in presenti quidem videtur non esse gaudii, sed mœroris.

V. 6. UNUSQUISQUE IN VIAM SUAM DECLINAVIT, id est aliis aliis peccatis a Deo discesserant.

V. 7. OBLATUS EST, QUIA IPSE VOLUIT. Ut ipse ait, *Potestatem habeo ponendi animam meam, & potestatem habeo iterum sumendi eam*: Ioan. x. r8. SICUTOVIS AD OCCISIONEM DUCETUR: vel, ductus obmuit, non aperuit os suum, per præteritum, sicut præcedentia.

V. 8. DE ANGSTIA ET DE IUDICIO SUBLATUS EST; id est, mortuus est oppressione & iniquo iudicio Iudæorum: vel, propter afflictionem & iudicium: vel, statim ut comprehensus est & indicatus, in crucem sublatu8 est. GENERATIONEM EIU;

QUIS ENARRABIT? Hunc locum veteres auctores fere omnes de divina Christi ex Patre generatione interpretati sunt. Nonnulli etiam de humana ex matre, quæ quia patre caruit, inenarrabilis appellatur. Alii, *Generationem eius*, id est sæculum eius, aut pravitatem sæculi eius quis enarrabit? Alii, *Generationem eius*, id est resurrectionem, ut Psal. ii. 7. *Dominus dixit ad me, filius meus es tu, ego hodie genui te.* Quod D. Paulus Act. xiii. 33. de Christi resurrectione interpretatur. Alii, *Generationem*, id est vitam eius, quam in cælo agit sempiternam: ubi mors illi amplius non dominabitur: Rom. vi. 9. Alii, *Generationem eius*, id est multitudinem Christianorum, quos suo sanguine genuit. Posset etiam intelligi de tempore, quo vixit in hoc mundo, quod adeo breve fuit, ut vix possit explicari, QUIA statim ABCISSUS EST DE TERRA VIVENTIU. PROPTER SCELUS POPULI MEI; id est, propter peccata populi mei occisus est: vel, scelere, id est iniqua accusatione populi mei.

V. 9. ET DABIT IMPIOS PRO SEPULTURA, id est moriturus inter impios. *Et cum sceleratis reputatus est*: ut ait inf. vers. 12. DIVITEM, id est rapitorem violentum: sing. pro plur. quasi dicat, Mortuus est inter duos latrones. Dives aliquando pro rapitore ponitur, quod plerumque divites raptores sint, aut quod rapina facti sint divites: ut Psal. ix. 10. *Sedet in insidiis cum divitibus in oculis, ut interficiat innocentem.* Id Hebraice clarius dicitur: יתן, *ponet* (Deus aut Christus) ארשעים, *cum impiis*, קבר, *sepulcrum suum*, id est mortem suam, & cum divitibus mortem suam. Itaque pro eodem accipit sepulcrum & mortem, impios & divites. Atque hunc exitum verum esse sensum huius loci, etsi nignoro aliter alios interpretari. Eo quod, id est quamvis iniquitatem non fecerit, eum iniquitatem non fecerit: *hæc aut, pro eo quod iniquitatem non fecerit*; quasi dicat, Hoc est pro sua innocentia consecutus, ut inter sceleratos reputetur.

V. 10. ET DOMINUS; id est, nihilominus Dominus VOLOIT CONFERRERE EUM, id est attingere eum. IN INFIRMITATE, חורר, *infirmavit* (eum) *quærens iniquitatem non fecerit.* SI POSUERIT IN PECCATO, id est sacrificium pro peccato: *Gen. 22. Rom. viii. 3. De peccato damnatum pec-*

catis in

catum in carne. ANIMAM SUAM, id est vitam suam. VIDEBIT SEMEN LONGÆVUM: יִרְאֶה אֶת זֶרְעוֹ אֶתְּלֵיָּהּ, *videbit semen, protrahet dies*, id est quod protrahet dies, ut intelligatur אֶתְּלֵיָּהּ quod uno verbo dixit noster Interpretes. SEMEN LONGÆVUM, id est perpetuum Christianorum successione; quasi dicat, Morte sua gignet sibi infinitos filios, qui perpetuo alii aliis succedent. ET VOLUNTAS DOMINI IN MANU EUS DIRIGETUR. Hebraismus, pro, per eum voluntas Domini perficitur; aut, נִסְּרָה, *prosperabitur*.

V. 11. PRO EO QUOD LABORAVIT ANIMA EIUS. מַעֲלֵה נַפְשׁוֹ, *propter laborem anime sue*. VIDEBIT (fructum laboris sui, id est mortis) ET SATURABITUR; id est, contentus sit eum mortis sue fructum percipisse. IN SCIENTIA SUA, id est docendo homines viam salutis iustificabit eos: vel, בְּדַעְתּוֹ, *in scientia sui*, id est dum homines eum per fidem cognoscunt. IUSTIFICABIT MULTOS, id est omnes qui voluerint, ut Rom. v. 19. Sicut enim per inobedientiam unius hominis peccatores constituti sunt multi, ita & per unius obedientiam iusti constituentur multi.

V. 12. IDEO DISPERTIAM EI PLURIMOS: מֵחֶלֶק, *dividam ei*; id est, Dabo ei gentes hereditatem suam, & possessiones suas terminos terre: Psal. 11. 8. ET FORTIUM DIVIDET SPOLIA, id est subiunget sibi potentissimos quoque reges. Alii interpretantur מֵחֶלֶק לִן כְּרִבִּים, *partem illi dabo inter robustos* עֲצוּסִים, *& cum fortibus divider spolia*; id est, sicut fortes & robusti solent hereditatem suam suis armis comparare, & spoliare hostes, ita Christus suo sanguine. PRO EO QUOD TRADIDIT. Reddit causam cur tantam gloriam Christus consecutus sit, quia scilicet, *Factus est obediens usque ad mortem, mortem autem crucis*. Propterea enim Deus exaltavit illum, & dedit illi nomen quod est super omne nomen: Philip. 11. 8. 9.

S A.

Vers. 1. QUIS. LXX. Domine quis. CREDIDIT; pro, credet. AUDITUI NOSTRO, id est auditus a nobis; quasi dicat, Prædicationi nostræ. Chald. *verbo nostro*. BRACHIUM, id est filius, secundum August. cont. ferm.

Arian. Not. quod brachium eiusdem est substantiæ cum pectore, unde procedit, nec ab ea separatur cum porrigitur; sic nec Filius missus in mundum a Patre separatus, cui est consubstantialis.

V. 2. VIRGULTUM, scilicet e terra, id est Maria. Eo, scilicet Deo; quasi dicat, Deo faciente, vel approbante. SITIENTI, id est arida, scilicet virgine. SPECIES, &c. scilicet propter flagella, sputa, & alapas, & patibuli iniurias. Hieron. ep. cxi. ASPECTUS, id est forma, seu pulchritudo. DESIDERAVIMUS, scilicet pulchriorem apparere; quasi dicat, Non sic tractati: vel pro, non desideravimus; ut subintelligatur negatio præcedens; quasi dicat, Non erat desiderabilis, id est decorus. LXX. *nec decor*.

V. 3. NOVISSIMUM; pro, velut novissimum, id est abiectissimum. DOLORUM, &c. Chald. *doloribus & infirmitatibus expositus*. INFIRMITATEM. LXX. *infirmitatem ferre*. VULTUS, scilicet in gloria, & splendore, qui eum decebat. EUM, scilicet esse qui erat.

V. 4. LANGUORES. LXX. *peccata*. TULIT, id est abstulit. DOLORES, scilicet quos peccata nostra merebantur. LXX. *pro nobis dolet*. Chald. *delicta nostra propter eum dimittentur*. Nos, id est Iudæi. LEPROSUM, id est dignum qui expelleretur a conversatione, more leprosi. A DEO, scilicet ob peccata sua.

V. 5. ATTRITUS. LXX. *infirmatus*. DISCIPLINA, &c. quasi dicat, Castigatus est, ut nos pacem haberemus. Chald. *in disciplina eius multiplicabitur pax super nos*. LIVORE, id est plagis.

V. 6. INIQUITATEM. Chald. *remissionem iniquitatum*.

V. 8. DE ANGUSTIA, &c. quasi dicat, Et iniqua passione, & iudicio occisus est. LXX. *in humilitate iudicium eius solum est*. QUIA; pro, qui tamen. ABSISSUS EST, &c. quasi dicat, Occidetur.

V. 9. DABIT. Chald. *trader in gehennam*. PRO SEPULTURA; quasi dicat, Eo quod ipsum occiderunt inique. DIVITEM, id est potentes, scilicet Pilatum, & Principes Sacerdotum.

V. 10. PECCATO, scilicet expiando. SEMEN, scilicet filios spirituales. DIRIGETUR, id est implebitur, vel prosperabitur.

V. 11.

V. 11. SCIENTIA SUA, id est sui cognitione, scilicet fide, vel per sapientiam suam. INIQUITATES, id est poenam iniquitatum.

V. 12. DISPERTIAM EI, scilicet iuxta illud, *Dabo tibi genes, &c. LXX. possideat.* FORTIUM, scilicet daemonum. Vide Luc. XI.

E S T I I.

Vers. 3. **D**ESPECTUM ET NOVISSIMUM VIRO-
RUM, &c. Respicitur ad hoc caput, cum alibi, tum Marci IX. vers. 11. cum dicitur: *Quomodo scriptum est in filium hominis, ut multa patiat, & con-
temnatur.* Unde Hieron. in epist. ad Paulinum: *Isaías non prophetiam mihi texere videtur, sed evangelium: quod potissimum de hoc capite intelligendum; ubi non tam futura prædicere, quam præsentem Christi passionem propriis oculis conspectam narrare videtur, sicut & in sequentibus sententiis manifestum est.*

V. 4. VERE LANGUORES NOSTROS IPSE TULIT, ET DOLORES NOSTROS IPSE PORTAVIT. *Tulit*, non est idem quod abstulit, quamvis & hoc verum sit, Christum abstulisse peccata nostra; sed *tulit*, id est portavit, ut in verbis adiunctis quoque explicatur. Ita & supra, *Posuit Dominus in eo*, id est super eum, *iniquitates eorum ipse portabit.* Sic & illud intelligendum Ioan. 1. *Ecce agnus Dei, ecce qui tollis peccatum mundi*, tollit, id est portat, subeundo scilicet poenam peccatis nostris debitam in cruce. Citat hunc locum Matth. cap. VIII. referens ad infirmitates & aggragationes corporales a Christo sanatas; sed sanationes illæ præambulæ erant ad sanitatem animarum a peccatis; deinde & illæ aggragationes corporales poenæ sunt peccatorum.

V. 8. IO. & II. GENERATIONEM EIUS QUI ENARRABIT? Tres sunt illustres huius sententiæ expositiones: prima, ut intelligatur de divina & æterna generatione filii Dei ex Patre, quæ mirabiliter filius Dei ex Patre, & semper nascitur, & semper natus est. De hac exponit Alex. A. lens. epist. ad Al. Const. & complures alii, ut D. Hieron. in 1. cap. Matth. Secunda est de Nativitate Christi filii Dei, & filii

hominis secundum carnem ex Virgine Matre, id est de generatione eius humana. Sic Leo Ser. IX. de Nativit. Domini. In Christo Iesu Filio Dei non solum ad divinitatem essentiam, sed etiam ad humanam spectat naturam, quod dictum est per Prophetam: *Generationem eius, quis enarrabit?* Utramque enim substantiam in unam convenisse personam, nisi fides credat, sermo non explicat. Sic Leo. Tertia est de generatione ecclesiæ, id est de numero ac multitudine fidelium, qui post passionem in Christum credent, maxime ex gentibus, ut sit sensus: Beneficio huius passionis tanta Christo nascetur soboles, & posteritas frequentibus sæculis, ut præ multitudine numerari non possit. De quo Apoc. VII. *Vili turbam magnam, quam dinumerare nemo poterat.* Huic sensui favet, quod sequitur. Si POSUERIT PRO PECCATO ANIMAM SUAM, VIDEBIT SEMEN LONGÆVUM. Et rursum quod sequitur: PRO EO QUOD LABORAVIT ANIMA EIUS, VIDEBIT ET SATURABITUR. Item ea quæ pluribus verbis subiiciuntur, statim, proximo cap. de Ecclesiæ fecunditate, & filiorum eius immensa multitudine. Hieron. duas priores ponit expositiones. Aut enim, inquit, de divinitate eius accipiendum est, quod impossibile sit divinitatis nosse mysteria, aut de partu Virginis, quod difficulter possit exponi. Sic & Leo Ser. III. & IV. de Nativit. Christi. Aug. Scrm. XII. de tempore, dicit difficile esse iudicare, de utraque potius generatione dictum id accipi debeat.

M A R I A N A E.

Vers. 1. **Q**UIS CREDIDIT AUDITU IN OSTRO? Sic Hebr. Sept. *De mine, quis credidit.* Sicque citatur hic locus Ioan. XII. 38. & ad Rom. X. 16. *Credidit, pro, credet. Audivi nosterro*, aut iis, quæ a nobis audivit: aut iis, quæ ego a Prophetis audivi, & iam narrare volo. De Christi morte tota narratio est. ET BRACHIUM DOMINI, id est fortitudo, quæ in morte Christi maxime perspicitur. Cui REVELATUM EST? Sic Sept. & Chald. Hebr. *super quem revelatum est*, id est in qua re potissimum apparuit.

V. 2. ET ASCENDET SICUT VIRGULTUM CORAM EO; id est, ipso Deo vidente & dili-

disfimulante, erit finilis virgulto & radici in terra siccanti, id est arida; quod virgultum flaccidum exoritur & deforme. Non est species ei. Hebr. *non est forma ei*, scilicet Christo. ET DESIDERAVIMUS EUM. Hebraei repetita precedenti negatione explicant, & *non desideravimus eum*, non fuit gratus is aspectus. Pagn. sic, *ut desideravimus illum cupere videre*. Et saepe sumitur pro ut.

V. 3. ET NOVISSIMUM VIROURUM, seu abiectum inter viros. ET SCIENTEM INFIRMITATEM, seu aggritudinem. ET QUASI ABSCONDITUS VULTUS EIUS. Hebr. & *quasi abscondito vultus*. Quod duobus modis potest intelligi, ut ipse absconderet vultum praepudore, vel, ut alii averterent faciem, ne viderent eum.

V. 4. VERE LANGUORES NOSTROS IPSE TULIT. Sept. ipse peccata nostra portat. Ferendi & portandi voces non ferre tantum, sed etiam anferre significant. Tertullianus IV. contra Marcion. Basilii in Regulis brevioribus. Sentus erit: Pertulit dolores & languores nostros, simulque illos abstulit. Porro locus hic Matth. VIII. 17. adducitur, ut est in Hebr. non iuxta Sept. versionem: significat autem languores nostros, non solum animae, sed etiam corporis abstulisse a nobis, & in se suscepisse. QUASI LEPROSUM. Hebr. *nos putavimus eum plagatum*. ET PERCUSSUM A DEO, scilicet ob sua delicta. Tale est hominum iudicium.

V. 5. DISCIPLINA PACIS NOSTRAE, id est qua constat pax nostra. Castigatus est, ut nos pacem habereamus. ET LIVORE EIUS SANATI SUMUS. Sic Sept. Hebr. *livore eius sanavimus*; pro, *sanati sumus*. Vocem נִרְפָּא nirpa sumo in prima plurali coniugationis Kal in futuro, *sanabimus*, pro *sanati sumus*. Futurum pro praeterito.

V. 6. QUASI OVES ERRAVIMUS, scilicet oves, aut pecudes sine pastore. UNUSQUISQUE IN VIAM SUAM DECLINAVIT: studia, animi propensionem. INIQUITATEM; id est, poenam iniquitatis nostrae posuit in eo Deus.

V. 7. OBLATUS EST, QUIA IPSE VOLUIT. Hebr. *oppressus est*, & ipse afflictus est. SICUT OVIS, sicut pecus. QUASI AGNUS. Hebr. *quasi ovis*.

V. 8. DE ANGSTIA, scilicet carceris. Hebr. *de clausura*. ET DE IUDICIO, quo

scilicet pronuntiatum est contra eum. SUBLATUS EST de medio; quasi dicat: Cum primum est captus, continuo iudicatus & occisus est. Praecipitatum est iudicium. GENERATIONEM EIUS. Innumeros tamen sectatores habebit post mortem. QUIA ABSCESSUS EST, id est mortuus iniulte. PROPTER SCELUS, supple: & quia propter scelus alienum, id est passus non propter sua peccata, faciam scilicet ut nomen eius celebretur, multos sectatores habeat.

V. 9. ET DABIT IMPIOS PRO SEVULTURA, id est vindicabit morte impiorum. ET DIVITEM; pro, divites, id est & procerum morte vindicabit inquam eius mortem. Alii Hebr. sic vertunt: *Dabit cum impiis sepulcrum eius*: nam in Calvariae monte mortuus est, ubi noxii. Et cum divite in morte eius: quia in sepulcro novo quasi dives est conditus. Hebr. Schol. aliter. Putat dici *cum impiis sepulcrum eius*, quia ut illi, morietur ante tempus; & cum divite, id est divitibus, quibus divitiae saepe malo fuere. Itaque ante tempus ut illi, & violenter & fraude ut hi occidentur.

V. 10. ET DOMINUS VOLUIT CONTERERE EUM. Hac Deo auctore sunt facta. VIDEBIT SEMEN LONGAEVUM. Hebr. *videbit semen* (quod) *prolongabit dies*, id est longevum. Chald. *videbitur regnum Christi sui*. ET VOLUNTAS DOMINI IN MANU EIUS, id est omnia illi prospere cadent.

V. 11. IN SCIENTIA SUA; id est, sapienter, non temere & sine delictu, iustificabit multos, dimissis peccatis, quae ipse portabit. Aut *scientia sua*, id est sui cognitione multos iustificabit, qui cum cognoscent.

V. 12. IDEO DISPERTIAM EI PLURIMOS. Ecce quod dixit cap. superiori vers. 15. *ipse asperget gentes multas*. ET FORTIUM DIVIDET SPOLIA, demonum. Cum fortis armatus. TRADIDIT IN MORTEM, seu effudit in mortem. ANIMAM, id est viam. REPUTATUS EST, cum sceleratis. Hebr. *numeratus est*. ET PRO TRANSGRESSORIBUS ROGAVIT, cum dixit: *Dimitte illis, quia nesciunt quid faciunt*.

M A L V E N D A E.

Verf. 1. **Q**UIS CREDIDIT AUDITUI NOSTRO? &c. Huius insignis capitis, quod est præcipuum vaticiniorum Isaïæ, in quo auctor magis Evangelistam, quam Prophetam agit, summam quidam ita concipiunt: Prophetæ Ecclesiæ Ichudorum obicit, quod præcedenti fidei prædicationi fidem non habeat: propterea historiam Christi explicans, agnoscit duo quidem esse in Christo, quorum nomine offensa est, infirmitatem Christi, & scandalum Crucis: sed adversus has offensionis causas Ecclesiam præmunit, docens Christum infirmitates & crucem ipsam sponte subivisse propter nos; vitam æternam ingreßurum esse, & nobis benefacturum, donec in eandem vitam perveniamus. Itaque postquam Prophetæ summam Evangelicæ prædicationis de regno Christi adventantis explicuit, nunc ostendit quomodo Evangelium Christi Iudæis fuit scandalum, & scandalum illud anticipat, exponens historiam perfectionum Christi, & consecutionis gloriæ. Sunt itaque huius capitis partes duæ: una est anticipatio, qua Prophetæ per admirationem traducit Iudæorum incredulitatem, prædicationem Evangelii, quæ præcessit, abdicantium, *vers. 1.* altera, qua incredulitatis causas, & remedia explicat per narrationem historię Christi, & consilii quod Deus inivit de Christo & Ecclesia eius. **QUIS CREDITIT AUDITUI NOSTRO?** Hebr. *auditioni nostre*. Potest accipi active, id est iis, quæ a nobis audit, prædicationi, annuntiationi nostræ, iis, quæ nos prædicamus, hoc est Evangelio; & passive, iis, quæ nos audimus, quæ accepimus a Deo, hoc est Evangelio: utitur autem hac voce Prophetæ, ut significet non suum esse verbum, sed quod a Deo audierit; quasi dicat, Quotus quisque credit auditui nostris? Hunc locum citant ex translatione LXX. Interpretum Ioannes xii. 38, & Paulus Romanor. x. 16. *Domine quis credidit auditui nostro? vocem prophetarum semper habebat, reddentes autem auditionem.* Nonnulli: *sams, rumor, sermoni nostro* quem prædicamus de Christo. Sed cum magis habeat formam Pauli, apte reddes: *audito nostro*. **ET BRACHIUM DOMINI CUI REVELATUM EST?**

Hebr. *super quem revelatum, ostensum, manifestatum, patefactum est?* Quidam exponunt, *Super quem*, id est, in quo alio magis nunquam apparuit vis & efficacia verbi Dei, quam in illo apparebit, quem liberatorem fore prædicamus. Alii: *Et brachium Iehovæ in quo revelatur?* id est, Evangelium, potentia Dei ad salutem credentibus, Roman. 1. 16. quod tectum est eis, qui pereunt; ut ait Apostolus II. Corinth. iv. 3. Alii *brachium Iehovæ*, Christum: ut supra cap. lii. 10.

V. 2. ET ASCENDET. Hebr. *Et ascendit:* utitur hoc capite passim Prophetæ præteritis pro futuris propter certissimas de Christo prophetias. Quidam reddunt: *Assurgit quidem*, &c. Observant, superiori anticipationi subiacere responsum Prophetam, ut Iudæos præmoneret totamque Ecclesiam, ne unquam de Christo ex specie iudicium facerent; sed partim causas perfectionum, partim eventa observarent. Sunt ergo huius responsionis precipui loci duo: unus, quo opponit scandalo infirmitatis Christi, facta potentie eius miraculosissima, *vers. 3. & 4.* & scandalo perfectionum Christi, vitiolationis nostram, cuius nomine Christus spondebat in iudicio Dei, usque ad versum 8. alter, quo comparat cum aspectabili infirmitate & ignominia Christi, certissimam, iustissimamque liberationem & gloriam eius, ex consilio Dei ad commune bonum totius Ecclesiæ, inde ad finem capitis. Priore autem loco tenuitas, infirmitas, & contemptus Christi exponitur duobus versibus; causa vero in *vers. 4.* & sequentibus; quasi dicat: Verum quidem est omnia ista, quorum aspectu offendimini, in Christo esse humanitus; sed quidquid infirmum est in ipso, a nobis est, a nobis suscepit, & nostra causa perlatum est; quamobrem iniquum est nos de eo offendi, qui fidei ubi pro offensis nostris, easque præstat. **SICUT VIRGULTUM.** *פז' יונה, sicut fugens*, id est furculus tener, lactens, seu lacteus, qui fugit succum arboris. Alii: *ut furculus*, ut ramus tener, ut tenera planta, ut supra cap. xi. 1. **CORAM EO.** Exponunt, nimirum qui non credit prædicationi, sed Christi speciem ita observat, ut offendant in eum tamquam lapidem allisionis, & rupem offensionis, ut supra cap. viii. 14. Alii: *coram eo*, id est Iehovæ; quasi dicat, Deo volente, fa-

faciente, providente. ET SICUT RADIX DE TERRA SITIENTI. Hebr. *de terra siccitatis, ariditatis*, id est sicca, arida, deserta, solitaria, liticulosa; quasi dicat: Apparebit Christus in carne ut radix & furculus succrescens e terra arida, cui nullus succus, nullus viror, nulla lætitia, sed languidus, marcescens, pene arens & mortuus. ET VIDIMUS EUM, ET NON ERAT ASPECTUS, ET DESIDERAVIMUS EUM. Alii: I. *aspeximus autem eum, & non erat aspectus*, subaudi, talis, qualis antea erat, & non desideravimus eum, subaudita negatione e præcedente versu, ut alias fieri solet. II. *eum vidimus illum, non erat illi forma*, ita ut non optaremus eum videre. III. *cum vidimus illud virgultum, nihil habes pulchritudinis ut cupimus illud*, ut perstaret in allegoria furculi, seu virgulti. IV. & *quærendo invenimus eum, secundum carnem, non inest species cui desideremus eum*; id est, nihil in eo apparet expetibile, & quod concupisci dignum sit.

V. 3. ET NOVISSIMUM VIRORUM. *חלד חדאד*, varie exponunt: I. & *cessator virorum*; id est, a quo viri abstinere, qui viris non est cura, a quo viri cessant; vel *cessata virorum*, vel *desinens virorum*; id est, in quo viri desinunt ac cessant, ultra quem nullus est vir, ultimus ac posteremus virorum. II. & *desinus virorum*; id est, qui minus quam vir est, qui hominum abiectissimus est, qui desinit esse vir. III. & *relictæneus virorum*, vel *inter homines*; id est, talis quem homines nolint admittere in suum consortium. VIRUM DOLORUM, seu *vir dolorum*, id est doloribus & cruciatibus contractus. ET SCIENTEM INFIRMITATEM. Hebr. est participium passivum contritum, & *cognitus ægritudinis*, seu *morbis*. Hebræorum nonnulli exponunt: *Contritus, contractus, confectus infirmitate*. Alii: *notus*, seu *cognitus infirmitate*; quia videlicet notus erat & spectatus, atque adeo de eo exploratum erat omnibus quod esset infirmus. Nonnulli: *expertus, peritus, gnarus infirmitatis*, seu *infirmitatum*; quod videlicet expertus esset, & obfirmatus adversus omnia, liquidem esset dominus infirmitatum, id est obnoxius morbis & infirmitatibus, vel infirmitatibus & morbis undequaque scatenis. Mercenarius & Bertramus latius putant passive & figurate exponere, *notus ab infirmitate*, id

Bib. Sac. Tom. XVII.

est notus infirmitati; quasi dicat, Ei familiaris quodammodo, ac veluti in ea exercitatus, ac diu cum ea conflictatus gravissime. Tremellius, & Junius: & *cognitus morbi*, vel & *familiaris morbi*; id est, continenter versans in difficultatibus rerum, & omni infirmitate humana excepto peccato. Haud absurde Forsterus exilimat Paulum Hebræor. IV. 15. ad hæc Prophetæ verba alludentem, ita reddidisse: *Non habemus pontificem, qui non possit affici sensu infirmitatum nostrarum, sed tentatum in omnibus similiter, absque tamen peccato*. ET QUASI ABSCONDITUS VULTUS EIUS. Ex Hebr. alii: I. & *veluti abscondio faciei ab eo*; id est, fuitque quasi homines teperant faciem suam, ne aspicerent eum. II. & *quisque erat quasi abscondens faciem ab eo*. III. *erit ut is, a quo absconderet quis faciem*. IV. & *velut homo abscondens faciem a nobis*, id est quasi leprosus, ab hominum consorcio separatus, & faciem obvelans, ex lege Levit. XIII. 45. Erit igitur periphrasis leprosi. UNDE NEC REPUTAVIMUS EUM. Alii: I. *ita ut eum nihili reputemus*. II. *ita ut non aspicimus illum*. Sic vers. 4.

V. 4. VERE. Alii: I. *Cum tamen*. II. *Verumtamen*, &c. Remedium scandalis, quod percipitur ex infirmitate Christi, hic exponitur, ut diximus in vers. 2. quod in ea tamen infirmitate edident palam mirifica maiestatis divinæ documenta curandis hominibus, & electis in perpetuum ab omni malo curaturus sit. LANGUORES NOSTROS IPSE TULIT, ET DOLORES NOSTROS IPSE PORTAVIT. Hic rursum coniunguntur verba *נשא nasa*, & *שאל sabal*, de quorum notatione ac discrimine diximus supra cap. XLVI. 6. Plerique hic verbum *nasa*, reddunt, *levavit, abstulit*, ut sumitur id verbum Exod. x. 17. Job VII. 21. & alibi passim: vide Forsterum pag. 523. Dictionarii. Alii, *levavit, sibi imposuit, pertulit, suscepit in se*. Forsterus: *Ipse infirmitates, seu ægritudines nostras levavit*. Id est, in se suscepit: sunt & Evangelistæ citans hoc Prophetæ de Messia nostro vaticinium verbo Græco *ἔλαβη*, id est suscepit, est interpretatus. Et Ioannes in suo Evangelio verbo *ἀνέβη*, cum inquit: Ecce agnus Dei, qui tollis peccatum mundi, idem significante reddidit. Onera enim quæ nobis ipsis imponimus, tollere quoque Latine dici-

Ccc mus,

mus; ut levare, seu tollere scilicet super se peccatum, sit in se suscipere peccatum, reum vel obnoxium fieri peccati, id est *pœna peccati*. Et sane id verbum plerumque in Scriptura hoc sensu accipi, passim exemplis ostenditur, quæ memorat idem Forsterus pag. 524. Equidem hoc loco *nasa* ita accipi, argumento est sequens verbum *sabal*, quod onus in se susceptum portare significat. Ergo quod hic ait Propheta, Christum infirmitates nostras & dolores in se susceptos baiulasse, plerique accipiunt de morbis peccatorum nostrorum, quæ Christus in se expianda in cruce suscepit, se eorum obnoxium & reum coram Patre stitit, eorumque pœnas ac supplicia, quæ nos subire debebamus, exsolvit, ac pro omnibus plenissime satisfecit, I. Petri 11. 24. *Qui peccata nostra ipse pertulit in corpore suo per lignum*, &c. Ceterum Matthæus VIII. 17. dilerte hunc locum de morbis & doloribus corporeis, quos Christus in se suscepit, & sibi imposuit curandos, interpretatus est. Nonnulli existimant Matthæum nequaquam interpretatum fuisse verba Isaïæ: sed quod Isaïas de infirmitatibus spiritualibus, hoc est peccatis, dixerat, accommodasse ad ægritudines corporeas, quæ sunt pœna peccati, usitato Evangelistis more. Nobis aptius videtur de eisdem corporeis morbis Isaïam & Matthæum locutos, ac Matthæum genuinum Isaïæ interpretem egisse. Tremellius, & Iunius: *morbo nostro ipse pertulit, & dolores ipsos nostros baiulavit*; id est, omnes infirmitates nostras ipse curavit: ut exponitur Matthæi VIII. 17. unde verba Hebraica, *levavit, & baiulavit*, figurate accipienda sunt, eleganti Hebraismo, pro, in se suscepit, si-bique imposuit onus, munusque curandi & sanandi omnes ægritudines ac morbos. ET NOS PUTAVIMUS EUM QUASI LEPROSUM. Alii: I. nos autem reputavimus eum plagis affectum, vel tactum, scilicet lepra. Nomen enim *צב נעבא*, tactio, sæpe usurpatur de lepra. Levit. XIII. Ii. iungunt sequentibus: *nos autem existimabamus eum tactum percussione Dei*, id est gravissima & acerbissima. III. *quamvis nos aslinemus eum plaga affectum*, non autem nos in ipso. PERCUSSUM A DEO. ככה מלחמים מועב עלויים. Quid *mueeb* punctetur cum Tzere, syntacticum esse volunt, nam abolatum cum Segol scribitur, Levit. xxv.

14. unde exponunt: *percussum Dei*, id est cælum, verberatum, flagellatum vehementissime & accerrime: nam nomen Dei solet addi ad intensionem; vide in Genes. 1. 2. Plerique: *percussum a Deo*. Nos impenitens eorum pietatem commendamus, qui hic neglecta Massoritarum punctuatione, quam forte ipsi obscurandi mysterii causa indiderunt, exponunt, *percussum Deum*, insigni divinitatis Christi parestatione. Aliqui *mueeb*, non Pahal Hiphil faciunt, sed nomen substantivum, *percussione Dei*, id est maxima ac vehementissima.

V. 5. IPSE AUTEM VULNERATUS EST PROPTER INIQUITATES NOSTRAS, &c. ALII ex Heb. I. *At ipse dolore affectus est a transgressionibus nostris*; id est, transgressionibus nostræ dolore eum affecerunt. II. *Nam ipse dolore affectus a defectionibus nostris, atteritur ab iniquitatibus nostris*, &c. Ergasia, seu exornatio præcedentis dicti, propter nos Christum affici duobus modis, primum quod peccata nostra tulit; deinde, quod pax nostra est, & nos reconciliat Deo per crucem ipsius, Ephesior. 11. 14. Participium passivum *נחלחל* *mechhalal*, *נחלחל* *cholal*, est *violatus, violentatus, vim passus, profanatus, vulneratus, sauciatus, confusus, perpressus, excruciatum*; mysterium Crucis innuit: *a נחלחל* *chol* vero, dolore affectus, anxius, vel *enixus*, passivè, dolore & nisi partus, a transgressionibus nostris, quia peccata nostra nobis Christum dederunt ac pepererunt: si enim Adam non peccasset, Christus non venisset. DISCIPLINA PACIS NOSTRÆ SUPER EUM. ALII ex Heb. I. *castigatio pacis nostræ super eum*; id est, fuit castigatus ut nos haberemus pacem; subivit multas pœnas ac maximas, quæ pacem nobis parient cum Deo. II. *multa enim correctionis nostræ ei imposita est*. III. *castigatio pacis nostræ imponitur ei*; id est, castigatio pacem nobis conciliatura cum Deo, & prosperitatem omnem comparatura: quas alioqui amiseramus, ut sequente versu exponitur. PACIS NOSTRÆ. Nonnulla exemplaria Hebraica habent pluraliter, *pacium*, seu *pacificationum* nostrarum, ampliore sensu. Hebræi exponunt: *Castigatio, correctio, perfectio, integritas nostrarum*, hoc est כבן כוללנו, omnium nostrorum. Non tam recte. ET LIVORE EIUS SANATISIMUS. ALII ex Heb. I. & in livore eius medicamentum fuit nobis.

bis . II. & livor eius sanatus fuit nobis . III. & in livore eius sanatus fuit nobis morbus . IV. & livore eius sanatus recuperata est nobis . V. & cum livore eius sanatus est reddita nobis . VI. & tumescere eius fuit curatio nobis , id est plagis , quæcumque nostra causa pertulit : synecdoche .

V. 6. UNUSQUISQUE IN VIAM SUAM DECLINAVIT. Alii: quisque in viam suam nos convertimus ; id est , studia sua sectati sumus . ET POSUIT DOMINUS IN EO INIQUITATEM OMNIUM NOSTRORUM . Alii : I. & Iehova coniecit in illum iniquitatem omnium nostrum ; quo ad culpam , ut eam in se expiaret , & Patri nos reconciliaret ; quo ad poenam , ut eam pro nobis omnibus ipse lucret . II. & Iehova fecit ut incurrat in eum poena omnium nostrum : sed retineatur hic nomen iniquitatis , ut utrumque complectatur , & culpam & poenam ; quasi dicat : Magno impetu Deus in eum coniecit peccata omnia generis humani , ut ea omnia abstergeret , & poenam omnium dissolveret , ac Patri pro culpa ac poena plenissime sua morte satisfaceret . Proprie reddidimus : & Iehovah incurrere fecit , vel irrere fecit in eum , quasi exercitum & instructum phalangem , pravitatem , seu pervertitatem omnium nostrum .

V. 7. ORLATUS EST. וְנָא נִיגָאס , varie legitur in quibusdam codicibus est cum Sein dextro , Accessit , accessus ; nam est Niphal , qua formula utitur ad significandum Christum etsi sua sponte ad passionem venerit , tamen summa immanitate & inhumanitate pertractum & quasi rapatum a ministris : in aliis (quæ est frequentior lectio) est cum Sein sinistro ; Angariatus est , adactus est , vim passus est , vel arctatus , coartatus , pressus , oppressus fuit . Quidam : Abactus fuit , sicut pecus aut ovis , ut statim subditur . Alii : Fixigitur , subaudi , poena , videlicet iniquitatum nostrarum omnium , ut in fine versus precedentis dictum est . Nonnulli : Multatus est . QUA IPSE VOLUIT . Hebr. & ipse afflictus , oppressus , humiliatus , abiectus . Quidam reddunt : & ipse ope destitutus , seu inops נָאגְלָאנֶה naglaneh , Penoni Pihel . Putat Forsterus id redditum I. Petri 11. 21. per אנָאדִי , Christus passus est pro vobis , &c. SICUT OVIS AD OCCISIONEM DUCETUR . Hebr. sicut parva pecus ad-

maflationem , ad ingulationem , adducetur . Verbum נָאגְלָאנֶה inbal , est ex Hophal , & significat adductionem cum mora & pompa : videtur alludere ad morem , quo parva pecus adducebatur maclanda cum festa pompa : vide Psalm. cxvii. 27. CORAM TONDEnte SE OBmutescet . Hebr. coram tondentibus ipsam olmutuit . Nos ex gemina verbi notione diximus colligata fuit , quod pecudes colligant manibus pedibusque tondcantur , nec tunc semper obmutescant , sed balitus edant : & quia bis repetit , & non aperiet os suum . ET NON APERIET OS SUUM . Verbum est masculinum , unde referri apte non potest ad נָאגְלָאנֶה rachel , ovem femina , quæ proximè præcessit ; sed vel ad נָאגְלָאנֶה seh , parvam pecudem , quæ est masculini generis , vel potius ad Christum .

V. 8. DE ANGSTIA. וְצָר גְּהוֹרֶזֶר , hæc omnia complectitur : De clausura , clausura , constrictione , occlusionē , coartatione , carcere , prævalescencia , violentia , prædominatione , prævalida cohibitione . Variè exponunt : I. A vinculis & a sententia iudicis sublatum est de medio ; id est , statim postquam vincētus fuit & condemnatus a Pilato , actus fuit in crucem . II. Præ constrictione , seu absque dilatione , citraque indicium raptus est . III. A prævalescencia , seu tyrannide , & iudicio assumptus est , id est ereptus , liberatus per resurrectionem . Quidam volunt ghorzer idem hic esse quod צָרָא ghazarah , vel ghaztereth , de qua voce vide Notas in Levit. xxiii. 36. & in II. Reg. x. 20. unde reddunt : A frequentia , cætu , collecta , synagoga , synodo , concilio , captus , pertractus est ; id est , a cætu illo & turba multa , quæ convenerat ad solum Paschatis , & a concilio , quod pontifices & Pharisei contra ipsum cecegerant , & a iudicio illo , seu iudicium confesso , hoc est synedrio magno pertractus est ad mortem : vide Lucæ xxiii. 18. & Marci xv. 1. & 11. IV. A coartatione & iudicio tollitur . Alterum membrum responsionis , ut dictum est in vers. 2. quod per prolepsin hoc versu positum sequentibus ordine exponitur ; quasi dicat Propheta : Verum quidem est , vos non tantum infirmitate illa offendi , quæ videtur in Christo , verum etiam maxime ignominioso iudicio & morte ipsius : sed non satis est ad patientem istius constitutionem respicere , quin potius introspicendus est eventus ille glo-

riolus ex consilio Dei, qui exponitur inde a versu 10. Nam *conflationis* nomine omnes angustiae, iniuriae, contumeliae, verbera, mala denique omnia intelligenda sunt, quae cum a Iudaeis, tum a gentibus perpeffus est; iudicii vero appellatione denotantur manus, & consilium Dei, quo Christus iustissime tamquam sponsor nollet fuit a Deo Patre verberatus, infra versu 10. **SUBLATUS EST.** Heb. *acceptus, emptus, assumptus fuit.* Potest accipi & in malum, sublatus de medio, oculus, intersectus, sublatus in crucem; & in bonum, in summum honoris gradum euectus post resurrectionem. **GENERATIONEM EIUS QUIS ENARRABIT?** Plerique Patrum, generationem eius divinam; alii, humanam ex Virgine matre; quasi dicat: Ne offendamini infirmitate & ignominia mortis eius, nam divinam habet generationem, estque verus Deus de Deo: & admirabili modo per Spiritum Sanctum progenitus est ex Virgine: quae duae geniturae sunt ineffabiles. Nec profus alicui quidam: *at generationem*, seu *regenerationem*, hoc est resurrectionem eius, quis edicat? quasi dicat: Esti a praevalescentia & iniquo iudicio in crucem ut vis latro sublatus sit; at resurrexit statim repenitus ac redivivus gloriosissime. Nonnulli, *generationem eius*, id est progeniem & longam seriem fidelium ac filiorum Dei, qui ex morte & cruce eius propignentur. Vide Ioann. xxi. 24. & 25. Recentiores varie exponunt: I. *et aetatem eius*, id est vitam, *quis eloquetur*, vel *explicabit*, seu *exponet*. Fuit enim quam brevissima, praereptus fuit immatura & violenta morte. Congruit sequentibus: *quis abscissus est de terra viventium*. II. *et aetatem eius, saeculum eius*, *generationem eius* qui *explicabit*? id est, homines aetatis illius, seu saeculi eius; *generationem*, pro hominibus aetatis eius, ut passim in Scriptura sumitur; quasi dicat: Quis verbis consequi poterit improbitatem hominum, qui eius aetate vivunt, cum sint illum tamen illius interfectori? Exclamatio in impios Iudaeos, qui tempore Christi vixerunt, & cum ad mortem traxerunt. III. *structuram eius*, vel *constitutionem*, *constitutam seriem* & *ordinem eius*, id est iudicii eius, *quis eloquetur*? quasi dicat: Tamen si insons experique omnis culpe aclus sit in crucem, non tamen sine certa iudicii ratione, & arcano Dei consilio,

qui illum saluti omnium destinabat, mortem obivit, quae tam alta & recondita est, ut nullus eam facile enarrare possit. Hanc rationem vocat *structuram eius*. IV. *at generationem eius* *quis enarraturus est?* id est, aeternitatem sive tempus, quo perdaraturus est Christus; nam his inest antithesis. Est quidem sublatus, inquit Propheta, sed ab hac mortali vita in immortalem transmissus, nec iam meri potest, aut mors ultra ei dominabitur: Romanor. vi. 9. V. *in eundem ferme sensum: Saeculum autem eius* *quis enarrabit?* id est, quamdiu aevum eius sit duraturum: nam Christus excitatus ex mortuis amplius non moritur: Romanor. vi. 9. Qui ullam ex his explicationibus pertinaciter reiecerit, satis se proderit nullum aut parvum guttulum in sacris litteris habere. **QUA ABSCESSUS EST DE TERRA VIVENTIUM, seu virorum.** Alii: *nam exscinditur quidem e terra viventium*. Exortatio praecedentis antitheseos, cuius prius membrum hoc & sequente versu, posterius tribus ultimis exponitur. **PROPTER SCELUS POPULI MEI PERCUSSI EUM.** Heb. *a transgressionem populi mei tuncio*, seu *percussio*, aut *plaga ei*. **למו** *lamo*, pluraliter accipiunt, *plaga ei*, subaudi erit; quasi dicat: Quia pro suo contumaci scelere aucti sunt Iudaei eum interficere, qui ad eos redimendos missus fuerat, plaga ingens & extrema desolatio venit eis: certissimo & inevitabili vaticinio. Quidam reddunt: *succius est de terra viventium propter iniquitatem populi mei, quibus plaga debebatur*; id est, Quam illi plagam ob sua peccata subire debebant, ipse pro illis in se transtulit. Alii: *a scelerare populi mei percussus est illis singulis*. Nam quod cuncti, quod singuli delabant, ille unicus pro omnibus expiando perculit. **למו** *lam*, inquirunt, plurale est, & genericum pronomen, *unum* affixum singularis numeri, publica cum privatis, omnes cum singulis coniungunt. Sed ii pro **נִגְגָה** *neggagh*, id est, *percussio*, *plaga*, levi unius punctuli mutatione videntur legisse **נִגְגָה** *neggagh*, praeteritum Niphal: *percussus est*. Ceterum fere omnes *lamo* singulariter capiunt, ut supra cap. xlii. 15. ei. Varie reddunt: I. *a transgressionem populi mei, plaga fuit ei*; id est, talio & iniuste accusatus a populo intersectus est. II. *qua plaga ei propter transgressionem populi mei inflicta est*; id est, ut eam caperet, Christus mortuus est.

est pro peccatis nostris. III. ex defectione populi mei plaga est ipsi; id est, per improbitatem Iudeorum, qui deficientes a Deo, ex definito consilio, & providentia eius, prodiderunt & abnegarunt Christum in conspectu Pilati, ut loquitur Petrus Actor. II. 22. & III. 13. Hæc ut ita accipiamus, facit sequentis versus comparatio.

V. 9. ET DABIT IMPIOS PRO SEPULTURA, ET DIVITEM PRO MORTE SUA. Heb. Et dedit ad, vel apud improbos, vel cum improbis sepulcrum eius: & ad, apud divitem, aut cum divite in mortibus eius. Si commutasset Propheta verba in hunc modum: Et dedit apud improbos, seu cum improbis in mortibus eius, & apud divitem sepulcrum eius, planissimus fuisset locus: & intelligeremus Christum morti traditum apud fontes in loco Calvarie, ubi supplicia de damnatis fumebantur, & sepulcrum apud Iosephum Arimathensem. Forte quis suspicari audeat Prophetam de industria transposuisse verba, ut paulo obscuraret vaticinium, ne tam luculentum esset, & quia sane locus mortis & sepulcræ Christi vicinissimi essent. Nam Brocardus accuratissimus Terræ sanctæ descriptor, ait: Mons Calvarie in quo Dominus crucifixus est, distat a loco sepulchri centum & octo pedibus: & est ascensus a superficie pavimenti Ecclesiæ sepulchri ad locum ubi Crux rupi infixæ fuit, viginti octo pedum. Nec desunt, qui opinantur eas voces a Rabbinis postea transpositas, quas Propheta suo ordine posuisset. Locus est plane obsecutus, quem varie explanationes obruunt: promemus probabiliores: I. & dabit improbos sepulcrum suum, & divitem, seu divites in mortibus suis; id est, efficit ut impii, & crassi pinguetque Iehudæi luvant penas mortis suæ. II. & dabit apud impios milites custodes sepulcrum suum, Matth. XXVII. & XXVIII. & divitem Pilatum præsidem in morte eius, Iudicem & damnatorem. Exemplaria constanter habent בִּמְוֹתָי bemothai, duabus dictionibus, in mortibus eius; nonnulli tamen contendunt unica dictione cum affixo legendum בִּמְוֹתָיו bemothai, excelsa eius. Libet hic insinere non sine operæ pretio dissertaticulum Forsteri, hominis tametsi a sancta Ecclesia Romana alieni, at hæc in re pie sentientis, & hunc locum haud absurde explanantis; ait ergo: Insuper pro zelo contra Iudeos meritor, ut & hic de qua

ista Banoth, qua Isaias gloriam Christi servatoris nostri sepulcrum ornavit, aliquid dicant copiosius pro religione nostra tuenda, & corruptelas cornu ac distendunt malitiam detegam ac refutem. Sic enim in ipsius vaticinio verba habent: Et posuit apud maledictores sepulcrum eius, & apud divitem excelsa eius. Cum hæc expositione congruit quoque historia, quæ a Mattheo evangelista retexitur; quod Iosephus Arimathæus sacer vir dives, & monumentum novum in monte Calvarie excelsa habuerit in petra instar sacelli excelsum, splendidum, amplum, & magnificum, sicut ex aliis quoque historia circumstantiis colligitur: fuit enim saxum cuius ipsius ingens valde, ipsum monumentum duos viros (sic angelos vocat) & aliquot mulieres capere potuit: quare de historia & re non est ullum dubium quin hoc nomen illi respondeat, significetque non vulgare, aut vulgare hominis sepulcrum, quale etiam fuit maledictorum, & nomine כְּפֵר Kereb, notatur; sed Excelsum, seu Monumentum, & quasi sacellum divitis alicuius hominis, qualis Iosephus fuit. Nunc porro quædā vocem ipsam, eiusque significationem attinet, arbitror non ita diu post Christi gloriosam resurrectionem ac ascensionem in celum a Iudeis depravatam esse, quod puncta attinet (nam forma litterarum integra mansit) & antea sic fuisse punctatum בִּמְוֹתָי bemothai: verum quando Christiani hoc Isaiæ vaticinium in Iudeos torquere cœperunt, probantes Christum sepeliri oportuisse in monumento divitis, & hoc in Iesu Nazareno completum assererent, nec obstinati haberent, quo tam clari & evidens testimonium in illo suspensio completum diluerent resutarentque; hæc data opera vocem, sicut pleræque alias. Nicolao Lyra, Paulo Burgensi, Porcheto, & nonnullis aliis fide dignissimis testimoniis, depravarent: tamen ista depravatio, quænammodum etiam relique omnes, ipsos nihil quidquam invcet, si vult inferre voluerint ipsum mansisse in illis mortis cruciatibus. Nam ex ea voce ita depravata iuxta grammaticam rationem, illam suam impiam sententiam obtinere minime possunt, & antecedentia verba, maxime cum dicit: Et e iudicio sublatu est, & generationem eius quis enarrabit? &c. eos cum sua malitia evidentissime resutant. Et esto sane, quod dictio illa, ut ipsi volunt, quod litteras, seu mortis cruciatu significaret;

tamen constat ratione punctorum eam esse corruptam, quod in littera Mem daghes habeat post initialem Beth seervatam, contra omnem grammaticam legem, quae demonstrat ipsa experientia, quod post seerv in prima dictionis syllaba non possit sequi daghes, seu littera Daghesata: hoc si fatentur (ut sane eos fateri necesse est, nec inficiari, aut ullam asserere eius 'rei' rationem & causam) paulo magis concedere cogentur nostram expositionem minus adversari grammaticae. Deinde si ista vox significaret, In mortibus eius, di ante rationem, cur etiam priori vocabulo קרבו kirbo, non sit praepositio praepositio Beth, quam tamen iuxta Hebraeae linguae consuetudinem potius habere debeat, quam posterior; sed idem naturaliter & regulariter vox posterior sequitur rationem prioris, & non e contra: nisi dicere velint, quod in posteriore Beth littera facta sit littera substantialis, quod non scient, certo scio. Quarto constat ex ipsa lingua, quod מותה mothe, pluraliter non significat mortes, sed potius cruciatus mortales, pericula mortalia: quae igitur tunc sententia? cum tam praecedentia quam sequentia (ut alia aliorum prophetarum testimonia praeterea) repugnent, ut paulo superius ostensum est. Quinto, probe quadrat, ut si kereb attribuitur malefactoribus, ita diviti conveniat vox in significantiā splendidiore. Sexto, cum dicat de sepultura dantium, necesse est ut etiam dicat de excelso divitum & felicium: propterea quia communis in eo loco suis sepultura divitum & pauperum. Et quamquam Christo honestam ac splendidam sepulturam invadebant, tamen ita a Divina providentia ordinatum fuit, ut quies filii sui esset gloriosa. Et esto sane, quod vox ista non sit corrupta seu depravata, tamen nolint velint concedere eos oportet, quod ita sit ideo data opera irregulariter punctata, ut ea irregularitate etiam significaretur, quod illud Christi monumentum etsi sacellum fuerit seu excelsum, tamen non in eum usum, quo alia excelsa fuerunt extructa, ut in illis sacrificaretur, sed in quod reponendum erat corpus Christi defunctum dispositione obedientiae humilioris, ut ista punctatura Spiritus sanctus utrumque notaret, & sacellum, sed tale in quo reponendum erat corpus Christi, victima immolata pro peccatis totius mundi; quemadmodum in prophetis talia multa sunt, quae punctorum irregularitate aliud quoddam mysterium fuisse

dicant, ut suis quoque in locis annotavimus, ut de ירדתי ירדתי selidtkicha Ps. 11. 7. item Iesaiæ xxvi. 19. de נבלתי neblathi, aliisque quamplurimis. Hanc prolixitatem mihi improba Iudeorum malitia extorsit, quae & pias oro veniam zelo meo dare velint. Hicculusque Forsterus: cuius dissertatio etsi non displicet Forerio, ac Mercero, mihi tamen in omnibus non probatur. Primum in punctatura vulgari, במותה bemothau, nulla, quae nos vidimus, exemplaria habent Mem daghesatum, sed lene: denique nemquam crediderim de industria Iudeos punctaturam hic corruptisse, cum eorum lectio retenta fuerit in ea editione, quam nunc probat Ecclesia. Illud tamen ut piū & congruens magnopere probaverim, non sine divino Spiritu Iaiam eas litteras hic posuisse, quae & bemothau & bamothau diversa punctatura legi possent: (cum ipse sine punctis kriphrit, & olim sacra Scriptura Hebraica sine punctis scriberetur, ut etiam hodie apud Rabbinos in synagogis,) ut duplex mysterium & mortis, & sepulturae Christi unica dictione significaret. Forerius singularem huius loci expositionem asserit: Et dedit, inquit Iaias, Deus improbis sepulcrum eius; id est, Fecit ut sepulcrum eius, (quod perfectae mortis est symbolum,) esset improbi & malefactores; id est, sepultus est, ut improbi cum ipso sepelirentur, & omnis improbitas in barathrum truderetur, neque amplius super terram vitam ageret: & tandem cum ipso resurgerent ad vitam spiritualem: quod mysterium egregie exquirat Paulus Rom. vi. 4. & sequentibus. Dedit quoque Christum divitem per mortes, seu cruciatus mortales ipsius, quia reddidit Dominum Iesum per suos ipsius cruciatus & mortem, dissimulatum & opulentissimum bonorum spiritualium. Tremellius, & Iunius aliam quoque singularem interpretationem excogitavere: Populus enim exposuit improbis sepulcrum ipsius, & diviti in mortes suas, seu in mortem suam; quod ita explicant: Populus Iudeorum exposuit Christum gentibus, quae olim improborum nomine solabant designari, ut Aclor. 11. 23. quemadmodum etiam gentiles dicuntur peccatores, Galat. 3. 13. exposuit, inquam, Christum gentibus crucifigendum, trucidandum, & sepeliendum ipsum, quod nomine sepulcri synecdochice designatur: vide Luca: xviii. 32. & sequentibus: & divi-

divi-

diviti, id est Pontio Pilato præfidi Iudæ tradidit Christum ut crucifigeretur; idque in mortem suam, id est ea lege, ut sanguis ipsius super populum Iudæorum, & super filios eius recideret, & reposceretur a Deo, si quid ea in te peccatum esset, ut Matth. xxvii. 25. quamobrem etiam Propheta *mortes* dixit plurali numero. Et *divitem* גִּשְׁחִיר *ghaschir*, non dubito quin Matth. xxvii. 57. redditum Græce sit *divisus*. PRO MORTESUA. Heb. pluraliter, in mortibus eius, vel excessus eius, ut diximus. Plurale Hebræorum non reperitur nisi constructam *mothe*; quod, inquit Forsterus, significat *cruciatu* *lethales*. Sic sæpius Scriptura utitur pro ingentibus discrimini-bus, gravibus afflictionibus, luctibus, agonibus, morti proximis & vehementissimis passionibus, sicut & Paulus facit II. Corin-th. xi. 23. cum inquit: *In mortibus frequenter*. Item II. Corinth. i. 9. *Quin ipsi* *in nobis sententiam mortis acceperamus, ne confideremus in nobis ipsis; sed in Deo, qui ad vitam suscitavit mortuos, & de tanta morte eripuit nos; pro quo vetus translatio habet: de tantis periculis*; Ambrosia-stes: *de tantis mortibus*, quemadmodum etiam legit Chrysostomus, ostendens hyperbolicæ ingentia discrimina dictas esse mor-tes: sed hic consule videtur Propheta plu-rali numero usus, ut indicaret mortem Chri-sti fuisse acerbissimam, & instar multarum mortium; vel quod unica sua morte rede-merit omnium hominum mortes, qui alio-qui periissent in æternum. Si vero lega-mus, *excessus eius*, de sepulcro Dominico, idcirco pluraliter a Propheta dictum existi-mamus, vel quod duplex spelunca esset, uti Brocardus describit, more sepulcri pa-triarcharum, Genes. xxiii. 9. & 19. vel quod amplum, magnificum, splendidum esset. EO QUOD INQUITATEM NON FE-CERIT. Hebr. *super non violentiam fecit*. Elegantissimus Hispanicus, *sobre no haver hecho violencia, vel suera*. Sic Psal. cxviii. 176. Alii: I. *quamvis, cum tamen, vim non fecisset*. II. *quamquam iniuriam nul-lum fecerit, &c.* sequentibus annexunt: E-tiamsi nemini vim ullam aut iniuriam fe-cisset, aut quempiam dolo decessisset, etiamsi neque aperta vi, neque fraude aut dolo ma-lo cuiquam nocuisset, Iehova tamen vo-luit contundere eum. III. superioribus iun-gunt: Traditus est a Iudæis ipsis gentibus

& Pilato crucifigendus & trucidandus, eo quod non fecit violentiam, neque est dolus in ore ipsius; id est, quia non poterant ferre iustitiam, integritatem, & simplici-tatem factorum, & dictorum eius: ut Chri-stus ipse Iudæis obiicit Ioann. x. 32. I. Petri ii. 22. redditur hic locus: *Qui pec-catum non fecit, nec inventus est dolus in ore eius.*

V. 10. ET DOMINUS VOLUIT CONTE-RERE EUM IN INFIRMITATE. Alii ex Heb. I. *Iehova tamen voluit ipsum infirmando atterere*. II. *At Iehova delectatus conterere ipsum, morbo affecit*. Exornatio alterius partis proleptica, de qua versu 8. Si po-suerit pro peccato animam suam, videbit semen lo-gævum. Alii ex Heb. I. *ut ubi posuerit animam suam hostiam de-licti, videas semen, quod proroget dies*. II. *si posueris, o Iehova, afflandam, id est hostiam seu victimam, quæ pro expiando delicto immolatur, animam eius, videbit semen, prolongabit dies*. III. *cum posuerit seipsam delictum, seu sacrificium pro delicto anima eius, videbit semen, quod prolonga-bit dies*. IV. *quandoquidem exponat se reatum anima ipsius, seu se ipse sacrificium pro reatu: metonymia, dicens: Videbit se-men, prolongabit dies*. Explicant, Expon-bat se, ut Galat. ii. 20. *sacrificium pro reatu*, ut II. Corinth. v. 21. & I. Petri ii. 24. dicens, *Videbit semen*; id est, dicit Pater de filio suo Christo, Videbit filios Dei, quos geniturus est in Ecclesia seme-ne incorrupto verbi: *prolongabit dies*; id est, vivet ipse Christus in æternum. PO-SUERIT. *שׁוּב חַטִּימ* *thasim*, potest esse secunda persona masculina: *si pones, o Pater, ani-mam eius piaculum*; & potest esse tertia feminea: *si ponet se piaculum anima eius*; unde suppositum verbi *posuerit* non videtur apte esse Christus iuxta Hebræum. PRO PECCATO. Heb. una vox *עֲשֵׂה אֲשָׁמָה*, quæ generaliter quidem significat culpam aut poenam, super qua statuit, & a qua abhor-remus, afflatum, seu afflandam reddunt: vide in Genes. xvi. 10. in ritu vero sa-crificiorum, sumitur pro hostia seu victimâ quæ pro expiando delicto immolatur, *piaculum* Latini vocant, vide in Levit. v. 6. & singulariter designat certum genus sacri-ficii pro delicto aut reatu, cuius ritus de-scribuntur Levit. vii. Recte putant Paulum Rom. viii. 3. & II. Cor. v. 21. ad hunc locum

locum Iſaie reſpexiſſe, & vocem *aſcham*, Peccatum vertiſſe. Plerique ſicſto vocabulo apte exponunt, peccatorum, culpatorium, reatorum. ET VOLUNTAS DOMINI IN MANU EIUS DIRIGETUR. Alii: I. & voluntas Iehova in manu ipſius proſperabitur. II. & beneplacitum Iehova in manu eius proſpiciet. III. & voluntas Iehova in manu eius proſpere cedit, ſeu proſperos ſucceſſus habebit. IV. & delectatio Iehova per manum eius proſperabitur; id eſt, quodecumque volet Iehova per eum proſperime efficiet, vel per eum, & in eo proſpere ſemper oblectabitur Iehova.

V. 11. PRO EO QUOD LABORAVIT ANIMA EIUS, VIDEBIT, ET SATURABITUR. Alii ex Heb. I. Propter laborem, vel ex moleſtia animæ ſue, videbit fructum, quo ſaturabitur. II. Poſt laborem animæ ſue videbit, ſaturabitur, vel videns ſaturabitur; id eſt, poſt exantlatam paſſionem, videbit fructum laborum ſuorum, quo ſibi pleniffime factum exultimabit, & nimirum gloriam ſuam ſplendentem in Eccleſia. III. Exemplum moleſtia ſeiſpum videns, ſatiabitur; id eſt, cum declaratus Filius Dei per reſurrectionem ex mortuis aſcendet in ælum: cum ipſe perfectiſſima gloria, & bonis cumulabitur ſedens ad dexteram Dei Patris omnipotentis, tum in alios profundæ dona ſua, ut oſtendit Paulus Ephęſior. III. 7. & ſequentibus. Sic Pſal. xvi. 15. IN SCIENTIA SUA IUSTIFICABIT IPSE IUSTUS SERVUS MEUS MULTOS. Alii: cognitione ſui, ſeu per cognitionem ſui iuſtificabit iuſtus ſervus meus multos; id eſt, fide viva, qua cum homines cognoscant, & corde amplectentur, ut Rom. iii. 26. exponitur. Quidam exponunt: per ſcientiam ſuam, ſeu doctrinam & prædicationem Evangelii adducet homines ad fidem & poenitentiam, qua iuſtificabuntur. ET INQUITATES EORUM IPSE PORTABIT. Eas in ſe ſuſcipiens, quaſi reum ſe omnium faciens, & eas ſua morte delens; & earum omnium poenitas in corpore ſuo luens, ſatisfaciens pleniffime Deo Patri pro omnium culpa & poena. Quidam: exportabit, alio transferet, deportabit, auferet; non tam recte.

V. 12. IDEO DISPERTIAM EI PLURIMOS, ET FORTIUS DIVIDET SPOLIA. Alii ex Heb. I. Ideo partem dabo ei cum multis, vel cum magnis, magnatibus, primoribus, & cum fortibus dividet ſpolia; id eſt, cum

magnatibus, vel inter magnos habebit potiores partes, & ſpolia ampliffima referet cum robuſtiſſimis ipſe princeps & robuſtiſſimus omnium ducum & imperatorum: metaphora a re bellica. II. Ideo partem dabo ei pro multis, ut cum robuſtis partiatur prædam: nimirum ut plenam ſalutem Eccleſiæ comparare poſſit, delendo peccata in cruce, & tuſſitiam cum ſuis communicando. Eſt autem hic alterum argumentum amplificans gloriam Chriſti: quod ut efficiat ea quæ ante dicta ſunt, Deus pater illum omnibus donis inſtructurus eſt, quæ fuerint opus. III. Ideo dabo ei fortem in multis; id eſt, efficiam ut fors eius ſint multi, ut multi cedant in ſortem & poſſeſſionem eius, ut multi credant Evangelio, & accedant Eccleſiæ, Pſal. ii. 8. ut ſit ipſe primogenitus in multis fratribus; vel diſpiciam ei, id eſt dabo ei ut diſpertiat, cum magnatibus, id eſt ut dividat magnatibus, & ſingulis det gratiarum diſpoſitiones: alios faciat apoſtolos, alios evangeliſtas, alios prophetas, alios paſtores, alios doctores, &c. & cum robuſtis diſpertiet ſpolium. Ne quis hanc gratiarum diſpoſitionem Patri & non Filio adſcriberet, eo quod dixerat, Diſpertiam ei, addidit: & cum robuſtis ipſe Filius diſpertiet ſpolium. Nam illis diſpoſuit provincias orbis, quas ſaturne creptas ſpolia opima aſſerent Deo; & hic eſt Galilæarum, ille Hiſpaniarum; alter Indiæ, alius Aethiopiarum Apoſtolus, &c. PRO EO QUOD TRADIDIT IN MORTEM ANIMAM SUAM. Alii: eo quo, vel pro eo quod eſſudit, diffudit, proſudit in mortem animam ſuam; id eſt vitam ſuam, ſeu ſeiſpum. Proprie, evacuavit, denudavit morti, vel in mortem, animam ſuam. Simili phraſi Latini dicunt: Pectus gladio inſeruit, id eſt aperuit, reſcrauit, tranſiit. ET CUM SCERERATIS REPUTATUS EST. Heb. & cum tranſgreſſoribus, rebellatoribus, deſectatoribus, annumeratus, ſubtraſtus, ſubleſtus eſt. Marcus cap. xv. 28. ſecutus LXX. reddidit: Et cum iniquis iocundus, d. potatus eſt: ut etiam Lucas xxii. 37. PECCATA MULTORUM. Heb. peccatum multorum. Forte per antonomafiam intelligit peccatum originale, quod ſons & radix eſt omnium aliorum: ſic Ioan. i. 29. peccatum mundi: nam ad hunc Iſaie locum reſpexiſſe Baptiſtam, non eſt dubium. TUIT. *tuſſa* ſa, levavit: accipiendum ut ſupra verſ. 4.

Et

ET PRO TRANSGRESSORIBUS ROGAVIT. Alii: *pro defectoribus intercessit*; vel *occurbat*, seu *incurbat*, id est rogabat, orabat. Vide Luce XXII. 34.

MENOCHII.

Verf. 1. **Q**UIS CREDIDIT, &c. id est, quis credet auditis a nobis, hoc est predicationi nostrae? adeo sunt admiranda: vel est compatientis affectus, quasi diceret: Quis crederet adeo indigne tractatum fuisse Christum Dominum? ET BRACHIUM DOMINI CUI REVELATUM EST? Quis crederet in rebus, quae hominum iudicio tam infimae, & viles videntur, ut passionis sunt Christi, tamen in eis esse brachium, & fortitudinem Domini.

V. 2. ET ASCENDET: germinabit, pullulabit, succrescet. SICUT VIRGULTUM: humile, & contemptum, qualia ea sunt, quae in arido, & sterili solo nascuntur. Significatur Christum ex B. Virgine, quasi ex solo non arato, nec irrigato natum esse; quare Aquila vertit, *de terra invia*. CORAM EO, id est coram Domino; quasi dicat, Deo faciente, vel approbante. ET SICUT RADIX, id est fuculus & radice pullulans: est repetitio. NON EST ET SPECIES NEQUE DECOR. Christus pauper vixit, nihil habens nobile, opulentum, splendidum in oculis mundi, praeterim vero tempore passionis, cum flagris, sputis, &c. deformatus est. NON ERAT ASPECTUS, id est forma, seu pulchritudo. DESIDERAVIMUS EUM: scilicet pulchriorem apparere; quasi dicat, Non sic tractari; vel supplenda, & ex proximo repetenda est negatio; quasi dicat: *Non desideravimus*, Non erat desiderabilis, id est decorus.

V. 3. DESPECTUM, ET NOVISSIMUM VIRORUM: scilicet, vidimus eum esse. VIRORUM DOLORUM, id est doloribus omni ex parte circumdatum. SCIENTEM INFIRMITATEM: fatigatum doloribus, adversariis, persecutionibus, & omnis generis arumnis; huc enim vocat infirmitates. QUASI ASCONDITUS VULTUS EIUS. In Hebræo est, *Abcondens faciem a se*. LXX. vertunt, *Aversa est facies eius*, ut ii faciunt, quos lux fortis, & conditionis pudet.

V. 4. LANGUORES. LXX. *peccata*. DOLORES: penam peccatorum, pro quibus pa-

tiendo satisfecit. Nos: Iudæi, in quorum persona loquitur Propheta. QUASI LEPROSUM, id est immundum, & ob sua scelera a Deo percussum. DISCIPLINA PACIS NOSTRAE, &c. quasi dicat: Christus flagellatus, & caltigatus est innocens, ut nos reconciliaret Deo, & pacem haberemus cum eo.

V. 5. LIVORE: plagis, quibus corpus eius lividum factum est.

V. 6. QUASI OVES ERRAVIMUS. Huc alludit Christus in parabola pastoris ovem errantem querentis, & ad causas reportantis Luc. XV. 4. & D. Petrus cum ait epist. I. cap. II. num. 25. *Eratis enim sicut oves errantes, sed conversi estis nunc ad pastorem, & Episcopum animarum vestrarum*. ET POSUIT DEUS, &c. id est, peccata nostra Christi humeris portanda, & expianda Deus imposuit.

V. 7. OBLATUS EST: ad mactationem in altari crucis. QUIA IPSE VOLUIT; non coactus armis, & vi Iudæorum, non invitatus, & reluctans, sed sponte acceptans iussum Patris.

V. 8. DE ANGSTIA, ET DE IUDICIO SUBLATUS EST, id est de angustia iudicii; quasi dicat: Christus de iudicio Pilati, & Pontificum, pleno angustiae & oppressionis, sublatus, id est raptus est ad iudicium crucis; vel *sublatus est*, significat iudicium tumultuarie peractum, non bene examinatum, & cognita causa, & ita raptum ad crucem. GENERATIONEM EIUS QUIS ENARRABIT? quasi dicat: Quis explicet pravitatem Iudæorum, Pilati, & militum illius saeculi, qui Christum crucifixerunt? Aliqui de spirituali Christi prole copiosa accipiunt. Alii de generatione Christi, vel divina, vel humana ex Virgine, in quam sententiam fere abeunt SS. Patres. ABSCISSUS EST: instar arboris, cui eum comparavit num. 2. PERCUSSI EUM: Iudæis percutiendum reliqui.

V. 9. DABIT IMPIOS. Chal. habet, *Tradet in gehennam*. PRO SEPULTURA; quasi dicat, Eo quod ipsum inique occiderunt. DIVITEM: scilicet potentes, Pilatum, & principes sacerdotum. PRO MORTE SUA: idem est quod dixerat, *pro sepultura*. EO QUOD INIQUITATEM, &c. quia scilicet neque factio, neque verbo peccavit.

V. 10. IN INFIRMITATE, id est infirmo, affligendo, & cruciando eum. A-

D d d

NINIAM

NIMAM SUAM: vitam suam: si seipsum fecerit hostiam pro peccato. **VIDEBIT SEMEN LONGAEVUM:** plurimos filios spirituales suscipiet, qui durabunt usque ad finem mundi, immo per omnem eternitatem. **VOLUNTAS DOMINI:** voluntas, & consilium Domini circa hominum redemptionem, & salutem. **IN MANU EIUS:** per eum, id est per Christum. **DIRIGETUR:** prosperabitur, scilicet cedit.

V. 11. PRO EO QUOD LABORAVIT, id est ex labore suo. **VIDEBIT ET SATURABITUR:** videbit, & percipiet fructum. **IN SCIENTIA SUA,** id est in sapientia sua, quam depromet in Evangelii predicatione. Vel passive, id est in sui cognitione, & fide caritate formata, & bonis operibus instructa, iustificabit multos. **INQUITATES EORUM,** id est poenam iniquitatum.

V. 12. DISPERTIAM EI PLURIMOS: late ei subiciam gentes, & populos, iuxta illud Psal. *Dabo tibi gentes hereditatem tuam, & possessionem tuam terminos terrae.* **FOR- TÜR DIVIDET SPOLIA:** spoliato demone, qui huius mundi principem agebat, & ut tortis armatus atrium suum tuebatur: **LUC. XI. ANIMAM SUAM:** vitam suam. **MULTORUM:** omnium; omnes enim sunt multi. **PRO TRANSGRESSORIBUS:** clamavit enim in cruce: *Pater dimitte illis, non enim sciunt quid faciunt.*

T I R I N I.

Verf. 1. **Q**UIS & quotusquisque a CRE-
DIDIT AUDITUS NOSTRO?
Chaldaeus, *nuntio nostro*, id est huic mex prophetae, quam & ego audi- vi a Deo, & alii audiverunt ex me. Metonymice enim ponitur hic *auditus* pro *re audita*. **ET BRACHIUM DOMINI CUI RE-
VELATUM EST?** quasi dicat: Quam pauci fi- nient sibi persuadere hanc Dei eximiam po- tentiam, quam in Christo & per Christum exeruit! Ita S. Paulus, S. Ioannes b & omnes SS. Patres. Sequitur causa cur tam pauci credituri sint.

**V. 2. ASCENDET e terra & utero Chri-
stus sicut VIRGULTUM tencillum de TER-
RA SITIENTI,** id est sicca & arida: nempe ex matre non aliunde quam ex caelesti rore secunda, paupercula tamen & mis-
sila & contempta. Et sic succrescet hic fur- culus per totos 30. annos, humilis, igno-

bilis, vilis, quasi fabri filius, nihil prefe-
rens speciosum, nihil illustre, nihil splen-
didum coram mundo. **NON EST SPECIES
EI, NEQUE DECO,** qualis est principibus
huius mundi, & qualis ipsi, utpote natu-
rali Dei filio, debebatur, & aliquando as-
sumpsit in transfiguratione. **NON ERAT
ASPECTUS,** id est, res aspectu digna, quae
oculos aspicientium ad se traheret; **ET DE-
SIDERAVIMUS,** pro, ut desideraremus, seu
expectaremus, eum. Ita enim vertunt Sym-
machus, Vatablus & Forcivius.

V. 3. SCIENTEM, id est experientia sen-
tientem & probantem omnis generis IN-
FIRMITATEM, afflictionem, arumnas, do-
lores, cruciatus. **ET QUASI ABSCONDITUS
VULTUS EIUS.** Hebraice, *abscondens faciem
a se*; **LXX. averfa facies eius:** nempe quasi
sui & tortis suae puerer, & ita a seipso
faciem averteret, seque absconderet. Quae
omnia etsi per totam vitam Christo pro-
pria fuerint, maxime tamen conveniunt ei
iam sub finem vitae tam dira, tam foeda,
tam indigna patienti.

**V. 4. VERE LANGUORES NOSTROS ET
DOLORES NOSTROS IPSE TULIT.** **LXX. &
S. Petrus, peccata nostra ipse tulit,** id est
in se expianda suscepit, & in cruce expia-
vit, tum quoad culpam, tum quoad poe-
nam. Cumque inter reliquas poenas pecca-
torum censentur etiam morbi & dolores,
seu corporis, seu animi; S. Matthaeus d
etiam hos per Christum abolitos esse ex
hoc Isaiae loco probat, puta ut merito ip-
sius a nobis tollantur vel in hac vita, vel
saltem in resurrectione corporum: ita S.
Chrysostomus, Theophylactus, Euthymius
& Hilarius. Interim Nos Iudei putave-
mus eum non nostri, sed fuisset causa,
& ob sua scelera PERCUSSUM a Deo, ut
solent *leprosi*, v. g. Maria soror Moysis,
Ozias rex & alii similes, ob suam super-
biam, murmuracionem vel rebellionem,
lepra puniri a Deo. Sed erravimus toto
caelo: nam

V. 5. DISCIPLINA PACIS NOSTRAE, id
est castigatio & flagella quae nos subire de-
bebamus, ut pax cum irato Deo nobis in-
stauraretur, **SUPER EUM POSITA FUERUNT:** ita
S. Petrus, Procopius & alii Patres.

**V. 7. QUASI AGNUS non gemit, non
queretur, non obstrepet, non resistit;** sed
summa patientia tacitus sustinebit crudelem
illam licitorum tonsionem, quae non lanam
&

& vestem forcipibus, sed pellem, carnem, sanguinem omnem & vitam flagellis, spinis, malleis & clavis abradent. Huc alludit Ioannes Baptista *f* cum diceret, *Ece agnus Dei*; id est, ecce Agnus iussu Dei pro redemptione mundi immolandus: Agnus ab Isaia & Ieremia *g* toties prædictus: Agnus sacrificio Abels *h* & Isaacii & agni paschalis, *k* & ingis oblationi *l* matutinæ ac vespertinæ, & tot aliis agnis, omnes scilicet ex præscripto legis offerri solitis, præfiguratus, teste Origene, Cyrillo, Theophylacto & Euthymio *m*. Huic etiam alludit S. Ioannes Evangelista, cum in Apocalypsi facile vigelies septies nomen Agni Christo tribuit. Denique ad huius Agni perpetuam memoriam & imitationem solebant iam inde a primis Ecclesiæ Romanæ exordiis, in octava Paschæ catechumeni donari agno cereo a Papa Benedicito, ut ex Gelasio & aliis docet Casar baronius *n*.

V. 8. DE ANGSTIA, DE IUDICIO (est hendyadis, pro angustia iudicii, vel angusto, seu pleno angustie iudicio) SUBLATUS EST & medio, nempe iniquissima sententia pontificum & Pilati *o*. Sed qua fronte damnatis, o impij, hominem tam nobilem, tam excellentem, tam ovium? GENERATIONEM EIUS ac stirpis nobilitatem quis ENARRABIT? Si enim spectetis divinam eius naturam, est Patri consubstantialis, eiusdem cum illo potentie, gloriæ & maiestatis: si humanam, præcellit omnibus hominibus, dominus est universi, princeps angelorum, hypostatice unitur Deo: ita communiter SS. Patres. Hic tamen tantus ac talis vir, iniquissimum iudicum sententia abscissus EST (instar noxii fureuli, de quo vers. 2.) DE TERRA VIVENTUM. Sed quomodo permisit hoc Deus pater eius? Respondet: Non propter aliquod ipsius delictum, sed PROPTER SCILICET POPULI MEI, ut illud ipse in se expiet & aboleat, PERCUSIT EUM, id est hostibus percreantem expolia.

V. 9. ET ITA DABIT instar alterius *p* Sampsonis, IMPIOS PRO SEPULTURA sua, ET populum Deo fidem faciet DIVITEM PRO MORTE SUA, id est efficacia mortis suæ, quasi dicit: Mors Christi nec inulta erit, nec infelunda, se singulis. Nam diaboli, peccatorum, mors & inferus per hanc Christi mortem spoliabatur suo dominio, & ita quasi occubant: cum Christo: *O mors q* ero mors tua. Et etiam impij Iudæi qui

causa fuerunt mortis eius, meritas dabunt poenas tum in excidio urbis per Titum, tum in gehenna per daemones: atque ita sociabitur mors illorum morti Christi, ut mors Philistinorum morti Sampsonis. At vero seipsum morte sua *divitem* faciet Christus tum spoliis hostilibus, tum præmiis paternis. Filii quoque eius pii & Deo fideles, morte hæc Christi non liberabuntur solum, sed & discescent omni genere divitiarum, maxime spiritualium & cælestium. Huic sensui favent Hebrææ, quæ habent, *Dabit impijs sepulcrum eius*, &c. Et ita fere exponunt Eusebius *r*, S. Hieronymus, Cyrillus, Chrysostomus, Euthymius & Leo Caithrus.

V. 10. VOLUIT DOMINUS CONTRERERE EUM IN INFIRMITATE, id est usque eo affligere & infirmare, ut succumberet & moreretur. At quo præmio? VIDEBIT SEMEN LONGÆVUM, id est filios spirituales nasciscetur plurimos, qui durabunt usque ad finem mundi, immo per omnem æternitatem. Alludit ad Abraham, qui immolans Isaacum, ex eo genuit semen numerosum & longævum, Genes. xxii. 16. Sed & alterum istud erit ei præmium: VOLUNTAS DOMINI; id est, quidquid circa homines fieri constituit Deus, seu in cælo, seu in terra, id omne in MANU EIUS DIRIGETUR, id est per Christum, & ob merita Christi, prosperabitur, & optatæ executioni mandabitur: ita Ludovicus Molina *s*, & fere S. Hieronymus.

V. 11. PRO EO QUOD LABORAVIT, suavit, doluit, &c. VIDEBIT, id est percipiet fructum operum, messiem animarum, qua iucundissime fruentur ET SATURABUNTUR. IN SCIENTIA SUA; id est, secundum quod scit & novit inter nos convisisse. Explicat enim hic passæ convenientia inter Deum Patrem, & Christum, quibus pro passione & morte Christi decernuntur præmia, redemptio, iustificatio & glorificatio omnium qui Christo fideles adhererint, inquit Franciscus Suarez *t*.

V. 12. ET PRO TRANSGRESSORIBUS ROGAVIT. Hebraice, *occurrit ira divinæ*, tum alias, tum in cruce clamans: *Pater dimitte illis: non enim sciunt quid faciunt* *u*: ita Vatablus, Forerius & alii.

(a) Proleg. de Idiotismis Heb. n. 40.

(b) S. Paulus Rom. x. 16. & I. Corint. 1.21. & alibi S. Ioan. cap. 1. 19.

- (c) I. Petr. 11. 24.
 (d) Matth. viii. 27. & ibidem S. Chrysost. &
 alii Patres
 (e) S. Petr. sup.
 (f) Ioan. 1. 36.
 (g) Ierem. xi. 19.
 (h) Geo. 17.
 (i) Gen. xxi. 13.
 (k) Exodi xii.
 (l) Exod. xxi. 38.
 (m) Euthym. in Ioan. 1. vers. 29.
 (n) Baron. anno Christi 691. pag. 219.
 (o) Matth. xxvi. 66. Matth. xxvii. 16.
 (p) Iudicum xvi. 30.
 (q) Osee xiii. 14.
 (r) Euseb. Lib. III. Demonstr. cap. 21.
 (s) Molina l. p. q. xxiii. 2. 4. & 5. disp. 17.
 (t) Suarez III. p. q. 2. 2. 2. disp. 17. sect. 5.
 (u) Luc. xxvii. vers. 14.

GORDONI.

Verf. 1. **Q**UIS CREDIDIT AUDITUI NO-
 STRO, &c. Tam aperte hic
 de Christi morte vaticinatur

Isaias, ut recte aliquis dixerit (quod plures ob-
 servant) posse hoc caput sic inscribi: *Passio*
Iesu Christi secundum Isaiam. Incipit Isaias
 ab admiratione tantæ gloriæ & tantæ abiectionis.
 De gloria cap. lvi. de abiectione
 hoc capite: brachium & potentia Dei est.

V. 2. ET ASCENDET, &c. Causa admi-
 rationis profertur, quia ascendet & oriatur
 Christus velut virgultum, in hieme florib-
 us nudatum, & tenuis radix surgit de ter-
 ra siccitate. En Christi humilitatem & sta-
 tum exilem contemptui habitum, & cetera
 adde quæ inscquantur clarissima. En anti-
 dorum humanæ superbix, & singulari reme-
 dium.

V. 4. VERE LANGUORES NOSTROS IPSE
 PORTAVIT, &c. Hæc ad Christum apposite
 retulit Matthæus viii. 17. ipse infirmitates
 nostras accepit. Portavit vero Christus no-
 stras infirmitates duplici ratione; immo du-
 plicem hic sensum literalem quidam dant:
 nam infirmitatem annalem; peccata porta-
 vit, patiendo & redimendo: morbos vero
 corporis nostros Christus quidem in suo cor-
 pore non suscepit: nam nec hoc vult Mat-
 thæus, nec Christus ægrotavit, ut dixi Lib.
 X. Theol. & S. Thom. III. p. q. xiv. Di-
 citur ergo suscepisse hæc infirmitates, im-
 mo eas & portasse & abtulisse ex quadam
 consecutione, quatenus destruendo peccatum,
 consequenter etiam suo modo destruxit infir-
 mitates: quatenus velut pena sequuntur ex
 peccato, & quatenus accepit potestatem cu-
 randi nostros morbos, quod esse factum: ple-

ne experimur in resurrectione. Legi potest
 Vasquez I. p. disp. xviii. cap. v. Quod hic
 additur ET NOS PUTAVIMUS, intelligi de-
 bet de Iudæis: loquitur enim in eorum per-
 sona Isaias.

V. 5. DISCIPLINA PACIS NOSTRÆ SU-
 PER EUM, &c. Heb. est מִסֵּר מִיָּדָא, *cas-*
tigatio. rad. סָר, sensus ergo habet, Chris-
 tum sustinuisse castigationem pro nobis &
 flagella, ut pacem cum Deo haberemus,
 & liberaremur a pena æterna, & non tan-
 tum a culpa: inepte delicatulus Calvinus
 vult ex hoc loco nos liberatos esse ab omni
 etiam temporali pena tucuda. Pugnat hic
 Novator contra Patres, exempla Sancto-
 rum, & præsertim Pauli voluntarie por-
 tantis stigmata Christi. Pax ergo cum
 Deo est, si tollantur hæc duo, culpa &
 pena æterna: sicut in his duobus stanti-
 bus stat bellum cum Deo.

V. 6. UNUSQUISQUE IN VIAM SUAM
 DECLINAVIT. Declinant in Adamo: immo
 & inclinatione naturæ.

V. 7. OBLATUS EST QUIA IPSE VO-
 LUIT, &c. Habuit quidem Christus mori-
 endi præceptum, sed tamen libertas sta-
 bat, ut dixi Lib. X. Theol. & libere ac-
 ceptavit mortem; ac proinde vere etiam
 hoc retinuit rationem sacrificii. Gal. 11.
 20. *Tradidit semetipsum*. Item Ioan. xvii.
 19. *Et pro eis ego sanctifico* (hoc est sacri-
 ficio) *meipsum*. Expende hic in adiun-
 ctis & circumstantiis libertatem & electio-
 nem: nam non casu aliquo, sed ex Christi
 & Patris electione factum est, ut pateretur
 Ierosolymis extra portam in cruce, expan-
 sis manibus, & in festo Paschæ: non sic
 Martyres, quod etiam dixit Ioan. cap. x.
 18. *sed ego pono eam* (animam) *a me-*
ipso. Plura Theologi de substantia actus
 moriendi. Denique sicut agnus ad occisionem

V. 8. DE ANGSTIA ET IUDICIO SU-
 BLATUS EST, &c. hoc est, de angusto iu-
 dicio & iniusto sublatus est, ut sit in vul-
 gato per hendyaden; & ex Hieronymo,
sublatus est, ascendendo mex victor ad Pa-
trẽm. Additur: GENERATIONEM EIUS QUIS
 ENARRABIT? וְיִי וְעַד דּוֹר, *et, gene-*
ratio; & varie a variis hoc exponitur. Sa-
 ne Patres communiter accipiunt generatio-
 nem Christi; & quidem aliqui divinam,
 ut Iust. contra Trypho. & Basil. Lib. I.
 contra Eunom. alii humanam intelligunt,
 ut Athan. Lib. de Incarnatione Verbi, &

Tet-

Tertul. contra Iud. cap. xiii. Denique de utraque intelligunt Hieron. Cyril. Procop. & Augult. hom. xxxvi. inter L. Isaias considerans indignam mortem, exclamat, dum generationem contempletur: nec desunt qui per generationem intelligant sobolem numerolam, seu ingentem Christianorum numerum, nec repugnant voces דר & דר.

V. 9. & 10. ET DABIT IMPIOS PRO SEPULTURA, &c. Dabit impios in gehennam pro sepultura (eo quod occiderunt iustum) & divites, Pilatum, Herodem, &c. denique ipsam mortem vindicabit morte aeterna.

V. 11. & 12. PRO EO QUOD LABORA-

VIT, &c. INSCIENTIA SUA IUSTIFICABIT, in cognitione ipsius & sapientia, vel etiam per fidem vivam & veram: & hac quidem erunt pro eo quod laboravit: ex quo recte colligitur deberi Christo ex iustitia nostram gratiam & gloriam, ut dixi in qq. de merito Christi. Videri potest Suares III. p. q. 1. art. 2. disp. 4. sect. 5. At quid est tortum spolia dividere? Certe Christus Gentiles velut spolia eripuit daemoni: & ex illis Doctores fecit & columnas in Ecclesia. Aug. I. de consen. Evang. cap. xxxi. interpretatur hoc de bonis & divitiis Idololatrarum applicandis Ecclesiae.



C A P U T LIV.

Ecclesiam invitat ad letitiam quod ex Gentibus futura sit numerosior quam erat Synagoga, & per orbem propaganda, perpetua Dei protectione sit in securitate vituta, veteris oblita calamitatis: quodque ex pretiosis edificabitur lapidibus, in iustitia fundata: omnesque in ea docti erunt a Deo multitudinis pacis fruturi.

1. **L**AUDA * sterilis quæ non parit: (a) decanta laudem, & hinni quæ non pariebas: quoniam multi filii desertæ, magisquam eius quæ habet virum, dicit Dominus. 2 Dilata locum tentorii tui, & pelles tabernaculorum tuorum extende, ne parcas; longos fac funiculos tuos, & clavos tuos consolida. 3 Ad dexteram enim & ad lævam penetrabis: & semen tuum Gentes hereditabit, & civitates desertas inhabitabit. 4 Noli timere, quia non confundere, neque erubescere: non enim te pudebit, quia confusio adolescentiæ tuæ obliwiseris, & opprobrii viduitatis tuæ non recordaberis amplius. 5 Quia dominabitur tui qui lecit te, (b) Dominus exercituum nomen eius: & redemptor tuus sanctus Israel, Deus omnis terræ vocabitur. 6 Quia ut mulierem derelictam & merentem spiritum, vocavit te Dominus, & uxorem adolescentiam abiectam, dixit Deus tuus. 7 Ad punctum in modico dereliqui te, & in miserationibus magnis congregabo te. 8 In momento indignationis abscondi faciem meam parumper a te, & in misericordia sempiterna misertus sum tui: dixit redemptor tuus Dominus. 9 (c) Sicut in diebus Noe istud mihi est, * cui iuravi ne inducerem aquas Noe ultra supra terram: sic iuravi ut non irascar tibi, & non increpem te. 10 Montes enim commovebuntur, & colles contremiscent: misericordia autem mea non recedet a te, & sædus pacis meæ non movebitur: dixit miserator tuus Dominus. 11 Pau-

per-

percula, tempestate convulsa, absque ulla consolatione. Ecce ego sternam per ordinem lapides tuos, & fundabo te in sapphiris, 12 & ponam iaspidem propugnacula tua: & portas tuas in lapides sculptos, & omnes terminos tuos in lapides desiderabiles: 13 (d) Universos filios tuos doctos a Domino, & multitudinem pacis filiis tuis. 14 Et in iustitia fundaberis: recede procul a calumnia, quia non timebis; & a pavore, quia non appropinquabit tibi. 15 Ecce acola venit, qui non erat mecum, advena quondam tuus adiungetur tibi. 16 Ecce ego creavi fabrum sufflantem in igne prunas, & proferentem vas in opus suum, & ego creavi interfectorem ad disperdendum. 17 Omne vas, quod fictum est contra te, non dirigitur: & omnem linguam resistentem tibi in iudicio, iudicabis. Hæc est hæreditas servorum Domini, & iustitia eorum apud me, dicit Dominus.

(a) Luc. XXIII. 29. Gal. IV. 27. (b) Luc. I. 12. (c) Genes. IX. 25. (d) Ioan. VII. 45.

B R U G E N S I S.

ROMANÆ CORRECTIONES.

Verf. 1. *Lauda sterilis quæ non parit*. Pro *lauda* est in multis libris *letare*, sed a LXXII. & Apostolo Gal. IV. 24. acceptum.

Verf. 9. *Cui iuravi, ne inducerem aquas Noe ultra supra terram*. Nomen proprium *Noe* retinendum est, nec in eius locum surrogandum nomen appellativum diluvii.

C O M M E N T A R I A.

M A L D O N A T I.

Verf. 1. **L**AUDA (Cum; id est, gratias illi age ob filiorum multitudinem) STERILIS, id est, Ecclesia Gentilium, quæ hæcenus sterilis fuit. DE-CANTA LAUDEM, ET HINNI, וְהִנְנִי, & exulta. QUONIAM MULTI FILII DESERTAE; id est, plures filii erunt viduæ, quam coniugatæ, id est tibi, quam Synagoge Iudæorum. Hebraismus est, & repentina mutatio personæ. Similis locus supra cap. XXXV. 1. & apud Ierem. cap. XV. 9. & I. Reg. II. 5. *Quoniam sterilis peperit plurimos, & quæ multos habebat filios infirmata est*. Alii hunc locum non de Ecclesia Gentilium & Iudæorum, sed de duplici Ecclesia Iudæorum statu interpretantur, ut coniugata dicatur ante quam in captivitatem duceretur; sterilis vero & vidua dum in ipsa captivitate fuit; ut sit sensus, fore ut plures filios habeat post captivitatem quam ante habuerat.

V. 2. *DILATA LOCUM TENTORII TUI*: ut possit multitudinem filiorum capere.

NE PARCAS, id est sine modo & sine fac ut. extendantur. Hebr. שׁוּׁׁ extendant.

V. 3. *AD DEXTERAM ENIM ET AD LAEVAM*; id est, per omnes terræ partes, ubique prædicabitur Evangelium: Marc. XVI. II. *Euntes in mundum universum prædicate Evangelium omni creature*. Et in omnem terram exivit sonus eorum, & in fines orbis terræ verba eorum; ut D. Paulus interpretatur Rom. X. 18. *ET SEMENTUUM*; id est, Christianismus omnes gentes occupabit.

V. 4. *QUA CONFUSIONIS ADOLESCENTIAE TUAE OBLIVISCERIS*; id est, peccatorum tuorum quæ in adolescentia tua, id est antequam Christo matrimonio coniuncta esses, feceras, post baptismum obliviscere, quia remissa tibi erunt. ET OPPROBRIUM, &c. Idem significat; eandem enim Gentilium conditionem, adolescentiam, & viduitatem vocat.

V. 5. *QUA DOMINABITUR TUI*, id est *maritus tuus erit*, כַּלֵּיךְ. Maritus enim Hebræe mulieres dominum suum vocant. QUI FECIT TE, id est qui te regeveravit, ut

ut ait D. Paulus Ephes. 11. 10. *Ipsius enim factura sumus creati in Christo Iesu*; quasi dicat: Secura eris, quia habebis maritum, & potentem, & amantem, & fecundum, qui te defendat. Hæc enim omnia includuntur illo uno verbo, *qui fecit te*. DOMINUS EXERCITUUM. Hebraismus; pro, cui nomen est Dominus exercituum. ET REDEMPTOR TUUS; id est, qui te redemit erit maritus tuus, cui nomen est SANCTUS ISRAEL, ET DEUS OMNIS TERRÆ.

V. 6. QUIA UT MULIEREM DERELICTAM, id est viduam sine marito, ET MOERENTEM animo, VOCAVIT TE DOMINUS; id est, matrimonio sibi copulavit, vocavit ad nuptias suas. ET UXOREM; id est, ut uxorem quæ ab adolescentia sua repudiata est a viro suo. Miserabiles enim sunt adolescentes viduæ, quam senes. Potest Hebraice alius etiam esse sensus, כַּחֲשֵׁת נְעִירִים, tamquam uxorem adolescentem, id est valde dilectam, aut valde fecundam (vocalit, aut duxit te.) Solent enim iuniores uxores magis a maritis amari, & fecundiores esse; quasi dicat, Ex muliere abiecta & sterili, fecit te uxorem dilectam atque fecundam. DIXIT DEUS TUUS, id est vocavit te Deus tuus; aut, dixit, pro, dicit Deus tuus.

V. 7. AD PUNCTUM IN MODICO. כְּרֶגֶץ, ad momentum exiguum. Hoc videtur magis Iudeorum, quam Gentilium Ecclesiæ convenire: Iudeos enim ad breve tempus dereliquit, & in captivitatem abduci permisit: quamquam & de Gentilibus intelligi potest, quos Deus ante adventum Christi, quasi ad modicum tempus abiectis videbatur, ut maioribus eos postea beneficiis cumaret. ET IN MISERATIONIBUS MAGNIS; id est, magna mea misericordia motus revocabo te a captivitate, si de Iudeorum; aut ab errore, si de Gentilium Ecclesia id intelligamus. Opponit autem magnas miserationes modico momento quo eos dereliquerat, ut ostendat magis se misericordiam quam iustitiam exercere. Superexaltat enim misericordia iudicium: Job 11. 13. Sicut versus sequenti opponit misericordiam sempiternam momento indignationis.

V. 9. SICUT IN DIEBUS NOE. Hebraei nunc legunt, כִּי יָמֵי נֹחַ, quoniam aqua Noe; multo melius videtur Interpretatio-

ster ac meliore sensu legisse, כִּי־יָמֵי, conium de, sicut in diebus Noe: sicut & Chaldaus Paraphrast. quamquam Septuag. aliter legunt, ἀπὸ ὕδατος τοῦ Νῶε. Sensus autem est: Ita nunc me geram erga Ecclesiam, sicut olim in diebus Noe: sicut enim iuravi tunc non esse futurum aliud diluvium, Gen. 1x. 13. ita nunc iuravi fore ut non amplius Ecclesia in captivitatem ducatur. Ex quo peripicuum est, Iudeorum, qui post Christum extiterunt, Synagogam non esse veram Ecclesiam, cui hæc promissio facta sit, cum semper postea in captivitate fuerint.

V. 10. MONTES ENIM COMMOTEBUNTUR. Oratio absoluta pro condicionali; quasi dicat: Etiam si montes & colles moverentur, misericordia mea & promissio staret, qualis est illa Matth. xxiv. 35. Cælum & terra transibunt, verba autem mea non præteribunt.

V. 11. PAUPERCULA; id est, o tu Sion, aut Ecclesia, quæ nunc pauperca es, & tempestate iactata. ECCE EGO STERNAM PER ORDINEM LAPIDES TUOS: vel, בָּרֶץ, in carbunculo, ut interpretatur R. David; id est, edificabo te, faciam fundamenta tua סִרְבִּץ יַעֲמִיךָ (sub. fundamenta tua) ex carbunculo, singulare pro plurali, id est, faciam fundamenta tua ex carbunculis & SAPPHIRIS. Quod si referatur ad Ecclesiam militantem, carbunculos & sapphires Apostolos interpretari possumus, qui post Christum Ecclesiæ fundamenta sunt, Ephes. 11. 20. Si ad triumphantem, aut duodecim Apostolos, aut duodecim tribus Israel, ut in Apocal. cap. xxi. 19.

V. 12. ET PONAM IASPIDEM: כֹּדֶד, alii iaspidem interpretantur, ut Septuag. alii margaritam, ut Chald. Paraphrast. alii gemmas, alii carbunculum, alii rubinum, alii crystallum, alii adamantem. PROPUGNACULA TUA: שְׁשִׁשֹּׁתַיִךְ, scutillas tuas, שֶׁשֶׁט, id est a sole, quod pereas sol ingrediatur, ut ait R. David in Lib. rad. & in comm. ET PORTAS IN LAPIDIBUS SCULPTOS: hypallage, pro, in portas lapides sculptos: vel, מְאֻקִּים, lucentes, carbunculos. ET OMNES TERMINOS TUOS, id est angulos, IN LAPIDIBUS DESIDERABILES, id est ex lapidibus pretiosis.

V. 13. UNIVERSOS FILIOS TUOS DOCTOS A DOMINO, id est a Christo ipso, qui in terris visus est, & cum hominibus conversatus,

satus, Baruch. III. 38. Aut, docti a Domino, id est interna Dei inspiratione, ut videtur Christus ipse interpretari Ioan. VI. 45. Non quod Christiani non indigeant etiam externa disciplina, sed quod lex Evangelica natura sua magis spiritalis sit, quam Moisaica, & magis interna, ut ait Ierem. XXXI. 33. *Dabo legem meam in visceribus eorum, & in corde eorum scribam eam.* ET MULTITUDINEM PACIS, id est spirituale consolationem.

V. 14. ET IN IUSTITIA FUNDABERIS, id est in mea promissione, ut supra dixit vers. 10. Iustitiam autem Dei promissionem appellari, quod iustum sit ut faciat quod promissit, saepe adnotavimus. REDE PROCUL. Imperativum pro futuro; id est, procul aberis ab omni oppressione *עָרָבָה*. QUIA NON TIMEBIS, id est quia nihil erit quod tibi terrorem incutiat. ET A PAVORE, id est ab omni periculo, ab omni re formidabili, quia non accidit tibi. Pavorem & timorem vocat res ipsas quae timentur. Sicut terrores belli Latinus quidam vocavit formidabiles duces.

V. 15. ECCE ACCOLA VENIET, QUI NON ERAT MECUM; id est, Gentiles, qui prius alicui erant a me, ad Ecclesiam aggregabuntur; id est, *Vocabo non plebem meam plebem meam, & non misericordiam consecutam, misericordiam consecutam*: Olee. II. 23. & Rom. IX. 25. & I. Pet. II. 10. ADVENA QUONDAM TUUS; id est, alienigena, qui non erat tibi domesticus fidei adiungetur tibi. Alii contrario prorsus sensu interpretantur, *נָדָר רֵגֶר congregando congregabit se*: *אִם כִּתִּיתִי, sine me*, aut contra me: *כִּי נָדָר אֲנִי עָלֶיךָ יְהוָה*, quisquis congregaverit se tecum contra te cadet; id est, quisquis tecum pugnaverit, vincetur. Et versio & sensus Interpretis nostri est multo melior.

V. 16. ECCE EGO CREAVI FABRUM. Probat Deus quod dixerat se facile efficere posse, ut gentes quae ante Ecclesiae infestae erant, illi reconcilientur, qui ipsemet ante inimicas eas faciebat, id est fieri permittebat; qui autem faciebat inimicas, poterit amicas efficere. Quod autem eas ipse inimicas fecerit, docet hac similitudine. Ecce ego creavi fabrum. Per fabrum sustantem follibus prunas, intelligit eos qui suis consiliis alios exsuscitant ad bellum inferendum. Per PROFERENTEM VAS IN

OPUS SUUM, intelligit eos qui aliorum consilia executi parant instrumenta bellica, bellumque faciunt. Sicut in officina ferrea alius prunas sufflat, alius ferrum cudit & elaborat. ET EGO CREAVI INTERFECTOREM. Explicat secundum membrum, quid intellexerit per proferentem vas in opus suum.

V. 17. OMNE VAS QUOD FICTUM EST CONTRA TE; pro, quod fingetur, quod formabitur. Accommodat superiorem similitudinem; id est, omnis conatus hostium, qui contra te suscipietur, non dirigitur: *יִסְלִיחַ לֹא מִן הַיָּמִין* non prosperabitur, non bene illis succedet. ET OMNEM LINGUAM RESISTENTEM TIBI, *וְהַלֵּל הָאֵל*, insurgentem in te, id est superbe loquentem contra te. Lingua enim surgere dicitur cum elate superbeque loquitur: solent adversarii Ecclesiae factis & verbis eam oppugnare. Promittit igitur Deus, fore ut Ecclesia utrumque armorum genus infringat. HAEC EST HEREDITAS ET IUSTITIA; id est, hoc illis iure hereditario debetur, quia filii Dei sunt. Quod quidem ius ego apud me factum tecum servabo.

S A.

Vers. 1. LAUDA, &c. LXX. *Letare sterilis, quae non paris, evumpe & clama, quae non parturis*: atque ita citatur Galat. IV. Alloquitur vero Ecclesiam ex Gentibus factam. STERILIS, scilicet Gentilitas ante fidem. HINNI, id est iubila, seu exulta. DESERTAE, scilicet olim Gentilitatis. ETI' S, scilicet Synagoga. VIRUM, scilicet Deum, cui per fidem olim desponsata.

V. 2. PARCAS, id est cesses, seu negligas. CONSOLIDA, id est fortiter fige: metaphora a tendentibus tentoria.

V. 3. AD DEXTERAM, &c. Chald. ad Austrum, & inhabitabit Aquilonem. SEMEN, id est filii. DESERTA, scilicet fide olim. HEREDITABIT, id est possidebit.

V. 4. CONFUSIONIS, scilicet de peccatis. VIDUITATIS, id est cum sine Deo esses, quem per peccata amiseras.

V. 5. DOMINABITUR TUI; quasi dicat, Obedies ei. VOCABITUR, id est agnosceatur esse.

V. 6. VOCAVIT, scilicet ad se. UXOREM;

REM; pro, velut uxorem. DIXIT, pro, dicit.

V. 7. AD PUNCTUM IN MODICO. LXX. *tempore modico.*

V. 8. IN MOMENTO INDIGNATIONIS. LXX. *in furere parvo.* MISERTUS SUM.

LXX. *miserere.* DIXIT; pro, dicit.

V. 9. ISTUD MIHI EST, id est accidit.

V. 10. MONTES, &c. quasi dicat: Citi-
us montes loco suo movebuntur, quam
desinam misereri.

V. 11. TEMPESTATE CONVULSA, scilicet
more arboris. Chald. *iniuria affecta.*
LXX. *instabilis.*

V. 12. SCULPTOS. LXX. *crystalli.* DE-
SIDERABILES, id est pretiosos, LXX. *ele-*
ctos: significantur per hæc virtutes, seu
electorum perfectiones.

V. 13. DOCTOS A DOMINO. Vide Ioan.
vi. 1. Thes. iv. Aug. de Gratia Christi,
cap. xii. & seq. Chald. *discentes legem*
Domini: potius videtur fides intelligi, quæ
donum Dei est, nec nisi Deo persuadente
suscipitur.

V. 14. RECEDE; pro, recedas. CALU-
MNIÆ, id est oppressione. LXX. *iniquo*
QUIA. LXX. &c.

V. 15. ACCOLA. LXX. *profelyti,* scilicet
ad fidem conversi. MECUM; pro,
meus, scilicet antea, cum fide careret.
ADVENA, id est peregrinus, scilicet gen-
tilis.

V. 16. CREAVI, &c. quasi dicat: Ego
affixi, ego eripiam.

V. 17. OMNE VAS. Chald. *omnia arma.*
FICTUM. Chald. & LXX. *paratum.* DI-
RIGETUR. LXX. *prosperabitur.* IUDICA-
BIS. Chald. & Complut. *condemnabis.* LXX.
vinces. HÆC, id est talis, scilicet in pa-
ce & securitate æterna.

EST II.

Vers. 1. **L**AUDA STERILIS QUÆ NON
PARIS, DECANTA LAUDEM,
ET HINNI QUÆ NON PARIEBAS, QUO-
NIAM MULTI FILII DESERTÆ MAGIS,
QUAM EIUS QUÆ HABET VIRUM. Quod
quædam exemplaria pridem habuerunt,
letare, sumptum erat ex epistola ad Gal-
lat. cap. iv. ubi hanc sententiam allegat
Apostolus, & legit *letare* secundum Se-
ptuaginta: nam Apostoli, ubi parum aut
nihil interest ad sensum, fere testimonia

Bib. Sac. Tom. XVII.

ex Scriptura citant secundum interpreta-
tionem Septuaginta. Hebr. est, *lauda,* seu
iubila. Apostolus Paulus illo loco hanc
scripturam nobis interpretatur; per steri-
lem illam intelligens ecclesiam novi tes-
tamenti, per maritatem autem synago-
gam, seu statum veteris populi; & sen-
sus est: Ecclesia prius quidem sterilis erat,
& deserta, quia paucissimos filios pariebat
Deo: nam ante Christum pauci, idque
tantum In Iudæa, per veram fidem &
pietatem incorporabantur Ecclesie, post
Christum autem secunda est multitudine
filiorum, quando ex omnibus gentibus na-
ti sunt ei filii. At vero Synagoga in po-
pulo illo Iudaico plurimos pariebat & ge-
nerabat in servitutem, ut Apostolus ibi lo-
quitur ad Gal. iv. Postea autem penitus
deserta est, corruscante tandem per totum
mundum Evangelio Christi.

V. 10. MONTES COMMOVEBUNTUR ET
COLLES CONTREMISCENT: MISERICOR-
DIA AUTEM MEA NON RECEDET A TE,
ET FOEDUS PACIS MEÆ NON MOVEBITUR.
Promissio est novi testamenti, quod
vocat hic foedus pacis: & ostendit illud
futurum æternum, & numquam abolen-
dum, sicut primum illud & vetus testa-
mentum abrogatum fuit; *quia ipsi non*
mi auferunt, inquit Propheta, *in testa-*
mento meo. Sensus itaque est: Prius mon-
tes commovebuntur, & colles contremi-
scent, quam irritum faciam pactum meum,
quod feriam tecum; vel, quam auferam
misericordiam meam a te.

V. 13. ERUNT OMNES DOCTI A DO-
MINO. Hunc locum allegat Christus Ioan.
vi. & sensus est, quod illa scientia Dei,
& mandatorum eius ad promissionem no-
vi testamenti pertinet; quæ non est nuda
scientia, sed coniuncta cum bono affectu
& voluntate implendi legem. Hoc enim
est, quod ex Ieremia citat Apostolus ad
Hebr. viii. *Dabo leges meas in cordibus*
eorum. De hac eadem scientia, seu doctri-
na loquitur psalmista cum orat Psalm.
cxliiii. *Doce me facere voluntatem tuam.*
Et Apostolus I. Thes. iv. dicens: *Ipsi vos*
a Deo didicistis, ut diligatis invicem: nam
sequitur: *Etenim illud iucitis in omnes fra-*
tres: ubi satis significat eos qui sciunt &
non faciunt, non esse doctos a Domino,
secundum prophetiam hanc filiis novi tes-
tamenti dictam.

Ecc MA.

M A R I A N A E.

Verf. 1. LAUDA STERILIS. Iubila sterilis. Chald. *Lauda Ierusalem, quæ eras ut mulier sterilis.* Ad Galat. iv. 27. *Lutare sterilis quæ non parit: erumpe & clama, quæ non parturit.* Sic Sept. DECANTA LAUDEM. Hebr. *exalta vocem in iubilo, & hinni.* QUÆ NON PARIEBAS. Chald. *quæ eras quasi mulier, quæ non concepit.* QUONIAM MULTI FELIT, id est plures filii. Hebræi carent comparativo. DESERTAE, id est viduæ, aut sterilis. Ecclesiæ amplitudinem denuntiat.

V. 2. DILATA LOCUM, scilicet ut tam multos filios tentorium capiat. PELLE TABERNACULORUM TUORUM EXTENDE. Hebr. *cutinas extendant.* NE PARCAS. Hebr. *ne prohibeas.* LONGOS FAC FUNICULOS TUOS. Funicus & clavis, seu paxillis erigebantur tentoria.

V. 3. PENETRABIS, seu *irrueris*, seu *dilataberis* ad dexteram & lævam. GENTES HEREDITABIT; pro, subiciet semen tuum.

V. 4. NON CONFUNDERIS, id est non pudebis. CONFUSIONIS ADOLESCENTIAE TUAE; scilicet obliuisceris ejus temporis, cum eras sterilis & vidua, quod erat tibi pudori & opprobrio. Ea sterilitas fecunditate mutabitur.

V. 5. QUIA DOMINABITUR TUI QUI FECIT TE. Hebr. *quia maritus tuus (erit) facior tuus.* Vide quanta felicitas. VOCABITUR; pro, vocatur, scilicet vir tuus. Maritus tuus Deus est universæ terræ.

V. 6. VOCAVIT TE DOMINUS, scilicet in domum suam. ET UXOREM AB ADOLESCENTIA ABIECTAM. Hebr. *uxorem adolescentie,* quando a viro tuo Deo reprobata eras, scilicet te vocavit, & accepit. DIXIT DEUS TUUS; pro, & dixit Deus tuus. Quid dixit? nimirum quod sequitur.

V. 7. AD PUNCTUM IN MODICO. Hebr. *in momento parvo desoligui te.* Brevis fuit repulsa, & repudii tempus exiguum, nunc te maioribus donis cumulabo, maiori amore complectar. CONGREGABO TE, id est reducam te.

V. 8. IN MOMENTO INDEGNATIONIS; pro, brevis fuit indignatio, ob quam abscondi faciem, ut solent irati. PARUMPER. Hebr. *momento.* ET IN MISERICORDIA

SEMPITERNA MISERTUS SUM TUI. Ho de Ecclesia intelligi debet, non de Synagoga.

V. 9. SICUT IN DIEBUS NOE, Sic Chald. *כי Chi*, pro, *sicut*, Iudic. viii. 16. *כי mei*, pro *כי iemei*, *aque*, pro *diebus*. Aliqui vertunt: *Quia aquæ Noe hoc mihi*, id est perpetua ut tunc erit reconciliatio. Sed Hieronymi interpretatio commodior est, quam sequitur Pagn. CUI IURAVI. Ergo sicut tunc iuravi, sic nunc, forte ut non amplius irascar tibi.

V. 10. MONTES ENIM COMMOVEBUNTUR, seu *recedent.* COLLES CONTREMISSCENT, seu *mutabunt;* quasi dicat: Si montes defecerint, & de loco recesserint, misericordia tamen mea stabilis permanebit & firma. *Cælum & terra transibunt:* Matth. xxiv. 35.

V. 11. CONVULSA, scilicet eras arboris instar, sive obruta iactata tempestare. At ego STERNAM PER ORDINEM. Hebr. *sternam in margarita (ידבב bepuh) lapides tuos;* quasi dicat: Quando mica es uxor, domum tibi ædificabo. Ac primum pavimentum ex margaritis erit. ET FUNDABO TE IN SAPPHIRIS, id est fundamenta domus ex sapphiris ponam. Per fundamenta parietes etiam intellige.

V. 12. ET PONAM IASPIDEM PROPUGNACULA TUA. Hebr. *& ponam carbunculium,* sive *crystallum fenestras tuas,* id est faciam eas ex eo lapide. Porro fenestæ hic vocantur *sinsoth*, quoniam per illas sol intrat, qui Hebr. vocatur *semes*. ET PORTAS TUAS IN LAPIDIBUS SCULPTOS. Hebr. *& portas tuas in lapides Ekdah;* quem rubinum dicunt esse Hebræi. Neque de his vocibus oportet laborare, earum significationes ignotæ sunt. DESIDERABILES, id est pretiosis lapidibus agrum omnem sternam. Aut agrorum limites pretiosi lapides crunt.

V. 13. DOCTOS A DOMINO, scilicet ponam; id est, omnes filii tui erunt sapientes, ob fidem susceptam, & eius mysteria, nullus inter vos insipiens, universi felices & divites. Id significant illa verba: ET MULTITUDINEM PACIS FILIIS TUIS. Pacem bona omnia comitantur.

V. 14. ET IN IUSTITIA FUNDABERIS, seu *firmaberis.* Iustitiæ opera quæ facies, te stabilient. Iustitia regna stant, iniuria cadunt. RECEDE PROCU A CALUMNIA. Ea est iustitiæ pars. Hebr. *percul eris a effres-*

oppressione : nemo te opprimit . Is est iustitiae fructus . **QUIA NON TIMEBIS** . Ne metus quidem oppressionis sollicitabit . **ET A FAVORE** . Pagn. *a contritione* . Chald. *ab interitu* .

V. 15. ECCE ACCOLA VENIET . Hebr. *ecce congregando congregabis* , (scilicet hostis militis) *non ex me* , id est non meo iussu . **ADVENA QUONDAM** . Hebr. *qui congregaverit tecum* (id est in regione tua) *contra te* , *cadet* : nimirum vincetur . Aut accola & advena tibi opem ferent .

V. 16. CREAVI FABRUM : permisi ut esset . **VAS IN OPUS SUUM** , id est bellicum instrumentum suo opere & labore confecit . **CREAVI INTERPECTOREM** , id est , milites esse permisi , quos interfectores vocant ; quasi dicat : Volui ut silent arma & milites . Ego tamen ea dirigam .

V. 17. OMNE VAS , id est bellicum instrumentum contra te factum . **NON DIRIGETUR** . Hebr. *non prosperabitur* . **ET OMNEM LINGUAM RESISTENTEM TIBI** . Hebr. *quæ insurrexerit tecum* , id est contra te . **IN IUDICIO** , **IUDICABIS** . Hebr. *condemnas* , *impium offendes* . Itaque sive bello impetent te , arma inutilia reddent : sive in iudicio contendunt , in eo victoriam consequeris . **ET IUSTITIA EORUM** , id est merces iustitiae servorum Dei , hæc est victoria de hostibus .

M A L V E N D A E .

Verf. 1. LAETARE &c. Alii ex Hebr. *Lauda* , *ede vocem laetam* , *exulta* , *iubila* , *præconiza* , *ova* , *canta* . Explicatis , inquit , perpeffionibus & gloria consequente Christi , nunc demum Prophetæ ad Ecclesiam Christianam sermonem habet , ut quæ filios Dei in Christo esset genitura : quia Christus Ecclesie veteri sive synagogæ erat scandalo , ut superiore capite dictum est , ac proinde hæc filios ex carne tantum , non ex promissione gignebat Deo . Sunt autem in hoc capite tres promissiones evangelicæ , quæ sunt Ecclesie : prima est , de multiplicatione & propagatione Ecclesie per totum terrarum orbem , tribus versibus : secunda est , de reintegrando Dei fœdere in remissionem peccatorum , & gratitiam reconciliationem vel gratiam æternam , usque ad verf. 11 . tertia est , de tradenda gloria & salute cum

hostium excidio coniuncta , ad finem ultime . **STERILIS** . *Typus gloriarum* , *crucata* , vide in Genes. xi. 30 . id est , tubilimis Ierusalem Ecclesia libera , mater omnium nostrum , quæ non secundum carnem gignit , sed secundum spiritum , ex fœdere & promissionibus in Christo . Sic autem appellatur Ecclesia Christiana respectu Ecclesie veteris , quæ usque ad tempora Christi fuerat coniugata Deo , & filios secundum carnem genuerat . **QUAE NON PARIS** . Hebr. *quæ non peperit* , vel *parit* , videlicet secundum carnem ; vel statim suis primis initiis paucissimos habebat filios . **DECANIA LAudem** . Alii : *prorumpit in iubila* . II. *persona ovatione* . III. *decanta laudem* . IV. *vocifera præconium* . V. *fragorem ede cantu* . **ET HINNI** . Alii : *claram ede vocem* , *vel intona* . **QUAE NON PARIEBAS** . Hebr. *quæ non doluit* , vel *delet* , *quæ non enixa est* , vel *parturivit* , seu *partus doltribus afficitur* . **DESERTAE** . Hebr. *desolata* , *assata* , *horride* ; id est , Ecclesie illius sterilis , quæ in adventu Christi desolata erat , & desolata liberis , ut supra dixerat cap. lii. 9 . **MAGIS QUAM EIUS QUAE HABET VIRUM** . Hebr. *quam filii בעולah begulah* ; quæ vox hæc omnia complectitur , *petita* , *passive* , id est quæ potius est vir , *adornata* , *subagitate* , *maritata* , *coniugata* , *possesse* , *dominata* , a viro , id est veteris Ecclesie , cui Deus se sacro connubio iunxerat , ut indicatur infra verf. 5 . & 6 . Hunc versum citat Paulus Galat. iv. 27 . ex Translatione LXX .

V. 2. DILATA LOCUM TENTORII TUI , &c. Hunc versum alii ex Hebr. reddunt : **I. Dilata locum tentorium tuorum** , & *coram tabernaculorum tuorum extendantur* , ne parcas id facere : *deduc quæ longissime funes tuos* , & *clavos tuos firma* ; id est , fortiter fige in terram . **II. Dilata locum tentorii tui** , & *aulea habitaculorum tuorum extendantur* , *impersonaliter* , pro extendantur , usitato more Hebraico : *ne cohileto : prelunga funes tuos* , & *clavos tuos confirma* ; id est , ex ecclesia singulari Iudææ , fies Catholica sive universalis : allegoria quam sequens versum explicat . **NE PARCAS** . Hebr. *non probilebis* , *cohilebis* , *subtrahes* , *detinebis* , *retinebis* , *reservabis* . Forcius reddit : *ne cogitanda cœnteris* ; perspicua allucinatione pro verbo חשב cheshab , cum *Scin* sinistro & *Caph* , legit חשב cheshab , cum *Scin* dextro , & *Beih* , *deceptus simili* .

tudine litterarum *Caph*, & *Beth*.

V. 3. AD DEXTERAM ENIM, &c. Clarior alii hunc versum ex Hebr. convertunt: I. Quia tam ad dexteram quam ad levam erumpes; id est, perumpes multitudinem, sive multiplicaberis: & semen tuum gentes possidebit, & urbes desolatas inhabitabunt; id est, prædicatione filiorum tuorum gentes converterentur ad Christum, & filii tui fideles habitabunt in urbibus ante per infidelitatem desertis. II. Nam dextrorsum, & sinistrorsum prurumpes: semen tuum gentes hereditario iure possidebit, Psalm. II. 8. ac civitates desolatas efficiet habitabiles.

V. 4. NOLI TIMERE, QUIA NON CONFUNDERIS, &c. Alii hunc versum ex Hebr. explanant: Ne timeas, quia non erubescas, & ne ignominia confusa es, quia non pudebit te: sed verecundie adolescentie tue oblivisceris, & probri viduitatis tue non recordaberis amplius. Secundus locus promissionum evangelicarum, ut dictum est in vers. 1. de peccatorum remissione, hoc versu; reconciliatione, duobus sequentibus, & gratia aeterna a vers. 7. ad 11. NON ENIM TE PUEDEBIT. Hebr. quia non infodere facies, sive non infodies te, præ pudore. Alii: quia non avertes te, vel non deformaberis. Nonnulli: quia non absconderis præ pudore, vel quia non erubescere facies, subaudi, filios tuos: sic sumitur verbum *כפר* *caphar*, in Hiphil, supra cap. xxxiii. 9. ADOLESCENTIAE TUAE. Hebr. pluraliter, adolescentiarum, seu virginitatum, tuarum: quod virgines non pariant.

V. 5. QUIA DOMINABITUR TUI QUI FECIT TE, DOMINUS EXERCITUM NOMEN EIUS. Hebr. Quia domini, patroni, heri, possessores, mariti, coniuges tui, saltores tui, IHU EXERCITUM NOMEN EIUS. Pluralis numerus perspicue ostendit mysterium Trinitatis personarum; & singulare pronomen eius, unitatem essentiae. Aliqui reddunt: Nam coniux tuus eris epifex tuus; cuius nomen Iehova exercituum. DEUS OMNIS TERRAE VOCABITUR. Ac non Iudaeorum tantum, ut ante dicebatur.

V. 6. QUIA UT MULIEREM DERELICTAM, &c. Hunc versum alii ex Hebr. esserunt: I. Quoniam sicut mulierem desertam, & contristatam, sanciam, discreditam spiritui vocavit te Iehova: utitur autem hic Propheta eleganti paronomasia,

גְּזֵזְתָּהּ *ghazabath*, derelictam, & *צָרָתָהּ* *ghatzabath*, contristatam, qua significat derelictam a marito, etiam contristatam: & mulierem adolescentiarum, seu inventumum, quæ reiecta est, id est repudiata, ait Deus tuus. II. Quia sicut mulierem derelictam, & dolore affectam spiritu, vocavit te Iehova; & uxorem adolescentiam, cum repudiata fueris, dixit Deus tuus. III. Quia ut mulier derelicta fuisti, & afflictam spiritu vocavit te Iehova: fuisseque sicut uxor inventutis tua spernitur, dixit Deus tuus. IV. Iehova enim vocavit te velut seminam dimissam, & spiritu afflictam, & veluti seminam adolescentem, seu invenem, quæ repudiata est, vel quando reicitur. V. Nam ut uxorem derelictam, & dolentem animo revocat te Iehova, videlicet quæ iam longo tempore non gignebat ex promissione filios, sed tamquam stertilis spernebatur a synagoga, ut vers. 1. & uxorem adolescentiam, quamvis spreta sis, ex sterilitate, quæ olim probrosa habebatur; dicit, vel appellat Deus tuus.

V. 7. AD PUNCTUM IN MODICO. Heb. in rigore, momento parvo, paulo. MISERATIONIBUS MAGNIS. Exponunt, Id est æternis, ut exponitur sequente versu.

V. 8. IN MOMENTO INDIGNATIONIS ABSCONDI FACIEM MEAM PARUMPER A TE. Alii: I. Per momentum, quo irascebar, abscondi vultum meum a te. II. Punculo fervore absconderam faciem meam momento a te; id est, sterilem & desolatam reliqueram: humanitus pergit in allegoria. III. In momento ira abscondi faciem meam subito abs te, vel in momento fervoris abscondi faciem meam subito abs te: ubi Propheta utitur primo paronomasia, *קָצַף* *skerzeph*, brevissimo tempore, punculo, & *קָצַף* *kerzeph*, fervoris; deinde simul alludit ad bullam aquæ, quæ ut momentanea est, ita quoque ipsius ira. Nam *kerzeph* pro fervore seu effervescencia, id est bulla seu spuma super aqua accipitur: ut Hoseæ x. 7.

V. 9. Sicut IN DIERUS NOE ISTUD MIHI EST. Duplex hic lectio Hebraica, coniunctim unice dictione, *ימי נח* *cime*: Sicut diebus Noachi, vel disjunctim duabus vocibus *ימי נח* *chime*: Quia aqua Noachi: quam lectionem præferunt nunc exemplaria; id est, quia ut aquæ Noachi hoc mihi est. Cui curavi ne inducerem aquas NOE ULTRA SUPER TERRAM.

Alii:

Alii: qui iteravi non transierunt aquas Noachi amplius super terram, totam videlicet ad perdendum omnia: vide Genes. viii. vers. 21. & ix. vers. 9. & sequentibus.

V. 10. MONTES ENIM COMMOMOVEBUNTUR, &c. Alii hunc versum ex Hebr. evidenter reddunt: I. Quamvis hi montes recederent, & hi colles dimoverentur; otiamen benignitas mea a te non recedet; & fœdus pacis mea non dimovebitur; ait miserator tuus Iehova. II. Citius enim & montes locum deferent, & colles nutabunt, quam vel bonitas mea te deferat, vel fœdus pacis meæ nutet, ait Iehova, qui tui miseretur.

V. 11. PAUPERCULA, TEMPESTATE CONVULSA, &c. Hebr. Afflicta, turbine, seu horribili tempestate obruta, oppressa, &c. Alii ex Hebr. hunc versum varie explanant: I. En, o paupercula tempestatibus acta, vel versans in turbine, aut tumultu, & consolatione destituta: ego sternam ordinem lapides tuos in fuco, & fundabo te sapphiris. II. O afflicta, procellis agitata, consolatione destituta: ecce ego collocaturus sum eum fuco, seu ornamento, ut I. Paralipom. xxix. 2. lapides tuos, & fundaturus te sapphiris. Tertius promissionem locum, ut dictum est in vers. 1. de gloria & salute Ecclesie, quæ per allegorias & hyperbolas exprimitur. III. Ope destituta, tempestate obruta, consolatione carens: ecce ego sternam in sibi lapides tuos, & fundo te in sapphiris. IV. Afflicta, turbine iactata, non consolatione lenita: ecce ego accubare faciens, seu iacere faciens, in carbunculo, rubino, lapides tuos, & fundabo te in sapphiris. PER ORDINEM. Heb. in fuco, vel super fuco: vide I. Paralipom. xxix. 2. Possis reddere: fucatos lapides tuos, quos Hispanice dicimus azulejos embarnizados. S. Hieronymus: Sternam in sibi lapides tuos in similitudinem compæ mulieris, quæ oculos pingit sibi, ut pulchritudinem significet civitatis.

V. 12. IASPIDEM. כדכד caddad, hic tantum & Iezechiel. xxvii. 16. Mirum quam variant interpretes & lexicographi de hac voce. Quidam aiunt esse unionem, seu margaritam: alii, crystallum, alii adamantem, alii carbunculum, seu rubinum: LXX. & Noster hic, iaspidem. Forsterus annotat: Caddad a כדד lachad, cepit per apharesin littera Lamed, & geminatione ultimarum

litterarum, nomen de cuius interpretatione multum variant doctores cum Hebræi, tum Christiani: placet accipi pro bitumine pellucido, quod gagatee conveniente ipsi vocabulo: & aliqui succinum seu glessum, & Germanis agstein dicitur, eo quod in maris littore reticulis capiatur. De glesso vel succino vide Plinium Lib. XXXVII. cap. iii. & Nomenclatorem Adriani Iunii. De gagate Plinium Lib. XXXVI. cap. xix. Dioscoridem Lib. V. cap. ciii. & Galienum Lib. IX. de simplicium medicamentorum facultatibus. Hispanice dicitur azoate, notissimus vel lapis niger, squalidus, crustosus, & perquam levis, vel solidum bitumen. Tremellius, lunius, Buxtorfius, aiunt esse pyrorum, sic dictum quasi scintillantem, a כדד caddad, vel כדד caddad, scintilla Job xxi. 10. geminata prima littera radicali. Ergo hic margaritam vertunt Sanctes, Vatablus, gagateem, Forsterus, Forerius, Avenarius, Marinus, rubinum, Schindlerus, carbunculum, Reuchlinus, & Pomarius; crystallum, Leo Iudas, Forsterus, & Montanus adamantem. Montanus in commentariis huius loci. PROPUGNACULA TUA. כדד כדד schimfchohaich, ex verbo soles tuos, nam est plurale femininum cum affixo nominis schemesch, sol. Alii: solaria, seu fenestras, per quas scilicet splendor solis penetrat. Iam locum varie reddunt. Kimchi: & ponam e gemmis nigris fenestras tuas, id est e bitumine pellucido quod decorem addit struatur fenestrarum; vel e margaritis, seu unionibus vitreas arcas fenestrarum marum: ut apud nos fiunt ex vitro, aut alabastro versicolore, quas cum percutit radius solis, erit intrinsecus pulcher aspectus. Forsterus: & ponam gagateem solaria tua, id est fenestras tuas, per quas scilicet lumen solis ingreditur. Leo Iudas: & fenestras tuas et crystallum faciam. Tremellius, & lunius: & disponam pyropo specularia tua. Hebræam vocem adducti notatione ipsius, sic interpretamur hoc loco, & Ezechiel. xxvii. 16. SCULPTOS. כדד achad, gemmam accensam, vel rutilantem, hoc est carbunculum, seu pyropum, aut rubinum interpretantur, a caddad, accendere. Forerius manifesta quoque allucinatione legit, כדד ekrach, Resch, pro Daleth, littera similissima, & crystallum exposit a kerach, gelu; quod crystallus e gelu fiat, auctore Plinio Lib. XXXVII. cap. xxi. & aliis. IN LAPIDES DESIDERABILES.

BILES. Heb. *in lapides voluntatis, beneplaciti, complacentis, delectationis*, id est elapidibus speciosissimis, qui oculos & animum vehementer oblectent.

**V. 13. ET UNIVERSOS FILIOS TUOS DOC-
TOS A DOMINO:** ponam, e precedente ver-
su. Alii: *Et universi, vel omnes filii tui
edocti Iehova, vel edocti erunt a Iehova*
(vide supra cap. xi. 9. & Ioan. vi. 45.)
& multa, vel amplaque pax filiorum tuo-
rum, id est prosperitas, felicitas. **ET MUL-
TITUDINEM PACIS FILIIS TUIS.** Heb. &
multiplicabit pacem filiorum tuorum; vel &
multiplicabitur, vel & multa erit pax filo-
rum tuorum, vel filijs tuis.

V. 14. RECEDE PROCUL A CALUMNIA:
id est, non senties ullam calumniam. Heb.
*longinqua, longe procul esto a syrophantia,
fraude, fraudulentia, oppressione.* Non active,
quam tu alius inferas; sed passive, quæ
tibi inferatur; id est, tuta eris ab omni
malo: synecdochice. Quidam: I. *longe a-
beris a vi*; quasi dicat: Adeo procul ab
oppressione, ut illam non sis formidaturus.
II. *procul esto ab oppressione*; id est,
ab omni oppressionis metu absolto animus
tuus.

V. 15. ECCE ACCOLA VENIET, &c. Sub-
obscurum hunc versum Hebraice, varie
alii explanant. I. Sanctes: *Quia congregan-
do congregabis se, non ex me: quisquis con-
gregaverit se tecum contra te, cadet.* II. Scholias-
tes Sanctis: *Ecce vagans vagabitur
absque me: qui apud te vagabitur contra
te, cadet.* III. Vatablus: *Si congregaverit
se, subaudi, populus aliquis, ut opprimat
te, absque me, id est iniussu meo, vel id
non fiet iussu meo: quisquis congregaverit
se tecum, vel in te, id est in regione tua,
contra te, cadet, id est peribit.* IV. Leo
Iudas: *Ecce congregando congregabit se glo-
bus, sed absque me: quicumque congrega-
bitur tecum contra te, cadet.* V. Isidorus
Clarius: *Quicumque congregaverit se ad te,
absque me, & qui se iunxerit tibi sic, iux-
ta te corruet.* Omnes illi, inquit, qui se
tibi iunxerint malo animo, & non ex præ-
cepto meo, cadent, id est perdentur. VI.
Sanctes: *Ecce peregrinando peregrinabitur
absque me; quisquis peregrinatur tecum
contra te, cadet.* VII. Marinus: *Ecce ha-
bitando habitabit desectio ex me; id est, ad
nihilum redigam hostes tuos: qui habitas
apud te contra te, id est hostis civilis &*

intraneus, cadet. Alii verbum *non gur-
tralere*, quando constituitur cum *sy ghal*
id est *contra*, ut hic, in hostili & bellica
significatione accipiunt, pro contrahere co-
pias, exercitus. VIII. Forstenus: *Ecce qui-
cumque contrahendo, contrahunt absque me,
& qui contrahit ad te, contra te cadet; id
est, qui contrahunt bellum contra te, ca-
dent.* IX. Forenius: *Ecce, qui contrahendo
contrahit, deficit, ut non sit tecum: qui
contraxerit tecum, iuxta te cadet; id est,
quicumque in te exercitum duxerit, qui-
cumque copias adversum te collegerit, &
tecum voluerit præliari, cum scito quod a
me defecerit, & meus non sit: quicumque
autem is sit, & tecum bellum gesserit,
iuxta te cadet, ac victus iacebit.* Aptæ au-
tem existimat ad hunc Hæze locum respec-
xisse Christum Lucæ xi. 23. *Qui non est
mecum, contra me est; & qui non colligit
mecum, dispergit; id est, qui tecum non
colligit exercitum, milites conferbit, arma
parat, qui coniunctis viribus mecum
bellum gerit, is exercitum vere non
contrahit, sed potius dissipat atque dissol-
vit, & in ruinam præcipitat.* X. Avena-
rius: *En concedendo, vel congregando con-
greditur absque me: quicumque concedit,
seu congregatur tecum, is coram te corruet.*
XI. Tremellius, & Iunius: *En habitando
habitabit nullus, vel tu omnino alterceat ho-
mo nihil abalienatus a me: qui alterceabitur
in te, ruens in te corruet: id est, Neque e-
go ipse angustia affecturus sum te, neque
alios perperisurus ut te assigant, sed impe-
diturus potentia mea, quæ deinceps confir-
matur: simili argumento seipsum confirmat
Christus in sua functione, supra cap. li. 7.
& sequentibus. XII. Hispanicus Interpres:
*He agni intando se iunxera, no de mi, vel
si alguno conspirare contra ti, sera sin mi:
el que contra ti se iuntare, seu conspirare,
delante ti caera.* Interim sensus Nostri est
optimus: illud enim adiungitur tibi, apte
exponit quod Heb. dicitur, *super te cadet;*
id est, tibi cadet, ad te deficit, quod est
tibi adiungitur. Sic enim sumitur verbum
cadendi, ut Iob xii. 3. & Ierem. xxxvii.
13.*

V. 16. ECCE EGO CREAVI, &c. Hunc
versum alii ita ex Heb. reddunt: I. *Et ut
ego creavi fabrum ferrarium, qui statim car-
bones incendit, & instrumentum ad opus su-
um producit; ita ego quoque vaslatorem crea-*

vi ad perdendum; id est, ut creavero fabrum, qui fabricet arma contra te; ita creabo evorsorem, qui arma illa omnia destruat. Non dubitaverim Christum Lucæ xi. 21. & 22. Cum fortis armatus, &c. ad hunc Isaïæ locum allussisse. II. En ego creavi fabrum sufflantem in ignem prunarum, & prosperentem instrumentum ad opus suum; similiter ego creavi interfectorem ad perdendum. Confirmatio precedentis promissionis a potentia Dei in res omnes, ex creationis & administrationis iure. INTERFECTOREM AD DISPERDENDUM. Heb. funditus perdentem, perditorem, ad dissolvendum, corrumpendum, discernendum, obrupendum.

V. 17. OMNE VAS, &c. Hunc versum alii ex Heb. ita repræsentant: I. Omne vero instrumentum, quod contra te aptatum est, non promovebit, & omnem linguam, quæ consurget tecum in iudicium, impiam esse ostendens; vel & omnis lingua quæ insurrexerit contra te, hanc tu iure impiam esse convinces. Talis erit hereditas servorum Iehovæ, & iustitia eorum a me est; id est, hoc pacto ostendere soleo me approbare opera eorum iusta, quod illos libero ab hostibus eorum: dicit Iehova. II. Nullum instrumentum formatum contra te prosperabitur, & omnem linguam insurgentem contra te in ius, condemnabis; id est, nemo factis aut dictis poterit nocere tibi, sed in omnibus plusquam victrix futura es propter Christum, qui diligit te, Roman. viii. 37. Hæc est possessio servorum Iehovæ, quorum iustitia ex me, dictum Iehovæ. Epiphonema prophetiam claudens, & promissiones omnes asserens unice Dei beneficentiæ. Et iustitia eorum apud me. Quidam: eorum, qui apud me sunt; id est, qui apud me degunt, mecum habitant, mei sunt, & cum meam agunt.

MENOCHII.

Feef. 1. **L**AUDA STERILIS QUAE NON PARIS: alloquitur Ecclesiam Christi, tum ex Iudæis, tum potius ex gentibus congregandam: hæc enim initio exigua erat, & quasi sterilis respectu synagogæ, & antequam converteretur, sterilis erat, quia a Deo deserta, fide, gratia, filiis fidelibus, & sanctis destituta. HINNÏ, id est iubila, seu exulta. MULTI FILII DESERTAE, &c. quia plures filios

Deo dabit Ecclesia, quam dederit synagoga. QUAE HABET VIRUM: scilicet Deum, cui per fidem synagoga fuerat desponsata.

V. 2. DILATA, &c. Monet ut tabernaculum, & domum suam ampliorem faciat, ut filios omnes capere possit. PARCAS, id est cesses, seu negligas. LONGOS PAC FUNCULOS TUOS: ampli enim, & alti tentorii funes longi esse debent. CONSOLIDA: fortiter fige, quia usque ad finem mundi, immo in æternum duratura es.

V. 3. AD DEXTERAM, ET AD LAEVAM: ad orientem & occidentem, id est quatuorversum, per omnes mundi plagas. PENETRABIS; irrumperes, ut est in Hebræo, zelo nimirum filiorum tuorum. SEMEN TUUM: filii tui, hoc est, Apostoli, & viri Apostolici, alique fideles. GENTES HEREDITABIT: gentes subiget, & possidebit firmiter, & secure instar hereditatis. CIVITATES DESERTAS: a Deo, lege, fide, gratia & salute desertas. INHABITABIT: sedes ibi figendo, & Ecclesias excitando; & incolas ad Christum convertendo.

V. 4. CONFUSIONIS ADOLESCENTIAE TUAE OBLIVISCERIS, id est veterum peccatorum, quæ olim commisisti. OPPROBRII VIDUITATIS TUAE: cum sine Deo esses, quem peccato amiseras.

V. 5. DOMINABITUR TUI, id est quasi uxorem matrimonio sibi copulabit: hoc enim significat verbum *בָּחַל* *bahal*, scilicet tam dominari, quam maritum esse. VOCABITUR, id est esse agnoscetur.

V. 6. QUIA UT MULIEREM DERELICTAM, &c. quasi dicat: Deus redimet te, quia tu eras ut mulier derelicta, & repudiata, idcirco morrens, & miserabilis. MOERENTEM SPIRITU: animo morientem, UXOREM AB ADOLESCENTIA ABIECTAM, id est repudiatam.

V. 7. AD PUNCTUM IN MODICO. LXX. habent tempore modico: intelligit tempus bis mille annorum, quod fuit ab Abraham usque ad Christum, quo Gentilitas a Deo fuit repudiata, & derelicta, quia respectu æternitatis, qua deinceps Deo coniuncta est, factaque æterna eius uxor prius tempus habet instar puncti, ut explicat D. Hieronymus. IN MISERATIONIBUS MAGNIS: magna tibi confers beneficia. CONGREGABO TE: per Christum, & Apostolos eius.

V. 8. IN MOMENTO, &c. Repetit hoc versiculo, quod dixit proxime superiore.

V. 9. SICUT IN DIEBUS NOE ISTUD MIHI EST; id est, hoc meum iuramentum, & pactum quod per Christum faciam cum Gentibus, & cum Ecclesia, erit firmum, & æternum, sicut pactum initum cum Noe, de inhibendo deinceps diluvio, firmum fuit, & æternum.

V. 10. COMMОВЕВUNTUR: potius commovebuntur.

V. 11. PAUPERULA, &c. talis erat Ecclesia ante Christum, deserta, & pauper; sed per Christum facta est dives, splendida, &c. TEMPESTATE CONVULSA: more arboris. STERNAM PER ORDINEM LAPIDES TUOS, &c. Hæc omnis pretiosorum lapidum allegoria eo spectat, ut ostendat Dominus se Ecclesiam suam omni genere ornamentis pretiosis instruaturum, donorum scilicet, & charismatum caelestium.

V. 12. LAPIDES DESIDERABILES, id est pretiosos. LXX. habent, *electos*.

V. 13. DOCTOS A DOMINO: scilicet, ponam, quod ex superiore repetendum est. Erunt autem docti a Domino, quia Deus interius in mente lumen supernaturale intellectui, & pios impulsus voluntati aspirans, & immittens, eos docebit, & persuadebit ea, quæ per vocem externam Christus eiusque discipuli eis proponunt. ET MULTITUDINEM PACIS: scilicet, tribuam; ex doctrina enim Christi sequitur pax conscientie, & pax, & concordia cum proximis. Pax etiam, id est prosperitas, & affluentia omnium bonorum.

V. 14. IN IUSTITIA FUNDABERIS, id est firmaberis; nam ipsa tua iustitia te firmabit, tua sanctitas te tutabitur, nec sinet Deus te pefundari, quia iustitiae est vindec, & propugnator. RECEDE PROCULA CALUMNIA; id est, recedes procula calumnia, id est a quavis fraude, & cavillatione; neque enim diaboli, aut ministri eius machinamenta, & subdoli artes tibi nocebunt. A PAVORE: vires, & arma violenta intelligit, quæ pavorem incutiant.

V. 15. ACCOLA VENIET, id est Gentiles ad fidem conversi. LXX. habent, *profelyti*. QUI NON ERAT MECUM: qui alienus erat a fide. ADVENA, &c. est repetitio.

V. 16. ECCE EGO CREAVI, &c. Sententia est: Non est, quod timeas arma, quæ

hostes fabricantur; ego enim ea creavi, & dedi, efficiamque ne tibi obfint, sed subfint.

V. 17. OMNE VAS: omne bellicum instrumentum. NON DIRIGETUR: non prosperabitur, ut habent LXX. IUDICABIS. Chald. *condemnabis*. LXX. *vinces*. HÆC EST HEREDITAS, &c. Hæc est sors Ecclesiae, & fidelium eius, ut sint locupletes gemmis, & bonis caelestibus, iustitia, sanctitate, & pace plena fruantur. IUSTITIA EORUM APUD ME: iusta opera, aut eorum præmium apud me est: ego enim iustitiam munerabor.

T I R I N I.

Vers. 1. **H**INNI instar equæ, equale suo adhiñientis parta ex hoste victoria. Hac catachresi excitat Ecclesiam ad effusam lætitiæ, iubilum & plausum. Idque quia illi hæcenus DESERTAE a filiis, & ut apparebat, etiam a Deo, multo plures erunt mox FILII, quam reliquæ Synagogæ QUAE iam pridem habet VIRUM; scilicet Deum, sed a quo propter suam perditionem iam repudiata est, ut dixit cap. L. ita Forerius, immo Apostolus ad Galat. iv. 27.

V. 2. DILATA LOCUM TENTORII TUI, tot filiis excipiendis & fovendis: NE PARCAS, seu loco, seu sumptui, seu labori; sed omni studio LONGOS FAC & extende per univèrsam orbem FUNICULOS tentorii tui; ET CLAVOS a TUOS, quibus funiculi infinguntur terræ, CONSOLIDA, quia usque ad finem mundi, immo æternum duratura es.

V. 3. SEMEN TUUM, id est filii tui, non modo Iudeos alios sibi magno numero adiungent, sed & GENTES hereditabunt, id est instar propriæ hereditatis firmiter & in solidum possidebunt. Hoc est quod Deus olim Abraham promissit Gen. xxii. *Semen tuum possidebit portas inimicorum suorum*. ET CIVITATES eorum DESERTAS ante a Deo, fide, gratia, salute iam Deo subiectas, fide dotatas, gratia salvatas INHABITABUNT.

V. 5. DOMINABITUR TUI instar sponsi & mariti, non iam lex Moisaica, non peccatum, non daemon, sed QUI FECIT & redemit TE a servitute omnium hostium tuorum.

V. 6. QUA UT MULIEREM DERELICTAM,

CTAM, id est omnium ope defituram, quin & a proprio marito quasi repudiatam ET ABIECTAM, miseris tui DOMINUS VOCAVIT TE in thori tui sociam & coniugem. Neque tamen agnosco, me umquam absolute dereliquisse te, vel repudiasse.

V. 7. & 8. DERELIQUI quidem quoad extraordinarios quosdam favores, v.g. quoad incrementum & ornatum externum, & alia beneficia temporalia; sed hoc non nisi AD PUNCTUM, IN MODICO, IN MOMENTO, nempe brevissimo (respectu eternitatis) tempore quod mortem Christi immediate consecutum est, quo initar offensus & indignabundi mariti, ABSCONDI e PARUMPER A TE FACIEM MEAM, abstinens optatis tibi amplexibus, & libidini persequentium te permittens. Sed breve hoc tempus miserie & afflictionis excipient eterne miserationes mee tantæ & tam excellentes, ut omne æternitatum tempus videri faciant non fuisse nisi unius puncti d& momenti. Sed neque deinceps umquam derelinquam te sic iterum. Et hoc tibi sancte iuro,

- V. 9. SICUT IN DIEBUS NOE IURAVI non inducturum me rursus AQUAS SUPRA omnem TERRAM. Iactaberis quidem, ut arca Noe, sed numquam irascar sic tibi, nec increpabo, ut hæcenus.

V. 10. MONTES ENIM citius e loco suo COMMOVESUNTUR, quam ego definam mitteri tui, & tibi cum pace, id est bonorum omnium affluentia constanter adeste, ut iam & alias tibi promisi: ita S. Hieronymus. Porro noisc vis, quibus ornaberis bonis?

V. 11. STERNAM LAPIDES TUOS fundamentales, qui primi supra terram extant, inquit S. Cyrillus, Hieronymus & Procopius; vel qui pavimentum consciunt, ut Forerius, PER ORDINEM, id est pulchro & concinno ordine. Hebræum מַסְפָּח, idem est quod Latinum *specus*, seu *stibium*. Unde Chaldæus, Vatablus & Forerius vertunt, *sternam in stibio lapides tuos*. Sed intelligant *stibium* non liquidum, sed lapideum & sossile subnitrum, teste Dioscoride f, puta marmor fulgidum, eius coloris cuius est stibium quo mulieres solent oculos suos demingere; LXX. vertunt, *carbunculum*. Ergo instar regis, seu basilicæ pulcherrime, fundamenta tibi iaciam e carbunculis, ET SAPHIRIS: PROPUGNACULA, turres & solaria TUA EX *aspide*: PORTAS

Bib. Sac. Tom. XVII.

cx aliis pretiosis lapidibus artificiosissime sculptis: & undique terminos, id est, extremitates; LXX. *muros tuos* consilium ex lapidibus desiderabilibus, id est ita debilibus, ut passim ab omnibus expetantur. Allegorice, significant hæc illustres Sanctos, Martyres, Confessores, Patres, doctores & principes Ecclesiæ, quibus illa fundata, ornata & roborata, atque ad cælum usque evecta fuit, inquit S. Cyrillus, Hieronymus, Procopius, immo S. Ioannes Apoc. XXI. 19. Alii nobilissimas virtutes fidei, spei, caritatis & alias hic denotari contendunt; sed eodem sensu: nam personæ non nisi per virtutes redduntur illustres lapides Ecclesiæ. Sed præter illustres virtutes, ponam & aliud tibi nobilissimum ornamentum, nempe sublimem scientiam regni cælestium; non parce, vel in paucis; sed

V. 13. UNIVERSOS FILIOS TUOS ponam DOCTOS, non sola externa magistrorum doctrina, sed etiam interna ab ipso DOMINO; quasi dicat: Mytheria fidei, quæ præcones Evangelici discipulis suis exterius proponunt, ego interius, illuminando lumine supernaturali intellectus eorum, & pio impulsu excitando movendoque voluntates, inculcabo suaviter & persuadebo. Absque qua illuminatione & excitatione interna frustra est omnis doctrina externa, ut paruit in perfidis Iudæis, qui non minus audiverunt Christum & Apostolos doccentes, quam proprii ad credendum Gentiles. Sed quia volebant attendere divinæ illuminationi, (quæ ipsis tamen non deerat,) neque obsequi internæ vocationi, ideo nihil illis profuit externa prædicatione: sicut profuit Gentibus qui isdem attenderunt & obsecuti sunt. Ita explicat hunc Isaie locum ipsemet Christus Ioan. vi. 45. Unde patet, ex hoc loco ut summum colligi, necessitatem internæ gratiæ, & liberalem eiusdem communicationem tempore legis Evangelicæ, non vero (quod hæretici nostri somniant) solam illam sufficere, vel non illi resistere non posse, contra quam definit Tridentinus & SS. Patres.

V. 14. IN IUSTITIA FUNDABERIS, id est firmaberis, ut Vatablus vertit; quasi dicat: Non rapina, non fraude, non violenta tyrannide (ut solent non raro magnæ urbes) tu exsurges, cresces & stabilis, sed iusta, pia & sancta vita, morumque in-

F f f

noctn-

C A P U T LV.

Omnes ad fidem vocans, promittit donorum spiritualium abundantiam: revocantur a peccatis impii, cum Dominus misericors sit & verax in promissis: de profectu predicationis Evangelii & felicitate credentium.



OMNES sitientes venite ad aquas: & qui non habetis argentum, properate, emite, & comedite: venite, emite absque argento, & absque ulla commutatione vinum & lac.

2. Quare appenditis argentum non in panibus, & laborem vestrum non in saturitate? Audite audientes me, & comedite bonum, & delectabitur in crassitudine anima vestra. 3. Inclinate aurem vestram, & venite ad me: audite, & vivet anima vestra, & feriam vobiscum pactum

sempiternum, (b) misericordias David fideles. 4. Ecce testem populis dedi eum, ducem ac præceptorem Gentibus. 5. Ecce gentem, quam nesciebas, vocabis: & Gentes, quæ te non cognoverunt, ad te current, propter Dominum Deum tuum, & sanctum Israel, quia glorificavit te. 6. Quærite Dominum, dum inveniri potest: invocate eum, dum prope est. 7. Derelinquat impius viam suam, & vir iniquus cogitationes suas, & revertatur ad Dominum, & miserebitur eius, & ad Deum nostrum: quoniam multus est ad ignoscendum. 8. Non enim cogitationes meæ, cogitationes vestræ: neque viæ vestræ, viæ meæ, dicit Dominus. 9. Quia sicut exaltantur cæli a terra, sic exaltate sunt viæ meæ a viis vestris, & cogitationes meæ a cogitationibus vestris. 10. Et quomodo descendit imber, & nix de cælo, & illuc ultra non revertitur, sed inebriat terram, & infundit eam, & germinare eam facit, & dat semen ferenti, & panem comedenti. 11. Sic erit verbum meum, quod egredietur de ore meo: non revertetur ad me vacuum, sed faciet quæcumque volui, & prosperabitur in his, ad quæ misi illud. 12. Quia in lætitia egrediemini, & in pace deducemini: montes & colles cantabunt coram vobis laudem, & omnia ligna regionis plaudent manu. 13. Pro salicibus ascendet ebies, & pro urtica erescet myrtus: & erit Dominus nominatus in signum æternum, quod non auferetur.

(a) Eccl. 17. 33. (b) Act. xiiii. 34.

C O M M E N T A R I A

MALDONATI.

Verf. 1. **O**MNES SITIENTES, id est qui indigetis gratia Dei; Indigent autem omnes, omnes enim peccaverunt: Rom. iii. 23. quasi dicat, Omnes peccatores, quos alia metaphora Christus voca-

vit laborantes & oneratos: Matth. xi. 28. VENITE AD AQUAS, id est ad percipienda dona mea (Deus enim loquitur.) Quatuor nominibus idem hoc loco significat, nempe gratiam, & id omne, quo vita spiritalis sustentatur; aqua, vino, lacte, pane, sicut & Ioan. 13. Qui au-

Fii 2

tem

tem biberis ex aqua, quam ego dabo ei, non sinit in aeternum: & Ioan. vii. 38. Qui credit in me sicut dicit Scriptura, flumina de ventre eius fluent aqua viva. QUI NON HABETIS ARGENTUM. Significat gratiam Dei gratis dari, alioqui gratia iam non est gratia: Rom. xi. 6. Sed non propterea tollit dispositiones, aut libertatem arbitrii, sed potius ponit cum dicit, Venite, neque merita quae ipsa gratia praecunte sunt. EMITE; id est, accipite, quemadmodum si emeritis: nam quod gratis datur, proprie non emitur.

V. 2. QUARE APPENDITIS ARGENTUM NON IN PANIBUS: כֶּלֶם לֶחֶם, in non panem; id est, cur expenditis pecuniam vestram in res, quae non possunt vobis victum suppeditare, & laborem consumitis in rebus, quae vos saturare non possunt. Idem intelligit per argentum & laborem, & per panem & saturitatem. Est enim repetitio, & laborem ipsum & studium humanum metaphoricè argentum vocat, quia suo labore tamquam pecunia putant se posse salutem comparare. Sensus ergo est: Cur vultis magno sumptu atque labore salutem ab idolis aut demonibus comparare, quae nihil prodesse vobis possunt; & non potius eam a me gratis oblatam accipitis?

V. 3. AUDITE, id est obedite, ut scpe alias. ET FERIAM VOBISCUM PACTUM SEMPERITERNUM; id est, servabo pactum vobiscum quod iam olim percussus cum David, fore ut regnum eius perpetuum esset & florens, quae promissio propter peccata populi interrupta esse videbatur: vel dicit, Feriam vobiscum pactum, quia loquitur cum Gentilibus, qui prius non comprehendebant in federe; cum autem ad Christum venerint, comprehendantur. MISERICORDIAS DAVID. Appositio est; quasi dicat, Quod pactum in hoc consistebat, ut erga Davidem uterer misericordia fidei, id est perpetua, firma, stabili. Davidem autem appellat non eius tantum personam, sed omnem eius posteritatem, in qua Christus comprehenditur; fecitque mentionem potius illius, quam Abrahami, cui primum promissiones factae sunt, quia agit de regno Christi, cuius prima figura fuit regnum Davidis.

V. 4. ECCE TESTEM POPULIS DEDIMUS (Christum.) Quia prius sub perso-

na Davidis cum quodammodo nominaverat; testem autem vocat Christum, non quod non fuerit plerumque testis, cum auctor etiam fuerit ipsius foderis, sed quod quemadmodum testis dat auctoritatem foderi, ita Christus dedit, non solum testando, sed etiam implendo: Non minime venit servare legem, sed adimplere: Matth. v. 17. DUCEM & PRAECEPTOREM, id est regem & legislatorem: מֹשֶׁה instituit enim nobis legem Evangelicam.

V. 5. ECCE GENTEM QUAM NESCIEBAS, id est Gentiles, quos antea pro tuos non agnoscebas, quia alieni erant a te, VOCABIS (sub tuos;) quasi dicat: Vocabis non plebem tuam, plebem tuam: Osee ii. 23. & Rom. ix. 25. ET GENTES QUAE NON COGNOVERUNT TE ante, AD TE CURRENT, id est certatim ad te contendent. PROPTER DOMINUM, id est ut querant Dominum Deum tuum. Vocat Deum Christi quatenus homo est, ut ipse Christus Ioan. xx. 17. Vado ad patrem meum, & patrem vestrum, Deum meum, & Deum vestrum. QUAE GLORIFICAVI TE: כִּי מִכָּרָה, quia glorificavit te, ut etiam legitur in aliis Latinis codicibus; id est, quia illustrem te reddidit, & miraculis, & dicendo: Hic est filius meus dilectus, in quo mihi bene complacui, ipsam audite, ut ad te omnes concurrerent: Luc. ix. 35.

V. 6. QUAERITE DOMINUM; id est, Ambulate dum lucem habetis, ut non tenebrae vos comprehendant: Ioan. xii. 35.

V. 7. DERELINQUAT. Invitat ad penitentiam viros praeteritos; quasi dicat: Penitentiam agite, appropinquavistis regnum calorum: Matth. iii. 2.

V. 8. NON ENIM COGITATIONES MEAE, COGITATIONES VESTRAE, &c. Neque consilia mea sinilia sunt vestris, neque actiones vestrae actionibus meis: (per vias enim actiones intelligit, ut in multis aliis locis) quasi dicat: Meliora ego erga vos cogito, atque ago, quam vos ipsi. Vos enim nihil aliud cogitare, nihil aliud agere videmini, quam ut percat: Ego vero nolo mortem peccatoris, sed magis ut convertatur & vivat: Ezech. xviii. 23. xxxii. & xxxiii. 11. & II. Pet. iii. 9. Hoc versu & sequenti probat quod dixerat in precedenti: Revertatur ad Dominum, & miserebitur eius.

V. 9. QUIA SICUT EXALTANTUR. Quantum distat cælum a terra, tantum distant cogitationes mæ a cogitationibus vestræ, & viæ mæ a viis vestræ, & quanto altiores sunt cæli quam terra, tanto meliores sunt cogitationes mæ quam vestræ.

V. 10. ET QUOMODO DESCENDIT. Probat nunc alia similitudine suas bonas erga homines cogitationes non esse inanes; sed firmas, constantes, efficaces. SED INEBRIAT TERRAM, ET INFUNDIT: יְהוֹלִיט, & imprægnat eam, aut generare facit. ET DAT SEMEN SERENTI, ET PANEM COMEDENTI; id est, profert fructus qui sufficiant, non solum ad victum, sed etiam ad faciendam iterum sementem.

V. 11. SIC ERIT VERBUM MEUM, id est promissio mea. NON REVERTETUR AD ME VACUUM. Hebraismus, pro, non erit inane, non carbit effectus. *Quæ procedunt de labiis meis non faciam irrita*: Psalm. LXXXVIII. 35. ET PROSPERABITUR, id est successum felicem habebit. IN OMNIBUS AD QUAE MISI ILLUD, id est omnibus in rebus quas promisi. Dicit se misisse verbum, quia non ipse per se, sed per Prophetas quos misit, locutus est.

V. 12. QUIA IN LAETITIA EGREDIEMINI: ex Babylone ut Ierosolymam revertamini. Et myltice, ab idololatria ad Ecclesiam. MONTES ET COLLES; id est, quæ viatoribus impedimento esse solent, ea vobis redeuntibus adiumento & solatio erunt. Alludit ad reditum Iudæorum ab Aegypto in terram promissionis, qui huius ad Ecclesiam reditus figura fuit, & ad similem Davidis prosopopæiam Psalm. cxlii. 4. *Montes exultaverunt ut arietes, & colles sicut agni ovium.* Per montes autem & colles & ligna, Imperatores, Reges, Principes, myltice possumus intelligere, qui cum prius Christianam religionem impedirent, facti ipsi Christiani mirum in modum iuverunt & amplificaverunt.

V. 13. PRO SALIUNCA: פְּרֹחַת הַשֵּׁן, pro spina alba, ut alii vertunt, vel pro spineto, vel rubo. ASCENDET, id est creset, ABIES. ET PRO URTICA CRESCET MYRTUS. Sensus est: Quæ prius impediabant vos, ea iuvabunt, pro rebus adversis, succedent prosperæ: spinæ enim & urticae molestæ sunt iher facientibus; abietes vero propter umbram, & myrti propter fragrantiam, gratæ & iucundæ. Myrt. si-

gnificat fore ut per conversionem ad Evangelium homines ex malis boni fiant, utique in virtutes commutentur. Augustinus ex Gentili & Manichæo factus Christianus ac doctor tantus, quasi ex spina factus est abies. Cyprianus ex mago factus martyr, quasi ex urtica myrtus suaveolens factus. ET ERIT DOMINUS NOMINATUS. Hebr. לְמוֹת לְשֵׁן אֲבִיב, & erit Dominus (abies & myrtus) in nomen (&) SIGNUM AETERNUM, id est in monumentum sempiternum. At vere ita est: nam & Aug. & Cyprianus, & huiusmodi alii, quorum admirabiles fuerunt ad fidem conversiones, quasi perpetua monumenta sunt divinæ potentiae, gratiæ & misericordiae.

S A.

Vers. 1. OMNES. Hebr. o omnes. Surrentes. Chald. discere volentes. AQUAS, scilicet doctrinæ & gratiæ, EMITE, id est compare, seu accipite. VINUM, scilicet lætificans cor. LAC, scilicet purum, & dulcem cibum.

V. 2. QUARE APPENDITIS, &c. quasi dicat: Cur ea sectamini, quæ mentem non possunt satiare?

V. 3. FIDELES, id est stabiles; quasi dicat: Præstabo certissime promissam David misericordiam. LXX. sancta David fidelia, sicut citatur Act. xlii.

V. 4. TESTEM, scilicet mæ voluntatis. EUM, scilicet Christum.

V. 5. QUAM NESCEBAS, id est a te alienam. LXX. nescientem te. VOCABIS, scilicet ad fidem. Christum alloquitur. DEUM TUUM, scilicet quantum ad humanitatem.

V. 6. PROPE EST, scilicet in terris conversans, vel dum tempus est misericordiae.

V. 7. MULTUS, scilicet sæpe multumque ignoscens.

V. 10. CAELO, id est acre. INFUNDIT, id est perfundit.

V. 12. EGREDIEMINI, scilicet de diaboli captivitate. DEDUCEMINI, scilicet in beatitudinem. MANU. LXX. ramis: metaphorice significat ingentem bonorum largitiam.

V. 13. SALIUNCA. Herba est brevis. LXX. stipite vili. NOMINATUS. Chald. &

& LXX. in *nomen* & ; quasi dicat : Celebritatem. SIGNUM, id est monumentum; vel victoriam; pro hac enim solent signa, seu monumenta statui. Hieron. ad Crucis signum refert; & quidem per hanc parta est victoria.

E S T I I.

Verf. 3. **ET FERIAM VOBISCUM PACTUM SEMPTERNUM, MISERICORDIAS DAVID FIDELES.** Quaedam exemplaria pridem habebant, *fidelis*, in genitivo singulari; sed ex Hebræo liquet legendum plurals numero, *fideles*, ut referatur ad misericordias, non ad Davidem. Unde & Septuaginta sic reddiderunt: *Disponam vobis testamentum æternum, sancta David fidelis*. Quæ verborum forma fere citatur etiam hic locus Act. xiiii. Sensus est: In nunc vobiscum novum pactum, idque æternum & perpetuo duraturum. Quodnam autem sit illud pactum, indicat, cum subiungit, *miseri cordias David fideles*; quasi dicat: Id quod David promissi, id nunc præstabo; nunc fidelem me ostendam in promissis, nunc fidem meam liberabo: scilicet misericordia fidelis est, quando promissa misericordia præstatur. Alludit autem Propheta ad Psalmum Davidis LXXXVIII. primum in voce, *miseri cordias*; nam ibi dicit David: *Miseri cordias Domini in æternum cantabo*. Deinde in voce, *fideles*; nam dicit, *In generatione, & generatione annuntiabo veritatem tuam in ore meo: veritas enim & fides in promissionibus eadem sunt*. Tertio in voce, *pactum*; nam item ibi dicitur: *Disposui testamentum*, id est pactum, *electis meis*. Quarto in voce, *David*: *Semel iuravi, si David mentiar*. Ac denique in voce, *sempternum*; nam & ibi dicitur: *In æternum misericordia adificabitur in celis*, id est sempiterna erit illa promissio.

V. 4. **QUAERITE DOMINUM, DUM INVENIRI POTEST, INVOCATE EUM, DUM PROPE EST.** Hoc duobus modis accipi potest. Vel illo, Agite poenitentiam & convertimini ad Dominum, dum estis in hac vita mortali, dum datur locus poenitentiae, quia venit nox, inquit Christus Ioan. ix. quando operari non licet. Hic sensus generalis est. Alter sensus est, ut intelligatur dictum peculiariter ad Iudæos, qui tunc

erant tempore Christi; quod fuit tempus acceptabile, & dies salutis: iuxta illud quod supra cap. xlix. dictum est: *In tempore placito exaudivi te, & in die salutis adiuvi te*. Et addit Apostolus citans eandem scripturam II. Cor. vi. *Ecce nunc tempus acceptabile, ecce nunc dies salutis*. Unde & Christus in Evangelio graviter Iudæos increpat dicens, Luc. xii. *Faciem celi & terra non stis probare, hoc autem tempus quomodo non probatis? Et ad Ierusalem Luc. xix. Eo quod non cognoveris tempus visitationis tuæ*.

M A R I A N A E.

Verf. 1. **OMNES SITIENTES.** Ut omnes malis oppressi veniant ad Ecclesiam invitat. Ibi fore requiem a malis, ibi satietatem, & bona omnia prædicat. **QUI NON HABETIS A-CENTUM**, id est pecuniam. Gratis hic bona dantur, nullius paupertas excluditur. **EMITE**, id est accipite. Quomodo emerent sine pecunia? **ET ABSQUE VLLA COMMUTATIONE.** Hebr. *absque pretio*. VINUM ET LAC. Hebr. *halab* & *lac* significat, & *adipem*, ut Sept. posuere. Porro per *adipem*, quod in quaque re est optimum, intelligunt. Eigo accipite vinum in potum, & in alimenta cibos suavissimos.

V. 2. **QUARE APPENDITIS.** Vel expensis argentum & labore in rebus nihil, id est peccatis, quæ satiare non possunt. **ET DELECTABITUR IN CRASSITUDINE**, seu in pinguedine anima vestra. Id lac est, seu adeps, de quo dixit.

V. 3. **MISERICORDIAS DAVID FIDELES**, id est stabiles, firmas. Dabo vobis, quæ illi verissime sum pollicitus. Nimirum de eius semine Christum venturum. Aut, sicut promissa Davidi facta certa fuerunt, sic quæ nunc vobis promitto. Sept. *Sancta David fidelis*: sic Actor. xiiii. 34. hic locus citatur.

V. 4. **DEDI EUM**, testem, scilicet Christum. Relativum sine antecedenti. **AC PRÆCEPTOREM.** Hebr. *præcipientem*; nimirum Dominum & Regem. Aut per vocem *eum*, Davidem intelligamus, cuius vaticinia de Christo in omnes gentes promulgata sunt; et quæ præcipit, quid agere debeant; suntque testes veritatis Dei.

V. 5. **ECCE GENTEM.** Ad Ecclesiam refert

ser-

fermonem, ad quam varias gentes venturas testatur, & incognitas.

V. 6. QUÆRITE DOMINUM. Ad gentes vertit sermonem, quas hortatur, ut ad Deum veniant. DUM PROPE EST, id est propitius.

V. 7. QUONIAM MULTUS EST AD IGNOSCENDUM. Sic Chald. id est sæpius ignoscit quam punit. Hebr. *multiplicavit ad ignoscendum*, eadem significatione. Aut *multus est*, id est propitius est ad ignoscendum. In quo multi sumus & frequent, id ex animo facimus.

V. 8. NON ENIM COGITATIONES MEAE. Vos in vindictam prout elitis, ego ad indulgentiam.

V. 9. QUIA; pro, certe. SICUT EXALTANTUR, id est sublimiores terra cæli sunt. Sic. VIAS MEAE, id est opera, consilia.

V. 10. ET INFUNDIT EAM, terram imber. Hebr. *fecundat eam*, generare facit eam.

V. 11. SIC ERIT VERBUM MEUM. Quo promissi liberationem vobis e captivitate, ut accipiant Hebræi; aut in commune omnibus salutem per Christum. NON REVERTETUR AD ME VACUUM verbum meum, id est non erit sine effectu, ut pluvia in cælum, id est acrem, unde venit, non redit sine fructu.

V. 12. QUIA; pro, certe. IN LAETITIA EGREDIEMINI e captivitate. ET IN PACE DEDUCEMINI sine ulla offensione. MONTES ET COLLES CANTABUNT CORAM VOBIS LAUDEM. Hebr. *clamabunt in illo*. *Coram vobis*, id est ad vestrum adventum. Hyperbole.

V. 13. PRO SALIUNCA. Alii scire pro *spina alba*. De *saliunca* multa Plinius Lib. XXI. cap. vii. quam quidam *lavandulam* esse putant, et *espliego*, o *allicuma*. Explicat ergo quare montes exultare debeant, quia scilicet novo decore & arboribus vestientur, extirpatis spinis. ASCENDET ABIES: crescit, nascetur. ET ERIT DOMINUS NOMINATUS. Hebr. *Et erit Dominus in nomen* & signum æternum, id est erit monumentum perpetuum tantæ rei. Trophæum erigetur quod perpetuo stabit.

Vers. 1. OMNES SITIENTES, &c. Alii ex Hebr. I. O vos omnes, qui sititis, &c. II. *Hæus quisquis sitit*, &c. Post generales promissiones factas Ecclesiæ Catholice per Christum superiore capite, nunc deum Christus sigillatim regenerandos quosque Ecclesiæ filios provocat primum ad fidem, usque ad vers. 6. deinde ad poenitentiam usque ad vers. 10. ac postremo commendans prædicationem Evangelii, promissiones amplissimas fecit singulis ipsam adituris fide & poenitentia, ad finem usque. *Quisquis sitit*; id est, quisquis suæ ariditatis conscientia pressus experit beneficia Dei ad spirituales vitam pertinentia: quæ omnia allegorice aquarum, vini, lactis, panum, boni, saturitatis, & pinguedinis nomine designantur, hoc & sequente versu. Sic Matth. v. 6. & Ioann. vii. 37. VENITE AD AQUAS. Alii: *ad istas aquas*, scilicet spirituales. ET QUI NON HABETIS ARGENTUM. Alii: *qui nulla est pecunia*; id est, qui non tantum vita cælesti, cuius nunc licetis elitis, a natura delinimini, sed etiam omnibus rationibus omnino carctis, quibus cælestis vita comparari possit: nam gratuita sunt piis omnibus deum & vocatio Dei. PROPERATE. Hebr. *ambulate, venite*, per fidem, cui gratis confertur donum Dei. EMITE. Alii: *comparate*. Proprie, *fragmentate, frumentamini*, providete vobis de frumento, elca, pane: vide in Genes. xli. 56.

V. 2. QUARE APPENDITIS ARGENTUM NON IN PANE? &c. Alii: *Cur expenditis pecuniam pro nullo cibo?* &c. Reprehensio causam explicans vocationis præcedentis, nimirum quod omnes extra Ecclesiam Dei operam consumant in rebus infructuosis, & fallacibus, quibus allegorice res bonæ & pingues opponuntur. ET LABOREM VESTRUM NON IN SATURITATE? Hebr. *in non ad saturitatem?* Alii: *pro eo quod non satiat*, vel *pro eo minime saturatura?* AUDITE AUDIENTES ME. Hebr. *Auscultate auscultando ad me*. Alii: *Auscultate indifferenter mihi*, vel *quis potius mihi diligenter auscultate?* ET DELICTABITUR IN CRASSITUDINE ANIMA VESTRA. Alii: *atque oblectet se hac pinguedine anima vestra*, id est cibo isto pingui, qui est gratior

tior illo macro, hoc est bonis, quæ promittit Evangelium.

V. 3. ET FERIAM VOBISCUM PACTUM SEMPERITERNUM, MISERICORDIAS DAVID FIDELES. Alii: *Et paxam vobiscum factus sæculi, seu perpetuum*, ut infra vers. 13. *benignitatem Davidis*; id est, ea ipsa beneficia spondeo, quæ olim ferdere meo Davidi promiseram in Christo, II. Samuel. vii. *certissimarum*, id est firmissimarum & contestatissimarum: propterea fuerunt excitato Christo a mortuis, qui non amplius reversurus est in sepulcrum, sed in sæculum benignitatem suam Ecclesie præstiturus, Actor. xiii. 34. *Et exidam vobiscum factus sæculi, pietates Davidis stabiles*, subaudi, faciam; id est, Promissiones, quas feci Davidi de Christo, præstabo, &c. vel *Et misericordias Davidis stabiles erunt*. Sic hunc locum interpretatus est Paulus Actor. xiii. 34.

V. 4. ECCE TESTEM POPULIS DEDIDIMUS. Alii: *En testem nationum constitutum*. Pareohas, sive digressio duobus versibus, quia Deus Pater filios suos cooprans in Ecclesiam Evangelio Christi, confirmat primum vocationem Christi in animis eorum omnium, qui ab ipso vocantur, hoc versu; deinde vero functionem, qua Christus Ecclesiam ex gentibus promiscue dicitur collecturus, efficacitate spiritus, sequente versu. *Testem nationum*; id est, ut nationibus testetur meam voluntatem, & Evangelium gloriæ Dei. DUCEM AC PRÆCEPTOREM GENTIBUS. Alii: *antecessorem & præceptorem*, nationum, id est prophetam, sacerdotem, ac regem. *נָשִׂיחַ* *nagid*, dux, duellor, antecessor, antistes, præsul, princeps, prælatus.

V. 5. AD TE CURRENT, VEL ACCURRENT, ut supra cap. 11. 2. & sequentibus. QUIA GLORIFICAVIT TE. Alii I. *quia te honorificabit*; id est, quia Deus Pater proposuit summo honore te aspicere. II. *cum te honorificum reddidit*. III. *cum ornaverit te*; id est, declaraverit te Filium suum per resurrectionem a mortuis, assumpserit in cælos, & glorificaverit, ut ceptum est compleri die Pentecostes, Actor. 11.

V. 6. QUÆRITE DOMINUM, &c. Alii: *Requirite Iehovam*, &c. Alter locus de vocatione ad resuscitentiam, seu veram penitentiam, ut dictum est in vers. 1. DUM INVENIRI POTEST. Heb. *cum inve-*

nietur ipse. Quidam: *cum præsto est*; id est, se vobis facilem & benignum exhibet: humanitus dictum.

V. 7. QUIA MULTUS EST AD IGNOSCENDUM. Hebr. *Quia multiplicabit condonare*, vel *condonando*; quasi dicat: *Non semel ignoscit, sed sæpius*. Alii: I. *quoniam propensus est ad parcendum*. II. *quia plurimum condonat*. Vide similem modum loquendi Genes. xii. 11.

V. 8. NON ENIM COGITATIONES MEAE, COGITATIONES VESTRAE: vel *sunt ut cogitationes vestre*, &c. Aetologia, cur Deus homines revocet a viis & cogitationibus ipsorum, hoc & sequente versu, explicans duo verba proxime præcedentia, Quod plurimum condonet Iehova. Nam, inquit Deus, etsi facta & cogitationes vestre videntur in infinitum peccati affines esse, tamen angustiora sunt illa & humiliora factis & cogitationibus meis, quibus sum condonaturus peccata vestra: ego statui, & præstabo, efficiamque ut inhaitas peccatorum vestrorum, si resipiscitis, infinitis modis a misericordia mea superetur: non est infinitas peccati vestri comparanda cum infinitate misericordiarum, & condonationum mearum. Sic Psalm. cii. 10. & 11.

V. 9. QUIA SICUT EXALTANTUR, &c. Hunc versum ex Heb. alii: I. *Quantum celi terra sublimiores sunt, tantum excedunt viae meae vias vestras*, & *cogitationes meae cogitationes vestras*. II. *Sed ut alti sunt celi supra terram: ita altæ sunt viæ meae supra vias vestras*, & *cogitationes meae super cogitationes vestras*. III. *Nam quanto altiores, seu excelsores sunt celi quam terra; tanto altiores, seu excelsores sunt viæ meae quam viæ vestre*, & *cogitationes meae quam cogitationes vestre*.

V. 10. ET QUOMODO DESCENDIT IMBER, ET NIX DE CAELO, &c. Alii: *Nam cum descendit pluvia aut nix de caelo, rursus illuc non revertitur*, &c. Tertius locus commendans predicationem Evangelii a magnificentissimis Dei promissionibus in Ecclesiam, ut dictum est in vers. 1. quæ Deus explicat similitudine pluviae & nivis in terram decidentis, hoc versu; deinde vero Ecclesie accommodat sequentibus versibus. De hac autem similitudine vide Matth. xiii. 3. & sequent. Hebræor. vi. 7. & sequent.

V. 11. SIC ERIT VERBUM MEUM, QUOD

QUOD EGREDIETUR EX ORE MEO, &c. Id est, vos videtote ut sitis bona terra; experimini vos ipsos, & augete in sensu benedictionum Evangelii. QUÆCUMQUE VOLUIT. Alii: id. *quo delectator*, id est fructum acceptum Deo, qui fructus est spiritus & vitæ, Romanor. VIII. 13. & 14. ET PROSPERABITUR IN HIS, AD QUÆ MISI ILLUD. Alii: *Quod prosperabitur, proficiet, succedet id, quod emisero*, id est Verbum meum: periphrasis. Nonnulli: *Quod promovebit ad quod misi illud*; id est, faciet ut res propter quam advenerat, felici exitum consequatur: quod Paulus Ephesior. IV. 10. ait: *Ut impleat omnia*, &c. & sequentibus versibus.

V. 12. QUIA IN LAETITIA EGREDIEMINI, &c. Promissiones allegoricæ lætitiæ & pacis in spiritu, quæ exornantur elegantissimis hyperbolis, ut Psalm. LXXI. 3. & Psalm. xcvi. 11. & sequentibus. MONTES ET COLLES CANTABUNT CORAM VOBIS LAUDEM. Alii: I. montes & colles prorumpent in iubilum coram vobis. II. personabunt coram vobis ovationem. III. clamabunt coram vobis præconium. IV. fragorem edent coram vobis cantu.

V. 13. PRO SALIUNCA. Virgilius Ecloga V.

Lenta salix quantum pallenti cedit olive;

Puniceis humilis quantum salinca rosetis:

Iudicio nostro tantum tibi cedit Amyntas.

Servius: *Salinca herba genus, quam Greci tunicam vulgo vocant. Vide Plinium Lib. XXI. cap. vii. Sed Hebr. vocem פִּיפְיָה naghataz, varie exponunt, alba spina, fruticeto, virgule, rubo spinoso: vide de illa supra cap. vii. 19. Exponunt: Qui prius spinosi erant, & lædebant, desinunt aliis facere iniuriam. Quidam reddunt: *Loco virgulti affrigit abies, vel fraxinus: allegorizæ fructuum & bonorum spiritualium, loco squaloris & sterilitatis peccati & oppressionis. PRO URTICA. קִרְשֵׁי קִרְשֵׁי*, alibi non legitur; Hebræi aiunt esse genus spinarum, vel perennis humilis ac tenuis. Alii, ex *Sir, spina*, deducunt, & *seuenu*, vel *senicetum*, aut *spinetum* interpretantur. Quidam *arbutum* reddunt. Nonnulli componunt ex *קִרְשֵׁי sir, spina*, & קִרְשֵׁי *raphad, stravit*, quasi sit locus str-*

tus, seu confusus multis spinis, *spinetum, congeries spinarum*. Tremellius, & Iunius *paliurum* interpretantur: *Et pro paliuro affrigit myrtus*. Hebræam vocem, inquit, ex etymo sic placuit reddere, quia composita est ex duobus vocibus, quarum una spinam, altera oppressionem & exitum significat; quasi dicas, *Spinam exitialem*. Est enim spinis paliurus acutis, ut ait Virgilius Ecloga V. Vide ibi Servium. Componunt ex *קִרְשֵׁי sir, spina*, & קִרְשֵׁי *phid, oppressio, exitum*. ET ERIT DOMINUS NOMINATUS IN SIGNUM &c. Alii ex Heb. I. *Et erit Ichova in nomen, in signum perpetuum, quod nunquam exscindetur*; id est, Ex hoc laudabitur Ichova monumento perpetuo, quod ex improbis bonos fecerit. II. *ut sit Ichova in nomen, in signum perpetuum, quod non exscindetur*; id est, ut de hoc verbo Evangelii, & benedictionibus illud consequentibus celebretur & sanctificetur nomen Dei magis ac magis, perpetuo & nunquam interituro monumento.

MENOCHII.

Vers. 1. VENITE AD AQUAS, doctrinæ, & gratiæ Christi. Huc alius Christus Ioan. vii. 37. *Si quis sitit, veniat ad me, & bibet. COMEDITE*. Doctrina, & gratia Christi, tam est cibus, quam potus animæ, ut & sancta Sacramenta, præsertim Eucharistia. EMITE. In Hebræo est, *frangite*: quia enim comesturi frangunt panem, inde factum est, ut phrasi Hebræa frangere panem, & comedere, idem sint; sensus ergo est, *Accipite gratis, & comedite. VINUM ET LAC*. His duobus Scriptura significat quasvis epulas, & delicias.

V. 2. NON IN PANIBUS, id est non in cibo, & pane saturante; sententia est: *Cur o mortales vana huius mundi bona, ut opes, honores, delicias, vanam mundi sapientiam, & eloquentiam, tanto studio, & pretio sectamini, quæ non possunt mentem saturare? AUDITE AUDIENTES*: diligenter audite. BONUM: solidum, & salutarem cibum. IN CRASSITUDINE: *In pinguedine*, ut vertit Vatablus.

V. 3. PACTUM SEMPERTERNUM: Novi Testamenti. MISERICORDIAS DAVID: misericordias Davidi promissas a Deo, de Christo, in quo regnum eius perpetuandum

Ggg

dum est, quique suos assecclas ditabit, & beabit. FIDELIS: stabiles, firmas, perennes.

V. 4. TESTEM: Christum intelligit, qui fuit testis divini pacti, & promissionis aequae ac fidelitatis divinae in praestandis promissis.

V. 5. ECCE: o Christe. GENTEM QUAM NESCIEBAS: a te alienam, quam pro tua non agnoscebas. VOCABIS: ad vexillum Evangelii tui. PROPTER DOMINUM DEUM TUUM: propter datus, & gratias, quibus te decorabit Deus, qui scilicet est humanitatis tuae, Deus, non deitatis.

V. 6. DUM INVENIRI POTEST, id est tempore novae legis, vel tempore huius vitae. DUM PROPE EST: idem significat quod, dum inveniri potest.

V. 7. VIAM SUAM: malos mores suos. COGITATIONES SUAS: studia sua prava. MULTUS: proclivis ad ignoscendum: saepe, & multum ignoscens.

V. 8. NON ENIM COGITATIONES MEAE, &c. quasi dicat: Ne despondeatis animum, licet multum peccaveritis; non enim ego vobis similis sum, qui offensi non facile reconciliamini.

V. 9. EXALTANTUR: distant.

V. 11. SIC ERIT VERBUM MEUM: promissum meum de fœdere novi Testamenti, de Messia, & bonis per eum ordinandis. NON REVERTETUR AD ME VACUUM: non erit irritum. FACIET QUAE-CUMQUE VULT, &c. nam cum Messiam, Evangelium, Sacramenta, & cetera novae legis charismata mundo dederit, ea omnia, quae fieri volo, prospere fient.

V. 12. EGREDIEMINI: ex demoniis, & peccati captivitate. DEDUCEMINI: ad Christum, ad Ecclesiam, & ad aeternam beatitudinem. MONTES ET COLLES CANTABUNT, &c. Tanta erit laetitia, ut montes & colles cantare, gellire, & exilire quodammodo videantur. Vel, per montes, & colles intelligit montium, & collium incolas. Alludit ad laetitiam redeuntium e Babylone.

V. 13. PRO SALTUNCA: est herba humilis, de qua Plinius Lib. XXI. cap. VII. sensus est, omnia in meliorem statum vertuntur. ET ERIT DOMINUS NOMINATUS IN SIGNUM AETERNUM; quasi dicat: Haec mira Gentium conversio, & sanctificatio per Christum facta, erit ei in nomen, &

in monumentum gloriae, & victoriae aeternum. Pro victoria enim parva solent signa, seu monumenta, & trophaea statui.

T I R I N I.

Vers. 1. OMNES SITIENTES & avidi veritatis & sapientiae salutiferæ, VENITE AD AQUAS VERA & plenae refectiois, nempe doctrinae & gratiae Christi; his explete sitim animi. Iisdem pene verbis invitat omnes ipsemet Christus Ioannis VII. Si quis sitit, veniat ad me & bibat. Haec Christi doctrina & gratiae erunt vobis VINUM ET LAC, id est plenae epulae ac delitiae, gustui sapidissimae, mentes reficientes, recreantes, pascetes, & aliarum rerum omnium appetitum relinquentes. Chaldaeus vertit, audite absque pretio absque pecunia (quae solet magistris pro didactro a discipulis dari) doctrinam meliorem vino & lacte, LXX. adipem seu florem lactis. Quod ut omni doctrinae Christi, & omnibus Sacramentis proprie convenit, ita in SS. Eucharistiam a maxime quadrat, teste S. Hieronymo, Cyrillo, Procopio & Leone Castro.

V. 2. QUARE ARGENTUM VESTRUM, id est LABOREM, ut sequitur, conatum, industriam, studia, APPENDITIS & expenditis, non in panibus, non in saturitate, id est non in saturante; sed in vana huius mundi bona, opes, honores, delicias carnales, humanam sapientiam & eloquentiam, & alia quae non possunt mentem saturare. Solus enim Deus & dona Dei, uti quietem, ita & satietatem animae inducunt. Quod etiam Plato b totidem pene verbis, quot hic Isaias agnovit.

V. 3. FERIAM VOBISCU PACTUM seu fœdus, SEMIPITERNUM, puta MISERICORDIAS FIDELIS, stabiles & firmas, Davidi a me promissas, tum alibi, tum Psal. LXXXVII. qui in Hebraeo inscribitur, & in Latino quoque incipit, Misericordias Domini in aeternum, &c. Continet vero hoc fœdus, & haec misericordia Davidi promissa, nativitatem Messiae ex semine Davidis, thronum eiusdem & imperium aeternum, liberationem per eum totius generis humani a peccato, ab inferno, a morte, &c. Unde & S. Paulus Act. XIII. 34. resurrectionem Christi probat ex his Isaiæ verbis quasi Christo promissam; cui enim pro-

Promittitur thronus aeternus, ei etiam mortuo promittitur resurrectio, sine qua non posset thronus obtineri in aeternum.

V. 4. ECCE DEDI EUM, scilicet Messiam filium meum, POPULIS omnibus testem, omni exceptione maiorem, pacti & foederis mei iam ex parte mea completi. Ita S. Hieron. Ambros. Cyrill. Hesichius, & Leo Castr. Restat ut & vos præstetis quod ex vestra parte, vi foederis inter nos initi debetis.

V. 6. QUÆRITE DOMINUM, tum Deum tum Christum, DUM PROPE EST, dum inter vos vivit & conversatur, eadem vobiscum carne indutus. Tempore enim novæ legis longe propinquior nobis est Deus per humanam naturam, quam Verbum assumptum, quam tempore antiquæ legis.

V. 8. NON SUNT COGITATIONES MEAE, COGITATIONES VESTRAE; quasi dicat: Ego a vobis offensus non me gero ut solent offensus homines, qui surdi ad preces offenduntium, nil spirant nisi minas & vindictam: & si tandem reconciliari se sinant, id non nisi ægre, parec ac fere iniquis conditionibus admittunt: sed ego tanto excessu super omnes hominum etiam piissimorum misericordiam, quanto caelum excedit terram, id est circulus immensus unum punctum, seu centrum: ita S. Cyrillus, S. Thomas, & Salsbour.

V. 10. QUOMODO DESCENDIT IMBER ET NIX DE CAELO ad secundandam terram, ET ILLUC ULTRA NON REVERTITUR, supple *vacua*, ut patet ex vers seq. (nam aliqui rursus resoluta in vaporem repetunt caelum, seu locum nubium) sic VERBUM MEUM, id est promissum hoc meum de novo sedere vobiscum, de Messia, de redemptione & gratia per ipsum toti orbi impertienda, erit efficacissimum, firmissimum, plenissimum, inquit S. Hieron. Cyrill. Haimo, Forerius.

V. 12. QUIA IN LAETITIA FORDEDIMINI e carcere & vinculis diaboli, peccati, inferni, & cum pace, bonorumque omnium affluentia, REDUCEMINI ad Deum, ad iustitiam, ad caelum: vide an vacuum sit verbum meum. MONTES ET COLLES, id est montium incolæ, vel hyperbolice propositio: ipsi montes videbuntur exilire, iubilare, vobisque applaudere reductis e carcere in patriam.

V. 13. PRO SALIUNCA, villi & abiectione

herba, vix e terra proficiente, Virgilio, Plinio & Ruellio d. testibus, id est pro vanis, vilibus & sceleratis operibus vitæ vestre antea: iam, vobis ad Christum reductis, ASCENDET ABIES ET MYRTUS, id est opera heroica, sancta, odorifera: ita fere Chal. S. Hieronymus & Procopius. ET ita ERIT DOMINUS Christus, vel Deus per Christum, NOMINATUS ab hac omnium gentium redemptione & salvatione, universalis redemptor & salvator: idque INSTIGNUM, seu in monumentum gloriæ & victoriæ aeternum. Sicut enim solent Imperatores nomen & titulum gentis alicuius a se devictæ sibi assumere in perpetuum victoriæ illius trophæum & monumentum, v. g. Africani, Asiatici, Parthici, Germanici, &c. ita Christo erit nomen universale Iesu, id est salvatoris, nempe omnium gentium perenne trophæum, & partæ de toto orbe victoriæ monumentum.

(a) Zach. 12. 17. & Ps. LXXX. 17.

(b) Plato Lib. VI. de seipso.

(c) Barnab. v. toto cap.

(d) Virg. Ecloga. V. Flin. Lib. XXI. cap. VII. Ruell. Lib. II. cap. VI.

GORDONI.

Vers. 1. OMNES SITIENTES VENITE AD
2. AQUAS. Per aquas gratiam per Christum intellige, ad quas, ut dicebam, invitat sitientes: sicut Christus Ioan. VII. 37. Si quis sitit, veniat ad me. QUARE APPENDITIS ARGENTUM, cum nec panem, nec saturitatem assequamini; hoc est, cur laboratis inutiliter, nec vera bona comparatis.

V. 3. INCLINATE AUREM VESTRAM, &c. Invitat ad pactum, & illud sempiternum promissum Davidi, & nunc plene mandandum executioni: pactum, inquam, æternum habens promissionem vitæ æternæ; ex quo proinde loco optime Paulus Act. XIII. 34. probat resurrectionem.


V. 5. ECCE GENTEM QUAM NESCIEBAS, &c. Hic per apostrophen compellitur Christus: ad te gens quam nesciebas, & quam ob idolatriam non approbas: ad te current propter insignia dona quibus te Deus cumulavit.

V. 6. QUÆRITE DOMINUM DUM INVENIRI POTEST, &c. Didum est de sedere, vers. 3. en nunc eius explicationem
C g g 2 amplio-

ampliozem, immo ut aliqui loquuntur, conditiones fœderis: quærere oportet Salvatorem & tempore hoc acceptabili, atque tali modo per directionem interioris & novi hominis.

V. 10. & 11. ET QUOMODO DESCENDIT IMBER, &c. Iam explicatur effectus fœderis & vis promissionis, quæ stabit firma, non revertetur, non revocabitur, sed

fructum efficiet multiplicem in omni hominum statu & conditione, & pro sterilitate erit magna fertilitas & fecunditas. Saliunca est humilis & abiecta herba, & quæ statim e terra exilire solet: quamdam tamen dat Plinius Lib. XXI. cap. VII. optimi odoris; & Christus, inquit, vers. ult. IN SIGNUM AETERNUM, QUOD NON AUFERETUR.



C A P U T LVI.

Omnes cuiusvis gentis aut conditionis hortatur Dominus ad servanda sua præcepta: consolatio eunuchorum iustorum: domus Dei, domus est orationis: gravis increpatio & comminatio adversus pastores Ierusalem: quos cecos & sanes mutos ac impudentes appellat.

HÆC dicit Dominus (a): Custodite iudicium, & facite iustitiam: quia iuxta est salus mea ut veniat, & iustitia mea ut reveletur. 2. Beatus vir, qui facit hoc, & filius hominis, qui apprehendet illud: custodiens sabbatum ne polluat illud, custodiens manus suas ne faciat omne malum. 3. Et non dicat filius adventæ, qui adhæret Domino, dicens: Separatione dividet me Dominus a populo suo: Et non dicat Eunuchus: Ecce ego signum aridum. 4. Quia hæc dicit Dominus Eunuchis: Qui custodierint sabbata mea, & elegerint quæ ego volui, & tenuerint fœdus meum: 5. Dabo eis in domo mea, & in muris meis locum, & nomen melius a filiis & filiabus: nomen sempiternum dabo eis, quod non peribit. 6. Et filios adventæ, qui adhærent Domino, ut colant eum, & diligant nomen eius, ut sint in servos: omnem custodientem sabbatum ne polluat illud, & teneant fœdus meum: 7. Adducam eos in montem sanctum meum, & lætificabo eos in domo orationis meæ: holocausta eorum, & victimæ eorum, placebunt mihi super altari meo: (b) quia domus mea, domus orationis vocabitur cunctis populis. 8. Ait Dominus Deus, qui congregat dispersos Israel: Adhuc congregabo ad eum congregatos eius. 9. Omnes bestiæ agri venite ad devorandum, universæ bestiæ saltus. 10. Speculatores eius cæci omnes, nesciunt universi: canes muti non valentes latrare, videntes vana, dormientes, & amantes somnia. 11. Et canes impudentissimi nescierunt saturitatem: ipsi pastores ignoraverunt intelligentiam: omnes in viam suam declinaverunt, unusquisque ad avaritiam suam, a summo usque ad novissimum. 12. Venite, sumamus vinum, & impleamur ebrietate: & erit sicut hodie, sic & cras, & multo amplius.

(a) Sap. I. 2. (b) Matth. XXI. 13. Mat. VI. 27. Luc. XII. 46.

COMMENTARIA

MALDONATI.

Vers. 1. **C**USTODITE IUDICIUM, id est iudicia mea, praecepta mea: sing. pro plur. & facite quae iusta sunt, quia iuxta est salus mea, id est Christus salvator, quem ego mittam. Et iustitia mea. Repetitio est: quemadmodum si diceret: *Poenitentiam agite, & appropinquabis regnum colorum*: Matth. III. 32.

V. 2. **BEATUS HOMO QUI FACIT HOC**, id est qui custodit iudicium & facit iustitiam. Et **FILIUS HOMINIS**. Repetitio est. **CUSTODIENS SABBATUM**. Per sabbatum omnes legis ceremonias intelligit; sicut per custodire manus suas, omnia praecepta moralia.

V. 3. **NON DICAT FILIUS ADVENAE**. Docet non fore apud Deum personarum acceptionem, sed quicumque eius praecepta servaverit, eum huius gratiae, quam promissit, participem futurum, ut ait Petrus Act. x. 34. *In veritate comperi, quia non est personarum acceptor Deus; sed in omni gente qui timet Deum, & operatur iustitiam, acceptus est.* Myl. Proponit Isaias exemplum in duobus generibus hominum, qui maxime alieni a laedere Dei esse videbantur, alienigenis, quia promissio Abrahamo tantum & semini eius facta fuerat: Gen. xv. 5. & xvii. 7. & xxvi. 4. & eunuchis, qui propterea quod steriles essent, non videbantur ad eam promissionem pertinere posse, quae in feminis multiplicatione consistebat: Exod. xxviii. 26. & Deut. vii. 14. *Non eris apud te sterilis utriusque sexus.* Docet ergo promissionem non esse intelligendam de filiis carnis: sed de filiis spiritus, ut D. Paulus interpretatur Rom. IX. 6.

V. 5. **DABO EIS IN DOMO MEA, ET IN MURIS MEIS**, id est in Ecclesia mea, locum. Alludit ad veterem consuetudinem Iudeorum, qui advenis & sterilibus nullum in templo locum concedebant. Et **NOMEN MELIUS**. Nomen hoc loco significat filiorum successionem, ut Ruth. iv. 5. *Ut succedes nomen propinqui tui in hereditate sua.* & vers. 10. *Ut succedam nomen Iosue.*

Itaque sensus est, dabo eis nomen melius a filiis & filiabus (כִּנְיָם, *pro filiis*) id est, meliorem successionem, quam si haberent filios & filias. Quia omnis qui reliquerit domum, vel fratres, vel sorores, aut patrem aut matrem, aut uxorem, aut filios, aut agros propter nomen meum, centuplum accipiet, & vitam aeternam possidebit: Matth. XIX. 29.

V. 6. 7. **ET FILIOS ADVENAE**; id est, advenas, qui Dominum coluerint, **ADDUCAM IN MONTEM SANCTUM MEUM**, id est in Ecclesiam meam; quasi dicat: Si advenae coluerint me, faciam eos cives Ecclesiae meae: sicut ait Paulus Eph. ii. 19. *Iam non estis hospites & advenae, sed estis cives sanctorum & domestici Dei.* Eunuchis promissit successionem, advenis nunc promittit civitatem. **HOLOCAUSTA EORUM, ET VICTIMAE EORUM**; id est, Eucharistiae sacrificia, quae mihi offerunt, placebant mihi. Quod ideo dicit quia ante non licebat advenis in templo Iudeorum offerre sacrificia; quasi dicat: Qui erant advenae, erunt mihi cives, & qui non offerebant hircos & arietes, offerent mihi multo gratiora sacrificia corporis & sanguinis filii mei. **QUIA DOMUS MEA**, id est Ecclesia mea, **DOMUS ORATIONIS VOCABITUR**, id est erit. Saepe enim docuimus verbum vocandi, apud Hebraeos aliquando significare idem quod esse. **CUNCTIS POPULIS**; quasi dicat, Non solum patet Iudeis, sed cunctis etiam gentibus, ut in ea orent. Hic locus proprie de Ecclesia Catholica debet intelligi; de templo autem Iudeorum tanquam de figura, ut Christus interpretatur, Matth. xxi. 21.

V. 8. **ADHUC CONGREGABO AD EUM CONGREGATOS EIUS**, id est quos ab omni aeternitate decrevi congregare; quadrat, *Alias oves habeo quae non sunt ex hoc ovili, & eas oportet me adducere*: Ioan. x. 16.

V. 9. **OMNES BESTIAE AGRI**. Cum declarasset Ecclesiae Catholicae ex Iudeis (qui praedestinati erant) & ex gentibus aggregationem; declarat nunc incredulae synagogae abolitionem, utens metaphora, quasi vinea esset, quae a bestiis vastaretur, ut ait David Psal. cxxix. 14. *Singularis serpens depastus*

Pulsus est enim. Significat ergo fore ut congregata Ecclesia Gentilium, synagoga Iudeorum a Deo delectatur, invitaturque bestias ut eam depoulerentur.

V. 10. *SPECULATORES EIUS*, id est Prophetæ & Sacerdotes; quasi dicat, Tuto potestis venire, o bestiae, quia nemo est qui eam custodiat: non enim habet Sacerdotes, neque Prophetas nisi falsos. Psal. LXXIII. 9. *Signa nostra non vidimus, iam non est Propheta, & nos non cognoscet amplius. Videntes vana, vel videntes, dormientes: חזים שנים*, id est *qui non vident nisi per somnium.*

V. 11. *CANES IMPUDENTISSIMI: כְּבָשׁ* ad verbum, *fortes anima*, id est appetitu, edaces, voraces, insatiabiles, ut statim delectat. *NESCIERUNT SATURITATEM*, id est qui saturari nesciunt. Ita vocat avaros Sacerdotes & Prophetas. A SUMMO USQUE AD NOVISSIMUM. Heb. *מֵרֶשֶׁתְּ אֶל סוֹף*, a fine suo. *אֵין אֲנֵינוּ אֹרֵרִים*, ut Septuag. vertunt. *pro non more Hebræorum*; id est, ita unusquisque avaritiae studet, ut nullum cupiditati suae finem statuatur.

V. 12. (Sub. dicentes) *VENITE, SUMAMUS VINUM.* Docet non solum eorum Sacerdotes & Prophetas futuros esse avaros, sed etiam impios, introducitque eos loquentes Atheorum more: *Comedamus & bibamus, cras enim moriemur*, ut supra XXII. 15. & I. Cor. XV. 32. Alludit autem ad consuetudinem sanctorum Prophetarum, qui solebant ieiunia, facos, cineres predicare; contra dicit Pseudoprophetas ad ebrietatem invitatos. Sicut nostro tempore videmus Catholicos concionatores poenitentiam docere, hæreticos libertatem, libidinem, impietatem.

S A.

Vers. 1. *SALUS*; pro, *Salvator*, scilicet. Christus. *IUSTITIA*. LXX. *miseriordia.*

V. 2. *Hoc*, scilicet quod proxime dictum, vel quod sequitur. *APPREHENDET*. LXX. *retinens*. *POLIUIAT*, id est profanct. *OMINE*; pro, ullum.

V. 3. *DIVIDET*; pro, *divisit*. *EUNUCHUS*, scilicet qui se ob regnum Dei castravit, voluntarie continens.

V. 4. *VOLUI*, scilicet *confilia*. *TENEBRINT*, id est *servaverint*.

V. 5. *NOMEN*, id est *præmium*, seu

gloriam quamdam excellentem. Vide Aug. cap. XXV. de Sanct. Virg. *A FILIIS*, &c. id est quam sit habere filios, &c.

V. 7. *MONTEM*, scilicet calum. *DOMO*, scilicet Ecclesia. *POPULIS*. LXX. *gentibus*; sicut citatur Marc. XI. *CUNCTIS*, scilicet Ecclesia omnes amplectitur, unde & Catholica dicta.

V. 8. *ADJECUM*, scilicet *Israelem*, vel *Christum*. *CONGREGATOS*, scilicet *Ecclesiam*.

V. 9. *DEVORANDUM*, scilicet *impios*; quasi dicat: *Digni sunt qui a feris devorentur.*

V. 10. *SPECULATORES*, scilicet *pseudoprophetae*. *EIUS*, scilicet *congregationis* impii. *LATRARE*, scilicet *contra vitia*.

V. 11. *SATURITATEM*; quasi dicat, *Insatiabiles*.

V. 12. *VENITE*, scilicet *dicunt invicem*. *EBRIETATE*. Heb. *ficera*. *MULTO AMPLIUS*; quasi dicat, *In dies peius*.

E S T I I.

Vers. 4. *QUIA HAEC DICIT DOMINUS*
& 5. *QUONIAM HAEC DICIT DOMINUS*

EUNUCHIS, QUI CUSTODIERINT SABBATHA MEA, &c. DABO EIS IN DOMO MEA LOCUM ET NOMEN MEUM A FILIIS ET FILIABUS, NOMEN SEMPERITERNUM DABO EIS, QUOD NON PERIBIT. Pertinet hæc promissio ad eunuchos, qui se ipsos castraverunt propter regnum calorum, quos commendat Dominus in evangelio Matth. XIX. Illud: *Dabo eis nomen melius a filiis & filiabus*, multi intelligunt, nomen & dignitatem super filios & filias, id est super carnales Israelitas, legem non custodientes. Gregor. parte III. Curæ Pastor. admonit. XXIX. dicit eunuchos filios a Domino præteriti in domo patris, scilicet in mansionem æternam. Verum nulla est oppositio inter eunuchos, & filios filiasque; sed mater inter eunuchos, & patres, quoniam eunuchi patres esse non possunt: unde & dicit paulo ante: *Ecce ego lignum aridum*; id est, solum procreare non possum; hinc, ni fallor, rectius ita intelligas: Dabo eis nomen melius, quam si filios & filias haberent, & longam post se progeniem traherent. Huc faciunt Hebræi, quæ sic verti possunt: *Nomen melius quam filiorum*: scilicet nomen, quod aliqui habent de filiis & filiabus; seu propter filios & filias ex te progenitas. Nec aliud volunt Septuaginta qui sic

ſic verterunt: *Dabo eis locum nominatum meliorem filiis & filiabus*, id eſt quam ſi haberent filios & filias.

V. 7. *QUIA DOMUS MEA DOMUS ORATIONIS VOCABITUR CUNCTIS POPULIS*. Quia additur, *cunctis populis*, putant quidam hoc intelligi non poſſe de templo materiali Iudaorum. Unde & Auguſt. in præfat. Pſalm. cxxx. „Non enim illud templum, „quod cecidit, hoc potuit dici domus „orationis, de qua dictum eſt: *Domus mea „domus orationis vocabitur omnibus gentibus*.“ Et hi pro ratione allegant, quia ad illud templum iam olim deſtructum non poſſunt accurſare omnes gentes orationis gratia. Sed ſciendum eſt, Chriſtum apud tres Evangeliſtas hunc locum allegare, quando de templo illo materiali eiecit ementes & vendentes. Et Marco narrante, diſerte etiam illud adieciſſe, *omnibus gentibus*. Itaque ſecundum Prophetam & interpretationem Chriſti etiam domus illa materialis prædicatur futura domus orationis; & quidem etiam omnibus gentibus, ſcilicet, quia poſt eius inſtaurationem factam a reditu ex captivitate Babylonica futura erat ita glorioſa, ut paſſim etiam gentes, ſicut & in oratione Salomonis prædictum fuerat, orationis cauſa ad eam aſcenderent.

Hoc ipſum tamen ſecundum myſticum, & ſublimiorem ſenſum, a Spiritu ſancto quoque intentum, multo plenius impletum fuit in vero illo Dei templo, quod eſt Eccleſia; ad quam ex omnibus omnino gentibus uſque in hodiernum diem congregantur fideles. Cæterum quod dicitur *Domus orationis*, ſimul ſub oratione intelliguntur omnia que ad externum Dei cultum pertinent, & imprimis ſacrificium. Unde illud mulieris Samaritanæ ad Chriſtum Ioan. iv. *Vos dicitis quia Ieroſolymis eſt locus ubi oportet adorare*; ſine dubio intelligitur adorare, id eſt ſacrificare, & cætera que ad Dei cultum inſtituta ſunt, peragere: utpote orationes & preces ad Deum fieri poterant etiam alibi, & quovis loco; nec id negabant Ieroſolymitæ, & ceteri Iudæi adverſarii Samaritanorum.

M A R I A N A E.

Verſ. 1. **I**UXTA EST SALUS MEA, Chriſtus.

V. 2. CUSTODIENS SABBATUM NE POL-

LUAT ILLUD aliquo opere ſervili, erit beatus. Et per ſabbatum totam Legem intelligit. Quod ſi advena aut cunuchus dixerit:

V. 3. SEPARATIONE DIVIDET ME, id eſt non me admitte ad ſuum cultum Deus, quod non ſim ex Iudaorum ſanguine, aut quod ſim cunuchus.

V. 4. ET TENUERINT FOEDUS MEUM; id eſt, ſi legem meam cuſtodierint, dabo eis

V. 5. IN MURIS MEIS LOCUM. Heb. *manum*, pro loco, & per *murus* civitatem intelligit, civitate donabo, civem faciam advenam. ET NOMEN MELIUS A FILIIS ET FILIABUS, id eſt maiorem honorem quam ſi cunuchi haberent multos filios.

V. 6. IN DOMO ORATIONIS MEAE, id eſt in templum admittam. QUIA DOMUS MEA, DOMUS ORATIONIS VOCABITUR CUNCTIS POPULIS, id eſt omnes gentes in meum templum admittentur. Hoc Synagoga tempore non eſt factum, ſed poſt Chriſtum Eccleſia omnes admittit, & pari honore proſequitur. *In Chriſto non eſt Gentilis & Iudaus, circumciſio & præputium*: ad Colof. iii. 11.

V. 8. CONGREGATOS EIUS; id eſt, poſtquam Iſraelitas congregaverim, qui diſperſi ſunt, aut pulſi, ut eſt in Heb. congregabo etiam congregatos eius; id eſt, eos qui ſe ex alienigenis adiunxere Iſraelitis, eos mea cura complectar, liberabo.

V. 9. OMNES BESTIAE. Invehitur repente in malos Præſectos, quorum ob incuriam populus in inuita mala præcipitaret. Ac primum ſeras provocat, ut eos lace- rent.

V. 10. SPECULATORES, iudices ſcilicet, aut falſi prophetae. NESCIERUNT UNIVERSI, id eſt omnes ſuntignari, imprudentes. CANES MUTI, id eſt ut canes muti non latrant contra vitia. VIDENTES VANA. Alii, *loquentes deliria inter dormiendum*, hoc eſt ſomniantes. Chald. *dormientes*. DORMIENTES. Heb. *enabantes*. AMANTES SOMNIA. Heb. *amantes dormire*. His omnibus verbis Præſectorum torporem & ignaviam accuſat. Voluptatibus mergi, nihil aliud curare.

V. 11. ET CANES IMPUDENTISSIMI. Sic Septuag. Chald. *robuſti avari*: ſic Heb. *Hic ego animam pro appetitu & ſime ſumo*; quaſi dicat, Canes fameliici. NESCIENT SATURITATEM, id eſt nunquam ſati-

tiantur, neque desistunt a comedendo. IPSI PASTORES IGNORAVERUNT INTELLIGENTIAM, id est sunt ignari, nesciunt gregi præesse. OMNES IN VIAM SUAM DECLINAVERUNT. Hebr. *reppererunt in viam suam*, id est privata commoda sectantur. UNUSQUISQUE AD AVARITIAM SUAM. In omnibus lucrum captant. A SUMMO USQUE AD NOVISSIMUM, id est omnes sunt eius modi. Hebr. *ab extremo suo*, id est ab uno extremo, supple ad alterum, ut Hieronymus explicuit.

V. 12. VENITE. Verba sunt Praefectorum quibus inter se invitant ad gancas. IMPLEAMUR EBRIETATE. Hebr. *potemus feceram*. Sed pro *fecera* saepe Hieronymus ponit *ebrietatem*. ERIT SICUT HODIE, SIC ET CRAS. Hebr. *eris sicut hodie eras* (&) maior, nimis valde; id est omnibus diebus crapulam continuabimus, augebimus etiam.

M A L V E N D A E.

Verf. 1. **H**AEC DICIT DOMINUS, &c. Hebr. *Sic dixit Iehova*, &c. Huius concionis duobus his capitibus comprehense, inquit, (qua continetur summa doctrinae Evangelicae) partes praecipuae sunt tres: prima est, propositio doctrinae Evangelii de fide & poenitentia, ad omnes homines sine discrimine pertinentis, toto hoc capite, sive usque ad verf. 9. Secunda est, contestatio, sive reprehensio adversus Iudaeos, qui inde a temporibus Ieschahaz usque ad tempora adventus Christi contumaces Deo fuisse evincuntur, a verf. 9. usque ad verf. 13. cap. LVII. sive a verf. 1. cap. LVII. usque ad 17. postremo est narratio cum promissionum Dei erga bonos, tum iudiciorum in impios, inde ad finem usque capitis LVII. CUSTODITE IUDICIUM, ET FACITE IUSTITIAM. Ut haec duo nomina coniuncta in Scriptura usurpentur, pluribus ostendimus in Genes. XVII. 19. Hic aliqui reddunt: *Observate ius, & exerceite iustitiam*; id est, poenitentiam agite. QUA IUXTA EST SALUS MEA UT VENIAT, ET IUSTITIA MEA UT REVELETUR. Hebr. *quia propinqua est salus mea ad veniendum*, & *iustitia mea ad revelandum*. Quidam: *nam proxime salus mea ventura est, & iustitia mea revelanda*. Similis formula ut supra cap. LV. 7. id est, nam propinquum est regnum caelorum, Matth. III. 2. & IV. 17.

V. 2. BEATUS VIR, QUI FACIT HOC; ET FILIUS HOMINIS, QUI APPREHENDIT ILLUD. Alii ex Heb. *Beatus mortalis*, id est quisquis sit, sive Iudaeus, sive alienigena, ut deinceps exponitur; *qui fecerit illam, & filius hominis, qui prehenderit illam*. CUSTODIENS SABBATUM, NE POLLUAT ILLUD, &c. Alii: *observans sabbatum ne profanet illud, & observans manum suam ne faciat ullum malum*; id est, colens pietatem in Deum (cuius documenta & exercitamenta amplius observabantur in sabbato) & officium in proximos: ac proinde doctrina & vita se conformans voluntati Dei. Sic versu 4. & 6.

V. 3. ET NON DICAT FILIUS ADVENAE, &c. Hunc versum alii ex Heb. elucidant: *Neque loquatur alienigena, qui se adiungit Iehova, dicendo: Discrevit discrevit, seu omnino discrevit me Iehova a populo suo; neque dicat eunuchus; En ego sum lignum aridum*. Occupatio, qua ostendit Prophetam non esse curex legali ritu Deuteronom. XXII. sibi metuunt ulli ut cooptari possint in populum Dei, quia ritus illi in regno Christi dicuntur perituri. *En ego sum lignum aridum*, id est minime pertinens ad corpus populi, quod comparatur cum arbore virente in domo Dei per benedictionem eius, ut Psalm. XCI. 13. & sequentibus. Respiciunt autem haec verba ad legem Deuteronom. XXIII. 1. Alii: *Lignum aridum*, id est arbor nullum ex se generans fructum.

V. 4. QUA HAEC DICIT DOMINUS, &c. Alii hunc versum ex Heb. convertunt: *Nam ita ait Iehova, explicatio promissionum Dei, quae superioris occupationis partibus respondet per hysterofin: de eunuchis, qui observaverint sabbata mea; id est, sanctitati, doctrinae, & vitae operam dederint ex fœdere, ut supra verf. 2. & elegerint id quo delector, apprehenderintque fœdus meum*.

V. 5. LOCUM. Hebr. *manum*, id est spatium, locum, vel auctoritatem, dignitatem, potestatem. Sic Hispanice: *Tiene gran mano en los negocios*. ET NOMEN MELIUS A FILIIS ET FILIABUS. Alii: *& nomen melius quam filiorum aut filiarum*, id est perpetuum, quod non excindetur in saeculum; cum tamen generatio filiorum ac filiarum excindi possit: sic accipiendum ostendunt verba sequentia. Sed aptius exponitur, nomen praestantius celibatus & vir-

ginitatis, quam sit patris & genitoris filiorum & filiarum. Nam proculdubio ad hunc Isaia locum videtur alluisse Christus Matth.

XIX. 12.

V. 6. ET FILIOS ADVENAE, &c. Hunc verum alii ex Hebr. reddunt: I. Porro alienigenis (qui Iehovae cupiunt adherere, ut serviant ei & diligant nomen eius, id est gloriam, ut sint servi eius: quicumque exstiteris sabbatum ne profanes illud, & firmiter tenueris fœdus meum:) Hos, inquam, adducam, &c. ut sententia versu sequente explicatur. II. Alienigenas vero, qui adiunxerint se Iehovae ad ministrandum ei, & ad diligendum nomen Iehovae, ut sint ei servi: quicumque observaveris sabbatum ne profanes illud, & apprehenderis fœdus meum: Adducam ipsos, &c. Alterum membrum responsionis ad occupationem versu 3.

V. 7. ADDUCAM EOS, &c. Quidam: Adducam ipsos quosque ad montem sanctitatis meae, id est Ecclesiam, ut supra cap. II. 2. HOLOCAUSTA FORUM, ET VICTIMAE EORUM PLACEBUNT MIHI, &c. Heb. holocausta eorum, & sacrificia eorum in beneficium, benevolentiam, acceptationem; id est, erunt accepta & grata in altari meo, id est spirituales hostiae, de quibus Romanorum XII. 1. nam hæc allegorice dicuntur a figuris legalibus. Fortasse inquit sacrificium Eucharistiae, quod unicum instar omnium illorum legalium est. QUIA DOMUS MEA DOMUS ORATIONIS VOCABITUR CUNCTIS POPULIS. Usurpavit hæc verba Christus Matth. XXI. 13. omnis gentibus; id est, non tantum Iudæis, sed omnibus promiscue patebit, & cuius genti, ut in eam recipiantur omnes sine acceptione personarum, ut Marc. XI. 17.

V. 8. AUT DOMINUS DEUS. Heb. Fide-
lis sermo ADONAI IYH. Alii: Dictum Do-
mini Iehovae: vide in Genes. xv. 2. QUI
CONGREGAT DISPERSOS ISRAEL. Heb. con-
gregans depulso Israelis, ex promissione Deu-
teron. XXX. 4. ADHUC CONGREGABO AD-
XUM CONGREGATOS EIUS. Alii: I. Adhuc
congregabo ad eum, vel supra eum, sive ul-
tra eum, congregatos eius; id est, ultra I-
sraelem congregabo eos, qui illi se adiun-
xerint ex sequentibus; quasi dicat: Ego in
Ecclesiam meam sum congregaturus Israe-
litas, & gentiles. II. Adhuc congregabo ad
eum congregandos eius. III. Illos amplius
aggregaturus sum ei, ad aggregatos eius; id

est, alias oves in hanc caulam cum meo
grege adducturus, Ioan. x. 16. Ephesior.
II. 13. & sequentibus.

V. 9. OMNES BESTIAE AGRI, &c. Hunc
verum alii reddunt: Omnes bestiae agrestes
venite ad comedendum, omnes bestiae silve-
stres. Hic initium cap. LVII. conlittunt,
& notant esse secundam partem concionis,
ut dictum est in vers. 1. qua exponit Pro-
pheta cur depulso Israelis modo nomina-
verit, nimirum quia Deus iusto iudicio suo
gentes inimicissimas & ferocissimas contra
populum suum erat accersiturus, quasi da-
to signo Assyrios, Babylonios, Græcos,
Syros, Ægyptios, Romanos, qui Iudæam
insestarent, atque confunderent, hoc versu:
deinde causas horrendi iudicii per con-
testationem proponit, usque ad vers. 43.
vel 17. cap. LVII. Bestia agrestis, id est
gentes, quas modo nominavimus: sumpta
allegoria a grege, & feris gregem insestan-
tibus: ut alibi a vite Psalm. LXXXIX. 9.
& supra cap. v.

V. 10. SPECULATORES EIUS CAECI, &c.
Hunc verum alii ex Heb. transferunt: I.
Speculatores eius omnes caeci sunt; id est,
sacerdotes, Levite, prophetae, doctores,
magistratus, &c. omnes sunt ignari, cænes
muti, latrare non possunt, torpent, iacent,
somnia indulgent. II. Speculatores istius po-
puli, caeci, quoque sunt, canes sunt muti,
non possunt latrare; temporarij serviunt, iacent,
amant dormitationem. Hæc contestatio, quæ
est superioris interminationis ætion, exponit
primum occisiam & perfidiam mini-
strorum Ecclesiæ, tribus versibus; deinde,
populi totius negligentis iustos, vers. 5. &
6. seu potius versu 1. & 2. cap. LVII. po-
stremo, his nominibus Deus utrumque or-
dinem, ecclesiasticum & popularem obnui-
gat, inde a vers. 7. seu 3. cap. LVII. SPE-
CULATORES EIUS. וְכֹהֲנֵי צִדְקָהוּ, deficit
Iod nota pluralis, & Tzade est littera ma-
gna, atque ea est vigesima secunda, quæ
in Scriptura invenitur: utrumque sane vi-
detur mihi indicare, profundissimam igno-
rantiam & perfidiam ministrorum Ecclesiæ.
Vide Eccli. XII. 13. VIDENTES VANA.
Heb. וְרֹאִי חֲזִוִּי, participium, nec alibi
id verbum, aut aliquid eius legitur. Non
desunt, qui putent errorem esse exscriben-
tium, pro וְרֹאִי חֲזִוִּי, videntes, quod
Noster legisse videtur. Sed Chaldaeus In-
terpres reddit, dormitantes; Hebræi, som-
nians.

H h h

Bib. Sac. Tom. XVII

niantes, vel per somnum & febrem delirantes; Forsterus & Forelius, ignavos; Avenarius, pessum euntes, iacentes; Leo Iudas, torpentes; Tremellius, & Iunius, temporari servientes; Buxtorfius, stertentes somnolenti.

V. 11. ET CANES IMPUDENTISSIMI NESCIERUNT SATURITATEM. Alii: I. Et canes isti robusti animi, id est desiderio, ut Plalm. xxvi. 12. sive avidissimi, non norunt saturitatem, nimirum quæritus & avaritiæ suæ, ut finis versus indicat; quasi dicat: Quæritur avidissime quæ sua sunt, non autem quæ sunt Christi, ut Ierem. xxi. 11. & Ezechiel. xxxiv. 11. Et canes illi fortes animi, id est voraces, inexplebili voracitate, vehementer avidi, satiari non possunt. III. Et canes obfirmati animo, id est impudentes: ut Deuteronom. xxviii. 30. dicitur gens obfirmata facie. IV. Et canes obfirmati ingluvie, id est fortissimæ ingluviæ, non noverunt saturitatem. IPSI PASTORES IGNORAVERUNT INTELLIGENTIAM. Alii: I. & ipsi pascetes se, & non norunt intelligere; id est, illi belle curant corpus suum, & nesciunt quæ pertinent ad institutionem populi illis commissi. II. propterea ipsi pascunt se; nesciunt intelligere facere, vel docere, id est pascere populares pabulo sacro verbi Dei. Distinctiones Hebraicæ hunc sensum evincunt. OMNES IN VIAM SUAM DECLINAVERUNT. Alii: quotquot sunt, ad viam suam se convertunt, vel quisque viam suam spectat; id est, sectantur sua studia, & commoda; vel, pro libidine sua vivunt. UNUSQUISQUE AD AVARITIAM SUAM, A SUMMO USQUE AD NOVISSIMUM. Alii ex Heb. I. ad avaritiam suam respiciunt in termino suo, id est in sua regione; quasi dicat, Singuli dant operam ut congregent opes in sua regione, vel dioecesi. II. quisque a termino suo ad emolumentum suum propensus est. Hispanicis Interpret apte: cada uno a su proverbio por su cabo, subaudi, mira. III. Unusquisque ad quæstum suum absque termino eius, scilicet ipsius quæstus; id est, unusquisque vertit faciem ad lucrum, seu inhiat lucro absque termino, sine fine, immensum, infinitum. IV. quisque ad lucrum suum ab extremitate illius una ad alteram; id est, percurrit: totum terminum & amplitudinem lucri ab una extremitate ad alteram; quasi dicat, Totum quæstum exequuntur.

V. 12. VENITE, SUMAMUS VINUM, &c. Alii ex Heb. verbum reddunt: I. Venite, inquit, capiam, vel accipiamus vinum, & inebriemur sicut etritque sicut hæc, dies crassina magna & excellens valde, seu vel maior multo cum excellentia, vel maior, excellentior multo, seu multo maior & excellentior; id est, cras potabimus multo fortius, & largius. II. Venite, sumamus vinum, & potabimus, sive exhauriamus siccitatem; & erit secundum hunc diem crassinus, magnus, excellens valde. III. Venite, aiunt, quisque eorum, vinum offeram, ut perpotemus ad ebrietatem usque: atque adeo sicut hodie, ita & cras, immo longe amplius, & sumptuosius. IV. Venite, inquit, sumamus vinum, & inebriabimur nos potius inebriante: eritque similis huic dies crassinus, immo maior, excellentior valde; quasi dicat: Alii avaritia æstuant, versus superiore; alii perduntur luxu hoc versus.

M E N O C H I I.

Verf. 1. CUSTODITE IUDICIUM; id est, facite quod rectum est. SALUS MEA; id est, salus, quam ego vobis mitto per Christum salvatorem. IUSTITIA MEA: iustificator Christus, per quem vos a peccatis liberabo, & iustificabo. UT REVELETUR: appareat, adsit; in proximo enim est, ut veniat.

V. 2. QUI FACIT HOC: quod proxime dictum est, vel quod sequitur. ET FILIUS HOMINIS, &c. repetitio præcedentis sententiæ. OMNE MALUM: ullum malum.

V. 3. FILIUS ADVENÆ, &c. quasi dicat: Moses arcebat Gentiles a sua synagoga, & republica. Deuteronom. xxi. 1. & c. v. 11. 1. & seq. & Christus neminem arcebat a sua Ecclesia. QUI ADHAERET DOMINO: qui Christianæ fidei sacra suscipit. ET NON DICAT EUNUCHUS, &c. etiam Eunuchi lege Moysi Deuteronom. xxi. 1. cœtu populi, templo, & officiis publicis arcebantur. LIGNUM ARIDUM: quasi lignum aridum, sterile, & sine fructu prolis.

V. 4. QUI CUSTODIERINT SABBATA MEA, id est qui Deum sancte coluerint, & nominatim servaverint legem sabbati.

V. 5. IN DOMO MEA, &c. in Ecclesia mea. ELEGERINT QUAE EGO VOLUI: servaverint legem meam, vel consilia; nam hæc

hæc Eunuchis voluntariis, id est castitatem profitentibus, quales sunt Religiosi, optime conveniunt, & de illis potissimum intelligenda sunt, ut patet ex sequentibus. **NOMEN MELIUS A FILIIS, ET FILIABUS:** nam virgines, & coelibes a virtute virginitatis, & religionis maius consequentur nomen, quam a filiorum copia, & præstantia. **A. FILIIS, &c.** id est præ filiis. **NOMEN SEMPERITERNUM:** gloriam sempiternam.

V. 6. ET FILIOS ADVENÆ: gentiles; repetit, & confirmat quod dixit num. 3. **SABBATUM:** Dei cultum. **TENENTEM FœDUS,** id est observantem conditiones fœderis, id est leges, & mandata mea.

V. 7. IN MONTEM SANCTUM, in Sion, hoc est in Ecclesiam. **LAETIFICABO EOS IN DOMO ORATIONIS MEÆ,** id est in templo faciam eos participes spiritualis lætitiæ, quæ percipitur ex sacro cantu; & sacris ceremoniis.

V. 8. QUI CONGREGAT DISPERSOS ISRAEL. Per *Israel* proprie accipit Iudeos, de iis enim agit in sequentibus; quasi dicat: Ne putetis, o Iudæi, cum voco advenas, id est Gentiles ad Ecclesiam, vos ab ea exclusos; nam Ecclesia tam erit vestræ, quam Gentium; quocirca sicut gentes, sic & vos toto orbe dispersos ad eam colligam. **CONGREGABO AD EUM,** scilicet Ierusalem. **CONGREGATOS EIUS,** id est populum, & filios eius pertinentes ad synagogam, quæ congregationem significat.

V. 9. OMNES BESTIÆ AGRI, &c. Cum dixisset dispersos Israel congregandos, prævidens hos Christum occisuros, dolore, & indignatione tactus, spiritu prophetico vocat bestias, hoc est feram gentem Romanorum, a qua perdantur.

V. 10. SPECULATOR ES EIUS, id est doctores eius. Hos Christus cæcos appellat, & duces cæcorum: Matth. xv. 14. **NESCIENT UNIVERSI:** eorum, quæ factio opus erant, profus ignari.

V. 11. NON VALENTES LATRARE: quod isilem sceleribus tenebant, quæ reprehendere debuissent; vel quod Principibus, & populo vellent adulari. **VIDENTES VANA:** inania, & falsa prophetantes, *Dicentes Pax, Pax; cum non sit Pax.* **DORMIENTES ET AMANTES SOMNIA:** similes canibus ignavis, qui, si quid vident, aut audiunt, mox caput attollunt; sed mox ac si nihil viderent, in somnium reclinant.

V. 11. CANES IMPUDENTISSIMI, &c. Nota est impudens canum libido, & voracitas: fugillat Iudæorum doctores, qui ad ea, quæ ad officium eorum pertinebant, negligentes, & dormitantes erant; ad propria vero commoda, ad delicias, & ad ventrem explendum erecti, & alacres. **IPSI PASTORES:** ipsi Principes, & magistratus. **IGNORAVERUNT INTELLIGENTIAM:** rationem prudenter administrandæ reipublicæ. **IN VIAM SUAM DECLINAVERUNT:** quocumque cupiditates trahebant sequentes, avaritiam, ventris, & veneris voluptates.

V. 12. VENITE, &c. est mimesis, id est imitatio vocum pastorum, & doctorum. **ET ERIT SICUT HODIE,** &c. id est, conviviorum hilaritati semper aliquid adiciamus. Possunt etiam esse verba non luxuriosorum, quos reprehendit, sed ipsius Prophetæ, quasi dicat: Perseverant in captandis voluptatibus, & in diebus ruunt in peius.

T I R I N I.

Vers. 1. CUSTODITE IUDICIUM ET FACITE IUSTITIAM; id est, vivite iuste, recte, pie. **QUIA IUXTA EST SALUS MEA** quam vobis afferet: salvator Christus: **ET IUSTITIA MEA,** id est iustificatio, qua per Christum vos a peccatis libero, & gratia & gloria donabo.

V. 2. CUSTODIENS SABBATUM: & quidquid lege divina præscribitur ad colendum, prout oportet, Deum.

V. 3. FILIUS ADVENÆ, Moabites, Ammonites, vel quicumque alius Gentilis, dummodo per fidem, spem, caritatem adhaereat DOMINO, non dicat: **SEPARATIONE DIVIDET ME DOMINUS A POPULO SUO;** id est, non faciet me Deus participem gratiarum & privilegiorum, Abraham eiusque semini promissorum, quia ego ex isto semine non sum procreatus: ita S. Hieronymus, Cyrillus, Theodoretus.

V. 4. ET NON DICAT EUNUCHUS: **ECCE EGO LIGNUM SUM ARIDUM,** id est, sum sterilis & illiberis, & ineptus propagando populo Dei: ac proinde infamis, & privilegii eiusdem populi Dei exclusus, Deuter. xxiii. 1. nam talibus eunuchis, maxime spiritualibus, voto castitatis sponte castratis.

V. 5. DABO IN DOMO MEA, id est in Ecclesia, **ET IN MURIS MEIS,** id est

H h h 2

præ-

præcipuis munitionibus Ecclesie meæ, LOCUM, supplic, honoratum & primum. Insuper, calices in Ecclesia Christi primum locum occupaturos, in quo etiam a regibus aliisque principibus honorantur. In Hebræo pro, loco, est *in iad*, id est manus; quasi dicat: Dabo eis manum meam, non modo auxiliatricem, sed & foederis specialis conciliatricem, inquit Sanchez. Sed ET NOMEN MELIUS atque illustrius dabo eis A FILIIS ET FILIABUS, id est præ omni nomine quod a filiis naturalibus quantumcumque multis sperare vel adipisci possint. Virtus enim virginitatis aut vidualis continentie etiam coram hominibus famam, gloriam & memoriam longe nobiliorem conciliat, quam ingens filiorum copia, inquit S. Basilus *d*: est enim virtus celestis & angelica, totumque hominem condecorat, illustrat & consecrat Deo, teste S. Bernardo *e*. Quin nec omnino steriles sunt virgines, inquit idem Bernardus *f*. Primo enim pariunt heroica opera pietatis, devotionis & aliarum virtutum; secundo, exemplo suo sancto plures ad Christi obsequium trahunt; tertio, suis opibus, servitio & industria, quæ coniugati suæ impendunt familiæ, virgines venantur animas aliqui perituras: & sic carnalem sterilitatem spiritali fecunditate longe felicius compensant: ita S. Ambrosius, Augustinus *g* & alii Patres.

V. 7. LAETIFICABO EOS IN DOMO ORATIONIS *h* MEAE; id est, in templo, ad me orandum destinato exaudiam preces eorum, & concedam quicquid ad sui spiritualium profectum ac salutem petierint a me, atque ita exhilarabo illos iam votorum compotes. HOLOCAUSTA EORUM proprie dicta, nempe sacrificia Eucharistie, & etiam alia metaphorica, nempe orationum & bonorum operum, PLACEBUNT MIHI, quin & placabunt me, inquit S. Hieronymus.

V. 8. CONGREGAT DISPERSOS I ISRAEL, id est Israelitas toto orbe dispersos per Salmanassar, per Nabuchodonosorem, per Titum; quasi dicat: Ne putetis, o Iudei, cum advenas, seu Gentiles, voco ad Ecclesiam meam, me vos ab ea excludere: nam Ecclesia mea tam erit vestra quam Gentium: & sicut Gentes, sic & vos toto orbe dispersos ad eam colligam: ET

CONGREGABO AD EUM, id est ad Dominum, CONGREGATOS ETIUS, id est filios Israelis, qui sunt *Synagoga*, id est congregatio, supple, populi Dei. Sed quia mihi vos, o Iudei, ad Christum adgregare volenti, non vultis obsequi vel obedire; huc adendum:

V. 9. OMNES BESTIÆ AGRI, milites Romani, hostes Iudeorum, VENITE AD DEVORANDUM Ierusalem, ad Iudeam devastandam.

V. 10. SPECULATORES Israelis, Scribæ, Pharisei, Pontifices, CAECI OMNES, avaritia, libidine, ambitione excæcati, NESCIERUNT UNIVERI; immo videntes, scire noluerunt *tempus visitationis suæ*, quo tam benigne per Christum visitantur & ad salutem invitantur. Ethoc est primum eorum vitium; secundum, est ignavia mutorum canum; tertium, otium & desidia; quartum, ingluviæ; quintum, propriura iudicium, neglectis legibus divinis; sextum, inexplēbilis avaritia; septimum, obstinatio. Quod si hæc vitia occupent pastores, quid da grege sperandum? & quis miretur, gregem non aliter custoditum lupis & aliis bestiis prædam fieri?

(a) Matth. 13. 2. & 10. Luca 11. 14.

(b) Matth. xix. 12.

(c) Sap. 11. 17.

(d) Basil. Lib. de Vera virginitate.

(e) Bern. Serm. LXXXV. in Cant.

(f) Bernard de Modo bene vivendi cap. 211.

(g) Ambros. Lib. 111. de Virginitate, in initio.

August. Lib. VIII. Confess. cap. 21.

(h) Matth. xix. 12.

(i) 1. Pet. 2. 12.

GORDONI.

Verf. 1. HAEC DICIT DOMINUS, &c. quasi diceret: Parate viam Domini, adveniet brevi; neminem repellat accedere volentem: non erit distinctio advenæ & peregrini ut olim, Deuter. xxiii. 3. & vii. 1. nulla distinctio Græci & Barbari. Rom. cap. x. verf. 12. Eunuchi olim Deuter. xxiii. 1. erant ut infames, velut inepti ad propagandum semen Israelis: non sic sub Christo; immo Matth. xix. 11. Eunuchi ex proposito laudantur. Quod hic prædicitur futurum, verf. 4. fane Isaias hic verf. 5. sermonem extendit etiam ad spirituales Eunuchos, quorum nomen erit melius, vel ideo, quia ex sensu Ecclesie virginitas est præstantior mat-

tri-

rimonio : lege Bernar. Serm. LXXXV. in Cantica, & Basil. Lib. de Vera Virgine.

V. 8. & deinceps. **AIT DOMINUS DEUS QUI CONGREGAT, &c.** Hæc referuntur ad tempora etiam Christi : congregabit Dominus dispersos ; intellige tam Iudeos quam Gentes ; vel fideles omnes sunt hic sub nomine Israelis, ut Sanchez, Pintus, & quidam alii interpretantur.

V. 9. **OMNES BESTIÆ AGRI VENITE, &c.** Recte Pintus : Congregandi sunt ad Ecclesiam plurimi, ut iam dixit ; sed quia in spiritu videt mala etiam congregatorum,

ideo prædicat persecutiones. Per bestias intellige persecutores. Datur causa persecutionis, vers. 10. quia speculatores fidelium cæci plerique sunt, & pastores eunt in vias suas. Hi sunt pseudoprophete, Hæretici ab initio Ecclesiæ, Arriani etiam & Novatores, & alii qui male vivunt. Sunt qui hæc mala interpretantur de Synagoga, & quidquid de hoc sit, illud, vers. 10. **CAECI OMNES,** refert multos seu plurimos : nam ne quidem in Synagoga omnes erant cæci ; non enim erat tota Ecclesia : vide August. de unit. Eccl. cap. XII.



C A P U T LVII.

Inſorum interitus, & futura ipſorum requies non intelligitur ab impiis, eum quibus Deus hic expoſtulat ſuper idololatria aliisque ipſorum ſceleribus, denuntians eos humiliandos : converſis autem pax & conſolatio promittitur, cum impij cor ſit tamquam mare ſervens cui non eſt pax.

1. **I**ustus perit, & non est qui recogitet in corde suo : & viri misericordie colliguntur, quia non est qui intelligat : a facie enim malitiae collectus est iustus. 2. Veniat pax, requiescat in cubili suo qui ambulavit in directione sua. 3. Vos autem accedite huc filii auguratricis ; semen adulteri, & fornicariæ. 4. Super quem lulistis ? super quem dilataſtis os, & eieciſtis linguam ? numquid non vos filii scelesti, semen mendax ? 5. qui consolamini in diis subter omne lignum frondosum, immolantes parvulos in torrentibus, subter eminentes petras ? 6. In partibus torrentis pars tua, hæc est fors tua : & ipsis effudiſti libamen, obtuliſti ſacrificium : numquid ſuper his non indignabor ? 7. Super montem excelſum & ſublimem poſuiſti cubile tuum, & illuc accendiſti ut immolares hoſtias. 8. Et poſt oſtium, & retro poſtem poſuiſti memoriale tuum : quia iuxta me diſcoopervuiſti, & ſuſcepiſti adulterum : dilataſti cubile tuum, & pepigiſti cum eis ſœdus : dilexiſti ſtratam eorum manu aperta. 9. Et ornaſti te regi unguento, & multiplicavi pigmenta tua. Miſiſti legatos tuos procal, & humiliata es uſque ad inferos. 10. In multitudine viæ tuæ laboraſti : non dixiſti : Quieſcam : vitam manus tuæ inveniſti, propterea non rogaſti. 11. Pro quo ſolicita timuiſti, quia mentita es, & mei non es recordata, neque cogitaſti in corde tuo ? quia ego taceo, & quaſi non videns, & mei oblita es. 12. Ego annuntiabo iuſtitiam tuam, & opera tua non proderunt tibi. 13. Cum clamaveris, liberent te congregati tui, & omnes eos auferet ventus, tollet aura : Qui autem fiduciam habet tui, hereditabit terram, & poſſidebit montem ſanctum meum. 14. Et dicam :

cam: (a) Viam facite, praebe iter, declinate de semita; auferte offensa-
cula de via populi mei. 15. Quia haec dicit Excelsus, & sublimis habitans
aeternitatem: & sanctum nomen eius in excelsis & in sancto habitans, &
cum contrito & humili spiritu, ut vivificet spiritum humilium, & vivificet
cor contritorum. 16. Non enim in sempiternum litigabo, neque usque ad
finem irascar: quia spiritus a facie mea egreditur, & status ego faciam. 17.
Propter iniquitatem avaritiae eius iratus sum, & percussi eum: abscondi a te
faciem meam, & indignatus sum: & abiit vagus in via cordis sui. 18. Vias
eius vidi, & sanavi eum, & reduxi eum, & reddidi consolationes ipsi, &
lagentibus eius. 19. Creavi fructum laborum pacem, pacem ei, qui longe
est, & qui prope, dixit Dominus, & sanavi eum. 20. Impii autem quasi
mare fervens, quod quiescere non potest, & redundant fluctus eius in con-
culationem & lutum. 21. (b) Non est pax impiis, dicit Dominus Deus..

(a) Inf. lxxi. 100. (b) Sup. xlviii. 22.

BRUGENSIS.

ROMANA CORRECTIO..

Verf. 9: *Et ornasti te regi unguento.* Qui vul-

go legitur casus ablativus nominis adiecti-
vi regis, a Patribus mutatus est in dati-
vum nominis substantivi regi..

COMMENTARIA.

MALDONATI.

Verf. 1. **IUSTUS PERIT**, id est moritur.
Loquitur ex impiorum opinio-
ne, qui eos qui moriuntur, perire putant.
ET NON EST QUI RECOGITET. Cur Deus
eum eripiat, ne scilicet particeps sit ma-
lorum, quae impiis impendent, ut paulo
post exponit. **VIRI MISERICORDIAE**, id
est misericordes, viri boni, & humani.
Alii, quibus Deus misericors est, **COL-
LIGUNTUR**, id est moriuntur. Intelligitur
accusativus, על עמם, ad populum suum.
Saepe diximus huiusmodi verba, quae fre-
quenter cum casu aliquo ponuntur, aliquan-
do absolute poni, idemque significare: ut
Num. xv. 26. *Aaron colligetur, & morie-
tur ibi.* **QUIA NON EST QUI INTELLI-
GAT:** כִּי לֹא יֵדָע, cum non sit qui
animal veritas; id est, & tamen nemo ani-
madvertit, quod a facie mali **COLLECTUS
EST IUSTUS**; id est, quod ideo moriturus
sit, ne videat futurum malum quod im-
piis imminet.

V. 2. **VENIAT**; pro, veniet; כֵּן, in-
greditur in pacem, id est in requiem sem-

piternam: (aut veniet iusto pax.) RE-
QUIESCAT, pro, requiescet. נָחַת עָלַי
מִשְׁכַּנְתִּים, requiescet in cubilibus suis,
id est in celestibus mansionibus, quas Chri-
stus dixit multas esse: Ioan. xiv. 2. **QUI
AMBULAVIT IN DIRECTIONESUA**, iustus,
id est qui recte vixit. Alii, נָחַת, coram
eo, id est coram Deo. Melius noster In-
terpres; quia versus praecedente dixerat im-
piorum opinione iustum perire, reprehendit
nunc eorum errorem, dicens tantum
abesse ut pereat, ut potius summa pace
frui coeperit, ut Sap. 111. 2. *Visi sunt
oculis insipientium mori, ipsi autem sunt in
pace.*

V. 3. **VOS AUTEM ACCEDITE HUC** (ut
pro vobis respondeatis) ego enim pro ius-
tis iam respondi. (FILI AUGURATRICES;
quasi dicat: Filii non Synagoga, ubi ve-
ri Prophetarum sunt, sed idololatriae, ubi pra-
estigiatore augurantur futura. SEMEN ADUL-
TERAE, זֶרַע אֲדֻלְטֵרָה, ut etiam legitur
in emendatis codicibus Latinis; id est, non
filii Abraham & Saræ, quorum mores non
imitamini, sed Ethnici & Ethnica, quo-
rum idololatriam excrētis.)

V. 4. SUPER QUEM: על מי, *contra quem* LUSISTIS: תלענני, *oblectastis vos?* Significat hoc verbo solere homines impios Deum pro ludibrio habere, itaque se se oblectare eum irridentes; sicut reges morionibus delectantur. Hanc enim vim habet verbum תלענני. SUPER QUEM על מי, *contra quem* DILATASTIS OS, id est detraxistis. ET EIECISTIS LINGUAM: תהריכו, *protraxistis linguam*, id est oblocuti estis; quasi dicat, Contra Deum. NUMQUID NON VOS FILII SCCELLISTI (cum hæc feceritis, nonne estis filii degeneres patri vestro Abrahamo, aut Deo dissimiles) SEMEN MENDAX, id est adulterinum; quasi dicat: Nonne falsi filii estis, patremque vestrum mentimini, ut Psal. xvii. 46. *Filii alieni mentiti sunt mihi.*

V. 5. QUI CONSOLAMINI, id est qui delectamini, ut versu præcedenti. IN DIIS: במליך, *alii, inter quercus*, minus apte. Probat quod dixerat, eos esse degeneres filios ac semen mendax. IMMOLANTES PARVULOS IN TORRENTIBUS SUBTER EMINENTES PETRAS, id est sub scopulos: duobus maxime locis solebant Gentiles diis suis immolare, & mactare filios, in lucis, & iuxta rivulos aquarum, quem ritum ab eis didicerant Indæ. Psal. cv. 35. *Et commisti sunt inter gentes, & didicerunt opera eorum, & immolaverunt filios suos, & filias suas demoniis.* Lege Lib. IV. Reg. cap. xvi. & xvii. & II. Paral. cap. xviii.

V. 6. IN PARTIBUS TORRENTIS PARS TUA, id est scilicet partes torrentis ב. pro כ, *in pro sicut*; quod frequens est apud Hebræos: ut *Vox tonitru tui in rota*, id est sicut rota Psal. lxxvi. 19. quasi dicat: Quia in torrentibus immolasti, pars tua, id est hereditas tua, erit sicut hereditas torrentis, quæ præterbit (ut Poeta loquitur) more fluentis. HÆC EST SORS TUA; id est, similis erit torrentis hereditas tua, fluxa, & caduca. Heb. הַסֵּרָה, *ipsi ipsi fors tua*, id est dii quibus immolasti, quasi dicat: Pete ab illis mercedem idololatricæ tuæ, qui nihil sunt, neque possunt. Relativum sine antecedenti. Scio alios aliter interpretari; sed hic mihi videtur proprius esse sensus. NUMQUID SUPER HIS (peccatis tuis) NON INDIGNABOR. Heb. הֲעַל אֵלֶּה מַכָּח, *an super hæc consolationem accipiam*, id est placabor: quem eundem sensum noster Interpretres reddidit per negationem. R. Da-

vid interpretatur. *An percutiet me* (ma- li quod vobis paravi.)

V. 7. SUPER MONTEM EXCELSUM, id est in omni loco sublimi, ita ut ab omnibus conspici posset, cum idolis scortata est. Utitur enim Heb. genere feminino, quia intelligitur Ierosolyma, cum qua loquitur. POSUISTI CUBILE, id est lectum tuum, quo scortaberis cum idolis. Lectum autem vocat altare, in quo idolis sacrificabat, eadem metaphora, qua sacrificium ipsum fornicationem vocare solet.

V. 8. POST OSTIUM ET RETRO POSTEM POSUISTI MEMORIALE TUUM, id est idolum tuum, ut illud exiens ac ingrediens videres, semperque illius recordare. Vel memoriale vocat monumentum aliquod idoli, vel instrumentum ad sacrificandum, קַרְנֵיךָ: alii vertunt *suffragium tuum*. QUA IUXTA ME DISCOOPERUISTI TE; id est, domi etiam tuæ iuxta templum, ubi mihi debebas sacrificare, prostituisti te sicut meretrix ad scortandum cum idolis, id est sacrificandum; quasi dicat: Iuxta thalamum meum, nudasti te ut concumberes cum idolis. Heb. נִשְׁחַתְּ, *a me discooperuisti te*, id est me relicto, idolis te tradidisti. ET DISCOPEISTI ADULTERUM. Heb. וְתַעֲלִי, & *ascendisti* (sub, in montem, aut in lectum tuum, ut scortaberis.) DELATASTI CUBILE TUUM, id est lectum tuum: scilicet ut plures adulteros capere posset; quasi dicat: Non fuisti contenta uno idolo, sed multa coluisti. ET PEPIGISTI CUM EIS FOEDUS; id est, sicut meretrix, quæ multos habet amatores, cum eis paciscitur, ut una nocte cum uno dormiat, alia cum alio: sic tu cum multis haberes idola, cum eis pepigisti, ut uno die uni, alio alii sacrificares. DILEXISTI STRATUM EORUM MANU APERTA, (sub ad recipiendam mercedem) id est, ut ab eis auxilium reciperes, eis sacrificasti. Heb. יִדְהוּת, *Chaldaus vertit, locum elevisi*, id est in loco, quem ad sacrificandum elegisti. Alii, *in loco quem vidisti*, id est in omni loco, quem aptum esse videbas.

V. 9. ET ORNASTI TE REGIO UNGUENTO; id est, præparasti te ad sacrificandum, sicut meretrices ungunt se unguento quasi regine ad concubendum cum amatoribus. Heb. הֲשִׂי לְבוֹשׁ, *obtulisti munera regi*; נִשְׁחַתְּ, *in unguento*, vel ex unguento, aut

ex oleo. Per regem intelligit Bel primum idolum Chaldaeorum, ut sup. cap. XLVI. 1. Vel, ut alii dicunt, Assyriorum regem, ad quem Iudei munera mittebant, ut opem ab eo postularent, aut ad regem Aegyptiorum, ut supra dixit cap. xxx. & xxxi. **ET MULTIPLICASTI PIGMENTA TUA**, id est multa & varia pigmenta, vel aromata ad eum pro munere misisti. **MISISTI LEGATOS TUOS PROCL**, id est in Aegyptum, ut sup. cap. xxx. & xxxi. **HUMILIATA ES**, id est humiliasti te illi. **USQUE AD INFEROS**, id est valde, nimis.

V. 10. IN MULTITUDINEM VIAE TUAE; id est, ob longitudinem itineris quo ad Aegyptum tendebas, fatigata es, inanem laborem consumpsisti, ut auxilium peteres ab iis, qui dare non poterant, ut cap. xxx. 5. **NON FIXISTI, QUIESCAM**; id est, non scilicet laborem, sine ulla intermissione laborasti. Heb. **לֹא אָמַרְתָּ נָאֵם** non dixisti, desperatum est (cor meum) id est, non sensisti vires tibi animumque deficere propter caream cupiditatem, qua ducere. **VITAM MANUS TUAE INVENISTI**. Hebraismus, pro, non perdidisti vigorem virium tuarum. **PROPTEREA NON ROGASTI**: ut **לֹא חָלַשְׁתָּ** non agrosti: atque ita fortasse verit noster Interpres; sed similitudo postea litterarum induxit, rogasti, pro agrosti: quamquam Septuag. verterunt **διὰ τὴν ῥῆσιν οὐκ ἀγροσθῆναι**, non rogasti; id est, non petivisti a me auxilium, confisa hominum auxilio, aut non sentiens te indigere.

V. 11. PRO QUO SOLICITA TIMUISTI; id est, propterea anxius fuisti, & in perpetuo timore versata, **QUIA MENTITA ES**, id est defecisti a me, **MEIQUE NON ES RECORDATA**. Nam si mei oblita non esses, nihil esset quod te perterrire posset. **NEQUE COGITASTI**; id est, propterea mei oblita es, quia non cogitasti quod tacerem, & quasi non videns essem; id est, non propterea non ostenderem meam potentiam, quod oblitus essem tui, aut non haberem curam rerum, sed quod dissimularem & quodammodo occultarem me, ut experiret quomodo te gereres. Heb. **רָחַמְתָּ מֵיִרָא** quem timuisti ac formidasti, quia mentita es; id est, si quem timuisti, propterea timuisti, quia a me defecisti. Et non cogitasti, **מֵחֵשֶׁב וּמֵעֵלֶם חֵלֵם אֲנִי** non ego taces & a seculo **וְחֵלֵם תִּירָא**, & me non timuisti; id est, non animadvertisti,

si, quod etsi quidem taci, & quidem a seculo, id est valde diu, (sub. non semper tacebo.) Noster Interpres non videtur legisse **מֵעֵלֶם a seculo**, sed **מֵעֵלֶם absconditus**, participium passivum a verbo **עָלַם** quod in eodem constat litteris, sed diversis punctis legi potest; sensusque est multo melior, quem noster Interpres expressit dicens, **ET QUASI NON VIDENS**: idem enim est occultare se, & non videre.

V. 12. EGO ANNUNTIABO IUSTITIAM TUAM, id est quam tu putas esse iustitiam, re autem vera summa est iniquitas; id est, ego patefaciam qualis sit, cognosceque tua opera mala fuisse, cum videris tibi non prodesse.

V. 13. CUM CLAMAVERIS; id est, cum calamitate aliqua oppressus clamare cogeris ad opem implorandam. **LIBERENT TE CONGREGATI TUI**, id est Aegyptii qui tibi sunt foedere coniuncti; vel milites quos congregasti; quasi dicat, Non poterunt te liberare, ut Deuteronom. xxxiii. 38. *Ubi sunt dii eorum in quibus habebant fiduciam, de quorum victimis comedeant adipem, & bibebant vinum libaminum? Surgant, & opitulentur vobis, & in necessitate vos protegant.* **OMNES EOS AUFERET**; id est, tantum abest ut liberare possint, ut eos potius ventus rapiat, id est levissimae causa pereant. **QUI AUTEM FIDUCIAM HABET IN ME**, HEREDITABIT TERRAM, id est liberabitur, erit securus & longevus. **ET POSSIDEBIT MONTEM SANCTUM MEUM**, id est habitabit in Sion. Myst. in Ecclesia.

V. 14. ET DICAM, VIAM FACITE; id est, iubebo omnia impedimenta tolli, efficiam, ut quocumque tendant qui in me confidunt, facilem viam inveniant; hoc est, ut quidquid facere aggrediantur, bene illis succedat. Heb. **אָמַר, דִּיעַר** (Deus) **DECLINATE DE VIA**; id est, date locum, qua transeat populus meus; vel, **פָּכֵי דֶרֶךְ**, purgate viam a lapidibus, aut vertite viam.

V. 15. QUIA HAEC DICIT DOMINUS. Haec omnia epitheta eo pertinent, ut maiorem promissioni fidem faciat. **ET IN SANCTO HABITANS**. Heb. **קִדְשׁ אֶשְׁכֵּן**, in sancto habitans, id est in templo, aut cum homine sancto, & cum eo qui contrito est & humili spiritu: **UT VIVIFICEM SPIRITUM HUMILITUM**, id est ut afflicto sublevem.

V. 16. NON ENIM IN SEMPERNITATE LITIGABO; id est, infensus ero, inimicitias geram, neque ulque ad finem irascar: *אֲנִי לֹא אֶלֶף בְּעַדְךָ* in perpetuum. QUA SPIRITUS A FACIE MEA EGREDIETUR: fut. pro preterito egressus est; id est, quia ego creavi spiritum. ET FLATUS EGO FACIAM, id est & animas ego feci: repetitio. Alii, *Quis spiritus a facie mea*, id est qui egreditur ex me: *וְעָנָה*, *indues* (corpus) reueruntque ad mortuorum resurrectionem. Sed prior mihi interpretatio propria videtur; quasi dicat: Ego qui feci spiritum & animam, non ignore ventum esse vitam hominis, ut ait Iob cap. vii. 7. propterea non perpetuo illi irascar: ut Psal. lxxvii. 38. *Et abinlavit ut auerteret iram suam, & non accendit omnem iram suam: & recordatus est quia caro sunt, spiritus vadens & non rediens:* & Psal. ciii. 13. *Quomodo miseretur pater filiorum, misertus est Dominus sumentibus se, quoniam ipse cognovit signum nostrum.*

V. 17. PROPTER INQUITATEM AVARITIAE EIUS; id est, Non mea sponte illi iratus sum, *Non enim volo mortem peccatoris*; sed ille me iniquitate avaritiae suae ad iram provocavit. Avaritiam ponit pro omni peccato, speciem pro genere, quia *Cupiditas radix est omnium malorum*: I. Tim. vi. 10. ABSCONDI A TE FACIEM MEAM, id est abstuli a te favorem meum. Repentina mutatio personae, quamquam Hebraice neque est te, neque *faciem meam*, sed absolute, *הסתר*, *abscondi* (sub. me, aut faciem meam. ET ABII MOERENS, id est tristitia affectus, quia illi irascebar, *עָנָה*, ut Septuag. transulerunt; quasi dicat: Etiam cum a me afflictus esset, & moestitia affectus, tantum abest ut conversus fuerit ad me, ut potius abierit in viam cordis sui; id est, quocumque appetitus libidinoque ducebat, fecit quicquid illi collibitum est. Heb. *וַיִּרָץ שָׁכַב* & *abii oberans*, aut averfus, aut vagus, ut in nonnullis Latinis codicibus est, id est effrenate. Alii, *abii rebellis*.

V. 18. VIAS EIUS VIDI; pro, videoho; quasi dicat: Haecenus abscondi faciem meam ab illo, ut dixit vers. precedenti; sed iam respiciam illum. ET SANAVI; pro, sanabo eum. ET REDUCAM EUM, (ad me) aut ex captivitate. ET REDDAM CONSOLATIONES IPSE; id est, restituiam illi in suendam illam vitam, quam agebat ante

quam in captivitate ducebat. ET REGENTIBUS EIUS (populi) id est, iis qui ex populo lugent; id est, letabuntur pro diebus, quibus eos humiliavi, *annis, quibus viderunt mala*: Psal. lxxxix. 15.

V. 19. CREAVI FRUCTUM LABIORUM PACEM; id est, pacem, quam illis verbis promisi, te ipsa illis dabo; vel ut alii exponant, efficiam ut sicut nunc non loquantur nisi de bellicis terroribus, ita tunc non loquantur nisi de pace. PACEM ET QUI LONGE, id est tam Iudeis qui longe dispersi sunt, quam illis qui in Iudaea remanserunt: vel, Iudeis & Gentilibus, ut videtur D. Paulus interpretari Ephes. ii. 17. *Et veniens evangelizavit pacem, pacem vobis qui longe fuistis, & pacem iis qui prope: & ut dixit Iai. sup. cap. xi. 6. Habebit lupus cum agno, & pardus cum hirculo accubabit: & inf. cap. lxxv. 25. Lupus & agnus pascentur simul, & leo & bos comedent pascuas.*

V. 20. IMPII AUTEM QUAS MARE FERRENS, id est aestuans *כָּנָר*, *supersum*, *agitatum*. ET REDUNDANT FLUCTUS EIUS, *וַיִּכְרַשׁ מִיָּם*, & *propellens aquae eius רַפֵּשׁ וָמָוֶה*, *caum & lutum*; id est, sicut aquae maris causa sunt caeni & luti, sic impiorum scelera causa erunt illis suppliciorum, & ut Hispani dicunt, *de tal polvo, tal lodo*.

V. 21. NON EST PAX IMPIIS; id est, illa pax, quam supra promisi iis qui ad me redirent, impii qui in sua impietate obstinati permancbunt, non fruuntur.

S A.

Vers. 1. IUSTUS, id est Christus, vel homines iusti. RECOGITET, scilicet causam promissionis Dei. MISERICORDIAE, id est pii. LXX. *iusti*. COLLIGUNTUR, scilicet ad patres, id est moriuntur. QUA. LXX. & INTELLIGAT. LXX. *consideret*, scilicet causam. A FACIE, &c. Chald. *propter malum, quod venturum est*; quasi dicat: Auferet eos hinc Deus, ut non videant mala.

V. 2. VENIAT PAX, scilicet illi, scilicet dicit Deus. CUBILI. LXX. *sepultura*. DIRECTIONE, id est vitae rectitudine.

V. 3. AUGURATRICES, id est vindexe; quasi dicat, Impii, seu scelesti. LXX. *iniqui*.

V. 4. SUPER, id est contra. SCELESTI. LXX. *perditionis*. MENDAX, id est adulterum. LXX. *vile*.

V. 5. CONSOLAMINI, id est delectamini. TORRENTIBUS. LXX. *vallibus*.

V. 6. PARS TUA; quasi dicat, Divitiarum & delictorum tuarum, colere idola.

V. 7. CUBILE, id est templum, ubi a dultum idololatricum.

V. 8. MEMORIALE, id est quod tibi in mentem reducat deos tuos, scilicet idola. IUXTA ME, id est me vidente. DISCOOPERUISTI, scilicet turpitudinem tuam. ADULTERUM; quasi dicat, Adulterata es cultu idolorum. DILATASTI, &c. quasi dicat, Cum multis es fornicata, scilicet colens multos deos. STRATUM, quasi dicat, Adultuari. MANU APERTA, id est palam. *Manus pro loco*.

V. 9. REGI, scilicet Assyriorum, vel Aegypti. UNGUENTO, quasi dicat, More meretricis, ut ei placeres. LEGATOS, scilicet confidendo in hominibus. USQUE AD INFEROS, id est vilissime, seu profundissime.

V. 10. LABORASTI, scilicet profecta ad petendum auxilium. QUIESCAM. LXX. *desinam*. Chald. *convertar*. VITAM MANUS TUAЕ. Chald. *divitias multas*, scilicet manuum labore partas. ROGASTI. LXX. *rogasti me*.

V. 11. TIMUISTI? per interrogationem legendum. MENTITA, scilicet mihi fidem non servans. TACENS, id est dissimulans.

V. 12. IUSTITIAM. Ironice; quasi dicat, Tua flagitia.

V. 13. CONGREGATI, scilicet milites, vel Principes federati. AURA. LXX. *tempestas*. MONTEM, scilicet caelum.

V. 15. AETERNITATEM. Chald. *in celis*. LXX. *in aeternum*. IN SANCTO HABITANS: LXX. *in sanctis requiescens*.

V. 16. LITIGABO. Chald. & LXX. *ultiscar*. USQUE AD FINEM, id est semper. QUITA SPIRITUS, &c. quasi dicat, Ego enim animas creo. EGREDIETUR; pro, egreditur. FLATUS, id est animas: vide August. VII. de Gen. cap. III. & XIII. CIVIT. cap. XXIV. FACIAM. Heb. Chald. & LXX. *feci*; quasi dicat: Amo animas quas feci, ideoque ignosco.

V. 17. VAGUS, id est errans. LXX. *tristis*.

V. 18. CONSOLATIONES. LXX. *consola-*

tionem veram, ETUS. Chald. *super eum*.

V. 19. LABIORUM, id est confessionis peccatorum, vel laudis.

V. 20. CONCULCATIONEM. Chald. *caenum*; scilicet solent fluctus cerum eicere ad littus.

V. 21. PAX. LXX. *gaudere*.

EST I I.

Vers. 1. IUSTUS PERIT, ET NON EST QUI RECOGITET IN CORDE SUO: ET VIRI MISERICORDIAE COLLIGUNTUR, QUIA NON EST QUI INTELLIGAT. Quæstio, quem iustum vellet Propheta hac sententia significare? Hebræi intelligunt ipsum Isaiam; quem dicunt hic prædicere suam ipsius mortem, & immane supplicium, quo affectus fuit a Manasse rege, lignea ferra dissectus. Hieron. per antonomasiam intelligit de Christo dictum, qui est eximie iustus præ omnibus mortaliibus; immo fons ipsius iustitiae. Sed Christo non admodum victur convenire: nam ille statim post mortem factus est admodum gloriosus per resurrectionem, & per miracula, & prædicationem Apostolorum. Deinde addit Propheta plurali numero: *Et viri misericordiae colliguntur*: unde apparet, non de uno aliquo dictum, sed in genere de iustis; ut sensus sit: *Iusti perent*, id est discedunt ex hac vita, & viri misericordiae, id est misericordes ac benefici colliguntur per mortem ad patres suos; & non est qui recogitet in corde suo, id est nihil æstimant mortem Sanctorum, neque eorum post mortem habent ullam memoriam; sed videntur abiisse in oblivionem. Addit: A FACIE MAIESTATIS COLLECTUS EST IUSTUS; quasi dicat: Collectus est, & sublati, ut mala huius sæculi non videret: magnum scilicet Dei beneficium, quando virum iustum per mortem eximit ex consortio malorum, aliique huius sæculi malis.

V. 19. CREAVI FRUCTUM LABIORUM PACEM, PACEM EI QUI LONGE EST, ET QUI PROPE, DICIT DOMINUS. Hunc locum interpretatur nobis Apostolus Paulus ad Ephes. II. *Et veniens evangelizavit pacem vobis, qui longe fuistis*, id est gentilibus: Ephesii enim, ad quos scribit, erant gentiles; *Et pacem iis qui prope*, id est Iudeis: scilicet

scilicet Gentiles longe fuerant a Dei notitia, & a lege Dei prorsus alieni; Iudæi vero prope, quia erant propulus Dei, quorum erat testamentum, & legislatio & promissa, ut est Rom. ix. & alibi. Utrique pacem annuntiavit Christus, quia utrique reconciliationem cum Deo per fidem in ipsum mediatorem publicavit.

MARIANAÆ.

Vers. 1. **IUSTUS PERIT.** Chald. *in fili moriuntur*: singulare pro plurali; quasi dicat: Non est mirum, si iniqui multi sunt, & mali pastores, quoniam qui nulli sunt, ii moriuntur. Quæ magna calamitas est, neque quisquam id considerat. **COLLIGUNTUR.** Moriuntur qui deberent diu vivere. **QUIA NON EST QUI INTELLIGAT.** Heb. *in non intelligente*, id est non est qui intelligat. Hi: ronymus pro *Beth*, legit *Caph*: sic dixit, quia non est, cum nulla reddatur causa. A FACIE ENIM MALITIÆ, id est ne mala que instant, videat, & patiat. Aut ne mores ipse mutet in peius. Quod de Enoch dicitur: *Raptus est, ne malitia mutaret intellectum eius*: Sapient. iv. 11. Collectus est iustus.

V. 2. **VENIAT PAX;** pro, in pace. Heb. *veniet* (in) *pax*; scilicet morietur antequam res turbentur. Septuag. *erit in pace sepultura eius*. Chald. *ibunt in pace*. **REQUIESCAT IN CUBILE SUO.** Heb. *requiescent in cubilibus suis*, id est sepulcris. Mutat numerum more eius lingue. Qui ambulavit in directione sua, eam mercedem inculpata vite recipit. Chald. *qui operantur secundum legem*: Alii vertunt, *ambulans coram eo*, scilicet Deo. Verum Heb. vox *nechoko* potest directionem significare, ut Hieronymus posuit.

V. 3. **FILII AUGURATRICES,** id est venefice. Et fornicariæ. Heb. & (eius que) fornicata est. Quod Hieronymus bene vertit. Iudeos increpat.

V. 4. **SUPER QUEM LUSTIS?** Heb. *contra quem vos oblectastis?* Hoc de Deo intelligit, contra quem se illi homines cultu idolorum oblectabant. **EIECISTIS LINGUAM.** Heb. *prolongastis linguam*. **SEMIN MEN-DAX?** id est filii nothi, adulterini.

V. 5. **QUI CONSOLAMINI?** Alii vertunt, *qui incolestis*, id est fornicamini. Cultum arguit fornicationem vocat. Vox Heb.

potest deduci a נחם *naham*, quod est *consolari*. Hoc Hieron. est secutus. Potest etiam deduci a נחם *naham*, quod *calefcere* significat. Hoc Hebræi sequuntur. In sententia non discrepant. **IN THIS.** Vox באלים *baelim* potest significare, *in diis*, quod Chald. & Septuag. secuti sunt, pro diis ponentes idola. Potest etiam significare *in quercibus*, apud quercus, ubi sacrificabant, quod Hebræi sate sequuntur. **IMMOLANTES PARVULOS.** Heb. *filios*. **SUBTER EMINENTES PETRAS.** Heb. *subramis petrarum*. Sedramos vocat rupium acumina & quasi dentes.

V. 6. **IN PARTIBUS TORRENTIS,** id est in rivis torrentis pars tua: ibi sacrificas, ibi epularis; nam in sacrificiis epulabantur. Alii vertunt *in lavibus* (scilicet laxis) *torrentis pars tua*. Ibi sedes, ibi sacrificas, & epularis. Vox הלק *helek*, causa varie versionis, significat enim & *partem*, & *levem esse*. Chald. *in lavibus locis ripæ*, dixit. **SUPER HIS NON INDIGNABOR?** Heb. *super his consolationem accipiam?* Eadem significatio; quasi dicat: Numquid hæc aquo animo feram?

V. 7. **CUBILE TUUM.** Sic vocat altare, aut tentorium, in quo sacrificantes quiescebant: illud super montem posuisti.

V. 8. **POST OSTIUM,** scilicet domus tue. **MEMORIALE TUUM.** Chald. *memoriale idolorum tuorum posuisti*, id est imaginem, signum, quod idola in memoriam revocaret. Deus præcepit, ut memoriale fux Legis portarent, hi contra faciebant: Quidam pro *memoriali*, *suffragium* vertunt. Vox *ziebron* utrumque significat. **QUIA TUXTA ME DISCOOPERUISTI.** Heb. *ame* (scilicet recedens) *revelasti*, scilicet pudenda. **ET SUSCEPISTI ADULTERUM.** Heb. *ascendisti*, scilicet in excelsa. **DILATASTI CUBILE TUUM,** ut capiat adulterum. **ET DEPECTISTI CUM EIS FOEDUS.** Heb. non est *factus*, sed bene supplctur. **MANU APERTA,** id est prorsus. Heb. *manum vidisti*, id est locum, ubi erat cubile eorum, hoc est, idola. Nam per metaphoram adulterii, cultum idolorum intelligit.

V. 9. **ET ORNASTI TE REGI UNGUENTO.** Heb. *progressa est ad Regem in unguento*, id est ornatu meretricio, ut illi placeret. Porto per Regem intelligunt Regem Assyriorum, propter n emphaticum in *Pashah* subintellectum.

ET HUMILIATA ES USQUE AD INFROS.

sive sepulcrum. Quam est illi fovea profunda, tantum te deiecit. Videtur carpere quae Ezechias fecit cum Rege Assyriorum IV. Regum XVIII. 14. tributum illi solvens.

V. 10. IN MULTITUDINE VIAE TUAE LABORASTI, cum Legatos in Assyriam longinquam mitteres. NON DIDISTI: QUIESCAM. Heb. *non dixisti: Desperatum est, spes pacandi Assyrios te stimulat, ut cum laborem subires. VITAM MANUS TUAE INVENISTI*, id est vitam tibi Assyrius concessit. *Vitae manus tuae*, id est tuo labore & industria partem. PROPTEREA NON ROGASTI, scilicet me: sic Septuag. Heb. *non languisti*, id est longi itineris laborem non recusasti.

V. 11. QUIA MENTITA ES, id est defecisti a me, me dereliquisti. QUIA EGOTACENS, scilicet ideo mentita es. Heb. *An ego taceam, pro, taceam? ET QUASI NON VIDENS*. Heb. *& a saeculo*, scilicet perpetuo, scilicet tacet? Apostrophis; quasi dicat: An non puniam aliquando te? ET MEI OBLITA ES. Heb. *& me non timuisti*. Et, pro, quia me non timuisti, ideo te puniam.

V. 12. EGO ANNUNTIABO IUSTITIAM TUAM. Ironia cit.

V. 13. CUM CLAMAVERIS IN PERICULO. LIBERENT TE CONGREGATI TUI, id est milites, quos undique contraxisti. TOLLET AURA EOS. Heb. *tollit varios*, nihil proderunt. Cum piis longe aliter me geram, liberabo eos.

V. 14. ET DICAM. Chald. *& dicet*. Septuag. *& dicam*, scilicet liberati. VIAM FACITE, PRAEBETE ITER. Heb. *munite, munite*. DECLINATE DE SEMITA. Heb. *complanate viam*.

V. 16. NON.... LITIGABO, id est non semper puniam Iudeos. AD FINEM NON ISRAEL. Heb. *perpetuo*. QUIA SPIRITUS A FACIE MEA EGREDIETUR. Heb. *induet*, scilicet ceperis. EGO feci hominis spiritum. ET FLATUS EGO FACIAM. Heb. *mentes ego feci*, scilicet vitam ego homini do; ideo eam servare volo, liberare piros; ideo ignosco.

V. 17. ABSCONDITA TE FACIEM MEAM. Gorth. *abscondi sine faciem meam*: sic Vulg. Regia, sed bene suppletur id. Heb. *abscondendo (faciem) & percussu eum*, scilicet populum. ET ABIT VAGUS. Heb. *rebellis*. Supplicium illi non profuit.

V. 19. CREAVI FRUCTUM LABIORUM. Fructus labiorum sunt verba. Omne novum creatura vocatur. Ergo, ante loquar ultiones, nunc verbum novum profero. Pacem, inquam, pacem omnibus, sublata omni contentione & vindictae studio. Hoc cum piis: nam impii alia conditione crunt, ut mare fervens.

V. 20. REDUNDANT FLUCTUS FIUS. Heb. *impellunt*, id est *faciunt*, ut Chald. exponit, *aque eius caenum & lutum*. Ea est impii conditio, mentis inquietudo, opera sorda tandem.

M A L V E N D A E.

Verf. 1. IUSTUS PERIT. Heb. *Influs est*. *Inflatus est de medio*, &c. Notant esse alteram partem actus, de oscitantia populi, ut diximus cap. LVI. 10. *perit*, id est moritur, decedit ex hac vita, tollitur de medio. ET NON EST QUI RECOGITET IN CORDE SUO. Alii: I. *neque quisquam hoc in corde reponit*. II. *& nemo homo reponit in animo*; id est, non est qui curet & reputet apud se quare illi moriantur. *Ponere super cor*, Hebraismus, pro advertere animum, seu curare. VIRI MISERICORDIAE COLLIGUNTUR, Varii alii: I. *& viri pietate insignes, seu conspicui*, congregantur ad populum suum, seu ad patres. II. *homines benigni, benefici, pii*, tolluntur. III. *homines, inquam, benignitatis, seu benigni recipiuntur*. QUIA NON EST QUI INTELLIGAT. Heb. *in non intelligente*. Alii: I. *non existente qui intelligat*. II. *& nemo expendit*. III. *nemine advertente*. Hispanice: *sua habet quicquid loquatur*. A FACIE ENIM MALITIAE COLLECTUS EST IUSTUS. Alii: I. *tollitur enim ante malum influs*. II. *quod propter malum id est ultionem brevi venturam, appositus sit ad patres suos influs*. III. *nemine advertente ante faciem, seu ante adventum ipsius mali recipi influs*. Exponunt: *Ipsius mali, quale denuntiavit Deus supra cap. LVI. 9. Sic de Chanocho dicitur Sapientiae IV. 10. & de Abrahamo, Genes. xv. 15. & de Chirikkia, II. Reg. xv. 13. & 19. & de Ioschia II. Reg. xxiii. 20. IV. nec est qui intelligat, quod propter malum venturum congregatur influs ille*. Malitia hic & pro malo culpa, & poenae accipit potest; subducitur enim iustus a periculis.

vitæ, ac peccandi; & ne eum feriat intrusus & publica ultio.

V. 2. VENIAT PAX, &c. Alii hunc verbum ex Heb. reddunt: I. *Ingrederetur in pacem*, subaudi ad patres suos, *mereretur in pace*, vel *veniet pax iusto*, id est dies, in qua requiescet in pace: *requiescent in cubilibus suis, qui ambulaverint coram eo*, scilicet Deo; id est, quisquis placuerit Deo in vita sua, recipietur in æterna tabernacula. II. *Veniet pax* (*requiescent in cubilibus suis*) *ambulans*, scilicet pax, ante illum; id est, præcedit eum, & comitatur abentem & discedentem ex hoc mundo. III. *Veniet pax ambulanti in rectitudine sua*; id est, erit felicitas ei, qui recte instituit vitam suam: ut illud, *requiescent in cubilibus suis*, sit interdictum per parenthesin. IV. *Veniet pax*, id est mors iustorum in pace, ut Genes. xv. 15. & Lucæ 11. 29. *requiescent super cubilia sua*, id est in sepulcris, omni prorsus malorum timore sublato, *ambulans* quisque ante eam, nempe pacem; id est, qui eam semper præstulerit, & eius administer fuerit. V. *It iustus ad sepulcrum in pace, requiescent pii in sepulcris suis: it pax ante eum*, vel *præcedatque ante illum*; id est, in pace decessit iustus. Postremam partem reddunt alii: *requiescent in sepulcris suis singuli, qui ambulant ante Deum*. VI. *Ingrede pacem*, apud Deum, relictis quacunque ratione agitationibus mundi: vel *occedere in pace*, citra ullum turbarum mundi impedimentum, *requiescere in cubilibus suis*, id est in sepulcris, quæ sunt corporibus nostris cubilia usque ad resurrectionis diem: *quisquis ambulat in equitate sua*.

V. 3. VOS AUTEM ACCEDITE HUC, &c. Alii: *At vos appropinquate huc*, &c. Obiurgatio, ut diximus in cap. lvi. 10. quia Deus Iudæis omnibus antiquam, & a parentibus traductam improbitatem exprobat, cum matrem præstigatorum, patrem adulterum, & ipsorum quemque scortatorem vocat: *appropinquate huc*, nimirum ad contumeliam causæ, & iudicii, ut supra cap. xli. 1. FILII AUGURATRICIS. *הַנְּבִיאִים הַזֵּהִם*, hæc omnia complectitur, *obsecratrix, præstigatorum, oculatrix, fascinoatrix, venefica*; vide supra cap. 11. 6. ET FORNICARIE. Heb. *וְהַזֵּהִם* fornicaberis, vel *fornicata fuit*; nam potest esse secunda persona masculina, & tertia feminea, &

ad *auguratricem*, & ad *senem* referri. Alii: I. *Quorum mater fornicata est*. II. *Quod fornicaberis*. III. *quod scortaris*.

V. 4. SUPER QUEM LUSTISTIS? &c. Alii: I. *In quo*, vel *quare vos oblectastis*? II. *Contra quem oblectastis vos*? &c. Contestatio confirmans duo crimina obiecta præcedente versu, primum quidem parentum, hoc & sequente versu; deinde vero ipsorum, vers. 6. & sequentibus; quasi dicat: Nonne contra me spectant hæc omnia, & in me sunt contumeliosa? SUPER QUEM DIBATASTIS OS? Alii: *contra quem dilastis os*? Vide Psal. xxi. 8. & xxxiv. 21. ET EIECISTIS LINGUAM. Heb. *prolongabitis linguam*? Alii I. *protrahitis linguam*? II. *Quæ linguam exerauistis* ad ludibrium & contumeliam. Aulus Gellius Lib. IX. Notitium Articularum cap. xiiii. Deinde Gallus *irridere capit, atque linguam exercitare*. NUMQUID NON VOS FILII SCELESTI? Heb. *an non vos nati, geniti, parti defecionis, transgressionis, prævaricationis*? Alii: I. *an non estis nati defecione*, id est matre impura, quæ defecit a me? II. *an non vos filii ejus perdidistis*? SEMEN MENDAX? Heb. *semen falsitatis, seu fallaciae*? Quidam: *semen falsum*; id est, patre adultero? ut superiore versu; quasi dicat, Semen spurium & illegitimum.

V. 5. QUI CONSOLAMINI IN DIIS. Participium *בְּחִנֵּי נַחֲמִים*, a *נָחַם* *nacham*, *consolari*, deduxit. Passim alii a *נָחַם* *nacham*, *incaluit*, reddunt: *Incalescentes, calefacientes se*, sive calore venero coeuntes, cum diis. Idolatriam vocat scortationem frequenti usu Scripturæ. Fortiter: *qui incalescit subter quercus*, vel *qui calentes in ilices*. Leo Iudas: *Incalescit apud quercus*, vel inter *quercus*, seu *almos*. Tremellius, & Iunius: *corum, qui incaluerunt in lucis*, nimirum in sua scortatione spirituali servientes demonibus, & non Deo. IN DIIS. *בְּחִנֵּי* *elim*, & *deos*, & *quercus*, seu *ilices*, vel *almos*, aut *almos* possit significare, a *fortitudine*: vide supra cap. 1. 29. Hispanicus Interpres: *Qui hos esculentis conlos aleo, quæque*; id est, exerceat scortationem spiritualem, sive idolatriam. SUBTER OMNE LIGNUM FRONDOSUM: prout factum fuisse a temporibus Achazi legitimus II. Reg. xvi. 3. & 4. Vide Deuteronom. xii. 12. SUBTER EMINENTES PETRAS. Alii ex Heb. I. *sub dentibus, scopulis, sum-*

mi-

metatibus, cacuminibus rupium. II. sub ramis petrarum. III. sub cavernis petrarum.

V. 6. IN PARTIBUS TORRENTIS PARS TUA. Alii: I. In lubricis lubricitatibus, torrentis pars tua. II. In levibus petris, seu in politis petris, aut in positionibus lapidibus, seu lubricis saxis torrentis, ut illi I. Samuel. XVII. 40. pars tua; quasi dicat: Cum vides pulchrum aliquem lapidem ac positum, lavem, lubricum positum in torrentibus viæ, aut alterius rei causa, illum adoras, cum reputas tuam sortem. Forte, est illud Arnobii Lib. I. Adversus Gentes, pag. 28. Si quando conspexeram lubricatum lapidem & ex olivi ungine orliatum, tanquam inesset vitæ presens, adulabar, affabur, & beneficia petebam. Apuleius sub initium Floridæ I. Aut lapis unguine delibutus. Theophrastus Character. de superstitione: Lapidem, unctos, qui sunt in triviis, solet oleo ex ampulla perfundere: nec prius discedere quam posito genu: eos fuerit veneratus. Vide Genes. XVIII. 18. Inter Leves lapillos torrentis pars tua est. Altera pars constationis, ut dictum est in vers. 4. quasi dicat: Et tu ambulans nunc quoque in peccatis parentum tuorum: ista est hereditas tua, peccati illorum accumulatio omnibus in locis in torrentibus sub scopulis petrarum, hoc versu, & in excelsis palam, versu sequente, etiam in domo mea, vers. 8. necdum tibi satis est, vers. 9. & 10. HAEC EST SORS TUA. Heb. ipsi ipsi, vel illi illi, seu illi sunt sors tua, id est illi lapides lubrici, vel laeves. Nam pronomen ista, masculinum, refertur ad *spōn chalcim*, masculinum, dispersiones, lubricitates. ET IPSIS EFFUDISTI LIBAMEN. Ipsis, diis, vel lapidibus laevibus, vel lubricis, vel super eos lapides. Hebr. etiam illis, &c. Videlicet, ut maiores tui. NUMQUID SUPER HIS NON INDIGNABOR? id est consolabor? Alii I. num vero ista equanimiter ferrem? II. an super istis consolationem caperem? Indignantis exclamatio pathetica; quasi dicat: An umquam possem conquiscescere, nisi scelera tua & contumelias in me illatas ulciscerem?

V. 7. SUPER MONTEM EXCELSUM, &c. Hunc versum alii ex Heb. reddunt: I. In monte alto & ciatu ponis cubile tuum; & iam illuc ascendis ad faciendum sacrificium. II. In montibus excelsis, & sublimibus po-

suisti lectisternia tua: atque illuc ascendisti ut mactares victimam.

V. 8. ET POST OSTIUM, ET RETRO POSTEM, &c. Alii hunc versum ex Heb. elucidant: I. Et post ostium & postem posuisti: sustinum tuum, vel otioem tuam, quem diis tuis adoleres: quia a me discedens discooperuisti turpitudinem tuam, & ascendis excelsa, dilatasti cubile tuum, pepigisti postum cum eis, dilexisti cubile eorum, in omni loco, quem vidisti. II. Post ostium & postes reliquisti monumentum tuum; id est, ponis aliquid, quod tibi revocet in memoriam Deum, quem colis: quoniam praeceperat me revocandi turpitudinem tuam; alii, & dilatasti lectum tuum: id est, lectum fecisti amplius, quo plures adulteros admitteres; quasi dicat, Non idolum unum coluisti, sed plura: & sedus tibi pepigisti cum quibusdam ex eis, dilexisti lectos eorum ubicumque vidisti; id est, ubicumque vidisti idola, illic te illis prostituisti. III. Et post ostium & postem posuisti recordationem tuam, id est, tutelares deos, Penates, & Lares, quorum statua post ostium & postes ponebantur, ut felix & saustus esset tam ingressus quam egressus; nisi figurate accipias, quasi nullus esset absque Deo angulus domus. Memoriale, seu recordationem vocat sculptra seu idola, quae numinis memoriam revocabant; & in hunc usum in singulis domus partibus collocabantur: quoniam a me migravisti, id est a latere meo: more mariti loquitur Deus, a cuius latere surgere, & cum altero rem habere, summum scelus est; & a scandisti seu concubuisti; id est, a latere meo, e lecto eodem in quo mecum iacebas, recedens alteri tui copiam fecisti. Verbum ascendendi in significatione concubendi usurpatur etiam Genes. XXXI. 10. & XXXIII. 13. & Psalm. LXXVII. 71. & dilatasti cubile tuum: respectum putant ad historiam Achaz II. Reg. XVI. 10. & sequentibus, quando aedificavit altare minus ad initium altaris quod videbat Damasci, quod hic vocat cubile; & scidisti tibi ab eis; id est, scidisti tibi altare ad imitationem altaris deorum; & dilexisti cubile eorum, id est, altare manuum, quam vidisti, id est altare, monumentum, statuum, quam vidisti Damasci: sic sumitur vocabulum manus. II. Samuel. XVIII. 18. IV. Etiam post ostium, pepigistique post monumentum tuum.

ubi verba suæ legis inscribi mandaverat Deus, Deuteronom. vi. 9. & xi. 20. cum a me relectura te ascendis, dilatatus cubilicium, cadens tibi amplius cubile, quam illorum sis, videlicet parentum tuorum; id est, superas parentes tuos peccatorum gravitate & multitudine; amas concubitum illorum, spatium amplexus prospicis. Hoc & superiore capite ter utitur nomine cubilis, cubationis, seu concubitus, quia perstat in allegoria scortationis spiritualis, de qua verſ. 5.

V. 9. ET ORNASTI TE REGIO UNGUENTO. Varie ex Heb. convertunt: I. Munera quoque detulisti regi cum oleo. Mutuantur verbi שֵׁן schur, significationem a תְּשֻׁרָה theschurah, eiusdem radices, donatio, munere, I. Samuel. ix. 7. quasi dicat, Munerasti regi, vel regem. II. Profecta quoque es ad regem cum oleo; id est, tulisti ad eum oleum; quasi dicat, Tu quoque posuisti fiduciam in homine, & non in me. III. Et progressa es ad regem in oleo. IV. Sequentibus nectunt: Recta quoque unguento, & variis pigmentis tuis delibata ad regem abiisti. V. Et contemplata mittis ad regem, Assyria Thiglathphileserem, II. Reg. xvi. 7. cum oleo, seu unguentis; id est, omnibus modis te comparans ut impurissimum scortum, & alliciens externos, qui scortentur tecum, etiam oblatis muneribus, ut ibidem scriptum est: sic Ezechiel. xviii. 33. VI. Foristerus: Excurrebas ad regem cum oleo. Verbum Schur, inquit, etiam de porrectione, procursione, seu exportatione reali dicitur, qualis fit in exportatione numerum, quæ extento brachio porrigi & offerri solent. Verbum hic omnia ista complecti potest: Et recta intendisti, procuravisti direxisti, contemplata es, observasti ad regem. Fere omnes regem Assyriorum intelligunt. II. Reg. xvi. 7. ET MULTIPLICASTI PIGMENTA TUA. מְרִיקֵי־כֶּחָחִים merikichach, condituras, confectioes, confecturas, unguentationes, &c. tuas. Quiddam & auges pigmenta tua. ET HUMILIATA ES USQUE AD INFEROS. Alii: I. & decidisti ad inferos. II. & demittis te usque in sepulcrum; ut cum dixit Achaz: Servus tuus & filius tuus suum II. Reg. xvi. 7. elegantissima hyperbole.

V. 10. IN MULTITUDINE VIAE TUAE LABORASTI. Alii: I. Laborasti copia viarum tuarum, vel defatigata es multitudine

viarum tuarum; id est tuo illo longo itinere. II. Amplitudine viae tuae fatigata es; id est pertinacissima fuisti nefariæ voluntatis tuæ, ita ut nullum laborem suberfugeres ad conciliandos amatores tuos. NON DIXISTI, QUIESCAM. וְנִשְׁכַּח נֹאשֶׁח, Aclum est, conclamatum est, desperatum est, deploatum est; quasi dicat: Adeo malis obruta sum, ut de me prorsus disfidam. Quidam: Animum abieci, vel cogor desistere incepto. Simile vide Ieremix. ii. 25. & xviii. 12. VITAM MANUS TUAE INVENISTI. Alii: I. victum manus tue invenisti; quasi dicat: Perinde gratus fuit tibi hic labor, ac sic victum tibi manu tua comparares. II. vitam iam tibi tua manu seu industria partiam reperisti, quam optabas. III. caterum manus tue invenisti; id est, Assyrios tibi conciliaſti, qui tibi sunt ad manum iudicio tuo. Perstat in historia Achazi. Sic vox חַי חַיִּי chaihai, sumitur II. Samuel. xxiii. 13.

V. 11. PRO QUO SOLLICITA TIMUISTI. Alii: I. Quem vero verita es & timuisti? II. jungunt sequentibus: Et a quo sollicita timuisses, ut menteris, cum me non recorderis, &c. Conclusio præcedentis contestationis; quasi dicat: Quid plura? Scortum es impudentissimum, quod neminem veteris, a nemine tibi metuis, sed palam pervicacissime gloriaris in scortatione tua, ut supra cap. iii. 9. QUIA EGO TACENS, ET QUASI NON VIDENS QUIA MEI OBLITA ES. Alii: I. Num me, quod haecenus feci, perpetuo dissimulaturum speras, ut ne nihil metuas? II. Nemne ego dissimulaui, idigne a seculo, & tamen me non timuisti? quasi dicat: Nonne ego iam a seculo tibi peperci cum peccares, tu tamen non me times, sed desicis cultum meum. III. An non me tacente, quemadmodum olim, etiam me non metueres? quasi dicat: Nonne etiam porro perges, si dissimulare amplius, & reticere impunitatem tuam? Vide Eccle. viii. 10.

V. 12. EGO ANNUNTIABO IUSTITIAM TUAM, ET OPERA TUA NON PRODERUNT TIBI. Alii: I. Quin potius iustitiam tuam, & opera tua prædicabo, neque proderunt tibi. II. Ego indicabo iustitiam tuam: antiphrasis ironica, vel potius concessio; quasi dicat: Si quid habes vel tantulum boni, hoc ego non dissimulabo, sed referam in rationes tuas: & facta tua, quæ non profutura

futura sunt tibi; id est, non poterunt servare te, ut exponitur principio sequentis versus.

V. 13. CUM CLAMAVERIS, &c. Concessio ironica, transiunt comparans ad positam concionis partem, de funesto improborum casu, & bonorum salute: quæ dux partes per prolepsin enuntiatæ his duobus versibus exornantur poetica & copiosius exponuntur per hysterosin, ad finem usque capitis: vide cap. LVI. I. LIBERENT TE CONGREGATI TUI. Alii: I. *liberent te collectarii tui*, id est milites, quos multo ætate labore tibi congregaveris. II. *eripiant te congregationes, collectiones, caterve tue*, de quibus supra vers. 10. ET OMNES EOS AUFERET VENTUS, TOLLET AURA. Alii: I. *sed hos omnes aviripiet ventus, tollet vanitas*. II. *atque eas omnes catervas tollet ventus, intercepti vanitas*. HEREDITABIT TERRAM, &c. Alii: *possidebit terram, & hereditario iure obtinebit montem sanctitatis meæ*; id est, cum ipse benedictiones meas (quarum symbola sunt terra, & mons Zionis) obtinebit, hoc versu; tum etiam ut alii commode obtineant, procurabit, versu sequente.

V. 14. ET DICET DEUS, *exultetis, recipiens se ad me, e versu superiore*. VIAM FACITE, PRAEBETE ITER. Alii: I. *Munite, munite, viam*. II. *Elevate, elevate, viam*. III. *Sternite, sternite*. IV. *Aggerate, aggerate*, &c. id est, adhibete quæcumque commoda sunt ad promoveandam Ecclesiam, & removere incommoda: allegoria, ut supra cap. XL. 3. & 4. DECLINATE DE SEMITA. Alii: I. *complanate viam*. II. *comparate viam*. III. *mundate viam*. IV. *repurgate viam*: vide Genes. XXIV. 31. Nos diximus, *faciate viam*; id est, date faciem viæ, repurgate, ornate, &c. ut supra cap. XL. 3.

V. 15. QUIA HAEC DIXIT EXCELSUS ET SUBLIMIS, &c. Alii hunc versum reddunt: I. *Sic enim dixit excelsus, & elevatus, manens perpetuo, & sanctus nomen eius: qui excelsus & sanctum cohabitavit, & cum confuso & humili spiritu, ad vivificandum spiritum humilium, & vivificandum cor confusorum*; quasi dicat: Ille, qui cum sit excelsus, & supra omnia, & æternus, & cuius nomen est sanctum, & iuxta naturam suam excelsum quoque locum inhabitat, & sanctum; ille, inquam, qui cum

talis sit, cum contrito tamen seu confuso & qui est humilis spiritu cohabitavit, ut eius cor & spiritum vivificet, recreet, confortetur, is, inquam, dicit, Quod non in æternum litigabit, &c. II. *Nam sic ait sublimis & celsus, cuius nomen est inhabitans æternitatem, & sanctus, &c.* Exornatio antecedentis prolepsos, a qua Deus confirmat se utrumque effecturum potentia sua, ut serventur electi, usque ad versum 20. & improbi male pereant, duobus versibus ultimis: *qui in sublimi & sancto habitavit*; id est, qui e caelis revelo, & suo tempore revelaturus sum amplius sanctitatem & potentiam meam, cum super humilitatem piorum, de quibus proxime, tum super infidelitatem & insulsiatam impiorum, Romanor. 1. 18. de quibus infra vers. 20. & 21. *etiam cum eo, qui attritus est, demissusque spiritu habito*, id est ei adsum: humanitus dictum: ut vivum conferrem spiritum demissorum, & vivum conferrem cor seu animum contritorum.

V. 16. NON ENIM IN SEMIPITERNUM LITIGABO, &c. Alii hunc versum ex Hebr. convertunt: I. *Non enim in perpetuum iurgor, subaudi, cum hominibus*; id est, non succensebo eis: *neque in æternum irascor*: quia spiritus ante faciem meam deficiet, & status ego feci. II. *Nam in seculum non contendam, neque in æternum effervesceam*: nam spiritus a conspectu meo obruetur, ut Psalm. LX. 3. & CI. 1. *& anima quas ego feci*. NEQUE USQUE AD FINEM. Hebr. *& non ad victoriam*, id est victoriole, ut vivam, vel perpetuo, omnino, proflus, IRASCAR. Hebr. *effervesceam, ebulliam, spumabo ira*. Sic vers. 17. QUIA SPIRITUS A FACIE MEA EGREDITUR. Verbum *הֵבִיחַ* *ghataph*, varic hic interpretantur: I. *quia spiritus, qui est, vel egreditur, a facie mea inducet, corpus*. Putant indicari resurrectionem mortuorum; quasi dicat: Spiritus, id est anima meo iussu rursus inducet corpus. II. *quia spiritus a facie mea operietur, scilicet carne*; id est, immitto in corpus animam, quæ ut indumento corpore operitur; quasi dicat, Ego creo homines. III. *quia spiritus a facie mea operitur, obtegatur, vel obnubilatur*; id est, cum volo, comprimo spiritum, vel facio exhalare spiritum. Sic Hifpani dicunt, *cubirse el coraen*, id est obnubilui, comprimui. Sed cum verbum hic sit masculu-

masculum, & spiritus ordinarie sit femininum, vide num satius fuerit exponere: Quia spiritus a facie mea obruetur; id est, flatu, impulsu, spiritu oris mei obruetur, quisquam, seu improbus; vel impersonaliter, fiet obruitur. ET PLATUS EGO FACIAM. Hebr. *halitus, anhelitus, afflatus, respiraciones, spiraciones*. Nonnulli: *animas ego facio*. Plerique respectum putant ad Genes. ii. 7. quod Deus animas creavit. Sed non fuerit alienus sensus: Non effervescam; nam aliqui spiritu & flatu oris mei momento cuncta obruerentur, nam flatus ipse facio.

V. 17. PROPTER INIQUITATEM AVARITIAE EUS IRATUS SUM. Alii: Propter iniquitatem *quasi* eius *effervui*. De quo supra cap. XVI. II. ABSCONDI A TE FACIEM MEAM, ET INDIGNATUS SUM. Hebr. tantum est *abscondendo*, & *effervui*. Quidam: *abscondendo me, inquam, effervui*. Humanitus dictum, ut Psalm. ix. 22. Aliqui: *aversor & indignor*. Alii iungunt superioribus: & *perculsi eum abscondendo*, id est latenter, & alterius manu, ne sciret a quo ei plaga veniret: quod non probro. ET ABIIT VAGUS IN VIA CORDIS EUI. Alii: I. & cum abiret aberrans in via cordis sui. II. quia vias aversus, abductus, seductus per viam animi sui. III. & abiit rebellis, seu *fracturarius in via cordis sui*; id est, deficient a Deo, fecit quicquid ei libitum fuit. IV. & ambulavit revertens, seu *conversus, in viam cordis sui*, id est aversus a Deo, conversus ad prava studia animi sui.

V. 18. VIAS EUS VIDI, ET SANAVI EUM, &c. Alii: I. At *novum vias eius contemplantur*, id est rationem vivendi, seu infirmitatem eius, *suo ipsum, reduco eum*; id est, statui sanare eum, & deducere eum per viam legum mearum. II. *Vias eius video, sed curabo eum, & deducam eum*; quasi dicat: Novi quidem totam viam eorum impuram esse, sed tamen propter me curaturus sum. ET REDDIDI CONSOLATIONES IPSI ET LUGENTIBUS EUS. Alii: I. & reddo ei consolationes, & iis qui lugent ipsum. II. reddamque consolationes ei, & lugentibus eius: ut Matth. v. 3.

V. 19. CREAVI FRUCTUM LABIORUM, &c. Hunc versum alii ex Heb. exponunt: I. *Creo fructum labiorum*; id est, Innotaturus sum sermonem, pacem, pacem iis

Bib. Sac. Tom. XVII

qui procul, & iis qui propinquius, dicit Dominus, & sanabo eum: vel pax pax longinquis & propinquis eris, id est, in ore omnium faciam ut hic celebretur sermo. Summa felicitas & prosperitas futura est omnibus per Christum, & Iudæis propinquis, & gentibus remotis. II. *Creavi fructum labiorum*; id est, novam creaturam faciens eum per spiritum & verbum Evangelii, & quidem efficiens magnificentissime & potentissime, ut emolioriores (quæ periphrastice *proventus labiorum*, id est sermonum Dei appellantur) locum in piis habeant: id enim verbum *creandi* hoc loco significat: *pacem pacem*, seu *summam pacem*, id est perpetuam & constantissimam quietem ab antecedentibus malis, facta reconciliatione per Christum: nam regnum Dei est iustitia & pax, & gaudium per Spiritum sanctum, Rom. xiv. 17. *longinquo & propinquo*, id est æque alienigenis ac Iudæis ipsis, ut supra cap. XVI. 3. Actor. xi. 39. Ephesior. ii. a vers. 13. ad 18. inquit *Lehovai, ut curam eum*. Forsterus explicat: *Creo fructum labiorum*. Qui autem & qualis sit fructus labiorum, de quo Propheta, loquitur Paulus ad Hebræos cap. xiii. 15. *Per ipsum ergo offerimus hostiam laudis semper Deo, hoc est fructum labiorum conscientiam nomini eius*.

V. 20. IMPROBI. רשעים *reschaim*, improbi, seducti, irrequieti, turbulenti, turbatores, qui malis animi perturbationibus agitantur ad male agendum, quorum etymum hoc & sequente versu pulchre exponit Isaias: vide Notas in Genes. xviii. 23. *QUASI MARE FERVENS*. נִגְרַשֵׁף *nigrašef*, eietum, impulsum, propulsum, pulsatum, propulsatum, concitatum, fluctuans, tempestate agitatum. Hunc versum alii ex Hebr. reddunt: I. Forsterus: *Improbi autem sunt tamquam mare concitatum, pulsatum, eietum, seu eiectionum, vel agitatum, quod quiescere non potest, sed eiciunt aquas eius perturbationem & lutum*, id est spumam perturbationum: legit רֶפֶשׁ *repheš*, cum *Samech*, vel cum *Schin* sinistro. Tamen si, inquit, exemplaria Venetiis excusa habent רֶפֶשׁ *repheš*, cum dextro *Schin*; & cum idem significat quod *pereſeb*, litterarum *ſa* & *tr* transpositione, quod est *ſtercus, excrementum expositum*. Sed exemplaria nunc passim habent *repheš* cum *Schin* dextro. II. Tremellius, & Iunius: *Improbi vero*

K k k

etunt:

erunt : alterum membrum prolepticos , ut diximus in vers. 19. seu 15. ut mare ; id est , nullam habebunt pacem , ut sequente versu exponitur : *propulsus* , videlicet ventis flatibusque externis , & fluxu ac refluxu suo , tamquam Euripus . Nam hæc duo ad descriptionem improborum pertinent , qui cum ipsi per se , tum adventitio impulsu agitantur : nam *quiescere non possent* ; & *aque eius expellant eum* & *lutum* ; id est , impurissima omnia & ingrata Deo improbi egerunt , ut eorum eicitur exagitato mari , quo magis a Deo sollicitantur ad respicientiam immisissis calamitatum procellis . III. Leo Iudas : *Impii autem Euripi instar fremunt , qui nesciunt quiescere* ; cum *aque eius limo & luto turbantur* . Euripi Bæotici naturam descriptam accurate habes a Tito Livio Lib. XXVIII. cap. vi. Strabone Lib. IX. pag. 403. Plinio Lib. II. cap. xxvii. Mela Lib. II. cap. vii. Seneca in Hecule Octavo , Actu III. Vide Adagium , *Euripus homo* : Chiliadis I. Centuria ix. Adagio LXII. S. Iulianus Martyr in Cohortatione ad Græcos pag. 34. *Aristoteles certe cum neque Euripi Chalcidici naturam cognoscere posset , propter ingens probrum & pudorem in marem coniectus , morte vitam commutavit* . Sanctus Gregorius Nazianzenus Oratione III. quæ est prima in Iulianum , pag. 79. *Laodas in Aristotele philosophiam & diuinam moram ad reciprocos Euripi æstus , quibus occubuit* . Ubi Elias Cretensis in commentariis : *Aristoteles cum reciprocationis Euripi causam cognitione assequi non potuisset , seipsum in eum præcipitem dedit , ac suffocatus est* . Et Nonnus in Expositione Profanarum Historiarum , quarum S. Gregorius meminit in priore invectione in Iulianum Apostatam , Historia xxxiii. *Aristoteles rerum omnium , ut videtur , naturam indagare & cognoscere voluit : quam cum assequi non potuisset , in hanc maris partem se præcipitem dedit , atque interit , his verbis utens : Quoniam Aristoteles Euripum minime cepit , Aristotelem Euripus habeat* . Vide Cælium Rhodiginum Læctionum Antiquarum Lib. XXIX. cap. viii. Quamvis hoc de morte Aristotelis multi pro fabula habeant , quod eius non meminerit Laertius .

V. 21. NON EST PAX : id est animi tranquillitas , quies interna vel externa ,

aut prosperitas , seu felicitas : vide hunc eundem verbum supra cap. XLVIII. 22.

M E N O C H I I.

Vers. 1. **I**USTUS PERIT , &c. omnes iustus generatim intelligit , potissimum tamen Christum . NON EST QUI RECOGITET CORDE : quam scilicet inique occidatur ; & quam grave reipublicæ damnum sit cum viris sanctis privatur . VIRI MISERICORDIAE : viri pii . LXX. *iusli* . COLLIGUNTUR : ad patres suos , hoc est , moriuntur . A FACIE MALITIÆ : ne videant mala , & clades suæ gentis , & sæculi .

V. 2. VENIAT PAX : in pace requiescat . IN CUBILI SUO : in sepulcro , ut habent LXX. QUI AMBULAVIT IN DIRECTIONE , id est vitæ rectitudine .

V. 3. VOS AUTEM , &c. sermonem convertit ad Iudeos . FILII AUGURATRICIS . Ita vocat incolæ Ierusalem , quod divinationibus & auguriis essent dediti . Vel , auguratricis idem est ac veneficæ ; quasi dicat , Impii , seu scelesti . LXX. habent *iniqui* . SEMEN ADULTERI , ET FORNICARIAE , id est posterî , & filii synagogæ idololatræ , & superstitionibus addictæ : notum enim est , idololatriam , fornicationem & adulterium vocari in Scriptura .

V. 4. SUPER QUEM LUSISTIS ? Intelligit Christum , quem irrisoribus , ludibriis , alapis , conviciis , blasphemis &c. affecerunt Iudei . DILATASTIS OS , ET EIBOISTIS LINGUAM : significat gestum petulantis turbæ , quæ hiant ore , & exerta lingua Christum irrisit . SEMEN MENDACI , id est adulterum , & degenerans a maiorum sanctitate & pietate .

V. 5. CONSOLAMINI : gaudetis , consolationem captatis in cultu idolorum . SUBTER OMNE LIGNUM FRONDORUM : locabant enim idola sub arbore aliqua late fundente ramos suos , aut in lucis . IMMO-LANTES PARVULOS : solebant Moloch idolo , naturalis amoris oblii , proprios filios immolare : vide dicta Levit. xviii. 21. & IV. Reg. xvi. 3. IN TORRENTIBUS : quia immane illud sacrificium præcipue peragebatur iuxta torrentem Cedron , in valle Ennon : vide IV. Reg. xxiii. 10. & ibi dicta .

V. 6. IN PARTIBUS TORRENTIS SORS TUA ; quasi dicat : Sors tua , delitiæ , & divi-

divitiz, sunt colere idola. In Hebrzo est: *in lapidibus torrentis pars tua.*

V. 7. CUBILE, id est altare.

V. 8. POST OSTIUM POSUISTI MEMORIALE TUUM; id est, idolum statuisti, ut progrediens, aut domum rediens illius meminisses, & domus tua in illius esset tutela. DISCOOPERUISTI, scilicet lectum. DILATASTI CUBILE TUUM: multa admit- tens idola cum quibus superbitiose adul- terareris. STRATUM EORUM: adulterorum, scilicet idolorum. MANU APERTA: pal- lam, & impudenter, vel largiter eis do- nans.

V. 9. REGI, id est idolo Molochi, quod Hebraice Regem significat. PIGMENTA: unguenta, odoramenta. MISISTI LEGATOS TUOS PROCU: non contenta vicinorum idolis, ex Assyria, Aegypto, &c. idola accessivisti. HUMILIATA ES USQUE AD INFEROS, id est vilissime, & profundissime: Hebrzi dicunt feminam humiliari cum cognoscitur, & violatur; Propheta autem de idololatria loquitur tamquam de adul- terio.

V. 10. IN MULTITUDINE VIAE TUAE, id est in accersendis undequaque omnium gentium idolis, erigendis, colendis, ornandis, &c. NON DIXISTI, QUIESCAM. LXX. *desinam*; id est nullum idololatriæ modum fecisti. Lassata es, sed non satiata. VITAM MANUS TUAÆ INVENISTI. *Vitam manus* vocat idola manu facta, tum quia ab illis necessaria ad vitam sperabant, tum quia illorum erant amasi. NON ROGA- STI. LXX. *non rogasti me*; sperabas enim a tuo amasio omnia te impetrare posse.

V. 11. POST QUO SOLICITA TIMUISTI, id est quid timuisti idola, ut fidem mihi statim falleres, & mentireris? QUIA EGO FACENS, &c. licet ego tacem, & diffi- mulem, nec tua scelera statim puniam, non tamen propterea minus me timere de- buisti.

V. 12. EGO ANNUNTIABO IUSTITIAM TUAM: dictum ironice, id est flagitia tua. OPERA TUA, scelestia.

V. 13. CUM CLAMAVERIS: afflicta ab hostibus, præsertim Chald. in Babylon cap- tiva. CONGREGATI TUI: dii, quos undique congregasti. AUFERET VENTUS: idola scilicet, adeo sunt levia, & inania. FI- DUCIAM HABET MEI: qui se, & salutem suam mihi crediderunt. HEREDITABIT TER-

RAM: possidebit terram patriam Ierusa- lem, ex captivitate postliminio restituta. Vel significat terram viventium, patriam æ- lestem. MONTEM SANCTUM, scilicet Sion.

V. 14. DECLINATE DE SEMITA: fordes, saxa, ligna, & omnia impedimenta, & offendicula tollite: hoc est, quod dixit cap. XL. 3. *Parate viam Domini.*

V. 15. HABITANS AETERNITATEM, id est habitans cælum empyreum, æternum, & incorruptibile. Vel, in scipio, qui est sua æternitas. IN EXCELISO, ET IN SAN- CTO: in cælo, quod excelsum, & sanctum tabernaculum Dei. Excelsum etiam, & sanctum significare potest montem Sion, in quo erat templum sanctum. CONTRI- TO, ET HUMILI SPIRITU: corde afflicto, & humili. UT VIVIFICET SPIRITUM HU- MILIUM. LXX. habent *Pusillanimis dans patientiam*; ut vivificet, erigat, restauret afflictos, pusillanimesque.

V. 16. LITIGABO. Chald. & LXX. *mi- sciscar*. QUIA SPIRITUS A FACIE MEA EGREDIETUR; quasi dicat: Animas enim amo, quas ego creavi, & quæ opus sunt e manu mea egressum. ET FLATUS EGO FACIAM. *Et animas ego feci*, ut veniunt Pagninus, & Vatablus.

V. 17. INIQUITATEM AVARITIÆ. Hæc est avaritia, quam in Scribis reprehendit cap- præcedenti num. 11. PERCUSSI EUM, id est populum meum. ABSCONDI FACIEM MEAM: ut illi faciunt, qui indignantur. ABHIT VAGUS, &c. Hæc est gravis pœna cum quis a Deo derelictus dicitur vagari, & impune sequi concupiscentias suas, iuxta illud Psal. LXXX. 13. *Dimisi eos secundum desideria cordis eorum, ibunt in adinventio- nibus suis.*

V. 18. VIAS EIUS VIDI; id est, vidi eum vagum, errantem, & ruentem in exitum. SANAVI, ET REDUXI EUM: per flagella, inspirationes, monita, prophetas. REDDI- DI CONSOLATIONES IPSI: e captivitate Baby- lonis revocando; & ex daemonis, & pec- cati servitute liberando: LUGENTIBUS EIUS: afflictis, & poenitentibus.

V. 19. FRUCTUM LABIORUM: effectum orationis, quæ labiis proferri solet, vel confessionis peccatorum. Vel sensus est, Creavi pacem, quæ est fructus laborum meorum, id est promissionis meæ. PA- CEM: quietem, tranquillitatem, prosperi- tatem. ET QUI LONGÆ SÛT, id est Genti-

li, qui haecenus remotus fuit a fide, Deo, & salute. ET QUI PROPE: Iudeo, qui ante habuit fidem, Deum, & spem salutis.

V. 20. QUASIMARE FERVENT: propter æstum cupiditatum, tentationibus, & afflictum dæmonum. REDUNDANT FLUCTUS EUS IN CONCULCATIONEM. Conculationem vocat res viles, sordidas, qualia sunt maris eiectiones. Sicut ergo turbari, & agitati maris effectus est sordes in littus proicere, ita cupiditates ætantes impiorum in peccata, & scelera erumpunt.

V. 21. NON EST PAX IMPIS, &c. LXX. Non est gaudium impiis.

T I R I N I.

Lev. 1. **I**ustus, qui temp. sua iustitia quasi columna fulciebat, morte seu naturali, seu violenta sublatu evicta, PERIT huic mundo, ET NON EST quispiam vestrum QUI RECOGITET, qui doleat, qui curet de tanta iactura: ita Chaldaeus, S. Thomas, Sasbout, Forerius. Forsan alludit ad Ezechiam pium regem recens defunctum, cuius morte gaudebant Iudei, quod per illam porta ipsis aperiretur ad idololatriam, cuius hic memio vers. 5, quam Ezechias semper inhibuerat. Ut ut est, certum est Prophetam maxime respicere ad Ezechiam antitypum Christum, qui est iustus iustorum, cuius cadaver per Iudeos procurata, fuit causa excidii totius regionis per Romanos, inquit S. Hieronymus, Cyrillus, Procopius, Theodoretus, Haymo, Hugo, Lyranus hic: item Tertullianus, Cyprianus, Rupertus, & alii a Leone Caltrio citati. ET VITI MISERICORDIAE tum passiva, utpote ex singulari Dei misericordia orbi concessi, ut tñsar stellarum illum ornarent, illuminarent, secundarent; tum activa, quia cunctis misericordiam proximis suis exhibent, eisque misericordiam & gratiam divinam impetrant; v. g. Prophetae, Apostoli, Martyres, Confessores, morbo vel martyrio coelegantur & terrestri agro in herba caelestia. Nec quiquam tanto damno vel tantillum commoveretur; QUA NON EST QUI INTELLIGAT, capiat ingentia inde suboritura mala resp. Et isto quidem sic sublato ægre aut male non est. A FACIE ENIM MALITIAE, seu miseræ & ca-

lamitatis ingruentis, COLLECTUS EST: ne amplius videat, ne sentiat mala, seu communia toti generi humano, seu particularia gentis & populi sui. Nulla enim vis aut malitia humana quidquam amplius in mortuum potest, inquit Haymo. Sic Ezechiam a, sic Iosiam b, sic Iacobum Alphai c, sic Augustinum d, sic Alphonsum Catholicum Gallæcie regem præmatura morte e vivis creptos legimus, ne malis reipublicæ suæ mox obventuris involverentur.

V. 3. FILII AUGURATRICES, id est incolæ Ierusalem, augurii e & divinationibus deditissimi: SEMEN ADULTERI ET FORNICARIAE, id est filii parentum adulterorum, nempe idololatriæ prostitute.

V. 4. SUPER QUEM LUSTISTIS? id est cui putatis vos illulisse? qui ludibria, convitia, alas, sputa, blasphemias & mille alias iniurias insultistis? SEMEN MENDAX, id est filii adulteri, spurii, & degeneres a virtute parentum, Abraham, Isaac, Iacob, ceterorumque Patriarcharum.

V. 5. QUI CONSOLAMINI. Passive, id est consolationem queritis & hauritis, instar furiarum cestro perentium, ex iugulatione propriorum natum, in honorem nescio cuius idoli.

V. 6. IN PARTIBUS TORRENTIS, seu vicinis torrenti, PARS TUA quasi hereditaria, id est delicta & opes tibi videbantur posse colere idola in amœnis vallibus torrente irriguis.

V. 7. SUPER MONTEM s POSUITI CUBILE TUUM adulterii tui, nempe altare idolis.

V. 8. QUIN ET POST OSTIUM domus tuæ, POSUITI MEMORIALE TUUM, id est imaginem idoli tui, ut tam intrans, quam exiens, illius memoriam haberes, eiusque tutelæ te tuæque commendares. DILATASTI quoque, id est multiplicasti. CUBILE adulterii tui, id est altaria plurima idolis erexit. MANU APERTA, id est liberali opum profusione in ornamenta altarium & templorum, in victimas, in munera, &c.

V. 9. ET UNGUENTO meretricio ORNASTI te atque olivam reddidisti regi, id est idolo Moloch, qui Hebraice regem significat: ita Sanchez & communiter Interpretes. Sed Forerius per regem hic accipit vult regem Assyriorum Teglati-phalassar g, cui Iudei tempore Achaz occurrerunt cum bal-

lamo.

fimo & aliis periosis muneribus, ad illum sibi devinciendum, *mittentes* ei obviam **LEGATOS** suos **PROCL**.

V. 10. LABORASTI & fatigasti te in **MULTITUDINE VIAE TUAE**, id est in multiplicando studio & conatu tuo, nempe in idolis plurimis coacervandis, ormandis, colendis: *neque* umquam **DIXISTI**, iam satis est, satur sum, **QUIESCAM**. Si Deo placet, **INVENISTI** ex voto tuo **VITAM MANUS TUAE**, id est amalos tuos, corcula tua, nempe idola, quæ phrasi meretricia vocas *vitam* tuam, animam tuam, corculum tuum. Et Iepidum sane corculum, quod propriis manibus tuis vel tuorum fervorum procudisti. **PROPTEREA NON ROGASTI** me amplius, nec mihi supplex facta es superba meretrix. Et vero quid fuit

V. 11. PRO QUO, seu propter quod, **SOLICITA TIMUISTI** idola, ne tibi forsitan nocerent, **ET MENTITA ES** mihi? id est, feculisti fidem coniugalem mihi ex pacto debitant, tum generali in Sinai Exodi xxiv. tum speciali circumcissionis Genes. xvi. **AN QUIA** EGO **TACEBO** sum & diffimulo? Sed non semper tacebo: nam brevi coram toto mundo

V. 12. EGO ANNUNTIABO IUSTITIAM TUAM; id est, quod tibi ex iustitia debetur, palam faciam; tradendo te Chaldaicis publice puniendam.

V. 13. CUMQUE tradita illis **CLAMAV-ERIS** ad me pro ope & liberatione, remittam te ad idola tua: **LIBERENT TE** nunc **CONGREGATI** *h* tui; id est, dii tanto numero, tanto pretio, tanto studio a te coacervati. Item Aegyptii & aliae gentes tanto & sumptu & numero in auxilium tuum a te evocate & congregatae. Sed heu! frustra: nam **OMNES EOS AUFERET**, disperget, fugabit seu timor, seu dissenso, seu cacozelia, sicut **VINTUS** difficit paleas vel festucas. Non sic accidet tuis **QUI FIDUCIAM HABENT MEI**; id est, qui te suamque salutem mihi crediderunt: illi enim **TERRAM** sibi a me promissam, *montemque* Sion tum terrestrem, tum celestem, certo recuperabunt, ac *securi possidebunt*.

V. 16. QUIA SPIRITUS i, id est anima, **ET FLATUS**, id est vita hominis, **EGREDIETUR A FACIE MEA**, id est creatur a me, ideo amo hominem, facileque poenitentem, humiliatum & compunctum, misereor & ignosco: ita Chaldaeus, S. Hieronymus, Cyrillus, Augustinus k, Theodoretus & For-

V. 17. ABII Israel a me **VAGUS** in **VIA** **CORDIS** sui; id est, sequens passim quamvis animi sui pruriginem ac cupiditatem (quam hic vocat *avaritiam*, inquit S. Hieronymus) & effrenem peccandi libidinem, nihil denegans animo suo, vel concupiscentiis suis.

V. 18. VIAS has **EIUS** tam periculosas, tam certo tendentes ad ruinam, vidi oculo & animo paterno; & misertus populi mei, traxi eum in aliam viam, & flagellis Chaldaeorum, aliorumque hostium eius cecidi eum, & sic **SANAVI EUM**: sanatum **REDUXI** ab exilio in patriam: ita S. Thomas, Forerius, Hugo & alii.

V. 19. FRUCTUM LABIORUM, id est mercedem & premium orationis, quam mihi supplex factus est populus meus, **CREAVI** ipsi **PACEM**, id est liberationem, quietem & affluentiam omnium bonorum tum temporalium per Cyrum, tum spiritualium per Christum: ita Hugo & Sasbout. **PACEM**, inquam, tam **EI QUI LONGE EST** a patria, puta captivis in Babylone, quam **EI QUI PROPE**, id est qui in ipsa Iudæa, vel in locis Iudææ vicinis habitant, inquit S. Thomas & Hugo. Allegorice, tam Gentibus, quam Iudæis. Sed hæc, inquit Propheta, non nisi piis conveniunt & Deo fidelibus: nam *impii*, cum sint

V. 20, & 21. QUASI MARE turbatum & **FERVENS**, cum perpetuo æstu cupiditatum, & flatu demonum agitentur, *nulla* potest esse **PAX** aut quies: fructus enim omnis, qui ex tali agitatione sperari ipsis potest, est **LUTUM IN CONCALCATIONEM**, nempe sordes & quisquilæ, quæ tam a Deo, quam ab hominibus contemnuntur & calculantur.

(a) IV. Reg. xx. 29 & Isa. xxxix. 8.

(b) IV. Reg. xxii. 20.

(c) Hist. Abdiæ.

(d) in vita

(e) Isaiæ ix. 6.

(f) Ierem. ii. 20.

(g) IV. Reg. xvi. 7. &c.

(h) Genes. xxxix. 27.

(i) Genes. ii. 7.

(k) August. epist. cxiiv.

(l) Psalm. lxxxi. vers. 29.

GORDON I.

Vers. 1. IUSTUS PERIT, ET NON EST QUI RECOGITET, &c. Est quidem generalis querimonia de his qui iustum spernunt. Sed habita ratione eorum quæ

quæ de causis excidii Iudeorum post Christi adventum: sunt insinuata, videtur hic addi alia causa excidii, nempe. quod spernant Christum & iustos eius, cum increpatione spernentium. Bene etiam iustus precatur Iudas, vers. 2. quos ait futuros in pace æterna: eontra vero peccatori eventum mala, vers. 3..4. & deinceps..

2. 5. QUI CONSOLAMINI, &c. Veniet, inquit, excidium vobis qui hæc facitis, quæ scilicet hic recensentur, a vers. 5. usque ad 13. illis, inquam, quorum consolatio & delicta sunt in Diis, immolatione parvulorum, impiis sacrificiis, in excelsis, in adulteriis (vers. 8.) idololatriz, & (vers. 9.) ita ut tamquam sponsa ornaretis vos idolo, velut regi vestro..

V. 9. MISISTI LEGATOS TUOS, &c. Perstitit in commemoratione malorum, & causa excidii: misit legatis etiam externarum gentium idola accepisti: en quomodo a sublimi cultu Dei descendisti ad inferos. Hic perstringit etiam vetera Iudeorum peccata, & cumulat pristina cum recentioribus.

V. 10. LABORASTI & fatigasti te in congregandis idolis, hoc studium est, hæc vi-

ta, nec tamen vis quiescere ab his malis: invenisti vitam & desiderium manuum tuarum (ut alii notant) divitias; ac propterea cessasti rogare me, propterea punieris. V. 12. EGO ANNUNTIABO. Ironia, ac si dicat, Non proderunt, & sequetur vindicta.

V. 13. QUI AUTEM FIDUCIAM HABET MEI, &c. Eontra. bonis bona promittit & salutem..

V. 17. PROPTER INIQUITATEM AVARITIAE EIUS, &c. Pergit taxando avaritiam aliaque peccata, & consolando bonos..

EX EIUSDEM: AUCTARIO..

Vers. 1. COLLECTUS EST IUSTUS, ad Patres, ne malitia mutaret intellectum: perstitit, & peribit impius.

Vers. 5. IN TORRENTIBUS, ut IV. Reg. XVI. 3. fere ad torrentem Cedron in valle Ennon..

Vers. 9. REGI, idolo Moloch, quod regere significat. LEGATOS, ut afferes ignota idola..

C A P U T LVIII.

Reprehendit Iudeorum hypocrisim, ostendens eorum ieiunium non esse Deo acceptabile: & quæ debeant illud comitari, quibus adhibitis multa præstantur hominibus. beneficia: quomodo debeat sabbatum celebrari, abnegata propria voluntate, & quod sit premium ita celebrantium..

1. **E**tama, ne cesses, quasi tuba exalta vocem tuam, & annuntia populo meo scelera eorum, & domui Jacob peccata eorum. 2. Me etenim de die in diem querunt, & scire vias meas volunt: quasi gens, quæ iustitiam fecerit; & iudicium Dei sui non dereliquerit: rogant me iudicia iustitiæ: appropinquare Deo volunt. 3. Quare ieiunavimus, & non aspersisti: humiliavimus animas nostras, & nescisti? Ecce in die ieiunii vestri invenitur voluntas vestra, & omnes debitores vestros repetitis. 4. Ecce ad lites & contentiones ieiunatis, & percutitis pugno impie. Nolite ieiunare sicut usque ad hanc diem, ut audiat in excelsis clamor vester. 5. (a) Numquid tale est ieiunium quod elegi, per diem affligere hominem animam suam? numquid contorquere quasi circulum caput suum, & saccum & cinerem sternere? numquid istud vocabis ieiunium, & diem acceptabilem Domino?

mino. 27

mino? 6. Nonne hoc est magis ieiunium, quod elogi? dissolve colligationes impietatis, solve fasciculos deprimentes: dimitte eos, qui confracti sunt, liberos, & omne onus dirumpe. 7. (b) Frange esurienti panem tuum, & egenos vagosque induc in domum tuam: cum videris nudum, operi eum, & carnem tuam nespexeris. 8. Tunc erumpet quasi mane lumen tuum, & sanitas tua citius orietur, & anteibit faciem tuam iustitia tua, & gloria Domini colligetur. 9. Tunc invocabis, & Dominus exaudiet: clamabis, & dicit: Ecce adsum, si abstuleris de medio tui catenam, & deseris extendere digitum, & loqui quod non prodest. 10. Cum esuderis esurienti animam tuam, & animam afflictam repleveris, orietur in tenebris lux tua, & tenebrae tuae erunt sicut meridies. 11. Et requiem tibi dabit Dominus semper, & implebit splendoribus animam tuam, & ossa tua liberabit, & eris quasi hortus irriguus, & sicut fons aquarum, cuius non deficient aquae. 12. (c) Et edificabuntur in te deserta saeculorum: fundamenta generationis & generationis suscitabis: & vocaberis iudicator sepium, avertens semitas in quietem. 13. Si averteris a sabba to pedem tuum, facere voluntatem tuam in die sancto meo, & vocaveris sabbatum delicatum, & sanctum Domini gloriosum, & glorificaveris eum dum non facis vias tuas, & non invenitur voluntas tua, ut loquaris fermenem; 14. Tunc delectaberis super Domino, & sustollam te super altitudines terrae, & cibabo te hereditate Iacob patris tui, os enim Domini locutum est.

(a) Zach. vii. 9. (b) Ezech. xlviii. 16. Matth. xxv. 31. (c) Isai. lx.

C O M M E N T A R I A

M A L D O N A T I.

Verf. 1. **C**LAMA. Heb. קרא בנך, *clama gutture*, id est clara voce, & ut Galli dicunt, *A pleine gorge*. NE CESSÉS; vel, אל תחשך, *ne reprimas, ne prohibeas* (sub. clamorem, vocem;) quasi dicat, Clama totis viribus.

V. 2. ME ETENIM DE DIE IN DIEM, id est singulis diebus QUAERUNT; id est, volunt ad me quasi iure suo venire, & ad disceptandum provocare, cur non illis benefaciam, cum iusti sint; quasi dicat: Annuntia illis peccata eorum, quia iustos se putant. ET SCIRE VIAS MEAS VOLUNT: id est, exigunt a me rationem actionum mearum, ut declarat verf. 3. *Quare ieiunavimus, & non aspersisti*. ROGANT ME IUDICIA TUITITIAE; id est, provocant me ad iustum iudicium: aut, petunt a me veluti iusto iudicio, ut ipsis benefaciam, quasi hoc illis iure debeam. ET APPROPINQUARE DEO VOLUNT, id est coram eum eo disceptare, confidentes iustitia causae suae: ut sup. cap. xli. 1. *Accedant, & tunc lo-*

quantur, simul ad iudicium appropinquamus.

V. 3. QUARE IEIUNAVIMUS; id est, cur non habuisti rationem meritorum nostrorum: ieiunium enim ponit pro omni opere bono. ECCE IN DIE IEIUNII VESTRI INVENITUR. Heb. נתגלה חפצך, *invenitis voluntatem*. Hebraismus, pro, non amittitis, aut non relinquitis voluntatem, (sub. male agendi) abstinetis a cibis, sed non a vitiis. Eandem phrasin vidimus cap. lvi. 10. *Vitam manus tuae invenisti*, id est non perdidisti vigorem virium tuarum. ET OMNES DEBITORES VESTROS REPETITIS, id est vexatis debita ab eis exigentes. Heb. וכל עבדיכם, *& omnes facultates vestras exigitis.*

V. 4. ECCE AD LITES, id est ut melius litigetis & contendatis; vel, litigantes & contendentes ieiunatis. ET PERCUTITIS PUGNO IMPIE: בנךות רשע, *pugno impietatis*, id est impio, inulta de causa. UT AUDIATUR IN EXCELISO; id est, ita ut ipsa ieiunii tempore clamor contentionum vestrarum audiatur in excelsis, id est a Deo: vel, להשׁיע, *ut audire facias in excelsis,*

קרבם,

קִלְכֶם, *vocem vestram*, id est ut a Deo exaudiamini; quasi dicat: Si vultis cum oratis a Deo exaudiri, ne ieiunctis eo modo quo hactenus ieiunastis.

V. 5. NUMQUID TALE EST IEIUNIUM QUODELEGI, id est quod ego iussui, quod mihi gratum acceptumque est. PER DIEM AFFLIGERE, id est singulis diebus ieiunare, affligere vel humiliare animam est ieiunare, ut supra vers. 3. quasi dicat: An ieiunium quod elegi, est tantum a cibis abstinere & non potius a peccatis? NUMQUID CONTORQUERE QUASI CIRCULUM. Alii הִכְלוּתוֹ רָמְזוּ. *Sic autem an curvare sicut iuncum caput suum*. Solent qui nimium ieiunant, propter debilitatem inclinatio esse capite. Quod ergo sancti nimio ieiunio faciunt, hoc Iudaei industria faciebant, sicut & facies suas exterminabant, ut viderentur hominibus ieiunare: Matth. VI. 16. Significat ergo se non elegisse tantum externum ieiunium, sed etiam internum. ET SACCUM ET CINEREM STERNERE. Solebant qui ieiunabant sacco indui, & cinere caput aspergere, quem morem Ecclesia in poenitentia retinuit. NUMQUID ISTUD VOCABIT, *וְקָרָב, vocabitis*, sicut & in emendationibus codicibus Latinis legitur, sensusque est melior; quasi dicat: An hoc mihi tu ieiunium appellabis. ET DIEM ACCEPTABILEM DOMINO; id est, & existimabis te eum diem, quo ita ieiunaveris, bene & accommodate ad divinam voluntatem collocasse.

V. 6. NONNE HOC EST MACIS... DISOLVE, id est ut dissolvas, COLLIGATIONES IMPIETATIS, id est impios usurariosque contractus, quibus multos homines colligasti. SOLVE, ut solvas, FASCICULOS DEPRIMENTES, id est usuras & scenora quibus multos operasti ac depreffisti. Vocat fasciculos, quia dum usuras, & usurarum usuras exigebant, quasi fasciculos usurarum colligare videbantur. DIMITTE EOS QUI CONTRACTI SUNT, id est debitis a te oppressi, quosque in carcere tenes, LIBEROS.

V. 7. FRANGE. Heb. פָּרוֹס הִלַּם, *an non frangere* ESURIENTI PANEM TUUM (sub. est ieiunium quod elegi.) ET CARNEM TUAM, id est proximum tuum, qui quasi caro tua est, NE DESPEXERIS, וּמִכַּשְׁרָךְ, *לֹא תִתְעַקֵּם, & a carne tua ne abscondas te*, id est ne despicias illam. Solemus enim ab iis, quos despiciamus, vultum avertere.

V. 8. TUNC ERUMPET QUASI MANE,

id est quasi aurora lumen tuum, id est felicitas tua. Per lumen intelliguntur omnes res prosperae, sicut per tenebras omnes adverſae, inf. vers. 10. quasi dicat: Si feceris quae sup. dixi vers. 6. & 7. omnia tibi prospere succedent. ET SANITAS TUA CITIUS ORIETUR; id est, citius consequeris remissionem peccatorum, quae sanitas est animae, ut Psalm. XL. 5. *Sana animam meam quia peccavi tibi*. Aut per sanitatem intelligit pristinum rerum statum, quo olim Iudaei fruebantur ante quam captivi Babylonem ducerentur; quasi dicat, Restitueris in pristinum statum, ut Proverb. IV. 22. *Vita enim sunt iuvenientibus ea, & universa carnis sanitas*: & XII. 18. *Lingua sapientum, sanitas est, id est causa pacis & felicitatis est*. ET ANTEIBIT FACIEM TUAM IUSTITIA TUA; id est, secundum iustitiam tuam retribuetur tibi, vel secundum iustitiam tuam agetur tecum. ET GLORIA DOMINI COLLECTET TE; id est, eris particeps gloriae Domini, aut efficietis a Domino nobilis & gloriosus ex ignobili & non glorioso.

V. 9. SI ABSTULERIS DE MEDIO TUI, id est ex actionibus tuis, de moribus tuis. CATENAM, id est implicatos usurarum contractus, quos vers. 6. colligationes appellavit. Hob. פִּטְוֶה, *onus, iugum*; id est, si remiseris proximis tuis debita. ET DESTERIS EXTENDERE DIGITUM, id est minari proximo tuo, vel superbe cateque loqui, ut Proverb. VI. 13. *Annuat oculis, terit pede, digito loquitur*. ET LOQUI QUOD NON PRODEST, id est stulte. Heb. פִּין, *iniquitatem*.

V. 10. CUM EFFUDERIS ESURIENTI ANIMAM TUAM; id est, largiter ac liberaliter dederis pauperibus de victu tuo, quo anima, id est vita tua sustentatur; ut vidua illa quae de penuria sua, omnia quae habuit, misit (in gazophylacium) totum victum suum: Marc. XII. 44. ET ANIMAM AFFLICTAM; id est, hominem fame attenuatum saturaveris. ORIETUR IN TENEBRIS LUX TUA; id est, in mediis rebus adverſis eluceſcet tibi prosper eventus. ET TENEBRAE TUAE ERUNT SICUT MERIDIES; id est, res adverſae tibi convertentur in res maxime prosperas.

V. 11. ET REQUIEM DABIT TIBI. נָחַךְ. Noster Interpres legit נָחַךְ, pro חֵנֶךְ. Hebraei nunc legunt ut verbum, נָחַךְ, *de-*
du-

ducat te. ET IMPLEBIT SPLENDORIBUS ANIMAM TUAM; id est, exaltabit appetitum tuum secundum rerum eventum. Heb. *תמלאך* quod R. David & R. Abraham, & Chald. Paraphrast. interpretantur, *insatiabis*; quasi dicat, Tempore famis satiabit te. ET OSSA TUA LIBERABIT; id est, reficiet tibi robur, quod fame perdideras. Hebræi omne robur ossa appellare solent, ut Psalm. L. 10. *Auditui meo datus gaudium & letitiam, & exultabunt ossa humiliata*, id est erigentur deiectionis vires mex. Hebræi interpretantur, *ועצמותי יחליץ*, *et ossa tua impinguabit.* ET ERIS QUASI HORTUS, &c. id est, nihil tibi rerum omnium necessarium deerit.

V. 12. ET AEDIFICABUNT IN TE: *ex te*: est autem verbum activum, *בבנין*, *aedificabunt ex te*, id est aliqui ex populo tuo, vel ex posteris tuis. DESERTA SAECULORUM; id est, templum & urbes quæ iam olim deserta erant: vel, quæ perpetuo deserta fore videbantur, neque unquam restaurari posse. FUNDAMENTA GENERATIONIS ET GENERATIONIS SUSCITABIS: id est, in perpetuum duratura: vel, fundamenta quæ iacta inchoataque sunt, & ab hostibus impedita perficies. ET VOCABERIS, id est crisis, AEDIFICATOR SEPIUM, *פריס* *viniculum*. AVERTENS SEMITAS IN QUIETEM; id est, convertens loca deserta per quæ angustis semitis ibatur, in habitationem, ut clarius dicitur Heb. *ושוּבֵב נְחִיכֹת* *et revertens semitas ad habitandum*.

V. 13. SI AVERTERIS A SABBATO PREDEM TUUM, id est, si te die sabbati domini continueris, ne progrediaris ad male agendum explendamque voluntatem tuam. ET VOCAVERIS, id est, si tibi fuerit sabbatum delicatum, & sanctum Domino atque gloriosum. Sæpe docuimus vocare apud Hebræos idem aliquando significare quod esse. ET GLORIFICABERIS EUM (Dominum) observando sabbatum. UT NON FACIAS VIAS TUAS, id est peccata, quæ facere consuevisti. ET NON INVENITUR; id est, si reliqueris voluntatem tuam, quod qui soles contra proximum quicquid tibi venit in buccam; quasi dicat uno verbo: Si recte legem meam observaveris, non solum externis ceremoniis, sed etiam animo, abstinens a vitiis, fiet tibi quod sequitur vers. 14. Sabbatum enim per synecdochen pro tota lege ponitur.

Bibl. Sac. Tom. XVII

V. 14. TUNC BULECTABERIS SUPER DOMINO. In Domino, vel a Domino. ET SUSTOLLAM TE, id est ex humili miseraque conditione, in meliorem statum evaham: *והריכתיך על כסותי מרוך*, *equitare faciam te super excelsa terra*; id est, reducam te in Iudæam, aut collocabo te in Iudæa, quæ altior est Babyloniorum regione. ET CIBABO TE, Heb. *ותאכלתיך*, *et comedere te faciam hereditatem Iacob patris tui*, id est frui eius hereditate, terræ Iudæ quæ illi tamquam hereditas promissa est. OS ENIM DOMINI LOCUTUM EST, id est faciam, quia dixi, non enim mentiar.

S A.

Vers. 2. DE DIE IN DIEM, id est quotidie. QUÆRUNT, id est consulunt. VIAS, id est leges. VOLUNT, id est velle videntur. ROGANT, &c. quasi dicat: Vult mecum expostulant, exigentes ius, quod statim explicat.

V. 3. NESCISTI, id est videris nescire, non enim exaudis. VESTRA, scilicet non mea; quasi dicat: Facis quod lubet.

V. 4. AD LITES, id est litigando. IMPIE. LXX. *humilem*. IN EXCELISO, id est a me. CLAMOR, scilicet contentionum; vel quasi dicat, Ut vos exaudiam.

V. 5. STERNERE; quasi dicat, In sacco & cinere iacere.

V. 6. FASCICULOS DEPRIMENTES, id est onera, quibus proximum opprimis. LXX. *obligationes voluntatum cautionum*, scilicet de solvendis usuris, & huiusmodi. CONFRACTI SUNT. Chald. *vini patientur*. ONUS. LXX. *scripturarum iniquum*.

V. 7. VAGOS. LXX. *sine recto*. CARNEM TUAM. LXX. *Domesticos seminis tui*.

V. 8. MANE, id est sol mane. LUMEN, id est prosperitas, vel mentis illuminatio. SANITAS, id est liberatio. CITIUS. LXX. *ritio*. ANTEBIT, scilicet in ealumen euntem. IUSTITIA, scilicet operum, seu meritum. COLLIGET, id est suscipiet. LXX. *circumdabit*.

V. 9. CATENAM, scilicet peccatorum. Chald. *corruptelam iudicii*. DIGITUM, scilicet minando, aut convitiando. QUID NON PRODEST. Chald. *verba rapine*. LXX. *murmuracionem*.

V. 10. ANIMAM, id est viscera miseri-

LII

cor-

cordia. REPLEVERIS. LXX. *saturaveris*. TENEBRIS, id est calamitatibus. LUX, id est prosperitas.

V. 11. LIBERABIT. LXX. *impinguabit*. Chald. *corpus tuum vivificabit in vita aeterna*.

V. 12. DESERTA SAECULORUM, id est diu antica diruta & deserta. GENERATIONIS ET GENERATIONIS, id est diutissime duratura. LXX. *sempiterna*. SEPIUM, quasi dicat, Munies vias, scilicet bono exemplo. LXX. *unacertiarum*. Chald. *via recte*. IN QUIETEM; quasi dicat, Faciens quietas vias; scilicet quies est in observantia praeceptorum Dei. Chald. *convertens impios ad legem*. Heb. *ad habitandum*; quasi dicat, Faciens viatores quiescere in domibus aedificatis.

V. 13. AVERTERIS, &c. quasi dicat, In sabdato non laboraveris. VOLUNTATEM, id est negotia. DELICATUM, id est delicias, scilicet cessando a negotiis, & intendendo divinis. GLORIOSUM, id est honore dignum. Chald. *honoraveris*. VIAS. LXX. *opera*. SERMONEM, scilicet qui non deceat. LXX. *verbum in ira*. Chald. *verbum violentie*.

V. 14. ALTITUDINES. Chald. *munitioes*. LXX. *bona*; quasi dicat, Dabo caelestia.

E S T I I.

Verf. 5. NUMQUID TALE EST IEIUNIUM QUOD ELEGI, PER DIEM AFFLIGERE HOMINEM ANIMAM SUAM? Qui hoc tempore ieiunia ecclesiastica vituperant, hoc Scripturae loco abuti solent ad ostendendum ieiunia (cuiusmodi in Ecclesia observantur) ad Deum colendum nihil habere momenti; ac nullum in iis Dei cultum constitutum esse; quia, inquam, illud ieiunium quo quis per diem affligit animam suam, id est ieiunat toto die usque ad vesperam (sic enim ieiunare solent) non est ieiunium illud, quod Deus eligit. Videndum ergo, quid hac sententia Propheta voluerit significare. Quod ut intelligatur, observandum, quod & quorum ieiunium ab eo reprehendatur.

Præcedit ante hæc verba verf. 3. & 4. QUARE IEIUNAVIMUS, ET NON ADSPEXISTI? Et respondet Dominus: ECCE IN

TAS VESTRA, id est indulgetis cupiditati & avaritiæ, ET OMNES DEBITORES VESTROS REPETITIS: ECCE AD LITES ET CONTENTIONES IEIUNATIS. Ac deinde subiicit, Numquid tale est ieiunium quod elegeris? quasi dicat: Non est ieiunium quod elegeris, affligere ieiunando animam suam, atque in eo silitere; neque illud referre ad virtutem, vel carnis castigationem, vel mentis puritatem. Catholici itaque dum docent ieiunium esse Dei cultum, intelligunt ieiunium ecclesiasticum, ieiunium Christianum; scilicet eo fine susceptum, ad quem ordinat Ecclesia: nam aliqui est ieiunium medicum, aut Pharisaicum. Et ieiunium illud Christianum esse Dei cultum docent illa verba de Anna prophetissa Lucæ II. *Quæ non discedebat de templo, ieiunans, & obsecrationibus serviens nocte ac die*.

NUMQUID CONTORQUERE QUASI CIRCULUM CAPUT SUUM? ET SACNUM ET CINEREM STERNERE? Notatur hic superstitio, seu scrupulositas quorundam qui etiam cum capitis dolore, vel certo valetudinis detrimento ieiunare volunt, quasi id sit Deo gratum: sed non probat Dominus tale ieiunium. Alii vertunt ex Hebræo: *Numquid, ut curves quasi iuncum caput suum*; id est, ut capite in terram deflexo, ipso habitu corporis ostendet ieiunium suum? Est enim hoc hypocritarum.

M A R I A N A E.

Verf. 1. CLAMA, NE CESSES. Heb. *clama in gutture, ne prohibeas*, scilicet clamorem, ne cesses. Hic Isaïas magis Concionatorem agit quam Vatem. *Clamare in gutture* est ex præcordiis clamare magna voce. Septuag. *clama in fortitudine*.

V. 2. ME ETENIM DE HODIE IN DIEM: quotidie, omnibus diebus, QUÆRUNT, scilicet consulunt me. ROGANT ME IUDICIA IUSTITIÆ, id est quid iustitiae leges exigant, quasi dicat: Externo mei cultu oblectantur, cum mentes pravæ sint.

V. 3. ECCE IN DIE IEIUNII VESTRI INVENTUR VOLUNTAS VESTRA. Heb. *invenitis voluntatem*, id est facitis quod vultis, non quod Deo placet. Goth. *invenitur voluntas*, id est delicias in cibo captatis. Et quidem vox *פֶּהּ* *hephes*, & *voluptatem* & *voluntatem* significat. ET

OMNES

OMNES DEBITORES VESTROS REPETITIS. Heb. labores vestros exigitis. Labores pro facultatibus, facultates exigitis, nempe aliis creditas. OMNES DEBITORES, id est sine defectu, sive pauperes sint, sive divites, repetitis.

V. 4. ECCE AD LITES ET CONTENTIONES IEIUNATIS. Abstinencia a cibo bilis exasperatur, praesertim in domesticis & familiaribus.

V. 5. CONTORQUERE QUASI CIRCULUM. Sic Chald. & Septuag. Alii vertunt *incurum*. Sed *incurum* caput non demittit, reclusus semper est. Et vero *יִצְחָק* agmon non tantum *incurum*, sed & *hamum* & *circulum* significat; Job XL. 21. ET SACCUM ET CINGEREM STERNERE, scilicet sibi qui ieiunat, ut ibi dormiat: lugentium in morem. An hoc est ieiunium quod volo?

V. 6. DISSOLVE COLLIGATIONES IMPIETATIS, id est rumpe sygraphas usurarias. SOLVE FASCICULOS DEPRIMENTES. Heb. *fasciculos ingi*, id est graves. Ii sunt fasciculi litterarum, quibus usurarum rationes continentur. DIMITTE EOS, QUI CONFRACTI SUNT, id est pauperes, iis debita remitte. ET OMNE ONUS. Heb. *omne iugum*, id est debitum, quod quasi iugum collo debitoris imponitur, rumpe.

V. 7. ET CARNEM TUAM NE DESPEXERIS. Heb. *Et a carne tua ne te abscondas*, id est, ne dissimiles videre propinquorum indigentiam.

V. 8. TUNC ERUMPET QUASI MANE, sicut aurora. LUMEN TUUM, cris felix. Lumen in aurora gratius apparet, nempe post tenebras noctis. ET SANITAS TUA, felicitas. Repetitio. CITIUS ORIETUR. Heb. *cito germinabit*. GLORIA DOMINI COLLIGET TE; id est, Dominus te colliget per mortem.

V. 9. CATENAM: Heb. *ingum*; scilicet foenoris, quo opprimis alios; scilicet aufer de quo iugo. vers. 6. ET DESIERIS EXTENDERE DIGITUM, scilicet ut promittas, vel affirmes quod non oportet. ET LOQUI QUOD NON PRODEST. Heb. *loqui mendacium*; idque erecto digito confirmare.

V. 10. CUM EFFUDERIS ESURIENTI ANIMAM TUAM; id est benevolentiam tuam, si illum ex animo iuveris. ORIETUR IN TENEBRIS LUX TUA, id est afflictio prosperitate mutabitur; & quidem magna, qualis est lux in meridie.

V. 11. ET REQUIEM TIBI DABIT DO-

MINUS. Heb. *Ducet te Dominus semper, erit ductor tuus*. ET IMPLEBIT SPLENDORIBUS ANIMAM TUAM, id est cris felix. Heb. *satiabit in siccitatibus* (id est annis siccitatis, ut ponit Chald.) *animam tuam*, id est te, non deerit tibi annona. OSSA TUA LIBERABIT. Heb. *prosperebit ossa tua*, id est te ipsum, corpus tuum. CUIUS NON DEFICIENT AQUAE. Heb. *non mentientur aquae*, id est non deficient fontis eius aquae. Tali fonti liminis eris.

V. 12. ET AEDIFICABUNTUR IN DESERTA SAECULORUM. Nepotum copia tanta erit, ut necesse sit deserta aedificare, ubi habitet. In te. Heb. *a te edificabuntur*. Deserta saeculorum, id est quae a multis saeculis, aut semper deserta fuerunt. FUNDAMENTA, id est urbes everfas, ubi fundamenta tantum & parietinx superlunt. GENERATIONIS ET GENERATIONIS, id est quae per multas generationes & saecula sic iacuerunt, eas tu repones. AEDIFICATOR SEPIUM. Hebr. *vocaberis sepiens fructurum*, id est murorum extructor: muros, sepes vocat. AVERTENS SEMITAS IN QUIETEM. Heb. *restituens semitas ad habitandum*. Instauratis urbibus semite instaurantur, quibus ad illas itur.

V. 13. SI AVERTERIS A SABBATO PEDITUM TUUM, id est si non feceris iter in sabbato. FACERE VOLUNTATEM TUAM, id est si non feceris in sabbato, quod tibi libitum erit, sed quod Deo placet. ET VOCABERIS SABBATUM DELICATUM. Heb. *vocaberis sabbatum delicias*, scilicet tuas. In eo te oblectaris. VIAS TUAS, voluntatem tuam non facis, opera tua; id via vocatur. *Vias meas annuntiabo tibi*: Psal. CXVIII. 26. ET NON INVENTUR VOLUNTAS TUA. Repetitio. UT LOQUARISSEMONEM, scilicet vanum. Heb. *Et loq. verbum*; pro, & non loqui verbum, ut negatio prius posita repetatur. Prohibet autem aut verba vana, aut litium & negotiorum verba. Chald. *verbum violentiae*. Porro per sabbatum totam Legem intelligi, quam observari vult.

V. 14. TUNC DELECTABERIS SUPER DOMINO, vel in Domino, ipse erit tui gaudii causa, illi soli vacabis. ET SUSTOLAM TE. Heb. *equitare te faciam*. SUPER ALTITUDINES TERRAE, quae sublimior est omnibus terris. Inde Syria vocatur *Aram*, id

est *sublimis*. Et CIRCAO TE HEREDITATE; id est, bonis hereditatis terrae patris tui Iacob cirabao te. Aut, ex hereditate patris tui cirabao te.

M A L V E N D A E.

Verf. 1. **C**LAVIA, NE CESSES. Alii ex Heb. I. *Clavia ex gutture*, ne parcas, nimirum voci tuae. II. *Exclama gutture*, ne cohibeto, vel ne prohibeas, scilicet clamorem. Huius, inquit, concionis, duobus capitibus conserchens (qua Propheta pergit explicare indignissima Iudaeorum facta, & comparare cum Dei infinita misericordia) suaeque partes sunt quatuor: Exordium, paucis complectens concionis argumentum, duobus versibus: Gravissimae contestationes inter Deum & populum, reliquo capite: Confirmatio iusta consutatione, cap. lxx. usque ad verf. 21. & Conclusio a promissione magnificentissima, verf. ultimo. Est autem exordium sumptum a mandato Dei, quo Propheta instructum fuit & armatum esse, adeoque impulsum ostendit, ut cum malitia Iudaeorum certet. Aut ergo: *Exclama gutture*, vide licet toto, pro eo quod est, plenis faucibus, quam maxima voce poteris contendere; ut illud, *ne cohibeto*, quod proxime sequitur, ostendit. QUAE TUBA EXALTA VOCEM TUAM. Alii: I. *exalta instat tube vocem tuam*. II. *tangquam buccina extolle vocem tuam*; id est, supra modum domas quibus melius significatur cum fervorum Dei audacia, tum populi sorditas obfirmata. ET ANNUNTIAT POPULO MEO SCELERA EORUM. Quidam: & indica populo meo defectionem israhel, quae describitur inde a versu. 5.

V. 2. ME ETENIM DE DIE IN DIEM QUAE RUNT. Alii: *Une, vel quomodo me quotidie requirant*, &c. id est, Quamvis hypocritae sint, & viros bonos simulent externa specie: *requirant*, in speciem videlicet, non revera & ex animo: sic reliqua hoc versu. ET SCIRE VIAS MEAS VOLUNT. Alii: & scientia vitarum mearum delectantur. ROGANT ME IUDICIA IUSTITIAE, vel. *iura iustitiae*; id est, quaerunt a me, vel consulunt me de legibus meis iustis. APPROPINQUARE DEO VOLUNT. Alii ex Heb. I. *appropinquationem*, vel *accessionem Dei volunt*, vel *ad Deum optant*;

id est, optare videntur ut fiat prope Deum; itaque Deus illis propinquus. II. *ut Deus illis appropinquet cupiunt*. III. *accessu Dei delectantur*, id est accessu templi, in quo sedem collocaverat Deus. IV. *Feriterius: pugnam, congressum, consilium Dei volunt*; id est, volunt congressi cum Deo, & contendere militariter; est enim קרבא kerabah, quod hic ponitur in regimine קרבא kurbash, semineum קרבא kerab, quod passim in Scriptura pro *praelio*, *conflictu*, *armis*. Nonnulli: *appropinquationem Dei volunt*, id est appropinquare Deo ad contestationem causae, & contentionem cum ipso, ut cap. xviii. 3.

V. 3. QUARE IEIUNAVIMUS, ET NON ASPENISTI, &c. Hunc versum alii ex Heb. reddunt: I. *Quare, inquit, ieiunamus, & tu non aspicias?* affligimus animas nostras, & tu ignoras? id est, Videris ignorare, nos scilicet ieiunare; quasi dicat: Cur affligimus corpus nostrum ieiuniis, ut nos liberares a calamitate, & tamen non liberasti? Ecce in die, quo ieiunatis, invenitis quod vultis, & omnes labores vestros exigitis, vel *sanctitates vestras*, quas scilicet proximis credidistis: vox Hebraea צרם *charazim*, labores significat, hic autem pro *ieiunationibus* quae labore acquiruntur, accipienda est; quasi dicat: Dum ieiunatis, nihil remittitis de avaritia vestra, sed curatis seculo ut inveniat eos, quos invenire optatis, namque debitores vestros, etiam pauperes, ut ab his cum molestia & dolore facultates vestras exigatis. II. *Foriterus: Ut quid ieiunavimus, & non vidisti? affligimus animam nostram, & non cognovisti?* Ecce in die ieiunii vestri queritis beneplacitum, vel quod libet, & omnes labores vestros exigitis, vel labores vestrorum adigitis, seu *angariatis*; hoc est, vestros omnes, seu vobis addictos adigitis, ut vobis laborent, eorum labores angariatis. III. *Quare dum ieiunamus, dicitis, non respicis?* Propositio summi argumenti a populo obiecti per expositionem, cuius nomine deinceps cum eo contestatur Deus: est autem argumentum a presumptione meritum inanum, ut fuit illius Pharisei apud Lucam xviii. 9. & sequentibus: *dum affligimus animam nostram, non agnoscis? En quo die ieiunabis*. Responsio Dei ad expositionem populi duo complectitur; primum redargutionem hypocriticos popularis, ulque

usque ad vers. 8. inde confirmationem promissionum Dei erga anhypocritas, ad finem usque capitis. Populi autem peccata veluti digito demonstrantur, primum quod ieiuniorum dies consumunt in maleficiis; deinde quod ieiunia ipsa ad suum usum conferunt, hoc & sequente versu: *invenitis delectationem*, vel praxitatis id quod delectat, ut infra vers. 13. id est, rerum vestrarum eo commodius & diligentius satagitis: quod magis vos delectat, quam ulius cibus aut potus, tanta flagrat avaritia, ut supra cap. lvi. 11. *ut omnes labores vestros exigatis*: ut Proverbior. v. 10.

V. 4. ECCE AD LITES ET CONTENTIONES, &c. Alii hunc versum ex Heb. transferunt: I. *Ecce ad lites & inopia ieiunatis*; id est, videmini abstinere a cibo & potu, ut liberius vacetis litibus & iurgiis, nam ne eo quidem die abstinetis a litibus: ut percontatius pugno aludicatum, seu reum aut condemnatum: *ne ieiunetis ut hodie, ut audiri faciat in excelsis vocem vestram*. II. *En ad contentionem & iurgium ieiunatis*, & ad percontandum pugno improbitatis, seu improbi sumo: non ieiunatis, ut est huc die, ut audire faciat, sive (prout sunt hec tempora) ut offeratis in excelsis vocem vestram: quæ germana est causa cur ieiunium Deus instituerit, Levit. xvi. 29. & xxi. 27. III. Foriterus: *Pro lites & rixa ieiunatis*, &c. מַצָּה *matzah*, contentio, pugna, rixa, velitatio, proprie, inchoatio, ut Proverbior. xiiii. 10. vide supra cap. xli. 12.

V. 5. NUMQUID TALE EST IETUNIUM, QUOD ELEGI, &c. Alii hunc versum ex Hebr. reddunt: I. Num huiusmodi ieiunium est, quod ego elegi, seu probo, nimirum ut certo die homo affligat animam suam: aut curves, seu retorquent caput suum tanquam hamum, vel instar iunci saccum & pulverem sternat, sibi; id est, ut iaceat in cinere & cilicio, animo improbo & avaro nihil mutato. Externis debent respondere interna: num istud ieiunium, & diem Iehovæ gratum appellabis? II. An huiusmodi esset ieiunium, quod eligo, dies, quo affligit homo animam suam? an incurvare ut iuncum caput suum? an ut quis cilicium, ac cinerem sibi sternat? simulato luctu, ut Iob 11. 8. & 12. an huiusmodi vocatis ieiunium, & diem benevolentia, seu acceptum Iehovæ? Exornatio præcedentis redargutionis a definitione ieiunii, tribus verbis.

V. 6. DISSOLVE COLLIGATIONES IMPIE-

TATIS. Alii ex Heb. I. *Aperire nexum ad dicti tibi*, id est obligationes, & alia huiusmodi creditorum. II. *ut dissolvatis vincula improbi*. III. *solve vincula iniurie*, quibus debitores per avaritiam & iniuriam constrinxisti. IV. *ut solvatis nexum improbitatis*, id est fratres vestros vobis improbiissime nexui deditos, & in servitutem tractos, contra legem Levit. xxv. 39. & Denteronom. xv. Sic Nechemia iii. 2. De voce חַרְצֻבּוֹת *chartzubbōth*, vincula, nexi, vide in Plalm. lxxiii. 4. SOLVE FASCICULOS DEPRIMENTES. Alii ex Heb. I. *solvere fasciculos inigi*, id est oppressionis. II. *dissolvere fasciculos mutationis*, id est onera fratribus imposita adeo gravia, ut illos iter eundum nutare & vacillare cogant. III. *ut dissolvatis fascies lori*, seu loris vinclos, id est fascinas gravissimas, quibus supra modum oncratis fratres vestros. Nam quo graviores sunt fascinae, eo validius compinguntur loris. Sic interdicatur inhumanitate, per synecdochen: ut contra sequente versu imperatur humanitas. IV. *transilire faciendo fasciculos oppressionis*; id est, faciendo ut transiliant, transferantur, auferantur fasciculi oppressionis. Fasciculos hic figurate appellari putant fenora, quæ dum debitores non sunt solvendo, in dies augentur, & excreverunt quasi in fascies. V. *saltare salire facere, dissolvere fascies dimotionis*, vel pericæ, vellis, temonis, pulanæ; id est, fascies tam graves, ut palangis, & vellibus dimovendi sint, & transferendi. De voce מוֹתָח *motah*, quam nos amotionem vertimus, vide Levitic. xxvi. 13. Contra omnia exemplaria quidam hic pro מְכִרֹת *aguddeth*, legunt similitudine litterarum, מְכִרֹת *igghereth*, id est tractatus, chirographa, instrumenta contractus, quibus debitores obnoxii sunt: sic enim Hebræi vocant epistolas & scripturas. Et OMNE ONUS DEPRIME. Eadem vox *motah*, quæ paulo ante præcessit, varie reddunt: I. *atque ut omne iugum disrumpatis*. II. *& omne torum disrumpatis*, nimirum quo iugum compingitur. Sic infra vers. 9. VAGOS. מְרֻדִים *merudim*, vel מְרֻד *rad*, vela מְרֻד *marad*, varie exponunt: electos, expulsores, exules, extorres, proprie, rebellatos, id est expulsores ac si rebelles essent, seu defectos; id est, qui velut ab opibus & viribus decesserunt ac desciverunt, elegante Hebraismo: vel descensos, depresso, aut deploratos.

Qui-

Quidam *querulos* reddunt, seu *plorantes*; alii substantivum faciunt, *afflictos adversitatis*. ET CARNEM TUAM NE DESPERERIS. Hebr. *¶ a carne tua non abscondas te*, id est a fratre tuo, seu cognatis, consanguineisque, qui homini sunt tanquam eius caro: sic Nehem. v. 5.

V. 8. TUNC ERUMPET. Hebr. *discindatur, diffundetur, dissecabitur*; id est, scissa in varias partes diffundet se, longe lateque, *lux tua*, id est felicitas; quasi dicat: Ut homo per beneficentiam in plures quasi se dissecat, sic prosperitas & felicitas eius latissime spargetur. Altera pars, nimium confirmatio promissionum Dei, ut diximus in vers. 3. hypothetica, sive conditionalis, si populus integre proximis beneficeret, usque ad vers. 13. & Deum coleret: vers. 13. & 14. LUMEN TUUM, vel *lux tua*, id est pax & prosperitas gloriosa, ac splendida, ut Esther viii. 16. ET SANITAS TUA. מְרִימָה *aruchah*, proprie, longum, prolongatio, longevitas, durabilitas, productio, incolunitas, quæ vita producitur. Aliis est *sanitas, curatio, medela, medicina*. Vide de hac voce in II. Paralip. xxiv. 13. & Nehem. iv. 7. CITUS ORIETUR. Hebr. *festinante, cito, protinus germinabit, succrescet, efflorescet*. ET ANTEIBIT FACIEM TUAM IUSTITIA TUA. Alii: *¶ anteibit te iustitia tua*, id est Christus iustitia nostra, Jerem. xxxiii. 6. & 33. 15. & I. Corinthe. i. 30. vide supra cap. lit. 12. ET GLORIA DOMINI COLLIGET TE. Alii reddunt: gloria Iohovæ extremum agmen tuum aget, ut Numeror. xv. 25. & supra cap. lit. 12.

V. 9. SI ABSTULERIS DE MEDIO TUI GATENAM. Alii ex Hebr. I. *si abstuleris de medio tui inquam*, id est omnem servitutem, & onera aliis imposita, II. *si amoveris ab animo tuo lorum*, quo iuga compinguntur; id est, si animo, opere, & sermone averfaberis inhumanitatem, & ab ea abstinebis, ut supra vers. 6. ET DESIERIS EXTENDERE DIGITUM, ET LOQUI QUOD NON PRODEST. Hebr. I. *extendere, exere, porrigere, digitum, ¶ loqui, vanitatem*; id est, si desieris porrecto & extenso digito interminari proximo, & probris eum afficere. II. *porrectionem digiti*, id est manus ad ultimum opus improbum, aut etiam extremi digiti, emphatice, ¶ locutionem vanitatis. Eortasse *extendere digitum*, sit idem quod

digito loqui, Proverb. vi. 13. quod est superbia, aut arrogantia: vel possit exponi; *extendere digitum*, id est vel minima re aliquem lacerare; unde Adagium, *Digito attingere*, apud Glibertum Cognatum Centuria II. Adagio cxxxii.

V. 10. CUM EFFUDERIS ESURIENTI ANIMAM TUAM. Alii: I. *Et si protuleris, vel ¶ protuleris famelico animam tuam*, id est benevolentiam seu beneficentiam tuam; quasi dicat, si liberaliter & ex animo dederis de bonis tuis. II. *Exprompseris vero famelico animam tuam*, &c. id est, ex animo liberaliter, hilariterque communicaveris cum difficultatibus illius. ORIETUR IN TENEBRIS LUX TUA, &c. Alii: *tum, vel iam exoriatur in tenebris lux tua, ¶ in caligine tua tanquam meridiana lux*; id est, nulla tanta adversitatum caligo futura est, quin tu pace & letitia in Domino, velut luce perfruaris: quam duo sequentes versus exponunt. SICUT MERIDIES. צֶלֶשֶׁת יָמֵי הַיּוֹם *ta-horaim* duale: sicut duo merides, vel sicut uterque merides: vide in Genes. xliii. 16.

V. 11. ET REQUIEM DABIT TIBI DOMINUS SEMPER. אֶת הַנַּחַשׁ *nach*, deduxit: plerique אֶת הַנַּחֲשׁ *nach*: Nam deducet te Iehova ingit; id est, placeat, & sensim deducet quemadmodum pastor gregem, aut pater puerum suum ducit. ET IMPLEBIT SPLENDORIBUS ANIMAM TUAM. Varie ex Hebr. exponunt: I. *¶ saturam reddet in siccitatibus animam tuam*, id est tempore famis. II. *¶ exsatiabit in summa ariditate animam tuam*. III. *¶ satiabit in limpiditatibus animam tuam*, id est in locis aridis & glabris. רַחֲצֶהָ *raachzahohi*, geminatum, alibi non invenitur, & significat proprie *candores, nitores, limpiditatem, vel limpiditates, claritates*, seu *claritudines*. Et ex notatione thematis potest accipi de splendoribus, & candoribus lucis; & de ariditatibus, siccitatibus, quæ inducunt glabritiem, & limpiditatem, ubi non sunt herbe; nec gramina; nec germina crescunt, quæ terram convestiant. Geminatio syllabarum augeat vocis significatum; quasi dicat, In maximis &c. summis limpiditatibus. ET OSSA TUA LIBERABIT. Alii ex Hebr. I. *extrahet, eripiet; servabit a malis*. II. *relaxabit, vel laxiora reddet*. III. *expediet, expedita reddet*. IV. *impinguet, facinabit*. V. *offibusque tuis requiem dabit*.

V. 12. ET AEDIFICABUNTUR IN TE DESER-

ERTA SÆCULORUM. Alii ex Hebr. I. Et ædificabunt de te sempiternas solitudines. II. Et inflaurant opera tua desolationes sæculi; id est, si sic vixeris, ea opera caula erunt ut ob frequentiam tuam cogaris inflaurare urbes olim destructas & interruias, ut in illis habites. Quod enim Hebr. dicitur ex te, exponunt, id est opera tua, quæ ex te proficiuntur. III. Et erunt ex te, qui ædificabunt deserta longinqui temporis. IV. Et ædificabuntur a te siccitates æternitatis, id est civitates dirutæ, seu nudatæ, quasi exsiccatae habitatoribus, qui urbibus sunt veluti sanguis & vita: æternitatis, id est quæ a multo tempore exsiccatae & vacuatæ sunt. V. **ÆDIFICABUNTQUE EX TE GENITI DESOLATIONES SERVITI, seu antiquas,** &c. id est, omnia per te, & tuos quasi recreabuntur, utcumque fuerint conturbata. **FUNDAMENTA GENERATIONIS ET GENERATIONIS SUSCITABIS.** Alii: I. fundamenta seculorum excitabis; id est, interrupta & imperfecta a multis sæculis. II. fundamenta per multas generationes iocunda eriges. **ET VOCABERIS AEDIFICATOR SEPPIUM.** Alii ex Hebr. I. vocaberis quoque rupturæ reparatur. II. & vocabitur tibi, *Septiens ruinam.* III. indeturque tibi nomen *Inflauratoris ruinæ.* IV. denique vocaberis, *Inflaurator ruinæ, vel septor rupturarum.* **AVERTENS SEMITAS IN QUIETEM.** Alii ex Hebr. I. *seductor, reductor semitarum ad secure habitandum, id est director viarum,* quæ ducunt ad loca antea desolata, ut in illis rursum habitent homines. II. *restituens semitas ad quiescendum, vel ad habitandum.* לשבט *loschabeth, a שבת schabath,* ad cessandum, vel quiescendum: a שׁוּב *in-schab, ad manendum, sedendum, habitandum.* III. *restituor semitarum in habitationem.* Hispanicus Interpres: *restituitor de encladas para habitar.* IV. *convertens semitas ut ambulari possit in eis.*

V. 13. SI AVERTERIS A SABBATO PEDDEM TUUM, &c. Hunc versum diversimode ex Hebr. traducunt: I. *Si reverti feceris, vel si reduxeris, aut retraxeris, a sabbato pedem tuum,* id est ne ambulet in sabbato. Si, inquit, itinera sabbato non confeceris, ex lege synecdoche; quasi dicat, Si legem observaveris: vel si retraxeris in sabbato pedem tuum, ut non facias voluntatem tuam; id est, Si sabbato abstineris a faciendo pro libidine tua: in die sancto meo,

& vocaberis sabbatum, Delicias, sanctum Iehovæ gloriosum, & honore affeceris illud, ut non facias vias tuas, neque invenias voluntatem tuam, neque loquaris verbuni. II. *Si reduxeris a sabbato pedem tuum, facere beneplacitum tuum in die sanctitatis meæ,* & vocaberis sabbatum, Delicium sancto Iehovæ honoratum, & honoraveris eum non faciendo vias tuas, non inveniendo beneplacitum tuum, neque loquendo sermonem; id est, abstinendo a verbis levibus, & ad mundanam sapientiam, vel voluntatem compolitis. III. *Si averteris pedem tuum sabbato, quo minus facias viam voluntatem, id est tua negotia in die sancto meo: tum vocabis ad sabbatum delicatum, ut sanctificetur & honoretur Iehovæ: si, inquam, honoraveris ipsum ita ut neque vias tuas feceris, neque voluntatem tuam inveneris, neque verbum tuum loquaris.* IV. *Si averteris a sabbato pedem tuum, ne facias id quo delectaris, die sancto meo, & vocaberis sabbatum, Delicias, sanctumque Iehovæ honoratum, honoraverisque ipsum non exercendo vias tuas, non prestando id, quo delectaris, aut loquendo verbum, de eo.* **SABBATUM DELICATUM.** Fortiter redit: *Sabbatum delicii, seu delicatum: ita quoque Avenarius. Sed Mercerus: vel potius sabbatum, delicias, vel delicium; nam nomen præcedens non est in regimine. Immo potius Seghol in his formis indicat regimen.*

V. 14. ET SUSTOLLAM TE SUPER ALTITUDINES TERRÆ. Alii ex Hebr. I. & equitare faciam te super excelsa terre; id est, imponam te excelsæ terre, hoc est reducam te in terram sanctam, ut habitas in ea. II. & vehi faciam te super excelsa terre. Allusio est ad locum Deuteronom. xxxii. 13. Sed luc de caelesti & spiritali terra est sermo. III. & veham te supra excelsa terre: allusit ad situm Iehudæ, quæ montosa & excelsior aliis perhibetur. **OS ENIM DOMINI LOCUTUM EST.** Alii: *quia os Iehovæ loquitur.* **Ætiologia** promissionum omnium a persona Dei, transitionem comparans ad consultationem sequentem.

M E N O C H I I.

Verf. 1. **Q**UASI TUBA: clara, & alta voce.

V. 2. **DE DIE IN DIEM** QUÆRUNT, id est quotidie simulant se querere me, & voluntatem meam. **SCRIBE VIAS MEAS**; quasi dicat: Vocant me quodammodo in ius; allegant enim suam iustitiam, measque vias, id est consilia acculant infidelitatis, & iniquitatis, quod promissam eis pacem, & bona non preitem. **IUDICIUM DEI SUI**: iudicium vocat iustum, & æquum quod Deus leges sue præscripsit, & sanxit. **ROGANT ME IUDICIA IUSTITIÆ**; quasi dicant: Volumus scire quomodo iusta sint Dei iudicia, det ipse nobis eorum rationem. **APPROPINQUARE DEO VOLUNT**: cum eo congressuri, & disputaturi.

V. 3. **HUMILIAVIMUS ANIMAS NOSTRAS**, id est ieiunio nosmet affliximus. **NESCISTI**, id est videris ieiunium nostrum non aspicere. **VOLUNTAS VESTRA**. Hebr. *vox ven elects*, significat *id quod libet*, quæ in Scriptura vocatur libido, concupiscentia, voluntas carnis, voluntas propria; quasi dicat: Ieiunatis, sed interim avaritiæ, libidini, & cupiditatibus vestris indulgetis. **DEBITORES REPETITIS**: avare, inhumaniterque illud exigendo quod propter paupertatem exhibere non possunt.

V. 4. **AD LITES, ET CONTENTIONES Ieiunatis**: propterea non sumitis cibum usque ad vespæram, ut totum diem negotiis, litibusque forensibus dare possitis. **PERCUTITIS PUGNO IMPIE**: debitores vestros, vel illos quibuscum litigatis. **UT AUDIATUR IN EXCELSO CLAMOR**: nolite ita ieiunare, ut clamor contentionis vestre audiat, aut eorum clamor, quos affligitis, & vexatis.

V. 5. **CONTORQUERE QUASI CIRCULUM CAPUT SUUM**. Aliqui vertunt, *quasi hancum*, alii *quasi incum*: ieiunantes enim partim ex debilitate, partim ut se ad penitentium habitum componerent, caput demittebant & collum inclinabant. **SACCUM**, id est cilicium. **CINEREM STERNERE**: his enim quasi symbolis penitentiae ornabant ieiunium.

V. 6. **COLLIGATIONES IMPIETATIS**, id est obligationes, & pacta usuraria aut alia ra-

tione iniqua, quibus alios præsertim pauperes violenter oppressisti & exhaustisti, **FASCICULOS DEPRIMENTIS**: syngrapharum fasciculos, quibus pauperes premuntur. **QUI CONFRACTI SUNT**: qui oppressi ære alieno solvendo non sunt. **ONUS**: debiti, dissolve, abrumpe.

V. 7. **FRANGE**: distribue. **CARNEM TUAM**. LXX. habent, *& domesticos senilis tui ne despexeris*. Itaque caro vocatur consanguineus pauper.

V. 8. **QUASI MANE**. In Hebræo est, *sunt aurora*; quasi dicat: Tunc incipies e mediis calamitatum tenebris, verbi gratia e captivitate Babylonica, in lucem lætitiæ, & felicitatis emergere. **SANITAS TUA**: liberatio tua e malis, & e captivitate. **ANTEBIT FACIEM TUAM**: quasi fax præbit, ut te e malis educat. **IUSTITIA TUA**, id est misericordia tua; sic enim capitur iustitia Dan. iv. 74. Psal. cxv. 9. Act. x. 35. & alibi. **GLORIA DOMINI**: gloriosa liberatio, quæ tibi Dei beneficio continget. **COLLIGET TE**: cripiet te e periculis, aut captivitate.

V. 9. **CATENAM**. In Hebræo est *iugum*, quo scilicet pauperes premis: **EXTENDERE DIGITUM**: qui gestus est vel iridentis, vel insultantis, & urgentis, quasi digitis oculos velit eruere. **QUOD NON PRODEST**: est iniosus; minus enim dicitur, quam significatur. In Hebræo est *in aven*, id est *iniquitatem*. Chald. *verba rapine*. LXX. *murmurationem*.

V. 10. **EFFUDERIS ANIMAM TUAM**: ostendendo viscera misericordiae. **AFFLICTAM**: fame, nuditate, morore. **REPLEVERIS**: cibo, veste, consolatione, & hœtitia. **ORIENTUR** &c. hoc est quod dixit num. viii. *Erumpet quasi mane lumen tuum*.

V. 11. **SPLENDORIBUS**: hilaritatis, serenitatis animi, & felicitatis. **OSA TUA**: membra tua, & corpus tuum vexatum, & emaciatum ærumnis Babylonicæ captivitatis. **QUASI HORTUS IRRIGUUS**: virens, & florens, & fructibus abundans. **SICUT FONS** &c. nam omni bonorum genere affluens, & abundans.

V. 12. **AEDIFICABUNTUR IN TE DESERTA SÆCULORUM**: domus, vel urbes a multis sæculis deserte. **FUNDAMENTA** &c. quasi dicat: Restaurabis, & reedificabis urbes, & domos a multis sæculis duras, qua-

TIRINI.

quarum tantum fundamenta terra obruta remanserant : significat synagogam collapsam, ex cuius ruinis excitata est Ecclesia Christi, additis Gentilibus, qui de lapidibus facti sunt filii Abraham. **AEDIFICATOR SEPIUM.** Alludit, & significat instaurationem Ierusalem ; hæc enim vocatur sepe vinca, cuius muri sunt sepes. **AEDIFICATOR SEPIUM** sunt ii, qui Ecclesiasticam disciplinam, & leges statuunt, aut restitunt. **AVERTENS SEMITAS IN QUIETEM :** ocellulor semitarum, per quas subibant bestię, & hostes vastantes vineas, & domos, ideoque auctor quietis.

V. 13. SI AVERTERIS A SABBATO PEDEM TUUM : si averteris pedem tuum a transgressione sabbati, quia sabbato longum iter, omneque opus servile, quod pedibus, aut manibus fit, erat prohibitum. **FACE-RE VOLUNTATEM TUAM :** repetendum, si *avertieris*; sententia est : Si in sabbato non tantum quieveris ab opere, sed etiam non sequeris voluntatem tuam, & concupiscentias, indulgendo gulę, & genio, sed vacando studiis pietatis. **SABBATUM DELICATUM,** id est delicatę, & tenere observandum. Vel delicias tum tuas, tum Domini, quod scilicet capiat Deus magnam delectationem ex religioso sui cultu in sabbato. **ET SANCTUM DOMINI GLORIOSUM :** si vocaveris, æstimaveris, & colueris sabbatum, quasi diem sanctum, & glorię, & glorificationi Domini dedicatum. **DUM NON FACIS VIAS TUAS ;** quasi dicat : Hoc autem præstabis dum actibus, moribus, & vitiis conductus non insilitis. **VOLUNTAS TUA :** quid hoc significet proxime explicatum est, hoc eodem versiculo. **UT LOQUARIS SERMONEM :** scilicet qui non prodest, ut dixit n. 9.

V. 14. DELECTABERIS SUPER DOMINO : spiritualibus deliciis frueris. **SUSTOLAM TE &c.** id est animi celsitudinem tibi dabo. **CIBABO TE &c.** id est, dabo tibi insignia illa bona, quę promisi Abraham, Isaac & Iacob. Alludit ad terram promissam, quę caelestis illius terrę viventium symbolum fuit. **OS DOMINI LOCUTUM EST :** itaque promissionem hanc eventus non frustrabit.

Verf. 2. ME QUÆRUNT, non ut iratum tuum placent, sed quasi sibi iniurium ad causam dicendam cogant : **VOLUNT ENIM SCIRE VIAS MEAS ;** id est consilia & rationes cur sic cum ipsis agam, accusantes me iniustitię & perfidię, quasi promissa ipsis pacem & pristina bona non restituum, inquit S. Cyrillus & Sanchez : & patet ex verf. 3. *Quare ieiunavimus, & non aspersisti ?* **ROGANT ME IUDICIA IUSTITIÆ,** id est deposcunt a me rationem factorum meorum, quasi inique cum eis agam : & **APPROPINQUARE VOLUNT DEO** non illi supplicandum, sed ad litigandum cum eo coram tribunali iudicis alicuius iustioris.

V. 3. HUMILIAVIMUS ; Hebraice, *af-fliximus*, **ANIMAS NOSTRAS,** id est nos ipsos, id est ieiunavimus : nam Hebręi ieiunium vocant *humiliationem a vel afflictionem b.* Primo, quia ieiunium carnem affligit, & animi superbiam domat ; secundo, quia ieiunio adiungebatur *cilicium & cinerem*, ut hic insinuat vers. 5. quę corpus affligunt, & signa sunt animi humiliati. **ET NESCISTI,** id est non curasti, non remunerasti, perinde ac si ignorares. Quid ad hanc impiorum querelam Deus ? **IN DIE IEIUNII VESTRI INVENTUR VOLUNTAS VESTRA,** id est obsequimini non divinę voluntati mandato & imperio, sed proprio nutui ac libidini animi, v. g. avaritię, fastui, iracundię, luxurię, aliisque vitiis, ad quę refecanda ieiunium institutum est. **OMNES DEBITORES VESTROS,** etiam qui solvendo non sunt, **REPETITIS,** inhumane ac tyrannice cogentes solvere.

V. 4. ECCE IEIUNATIS, non ad me placandum, sed ad lites et contentiones pro iudicio ac tribunali prosecutiondas, nempe ut capite screniore, & largiore tempore, quod ieiunantibus abundantius suppetit, vacetis instruendis litibus quibus debita vestra repetitis : ita S. Thomas, Hugo & Sanchez. Neque solo iudicio publico pro tribunali debita repetitis, sed insuper privata auctoritate cogitis & compellitis millos solvere quod non habent, **PERCUTITISQUE COS PUGNO IMPIE & inhumane,** adeo **UT CLANOR VESTER,** quo & vos clamatis adversus debitores ve-

M m m

stros

stros, & illos clamare atque ciulare cogitis, AUDIATUR IN EXCELSO caelo, & vindictam a me deposcat: ita Forerius & Sashout.

V. 6. DISSOLVE COLLIGATIONES IMPIETATIS, id est iniquos contractus, v. g. usurarios, vel pauperi nimis molestos. Hæc est prima conditio ieiunii spiritualis mihi grati & accepti. Secundo, SOLVE FASCICULOS syngrapharum DEPRIMENTES pauperem; LXX. *dissolve obligationes violentarum cautionum*, quibus fratres tuos crudeliter opprimis. Tertio, EOS QUI CONFRACTI SUNT dura servitute, vel adversa fortuna, & bonis exuti foro cesserunt, DIMITTE LIBEROS, ET OMNE ONUS, id est debitum quo opprimuntur, DIRUPE. LXX. *scripturam*, seu syngrapham, iniquam censuræ. Quarto,

V. 7. CARNEM TUAM, id est cognatum, consanguineum tuum, puta omnem Israelitam, NE DESPEXERIS, ne delitias clemosyna necessaria. Inde multiplex tibi premium confluet. Nam Primo,

V. 8. ERUMPET LUMEN e TUUM; id est, felicitas, & prosperitas tibi optata & sperata affluere incipiet QUASI MANE, id est instar auroræ & stellæ matutinæ, inquit Forerius & Sanchez. Secundo, SANITAS TUA CITIUS tibi ORIETUR; nempe tam animæ, quam corporis & fortunarum. Tertio, IUSTITIA d TUA ex misericordia in pauperes collecta, ANTEIBIT FACIEM e TUAM quasi fax & vitæ dux ad latiorē fortunam, immo ad cælum. Quarto, GLORIA; id est, gloriosa protectio, DOMINI COLLIGET TE, & in tuto collocabit. Alludit ad Moysen, qui, cum Iudæi Num. xiv. 10. vellent eum lapidare, protectus est a gloria Domini super tabernaculo per nubem apparente.

V. 9. SI ABSTULERIS CATENAM, seu servitutis, seu debiti, quo proximus tuus tibi advincitur & obstringitur: ET DESIDERIS EXTENDERE DIGITUM, vel manum, ut LXX. puta ad irridendum vel subannandum, ut S. Hieronymus, S. Thomas & Haymo exponunt: vel certe ad comminandum proximo, quasi velles ei oculos eruere, aut aliud grave malum coquere, ut inquit Forerius, Vatablus, & Sa. Sic supra dicebat *f* de Sennacherib: *Agitabit manum suam super montem filie Sion.*

V. 12. AEDIFICABUNTUR & insaura-

buntur IN TE DESERTA SAECULORUM, id est domus, urbes, arces tuæ licet a multis sæculis deserta: & FUNDAMENTA GENERATIONIS ET GENERATIONIS, id est multarum generationum, seu a multis sæculis durata, iterum SUSCITABIS: erisque ET VOCABERIS passim AEDIFICATOR SEPUM, seu instaurator vinetorum Iudææ, quorum sepēs deiecerant Chaldaei, sed instauravit reductes Iudæi e Babylone, ita Sanchez. Sed Vatablus & Forerius per *sepes* intelligunt mœnia Ierosolymæ, quæ Nehemias instauravit, AVERTENS SEMITAS IN QUIETEM id est quietere, seu cessare faciens aditus omnes, per quos seu bestiis, seu hostibus accessus patebat ad interiora urbis vel vinearum & hortorum. Hieronymus Prædus & Thomas Bozius e hæc accipiunt de collapsis olim templis Christianorum rursus instauratis: Procopius, de ruina hominum in primo parente, per Christum instaurata. Potest etiam de reformatione statuum & Ordinum tum Religiosorum, tum secularium exponi; sed sensu mystico: nam ad litteram sermo hic est de instaurazione Ierosolymæ, & sub eius typo, Ecclesiæ Dei: ita S. Hieronymus, Hugo & alii.

V. 13. SI AVERTERIS PEDEM TUUM A SABBATO transgrediendo, ne longius iter pedibus facias quam sabbato permittitur. Per synecdochen, sub *sabbato* intellige quælibet festa, immo totum Dei cultum, ut supra *b* dixi. Item si averteris, seu caveris, FACERE VOLUNTATEM TUAM i IN DIE SANCTO MEO, id est sabbato; quasi dicat: Si obsecutus non fueris propriæ concupiscentiæ & prurigini tuæ, festis diebus indulgendo gulæ & genio, ET VOCAVERIS, id est æstimaveris, colueris, SABBATUM non ut diem profanum, vilem vel sordidum, sed DELICATUM, id est instar rei delicatissimæ Deo tibi que carum, SANCTUM ET GLORIOSUM DOMINI, id est Deo sancte colendo & glorificando destinatum: caverisque NE LOQUARIS SERMONEM, nempe qui non prodest, ut supra vers. 9. id est, nihil loquaris, nihil agas quo proximo nocet. Et en tibi luculenta premia.

V. 14. PRIMUM, DELECTABERIS SUPER DOMINO; quasi dicat: Pro delitiis carnis, quibus mei causa privas gremium tuum, ego tibi spirituales & cælestes dabo delicias, quæ tantum excedunt carnales, quantum cæli terris præcellunt. Secundo, SUSTOL-

LAM

LAM TE SUPER ALTITUDES TERRAE; id est, altiorcm faciam omnibus terris & terrenis bonis, etiam altissimis & maximis; nempe mente fixus in calo, in eternitate, in Deo, despicias terrena omnia quasi punctum unum, immo nihil: ita S. Hieronymus, Gregorius, & alii. Tertio, CIBARTE HEREDITATE IACOB; id est, dabo tibi insignia illa, quæ promissi Iacobo patri tuo, nempe terram lacte & melle manantem in hac vita, in altera terram viventium plenam celestibus opibus & delitiis, inquit idem S. Hieronymus, Cyrillus, Bernardus & Propertius.

(a.) Psal. XXXIV. 13.

(b.) Levit. XVI. vers. 29.

(c.) Psal. IV. 7.

(d.) Psal. CXI. Aeth. x. 33. & Dan. IV. 24. in Hebræo.

(e.) Tobit IV. 17.

(f.) Isaïa x. 32.

(g.) Boetius to. 11. de Notis Ecclesiæ signo 88.

(h.) cap. lvi. 2.

(i.) Hic vers. 2.

(k.) Greg. Lib. XXXI. Moral. cap. XII. & Lib.

1. Registri epist. v.

(l.) Beza. Sermon. XXI. in Cant.

GORDONI.

Verf. 1. **M**Ores Iudæorum corruptos describit: exterius videtur volunt ieiunantes & interrogantes Deum,

sed cor eorum longe abest a cordis puritate & vero ieiunio. Quomodo demum sit ieiunandum docet a vers. 6. ad vers. 9.

V. 9. Pergit dicere quid agendum, ut recte vivant, & Dei auxilium ac favorem obtineant. Auferte, inquit, catenam, scilicet peccatorum; & nolite digitum extendere, aut per minas, aut per murmuracionem, ut habent Sept. Vers. 12. AVERTENS SEMITAS IN QUIETEM, id est restituentur semitæ securæ ad habitandum.

V. 13. SI AVERTERIS A SABBATO; hoc est, a violando sabbato, PEDEM TUUM; manum & opus servile cohibeas. Tria promittit rite colentibus Deum, vers. 14. hæc sunt, delectatio in Deo, mentis altitudo per dona gratiæ, & hereditas vitæ æternæ, designata in promissione facta antiquis Patribus. Sabbatum vocat delicatum, vers. 13. utpote scopolis laboribus.

EX EIVSDEM AUCTARIO.

Verf. 12. AEDIFICABUNTUR, restituentur domus desertæ a multis sæculis, fundamenta urbium calcatarum reponentur. Hæc collapsam Synagogam designant, & eius ruinis excitandam Ecclesiam. Aedificator sepium dicitur hic, qui morum reparator est, & disciplinæ Ecclesiasticæ promotor



CAPUT LIX.

Potens ac benignus est Deus ad salvandum Iudeos: sed iniquitates eorum, quas Prophetæ persequitur, impediunt ne exaudiantur ac salventur: propter quas & ipsi confitentur se iuste a Deo desertos, & execratos, affligi variis malis: de furore Domini in malos, & benignitate erga poenitentes.

1.  Cce (a) non est abbreviata manus Domini ut salvare nequeat, neque aggravata est auris eius ut non exaudiat: 2. Sed iniquitates vestre dividerunt inter vos & Deum vestrum, & peccata vestra absconderunt faciem eius a vobis ne exaudiret. 3. (b) Manus enim vestre pollutæ sunt sanguine, & digiti vestri iniquitate: labia vestra locuta sunt mendacium, & lingua vestra iniquitatem satur. 4. Non est qui invocet iustitiam, neque est qui iudicet vere: * sed confidunt in nihilo, & loquuntur vanitates: (c) conceperunt laborem, & pepererunt iniquitatem. 5. Ova aspidum ruperunt, & telas aranearum texuerunt: qui comederit de ovis eorum, morietur: & quod consotum est, erumpet in regulum. 6. Telæ eorum non erunt in vestimentum, neque operientur operibus suis: opera eorum opera inutilia, & opus iniquitatis in manibus eorum. 7. (d) Pedes eorum ad malum currunt, & festinant ut effundant sanguinem innocentem: cogitationes eorum cogitationes inutiles: vastitas & contritio in viis eorum. 8. Viam pacis nescierunt, & non est iudicium in gressibus eorum, semitæ eorum incurvæ sunt eis: omnis qui calcet in eis, ignorat pacem. * 9. Propter hoc elongatum est iudicium a nobis, & non apprehenderet omnis iustitia: expectavimus lucem, & ecce tenebræ: splendorem, & in tenebris ambulavimus. 10. Palpavimus sicut cæci parietem, & quasi absque oculis attrectavimus: impegimus meridie quasi in tenebris, in caliginosis quasi mortui. 11. Rugiemus quasi ursi omnes, & quasi columbæ meditantes gememus, expectavimus iudicium, & non est: salutem, & elongata est a nobis. 12. Multiplicatæ sunt enim iniquitates nostræ coram te, & peccata nostra responderunt nobis. quia scelera nostra nobiscum, & iniquitates nostras cognovimus, 13. peccare & mentiri contra Dominum: & aversi sumus ne iremur post tergum Dei nostri, ut loqueremur calumniam & transgressionem: concepimus, & locuti sumus de corde verba mendacii. 14. Et conversum est retrorsum iudicium, & iustitia longe stetit: quia corruit in platea veritas, & æquitas non potuit ingredi, 15. Et facta est veritas in oblivionem: & qui recessit a malo, prædæ patuit: & vidit Dominus, & malum apparuit in oculis eius, quia non est iudicium. 16. Et vidit quia non est vir: & aporiatus est, quia non est qui occurrat: & salvavit sibi brachium suum, & iustitia eius ipsa confirmavit eum: 17. (e) Indutus est iustitia ut lorica, & galea salutis in capite eius: indutus est vestimentis ultionis, & opertus est quasi pallio zeli. 18. Sicut ad vindictam quasi ad retributionem indignationis hostibus suis, & vicissitudinem inimicis suis: in-

tuls

solis vicem reddet. 19. Et timebunt qui ab Occidente, nomen Domini; & qui ab ortu solis, gloriam eius: cum venerit quasi fluvius violentus, quem spiritus Domini cogit. 20. (f) & venerit Sion redemptor, & eis qui redeunt ab iniquitate in Iacob, dicit Dominus: 21. Hoc sœdus meum cum eis, dicit Dominus: Spiritus meus, qui est in te, & verba mea, quæ posui in ore tuo, non recedent de ore tuo, & de ore feminis tui, & de ore feminis feminis tui, dicit Dominus, amodo & usque in sempiternum.

(a) Num. xi. 23. Sup. l. 2. (b) Sup. v. 25. (c) Iob xv. 35. (d) Prov. i. 16. Rom. 11. 25. (e) Ephes. vi. 17. l. Theff. v. 9. (f) Rom. xi. 26.

BRUGENSIS

ROMANÆ CORRECTIONES.

Verf. 4. *Sed confidunt in nihilo.* Pro ablativo *nihilo*, alii scribunt, *nihili* indeclinabile.

Verf. 9. *Propter hoc elongatum est iudicium a*

nobis, & non apprehendet nos iniustitia. Pro-nomina primæ personæ *nobis*, & *nos* mutanda non sunt in secundæ personæ pronomina *vobis*, & *vos*.

COMMENTARIA

MALDONATI.

Verf. 1. **E**CCE NON EST ABBREVIATA MANUS DOMINI; id est, non est Dominus minus fortis, quam ante fuit, ut supra l. 2. & Num. xi. 23. NEQUE AGGRAVATA EST AURIS EIUS, id est non obdormivit.

V. 2. SED INIQUITATES VESTRÆ DIVIDERUNT; id est, dissidium fecerunt inter vos & Deum, aut insensum vobis Deum reddiderunt.

V. 4. NON EST QUI INVOCET IUSTITIAM, id est qui audeat ius suum persequi. Vel, קָרָא זָרַק, qui clamet pro iniustitia, id est qui iustitiam defendat. Chald. Non est qui oret in veritate. Septuag. οὐκ ἔστιν ὁ κλητὴς τῆς ἀληθείας. SED CONFIDUNT: כְּסִידוֹת, confidere. Omnes sunt infinitivi pro presentibus. *Confidunt* in rebus *nihili*, id est in rebus vanis. CONCEPERUNT LABOREM, id est injuriam: cogitaverunt quomodo labore alios affligerent. Ita interpretandum est, ut verbo Interpretis nostri cum Hebraica veritate conveniat: עָבַד enim & laborem & perveritatem significat. Noter vero Interpreter laborem solet convertire. ut Iob xv. 35. & Psalm. vii. 15. & Psalm. x. 7. Itaque sensus est, Cogitaverunt ut facerent alijs injuriam, & revera fecerunt.

V. 5. OVA ASPIDUM RUPERUNT, id est excluderunt: elegans metaphora: cogitationes perversas vocat ova aspidis; opera vero mala exclusionem ovorum; quasi dicat, Sicut male cogitarunt, male egerunt. ET TELAS ARANEÆ TEXERUNT. Tels araneæ tria significare possunt; aut fragilitatem; quasi dicat, Omnia eorum studia sunt inania, facileque rumpuntur: ut Iob viii. 14. Sicut tela aranearum fiducia eius; aut fraudes & dolos; quasi dicat: Insidias proximis suis tetenderunt, sicut araneæ telas suas extendunt ad capiendas muscas; aut inutilitatem, ut declaratur verf. 6. QUI COMEDERIT DE OVIS EORUM; id est, qui cogitationes, & consilia eorum imitatus fuerit, MORIETUR. ET QUOD CONFOTUM EST, id est ovum exclusum. Heb. הִקְיָה, quod confectum est. ERUMPET IN REGULUM; id est, tam eorum cogitationes, quam eorum consilia perniciose sunt.

V. 6. TELAS FORUM NON ERUNT IN VESTIMENTUM; id est, opera eorum nihil illis proderunt. NEQUE OPERIENTUR OPERIBUS SUI, id est non vellentur telis quas fecerunt. OPERA EORUM, OPERA INUTILIA. Heb. עֲמָל, iniquitatis.

V. 7. COGITATIONES FORUM, COGITATIONES INUTILES; id est iniquæ עֲמָל, ut versu præcedenti. VASTITAS ET CONTAT-

TRITIO IN VITIS EORUM. Vias eorum vocat studia, vitæ rationes; quasi dicat, Student devaluationi & contritioni aliorum.

V. 8. VIAM PACIS NESCIERUNT, id est nesciverunt pacifice vivere, & sine aliorum iniuria. ET NON EST IUDICIUM, id est iustitia, IN GRESSIBUS EORUM; quasi dicat, Non vivunt iuste, non student iustitiæ. Gressus enim vocat studia, quæ paulo ante vias appellavit. SEMITAE FORUM INCURVATAE SUNT EIS, נתיבותיהם קצוץ להם, id est elegerunt sibi vias perverfas; non recte ambulerunt, non simpliciter & sincere egerunt. OMNIS QUI CALCAT IN EIS; id est, qui per eas incedit, quicumque eos imitatur, pace carebit. *Quia non est pax impiis:* supra XLVII. 21.

V. 9. PROPTER HOC (sub. dicent aliquando) ELONGATUM EST IUDICIUM A NOBIS; id est, indignatus est nobis Deus, neque iudicat iam iniurias quæ nobis fiunt, sicut solebat. ET NON APPREHENDET NOS IUSTITIA; id est iustitia Dei non suscipit nos in tutelam & defensionem: fut. pro præter. EXPECTAVIMUS LUCEM, id est res prosperas. ET ECCE TENEBRAS; id est, res adversæ nobis obvenerunt, ut sup. LVII. 10.

V. 10. PALPAVIMUS SICUT CAECI PATRIEM; id est, in rebus adversis nescientes quò nos converteremus, humana auxilia quaesivimus. ET QUASI ABSQUE OCVLIS, id est sicut homines qui oculis carent. IMPEGIMUS IN MERIDIE; id est, in rebus clarissimis & facillimis præ cecitate erravimus, quemadmodum si difficillime essent. IN CALIGINOSIS. Repetenda est particula *quasi*; id est, sicut in sepulcris obscuris, in quibus mortui sunt.

V. 11. RUGIEMUS. Fut. pro præter. rugivimus, aut ululavimus נהמה כהם sicut ursi omnes nos. ET QUASI COLUMBAE, הנה, הנה gemendo genuimus, id est valde genuimus. EXPECTAVIMUS IUDICIUM; id est ut Deus nos de inimicis nostris ulcisceret, & non est ultus, & ut salvaret nos, & non salvavit.

V. 12. MULTIPLICATAE SUNT ENIM; id est, crevit iniquitatum nostrarum numerus. CORAM TE, id est adversus te, ut Psal. L. 6. Tibi soli peccavi, & malum coram te feci. ET PECCATA NOSTRA RESPONDERUNT NOBIS, id est accusaverunt

nos, redarguerunt nos, ut supra cap. III. 9. *Agnitio vultus eorum respondebit eis*, id est arguet eos. QUIA SCELERA NOSTRA NOBISCUM, id est semper nobis ante oculos obversantur: ut Psal. L. 5. *Quoniam iniquitatem meam ego cognosco, & peccatum meum contra me est semper.*

V. 13. PECCARE ET MENTIRI: Infinitivi pro præter. Peccavimus, & mentiti sumus CONTRA DOMINUM, id est non servavimus eius pactum. ET AVERSI SUMUS NEREMUS; id est, non sumus Deum secuti, sed recessimus ab eo. UT LOQUEREMUR. Heb. etiam est infinitivus דבר loqui, pro, locuti sumus, CALUMNIAM, id est fraudem & rebellionem.

V. 14. CONCEPIMUS ET LOCUTISUMUS; id est, concepimus & peperimus; cogitavimus & protulimus EX CORDE VERBA MENDACII. ET CONVERSUM EST RETROSUM IUDICIUM; id est, longe abieciimus a nobis iudicium, non exercuimus iudicium. ET IUSTITIA LONGE STETIT (a nobis) id est, non illam coluimus, & administravimus. QUIA CORRUIT, pro, sed corrui, כן quia potius corrui IN PLATEA VERITAS; id est, oppressa est a nobis veritas in loco iudicii, quod in platea exercebatur. ET AEQUITAS NON POTUIT INGREDI, (sub. in plateas) ubi causas iudicabamus.

V. 15. ET FACTA EST VERITAS IN OBLIVIONEM, id est nemo habuit rationem aequitatis ac veritatis. ET QUI RECESSIT A MALO; id est, iustus, qui nihil mali fecerat, משתל, prae se fuit; quasi dicat: Iustum iniquis iudiciis oppressimus. ET VIDET DOMINUS, displicuitque illi, quod non esset iustum apud nos iudicium.

V. 16. ET VIDIT DEUS, QUIA NON EST VIR; id est, quod nemo esset qui iustorum iniurias ulcisceretur. ET APORIATUS EST; id est, expectavit num esset aliquis qui occurreret tantis malis, & neminem vidit: ויש הורן בי אין ספק, & obstituit quod nemo esset qui occurreret. ET SALVAVIT SUBI (pro illi) BRACHIUM SUUM: non est accusativus, sed nominativus, וישועי, & salutem illi attulit brachium suum, quod active intelligendum est, non passive; quasi dicat: Ipse sibi innocentes salvavit brachio suo, id est suis viribus, sine uliusquam auxilio, cum animadverteret minem esse qui id faceret. ET IUSTITIA EIUS

EIUS

ETUS IPSA CONFIRMATIT EUM. Hebraismus; id est, sola ipsius iustitia illi fuit auxilio, non punivit homines vi, sed iure.

V. 17. INDOTUS EST (Deus) IUSTITIA UT LORICA. Describit arma, quibus Deus utitur in ultiscendis innocentum iniuriis. Non autem utitur aliis armis, quam iustitia, salutis studio, ultionis zelo: atque his indutus armis contra hostes procedit.

V. 18. SICUT AD VINDICTAM: (sub. Deus his armis indutus est:) quia ad sumendam de hostibus vindictam accommodatissima sunt. QUASI AD RETRIBUTIONEM INDIGNATIONIS; id est, ut quemadmodum hostes sui populum suum magna indignatione furoreque vexarunt, ita ipse eos vexet. Hoc idem significat quod statim ait, ET VICISSITUDINEM INIMICIS SUIS. INSULIS VICEM REDDET, id est remouissimis quibusque hostibus; non enim locorum intervallo impeditur.

V. 19. CUM VENERIT (Dominus) QUASI FLUVIUS VIOLENTUS, QUEM SPIRITUS DOMINI, id est ventus vehemens impellit. Alii sic: Cum venerit quasi fluvius, צר, hostis ברוך כבודו, רוח, spiritus Domini fugabit illum. Melius noster Interpres meo quidem iudicio, Cum venerit quasi fluvius, צר, angustus, id est quasi torrens, quem spiritus Domini fugat; id est, facit magno impetu precipitari, ita ut nihil illi possit resistere, ut statim declarat.

V. 20. ET VENERIT SION (in dativo, Sioni) REDEMPTOR (Deus,) id est ut redimat Sion. ET EIS QUI REDEUNT AB INIQUITATE, id est volentibus poenitentiam agere, ex iis qui sunt ex Iacob.

V. 21. HOC FOEDUS MEUM SPIRITUS MEUS; id est, prophetia hæc, que tibi, o Iacob, declarata est. ET VERBA MEA QUAE POSUI IN ORE TUO, id est in ore Isaie, qui e genere tuo est, aut qui persona tua loquitur. NON RECEDENT DE ORE TUO, id est non erunt falsa, implebuntur in te, & in femine tuo: salvabo te & posteros tuos.

S A.

Verf. 1. ABBREVIATA, id est debilitata. 12. ACGRAVATA EST, id est obscuruit.

V. 2. DIVISERUNT, scilicet velut pariete interposito, quem deinde Christus solvit. EXAUDIRET. LXX. misceatur.

V. 3. SANGUINE, id est homicidiis. Chald. sanguine innocentium.

V. 4. INVOCAT IUSTITIAM. Chald. oret in veritate. LXX. loquatur iusta. Nihil. Chald. & LXX. vanitate. LABOREM, id est molestiam, scilicet proximi. LXX. cedem.

V. 5. RUPERUNT; quasi dicat: Parant noxia, & plena veneno. TELAS ARANEAE, id est inutilia, seu non duratura.

V. 7. INUTILES. Chald. inique. LXX. stultorum.

V. 8. IUDICIUM, id est iustitia. INCURVATAE, id est depravatae. LXX. perverſe. IGNORAT, id est non curat, negligit.

V. 9. ELONGATUM, &c. quasi dicat: Longe recessimus a iudicio & iustitia, id est rebus iustis. Not. quod possunt hæc omnia ad Christi tempora referri, scilicet ad Iudæos, qui illum sunt persecuti. LUCEM, id est prosperitatem.

V. 11. MEDITANTES, id est cogitabunt. Heb. gemendo. IUDICIUM, id est iustitiam, scilicet in hominibus; quasi dicat: Ne quisquam alii noceret.

V. 12. RESPONDERUNT. Chald. contra nos testificati sunt. LXX. resistunt. COGNOVIMUS; quasi dicat, Negare non possumus.

V. 14. RETRORSUM; quasi dicat, Recessit, seu deseruit nos. IUDICIUM, id est recta vivendi ratio. INGRESI, scilicet ad nos, quia nolebamus.

V. 16. VIR, scilicet iustus, dignusque viri nomine. APORIATUS EST, scilicet qui indigebat auxilio; quasi dicat: Ad summam inopiam & angustiam reductus. SALVAVIT, scilicet inopem. Sibi: abundat, more Hebraico. IUSTITIA. LXX. misericordia. EUM, scilicet ope indigentem.

V. 17. ZELI, id est indignationis.

V. 18. QUASI; pro, & quasi. VICISSITUDINEM, id est retributionem. INSULIS; pro, etiam insulis, id est remote habitantibus.

V. 19. SPIRITUS DOMINI, id est vehemens ventus.

V. 20. SION: dativus est; quasi dicat, Ecclesiae, scilicet in die iudicii.

V. 21. IN TE, scilicet o Christe.

ESTH.

E S T I I.

Verf. 4. **C**ONCEPERUNT LABOREM, ET PEPPERERUNT INIQUITATEM. Queritur quæ sit connexio, ut dicatur concipi labor, & deinde paritari iniquitas? Ad hoc intelligendum, sciendum est, esse etiam alia similia loca: sic Iob xv. de impio: *Concepit dolorem, & peperit iniquitatem.* Et Psalm. vii. *Ecco parituri iniustitiam, concepit dolorem, & peperit iniquitatem.* Et in primis notandum, quod utroque iam citato loco verit Hieron. *dolorem*, cum in Hebræo sit idem vocabulum, quod hic. Quod quidem vocabulum Hebræum significat *laborem*, ut hic verit, sed non tamen qualemcumque laborem, sed talem qualis est vel parientium, vel eorum qui se fatigarunt nimium laborando, id est laborem cum dolore, & molestia coniunctum; sicut & lingua nostra Teutonica dicimus parientes feminas esse in labore. Hinc ergo factum est, ut vox ista etiam usurpetur pro dolore; quin etiam tandem translata est ad significandam malitiam & iniquitatem, quod ea doloris sit causa. Atque adeo eo modo accipitur vox illa tribus iam dictis locis, ut sensus sit: Meditantur malum & iniquitatem, & eandem paulo post pariunt, & proferunt in opus. Quidam tamen per dolorem vel laborem intelligunt iniuriam proximo illatam, ut sit sensus: Meditantur, quomodo ledere possint proximum, idemque paulo post perficiunt.

V. 7. PEDES EORUM AD MALUM CURRUNT, ET FESTINANT, UT EFFUNDANT SANGUINEM INNOCENTEM, &c. Apostolus Paulus ad Rom. iii. inter alias scripturas quas citat, dicit etiam sic: *Venenum aspidum sub labiis eorum. Quorum os maledictione, & amaritudine plenum est. Veloces pedes eorum ad effundendum sanguinem, &c.* Non ex Psalm. xiii. ut quidam putaverunt, sed ut apparet, ex hoc loco. De qua re ita Hieron. in præfat. Lib. XVI. in Isaiam: Arbitror Apostolum non tam de Psalm. xiii. quod in Hebræo non habetur, quam eos, qui artem contemnendam inter se scripturarum Apostoli necessabant, quæsisse aptum locum, ubi assumptum ab eo testimonium ponerent. Et addit: Græci tractatores hos versus in Psal.

xiii. veru quoque adnotant, atque prætereunt; liquido confitentes in Hebræo non haberi, nec esse etiam in Septuaginta Interp. sed in editione tantum Vulgata, quæ Græce communis dicitur. Vide plenius ad Rom. iii.

M A R I A N A E.

Verf. 1. **E**CCE NON EST ABBREVIATA. Bene potest Deus præstare quæ beneficia promittit. Quod si non facit, ac contra malis punit, vestra id peccata merentur. NEQUE AGGRAVATA EST AURIS, id est obscuruit, ut audire preces non possit.

V. 3. MANUS ENIM VESTRAE POLLUTAE SUNT SANGUINE, quem sudistis. Heb. *sed manus vestrae.* DIGITI VESTRI INIQUITATE; id est, manus usque ad digitos omni ex parte delibatae sunt sanguine.

V. 4. NON EST QUI INVOCET IUSTITIAM; id est, patrocinetur iustitiæ adversus eos, qui alios iniuste opprimunt. NEQUE EST QUI IUDICET VERE. Heb. *Est non est qui iudicetur in veritate, aut in fide*, id est Iudices prave iudicant. SED CONFIDUNT, scilicet in Iudices, aut omnis populus, confidunt in re vana. Quis ex eo fructus?

V. 5. OVA ASPIDUM RUPERUNT. Per ova aspidum res noxias, per telas araneæ res inutiles intelligit. ET QUOD CONFUTUM EST, ut gallina sovet ova, ex eo somento regulus nascetur. Heb. *compressum frangetur* (in) *viperam.*

V. 6. TELAE EORUM, id quæ faciunt, omnia erunt inutilia. OPERA INUTILIA. Heb. *opera mendacii*, id est quæ videntur esse aliquid, & nihil sunt. ET OPUS INIQUITATIS, seu rapine, seu violentie est in eorum manibus.

V. 7. COGITATIONES INUTILES; vel mendaces, iniquæ. Id significat *aven.* VASTITAS. Eo studia eorum referuntur, ut vellent & diripiant alios.

V. 8. NON EST IUDICIUM, id est iustitia. SEMITAE EORUM INCURVATAE SUNT EIS, id est in seipsis. Hebræus *דרכי יפסו* *ipsis*, id est in seipsis, scilicet distortæ.

V. 10. MERIDIE QUASI IN TENEBRIS. Heb. *quasi in crepusculo*, scilicet vespertino, per quod noctem intelligit. IN CALI-

GINOSIS QUASI MORTUI. Heb. *in desolata* *quasi mortui*. Sed per *desolata* Hebraei intelligunt sepulcra. Sic etiam Chald. Ergo in sepulcris versamur quasi mortui; nihil ex ratione & prudentia facimus, ut mortui in sepulcris.

V. 11. RUGIEMUS, vel *rugiebamur*, malis scilicet oppressi, & in captivitate. EXPECTAVIMUS IUDICIUM, ut scilicet Deus nos liberaret vindictis hostibus.

V. 12. ET PECCATA NOSTRA RESPONDERUNT NOBIS. Paria meritis retulimus, aut testimonium contra nos dicunt, accusant nos. QUIA; pro, certe, SCELERA NOSTRA, id est poenae scelorum, NOBISCUM. Digna patimur. INIQUITATES NOSTRAS COGNOVIMUS; pro, cognoscimus nos peccasse.

V. 13. PECCARE ET MENTIRI; pro, peccavimus & mentiti sumus contra Dominum. ET AVERSI SUMUS. Heb. *retrocedere*; pro, retrocessimus. NE IREMUS POST. Heb. *de post Deum nostrum*, ne scilicet cum sequeremur. UT LOQUEREMUR. Heb. *loqui*, pro, locuti sumus calumniam. ET TRANSGRESSIONEM, seu *defectionem*. CONCEPIMUS, ET LOCUTI SUMUS. Heb. *concipere* & *loqui*. DE CORDE, sive *ex corde*, serio verba mendacii.

V. 14. QUA CORRUIT IN PLATEA, id est publice, palam. Heb. *offendit in platea veritas*, non praevalet. INGREDI, seu *ambulare*, nimirum ex offensione pedibus laesis non potest veritas.

V. 15. VERITAS IN OBLIVIONEM. Heb. *et fuit veritas sublata*, id est homines veraces de medio sublati sunt. ET QUI RECESSIT A MALO, PRAE DAE PATUIT. Heb. *depraelatus est*, id est sublatus de vita, ita ut non inveniat.

V. 16. QUA NON EST VIR, id est quicquam, scilicet qui bene faciat, aut oret. ET APORIATUS EST. Obstupuit, Deus, seu homo afflictus est, qui egebat auxilio. QUA NON EST QUI OCCURRAT: seu *intercedat*, deprecetur. ET SALVAVIT SIBI BRACHIUM SUUM; id est, Deus decrevit vindicare & punire homines, sua potentia & iustitia. VINDICTAM vocat salutem. Vox sibi redundat.

V. 17. ET OPERTUS EST, induit se. QUASI PALLIO ZELI, seu zelus, aut zelum induit, id est indignationem.

V. 18. SICUT AD VINDICTAM. Locut. im. Bib. Sac. Tom. XVII.

PLICITUS. Heb. sic verito: *Sicut revultiones, sic reddet iram hostibus suis* (pro meritis cuiusque reddet vindictam) *verr. bntionem hostibus suis, insulis revulsionem reddet*. Gentes remotas, quoniam ad eas mari ibatur, vocat insulas. Verba Vulgarē ad hunc sensum referantur.

V. 19. QUASI FLUVIUS VIOLENTUS. Sic Septuag. & Zar pro adiectivo sumunt. Alii vertunt: *Cum venerit quasi fluvius hostis*, scilicet ut per eum Deus puniat peccata. QUEM SPIRITUS DOMINI COGET, id est impellit. Heb. *spiritus Domini vexillum ponit in eo*: scilicet ipse ductor est & antesignanus hostilis exercitus. Hieronymi verba eandem sententiam admittunt.

V. 20. ET VENERIT. Repete, & cum venerit Sioni redemptor, & iis qui ab iniquitate recedunt, scilicet timebant gentes Dominum. Heb. *et venit redemptor Sioni*, scilicet qui ab iis periculis liberet.

V. 21. HOC FOEDUS MEUM. Hac conditione eos liberabo. SPIRITUS MEUS, id est voluntas mea, lex mea, quam tibi dedi, non recedet a te ullo tempore. Hæc est conditio.

MALVENDAE.

Verf. 1. ECCE NON EST ABBREVIATA MANUS DOMINI, &c. Tertia pars concionis, ut dictum est cap. LVIII. 1. nimirum confirmatio redargutionis, promissionumque precedentium, qua Propheta primum potentiam Dei, & voluntatem asserens verf. 1. peccata & calamitatum causas populo exprobrat, usque ad versum 9. deinde cum suo ipsius, tum populi totius nomine confitetur illa coram Deo, usque ad versum 16. postremo confirmat, Deum potentia sua propter se promissiones suas nihilominus effecturum in Christo, usque ad versum 21. denique conclusio concionis, verf. 21. Hunc versum dilucidius alii ex Hebræo transfundunt: I. Ecce manus Iehova non est mitis, quo minus servare possit, neque aggravata auris eius ut non exaudiat. II. Et non est brevior manus Iehova quam ut servet, neque gravior auris eius quam ut audiat.

V. 2. SED INIQUITATES VESTRAE DIVISERUNT, &c. Alii hunc versum ex Heb. I. Sed iniquitates vestrae divellunt inter vos, & inter Deum vestrum: & peccata vestra ab-

N n n

ab-

abfcondunt vultum eius a vobis, ne exaudiat. II. Sed iniquitates vestrae determinant, velut interfectus paries, ut Ezechiel. XLIII. 8. inter vos & inter Deum vestrum; & peccata vestra faciunt ut occultes faciem a vobis ne exaudiat.

V. 3. POLLUTAE SUNT. *למאן* *negovalu*. Est tamen, inquit Forsterus, hoc verbum irregulare, & compositum ex præterito passivæ vocis primæ coniugationis irregulari, nempe ex Niphal, & ex præterito passivæ secundæ coniugationis, scilicet ex Puhai, vel Puhai; & communicat significatione cum verbo geminato *ללל* *ghalal*, devolvit. Et quia res, quæ volutatur vel in sanguine, vel in stercore, aut re alia immunda, contaminantur; quare volutationem cum contaminatione, & e diverso contaminationem ex volutatione simul importat, atque hanc vicissitudinem seu consequentiam prophetas voluisse significare hac compositione arbitror, ut hic: *Quoniam manus vestra volutatione contaminatae sunt in sanguine*. Et Lamentation. IV. 14. *Marinus existimavit, hanc compositionem ad augendam significationem adhibitam; quasi dicat: Vehementer, mirum in modum volutatione polluta sunt sanguine. LINGUA VESTRA INQUITATEM FATUR*. Alii: I. & lingua vestra iniquitatem concinnat. II. & lingua vestra iniuriam sonat. III. & lingua vestra perversitatem meditatam effert.

V. 4. NON EST QUI INVOCET IUSTITIAM. Alii: I. *Non est qui clamet pro iustitia*, vel *ad iustitiam*; id est, iuste increpet proximum suum errantem. II. *Nemo est, qui clamet pro iustitia*; id est, causam iustam agendam suscipiat. NEQUE EST QUI IUDICET VERE. Heb. & non iudicatur in fide, seu fideliter. *נשפח* *nischaphat*, participium Niphal, exponunt: Nemo in ius vocatur, seu iudicio contendit cum fidelitate. Alii: I. *neque est, qui iudicet pro veritate*. II. *nemo iudicatur ex fide & veritate*, a iudicibus. III. & nemo, qui disceperet pro fide, id est qui propugnet fidem & integritatem. SED CONFUNDUNT IN NIHILO, &c. Alii ex Heb. I. *confidere super inordinationem, & loqui mendacium; concipere laborem, & parere vim*. II. *confidere rebus vanis, & loqui vana; concipere laborem, & parturire vanitatem*. III. *confidere super inanitate, & loqui vanum; concipere laborem, & parere mendacium*. Infinitivi pro finitis

modis; unde quidam reddunt: *quisque confidit rei inani, & loquitur vanum; concipit laborem, & parit mendacium*: ut Psal. VII. 15. IN NIHILO. Heb. *super inordinationem, seu indigestionem, vel incompositionem*, ubi nihil ex ordine aut ex dispositione fit: sic se res habet ubi nulla est iustitia aut veritas. Forsterus reddit: *confiditur super inordinationem*. Quo nomine putat intelligi idola ipsa & falsam, atque impiam, idololatricamque doctrinam: ut supra cap. XXIX. 21. VANITATES. Heb. *precipitantiam, temeritatem*. Alii: *vanitatem, vanum, falsitatem: falsum, mendacium*; vel adverbialiter, *frustra, in vanum*. LABOREM. Heb. *molestiam, erumum, perversitatem, miserrimam*: nec absurde hic quidam sumunt pro prava doctrina, & impio cultu. INQUITATEM. Heb. *concupiscentiam, pravam cupiditatem, vim, iniuriam*. Et possit hic accipi pro falso cultu & idololatria, ut alibi saepius: sic infra vers. 6. & 7.

V. 5. OVA ASPIDUM RUPERUNT. De voce *רופע* *tziphkoni*, quam hic *aspidem* plerique secuti LXX. & Nostrum exponunt, vide supra cap. XI. 8. & Proverb. XXIII. 32. Quidam hic reddunt: I. *Ova aspidis rumpunt*. Qui ova aspidum frangunt, noxium sibi opus faciunt: nam rupto ovo erumpit aspis, quæ venenum insiggit effractori ovi. II. *Ova hemorrhoidi excludunt, &c.* Allegoriz vehementissime ad figurandam malitiam animorum, & vanitatem operum, atque perniciem, quibus nendum aliis, sed etiam sibi met ipsis exitum accersunt. ET TELAS ARANEAE TEXERUNT. Heb. & foramina aranei texent, id est telas ipsas, quibus araneæ ora foraminum suorum pertexunt: ut Job VIII. 14. quæ similitudo in vers. 6. exponitur. QUI COMEDERIT DE OVIS EORUM, MORIETUR; ET QUOD CONFOTUM EST, ERUMPET IN REGULUM. Alii ex Heb. I. *qui de ovibus eorum ederit, morietur: si vero quis conculcaverit, egradietur vipera*. II. & compressum frangetur, & egradietur aspis. III. *etiam qui aspergitur, quasi irrumpat vipera*. Gradatio elegantissima; quasi dicat: Etiam cui asperguntur guttæ illorum venenatorum ovorum seu operum, is perinde afficietur, ac si parente in ipsum vipera irrueret: tanta inest vis malo. QUOD CONFOTUM EST. *הנחם* *hazzureh*, ארץ *ar*, compressum; ארץ *ar*, *sp. n. sum*. Est enim Pahul. Forsterus red-

reddit: & si unumquodque compressum fuerit, ex eo erumpet regulus, vel & si comprimantur, erumpet vipera. רִיזֹן. *epgheb*, *vipera*, ut Iob xx. 16. vide supra cap. xlii. 14.

V. 6. TELAE EORUM NON ERUNT IN VESTIMENTUM, &c. Alii hunc versum ex Heb. efferunt: I. *Ex telis eorum non confis vestis, ut operibus suis sese tegant: opera eorum eorum opera sunt vana, & opus violentie in manibus eorum.* II. *Tela eorum non erunt pro panno, neque operient se saculis suis; id est, utcumque aliis sint damnosi, nihil tamen utilitatis ad ipsos perveniturum est: facta illorum sunt facta iniqua, & opus violentie in manibus eorum.*

V. 7. PEDES EORUM AD MALUM CURRUNT, &c. Hæc verba, inquiunt, non tantum ad Iudæos istius temporis pertinuisse offendit Apostolus Romanor. III. 15. & sequentibus; sed etiam ad omnes homines, quatenus deficiunt gloria Dei, & considerantur extra Christum. Quapropter etiam Propheta ipse cum populo suo communiter peccata sua confitetur. vers. 9. & sequentibus. VASTITAS ET CONTRITIO IN VIIS EORUM. Exponunt: Id est, studia eorum sunt in eo composita, ut diripiant & conterant. Alii: *vasitas & contritio in aggeribus illorum est*, id est in viis aggelis ipsorum studio.

V. 8. VIAM PACIS NESCIERUNT, &c. Hunc versum quidam ex Heb. reddunt: *Viam pacis ignorant, & nullum est ins in orbis illorum*; id est, neque apud se, neque cum aliis sciunt pacem colere, ut Iupr. cap. xlii. 20. & 21. *semitas suas depravant sibi, quisquis incedit per eam, sive per aliquam earum, expert est pacis*; id est, per illorum importunitatem nemo degit in pace & prosperitate, ut sequens confessio peccatorum offendit: de voce מַגְהָל *maghal*, quam nos *magale* exponimus, vide Iupr. cap. xxvi. 7.

V. 9. PROPTER HOC ELONGATUM EST IUDICIUM, &c. Varie hunc versum ex Heb. efferunt: I. *Idcirco longe exulati a nobis iudicium*; id est, sinit nos Dominus inuste affligi: ut iustitia ad nos non possit pertinere, vel neque apprehender nos iustitia; id est, neque secundum iustitiam ulciscetur Dominus iniuriam nobis illatam: exspectabamus lucem, & ecce tenebra; splendorem, in caligine versamur; id est, pro-

felicitate quam expectabamus, calamitatem sumus consecuti. II. *Idcirco procul exilente iure a nobis*: secunda pars confirmationis, qua Propheta & populus consensient iustitiam caligantis Dei, & peccata sua, ut dictum est in vers. 1. & non assequentes nos iustitia, nimirum quamvis nos ea persecutus sit misericors Dominus; dum expectabamus lucem, ecce tenebra, id est omnis adversitas, ut contra lucis nomine prosperitatem significari diximus, Iupr. cap. lviii. 8. splendores, in caliginibus ambulamus; aut summum splendorem expectantes; in caliginibus ambulamus.

V. 10. PALPAVIMUS SICUT CAECI PARIETEM, &c. Alii: *Palpamus, autem velut caeci parietem, velut defecti oculis palpamus, inquam: offendimus ipso meridie, tamquam intempesta nocte, in rebus pinguis similes mortuis sumus*; id est, ita conturbati sumus iusto Dei iudicio, ut ne presentibus quidem commodis iisque amplissimis sciamus uti. PALPAVIMUS. Verbum פָּשַׁח *gashach*, cuius hic futurum plurale bis ponitur, non alibi in Scriptura invenitur; aiunt esse, admove manu tentandi seu experiendi causa, attritare, quod Latini dicunt *palpare*; neque dubitant ad hunc locum Isaie respexisse Petrum Epistola II. cap. 1. illis verbis: *Nam cui non sunt hæc, is cæcus est, & manu viam tentans.* Sed istud, *manu viam tentans*, Interpretis Latini est, nam Græca Petri illic expendimus. QUASI IN TENEBRIS. Heb. *sicut crepusculo nocturno.* Alii: *tamquam intempesta nocte*; sed nimium distat a crepusculo intempesta nox. Servius in III. AENEIDOS, ad versum: *Et lunam in nimbo nox intempesta tenebat*, has noctis partes ponit: *crepusculum*, quod & *vesper*; *sax*, quæ lumina inconstunt; *concupium*, quo nos quieti damus; *intempesta*, id est media; *gallicinium*, quo galli cantant; *conscinium*, post cantum gallosum; *silentium*; *aurora*, vel *crepusculum*; *matutinum*, tempus, quod ante solem est: vide eundem in II. AENEIDOS, ad versum.

Tempus erat quo prima quies &c. & Varronem Lib. V. de Lingua §. 2. Idem Servius noctem intempesta exponit, altam, densam, erasam, inactuosam, mediam, nimium obscuram, carentem tempore ad agendum. IN CALIGINOSIS. כְּחֹשֶׁךְ

baaschmannim, in *aschmannim*, quidam faciunt *Aleph* additum, & *Nun* radicale, exponuntque: in pinguedinibus, oleis, unguentis, vel in rebus pinguisimis, hoc est rerum omnium affluentia. Alii ab *DUM ascham*, ut *Aleph* sit radicale, & *Nun* adventitium; varieque reddunt: in desolationibus, desertis; in locis desertis ac sordidissimis; in locis desolatis, solitariis; in sepulchris. Forsterus: Plurale *aschmannim*, sepulchra, loca super quibus assatur, damnata & rea mortuorum, *Iesais* lxx. In asilandis sicut mortui, id est in locis damnatis, quae propter immunditiam nefas erat attingere. Existimo autem non levi coniectura illam esse vocem, qua Christus lingua sua est usus *Math.* xxiii. 27. Vx, inquit, vobis Scribis & Phariseis, hypocritae, quia similes estis sepulchris dealbatis, quae foris quidem apparent speciosa, intus vero plena sunt ossibus mortuorum, & *παύροι ἀκαθάρτοι*: omniique impuritate, spurcitia, immunditia. Ubi Interpres hoc nomen pluralis numeri *aschmannim*, voce universalis. Omnis, deinde ipsum nomen, nomine *אשחמנים*, quo non potius invenire significatione magis propriam, recte studuit. Haec Forsterus, a cuius coniectura non absunt Forerius & Mercerus. Qui ait *aschmannim* esse loca damnata a quibus abhorretur, quae sicuti abominamur. Avenarius, desolationes, turpitudines, loca turpia, & omnibus spurcitiis plena interpretatur, Reuchlinus, loca immunda & desolata; sensumque huius loci ita concipit: Quomodo mortui locis illis tetrus, & abominandis alligati non inde exeunt, ita nos nostris flagitiis & immunditiis dediti, vel squalore & situ calamitatum adobuti, in eis haeremus, volutamur, impingimus, ruimus, labimur, ut numquam nobis illuceat, sicut neque mortuis.

V. 11. ROGIEMUS QUASI URSI OMNES. Alii: I. Vociferati sicuti velut ursi omnes nos. II. Fremitus sicut ursi quotquot sumus. III. Fremebamus omnes ut ursi. ET QUASI COLUMBAE MEDITANTES GEMEMUS. Alii: I. gemendo gememus. II. suspirando suspiramus. III. garriendo garrimus. IV. & velut columbae indefinenter gemimus. V. & sicut columbae incessanter gememus. EXPECTAVIMUS IUDICIUM; & c. Alii: I. expectabamus iudicium, at nusquam erat; salutem, & longe absint a

nobis. II. expectamus ius, nimirum a Domino, qui populi sui salutem curae sibi futuram promisit, sed nullum adest salutem, sed procul abest a nobis.

V. 12. MULTIPLICATAE SUNT ENIM, &c. Alii hunc verum ex Heb. reddunt: I. Quia multiplicatae sunt pravitationes nostrae coram te, & peccata nostra respondent nobis, vel testimonium dicunt contra nos, accusant nos: nam pravitationes nostrae super nos sunt, & iniquitates nostras agnoscimus. II. Nam multiplicatae sunt defectiones nostrae coram te, & peccatorum nostrorum quodque testatur contra nos: defectiones enim nostrae sunt penes nos, & iniquitates nostrae, agnoscimus ista.

V. 13. PECCARE ET MENTIRI CONTRA DOMINUM, &c. Alii ex Heb. hanc verum elucidant: I. Videlicet pravariari & mentiri adversus Iehovam, defecere post tergum a Deo nostro, loqui calumniam & defectionem, eiaculari & concinnare ex corde falso sermones. II. Nempe nos defecere, & mentiri in Iehovam, & avertere nos a sequendo Deo nostro: loqui oppressionem & apostasiam, concipere & meditari ex animo verba falsa. III. Transgredi & abnegare contradicere in Iehovam, & retrocedere post Deum nostrum, loqui fraudem & defectionem, concipere & sanare ex corde verba fallacia. CALUMNIAM, *עושה גלשבע*, syccophantiam, fraudem, fraudulentiam, oppressionem, imposturam. ET TRANSGRESSIONEM, *סרה* sarah, discessionem, recessiorem, dimotionem, aversionem, apostasiam, rebellionem, contumaciam, inobedientiam, defectionem: vide supra cap. 1. 5. CONCEPTUMUS. I. horo infinitum quidam a *דרי יארה* deducunt, incere, eiaculari, presumere. Alii, a *דרי יארה*, concipere.

V. 14. ET CONVERSI EST RETRORSUM IUDICIUM, &c. Alii hunc verum ex Heb. transferunt: I. Et retrosum est iudicium, & iustitia a longe stat; quia concidit in platea veritas, & aequitas nequit prodire, vel ingredi, subaudi, ceterum nostrum; quasi dicit: Idcirco Deus suo iudicio nos non subvenit, neque iustitiam, seu salutem nobis impendit; quia nullum locum apud nos habet iustitia, veritas, aequitas, recedendo labor in medio civitatis & iniustitia; non deficit de plateis eius iniquitas & dolus, & cetera. II. Sic aversum est retrorsum in, & iustitia e. longinquo consiliis: quia corruum

in plateam veritas, & aequitas non potest incedere, nimirum per plateam; id est, quia ne in publico quidem veritatem & aequitatem colimus, ut sequente versu confirmat.

V. 15. ET FACTA EST VERITAS IN OBLIVIONEM. Participium נִעְדֶּרֶת *negde-rett*, ita exponit Forsterius: *Et fuit veritas redacta*, scilicet in angulum: ut grex aliquis in caulum coarctatur, ita veritas in trochlea est, ne passim in publico docetur. Forsterius: *Et est veritas collecta*. Verbum, inquit, notat veritatem in angulum redactam, & veluti domi reclusam, vel evanuisse, & de medio sublaram. Sanctes & alii: *Et fuit veritas deficiens*. Tremellius, Iunius, Buxtorfius: *Immo est ipsa veritas de esse facta, subacta, devota, desiderata*. Nam hunc usum esse verbi נָעַדַר *ghadar*, in Niphāl & Pihel, exempla passim obvia confirmant. Vide Lexicon Forsteri Pag. 571. Nos diximus, *decongregata*, quasi disiecta, & a cœtibz & congregationibus hominum eiecta. Quidam reddunt: *Factum est ut veritate exaudire*. PRAEDAE PATUIT. Participium Hithpahal מִשְׁתַּחֲוֶהֶל *mishtachvehel*, significatum auget: *despoliare sese faciens, vel despoliat se*; id est, praebet se aliis despoliandum: *spoliat seipsum*, certissime & quam maxime. Aliqui reddunt: *prædesuit expositus*, vel *præde exponit seipsum*. R. Scelomoh; Tremellius, & Iunius: *facit ut aberrans stultus, stultus, & insanus, habetur*, a שָׁלָה *shalah*; id est, propinat se deidendum omnibus cum suo iustitiae & acquiritatis studio, adeo corrupta sunt tempora: ut II. Reg. ix. 11. & Sapient. v. 4. ET VIDIT DOMINUS, ET MALUM, &c. Alii ex Heb. I. *hæc cum videret Iehova, displicuit in oculis eius quod non esset iudicium*. II. *quod videret Iehova, & malum videretur in oculis eius nullum esse ius*. Conclusio confessionis anantapodotos; quasi dicat, Ac proinde nos ita severe castigat Deus.

V. 16. ET VIDIT QUA NON EST VIR, &c. Hunc versum alii ex Heb. explanant: I. *Vidit quoque (idque obstupefcens & admirans) quod nemo esset, subaudi vir iustus; nemo, inquam, esset qui se apponeret*, id est qui Deum deprecaretur: *tunc salutem accipit et brachium eius, & iustitia eius sublevis eum*; id est, Tunc, quia mundus iustificari non poterat sua iustitia, Deus

sua potentia & bonitate motus & adductus, statuit mittere servatorem. Innixus est sua bonitate, id est movit eum, & produxit ad opus bonitas eius: ducta significatione ab iis, qui dum iter faciunt, humeris aliorum innituntur & fulciuntur. II. *Cum itaque vidit nullum esse virum*. Tertium confirmationis membrum, quo Deus misero populo & peccata sua confitenti (ut ante vidimus) asserit se nihilominus præstiturum promissiones suas, ut dictum est in vers. 1. Itaque primum Dei potentiam velut armatam figurat, humanitus, duobus verbis; deinde effecta, nimirum publica ipsius iudicia in adversarios, conservationem Ecclesiae, tribus aliis sequentibus: & obstupeuit nullum esse interventorem, seu intercessorem, id est hominem ullum pium, qui posset intercedere ad servandam Ecclesiam, nisi idem fuisset Deus: *salutem attulit ei*, nimirum viro, qui neque seipsum poterat sistere coram Deo, neque pro altero intercedere, sed iam erat in peccatis mortuus, Ephesior. 11. 1. *brachium ipsius*, id est Christus, potentia Dei, & sapientia Dei I. Corinthior. 1. 24. & *iustitia ipsius*, id est idem Christus, qui factus est nobis sapientia a Deo, iustitiaque, & sanctificatio, & redemptio I. Corinth. 1. 30. *hæc sublevis eum*, nempe virum, de quo paulo ante. ET APORIATUS EST. De verbo אָוִיָּא vide Interpretes hic & in II. Corinth. 11. 8. & seorsim Henricianum Thesaurum Tomo III. Colum. clxvii. & sequentibus. Hebraicum futurum יִשְׁתַּחֲוֶהֶם *ishtachabomem*, ex formula Hithpahal, varie expnunt. Sanctes: & *admirans est*. Leo Iudas: *idque obstupefcens & admirans*. Marinus, Avenarius, Schindlerus, Tremellius, Iunius, Buxtorfius, ac passim alii: & *obstupeuit*. Mercerus: & *obstupuit, attonitus fuit, & veluti desolatus*, quod vernacule, inquit, dicimus *esperdu*, vel *esfloury*, nempe Gallice: nam Hispanice dicemus: *quedo aturrido*. Possis reddere: & *stupende desolatus fuit*. Forsterius: & *afflavit se*; id est, velut statu quodam exhortuit. Interpretes Hispanici: *abominatus est*. Forsterius: & *devovit seipsum*. Hebraicum verbum, inquit, hoc in loco est seipsum tamquam culpabilem damnare, veluti qui negligentiam suam incusant, & sibi maledicunt ob malum rei successum; qualificat, *seipsum afflavit*: humanitus dictum, quo significat Deum

Deum: fortem: nostram: vehementer doluisse. Sed unde hic *deovendi* significatio? quæ si vera, fuisset, erat sane instituto aptissima, ut se, Deus, suumque caput pro salute humani generis devoveret: de præfco. Romano- rum ritu devotionis: satis constat, ac multa de co. Iacobus. Gutherius Lib. IV. de Veteri iure pontificio, cap. xv. Sed Hebræi in devotionibus potius usurpant verbum *הִשְׁתַּחֲוֶה*: *hescherim*, quam: *סָדַח*: *his- chibamem*. ET IUSTITIA EIUS: IPSA CONFERMAVIT EUM. Heb. ista omnia continentur: *וְיִשְׁתַּחֲוֶה*: *hescherim*, quam: *סָדַח*: *his- chibamem*. ET IUSTITIA EIUS: IPSA CONFERMAVIT EUM. Heb. ista omnia continentur: *וְיִשְׁתַּחֲוֶה*: *hescherim*, quam: *סָדַח*: *his- chibamem*. ET IUSTITIA EIUS: IPSA CONFERMAVIT EUM. Heb. ista omnia continentur: *וְיִשְׁתַּחֲוֶה*: *hescherim*, quam: *סָדַח*: *his- chibamem*.

V. 17. INDUTUS EST IUSTITIA: UT LO- RICA, &c. Ex Heb. ita alii hunc versum explanant: *Nam, induit iustitiam*, videlicet Christus, interventor noster, regnum. salutis, potestatemque tenebrarum debellaturus, quasi lorica, ut Ephes. vi. 14. *Et gal- lcam salutis capiti suo imposuit*, ut Ephes. vi. 17. & I. Thessalon. v. 8. *induit, in- quam, vestis, ultionis indumentum*, *Et a- micui se zelo quasi pallio*. GALEA SALU- TIS: *galea* *הַקַּלָּה* *ieschughah*; quo. sanc. al- luditur ad nomen servatoris nostri: *Iesuah*. ET OPERTUS EST QUASI PALLIO ZELI. Alii: I. *Et indignatione*, vel studio ultio- nis, amictus est. vice pallii. II. *Et induit sese emulatione*, tamquam pallio.

V. 18. QUASI AD VINDICTAM, &c. Alii ex Heb. versum reddunt: I. *Quasi propter retributiones*, quasi ad reddendam vindictam hostibus suis, retributionem inimicis suis, in- sulis, seu: insularibus retributionem reddet. II. *Ut propter retributiones*, *Et sicut olim fecit*, ut sic: retribuere: iram hostibus suis; sic reddet: retributionem inimicis suis, in- sularibus retributionem reddet; id est, Quo- madmodum olim Dominus ultus est iniu- riam filiorum Israel, quam acceperant ab Aegyptiis, ita perdet inimicos Christi sui, etiam: insulares, hoc est remissimos. III. *Ut propter retributiones*, *Et ut vicem repen- deret*, sic retribuere hostibus suis retributionem, *Et inimicis suis insularibus retribuere*, neminem red- det; quasi dicat: ut olim perdidit Aegy- ptios, qui iniuria affecerant Israelitas: ut illis rependeret eam iniuriam, ita funditus perditurus est hostes Christi quoscum- que, etiam: procul habitantes a terra Sancta. IV. *Sicut viri zelati retributiones*, sicut zelati, ut reddat iram hostibus suis, re-

tributionem inimicis suis: insularibus. retri- butionem reddet. V. *Ac omnino salis erit servor, qualis esse solet cum redditor* *Et re- penditur hostibus suis*, *Et inimicis suis*, ut vicissitudinem reddat insulis. VI. *Intra re- tributiones, sic reddet ardorem hostibus suis*, retributionem inimicis suis; id est iuxta ea, quæ in hostes fieri solent, sic reddet ho- stibus suis, vel iuxta ea, quæ hostes ipsi intulerunt, rependet eis: spoliaverant, spo- liabuntur; captivos abduxerant, captivi ab- ducentur; servitute presserant, illam: experi- entur; occiderant, occidentur; reddet ar- dorem, seu: furorem, & ea, quæ furor mi- nistrare solet, damna, mortem: hostibus, inimicis suis, & hominis, mortem, di- abolum, peccatum intelligit: nam mortem destruxit, peccatum enervavit, diabolum delumbavit: insulis retributionem reddet, nempe aliud genus retributionis; id est, pro falso decorum cultu, verum Dei; pro- turpibus & depravatis moribus, sanctos, & puros, &c. VII. *Plane secundum facta, plane secundum ea rependet*, ex candelis hostibus suis, retributionem inimicis suis; insulis ipsius retributionem rependet; id est, omnibus ad unum rependet, etiam longein- quissimis. VIII. Hispanicus Interpres: *Como para dar pagos, como para pagar*, seu: *romar vengeance desus enemigos, dar el pa- go asus adversarios: alos Istar dars el pa- go*; quasi dicat, Omnes æque adversarios in hostium numero habebit.

V. 19. ET TIMEBUNT QUI AB OCCU- DENTE, &c. Hunc versum alii reddunt: *Ut reverentur inde ab occasu nomen: Ieho- va*, *Et inde ab ortu solis gloriam eius: cum: invadente tanquam fluvio hoste, spiritus Ie- hova contra eum incurrit*, id est, cum ex- undantem summo impetu: contra Eccle- siam ipsius, non tantum: sicut spiritus, ut vento vehementissimo, sed etiam perdo- muerit atque: expulserit hostem. Comparatio aquarum: exundantium cum hostibus Ec- clesiæ, ut Psal. cxxiii. *Cum venerit quasi fluvius violentus, quem spiras- tus Domini cogit*. Alii ex Heb. I. *cum venerit sicut fluvius hostis, spiritus Iehova fugabit eum*: II. *quando veniet velut flu- men arctum, seu arctatum, in quod ventus Iehova fugat illud*, id est impellit. III. *quoniam veniet sicut fluvius, hostis, quem ventus Iehova impellit*. IV. *cum venerit velut fluvius, hostis, spiritus Iehova eri-*

gens vexillum in eum, vel exaltabit vexillum contra eum; quasi dicat, Instruet aciem, & exercitum sub signis habebit contra hostes Ecclesie. וְהָיָה מִסֵּף מִסֵּף, potest esse præteritum aut participium quadratum a וְהָיָה, sugavit, vel fugavit. Vel a וְהָיָה נָסַף, vel וְהָיָה נָסַף, quasi dicas, vexillavit, erexit vexillum, vel erigens vexillum. Fortius non tam recte exponit: cum veniet quasi fluvius militatus, spiritus Iehove fugit cum eo. Nam hoc experimento didicimus, si cum fluvius præcepit decurrit, ventus quoque validus ab eadem parte emissus, quasi cum aquis ipse fugiat, multo vehementiorem esse aquarum impetum, quam si ex opposito, aut nullus flaret. Sic adventus Iehovæ rapidissimo flumini comparatur, cuius impetus vento adiutus omnia quæque rapit ac prosternit. Impetum & cursum Evangelii intelligit, qui omnem mundi gloriam stravit, per Spiritum Sanctum. SPIRITUS DOMINI, seu Iehovæ; vel ipse Deus, seu Spiritus sanctus; vel ventus vehemens immensus a Deo.

V. 20. ET VENERIT SION REDEMPTOR, &c. Hunc versum alii ex Heb. reddunt: I. porro ipsi Tzionii, & eis qui de Iahakob a perfidia transgressionis respuerunt, veniet redemptor, dictum Iehovæ. II. & adveniet Tzionii, id est Ecclesie, ut sequentia sonant: vindex, & conversus a defectione in Iahakob; dictum Iehovæ. Citat hunc locum Paulus Romanor. II. 26. Forciter addit: & captivitati transgressionis in Iahakob; manifesta allucinatione מִסֵּף שֶׁבֶהי, cum Cametz & Tzeri, legens שֶׁבֶהי, cum sevea, & Chirik. Ex verbo: Et revertentibus transgressionis, pro, conversis a transgressionem, defectionem, iniquitate, &c.

V. 21. HOC FOEDUS MEUM CUM EIS. Heb. Et ego, istud fœdus meum ad eos. Illud Et ego, putant vel esse iurantem per reticentiam, vel quasi dicat: Et ego serio istud fœdus meum cum eis, aut ego sum qui loquor. Alii volunt esse expletivam particulam, & augere significatum; quasi dicat: Et hoc est fœdus meum, fœdus, inquam, meum. Vide in Genes. xxvii. 34. Quidam reddunt: De me autem, subaudi, dico, vel affirmo, seu ait Iehova, quod mox addit; vel quod ad me attinet, hoc erit fœdus meum cum istis. Ait Iehova: Spiritus meus, qui est in te, subaudi, o Christi Ecclesia, &c. Conclusio ab

elegantissima promissione Spiritus Dei & Christi mansuri in æternum cum Ecclesia eius, & docturi omnia, quæ dixit Christus, Ioann. XIV. 16. 17. & 26. & capitibus sequentibus. Illud autem: de ore seminis tui, & de ore seminis, seminis tui, ait Iehovah, de hoc tempore usque in æternum; perspicue docet perpetuam fore in Ecclesia Christi succellionem episcoporum ac singulariter Romanorum Pontificum, in quibus iugiter maneat Spiritus Dei, & certa ac infallibilis divinatorum dogmatum doctrina.

MENOCHII.

Vers. 1. ABBREVIATA: facta minus potens. NEQUE AGGRAVATA EST: neque obscuruit.

V. 2. DIVISERUNT: quasi pariete interposito.

V. 3. SANGUINE, id est homicidiis. INIQUITATE: cædibus, rapinis, omnique violentia.

V. 4. QUI INVOCET IUSTITIAM. In Hebræo est, Non est qui vocet in iustitia; id est, nemo est qui alium iuste in ius vocet. CONFUNDUNT IN NIHILO: dicit paulo iustitiæ fundamentum nitantur, sperant tamen se eos quibuscum litigant circumventuros in iudicio. VANITATES: mendacia, dolos: CONCEPERUNT LABOREM, id est molestiam promissi. LXX. eadem. Vel nomine laboris, ut & doloris, peccatum significatur, quod multos labores, molestias, curas, anxietates, & calamitatis afferat. PEPERERUNT INIQUITATEM: scilicet peccati, & iniustitiæ, qua vexant innocentem.

V. 5. OVA ASPIDUM RUPERUNT, id est suos malignos iræ, rapinæ, & homicidii conceptus, & machinationes executi sunt. TELAS ARANEÆ TEXTERUNT: dum perituras, & nulli usui futuras opes, & potentiam quærun, per aliorum iniuriam. QUI COMEDERIT DE OVIS EORUM MORIETUR; quasi dicat: Qui se eorum machinationibus impiis iungunt, & sociant, exitum sibi parabunt. ET QUOD CONFUTUM EST ERUMPET IN REGULUM; id est, plane noxia sunt hæc ova impiorum: nam si frangas, in iis invenies basiliscum. In Hebræo est, Quod fractum est erumpet in regulum.

V. 6. NON ERUNT INVESTIMENTUM:

quia

quia sunt aranearum telæ. OPUS INQUITATIS: opus iniquum.

V. 7. VASTITAS, ET CONTRITIO IN VIIS EORUM; quasi dicat: Quocumque vadunt, omnia vastant, & conterunt: sunt instar pectus, quæ omnia perdit.

V. 8. IUDICIUM: iustitia, rectitudo, æquitas. GRESSIBUS EORUM; viis eorum, actionibus, & studiis eorum. INCURVATAE: depravatæ, pervertæ, oblique. QUI CALCAT IN EIS: qui illis insistit. IGNORAT PACEM: bene illi non erit. Hebr. *Nesciet pacem.*

V. 9. ELONGATUM EST IUDICIUM A NOBIS, id est recessit a nobis vera iustitia. NON APPREHENDET NOS IUSTITIA: eisdem sententiæ repetitio. Iustitiæ comports non erimus. LUCEM: prosperitatis. TENEBRAE: calamitatum.

V. 10. IN CALIGINOSIS QUASI MORUIT. Aliqui ex Hebræo vertunt: *In sepulchris versamur quasi cadavera*: qui loquendi modus significat summam cecitatem, & calamitatem.

V. 11. RUGIEMUS QUASI URSI: cum ereptis catulis ex summo dolore horrendè rugiunt. ET QUASI COLUMBAE MEDITANTES GEMEMUS. In Hebræo est, *Et tamquam columba gemendo gememus*: itaque meditari est gemere. EXPECTAVIMUS IUDICIUM, &c. Repetit more dolentium, & gentium quæ dixit num. 9.

V. 12. PECCATA NOSTRA RESPONDERUNT NOBIS: nam peccati nostri poena, quasi echo, culpæ respondit. NOTISCUM: apud nos, immo ante oculos nostros perpetuo versantur. Ita dicebat David Psal. *L. Peccatum meum contra me est semper.* Vel, scelera posuit pro scelerum poenis.

V. 13. PECCARE, ET MENTIRI, &c. enumerat scelera: mentiri est fidem Deo datam fallere, & vero Dei cultu relicto, idolis, & vitis servire. TRANSGRESSIONEM. In Hebræo est *perversitatem.*

V. 14. CONVERSUM EST RETRORSUM IUDICIUM. Vatabl. & Forer. vertunt: *Retractionis est*; id est, iustitia a nobis abacta est. CORRUIT IN PLATEA VERITAS: eversa est veritas, & iustitia in foro, in tribunalibus iudicium, & in mercatorum conventibus. NON POTUIT INGRESSE: quasi nostro scelere vexata, & debilitata.

V. 15. QUI RECESSIT A MALO: vir scilicet rectus, & simplex. PRAE DAÆ PA-

TUIT: impiorum, & iniustorum. MALUM APPARUIT IN OCULIS EIUS: idem est quod dixit, vidit Dominus. IUDICIUM: iustitia.

V. 16. NON EST VIR: non est quisquam, qui sceleretur iustitiam. APORIATUS EST; id est, anxius & perplexus hæsit Deus: loquitur de Deo humano more. QUI OCCURAT: qui orando iræ eius se opponat. Pagnin. vertit: *Quia non erat qui oraret.* Vatabl. *Qui intercederes.* SALVAVIT SIBI BRACHIUM SUUM; id est, de salute fuit brachium suum, cum res essent desperatæ, & mundus rueret in omne scelus, brachia potentiae suæ Deus tanto malo remedium attulit, Christum dando. IUSTITIA EIUS, id est sanctitas, bonitas, & misericordia. Vel iustitiam proprie intellige, cui incarnatione, & passione Christi plene satisfactum est. CONFIRMAVIT EUM: corroboravit, & quasi animos addidit, ne ab incæpto desisteret, sed filium suum daret, ut redemptor noster esset.

V. 17. INDUTUS EST IUSTITIA, UT LORICA. Iustitia totum Dei pectus & cor obarmavit, & corroboravit, ut pro iustitia, iustoque suo dominio contra tyrannos, hoc est, contra dæmones dimicaret, qui hominem iniuste captivum detinebant. GALEA SALUTIS. Hæc caput & mentem Dei obarmavit, ut tota eius intentio serretur in hominum salutem. VESTIMENTO ULTIONIS. Vestis totum corpus tegens fuit ultio; nam totus, totoque quasi corpore ferebatur in hostes, hoc est, in peccata, ut ea exterminaret. PALLIO ZELI: zelus cumulavit, obtexit, & ornavit arma eius iam dicta; zelus nimirum honoris, & gloriæ suæ, iræ in dæmonem, & peccatum, & amoris erga homines.

V. 18. SICUT AB VINDICTAM. Pagnin. vertit, *sicut vir zelus retributiones*; quasi dicat: Ut vir zelotypus indignatur contra uxoris suæ procos, & pro iniuria, quam accipit, vindictam conatur rependere, & id hunc finem arma induit. INSULIS VICEM REDDET. Insulas vocat gentes remotas in insulis, & ultra insulas habitantes; hisce vicem, id est talionem ultionis reddidit, dum ipsarum impietatem, & idololatricam destruxit, easque Christianas, & pias effecit.

V. 19. TIMEBUNT: colent, reverebuntur. QUI AB OCCIDENTE, &c. id est omnes

mares gentes, tam quæ occidentem, quam quæ ad orientem habitant. CUM VENERIT QUASI FLUVIUS VIOLENTUS: significat impetum, vim, copiam, & efficacitatem Evangelii, & prædicationis Christi, & Apostolorum. QUEM SPIRITUS DOMINI COGIT: quem vehemens ventus impellit. Agebatur Apolloli spiritu divino, quem in die Pentecostes copiose acceperant. COGIT: impellit, ut aliqui vertunt.

V. 20. SION: est dativi casus, Sionis, id est Ecclesie. EIS QUI REDEUNT AB INIQUITATE: qui e captivitate peccati ad Dominum redeunt. IN IACOB: qui scilicet ad Israelcem pertinent.

V. 21. HOC FŒDUS MEUM. Fœdus nimirum, quod proxime sequentibus verbis exprimitur. SPIRITUS MEUS, &c. Sunt verba Dei ad Ecclesiam. Per spiritum suum, intelligit Spiritum sanctum, qui per fidem, & caritatem diffusus est in tota Ecclesia, hoc est, in cordibus fidelium. VERBA MEA, id est præcepta mea. DE ORE TUO, &c. de ore, & corde tuo, & filiorum, & nepotum tuorum.

T I R I N I.

Verf. 4. NON EST QUI INVOCET TUSTITIAM, supple, in consilium, ut secundum eam iudicet: SED OMNES CONFIDUNT IN NIHILO, id est in inani specie & larva iustitiæ, qua velant avaritiam suam vel odium, vel alios animi motus. CONCEPERUNT LABOREM; quasi dicat: Animo nil aliud versant quam violentiam proximi oppressionem: in hoc perpetuo laborant, ut proximum laborare, gemere, dolere faciant, nihil aliud parientes quam INIQUITATEM, iniuriam, calumniam, eadem innocentium: ita S. Cyrillus, S. Thomas, Forerius & Sanchez.

V. 5. OVA ASPIDUM RUPERUNT. Est proverbium, quo significat, malignos impiorum conceptus & machinationes, ubi executioni mandantur, perniciem creare tum iis in quos destinati sunt, tum iis a quibus tamquam auctoribus ac parentibus processerunt: sicut rupto ovo crumpens aspis mordet tum alios præfentes, tum ipsum ovi ruptorem: ita S. Hieronymus, Procopius, Haymo, Hugo & alii. Igitur non cibum inde sibi, sed mortem hauriunt: neque opes, ut sperabant, hac via parant, sed vilissimas ARANEAE TELAS, quæ nulli

sunt usui, quæ texentem eviscerant, & vix muscis captandis idoneæ sunt.]

V. 8. SEMITAE EORUM INCURVATAE; id est, studia & actiones omnes depravatae sunt; LXX. perversæ, non rectæ. OMNIS QUI CALCAT IN EIS; id est, qui insistit lemitis eorum, & actus pravos sequitur, IGNORAT PACEM, seu felicitatem, id est involvetur miseris, inquietudine, adversitate, & mille doloribus. Neque vero dabitur, diu frui inique partis: neque sine dolore iis spoliari contigit: quin potius excruciamur tanta iactura, &c.

V. 11. RUGEMUS OMNES HORRENDE QUASI URSI RAPIS CATULIS: quibus primo paricendis, dein lambendo formandis, tertio nutriendis tam sollicitè studuerunt: ET QUASI COLUMBAE, seu tortures, amisso compare suo, perpetuo velut MEDITANTES gemunt; ita & nos GEMENUS subtradis per Chaldaeos & alios hostes omnibus rebus nobis charissimis & optatissimis, quibus antea tanto studio insudaveramus: ita S. Cyrillus. EXPECTAVIMUS quidem IUDICIUM, id est ut aliquis nobis adesset iusto iudicio, & hostes & hostiles iniurias a nobis depelleret: sed NON EST neque in caelo, neque in terra repertus qui nobis patrocinaretur.

V. 12. PECCATA NOSTRA RESPONDERUNT A NOBIS, nos dignos esse talibus penis, tali desertione, & promerito talione. Notat enim Forerius & Sanchez, quod peccata, quasi echo respondeant peccanti, referantque eandem vocem quam a clamante acceperunt; quasi dicat: Sicut in fratres vestros fustis impii & crudeles, ita iustum est, Chaldaeos aliosque hostes sentiat vicissim in vos fœvere.

V. 16. ET VIDIT DEUS, QUIA NON EST VIR; id est, non est quisquam, seu hominum, seu angelorum, qui irato Deo & flagellis armato OCCURRAT, vel prece, vel pretio, ad immincentia mala, seu depellenda, seu redimenda: ET APORIATOS EST, id est anxius & perplexus hæsit, obstupefecit, admirans, & quasi inopis consilii in re desperata: ita Chaldaeus & S. Hieronymus. Interim condolens & compatiens populo suo tam afflicto, tam ab omnibus deserto, consilium in arena cepit, & remedium a seipso petiit: ET SALVAVIT SIBI BRACHIUM SUUM, id est opem sibi & laudem mundo quaesivit a sua-

met potentia, rem totam propriis viribus conficiens: ita Forerius, Vatabius & alii. **ET IUSTITIA CONFILMAVIT EUM;** quasi dicit: Desistit iustitia aliena, usus est propria; iustum lytrum ac satisfactionem repetens ex meritis filii sui incarnati, quibus pro peccatis totius mundi ex rigore iustitiae ad ultimum terminum satisfaceret: ita S. Cyrillus, Forerius, Sasbout & alii. Hoc fixo consilio, cum adesset filius Dei, instar archistrategi profilit in arcam, armatur a capite ad talos, mundum, peccatum, demonem, tyrannos, & hostes omnes populi Dei propria manu debellaturus.

V. 17. UT LORICA INDUTUS EST IUSTITIA, proprie dicta; vel, si mavis, innocentia vitae, qua totum pectus obarmavit & corroboravit: eadem quoque *caput* suum communicavit, quasi **GALAEA SALUTIS**, seu salutifera: reliquo etiam corpore **INDUTUS EST VESTIMENTIS ULTIONIS**, id est cinctus est telis & armis ad ulionem fumendam idoneis, circumquaque **OPERTUS ARDENTI ZELO QUASI PALLIO MILITARI**.

V. 18. Sic accinctus, INIMICIS SUIS, diabolo, inferno, &c. **VICEM REDDET,** id est talionem ulionis, etiam **INSULIS**, id est Gentibus a Iudaea remotis, & ultra insulas habitantibus. Subigit enim omnes sibi furque Ecclesiae, sicut illi ante subegerant populum Dei. Unde

V. 19. ET TIMEBUNT NOMEN DOMINI ET GLORIAM EIUS, id est maiestatem & potentiam tum Dei, tum Christi colent, reverebuntur & suspicient omnes gentes, tam quae ad Orientem, quam quae ad Occidentem habitant: nempe quando Christus armis suis quae iam vidimus, & militum discipulorum suorum phalangibus instructus, ad gentes illas debellandas **VENERIT QUASI FLUVIUS VIOLENTUS & RAPIDUS, QUEM SPIRITUS DOMINI,** id est ventus & ingens & validus, **COGIT AC PROPELLIT.** Huius enim in praeceptis ruentis cursum nemo sistere, nemo praepedire potest, quin exundans omnia obruat & pessumdet. Ita nec Christum quis impedire poterit, cum

V. 20. VENERIT SIONI, id est Ecclesiae suae, **REDEMPTOR,** & salvator **EIS QUI IACOB,** seu in Israele, **REDEUNT AB INIQUITATE** ad iustitiam, a vanis ceremoniis ad sinceram religionem, a diabolo ad Deum: ita S. Hieronymus, Cyrillus & Procopius; immo S. Paulus ad Rom. xi.

26. Porro quod iam dixi, de Messia mittendo Iudaeis fidelibus redemptore,

V. 21. Hoc (ut explicat ibid. S. Paulus) FOEDUS MEUM est CUM EIS, id est iam pridem ipsis sanctae promissi, & vi promissi istius ex asse complebo, donando illum mundo non secundum carnem solam, vel praesentiam carnalem, ut vobiscum converteretur; sed etiam quoad spiritum & spiritalia dona, quibus vos iustificabit & sanctificabit. Erit autem **SPIRITUS** eius idem qui **MEUS**, nempe Spiritus sanctus, non minus ab illo, quam a me procedens. Et hic *Spiritus meus*, qui per Christum donatur tibi, o Ecclesia, & iam **EST IN TE;** item **VERBA MEA,** id est dona Spiritus sancti a me tibi promissa, **QUAE POSUIT IN ORE TUO,** id est quae me revelante tibi iam innotuerunt, tibi obvenerunt, & grato animo passim depraedicantur a te, **NON RECEDENT DE ORE TUO, ET DE ORE SEMINIS TUI;** id est, numquam desinent tibi tuisque filiis inhaerere, & ab illis depraedicari in aeternum.

(a) Isai. xli. 9.

(b) 11. Cor. iv. 2.

(c) Gen. xxiii. 10. Psal. xxi. 7. Ezech. 3. 6.

GORDONI.

Perf. 1. E CCE NON EST ABBREVIATA MANUS DOMINI, &c. Pergit Isaias Iudeorum reprehendere peccata, eorum qui partim tempore Isaiae, partim tempore Christi fuerunt, ut interpretatur Hieronymus, apud quos omnia fuerunt fucata; & tempore Christi sine fide & pietate. Non est ergo abbreviata manus Domini quasi non posset iuvare; sed multiplicata est iniquitas, ut hic late depingit ferre usque ad vers. 16.

V. 5. Rumpunt ova aspidum, ut exeant reguli: parant noxia & venenata texerunt telas arancarum; hoc est, inutiliter laborant, ut declarant infrequentia.

V. 12. & 13. PECCATA NOSTRA RESPONDERUNT NOBIS, scilicet nos esse reos: **COGNOVIMUS:** hoc est, cognovimus nos peccasse: **PECCARE ET MENTIRI,** propeccavimus & mentiti sumus.

V. 16. ET VIDIT DOMINUS, &c. Tandem Dominus visus est populi sui, accingit se armis ut eum liberet, per adventum Redemptoris qui statuet foedus sempiternum.

V. 17. VIDIT ET NON EST VIR, ET A-

APORIATUS EST, &c. Vidit quod non esset vir qui faceret iudicium, & aporiatum atque anxius factus est Deus. Sane vidit Deus non esse in populo hoc virum, scilicet ex Synagoga; hoc est, aut nullos, aut paucos esse. Quod vero ait Deum quasi sollicitum fuisse, aperit propensionem Dei ad misericordiam, & ad inveniendum remedium a se, seu per Christum quando homines adeo sibi deessent. Quod denique hic est aporiatum explicant Græci per ἀπορησάμενος apud Paulum I. Cor. 13. 8. *animi pendeo*, & hic apud Septuag. *ἠνείκα, consideravit*. Heb. est *חָשַׁב* *obstupescere* : *שיִּשְׁתַּחֲוֶה* *totem, in hispani, obstupuit*.

V. 19. & 20. Hæc clara sunt de venturo Christo & remedio, quod Deus ipse paravit.

EX EIUSDEM AUCTIONARIO.

Vers. 9. **IUDICIUM** : vera iustitia.

Vers. 16. **SALVAVIT** sibi loquitur de Deo humano modo; quasi diceret: Cum rem desperatam cerneret, salvavit, tunc brachio suo interposito attulit remedium, missio in mundum. Christo.

Vers. 17. **INDUTUS EST** : sic de Messia armato contra hostis tyrannidem.

C A P U T LX.

Ecclesia ad exultationem excitatur, quod in ea Domini gloria reluceat, ad quam accessura sunt plurimæ nationes, & quæ ad eam non venerint peribunt: in qua pax, iustitia & laus Dei invenientur, ablata iniquitate: eritque Dominus ei in lucem sempiternam & gloriam.

SUrge t, illuminare Ierusalem: quia venit lumen tuum, & gloria Domini super te orta est. 2. Quia ecce tenebræ operient terram, & caligo populos: super te autem orietur Dominus, & gloria eius in te videbitur. 3. Et ambulabunt Gentes in lumine tuo, & reges in splendore ortus tui. 4. (a) Leva in circuitu oculos tuos, & vide: omnes isti congregati sunt, venerunt tibi: filii tui de longe venient, & filix tuæ de latere surgent. 5. Tunc videbis, & afflues, & mirabitur & dilatabitur cor tuum, quando conversa fuerit ad te multitudo maris, fortitudo gentium venerit tibi. 6. Inundatio camelorum operiet te, dromedarii Madian & Ephā: omnes de Saba venient, aurum & thus deferentes, & laudem Domino annuntiantes. 7. Omne pecus Cedar congregabitur tibi, arietes Nabæoth ministrabunt tibi: offerentur super placibili altari meo, & domum maiestatis meæ glorificabo. 8. Qui sunt isti, qui ut nubes volant, & quasi columbæ ad fenestras suas? 9. Me enim insule: expectant, & naves maris in principio, ut adducam filios tuos de longe, argentum eorum, & aurum eorum cum eis, nomini Domini Dei tui, & sancto Israel, quia glorificavit te. 10. Et ædificabunt filii peregrinorum muros tuos, & reges eorum ministrabunt tibi: in indignatione enim mea perecuti te: & in reconciliatione mea misertus sum tui. 11. (b) Et aperientur portæ tuæ in irer: die ac nocte non claudentur, ut afferatur ad te fortitudo Gentium, & reges earum adducantur. 12. Gens enim & regnum, quod non servierit tibi, peribit: & Gentes solitudine vastabuntur. 13. Gloria Libani ad te veniet, abies & buxus, & pinus simul, ad

Ornamentum.

ornandum locum sanctificationis meae; & locum pedum meorum glorificabo. 14. Et venit ad te curvi filii eorum qui humiliaverunt te, & adorabunt vestigia pedum tuorum omnes qui detrahebant tibi, & vocabunt te Civitatem Domini, Sion sancti Israel. 15. Pro eo quod fuisti derelicta, & odio habita, & non erat qui per te transiret, ponam te in superbiis saeculorum, gaudium in generationem & generationem: & 16. fuges lac Gentium, & mamilla regum lactaberis: & scies quia ego Dominus salvans te, & redemptor tuus fortis Iacob. 17. Pro aere afferam aurum, & pro ferro afferam argentum; & pro lignis aes, & pro lapidibus ferrum: & ponam visitationem tuam pacem, & praepositos tuos iustitiam. 18. Non audietur ultra iniquitas in terra tua, vastitas & contritio in terminis tuis, & occupabit salus muros tuos, & portas tuas laudatio. 19. (c) Non erit tibi amplius sol ad lucendum per diem, nec splendor lunae illuminabit te: sed erit tibi Dominus in lucem sempiternam, & Deus tuus in gloriam tuam. 20. Non occidet ultra sol tuus, & luna tua non minuetur: quia erit tibi Dominus in lucem sempiternam. * & complebuntur dies lactus tui. 21. Populus autem tuus omnes iusti, in perpetuum hereditabunt terram, germen plantationis meae: opus manus meae ad glorificandum. 22. Minimus erit in mille, & parvulus in gentem fortissimam: ego Dominus in tempore eius subito faciam istud.

(a) Sup. XLIX. 18. (b) Apoc. XVI. 25. (c) Apoc. XVI. 23. & XVII. 5.

B. R. U. G. E. N. S. I. S.

ROMANAE CORRECTIONES.

LECTIONUM VARIETAS.

Verf. 1. *Et mirabitur & dilatabitur cor tuum.*
Non est omittendum prius &
Verf. 20. *Et complebuntur dies lactus tui.*
Cave scribas luminis sive lucis, pro lactus, quod est matoris.

Verf. 1. *Surge, illuminare Ierosalem, quia venit.* Vetus corrector annotat: „Hebraeus
„ & antiqui & Hieronymus non interpo-
„ nunt Ierosalem..” Sed suppletur a Graecis & Chaldaeo..

C O M M E N T A R I A

M A L D O N A T I.

Verf. 1. **SURGE, ILLUMINARE;** id est, parata esto, ut illumineris. **QUIA VENIT LUMEN TUUM,** id est Christus lux vera, quae illuminat omnem hominem venientem in hunc saeculum. Et secundum historiam, quia res prosperae tibi contingent, quas lumen vocat., ut cap. LVIII. 8. II. & cap. LIX. 9.

V. 2. **QUIA ECCE TENEBRAE;** id est, quo tempore omnes gentes in tenebris erunt, hoc tibi singulare beneficium Deus conferet, ut Christus vera lux in te nascatur.

V. 3. **ET AMBULABUNT GENTES.** Alii

nationes quae prius Deum non cognoscebant, ex te eius notitiam quasi lumen accipiant, quo ambulent, id est vitam suam moderentur: **ET REGES.** Per reges varia regna intelligit. **IN SPLENORE ORTUS TUI.** Ortum solis vocat Iudaeam, quia in ea Christus verus sol ortus est, qui omnes gentes splendore veritatis illustravit.

V. 4. **OMNES IBI** (sub. quos vides, cum enim dixit, LEVA IN CIRCUITU OCULOS TUOS, omnes illi gentes ostendit) **CONGREGATI SUNT** pro, congregabuntur. venient ad Ecclesiam, ut statim dixit, **FILII TUI DE LONGIS VENIENT;** id est, Gentiles ex longissimis terrae plagis venient, ut baptizentur, & filii tui fiant. ut.

ut sup. cap. XLIX. 22. *Et afferent filios tuos in ulnis.* ET FILIAE TUAЕ DE LATERE SURGUNT, id est undique ad te venient: qui sensus multo magis mihi placeat, quam eorum qui vertunt, *Et filiae suae ad latus nutriendae.* Chald. & Septuag. *Super humeros portabuntur*, quod convenit cum simili sententia cap. XLIX. 22. *Et filias tuas super humeros portabunt.* Vide quae illic adnotavimus.

V. 5. TUNC VIDEBS ET AFFLUES (lactitia) וְנִתְּ, & uluminaberis. QUANDO CONVERSA FUERIT; id est, cum ad te confluent omnes insulae maris. ET FOR- TITUDO GENTIUM, id est, multitudo, robur, exercitus, חֵיל; quasi dicat: Et insulae & terrae continentes ad te confluent.

V. 6. INUNDATIO CAMELORUM, id est multitudo עֲרָבַת camelorum, quibus gentes vehentur, ut ad te veniant. DROMEDARII, דְּרֹמֶדָרִי, *primogeniti* (camelorum, quos alii dromedarios esse dicunt) MADIAN, ea civitas est trans Arabiam. EPHA vero ipsa Arabia dicta est ab Ephah filio Madian. OMNES DE SABA. Ethiopiae civitas est regalis: III. Reg. x. 1. AURUM ET THUS DEFERENTES. Non dubium est per haec loca, omnes terrae partes, & per haec munera, omnia munerum genera intelligi debere; sed male inde Haeretici colligunt non pertinere hunc locum ad tres reges, qui Christum adoraturi ab oriente venerunt; cum illi primi fuerint qui cum muneribus ex gentibus venerunt ad Ecclesiam.

V. 7. OMNE PECUS CEDAR, id est Arabia. Cedar enim, ut Hieron. ait, Arabia regio est in Agarenorum solitudine. ARIETES NABAIOTH, repetitio est: nam Nabathae pars etiam Arabiae est, quae Nabathena dicitur, inter fluvium Euphratem & mare rubrum. MINISTRABUNT TIBI, servient tibi. Gallice, *Servant a toi comme un valet.* OFFERENTUR, vel, יָעִלִי, *ascendant in placidule altare meum*; id est, offerentur in elemosynam Ecclesiae, quo sacrificii genere maxime placari soleo. Per arietes autem omnis generis facultates intelligit, quas qui Evangelio credebant, ponebant ad pedes Apostolorum, Act. iv. 35. ET DOMUM MAESTATIS MEAE, id est Ecclesiam. GLORIFICABO, decorabo opibus, & amplificabo.

V. 8. QUI SUNT ISTI (Gentiles:) הֵם

celeriter ut nubes ad Ecclesiam convolant. ET QUASI COLUMBAE AD FENESTRAS SUAS, id est columbarii sui. Significat ita gentes ad Ecclesiam aggregatum iri, quemadmodum columbae ad columbarium suum aggregantur.

V. 9. ME ENIM INSULAE EXPECTANT; id est, insulares homines iam preparati sunt ad recipiendum Evangelium; quasi dicat: Iam tempus prope est, ut omnes gentes etiam quae in insulis remotissimis degunt, Evangelium recipiant. Quod alia metaphora Christus dixit Luc. x. 2. *Videte regiones quia absae sunt iam ad messem.* ET NAVES MARIS. Hebr. הַרְשִׁישׁ, *Trasis*, IN PRINCIPIO, id est sicut in principio (intellecta Hebraeorum more particula similitudinis) quasi dicat: Sicut olim ad aedificandum Salomonis templum, quod Ecclesiae figura erat, naves maris ligna & aurum apportabant: III. Reg. v. 9. sic ad aedificandam Christi Ecclesiam naves ex ultimis usque insulis homines advenient. UT ADDUCAM FILIOS TUOS, id est qui futuri sunt filii tui. NOMINI DOMINI; id est, ut ipsi cum suis facultatibus Deo conferentur. QUIA GLORIFICAVIT TE; id est, decrevit hac ratione te illustrem reddere.

V. 10. ET AEDIFICABUNT FILII PEREGRINORUM, id est Gentiles, MUROS TUOS, munitissimam partem tui: precipua enim Ecclesiae pars constat ex gentibus. ET REGES EORUM MINISTRABUNT TIBI. Sicut olim Hiram cum Iudeus non esset, materiam tamen suppeditavit ad struendum Salomonis templum. Sic Ethnici reges facti Christiani suis facultatibus Ecclesiam fundabunt, quod Constantinum & alios fecisse legimus. IN INDIGNATIONE ENIM MEA. Phrasis Hebraica comparationem significans; id est, multo magis afficiam te beneficiis placatus, quam affeci iratus ponis. MISERATUS SUM, נָחַם, *miseror.*

V. 11. ET APERIENTUR. Significat semper futuras esse apertas portas Ecclesiae, ad recipiendos Gentiles qui ad eam venient. Portae Ecclesiae sunt Catechesis & Baptismus: fortitudinem gentium vocat reges, principes, divites, sapientes, ut statim explicat, ET REGES EARUM ADDUCANTUR.

V. 12. GENS ENIM. Nemo enim extra Ecclesiam salvus esse potest. ET GENTES SOLITUDINE, חֲרִב יִדְרֵי, *vastando VASTABUNTUR*, id est omnino debebuntur.

V. 13. GLORIA LIBANI. Gloriam Libani vocat. præcipuus eius montis arbores, quibus ornabatur, ut statim exponit, ABIES ET BUXUS ET PINUS. Per Libanum, quia desertus & inculsus mons erat, intelligit reges & principes gentium, ut dixit versus præcedens, qui in spiritali adificatione Ecclesie sunt, veluti abietes, buxus & pini in adificatione templi Salomonis, ad quam aliud. AD ORNANDUM LOCUM SANCTIFICATIONIS MEAE, id est Ecclesiam, quam ego sanctificavi. ET LOCUM PEDUM MEORUM. Eandem Ecclesiam vocat locum pedum suorum, quia in terris est terra autem est scabellum pedum eius, ut ait inf. cap. LXVI. 1.

V. 14. ET VENIENT AD TE CURVI, id est adorabundi: פִּגְמִי, curvando. sc. FILII FORUM QUI HUMILIABUNT TE, id est Gentilium, qui te olim afflixerunt. ET ADORABUNT VESTIGIA PEDUM TUORUM, QUI DETRAHEBANT TIBI; id est, reges & tyranni, qui te prius persequerentur, osculabuntur pedes tuos; sicut hodie reges Romani Pontificis tamquam Christi pedes osculantur.

V. 15. PRO EO; id est; quemadmodum ante FUISTI DERELICTA, ET ODIO HABITA, ET NON ERAT QUI PER TE TRANSIRET, id est deserta: PONAM TE INSUPERBIAM: פִּנְיָא, in magnificationem; id est, dabo tibi magnificentiam & lætitiā sempiternam.

V. 16. ET SIGES LAC GENTIUM; id est, nutrieris Gentilium facultatibus, quas, ut dixit supra vers. 7. & 9. Ecclesie consecraturus est, & factum videmus Act. IV. 35. ET MAMILLA REGUM, id est regum bonis nutrieris.

V. 17. PRO AERE AFFERAM AURUM. Sensus totius versus est, fore ut Deus Ecclesiam in meliorem statum mutet; melioribusque donis ornent post Christi adventum, & Spiritus sancti effusionem. ET PONAM VISITATIONEM TUAM PACEM; id est, pro afflictione tua, qua te prius exercui, dabo tibi pacem. Visitatio est punitio & afflictio, sicut visitare, punire & affligere. Quidam Hebræorum interpretantur פִּקְדֵי, tribulationes tuam pacem; id est, pro tribulatione quod prius Babylonis soluebas, dabo tibi pacem. ET PRÆPOSITOS TUOS IUSTITIAM, id est pro tyrannas qui iniquam in te dominationem exercebant. Vel, פִּקְדֵי, pro caecioribus, qui iniqua a te vestigia ex-

torquebant dabo alios qui iustitiam administrantes tua tibi restituant.

V. 18. NON AUDIETUR ULTRA INQUITAS: דָּבָר, rapina, violentia IN TERRA TUA; id est, ubicumque fuit Ecclesia, quamquam iste status qui hoc loco describitur, inchoatur. quidem in terra, sed non perficitur nisi in celo. ET OCCUPABIT SALUS, &c. id est, omnia plena erunt salus hoc est, felicitatis & laudis. Alii, וְשָׁלוֹם, & vocabis salutem murus tuos, & portas tuas laudem; id est, muri tui erunt salus, & portæ tuæ laus, quasi dicat: Non alius muris te defendes, quam salus, id est divino auxilio salutem tibi afferente, Et laudibus, id est precibus: hi enim sunt Ecclesie Catholicæ muri.

V. 19. NON ERIT TIBI: AMPLUS SOL; id est; non indigebis amplius humano auxilio; Deus enim tibi auxiliabitur: aut, non erit tibi amplius temporaria & peritura gloria, qualis splendor solis est, sed sempiterna, qualis est Deus: ut: Apoc. XXI. 23. Et civitas non eget sole, neque luna ut luceant in ea: nam claritas Deï illuminabit eam: & lucerna eius est ignis.

V. 21. POPULUS AUTEM TUUS OMNES IUSTI. Non enim intravit in illam sanctam civitatem aliquid conquinatum, & abominationem faciens, aut mendacium: Apoc. XXI. 27. HEREDITABUNT TERRAM, id est beatitudinem, & per terram promissionis significabatur, quod Christus regnum appellat: Matth. XXV. 34. Venite benedicti patris mei. אֲדָוֶן מִיָּמָה תִּי, hereditate percipite paratum vobis regnum. Sicut hic dicitur, Hereditabunt terram. GERMIN PLANTATIONIS MEAE, id est cui ex plantatione mea nati sunt: sic vocat prædestinatos, ut Matth. XIII. 13: Omnis plantatio quam non plantavit pater meus eradicabitur. Alii legunt, פִּצְעִי, plantationis eius, minus bene, cum statim sequatur, OPUS MANUS MEAE AD GLORIFICANDUM, id est ut glorificent me in illis: eodem prædestinatos vocat Deus opus manuum suarum, quia ipse operatur in eis velle & perficere pro bona voluntate: Philip. II. 13.

V. 22. MINIMUS; id est, qui minimam familiam habet, erit in mille, id est multiplicabitur in mille. ET PARVUS IN GENTEM FORTISSIMAM. Idem significat. Sensus autem est, fore ut Ecclesia ex minimis initiis duodecim Apostolorum in in-

gentem multitudinem excreſcat. Ego Dominus in tempore eius; id eſt, ſuo tempore hoc accelerabo, faciam ut ſuo fiat tempore, neque ultra retardetur.

S A.

Verſ. 1. **I**LLUMINARE. Chald. & LXX. illuminare Ieruſalem. Heb. deſt Ieruſalem. L. MEN, ſcilicet Chriſtus, qui lux mundi, & Dei gloria.

V. 2. ORIETUR. LXX. apparebit. GLORIA, ſcilicet per roſacula.

V. 3. TUO, ſcilicet o Eccleſia. ORTUS TUI; pro, orto in te. Chald. & LXX. tuo.

V. 4. DE LATERE SURGENT. Quidam legunt, *fugent*. Heb. iuxta latus nuriuntur. Chald. *ſuper latera portabuntur*. LXX. *ſuper humeros portabuntur*.

V. 5. VIDEBIS, ſcilicet multitudinem filiorum. AFFLUES, ſcilicet gaudio. LXX. *timebis*. MULTITUDO. Chald. & LXX. *divitiæ*. FORTITUDO, id eſt reges & principes. Chald. *ſubſtantia*.

V. 6. INUNDATIO. Chald. *turba*. LXX. *preges*. CAMELORUM. Chald. *Arabum*. OMNES, id eſt plurimi. Chald. *omnes hi*.

V. 7. CEDAR. Regio eſt Arabiæ, itemque *Nabathæ*. MINISTRABUNT, id eſt ſervient. Intellige vero per hoc conversionem Gentium, & ſacrificia ſpiritualia. PLACABILI, id eſt ubi placor. MAJESTATIS. Chald. *laudis*. LXX. *orationis*.

V. 8. FENESTRAS, ſcilicet columbarii; quaſi dicat, Suo quiſque loco & gradu. Chald. *quæ reſervantur ad columbaria ſua*. Not. per nubium volaturn, & columbarum, ſignificari velocitatem ad Eccleſiam venientium.

V. 9. INSULAE, id eſt etiam remotiſſimæ gentes. IN PRINCIPIO. LXX. *in primis*. TUOS, ſcilicet, o Eccleſia. CUM EIS, ſcilicet offerendum. QUIA. Chald. *qui*.

V. 10. MUROS, id eſt templa. RECONCILIATIONE. Chald. *voluntate*. Heb. *benepſacito*. LXX. *miſericordia*. MISERTUS SUM TUI. LXX. *dilexi te*.

V. 11. FORTITUDO, id eſt potentiſſimi quique. Chald. *divitiæ*.

V. 12. GLORIA LIBANI, id eſt pulcherrima quæque. LOCUM PEDUM, id eſt Eccleſiam, in qua habito.

V. 14. CURVI, id eſt humiles. LXX. *timenter*. HUMILIAVERUNT, id eſt aſſiſixerunt, ſcilicet antea. VESTIGIA, &c. quaſi dicat, Ad pedes tuos ſe inclinantes. Fit hoc Papæ. DETRAHEBANT TIBI. LXX. & Chald. *irritabant te*.

V. 15. NON ERAT, ſcilicet ex Gentilibus. SUPERBIAM SÆCULORUM, id eſt gloriam æternam. Chald. *gloriam ſæculi*. LXX. *exultationem æternam*.

V. 16. SUGES LAC GENTIUM. Chald. *ſatiaberis divitiis populorum*. NAMILLA, &c. LXX. *divitiis Regum comes*. FORTIS. LXX. *Dens*.

V. 17. PRO AERE, &c. quaſi dicat: Pro paupertate ſuccedent divitiæ, pro aſſiſtione lætitiæ, &c. PONAM, &c. LXX. *dabo principes tuos in pace* (id eſt pacifice regentes) & *Episcopos tuos in iuſtitia*, id eſt iuſte præſidentes.

V. 18. LAUDATIO, id eſt laus Dei.

V. 19. NON ERIT, &c. Hæc præcipue ad cæleſtem beatitudinem referenda.

V. 19. NON ERIT, &c. Hæc præcipue ad cæleſtem beatitudinem referenda.

V. 20. SOL, id eſt proſperitas. MINUETUR. LXX. *deſiciet*. Chald. *per ſolem regnum intelligit, per ſolam gloriam*. COMPLEBUNTUR, id eſt ceſſabunt.

V. 21. TERRAM, ſcilicet viventium, id eſt cælum. AD GLORIFICANDUM, id eſt evadet in gloriam.

V. 22. MINIMUS, id eſt parva familia. MILLE, id eſt reſerta plurimis fidelibus. PARVULUS, id eſt parva domus. FORTISSIMAM. LXX. *magnum*. ETUS; pro, ſuo.

E S T I I.

Verſ. 13. **G**ENS ENIM, ET REGNUM, QUOD NON SERVIERIT TIBI, PERIBIT. Maniſeſtum eſt hoc de terrena Ieruſalem intelligi non poſſe: numquam enim factum eſt, ut omnes gentes & regna ſervierint illi Ieruſalem; neque etiam ullum iudicium eſt id aliquando futurum, quamvis Iudei carnales hoc aliquando futurum expellerent, craſſe & carnaliter hanc prophetiam, ſicut & alias intelligentes. Multo autem minus verum eſſe poteſt, gentes & regna paritura, quæ illi terrene civitati non ſervierint. Sed ſicut totum hoc caput, ita & iſta ſententia ſine ulla dubitatione de Eccleſia Chriſti intelligenda.

genda est, de ea nimirum Ierusalem, quæ tursum est, & hic usque in finem sæculi collecta illuc transmittitur. Sensus ergo est: Quicumque in quacunque gente, aut regno non servierit Ecclesiæ, id est non se ei subiecerit per fidem & fidei sacramenta, peribit ea perditione, quæ omnibus impiis parata est. Unde liquet non sufficere tantam fidem de capite Christo, nisi & de corpore eius, quod est Ecclesia, sana & integra fides retineatur; & in eius unitate atque obedientia permaneat: non enim habebit Deum patrem, qui Ecclesiam noluerit habere matrem, ait Cypr.

V. 20. NON OCCIDET ULTRA SOL TUUS, ET LUNA TUA NON MINUETUR. Prophecia est de eo quod futurum est post iudicium; & sensus est: Non tunc amplius opus erit motu solis, nam tempus tunc non erit, ut est Apoc. x. sed immota persisterint singula in loco & ordine suo, ut etiam est Abacue. iiii. Et luna ergo tunc non minuetur; id est, luna semper erit soli opposita, ut semper sit plena & perfecta. Licet enim lux eius erit tunc, ut lux solis, eam ipsam tamen lucem, ut modo, a sole mutabitur. Recte autem motus cæli cessaturus dicitur, tum quia cessabit causa eius finalis, id est rerum ortus atque interitus; tum quia quies simpliciter motu perfectior est, utpote terminus eius, & per quam primæ causæ immobili res unaquæque magis assimilatur. Videnostra in Lib. IV. sent. distinct. XLVIII.

M A R I A N AE.

Vers. 1. **I**LLUMINARE, oblatam lucem suscipe. Et per lucem, salutem intelligit, quæ per Christum est data. Et GLORIA DOMINI, id est opera eius gloriola & admiranda. ORTA EST; pro, oriatur continuo.

V. 2. TENEBRAE OPERIENT TERRAM, ut in AEGYPTO: cæteros res adversæ premunt, tu Dei donis perfunderis.

V. 3. ET AMBULARUNT GENTES IN LUMINE TUO. Se tibi adiungent.

Cum fueris felix, multos numerabis amicos.

Heb. ad lumen tuum. ET REGES IN SPLENDORE ORTUS TUI. Heb. ad splendorem exorientem tibi. Current Reges, ut eius felicitatis sint participes,

V. 4. OMNES ISTI CONGREGATI SUNT, scilicet filii, & filiae. FILII TUI DE LONGE VENIENT, scilicet suis pedibus. ET FILIAE TUAЕ DELATERE SURGENT, scilicet portabuntur brachiis & in sinu aliorum. Hieronymus in Comment. & Regia, *sugent*. Heb. *super latus nutriendum*. Chald. & Septuag. *super humeros*, aut *latera portabuntur*: quod scilicet dixerat cap. XLIX. 22. In ea varietate Vulgatæ sectionem retineo: *De latere surgent*, id est venient, portabuntur: nam *sugent* aut *nutriendi* voces non video quomodo hic locum habeant, ubi filios & filias ex variis locis congregari ait: & eandem verbum *per am* inter alia *surgere* aut *portare* significare, quantumvis Dictionaria sileant.

V. 5. TUNC VIDEBIS, ET AFFLUES. Chald. & *illuminaberis*. Pagn. *inundabis*. ET MIBABITUR. Pagn. *obstupescet*. Chald. *timebis*: ne scilicet ea felicitas turbetur. QUANDO CONVERSA FUERIT AD TE MULTITUDO MARIS. Heb. *tumultus maris*. Prædicat, fore ut commercium ad Iudæos transferatur, ibique sit emporium, ad quod mari mercatores conveniant. FORTITUDO GENTIIUM. *Substantia, divitiæ, merces*: id vox *חיל* *hail* significat hoc loco, & *fortitudo* in Vulgata.

V. 6. INUNDATIO CAMELORUM, id est multitudo camelorum; quasi dicat: Non tantum mari merces venient, sed terra etiam camelis impositæ. Mercatores etiam dromedariis vecti. Id est quod ait, DROMEDARIJ MADIAN ET EPHA; iis in regionibus alebantur. Porro *dromedarii*, cameli cursores sunt. Heb. pro *dromedariis*, *pullos camelorum* exponunt; idque significare vocem *בכרה* *bekrah*. De quo non contendo. OMNES DE SABA VENIENT, scilicet omnes mercatores. Porro Saba hic per *ש* scribitur, quomodo solet Saba Aethiopis. ET LAudem DOMINO ANNUNTIANTEs, sive quia convertitur ad fidem, sive quia tanta frequentia cedit in laudem Dei. Hæc de Ierusalem dicta, ad Ecclesiam referantur, cuius illa typus erat.

V. 7. ARIETES NABAIOTH; pro, in arietibus Nabaioth ministrabunt tibi, id est eos tibi offerent in sacrificia. Cedar & Nabaioth Arabiæ regiones. SUPER PLACABILI ALTARI MEo. Heb. *ascendens super beneplacitum altare meum*, id est mihi placebunt ea sacrificia,

V. 8. QUI SUNT ISTI. De navibus loquitur, quas nubibus similes ait ob velocitatem. Columbas vocat nautas & vectores, qui in navibus veniebant. AD FENESTRAS SUAS, scilicet columbarii.

V. 9. ME ENIM INSULAE EXPECTANT, id est ad me respiciunt, & me lucra sua captant. ET NAVES MARIS. Heb. *naves Tharsis*, id est Carthaginiis. Ex etiam sunt naves maris. In principio. Deest nota similitudinis. Sicut in principio; id est, sicut olim veniebant ad me, ita nunc venire volunt. UT ADDUCAM. Septuag. & Chald. ut adducant in tertia persona, Heb. ad adducendum. FILIOS TUOS DE LONGE. Erant per omnes terras dissipati Iudaei, quo Deus in patriam restituere vult. ARGENTUM EORUM ET AURUM EORUM CUM EIS. *Eorum*, id est filiorum, non venient inopes, sed divitis onusti. Aut eorum scilicet mercatorum, ut offerant illud Deo.

V. 10. IN INDIGNATIONE. Hoc est, cum essem iratus, ad tempus affixi te: nunc rebus mutatis tibi saevo.

V. 11. ET APERIENTUR. Portae semper patebunt, sive propter pacem, sive ob frequentiam advenarum. UT AFFERATUR AD TE FORITUDO GENTIUM, substantia, opes. ET REGES EARUM ADDUCANTUR, ut est veniant ipsi: tanta tui nominis celebritas erit.

V. 12. ET GENTES, scilicet quae non servierint tibi, non se tibi subiecerint, vastando vastabuntur. Quod Noster dixit, SOLITUDINE VASTABUNTUR.

V. 13. GLORIA LIBANI. Optime quaeque trabes ad templi instaurationem. Quae vero sint illae trabes & caedua materia, mox declarat. ABIES ET BUXUS. De nominibus harum arborum non oportet laborare. Chald. & Pagn. cum nostro Interprete consentiunt. Septuag. *cupressum*, *pinum*, & *cedrum* ponunt. ET LOCUM PEDUM MEORUM GLORIFICABO: novis scilicet structuris. In templo habitare putabatur Deus, & pedes super propitiatorium ponere.

V. 14. CURVI, id est demisso in terram vultu venient, qui HUMILIAVERUNT TE. Heb. *afflixerunt te*, scilicet in captivitate. ET ADORABUNT VESTIGIA. Sic Septuag. Heb. & *adorabunt ad plantas pedum tuorum*, aut *incurvabunt se ad plantas*, id est ad tuos pedes se abiciunt. QUID DETRAHEBANT TIBI. Heb. *spemantes te*.

Bib. Sac. Tom. XVII

V. 15. PONAM TE IN SUPERBIAM; in gloriam, in celsitudinem, illustrem reddam. GAUDIUM, id est laetam in perpetuum celsiciem in generationem & generationem.

V. 16. SUGES LAC GENTIUM, id est divitiis & bonis earum frueris. ET MAMILLA REGUM. In mamilla seu ubere est lac. Ergo Regum opes concedam, tibi cedent.

V. 17. ET PONAM VISITATIONEM TUAM PACEM; pro, visitatores, gubernatores, pacificos tibi praeficiam. ET PRAEPOSITOS TUOS. Heb. *excellentes tuos*, id est publicanos, qui solent esse iniqui, ponam IUSTITIAM, id est iustos.

V. 18. ET OCCUPABIT SALUS MUROS TUOS. Heb. *clamabis salutum* (e) *muris tuis*. Salvos fore, qui ad te se receperint. ET PORTAS TUAS LAUDATIO; pro, in portis tuis erit laus, iubilus, tripudium. Memento forum fuisse ad portas. Ergo festos dies ages, sublato omni metu & tumultu bellico.

V. 19. NON ERIT TIBI AMPLIUS SOL AD LUCENDUM. *Lucem* vocat heretiam. Eam Sol non dabit, neque res aliae: solus Deus erit causa laetitiae tuae, in nulla alia re oblectaberis. Ipse erit lux tua, id est decor tuus, id est ipse gloria tua, id est honos. Propter eum te honorabunt aliae gentes.

V. 20. ET LUNA TUA NON MINUETUR. Non patietur vicissitudines quas solet, semper erit plena. Heb. *non colligetur*, senescet, deficiet. ET COMPLEBUNTUR, id est finientur DIES LUCTUS TUI. Non lugebis amplius.

V. 21. POPULUS AUTEM TUUS OMNES IUSTI, scilicet erunt quippe. GERMEN PLANTATIONIS MEAE, seu *virgultum plantationis meae*. Opus manuum mearum, scilicet populus hic, quem ego plantavi & feci, iustus erit. AD GLORIFICANDUM. Heb. *ad gloriam*, scilicet erit, scilicet gloriosus, illustris.

V. 22. MINIMUS, parvus ERIT IN MILLE, id est magna filiorum erit procreatio; e parvis & ignobilibus orientur mille, id est multi, & gens fortis. IN TEMPORE EIUS, in tempore suo faciam haec. SUBITO FACIAM ISTUD. Heb. *accelerabo istud*. Non tardabit haec felicitas quam promitto, cum tempus promissionum advenerit, non procrastinabo.

P p p

MAL-

MALVENDAE.

Verf. 1. **S**URGE, ILLUMINARE IERUSALEM, &c. S. Hieronymus:

Porto nomen Ierusalem, quod hic a LXX. ponitur, in Hebraico non habetur, & obelo praenotandum est. Verum Ecclesia ex LXX.

in Latina Editione, quam authenticam decrevit, haftenus retinuit, eamque in Officio divino publice decantat. Postquam Deus, inquit, se unum auctorem salutis Ecclesiae fore confirmavit propter gloriam suam praecedente capite, nunc demum Ecclesiam comparata hac salute excitat, ut Dei beneficia erga se agnoscat, & iis in sempiternum perfruatur.

Sunt itaque huius capituli tres partes in universum: prima, qua Deus Ecclesiam ad lucem Evangelii perfundendam excitat, tribus versibus: secunda, qua narrat vocationem efficacem, ministerium, & officia gentium ad Ecclesiam confluentium, a vers. 4. ad 15. tertia, qua narrantur beneficia, quae Deus ipse in Ecclesiam ex Iudaeis & gentibus adunatam collaturus est, inde ad finem usque capituli.

Quidam reddunt: I. Surge, lucet, splendet, lucida esto; id est, o Ecclesia, da operam ut vera luce Evangelii perfundaris. II. Surge, illumine, id est aedificare; nam aedificatio & propagatio Ecclesiae, est lux & gloria, quae eam illustrat. III. Surge luce; id est, lucernam sive faciem Evangelii, qua tu illustrata es, gentibus praeter. Illud surge, vel est adhortantis, pro Eia, agendum, &c. more Hebraico; vel Surge a somno peccati & infidelitatis, aut a tenebris calamitatum, & afflictionum, ad lucem fidei, & gratiae & gloriose felicitatis.

QUA VENIT LUX TUUM. Alii: quandoquidem advenit lux tua: Christus, qui idem lux vera est, quae illuminat omnem hominem venientem in mundum. Ioann.

8. 9. ET GLORIA DOMINI, seu Iehova, SUPER TE ORTA EST; id est, gloriosum ministerium Evangelii per Christum, ut ostendit Apostolus II. Corinth. III. 7. & sequentibus, & cap. IV. 4. Alii gloriam Iehova hic Christum accipiunt, qui est gloria Patris.

V. 2. QUIA ECCE TENERRAE OPERIENT TERRAM, ET CALIGO POPULOS. Quidam haec parenthesi includunt; (Nam ecce tenebra operiunt terram, & caligo nationes)

& super te orietur Iehova, &c. id est, adhuc gentes sedent in tenebris ignorantiae Dei, SUPER TE AUTEM ORIETUR DOMINUS, &c. Alii: & super te orietur Iehova & gloria eius super te conspicua erit; id est, hic exortus perfrustrabit gentes alias illustratione Evangelii Christi, ut supra cap. II. 2. & sequentibus: quod sequente versu explicatur. Gloriam Iehova, gloriam miraculorum Christi intelligunt.

V. 3. ET AMBULABUNT GENTES IN LUMINE TUO, &c. Alii hunc versum reddunt: I. venientque gentes ad lucem tuam, & reges ad splendorem tibi exortientem; id est, ad lucem & splendorem Evangelii. II. ut accedant gentes ad lucem tuam, & reges ad splendorem exortum tibi.

V. 4. LEVA IN CIRCUITU OCULOS TUOS.

Alii: Atolle circumquaque oculos tuos, & aspice. Secunda pars, ut diximus in vers. 1. qua Deus per hypotyposin demonstrat quantum repente futurus sit fructus praedicationis Evangelii, nimirum quod concurrere sunt gentes infinito numero, hoc versu & sequente; Deumque in Ecclesia culturæ, & ut ministraturæ, a vers. 6. ad 15. OMNES ISTI CONGREGATI SUNT, VENERUNT TIBI.

Alii: I. omnes isti congregantur venientes tibi. II. omnes isti congregantes se accedunt tibi: vide hoc hemistichium supra cap. XLIX. 18. ET FILIAE TUA DE LATERE SURGUNT. S. Hieronymus: & filiae tuae lac surgunt; unde non dubitant quidam in nostro legere surgunt, & ita ab ipso scriptum putant. Ex Heb. ad verbum;

& filiae tuae super latus creduntur: תמננה rheamanah, quodam plurale, alii singulare faciunt, creditur; id est, unaquaeque filiarum tuarum creditur. Alii reddunt: & filiae tuae ad latus, vel iuxta latus, nutricantur, nutricabuntur, educantur, vel ad latus confirmabuntur, stabilientur, seu ad latus reginarum fovebuntur. Tremellius, & lunius: ad latus nutricantur, vel ad latus tamquam a nutritis apportantur; ut supra cap. XLIX. 22. Possit reddere: & filiae tuae ad latus fideliter nutrientur.

V. 5. TUNC VIDEBIS. תראי thiri, si a ראה raah, videbis: si a ירא iara, timebis. Quidam exponunt: Tunc timebis, &c. Amplificatio elegantissima ad figurandum maximam conculationem gentium, ab eo quod fecerit eventus humanitus: Quemadmodum, inquit, si repente maximas turbas concu-

santes viderit, primum commoveatur animus illius, deinde magis illis confirmatur: ita futurum est ut commovearis præ multitudinem hominum se adjuvantium tibi; & obtupescat animus tuus admiratione, ut Actor. x. 45. Alii: *Tunc videbis*, scilicet multitudinem filiorum. ET AFFLUES. Alii: *I. deinde conflues*; id est, deposito tandem timore, vicissim populis concurrantibus, officio gratulaturæ, atque exceptura, ut Actor. x. 45. & II. 1. & sequentibus. II. *Et diffues*, seu afflues, omni copia bonorum; vel insitit fluminis, qui ripas suas transgreditur; & effluit, late amplificaberis. III. *Et illuminaberis*, splendebis, id est, vultu splendido & hilari eris: nam tristes & moesti dicuntur Hebræis obscuri; vel magno splendore & gloria eris. ET MIRABITUR & ET DILATABITUR COR TUUM. Alii: *I. obtupescet*, & intum erit cor tuum. II. *expavesceat quidem*, sed dilatabitur cor tuum; id est lætitia & caritate erga illos, ut II. Corinth. vi. 11. & vii. 13. QUANDO CONVERSA FUERIT AD TE MULTITUDO MARIS. Alii ex Heb. I. *quod copia maris ad te conversa fuerit*. II. *quando mutabitur erga te fremitus maris*; id est, quando gentes, quæ prius tamquam furens mare perniciem tibi minari videbantur, mutatis animis accedent tibi: ut sequentia verba explicant. Quidam multitudinem maris, exponunt multitudinem insularum, & transmarinarum gentium, quæ ad Ecclesiam confluerant: erant, ut Afros, Græcos, Italos, Hispanos, Gallos, Germanos &c. Nec desunt, qui copiam, divitiis maris interpretentur: sic enim vox *ymon hamon*, sumi videtur Psalm. xxxvi. 16. & Eccles. v. 9. quasi dicat, Transmarinas divitiis invendas in Ecclesiam. FORTITUDO GENTIUM VENERIT TIBI. Hebr. strenuitas gentium venit tibi; vox *vin chail*, omnia ista præfert: vis, vires, robur, exercitus, copia, aui s, opes, facultates, opulencia gentium accedent tibi. Quidam exponunt: Præclarissimi & præstantissimi quoque gentium, ad te venient: sic vers. 11.

V. 6. INUNDATIO CAMELORUM OFFRINET TE. Alii: *I. Abundantia camelorum obrinet te*. II. *Amen camelorum operiet te*, id est terram tuam: sunt autem omnia hæc

allegorice dicta ratione Iudææ, ubi tunc stabat Ecclesia, & ex vicinis regionibus ad eam confluebant. DROMEDARI. דְּרֹמֶדָרִי *bichrah*, semineum, cuius hoc loco ponitur plurale masculinum syntacticum, *Biere*. Nomen animalis, inquit Forsterus, sic appellati a velocitate, quæ alia omnia anteverit; Græci Dromedarium vocant. Chaldaeus paraphrastes vertit, *אִנְיָא יַנְעָא*, *la- Gentem*, id est camelum; alii volent esse nabin, alii camelopardalim, alii iuvenem camelum, qui postquam ablatatur est, dicitur *בְּרָא גְמָלִי*. De nabi & camelopardale, vide Plinium Lib. VIII. cap. xviii. Quidam reddunt: *dromader*. Livius Lib. XXXVII. cap. xl. Et camelos quos appellamus dromades, id est curiosos. Aristoteles Lib. IX. de Historia animalium, cap. 2. vel lxxix. Cameli currunt celerius quam Nisei equi. Saïdas: Nisæum locus est Persidis, ubi nascuntur equi celerissimi, qui vocantur Nisei. Alii vero dicunt esse magnum Mediæ campum, cui nomen est Nisæum. Hic igitur campus equos magnos producit. Horum equorum meminit Lucianus de conscribenda Historia. Diodorus Siculus Lib. III. Numero 125. Camelorum armentis Arabes pascendis vacant, quorum assus ad maximam vitæ negotia illis paratus est. Ex his contra hostem pugnant: horum tergis onera vestant, & expedite cuncta peragunt: horum lac bibunt, ii nutrimenta eis præstant. Dromedaris quoque camelis totam regionem percursant. Philostratus Lib. II. de vita Apollonii cap. ctt. Camelis ad cursum utuntur Indii, iisque uno die mille stadiorum iter faciunt. Scaliger Exercitatione 209. ad Cardanum, §. 2. Camelorum species tres: prima dicitur ab Arabibus, huius proceri sunt ii ac bene surrecti, beneque habiti: an e quadrimum similes: tum mille pondo Italica perit, qui probatissimus septingentorum infla sarcina est. Altera species vocatur beches; ii sunt, quot Aristoteles ait, geminos habere gibbos, Balthianus agnoscit ille. Nonnisi in Asia inveniri, docent historia Africana. Tertia species, *rauaithil*; parvi sunt, atque ad streinas inepti, quare pro equis utuntur, tanta velocitate ac potentia, ut amplius centum miliaria uno die cunctare dicantur: idque paucissimo cito, nullo potu contenti. Dromedaris vocant nostri mercatores. Ergo hic *biere*,

camelos parvos, pullos camelorum, dromadas, dromedarios exponunt, a cursus velocitate; quasi dicat: E variis regionibus Asiaticis, camelis adultis & minoribus ad te munera deferentur. **MADIAN.** Heb. *Midian*: de quo vide in Genes. xxv. 2. ET **EPHA.** Heb. *Ghephah*: populi inter Madianitas a primo Madianis, filio dicti, de quo, Genes. xxv. 4. DE **SABA.** Heb. *Scheba*, cum *Schia* dextro: vide in Genes. x. 7. OMNE PECUS CEDAR CONGREGABITUR TIBI: vel omnes greges *Kedaris*, congregabuntur ad te: de *Kedare*, vide in Psalm. xix. 5. **ARIEUS NABAIOTH**, vel *Nabaiothi*, qui Nabatharis in Arabia Petraea nomen dedit, primogenitus Ithmahelis, Genes. xxv. 13. OFFERENTUR SUPER PLACIBILI ALTARI MEO, ET DOMUM MAIESTATIS MEAE GLORIFICABO. Alii ex Heb. I. & *ascendent super, in beneplacito, altare meum*; id est, sacrificabuntur mihi oves illae, & erunt mihi gratia illa sacrificia: vel & *sacrificabunt super ara*, quae mihi placet, & domum magnificentiae meae decorabo. II. *ascendent in benevolentia altare meum, accepti erunt, cum domum ornatus mei ornabo*. III. *Fortiter: ascendent iuxta acceptionem altaris mei*, &c. id est, quantum quantum altari meo placuerit, vel quantum cupierit, ut voluntas figurate rei inanimatae tribuatur: vel *super acceptionem altaris mei*; id est, super altare mihi acceptissimum & gratissimum: hypallage: sed *רצון רצון*, non est in regimine. Aliqui *Ratzen* hic adiectivum faciunt: *ascendent ad beneplacitum*, vel ad bene gratum, altare meum, id est ad altare meum mihi beneplacitum & gratum; vel substantivae: ad beneplacitum, pro suo beneplacito & bona voluntate: ut exponitur haec vox *Lucas* 11. 14.

V. 8. QUI SUNT ISTI, QUI UT NUBES VOLANT, &c. Alii ex Hebr. *Cuius sunt, iniquis*, istius: verba sunt mimetica: velut rursantis Ecclesiae & obdumescantis ad aspectum tantae propagationis, ut supra cap. xlix. 21. *qui ut densa nubes convolant*, id est confertis agminibus, atque levissimae: nam levitas nubium est propria, ut supra cap. xix. 1. & *velut columbae ad festinas suas* id est columbarum sui; nam columbae quae natura fociales sunt, cum piis, & columbarum cum Ecclesia comparatur.

V. 9. ME ENIM INSULAE EXPECTANT ET NAVES MARIS IN PRINCIPIO. Alii ex Heb. I. *Qua insulae me expectant, vel in me spem collocabunt, & naves marinae ut ab initio*; id est ut primum tempore Salomonis deferabant aurum ex Ophir. II. *Nam me insulae expectabunt, & classes Oceani in primis*. Exornatio praecedentis promissionis vers. 7. qua allegorice demonstrat Deus primum, pios omnes operam consumpturos in ornanda Ecclesia, duobus versibus: deinde Ecclesiam vicissim omnibus apertam fore, vers. 11. postremo hostium alios iudicio Dei perituros, vers. 12. alios vero Deo se tandem, & Ecclesiae ipsius submissuros, utcumque fuerint magnifici, vers. 13. & 14. & *classes Oceani in primis*; id est, primum quidem in me habebunt fidem, deinde vero propter me in ornanda Ecclesia mea laborabunt; & quidem ornanda personis ac rebus suis omnibus pro facultate sua, ut sequentibus versibus explicatur. III. *Quoniam mihi insulae spe intenta erunt, & naves Tharsis*, hoc est magnae & onerariae, cum prima, seu primaria, seu praeiora navi, quae solent alias praecedere, & maior esse, ac ducentiorum classis portare; quasi dicat: Non una aut altera navis, sed multae & integra classis cum sua praesoria, mihi erunt intentae, & parebunt, ad adducendum &c. NAVES MARIS. Heb. *naves Tharsis*: vide supra cap. 11. 16. IN PRINCIPIO. Exponunt, A multo iam tempore. QUIA GLORIFICAVIT TE. Quidam: quando ornabis te, praesentia sua & sanctificatione spiritus per verbum.

V. 10. IN INDIGNATIONE ENIM MEAE PERCUSSI TE; ET IN RECONCILIATIONE MEAE MISERTUS SUM TUI. Alii: cum fervore meo percussit te, & benevolentia mea miseror tui: ut supra cap. liv. 8. & lvii. 16.

V. 12. ET APERTENTUR PORTAE TUAE IUGITER, &c. Alii: Nam apertas tenebunt portas tuas iugiter, &c. nimirum ministri Ecclesiae, quorum opera Deus utitur, ut singulis horis animas lucrifant Christo, & intromittantur in Ecclesiam. UT APERTATUR AD TE FORTITUDO GENTIUM, ET REGES EORUM ADDUCANTUR. Alii: Iam adducam ad te opes gentium, id est bellicosissimas gentes. Hoc impletum est cum Romani adveniti sunt Ecclesiae. II. ut in-

prodacant ad te copias gentium, etiam regibus earum adductis. Vide supra vers. 5. ET REGES EORUM ADDUCANTUR. Hebr. *Reges eorum abducti, abocli*, subaudi erunt, ut more gregum in caulam Domini abigantur, & sancta, liberaque vis vocationis infunditur, iuxta illud Evangelii: *Compelle eos intrare*.

V. 12. GENS ENIM ET REGNUM, &c. Alii hunc verum ex Hebr. exponunt: *Nam gens ipsa & regnum, qua non servient tibi, peribunt, & ha gentes penitus desolabuntur*. Anticipatio obiectionis, quæ oritur ex præcedente versu: At periculum est, dixerit quispiam, ne si portæ iugiter pateant, hostes Ecclesiæ eo facilius in ipsam involent. Minime vero, inquit Propheta, nam aut peribunt illi divinitus, hoc versu; aut sub iugum missi ministrabunt tibi, vers. 13. & 14.

V. 13. GLORIA LIBANI AD TE VENIET, seu perveniet, &c. Exponunt: Id est, per illos tamquam mancipia & servilis operas, præstabitur tibi ministeria omnia, quæ opus erunt ad excolendum te: allegoria sumpta a Nuthinæis servis Schelemonis, & aliis, quorum fit mentio I. Paralipom. ix. 2. & Ezra ii. 43. & vii. 20. & Nehem. iii. 26. Alii allegoriam esse volunt a pulcherrimis arboribus, quæ adhibentur ad ornandum adificium; quasi dicat, Extruxit Ecclesia ex præstantissimis gentibus. AD ORNANDUM LOCUM SANCTIFICATIONIS MEÆ, &c. Alii: ad ornandum, seu decorandum locum sanctuarii mei, id est templum meum, quod est Ecclesia, ut locum pedum meorum colo- nestem, vel ut gloriose prædicem locum pedum meorum, id est Ecclesiam, in qua habito, & ambulo, quæ est scabellum pedum meorum.

V. 14. ET VENIENT AD TE CURVI FILII EORUM, QUI HUMILIAVERUNT TE. Alii: I. Venient autem ad te incurvi, id est demisso in terram vultu, filii eorum, qui se afflixerunt. II. Et adibunt te demittendo, seu demisse filii affligentium te. Et adorabunt vestigia pedum tuorum OMNES QUI DETRAHEBANT TIBI. Alii ex Hebr. I. *Qui præcedens ad plantas pedum tuorum, quicunque te blasphemaverunt, vel qui ante te spernebant*. II. *Qui incurvabunt se ad plantas pedum tuorum quicumque spernebant te*. III. *Qui prosternentur ad*

plantas pedum tuorum omnes inesseñtes, insultantes te, vel insultatores tui. IV. *Qui supplicabunt super vestigia pedum tuorum omnes qui te insultabant*.

V. 15. PRO EO QUOD FUISTI DERELICTA, ET ODIU HABITA, sive exosa, &c. Tertia pars, exponens beneficia quibus Deus ipse Catholicam Ecclesiam suam persecutus est, ut diximus in vers. 1. quæ beneficia generatim promissa hoc versu, sequentibus exornantur. ET NON ERAT QUI PER TE TRANSIRET. Alii: *ad hoc ut nullus pertransires*, per te, quod penitus devallata & deserta esses. PONAM TE IN SUPERBIAM SÆCULORUM, GAUDIUM IN GENERATIONEM ET GENERATIONEM. Alii I. *ponam te excellentia sæculi*: hypallage, pro, contra disponenti tibi excellentiam perpetuam, gaudium cuiusque generationis. II. *claram te reddam in perpeuum, & letam in omnem posteritatem*.

V. 16. ET SUGES LAC GENTIUM: id est, quidquid pingue, opimum, dulce, suave, optimum fuit in gentibus, obrinebis, eo frueris, &c. ET MAMILLA REGUM LACTABERIS. Hebr. *et mammas regum suges*. Vide supra cap. xlix. 23. contra nunc reges, o dedecus! Ecclesiam emungunt & exsugunt. FORTIS IACOBI. Abir Isakobi. Robustissimus, Potentissimus; hic proprium epithetum Dei: vide in Genes. xlix. 24.

V. 17. ET PONAM VISITATIONEM TUAM PACEM. Variè ex Hebr. transferunt: I. *Ponam pro præfectura tua, pacem*; id est, pro illis qui præficiuntur tibi, pro præfectis tuis, dabo tibi homines amantissimos pacis; quasi dicat, Præficiam tibi homines pacificos. II. *Ponam oppressionem tuam pacem*, id est veritatem in prosperitatem. III. *Ponam requisitionem tuam pacem*, vel inquisitionem, officium inquisitionis, quo præfecti tui & rebus, & actionibus tuis inquirent, cum primis pacificum, rectum, integrum. Cuid si recte ad Officium sanctæ inquisitionis salubriter in Ecclesia institutum respiciat? IV. *Ponam tributum tuum pacem*; id est, non solves ultra tributum. V. *Ponam præfecturam tuam pacem*, seu tibi præfectos pacis. VI. *Ponam præfecturam tuam*, vel episcopatum tuum; sic enima hæc vox redditur Psalm. cviii. 8. & id proprie significat, pacem, id est, munus & officium pastorum, epis-

co-

seoporum, magistratum tuorum, pacificum, tranquillum, pacatum, salutem. Quantum sane fuit hactenus numerus sanctissimorum Episcoporum Ecclesiae, qui rem ecclesiasticam divinitus administrant! Et si hæc de magistratibus Ecclesiasticis, & politicis univèrse accipi queant, singulariter tamen in Pontificatum seu Episcopatum Romanum mirifice competunt, quem posuit Deus in Ecclesia pacem; id est, ut pacem inter dissidentes principes, & fideles Ecclesiae componat, ut omnia in pace & tranquillitate contineat, teneatur, conservet; quasi dicat, Supremum Iudicem controversiarum religionis: vel pacem, id est opulentissimum, prosperissimum, fortunatissimum, felicissimum, hæc enim nomine pacis in Scriptura solent designari, adversus quem portæ inferi numquam sunt prævalituræ. ET PRÆPOSITUS TUUS IUSTITIAM. Hebr. & *adactores, exatores, angariatores tuos iustitiam*, id est iustissimos, & æquissimos. Alii: *exatoresque iustitiæ tibi*, subaudi, *imponam*. Prælati Ecclesiae non debent esse exatores tributorum, sed iustitiæ a suis subditis, ut ab iis exigant opera iustitiæ, & ut vitam in sanctitate & iustitia agant.

V. 18. ET OCCUPABIT SALUS MURUS TUOS, &c. *נְסֻחָה Iesugab, salus*. alludit ad nomen Iesuah. Alii reddunt: I. & vocabis salutem muros tuos, & portas tuas laudem; quasi dicat: In muris tuis erit summa pax, in portis vero canentur laudes Deo, non enim audientur clamores hostium. II. *sed prædicabis salutem in muris tuis, & in portis tuis laudem*.

V. 19. NON ERIT TIBI AMPLIUS SOL, &c. Alii hunc versum ex Hebr. reddunt: *Non erit tibi amplius sol in lucem diurnam, & quod ad splendorem noctris, luna non illustrabit te: sed erit tibi Iehova lucis perpetuæ, & Deus tuus ornamnto tibi*.

V. 20. NON OCCIDET ULTRA SOL TUUS, &c. id est, prosperitas tua illustrior futura est luce ipsa solis & lunæ, quam allatura est tibi perpetua præsentia Domini, ut altera pars versus indicat. ET LUNA TUA NON MINUETUR. Hebr. *non colligetur, abscondetur, deficiet, recipiet se, auferetur*. QUIA ERIT TIBI DOMINUS IN LUCEM SEMPERTERNAM, &c. Vide Apocalyp. XXL 23. ET COMPLEBUNTUR DIES LUCTUS TUI. Hebr. & *pacificabuntur, vel finientur, ab-*

solventur, perficientur dies luctus tui. Non male alii: *rependerunt*; nam pro diebus luctus rependerit tibi æternum gaudium.

V. 21. POPULUS AUTEM TUUS OMNES IUSTI, IN PERPETUUM HEREDITABUNT TERRAM. Alii ex Hebr. *Et populares tui, quotquot erunt iusti, in sæculum hereditario iure possidebunt terram, viventium*. GERMINES PLANTATIONIS MEÆ. Variè alii: I. *Virgulum plantationum mearum*; id est, filii tui, seu populares tui edent opera bona, producent fructus bonos, unde homines cognoscent illos esse a me plantatos. II. *ut furculus plantationum eius*. Exponunt, *ut furculus*, id est Christus, cui tamquam furculo a stirpe Davidis, supra. cap. XI. 1. intita sunt Ecclesie membra a Domino: *plantarum*, id est piorum Ecclesie membrorum, qui tamquam malleoli aut taleæ: inoculantur: aut emplantantur in Christo per Spiritum, ut sit Ecclesia una gloriosa in ipso: sic infra. cap. LXI. 3. *eius, nimirum populi, qui nominatus est principio*. vers. Hebraice est duplex lectio, in textu legitur cum *Vnu*, מְצִיגַהּ מַצִּיגַהּ, *plantationum eius*: in margine vero יְצִיגַהּ מַצִּיגַהּ, *plantationum mearum*. OPUS MANUS MEÆ AD GLORIFICANDUM. Alii: I. *opus manuum mearum, ad glorificandum me, sive ut glorificer*. II. *opus manuum mearum ad ornandum me ipsum*. III. iungunt superioribus: *ut furculus plantationum eius opere manuum mearum gloriatur*; id est, ut Christus, cui tamquam furculo inserte sunt plantæ fidelium, benedictione mea gloriatur, sequente versu.

V. 22. MINIMUS ERIT IN MILLE, &c. Hunc versum alii ex Hebr. I. *Parva familia credentium crescet, vel sobolescent in mille, & exigua domus in gentem robustam: ego Iehova accelerabo istud tempore suo*. II. *Parvus erit in millenis, & exiguus in gentem numerosam*. Explicatio præcedentis allegoriæ, fore ut quemadmodum inoculata planta in ramos plurimos diffunditur admirabili Dei operatione, sic piorum etiam minimus in infinitum propagetur: ego Iehova tempore suo accelerabo istud; id est, efficiam ut quamcelerrime Christiana Ecclesia propagetur. Hoc quam vere in unoquoque Apostolorum, & ministrorum verbi, & in sacrum Religionem fundatoribus completum fuerit, facile intelligitur; nimirum enim quisque eorum infinitos Christianos filios genuit.

ME-

MENOCHII.

Vers. 1. **SURGE**; id est, o Ecclesia, o popule in Christo credentium, qui hactenus sedisti in tenebris infidelitatis, & ignorantie, excitare, surge. **ILLUMINARE**: Orientem iustitie solem excipe. **LUMEN TUUM**, &c. Per lumen, & gloriam intelligit Christi presentiam, doctrinam, gratiam, & universam gloriam Evangelii.

V. 2. **TENEBRÆ**: Paganismi, idololatricæ, & aliorum errorum, vitiorum etiam, & peccatorum omnis generis. **AMBULABUNT GENTES IN LUMINE TUO**: Venient gentes ad lucem tuam, ut vertit Vatablus, ut qui sunt in mari, & fluctibus de nocte iaciuntur, ad faciem quam aspiciunt iuxta portum accensam cursum dirigunt. **IN SPENDORE ORTUS TUI**: in splendore solis iustitiæ, qui tibi orietur.

V. 4. **LEVA**: quasi ex specula, ex edito loco, ex monte Sion, in quo posita es. **IN CIRCUITU**: omnes mundi plagas circumspice. **FILII TUI DE LONGE VENIENT**, &c. id est, filii, & filix tuæ ex omnibus plagis longe, lateque patentibus ad te venient. **SURGENT**: ut ad te veniant: quidam legunt *surgent*. In Hebræo est, *iuxta latum nuntientur*. Chald. *super latera portabuntur*. LXX. *super humeros portabuntur*.

V. 5. **VIDEBIS**: cum voluptate. **AERIFLUES**: gaudio, & copia tam numerosæ sobolis. **DILATABITUR COR TUUM**: præ lætitia. **MULTITUDO MARIS**: multæ insulæ, & transmarinæ Gentes, ut Græci, Asi, Hispani, Galli, Itali. **FORTITUDO GENTIUM**: gentes fortes, & validæ, sive præclarissimi & præstantissimi quique Gentium.

V. 6. **INUNDATIO**: abundantia camolorum, Gentes ad Ecclesiam confluentes portantium, & earum divitiarum. **DROMEDARII**: camelæ species ita dicta a cursu velocissimo; cursus enim Græcis *δρῶμα* dicitur. Livius Lib. VII. de bello Macedonico *dromedæ* appellat. **MADIAN, ET EPRA**: regiones sunt trans Arabiam, camolorum facies. **OMNES DE SABA VENIENT**: omnes, id est plurimi, quorum primi fuisse tres Magi Matth. III. 1. Saba regio est sita inter mare rubrum, & sinum Persicum, a bal-

samo, myrrha, palma, celamo; quare appellatur etiam Arabia felix. **THUS**: quod proprium est huius Regionis, quare Virgilius canit:

Indis missis ebur, molles sua thura Sabæ.

V. 7. **OMNE PECUS CEDAR**, &c. Cedar, & Nabaioth regiones sunt Arabiæ, ovibus, & pecore abundantes, ita dictæ a filiis Ismaelis eiusdem nominis. **MINISTRABUNT**: servient tuis usibus, offerentur tibi. **OFFERENTUR SUPER PLACABILI ALTARI MEO**: non tamquam sacrificia iuxta ritum Mosaicum; hæc enim Ecclesiæ tempore erunt abolita, sed tamquam oblationes, & munera. Alludit tamen ad verus altare, & victimas Iudaicas. **PLACABILI ALTARI**, id est placente mihi, & me placante per suas victimas, & oblationes. **DOMUM MAIESTATIS MEÆ**: domus maiestatis Dei olim erat templum, nunc autem est Christi Ecclesia.

V. 8. **QUI SUNT ISTI**, &c. Sunt verba Prophetæ admirantis; quasi dicat: Quam dense stante vento nubes volat per aera, & quam dense columbæ ad nidos revolant, cum ingruit tempestas, tam dense confluent ad re, o Ecclesia, Gentes, & populi. Ita explicat D. Hieronymus. Alii per nubes & columbas accipiunt Apostolos, & prædicatores. Unde LXX. verunt, *sicut columbæ cum pullis suis*; quasi dicant: Sicut Apostoli cum suis discipulis, & fidelibus. Prædicatores appellantur nubes, quia nubes a terra elevatæ roridæ, tonitruque resonant, & fulmina emittunt, &c. Appellantur columbæ propter simplicitatem intentionis, & propter celeritatem volatus, qua se huc illuc conferunt. **AD FENESTRAS SUAS**: columbaria enim in quibus degunt columbæ fenestellis abundant. S. Ambros. Lib. de Isaac & anima cap. IV. per fenestras accipit Prophetas. Columbæ enim, id est sanctæ animæ per Prophetas, & scripturam Scripturam, quasi per ænigmata inveniunt Deum.

V. 9. **ME ENIM INSULÆ EXPECTANT**; quasi dicat: Dixi undequaque ad Ecclesiam advolaturos populos, quia insulani, & transmarini audita Christi, & Ecclesiæ fama, ac gloria ad eam anhélant. **ET NAVES MARIS IN PRINCIPIO**, id est, cum primum insulam audierint de Christo, & Ecclesia ad eum advolabunt. Vel in *principio*

pio idem est quod *præcipue*; LXX. enim vertunt *in primis*; quasi dicat: Præ Iudeis in primis, magisque ardentem expectabunt me naves Tharsis, id est Gentes transmarinæ.

V. 10. ET AEDIFICABUNT, &c. alludit ad muros Ierusalæm, quos Perfarum Reges post captivitatem Babylonicam ædificari curant, sed sub his intelligit principes Gentiles, qui Ecclesiæ faverent. PERCUSI TE: o Ierusalem, relinquendo te ante Christum impiam, & post Christum percussam per Romanos. Vel, generatim alioquitur Ecclesiæ, quam ob peccata fidei delictum, qui in ea sunt, percussit, & percutit, per vexationes infidelium tyrannorum, & hæreticos illi infestos. INRECORDATIONE MEA: quasi dicat, Tibi tamen subinde reconcilior, cum te per poenitentiam assilctam video.

V. 11. APERIENTUR PORTÆ TUÆ UT GITER, &c. Est periphrasis altissimæ pacis, & summæ frequentæ advenientium ad Ecclesiæ. FORTITUDO GENTIUM: vide dicta supra n. 5.

V. 12. SOLITUDINE, id est usque ad solitudinem.

V. 13. GLORIA LIBANI, &c. Alludit ad fabricam templi Salomonis, in cuius usum ligna petita sunt ex monte Libano. Allegoria vero harum arborum intelligit omnia, quæ ad decorem, splendorem, & stabilitatem Ecclesiæ pertinent. LOCUM PEDUM MEORUM; hoc est, Ecclesiæ in terris militentem, quæ est quasi scabellum pedum Dei, in caelesti throno residentis super alas Cherubim: Exod. xxv. 12. & I. Paral. xxviii. 2.

V. 14. CURVI, id est humiles, & venerabundi, supplices, & poenitentes.

V. 15. DERELICTA: contempta, despecta. QUI PER TE TRANSIRET, id est qui ad te accederet, & tibi aggregari auderet. IN SUPERBIAM SÆCULORUM, id est gloriam æternam. LXX. vertunt, *exultationem æternam*. Alii *magnificentiam perpetuam*. GAUDIUM IN GENERATIONEM ET GENERATIONEM: ut scilicet omnes generationes, & sæcula gaudeant se esse in Ecclesiæ, cuiusque bonis frui.

V. 16. SUGES LAC GENTIUM, id est, ut Chaldaeus vertit, *satiaberis divitiis populorum*. MAMMILLA REGUM LACTABERIS. LXX. habent, *divitias regum com-*

des. FORTIS. LXX. *Deus Iacob*. Vel *fortis Iacob*, quia Iacobum, id est Israëlcm sortem efficit, ut luctans cum Angelo ei prævaleret.

V. 17. PRO AERE AFFERAM AURUM, &c. id est, faciam te longe locupletioiorem quam antea. PONAM VISITATIONEM TUAM PACEM. Per visitationem intelligit paternam curam pastoris, sive Principis; hic enim quasi pastor sæpe visitare, & curare debet gregem suum. Immo intelligit ipsum Principem visitantem. Sensus ergo est is quem LXX. expresserunt, *Dabo Principes tuos in pace*, id est pacifice regnantes. IUSTITIAM: iuste præsidentes, & gubernantes.

V. 18. INIQUITAS: iniustitia, avaritia, iniqua iudicia. VASTITAS ET CONTRITIO: vastatio, & contractio ab hostibus illata. IN TERMINIS TUIS: in finibus, in ditione tua. OCCUPABIT SALUS MUROS TUOS: salus, & securitas muros tuos tenebit, nec erunt necessarii excubie militares in alta pace degenti. ET PORTAS TUAS LAUDATIO: laudatio Dei, festusque sonus, & cantus. NON ERIT TIBI AMPLIUS SOL, &c. Hoc est, quod dicitur Apocal. xxi. 23. *Civitas non eget sole, neque luna, ut luceant in ea, nam claritas Dei illuminavit eam*.

V. 20. COMPLEBUNTUR, id est cessabunt.

V. 21. OMNES IUSTI: in celo enim omnes erunt sancti. IN PERPETUUM HEREDITABUNT TERRAM: nemo enim ex caelesti hereditate excidet. GERMINATIONIS MEAE: quia ipsi sunt germen in celo a Deo plantatum. AD GLORIFICANDUM: ut scilicet eos Deus glorificet, & glorificetur in eis.

V. 22. MINIMUS, id est *parva familia erit in mille*, ut vertit Pagnin. id est, parvulus Ecclesiæ furculus plurimos alios germinabit, & producet. ET PARVULUS, &c. est eiusdem sententiae repetitio. FORTISSIMAM. LXX. *magnam*. EIUS, id est suo. SUBITO FACIAM ILLUD. In Hebræo est, *Festinare faciam*, vel *accelerabo illud*; quasi dicat: Brevi hæc Ecclesiæ præstabo, simulque faciam, ut cum fieri coeperint, brevi tempore compleantur.

TIRINI.

Perf. 1. **S**URGE O IERUSALEM e sordibus scelerum, e tenebris ignorantie & errorum; ILLUMINARE; id est, excipe lumen fidei & gratie, Christum solum iustitie: age, fructu celesti luce, qua irradians tu sola in universo orbe: ita Tertullianus, S. Ambrosius, Augustinus, Cyrillus, Procopius, Theodoretus, & alii a Leone Castrio citati.

V. 3. **ET AMBULABUNT GENTES IN LUMINE TUO;** nempe, tu instar speculi hauries prima caelestem hanc lucem; quam deinde vibrabis in reliquum orbem, ipsumque totum illuminabis, & quasi pharus illustri facie corusca, Gentes undique e mari, & e terra ad te trahes, & ad Christum deduces. Ita insinuat S. Paulus ad Ephes. v. 14. & II. ad Corinth. III. vers. ult.

V. 6. **DROMEDARI;** vel, ut alii, *dromades*, pulli sunt camelorum, a velocitate cursu sic dicti: nam *drômos* cursum significat: ita Livius, Plinius a, & alii. **MADIAN ET EPHA** regiones sunt trans Arabiam, camelis abundantes, ita dictæ a *Madian* filio Abrahæ ex Cetura b, & *Epha* filio Madian c. Totaque regio vocatur **SABA**, e qua tres Magi duce stella ad Christum venerunt, Matth. II. ut alibi d dixi.

V. 7. **CEDAR & NABAIOTH** regiones sunt Arabiæ inter mare Rubrum & sinum Persicum, ovibus & alio pecore abundantes, quarum incolæ dicti sunt Cedareni & Nabathæi, a filiis Ismaelis e eiusdem nominis, inquit S. Hieronymus: qui per hæc gentes hic nominatas vult intelligi quasvis alias, quantumvis vagas, barbaras & agrestes: sicut per *aurum*, *thus* & *pecora*, quasvis opes, divitias, metes, munera, aquæ ad cultum Dei cohonestandum, non quidem ut victimæ carnales (iam pridem abolitæ) sed ut pæ oblationes fidelium dicantur Deo, & Ecclesiæ donantur, SUPER ALTARI PLACABILI, id est placente & grato Deo. Nam ad altare & sacrificium Eucharisticum pro dignitate instruendum tendunt omnia fidelium munera quæ Ecclesiæ sunt. Et per ea glorificatur donans MAIESTATIS Dei, id est Ecclesia, in qua Deus gloriam, potentiam, maiestatem suam peculiariter ostendit per tot gratias,

Bib. Sac. Tom. XVII

miracula & dona spiritualia: ita S. Hieronymus, Procopius & alii.

V. 8. **QUA SUNT ISTI TAM MULTI,** tam remoti, tam incogniti populi, qui ad Ecclesiæ gremium UT NUBES VOLANT? ET QUASI COLUMBAE AD FENESTRAS SUAS: Chaldaeæ, ad *celumbaria sua*, quæ foraminibus, seu fenestris plena sunt: ita S. Hieronymus, Ambrosius & alii. Sed idem Hieronymus, itemque S. Augustinus, Gregorius, Rupertus per nubes & columbas accipiunt Apostolos & Apostolicos verbi divini prædicatores, maxime ad Indos, inquit Thomas Bozius: & Fredericus Luminus de Patribus Societatis Iesu nominatim exponit. Ulysses Aldrovandus putat, nomine *columba* etiam alludi ad Christophorum Columbum, qui Europæis iter in Americam primus aperuit.

V. 9. **ME ENIM IN PRINCIPIO;** LXX. in primis, seu præcipue, avidissime, EXPECTANT INSULAE, id est insulari, transmarini, & qui incolunt & tractant NAVES MARIS.

V. 10. **ET AEDIFICABUNT FILII PEREGRINORUM MUROS TUOS;** nempe Cyrus, Darius & Artaxerxes muros Ierosolymæ. I. Esdræ VI. & VII. Et Constantinus, Theodosius, Carolus, alique principes Gentiles opibus suis instruent urbes tuas & templâ. Et Allegorice, viri Apostolici verbo, exemplo, sanguine suo construunt, propagabunt, tuebuntur Ecclesiæ Christi.

V. 11. **APERIENTUR PORTÆ TUÆ IUGITER:** primo, propter pacem & tranquillitatem Ecclesiæ, quæ nullius hostis metu quemquam excludet, aut portas occludet. Secundo, propter ingentem & continuum populorum affluxum tam nocte adversitatis, quam die prosperitatis. Hoc Anagoge applicat Ierosolymæ celesti S. Ioannes Apoc. XXI. 25.

V. 12. **GENS ET REGNUM QUOD NON SERVIERIT TIBI, PERIBIT, ET SOLITUDINE,** id est usque ad solitudinem, *vastabitur*: non raro etiam in hac vita: alludit ad arcam Noe. Exempla suggeret Bozius & Ecclesiasticæ Historiæ, etiam nostrorum temporum.

V. 13. **GLORIA LIBANI,** nempe cedri, abietes, pini, alique arbores odoratæ & solidæ, AD TE VENIET SIMUL, AD ORNANDUM LOCUM SANCTIFICATIONIS MEÆ, id est quem mihi meoque cultui speciatim

Q q q

dedi-

dedicavi, ET LOCUM, seu scabellum, PEDUM MEORUM; nempe Ecclesiam meam militantem in terris, quæ est quasi scabellum pedum Dei, in caelesti throno residentis. Alludit ad arcam fœderis, Exodi xxv. 22.

V. 15. PONAM TE IN SUPERBIAM, id est magnificam sublimitatem *f* SAECULORUM, seu omnibus sæculis, cui nihil simile visum fuerit ullo sæculo: ita Vatablus. Hæc Constantino, Theodosio, Honorio & aliis Imperatoribus Christianis applicat S. Augustinus *g*, Theodosio iuniori eiusque sorori Pulcheriæ Socrates *h*, Iustiniano Evagrius *i*, Heraclio Zonaras *k*, Godofrido Bullonio Tyrius *l*, alii alii.

V. 16. SUGES LAC GENTIUM; Chaldeus, *satiaberis divitiis populorum*, ET MAMILLA REGUM, id est, deitiis, opibus, splendore affibus, ut solent reges, qui etiam erunt nutriti tui, ut dixi cap. XLIX. 23. ita Cyrillus & Procopius.

V. 17. PRO AERE ASPERAM TIBI AURUM. Alludit ad Salomonem *m*, sub quo auri & argenti tanta fuit copia, quanta aris, ferri & lapidum; quasi dicat: Ecclesiam Christi gaudebit affluentia opum Salomoniarum, non solum materialium (quas per universum orbem sparsa Ecclesia longe ampliores possidet;) sed & spiritualium, sapientiæ, doctrinæ, donorum, virtutum, talentorum, quibus multum superat opes Synagogæ, inquit S. Hieronymus & Cyrillus. ET VISITATIONEM TUAM; id est, principes qui te visitant & pascunt, PONAM PACEM, id est faciam pacifice regnare: ET PRAEPOSITOS; LXX. *Episcopos tuos* ponam IUSTITIAM; id est, curabo iuste tibi præsidere; quasi dicat: Loco turbulentum & iniquorum exactorum, qui solent emungere subditos, præficiam tibi Superiores æquissimos & pacis studiosissimos, ut videantur esse ipsa pax & iustitia. Vide, quales velit Deus Episcopos, Pastores & Prælatos suæ Ecclesiæ. Porro ex his fontibus promanabit toti Ecclesiæ sanctitas.

V. 18. NON AUDIETUR ULTRA INIQUITAS IN TERRA TUA: nempe quæ liceat, & publicis legibus imperetur, suadeatur, permittatur, ut ante fiebat. Quamquam hæc, ut & omnia sequentia, magis spectent statum Ecclesiæ triumphantis, ad quem hic Propheta assurgit.

V. 19. NON ERIT TIBI AMPLIUS SOL

PER DIEM, NEC SPLENDOR LUNAE per noctem; id est, non erunt alternantes in vicibus *solis & lune*, neque eclipses, neque decrementa, neque recessus, neque occasus, SED LUX TIBI adrit *semperterna*, nempe DEUS TUUS, hic radiis suæ doctrinæ, favoris & gratiæ continuo te illuminans; in cælo vero lumine gloriæ & beatificæ visionis æternum recreans: ita S. Ioannes Apoc. XXI. 4. & 23.

V. 21. POPULUS TUUS OMNES IUSTI: nemo enim potest esse iustus nisi qui re, vel saltem voto sit de Ecclesia Christi: ita Gabriel Alvarez, qui in hoc distinguit Ecclesiam Christi a Synagoga: quod huius ceremoniis ac ritibus nemo teneretur, nisi qui esset ex posteris Abraham: ceteri si legem solum naturalem observarent, poterant esse iusti & salvari: at publicato Evangelio, ad iustitiam & salutem requiritur etiam observatio legis positivæ a Christo additæ, & ingressus in eius Ecclesiam, solum desiderio, ut iam dixi. IN PERPETUUM HEREDITABUNT TERRAM, etiam hanc materiale: nam Ecclesia Christi durabit non per pauca sæcula, uti Synagoga, sed usque ad consummationem sæculi, & deinceps in æternum.

V. 22. MINIMUS Ecclesiæ furculus ERIT excrescens in mille alios furculos. Unus Petrus, unus Paulus, unus Antonius, unus Benedictus in quot millia? ita S. Hieronymus: & Cyrillus. SUBITO, id est brevi, FACIAM ILLUD; Hebraice, *festinare faciam illud*, IN TEMPORE EIUS, id est ei Ecclesiæ a me præstituto.

- (a) Livius Lib. VII. in Bello Macedon. Plin. Lib. VIII. cap. XLVII.
- (b) Genes. xiv. 2.
- (c) ibid. vers. 4.
- (d) III. Reg. 2. 7.
- (e) Genes. xiv. 23.
- (f) Prov. viii. 18. & Isai. lxi. 4.
- (g) August. Lib. V. de Civ. Dei cap. XLIII. XXV. XVI.
- (h) Socrates Lib. VII. Hist. cap. XLIII.
- (i) Evagri. Lib. IV. cap. xvi. &c.
- (k) Zonaras III. Annal. Byzantin.
- (l) Tyrius de Bello sacro Lib. VI. &c.
- (m) III. Reg. 2. 27.

GORDONI.

Vers. 1. SURGE, ILLUMINARE IERUSALEM, &c. *קוּמִי וְיִירוּשָׁלַיִם*, apud Septuaginta, & quamvis vox Ierusalem non sit in Hebræo, tamen habetur etiam

etiam ex fine capitis LX. vers. 20. & usu Ecclesie in die Epiphanie. Ceterum hæc dici de Ecclesia consensus est Patrum, Hieronymi, Procopii, Cyrilli, Tertulliani, Augusti, Ambrosii, Clementis & aliorum, cum recentioribus: nec debent hæc in sensu literaliter exponi, quasi dicat: Post tenebras en lucem admirabilem per Christi præsentiam, doctrinam, gratiam & Evangelii gloriam: tenebræ operiant terram & Paganos; super te aliter, &c.

V. 6. DROMEDARIUM MADIAN ET EPHA, &c. Dromedarii sunt camelorum puli, dicti dromedarii a velocitate cursus. *סוּסָן cursus* .. Heb. in plurali *בְּכֵרֵי biche*; *גָּמָל gamal*, camelus. Sunt vero horum camelorum regiones feraces, Madian & Ephra: de his regionibus, Arabia, & Saba, dixi III. Regum, cap. x. Cedar est Arabia pars: item & Nabathæi: offerent, inquit. Cedareni & Nabathæi: allusio est ad oblationes Mosaicæ: vide Matth. II. Hæc de vocibus..

V. 8. QUI SUNT ISTI, QUI UT NUBES VOLANT, &c. Velocitatem gentium confluentium explicat per advolantes nubes & columbas. Cetera de regibus & opibus clara sunt: augustiora sane quam ut convenient regno Iudeorum..

V. 12. GENS ENIM ET REGNUM, &c. Gentes Evangelio rebelles castigabit Dominus: historiae plenæ sunt exemplis, de exordio persequentium Ecclesiam. E contra vero (vers. 13.) aliunde bona, decor & gloria, quæ significantur per arbores adoratæ, &c.

V. 15. PRO EO QUOD FUSTI DERELICTA, &c. Verba sunt ad Ecclesiam, &

sicut priora, ita nec ista possunt alteri attribui quam Christianæ, initio quidem contemptæ, sed exurgenti tandem ad immensam gratiam, gloriam, & potentiam. Quod est hic superbiæ sæculorum, Heb. habet *עֲלִיזוּתִים celsitudinem sæculorum*, *יָמֵי גֵעוֹן*..

V. 18. & 19. NON AUDIETUR ULTRA INIQUITAS IN TERRA TUA, &c. Hic sanctitatem Ecclesie declarat & stabilem, ut vere sancta est: atque sensum affurgit ad descriptionem Ecclesie triumphantis usque ad finem capitis. Illud etiam vers. 9. de sublati tenebris, de sole & luna potest suo modo ad Ecclesiam referri militantem, ubi non deficit lumen fidei, nec gratia & sanctitas; aut etiam ad lumen gloriæ in beatis referri potest..

EX EIUSDEM AUCTARIO..

Vers. 6. OMNES DE SABA: Omnes, pluri: ita de Magis: Matth. cap. xi. 1. Saba aromatum ferax, dicta Arabia felix. Est inter sinum Persicum, & mare rubrum..

V. 7. PLACABILI ALTARI; hoc est, placante Deum: domus Dei ut olim templum, sic nunc Ecclesia..

V. 10. FILII PEREGRINORUM, gentium, ut olim Persarum reges post solutam captivitatem..

V. 13. LOCUM PEDUM, Ecclesiam militantem in terris..

V. 22. MINIMUS ERIS IN MILLE. Sic sane Ecclesia a parvis initiis, & ex grano Synapsis arbores proceræ, & pertinent usque ad celum, & sedem beatorum..



C A P U T LXI.

Christi Salvatoris officium, & humani generis reparationem pulchre explicat; predicatione quoque ministrorum Christi gentes ad fidem convertendas; additum de consolatione credentium & gloria ministrorum: Ecclesia laetabunda suam felicitatem mire sibi gratulatur.

Spiritus (a) Domini super me, eo quod unxerit Dominus me: ad annuntiandum mansuetis misit me, ut mederer contriti corde, & predicarem captivis indulgentiam, & clausis aperiorem: 2. ut predicarem annum placabilem Domino, & diem ultionis Deo nostro: (b) ut consolarer omnes luges; 3. ut ponerem lugenibus Sion; & darem eis coronam pro cinere, oleum gaudii pro luctu, pallium laudis pro spiritu mœroris: & vocabuntur in ea sortes iustitiæ, plantatio Domini ad glorificandum. 4. (c) Et ædificabunt deserta a saculo, & ruinas antiquas erigent, & instaurabunt civitates desertas, dissipatas in generationem & generationem. 5. Et stabunt alieni, & pascunt pecora vestra: & filii peregrinorum, agricolæ & vinitores vestri erunt. 6. Vos autem Sacerdotes Domini vocabimini: Ministri Dei nostri, dicetur vobis: Fortitudinem Gentium comedetis, & in gloria earum superbiētis. 7. Pro confusione vestra duplici & rubore, * laudabunt partem suam: propter hæc in terra sua duplicia possidebunt, lætitia sempiterna erit eis. 8. Quia ego Dominus diligens iudicium, & odio habens rapinam in holocausto: & dabo opus eorum in veritate, & sædus perpetuum seriam eis. 9. Et scient in Gentibus semen eorum, & germen eorum in medio populorum: omnes qui viderint eos, cognoscem illos, quia isti sunt semen, cui benedixit Dominus. 10. Gaudens gaudebo in Domino, & exultabit anima mea in Deo meo: quia induit me vestimentis salutis, & indumento iustitiæ circumdedit me, quasi sponsam decoratum corona, & quasi sponsam ornatam monilibus suis. 11. Sicut enim terra profert germen suum, & sicut hortus semen suum germinat; sic Dominus Deus germinabit iustitiam & laudem coram universis Gentibus..

(a) Luc. 10. 18. (b) Matth. v. 5. (c) Sup. 19. 11. 12.

B R U G E N S I S.

ROMANA CORRECTIO..

Vult. 7. *Laudabunt partem suam.* Correctores

dederunt pronomen reciprocum *suam*, pro eo quod alii legunt *eorum*.

COM.

COMMENTARIA

MALDONATI.

Vers. 1. SPIRITUS DOMINI SUPER ME:
ut supra cap. xi. 2. *Et requie-*

scet super eum Spiritus Domini, spiritus sapientie, & intellectus. Eo quod UNXIT ME, unxit enim me: *יָצַי*, vel, *ut ungeret me*; quasi dicat, Non unxit me Deus oleo, sed Spiritu sancto, ut veteres interpretantur, & D. ipse Petrus Act. x. 38. *Vos scitis quomodo unxit eum Deus Spiritu sancto & virtute.* AD ANNUNTIANDUM MANSUETIS. Septuag. *ἐμπατισαὶ τοὺς πταχῆτας*: quorum versuionem secutus est Christus, aut certe Lucas Græce loquens cap. iv. 8. *Evangelizare pauperibus misit me.* Sed idem est sensus; pauperes enim mansueti vocantur, quia mitiores esse solent, nisi dicamus Septuag. *ἐγείναι*, *pauperes*, pro *ἐγείναι*, *mansueti*. UT MEDERER: *רָחַשׁ*, *ad allicandos contritos corde*, id est ad curandos, ad consolandos; metaphora sumpta ex plagis, quod ut curentur ligari solent. UT PRAEDICAREM CAPTIVIS INDULGENTIAM, id est libertatem, facultatem abundi: *רָוַי*. ET CLAVIS APERTIONEM. *וְיִסְמְרוּן פֶּתַח קוֹחַ*, *& vinculis apertionem carceris.* Hoc Christus fecit, qui & iis qui in carcere erant spiritibus prædica- vit, ut ait Petrus I. Epist. cap. iii. 19.

V. 2. UT PRAEDICAREM ANNUM PLACIBILEM, id est tempus redemptionis humanæ, quo tempore per Christi mortem Deus hominibus placatus est: quam D. Paulus vocat plenitudinem temporis, Gal. iv. 4. *tempus accerabile, & dies salutis.* II. Cor. vi. 2. ET DIEM ULTIONIS DOMINO: diem ultionis vocat eundem, quem placabilem, quia quo die hominibus Deus placatus est, eo die adversarium diabolum ultus est.

V. 3. UT PONEREM, id est darem, CONSOLATIONEM LUGENTIBUS SION. Sionis in genitivo, ut Hebraice est. ET DAREM EIS CORONAM, vel, *gloriam*, *כִּסֵּי כְּבוֹד* CINE- RE, id est lætitiā pro luctu. Scitum est consuevisse Iudeis in rebus adversis cinere caput aspergere; in rebus autem lætis corona redimiri: atque hoc est quod dicit, se il- lis pro cinere coronam daturum. Est au-

tem Hebraice pulchra paranomasia, quæ Ia- tine exprimi non potest, inter *כִּסֵּי*, *cine- rem*, & *כְּבוֹד*, *coronam*, qua ipsa littera- rum transpositione significat rerum conver- sionem in melius. OLEUM GAUDII. Idem alia periphrasi declarat: solebant enim in lætitiā ungi oleo. PALLIUM LAUDIS, id est intimam animi voluptatem: hac enim phrasi intimam coniunctionem significare solent Hebraei, ut cum dicunt, indui con- fusione, Psal. xxxiv. 26. indui fortitudine, Psal. xcii. 1. & *Induit maledictionem sicut vestimentum*: Psal. cviii. 18. ET VOCABUNTUR IN EA; *וְהָיוּ*, *inter eos*, aut *vo- cabunt eos*. FORTES IUSTITIAE, id est qui in iustitiā constantes sunt. Alii, & *voca- cabuntur* *וְהָיוּ חֲזָקִים*, *arbores iustitiæ*, ET PLANTATIO DOMINI, id est homines pro- ferentes iustitiæ fructus, quos Dominus pri- mum prædestinando, deinde vocando quo- dam modo plantavit, ut sup. cap. ix. 21. AD GLORIFICANDUM, id est ut Dominus glorificetur, quia *Mirabilis Deus in sanctis suis*: Psal. lxxvii. 36.

V. 4. ET AEDIFICABUNT DESERTA A SAECULO, id est loca iam olim deserta: vel, *וְהָיוּ עֲרָבִים*, *deserta sæculi*, id est videbantur reedificari non posse, sed per- petuo deserta futura esse, ut sup. cap. lviii. 12. Prior senius melior, quia continuo se- quitur, ET RUINAS ANTIQVOS ERIGENT, quæ omnia historice quidem ad restauratio- nem templi & Ierosolymitanæ urbis post captivitatem Babyloniam referri debent; mystice vero, ad spiritalem per Christum Ecclesiæ renovationem. ET DISSIPATAS, *וְהָיוּ*, *וְהָיוּ*, *וְהָיוּ*, *& dissipationes generatio- nis & generationis*, id est multorum sæculorum ruinas.

V. 5. ET STABUNT ALIENI; id est exi- sent, presso erunt, reperientur alieni. Si- gnificat Gentiles, qui prius alieni inimici- que Ecclesiæ erant, futuros esse obsequen- tes Ecclesiæ: quod obsequium corporalis ministerii exemplo declarat.

V. 6. VOS A-TEM; id est, omnes Iu- dæi facti Christiani, ut ait D. Petrus I. Epist. cap. ii. 9. *Vos autem tunc sancti, regale sacerdotium.* Prædicit ergo fore ut om- nes Christiani sacerdotes sint; non quod non

non sint aliqui a ceteris distincti, quibus hoc nomen proprie conveniat, quique incrementum corporis, & sanguinis Christi sacrificium offerant; sed quod omnes Christiani accepto Spiritu sancto in Sacerdotes quodam modo uncti sint, ut laudis offerant sacrificia: Gentiles autem in rebus temporalibus illis asserviant. **MINISTRI DEI NOSTRI**, DICETUR VOBIS; id est, nomen vestrum erit, Ministri Domini. **FORTITUDINEM GENTIUM COMEDETIS**, id est substantiam, optima, quæque, sicut supra cap. LX. 16. *Et suges lac gentium & mammillaregum lactaberis*. **ET IN GLORIA EORUM**, id est eorum divitiis gloriabimini. תְּהִירוּ, exultabitis..

V. 7. PRO CONFUSIONE VESTRA DUPLICI ET RUBORE, LAUDABUNT. Mutatio personæ, pro, laudabitis, id est, gloriabimini parte eorum, id est Gentilium possessione; quasi dicat, Pro duplici, id est multiplici ignominia, qua a gentibus affecti estis, eorum possessionibus fruamini. Alii, *Pro confusione vestra*, מִשְׁחָה duplex (sub. præmium recipietis). & (pro) rubore exultabitis parte eorum; quod valde convenit cum sequentibus: **PROPTER HOC IN TERRA SUA**; pro, eorum, id est Gentilium, **DUPLICIA**, id est multiplices opes, possidebunt, pro, possidebitis. **LAETITIA SEMPERITÆRNA ERIT EIS**, id est vobis.

V. 8. DELIGENS IUDICIUM, id est iustitiam. **ET ODO HABENS RAPINAM**, id est iniustitiam, rem omnem iniuste acquisitam: opponit enim rapinam iudicio. **IN HOLOCAUSTUM**, id est quamvis mihi in sacrificium offeratur. **ET DABO OPUS EORUM**; id est, reddam debitam operi eorum mercedem, quia iudicium & iustitiam diligo. **IN VERITATE**, id est sine ulla fraude. **ET FOEDUS PERPETUUM FERIAM**; id est, renovo aut perpetuo fardus quod iam olim pepigi cum Abrahamo, Gen. xxvi. 4. fore, ut in semine eius benedicerentur omnes gentes, ut statim explicat.

V. 9. ET SCIETUR; id est, nobile erit inter gentes semen eorum, **ET GERMIN EORUM**, id est posteri, nepotes.

V. 10. GAUDENS GAUDEBO. Heb. id est, valde gaudebo: epiphonema est, quo Prophetæ utitur Eccl. xii. persona. **QUIA INDUIT ME VESTIMENTIS SALUTIS**; id est, contulit mihi perpetuam & nunquam perituram salutem, quemadmodum vestimen-

tum nunquam a nobis separatur: hanc metaphoram indumenti sup. vers. 3. & multis aliis locis explicavimus.

V. 11. GERMINABIT IUSTITIA: גֵּרְמִינָה, *germinare faciet iustitiam*, id est crescere, abundare. **ET LAUDEM** (passive) id est, laudationem sui, materiam laudandi sui hominibus suppeditabit.

S. A.

Vers. 1. SUPER ME. VOX CHRISTI. EO QUOD. LXX. cuius causa.

UNXERIT, id est replevit gratia. **AD ANNUNTIANDUM**, &c. LXX. *Evangelizare pauperibus misit me, sanare contritos corde, predicare captivis remissionem, & cæcis visum, & vocare annum Domini acceptum, & diem retributionis*, &c. Vide Lucæ iv. **INDULGENTIAM**. Chald. *libertatem*. **CLAUSIS**. Chald. *vinculis*. LXX. *cæcis*. **APERITIONEM**, scilicet carceris peccati. LXX. *visum*, seu *visus restitutionem*.

V. 2. PLACABILEM, id est reconciliationis. **DOMINO**; pro, Domini. **ULTIONIS**, scilicet in reprobus die iudicii. **DEO NOSTRO**; pro, Dei nostri.

V. 3. SION, id est Sionis, vel in Sion, vel Sionem; quasi dicat, Ex desiderio celestis patriæ. **CORONAM PRO CINERE**, id est gloriam pro abiectioe. **OLEUM**; quasi dicat perfusionem. **PALLIUM LAUDIS**; quasi dicat, Operiam, seu ornabo laude. LXX. *habitum gloriæ*. **FORTES**. Chald. *principes*. **IUSTITIAE**, id est per iustitiam. **GLORIFICANDUM**, scilicet Deum. LXX. *gloriam*.

V. 4. DESERTA, scilicet Dei cultu. **A SAECULO**, id est longo tempore. **IN GENERATIONEM ET GENERATIONEM**, id est diutissime.

V. 5. ALIENI, scilicet olim a fide. **PASCENT**, &c. quasi dicat, Erunt prælati vestri.

V. 6. VOS, scilicet o Apostoli, seu prælati. **FORTITUDINEM**. Chald. *divitias*. **SUPERBIETIS**, id est eritis gloriosi. Chald. *letabimini*. LXX. *eritis admirabiles*.

V. 7. DUPLICI, id est magna. **PARTEM**, id est sortem, scilicet ministerium prælatorum, & gradum. **TERRA SUA**, id est cælo. **DUPLICIA**, id est corporis & animæ bona, vel quasi dicat, maxima.

V. 8. OPUS. Chald. *mercedem operum*. **IN VERITATE**, id est fideliter.

V. 9.

V. 9. SCIENT. Chald. *magnificabitur*. SEMEN, id est filii. GERME. Chald. & LXX. *nepotes*.

V. 10. GAUDENS, &c. Vox Ecclesiae. IUSTITIAE. LXX. *laetitia*.

V. 11. GEAMINABIT. Chald. *revelabit*. LXX. *prophetat*.

EST II.

Vers. 1. SPIRITUS DOMINI SUPER ME, EO QUOD UNXERIT DOMINUS ME. Quo pertineat haec prophetia, manifestissime docemur ex Evangelio: nam Lucae iv. legitur Christum in synagoga accepto libro Isaiae, incidisse in hunc locum, ubi scriptum erat: *Spiritus Domini super me, &c. eoque testamento perfecto, dixit: Quia hodie impleta est haec scriptura auribus vestris: & omnes testimonium ipsi dabant*. Certum igitur est testimonio ipsius veritatis hanc prophetiam ad Christum pertinere. Eiusque hoc totum: *Spiritus Domini super me, eo quod unxerit me Dominus*, intelligendum, secundum hominem assumptum: nam secundum divinitatem neque unctus erat, neque spiritus Domini super eum erat; sed potius a Patre & Filio procedit ab aeterno ipse Spiritus sanctus, & temporaliter ad homines mittitur ab eisdem. Notandum vero quod unum hic sit alterius expositio: nam ideo dicitur spiritus Domini super eum, quia unctus est spiritu sancto, sicut Petrus Act. x. de Christo loquens ait: *Hunc unxit Deus spiritu sancto & virtute*. Hoc ergo ista phrasi significatur, Christum hominem gratia Spiritus sancti largissime & copiosissime fuisse perfusum, de cuius tamquam capitis plenitudine cetera omnia membra participarent, sicut Ioannes dixit cap. i. sui Evangelii: *Et de plenitudine eius nos omnes accepimus*.

AD ANNUNTIANDUM MANSUETIS MITTE ME. Septuaginta veterunt, *evangelizare pauperibus misit me*, quomodo etiam citat hunc locum Lucas dicto cap. iv. secutus versionem Septuaginta. Igitur per mansuetos & pauperes iidem sunt intelligendi, illi videlicet, qui spiritu pauperes, id est humiles miseriam suam, iniquitatem, & ignorantiam agnoscunt, & consolatorem ac liberatorem expectant: non quod gratiam Christi in homine praecedat aliqua man-

ifestudo vel paupertas spiritus, quae non sit ab hac gratia; sed quod praedicatio exterior ipsius Evangelii sine hac occultae animi preparatione non fructificet. Pendet enim haec occulta preparatio etiam ex munere Dei. Simile quid est Psalm. xxiv. *Diriget mansuetos in iudicio, docebit mites vias suas*. Quidam dicunt vocem Hebraeam etiam significare afflictos. Quod verum est de afflictione cordis, id est tristitia de suis malis; ut in proposito, de servitute peccati. Hos Scriptura etiam vocat contritos corde.

MARIANAE.

Vers. 1. SPIRITUS DOMINI SUPER ME. Hoc Christus de se explicat Lucae iv. 18. EO QUOD UNXERIT DOMINUS ME. Hebr. *ideo unxit me*. Cum unctione venit spiritus. AD ANNUNTIANDUM MANSUETIS. Quare mansuetis? quia in tumultu verbum Dei non auditur. UT MEDERER. Hebr. *ut alligem*, scilicet vulnera: id est *mederi contritos corde*. ET PRAEDICAREM CAPTIVIS INDULGENTIAM. Hebr. *libertatem*. ET CLAUSIS APERTIONEM. Hebr. *vinculis apertionem carceris*.

V. 2. UT PRAEDICAREM ANNUM PLACIBILEM DOMINO. Hebr. *annum voluntatis Domini*, id est quo Deus facit suam voluntatem vindicando iniquos. Aut *placabilem*, id est reconciliationis. UT CONSOLARER OMNES LUGENTES, id est oppressos. Solamen miseris est, iniquorum vindicta.

V. 3. UT PONEREM LUGENTIBUS SION; pro, in Sion. Quid poneret? quod sequitur. ET DAREM EIS CORONAM PROCIERE. Sic Chald. alii *gloriam pro cinere*, id est ornamentum. Coniunctio & Hebr. non est. OLEUM GAUDII, id est mentis gaudium. PALLIUM LAUDIS. Hic laus sumitur pro iubilo. Iubilo ut pallio operitur. ET VOCABUNTUR IN EA. Hebr. *vocabuntur eis*. FORTES IUSTITIAE, aut arbores iustitiae, id est homines iusti. PLANTATIO DOMINI AD GLORIFICANDUM, ad gloriam, id est gloriosa, decora plantatio: nempe, manu Dei: sic vocabitur.

V. 4. ET AEDIFICABUNT DESERTA A SAECULO, id est ubi nulla umquam fuerunt aedificia, ibi urbes construent propter hominum multitudinem. ET INSTAURABUNT

BUNT CIVITATES DESERTAS. Hebr. *desolatitas, everfas per multa facula*. Id significat, DISSIPATAS IN GENERATIONEM ET GENERATIONEM.

V. 5. ET STABUNT ALIENI. Alienigenæ vestri ministri erunt.

V. 6. SACERDOTES DOMINI. Alia cura soluti solum vacabitis Deo. DICETUR VO-
BIS, id est vocabimini Ministri Domini. FOR-
TITUDINEM GENTIUM COMEDETIS, divitias. ET IN GLORIA EARUM. Orna-
mentum, ædificia vocat gloriam gentium. SUPERBIE-
TIS. Chald. *latrabimini*, seu *exul-
tabitis*.

V. 7. PRO CONFUSIONE, id est pudore. DUPLICI, id est ingenti. ET RUBORE, LAUDABUNT PARTEM SUAM. Locus difficilis. Sic Hebr. verto: *Et pro ignominia (ob quam) inibilarunt (in) parte sua (id est in regione sua hostes) propter hoc duplicia (id est multa) possidebunt (Israelitæ) in terra sua (id est Gentium.)* Hoc refertur ad id quod dixerat: *Divitias Gentium comedetis*.

V. 8. IN HOLOCAUSTO; pro, etiam in holocausto, odi rapinam iniquorum, etiam si is qui rapuit, illam mihi offerat. ET DABO OPUS EORUM Israelis, id est mercedem operis eorum, iustorum scilicet. IN VERITATE, seu in fide, vere & fideliter, dabo quæ merentur.

V. 9. CUI BENEDIXIT DOMINUS, id est magnis beneficiis affectus. Ex iis donis cognoscentur inter Gentes quasi notis quibusdam signati.

V. 10. GAUDENS GAUDEBO. Verba sunt populi, cui Deus tanta beneficia contulit. QUIA INDUIT ME VESTIMENTIS SALUTIS, id est salute, ut vestimento: copiosam salutem contulit. QUASI SPONSUM DE-
CEGRATUM CORONA. Hebr. *quasi sponsus magnificat gloriam*, id est vestes fuit pretiosas nuptiarum tempore. ET QUASI SPON-
SAM ORNATAM MONILIBUS SUIS. Hebr. *quasi sponsa ornat vasa sua. Vasa promonilibus*. Hicronymus sententiam expressit.

V. 11. DEUS GERMINABIT IUSTITIAM, id est opera iusta & laudabilia per suos faciet Deus coram omnibus. Is est ornatus populi, ea est Dei gloria, id germen, & semen.

M A L V E N D A E.

Vers. 1. SPIRITUS DOMINI SUPER ME, SE-
O QUOD UNXERIT DOMI-
NUS ME, &c. Quidam reddunt: *Spiritus Domini Iehovi est super me, eo quod unxit Iehova me ad evangelizandum mansuetis*, &c. Hac concione, inquirunt, quæ duobus capitibus comprehenditur, quam Christus per Prophetam habuit, exponuntur tria: primum est, quæ fuerint dona & vocatio Christi, verbis quatuor primis huius capitis; secundum, quæ operatio, reliquo hoc capite, sive usque ad vers. 10. tertium, quæ functio sive administratio ad præstandum operationes suas, ex dono, & vocatione Dei, toto capite LXII. sive a vers. 10. huius capitis, usque ad finem capitis LXII. Quæ tria ab uno & eodem Spiritu præstari docet Apostolus I. Corinth. XII. 4. & sequentibus: in Christo quidem absolutissime, ut qui Spiritum sine mensura accepit; in aliis vero pro demendo donationis Dei. Hæc autem de Christi persona esse, non de alio propheta ullo, res ipsa commonit meridie clarius: nam his verbis, *Spiritus Domini est super me*, plenitudinem Spiritus sibi asserit, ex qua accipiunt omnes, Ioan. 1. 16. illis vero, *eo quod unxit me*, &c. vocationem plenam similiter arrogat sibi, qua singulares aliorum omnium vocationes nituntur, ut ipse Christus docuit Matth. xxviii. 18. Vide Lucæ iv. 18. & sequentibus, ubi Christus hanc prophetiam de seipso discrete interpretatur. Quod vero hic nomen *Iehovi* quidam essent, vide in Genes. xv. 8. EO QUOD UNXERIT ME: Hebr. *eo quod unxit Iehovah me*. Exponunt, quasi dicat: Non me inermem, aut imparatum a rebus necessariis mittit Deus, sed ut mitteret, prius instruxit Spiritus plenitudine. Est enim *ungendi* verbum hic sumptum metonymice, ut Psalm. XLIV. 8. & alibi sæpe. AD ANNUNTIANDUM MANSUETIS MISIT ME. Illud, *misit me*, quidam superioribus nectunt; alii sequentibus, quod commodius videtur: *misit me ad alligandum confractos*, &c. Quidam hic vertunt: *ad annuntiandum*, seu *evangelizandum mansuetis*; vel *ut evangelizem inopibus*, seu *ope & auxilio destitutis*. Alii: *misit me ut lata annuntiem mansuetis*, Constructio Hebraica.

braica est cum accusativo: *ad evangelizandum afflictos*, vel *mansuetos*; id est, ad donandum, vel impetruendum, seu ornandum afflictos Evangelio ipso: qui est augustinus lentus. Quo respectu videtur Interpretes Graecos Matth. xi. 5. *Pauperes evangelizantur*; id est, donantur Evangelio. UT MEDERER CONTRA ITIS CORDE. Varie alii ex Hebr. I. *ad obligandum contritos corde*. II. *ut obliuiscerem*. III. *ad superalligandum fractis corde*, subaudi, vulnera, vel ulcera. IV. *ut inducerem superalligationes contra fractis corde*. V. *ad ligandum fasciis fractos corde*. VI. *ut obligem vulnera corde contritorum*. VII. *ad obligandum fractos animos*; id est, ad curandum mortales, liberandum, & reconciliandum Deo: quo spectant omnes illar allegorice loquendi formae, quae mox sequuntur. Nam praesens allegoria sumpta est a chirurgis, qui fasciis fracta & contusa curationis causa alligant. ET CLAUSIS APERTIONEM. Hebr. & *ligatis*, *vinclis*, *apertionem*. חֶקֶחֶק phakach koach, plerique unam dictionem faciunt, geminatis duabus radicalibus קֶחֶק & חֶקֶח, qua duplicatio omnimoda, plena, & latissima apertio, seu liberatio significetur, qua omnia patent, nunqua oculis verteris. Alii distinctam vocem faciunt חֶקֶח koach, id est *cavet*, *captura*, אֶלֶקֶח lakach; redduntque: & *vinclis* apertionem carceris. Quidam reddunt: & *vinclis*, sive *constrictis* apertionem ergastuli.

V. 2. UT PRAEDICAREM ANNUM PLACABILEM DOMINO. Hebr. *ad proclamandum annum beneplaciti, benevolentiae, bonae voluntatis, acceptationis, gratiae, favoris ipsi Iehovah*; id est, annum Deo acceptissimum, gratissimum, iucundissimum, hoc est tempus Evangelii, redemptionis, gratiae per Christum. Lucas iv. 19. reddidit, annum Domini acceptum: secutus nimirum LXX. Interpretes. ET DIEM ULTIONIS DEO NOSTRO. De qua cap. LIX. 18. & 19.

V. 3. UT PONEREM LUGENTIBUS SION. Quidam subaudiunt: *ad consolationem adhibendam lugentibus Zionis*. ET DAREM EIS CORONAM PRO CINERE. Hebr. *ad dandum eis decorem, ornatum, gloriam, pro cinere*, vel loco cineris, id est luctus, metonymice a signo, ut supra cap. LVIII. 5. Est autem paronomasia, פֶּהֶר phear, er-

Bib. Sac. Tom. XVII.

natus, & פֶּהֶר epher, cuius: quibus solent uti Isaias. PALLIUM LAUDIS, vel *amictum laudis*; id est, splendidum, gloriosum, elegans, pretiosum opertorium, seu indumentum. PRO SPIRITU MOERORIS. Hebr. *pro spiritu obscuro, caligante, caliginoso*, id est perturbato; vel *pro spiritu constricto, restricto, rugoso, brevato, debili*. Quidam: loco spiritus contracti; id est, qui praeconscientia malorum suorum angustus atque abiectus est: contra cum liberatur ex angustis animus, dicitur dilatare, ut Psalm. CXVIII. 32. ET VOCABUNTUR IN EA PORTES IUSTITIAE. Hebr. & *vocabuntur eis*, vel *ut vocentur illi, illic*, seu *querens iustitiae*; id est, Tamquam arbores, in Christo iusti firme radicentur per fidem, & in iustitia ac sanctificatione Spiritus ambulantes per Christum, in Ecclesia pro plantis Dei habeantur, & ab exteris quoque praedicentur, fructum, quos protulerint, nomine; ut I. Timoth. III. 7. אֵלֶים elim, *fortes*, & *querens*, *illic*, seu *alios*, aut *alios* possumus accipere: vide supra cap. LVII. 5. quae significatio sequentibus magis convenit. Potes vertere: & *inletur nomen eis, Dii iustitiae*; id est dicentur dii & filii Dei, Ioan. I. 12. & 13. PLANTATIO DOMINI AD GLORIFICANDUM. Alii ex Hebr. I. *plantatio Iehove ad glorificandum me*, vel *ut glorificem me in illis*. II. *ut planta Iehove glorietur*; quae in Christum tamquam in truncum educatum ex furculo, fuerit insita a Deo; ut supra cap. LX. 21.

V. 4. ET AEDIFICABUNT DESERTA A SAECULO, &c. Alii hunc versum ex Hebr. convertunt: I. *Et aedificabunt desolationes perpetuas, vel longi temporis, praesens solitudines erigent, urbesque vastatas reficient, solitudines aetatis & aetatis, seu multorum saeculorum*. II. *Ut aedificent desolationes antiquas*; id est, ut inflarent Ecclesiam Dei, allegorice: quo etiam spectant allegorice sequentes: *solitudines praesens restituant, renouentque civitates desolatas, solitudines multarum generationum*.

V. 5. ET STABUNT ALIENI, ET PASCENT PECORA VESTRA, &c. Sensum huius versus ita quidam concipiunt: Id est, Surgent, qui prius alieni erant a fide, & venient ad fidem, eruntque vicarii vestri, o Apostoli, in pascendo grege dominico, colendoque agro & vinca Dei. Alii: Nam

Rrr

astan-

astantes extranei pascunt greges vestros, & alienigenae agricola erunt vestri, & vinivores vestri. Secunda pars capituli, ut dictum est in vers. 1. de operatione Christi in Ecclesia, nimirum fore ut hostes ipsi ministrent Ecclesiae, & Ecclesia ministret Deo, ac proinde omnia honorum genera benedictione Dei consequatur: sic I. Corinth. 111. 22.

V. 6. *PARTITIVNEM GENTIUM COMEDETIS.* Hebr. *Stravitataia*, virtutem, volut, copias, facultates, opes gentium comedetis. Quidam: *Opibus gentium fruamini.* Primum benedictionis genus, nimirum ius & auctoritas Ecclesiae vindicata per Christum in res omnes creatas, quae per antithesim miseri & ignominiosi status praecedentis illustrantur sequente versu. *ET IN GLORIA EARUM SUPERBIETIS.* Alii ex Hebr. *& in gloria eorum exaltabimini*, vel *gloriamini*, vel *pradicabitis* vos, seu *oblectabitis* vos ipsos. Nonnulli: *& gloria eorum summe effertis vos.*

V. 7. *PRO CONFUSIONE VESTRA DUPLICI*, &c. Diversimode hunc versum ex Hebr. effertur: I. *Pro pudore vestro duplici*, & ignominia laudabunt partem eorum, vel *gloria inquam*, ex praecedente versu, ad pudorem vestrum duplicata, & loco ignominiae extollet portionem eorum: ideo in terra eorum duplicia possidebunt, letitia sempiterna erit eis. II. *Pro pudore vestro erit vobis duplex*, vel *duplicia*, duplicem mercedem recipietis, & pro ignominia exultabunt de portione eorum. Enallage personae, pro, exultabitis de portione vestra, vel vocem *is-tam* edetis in parte vestra, id est in possessione vestra. III. *Pro confusione vestra*, qua scilicet afficiemini ab hostibus, *duplex erit premium*, vel duplicem honorem consequemini, & pro ignominia vestra iubilabunt de portione sua, vel in sorte sua, seu parte, id est in episcopatu suo, seu dioecesi aut regione, quam formandam & instituendam suscepint: propterea in terra sua, caelesti Ierusalem, duplicia possidebunt, & sempiternum gaudium erit eis. IV. *Pro eo, quod pudorem vestrum duplicem*, id est, quo plus satis perfusi estis: sic blande parit Deus Ecclesiae suae, & honorifice loquitur, ut supra cap. IV. 2. *& ignominiam cantabant* portionem esse, scilicet Iudaeorum, qui tum erant Ecclesiae Dei: apostrophe a secunda persona ad tertiam: id-

circo in terra illarum, gentium, *duplicem ha-*reditario iure possidebunt, id est abunde, plus satis: numerus finitus pro infinito: *letitia perpetua iis futura est.* V. Hispanicus Interpres: *En lugar de vuestra verguença doble, y de vuestra deshonra, os alabaran en sus hereditades: por igual en sus tierras poseerán doblado, y auran gozo perpetuo.* LAUDABUNT. Hebr. *granulatorie as-*clamabunt, iubilabunt, exultabunt, ova-bunt, praconizabunt, seu praconia dicunt, cantabunt.

V. 8. *QUIA EGO DOMINUS DILIGENS IUDICIUM*, &c. Alii: *Quia ego Iehova amo ius*, &c. Secundum benedictionum genus, fore ut Deus sacras perpetuum in Christo ineat cum Ecclesia, & omnis caeremoniis legis cultum spiritualem & verum instituat in Ecclesia sua, adeoque inscribat utrumque, sacerdos, singulam, & cultum spiritualem in cordibus populi sui, ut Hebraeor. VIII. ex Ieremix loci exponitur. *Amo*, inquit, *ius*, ac proinde non possum amare Ecclesiam iniustam, servientem Deo non in novitate spiritus, sed vetustate litterae. *ODIO HABENS RAPINAM IN HOLOCAUSTO.* Alii: *odi rapinam coniunctam holocausto*, id est veteri legi, ac caeremoniis, synecdochice, & toti ministerio litterae, quod ministerium mortis & condemnationis appellatur: II. Corinth. III. 7. & sequentibus. Alii: *odi rapinam in holocausto*, id est, nolo mihi sacrificia offerri ex rapina, vel cum aliis sceleribus coniuncta: synecdoche. *ET DABO OPUS EORUM IN VERITATE.* Alii: I. *& redam opus eorum*, id est mercedem operis eorum, ut supra cap. XI. 10. *firmum*, id est, vere & sine fraude. II. *disponam opus eorum in veritate*, & *sacrus perpetuum pangam eis*; id est, renovabo spiritum mentis eorum, & induam eis novum hominem, qui secundum Deum conditus est ad iustitiam & sanctimoniam veritatis, Ephesior. IV. 23. unde me colant in spiritu & veritate: Ioan. IV. 23. Quidam exponunt: *& dabo opus eorum in veritate*; id est, faciam ut opera eorum sint vera, sincera, non fucata aut hypocritica; vel faciam ut sint firmi, constantes in opere Dei, nec ab incepto desinant. *ET FOEDUS PERPETUUM FERIAM EIS*: id est Evangelium, & Novum Foedus, seu Testamentum.

V. 9. *ET SCIENT IN GENTIBUS SEMEN EORUM*,

FORUM, &c. Aliqui: *Et innoteſcet in gen-
tibus ſemen eorum*, &c. Tertium benedi-
ctionis genus, nimirum gloria Eccleſiæ per
ſanctificationem ſpiritus, &c ſic intergerini
parietis ſeptum ſolum erit, & lex cæ-
rimonialis per carnem Chriſti abolita, ut
ait Paulus Ephelſor. II. 14. ET GER-
MEN EORUM. Hebr. exitus, egreſſiones,
genimina, germina, propaggina, propagines,
progenies, prognati eorum: vide ſupra
cap. XLVIII. 19. Quidam reddunt: *Et
prognati eorum inter populos. OMNES QUI
VIDERINT EOS*, &c. Alii: omnes videntes
eos, augeſcent eos eſſe ſemen, cui benedixit
Iehova.

V. 10. GAUDENS GAUDEO IN DOMI-
NO. Alii: *Omnino gaudeo in Iehova*, &c.
Hinc quidam ordiuntur caput LXII. nam
eſt tertia pars concionis, ut diximus in
verſ. 1. de adminiſtratione, in qua Chri-
ſtus velut exultabundus gratulatur Deo de
beneficio in ſe, & in Eccleſiam ſuam
ſponſam collato, per proleſin, hoc ver-
ſu: deinde ſpeciatim adminiſtrationem
explicat, primum ſuam ipſius erga Ec-
cleſiam, ulque ad verſum 6. cap. LXII.
deinde miniſtrorum Eccleſiæ quibus dat
mandata ſua, inde ad finem ulque. ET
INDUMENTO IUSTITIÆ CIRCUMDEDIT
ME. Aliqui: *pallo iuſtitie amictiv me*:
Chriſtum videlicet myſticum; hoc eſt,
primum prophetam illum noſtrum, ſacer-
dotem, & regem pleniffime; deinde Ec-
cleſiam totam per ipſum, ut ſequentia
verba rotant. QUASI SPONSUM DECO-
RATUM CORONA. Varie alii ex Hebr. I.
tamquam ſponſum magnificabit gloria. II.
*tamquam ſponſum ornabit ſacerdotali de-
core*. III. *tamquam ſponſum conſecrabit
gloria*. IV. *tamquam ſponſum ſacerdotali
more ornabit magnificentia*. V. Forſe-
ritus: *veluti ſponſus ſacerdotabitur magni-
ficentia*; id eſt, decorabitur ornatu ſacer-
dotali certo. VI. Marinus: *tamquam
ſponſus ſerviet decori*: id eſt, ſtudebit ut
elegant appareat. VII. Schindlerus: *sicut
ſponſus, qui miniſtrabit decorem*, id eſt,
augebit ornatum in veſtibus pulchris: qui
opus habet ornatu ſeu decore. VIII.
tamquam ſponſus, qui magnificat gloriam;
id eſt, inſtat ſponſi, qui elegantiffime, &
ſplendidiffime ornat ſe. IX. Buxtorſius:
sicut ſponſus ſacerdotem aget ornatu, id
eſt magnifice, ut ſacerdos ornatum parat.

X. Tremellius, & Iunius: *tamquam ſpon-
ſum, qui adminiſtrat ornatum*, iuſtitix &
vitæ, quam Chriſtus ſponſus exhibet Ec-
cleſiæ. XL. Forerius: *veluti ſponſum, qui
decoratur ornatu*. Verbum *יָדָה* ciken, in
Piſel, eſt proprie ſacerdotare, ſacerdotio
fungi, rem ſacram operari, miniſtrare in
ſacris, ordinari ad ſacta faciendâ. Hic ali-
qui tranſitive, alii intransitive accipiunt,
& ad Deum quidam referunt: *Et tamquam
ſponſum ſacerdotabit decore*, vel ad ſpon-
ſum: *Et tamquam ſponſus ſacerdotabit
decorem*, vel ſacerdotabitur decore. Sed con-
ſtructio tranſitiva aptior eſt verbo. Poſſis
exponere: *Et tamquam ſponſus ſacerbit
conſectabit decorem*, vel ſacrificabit, liti-
bit decori, ſeu ornatui: erit myſtic & ſa-
cerdos decoris; id eſt, erit pulcherrimus,
decentiffimus, ornatiffimus, elegantiffimus,
quammaxime decorus. ET QUASI SPON-
SAM ORNATAM MONTIBUS SUIS. Hebr.
Et ſicut ſponſa adornabit uſa ſua, id eſt
præparabit. Alii: I. *Et tamquam ſponſa,
quæ ornat ſe montibus ſuis*. II. *Et ſicut
ſponſa applicabit mundum ſuum*. III. *Et
veluti ſponſam, quæ ad ornatum applicat
mundum ſuum*. IV. *Et veluti ſponſam or-
nantem ſe inſtrumentis ſuis*. Sponſus hic
proculdubio Chriſtus, & ſponſa Eccleſia.

V. 11. SICUT ENIM TERRA PROFERT
GERMENSUUM, &c. Prior pars, inquit,
adminiſtrationis, qua Chriſtus erga Ec-
cleſiam utitur, duabus partibus continetur,
nimirum quod Deus per Chriſtum iuſtitiam
daturus eſt Eccleſiæ; deinde quod laudem
& gloriam ampliſſimam, quæ duo prole-
ptice hoc verſu poſita, ſequentibus exor-
nantur. SEC DOMINUS DEUS GERMINA-
BIT IUSTITIAM, &c. Alii: *ita Dominus
Iehovi producturus eſt iuſtitiam, Et laudem
coram omnibus gentibus*: id eſt, Chriſtus,
æternus Deus cum Patre & Spiritu ſan-
cto, per Spiritum ſuum intus ſecundum di-
vinam naturam operans, & per verbum
ſuum, quod ſecundum naturam humanam
prædicavit, initio ſequentis capitis, abun-
de iuſtitiam communicabit Eccleſiæ, &
gloriam ampliſſimam. De Iehovi, vide
ſupra verſ. 1.

MENOCHII.

Vers. 1. **SUPER ME**, id est super mea humanitate requievit spiritus Domini, & vox Christi. **EO QUOD**, &c. LXX. habent, *Propter quod*, & sensus esse potest: Spiritus sanctus descendit in me, idcirco suis donis, quasi effectibus unxit, & replevit me. Vel, significatur causa finalis, ut sensus sit: Spiritus sanctus descendit in me, quia iam ab initio unxit, & deputavit me ad Messiam, & salvatoris munus. **ANNUNTIANDUM**: evangelizandum. **MANSUETIS**, id est humilibus, & pauperibus. **CONTRITIS CORDE**: Iudæis, & Gentilibus, qui onere tum peccatorum, tum legis Moysæ, tum infidelitatis, & ignorantie rerum divinarum prelli, ac pene oppressi, & obtuti, assiduisimo erant corde & animo. **CAPTIVIS**: sub potestate demonis, & peccati. **INDULGENTIAM**, id est remissionem, ut habet S. Lucas cap. IV. 9. **CLAUSIS**, carceris. **APERITIONEM**; scilicet carceris, ut est in Hebræo.

V. 2. **ANNUM PLACibilem**, id est reconciliationis; in Hebræo est, *beneplaciti*: divinæ scilicet benevolentie, & placabilis in homines voluntatis. **DIEM ultionis**: Christi hostibus. **UT CONSOLARER OMNES LUGENTES**. Hoc præstitit Christus pertransiens benefaciendo, & sanando omnes oppressos a diabolo, dicentque, *Venite ad me omnes qui laboratis, & onerati estis, & ego reficiam vos*, Matth. XI.

V. 3. **UT PONEREM**, scilicet coronam pro cinere, ut sequitur, id est gloriam pro abiectioe. **OLEUM**; quasi dicat, Perfusione; significatur unguentum odoratum, quo sensus recreantur. **PALLIUM LAUDIS**; quasi dicat, Se operturum, seu ornaturum laude. LXX. habent, *Islam gloria*. **IN EA**: in Sion, id est in Ecclesia. **FORTES JUSTITIAE**, id est: potentes, & eximii in iustitia, præsertim eius præpositi, & Principes, puta Apostoli. **PLANTATIO DOMINI**: plantæ, arbores a Domino plantatæ ad eius gloriam celebrandam.

V. 4. **DESERTA**: urbes, aut provincias desertas ædificabunt, in cultu, & religione Christi. **A SÆCULO**: a multis sæculis. **IN GENERATIONEM, ET GENERATIONEM**: est idem, quod dixerat, *a sæculo*. **ALIENI**: Iudæi, & Gentiles, qui vos an-

tea duro ministerio premebant. **PASCENT PECORA VESTRA**: famuli vestri erunt.

V. 6. **SACERDOTES DOMINI**: qui scilicet Deo iugiter assilatis, agroque & vicar non per vos, sed per ministros vestros colatis. **FORTITUDINEM**. Chald. *divitias*; nam Hebraicum *in el* significat opes, & robur. **IN GLORIA EORUM SUPERBIE**, id est: eritis gloriosi, & invidendi eorum divitiis, & opibus. **Aquila vertit**, in gloria eorum purpura vestiemini.

V. 7. **PRO CONFUSIONE VESTRA DUPLICI**, id est pro magna & multiplici confusione, quam vos o Iudæi, & Gentiles intulistis fidelibus. **LAUDABUNT PARTEM SUAM**: in sinu gaudebunt Apostoli ca probra aut etiam verbera sibi contigisse. Ita sane fuit; nam Apostoli ibant gaudentes a conspectu concilii, quod digni habiti essent pro nomine Iesu contumeliam pati: Actuum. V. 41. **IN TERRA SUA**: in Ecclesia, vel in Cælo. **DUPlicita**: magna, & multiplicia dona Spiritus sancti, ingens præmium, & gloriam. Vel nomine duplicia significatur animæ, & corporis bona.

V. 8. **IUDICIUM**, id est iustitiam. **ODIO HABENS RAPINAM IN HOLOCAUSTO**. Paganus, & Valabius ex Hebræo vertunt, in holocaustum. Per rapinam omnem dolum, fraudem, & iniquitatem intelligit; hæc enim æque ac bona per ea parva, displicent Deo, etiam si in eius venturum holocaustum. **DABO OPUS EORUM IN VERITATE**, id est faciam ut sincere agant, & non hypocritice. Vel, faciam ut opus, id est fructus operis eorum firmum sit, & stabile, nec ab illo excident. Aliqui ex Hebræo. vertunt, reddat opus eorum firmum.

V. 9. **SCIENT IN GENTIBUS**, &c. quasi dicat: Conspicuum, nobile, & illustre erit etiam apud Gentiles semen, & germen spirituale Apostolorum, fideles scilicet ab eis conversi. **IN MEDIO POPULORUM**: eunt indyti. **BENEDIXIT**: multis, & eximiiis beneficiis ornabit.

V. 10. **GAUDENS, GAUDEBO**, &c. Videntur esse verba chori totius Ecclesiæ exultantis, iubilantis, & gratias agentis pro acceptis beneficiis. **INDUIT ME VESTIMENTIS SALUTIS**: hoc est, salutem quasi veste induit, & obiecit me. **ET INDUMENTO**, &c. repetitio eiusdem sententiæ Hebræis usitata. **QUASI SPONSUM**, &c. omni genere or-

ornamenti decorata sum, qualia sponsi gestant, aut sponse.

V. 11. GERMINABIT: significatur copia, & abundantia iustitiæ, & sanctuaris. Et *LAudem*, &c. quæ nimirum sequitur ex sanctitate vitæ, & admiratione beneficiorum a Deo in Ecclesiæ collatorum.

T I R I N I.

Vers. 1. SPIRITUS DOMINI sanctus descendit, & requievit *SUPER ME*, primum occulte in conceptione mei, dein palam & publice in baptismo, cum ad munus docendi & prædicandi a Patre mihi impositum accingerer: eo quod *DOMINUS ME* ad id munus *UNXERIT*, constituendo me caput, regem, doctorem, & redemptorem universi. Ita hæc de seipso discrete explicat ipse Christus Lucæ iv. 18. & Petrus Act. x. 38.

V. 2. UT PRÆDICAREM toti orbi *ANNUM DOMINO PLACIBILEM*; LXX. & ex iis S. Lucas, *acceptum*, id est tempus gratissimum & iucundissimum Deo & hominibus. Hebraice, *annum divine benevolentie* ac propensæ affectus. Alludit ad annum iubilicum *b*, in quo omnes servi fiebant liberi, omniaque debita dissolvebantur & condonabantur. Et hæc pro populo Dei: hostibus vero *DIEM ULTIONIS*, quo Deus per Christum ulciscitur se & amicos suos de impio & crudeli tyranno diabolo, & omnibus affectis eius. Alludit ad annum liberationis Iudeorum & Babylonica captivitate per Cyrum: nam idem ille erat annus ultionis Chaldaus, ut supra vidimus. Hanc ultionem crepit Christus dum nobiscum viveret, continuabique usque ad diem extremi iudicii, in uno in omnem eternitatem: ita S. Cyrillus, Beda, Toletus c, & alii.

V. 3. IN EA SIONE, id est in Ecclesia Christi, erunt & *VOCABUNTUR*, & publice celebrabuntur *FORTES IUSTITIÆ* ministri, inquit Forerius, sicut erant olim *fortes Davidis d*, milites & duces. Hi sunt Apostoli, Martyres, & tot alii sancti Patres, Doctores, Virgines, fortissimi iustitiæ propugnatores, & adversus demonem puelles acerrimi. *PLANTATIO DOMINI AD GLORIFICANDUM*; id est, plantæ, seu arbores a Deo plantatæ ad eius gloriam ubique celebrandam.

V. 4. HI REÆDIFICABUNT DESERTA SÆCULORUM, ut supra LVIII. 12. Neque tamen ex sola Sione, seu Iudæa, sed &

V. 5. EX ALIENIS, seu alienigenis, & peregrinis, id est ex Gentilibus ad Christum conversis, *STABUNT* in Ecclesia Pastores, Episcopi, Doctores: ita S. Hieronymus, Procopius, Forerius, Varabl. & Sasbout.

V. 6. VOS AUTEM, o Sionitæ, id est ex Iudeis ad Christum conversi, vos nempe Apostoli, *SACERDOTES & DOMINI VOCABIMINI*, per antonomasiam, id est hierarchæ & principes sacrorum, *MINISTRI DEI* primarii, iuxta ac familiares regi Christo: ita S. Hieronymus, a Lapide & Gabriel Alvarez. Hoc ad solatium simul & ad gloriam spectabat Iudeorum ad Christum conversorum, quod primos ac primarios Ecclesiæ Hierarchas haberent ex sua gente. *FORTITUDINEM GENTIUM*; id est, quidquid Gentes reddit fortes, puta divitias, robur, ingenium, eloquentiam, industriam, vos *comeditis*, id est in usus vestros convertitis cum gustu & gaudio: *ET IN GLORIA EARUM SUPERBIETIS*, id est eritis gloriosi, & admirabiles, ut LXX. vertunt; Aquila, *in gloriam earum purpura vestimentis*; quasi dicat: Reges eritis, regio ornata illustres, non tamen sine cruce. Sed

V. 7. PRO CONFUSIONE VESTRA DUPLICI, id est multiplici, cum probra & verba a tyrannis patiemini, *LAUDABUNT PARTEM SUAM*. Enallage *f* est personæ tertie pro secunda: dicendum enim, *Laudabitis partem vestram*, id est gratulabimini vobis ob talem ministerii sortem, quæ vobis quasi primogenitis Christi filius obvenit, una cum tanto fructu & honore crucis: ita S. Hieronymus, Haymo, Forerius, Varablus & alii. *PROPTER HOC DUPLICIA*, id est multiplicia & maxima præmia, nempe dona Spiritus sancti, possidebunt, non solum in ælo, sed & in TERRA hæc SUA. Alludit ad *duplicem spiritum* Eliæ, quæ sibi tamquam primogenito filio Eliæ depositabat.

V. 8. EGO DOMINUS sic stansi de meis Apostolis, quos principes Ecclesiæ meæ esse volo, loco impiorum pontificum Iudeorum, quia horum sacrilegia odio habeo, quibus mihi offerunt in *HYLOCAUSTO RAPINAM*, id est rapto acquisita, avara & iniusta luera, viduis, orphanis, aliisque

pau-

pauperibus extorta : ita S. Hieronymus . At OPUS Apostolorum , quo ipsi me colent , DABO (id est , efficiam ut sit) IN VERITATE , id est ut ab ipsis fiat non dolose , ut a Phariseis & Pontificibus Iudeis , non iniuste , non ex hypocrisis , sed fideliter , sincere , iuste & pie : ita S. Hieronymus , Forerius & Vatablus . Sed Chaldaus , LXX. Oforius , Mariana , Sa , & Sanctius per opus intelligunt : fructum & mercedem operis , quam & amplissimam daturus sit Deus , & stabilem , firmam ae perpetuam redditurus . Nec solis hac Apostolis promittit Deus , sed

V. 9. Etiam *semini* eorum et *germini* , id est filiis spiritualibus Apostolorum , puta fidelibus per eos Christo genitis . Hos enim scient passim in gentibus , id est toto terrarum orbe , esse semen cui h benedixit Dominus , nempe filios & heredes Patriarcharum , quibus tam amplas benedictiones impertivit Deus . Porro ob tam eximia beneficia mihi a sponso meo collata

V. 10. GAUDENS GAUDEBO , inquit Ecclesia , quia exornor ab illo copiosa gratia , *instituta* & *salute* , quasi eyclade regia & veste nuptiali , inquit S. Hieronymus , Cyrillus , Procopius & Rupertus ..

(a) Isaie xi. 2.

(b) Exodi xxxiii. 11. Levit. xxv. 2. &c.

(c) Tolerus in Luca xv.

(d) II. Reg. xxiii. 8.

(e) II. Reg. viii. 28. & cap. xi. 26. & I. Per. viii. 27.

(f) Prolegom. de Idionism. Hebræ num: 44.

(g) IV. Reg. xi. 9.

(h) Genes. xlviii. 27.

G. O. R. D. O. N. I.

Verf. 1: I Saías introducit Christum loquentem & aperientem a quo, quomodo: & ad quos sit missus: atque hac omnia in Christo ab instanti conceptionis, & unctione hypostaticæ unionis factæ in Incarnatione invisibiliter: posita in Baptis-

mo Spiritus Sanctus descendit visibiliter: vide Luc. iv. citatum hunc locum.

V. 2. UT PRAEDICAREM ANNUM PLACIBILEM: seu annum divinæ benevolentiae. Et Paul. II. Corinth. vi. vers. 2. *Eccce nunc tempus acceptabile*. Heb. שמחה רצון *Womah rathon*, annus placationis, & vere annus Iubilei, de quo Levit. cap. xxv. *accipe totum tempus Christi & novæ legis*. Hostibus vero Christi est annus ultionis, nempe quo Deus ultus est genus humanum de inimicis, demonibus scilicet: fuit enim adventus Cyri annus ultionis.

V. 3. UT PONEREM LUGENTIBUS SION, &c. Ut reponerem & rependerem lugentibus in Sione coronam. &c. Heb. *ut darem cidarim pro cinere*. Heb. פאר תחת אפר *peer tacht epher* i. corona pro cinere, est allusio vocis.

V. 7. PRO CONFUSIONE VESTRA DUPLICT, &c. Multa sunt passi Apostoli & socii opprobria, & contumelias. Sed laudabunt sortem suam & gaudebunt, quia digni habiti sunt pro Christo pati contumeliam. Hæc dicit Dominus (vers. 8.) qui diligit iustitiam, & odit rapinam, etiam habentem secum holocaustum; ubi obiter taxat avaritiam.

V. 10. GAUDENS GAUDEBO, &c. Rêcle Hieronymus notat hinc usque ad finem capituli esse velut canticum exultantis Ecclesiæ, quæ gratia & salute est decorata a Deo, velut sponsa monilibus.

EX EIUDEM AUCTARIO.

Verf. 1. Eo quod. Sept. habent, *propter quod*. Commodetamen ex nostro vulgato sensus erit; quia unxit me ab initio, & per incarnationem destinavit Messiam, ideo spiritus Domini mecum, & super me, cumulans donis humanitatem.

V. 5. STABUNT ALIENI: alloquitur Ecclesiam. Alienos hic intellige Iudeos, & Gentiles; sic colla subdunt iugo Ecclesiæ, & vestra omnia erunt duplicia.



C A P U T LXII.

Propheta non cessat propter impios Christum annuntiare, prophetans de Christi adventu & conversione Gentium: de felicitate, gloria & exaltatione Ecclesie ex Dei gratuito beneplacito erga ipsam: de predicatoribus Ecclesie, & Evangelio per orbem divulgando.

2.



Ropter Sion non tacebo, & propter Ierusalem non quiescam, donec egrediatur ut splendor iustus eius, & salvator eius ut lampas accendatur. 2. Et videbunt Gentes iustum tuum, & cuncti reges inclytum tuum: & vocabitur tibi nomen novum, * quod os Domini nominabit. 3. Et eris corona gloriæ in manu Domini, & diadema regni in manu Dei tui. 4. Non vocaberis ultra Derelicta: & terra tua non vocabitur amplius Desolata: * sed vocaberis Vo-

luntas mea in ea, & terra tua Inhabitata: quia complacuit Domino in te: & terra tua inhabitabitur. 5. Habitabit enim juvenis cum virgine, & habitabit in te filii tui. Et gaudebit sponsus super sponfam, & gaudebit super te Deus tuus. 6. Super muros tuos Ierusalem constitui custodes, tota die & tota nocte in perpetuum non tacebunt. Qui reminiscimini Domini, ne taceatis. 7. & ne detis silentium ei, donec stabiliat, & donec ponat Ierusalem laudem in terra. 8. Iuravit Dominus in dextera sua, & in brachio fortitudinis suæ: Si dero triticum tuum ultra cibum inimicis tuis: & si biberint filii alieni vinum tuum, in quo laborasti. * 9. Quia qui congregant illud, comedent, & laudabunt Dominum: & qui comportant illud, bibent in atris sanctis meis. 10. Transte, transite per portas, (a) præparate viam populo, planum facite iter, * eligite lapides, & elevate signum ad Populos. 11. (b) Ecce Dominus auditum fecit in extremis terræ, dicite filie Sion: Ecce salvator tuus venit: ecce merces eius cum eo, & opus eius coram illo. 12. Et vocabunt eos, Populus sanctus, redempti a Domino. Tu autem vocaberis: Quæsitæ civitas, & non Derelicta.

(a) Sap. lviij. 25. (b) Matth. xxvj. 5. Zach. xij. 9.

B R U G E N S I S

ROMANÆ CORRECTIONES.

Verf. 2. Quod os Domini nominabit. Non mutes futurum nominabit in præteritum nominavit.

Verf. 4. Sed vocaberis Voluntas mea in ea, & terra tua inhabitata. Cave scribas verbum inhabitabitur pro participio inhabitata: participium enim est huius loci, verbum

vero eius loci, ubi sequitur hoc ipso versu: Quia complacuit Domino in te, & terra tua inhabitabitur.

Verf. 9. Quia qui congregant illud, comedent. Non mutes præsens congregant in futurum congregabunt.

Verf. 10. Eligite lapides. Non præponas his verbis & coniunctionem.

COM-

C O M M E N T A R I A

M A L D O N A T I.

Vers. 1. **P**ROPTER SION, id est ad consolidandam Sion, quæ Ecclesiam significat, non desitum de Christi adventu vaticinari donec veniat: non quod Isaias usque ad Christi adventum victurus esset; sed est oratio conditionalis; quasi dicat: si usque ad Christum viverem, non desisterem eius adventum predicare. Aut loquitur nomine omnium Prophetarum, qui usque ad tempus Christi vaticinaturi erant. **DONEC EGREDIATUR;** id est, donec oriatur Christus sol iustitiæ.

V. 2. **ET VIDEBUNT (tunc) GENTES:** omnis terrarum orbis. **IUSTUM TUUM,** id est Christum qui te iustificabit, aut **יְדִי, iustitiam tuam,** id est felicitatem tuam, quæ fructus erit iustificationis tuæ, ut statim explicat vocans, **כְּכֹר, gloriam tuam.** **ET CUNCTI REGES,** id est omnia regna, omnes gentes, sicut ante dixit, repetitio enim est, quæ per synecdochem per præcipuam partem totum intelligit, id est per regem regnum. **ET VOCABITUR;** id est, vocabunt te tunc nomine novo, hoc est, nomen Christianorum, quod primum Antiochiz usurpatum est: Act. xi. 26. **QUOD OS DOMINI NOMINAVIT;** id est, quod tibi Dominus imponet, aut decrevit, imponere.

V. 3. **ET ERIS CORONA GLORIAE,** id est gloriosa. **IN MANU DOMINI;** id est, quam Dominus veluti cum diabolo pro hominibus certans, victor manu apprehendit: sumpta metaphora ab iis qui cursu certantes manu coronam percipiunt. Propterea dicit, in manu Domini, & non in capite, cum corona in capite, non in manu esse solet, quia Christus Ecclesiam quasi coronam acquisivit sanguine suo: Act. xx. 18. **ET exhibuit eam sibi gloriosam, non habentem maculam aut rugam:** Ephes. v. 27. **ET DIADEMA REGNI;** idem significat simili metaphora.

V. 4. **NON VOCABERIS DERELICTA,** id est vidua, sicut supra vocavit sterilem & desertam, cap. liv. 1. Id constat ex antitheto Hebraico, quod statim sequitur, **בְּיָלָה, maritata. SED VOCABERIS; VOLUNTAS**

MEA IN EA, id est amata, dilecta mea. **ET TERRA TUA INHABITABITUR;** id est, tu ipsa eris, **בְּיָלָה, maritum habens;** id est, eris mihi uxor, (dicit Dominus) aut habebis habitatorem tamquam maritum, ut videtur noster Interpres exposuisse. **QUIA COMPLACUIT DOMINO IN TE;** id est, quia amavit te Dominus sicut vir uxorem suam, ut ait D. Paulus, *Viri diligite uxores vestras sicut Christus dilexit Ecclesiam:* Eph. v. 25. **ET TERRA TUA INHABITABITUR,** id est eris plena Christianorum.

V. 5. **HABITABIT ENIM IUVENIS;** id est, sicut habitat iuvenis cum virgine, ita habitabunt in te Christiani filii tui, aut sicut iuvenis maritat sibi virginem; **בְּיָלָה, ita maritabunt te sibi filii tui.** Est enim phrasis Hebraica comparationem significans, quales in Proverbiis Salomonis passim notavimus. **ET GAUDEBIT:** Heb. **שִׂמְחָה, gaudio sponsi super sponsam;** id est, sicut gaudet sponsus super sponsa, ita gaudebit super te Deus tuus.

V. 6. **SUPER MUROS TUOS IERUSALEM.** Ierusalem, vocat totam Ecclesiam, ut sæpe diximus: muros vero Episcopatus, aliasque Ecclesiasticas dignitates, quibus qui præfunt, quasi excubias agunt, unde & ipsum Episcoporum nomen ductum est. Significat ergo fore ut semper sint in Ecclesia Episcopi ac Doctores, qui eam ab hæreticis defendant. **QUI REMINISCIMINI.** Heb. **הִסְתָּדִימִי, qui facitis recordari Domini;** id est, qui eius Evangelium annuntiatis, ne taceatis. Verba sunt Dei præcipientis Doctoribus ne taceant, ut sup. lviii. 1. *Clamæ, ne cesses, quasi turba exalta vocem tuam.*

V. 7. **ET NE DESIS SILIENTIUM EI:** Deo; id est, ne desistas cum assiduis sollicitare precibus, donec restituetur Ecclesiam, & eam laudabilem ac illustrem reddat omnino terrarum orbem.

V. 8. **IURAVIT DOMINUS.** Satis erat dixisse, sed iuravit etiam, ut per duas res immobiles, quibus impossibile est mentiri Deum, firmissimum solatium haberemus, ut ait D. Paulus Heb. vi. 18. **IN DEXTERA,** id est per dexteram suam & per fortissimi.

visissimum brachium suum. Iurat per dexteram & brachium, ut ostendat se posse facere quod dicit; dextera enim & brachio potentia significatur; quasi dicat, Nolo potens haberi si hoc non fecero. Si dederō, id est quod non dabo. Sepe adnotavimus particulam **וְ** *mi*, apud Hebræos post verba iurandi significare quod non. Per triticum & vinum mystice intelligit verbum Evangelicum, aut omnia gratiarum genera quibus nos pascit; quasi dicat: Non auctorem amplius a vobis regnum Dei, ut dem illud gentibus: non dabo panem filiorum canibus.

V. 9. QUA QUI CONGREGABUNT TRLUD (triticum de quo ante dixerat) **COMEDENT, ET LAUDABUNT**, id est gratias agent. **ET QUI COMPORTANT ILLUD** (vinum) **וְקִצְצֵי**, qui colligunt illud; id est, qui vindemiarunt, ipsi bibent. Congregandi & portandi verbo significat, nos nostro labore (per Dei gratiam) & nostro sanguine religionem comparare, comparatamque conservare. Verbo autem laudandi indicat id sine Dei gratia fieri non posse, quare illi esse gratias agendas. Hoc est quod Catholici docent nos cum gratia Dei cooperari. Contrarium prima fronte videtur; quod Christus dicit Ioan. iv. 38. *Alii laboraverunt, & vos in labores eorum introistis.* Sed illic loquitur de laboribus Prophetarum & Iudeorum, hic de nostris: nos enim in labores Iudeorum introivimus; in nostros autem labores nemo introibit.

V. 10. TRANSITE, TRANSITE PER PORTAS; id est, aperite portas Ecclesie omnibus gentibus, ut ingrediantur, quæ antea ita clausæ erant, ut nemo per eas transiret. **PRAEPARATE VIAM POPULO**: sing. pro plur. id est, omnibus populis, ut ad Ecclesiam veniant. *Exite in vias & sepes, & compellite intrare, ut impleatur domus mea:* Luc. xiv. 23. **ET ELIGITE LAPIDES** **וְקָלוּ סֶלֶנִיז**, sternite, & exaggerate viam lapidibus, ne quis aberrare possit. Significat viam qua ad Ecclesiam Catholicam venit, editam esse atque conspicuam, neque ignorari posse. Sicut Ecclesia ipsa comparatur civitati supra montem positæ, quæ abscondi non potest: Matth. v. 14. Hoc est quod sequitur, **ET ELEVATE SIGNUM AD POPULOS**. Similis locus supra dissimili sententia: cap. lvi. 14.

Bib. Sac. Tom. XVII.

V. 11. ECCE DOMINUS AUDITUM FECIT; id est, divulgavit usque ad finesterre præconium Evangelii: quod sequitur. **DICITE FILIAE SION**, id est Ecclesie. **ECCE SALVATOR TUUS** (Iesus Christus, *ipse enim saluum faciet populum suum a peccatis eorum*: Matth. i. 21.) **VENIT**: hoc verbo primum simul & secundum adventum comprehendit, ut declarat quod sequitur, **MERCES EUS CUM EO**. Videtur autem primo aspectu nomen mercedis passive accipi pro præmio quod Christo datum est. *Ut Deus exaltaret eum, & dederit illi nomen quod est super omne nomen*: Phil. ii. 9. quia sequitur, **ET OPUS EUS CORAM ILLO**, pro eodem enim videtur accipere, opus, & mercedem. Opus autem solet accipi pro præmio operis, ut Levit. xix. 13. *Non morabitur opus mercenarii tui apud te usque mane*: & Iacob. i. 4. *Patientia autem opus perfectum habet.* Sed malo active interpretari pro præmio quod nobis Christus iudex pro nostris operibus daturus est, propter Ioanis testimonium Apoc. xxii. 12. *Ecce venio cito, & merces mea mecum est redere unicuique secundum opera sua. Et opus eius coram eo*; id est, merces eius, quam nobis daturus est præcedit eum. Alludit ad eos qui militibus stipendia solvunt: agunt enim ante se mulos pecunia onustos.

V. 12. ET VOCABUNT EOS POPULUS. Relativum sine antecedente Hebræorum consuetudine, & nominativus materialiter positus, pro, *Vocabunt Christianos populum sanctum*. Hoc enim epithetum D. Paulus tribuit omnibus Christianis. **TU AUTEM**, o Sion, id est Ecclesia, **VOCABERIS, QUÆSITA CIVITAS**, id est petita ad nuptias Dei, id est non derelicta, id est vidua, ut supra vers. 4. Loquitur de Ecclesia tamquam de muliere, cuius nuptias multi proci vehementer ambiunt.

S A.

Verf. 1. TACEBO, id est cessabo, scilicet Deum orare, vel optare. Iustus, scilicet Christus.

V. 2. TUUM, scilicet o Deus, vel potius, o Ecclesia: est enim Hebr. pronomen semineum, ut etiam supra. Chald. & LXX. *iustitiam tuam*. INCLUTUM TUUM. Chald. & LXX. *gloriam tuam*. Vo-

S I I

CA-

CABITUR, id est imponetur. NOVUM, scilicet Ecclesia Christi. NOMINABIT, id est declarabit.

V. 3. CORONA, &c. quasi dicat: Plurimi fies a Domino.

V. 4. VOLUNTAS, &c. quasi dicat: Mihi gratissima. INHABITATA, scilicet a fidelibus.

V. 5. HABITABITENIM. Chald. & LXX. *sicut habitat*. VIRGINE, id est sponsa. ET HABITABUNT. Chald. & LXX. *sic habitabunt*, scilicet cum magna letitia. ET GAUDEBIT. Chald. & LXX. *& sicut letatur*. ET GAUDEBIT. LXX. *sic letabitur*.

V. 6. CUSTODES, scilicet Angelos, vel Doctores, vel Pastores. TACEBUNT, id est cessabunt, scilicet custodire, vel laudare Deum. TACEATIS, id est cessetis, scilicet recordari, vel laudare.

V. 7. Et, id est eius laudibus, seu orationi ad Deum. IERUSALEM LAudem, id est Ecclesiam laudabilem.

V. 8. IN DEXTERA, id est per dexteram. IN BRACHIO, &c. LXX. *per fortitudinem brachii sui*. Si DESERO, &c. quasi dicat, Non eritis ultra sub hostium potestate.

V. 10. PER PORTAS, scilicet monendo singulos, ut se preparent. POPULO, scilicet ad Ecclesiam confluenti. ELIGITE, id est remove, seu colligite. LXX. *eiicite de via*. SIGNUM, id est vexillum, scilicet Crucis praedicationem. POPULOS, scilicet congregandos.

V. 11. AUDITUM FECIT, id est faciet audiri, seu divulgari. IN EXTREMIT. LXX. *usque ad extremum*. MERCES EIUS. Chald. *merces facientibus verbum eius*. OPUS, id est praemium, vel opus redemptionis humanae. CORAM ILLO, id est promptum, vel magne ei curae.

V. 12. EOS, scilicet fideles Christi. TU, scilicet o Ecclesia. QUAESITA, scilicet ad habitandum.

EST I I.

Vers. 1. PROPTER SION NON TACEBO, ET PROPTER IERUSALEM NON QUIESCAM, DONEC EGREDIATUR UT SPLENDOR IUSTUS EIUS. Quidam hoc sensu dictum accipiunt: Non tacebo, neque cessabo a praedicatione mea, etiam si carnalis

Sion & Ierusalem obstrepat, quamvis Iohannes prohibeat, quamvis mortem minetur. Ita vulgo solemus dicere; propter contradictionem & ludibria improborum, non esse omittendum opus pium, & sanctum. Et hic sensus refert haec verba ad carnalem Sion, & Ierusalem. Sed magis apparet ex consequentibus in bonam partem accipiendum esse, quod dicitur: *Propter Sion, & Ierusalem*, & de spirituali Sione, id est ecclesia Christi, ut sensus sit: In gratiam Sionis, id est sanctae societatis fidelium non cessabo ab annuntiando Christi adventu; per quem in omnibus gentibus ecclesia aedificanda est. Potest etiam de populo Iudaico, id est carnali Israele intelligi hoc modo: In gratiam populi mei non quiescam, sed iugiter precabor Dominum, ut tandem aliquando ei exhibeat Messiam promissum, iustum & salvatorem, qui ut splendor & lampas quadam clarissima totum orbem illustret lumine veritatis. Hoc enim est quod ait; *dones egredietur ut splendor, iustus eius*.

V. 2. & 4. ET VOCABITUR TIBI NOMEN NOVUM, QUOD OS DOMINI NOMINABIT. Putant quidam hoc nomen esse, Ecclesia; sed Propheta ipse mox addit, quod sit illud nomen, cum dicit: NON VOCABERIS ULTRA DERELICTA, ET TERRA TUA NON VOCABITUR AMPLIUS DERELICTA; SED VOCABERIS VOLUNTAS MEA IN EA, ET TERRA TUA INHABITATA, id est valde & bene habitata. Nomen tamen vocat Propheta, non vocabulum rei impossibile, quo ab omnibus appellatur: nam certum est ecclesiam non significari passim hoc vocabulo, *voluntas mea in ea*; sed insignem scilicet aliquam proprietatem, quae merito appellari possit. Nempe Hebraei rebus ex suis proprietatibus vel adiunctis significantia nomina semper indere solent. Sic & de Christo dicitur: *Et vocabitur nomen eius Emmanuel, quod est interpretatum, nobiscum Deus*: Matth. 1. cui tamen hoc nomen non fuit impositum. Sed eo vocabulo magnum mysterium significatum fuit; quod videlicet sit Deus & homo; eoque nomine utraque simul Christi natura aptissime intimata fuit. Sic hoc loco: *voluntas mea in ea*, vocatur ecclesia, id est in qua mihi complacui, hoc est mihi dilecta sponsa.

M A R I A N A E.

Vers. 1. **P**ROPTER SION NON TACEBO. Sionis amor me loqui compellit. NON QUIESCAM, id est non desistam a loquendo, id est non silebo. DONEC EGREDIATUR UT SPLENDOR IUSTUS EIUS. Heb. *iustitia eius sit ut splendor*, id est palam manifestetur. SALVATOR EIUS. Heb. *salus eius*. UT LAMPAS ACCENDATUR. Quae lampas a longe videtur: sic salus & liberatio populi omnibus Gentibus nota fiat.

V. 2. ET VIDEBUNT GENTES IUSTUM TUUM. Heb. *iustitiam tuam*, id est te iustitiae premi omnes cognoscant: Id est egredi, ut splendorem, iustitiam eius. INCLUTUM TUUM VIDEBUNT Reges. Heb. *gloriam tuam, divitias, potentiam*. ET VOCABITUR TIBI NOMEN NOVUM. Quod sit hoc nomen, vers. 4. ponitur, scilicet *Voluntas mea in ea*. QUOD OS DOMINI NOMINABIT, seu declarabit.

V. 3. ET ERIS CORONA GLORIAE IN MANU DOMINI. Corona non est in manu, sed in capite. Significat fore, ut sua manu Deus texat coronam pulcherrimam, quam capiti tuo imponat. Eris ergo corona, id est occasio coronae conficiendae.

V. 4. SED VOCABERIS VOLUNTAS MEA IN EA, id est mihi gratissima erit. ET TERRA TUA INHABITATA. Heb. *maritata*, scilicet vocabitur. Sed bene Hieronymus: hoc retulit ad habitationem. ET TERRA TUA INHABITABITUR, seu *maritabitur*.

V. 5. HABITABIT ENIM JUVENIS. Sepтуа, sicut *habitans juvenis*. Deest in nostra editione nota similitudinis, quam Chald. & Septuag. supplent. Heb. sic verto: *Sicut juvenis maritat virginem, filii tui maritant te*, id est in te habitant, & (sicut) *gaudium sponsi super sponsam, gaudebit super te Deus tuus*. Sensus: Sicut sponsus oblectatur cum sponsa, sic filii tui in te letabuntur, & tecum letabitur Deus. Ideo mirum non est, si tantis te donis cumularet.

V. 6. CUSTODES, id est vigilias in mœnibus constitui; pro, constituam, disponam, quae nocte & die semper renuntiabant quae viderint, aut clamore mutuo, aut sit, se excitabant. Per *custodias* Prophe-

tas & Sacerdotes intellige. QUI REMINISCIMINI DOMINI. Veritatem sermonem ad custodias, quas, quando a Deo sunt constitutae, cum semper reminisci & sollicitare precibus vult.

V. 7. ET NE DETIS SILENTIUM EI, id est sollicitate eum assiduis precibus. DONEC PONAT IERUSALEM LAudem IN TERRA, id est faciat, ut omnes eam laudent, propter copiam bonorum, quae in illam congeret Deus.

V. 8. IURAVIT DOMINUS IN DEXTERA SUA, id est per dexteram. ET IN BRACHIO, id est per brachium suum fortissimum. SI DEDERO TRITICUM TUUM, id est hostis contra te non praevaleret, non vinceret tuo tritico. Quod in Ecclesiam convenit, non in Synagogam, quam hostes tandem opprimerunt. VINUM TUUM. Heb. *mustum tuum*. Sed *vinum* pro *musto* omnes Interpretes ponunt. Fructus tuos hosti non dabo. SI DEDERO; pro, non dabo.

V. 9. ET QUI COMPORTANT. Heb. *qui congregant*, colligunt illud vinum. IN ATRIIS SANCTIS MEIS, sive in templo bibent illud, cum post sacrificia instructi convivio, sive in urbe sancta Ierusalem, & in Ecclesia bibent, non rapiet hostis.

V. 10. TRANSITE, TRANSITE PER PORTAS, ut obviam eatis venientibus ad Christum. PRAEPARATE, &c. Heb. *complanate*, seu *purgate viam populi*, pro populo. PLANUM FACITE ITER. Heb. *munite, munite iter*. ELIGITE LAPIDES; pro, legite, colligite, elapidate viam; ne sit ubi pes offendant. ELEVATE SIGNUM AD POPULOS. Vexillum super populos, scilicet ut more militiae sciant ubique electi, quo debeant convenire, quos duces itineris sequi.

V. 11. AUDIUM FECIT IN EXTREMIS TERRAE. Quid nuntiavit Deus? fore ut ex locis omnibus suos convocaret. Itaque & sublati vexillo, & praconis voce fideles undique vocabit. SALVATOR TUUS. Heb. *salus tua*, id est Christus. ECCE MERCES EIUS; id est, bona quae conferret, praesto sunt. ET OPUS EIUS CORAM ILLO, id est merces operis ab eo praecipit; & propter Deum facti coram illo, id est cum illo: aut *opus* pro *divitiis*, ut I. Regum xxv. 2. Repetitio est.

V. 12. VOCABERIS: QUAE SITA CIVITAS. Propter multos & innumeros, qui ad te confluent, sic vocaberis.

S f f. 2.

MAL.

MALVENDAE.

Vers. 1. **P**ROPTER SION NONTACEBO, &c. Quidam exponunt: In gratiam Tzionis, nunquam desinam orare Deum Patrem donec Christus vera Iustitia & salus nostra oriatur ex virgine, ut sint verba Prophetæ. Alii verba Christi esse volunt. Propter amorem; quem erga Ecclesiam gerō, non desinam agere prophetam & predicare Evangelium, & opus redemptionis procurare. NON QUIESCAM: vel non tranquillabor, non cessabo, non desistam. Quidam: non vacabo. DONEC EGREDIATUR, seu prodeat, ut SPLENDOR IUSTUS EIUS. Heb. *iustitia eius*: Et SALVATOR EIUS. Heb. *salus eius*: & voce *ישועה iesuglah*, alluditur ad nomen IESU-AM, seu Iesu. UT LAMPAS: Heb. *ut cecidit, fax accendatur*, seu ardeat. Nolite & alii Iustitiam & salutem concrete pro ipso iusto & Salvatore antonomastice, id est Christo Aeterno Filio Dei, accipiunt; quasi dicat, Donec adveniat Christus. Alii, id est, donec totum opus iustitiæ, salutisque fuerit consummatum.

V. 2. ET VIDEBUNT OMNES IUSTUM TUUM. Heb. *Iustitiam tuam*. Et CUNCTI REGES INCLYTUM TUUM. Heb. *gloriam tuam*, ut superiore versu; vel Christum ipsum, qui est iustitia & gloria Patris: vel opus salutis, in quo Deus summam suam iustitiam & gloriam ostendit. Et VOCABITUR, vel *imponetur, indetur*, tibi: Tzioni & Ierusalaim, id est Ecclesie, nam est affixum femineum. NOMEN NOVUM: scilicet, quando Christus Deus & servator tuus te adiungit sibi, & coronam atque ornamentum suum tibi imposuerit, ut supra cap. Lxi. 10. & hic, versu sequente: *nomen novum*, id est quod explicatur infra vers. 4. Quid os DOMINI NOMINABIT. Verbum *נאמר na'ar*, hæc omnia complectitur, quod os Iehovæ, cavil- latur, exarabit, perforabit, punget, dispun- get, exarabit, notabit: quod nomina olim quibusdam puncturis, & exarationibus ce- ras, vel æri, aut tabulis incavebantur. Vide io. Genes. xxx. 28. Quidam reddunt: quod os Iehovæ præfixerit, vel exprimerit, denuntiabit, declarabit, nuntiabit illud. Re- lativum geminatum augeat significatum: quod ipsum IHU præfigerit.

V. 3. ET ERIS CORONA GLORIAE &c. Hunc versum alii apte reddunt: I. Et eris *tamquam corona magnificentie in manu Iehovæ*; id est, eris incltyta apud Deum, ha- bebis te in magno pretio; & *diadema regni* &c. II. Cum eris corona ornatus, seu coronata, ornata manu Iehovæ: vide versu præcedente: & *cidari regis, manu Dei tui*. De *צנף tznaph*, seu *cidari*, vide supra cap. viii. 23. & Exod. xxviii. 4.

V. 4. DERELICTA. Quidam vocem Hebræam *עזבה gharubab*, ininterpretatam relinquunt, quod vicem nominis proprii hic induat, ut etiam sequentia. DESOLATA. *שמה שמה schemamah*, Afflata, &c. VOLUNTAS MEA IN EA. *רצונה רצונה cheprizabab*, etiam ut nomen proprium relinquunt, id est, oblectatio mea, delicia mea in ea; quasi dicat, Mihi gratissima. Alii: voluntas mea in ea. INHABITATA. *בעהלה beghe- lah*, omnia ista includit: Potita, passive, qua vir, seu maritus possitur; subagitata, admatata, possessa, maritata: vide supra cap. liv. 1. QUIA COMPLACUIT DOMINO IMTE. Alii ex Hebr. I: quia diligit te Iehova. II. quia Iehova propensus est tibi; vel in te. III. quia delectabitur Iehova te. INHABITABITUR. Hebr. *posita erit, passive, admabitur, subagabitur, maritalitur*, nubes viro, possidebitur: sic sumitur id verbum bis versu sequente.

V. 5. HABITABIT ENIM IUVENIS CUM VIRGINE. Hebr. *Quia potietur, possidebit, admabit, deperibit, ambiet, subagabitur*, uxorem ducet electur, vel invenit: virginem. HABITABUNT IN TE FILII TUI. Idem verbum, possidebunt, potentur, admabunt, resiliunt tui; vel quasi nubent tibi filii tui. Hunc versum alii ex Hebr. transfundunt: I. Uxorem enim ducet iuvenis virginem; id est, maturæ erunt nuptiæ, vel erit summa pax: nam tempore belli iuven- tus non vacat nuptiis, sed delectibus. & fruuntur te filii tui: & gaudium eris sponsæ de sponsa; gaudebit de te Deus tuus. II. Sicut enim ducit in uxorem iuvenis virginem, ita quasi ducit te in uxorem filii tui: ut est gaudium sponso super sponsam, sic gaudebit super te Deus tuus. III. Sicut enim adolescens virginem sibi maritat, sic maritalurus se tibi filii tui: & sicut sponsus gaudet super sponsa sua, ita gaudebit super te Deus tuus. IV. Ut cum ducit iuvenis virginem, cum uxores tibi ducunt filii tui,

gudio, inquam, sponsi cum sponsa, gaudebit tecum Deus tuus. SUPER MUROS TUOS IERUSALEM CONSTITUIT CUSTODES, &c. Alii: super muros tuos nros Ierusalaimorum praeficio custodes, seu excubitores, &c. Altera pars administrationis Christi per servos suos in Ecclesiam, ut dictum est cap. LXI. 10. qua primum iubentur usque ad consummationem saeculi praedicare promissiones Dei iuramento confirmatas, quatuor verbis: deinde Ecclesiam totam ex Iudeis & gentibus, cum disciplina sancta, tum Evangelii promulgatione colligere, ut Matth. XXVIII. 18. & sequentibus; Custodes, id est pastores & doctores, allegorice. QUI REMINISCIMINI DOMINI, NE TACEATIS. Alii ex Heb. I. o vos, qui in memoriam revocatis Iehovam, id est res gestas & beneficia eius, nullo pacto silentis. II. qui commemoratis Iehovam, ne esto silentium vobis. Apostrophe ad servos & ministros Christi, continens mandatum administrationis ipsorum. III. qui celebratis, praedicatis Iehovam, &c.

V. 7. ET NE DETIS SILENTIUM EI. Exponunt: Neque vobis a vestro ministerio verbi, neque Deo ipsi ullam quietem detis, aut cessationem seu vacationem; sed eum assidue interpellate, & precibus fatigatis, ut stet promissis &c. Quidam: & ne permittat silentium esse de illo, Christo Iehova, quem commemoratis. DONEC STABILIT, firmet, apparet, satisfacet: ET PONAT IERUSALEM LAUDEM IN TERRA; id est, ut ipsi Ierusalem det statum permanentem, eamque reddat illustrem & laudabilem. Quidam: donec stabiliat, & donec disponat Ierusalaimis laudem in terra; id est, faciat Ecclesiam suam gloriosam in universa terra.

V. 8. IURAVIT IEOVA PER DEXTERAM SUAM, &c. Hunc versum alii ex Heb. ita exponunt: Sed dicite: Iuravit Iehova per dexteram suam, & per brachium roboris sui; seu per brachium robustissimum suum: Ne vivam, si dobo frumentum tuum amplius cito inimicis tuis, & si bibent alienigenae mustum tuum, in quo laboraveris. Introitus versus eclipsis contrarii, ut Genes. XXXIII. 10. Est autem hic summa Evangelii, salus ab omnibus inimicis, & vita, gloriae aeterna, versu sequente.

V. 9. IN ATRIIS SANCTIS MEIS. Heb. in atriis sanctitatis meae; id est, coram Deo,

gratias ei agentes tamquam sacerdotes Fehovae, ut supra cap. LXI. 6. Alludit ad legalem ritum, Levit. VI.

V. 10. TRANSITE, TRANSITE PER PORTAS. Heb. in portis, vel in portas, id est per totam ditionem, quam late patet Ecclesia. Alii, per portas singulas huius civitatis seu Ecclesiae, ut commode sint aperte, & exornate, ad excipiendos eos qui in eam intraturi sunt. PRAEPARATE VIAM POPULO. Heb. faciate viam populi. Vide supra cap. XI. 3. & cap. LVII. 14. Quidam: parate viam populi, &c. id est, singulis membris Christi & Ecclesiae prospicite pro facultate vestra, venientes adiuvando, dormientes excitando, nihil cogitantes, & ignorantes accerendo, & si qui sunt huiusmodi, allegorice. PLANUM FACITE ITER. Varie alii ex Heb. I. elevare, elevare viam. II. munite, munite iter. III. sternite, sternite stratum viam. IV. aggerate, aggerate aggerem. ET ELIGITE LAPIDES. Heb. delapidate, vel elapidate. Alii: I. purgate eam lapidibus. II. liberate, repurgate a lapide. III. atque a saxis repurgate. IV. amovete lapides. Mihi interpretatio quorundam Hebraeorum cum primis placet: librate lapidate; hoc est, sternite viam stratum e lapide. Via enim magnis lapidibus sternerbatur, ut videmus in viis Romanis. Hispanice, empedra de piedra, vel enlosa de losas.

V. 11. ECCE DOMINUS AUDITUM FECIT IN EXTREMIS TERRAE. Alii: Ecce Iehova pronuntiavit, vel divulgavit, clamat, proclamat ad extremum usque terrae, &c. Confirmatio praecedentis propositionis, a continuis documentis, quae Christus Ecclesiae suae ubique locorum tradit per Spiritum suum, qui operatur omnia in omnibus. DICITE FILIAE TZIONIS: id est Ecclesiae genitrici per doctrinam, quae Tziane profecta est, ut supra cap. II. 3. ECCE SALVATOR TUUS VENIT. Ex Heb. Ecce salus tua, id est Christus salutis auctor, advenit בוא, potest esse praeteritum, vel ob certitudinem prophetiae, vel de eo tempore quo Christus venit; & participium praesens, veniens. ECCE MERCES EIUS CUM EO, ET OPUS EIVS CORAM ILLO. Alii: ecce merces huius penes ipsum, & opera pretium huius ante ipsum est; id est, iam re ipsa obtinet mercedem suam pro operibus & perfectionibus suis, nimirum salutem Ecclesiae, quam redimit.

demit, sanguine suo. Vide, hæc, verba supra cap. XL. 10.

V. 12. ET VOCABUNT EOS, POPULUS SANCTUS, &c. Alii: *Ut vocent hos, Populum sanctum, vindicatos Iehovæ*, id est filios tuos, o Ecclesia. nam verba sunt doctorum Ecclesiam compellantium, & servatos quasi digito commonstrantium. TU AUTEM VOCABERIS. Alii: *Et tu voceris*. QUÆSITA, מְרֻמָּה *derushah*, velut nomen proprium; aliqui: *Requisita*; id est, quæ a multis requiratur; quasi dicat: Erit in te magna frequentia fidelium, requirentque te multi, ut tibi nomen dent. Alii: *Requisita*, cum a Christo redimente, tum ab electis omnibus, a quibus relicta videbatur, ut supra cap. XLIX. & cap. LX. Porro accentus Hebraici docent hanc partem ita esse distinguendam: *Quæ indetur tibi nomen, Requisita: civitas non derelicta.*

MENOCHII.

Vers. 1. PROPTER SION: Ecclesiam Christi. NON TACEBO: non cessabo orare, & clamare. DONEC EGREDIATUR, &c. donec Christus quasi lampas lucens, & ardens orbi præfulgeat.

V. 2. VOCABITUR TIBI NOMEN NOVUM: nam cum olim populus fidelis Israel vocaretur, iam vocabitur, Populus Christianus. Vel (quod verius est) hoc nomen novum est voluntas mea in ea, hoc enim exprimitur num. 4.

V. 3. CORONA GLORIAE IN MANU DOMINI: quam scilicet Dominus manu sua imponet Christi capiti: sic dicebat D. Paulus: *gaudium*; & *corona mea*, ad Philip. IV. 1. ET DIADEMA REGNI, id est regale: est repetitio.

V. 4. VOLUNTAS MEA IN EA, id est beneplacitum, complacentia, delectatio, & delitiae meæ; quasi dicat: Hæc est Ecclesia sponsa mea, in qua complacuit animæ meæ. TERRA TUA, &c. scilicet, vocabitur, non ut prius desolata, sed inhabitata, & frequens numero fidelium.

V. 5. HABITABIT IUVENIS CUM VIRGINE; quasi dicat: Sicut habitat iucundissime iuvenis cum uxore sua; quam virginem duxit; ita pacifice, & iucundissime in uno spiritu vivent fideles in Ecclesia, licet natura, & moribus dissimiles. GAU-

DEBIT SUPER TE: in te crunt delitiae illius.

V. 6. CUSTODES: prædicatores, prophetas, pastores, & Angelos. NON TACEBUNT: vigilantes, & si quid hostile apparcat, te monebunt, ut scilicet insidias demonis caveas, &c. QUI REMINISCIMINI DOMINI. In Heb. מַלְחִירִים *malchirim*. Vide quæ dixi de hac voce II. Reg. VIII. 16. Vos quorum officium est iugiter Deum, Deique beneficia populo proponere, & in memoriam revocare, vos scilicet pastores, & prophetæ. NON DETIS SILENTIUM EI: *ei*, in Hebræo est masculini generis, & ad Deum refertur, hoc sensu: Non detis quietem Deo, iugiter ad Deum clamate, & precibus vestris aures eius pulsate. LAUDEM: laudabilem.

V. 8. IN DEXTERA SUA, &c. id est per dexteram & brachium suum. Si DEDERO, &c. Particula *si* adhiberi solet in iuramento execratorio; quasi dicat: Si permifero te ab hostibus spoliari, non existimes omnipotens. IN QUO LABORASTI: in quo colligendo.

V. 9. IN ARTIBUS SANCTIS MEIS: alludit ad decimas, & hostias pacificas, quas Iudei comedeant in atrio Domini, ut patet Deut. XIV. 22.

V. 10. TRANSITE PER PORTAS, id est prodire ex portis. POPOLO: gentibus ad Ecclesiam confluentibus. ELIGITE: colligite, & submovete, ut via sit sine offendiculis. SIGNUM: vexillum crucis, ad quod omnes convolent.

V. 11. AUDITUM FECIT: quid auditum fecerit Apostolorum, & prædicatorum præconio subditur, cum dicitur, *dicite*, &c. FILIAE SION: Ecclesiae. ECCE SALVATOR TUUS VENIT, &c. Christus Dominus devictis gentibus quasi triumphator adducens ad te, o Ecclesia, magnam captivorum, id est subditorum multitudinem. MERCE S EUS. *gum en*: merces eius sunt gentes ab eo devictæ, & subactæ quas adducit ad Ecclesiam. ET OPUS EUS, &c. est repetitio proximæ dictionum.

V. 12. QUÆSITA CIVITAS: ad habitandum; civitas in qua multi sibi sedes quaerunt.

T I R I N I.

Verf. 1. **P**ROPTER SION ET IERUSALEM, id est propter Ecclesiam Dei; cuius, utpote summe mihi dilectæ, filius adeo mihi curæ & cordi est, ut a precibus cessare non decreverim, donec depulsis longæ noctis tenebris, tandem aliquando emergat & EGREDIATUR? UT SPLENDOR SOLIS, IUSTUS EIUS, ET SALVATOR Messias, qui UT LAMPAS celestis universum orbem iulluminabit, accendet, succundabit.

V. 2. ET VOCABITUR TIBI, O Ecclesia, NOMEN NOVUM, quod exprimitur *vers. 4.*

V. 3. ERIS CORONA GLORIAE, seu gloriosa, ET DIADEMA REGNI, seu regium, IN MANU DEI, id est, non tua, sed divina virtute partum, adeo in pretio & deliciis ipsi Deo, ut tamquam rem iucundissimam sibi gratissimam, final & honorificentissimam semper manibus teneat, ob oculos verset, & coram aliis ostendet. Sicut enim *corona*, seu *diadema*, insigne est honoris & potestatis, seu pontificiæ, seu regiz, item victoriæ vel nuptiarum; ita Ecclesia ædmoni erepta, & Christo desponsata, insigne est Dei & Christi, quo palam ubique fit ipsum esse sponsum, victorem, regem, pontificem, redemptorem gloriosissimum, augustissimum, splendidissimum. Simili sensu Proverb. xvii. *filii* probi vocantur *corona* parentum: & Paulus ad Thessalonicenses *a* vocat *coronam* suam *gloriæ*.

V. 4. VOCABERIS, id est non solum eris, sed & publice cognosceris esse, & passim appellaberis, VOLUNTAS MEA IN EA. En novum Ecclesie nomen de quo *vers. 2.* Hebraice, est *chepsi ba*, id est beneplacitum meum, complacentia, delectatio, delectiæ meæ. Sic Lucæ 11. 14. angeli pacem præparentur *hominibus bonæ voluntatis*, id est quibus Deus suam bonam voluntatem & affectum exhibet: ita S. Hieronymus, Cyrillus, Procopius, Forerius & alii.

V. 5. HABITABIT IUVENIS sponus cum VIRGINE sponsa; quasi dicat: Pacificæ contrahentur connubia, quæ tempore belli, iuvenibus in castra abductis præpediri solent. Chaldaus & LXX. addunt voculam, *sicut*; quasi dicat: Sicut iucundissime co-

habitat sponus cum sponsa, ita convivent fideles in Ecclesia Christi: ita S. Hieronymus & Cyrillus.

V. 6. & 7. SUPER MUROS TUOS CONSTITUI CUSTODES. Id de SS. angelis tutelariis exponunt S. Hieronymus, Hugo & Bernardus *b*: alii, ut S. Cyrillus & S. Thomas, Prophetas, Pastores, Doctores intelligi volunt. NOCTE TOTA NON TACEBUNT; id est, numquam cessabunt invigilare custodiæ & protectioni tuæ, hostiumque insidiis vel insultus detegere. Vos ergo O fidi custodes, QUI REMINISCIMINI DOMINI, id est qui admonitores eius, & quasi mediatores apud Deum & populum, quorum officium est interpellare Deum pro populo, & populum monere quid sui sit officii; NE DETIS SILENTIUM EI, nempe Deo id est ne finatis quiescere Deum, sed meo exemplo & iugiter clamate ad aures eius, donec misso in orbem Messia STANNIAT IERUSALEM, id est erigat, corroboret, propaget ubique Ecclesiam suam, PONATQUE eam toti mundo in LAUDEM & gloriam, ut ab omnibus populis laudetur & glorificetur.

V. 10. TRANSITE, O vos custodes Sionis, PER PORTAS etiam aliarum urbium & regionum, PRAEPARETE OMNI POPULO VIAM ad Christum, ut plana; facili & amena sit: ELIGITE LAPIDES & e via semovete, ut habent LXX. nempe ne pedes adcurrentium offendant: ELEVATE SIGNUM, id est vexillum militare, quo POPULOS omnes quasi milites ad Christum evocetis. Quod de vexillo crucis exponunt S. Hieronymus, Cyrillus, Procopius, Forerius & alii.

V. 11. ECCE DOMINUS per tubam EVANGELII AUDITUM FECIT clangorem etiam IN EXTREMIS FINIBUS TERRÆ. Quis hic clangor? DICITE, O vos custodes Sionis, nuntiatum cælis FILIAE, id est *carui*, Sionis, inquit Chaldaus: ECCE SALVATOR TUUS, tibi a tot seculis promissus, iam VENIT in mundum, iam adest debellaturus omnes hostes tuos, tum vestros. Ad cum ergo properate omnes gentes, ut salutis ab eo procurandæ fiat participes. Unde Matth. xxi. 5. aptantur hæc verba Christo cum in die palmarum invheretur Ierosolymam. ECCE MERCEX EIUS, id est premium quod sibi obsequentiis dabit, CUM EO est: ET OPUS EIUS

CORAM

CORAM ILLO. Explicui cap. XL. vers. 10. ces, ut dicebam, pollicetur & nomen novum. De hoc nomine quodnam sit, varii varia: verum est illud de quo vers. 4.

V. 12. VOCABUNTUR, POPULUS SANCTUS, utpote REDEMPTI A DOMINO & ex unguibus peccati, daemonis, inferni. Et TU, O Ecclesia, eris & ubique VOCABERIS CIVITAS QUÆSITA ab omnibus, exoptata, expetita a toto orbe. Ex quo patet, Ecclesiam Christi non modo conspicuam & visibilem esse, sed & Catholicam, seu universalem, ab omnibus populis quæsitam, repertam, inhabitatam.

(a) 1. Thesi. 11. 29.

(b) Bern. Serm. IV. de Dedic. Ecclesie.

(c) Sup. vers. 1.

(d) Zach. 8. 9.

(e) Psal. cxi. vers. 1.

GORDONI.

Vers. I. PROPTER SION NON TACEBO, &c. Sion Ecclesia est: pre-

ces, ut dicebam, pollicetur & nomen novum. De hoc nomine quodnam sit, varii varia: verum est illud de quo vers. 4.

V. 4. NON VOCABERIS ULTRA, &c. כִּי שֵׁנִי chepsi ba, voluntas mea in ea, שֵׁנִי chephets, voluntas; hoc est, novum nomen Ecclesie promissum vers. 2. ac si diceret, Complacencia, & delectatio mea: terra eris habitata multum, idque in magna pace & tranquillitate, quod explicatur similitudine coniugii sancti, ubi sponsus & desponsata virgo in pace vivunt iucunda.

V. 6. SUPER MUROS TUOS, &c. En promissos Ecclesie Prophetas & pastores, qui non cessabunt vigilare pro salute gregis; quos etiam vult instanter orare Deum (ex vers. 7. NE DETIS SILENTIUM) ut Ecclesiam augeat felici incremento.

V. 8. IURAVIT, &c. Promittit Ecclesie securitatem per allusionem ad reditum a captivitate Babylonica.



CAPUT LXIII.

Dicit se Dominus sanguine aspersum dum solus vicisset hostes : Deus multa præsstitit Israelitis beneficia , sed propter iniquitates suas sunt ab eo derelicti : propheta autem miserationum Domini memor , invocat ipsius misericordiam super populum suum , quem a Deo desertum conqueritur .

1. uis est iste , qui venit de Edom , tinctis vestibus de Bosra ? iste formosus in stola sua , gradiens in multitudine fortitudinis suæ . Ego , qui loquor iustitiam , & propugnator sum ad salvandum . 2. (a) Quare ergo rubrum est indumentum tuum , & vestimenta tua sicut calcantium in torculari ? 3. Torcular calcavi solus , & de Gentibus non est vir mecum : calcavi eos in furore meo , & conculcavi eos in ira mea : & aspersus est sanguis eorum super vestimenta mea , & omnia indumenta mea inquinavi . 4. (b) Dies enim ultionis in corde meo , * annus redemptionis meæ venit . 5. Circumspexi , & non erat auxiliator : quæsi , & non fuit qui adiuvaret : & salvavi mihi brachium meum , & indignatio mea ipsa auxiliata est mihi . 6. Et conculcavi populos in furore meo , & inebriavi eos in indignatione mea , & detraxi in terram virtutem eorum . 7. Miserationum Domini recordabor , laudem Domini super omnibus quæ reddidit nobis Dominus , & super multitudinem bonorum domui Israel , quæ largitus est eis secundum indulgentiam suam , & secundum multitudinem miserationum suarum . 8. Et dixit : Verumtamen populus meus est , filii non negantes : & factus est eis salvator . 9. In omni tribulatione eorum non est tribulatus , & angelus faciei eius salvavit eos : in dilectione sua , & in indulgentia sua ipse redemit eos , & portavit eos , & elevavit eos cunctis diebus sæculi . 10. Ipsi autem ad iracundiam provocaverunt , * & affligerunt spiritum sancti eius : & conversus est eis in inimicum , & ipse debellavit eos . 11. Et recordatus est dierum sæculi Moysi , & populi sui : (c) Ubi est qui eduxit eos de mari cum pastoribus gregis sui ? ubi est qui posuit in medio eius spiritum sancti sui ? 12. Qui eduxit ad dexteram Moysen brachio maiestatis suæ , qui scidit aquas ante eos , ut faceret sibi nomen sempiternum . 13. Qui eduxit eos per abyssos , quasi equum in deserto non impingentem . 14. Quasi animal in campo descendens , spiritus Domini ductor eius fuit : sic adduxisti populum tuum , ut faceres tibi nomen gloriæ . 15. (d) Attende de cælo , & vide de habitaculo sancto tuo , * & gloriæ tuæ : ubi est zelus tuus & fortitudo tua , multitudo viscerum tuorum , & miserationum tuarum ? super me continuerunt se . 16. Tu enim pater noster , & Abraham nescivit nos , & Israel ignoravit nos : tu Domine pater noster , redemptor noster , a sæculo nomen tuum . 17. Quare errare nos fecisti Domine de viis tuis : indurasti cor nostrum ne timeremus te ? convertere propter servos tuos , tribus hereditatis tuæ . 18. Quasi nihil possederunt populum sanctum tuum : hostes nostri conculcaverunt sanctificationem

Bib. Sac. Tom. XVII.

T t t tuam .

tuam . 19. Facti sumus quasi in principio , cum non dominareris nostri , neque invocaretur nomen tuum super nos .

(a) Apoc. xii. 23. (b) Sap. xxiiv. 6. (c) Exod. xiv. 29. (d) Deut. xxxv. 25. Baruch ii. 26.

B R U G E N S I S

ROMANAE CORRECTIONES.

Verf. 4. *Annus redemptionis mea venit.* Retinenda est vox *redemptionis* a redimo, non substituenda *retributionis* a retribuere.

Verf. 10. *Et affixerunt spiritum sancti eius.* Non mutes genitivum *sancti* in accusativum *sanctum*.

Verf. 15. *Et gloria tua.* Non interponas *solo*.

C O M M E N T A R I A

[M A L D O N A T I.]

Verf. 1. **Q**UIS EST ISTE. Emphasis habet interrogatio. Interrogat autem hoc aut Propheta, aut, ut Dionysius & omnes veteres auctores tradiderunt, Angeli, & interrogat de Christo: quod impudenter contra omnium veterum auctorum interpretationem haeretici quidam negant. Interrogant autem vel ignorantes, ut plerique dixerunt, vel, ut ego arbitror, admirantes, ut Psal. xxxiii. 8. 10. *Quis est iste rex gloriae.* DE EDM. Per Idumaeos qui Iudaeorum hostes erant, omnes Dei hostes intelligit. Alludit etiam ad nominis significationem: Edom enim rubrum significat, quas Christi vestes fuisse dicit. TINCTIS VESTIBUS. *וְהָיוּ כְּגֵזֵי צִוְּיָא*, *rubicundus vestibus*, id est sanguinolentus, quales venire solent qui ex praelio redeunt. DE BOSRA, id est ex Edom; repetitio, & synonyme, qua ponitur pars pro toto: Bosra enim civitas erat Idumaeae, Genes. xxxvi. 33. ISTE FORMOSUS. Depingit triumphantis habitum & incessum. EGO QUI LOQUOR IUSTITIAM. Introdicit Deum ipsum respondentem, quod maiorem habeat oratio auctoritatem. Loqui iustitiam, significat vera dicere: iustitia enim saepe pro veritate, & veritas pro iustitia ponitur: quae propterea Deus hoc loco commemorat, ut ostendat se non esse mentitum, sed venisse, & hostes superasse, sicut per Prophetas promiserat. ET PROPUGNATOR. Hebr. *דָּבָר לְרוּשֵׁי*, *multus ad salvandum*, id est liberalis, qui maiorem etiam salu-

tem praesto, quam promiserim. Septuag. videntur legisse *לִי אֲפִרָּא*.

V. 2. QUARE ERGO. Interrogat Propheta, vel, Angeli.

V. 3. TORCULAR CALCAVI SOLUS. Locum certaminis per metaphoram vocat torcular; is autem fuit Crux: hostes vero comparat avis rubeis; ita enim eos conculcavit. Quod non solum historice (ut quidam interpretantur) de Idumaeis intelligendum est; sed etiam mystice de Christo & omnibus Satanæ ministris, quos in cruce conculcavit. SOLUS, id est nullo humano auxilio: nemo enim Christum iuvare poterat, quia omnes peccaverant, & egabant gloria Dei: Rom. iii. 23. CALCAVI EOS. Melius noster Interpres per praeterita reddit, quam alii per futura: sic enim locutus fuerat ante, *Torcular calcavi*, & oratio per praeteritum maiorem vim habet.

V. 4. DIES ENIM ULTIONIS IN CORDE MEO (venit,) id est quem ego apud animimum meum designaveram ad hostes meos ulciscendos. ANNUS REDEMPTIONIS MEAE, id est quo decreveram populum meum ab hostibus redimere ac liberare. Aut, ut nunc Hebraei legunt *בְּמֵלֵךְ*, *redemptor meorum*, id est quo ii qui mei erant redimerentur. Noster Interpres & Sept. videntur legisse *בְּמֵלֵךְ*.

V. 5. CIRCUMSPEXI, ET NON ERAT AUXILIATOR. Sic Psalm. lxxviii. 21. *Et sustinui, qui simul contristaretur, & non fuis, & qui consolaretur, & non inveni:* & Psal. xxi. 9. *Deus, Deus meus, quare me dereliquisti.* QUAE SIVI. Melius noster Inter-

Interpres quam qui vertunt, *Admiratus sum* : quamvis verbum Hebraicum **סוּפֵּר** proprie significet *admirari* ; respexit enim noster Interpres ad sensum, non ad verbum. Sensus autem est Christum attente more admirantis considerasse, equis esset quae opem ferret : sicut Sept. verterunt *προεβλεψα*. Et SALVAVIT MIHI ; id est, sola fortitudo mea sine cuiusquam auxilio salutem mihi attulit & victoriam.

V. 6. ET CONCULCAVI POPULOS, id est diabolum & eius ministros. Et INEBRIAVI EOS, id est attonitos reddidi sicut ebrios, & eorum vires prostravi.

V. 7. MISERATIONUM DOMINI RECORDABOR, id est, miserationes & beneficia Dei commemorabo (inquit Propheta) ut est Heb. מוֹכִיר.

V. 8. ET DIXIT (Deus,) id est confidit apud se. VERUMTAMEN, **וְאֵן**, tamen POPULUS MEUS EST ; id est, quamvis peccatores sint, liberabo tamen eos, quia populus meus sunt. FILII NON NEGANTES, qui non negant me esse patrem, qui se filios meos esse profitentur. Filii, **בְּנֵי**, qui non mentiuntur, id est non spurii, parafisi Hebraici, ut Psal. XVII. 46. *Filii alieni mentiri sunt mihi*. IN OMNI TRIBULATIONE EORUM NON EST TRIBUTATUS, id est non est fatigatus, non destitit illis opem ferre. Sept. non legunt, *Non est tribulatus*. Chaldaeus vero interpretatur active, *In omni tribulatione eorum* ; id est, cum illi tribularent eum peccatis suis, non tribulavit eos. Hebraei putant legi **לֹא** pro **וְ** non, pro, illi ; id est, in omni tribulatione eorum, fuit illi tribulatio : sicut ait D. Paulus II. Corinth. XI. 29. *Quis infirmatur, & ego non infirmor? quis scandalizatur, & ego non uror?* Et ANGELUS FACIEI EIUS, id est ab eo missus, aut eum praecedens, aut eius personam gerens. Hebraismus.

V. 9. IN DILECTIONE, id est propter amorem quo eos prosequabatur. REDEMIT EOS, ET PORTAVIT humeris suis, sicut ovem quae perierat & inventa est : Luc. XV. 4. sic loquitur Moses Deut. XXXII. 11. *Sicut aquila provocans ad volandum pullos alas suas, atque portavit in humeris suis*.

V. 10. IPSI AUTEM AD IRACUNDIAM PROVOCaverunt. Hebr. **מִדָּם**, defecerunt (ab eo), rebelles fuerunt. ET AFFLIXE-

RUNT SPIRITUM SANCTI EIUS. קִדְּשׁוּ *sanctitatis eius*, aut *sanctum eius*, ut in aliis exemplaribus legitur. Tunc autem dicimur Spiritum sanctum Dei affligere, cum eius beneficia peccatis compeniamus : ut Psal. CV. 32. *Et irritaverunt eum ad aequas contradictionis, & vexatus est Moyses propter eos, qui exacerbaverunt spiritum eius* : & apud D. Paulum ad Ephes. IV. 30. *Neque contristare spiritum sanctum Dei, in quo signati estis*.

V. 11. ET RECORDATUS EST (populus, vel, Israel) DIERUM SAECULI, id est antiquorum. MOSES ET POPULI EIUS ; quasi dicat : Cum Deus factus esset illis inimicus, coeperunt priscorum temporum recordari, & desiderare beneficia, quae Deus in patres eorum contulisset (sub. dicentes quod sequitur.) UBI EST QUI EDUXIT EOS, (patres nostros, relativum sine antecedente.) CUM PASTORIBUS, id est per pastores populi sui Moysen & Aaron. Aut, ut Hebr. legitur **מִתְּרֵעָה**, cum pastore. UBI EST QUI POSUIT IN MEDIO EIUS (populi) SPIRITUM SANCTI, id est sanctitatis suae, vel, spiritum sanctum suum, ut ante, id est qui spiritum sanctum suum fecit eius ductorem.

V. 12. QUI EDUXIT (eos) BRACHIO MAIESTATIS SUAE, id est glorioso, ad dexteram Moysi (assistens) ut Psal. LXXII. 24. *Tenuisti manum dexteram meam, & in voluntate tua deduxisti me*. Videtur alludere ad virgam quam Moyses manu tenebat.

V. 13. NON IMPINGENTEM. Hebr. **לֹא יִכְשֹׁל**, ita ut non impingerent (sicut equus per desertum non impingit.)

V. 14. QUASI ANIMAL IN CAMPO : **כַּבְּקָה בְּחֵלְמָה**, quod per vallem descendit.

V. 15. SUPER ME CONTINUERUNT SE, id est cohueverunt se, non sele ostendunt viscera tua, & miserationes tuae erga me sicut antea.

V. 16. TU ENIM PATER NOSTER. Quasi iure petunt Deo auxilium tamquam a patre suo filii. ABRAHAM NESCIVIT NOS, ET ISRAEL (Jacob) IGNORAVIT NOS. Inapte ex hoc loco haeretici colligunt, sanctos neque pro nobis orare, neque invocando a nobis esse. Non enim est sensus, Abraham & Jacob ignorare quid apud nos agatur, quod non erat ad rem, cum II. Mach. XV. 14. Ieremias Propheta vis-

lus in caelo fuerit pro populo orans; sed sensus est, *nescitis nos*, id est non est pater noster, sed tu solus. Opponit enim hæc duo, patrem enim, & nescire, atque ignorare nos. Cum autem negant Abraham & Jacob non esse patrem suum, non omnino negant, sed comparate; quasi dicat: Quamvis Abraham & Jacob patres nostri sint, tamen isti tecum comparantur, non sunt patres nostri, sed tu solus pater noster es, ut statim sequitur. Sicut Christus præcipit Matth. xxi. 9. *Et patrem nolite vocare vobis super terram, unus enim est pater vester qui in caelis est.* Non enim veras vocare patrem super terram, sed comparatione Dei vocare. Ex quo sensu potius colligitur Abraham & Jacob patres nostros esse, ac proinde curam nostri gerere, & pro nobis orare.

V. 17. QUARE ERRARE NOS FECISTI, id est permististi ut erraremus. Saepe enim Deus dicitur facere in Scriptura, quod non ipse facit, sed permittit, ut Damascenus ait, immo non solum facere, sed etiam imperare, ut Ioan. xiii. 27. *Quod facis, fac citius;* & II. Reg. xvi. 10. *Dimitte eum, ut malediceret.* Dominus enim præcepit ei ut malediceret David. Ineptè ergo ex hoc loco hæretici colligunt, Deum nos ad male etiam agendum impellere: *Deus enim neminem tentat:* Iacob. 1. 13. Eodem modo intelligendum quod sequitur, INDURASTI COR NOSTRUM. Induravit enim Deus, ut August. ait, auferendo gratiam, non impertiendo malitiam. Heb. תְּקַיֵּם verti potest, *averisti*, aut *discedere fecisti cor nostrum a timore tuo.* CONVERTERE PROPTER SERVOS TUOS, id est propter Abraham & Jacob: non solum propter seculos cum illis pactum, ut Hæretici interpretantur, sed etiam propter eorum merita, ut constat ex simili locutione: III. Reg. xv. 4. *Sed propter David dedit ei Dominus Deus suus lucernam in Ierusalem.* Eo quod fecisset David rectum in oculis Domini, & non declinasset ab omnibus quæ præceperat ei omnibus diebus vite suæ. Hic enim non allegatur seculus cum Davide initum, sed eius merita.

V. 18. QUASI NIHILUM, id est facile, & sine ullo negotio adversarii nostri subiugarunt nos populum sanctum tuum, quemadmodum si non esses protector noster. Hebræi aliter legunt & interpretantur: *Ad modicum possedis populum sanctum tuum* (sub-

hereditatem, quam illi dedisti) HOSTES (enim): NOSTRI CONCULCAVERUNT SANCTIFICATIONEM TUAM, id est populum, quem tu sanctificaveras.

V. 19. FACTI SUMUS QUASI IN PRINCIPIO; id est, non videris maiorem curam habuisse nostri, quam habebas olim ante quam essemus populus tuus. Hebræi legunt לֹא טַעַם לֹא טַעַם בְּךָ: ad verbum: *Fuimus quibus a seculo non es dominus*, id est similis ceteris gentibus, quarum numquam dominus fuisti. לֹא נִקְרָא שִׁמְרָךְ עֲלֵינוּ non est invocatum nomen tuum in eis, id est in quibus non est invocatum nomen tuum; quasi dicat: Non maiorem curam gessisti nostri, quam ceterarum gentium: expositio est hyperbolica.

S. A.

Verf. 1. QUIS, &c. Vox Angelorum. EDOM, scilicet Idumæa, scilicet mundo, vel Iudæa; vel quasi dicat, De sanguine, id est passione. Edom enim rubrum. TINCTIS, scilicet sanguine. BOSRA. Metropolis est Idumææ; hic autem accipitur pro Ierusalem. (Bosra enim munitio, seu munita) vel pro passione. Bosra enim etiam tribulatio, & vinetia, cui Christi passio assimilata paulo inferius. STOLA, scilicet humilitate. LOQUOR, id est prædico, doceo.

V. 3. TORCULAR, scilicet passionis. GENTIBUS, scilicet hominibus. VIR, id est quisquam; quasi dicat: Ego solus per passionem mundum liberavi; vel, ego solus hostes vici: id enim etiam in Scriptura est calcare torcular, scilicet hostes premere. EOS, scilicet hostes, peccata, & demones. IN FURORE, id est valde iratus. SANGUIS, id est peccata; quasi dicat: Passus sum pro mundi peccatis, quæ suscepisti delenda.

V. 4. ULTIONIS, scilicet contra peccata. IN CORDE MEO, id est animo meo statutus olim.

V. 5. MIHI; pro, me: vel abundat, & subauditur hic & inf. eos, scilicet quos volui eripere; atque ita Chald. & LXX. Vide Psal. xcvi. INDIGNATIO, id est ulciscendi studium.

V. 6. CONCULCAVI, id est vici, & mihi subieci, scilicet expulsi erroribus. VIRUTEM, id est robur; quasi dicat, Superavi.

P. 7.

EST II.

V. 7. LAUDEM, scilicet cantabo, vel recordabor. INDULGENTIAM. Chald. & LXX. *miseriordiam*. MISERICORDIARUM SUARUM. LXX. *iustitiz sue*.

V. 8. VERUMTAMEN, id est utique. NEGANTES. Chald. *mentientes*; quasi dicat, Fidem servantes. EST, scilicet Deus.

V. 9. IN OMNI. LXX. *ex omni*, scilicet iungunt cum superioribus. NON EST TRIBULATUS? per interrogationem legendum; quasi dicat: Nonne ita sensit eorum afflictiones, ac si propriæ essent? At LXX. ita legunt, ut sensus sit, neminem pro ipsius tribulatione, id est passum, nec Angelum, aut alium quemquam, nisi Deum, salvasse eos: secundum quam lectionem repetenda negatio sic, *Et non Angelus*; id est nec Angelus. FACIEI EIUS, id est ab eo missus: secundum vero nostram lectionem, Christus intelligendus Angelus scilicet magni consilii.

PORTAVIT. LXX. *suscepit*. Chald. *tulit*. ELEVAVIT. LXX. *exaltavit*. Chald. *sustinuit*.

V. 10. SANCTI, scilicet Moylis; vel pro, sanctitatis. LXX. *sanctum*.

V. 11. RECORDATUS, scilicet Israel tandem aliquando. SUI, id est eius. UBI EST. Vox Israelis, vel Prophetæ. QUI EDUXIT, &c. LXX. *qui eduxit de terra pastorem ovium*, quod citatur Heb. xiii. ubi pro terra, est, mortuus; pro pastorem, pastorem magnum. PASTORIBUS, scilicet Moyse & Aaron. SANCTI SUI, scilicet Moylis. Chald. *sanctorum suorum*. LXX. *sanctum*. Vide supra.

V. 14. IN CAMPO; pro, in campum; quasi dicat, Lente, seu pedetentim.

V. 15. ATTENDE, scilicet ad afflictionem nostram, & inopiam. ZELUS, id est vehemens amor. CONTINUEAUNT, scilicet non ferentes opem.

V. 16. NESCIIT; pro, nescit; quasi dicat, Non potest liberare. Hieron. *non habet pro filiis, quia a te recessimus*. Chald. *non eduxit nos de Aegypto*. NOMEN TUUM, scilicet celebre. LXX. *nomen tuum super nos*.

V. 17. FECISTI, id est permisisti. TRIBUS; pro, ob tribus.

V. 18. NIHILUM, id est rem vilem. SANCTIFICATIONEM, id est templum.

V. 19. NEQUE INVOCARETUR, &c. quasi dicat, Nec te agnosceremus, vel non diceretur populus tuus.

Vers. 16. **A** BRAHAM NESCIUIT NOS. ET ISRAEL IGNORAVIT NOS, U-
tuntur novatores hoc loco Scripturæ contra invocationem sanctorum, quasi sancti ignorant res mortalium. Sed respondetur cum Hieronymo commentante in hunc locum, significari ignorantiam oppositam notitiæ amoris seu approbationis; ut sit sensus: O Domine miserere tu; quia Abraham & Isaac aspernantur nos tamquam degeneres filios; quia sciunt nos dereliquisse Dominum. Et ad eundem modum Christus comminatur Marth. xxv. se quibudam dicturum: *Nescio vos*. Unde ex hoc loco potius contrarium colligitur, nempe Abraham & Isaac cognovisse illorum improbos mores; & certum quoque est Ieremiam & Oniam sollicitos de statu populi Dei pro illo orasse, II. Machab. ult.

V. 17. QUARE ERRARE NOS FECISTE DOMINE DE VIIS TUIS: INDURASTI COR NOSTRUM NE TIMEREMUS TE? Dicitur Deus facere nos errare, & cor nostrum indurare, non quod errorem aut duritiam animi in nobis efficiat, sed quia illa in nobis vel circa nos agit quæ nobis ex nostra malitia, vel ignorantia, vel infirmitate sunt occasiones erroris vel indurationis in peccato. Sensus autem est; Ne quæso diutius finas nos aberrare a viis tuis, & indurari corde; sed aufer a nobis errorem, & duritiam cordis, fac ut te timeamus. Loquitur autem Propheta in persona populi; & est precatio, sicut illud quod sequitur: CONVERTERE, &c: Vide plenius supra vi. 10. & loca ibi citata.

MARIANAE.

Vers. 1. **Q**UIS EST ISTE, QUI VENIT DE EDM. Vox Angelorum. Edom, id est Idumæa. Sumitur pro mundo, quo victo Christus ascendit in celum. TINCTIS VESTIBUS. Heb. *ruber vestibus*, scilicet sanguine suo. De Bosra? Bosra erat Idumææ caput; sed hic sumitur pro Ierusalem, ubi Christus est passus. IN STOLA SUA. Stola pro natura humana. GRADIENS, id est discurrens (per populos) IN MULTITUDINE VIRTUTIS SUÆ. Omnes scilicet debellans. Respondet Christus.

us. EGO QUI LOQUOR JUSTITIAM, id est qui iuste eos debello. ET PROPUGNATOR SUM AD SALVANDUM. Heb. *magnus*, seu *Princeps*, ut (meos) *liberem*.

V. 3. TORCULAR CALCAVI SOLUS, scilicet mortis. ET DE GENTIBUS NON EST VIR MECUM, id est quisquam, omnes me deseruerunt. CALCAVI EOS; id est peccata. SANGUIS EORUM, id est peccatis debita supplicia ego pertuli.

V. 4. DIES ENIM ULTIONIS IN CORDE MEO, id est dies quo decrevi in corde hostes ulcisci. ANNUS REDEMPTIONIS MEAE VENIT. Sic Chald. & Septuag. Pagn. *annus redemptorum meorum venit*. Parum refert. Sed varietatem puncta Heb. fecerunt. Ubi nunc, נְשִׁיבָה *redemptorum meorum*, cui legabatur נְשִׁיבָה *ghedi*, id est redemptionis, seu redemptionis, aut. *retributionis mea*. Dies & annus pro tempore. Ergo venit tempus, quo impios ulciscar, pios redimam.

V. 5. ET NON ERAT AUXILIATOR. Oannes me deseruere. QUASIVI. Septuag. *consideravi*. Heb. *admiratus sum*, scilicet quod nemo mihi praesto esset. ET NON FUIT QUI ADIUVARET. Heb. *qui succurreret*; sed perinde est. ET SALVAVIT MIHI; pro, me. ET INDIGNATIO MEA. Aliquando desperationis & furor in pericula victoriam parit.

V. 6. ET INEBRIAVI EOS IN INDIGNATIONE MEA, scilicet hostes calice furoris mei. VIRTUTEM EORUM, id est robur detraxi in terram. Septuag. *sanguinem*. Vox *mezah* & *robur* & *sanguinem* potest significare. Sane vers. 3. pro eadem voce *sanguinem* posuimus, scilicet *Et aspersus est sanguis eorum*.

V. 7. MISERATIONUM DOMINI RECORDABOR. Heb. *miserationes Domini memorabo*. Propheta verba sunt commemorantis pluribus verbis in modum cantici, quae Deus beneficia contulit. SUPER OMNIBUS. Heb. *sicut super omnibus*; id est laudabo Deum pro hoc beneficio, ut pro aliis quae nobis contulit. QUAE LONGITUS EST ET SECUNDUM INDULGENTIAM SUAM. Heb. *secundum miserationes suas*.

V. 8. ET DIXIT. Deus scilicet. Hic canticum incipit, superior versus titulus fuit. VERUMTAMEN. Vere, profecto populus meus hic est. FILII NON NEGANTES. Heb. *filii non mentiantur*; id est, non spurii, qui falsi patres commutant.

V. 9. IN OMNI TRIBULATIONE EORUM

NON EST TRIBULATUS. Duplex lectio apud Heb. altera cum negatione, ut est in Vulgata; quomodo sic veritas: *In omni tribulatione eorum non tribulatio*, scilicet eis. Non desperarunt. In Massoreth est altera lectio; dempta negatione, & pro *non* substituto *et* hoc sensu: *In omni afflictione eorum, ei* (scilicet Deo) *afflictio*, scilicet videbatur affligi. In Gotth. detrahitur negatio: *In tribulatione eorum est tribulatus*. Contra Septuag. & Chald. cum negatione legerunt. ET ANOELUS FACIEI EIUS, id est ab eo missus, & numero eorum qui assistant ei. CUNCTIS DIEBUS SAECULI, id est praeteritis temporibus salvavit eos.

V. 10. SPIRITUM SANCTI EIUS IRRITAVERTUNT. Heb. *spiritum sanctitatis eius*, id est Spiritum sanctum suum. DEBELLAVIT EOS DEUS. Heb. *bellavit*; *maor*, scilicet cum excitavit Gentes, quae Israelitis bellum inferrent.

V. 11. ET RECORDATUS EST, scilicet Israelis. QUI EDUXIT. Heb. *ascendere fecit eos de mari*; scilicet rubro. CUM PASTORIBUS GREGIS SUI. Fecit eos ascendere de mari populum & duces. IN MEDIO EIUS, scilicet pastoris, Moysis posuit SPIRITUM SANCTI SUI; pro, Spiritum sanctum suum, scilicet, spiritum Prophetiae Moysi tribuit.

V. 12. QUI EDUXIT. Heb. *deduxit*. AD DEXTERAM MOYSEN. Heb. *ad dexteram Moysis*, id est ad virgam, quam dextra gerebat. BRACHIO, seu *brachium*, scilicet posuit in ea virga fortitudinem maiestatis suae. UT FACERET; pro, quare fecit sibi nomen aeternum.

V. 13. QUASI EQUUM IN DESERTO NON IMPINGENTEM. Ubi nulli sunt lapides, ad quos offendant. Deduxit ergo populum de mari sine ullo offendiculo.

V. 14. QUASI ANIMAL, aut iumentum. IN CAMPO. Heb. *per vallem*. DESCENDENS, descendit scilicet lente & pedetentem. SPIRITUS DOMINI DUCTOR EIUS FUIT. Heb. *deduxit illum*, scilicet populum, lente, sine labore. SIC ADUXISTI, deduxisti populum. Vertit ad Deum sermonem. UT FACERES, quo factum est tibi. NOMEN GLORIAE, id est gloriosum.

V. 15. ATTENDE, seu respice. DE CAELO, scilicet afflictionem quam patimur. UBI EST ZELUS TUUS, id est amor vehemens in nos. MULTITUDO VISCERUM TUORUM, id est.

ad est amoris, benignitatis incense. SUPER ME. Sic Chald. Heb. *ad me*. pro erga me. CONTINUERUNT SE. Chald. *confortata sum*, id est indurate sunt miserationes tuæ? Ea est vis vocis *hithapheku*.

V. 16. TU ENIM PATER NOSTER; quasi dicat, Pater non induratur erga filios. ABRAHAM NESCIUIT NOS. Et si maiores nostri obliti fuerint, tu tamen es noster pater. A SAECULO NOMEN TUUM. Hoc scilicet patris & redemptoris nomen ab antiquo habes.

V. 17. ERRARE NOS FECISTI, permisiisti. CONVERTERE PROPTER SERVOS TUOS, TRIBUS HEREDITATIS TUAE; id est, propter tribus hereditatis tuæ convertere. Conuersio propter geminari debet: sic Septuag.

V. 18. QUASI NIHILUM POSSEDERUNT POPULUM, scilicet contempserunt, quos captivos tenebant. Heb. *ad modicum* (tempus) *possederunt populum*, scilicet hereditatem, quam dixit, brevi tempore tenuerunt Israelitæ. HOSTES NOSTRI, illi omnia occupauerunt, & sanctuarium conculcauerunt.

V. 19. FACTI SUMUS QUASI IN PRINCIPIO. Ita nos deseris, quomodo olim priusquam nos eligeres in populum tuum. Heb. longe aliter, *facti sumus* (tui) *a seculo*. Non es dominatus in eis, scilicet hostibus. Non invocatum est nomen tuum super illos. Ergo nobis favere debes ut tuis, hostes aversari ut alienos a te.

MALVENDAE.

Verf. 1. QUIS EST ISTE, QUI VENIT DE EDMO. Alii: *Quis hic est veniens ex Edomæa*. Tota hæc, inquit, prophetia (in quatuor capita coniungenda esse putavimus) est dialogistica, ac prout tribus questionibus, responsionibusque continetur. Questiones proponit Ecclesia Iudeorum, responsa Christus. Prima quæstio Ecclesia Christum tamquam ex improviso advenientem, & hostes suos ulciscentem non agnoscentem, querit quis ille sit, & cognoscit ex Christo, hoc versu. Secunda, cruentas illius vestes admirans, querit illius rei causam, vers. 2. cui respondet Christus versibus quatuor. Tertia denique, Ecclesia repente adducta partim in admirationem antecessorum Dei operum, reliquo capite, vel usque ad versum 15. partimque in me-

mplorat misericordiam Christi, toto cap. LXIV. vel a vers. 15. huius capitis, usque ad finem cap. LXIV. cui respondet Christus cap. LXV. Quidam non tam apte volunt hæc esse Prophetæ verba de Christo redeunte in cælum, victis satana, morte, & peccato, versis Ecclesiæ Iudeis, id est hostibus. Aliqui hic perspicuitatis causa traiciunt verba: *Quis est hic veniens ex Edomæa*, *Botzrah*, *madefactus vestibus*? Exponunt: *Ex Edomæa*, id est ex regione hostium Ecclesiæ, synecdochice. Edomæa autem potius quam ulla alia regio nominatur, cum propinquitatis, tum gravissimæ ac hæreditariæ hostilitatis nomine, ut Psal. CXXXVI. 7. & Lament. IV. 21. *Botzrah*, Edomæorum metropoli, ut sup. cap. XXXIV. 6. & I. Machabeor. V. 26. *madefactus vestibus*, non tam sudore suo, quam hostium sanguine, ut secunda quæstio explicatur, vers. 2. Recte monent aliqui, consulto Prophetam usurpasse hæc duo nomina *Edom* & *Botzrah*, quod eorum significatio apte congrueret instituto: nam *Edom rubrum* significat; cui respondet, quod vers. 2. dicitur: *Quare rubrum est indumentum tuum*? & *Botzrah*, a *vindemia* dicitur; cui respondet illud, *veluti calcantis in torculari*. TINCTIS VESTIBUS. Heb. est regimen, insectus, fermentatus, conspersus, tinctus vestium; vel vestibus, aut vestes: metaphora a massa conspersa. Quidam: *rubefactus vestes*, seu rubras vestes habens. Alii: *coloratus vestibus*. ISTE FORMOSUS IN STOLA SUA. Alii: I. iste, inquam, decorus in veste sua. II. iste honoratus, seu honorifice ornatus in indumento suo. III. ille tam honorifice paludatus. Paludamentum propria vestis ducum & Imperatorum exercituum. IV. iste decorus veste sua; id est, cuius decorum & gloriam ex ipsius veste sanguine conspersa, & reportatam victoriam agnoscimus. GRADIENS IN MULTITUDINE PORTITUDINIS SUAE. Alii ex Hebræo I. *volabat se in multitudine virium suarum*. II. *festinus tanto robore suo*. III. *discurrent magna potentia*. IV. *percreare agens amplitudine virium suarum*; id est, peragens & pervadens secure omnes hostium regiones, non alienis copiis aut collecta manu, sed sola potentia sua. V. *demigrare faciens in multitudine potentia sua*; id est vel hostes Ecclesiæ abigens & transferens; vel filios Dei ex captivitate satanæ in Ecclesiam traducens.

cens. EGO, QUI LOQUOR IUSTITIAM, ET PROPUGNATOR SUM AD SALVANDUM. Alii ex Heb. I. *Ego sum qui loquor in iustitia, & ad servandum satis dives sum.* II. *Ego, qui loquor iuste, sufficiens ad servandum.* Respondum Christi, quod se verum Ecclesiae prophetam, sacerdotem & regem profiteatur; quasi dicat: Ego is sum, qui praedico Evangelium, quod homines iustificat, qui pulleo omnipotentia in danda gratia & vita aeterna.

V. 2. QUARE ERGO RUBRUM EST, &c. Alii: *Quare rubidus es vestibus tuis, & vestimenta tua ut caleant in torcularis lacu?* Secunda quaestio.

V. 3. TORCULAR. פורא *phurab*, plerique secuti Chaldaeorum, torcular interpretantur, nimirum vas, in quod uva calcandae & confringendae iniiciuntur. Sed ex loco Haggai 11. 17. videtur potius dolium esse, aut vas in quod illabatur vinum, quod huic inscriptum recte congruit: *Dolium viavi solus*; id est, vinum in dolium viavi, & duxi seu influere feci solus. Varie exponunt: I. *Torcular calcavi solus*. Victoriā significat, quam Christus sola sua virtute peperit, de gentibus, allegorice; quasi dicat: Magna carnes & tirages spiritualis fuit hostium, qualis uvarum in torculari; id est, cæcis peccato & culpis, & vivificatis, gratiae Dei & Christo. II. quasi dicat: Peperi mihi hanc victoriā meis viribus, sine ope hominum. III. *Torcular calcavi solus*. Respondum Christi ad quaestionem accommodatam allegorice explicat victoriā Christi de hostibus, ut suam Ecclesiam potenter fervet. Hanc autem victoriā commendat duobus modis, primum, quod nemo hostium tam fortis fuit, qui posset ipsi obfistere, duobus verbis: deinde, quod solus eam comparaverit nemine adiuvante, duobus alteris: quæ duo proleptice his tribus primis verbis exposuit. ET EX GENTIBUS NON EST VIR MECUM. Alii: I. *& ex populo nemo mihi adiuit*; id est, vici sine ulius alterius ope. II. *nam ex populo nullus vir potuit certare mecum*; id est, mihi obfistere, & contra repugnare. ET ASPERSUS EST SANGUIS EORUM SUPER VESTIMENTA MEA. Alii ex Heb. I. *& aspersum est robur illorum, id est sanguis roboris eorum, vel sanguis cuiusque robustissimi illorum, vestimentis meis*. II. Forcius: *& aspersit excellentiam suam super vestem*

meam; id est, *Quod convaleceam cum, asper sit vestem meam, vici ipsam cum infamia nominis & periculo vita*. Quod ego non capio: an cum periculo vitæ & infamiae hostis, vel mei. III. Forcius: *& aspersa est excellentia, victoria, eorum super vestimenta mea*, ut sit figuratus sermo; quasi dicat: Acupingere feci vestimentis meis victorias, nomina insignia gentium a me de victarum ac debellatarum. Quod reges facere solent in his, quos vulgo *reyes de armas* appellant: sic infra verl. 6. *Hoc alii*, inquit Forcius, in istis duobus locis pro sanguine reddiderunt, eo nimirum, quod robur & prævalentia, seu vita hominis consistat in sanguine: sed videtur remotius esse a simplicitate. IV. Avenarius: *& aspergetur continuatio, continuas*, id est sanguis, qui continuat membra, *super vestimenta mea*. Frigide. V. Mercerus: *& aspergetur, stillabit, sanguis eorum super vestes meas*. INQUINAVI. עבולתי *eghalthi*, præteritum Hiphil, in quo scribitur *Aleph* pro *He*: & coniunctio & anomalia magnam conquinatorem significant. Quidam reddunt: *volutando contaminavi*.

V. 4. DIES ENIM ULTIONIS IN CORDE MEO, &c. Alii ex Heb. I. *Dies enim ultionis in corde meo, annus redemptorum*, vel *vindicandorum meorum venit*; id est iam olim statueram ulcisci genus humanum de inimicis suis, satana, morte, peccato: id tempus iam adest, quo meos redempturus sum. II. *Quando dies ultionis ex animo meo venit*; id est, cum exoptata mihi plenitudo temporum advenerit, ut vocat Paulus Galat. IV. 4. *& annus vindicandorum meorum venit*; id est, verus ille Iubilæus, quem legalis ritus figuraverat. Levit. xxv. & xxvii.

V. 5. CIRCUMSPEXI, ET NON ERAT, &c. Hunc versum alii ex Heb. reddunt. I. *Et aspexi, & non erat adiutor: me ipsum devovi, neque sunt sustentator: & opem mihi tulit brachium meum, & ardor meus ipse me sustentavit*. II. *Cum autem intuerer nullum esse adiutorem*; id est, ne Ecclesiam quidem ipsam ad salutem suam & liberatricem ab hostibus conferre aliquid posse: *& obstupescerem quod nemo sulciret; salutem attulit mihi*, id est Ecclesiae meae, quæ est corpus Christi, & complementum eius, qui omnia implet in omnibus, Ephesiorum 1. 23. *brachium meum, & exandescencia mea ipsa*

ipsa fulevit me; id est, solavirtus mea, & zelus Iehovæ, supra cap. ix. 7. & 37. 32. & 59. 17. ET INDIGNATIO MEA IPSA AUXILIATA EST MIHI. Quidam: *assusque meus fulevit me*; id est, animum mihi & vires suppeditavit vehemens ulciscendi studium. Habes hunc versum supra cap. lxx. 16. nonnullis immutatis.

V. 6. ET CONCULCAVI POPULOS IN FURE ME. Alii: *Ita, vel itaque calcavi populos in ira mea*. ET INEBRIAVI EOS IN INDIGNATIONE MEA. Quidam: *Inebriavi eos exardescencia mea*; id est, magna pocula atque insolita afflictionem & iram meam epotanda præbui eis, ut Psalm. lxxiv. 9. & supra cap. li. 22. ET DETRAXI IN TERRAM VIRTUTEM EORUM. Alii ex Heb. I. *ita ut sanguinem eorum in terram derivarem*. II. *Dei in terram excellentiam eorum*, id est divitiarum, potentiam, gloriam, pulcherrimum statum eorum: ut Lament. iii. 18. III. *Et deducam ad terram continuationem eorum*, id est sanguinem continuationem membra. IV. *Et prosternam in terram fortitudinem, seu potentiam eorum*. V. *denique dei in terram robur eorum, sive robustissimum quemque eorum*. Eadem vox נצח *netzach*, quæ supra vers. 3.

V. 7. MISERATIONUM DOMINI RECORDABOR, &c. Hunc versum alii ex Heb. exponunt: I. *Misericordias Iehovæ commemorabo, laudes Iehovæ iuxta omnia, quæ retribuit nobis Iehova: Et multiplex bonum domini Israelis, quod retribuit eis secundum miserationes suas, Et multitudinem miserationum suarum*. II. *Beneficentias Iehovæ memorabo, laudes, inquam, Iehovæ, veluti super omnibus aliis, quæ donavit, seu rependit nobis Iehova; Et de innumeris bonis domini Israelis, quæ pro miserationibus suis, Et pro immensa bonitate sua largitus est eis*. III. *Benignitates Iehovæ commemorabo, laudes Iehovæ, place pro omnibus, quæ contulit nobis Iehova: Et amplitudinem bonitatis erga domum Israelis, quam contulit eis secundum miserationes suas, Et secundum amplitudinem benignitatum suarum*. Hac tertia parte concionis, ut dictum est in vers. 1. Ecclesiam admirans magnificentiam præsentem Christi, orat ipsum pro salute sua, usque ad cap. lxx. Huius autem orationis partes sunt quatuor: prima est exordium, quo Ecclesia Deum adducit ad continuandam promissionum veritatem, & confirmat scipiam

Bib. Sac. Tom. XVII.

in expectatione earum, per laudativam narrationem antecellæ Dei beneficentiarum, usque ad versum 15. sive ut alii distinguunt, toto hoc capite: secunda est, præpositio postulati, a vers. 15. usque ad quantum capitis lxxiv. sive a principio cap. lxxiv. usque ad vers. 9. tertia est, confirmatio postulati, tribus versibus: quarta, conclusio, a vers. 9. seu 12. ad finem.

V. 8. ET DIXIT, &c. Quidam: *Nam dixit, &c.* Narratio benignitatis & beneficentiarum Dei erga populum, hoc versu: quæ deinde amplificatur ab ingratissimis populis factis, & Dei constantia in benignitate præstanda propter gloriam suam, versum sequente: atque hæc duo reliquis exornantur, usque ad vers. 15. *dixit, Iehova; id est, humanitus secum reputavit, tamquam bonus parens bene sperans de liberorum fide atque obsequio. FILII NON NEGANTES. Heb. filii non fallent*. Alii: I. *filii, qui non mentientur*. II. *filii non fallaces erunt*. III. *Et filii, qui nequaquam fallent*. IV. *filii non mendaciter acturi*; quali dicat: Non erunt tam impii atque impudentes, ut degenerent a me: humanitus dictum.

V. 9. IN OMNI TRIBULATIONE EORUM NON EST TRIBULATUS. Heb. scribitur מלו *lo cum Aioth, non*: sed plerique Hebræorum volunt unum esse de locis in quibus *Aioth* ponitur pro *Van*, *ei*; unde varie reddunt: I. *In omni angustia eorum ei fuit angustia*; id est, cum angustiantur, implet angustia videretur. II. *In omni afflictione eorum, non afflictio, fuit eis*; id est, cum maxime videbantur affligi, tum non vere affligebantur, levante Deo afflictiones eorum. III. *In omni angustia eorum non coarctavit eos*; id est, quantacumque in eos ingruerent mala, non sinebat eos succumbere, aut penitus opprimi, ut sit illud II. Corinth. iv. 8. *In omnibus afflictimur, sed non coarctamur*: aut certe illud II. Corinth. i. 5. *Sicut exundant perpassiones Christi, id est ærumnæ quas ob Christum perpetimur; ita per Christum exundat etiam consolatio nostra*. IV. *In omni angustia eorum non affecit eos angustia*; id est, In omni angustia, qua Deum indignissime affecerunt (humanitus dictum, ut sequente versu) non malum, sed bonum rependit pro malo. ET ANGELUS FACIEI EIUS SALVAVIT EOS. Alii: *sed angelus faciei eius servavit eos*; id est, Christus mediator Dei & hominum,

Vuu

vc-

verus angelus fœderis, de quo Exod. xxiii. 20. Propterea autem angelus faciei appellatur, cum quia tamquam sacerdos æternus ministrat coram facie Dei, & intercedit pro nobis, atque adeo est in sinu Patris Ioann. i. 18. tum quia nobis est a Patre imago Dei invisibilis, Colossens. i. 15. quem qui vidit, vidit Patrem Ioann. xiv. 9. Quidam: *Angelus faciei eius*, id est militus ab ipso, vel unus ex angelis eius, qui solent coram ipso altare ad iussa capellenda, vel qui faciem & præsentiam Dei refert, et iulque personam agit. Et PORTAVIT EOS, ET ELEVAVIT EOS CUNCTIS DIEBUS SÆCULI. Alii ex Heb. i. *baulavit eos*, portavit eos omni tempore præscos. II. Et imponent eos sibi, *baulavit eos omnibus diebus sæculi*: ut Exod. xix. 4. & Deuterion. xxxii. 11. & supra cap. xlv. 4.

V. 10. IPSI AUTEM AD IRACUNDIAM PROVOCaverunt, &c. Alii hunc verbum ex Heb. reddunt: I. Porro ipsi cum rebellarent & exasperarent Spiritum eius sanctum, in hostem conversus est, ita ut ipse pugnaret contra eos. II. Nam ipsi rebellantibus, & dolore afflictis, ut Psalm. lxxvii. 40. *Spiritum sanctitatis eius*, quem ex communicatis donis ipsius agnoscant: nam qui repugnante luce verbi Dei & spiritus accensa in conscientia ipsius, aliquid perpetrat, is Spiritum dicitur extinguere, I. Thessalonicens. v. 19. *Spiritui mentiri*, Actor. v. 3. *Et dolore eum afflicere*, ut hoc loco. Est autem hæc tota narratio in primis evidens (si qua in Veteri Testamento) ad confirmandum doctrinam Christiannam de uno Deo, & tribus personis: *mutabatur quidem ipsi in inimicum, ipse repugnabat eis*; id est, certabat contra ipsorum improbitatem, & reprimebat afflictionibus, tamquam si fuisset hostis: humanitus dictum, ut Psalm. xvii. 27. AD IRACUNDIAM PROVOCaverunt. *וַיִּרְאוּ מָרָא, mutaverunt in peius, rebellant, non obtemperaverunt, amaricaverunt, exacerbarunt.* ET AFFLIXERUNT SPIRITUM SANCTI EIUS. *וַיִּחַרְזֵבּוּ, dolere fecerunt, dolore fauciaverunt, disruciaverunt, contristaverunt, traxi fecerunt, exasperaverunt, Spiritum sanctitatis eius.* Putant ad hunc Isaie locum alluisse Paulum Ephesior. iv. 30. *Et ne contristate Spiritum sanctum Dei, per quem obsignati estis in diem redemptionis*, &c. & verbo Græco reddidisse *ἀνατρεῖν*.

V. 11. ET RECORDATUS EST, &c. Hunc versum alii ex Heb. varie explanant: I. *Et recordatus est*, vel ad memoriam reduxit dies longi temporis, seu præscos; cum Deus ad memoriam reduceret priora, ad eum Propheta ita exclamatur: *Ubi est, qui ascendere fecit eos de mari, cum pastoribus gregis sui? ubi est, qui posuit in medio eius Spiritum sanctitatis sue?* II. *Et recordatus est Israel retro temporum, Moïsis, & populi eius, dicens: Ubi est qui fecit eos ascendere de mari rubro, cum his, qui pacebant gregem suum? ubi est, qui dedit in medium eius, scilicet Moïsis, Spiritum suum sanctum?* III. *Sed recordabor dierum præscorum Moïsis, populi sui, dicens: Ubi es, qui eluxit istos e mari.* Prosopopœia tumme pathetica, qua figuratur Deus discipulaturus cum animo suo, & se ad misericordiam revocans propter gloriam suam: quo argumento utebatur Moïse, Exod. xxxii. 11. & seq. quasi dicat, Ubi amplius videretur gloria Dei? ubi extaret, sublato populo ipsius? cum pastore gregis sui? id est Moïse, ubi esset, qui posuit in medio ipsius Spiritum Sanctitatis sue? id est, Deum ipsum Patrem & Filium præsentem in Spiritu sancto, quem illiquodam modo extinguebant, ut dictum est vers. 10. Quidam exponunt: *Et recordatus est dierum sæculi Moïsis, populus eius*; id est, cum populus eius variis temporibus opprimebatur, vel ab Assyriis, vel a Babyloniis, &c. recordabatur temporum præscorum Moïsis, & eas mirificas liberationes in memoriam reducat, expostulans cur & nunc non similiter liberaretur. Qui sensus non placet, quod alienus videatur ab instituto.

V. 12. QUI EDUXIT AD DEXTERAM MOYSEN BRACHIO MAIESTATIS SUÆ. Alii: I. *Deducens eos ad dexteram Moïsis brachio gloria sue*, seu glorio suo. Hispanicus Interpres: *El qual los guio por la diestra de Moysen con el brazo de su gloria?* id est, *per la consuela*. II. *Qui ducebat ad dexteram Moïsis, & ad brachium decoris sui*; id est, qui ducebat eos duce Moïse gestante in dextera sua virgam. III. *Qui ducebat brachio suo magnifico Moysen, apprehensa dextera eius.* IV. *Qui deduxit istos ad dexteram Moïsis existens, brachio ornatus sui?* id est, Moysen quasi manu ducens, & dexteram illius agens ad perfici-

ficiendum opus suum. QUI SCIDIT AQUAS ANTE EOS, &c. Alii evidentius reddunt: qui diffudit, differavit aquas propter istos, qui comparari sibi nomen perpetuum, seu aeternum, aut sempiternum.

V. 13. QUI EDUXIT EOS PER ABYSSOS, &c. Alii ex Heb. I. Qui ducebat eos per abyssos veluti equum in deserto, neque corruerunt, vel quo minus impingerent. II. Qui egit istos per abyssos, tamquam equum per desertum, adeo ut non impingerent. III. Qui ambulare, seu incedere fecit eos per voragine: sicut equus non impingit per desertum, non impegerunt.

V. 14. QUASI ANIMAL IN CAMPO DESCENDENS, SPIRITUS DOMINI DUCTOR EUS FUIT. Alii ex Heb. I. Velut iumentum, quod per vallem descendit. Spiritus Iehova deduxit eum. II. Quasi iumentum, quod in campo graditur. Spiritus Iehova sensum & placide deduxit eum. III. Quasi animal, quod per vallem descendit, quod Spiritus Iehova dimittit, id est relinquit, ut libere scilicet incedat quo libuerit. Fortiter reddit: Spiritus Iehova quietat illud.

IV. Ut iumentum in convalle descendens, Spiritus Iehova quiete egit eum: id est, leniter & commodè duxit, ut solet iumentum duci in descensu montis ardui. Fururum femineum ex Hiphil הִנִּיחַ tenichenun, quidam a יָנַח ianach, deducunt, deponet, dimittit eum: Alii, a נָח nuach, quiescere faciet, pascere faciet eum. Nonnulli, a נָחַח naehah, sensum & placide deducet eum, vel illud: sunt cognatæ radices, & eodem sensum ducunt. Sic ADDUXISTI POPULUM TUUM, UT FACERES, &c. Alii: ita deduxisti populum tuum, ad comparandum tibi nomen ornatus, id est ornatisimum & pulcherrimum. Apostrophe ad Deum metaphorica, seu transitoria ad secundam orationis partem.

V. 15. ATTENDE DE CAELO, ET VIDE, &c. Alii: Intuere e caelis, & vide, &c. Altera pars orationis, nimirum propositio postulati, ut diximus supra in vers. 7. qua Ecclesia salutem a Christo petit, primum propter fedus cum ipsa initum, officiaque iam olim promissa & præstita Ecclesiae a Deo in Christo, his tribus verbis: deinde propter intolerantiam hostium Deo & Ecclesiae adversantium, vers. 18. & 19. quibus causis expositis, postulatum, quod fuerat coeptum, vers. 15. copiose explica-

tur, quatuor primis verbis, cap. LXIV. DE HABITACULO SANCTO TUO, ET GLORIAE TUAE. Alii: ex habitaculo sanctitatis tuae, & ornatus tui, seu ex habitaculo sanctissimo, ornatisimo, pulcherrimo, id est e caelis, periphraſtice. זְבוּל zebul, Habitaculum, dicitur de templo Salomonis I. Reg. VIII. 13. & de caelo, quod est proprie habitaculum Dei, hic. UBI EST ZELUS TUUS, ET FORTITUDO TUA, &c. Hoc hemistichium ex Heb. alii reddunt: I. ubi zelus tuus, id est amor ille vehementissimus, quo ante nos persecutus es? & robor tuum? multitudine viscerum tuorum & misericordiarum tuarum quomodo se erga me continent? II. ubi est zelus tuus? maioribus nostris opere demonstratus ad servandum ipsos? quasi dicat: Iam non exultat, namquam apparet amplius: humanitas dictum: & maxima potentia tua? nam Hebraice est plurali numero: potentia tua? fremitus viscerum tuorum, & misericordiarum tuarum erga me continebant sese? id est, numquamne velut poenitentia adductus, & dolore interno misereberis mei? metonymice; sic Cantic. v. 3. הִתְחַפְּפוּ הִתְחַפְּפוּ hithappaku, praeſeritum Hithpahel significatum intendit; quasi dicat, Valide, vehementer sese continuerunt. Quidam reddunt: vinne sibi fecerunt erga me? scilicet, cohibuit ne descendat ad me?

V. 16. TU ENIM PATER NOSTER, &c. Hunc versum ex Heb. reddunt: I. Cui tu sis pater noster (siquidem Abraham nos non cognoscit, neque Israel nos novit) tu Iehova, pater noster es, redemptor noster, nomen tuum ab aeterno, vel fama tua celebris fuit etiam ab initio mundi. II. Tu enim pater noster es; prior causa postulati, ut diximus versu praecedente a federe Dei constantissimo: quoniam Abraham nesciturus nos, & Israel non agnitus esset nos: tu, Iehova, pater noster es, vindicti nostro a saeculo nomen est tibi. Occupatio brevis. At qui (dixerit quispiam) Deus pater est Abrahami & Israelis arbulantium coram se, vos autem plane a federe discessistis, & maiorum vestigia in fide reverentiaque Dei ambulantium: ita omisit, ut ne ipse quidem Abraham a.2. Israel (si in vivis essent) vos pro filiis agnoscerent, Deuter. XXXII. 5. Respondent: Fatemur quidem nos ita depravatos esse vitiositate nostra, ut indigni simus qui Dei Abrahami, & Israelis filii appellemur; sed nitimur so-

lo Dei sedere gratuito, quod scimus esse constantissimum, ut Deus est. Sic peritringitur brevi argumentum illud, quod postea adicitur vers. 5. & duobus sequentibus capitulis LXIV. quasi dicant: Etsi nos a foedere Dei, quod cum Abrahamo & Israele patribus nostris inivit, desciverimus; non tamen Deus a se vel a sedere suo desciscere potest: Deus enim negare se non potest. Aliqui exponunt: Tu, tu, inquam, pater noster es, nihil enim genus Abraham curamus, nihil hic offendimus ius patrum aut cognationem, solo tuo amore nitimur, nullo nisi te patre gloriamur: nihil nobis cum Abrahamo & ceteris patribus est, prae-ter, vel extra te.

V. 17. DE VIS TUIS; id est, ab obsequio, fide & cultu tuo, quem observari vident adversarii, & tua gloria flagitat. INDURASTI COR NOSTRUM NE TIME-REMUS TE? Verbum מִן קֶשֶׁחַח, in Hi-phil, quod hic tantum, & Job xxxix. 16. habetur, varie exponunt: I. Aben Ezra: amovisti, removisti, recedere fecisti cor nostrum a timore tuo. II. Noster, Rabbin, Schelomoh, & Kimchi, Sanctes, Vatablus, Forerius, Marinus, Leo Iudas, Buxtorfius: obdurasti, indurasti, indurare fecisti cor nostrum a timore tuo; id est, quominus timeremus te. III. Reuchlinus & Buxtorfius: dure, seu crudeliter tractasti cor nostrum, &c. IV. Forsterus, Vatablus, Avenarius, Schindlerus: abhorrere fecisti, vel facies, aut stivisti, fecisti cor nostrum a timore tuo. V. Tremellius, & Iunius: torrefaciens obdurans animum nostrum a reverentia tui? nempe misera servitute qua servit satane, peccato, & omnibus inimicis Dei tamquam in fornace ferri; ex qua incommodorum consuetudine fere exuitur pietas, & induitur obduratio: metaphora a fornacibus, in quibus cuditur, & obduratur ferrum. Mihi tamen eorum sententia probatur, qui verbum מִן קֶשֶׁחַח, cum קֶשֶׁחַח, idem significare quod קֶשֶׁחַח cum He existimant; unde hic reddunt: durum, perplexum, rigidum, intricatum, pertinax reddes cor nostrum a timore tuo, seu reverentia, cultu, religione tua, ne eam scilicet ex animo amplectamur. CONVERTERE, vel revertere. Exponunt: Id est, tamquam reversus, tuos a suis erroribus revoca: humanitas dictum. PRO-PTER SERVOS TUOS; id est, propter gra-

tiam & foedus tuum, quos nos tibi servos gratuito comparasti. Quiddam reddunt: redi nobiscum in gratiam propter servos tuos; id est, quod eis benevertat.

V. 18. QUASI NIHIL POSSEDERUNT, &c. Hunc versum alii ex Heb. exponunt: I. Ad breve tempus possedit populus sanctus tuus, subaudi, hereditatem tuam: hostes nostri conculeaverunt sanctuarium tuum, id est templum. II. Parum diu possedit populus tuus sanctuarium tuum: hostes enim nostri conculeaverunt illud. Videtur esse translatio verborum. III. Ad minimum usque hereditario iure possident populum sanctitatis tuae, hostes nostri conculeant sanctuarium tuum. Secunda causa, ut diximus in vers. 1. videtur respicere cladem urbis & templi per Babylonios. IV. Modicum fuit, vel parum abest quin hostes possideant populum sanctum tuum, concitatores nostri conculeant sanctuarium tuum.

V. 19. FACTI SUMUS QUASI IN PRINCIPIO, &c. Hunc versum diversimode ex Heb. explanant: I. Nos fuimus tui a saeculo, tu non dominatus es eorum, scilicet hostium, nec invocatum est nomen tuum super eos. II. Facti sumus ut olim, quibus non dominaberis, vel ut ii quibus a saeculo non dominatus; id est, descivisti nos, Domine, uti eos quibus nunquam fueris dominatus, & finis mirum in modum affligi a Chaldeis: & super quos non invocatur nomen tuum; vel finides, inquam, iis super quos non fuit invocatum nomen tuum; id est, qui tui nunquam vocati sunt, quasi dicat: Fuimus ut ii, quorum non fuit Dominus, aut qui te non agnoverunt, quasi ad te nihil pertineamus: & qui non fuerunt vocati de nomine tuo; id est, qui non fuerunt populus tuus. III. Fuimus velut a saeculo, quando non dominaberis in eos: non invocabunt nomen tuum super eos; id est, Fuimus veluti quando ab initio non eramus populus tuus, & cum non dicebamus tui; quasi dicat: Et propter peccata, & propter calamitates vide-ri nos penitus abiicisti. Mutatio personae. IV. Sumus illi, videlicet in quos domina-ri, & super quos invocatur nomen tuum: nam haec Zeugmaticae petenda sunt ex se- quente membro, vel potius ex vers. 17. resumenda: a saeculo non dominatus es, vel nunquam dominatus es in istos, videlicet hostes tuos, necque invocatum est nomen tuum.

num super istos; id est, numquam invocaverunt aut coluerunt te.

M E N O C H I I.

Vers. 1. **Q**UIS EST ISTE, &c. Christi victoris, & de gentilibus sibi subactis triumphantis speciem describit. Loquitur Propheta, aut Sion, sive Ecclesia. DE EDOM: qui Idumæam, immo gentes omnes subiecit: nam per Edom, & Bosra, quæ civitas erat, Metropolis in Idumæa, significantur omnes gentes a populo Dei alienæ, quas Christus ad eorum salutem devicit. TINCTIS VESTIBUS. In Hebræo est, *rubricatis vestibus*, scilicet ex sanguine hostili. FORMOSUS IN STOLA SUA: decorus in veste sua militari, in sua chlamyde. IN MULTITUDINE FORTITUDINIS: gradu imperatorio, ex quo robur corporis, & animi celsitudo eminet. EGO QUI LOQUOR, &c. est Christi responsio; quasi dicat: Ego sum qui iustam sententiam profero pro genere humano a diabolo, tyranno, & a peccatis, ac morte afflicto, & oppresso. PROPUGNATOR, &c. humanæ salutis conciliator, & propugnator contra hostes.

V. 2. Sicut CALCANTIUM IN TORCULARI: quorum vestimenta multo imbuta rubra sunt. TORCULAR CALCAVI SOLUS; quasi dicat: Ego victoriam hanc difficilem, & cruentam solus mihi peperci, neque enim ullus fuit qui me adjuvaret, & mecum contra hostes pugnaret. ASPERSUS EST SANGUIS EORUM, &c. ut sit in victoria, in qua quis multos occidit.

V. 4. DIPS ENIM ULTIONIS IN CORDE MEO; id est, venit enim dies in qua de hostibus meis ultionem fumere decreveram. REDEMPTIONIS: populi a servitute demonis, & peccati.

V. 5. SALVAVI MIHI: auxilio, & salutis mihi fuit. INDIGNATIO MEA: zelus potentiam acuens.

V. 6. CONCULCAVI POPULOS: non eos mactando, & pendendo sed convertendo, & subigendo, vitia eorum mactando. INERTRAVI EOS IN INDIGNATIONE MEA; hoc est, supplicio, quod mea indignatio eis propinavit, & inlinox. DETRAXI IN TERRAM: everti, & ad terram affixi. VIRTUTEM EORUM: eorum potentiam.

V. 7. MISERATIONUM DOMINI: beneficiorum a Domino populo fidei factu-

rum. LAUDEM DOMINI, &c. scilicet cantabo, vel recordabor: cuiusque argumentum erunt beneficia in nos collata. REDDIDIT, id est tribuit.

V. 8. ET DIXIT, scilicet Deus. VERUMTAMEN: utique, sane, certe. POPULUS MEUS EST, &c. loquitur Deus more humano, ac si nescisset quæ futura essent, & quomodo se gesturus esset populus. FILII NON NEGANTES, scilicet erunt; quasi dicat: Hebræi fidem mihi datam, cum fœdus cum iis pepigi in monte Sina, nullo modo fallent. ET FACTUS EST EI SALVATOR; quasi dicat: Hac spe ductus est, ex Aegypto evocatus, intactos, & illatos per desertum duxit.

V. 9. IN OMNI TRIBULATIONE EORUM: qua Deum murmuris peccato, & aliis quodammodo affligebant. NON EST TRIBULATUS: ut scilicet eorum curam, & providentiam abiceret. In Hebræo est, *in omni angustia eorum ei fuit angustia*, cui bene concordaret vulgata interpretatio si per interrogationem legeremus; *in omni tribulatione eorum non est tribulatus*: eis scilicet compatiens, & eorum damna, & incommoda tamquam propria existimans. LXX. habent, *ex omni tribulatione eorum non legatus, neque Angelus, sed ipse salvavit eos*, quod scilicet ipsemet populo suo adesset. PORTAVIT: quasi nutrix. FLEVAVIT. kXX. *exultavit*, Chald. *sustinuit*. CUNCTIS DIERBUS SÆCULI: omnibus superioribus sæculis.

V. 10. SANCTI ETUS, id est Moysi. ET ipse: Deus, peccatis eorum irritatus. DERELLAVIT EOS: subiiciens eos servituti Philisthorum, Madianitarum, &c.

V. 11. RECORDATUS EST, scilicet Deus. DIERUM SÆCULI, id est dierum antiquorum. MOYSI, ET POPULI SUI: quam scilicet sibi Moyses fidelis, & gratus fuerit, & etiam recordatus se populum elegisse, ut cum peculiari favore prosequeretur. UBI EST, &c. Inducit Ilaïas populum afflictum Dei auxilium implorantem, veterum commemoratione beneficiorum. DE MARI, rubro. CUM PASTORIBUS: ducibus populi, Moysè, & Aaron. IN MEDIO ETUS: scilicet populi Israelitici. SPIRITUM SANCTI SUI: Moysen, quem Deus multiplici spiritu ornavit, spiritu scilicet sapientie, fortitudinis, mansuetudinis, &c.

V. 12. AD DEXTERAM, id est velut dexte-

dextera tenens. LXX. *dextera*. MAIESTATIS SUAE: potentie suae divinae. SCIDIT AQUAS: Maris rubri. NOMEN: gloriam: sic n. 14. sequenti.

V. 13. PER ABYSSOS: per voragines maris rubri. QUASI EQUUM, &c. addens eis animos, & vires, ut alacriter cerneretur illud iter, ut velox equus, & validus per solitudinis alicuius planitiem decurrit.

V. 14. IN CAMPO DESCENDENS; quasi dicat: Facile, quemadmodum per declivem facile ambulamus.

V. 15. ZELUS TUUS: quem toties ostendisti contra hostes nostros. VISCERUM TUORUM, id est *miserationum tuarum*, ut statim additur. SUPER ME CONTINUERUNT SE; quasi dicat: Eas non expior, nam se cohibere videntur, & nos cum calamitatibus confictari permittunt.

V. 16. TU ENIM PATER NOSTER; quasi dicat: Multo plus tibi debemus quod sumus, quam Abrahamo, aut Jacob. NESCIVIT NOS: cum parentes nostros genuit, nescivit quos aut quales esset suscipitur. Sic sancta illa mulier filiis suis dicebat II. Machab. VII. 22. *Nescio qualiter in utero meo apparuistis, neque enim ego spiritum & animam donavi vobis & vitam, & singulorum membra non ego ipsa comperi*, &c. A SAECULO. NOMEN TUUM; id est, hoc tibi nomen est, ut. sis pater, & redemptor noster.

V. 17. ERRARE NOS FECISTI; id est, errare nos permisisti, & obdurari cor nostrum. CONVERTERE: ad nos, ne avertas faciem tuam. PROPTER SERVOS TUOS, id est propter duodecim tribus Israel, quae populum tuum continent, quae est hereditas tua.

V. 18. QUASI NIHILUM, &c. id est, hostes nostri possederunt, & tractarunt nos quasi essemus res nihili, quisquile, & faeces & purgamenta mundi. SANCTIFICATIONEM TUAM, id est templum.

V. 19. FACTI SUMUS, &c. quasi dicat: Sumus a te derelicti, ut fuimus olim in AEGYPTO antequam nos in tuum ius, domini, & Ecclesiam assereres. NEQUE INVOCARETUR, &c. cum necdum vocaretur, nec essemus populus Dei.

Verf. 1. QUIS EST ISTE QUI VENIT DE EDMOM? id est, ex Idumaea, & ex BOSRA, quae est Idumaeae metropolis. Erat tamen & alia eiusdem nominis civitas in Moab, inquit S. Hieronymus. Sed per haec duo nomina designantur etiam alii omnes hostes populi Dei. Allusio quoque est ad etymon Bosra, quoad vindemiam; & Edom, quod rufum significat; quasi dicat: Quis est victor iste & triumphator, qui madens sanguine hostili ex rubra & cruenta pugna, & quae est vindemia, totus ruber procedit? Hanc interrogationem vult Oforius, Vatablus, Sasbout & Sanchez esse Isaie: Forcius & a Lapide & plures alii, esse Ecclesiae primitivae: angelis cam adscribit S. Dionysius, Origenes, Hieronymus, Cyrillus, Ambrosius, Augustinus: diabolo S. Athanasius, & ex eo Concilium Constantinopolitanum tertium. Respondet Christus: Ego is sum QUI LOQUOR IUSTITIAM, id est qui iustam sententiam & profero & excoquo, *propugnans* AD SALVANDUM genus humanum: ita Sasbout, Forcius & alii.

V. 4. VENIT ENIM, & iam adest, DILUTIONIS, quam destinavi IN CORDE meo adversus hostes meos. Sed idem ille dies exitialis hostibus, saluti erit civibus & amicis meis, ut dixi cap. LXI. 2. Ad hanc ultionem fumendam

V. 5. BRACHIUM MEUM SALVAVIT ME: de quo vide cap. LIX. 16. Porro beneficiorum divinarum molem mirata Ecclesia

V. 6. Laudat Deum quanto potest affectu, tum ob praestita perpetuo beneficia, tum ob toleratam patienter rebellis populi ingratitude. Nam cum ob enormia sua scelera extirpari, mererentur.

V. 8. DIXIT DEUS: VERUMTAMEN; Hebraice, *utique*. certe, POPULUS MEUS EST: filii mei sunt: eruntque ut spero, FILII NON NEGANTES; Hebraice, *non mentientur*, non fallent, supple, fidem mihi datam in Sinai Exodi XXIV. Loquitur Deus more humano, more parentis de filio prodigo desperare nolentis. Unde quoties inciderunt Israelitae in aliquas calamitates, toties FACTUS EST. EIS SALVATOR.

V. 9. IN OMNI TRIBULATIONE FORUM; id est, quodcumque ipsi adversitate opprimebantur; ipse LAUS NON EST TRIBULATUS, id est non paulus est se opprimi sua ira vel zelo, ut eos plane abiceret & deleteret; sed levi prece Moysis reconciliatus, & modica castigatio-
ne contentus, militatim angelum SACIET fuit, id est angelum iugiter sibi praesentem a & assistentem in caelo, in terra vero faciem b & personam Dei referentem, cuiusque vicarium: puta Archangelum Michael, qui perruptis omnibus difficultatibus SALVAVIT EOS. Licet

V. 10. IPSI saepius rebelles afflixerim SPIRITUM, id est animam, SANCTI EIUS, e, id est Moysis: ita S. Thomas, Salboub, Lyranus, Sanchez & alii. Cum ergo debellaret EOS Deus, nunc per Philistaeos, nunc per alios hostes;

V. 11. RECORDATUS semper EST DIERUM SAECULI, id est antiquorum temporum, Moysis sibi fidelis, ET POPULI sui, adeo sibi chari & dilecti. Itaque ob gratiam & merita Moysis, item ob affectum populi sui, olim a se quasi in d primogenitum filium electi, misertus est eius, misitque ei salvatores e, nunc Gedeonem, nunc Iephre, nunc alios. Ubi nunc EST idem ille Deus, qui POSUIT IN MEDIO gregis sui SPIRITUM SANCTI sui, id est spiritum Moysis? nempe spiritum fortitudinis adversus hostes, & spiritum mansuetudinis erga subditos. Quem spiritum ut communicavit LXX. senioribus, Num. xi. 25. ita optavit toti populo communem esse. Ubi ergo nunc, cum illo maxime egemus, est ille spiritus? ubi prae-
fata tua, o Deus, in populum tuam pietas? ubi robor brachii tui? quo

V. 12. EDUXISTI ex AEGYPTO MOYSEN, AD DEXTERAM ipsum apprehendens? ita LXX. Vatablus & Forcnerus.

V. 16. TU PATER NOSTER es: & hoc NOMEN tibi est a SAECULO, id est ante omnem saeculorum memoriam. ABRAHAM NESCIVIT NOS, ET ISRAEL IGNORAVIT NOS, id est non curat nos, sed spernit & abiicit nos, offensus est nobis, quia nos te offendimus: ita S. Hieronymus, Cyrillus, Theodoretus, & alii SS. Patres. Sic Matth. xxv. 12. Nescio, id est non curo, vos. Deinde solum comparative f dicitur Abraham non curare res filiorum suorum,

quia respectu divinae curae & opis, illa Abrahami erat exigua & quasi nulla, maxime in re quae vires Abrahami longe excederet. In Chaldo enim est, Abraham non eluxit nos ex AEGYPTO, & Iherusalem non fecit nobis mirabilia in deserto. Unde & Calvinus ingenue fatetur, ex hoc loco elici non posse, Sanctos vita sanctos nostri curam non habere. Quod adversus Marloratum & alios Hagiomachos notatum oportet.

V. 17. QUARE ERRARE NOS FECISTI DE VIIS TUIS? nempe permissive & occasionaliter, non abducendo nos a devoti itineribus, inquit Sanchez. Et cur simili modo INDURASTI COR NOSTRUM, non emolliendo illud timore tui sancto? Vide dicta Exodi vii. vers. 3.

V. 18. HOSTES NOSTRI QUASI NIHILUM, id est quasi essemus res nihili, aut quicquid, POSSEDERUNT & tractaverunt NOS: CONCLICAVERUNT profanis pedibus suis SANCTIFICATIONEM TUAM, id est templum sanctum tuum, nempe Chaldaei g, Syri h, Romani i.

V. 19. SUMUS a te derelicti QUASI ALIENI, uti a PRINCIPIO eramus, seu in AEGYPTO, seu in Ur Chaldeorum, CUM NONDUM inilar patris DOMINARETIS NOSTRI, NEQUE INVOCARETUR NOMEN TUUM SUPER NOS; id est, cum necdum vocaremur, neque essemus, populus tuus, filii tui, hereditas tua.

(a) Tobie xii. 12, & Apoc. iv. 4.

(b) Exodi xxxii. 14.

(c) Psal. cv. 16, & 24.

(d) Exodi iv. 22.

(e) Iudic. ii. 12.

(f) Proleg. de Idionism. Hebr. a. 6.

(g) IV. Reg. ult.

(h) 1 Mach. 2. 23.

(i) Ioseph. de Bello.

GORDONI.

Verf. 1. Q UIS EST ISTE? &c. Allegorice quidem haec sunt de Angelis mirantibus Christum ascendentem in caelum, spoliis hostium onustum, triumphantem, & sanguine aspersum, aut latentibus se ignorare diem secundi adventus. Sensus tamen ad litteram est, vel de Isaia admirante haec omnia; vel certe ex Hieronymo est admiratio Apostolorum & primitivae Ecclesiae, admirantis

rantis tam potenter & miraculose subactas gentes esse per mysterium crucis. Hic triumphator noster Idumæos & gentes alias captivas, & tamen volentes vocat, vincit & in Sionem perducit. BOSRA civitas erat in Edom, & metropolis. Subiungitur vox Christi respondentis: *Ego sum qui loquor.*

V. 2. QUARE ERGO RUBRUM? Respondet vers. 3. torcular calcans solus; calcavi, non uvas, sed hostes: torcular, calcare opprobrium, & vehementem signat laborem, præsertim quando non est vir qui aliuvet.

V. 4. DIES ENIM ULTIONIS, &c. Heb. & Sept. *redemptionis annus*, vel *dies*; non est legendum retributionis. Ultio hæc est contra peccatum, & idem cum redemptione.

V. 7. MISERATIONUM DOMINI RECORDABOR, &c. Post explicatum Christi triumphum, iam reliquo hoc capite, & per totum caput LXIV. Isaïas fundit ad Deum orationem, in qua primum agnoscit Dei beneficia & misericordias, vers. 7. Deinde vers. 9. narrat populum hunc deviasse a Deo sub Mose (cuius spiritum affixerunt) & aliis, & fuisse castigatum aliquoties iterumque datos illi fuisse salvatores & iudices sub Gedeone & successoribus.

V. 10. UBI EST QUI EDUXIT, &c. Vox est Isaïæ & populi, memoris antiquarum felicitatum quas hic commemorat, ut in-

ducatur Salvator Christus ad suum adventum; quali dicat: Misertus es olim, Domine, & nunc etiam propera: vers. 15. CONTINUERUNT se miserationes, ne opem ferrent, seu conseruerunt.

V. 16. TU ENIM PATER NOSTER, &c. Comparat hic Abraham & Patres antiquos cum Deo, quasi nihil contulissent populo Israël, si conferatur quod illi egerunt cum Dei auxilio. Illi fuerunt in hac antithesi, ac si non cognovissent nos.

V. 17. QUARE ERRARE NOS FECISTI, &c. hoc est, permisisti, ut sæpe alibi dixi. Sane Deus ob delicta sæpe permittit homines labi in peccata; sicut etiam aliqua facit per quæ obicitur occasio erroris, præsertim post graviora peccata. Unde solet sequi induratio: vide quæ dixi Exod. VII.

EX EIUSDEM AUCTARIO.

Vers. 9. NON EST TRIBULATUS. Dum turbaretur populus, & Deum offenderet, adhuc non ita turbatus est, ut curam eorum abiecerit, & non cogitaverit de eorum salute.

Vers. 18. QUASI IN NIHILUM. Isaïas aversu undecimo inducit populum commemorantem pristina beneficia: nunc vero quasi admirantem, quod non obstantibus beneficiis toties peccaverit. SANCTIFICATIONEM, templum.



CAPUT LXIV.

Petit Propheta ut Deus nomen suum & potentiam inimicis nota faciat : facta quoque mentione felicitatis quæ Deum expectantibus preparata est, conficitur ac luget populi sui iniquitates, immunditias, & exilium, orans pro liberatione.

1. **U**tinam dirumperes cælos ; & descenderes : a facie tua montes defluerent . 2 Sicut exustio ignis tabescerent , atque arderent igni , ut notum fieret nomen tuum inimicis tuis : a facie tua gentes turbarentur . 3. Cum feoderis mirabilia , non sustinebimus : descendisti , & a facie tua montes defluerunt . 4. (a) A sæculo non audierunt , neque auribus perceperunt : oculus non vidit , Deus absque te , quæ preparasti expectantibus te . 5. Occurristi lætanti , & facienti iustitiam : in viis tuis recordabuntur tui : ecce tuiatus es , & peccavimus ; in ipsis fuimus semper , & salvabimur . 6. Et facti sumus ut immundus omnes nos , & quasi pannus menstruatus universæ iustitiæ nostræ : & cecidimus quasi folium universi , & iniquitates nostræ quasi ventus abstulerunt nos . 7. Non est qui invocet nomen tuum , qui consurgat , & teneat te : abscondisti faciem tuam a nobis , & allisisti nos in manu iniquitatis nostræ . 8. Et nunc Domine , pater noster es tu , nos vero lutum : & fictor noster tu , & opera manuum tuarum omnes nos . 9. (b) Ne irascaris Domine satis , & ne ultra memineris iniquitatis nostræ : ecce respice , populus tuus omnes nos . 10. Civitas sancti tui facta est deserta , Sion deserta facta est , Ierusalem desolata est . 11. Domus sanctificationis nostræ , & gloriæ nostræ , ubi laudaverunt te patres nostri , facta est in exustionem ignis , & omnia desiderabilia nostra versa sunt in ruinas . 12. Numquid super his continebis te Domine , tacebis , & affliges nos vehementer ?

(a) J. L. Cor. 12. p. (b) Psal. lxxviii. p.

BRUGENSIS.

ROMANA CORRECTIO.

Verf. 6. Et facti sumus ut immundus omnes

not. Nec hic mutes numerum singularem immundus in pluralem immundi.

COMMENTARIA

MALDONATI.

Verf. 1. **U**TINAM DIRUMPERES. Hic versus apud Hebræos finis Bib. Sac. Tom. XVII.

est præcedentis capitis. Sed melius apud Latinos & Græcos principium est LXV. capitis : magis enim cum eo hæret , quam cum præcedenti. Dirumpere cælos hoc loco
X x co

eo significat Deum praecuntibus tonitribus ac fulguribus in auxilium venire, sicut olim venit in Montem Sinai (eo enim videtur nunc alludere) Exod. xix. & i. x. 18. & sicut dicit David Psal. xlix. 2. *Deus manifeste venit, Deus noster & non silebit. Ignis in conspectu eius exardescet, & in circuitu eius semper valida.* Historice refertur haec prophetia ad liberationem populi ex Babylonica captivitate: mystice vero ad incarnationem Christi, & generis humani redemptionem.

V. 2. Sicut exustio ignis tabescent (montes.) Heb. Aliquid intelligitur per comparisonem, כקדח אש חספס, sicut exustio ignis liquefactionum; id est, sicut (cetera) liquefit igne exurcente, sic montes liquefuerunt a conspectu tuo si descenderes. AQUAE ARDERENT; id est, sicut aquae ebulliant igne, ita montes in conspectu tuo culantur; quasi dicat, Omnia a conspectu tuo formidantur.

V. 3. Cum feceris mirabilia non sustinebimus; id est, ita venies ut non possimus aspectum tuum ferre, sicut patres nostri in monte Sinai dixerunt Moyfi, *Loquere tu nobis, & audiemus, & ne loquatur nobis Dominus, ne forte moriamur:* Exod. xx. 19. DESCENDISTI. Hebraismus, pro, si descenderes, a facie tua montes deducere.

V. 4. Oculus non vidit, Deus absque te; id est, nisi tu illi revelaveris, sicut videtur D. Paulus interpretari I. Cor. ii. x. ubi postquam hunc locum induxisset, addidit: *Nobis autem revelavit Deus per spiritum suum.* Hebraei legunt, לא ראתה עין, quod alii per vocativum interpretantur, *Oculus non vidit, o Deus, prater te, quae faciet expectantem se;* id est, tu solus nosti quid facturus sis iis, qui sperant in te. Alii per accusativum, *Oculus non vidit Deum prater te; qui faciat sperantem in se* (sub. quod tu sperantibus in te facis) id est, oculus non vidit ullum verum Deum prater te. Nobis non licet ab interpretatione D. Pauli discedere, I. Cor. ii. 9. Neque quisquam mirari debet, quod D. Paulus aliquid addiderit, ut illud, *Neque in cor hominis ascenderunt:* cetera vero neque cum Hebraeis neque cum Septuag. legerit: non enim erat illi propositum recitare verba, sed sensum interpretari.

V. 5. OCCURRISTI LAETANTI ET FACIENTI IUSTITIAM; id est, ultro & non rogatus opem tulisti iis qui observatione legis tunc oblectabantur, & iusta faciebant, quique in viis tuis recordabantur tui. ECCE TU. Dicitio, ecce, hoc loco vim habet adverbialis particulae; id est, nobis autem propterea non solum non occurris, sed neque clamantibus respondes, quia peccavimus, & ideo iratus nobis es. IN IPSIS FUIMUS SEMPER. Heb. עִלְמָם, diu. Aliqui exponunt, *in ipsis viis tuis:* quod videtur mihi Prophetae repugnare, qui dicit, PECCAVIMUS. Alii melius, *In ipsis (peccatis) fuimus diu,* id est conicivimus, & salvabimur. Hebraismus, pro, quamvis nobis iratus sis, quoniam peccaverimus, quamvis in peccatis inveterati simus, tamen misericordia tua salvabimur. Alii כְּהֵם, interpretantur, *propter ipsos (patres nostros) qui labantur in lege tua, qui iustitiam faciebant, & recordabantur tui in viis tuis,* id est propter Abraham & Iacob; quasi dicat: Etsi nos peccatores sumus, tamen meritis Abraham & Iacob nos liberatum iri confidimus: vel per praeteritum, propter ipsos iam diu salvi fuimus; quasi dicat: Iam diu propter peccata nostra aboliti essemus, nisi propter Abraham & Iacob servasset nos. Quae interpretatio valde mihi placet, & quia loco, & quia religioni nostrae optime convenit.

V. 6. ET QUASI PANNUS MENSTRUATAE: כְּנֵר עֵדִים. Alii exponunt *vestem immun-dam*, alii, *pannosam*. Certum est sensum esse: Ex nobis quidem cooperiti eramus peccatis, & si quid iustitiae habebamus, id ipsum erat multis sceleribus contaminatum, sed propter patres nostros servati sumus.

V. 7. QUI CONSURGAT ET TENEAT TE: כִּי לַחֲזִיק בְּךָ, ad comprehensendum te, id est ut te consecretur. Non est qui a peccatis suis discedat, & te quærat, ac sequatur. ABSCONDISTI PACIEM TUAM; id est, removisti misericordiam tuam a nobis. ET ALLISISTI. Heb. תְּסִבֵּנוּ, & tabescere, aut diffluere fecisti nos. IN MANU INIQUITATIS NOSTRAE, id est propter iniquitatem nostram.

V. 8. ET NUNC DOMINE. Excitant Deum ad commiserationem proposita patris & filioris nomine, & e diverso exposita per similitudinem luti humani infirmitate. Hæc enim Deum movent, ut ait David

vid Psal. cii. 13. *Quomodo miseretur pater filiorum, misertus est Dominus timentibus se, quoniam ipse cognovit figmentum nostrum. Recordatus est, quia pulvis sumus, vel, homo, sicut sanum dies eius, tanquam flos agri, sic estorebit.*

V. 9. *NE IRASCARIS DOMINE SATIS*, id est, usque ad satietatem. Heb. *מָאֵד עַד, usque valde*, ad verbum, id est supra modum. *Ne accendas omnem iram tuam*, ut loquitur David Psal. lxxvii. 38. *ECCE RESPICE*. Dictio, ecce, vim habet adverbii particulæ, ut supra vers. 5. quasi dicat: Sed potius respice, quod populus tuus sumus, cuius misereri debeas.

V. 10. *CIVITAS*. Heb. *עִיר, urbes sanctitatis tue*, id est Iudææ, quia omnes erant Deo quodam modo consecratæ, ut in eis populus habitaret. Nominat autem montem dion & Ierusalem, ubi templum erat, ad augendam miserationem.

V. 11. *DOMUS SANCTIFICATIONIS NOSTRÆ*: id est, templum, ubi abs te sanctificabamur, vel, ubi sanctificabatur & laudabatur a nobis nomen tuum. Et *GLORIÆ NOSTRÆ*, id est quo gloriari solebamus, exultum est. Et *OMNIA DESIDERABILIA NOSTRA*, id est pretiosissima quæque ornamenta templi.

V. 12. *NUMQUID SUPER IIS*: id est, cum hæc animadvertas, continebis te, & tacebis, id est conquiesces, ita ut non ulciscaris iniurias nostras. Et *AFELTGES NOS VEHEMENTER*: *תָּמֹד עַד*, supra modum, ut sup. vers. 9.

S A.

Vers. 1. *DEFLUERENT*, id est liquefcerent, seu destruerentur.

V. 2. *EXUSTIO IGNIS*, id est ut solent igni combusta. *TABESCENT*, id est dissolverentur. *A FACIE*; pro, & a facie. *TURBARENTUR*, scilicet præ timore. Not. per hæc significari desiderium ingens. Prophetæ, ut Deus ostendat potentiam suam salvando genus humanum, devicta diaboli potestate.

V. 3. *FECERIS*; pro, faceres, scilicet olim in Sinai. *SUSTINEBIMUS*, id est ferre poterimus, sed diximus. *Non loquatur nobis Dominus*, &c: quasi dicat: Si cœperis punire, non poterimus ferre vim tuam. *DESCENDISTI*, scilicet olim in montem Sinai.

V. 4. *ABSQUE TE*, id est præter te.

V. 5. *OCCURRISTI*, pro, occurre. *LATITANTI*, ET *FACIENTI*, id est cum lætitia facienti. *VIIIS*, id est mandatis. Et *PECCAVIMUS*; pro, quia peccavimus. *IPSIS*, scilicet peccatis. Et *SALVABIMUR*; pro, sed salvabimur, scilicet per misericordiam tuam.

V. 6. *OMNES*: loquitur in persona malorum, secundum Hieron. *ABSTULERUNT*, scilicet a via recta, seu a te.

V. 7. *TENEAT*, id est placet. *IN MANU*, id est causa.

V. 9. *SATIS*. Chald. *supra modum*. *LXX. nimis*. *ECCE. LXX. & nunc*.

V. 10. *SANCTI*; pro, sanctuarii, vel sanctitatis.

V. 11. *SANCTIFICATIONIS NOSTRÆ*. Chald. *sanctuarii nostri*.

V. 12. *CONTINEBIS*, scilicet ne opem feras, vel hostes ulciscaris.

E S T I I.

Vers. 4. *A* *SAECULO NON AUDIERUNT, NEQUE AURIBUS PERCEPERUNT; OCLUS NON VIDIT, DEUS ABSQUE TE, QUAE PRÆPARASTI EXPECTANTIBUS TE.* Citat hunc locum Apostolus I. Cor. 11. magis sensum reddens, quam verba: *Quod oculus non vidit, nec auris audivit, nec in cor hominis ascendit, quæ præparavit Deus iis qui diligunt illum*. Et solet vulgo hæc sententia proferri ad docendum incomprehensibilia esse ea bona, quæ electis præparata sunt in regno celorum. Sed alium sensum indicat nobis Apostolus Paulus: refert enim ad mysteria religionis Christianæ; scilicet quæ ante Christum latebant, & obscure continebantur in lege, in Psalmis & Prophetis; post Christum autem manifestata sunt credentibus ministerio Apostolorum. Sic enim progreditur Apostolus: *Loquimur, inquit, Dei sapientiam in mysterio, quæ abscondita est; quam prædestinavit Deus ante sæcula in gloriam nostram; quam nemo principum huius sæculi cognovit. Sed sicut scriptum est; Quod oculus non vidit, nec auris audivit, &c. Quin & addit: Nobis autem revelavit Deus per spiritum suum.* Ex quo manifestum est non pertinere hanc sententiam proprie ad bona futuri sæculi, sed ad mysteria fidei Christianæ. Vide nostrum comment. dicto loco.

X x x 2.

V. 6.

V. 6. ET FACTI SUMUS, UT IMMUNDUS OMNES NOS, ET QUASI PANNUS MENTRUATAE UNIVERSAE IUSTITIAE NOSTRAE. Sententia haec frequens est in ore haereticis nostri temporis, qui docent in sola remissione peccatorum iustitiam hominis consistere; nequaquam autem in operatione virtutum: eo quod, (ut ex hoc loco volunt) omnia opera, etiam iniquorum sint peccata. Sed respond. Primum loquitur Isaias non in persona sua, sed populi; id quod circumstantia sermonis satis declarat. Deinde de populo loquitur quatenus vetus erat, & servilis; cuius iustitia ex sola legis cognitione procedebat, non ex gratia Dei: ideoque omnis illa iustitia nihil erat aliud quam immunditia. Si qui erant sancti in illo populo, qui ad spiritum libertatis pertinebant, paucissimi erant; & sic in hac generali sententia non est eorum habita ratio. At vero de operibus ipsis piorum, longe aliter loquitur Scriptura. Sic Paulus ad Titum 11. de Christo: *Qui dedit semetipsum pro nobis, ut nos redimeret ab omni iniquitate, & mundaret sibi populum acceptabilem seclatorem bonorum operum.* Ecce populus novi testamenti est populus mundatus, & seclator bonorum operum. Hinc & Apoc. XIX. iustificationes sanctorum comparantur byssino splendenti & candido.

M A R I A N A E.

Terf. 1. V. TINAM DIRUMPERES CAELOS. Optat Christi adventum; aut ut Deus veniat, & ulciscatur impios; aut ut facie tua montes defluerent, igne de caelo tacti.

V. 2. SICUT EXUSTIO IGNIS TABESCENT. vox *tabescerent* Heb. non est, hoc tantum, sicut *exustio ignis liquefactionem* (id est magni ignis, qualis est qui omnia liquefacit) *AQUAE ARDERENT IGNI.* Heb. *aque ebullirent*, seu *ferverent igne in tuo adventu.* GENTES TURBARENTUR. Heb. *tremerent.*

V. 3. CUM FECERIS MIRABILIA. Locutus intricatus. Sic verito: *In faciendo te mirabilia (quae) non expectabamus; descendisti, a facie tua montes defluerunt; quasi dicat: Iam hoc factum est, cum descendisti in montem Sina, petimus, ut rursus facias.*

V. 4. A SAECULO NON AUDIERUNT;

id est, numquam sunt visa neque audita, quae tunc mirabilia scilicet. **QUAE PRAEPARASTI.** Heb. (quae) *fecit expectanti eum.* Mutat repente personas, & a prima transit ad tertiam. Aut sic sensus: Non sunt audita, neque visa, quae Deus faciet expectantibus eum. Ideo non est mirum, si petimus, ut nunc repetat mirabilia quae olim fecit.

V. 5. OCCURRISTI LAETANTI, scilicet in te, in tua lege, nimirum ut illi benefaceres. **IN VIIS TUIS RECORDABUNTUR TUA.** aut *recordati sum tui*, propter tua opera & vias, aut in lege tua facientes eam. **ECCE TU IRATUS ES, ET PECCAVIMUS,** id est postquam peccavimus. Et, pro, postquam, aut pro, quia. **IN IPSIS FUIMUS SEMPER.** In ipsis viis tuis, in lege tua fuimus. Loquitur non de omnibus, sed de iustis. **ET SALVABIMUR,** aut, *salvati sumus; fuerunt pro praeterito.*

V. 6. ET FACTI SUMUS UT IMMUNDUS. Deus superius dicta bona contulit, nos contra polluti sumus. **PANNUS MENTRUATAE.** Heb. *sicut vestis totus & centonum.* **ASTULERUNT NOS,** id est removerunt a te & a tua lege nostrae iniquitates.

V. 7. QUI CONSURGAT. Heb. *qui se exaltet nullus est*, ut te placeat. **ET ALLISTIT.** Heb. *dissolvisti nos.* **IN MANU INIQUITATIS NOSTRAE.** In iniquitate nostra, id est propter iniquitatem. Vox *manu* redundat.

V. 9. NE IRASCARIS DOMINE SATIS, id est valde. **ET NE ULTRA.** Heb. *& ne in perpetuum recorderis iniquitatis*, scilicet nostrae. **RESPICE,** scilicet nos.

V. 10. CIVITAS SANCTI TUI. Heb. *civitates sanctitatis tuae*, id est sanctae tuae. Utroque nomine tueri debes, & quod sanctae, & quod tuae. **FACTA EST DESERTA.** Heb. *facta sunt desertum.* Sion desertum, scilicet fuit.

V. 11. DOMUS SANCTIFICATIONIS NOSTRAE. Heb. *sanctitatis*, id est sancta, templum. **VERSA SUNT IN RUINAS.** Heb. *fuerunt in desolationem.*

V. 12. CONTINEBIS, aut *roborabis*, induabis te, ne scilicet miserearis? Chald. *Numquid super his confortaberis Domine?* Sic cap. superiori vers. 15. vertit Chald. in roborandi significatione idem verbum *panim thikapak.* **TACEBIS,** scilicet ad preces nostras.

M A L V E N D A E.

Verf. 1. **U**TINAM DISRUMPERES CAELOS, ET DESCENDERES: &c. Regressio, inquit, ad postulatam expolitum argumentis, ut dictum est in *vers. 15.* superioris capitis, quod elegantissimis comparationibus illustratur. Sunt autem huius postulati duo capita, unum adversus hostes Dei & Ecclesiae, ulque ad *versum 4.* alterum, pro Ecclesia, ut doctrina Evangelii afferretur per Christum, *vers. 4.* Reddunt ergo hunc *versum*: Utinam lacerares calos, & descenderes: (humanitus dicta) a facie tua montes disfluere: ut *lud. 6. v. 5.* Alii: O si clemens scindas, ac descendas, quo montes, tanquam ab ignis incendio colliquefiant. Iungunt sequentibus nonnulli: Utinam rumpes calos & descenderes, a facie tua montes stillent aquam! Haec verba in Hebraicis codicibus iunguntur ultimo *versui* praecedentis capitis.

V. 2. Sicut EXUSTIO IGNIS TABESCENT, &c. Hunc *versum* ex Heb. varie effertur: I. Sanctes: Inftar inflammantis ignis effervescentes aquas, sive dissolutas aquas, erat desagratio ignis tui, ad manifestandum nomen tuum hostibus tuis: a facie tua gentes formidabunt. II. Vatablus: Sicut exarsit ignis dissolutionum, & aquam fecit fervere ignis, ut celebre redderes nomen tuum apud hostes tuos; sic a te gentes timeant. Ignem dissolutionem vocat omnia colliquefacientem, hoc est vehementissimum & acerrimum. Alludit ad descensum olim in monte Sinai factum. III. Secundum ardere ignem liquefactionum, aquas bulliet ignis, ad notificandum nomen tuum hostibus tuis, a facie tua gentes formidabunt. IV. Tanquam incendio ignis liquefactionum, ignis aquas ebullire fecit, &c. V. Sicut exarsit ignis dissolvens, & aquas fervere fecit ignis; ut notum faceres nomen tuum, &c. VI. Sicut exurit ignis liquefaciens, aquam bullire facis ignis, ut nomen tuum, &c. VII. Fortiter: Intra accendi ignem, id est iuxta accensum ignem, liquidas aquas deservet ignis: vel sicut in incendio ignis, liquidas aquas, quas eruit, seu elicit ignis, id est eliquet, & ebullit; ad scire faciendum nomen tuum adversariis tuis; a facie tua gentes commovebuntur. VIII. Leo Iudas: Tanquam ab incendio ignis, ignis, in-

quam, qui ebullit violentas aquas, ut innorescat nomen tuum hostibus tuis, & gentes a conspectu tuo commoveant. IX. Fortius: Sicut accenso igne liquidas aquas elicit ignis; id est, ebullire facit, vel ex herbis, aliisque rebus distillatoria arte elicit: ut notum fieret nomen tuum: a facie tua gentes commovebuntur. X. Avenarius: Quemadmodum inflammatur ignis liquidarum aquarum: vel sicut fervescit ignis liquores, & aquas elicit ignis, ad notificandum nomen tuum angustasoribus tuis: a facie tua gentes contremiscunt. XI. Marinus: Quando ardet ignis liquefactionum, aquas ebullire facit ignis, vel aquas quirit, seu requirit ignis, Hebraismo pulcherrimo, ad hoc o si richio del aqua per estinguerlo: ad manifestandum nomen tuum hostibus tuis: a facie tua hostes horrebunt. XII. Schindlerus: Sicut exurit ignis liquefactionum, aquas fervescit ignis, quo liquefuit montes: Accensus Redia ostendit pertinere ad praecedentia, non ad consequentia, videlicet: A facie tua montes defluerunt sicut exurit ignis liquefaciens omnia, & aquas fervesciens. XIII. Fremelius, Iunius, & Buxtorfius: sicut confligat ignis, vel quemadmodum confligante igno eremina, seu stipulas, aqueas bullas ignis, sive aquarum bullas excitat ignis: ut notum faceres nomen tuum hostibus tuis, a facie tua gentes contremiscunt. Elegans comparatio montium disfluentium cum aquis ferventibus in olla ad luculentum ignem: quae allegoria in fine *versus* exponitur. XIV. Hispanicus Interpres: Como fuego que abrasando derrite, luego que haze hervir el agua, paraque hazi eses notorio su nombre a tus enemigos, y las gentes temblasen a tu presentia. TABESCENT. D'DON homasim, exponunt, liquidi, liquefactiones, liquores. Alii, eremina, stipulas secas interpretantur. Leo Iudas exponens violentias, cum Cheth legisse videtur, D'DON chamasim.

V. 3. CUM FECERIS MIRABILIA, NON SUSTINEBIMUS, &c. Hunc *versum* ex Hebr. alii explicant: I. Cum faceres mirabilia, quae non sperabamus, descendisti, a facie tua montes defluerunt. II. Cum faceres mirabilia, non inveniri erimus, descendisti a facie, &c. III. Cum faceres miracula, quae non sperabamus, descendisti e caelo, & ob te presentem montes stillaverunt. Subaudiunt aliquid in principio *versus*, cuiusmodi est:

Face-

Facere potes: quod dico, nam & olim idem fecisti: Cum enim faceres miracula, &c. IV. Utinam, inquam, descenderes, ut olim, cum faceres terribilia, quae non expectabamus, & a conspectu tuo montes colligebant. V. Faciens terribilia, quae non expectassemus, id est omnem hominum cogitationem superantia, quae ne in montem quidem hominis ascenderunt, ut I. Corinth. II. 9. utinam descendas, a facie tua montes dissolvent.

V. 4. A SATCULO NON AUDIERUNT, NEQUE AURIBUS PERCEPERUNT, &c. Hunc versum ita quidam ex Heb. accipiunt: Et inde a saeculo inaudita, auribus minime percepta, quae oculus non vidit, o Deus, praeter te, Deus, Deus comparet praestolanti ipsam; id est, mysteria Evangelii, revelata per Spiritum, in quae desiderant angeli prospicere, ut interpretantur Apostoli, I. Corinth. II. 9. & I. Petri I. 12. utinam comparet Deus, cuique piorum. EXPECTANTIBUS TE. לְמַעַן תִּשְׁמַע לָנוּ lo. proloquantur, longe expectant, praestolantur, ankylant, inibant ei, vel ad ipsum.

V. 5. OCCURRISTI LAETANTI, ET FACIENTI IUSTITIAM, &c. Alii: Occurris gaudenti, & exerceanti iustitiam, id est ei, qui cum gaudio incumbit iustitiae, &c. Tertia pars orationis, nimirum confirmatio postulati, ut dictum est in vers. 7. capitis praecedentis, qua Ecclesia primum misericordiam Dei erga resipiscentes, & vere poenitentes, ac iustitiae studiosos explicat; deinde peccata sua: confitetur, qua in confessione sincera posita sunt initia verae poenitentiae, ut offendit David. Psalm. xxxi. 5; quae duo proleptice hoc versu ponuntur, postea vero exornatur peccatorum confessio, vers. 6. & 7. ex qua postremo conclusio efficitur implorans misericordiam Dei erga resipiscentem & poenitentem Ecclesiam, a vers. 8. ad finem usque capitis. Est autem occurrendi verbum humanitus attributum Deo. Alii: Occurristi gaudenti in te, & facienti iustitiam, subaudi, occurrenti mortis; id est, sustulisti de medio eos, qui gaudebant in te, & faciebant iustitiam, & meminisse solebant: tui, quibus nimirum dignus non erat mundus. Nonnulli exponunt: Olim solebas occurrere patribus, cosque praesentia tua exultare; ecce autem nunc longe alies: occulta antichristi. Quidam: Exaudisti orationem eorum, qui

gaudebant in te, & faciebant iustitiam. &c. ECCE TU IRATUS ES, ET PECCAVIMUS. Alii: I. ecce autem tu iratus es quod, vel quia peccavimus, II. en tu effervesce cum peccamus. IN IPSIS FUIMUS SEMPER, ET SALVABIMUR. Quidam ininterroganter accipiunt: In peccatis continuo manemus, & putamus nos salviui? Alii: I. & in iis peccatis consenuimus, aliqui salvi nobis contigisset. II. in ipsis fuimus in saeculum, & tamen salvi facti sumus. Scilicet hoc loco pro diuturno tempore; quasi dicat: Tamen si obliti diu mansimus in peccatis nostris, ac digni fuimus quos milles perderes, tamen misericordia tua servati sumus. III. illud in ipsis, referunt non ad peccata, sed ad vias tuas, quae paulo ante praecesserunt, ita: perpetuo in illis stando servati fuissimus, nimirum in illis viis Dei, quarum meminit priore membro. Est autem his verbis elegans hypothesis, adversativa confessio subicitur.

V. 6. ET FACTI SUMUS UT IMMUNDUS: Alii: Sed sumus ut immundus; id est, peccatis nostris tamquam leprae sordibus, ab ipsis Dei, hominumque consortio separati. Vide Levitic. XIII. 40. & sequentibus. Nonnulli abstrasse reddunt: ut pollutio, contaminatio, inquinamentum, quod sensum auget. MENSTRUATAE. מְשֻׁחָדִים, quod semel hic tantum in Scriptura invenitur, aiunt esse pannos exutos & abiectiones, cantones laceros ac detritos, frusta vestium consumpta, putrida, sordida, putida. Quidam remotiones exponunt, id est res inquinatas & abominabiles, quae remouentur & abiciuntur. Sanctes reddit; & sicut vestimentum inquinatum. Vatablus, sordidatorum, id est factum panniculis putidis. Forsterus: & quasi vestes detritae, seu abiectiones. Marinus, Tremellius, Iunius, Buxtorfius: & sicut panniculus remotionum, id est abiectionum; vel sicut pannus menstruum, quod plerique Hebraeorum sequuntur: is enim removeri a conspectu & abici solet: vel. & menstrua remotionis; diverso vocabulo Hebraice appellatur, Levit. XII. 2. vide Thesaurum novissimum. Paenini, Colum. 1884.

V. 7. NON EST, vel Nullus est, QUI INVOCET NOMEN TUUM, &c. id est, ac ne tuis quidem scrulis caeli respiciamus: exaggeratio. QUI CONSURGAT, ET TENEAT TE. Alii: I. aut qui sese incitet, ut te

apprehensat, id est ut adhæreat tibi. II. *excisions se adprehensandum te*, id est consequendum, ut loquitur Apollonius Philop. III. 12. ET ALLISISTI NOS. Heb. *disolvisti, resolvisti, liquefecisti nos*. In MANU INIQUITATIS NOSTRÆ. Alia Heb. *exemplaria cum Iod habent, in manu iniquitatum nostrarum*, quod plenius est, id est propter, vel per iniquitates nostras; quasi dicat: Peccatis nostris effectum est, ut dissolveremur, & quasi cera liqueceremus.

V. 8. ET NUNC, DOMINE, PATER NOSTER ES, &c. Alii: *Iam vero, Iehova, pater noster*, &c. Conclusio ex antecedentibus confecta, ut dictum est in vers. 5.

V. 9. NE IRASCARIS DOMINE SATIS. Heb. *Ne effervesceas, Iehovah, usque ad valde*, id est quam plurimum, ultra modum, infra vers. 12.

V. 10. CIVITAS SANCTI TUI FACTA EST DESERTA, &c. Heb. pluraliter: *Urbes sanctitatis tue sunt desertum*, &c. Hebræi, & plerique Nostrorum duos hos versus ad Assyriacas vel babilonicas devastaciones referunt: alii, ad supremam per Romanos. Satis videtur hic loqui Ecclesia ex reliquiis Iudæorum reprobatorum collecta, ut videbimus sequente capite.

V. 12. NUMQUID SUPER HIS, &c. Hunc versum alii ex Heb. explanant: I. *Num in his te continebis, o Iehova?* vel *num ob hæc continebis*, subaudi, iram tuam, o Iehova? id est, numquid ob has iniurias Chaldæorum continebis te diutius ne ostendas illis iram tuam, & nobis liberationem? quasi dicat, Non; nam tandem fumes prenas de illis, & nos servabis: *num dissimulabis, & tam vehementer nos affliges?* II. *An propter illas continebis te Iehova?* nimirum, propter illas iniquitates nostras, de quibus supra vers. 5. 6. 7. & 9. quasi dicat: Indignum esset te magis ad peccata nostra respicere, quam ad gloriam tuam in liberatione Ecclesiæ positam: *sileres, & affligeres nos quam plurimum.*

MENOCHII.

Vers. 1. **D**IRUMPERES: aperies, acres. DEFLEVERUNT, id est liquefecerunt. Alludit ad descensum Domini in montem Sinai, cum legem dedit Hebræis, tunc enim mons ille contremuit, & quasi liquefactus est coram Domino, ex mera

& naturali quadam Dei reverentia... Vide Exod. xix. 18.

V. 2. SICUT EXUSTIO IGNIS TABESCENT: liqueferent, solverentur, ut ea solvuntur, quæ igni comburantur. AQUÆ ARDERENT IGNI: licet aquis sociari non posse videatur. Alludit ad fulmina, & tonitrua, quæ in nube aquis graviora emicuerunt in Sinai. Ut NOTUM FIERET NOMENTUUM INIMICIS TUIS. LXX. habent, & *manifestum erit nomen tuum in adversariis*, id est gloria, maiestas & potentia tua. TURBARENTUR: timerent, revererentur te gentes, quæ te Deum non agnoscunt.

V. 3. CUM FECERIS MIRABILIA: per Christum præstitum in conversione Gentium. NON SUSTINERIMUS: hanc Christi gloriam, & efficaciam, quia illa sui amoris æque ac tremore, & stupore nos percelleret, & subigeret, ut demus ei manus, & colla subdamus. Ita explicat D. Hieronymus. DESCENDISTI. Loquitur Propheta quasi a Deo exauditus, & voti sui compos factus. MONTES DEFLEVERUNT. Videtur significare potentes, & principes prius superbos, & elatos, qui se Christi Cruci subiecerunt.

V. 4. A SÆCULO NON AUDIERUNT, &c. Numquam auditum est populo alicui tam multa, & tam eximia bona data esse, ut dabit Christus fidelibus, cum carnem sumpserit, & cum beatos in æternam patriam receperit. ABSQUE TE: idem est quod, *præter te*, uno te exemplo: Unde S. Paulus I. ad Corinth. 1. explicat, *absque spiritu Dei*; quasi dicat: Solus Deus, Deique spiritus cognoscit hæc bona, & ille, cui ea ipse voluerit revelare.

V. 5. OCCURRISTI LAETANTIBUS, ET FACIENTI IUSTITIAM; id est, in hac vita eis qui cum lætitia, & alacritate iustitiam faciunt occurrerit, preces eorum exaudiendo, & consolationibus recreando; in vita vero futura eos ad gloriam admittendo. Vel sensus est, occurristi; & exhibuisti te gentibus cum lætitia excipientibus te, & Deum agnoscantibus, & legem tuam admittentibus, & servantibus. IN VIIS TUIS RECORDABUNTUR TUI: hi autem memores erunt tui, & in mandatis tuis ambulabunt strenue, & cum lætitia. ECCE TU IRATUS ES, ET PECCAVIMUS; quasi dicat: At vero nobis Iudæis iratus es, qui peccavimus, nec a peccato abstinuimus. In

TPIS, peccatis. ET SALVABIMUR: sed per misericordiam tuam salvabimur; tuo enim beneficio fiet, ut admissa scelera detestemur, & aliam agendi, & vivendi rationem instituamus.

V. 6. UT IMMUNDUS, &c. ac si essemus leprosi, aut alia huiusmodi immunditia maculati, & facti: est vox Iudaeorum querentium iustificationem, & emundationem a peccatis, post promulgatam legem Christi, quo tempore omnes purificationes, & sacrificia pro expiatione peccatorum instituta non solum mortua sunt, & virtute cassa, sed etiam mortifera, & adeo a peccatis non purgant, ut potius magis foedent, & deturpent ea usurpantes. **CECIDIMUS QUASI FOLIUM;** quasi dicat: Olim floruit synagoga, nunc aruit, & ut solum marcescens defluxit.

V. 7. NON EST QUI INVOCET NOMEN TUUM: ea fide, mente, sanctitate & iustitia, qua par est. **TENEAT TE:** placeat te, & quasi prohibeat, ne nos punias. **ALLISISTI NOS IN MANU INIQUITATIS NOSTRAE;** quasi dicat: Tradidisti nos peccato, quasi victori, cruciandos, & allidendos.

V. 9. SATIS. In Hebr. est *usque valde*, hoc est ultra modum nimis.

V. 10. SANCTI TUI. Hebr. *sanctitatis tue*, sanctuarii tui, in quo scilicet templum sanctum tuum est.

V. 11. DOMUS SANCTIFICATIONIS; scilicet Templum. **DESIDERABILIA:** quidquid eximium, & splendidum erat Ierosolymis, palatia, pratoria, aedes elegantiss.

V. 12. CONTINEBIS TE: ne scilicet nobis opem feras, & hostes ulciscaris.

T I R I N I.

Verf. 1. UTINAM, o Deus; **DIRUMPERES CAELOS,** ET ad nos in terram DESCENDERES! non loco (cum ubique praesens sis) sed nova operatione, nempe assumptione naturae nostrae humanae. Simili catachresi aiebat cap. XLV. verf. 8. *Rorate cali desuper, & nubes pluant iustum.* Optat enim his verbis obices omnes & remoras tolli. Utinam

V. 2. TABESCENT MONTES Sicut EXUSTIO IGNIS, id est ut solent res igni adustae dissolvi, vel liquari & diffundere:

Alludit ad descensum Domini in montem Sinai *a*, inquit Tertullianus, S. Iustinus & Hieronymus *b*. Utinam **AQUAE ARDERENT IGNI!** id est, fulmina & nubibus disiectis emicent! ut ibidem factum. Vel ignis e caelo delapsus absumat aquas quae lambunt victimas! ut contigit ad preces Eliae *c*, & post etiam d. Nehemiae, inquit Alcazarius.

V. 3. CUM CIUSMODI MIRABILIA ETIAM inter nos FECERIS, nempe de caelo cum tanta maiestatis ad nos descenderis, **NON SUSTINEBIMUS,** ultra diffundere a te; sed tremore ac stupore percussi & subacti, dabimus tibi manus, & colla iugo tuo subderemus. Alludit ad terrorem Hebraeorum viso igne & flammis in monte Sinai, Exodi xx. 18. ita S. Hieronymus. **MOX quasi exauditus Propheta,** & voti compos factus, iam, inquit DESCENDISTI ad nos, o Deus, iam spiritu video te hominem factum, & in terra nobiscum versantem: iam **MONTES,** id est quaecumque alta, sublimia, potentia sunt in mundo, **DEFLERUNT A PACIE TUA,** id est inslar molis cere ad praesentiam tanti ignis liquata, dissoluta, dissipata sunt.

V. 4. A SAECULO enim; id est, ex quo conditus est mundus, nemo umquam *audivit*, nemo *vidit*, sed nec cogitavit, nec suspicatus fuit tanta tamque augusta gratiarum dona, quanta, o Christe, **PRAEPARASTI & DONASTI EXPECTANTIBUS TE.** Ita explicat S. Paulus I. Corinth. II. 9. Quod de donis praesentis vitae intelligunt S. Hieronymus, Chrysostomus, Theophylactus, Occumenius, Anselmus in cum Pauli locum: Forerius, Sasboui, Leo Caltrius & Sanchez hic: item Tertullianus, Cyprianus & alii, quos citat & sequitur Gabriel Vasquez *e*. Sed de futurae vitae gloria exponunt S. Dionysius, S. Thomas, Bernardus *f*, Haymo, a Lapide, quin & ex supra citatis Tertullianus, Cyprianus, Hieronymus & Anselmus *g*, sed aliis locis. Porro donis his tuis

V. 5. OCCURRESTI ultro obviam veniens cuique LAETANTI de adventu tuo, tibi que credenti, adherenti, servienti, ET FACIENTI IUSTITIAM, & IN VIIS mandatorum tuorum ambulanti, & ingit *huius recordanti*. E contrario: ECCE TRATUS ES nobis impiis, perfidis & obstinatis Iudaeis, qui nolumus te excipere, te honorare, te

GORDONI.

sequi; sed PECCAVIMUS in te, te spernendo, vexando, occidendo, &c. in hoc tui contemptu & offensione iugiter persistendo: ET tamen SALVABIMUR tua misericordia & merito, si velimus. Nam quantum est ex parte nostra,

V. 6. FACTI SUMUS UT IMMUNDUS OMNES NOS, idque tam coram Deo, quam coram hominibus, quibus more leproso, seminiflorum vel pestiferorum, horronis sumus & terrori & odio: ita S. Hieronymus, Forcius & alii. Quod in Iudæos etiam hodie quadrat ad litteram. Si quid vero videamus habere IUSTITIAE, seu naturalis, v. g. caritatis in proximum; seu legalis, ut sacrificia expiatoria, lotiones manuum & calicum, &c. id omne simile est *panno* mulieris MENTRUATAE, id est sordidissimo & foetidissimo: nempe propter innumera scelera quibus illæ institutæ utiuntur, ita & inquinantur & contaminantur. Nullus vero hic sermo est, etiam Calvino & Musculo testibus, de bonis operibus iustorum, sed de fictis iustitiis perfidorum Iudæorum, ut etiam clarissime patet ex vers. seq. NON EST QUI INVOCAT NOMEN TUUM, &c. Unde ALLISTI NOS & CONTRIVISTI IN MANU, id est per manus, INIQUITATIS NOSTRAE, tanquam li-
choris & carnificis; cui solenne est lavare in auctorem.

V. 9. NE IRASCARIS DOMINE SATIS. Hebraice, usque valde, seu nimis: quod in fine capitis Noster vertit, vehementer.

V. 10. CIVITAS SANCTI TUI, seu sanctuarii tui, nempe Ierosolyma, in qua erat templum sanctum tuum, de quo quasi inviolabili gloriabamur, iam deserta est, everfa & exusta, tum a Chaldeis, ut Vatablus; tum a Romanis, ut S. Hieronymus & alii passim exponunt.

(a) Exod. XII. 19. Hebr. XII. vers. 19. Psalm. LXVII. vers. 9.

(b) Tertull. Lib. de Resurr. carnis cap. XXV. Iustin. & alii a Leone Caesari citati.

(c) II Reg. XVIII. 38.

(d) II Mach. 1. 20.

(e) Valquez. L. p. disp. 11. cap. 2.

(f) Bern. Sermon. XI in Cant.

(g) Tertull. sup. Cypri. ep. v. Hieron. hic, & ep. XVIII. ad Eutrochium. Augst. in I. Cor. XI. & alibi.

Vers. 1. UTINAM DIRUMPERES CAELOS. Pars est inchoatæ orationis: utinam omnes obices adventus tui tolleres: DEFLUERENT MONTES, &c. Hæc & sequentia verba tendunt eo, ut Deus suam ostendat potentiam in salute per Messiam præstanda; nec deest hic allusio ad ea mirabilia quæ facta sunt in monte Sina, & in AEGypto, coram Pharaone. Addit vers. 3. si feceris mirabilia, dabis manus: & mox velut in cessali videtur tibi Propheta videre venientem.

V. 4. OCVLUS NON VIDIT. Plura etiam annuntiat de futura iustorum gloria in Ecclesia triumphante: sic hunc locum interpretatur Paul. I. Cor. XI. 9. & ita passim Patres; nec debet de Incarnatione intelligi. Hinc habes visionem beatam esse supernaturalem.

V. 5. OCCURRISTI LAETANTI, quasi diceret: Occurristi iustis tuis qui sunt ex gentibus ad Ecclesiam vocati; idque in hac insigni lætitia. At nos Iudæi qui in lætitia tui adventus (inquit Propheta) resistimus tibi, certe peccavimus tibi & iratus es nobis. Sed quæres quomodo Iudæi in peccatis semper, & tamen salvabuntur? quidam legunt, salvabimur, per interrogationem, ut sit negatio, nequam; unde LXX. habent *ideo erravimus*, ἡ δὲ ἀσθένεια; verum ex mente Hieronymi, hic sensus est, Nos Iudæi qui semper fuimus in peccatis (utpote quæ non defuerunt inter nos; inmo omnes qui venientem non recepimus) tua tantum misericordia conversi salvabimur & gratia: nam per nos sumus immundi, & quidquid ex nobis videmus habere iustitiæ, est velut pannus menstruatus; nec opera legis nostræ, nisi tua adsit misericordia nos salvabunt. Et hoc quidem, ut verum est, ante hunc Christi adventum, ita iam evidentius post legem Evangelicam, quando omnes Iudæi qui Christum non receperunt sunt in peccatis.

V. 6. & 7. Pergit Propheta loqui in persona Iudæorum non recipientium Christum; quasi dolens eorum vicem, quorum iustitia legalis post Christum est ut pannus menstruatus; quod egregie explicat Hieronymus. Si quis, inquit, post Evangelium

Yyy Chri-

Christi, & adventum filii Dei, pædagogis legis observat cæremonias, audiat populum confitentem, quod omnis illa iustitia panis sordidissimis comparetur.

Incepit ergo Novatores hinc colligunt omnia hominum omnium opera esse peccata (licet, inquit, iustis non imputentur) Hos damnarunt Leo X. & Trident. Sess. VI. can. vit. Et quid mirum si horum Iudæorum opera sint sic impura &

inutilia ad vitam æternam, cum etiam ad salutem non sufficiant Christianorum opera, quæ non ex gratia, sed ex solis viribus naturæ procedunt.

V. 8. ET NUNC DOMINI, &c. Deprecatio est Prophetæ pro hoc suo populo Christum recitante; quasi dicat: Pater es: civitas est everfa; exultum est templum: quæ omnia belle refert Hieronymus ad tempora Christi.



C A P U T LXV.

Gentium conversio, & Iudæorum propter iniquitates suas & idololatriam abiectio, servatis tamen paucis reliquiis ex ipsis: comminatio his qui Dei legem abiecerunt, & prospera ac nova omnia servis Dei nuntiantur: de quorum felicitate & Dei erga ipsos benignitate multis agit Prophetæ.



1. **Q**uæsierunt me qui ante non interrogabant, invenerunt qui non quaesierunt me: dixi: (a) Ecce ego, ecce ego ad Gentem, quæ non invocabat nomen meum. 2. Expandi manus meas tota die ad populum incredulum, qui graditur in via non bona post cogitationes suas. 3. Populus qui ad iracundiam provocat me ante faciem meam semper: qui immolant in hortis, & sacrificant super lateas: 4. qui habitant in sepulcris, & in delubris idolorum dormiunt: qui comedunt carnem suillam, & ius profanum in vasis eorum. 5. Qui dicunt, Recede a me, non appropinques mihi, quia immundus es: isti fumus erunt in furore meo, ignis ardens tota die. 6. Ecce scriptum est coram me: non tacebo, sed reddam * & retribuam in sinum eorum 7. iniquitates vestras, & iniquitates patrum vestrorum simul, dicit Dominus, qui sacrificaverunt super montes, & super colles exprobraverunt mihi, & remetiatur opus eorum primum in sinu eorum. 8. Hæc dicit Dominus: Quomodo si inveniatur granum in botro, & dicatur: Ne dissipes illud, quoniam benedictio est: sic faciam propter servos meos, ut non disperdam totum. 9. Et educam de Iacob semen, & de Iuda possidentem montes meos: & hereditabunt eam electi mei, & servi mei habitabunt ibi. 10. Et erunt campestria in caulas gregum, & vallis Achôr in cubile armentorum, populo meo qui requisierunt me. 11. Et vos, qui dereliquistis Dominum, qui oblitus estis montem sanctum meum, qui ponitis Fortunæ mensam, & libatis super eam. 12. Numerabo vos in gladio, & omnes in eade corruietis: (b) pro eo quod vocavi, & non respondistis: locutus sum, & non audistis: & faciebatis malum in oculis meis, & quæ nolui elegistis. 13. Propter hoc hæc dicit Dominus Deus: Ecce servi mei comedent, & vos esurietis: Ecce servi mei bibent, & vos

& vos sitietis: 14. * Ecce servi mei latabuntur, & vos confundemini: Ecce servi mei laudabunt præ exultatione cordis, & vos clamabitis præ dolore cordis, & præ contritione spiritus ululabitis. 15. Er dimittetis nomen vestrum in iuramentum electis meis: & interficiet te Dominus Deus, & servos suos vocabit nomine alio. 16. In quo qui benedictus est super terram, benedicetur in Deo amen: & qui iurat in terra, iurabit in Deo amen: quia oblivioni traditæ sunt angustie priores, * & quia absconditæ sunt ab oculis meis. 17. (c) Ecce enim ego creo celos novos, & terram novam, & non erunt in memoria priora, & non ascendent super cor. 18. Sed gaudebitis & exultabitis usque in sempiternum, in his quæ ego creo: quia ecce ego creo Ierusalem exultationem, & populum eius gaudium. 19. Et exultabo in Ierusalem, & gaudebo in populo meo: & non audietur in eo ultra vox fletus & vox clamoris. 20. Non erit ibi amplius infans dierum, & senex qui non impleat dies suos: quoniam puer centum annorum morietur, & peccator centum annorum maledictus erit. 21. Et ædificabunt domos, & habitabunt: & plantabunt vineas, & comedent fructus earum. 22. Non ædificabunt, & alius habitabit: non plantabunt, & alius comedet: secundum enim dies ligni, erunt dies populi mei, & opera manuum eorum inveterabunt: 23. * electi mei non laborabunt frustra, neque generabunt in conturbatione: quia semen benedictorum Domini est, & nepotes eorum cum eis. 24. (d) Eritque antequam clament, ego exaudiam: adhuc illis loquentibus, ego audiam. 25. (d) Lupus & agnus pascuntur simul, * leo & bos comedent: paleas: & sergenti pulvis panis eius: non nocebunt, neque occident in omni monte sancto meo, dicit Dominus..

(a) Rom. x. 20. (b) Prov. x. 24. Sæc. VII. 23. Inf. LXV. 40. (c) Inf. LXV. 22. Apoc. XXI. 5. (d) Psal. xxxi. 5. (e) Sup. x. 6.

B R U G E N S I S

ROMANÆ CORRECTIONES.

- Verf. 6. *Et retribuum in sinum eorum.* Pro sinum, cave scribas, addita g littera, signum..
- Verf. 14. *Ecce servi mei latabuntur, & vos confundemini.* Nullo modo: omittenda est hæc pericope.
- Verf. 16. *Et quia absconditæ sunt ab oculis meis.* Non est mutandum pronomen meis in nostris.
- Verf. 23. *Electi mei non laborabunt frustra.* Alii sic distinguunt, ut electi mei, non inchoet hanc periodum, sed finiat præcedentem. Lege Notationes..
- Verf. 25. *Leo & bos comedent paleas.* Non præponas coniunctionem & voci leo..

NOTATIONES.

Verf. 22. **ET** opera manuum eorum inveterabunt electi mei. Non laborabunt frustra. Oſto manuſcripti codices, & poſt Moguntinam editionem impreſſi plerique cum Dionyſio Richelio diſtingunt hunc ad modum: Et opera manuum eorum inveterabunt. Electi mei non laborabunt frustra: quam diſtinctionem Græcus Auctor Cyrillus ſequitur, & Græca antiſcripta, ea quæ nos videmus, exigunt: ſic enim habent: Opera enim laborum ſuorum (manuum ſuarum R) vetera facient. Electi autem mei non laborabunt in vacuum. Porro alteram diſtinctionem, Et opera manuum eorum inveterabunt electi mei. Non laborabunt frustra, quæ D. Hentenio probata fuit, ſervant noſtra decem manuſcripta, quam & Hebraici libri, quos ego viderim, referunt; & translatio 70. duorum ut eſt in Hieronymi commentariis: Opera laborum ſuorum inveteraſcere facient electi.

Yyy. 2

Ei mei: non laborabunt in vacuum. Sunt alia nostra manuscripta 12. quæ eundem ad modum distinguunt, sed paulo aliter legunt: *Et opera manuum eorum inveterabunt electis meis. Non laborabunt frustra*, quibus comprehensa sunt antiquiora atque integriora nostra, Brug. Leod. Lob. Pl. m. E. O. Q. His suffragantur vetera Parisiensium Di. o. l. Ge. o. l. p. & antiqua Epanorthotæ. Hugo Cardinalis de hac istorum lectione. „Hanc „litteram, inquit, habet Hieronymus, & „libri correcti. „Habet eam diserte Hieronymi commentario adiunctus textus (quamquam pro *inveterabunt*, *veterasces* legat) nec parum vult ei ipse Hieronymi commenta-

rius, si diligenter discutatur. Atque etiam hoc indicet transivisse cum *electis meis*, potius quam *electi mei*, quod *eorum* non *suorum*, dixerit: *Et opera manuum eorum*: factis enim commentaria docent, & veteres codices, non eam sequentibus copulasse *electis mei*. Haymo utramque lectionem explicat, *electis meis*; cuius ad litteram sensus est: Opera populi Dei ad eus usum vetera sunt, itaque interitum dum nova & recentia sunt, nec pereant, nec per motem auferantur, nec ab hoste diripiantur: id quod Hebraice, & Chaldaice ad verbum est: *Et opus manuum suarum ad vetustatem perducen electi mei*.

C O M M E N T A R I A

M A L D O N A T I.

*Verf. 1. Q*UÆSERUNT ME. Hoc debet esse initium huius capituli sicut apud Hebræos est, & sententia ipsa postulat. Heb. *קָשַׁרְתִּי, quasi sum*; id est, repertus, ab iis qui me ante non interrogabant, a gentibus, quæ ignorabant me, ut interpretatur D. Paulus Rom. x. 20. *INVENERUNT QUI NON QUÆSERUNT ME*; id est, sponte mea ostendi me te gentibus, quæ me non quærebant. *DEXI, ECCE EGO, patesci me.*

V. 2. EXPANDI MANUS MEAS. Expandere manus, eleganti metaphora significat non solum vocare; sed etiam gratiam offerre, aut, vocare hominem longe distantem, qui cum vocem audire nequeat, signa tamen manuum videre potest. Indicar ergo Deus incredulum Iudæorum populum, & ab eo per peccata longe discedentem, non verbis tantum, sed etiam manibus, id est miraculis vocavisse. *INCRECULUM.* Heb. *מַדְבָּר, rebellem*. Post COGITATIONES SUAS, id est post humana inventa, relictis mandatis Dei: sic vocat idola, quia inventa hominum sunt, ut Psal. cv. 29 *Et irritaverunt eum in adinventionibus suis*: & verf. 39. *Et fornicati sunt in adinventionibus suis*.

V. 3. PROPTER QUI AD IRACUNDIAM PROVOCAT ME ANTE FACIEM MEAM, id est, qui coram me idola colit. Omnibus peccatis Deus ad iracundiam provocatur, sed præsertim idololatria. *QUI IMMOLANT IN HORTIS*, id est in lucis, ubi sacrificia

idolis fiebant: Exod. xxxiv. 13. Deut. vii. 3. & xii. 3. sæpeque alias. *ET SACRIFICANTES, וְסִפְּסִיפִּים, Et sufflent super latitantes*, id est super testia quæ latetia erant, ut aliqui Hebræi exponunt. Vel, ut alii, quibus magis assentior, *super altare latitatum*.

V. 4. QUI HABITANT IN SEPULCRIS. In sepulcris etiam frequentes esse solabant, ut a mortuis responsa postulerent. *ET IN DELUBRIS, בְּנִצְּרוֹת, in desertis locis idolorum permotiant, וְלִינוּ.* His duobus verbis, *habitare, & permotiare*, significat quanto studio atque labore idolis servirent. *ET TUSPROPANUM: פִּזְק פְּגוּלִים, in scutulum pollutorum*, id est confectum ex carnibus legè prohibitis, *IN VASIS EORUM*, id est in ollis reperitur.

V. 5. QUI DICUNT, RECEDE A ME. Heb. *קִדַּב מֵיךְ, ad verbum, appropinqua tibi*, vel, *sta apud te. Gallice, Retire toy.* NE APPROPINQUES MIHI, כִּי אֶתְּקַשׁ, *ne tangas me.* QUIA IMMUNDUS ES. Heb. *קִדְשִׁיךָ.* Noster Interp. reddidit, *quia immundus es*, quoniam קִדַּשׁ aliquando significat immundum: eaque significatio visa illi est huic loco convenire. Alii, *quia sanctificare te*. Alii, *quia sanctior sum te*. Septuag. *ἐν ἁγιάσει σου, quia mundus sum.* Notat summam Iudæorum arrogantiam, qui ista facerent: non preciebantur se à Prophetis, vel quoquam alio admoneri: sed respondebant se illis esse sanctiores. *ISTI FUMUS ERUNT*, id est, excitabunt tamquam fumum furorem meum, ut eos perdam, eruntque mihi ignis materia,

teria, ut sup. cap. XLVII. 14. *Eccæ facti sunt quasi stipula, ignis combussit, non liberabunt animam suam de manu flammæ.*

V. 6. *ECCE SCRIPTUM EST CORAM ME.* Significat Deus se non posse oblivisci scelerum illorum, quia omnia in conspectu quasi scripta habet: sicut contrariò dicitur habere librum vitæ, ubi bonorum merita scripta sunt, qui nihil aliud est, quam eius scientia. NON TACEBO, id est non dissimulabo, sed. RETRIBUAM, illis (peccata sua) IN SINUM EORUM. Retribuere aut reddere in sinum, significat aliquem pro his meritis tractare, sive puniendo, ut Psal. LXXVIII. 12. *Redde vicinis nostris septuplum in sinu eorum: sive remunerando,* ut Luc. VI. 38. *Mensuram bonam, & confertam, & coactatam, & superfluentem dabunt in sinum vestrum:* vide vers. 7.

V. 7. *ET INIQUITATES PATRUM VESTRORUM.* Non quod filius iniquitatem patris portet, id est propter eius peccata condemnatur: Ezech. XVIII. 20. sed filiorum corpora tamquam membra parentum occidat, sicut occidit filium Davidis propter adulterium patris: II. Reg. XXI. 14. Hoc enim modo dicitur visitare iniquitates patrum in filios usque in tertiam & quartam generationem. ET REMETTIAR OPUS EORUM PRIMUM, id est a primo usque ad ultimum dignis poenis afficiam, ut vers. 6.

V. 8. *HAEC DICIT.* Videbatur Deus superioribus versibus generalem omnium Iudeorum interitum comminatus; adhibet nunc moderationem sententiæ: declarat enim elegantii similitudine, non ita se delecturum omnes, quia servaturus sit pauculos iustos, si reperit, ut dixit idem Isaias supra X. 22. & D. Paulus Rom. IX. 27. *Si fuerit numerus filiorum Israel sicut arena maris, reliquia salva erunt.* NE DISSIPES ILLUD QUONIAM BENEDICTIO EST (בִּרְמִיּוֹהוּ) id est bonum est & metaphora sumpta est a vindemiatoribus, qui racemos putridos aut acerbos abiciunt; sed si vel unum granum bonum in aliquo inveniant, servant illud. NON DISPERDAM TOTUM (populum) vel כָּל, omnes.

V. 9. *ET EDUCAM DE IACOB SIMEN:* ut inde Christus nascatur, veraque sit promissio, Gen. XLIX. 10. *Non auferetur sceptrum de Iuda, sicut sup. Propheta dixit cap. XI. 1. Egredietur virga de radice Iesse, & flos de radice eius ascendet.* ET HU-

REDITABUNT EAM (hereditatem), relatum sine anteceden.) Intelligitur autem hoc de hereditate terræ Iudæ post captivitatem Babylonicam; mystice autem de Ecclesia, quam electi Iudæi hereditaturi erant.

V. 10. *ET ERUNT CAMPESTRIA.* Heb. שָׂרֹן, Saron, nomen proprium fertilissimæ regionis inter montem Tabor & mare Tyberiadis, ut Hieron. ait, I. Paral. XXVII. 29. & Isai, XXXIII. 9. & Act. IX. 35. ET VALLIS ACHOR. Vallis pascua erat in tribu Iuda, Iosue XV. 7. Sensus ergo est, fore ut electi redeant in terram Iuda, ibique ita multiplicentur, ac discescent, ut pascua pecoribus & armentis cooperiantur.

V. 11. *ET VOS.* Opponit nunc malos bonis. QUI PONITIS FORTUNAE' דָּנָךְ, alii, exercitui (cæli) id est, stellis. MENSAM, id est aram ad sacrificandum, sicut nos altare mensam Domini vocamus. ET EIBATIS SUPER EAM. Heb. יִחַמְלוּ מֵיָם לִכְכֵּי מִסָּךְ, & impletis numerum (stellarum) illibamine, id est tot sacrificiorum genera immolatis, quot stellæ in cælo sunt, quia singulas stellas singulos deos putatis, ut IV. Reg. XVII. 16. *Et adoraverunt universam militiam cæli.*

V. 12. *NUMERABO VOS IN GLADIO;* id est, singillatim gladio occidam, quemadmodum si numerarem vos. Usus est numerandi verbo, ut alluderet ad id quod vers. præcedenti dixerat: *Impletis numerum;* quasi dicat: Sicut vos stellas numerastis, ut illis sacrificaretis; ita ego numerabo vos, ut occidam. ET FACIEBATIS MALUM IN OCULIS MEIS, in contemptum mei, scientes quod viderem vos.

V. 13. *ET DIMITTETIS NOMEN VESTRUM IN IURAMENTUM:* לִשְׁבָּעָה, in execrationem ELECTIS MEIS: ita ut cum execrati aliquem velint, dicant, Faciat tibi Deus quod Iudeis fecit. ET SERVOS VOS: electos sive ex Iudeis, sive ex gentibus, (ut ante nominavit.) VOCABIT NOMINE ALIO, id est Christianis: vel, redemptos a Domino, ut dixit supra cap. LXII. 12. *Et vocabunt eos, Populus sanctus, Redempti a Domino.*

V. 14. *IN QUO QUI BENEDICTUS EST:* הַמְבָרָךְ, qui benedicitur, vel, qui se ipsum benedicit, vel qui se ab aliis benedicti cupit. SUPER TERRAM; id est, in toto orbe terrarum, non in Iudæa tantum ut ante. Significat Christianum nomen ubique terrarum.

rum in honore futurum. BENEDICATUR IN DOMINO AMEN. Coniuncte legendum, ut Heb. בְּיָמֵינוּ, in *Deo amen* (in genitivo) id est, in Deo veritatis, in Deo veraci, ac fidei. Sensus est, fore ut qui in nomine Christianorum benedicentur, non frustra benedicantur, & inaniter, sed ut Deum veracem ac fidelem experiantur, qui promittit se daturum quicquid a se in nomine Christi peteretur, Ioan. xiv. 13. Quare & Ecclesia omnia per Christum petit. QUIA OBLIVIONI TRADITAE SUNT. Christianorum & electorum verba sunt latantium se a Domino praeceitis miseriis liberatos. *Transivimus per ignem & aquam, & eduxistis nos in refrigerium*; Psal. lxi. 12. *Et letati sumus pro diebus, quibus nos humiliasti, anvis quibus vidimus mala*; Psal. lxxxix. 15. ET ABSCONDITAE SUNT AB OCULIS NOSTRIS, id est non eas amplius videmus. Noster Interpres legit עֵינַי, Hebraei nunc legunt עֵינַי, ab oculis meis, ut sit Deus qui loquitur, & dicat se non recordari praeteritorum malorum, ut ea iterum inducat.

V. 17. CAELOS NOVOS. Locutio est hyperbolica, quia magna quaedam & incredibilis mutatio in melius significatur. Status enim Ecclesiae Evangelicae tanto melior est quam Iudaica, ut sub novo caelo, & in nova terra habitare videatur, sicut D. Petrus II. epist. cap. iii. 5. dicit ante diluvium alios fuisse caelos, & aliam terram; post resurrectionem vero hanc quae nunc sunt renovatum iri: vers. 13. *Novos vero caelos & novam terram secundum promissam ipsius expectamus*; & Apocal. cap. xxi. 1. *Et vidi caelum novum, & terram novam*; & vers. 5. *Ecce nova facio omnia*: vide inf. cap. lxi. 22. ET NON ASCENDET IN COR, id est nemo recordabitur eorum.

V. 18. SED GAUDEBITIS: שִׂשׂוֹן recte noster Interpres existimavit Imperativum Hebraicum pro futuro positum esse. IN PERPETUUM IN HIS QUAE EGO CREO, id est vita beata ac sempiterna. QUIA ECCE EGO CREO IERUSALEM EXULTATIONEM, id est exultantem & gaudentem; ita describit Ecclesiam triumphantiem. Aut, exultationem & gaudium mihi, id est in qua ego exultabo & gaudebo, ut statim ait vers. 19.

V. 20. NON FRUIT IBI ANILIUS; id est, nemo praeventur morte, sed omnes, & iuvenes, & senes annos suos complebunt: si-

gnificat. nullum ibi morbum futurum. QUIA PUER, centum annorum deest; בֶּן פִּלְיָס CENTUM ANNORUM MORIETUR; id est, quamvis aliquis puer moriatur qui bene vixerit, existimabitur centesimo aetatis suae anno mortuus esse, ut Sap. iv. 13. *Consummatus in brevi explevit tempora multa*. ET PECCATOR CENTUM ANNORUM MALEDICTUS ERIT; id est, puer censetur mori, quamvis diu vixerit. Maledictionis enim divinae genus putabatur in pueritia mori.

V. 21. ET AEDIFICABUNT DOMOS, ET INHABITABUNT; id est, non aedificabunt aliis, sed sibi, & fructus vinearum quas plantaverint, ipsi comedent, non alii, sicut supra cap. lxii. 8. *Si dedero trituum ultra cibum inimicis tuis*. Significat hac metaphora felicitatem status Ecclesiae Catholicae.

V. 22. SECUNDUM ENIM DIES LIGNI; id est, viis quam plantaverit, erunt dies populi mei. Tandiu vivet unusquisque in populo meo, quamdiu vinca quam plantavit duraverit, ut comedat omnes fructus eius. ET OPERA MANUUM EORUM, וְעֲשֵׂתָם necessario est aliquid subintelligendum: potest autem intelligi aut כֹּחַ, secundum opus manuum eorum intererantur electi mei: id est, tamdiu vivent, quamdiu durabunt domus, (has enim vocat opus manuum eorum) quas aedificaverint. Aut potest intelligi praepositio כִּי cum nomine בְּחַיֵּיהֶם, cum electis meis, ut sit sensus, Neque ipsi morientur ante opera ipsorum, neque ipsorum opera peribunt ante illorum mortem. Prior lectio & interpretatio mihi magis placeat.

V. 23. NON LABORABUNT FRUSTRA, id est ita ut non fruantur laboribus suis. NEQUE GENERABUNT IN CONTURBATIONE, לְבִלְהָה, in terrore; id est, cum generabunt, non perturbabuntur morte filiorum. QUIA SEMEN BENEDICTORUM EST; id est, longissime vivent, donec nepotes suos viderant. Aut, non solum ipsi, sed etiam eorum nepotes diutissime vivent.

V. 25. LUPUS ET AGNUS PASCENTUR SIMUL: כְּאַחַד, eodem modo; id est, lupus non velletur carnibus, sed herbis sicut agnus, & leo non comederit carnes, sed pascas sicut bos; & ferpens non edet sanguinem aut carnem, sed pulverem; quasi dicat, Omnia resistentur per Christum in.

cum.

eum statum, quo antequam Adam peccaret, creata fuerant; tunc enim bestiae, neque hominibus, neque aliis bestiis nocebant, sed herba unus omnium cibus erat. Quod de bestiis dicitur, non de illis, sed de hominibus intelligendum est, qui ita Christi doctrina manifestati sunt, ut ex lupis agni, ex leonibus boves facti esse videantur. Similis locus supra cap. xi. 7.

S A.

Verf. 1. **Q**UAESIERUNT, scilicet gentiles. INTERROGABANT, id est consulebant. LXX. totum locum sic verterunt: *Apparui non quaerentibus me, inventus sum a non interrogantibus me*; quod Rom. x. citatur paulo aliter. Ego; scilicet adsum. Vox Christi.

V. 2. POPULUM, scilicet Iudaicum. INCREDULUM, &c. LXX. *non credentem*, & *contradidentem*. COGITATIONES SUAS. LXX. *peccata sua*.

V. 3. LATERES, id est altaria ex lateribus.

V. 4. SEPULCRIS, scilicet ut a mortuis in fornibus responsa accipiant. PROFANUM, id est carniū veteritarum.

V. 5. DICUNT, scilicet aliis. IMMUNDUS ES. Chald. *purior te sum*. LXX. *mundus sum*. IGNIS, &c. Chald. *ultio eorum erit in gehenna, ubi ignis*, &c.

V. 6. SCRIPTUM; pro, velut scriptum; quasi dicat, apertum, vel statutum. TACEBO, id est dissimulabo.

V. 7. EXPROBRAVERUNT MIHI, id est me probro seu contumelia affecerunt. REMITTAR. LXX. *reddam*. PRIMUM, id est primum. IN SENU EORUM. Chald. *eis ultionem peccatorum ipsorum*, & *tradam morti secundum lege corpora eorum*.

V. 8. BENEDICTIO; pro, benedictum.

V. 9. SEMEN, id est filios spirituales. MONTES, scilicet Ierusalem, per quam Ecclesia intelligitur.

V. 10. CAMPESTRA, &c. quasi dicat: Dabo illis loca ampla & commoda.

V. 11. FORTUNAE. Chald. *idolis*. LXX. *demoni*.

V. 12. NUMFRABO, id est numeratos tradam, scilicet nullo relicto. LXX. *tradam*.

V. 13. IN INSTRUMENTUM, id est executionem, scilicet dicent cum iurant:

Mihi contingat (nisi verum dico) quod Indaxis. LXX. *in satietatem*, scilicet tadebit vos nominare. INTERFICIET. Chald. *interficiet morte secunda*. ALIO, scilicet Christianos.

V. 16. IN QUO, scilicet nomine, vel tempore. AMEN. Chald. *vivo*. LXX. *vero*. MEIS, scilicet poterit quique eorum dicere.

V. 17. SUPER COR, id est in cogitationem.

V. 18. IERUSALEM; pro, super Ierusalem. POPULUM; pro, super populum.

V. 19. IERUSALEM, scilicet caelesti.

V. 20. DIERUM, id est aetate; quasi dicat: Omnes erunt in caelo adulti & perfecta aetate. PUER CENTUM, &c. id est, natus centum annos, si peccator sit, morietur tandem; & erit maledictus: id autem dicit ad ostendendam differentiam electorum & reproborum.

V. 21. AEDIFICABUNT, scilicet in hac vita. Intellige vero per haec corporalia, res spirituales.

V. 22. LIGNI. Chald. & LXX. *ligni vitae*, quasi dicat, Erunt diuturni, seu perpetui, aut felices. INVETERABUNT, id est diu durabunt.

V. 23. IN CONTURBATIONE. Chald. *ad mortem*. LXX. *in maledictionem*.

V. 25. LUPUS, &c. Significatur, homines aliqui contrarios moribus concordēs futuros in Ecclesia, isdemque cibis spiritualibus & ritibus uleros. SERPENTI, id est diabolo. PULVIS, id est peccatores, seu reprobi.

E S T I I.

Verf. 17. **E**CCE ENIM EGO CREO CAELOS NOVOS, ET TERRAM NOVAM.

Nomine caelorum non solum intelliguntur orbis caelestes; verum etiam quicquid sub illis est, usque ad nos; id est, in genere, quicquid supra nos est. Totum enim hoc caelum vocatur, more Scripturae, ut eum toties dicitur, volucres caeli, & similia. Hoc loco autem sic generaliter accipi nomen caeli, satis patet ex II. Petri iii. cum hoc loco collato. Item ex eo, quod Prophetæ respicit ad primam rerum creationem de qua Genes. i. *Creavit Deus caelum & terram*, ubi etiam caelum ita generaliter accipitur. Denique quomodo hic locus

intelligendus sit, vide clare Apocal. xxi. & nostrum com. loco citato.

V. 24. ERITQUE ANTEQUAM CLAMENT, EGO EXAUDIAM. Similis locus est Psalm. xxxi. Dixi, Confitebor adversus me iniustitiam meam Domino, & tu remisisti iniquitatem peccati mei. Quibus modis loquendi, per quamdam velut hyperbolem significatur Deum certissime & statim exaudire; quasi dicat: Antequam clament, & clamorem finierint, ego exaudiam: quem sensum satis clare ipsa Scriptura quoque indicat; cum immediate subiungit Dominus: ADHUC ILLIS LOQUENTIBUS, EGO EXAUDIAM.

M A R I A N A E.

Verf. 1. **Q**UAESIERUNT ME. De vocatione Gentium agit. QUI ANTE NON INTERROGABANT, id est consulabant. Vox autem Heb. non est, sed suppletur. Supplet Chald. QUI NON QUAESIERUNT ME; supple, ante. Non solebant me quætere. ECCE EGO; id est, præsto sum, vos exaudiam, vobis responsa dabo.

V. 2. EXPANDI MANUS MEAS, ut amplecterer, acciperem; quasi dicat: Non miror, si alias gentes admitto, quando meus populus me repudiat. AD POPULUM INCREPULUM. Heb. rebellem, contumacem, declinantem. QUI GRADITUR IN VIA NON BONA POST COGITATIONES SUAS; supple, nempe post cogitationes, id est libita.

V. 3. ANTE FACIEM MEAM, id est in oculis meis, me videntem. SACRIFICANT. Heb. adolent, thurificunt. SUPER LATERES; scilicet dum coquantur lateres, ut bene res vertat, & lateres bene coquantur, thus adolent idolis. Aut sacrificant super lateres, id est super altaria & lateribus.

V. 4. QUI HABITANT IN SEPULCRIS. Sedent, manent in sepulcris, ut mortuos consulant, ab iis responsa quærant. ET IN DELUBRIS IDOLORUM, sive in desertis permostrant. Sic Pagn. ut vident scilicet stellas, & ex iis coniectant futura. Septuag. in specubus dormiunt propter somnia. ET IUS PROFANUM; supple, est in valis eorum, scilicet ex suilla. Qui dicunt:

V. 5. RECEDE A ME. Heb. accede ad te, id est a me recede, ut Hieronymus

dixit. QUIT IMMUNDUS ES. Alii, sanctior te sum. Heb. sanctus sum te, id est præ te, nempe qui superbiunt. Et quidem verbum שרץ kadas ambiguum est: & sanctum esse significat, & immundum esse. Priorem significationem secuti sunt alii: Hieronymus posteriorem, nec incongrue. Ergo Heb. sanctificavi te perinde erit, atque immundum te esse iudico, nostro colloquio indignum. ISTI FUMUS ERUNT. Qui eiusmodi sunt, eos puniam; ut ligna subiecto igne in fumum abeunt, sic isti nihil erunt. IN FURORE MEO, qui ut ignis semper ardet, & consumet eos.

V. 6. ECCE SCRIPTUM EST, scilicet peccatum hoc. Non debetur a memoria, ut ea quæ scribuntur. NON TACEBO; pro, non dissimulabo, aut non quiescam, donec ulciscar eorum peccata.

V. 7. OPUS EORUM PRIMUM, id est antiquum & patrum, puniam. Nimirum maiorum peccata posteros luere consuevit. IN SINU EORUM, scilicet filiorum ponam.

V. 8. QUOMODO SI INVENIATUR GRANUM IN BOTRO. Sept. acinus. Heb. musum in racemo. NE DISSIPES ILLUD. Heb. ne corrumpas illum racemum, scilicet calcando illum. QUONIAM BENEDICTIO EST. Heb. benedictio in eo, id est pulcher est; quasi dicat: Ut in vindemia quibsdam racemis parcunt, sic ego faciam. NON DISPERDAM TOTUM. Heb. non corrumpam omnes. Aliquos mihi servabo.

V. 9. ET EDUCAM DE IACOB SEMEN, id est aliquos e posteris. MONTES MEOS, scilicet montem Sion, ubi arx erat, & montem Moria, ubi templum, erunt qui possiderent. HEREDITABUNT EAM, scilicet urbem Ierusalem.

V. 10. ET ERUNT CAMPESTRIA. Septuag. silva. Pagn. planities. Heb. erit Saron in caulam gregum. Chald. erit Sarontis mansio. Itaque Saron, quod est in Heb. sumit pro monte eius nominis, ubi læta pascua erant. ET VALLIS ACHOR. In valle herbe luxuriant, armentis pascua magis commoda, iis in locis erunt caulæ & armenta, iis quos servare vult.

V. 11. QUI PONITIS FORTUNAE MENSAM. Pagn. militia cali. Et per mensam aut altare intelligit, aut convivia, quæ in honorem idolorum instruebant. In Luciano Hecates seu Lunæ cœna celebratur I. Dia-

Dialogo Mortuorum . Apud alios mensa Solis famulissima, ut Hieronymus ad Paulinum ait, & Pomponius Mela Lib. III. cap. x. plura, cum Spartianus Severum Imper. ad eum locum profectum ait rei fama permotum. ET LIBATIS SUPER EAM. Heb. *et impletis Planetis libamen*. Implere est offerre seu sacrificare.

V. 12. NUMERABO VOS IN GLADIO; id est, numeratos vos cædi tradam, unus e vobis non effugiet.

V. 14. CONFUNDEMINI, erubescetis. LAUDABUNT PRÆ EXULTATIONE CORDIS. Heb. *inubilabunt prae mei prae bonitate*; id est iucunditate cordis, quod vos punierim.

V. 15. IN IURAMENTUM ELECTIS MEIS erit vestrum nomen. Sic Chald. Septuag. in *saturitatem*. Nimirum *et Sin*, in voce *sebahab*, legerunt cum puncto *Smol*. Heb. Schol. in *execrationem*. Sed est iuramentum execrativum, quo hæc interpretationes in speciem pugnantes conciliantur. Ergo erit nomen vestrum in execrationem. Dicent enim: Sic faciat tibi Deus, ut illis fecit. Jerem. xxix. 22. magis declaratur hic modus execrationis, quando Achab & Sedeciam pseudoprophetas fore execrationi denuntiat. ET INTERFICIET TE. Hæc sunt execrationis verba: Dicent, scilicet electi, interficiet te Dominus, sicut scilicet interfecit eos homines impios. ET SERVOS SUOS VOCABIT NOMINE ALIO; scilicet nomen eorum non erit in execrationem, sed in benedictionem.

V. 16. IN QUO QUI BENEDICTUS EST SUPER TERRAM. In quo, scilicet nomine fervorum Dei benedicetur, qui in mundo benedictus fuerit. Hebraica sic verto: *Quo*, pro, in quo, *se benedicens in terra se benedict*. IN DEO AMEN, id est in Deo veritatis. Septuag. in *Deo vero*. Chald. in *Deo vero*. Unde id? Ut sensus constet, suppleri debet coniunctio *et*, sic: Se benedict, & in Deo vero. Itaque in nomine fervorum Dei, & in Dei nomine se benedict. IURABIT IN DEO AMEN. Supplicio, qui iuraverit, iurabit in nomine iustorum, & in Deo vero. QUIA OBLIVIONI TRADITAE SUNT ANGSTIÆ PRIORES. Non est mirum, si meorum nomen sic exalto: antiquam severitatem benignitate mutavi; malorum, quæ intuli, non recordeor. AB OCULIS MEIS: sic Heb. non *visibilibus*, abscondite sunt angustiae priores.

Bib. Sac. Tom. XVII.

V. 17. CREO CAELOS NOVOS; id est nova rerum omnium facies erit. Lætis cuncta videntur pulchriora. PRIORA, id est antiqua, neque peccata, neque supplicia recordabor.

V. 18. SED CAUDEBITIS ET EXULTABITIS. Heb. *quinimo gaudete et exultate*; pro *gaudebitis et exultabitis*. Imperativus pro futuro. IN HIS QUAE EGO CREO, id est propter ea quæ ego facio. Mea indulgentia erit gaudii materia. CREO IERUSALEM EXULTATIONEM; id est, in Ierusalem pono exultationem, & in populo eius gaudium. Faciam ut gaudeat.

V. 19. ET EXULTABO IN IERUSALEM. Ego quoque cum ceteris me lætum ostendam. IN EO, scilicet populo. Heb. in ea, scilicet Ierusalem.

V. 20. INFANS DIERUM, id est teneræ ætatis, non erit. QUI NON IMPLEAT DIES SUOS. Pueri & senes ad longævam ætatem perveniant. ET PECCATOR CENTUM ANNORUM. Senex, qui abusus ætate longæva peccarit infamis erit & maledictus.

V. 22. SECUNDUM ENIM DIES LIGNI, id est arboris vivacis. ERUNT DIES POPULI MEI. Ut sciat quod fore Deus pollicetur, se non ædificaturum domum quam alius habet, & plantaturum vineam quam alius vindemiet, ut contingit iis, qui cito moriuntur. ET OPERA MANUUM EORUM; id est, quousque vetera sint opera, manebunt penes illos.

V. 23. ELECTI MEI. Heb. Septuag. & Chald. iungunt cum precedenti verbo. Sic Gotth. sed legunt, *electis meis*, id est cum electis meis: quæ lectio commodior est. *Opera sua inveterabunt electis meis*: sic Hieronym. in Comm. NON LABORABUNT FRUSTRA Heb. in *vanum*. NEQUE GENERABUNT IN CONTURBATIONE, aut in *time-re*, id est quos fore aliorum servos, aut brevi morituros filios timeant. ET NEPOTES EORUM CUM EIS. Heb. *germina*. Sed per *germina*, *nepotes*, posteris, & filios possumus intelligere. Itaque posteris erunt cum eis, & sospites eos habebunt; nullus casus auferet.

V. 25. LUPUS ET AGNUS. Repetit quæ dixerat cap. xi. 7. Quod referendum est ad pacem, qua vivent in Ecclesia gentes variis moribus & ingenio. Quod si pax erit, nulla timoris & calamitatis occasio electis manebit. LEV ET BOS COMEDENT

Zzz

PA-

PALEAS; id est, leo ut bos comederet, & eo cibo satius non noceret. ET SERPENTI PULVIS PANIS EIUS, id est, cibus eius. Pulvere passus non mordebit, neque nocet, non caprabit pradam. NON NOCEBUNT, scilicet hae serae, quas dixit; nulli nocerunt in Ecclesia. Is est mons sanctus Dei, quem sic vocat.

M A L V E N D A E.

Verf. 1. **Q**UAESIERUNT ME, &c. Observe, ad antecedentem Ecclesie postulationem hoc capite respondere Christum, ut diximus cap. LXIII. 1. Esse autem huius responsi tres summarias partes; primam esse, narrationem vocationis Ecclesie ex gentibus, & Iudeorum castigatorum reliquis, usque ad *vers. 11.* secundam, contestationem Iudeorum, inde ad *vers. 18.* tertiam, conclusionem a magnificis Dei promissionibus erga filios suos, ad finem usque capitis. Hunc autem versum varie ex Heb. convertunt: I. *Quæsius sum ab his, qui non interrogaverunt, vel qui antea me non requirerant, aut non consulerant me; inventus sum ab iis, qui me non quæsierunt, vel feci ut invenerint me qui non requirerant me: dixi, Ecce ego, ecce ego alium ei genti, quem non vocabatur nomine meo.* II. *Quæsius sum, vel expositus sum, ut Psalm. CX. 2. eis, qui non interrogabant; inventus sum ab eis, qui non quærebant me: dixi, Ecce me, ecce me, genti, quem non vocatur de nomine meo, id est gentibus; quæ prius alienæ fuerunt a republica Israelis, extraneæ a patris promissionis &c. Ephesior. II. 12. Hunc & sequentem versum adducit Paulus Romanor. X. 20. & 21. ad demonstrandam vocationem gentium, & Israelitarum reprobarionem: idque ex LXX. editione.*

V. 2. **EXPANDI MANUS MEAS** &c. Alii ex Heb. hunc versum reddunt: *Expandere manus meas toto die ad populum rebellem, seu desertorem, qui ambulat via non bona, sequendo cogitationes suas.* Secundum narrationis locis, quo Deus exponit primum improbitatem Iudeorum, *vers. 3. 4. & 5.* & ultiones suas, *vers. 6. & 7.* deinde vocationem, reliquiarum secundum electionem gratiæ, tribus sequentibus. Est autem *expandere manus*, humanitas dictum de Deo, pro eo quod est, invitare & vo-

care ad se. Nec defunt, qui putent allusum ad gestum Christi expandentis in cruce manus. *Cogitationes suas*, id est opiniones, seu studia vana aut noxia.

V. 3. **POPULUS QUI AD IRACUNDIAM PROVOCAT ME ANTE FACIEM MEAM SEMPER.** Alii ex Heb. I. *Ad populum, inquam, irritantes me, vel qui irasci faciunt me in faciem meam semper.* II. *qui lacepsunt me in faciem meam iugiter;* id est, qui me coram, palam, in faciem conviciis impetunt. III. *Ad populum, qui provocant me, extimulant ad iracundiam, in os iugiter.* Qui IMMOLANT IN HORTIS. Heb. *sacrificantes in hortis*, id est pomariis, & lucis, quos idolis consecraverant, ut supra cap. I. 29. ET SACRIFICANT SUPER LATERES. Quidam: *& athenes in lateribus*, seu *lateritiis*, id est in altaribus suis struclilibus omissis altari Dei. Per lateres aras significat, quæ cotto lapide contra legem constructæ erant: vide Exod. XX. 24. & 25. Nonnulli Hebræorum exponunt, in tectis domorum, quæ latribus sternebantur. Quidam: in valis fistilibus ac tellaceis, seu e latricria materia, cum essent aurea & argentea: tanta erat libido adulandi, vel tantate patens, ad pauperes usque.

V. 4. **QUI HABITANT IN SEPULCRIS.** Alii: *qui sedent ad sepulcra;* id est, necromantæ, qui animas defunctorum eliciunt, & mortuos consulunt, de quibus Deuteronom. XVIII. 11. & supra cap. VIII. 19. quali fuit pythonissa illa Saulis. ET IN DELUBRIS IDOLORUM DORMIUNT. Heb. *& in observatis, reservatis, observatis, custoditis, permolant.* Aliqui: *& in ruinis, desertis locis permolant*, ibi enim solebant consilere demones. Alii: *& apud custodita permolant*, nempe idola: quæ ita per contemptum vocantur, propterea quod ipsa non custodiunt cultores suos, sed custodibus habent opus, ut supra cap. XLVI. Chaldaus, & Rabbi Scelomoh exponunt: *& apud cadavera mortuorum*, quæ necromantæ custodire solebant, ut ab iis aliquid sciscitarentur. Fortiter: *& in observatis morantur*, id est in locis abominosis & tectis, e quibus prætervere se oportebat, ne contaminarentur. Avenarius: *& in observationibus permolantur*, id est in custodiis, vel excubiis templorum, vel idolorum. Arias Montanus: *& in monumentis permolantur*, quæ

sunt

sunt clausa & cudollita. QUI COMEDUNT CARNEM SUILLAM, seu porcinam: contra legem Levit. xi. & Deuteronom. xiv. ET TUS PROFANUM IN VASIS EORUM. Notant Hebraice duplicem lectionem, in textu scribitur פֶּאֶר uperak, פֶּגְלִים piglulim, quod exponunt: *Et abruptio, ruptura, fragmen, fructum abominatum, seu profanatum, iniquitatorum, seu iniquitatum;* id est fructum carnum abominandarum, vasa eorum, seu in vasis eorum, aut ex instrumentis suis, subaudi, profertur. Id sequuntur Tremellius, Iunius, Buxtorfius. Marinus etiam, qui explicat: *Et abruptio abominatum sunt vasa eorum;* id est, digna ut abruptantur tamquam abominabilia. In margine vero legitur פֶּאֶר uperak פֶּגְלִים piglulim, quod Mem, & Phe fini cuspide organi, nempe labiales, ideoque facile inter se permutantur: *Et ius iniquitatum, seu iniquitatum, sive abominatum carum in vasis eorum est.* פֶּאֶר marek, enim dicitur ius, quasi defecatio, deterfio, & defecatio carnum; seu amurca carnum, ut Iudic. vi. 20. Hunc sensum cum Nollo amplectuntur Reuchlinus, Sanctes, Vatablus, Leo Iudas, Mercerus, Avenarius, Fortius, Forerius, & passim Hebraei. Hispanici Interpretes: *y en sus ollas ay caldo de cosas inmundas*, id est de carnes de animales prohibides, Levit. xi. & Deuteronom. xiv. Forcius vertit, *edulum iniquitatum vasa eorum;* quod in vasculis, & utensilibus eorum reperitur edulia contra legem. Montanus: *Et fervor nidorum vasa eorum.* Hispanice, *y fervor de rochambres sus vasijas:* פֶּאֶר parak, fervorem exponit, & piglulim, nidores: rationem huc versum ipse videtur, nam ego non capio. Ego facile expliciter: *Et defecatio, abstersio, emundatio iniquitatum vasa eorum;* id est, sordes illae, quae ex iniquis vasis deficiunt & detergantur; quasi dicat, Vasa eorum sunt iniquissima & sordidissima. Hispanice, *ollas de cenizas fregendivas.*

V. 5. QUI DICUNT: RECEDE A ME, NON APPROPINQUES MIHI, QUIA IMMUNDUS ES. Variæ alii ex Heb. I. Dicentes, *Mane apud te*; id est, contine te in loco tuo, ne accedas ad me, quia sanctior sum te. II. *Qui dicunt, Accede ad te*, vel *recipe te illuc apud te*; id est, recipe te in locum tuum, ne appropinques mihi, vel ne

contingas me, quia sanctior sum te. III. Qui dicunt, Appropinqua ad thos, ne attin-
guo me, quia sanctior sum te. Nota atro-
gantis & fatuosos hypocritas Iherosolima
imbuitos superbia, quibus etiam integerrimi
prophete, & germana Ecclesie membra
prae ipsis sordent. Possis reddere: quia san-
ctificari te; id est, sacrum te & intellabi-
lem habeo; immundum, profanum, nam
id quoque verbum קדש kadash, posse si-
gnificare, nomen kadefch ex eo verbo du-
ctum, quod profanum, pollutum, impurum,
meretricarium & fornicatorem significat, satis
ostendit; ut etiam Latinis sacer, & sa-
crum, & execrabilem significat. ISTI FU-
MUS ERUNT IN FURE MEO, IGNIS AR-
DENS TOTA DIE. Quam exponunt: Ira-
to mihi fumum excitant, & ad iracundiam
provocant me perpetuo. Alii: exurentur
penitus a meo furore, & in furnum abibunt.
Nonnulli: istis fumus est in naso meo, ignis
ardens toto die; id est, contra illos exarsit
ira mea. Et si hoc quoque modo possit
exponi: ista sunt fumus in naso meo, ignis
adurens omni die; pro eo quod est, hæc
fastidio, horum me tædet, atque hoc tædio
ira mea accenditur.

V. 6. ECCE SCRIPTUM EST CORAM ME &c. Alii hunc verum ex Heb. elucidant: *Ecce peccatum istud scriptum est coram me: non tacebo, sed reddam & rependam in sinum eorum;* vel *non cessabo, quinimo retribuam & retribuam super sinum eorum;* quasi dicat: In numerato sunt hominum scelera, & quæ quisque pro eis passurus sit, apud Deum. Videatur respiciſſe Iſaias ad locum Deuteronomi. xxxii. xxxiv. & xxxv. li. *Ecce scriptum est coram me: non tacebo niſi rependo;* id eſt, mihi eſt compertiſſimum, neque umquam exciderit a memoria mea: ut Deuteronom. xxxiii. 4. *in ſinum iſtorum.* Vide Plalm. lxxviii. 12. ſic verſu ſequenti.

V. 7. ET REMETIAR OPUS EORUM PRIMUM IN SINU EORUM. Quidam reddunt: quapropter remetiens opus eorum primum, regerant in sinum eorum; id est, in quo inde a principio cum ipsi, tum maiores ipsorum sese occupant; quomodo Petrus vanam conversationem vocat, id est paternam traditionem. 1. Petri 1. 18.

V. 8. HAEC Dicit DOMINUS, &c. Alii: *sic ait Iehova*, &c. Iam transit Christus ad exceptionem reliquiarum ex Iudæis.

tribus versibus, ut dictum est in vers. 2. QUOMODO SI INVENIATUR GRANUM IN BOTRO, &c. Alii ex Heb. I. Quemadmodum cum acinus in botro reperitur, quis dicit, Ne perdas eum, quia est in eo benedictio: faciam propter servos meos, ne cunctos perdam. II. Ut, cui praesto est mustum in botro, is dicit, Ne perdis istum, quia benedictio est in eo: ita facturus sum propter servos meos, ne perdam istos omnes.

V. 9. ET EDUCAM, &c. Alii: producam. Quidam: Nam excipiam e Ishakabo semen, & de Iuda possidentem montes meos, vel & e Iehuda heredem montium meorum, ut Exod. xv. 17. ET IHEREDITABUNT EAM ELECTI MEI. Alii: & possidebunt hereditatem istam electi mei iure hereditario. Heb. est relativum sine expresse antecedente: & hereditario iure possidebunt eam, scilicet hereditatem, electi mei.

V. 10. ETERUNT CAMPESTRIA IN CAULAS GRECUM. Alii ex Heb. I. Eritque Saronitis regio caula grecum: de Saron vide supra cap. xxxv. 2. & cap. xxxiii. 9. IN CAULAS GRECUM. Heb. in nomum piscium, caulam (vide in Exod. xv. 12.) ovis, seu pecoris, aut gregis. ET VALIS ACHOR, id est Ierichuntina, per synecdochen, quae est fertilissima: vide de ea Iosue vii. 26. & Hosee ii. 15. Haec erat in regno Iehudae; Saronis vero regio in regno Iisraelis: ut significetur illa futura regnorum conglutinatio, de qua Hosee i. 11. & Ezechiel. xxvii. 34. & alibi; quasi dicat: Reliquiis meis assignabo loca in Ecclesia mea, in quibus tranquille & beate vivam, summa animorum & rerum concordia.

V. 11. ET VOS QUI DERELIQUISTIS DOMINUM. Alii: Vos vero desertores Iehovae, &c. Secunda pars responsi, ut dictum est in vers. 1. nimirum contestatio & sententia condemnationis adversus Iudaeos degeneres, hoc & sequente versu, quae deinde exornantur elegantissima antithesi promissionum erga bonas reliquias, & denuntiationum in istos, usque ad vers. 18. QUI OBLITI ESTIS MONTEM SANCTUM MEUM. Alii: qui obliviscimini montis sanctitatis meae; id est, tamquam obliti negligitis, neque acceditis. QUI PONITIS FORTUNAM MENSAM. Gad, pro Fortuna recte accipitur, ut Genes. xxx. 11. varie tamen alii reddunt: I. qui paratis exercitus ca-

mentam, id est militiae caeli, stellis, astris, sideribus. II. qui instruit ipsi Gad mentam, sive Excursori, vel Gradivo, hoc est Marti: nam gentes crediderunt Martem praebere fortunam militibus in bello. Festus, Gradivus Mars appellatus est a gradiendo in bella ultro citroque. Servius in I. AENEIDOS: Mars enim cum sexis, Gradivus dicitur; cum tranquillus est, Quirinus: & in III. AENEIDOS; Gradivum, exilentem in praelia. Alii, Gradivum, quod gradum inferant qui pugnant, aut quod impigre gradiantur, vel quod huc illic gradiantur. Alii Gradivum, quod nunquam equester, aut a gradu dictum. III. parantes Iovi mentam. IV. qui disponit turmas, seu globo, aut conjunctioni stellarum, constellationi, mentam. V. instruens eum turmas, seu copia, aut plenitudine mentam; nam continuo subicitur, qui impletis ad numerum libamen; hoc est, ut nihil desit, vel addi possit: videtur intelligere mentam variis dapibus refertam, & opipare instructam. VI. instruens bono eventui, aut bono gratis mentam; id est, qui genio indulgetis, & laute vivitis. VII. qui instruitis turmas illi mentam. Sic loquitur Propheta per contemptum, idola velut digito exerto commonstrans. Hunc sensum ex Chaldaeo Interprete hausit. ET LIBATIS SUPER EAM. Heb. & impletis ipsi Meni infusionem. Alii varie exponunt: I. quique adimpletis numero stellarum, seu planetis libamen. II. quique impletis numero illi, seu numeris illis, quod numeri pluraliter tantum hac significatione dicantur; id est, copiis, quibus velut exercitus caelum, terra, & aqua instructa sunt; quasi dicat, Variis ordinibus rerum creaturarum, ut Genes. ii. 1. nam illis servit contra preceptum Dei, Exod. xx. 4. libamen; vel numeris istis, scilicet decorum caelestium, seu stellarum, quae pro diis celebrabantur. III. Forsterus: & impletis Meni libamen. Id est, stella quaedam, cui a numeratione nomen idololatras induiderunt libantes ei, ut in negotiationibus eo feliciores essent: verisimile est esse eum planetam, quem astrologi Mercurium appellant: Nam eadem etiam hodie in istos, qui eo horoscopo, seu ascendente, aut alia duodecim domorum feliciter posito nascuntur, vim ac divinam quamdam potentiam ascribunt, quod sint in negotiationibus, ceteris multo feliciores. Id ser-

me

me sequuntur, Forcius, Avenarius, Mercurus, Schindlerus. Nec defunt, qui neni pro Fato accipiant. IV. Reuchlinus: & peragis numero de libavine. Id est sacrificatus septem planetis. Ego autem numerum sic puto significari, ut idololatrias Pythagorizantes notatis numero servientes: a qua expositione non prorsus abluunt Mercurus & Marinus. At Schindlerus vertit: & implentes numero idolorum mistum, vel mustum. S. Hieronymus in commentariis scribit: Iuxta LXX. Paratis fortuna mensam, & impletis demoni poculum, aut cerasina, quod omnes similiter transulerunt: id est, mustam potionem. Est autem in cunctis urbibus, & maxime in AEGYPTO, & in Alexandria idololatrias veteris consuetudo, ut ultimo die anni, & mensis eorum qui extremus est, ponant mensam refertam varii generis epulis, & poculum musto nistum: vel prateritis anni, vel futuri fertilitatem auspicantes. Hoc autem faciebant & Israelitae, omnium simulacrorum portenta venerantes, & nequaquam altari victimas, sed huiusmodi mensas liba fundebant. V. Montanus: qui complentes ad numerum de nistione. Nam antiqui in convivii certum numerum poculorum praescribebant: de quo more vide Lipsium Antiquarum Lectionum Lib. III. pag. 162. & Stuckium Antiquitatum convivalium Lib. III. cap. XIII. VI. Scholiae Translationis Pagnini hunc locum ita exponit: disponentes exercitui comineum, & complentes vini modum iuxta numerum militum. Numerabo quoque vos in gladio, &c.

V. 12. NUMERABO VOS IN GLADIO. נִמְנָבִיבִי, numerabo, paronomasia cum נִמְנָבִי quod proxime praecedat, qualibus Propheta hic passim delectatur, quasi dicat: Vos libatis numero, ego numerabo vos ad gladium. Varie reddunt: I. & subtraham vos, detraham, subducam de numero vestro, per gladium; ut indicet illam arithmeticae speciem, quam subtractionem seu subductionem appellant. II. & supputabo vos, deputabo vos gladio; id est, destinabo. III. Tradam quoque numeros vestros gladio. IV. Dinumerabo vos ad gladium; id est, Dinumeratos vos, ensi obiciam. ET OMNES IN CAEDE CORRUVETIS. Alii I. & ad maculationem vos universi incurvabitis vos, ut scilicet vos incurvatis idolis. II. & omnes vos maculationi succumbetis.

FACIEBATIS MALUM IN OCVLIS MEIS. Alii: Sed fecistis quod malum volebam in oculis meis. ET QUAE NOLUI ELEGISTIS. Alii I. & in quibus non complacui, elegistis complacuisse. II. & id, quo non delector, elegistis. Sic infra cap. LXVI. 4.

V. 13. PROPTER HOC, HAEC DICIT DOMINUS DEUS. Alii ex Heb. Idcirco sic ait Dominus Iehovi, &c. Exornatio antecedentis sententiae, ut diximus in vers. 11. De appellatione vero Iehovi, quod huic Prophetae sit valde familiare coniungere haec duo nomina, ADONAI, & IYHWH, vide in Genes. xv. 2. sic infra vers. 15.

V. 14. ECCE SERVI MEI LAUDABUNT PRAE EXULTATIONE CORDIS. Hebr. Ecce servi mei gratulatorie acclamabunt, vel iubilabunt, evabunt, cantent, praeconia dicent: a bono cordis, seu praecundante, hilaritate animi.

V. 15. ET DIMITTETIS NOMEN VESTRUM IN IURAMENTUM ELECTIS MEIS. Hebr. in adiurationem, abiurationem, imprecationem, execratorium, imprecatorium. Quidam reddunt: ut sit execrationi electis meis; quasi dicat: Faciam ut nomen vestrum in malis imprecationibus & iuramentis execratoriis locum habeat, dicantque homines, qui sibi male precabuntur: Ita mihi contingat ut illi ludro idololatriae; vel Dispercam ut fudus idololatriae, si non id fecero, &c. ET SERVOS SUOS VOCABIT NOMINE ALIO. Alii: servis autem suis indet nomen aliud, quam nunc obtineant, quod exprimitur sequente versu: sic supra cap. LXII. 4. & sequentibus. Plerique exponunt: Non vocabuntur ultra Iudaei, sed Christiani.

V. 16. IN QUO QUI BENEDICTUS EST SUPER TERRAM, BENEDICTUR IN DEO AMEN. Varie alii ex Heb. I. Qui benedixit se in terra; id est, qui benedictus haberi volet, benedixit sese in Deo veraci; id est, dicit, & profitebitur se benedictum esse a Deo, in Deo, & per Deum veracem, qui praestat quod pollicetur. II. In quo, scilicet nomine Christi, qui benedixit se in terra; id est, qui sibi bonum aliquod in nomine Christi imprecatus fuerit, benedices se in Deo veritatis; id est, is sane sibi precatur bonum in nomine veri Dei, qui fidelis est, & praestare potest quod petitur. Perspicue ostendit Christum verum Deum esse. III. Quod, qui bene-

*dicat se in terra, benedicet se in Deo veritatis. IV. Qui sibi benedicere voluerit, benedicet sibi in Deo vero; id est, qui sentiet se felicem, dicet se benedictum a Deo vero Christo. V. Ut qui sibi benedicturus est in terra, benedicet sibi per Deum firmi, id est per Deum populi Sancti, qui fundatis & radicatis in Deo, firmus & immotus permanebit, ac ne portæ inferorum quidem prævalerint adversus eum. Sed **Idem** amen, potius substantivum quam adiectivum esse videtur, in Deo fidei, fidelitatis, veritatis, constantiæ, stabilitatis, firmitatis, ratitudinis: nam nomen Dei hic est in regimie. Vide in Numeror. v. 22. sic sequente membro.*

V. 17. ECCE INIM EGO CREO CAELOS NOVOS, &c. Alii: Nunc ecce ego creatus sum caelos novos, &c. id est, omnia inauguraturus sum in Christo, ut supra cap. XXV. 28. ET NON ASCENDENT SUPER COR. Alii: neque venient in animum, seu in mentem; id est, non amplius cogitabunt de illis.

*V. 18. SED GAUDEBITIS ET EXULTABITIS, &c. Alii hunc versum reddunt: Sed gaudete & exultate in semperiternum, quos ego creabo: nam ecce ego creabo urbem Ierusalaimorum exultatione, & populum eius gaudio. Conclusio responsionis Christi, ut dictum est in vers. 1. a promissis amplissimis, per apostropham ad pios: quibus regeneratis prædicantur lætitia, hoc & sequente versu; vita, vers. 20. pax & prosperitas, tribus sequentibus: idque per efficacitatem providentiæ Dei, vers. 24. quæ omnia exornantur communi hyperbole, versu ultimo. USQUE IN SEMPERITERNUM. Heb. geminata voce *ty ty glade ehad*, quod exponunt: ultra & ultra, vel assidue magis. Alii in æternitatem æternitatis; id est, in omnimodam & absolutam æternitatem, in omnem æternitatem.*

V. 19. ET EXULTABO IN IERUSALEM, ET GAUDEBO IN POPULO MEO. Quidam reddunt: Et exultante me de Ierusalaimis, & gaudente de populo meo: ut Deuter. XXVIII. a vers. 1. ad 15. & supra cap. LX. 4. & 5.

V. 20. NON ERIT IBI AMPLIUS INFANS DIERUM. Quidam: Non exister illis amplius infantulus ætate. Aliqui exponunt: Non egredietur illuc ultra portulus dierum; non immatura morte rapiuntur parvuli, qui

paucos dies vixerunt, quasi dicat, Quam diutissime vivent. Sed aptius est, nullus erit infantulus ætate sensuum aut spiritus: sed omnes viri perfecti, &c. ET SENEX QUI NON IMPLEAT DIES SUOS: id est, qui ante plenum suæ ætatis tempus moriatur. Nonnulli reddunt: cuius non impleat dies Deus. QUONIAM PUER CENTUM ANNORUM MORIETUR. Hebr. quia puer filius centum annorum morietur. Quidam: nam puer natus centum annos morietur; id est, nullum vitæ spatium decesset sine impedimento ullo: non morietur antequam plenum vitæ curriculum, quod erit centum annorum, impleverit. ET PECCATOR CENTUM ANNORUM MALEDICTUS ERIT. Alii: peccator autem, etiam natus centum annos, maledictus erit; id est, quo magis longæva ætate vita, eo maiores maledictiones experietur. Plerique, peccatorem centum annorum, inveteratum, & obduratum in peccatis accipiunt. Nonnulli exponunt: Qui post centum annos peccaverit, maledicetur. Tam raro & tarde peccabunt, ut portenti loco habeatur execratione digni, si quis post longissimum vitæ tempus peccaverit. Quidam hæc verba ita accipiunt: Qui centesimo vitæ anno morietur, puer existimabitur; & qui centesimo ætatis suæ anno morietur, tamquam peccator maledicetur, utpote indignus ob peccata, qui longiorem vitam viveret: adeo longævus futuri sunt homines illius temporis. Hyperbole. Hæc autem omnia hyperbolice de felicitate terrena figurate dicuntur, ad delineandam omnimodam prosperitatem spirituales, quæ futura erat in Ecclesia Christi.

V. 22. NON AEDIFICABUNT, ET ALIUS HABITABIT; NON PLANTABUNT, ET ALIUS COMEDET. Contra quam impiis denuntiatur Deus, Deuter. XXVIII. 30. & sequentibus. SECUNDUM ENIM DIES LIGNI, ERUNT DIES POPULI MEI. Quidam: sed ut sunt dies arboris, dies erunt populi mei, id est robusti, atque diuturni, ut Psal. 1. 3. & LII. 10. & XCI. 13. Plinius Lib. XVI. cap. XLIV. Vita arborum quorundam immensa credi potest, si quis profunda mundi, & salus inaccessos cogitet: & cap. II. In septentrionali plaga Hercynia silva roborum vastitas interita arvis, & congenita mundo prope immortalis sorte miracula excedit. LXX. & alii eos secuti reddunt: secundum enim dies is-

gni via erunt dies populi mei, id est semperiterni, ut signum vite, quod immortalitatem homini tribuebat, Genes. ii. 9. Vide hanc Isaac locum expositum in Paradiso nostro, cap. LXXIII. ET OPERA MANUUM EORUM INVETERABUNT ELECTI MEI: Alii: I. *Opus manuum suarum antiquabunt, antiquum facient, ad vetustatem perducent electi mei*; id est, facient opera sua durabilia, ac diuturna: Opera enim eorum sequuntur illos, scilicet mortuos in Domino, Apocalypsi. xiv. 13. II. *Opus operum manuum eorum durabunt cum electis meis*; quasi dicat: Si edificabunt domos, & plantabunt vineas, nihil opus erit iterum edificent, aut plantent; nam hec eorum opera tantum durabunt, quandiu ipsi vixerint. III. *Opus operum manuum suarum deterent electi mei*; id est, percipient usum & fructum ex eo.

V. 23. NON LABORABUNT FRUSTRA, vel inaniter, aut in vacuum; quod impiis interminatur Deus Levit. xxv. 16. & Deuteron. xxviii. 30. & sequentibus. NEQUE GENERABUNT IN CONTURBATIONE. Alii: I. *neque gignent ad conturbationem*; id est, ut omnibus rebus conturbatis tradantur populo extraneo, & abeant in captivitatem, Deuteron. xxviii. 32. & 41. II. *neque parient, aut gignent filios in conturbatione*; id est, quorum immatura & acerba morte conturbentur & contritentur. III. *neque generabunt in precipitantia*, aut celeritate, id est fetus immaturos & abortivos, vel ut cito oriantur. ET NEPTES EORUM CUM EIS. Heb. *Opus exitus, egressiones, normine, propatines, progegens, prognati, satus eorum, apud, penes eos, vel cum eis*; vide supra cap. LXI. 9.

V. 24. ERITQUE ANTEQUAM CLAMENT, &c. Hunc verum alii reddunt: *Eritque nondum clamantibus*, ut ego respondeam; *adhuc ipsis loquentibus*, ut ego exaudiam. Novit enim pater celestis nos indigere iis omnibus antequam oremus, Matth. vi. 32.

V. 25. LUPUS ET AGNUS PASCENTUR SIMUL, &c. Vide de hoc versu supra cap. xi. 6. quasi dicat, Nihil damnosum esse potent Ecclesie, ut Hosea ii. 18. & Marci xvi. 18. ET SERPENTI PULVIS PANIS ERIT. Heb. *Opus serpens, pulvis panis eius*. Quidam: *serpenti autem pulvis erit cibo*. Haud difficile erit comedari, alulum hic ad poenam serpentis, Genes. iii. 14. quasi dicat: Serpens iam veneno non nocebit,

nec morsu interficiet homines, sed contentus erit cibo suo, id est pulvere, qui ei prescriptus est a Deo initio mundi: & figurate id intelligatur de hoste humani generis, cuius maledictio tempore Christi plenè implenda sit, cuius vis omnes in homines per Christum labefacta sit.

MENOCH II.

Vers. 1. QUÆSIERUNT ME: scilicet, gentiles. Resp. enim Deus querelæ Isaac de Iudeorum reprobatione. QUI ANTE NON INTERROGABANT: quis, aut ubi essem. ECCE EGO, &c. id est, relictis Iudeis incredulis convertam me, & abibo ad gentes, quæ non invocant nomen meum.

V. 2. EXPANDI MANUS MEAS, &c. quasi dicat: Ad Iudeos iam inde ab initio finium, & manus expandi, quasi profundens in eos mea munera, & charismata, ac presertim manus expandi in cruce. INCREDULUM. In Hebræo est *כרר forer*, id est recedentem, rebellem, contumacem, & ut Apostolus vertit, *Non credentem, & contradicentem*. POST COGITATIONES SUAS. LXX. *post peccata sua*. ANTE FACIEM MEAM SEMPER: nam patres in templo quasi ante faciem Dei immolabant idolis: hii vero Christo in faciem resistebant, eique conviciabantur. IMMOLANT IN HORTIS: contra legis prescriptum, quæ in templo super altari holocaustorum sacrificari iubeat. SUPER LATERNAS, id est altaria ex lateribus, & hoc etiam erat contra legem, quæ iubeat altare fieri ex terra, aut lapide impolito Exod. xx. 24.

V. 4. QUI HABITANT IN SEPULCRIS: ut scilicet daemones consulant, & responsa eliciant. LXX. habent: *Qui in sepulcris, & specubus dormiunt, propter somnia*: ut, scilicet a mortuis in somnis responsa accipiant. COMEDENT CARNEM SUILLAM: contra legem Levitici xi. 7. IUS PROFANUM: in quibus carnes suillæ, aut aliæ lege vetitæ, elixatæ fuerant.

V. 5. QUI DICUNT, scilicet gentili. RECEDE A ME, QUIA IMMUNDUS ES: Iudei cum gentiles quasi immundos averfabantur. FUMUS ERUNT: convertentur in fumum ardentem, & flammæ.

V. 6. SCRIPTUM EST CORAM ME: scilicet, peccatum eorum meæ inhaeret memoriae.

MOIRE. NON TACEBO: non quiescam, non cessabo a vindicta Iudæorum. SED REDDAM: infigam poenam, quam meriti sunt.

V. 7. ET INQUITATES PATRUM VESTRORUM SIMUL. In Hebræo est, reddam simul. SUPER MONTES: in locis altis, quæ excelsa dicta sunt. EXPROBRAVERUNT MIHI: qui enim idola colunt exprobrant Deo, quod sibi immerito divinitatem usurpet. OPUS EORUM PRIMUM: quasi dicat: Prima, & prisca Iudæorum opera remunerabor, rependamque, poenas meritis in finem eorum refundendo.

V. 8. QUOMODO SI INVENIATUR GRANUM, &c. Significat se paucos sanctos, & a seelere integros conservaturum, ut non tota gens pereat, sed maneat semen. Hi autem fuerunt Apostoli, & qui per Apostolos, vel cum Apostolis per Christum crediderunt. QUONIAM BENEDICTIO EST: omnes fruges & fructus arborum, & quæ ad vitam conservandam faciunt, nomine benedictionis comprehendebant Hebræi, quod essent beneficium quoddam, quo Deus illis benedixisset. Hoc loco accipitur pro semine, & spe propaginis.

V. 9. SEMEN: de quo proxime dictum est. DE IUDA: de Iudæis. POSSIDENTEM MONTES MEOS: Apostolos scilicet, & eorum successores, qui possidebant Ierusalem in montibus sitam, id est Ecclesiam, cuius vita, doctrina excelsa est, & excelsis.

V. 10. ERUNT CAMPESTRIA, &c. Sensus versiculi est: Omnia tam plana, quam montana gregibus, & armentis plena erunt, quæ allegoria multitudinem credentium significat. Ergo campæstria, hoc est loca plana, caulis ovium abundabunt. ET VALLIS ACHOR, &c. id est, ut planities, sic etiam valles, & montes gregibus & armentis redundabunt. Vallis Achor erat iuxta Iericho Iosue VII. 26. & erat admodum fertilis. POPULO MEO, QUI REQUISIERUNT ME, ecclesiarum gentium. Vide supra, initium huius capitis num. 1.

V. 11. MONTEM SANCTUM MEUM: montem Sion, in quo templum meum est. QUI PONITIS FORTUNAE MENSAM. Pro fortuna, in Hebræo est. *Ad Gad*, id est, felicitas fortunæ: sic Lia filium ex Zelphannella sua natum appellavit *Gad* dicens: *Felicitas*. Hunc autem ritum ponendi men-

sam Fortunæ explicans D. Hieronymus sic habet. *Est in cunctis urbibus, & maxime in Aegypto, idololatriæ veteris consuetudo, ut ultimo die anni ponant mensam refectam varii generis epulis, & poculum melleo mixtum, vel præteriti anni, vel futuri fertilitatem auspicantes. Hoc autem faciebant Israelitæ, omnium simulachrorum portenta venerantes. LIBATIS SUPER EAM:* libationis superstitiosam ceremoniam usurpantes, vinum aut alium liquorem in Fortunæ honorem effundentes. In Hebræo est, *Impletis ipsi Meni potionem*; quid autem sit *Meni*, non omnes eodem modo explicant, cum tamen certum sit a radice *man* deduci, quæ numerare significat. Del-Rio tom. 1. Adagialium, Adagiali 810. putat hic notari eos, qui in honorem Dei sui, tot bibebant cyathos, quot litteras numerabant in nomine, cum qua explicatione bene coherent sequentia.

V. 12. NUMERABO VOS IN GLADIO, &c. quasi dicat: Quia vos ad numerum bibendo coluitis Fortunam, ideo pariter ad numerum ego vos gladio trucidabo, cum scilicet omnes, & singulos quasi numeratim, & ex ordine gladio sciam.

V. 13. PROPTER HOC, &c. incredulorum infelicitatem, credentium vero felicitatem describit. SERVI MEI, fideles. COMEDENT, ET BIBENT. Hac cibi, & potus allegoria omne genus spiritualium deliciarum significatur, præsertim tamen illud, quod in Eucharistiæ sacramento experiuntur, qui ad illud digne accedunt.

V. 15. DIMITTETIS NOMEN VESTRUM IN IURAMENTUM, id est execratorium; dicent enim cum iurabunt, mihi contingat, si mentior, aut fallor, quod Iudæis contigit. NOMINE ALIO: vocabit eos Christianos, relicto nomine Israelitarum: vide supra cap. LXII. 2.

V. 16. IN QUO: scilicet Christo, sive, Deo Christianorum. QUI BENEDICTUS EST SUPER TERRAM, id est in cui in hoc Christi nomine benedictum fuerit. BENEDICTUS IN DEO AMEN. *Benedicetur in Deo vero*, ut habent LXX. nam Christus verus Deus est, & Deus *Amen*, id est *fidelis*. QUI IURAT IN TERRA; scilicet per Christum. IN DEO AMEN: per Deum verum: talis enim est Christus, & per Deum fidelem, qui fideliter servat promissa. QUITA OBLIVIONI, &c. cum enim Deus fidelis sit,

It, prestat etiam quod promissit, ut scilicet ablegaretur memoria antiquarum calamitatum, multitudine, & magnitudine novorum beneficiorum.

V. 17. ECCE EGO, &c. sunt Christi verba. CAELUS NOVUS, ET TERRAM NOVAM: Ecclesiam intelligit. PRIORA: priorum calamitates, prior status infelix. NON ASCENDENT SUPER COR: non erit eorum memoria, non venient in mentem.

V. 18. IERUSALEM, id est Ecclesiam. EXULTATIONEM: exultantem, ut etiam, GAUDIUM, id est gaudentem; ponuntur enim abstracta pro concretis.

V. 19. ET NON AUDIETUR, &c. Videtur hoc intelligendum non solum de Ecclesia triumphante, sed etiam de militante, tales enim sunt viri sancti, & perfecti Ecclesie filii.

V. 20. NON ERIT IBI INFANS DIERUM; quasi dicat: Renati per baptismum non erunt infantes dierum paucorum, sed instar virorum, gratia, & virtutibus erunt pleni, & validi. Loquitur de adultis baptizatis, qui mox creverunt in virum virtute perfectum, quales erunt primi Christiani. ET SENEK QUI NON IMPLERIT DIES SUOS; quasi dicat: In lege nova non erit infans, nec senex dierum, qui scilicet non impleat dies suos, virtutis, & sanctitatis. QUONIAM PUER CENTUM ANNORUM MORIETUR. Dat causam cur dixerit in Ecclesia non fore senem, qui non impleat dies suos, moribus, & virtutibus: quia scilicet si quis senex esset, qui moribus esset puerilibus, essetque puer centum annorum, id est aetate centum annorum, sensibus vero, & vitiosa vita esset puer; is non transiret ab Ecclesia militante ad triumphantem, sed puniretur morte aeterna, & malediceretur a Deo. ET PECCATOR, &c. est usitata repetitio proxime dictae sententiae.

V. 21. AEDIFICABUNT DOMOS, &c. domos, & vineas spirituales, id est Ecclesias, monasteria, religiosas familias, &c.

V. 22. ET ALIUS HABITABIT; quasi dicat, Sed ipsi habitabunt. SECUNDUM PIES LIGNI. LXX. ligni vite; quasi dicat, Erunt diuturni, perpetui, felices. INVETERABUNT: quia in aeternum praemio illorum fruuntur.

V. 23. NEQUE GENERABUNT IN CONTURBATIONE. Chald. ad mortem. LXX. in maledictionem. In pace degentes, & gau-

dio generalibus filios Christi; quos non conturbet malignus hostis, & ad mortem trahat, sed qui tendant ad vitam, & in numero benedictorum censeantur. ET NEPOTES EORUM CUM EIS: scilicet erunt semen benedictorum Domini.

V. 24. ANTEQUAM CLAMENT; quasi dicat, Preveniam eorum vota, & preces.

V. 25. LUPUS ET AGNUS, &c. Significatur, homines aliqui contrarios moribus concordare futuros in Ecclesia, iisdem cibis spiritualibus, legibus, & ritibus usus. SERPENTI PULVIS PANIS ERIT; id est, serpens morsu homines petere solitus, iam eo cibo erit contentus, ad quem a Domino damnatus fuit, cum ei dictum est Gen. III. 14. Super pedes tuos gradieris, & terram comedes: significatur iracundos, & in alios insolentes, humiles fore, & mansuctos, & nemini noxios, aut molestos. NON OCCIDENT, &c. non erunt exdes, &c. quia in Ecclesia caritas dominabitur.

T I R I N I.

Verf. 1. QUAESTERUNT ME magna aviditate & studio, simulatque per Apostolos meos: ipse innotui, Gentiles qui ANTE NON INTERROGABANT de me. Unde & dixi eis, ECCE EGO promptus excipere vos in filios meos: ita S. Paulus ad Rom. x. 20. E contrario

V. 2. POPULUS MEUS, AD QUEM EXPANDI MANUS MEAS TOTA DIE; id est cui iam inde ab initio manus ambas porrexii, auxilium, solatium, caelestia & terrestria munera sine mensura illi impertiens: ac novissime etiam ambas manus in cruce expansas quanta potui & vi & caritate protendi, ut vel moriens populum illum occisorem meum ad sinum meum allicerem, immo pertraherem: sed ab incredulo, ingrato & rebelli populo nihil hisce modis omnibus extorsi: ita S. Paulus supra, & ibid. Origenes, Ambrosius, Chrysostomus, & alii.

V. 3. IMMOLANT idolis suis hostias IN TORTIS & lucis, idque non in altari exere, vel auro, sed lapide vivo, exstructo, ut mihi Ierosolymis immolari iussi a, sed SUPER LATERES, id est in altari ex vili latere compacto, more Gentilium, inquit S. Hieronymus.

V. 4. HABITANT IN SEPULCRIS. LXX. addunt, *propter somnia*, nempe quibus edoceri *b. volunt* ut de futuris eventibus, inquit Cyrillus & Theod. retus. Vel ut capient responsa demonum, qui foetidissima ambiunt e loca.

V. 5. DICUNT GENTILI, RECEDE A ME, QUIA IMMUNDUS ES, eo quod suila & iure aliarum immundarum carnum profano, seu verito contaminatus sis. Interim hypocritae Iudaei ipsinet eodem cibos immundos comedunt, nec tamen volunt immundi audire: et ego ut immundos tractabo. Isti fumus erunt & ignis, id est, obiecta & fomenta ignis, non lucentes & lympidi, sed fumantes & caliginosi, puta excitandi a Chaldeis & Romanis Ierosolymae, & a deminibus in gehenna: ita S. Hieronymus, Forerius & alii.

V. 7. INIQUITATES VESTRAS PRESENTES, ET INIQUITATES PATRUM VESTRORUM PRÆTERITAS, quas *noxi* vocat OPUS EORUM PRIMUM, id est prima & p̄ca parentum peccata, SIMUL cum praesentibus sceleribus filiorum, REMITTAR, id est remunerabor, rependens condignis poenis in STAGNUM EORUM, ita solet Deus ponere cum completa est mensura, de qua dixi Gen. lxx. 16. tamen

V. 8. NON DISSIPEDAM TOTUM ISRAELEM; sed *senes* mihi reservabo: sicut ex ROTRO conitico pedibus aut putrido, si vel unum GRANUM integrum & illaesum superfit, continuo dicitur, NE DISSIPES ILLUD, sed sine ut fratur, genuinet & in novam vitem exerceat, QUONIAM BENEDICTIO in eo EST, ut habent Habraa, id est fecunditas, vis seminalis, spes propaginis. De hoc semine Isaias cap. 1. & ex eo Paulus Rom. ix. ait: *Nisi Dominus reliquisset nobis semen, quasi Sodoma fuisset.*

V. 10. ET VALLIS ACHOR d, nempe pars Iudae iuxta Iericho pinguisima & fertilissima sic dicta ab *Achan* ibi lapidato & exultio, Iosue vii. 26. *erit in cubile ARMATORUM* in quo quiete decent, pascuntur & pascunt iusti ex Iudaei convertendi ad Deum. At vos, o increduli Iudaei,

V. 11. PONTIS & INSTRUITS MENSAM tum victimis, tum epulis, non Deo celi, sed FORTUNAE; Hebraice, *ti gad*, id est felicitati e. Exprobrat stultis hominibus, quod contempto Deo, cuiusque infallibili providentia, invicta potentia, & experta toties benevolentia, supplicent *fortune* profanz,

incertae, caecae & imbelli. Quam impietatem dicit S. Hieronymus Iudaeos hausisse ab AEGYPTIIS, qui Numini huic suo *ponebant ultimo die anni in cunctis urbibus mensam refectam varii generis epulis, & poculum musto mixtum*, eo ritu fertilitatem vel praeteriti anni terminantes, vel futuri auspicientes. Et hic Gentilium mos instituturum ultimo anni die epularum, videtur apud eodem etiam ad Christum convertos, perdurasse, ut praeteriti anni felicitatem cum gaudio terminent, & novi prosperitatem mutuo appetant. Vide Lactantium & Liptium f.

V. 15. DIMITTETIS NOMEN VESTRAUM IN IURAMENTUM EXECRATORIUM; ut nempe dum volent aliquem execrari, dicant, Fiat tibi quod factum est Iudaeis: Gladius, fames, excidium Iudaicum te comprehendet: ita S. Hieronymus. Loco autem quo substituet alios sibi SERVOS, quos VOCABIT non ISRAELITAS, non IUDAEOS, sed ALIO NOMINE novo, ut addunt LXX. nempe a Christo vocabit omnes Christianos, ut factum legimus Antiochiae Actor. xi. 26.

V. 16. IN QUO NOMINE CHRISTI, quasi IN DEO IPSIUS AMEN b, id est quasi in Deo *veritatis*, vel vero ut vertunt LXX. benedicetur quicumque BENEDICTUS esse volet SUPER TERRAM, ET IURABIT quicumque IURAT IN TERRA; quasi dicat: Benedictiones & iuramenta fient per nomen Christi, quasi veri Dei, & non amplius per Abrahamum, vel Deum Abrahami: multo minus per Iovem, per Herculem, per alia idola: ita Forerius, Sasbout, Sanchez & alii.

V. 17. ECCE EGO CREO CAELOS NOVOS, ET TERRAM NOVAM, id est novum mundum, puta metaphoricum, nempe Ecclesiam Christi, quae multo amplior, ornatior, angustior est Synagoga, & est quasi novus mundus.

V. 18. CREO IERUSALEM, id est Ecclesiam Christi, EXULTATIONEM, id est exultantem, et POPULUM EIUS GAUDIUM, id est gaudentem. Ponuntur enim abstracta pro i concretis; quasi dicat: Ita exultantem & gaudentem, ut videatur esse ipsa exultatio & gaudium.

V. 19. NON AUDIETUR IN EA VOX FLETUS ET CLAMORIS; nempe ex praematura morte filiorum suorum: nam

V. 20. NON ERIT IBI INFANS DIERUM, aut

ante SENEX, QUI DIES vite sue concessos sibi a Deo NON IMPLEAT, supple, bene vivendo, & sue ætatis officia ac munia recte obcurio. Ut enim dies vacui & inanes & sunt qui vitiose traducuntur; sic pleni & completi dicuntur qui honeste & bonis operibus, ad que dati sunt, implentur. Quamvis ergo inter Christianos moriatur quis PUER, id est ætate adhuc tenera, tamen quoad mores & sensum perinde MORIETUR, ac si esset CENTUM ANNORUM, id est sapientia cælesti & virtutibus maturus ac inveteratus. Aestimabitur enim & laudabitur sola virtus & scientia, non vero ætas minus vel magis adulta. Unde quicumque fuerit in ea PECCATOR etiam CENTUM sit ANNORUM, & artes & experientiam & opes nactus sit maximas; quia tamen virtute caret, nihili æstimabitur, sed probrosum apud omnes, ET MALEDICTUS ERIT: ita S. Gregorius l. Arias, Alvarez & alii.

V. 22. NON AEDIFICABUNT domos, ET a'ris cas in HABITABIT m, ut sit tempore belli, vel crediore te expellente, vel inopia te ad vendendum compellente: nam plena quiete & pace fructus Ecclesia bonis suis, maxime spiritalibus, que nullus invito tibi rapit latro, nulla vis, nullus dolus, sed nec iple portæ infernales. In aliam removeret occasionem fletus & clamoris. SECUNDUM DIES LIGNI, id est pro conditione arboris iuxta n aquas semper vernantis, ERUNT DIES POPULI MEI: ita Arias & Sanchez. At S. Hieronymus, Cyrillus, Lyrannus, Sasbout, a Lapide & Alvarez id exponunt de ligno vite o: quia sic verterunt LXX. & in Hebræo est, illius ligni, nempe famosi & præcellentis albis; quasi dicat: Fideles mei longævi, læti, alacres & bene sani erunt, perinde ac si essent in primævo innocentie statu, & vefcerentur fructu arboris vite.

V. 25. LUPUS ET AGNUS PASCENTUR SIMUL: LEONET BOS; Hebraice, *leo ut los*, COMEDENT PALEAS. Sed hæc supra explicui capite II. 6. SERPENTI PANIS, seu cibibus, *trit pulvis*: & hoc cibo contentus non lædet amplius homines vel alia animalia. Loquitur de hominibus serpentinis, qui venenosa sua lingua vel cauda lædebant alios, eorumque saniam, substantiam, vitam vorabant: iam per Christum ponent venenatam hanc rabiem, non pascuntur amplius

nec delectabuntur aliorum interitu vel damno; sed cibo innocuo, facile obvio, sibi que a Deo parato contenti erunt, ut cap. XI. filius dixi.

- (a) Exod. 22. 26. & cap. 22. 26.
- (b) Pomponius Me a testis & alii.
- (c) Matth. 23. 23.
- (d) Osee 12. 13.
- (e) Genes. 22. 13.
- (f) Isaias. L. b. III. 18. Lipsius Lib. 11.
- (g) Ierem. 22. 9. & cap. 22. 22.
- (h) II. Cor. 1. vers. 19. &c.
- (i) Proleg. de Id. oclim. Heb. n. 47.
- (k) Sap. 11. 1. & cap. 19. 8.
- (l) Greg. Lib. XVI. Moral. cap. 112.
- (m) Amos. v. 24. & Sophonis 1. 13.
- (n) Psal. 2. 3.
- (o) Genes. 11. & Prov. 11. 12.

GORDONI.

Verf. 1. QUÆSIERUNT ME, &c. Respondet Deus, ut dicebam, quæsierunt me gentes & invenerunt. Populus iste non quæsit, immo reiecit me, & ideo reiecit est. Reprehenditur hic Iudæorum idololatria, itera gula & inobedientia. Dices non coluisse idola post Christi adventum. Respondeo hic commemorari peccatum Patrum in idolis, tum filiorum qui propriis peccatis impleverunt mensuram patrum suorum; quod totum recte explicat, vers. 6. Incepte Novatores hoc vertunt contra vigilias in Ecclesiis, & contra delubra Martyrum.

V. 8. HÆC DIXIT DOMINUS, &c. Hic Deus solamen aliquod roganti Isaie pollicetur. Futurum nempe ut ex rebelli populo aliqui convertantur, & non disperdatur totus. Similitudine hoc declarat in botro vitato, si vel unum granum illæsum inveniantur non debet succidi, & abici botrus; sed custodiri debet, ut feratur & germinet, quoniam habet benedictionem & fertilitatem. Ita erit de hoc populo.

V. 9. Semen de Isæa sunt Apostoli. Ierusalem Ecclesia, & sic de aliis que (per loca Iudæorum) designant res in Ecclesia futuras. Qui vero obtinui manent, peribunt. Vers. 10. vallis Achur erat fertilissima iuxta Iericho: Iosue cap. vii.

V. 12. PROPTER HOC DIXIT DOMINUS, &c. Hic per antithesin, bonorum & malorum sortem proponit, ut hic merito mireris discipulorum spirituales felicitatem & gratiam sub Christo; & Iudæorum insulcitatem tum spirituales, tum temporales.

Alia a. 2.

lem. Quæ etiam felicitas cumulatissime in celo implebitur, & infelicitas in inferno.

V. 15. ET DIMITTETIS NOMEN VESTRUM IN IURAMENTUM; hoc est, pro imprecatione iurantis erit nomen vestrum, quando dicit qui imprecatur alteri, sit tibi calamitas & maledictio Iudaica, servos tuos vocabit nomine alio, scilicet Christi, & Christianos. Hinc vers. 16. in quo (scilicet Christo) qui benedicetur, benedicatur in nomine veri Dei; & iurans, iurabit in nomine non idolorum, sed veri Dei. IN DEO AMEN, in Deo veritatis. Septuag. in Deo vero. ICM veritas; & tandem vers. 17. transit sensim ad felicitatem beatorum, & malorum plenam oblivionem.

V. 20. NON ERIT TIBI AMPLIUS, &c. Non male huic locum expressit Pintus, intelligens sub nomine pueri & senis, malos & bonos; quasi dicat: Hæc est illius temporis in Ecclesia conditio. Inter renatos & pie viventes nullus puer erit; hoc est, pueriliter, aut moribus parvulus (hæc allusione depingit effectum gratiæ, & Sacramentorum.) nec reperietur senex seu piis moribus, qui rapietur donec in perseverantia dies suos a Deo definitos compleat. Qui vero est sensu illo puer & pec-

cator, quamvis centum annorum sit, morietur. Tales erunt, inquit, illo tempore pueri & senes: sic obicure Isaias de bonis & reprobis: subiungit deinde varia elocutione reliquas conditiones vitæ Evangelicæ & Ecclesiæ, partim clare, partim allegorice: quæ ex his quæ iam præmissi facile intelliguntur, de prosperitate & propagatione Ecclesiæ, de Dei præsentis auxilio, ac protectione & virtute Christianæ legis, quæ mansuescere faciet homines senis ætate moribus.

EX EIUSDEM AUCTARIO.

Vers. 4. IUS PROFANUM, ex carne suilla, aut alia vitata.

Vers. 5. QUI DICUNT, gentili. Sed quid sunt nisi sumus & qui illis in flammam vertetur.

Vers. 6. SCRIPTUM EST, memoria mandatum est.

Vers. 17. CREO CAELOS NOVOS: Novitas celorum, & cetera quæ insequuntur, sanitatem Ecclesiæ Christianæ designant, tum militantis, tum etiam magna ex parte triumphantis.

CAPUT LXVI.

Dominus celi & terra non templum respicit, quod Iudei pro loco quietis illi edificare volebant, sed spiritum humiliatum: reiciuntur veteris legis sacrificia: Iudeorum adversus Christum ipsiusque discipulos perveracitas puniendi ostenditur: de Christi nativitate & Ecclesia secunditate; cui ut omnes collatentur exhortatur, ostendens beneficia qua a Domino recipiet, & quale futurum sit malorum iudicium, & quomodo per discipulorum Christi predicationem Gentes convertentur: de finali quoque retributione malorum & bonorum.

1. **H**Æc dicit Dominus: (a) Cælum sedes mea, terra autem scabellum pedum meorum: quæ est ista Domus, quam edificabitis mihi? & quis est iste locus quietis meæ? 2. Omnia hæc manus mea fecit, & facta sunt universa ista, dicit Dominus, ad quem autem respiciam, nisi ad pauperem, & contritum spiritu, & trementem sermones meos? 3. Qui immolat bovem, quasi qui interficiat virum: qui mactat pecus, quasi qui excerebret canem: qui offert oblationem, quasi qui sanguinem suillum offerat: qui recordatur thuris, quasi qui benedicat idolo. Hæc omnia elegerunt in viis suis, & in abominationibus suis anima eorum delectata est. 4. Unde & ego eligam illusiones eorum: & quæ timebant, adducam eis: (b) quia vocavi, & non erat qui responderet: locutus sum, & non audierunt: feceruntque malum in oculis meis, & quæ nolui elegerunt. 5. Audite verbum Domini, qui tremitis ad verbum eius: dixerunt fratres vestri odientes vos, & abiicientes propter nomen meum: glorificetur Dominus, & videbimus in lætitia vestra: ipsi autem confundentur. 6. * Vox populi de civitate, vox de templo, vox Domini reddetis retributionem inimicis suis. 7. Antequam parturiret, peperit: antequam veniret partus eius, peperit masculum. 8. Quis audivit umquam tale? & quis vidit huic simile? numquid parturiet terra in die una? aut parietur gens simul, quia parturivit & peperit Sion filios suos? 9. Numquid ego, qui alios parere facio, ipse non pariam, dicit Dominus? si ego, qui generationem exteris tribuo, sterilis ero, ait Dominus Deus tuus? 10. Lætamini cum Ierusalem, & exultate in ea omnes qui diligitis eam: gaudete cum ea gaudio universi, qui lugetis super eam, 11. ut sugatis, & repleamini ab ubere consolationis eius: ut mulgeatis, & deliciis assuatis ab omnimoda gloria eius. 12. Quia hæc dicit Dominus: Ecce ego declinabo super eam quasi fluvium pacis, & quasi torrentem inundantem gloriam Gentium, quam sugetis: ad ubera portabimini, & super genua blandientur vobis. 13. Quomodo si cui mater blandiatur, ita ego consolabor vos, & in Ierusalem consolabimini. 14. Videbitis, & gaudebit cor vestrum, & ossa vestra quasi herba germinabunt: & cognoscet manus Domini servis eius, & indurabitur inimicis suis. 15. Quia ecce Dominus in igne venit, & quasi turbo quadrigæ eius: reddere in indignatione furorem suum, & increpationem suam in flamma ignis: 16. quia in igne

igne Dominus diiudicabit, & in gladio suo ad omnem carnem, & multiplicabuntur interfec̃ti a Domino, 17. qui sanctificabantur, & mundos se putabant in hortis * post ianuam intrinsecus, qui comedeabant carnem suam, & abominationem, & murem: simul confumentur, dicit Dominus - 18. Ego autem opera eorum, & cogitationes eorum, venio ut congregem cum omnibus gentibus & linguis: & venient & videbunt gloriam meam. 19. Et ponam in eis signum, & mittam ex eis qui salvari fuerint, ad Gentes in mare, * in Africam, & Lydiam tendentes sagittam; in Italiam & Græciam, ad insulas longe, ad eos qui non audierunt de me, & non viderunt gloriam meam. 20. Et annuntiabunt gloriam meam Gentibus, & adducent omnes fratres vestros de eunctis Gentibus donum Domino, in equis, & in quadrigis, & in lectis, & in mulis, & in carrucis, ad montem sanctum meum Ierusalem, dicit Dominus, quomodo si inferant filii Israel munus in vase mundo in domum Domini. 21. Et assumam ex eis in sacerdotes, & levitas, dicit Dominus: 22. (c) quia sicut cæli novi, & terra nova, quæ ego facio stare coram me, dicit Dominus: sic stabit semen vestrum, & nomen vestrum. 23. Et erit mensis ex mense, & sabbatum ex sabbato: venient omnis caro ut adoret coram facie mea, dicit Dominus. 24. Et egredientur, & videbunt esdavera virorum, qui pravaricati sunt in me: (d) vermis eorum non morietur, & ignis eorum non extinguetur; & erunt usque ad satietatem visionis omni carni.

(a) Act. vii. 49. (b) Prov. x. 29. Ierem. vii. 23. Sup. lxx. 22. (c) Apoc. xxi. 1. (d) Mat. xx. 41.

B R U G E N S I S.

ROMANÆ CORRECTIONES.

Verf. 6. *Vox populi de civitate. Non subituas fremens, pro populi.*

Verf. 17. *Post ianuam intrinsecus. Non facile corrigas unam pro ianuam, quod multi faciunt: qua de re. notationes nostræ legi possunt.*

Verf. 19. *In Africam & Lydiam, tendentes sagittam. Insignis correctio, qua scriptum est tendentes a tendo tertia: coniugationis, pro tenentes, a teneo secundæ.*

NOTATIO.

Verf. 17. **Q**ui sanctificabantur & mundos (immundos o.) se putabant in hortis post ianuam intrinsecus. Quidam codices. pro post ianuam, legunt post unam, Hentenii septem, Parisienium quinque. Di. o. l. Ge. o. l. p., correcti Lyrani, antiqui Dominicanorum. Epaneristhes dicit, antiquiores habere post ianuam, satis antiquos post unam; id quod omnino se ita habere ex nostris deprehendimus. exemplaribus. Vetus ita namque Erugense, Leodientie, Lobievse (his enim non exillimo alia ex nostris esse vetula, ita) post ianuam scribunt: nonnulla vero

vetustate his inferiora, Plantini medium v. Hunzri L. M. & G. atque nuncium Bessarionis post unam legunt, quibus adde alia duo, quæ utrumque indicant modum. Dominiciani Hieronymo attribunt lectionem post unam: verum non id liquet ex Hieronymi commentario, neque id habet textus commentario nunc additus. Haymonis enarrationibus adscriptum est ianuam; Glossæ ordinariæ unam; id quod Richelius manifeste interpretatur. Lyrani. & Carenis utrumque exponunt. Hebraice est: sanctificantes se & purificantes se in hortis. post אחד in medio: אחד quod scribunt Hebraei unum; אחד quod legunt,

unam significat: nullo autem modo ianuam: itaque variant complures, Post unam vel post peculiarem. Pagninus explicationis ergo nonnulla addidit: Post piscinam peculiarem quæ est in medio horti. Forerius reddidit: Alienus unus in medio; alienus reddidit, quod alii post, punctis vocis אחד mutatis: Chalædæus paraphrases transulit. סיעא כתר סיעא quod est, carus post carum, seu societas post societatem, quo nolo & R. Salomon, si N. Lyrano credas, exponit, non fit verissimis: mihi quidem, Eterni anacleti quæ in Chalædæo

Deo mendose arbitratur legi, pro כִּסִּים (quod angulum & limen significat) כִּסִּים : repetitur enim כִּסִּים כִּסִּים כִּסִּים. Similem esse putat Chaldaeus metaphrasin Symmachus, & Theodotionis versionem, qui D. Hieronymo teste interpretati sunt: *Aliter post autem*. Quod sequitur כִּסִּים *in medio*, sequentibus hi coniunguntur, *Inter eos qui comedunt* &c. in Chaldaico vel onussum est, vel in eo quod attulienus comprehensum. Potuit enim Chaldaeus hoc *post unam in medio intellexisse*, primam media succedente, atque id unam societatem altera sequente. Subaudierunt Interpretes Theodotio, & Symmachus, ac fortasse etiam Chaldaeus, alterum אֵרֶר: neque enim eis bis אֵרֶר lectum necesse est dicere. Horum autem omnium interpretationes ei suffragantur lectioni, quae *post unam* habet quam existimant nonnulli amplectendam, Niclaus a Lyra, Adamus Sæboud. Castigatores Parisienses, & Dominicani in textum eam recipere. Et

certe videri possit, quia obscurior est, scripturarum lectionumve temeritate mutata. Facilius enim adduci possim ut credam *post unam* variatum fuisse in *post ianuam*, quam e converso *post ianuam* in *post unam*. Verum enim vero putat Forerius *post ianuam* Hieronymum transulisse, secutum 72. ienes, quorum versio est: *Qui sanctificantur, & purificantur in botis: & in rei: & & &*, id est, *& in omnibus*, vel *& in vestibulis*. Leo Carensis arbitratur Hieronymum Hebraicæ lectioni *post unam* subaudisse *ianuam*, sicque convertisse *post ianuam*. Sed neuter horum meminit variae Latinarum codicum scripturae, quam, etsi varia sit, Lyranus, & Epanorthotes in eundem sensum interpretantur, eum quem Castrensis Hieronymo transferenti attribuit: „Post unam, inquit Lyranus, scilicet portam, vel clausuram; & ideo aliqui libri habent *post ianuam*.“

COMMENTARIA

MALDONATI.

Vers. 1. CAELUM MIHI SEDES EST, &c. id est omnia impleo, ne existimetis me vestro templo conclusum esse. Ita exponit Stephanus Act. vii. 40. & D. Paulus Act. xvii. 24. Dicebatur quidem Deus in templo habitare, tamquam in loco requietis suae, ut Psalm. cxxxv. 8. *Surge Domine in requiem tuam, tu & arca sanctificationis tuae*: vers. 14. *Hæc requies mea in seculum seculi*: sed non vult homines abuti templo, & eo nimium confidere, aut existimare Deum templo concludi quasi alibi audire non possit preces: sed ea opinione templo uti, qua illud Salomon edificavit, III. Reg. viii. 27. *Si, inquit, caelum, & celi eorum te capere non possunt, quanto magis domus hæc quam edificavi.*

V. 2. OMNIA HAEC: relativum sine antecedente. Ostendit autem res omnes creatas; quasi dicat: Non concludor vestro templo, cum totum hunc mundum ego fecerim. ET FACTA SUNT: וְנִתְּנוּ & extiterunt; id est, si ego non fecissem, non extitissent. AD QUEM AUTEM RESPICIAM. Cam dixit, *Omnia hæc manus mea fecit*, alludit ad templum: cum nunc dicit, *Ad quem respiciam*, alludit ad sacrificia, quæ

illi in templo offerebantur: Dicitur enim Deus ad sacrificium respicere, cum illud acceptum & gratum habet, ut Gen. xv. 4. *Respexit Dominus ad Abel*, & ad *munera suis*. Sensus ergo est, malle Deum sacrificium animi humilis & timentis eum, quam arctum & bovum, ut Psalm. l. 18. 19. *Utique holocaustis non delectaberis, Sacrificium Deo spiritus contribulatus, cor contritum & humiliatum Deus non despicies.*

V. 3. QUI IMMOLAT BOVEM. Duravideretur hæc sententia, cum enim Deus ipse huiusmodi sacrificia instituerit, quomodo comparat homicidio. Non comparat, si ita fiant, ut ab eo instituta sunt; sed ita ut a ludæis offerebantur, inquinata scilicet conscientia. QUI RECORDATUR THURIS, id est qui statim temporibus non oblitiscitur offerre thurum. QUASI QUI BENEDICIT IDOLO, וְיִמָּן, *iniquitati*. Sed ita Hebræi idolum vocant; itaque recte reddidit nos Interpres: alii, *quasi qui offert pecuniam inique acquisitam*. HAEC OMNIA ELEGERUNT IN VITIIS SUIIS; id est, in huiusmodi externis ceremoniis totam sanctitatem posuerunt.

V. 4. UNDE ET EGO ELIGAM ILLUSIONES EORUM; id est, illudam illis puniens eorum peccata. Aut, מַעֲלִיל הָאֵם, *studia eorum*; id est, convertam opera eorum in caput

capit ipsorum, recordabor operum eorum ad sumendas poenas: *Eligere enim posuit pro recordari, ut alluderet ad id quod ante dixerat, Hec omnia elegerunt in viis suis: ut Prov. 1. 26. Ego quoque in interitu vestro ridebo & subsannabo, cum vobis id quod timebatis eveniet.* QUIA VOCAVI: ut supra LXV. 12. & Prov. 1. 24. & Ier. 18. 13.

V. 5. AUDITE VERBUM DOMINI. Convertit Deus orationem ad iustos ac pios, eosque armat adversus impiorum convitia. DIXERUNT FRATRES VESTRI; id est, Iudaei filii Abraham secundum carnem, sicut vos, tamen impii, & qui vos propter nomen meum odio habent, & abiciunt. GLORIFICETUR DOMINUS. Hæc dicebant impii; id est, semper speratis fore ut Dominus glorificetur, liberans vos ab ista servitute, qua nunc opprimimini; cum id Dominus fecerit, cognoscemus ex letitia vestra, & credemus ita esse. *ISTI AUTEM;* id est, impii qui hoc dicebat, confundentur: verba Dei sunt. Alii interpretantur, נִשְׂאָה, videbitur (Dominus) id est, glorificabitur, appropiabit contra eorum opinionem, ipsi autem confundentur.

V. 6. VOX POPULI: קוֹל עַמִּי, vox fremitus aut tumultus de civitate (audietur.) Declarat quod dixerat, fore ut impii confunderentur, docetque futurum aliquando, ut Deus veniat ad sumendum de illis supplicium, tantusque sit terror omnium, ut in civitate, & in templo nihil, nisi clamor, & tumultus audiat. Potest etiam Hebraice sensus esse, Vox tumultus Dei audietur in civitate & in templo; sicut statim sequitur, VOX DOMINI REDDENTIS RETRIBUTIONEM: cum enim Deus ad puniendum venit, non tacet, & lenis, sed magno cum tumultu venire dicitur: ut cum Adam audivit vocem eius ambulantis in paradiso Gen. III. 8. & ut David ait Psalm. XLIX. 2. Deus manifeste veniet, Deus noster, & non silebit, igitur in conspectu eius exardescet, & in circuitu eius tempestas valida. Videtur autem hæc prophetia ad excidium Ierusalemitanum sub Tito referenda.

V. 7. ANTEQUAM PARTURIAT, PEPERIT. Præter pro fut. antequam parturiat, pariet, id est, inopinato, & non præcunctis ullis parat indicis, sicut in parientibus solent longo tempore precedere do-

lores. Loquitur autem de Ecclesia electorum, de quibus dicebant impii paulo ante, *Glorificetur Dominus, & videbimus in letitia vestra:* quam parturam dicit, id est multos filios genituram Christo, antequam parturiat, id est subito, ut Act. 11. 41. legimus una Petri concione tria milia, & Act. 14. 4. alia concione quinque milia hominum credidisse, cum ante nihil de Christo cogitassent. Parietiam Ecclesia antequam parturiat, id est sine dolore, ut B. Maria, quæ Ecclesie figura erat, peperit Christum: gignit enim Christianos ex Spiritu sancto, sicut illa Christum, ut veteres auctores docere solent.

V. 8. QUIS AUDIVIT UNQUAM TALE. Quale accidit Ecclesie? NUMQUID PARTURIET TERRA UNA DIE? num profertur omnia quæ ex ea nascuntur, sicut Ecclesia uno momento homines Christianos facit: videmus enim arbores & cetera, quæ ex terra nascuntur, longo tempore generari. Heb. מִיָּוֶם, nunc parietur terra una die, id est omnes homines, qui in terra sunt; quasi dicat, Non, ut statim explicat. AUT PARTURIENS SIMUL, QUIA PARTURIVIT; id est, sicut parturivit & peperit simul SION (Ecclesia) FILIOS SUOS (Christianos).

V. 9. NUMQUID EGO. Declarat quomodo Sion una die tam multos filios procreaverit: scilicet non naturæ lege (id enim nullo modo fieri potuisset) sed divina quadam vi. Spiritus enim ubi vult spirat, & nescis unde veniat, aut quo vadit: Ioan. III. 8. quod autem id sacre possit, ostendit argumento a minori ad maius: facio alios parere, multo ergo magis ego pariam. Quos enim Ecclesia ex Spiritu sancto parit, Deus parit.

V. 10. LAETAMINI CUM IERUSALEM. Excitat ad lætiam propter futurum feliciem Ecclesie statum, eos qui propter Babyloniam captivitatem eam lugabant. Loquitur enim Propheta quemadmodum si in ipsa captivitate esset.

V. 11. UT SUGATIS, id est quia sugatis: לִמְעַן, propterea quod sugatis ab ubere consolationum eius (Sion aut Ierusalem: est enim Hebraice relativum generis feminini.) Reddit causam cur gaudere debeant. Myſt. Ecclesie ubera sunt Sacramenta, hæc consolationis gratia, quæ per Sacramenta recipitur. UT MULGEATIS, לִמְעַן,

לִמְעַן חַסִּידָיו, quia mulgebitis (sub lac consolationis) ET DELITIIS AFFLUKTIS, delectabimini, AB OMNIMODA GLORIA: כִּינֹן כְּכִירָה, ob splendorem & pulchritudinem gloria eius, ut nosse Interpretes alibi solet vertere, ut Psal. XLIX. 11. Et pulchritudo agri mecum est.

V. 12. ECCE EGO DECLINABO, id est fluere faciam, SUPER EAM (Ierusalem) QUASI FLUVIUM PACIS. Nomine pacis, ut saepe diximus, omnem felicitatem significat: nomine autem fluvii abundantiam & perpetuitatem, ut Psal. XXXV. 9. Liebrabuntur ab ubertate domus tue, & torrentis voluptatis tue potabis eos. ET GLORIAM GENTIUM (derivavi in eam) QUASI TORRENTIEM INUNDANTEM. Gloriam gentium appellat earum multitudinem; earum re gloriam quibusque qua excellit maxime: gentes autem multitudine excellabant; earum ergo gloriam in Ecclesiam quasi torrentem derivavit Deus, cum dedit eas Christo hereditatem suam: Psal. II. 8. AUDEBA (mea dicit Dominus) PORTABIMINI, sicut infantes. ET SUPER GENUA (mea) BLANDIENTUR VOBIS, וְשָׁרְי וְשָׁרְי, iudeis, gaulebunt, ut infantes super genua matris. Exprimat Deus singularem suum erga nos amorem, cum se matri comparat.

V. 14. ET OSSA VESTRA QUASI HERBA GERMINABUNT. Germinare videntur ossa nostra, cum leri sumus, sicut e diverso spiritus trillis exiecit ossa: Prov. XVII. 22. ET COGNOSCEATUR MANUS DOMINI, id est potentia, a servis eius, cum indignabatur inimicis suis, id est cum posuerit inimicos suos scabellum pedum suorum & sicut in cruce fecit, & clarius in extremo iudicio sedurus sit.

V. 15. QUIA ECCE DOMINUS IN IGNE VENIET, id est iratus & iudex. Ignis cum utrumque significat & iudicium & supplicium, ut apud D. Paulum II. Cor. III. 13. Uniuscuiusque opus manifestum erit, dicit enim Domini declarabit, quia in igne revelabitur, & uniuscuiusque opus quale sit ignis probabit. ET QUASI TURBO QUADRIGAE EIUS, id est subita & terribilis, omniaque proflens. Depingit terribilem Christi adventum ad iudicium, quamvis haec omnia non ad illud tantum supremum iudicium, sed etiam ad alia quaedam, quae saepe sunt, referenda sint. Quale fuit illud.

Bib. Sac. Tom. XVII.

Iud, quo Iudeos a Babyloniorum servitute liberavit, & illud, quo eodem sub Vespasiano perdidit.

V. 16. QUIA IN IGNE DOMINUS IUDICABIT, id est puniet per ignem. Non solum de igne inferorum loquitur (quamvis illum etiam comprehendat) sed de omni penarum genere, quas metaphorice ignem vocat. ET MULTIPLICABUNTUR; id est, magna erit multitudo eorum, qui a Domino interficientur.

V. 17. QUI SANCTIFICABANTUR, id est sanctificari se putabant sacrificantes idolis in hortis, id est in lucis ubi idola esse solebant, ut sup. diximus cap. LXV. 3. POST IANGAM INTRINSECUS. Ita nosse Interpres vertit, sicut & Sep. וְאִתְּרֵי הַקֶּשֶׁת. Sensus autem est, eos non solum publice in hortis, sed etiam privatim domi post ostium solitos sacrificare. Solebant enim idola post ostium habere, ut illud ingredientibus, egredientibusque salutarent, ut supra indicavit Ilaas cap. LVII. 8. Post ostium retro possem posuisti memoriale tuum. Heb. אֶחָד מֵאֵתֵר הַקֶּשֶׁת, ad verbum, retro unum in medio. Quod Hebraei interpretantur, post unam (piscinam) id est, singularem notam (quae est) in medio (hortu.) ET ABOMINATIONEM, id est quod non licebat Iudeis cedere: quidquid enim prohibitum illis erat, abominatio vocabatur. ET MUREM. Muri inter animalia immunda numerabatur: Levitici XI. 29.

V. 18. EGO AUTEM; id est, veniam, ut colligam opera & cogitationes eorum simul cum gentibus; id est, sine discrimine eos pariter puniam, & gentes, a quibus idolatriam didicerunt. Heb. וְאִתְּרֵי, &c. EGO OPERA EORUM ET COGITATIONES EORUM (sub. observo, aut video) ut Chaldaei & Septuag. interpretantur. וְאִתְּרֵי לִקְנֹן, venit (tempus) ad congregandas gentes (in Ecclesiam) ET VENIENT (gentes) ET VIDEBUNT GLORIAM MEAM, id est participes erant gratiae meae, quae per Evangelium, & per Spiritum sanctum in eos fundetur, ut ait Petrus Act. X. 47. Numquid aquam quis prohibere potest, ut non baptizentur ii, qui Spiritum sanctum receperant sicut & nos.

V. 19. ET NONAM SIGNUM, id est praedicationem Evangelii, quae quasi militare vexillum erit, ut ad illud gentes consurgant, sicut sup. cap. LXIX. 22. de eodem

Bbbb

ger-

gentium vocatione loquens ait, *Ece levabo ad gentes manum meam, & ad populos exaltabo signum meum.* Possimus etiam per signum domum miraculorum intelligere, quod Christus Apostolis largitus, ut gentes miraculorum fama connotae ad Evangelium venirent. ET MITTAM EX EIS QUI SALVATI FUERINT, id est ex reliquiis Iudaeorum, ut Paulum & septuaginta duos discipulos, quos designavit, Luc. x. 1. IN MARE, תְּרַשִׁישׁ, in *Tharsis*, alii, in *Ciliciam*: sed de hac re saepe diximus. IN AFRICAM, פִּלְס, *Pul*, & לִד, *Lud*, quod alii aliter interpretantur: illud vero certum est, significari remotissimas quasque nationes, sicut statim explicat. AD INSULAS LONGE. TENENTIS SAGITTAM. מַטְעֵי קֶטֶשׁ, *tenentes arcum.* Hac periphrasi barbaras & immanes gentes significat, quae plerumque arcibus utuntur.

V. 20. ET ADDUCENT OMNES FRATRES VESTROS, id est Gentiles, qui nunc quidem a vobis alieni sunt, tunc autem quia fide filii Abraham futuri sunt, fratres vestri erunt. דֹּנִימוֹ דְּמִינִי, סִכְתָּה לִיחָה, *sacrificium aut oblationem Domino.* Conversionem enim gentium D. Paulus Rom. xv. 16. oblationem vocat: *Ut fiat oblatio gentium accepta & sanctificata in spiritu ad Deum.* IN EQUIS. Significat Apostolos nullis rebus parciuros, ut gentes ad fidem adducant, omnemque illis opem laturos; non quod equis aut curribus advectum sint, sicut supra cap. xlix. 22. alia usus metaphora dixit, *Et afferent filios tuos in ulnis, & filias tuas super humeros portabunt.* AD MONTEM SANCTUM MEUM, id est, ad Ecclesiam, quae per montem Sion & per Ierusalem significatur. MUNUS IN VASE MUNDO, aut mundum. Alludit ad morem Hebraeorum, qui quaedam animalia non sacrificabant, quod immunda putarent. Gentes ergo quasi animalia immunda ducebant, indignaque ut Deo sanctificarentur. Docet ergo fore ut opinionem mutant, gentesque mundum sacrificium ac Deo dignum esse iudicent, quemadmodum D. Petro linteo omni bestiarum genere pleno celitus demisso demonstratum est: Act. x. 11. & 12.

V. 21. ET ASSUMAM EX FIS. Prius non nisi ex Iudeis & ex sola familia Aaron Deus sacerdotes & Levitas assumebat, nunc ex omnibus gentibus. Quod hereti-

ci hoc loco dicunt omnes Christianos Sacerdotes esse, etsi eo sensu quo nos D. Petrus I. epist. ii. 9. regale Sacerdotium appellat, verum est tamen si de Sacerdotibus *Pauca desunt.*

S A.

Vers. 1. SEDES; pro, velut sedes. SCABELLUM; pro, velut scabellum, scilicet habitat Deus in iustis, conculcat impios. AEDIFICABITIS; pro, aedificastis.

V. 2. FACTA, id est opera, scilicet mea. PAUPERCULUM, ET CONTRITUM SPIRITU. LXX. *humilem & quietum.* TREMENTEM SERMONES MEOS. Chald. *mutantem se propter sermonem meum.*

V. 3. QUI IMMOLAT, scilicet in peccato. LXX. *iniquus immolens.* THURIS, scilicet ut offerat; vel quasi dicat: Qui in mei memoriam seu accepti beneficii, thus offert. QUI BENEDICAT IDOLO. LXX. *blasphemus.* Omnia, scilicet mihi ingrata.

V. 4. ILLUSIONES, id est peccata, scilicet quae puniam. Chald. *interitum.*

V. 5. GLORIFICETUR, &c. Itonia; quasi dicat, Glorificetur sane Dominus, & appareat beneficentia eius in vos. Ipsi, scilicet inimici vestri.

V. 6. POPULI, scilicet timentis, & tumultuantis adveniente calamitate, cum Deus puniet.

V. 7. PARTURIRET, scilicet Ecclesia, vel Maria; quasi dicat: Ante signa partus, decrepente pariet filium. PARTUS. LXX. *dolor partus.* PEPERIT MASCULUM, scilicet Christum. Chald. *revelabitur rex eius.*

V. 8. PARTURIET, id est pariet, scilicet omnes fructus, aut requirentes diversa tempora. SION, id est Ecclesia, scilicet eodem die plurimos.

V. 9. PARIAM, scilicet per Ecclesiam.

V. 10. LAETAMINI CUM. LXX. *laetare.*

V. 12. DECLINABO, id est derivabo. AD UERA, &c. quasi dicat: Nutricimini a divitibus, & principibus, ut solent parvuli a matribus.

V. 13. IERUSALEM, id est Ecclesia militante, vel triumphante.

V. 14. GERMINABUNT, id est reviviscunt, scilicet in resurrectione.

V. 15.

V. 15. VENIET, scilicet die iudicii. *QUADRIGAE*, id est Angeli, quorum opera utitur. *FUROREM*. Chald. *maledictionem*. *INCREPATIONEM*, id est punitionem.

V. 16. GLADIO, id est iustitia puniente. *CARNEM*, id est hominem.

V. 17. IANUAM, scilicet domus, vel templi. *ABOMINATIONEM*, id est cibos vitiosos, seu idolis immolatos.

V. 18. OPERA. *LXX. novi opera*. Cum omnibus, &c. Hebr. Chald. & *LXX. omnes gentes*, &c. *GLORIAM*, id est maiestatem, scilicet die iudicii.

V. 19. SIGNUM, id est vexillum scilicet Crucis; seu praedicationis. *IN MARE*. Chald. *maritimas*. *TENDENTES*, &c. id est populos urentes sagittis. *GLORIAM*, id est potentiam, seu miracula.

V. 20. IN EQUIS; &c. quasi dicat, Commode, & facile. *CARRUCIS*. Chald. *laudibus*. *LXX. unibacaritis*.

V. 21. LEVITAS, id est diaconos, seu ministros Ecclesiae. Dicit vero, ASSUMAM, quia non nascuntur ex certa familia, ut in veteri Testamento.

V. 22. FACIO, pro, faciam. *NEMEN*, scilicet filiorum Dei, seu electorum, vel Beatorum.

V. 23. MENSIS, &c. quasi dicat: Perpetuae Neonienae, & sabata, id est festa, scilicet in caelo. *EX*, id est post; quasi dicat, Unum aliud sequetur.

V. 24. EGREDIENTUR, scilicet mente. *CADavera*, scilicet mortui sunt damnati morte secunda. *VERMIS*. Chald. *anima*. *ET ERUNT*, &c. Chald. *Et erunt impii iudicanti in gehenna*. *USQUE AD SATIETATEM*, id est fastidium, vel abominationem. Chald. *Et dicent super eos infli: Satis vidimus*. *CARNI*, id est hominibus, scilicet sanctis.

E S T I I.

Vers. 1. I. I. TAEC Dicit Dominus, &c.

I. I. CAELUM SEDES MEA, TERRA AUTEM SCABELLUM PEDUM MEORUM: QUAE EST ISTA DOMUS, QUAM AEDIFICABITIS MIHI? Figurata hoc dictum est ad exprimentam immensam Dei maiestatem, ut ostendat, quam modicula sit ad tantam maiestatem capiendam templum ab homine factum, cum nundus univer-

sus cum capere non possit. Quare autem caelum vocetur sedes eius, & terra scabellum pedum eius, non satis liquet. Quidam hoc schemate sermonis nihil aliud significatum putant, quam quod ait Dominus Ierem. xxiii. *Caelum & terram ego impleo*. Et quod canit Ecclesia: *Pleni sunt caeli & terra gloria tua*. Potest tamen huius locutionis etiam specialior ratio reddi. Non enim ait, Terra sedes mea, aut caelum scabellum, sed contra: loquitur enim Propheta de Deo more humano seu antropopathe, quasi ascribens ei membra humana, & humanas qualitates. Cum ergo caelum sursum sit, terra deorsum recte, per eandem sermonis figuram, caelum vocatur sedes Dei, quasi in ea sedeat, terra autem scabellum pedum eius, quasi in ea pedes suos figat more humano. Simili modo dictus est sedere super Cherubim, & arca esse scabellum pedum eius: Vide Psal. xcvi. & I. Reg. iv.

Mystice per caelum homines caelestes, id est pii, per terram homines terreni intelliguntur. In piis enim tamquam in sede residet Deus per gratiam suam; terrenos autem homines velut scabellum calcant, & premit potentia & iustitia sua. Porro quod sequitur: *Quae est ista domus, quam aedificabitis mihi?* non est reprehensio eorum, qui Deo templum aedificent, sed instructio; ut sciant templi usum; non ut in eo Deus habitet (quem caelum & terra capere non possunt) sed ut Deum in templo tamquam precationis loco oraturus, adterat illuc cor contritum, & humiliatum; quod solum propter se Deo placere potest. Inde enim sequitur: *AD QUEM AUTEM RESPICIAM NISI AD PAUPERCULUM, ET CONTRITUM SPIRITU, ET TREMENTEM SERMONES MEOS?* Hoc enim sacrificium pro se placet, iuxta illud Psal. l. *Sacrificium Deo spiritus contribulatus*. Alia sacrificia placere non possunt nisi ex pietate offerentium: quae si desit, tunc (ut hic subditur) *QUI IMMOLAT BOVEM, QUASI QUI INTERFICIAT VIRUM; QUI MACIAT PECUS, QUASI QUI EXCEREBRAT CANEM*. Et vere talia erant sacrificia veteris legis, exclusa gratia novi testamenti.

V. 21. ET ASSUMAM EIS IN SACERDOTES ET LEVITAS. Revertitur hic significum Lutheri qui ut tolleret sacrificium altaris, docebat omnes christianos esse spiri-

tuales sacerdotes. Nam hic aperte significatur non omnes novi testamenti filios fore sacerdotes, immo nec levitas, sed ex eis certos quosdam ab hac omnia assumendos. Est ergo in nova lege sacerdotium quoddam, non omnibus Christianis commune, sed quibusdam proprium; ad quod peculiariter a Deo assumpti sunt. Id autem non aliud est, quam potestas offerendi corpus & sanguinem Domini, iuxta illud: *Hoc facite in meam commemorationem*, Matth. xvi. Levitas autem vocat Diaconos, aliosque inferiores ministros. Unde Stephanus & Laurentius etiam in Ecclesia Levitæ appellantur. Et notandum illos duos ordines in hac prophetia potissimum exprimi, quia illorum institutionem in novi testamenti Scriptura expresse habemus; videlicet sacerdotum in ultima cerna, ut dictum est Matth. xxvi. & Diaconorum Act. vi. Et sicut in veteri lege sub nomine Levitarum aliquando omnis generis inferiores ministri tabernaculi intelligebantur, ita & hic quoque novi testamenti ordines reliqui, Subdiaconorum, Lectorum, &c. comprehenduntur. Vide etiam similem locum Ieremix xxxiii.

M A R I A N A E.

Vers. 1. CAELUM SEDES MEA. Invehitur Propheta in sui temporis mores, ac Iudeos abducere conatur a carimoniis Legis & templo. QUAE EST ISTA DOMUS? Heb. ubi ista domus? & ubi ille locus? Mea maiestat. ubi invenitur locus idoneus?

V. 2. OMNIA HAEC, id est calum & terram ego feci. ET FACTA SUNT, scilicet verbo meo: neque tamen ea rerum magnificentia oblector. AD QUEM AUTEM RESPECTIAM, NISI AD PAUPERECULUM. Septuag. *Super quem respiciam, nisi super humilem?* Hieronymus *pauperculum* pro *humili* posuit. Sententia eadem est; scilicet Magis oblector humilibus quam aliis. ET CONTRITUM SPIRITU. Sept. & *quietum*, *καὶ ἡρεμὸν*. Sic Cassianus Lib. XII. In fluit. cap. xxxi. totum hunc locum citat: *Super quem requiescet spiritus meus, nisi super humilem & quietum & timentem verba mea?* Quae verba ex editione Vulgata antiqua citat Gregorius V. Moral. cap. xxxi. & ex illa manet in usu communi: de quo

re plura in nostra Disputat. pro Editione vulgata, cap. xviii.

V. 3. QUI IMMOLET BOVEM, scilicet cum sit iniquus. QUASI QUI EXCEREBRET, seu *decerviet*, CANEM, immundum animal, sacrificio ineptum. QUI RECORDATUR THURIS, id est qui offert thus. Verbum *זָכַר* *zachar*, & *recordari* & *offerre* significat. QUASI QUI BENEDICAT IDOLO *פָּסֵל* *aven*, & idolum significare potest, & iniquitatem, seu rapinam, quod sequitur Chald. Ergo *quasi qui benedicit*, id est offert munus ex rapina. HAEC OMNIA ELECERUNT. His oblationibus me placare voluerunt, cum essent contaminati peccatis, & anima eorum oblectaretur abominationibus.

V. 4. ELIGAM ILLUSIONES EORUM, id est considerabo attentae eorum peccata, ut ex eis sumam poenas. ET QUAE TIMEBANT, scilicet gladium, famem, pestem adducam eis. ET QUAE NOLUI FLEGERUNT; id est, quae mihi grata non erant, sed potius ea aversebar.

V. 5. FRATRES VESTRI. Hostes vocat fratres, & forte ironice dicitur. ET ABICIENDES, id est qui expellunt vos, ducunt in captivitatem. PROPTER NOMEN MEUM: quia me colitis. GLORIFICETUR DOMINUS, scilicet vos liberando. ET VIDEREMUS IN LAETITIA VESTRA. pro; videamus iactantiam vestram ob datam scilicet libertatem. Haec sunt hostium verba. IPSI AUTEM CONFUNDENTUR. Supple, videbunt ipsi hostes & pudebunt, cum id acciderit propter eorum opinionem.

V. 6. VOX POPULI. Chald. *vox sonitur*. Septuag. *vox clamoris*. Hieronymus in Comment. *vox fremitus*; atque ita est Heb. Ergo vox populi tumultuantis. DE CIVITATE, scilicet Ierusalem. Sed quorsum haec voces? Heb. Schol. refert ad tenuis Messie, cum populus egredietur in bellum contra Gog & Magog. Nuga. Hieronymus ad obsidionem sub Ito, cum populus trisariam divisus tumultuabatur. Ego ad liberationem & captivitatem refero. Dixerant hostes, velle se eam liberationem videre. Nunc quasi id contigisset, ait, voces auditas in urbe & in templo, quasi latantium ob datam libertatem. VOX DOMINI REDDENTIS, id est Babylonios, qui Iudeos opprimebant, vindicantis. Addit, id gaudium fore repente, & praeter spem.

V. 7. ANTEQUAM PARTURIRET. Repca-

pente veniet ea liberatio, quam partui mulieris comparat, qui repente venit. PARTUS HUS. Heb. *dolor eius*. PEPERIT MASCULUM. Masculi ortu letantur parentes. Sic eam letitiam, masculi exortus comparat.

V. 8. NUMQUID PARTURIET TERRA IN DIE UNA, id est fructus num repente profert. Sic Septuag. Heb. *numquid parva est*, id est condita, terra in die una; id est numquid repente terra & orbis facta sunt, ut hæc liberatio? Sententia Vulgatæ eadem. GENS SIMUL, id est una natio hominum num repente fit; quasi dicat, Milime. Multo tempore & parentibus & posteris exurgit natio quæque. Quomodo ergo repente Sion peperit, acquisivit filios suos?

V. 9. QUI ALIOS PARERE FACIO. Heb. *ego frangens*, scilicet vulvam, quod fit in partu. Ergo si facio, ut mulier pariat, ego pariam data libertate. STERILIS ERGO. Heb. *claudat*, scilicet ut non possim parere.

V. 10. QUI LUGETIS, ob eius afflictiones lugere solebatis. SUPER EAM; vel, propter eam, nunc letamini.

V. 11. ET REPLEAMINI, satiemini. AB OMNIMODA GLORIA EIUS. Heb. *ab splendore gloria eius*. Ea sit causa satietatis & lætitiæ.

V. 12. QUASI FLUVIUM PACIS. Heb. *sicut fluvium pacem*, scilicet dabo. Per pacem intellige omnia bona. GLORIAM GENTIUM, divitiarum ornamenta. QUAM SUGETIS. Heb. & *sugietis*, id est participabitis, ea Gentium gloria. ADURERA PARTABIMINI. Sic Chald. Heb. *super latus portabimini*. Septuag. *parvuli eorum in humeris portabuntur*. BLANDIENTUR VOBIS. Heb. *super genua oblectabimini*. Sic solent infantes imponere genibus, & cum eis ludere.

V. 14. ET OSSA VESTRA QUASI HERBA GERMINABUNT. nempe gaudium & lætitiâ. MANUS DOMINI, id est potentia, auxilium. SERVUS EIUS. Heb. *cum servis suis*.

V. 16. ET MULTIPLICABUNTUR INTERFECTI A DOMINO. Heb. *interfecti Domini*. Qui sunt hi interfecti? Per *interfectos* videtur intelligere damnatos, propter ea quæ inferius dicuntur.

V. 17. QUI SANCTIFICABANTUR. Heb.

qui se sanctificant, & purificant. IN HORTIS POST LAMAM INTRINSECUS. Heb. *in hortis post unam in medio*. Heb. Schol. dicit eam unam, esse piscinam, quæ in medio horto erat, ut scilicet ea aqua loti se purificarent. Septuag. *purificati in hortis & liminibus*, id est in aqua, ut Noster dicit. ET ABOMINATIONEM COMEDEBANT, id est cibos vitios. ET MURENT. Per murem intelligit omnia immunda & sæda animalia. Hi sunt, in quos Deus debebat deservire. Hi sunt, intericelli Domini.

V. 18. EGO AUTEM OPERA FORUM, scilicet novi, nihil me laret, opera etiam in occulto facta; mentis cogitationes exploratas habeo. VENIO. Heb. *venit* scilicet tempus: iam est maturum. UT CONGREGEM CUM OMNIBUS GENTIBUS. Heb. *ut congregem omnes gentes*, scilicet in Ecclesiam. ET VENIENT, ET VIDEBUNT GLORIAM MEAM cæ gentes.

V. 19. ET PONAM IN EIS SIGNUM, id est characterem inuram quibuskum ex eis, scilicet piis, ne interficiantur in caerum permissione. EX EIS QUI SALVATI FUERINT, id est mittam eos, qui evaserint. IN MARE MITTAM. *Tharsis*, Heb. quæ hoc loco Carthago est, aut Tuncetum. IN AFRICAM. Heb. *Pul*. Septuag. *Phad* legunt, quæ proculdubio est *Phœ*. Genes. x. 6. id est Occidua Mauritania, ubi urbs Phrentis, hodie Fez. Hieronymus putavit ea voce significari totam Africam a Libya usque ad Mauritaniam, ubi est fluvius eo nomine. ET LYDIAM: in Asia est, cuius colonia sunt Hetrusci. TENDENTES SAGITTAM. Sic Hieronymus in Comment. non tenentes, ut plerique codices male habent. Heb. *tendentes arcum*. IN ITALIAM, ET GRACIAM. Heb. *Tubal & Ivan*. Sed pro *Tubal*, Hispania forte melius poneretur, quoniam eam *Tubal* condidit. Ii signati & missi in provincias, sunt Apostoli, quos in omnes gentes mittit Deus.

V. 20. ET ADDUCENT OMNES FRATRES VESTROS. Iudeos dispersos inter Gentes adducunt in Ecclesiam. QUOMODO SI INFERANT; id est, tam gratus mihi erit eorum adventus, quam munus quodcumque oblatum in vobis mundo.

V. 22. QUIA SICUT CAELI NOVI. *Cælos novos, & novam terram* adiudicii diem resert Petrus III. Epist. III. 13. Erunt autem novi non secundum substantiam, sed pro-

propter novam formam; quæ forma perpetuo stabit, non mutabitur. SIC SEMEN VESTRUM; id est, posterii perpetui stabunt, non deficiet Ecclesia. Nomen quoque vestrum perpetuum erit. Semper erunt, & vocabuntur fideles.

V. 23. ET EXIT MENSIS EX MENS. Hebr. *Et erit de mense in mensum*, & de sabbato in sabbatum eius, id est omni tempore sine intermissione. VENIET OMNIS CARO, UT ADORET. Hoc in Ecclesia est factum, ad quam omnes Gentes venire, & complebitur magis in futura vita, in patria.

V. 24. CADAVERA VIRORUM, QUI PRAEVARIICATI SUNT IN ME. Damnatos intelligit per calaveras. VERMIS EORUM, id est conscientie morsus, aut quoniam in cadaveribus sunt vermes, damnatorum eruciatu vermes vocavit. ET IGNIS EORUM. Veras ignis in inferno erit. ET ERUNT USQUE AD SATIETATEM VISIONIS. Satiabitur omnis caro eo spectaculo. Hebr. *Et erunt in opprobrium, seu nauseam omni carni*. Omnes qui viderint, abominabuntur ea cadavera, propter tetrum odorem & saniem qua disfluent.

M A L V E N D A E.

Verf. 1. **H**AEC DIXIT DOMINUS: &c. Hebr. *Sic ait IHAH: Caelum ipsum solum meum est*, & terra scabellum pedum meorum, &c. Huius, inquit, concionis (qua Propheta exitum veteris synagogæ, & Christianæ Ecclesiæ constitutionem explicat) quatuor sunt capita: primum est, contestatio Iudæorum & hypocritarum, quibus cum ipsorum scelus & supplicium, tum humilium reliquiarum salus prænnuntiatur, versibus quatuor: secundum est, propositio ad sanctas Iudæorum reliquias, quæ de hypocritarum casu, & liberorum in Ecclesia gignendorum promissionibus confirmantur, a vers. 5. ad 10. tertium est, hortatio ad amicos Ecclesiæ, ut lætentur cum ea, & benedictiones Dei participent ad gloriam ipsius, usque ad versum 15. postremum est, narratio benedictionum, quas effecturum se Deus promiserat, inde ad finem usque. CAELUM SEDES MEA, TERRA AUTEM, &c. Vide de hoc versu Actor. vii. 48. & 49. & cap. xvii. 25. QUÆ EST ISTA DOMUS,

QUAM AEDIFICABITIS MIHI, &c. Alii: *ubinam esset domus, quam edificaretis mihi?* & *ubinam locus quieti meæ?* quasi dicat: Putaretine hypocritæ, me excelsissimum in manifestis templis habitare, Actor. vii. 48. & 49. & cap. xvii. 24. ac proinde isto templo capi, includi infinitam multitudinem meam? non est illa mea habitatio ista, sed in animo pauperum & contritorum spiritu, illi unanimiter habitaturus & ambulaturus sum, II. Corinth. vi. 16.

V. 2. ET FACTA SUNT UNIVERSA ISTA. Quidam: & verbo meo facta sunt omnia hæc. Hebr. *Et fuerunt omnia ista*; id est, esse acceperunt e manu mea. Alii: & per eam existunt omnia ista. Sanctus: & fuerunt omnia hæc antequam esset templum. AD QUEM AUTEM RESPICIAM, &c. Alii ex Hebr. I. & cum toto hoc ad afflictum ipsum ego potius specto, ad contritum spiritu, & trementem super verbum meum. II. ad hunc autem respiciam, ad eum, qui est humilis & fractus spiritu, & qui ad verbum meum reverentia quamdam contemnit. III. sed in hunc intueor, in pauperem & contritum spiritu, ac trepidantem ad verbum meum; id est, ille denu sunt vera templa mea: nam alioqui structura illa templi aspectabilis destituta veris fervis Dei, templique illius viventibus, erat ingrata Deo; quamobrem utrumque coniunxit Schelemoh dicens: Ut sint oculi tui aperti erga domum hanc auscultando orationi, quam oravi servus tuus, &c. I. Reg. viii. 29. & sequentibus IV. & ad quem respiciam? ad inopem, & casum, percutsum, sancium spiritu & trementem, seu trepidum super verbo meo.

V. 3. QUI IMMOLAT BOVEM &c. Hunc verum subsecratorum Hebraice, evidentiis aliis transferunt: I. *Qui immolat bovem est ac si interficeret virum, qui immolat pecus perinde est ac si decerneret eanem, qui offert oblationem est ac si offerret sanguinem suillum, qui sufficit facit thus est ac si benediceret idolo: etiam hæc elegunt in viis suis, & abominationibus suis anima eorum delectata est.* Hæc est ultima ratio improbationis lapidei templi: non solum enim prædictis rationibus, in spiritu erit verum Dei templum; sed etiam hæc, quod abominationem in illo vos faciatis. II. *Qui bovem maculat est ut qui hominem occidit*, id est, qui citra fidem offert sacrificium

ficiam, tantum peccat, quam is qui hominem occidit: qui pecudem caedit, *est ut is qui canem ingulat*; id est, qui pecus Deo sacrificat sine pietate, perinde agit, ac si illi canem immundum animal & lege sacrificari prohibitum, sacrificaret: *Offerens mincha, seu munus, offerit suillum sanguinem*; id est, offerens sacrificium farinaceum sine fide, tam peccat quam qui suillum sanguinem offerret: *qui thuris meminit, vel qui thus adolet, tem vultum laudat*; vel ut qui benedicit iniquitatem; id est, offert pro munere pecuniam rapto comparatam: *& ista elegerunt isti in viis suis, & animus eorum istis abominandis rebus delectatus est*. III. *Qui mactat tantum, calet virum*: qui sacrificat pecudem, devertit eam: qui offert oblationem, sanguinem suis: qui commemorat thus, benedicit violentie: immo hae elegerunt in viis suis, & in abominationibus suis anima ipsorum compluit. Ac si dicat: Sacrificia lege praescripta, citra fidem ac pietatem ab istis hypocritis immolata, nedum non grata erant Deo, sed non abieci & contrario animo ac trepidante ad verba Dei, ut cap. I. II. & sequentibus, & cap. LXVI. ac si perceret virum; id est, homicidium perpetraret; quasi dicit: Non magis mihi acceptus est, quam qui scelerate eadem perpetrat contra legem: *qui mactat parvam pecudem, ac si devotus canem*, id est animal inquam sacrificiis, synecdoehice: qui offert munus, ac si sanguinem porci: nam utroque interdicitur lege, sanguine & sue: cum munera e simitu, oleo, & vino, non autem ex sanguine fierent, Levit. II. sus vero neque in publico Dei cultu, neque in privato usu permittit esset, Levitic. XI. 7. *qui adolet thus ac si benedictionem offerret vocatit, seu muneretur idolam*: etiam isti eligunt vias suas, non autem insunt iis quas ego elegi; & abominationibus suis anima eorum delectatur. INOLO. Heb. concupiscentia: sed *מן ארצה*, sepe in Scriptura sumi pro idolis & cultu idololatrico, non semel annotavimus: vide supra cap. XL. 29.

V. 4. UNDE ET EGO ELIGAM ILLUSIONES EORUM. De voce תעללים *tecalulum*, vide supra cap. III. 4. Varie hic exponunt: I. Forerius: Ego quoque eligam cogitatio-

nes eorum; id est, illas ipsorum cogitationes, sollicitudines, curas, augores, quos illi formidant, accurate in illos adducam; ut illud Evangelii: *Venient Romani, & tollent nostrum locum & gentem*. Leo Iudas: *Unde & ego eligam illusiones illorum, superbita eorum flagitia*; id est, ex eorum operibus perditis eligam pessima; de quibus sumam poenas. III. Tremellius, & Iunius: *Etiā ego eligam propter facinora eorum*; id est, delectum habeo, & exquisitas poenas immittam eis. IV. Aben-Ezra: *Occasiones eorum*; id est, quae calura sunt in eos velventura illis. V. Kimchi: *corrupta opera eorum*. VI. Hispanicus Interpres: *Tambien yo escogere sus escarnios*. VII. Avenarius: *in prava studia eorum*. VIII. Marinus: *in puerilia eorum*. IX. Buxtorfius: *in ludificationes eorum*. X. Schindlerus: *in iniurias eorum*. XI. Vatablus: *in adulationes eorum*. XII. Forsterus & Mercerus: *in ludicia eorum*. Hispanice: *eu sus barlas y reyes*, qui de rebus Dei ludos faciunt. ET QUAE TIMEBANT. מִגִּדְּרֹתֵינוּ *meghurotham*, contractions, peregrinationes animi, timores, metus, pavores, formidines, eorum: vide in Psal. XXXIII. 5. & Proverb. X. 24. ET QUAE VOLUI ELEGERUNT. Alii: *& id quod non delector, elegerunt*: ut supra cap. LXV. 12.

V. 5. AUDITE VERBUM DOMINI QUI TREMITIS AD VERBUM EIUS. Alii: I. *Audite verbum Iehove, qui ad sermoneum eius reverentia quadam contremiscitis*. II. *Audite verbum Iehove, qui trepidatis ad verbum eius*. Secunda pars capitis, proposito ad reliquias Iudaeorum Sanctas, ut observavimus in vers. 1. DIXERUNT FRATRES VESTRI, QUIENTES VOS. Alii: *dicunt fratres vestri, oses vestri*; id est, qui in propatulo Iudaei sunt secundum litteram & carnem, sed revera Iudaici germanis inimici. ET ABICIENTES VOS. Alii I. *& qui vos expellant*. II. *abominantes vos*. III. *elongantes vos*. IV. *procul arcuentes vos*: ut supra cap. LXV. 5. V. *separantes vos*. Notant verbum נידדא *niddah*, in Pihel ex nomine suo verbali, *niddah*, proprie significare, *removere, & avertere quippiam tamquam immundum & pollutum*, cum indignatione & detestatione terra tamquam excreandam a se cum gestu abominantis amoliri; unde reddunt: *removescentes, vel remove-nt vos propter nomen meum*. Forsterus anno-

tat: ann-

tat: *Christus hanc prophetæ prædictionem suis discipulis renovans Ioann. xvi. 2. ait sane Ioannes ipse veritus veritatis, ὁ ἀκούων τῆς ψαῆς*, Alienos a synagoga facient vos. *Sic cap. ix. 22. Iam enim conspiraverant Iudæi, ut si quis confiteretur eum esse Christum, apolynagogus, extra synagogam esset, & cap. xii. 42. Verumtamen ex principibus multi crediderunt in eum: sed propter Phariseos non confitebantur, ne e synagoga eicerentur, &c. Quamquam hoc Græcum non satis exprimat Hebraicæ vocis significationem.* Hæc Forsterus, quæ quoque imitati sunt Forerius & Mercerus. Et sane Hebræi נִדְּחוּ *niddui*, inter excommunicationum genera recentem, quam ipsi *remotionem, profigationem, proserptionem, relegationem, expulsionem, sationem* m interpretantur: vide Eliam in Thilbi, pag. 110. & 271. Unde hic reddimus: *odientes vos, removeantes, separantes, expellentes, profugantes, excommunicantes vos, vel absentes facientes vos.* Non dubitaverim ad hunc locum Isaie respexisse, ex coque verba de-iumpsisse Christum Lucæ vi. 22. *Beati eritis cum vos oderint homines, & cum separaverint vos, & exprobraverint, & eiecerint nomen vestrum tanquam malum, propter filium hominis.* PROPTER NOMEN MEUM; id est, propterea quod me honoratis. Alii ex accentibus Hebraicis iungunt sequentibus: *propter nomen meum honoratur Iehova.* Fastuosorum hypocritarum verba, qui Deum inglorium & inhonoratum fore iactant, nisi ab ipsis coleretur; aliorum cultum præ suo nihili faciunt, & Deum perinde sibi obstrictum putant, ac si in ære ipsorum esset, & ipsorum nomine coleretur. Hæc autem ita fuisse accipienda, clare docent distinctiones Hebraicæ. Sed enallage numeri non satis apte huic sententiam admittit. GLORIFICETUR DOMINUS, ET VIDEBIMUS IN LAETITIA VESTRA. Hæc tantum verba volunt esse Iudeorum hypocritarum. Quidam exponunt: *Gloriosus appareat Iehova ut videamus gaudium vestrum.* Ironia est infidelium Iudæorum; scilicet: Ostendat se Iehova gloriosum liberando, & beando vos, & videamus materiam amplam gaudii vestri, id est liberationem, quam toties Iehova vobis pollicetur est; quasi dicat: Liberet vos Iehova, & inter vos regnet, & nos admirabimur felicitatem vestram, & congaudebimus vobis de bono ac gaudio vestro. Sed

nihil minus fiet. Verum quia verbum נִדְּחוּ *cabad*, in Kal agere reperitur in significatione gloriæ, plerique Hebraeorum reddunt: *Aggravabitur, vel gravis erit Iehova;* scilicet, gravis, ponderosa, molesta erunt verba, seu præcepta, seu supplicia eius: ut hæc sint dumtaxat verba hypocritarum, cetera vero huius versus, sint prophetæ. ET VIDEBIMUS IN LAETITIA VESTRA: IPSI AUTEM CONFUNDENTUR. נִדְּחוּ אִתְּכֶם, potest esse futurum plurale Kal: & *videbimus*: & præteritum singulare Niphal: & *videbitur, conspicietur, apparebit.* Quidam reddunt: *sed videbitur, manifestus erit, in laetitia vestra, cum illi pudescent;* id est, manifestabitur Iehova in felicitate vestra, o pite reliquæ, cum illi hostes vestri ac perduelles supplicis contumeliantur. Alii: *sed videbimus latium vestram, cum isti erubescant.* Nimirum videbimus ego, & vos, o pii omnes, cum Deus gloriam suam explicaverit illustratione Evangelii ad lætitiā vestram, & totius Ecclesiæ, de qua infra vers. 10.

V. 6. VOX POPULI DE CIVITATE. Heb. *Vox obturbationis, ruine, irruptionis, sonitus, strepitus, tumultus, fremitus, fassoris, ex urbe.* Quidam hunc versum ex Heb. reddunt: *Voce tumultuosa e civitate, voce a templo, voce Iehova, rependente retributionem inimicis suis.* Exponunt: *voce tumultuosa, &c. id est Evangelio, ad cuius audicionem quasi tumultus invadentis, turbatur mundus (ut Matth. ii 3.) quia prædicatio illius in iis qui perunt, est odor mortis ad mortem: postquam Deus huius sæculi cæcavit eorum mentes, ne irradiet eos lumen Evangelii gloriæ Christi.* II. Corinth. ii. 16. & iv. 4. Atque hæc iungenda sunt superioribus: *cum isti erubescant voce Evangelii insensante ex omni loco, &c.*

V. 7. ANTEQUAM PARTURIRET, PERPERIT: &c. I hunc versum alii ex Heb. reddunt: *Cum nondum, vel priusquam, parturiret, peperit; cum non incideret dolor eam, iam posuerit novam.* Secundus locus propositio-nis de gignendis ministris Ecclesiæ liberis, ut supra cap. xlix. 18. & sequentibus, & cap. ix. 4. Erit (inquit Deus) hic Ecclesiæ parvis lingue gloriosior, & admirabilior quam Hebræarum in Aegypto, Exod. i. 10. Atque descriptio huius versus, subitam, celerem & mirabilem rationem pariendi, sine

hunc ope humana & externa, sola gratia regenerationis ex semine inextincto verbi significat: quam sequentia magis explicant. PARTUS EIUS. יָרֵי *chebel*, *juns*, id est dolor gravissimus, qualis est parturientium; qui hominem מֵאֵל *hunc* artissime constituit: ut supra cap. VII. 8. PEPERIT MAS- CULUM. הֵמְלִיחַ *himlichah*. Varie exponunt: posuit, exclusit, enixa est, edidit, proiecit, fecit evadere, salvum enixa est marem: ut supra cap. XXXIV. 15. Sed in futuro reddendum: & eripiet, salvum evadere faciet, vel salvum pariet masculum. Nam est *Vau* conversivum.

V. 8. QUIS AUDIVITUMQUAM TALE? &c. Quidam reddunt: *Quis audivit rem huiusmodi, quis vidit talia*, &c. Exaggeratio ministerii operis Dei in genitura Ecclesie, per comparisonem geniturae naturalis & ordinariae. NUMQUID PARTUR. ET TERRA IN DIE UNA? חֹל יוֹם *inchal*, est futurum Hophil verbi חָל *Chul*. Varie interpretantur: I. num terra condita est uno die? II. num parietur, seu paria est terra die una? III. num formata est, vel genita est terra die uno? IV. num dolore parabitur terra die uno? V. an ejiceretur ut pariat terra, id est populus, metonymice, die uno? Aliene Forerius: *nunquid proficietur terra in die uno?* אֶחָד *chalad*; id est, nixu & partu rumpetur in filios? QUA PARTURUIT ET PEPERIT SION FILIOS SUOS? Alii: *quod parturit, simulque parit Zion filios suos?* id est Ecclesia.

V. 9. NUMQUID EGO, QUI ALIOS PARERE FACIO, IPSE NON PARIAM? Varie ex Heb. elucidant: I. Num ego mulierem venire faciam ad partum, & non parere faciam? II. Num ego contererem, & non facerem parere? III. Egone qui ad partum perduco, non facerem parere? IV. Num ego efringerem matricem, & non facerem parere? V. Num ego tormina parientis afferrem, nec parere facerem? VI. An ego frangere faciam, id est parere faciam, quod in partu corpus parientis frangatur, & non gignam? VII. An ego fracturam fieri sinam, seu faciam, & non gignam, seu gignere faciam? VIII. An ego aperirem os matricis, & non gignem? Subiectio ad interrogationem praecedentem, qua Deus totum geniturae opus in Ecclesia sibi arrogat, & porro facturum pollicetur, per comparisonem geniturae naturalis: Ego, anquit, qui alius sum gignendi auctor, an

Bib. Sac. Tom. XVII.

non ipse gignerem nunc & in saeculum arbitratu meo? Notant verbum שָׁכַר *sehar*, in Hiphil, hic mutuari suam significationem a nomine שָׁכַר *maschib*, quod radiceis, quod contractionem matricis exponunt, II. Reg. XIX. 3. quasi sit, *facere confringere matricem*; id est, tormina parturientis afferre. STERILIS ERO? Alii ex Heb. & claudar, oclcludar, cohibebor, detinebor, concludar, coercor: Fortiter: ego prevalescerem? hoc est, impedire. Tremellius, & Iunius: *amplius oclcluderem?* id est, deinceps non propagarem Ecclesiam, committendo ei semen inextinctum verbi?

V. 10. LAETAMINI CUM IERUSALEM. &c. Alii: *cum urbe Ierusalaimorum*. Tertium conionis caput, ad Iudeos & gentes amicas Ecclesie, quae prius fuerant illi inimicae, ut diximus in vers. 1. continens hortationem duobus versibus, & xilogiam tribus aliis. UNIVERSI, QUI LUGETIS SUPER EAM. Alii: *quicumque lugebatis de ea*, id est pie Iudeorum reliquiae, (nam in praecedente membro, *amantes eam*, intelligit gentes amicas) luges & bene cupientes Ecclesie: siquidem ex his duobus coagulata est Ecclesia Christi: ac propterea lectionem sui finit: proponunt hysseron: propterea, sequente versu.

V. 11. UT SUGATIS, ET REPLEAMINI, &c. Alii hunc versum exponunt: *ut sugatis, & saturamini ubere consolationum eius*, nimirum vos, qui lugebatis de ea: hoc ad reliquias pertinet: *ut exprimat* & *delicias agatis a splendore gloriae eius*. Hoc ad gentes amicas Ecclesie spectat. UT MULGEATIS. Hebr. est futurum, *emungetis, emulgetis, exsugatis, extrahetis, elicietis, exprimetis*. ET DELICIIS AFFLUATIS. Alii: *delicias agatis, deliciemini, delectemini, valedicemini*. Forsterus: *& delicate pascatis vos*. Forerius: *& deliciis vosmetipsos ingurgitetis, vel vosmetipsos deliciis affluentes reddatis*. Verbum ex Hitphal significatum intendit: *& delicias vos infusetis*; id est, uberrime deliciis abundetis & fruamini. AB OMNIMODO GLORIA EIUS. Alii: *a splendore gloriae eius*. Forsterus: *de universitate gloriae eius*, id est de gloria universa eius, vel *ab immensa gloria eius*. A venarius: *a copia gloriae eius*. Sed de voce נִרְצָה, abunde diximus in Plal. XLIX. 11.

V. 12. QUA HAEC DICIT DOM. NUS: ECCE EGO DECLINABO SUPER EAM QUA-

Cccc

51

SE FLUVIUM PACIS, &c. Alii: Nam ita ait Iehova: Ecce ego extensus sum ad eam tamquam fluvium pacem, &c. AEtiologia, ab amplissimis Dei promissionibus erga Ecclesiam, & omnes amantes eius. Tamquam fluvium pacem: vide supra cap. XLVII. 18. AD UBERA PORTABIMINI, ET SUPER GENUA BLANDIENTUR VOBIS. Heb. ad latus levabimini, & super genua oblectabimini. Vatablus: & super genua ad gaudium: & lusu provocabimini, ut scilicet infantes. Sanctes: risu efficiemini & lusu. Forsterus: in latere portabimini, & super genubus excipiemini amanter; blande, cum gestu voluptatis & oblectationis applicabimini: vide supra cap. XLIX. 22. & cap. LX. 4.

V. 13. QUOMODO SE CUM MATER BLANDIATUR, &c. Alii ex Heb. I. Ut quispiam, quem mater sua consolatur, sic ego consolatus sum vos, & in Ierusalaimis consolatione perfundemini. II. Perinde enim atque mater sua quempiam consolatur, sic ego vos consolabor, & in Ierusalaimis consolationem accipietis. Nam verbum est ex Pnhah.

V. 14. ET OSSA VESTRA QUASI HERBA GERMINABUNT. Alii ex Heb. I. & ossa vestra ut gramen virebunt. II. & ossa vestra ut herba tenera resfloreant; id est, vos, qui tam milere prostrata & sepulta malis Ecclesia iacetis velut arida, putridaque ossa per terram, divinitus instaurabimini, ut Ezechiel. XXXVII. ET COGNOSCETUR MANUS DOMINI, &c. Alii: & agnosceatur manus Iehovae erga servos suos, & indignatio contra inimicos suos. Transito ad narrationem sequentem propositis duabus illis partibus, nempe beneficentia erga suos, & ira in hostes, quae deinde per hysterosin explicatur.

V. 15. QUA ECCE DOMINUS, &c. Alii: Nam ecce Iehova, &c. Ultima pars concionis, ut dictum est in vers. 1. narratio operum Dei in Ecclesia, quorum unum est indignatio contra hypocritas, tribus versibus; alterum est Ecclesiae multiplicatio & dignitas, in sequentibus. In igne VENIET. Alii: cum igne venturus est. Cuius meminit Ioannes Matthaei tit. 12. Sic perstringitur allegorice vehementia, celeritas, & gloria iudiciorum Dei, hoc & sequente versu. REDDERE IN INDIGNATIONE FUREM SUUM, &c. Alii: I. ad reddendum cum favore iram suam. II. ad reddendum

cum exandescencia iram suam, & increpationem suam cum flammis ardentibus: vide supra cap. XLII. 25. III. ut verat indignationem suam in iram, & increpationem suam in flammam ignis; vel ardentem; id est, ut gravissime irascatur, & gravius puniat. IV. Forerius: ad efflandum in ardore nasi sui. לחשׁיב lehaschib, deduxit a נשׁחב nashchab, cum potius alii שׁחב schab, & חמה chemah, ardor, non est in regimine.

V. 16. QUA IN IGNE DOMINUS DITUDICABIT. נשׁפח nischphat, potius videtur participium Niphah, quam praeteritum. Quoniam in igne Iehovae iudicio contendens. Quidam reddunt: Iehova enim igne discipulatus est, & gladio suo contra omnem carnem. ET MULTIPLICABUNTUR INTERFECTI A DOMINO. Alii: & multiplicabuntur, seu multi erunt, confossi Iehovae; id est, infiniti erunt, quos Deus conficiet suo potente verbo, & spiritu oris sui. INTERFECTI. Heb. violati, lesi, vulnerati, perfolli, saucii: nonnulli intelligunt eos, qui impeerunt & offenderunt in Evangelium, quod ipsis fuit petra scandali & ruinæ; vel intelligit hostes Evangelii, quos Deus innumeros delebit.

V. 17. QUI SANCTIFICABANTUR, ET MUNDOS SE PUTABANT IN HORTIS. Alii: Qui sanctificant se, & qui mundant se in hortis. Explicatio hostium, quos confossurus est Dominus: nimirum qui cultum divinum idolis exhibent, & vitam constituunt contra legem. IN HORTIS. Heb. ad, apud hortos: de quibus supra cap. 1. 29. & cap. LXV. 3. POST TANUAM INTRINSECUS. Contendent aliqui non sine valida coniectura, nostrum Interpretem scripsisse unam, deinde ab osecantibus irrepisse ianuam. Diversimode alii exponunt Hebraea: I. post una in medio; id est, post unam insignem & precipuam ac peculiarem piscinam, quae est in medio horti. Heb. in margine legitur אחד אחד achab, unum; at in contextu אחד achab, unum; id est, post unum peculiarem & insignem fontem; quasi dicat: Pone singularem & insignem cisternam, aut fontem, qui erat in medio horti, sanctificabant se, & mundabant, hoc est lustrabant. II. Forerius: alienus unus in medio, id est posito in medio horti alieno quopiam externo & falso deo; cui sacra faciunt. Sed tunc non אחד achab, sed acher dicendum fuisset. III. Tremellius, & Iu-

ritus: *post unum in medio ipso*; id est, sequentes alter alterum palam. IV. *unus post unum in medio*; id est, tres ordine sui, quibus conferuntur porcus, abominatio, & mus. Videtur peculiaris fuisse ritus idololatriæ. Observabis paronomasiam, *achar, achar*, *post unum*: quibus gaudere solet Propheta. Hispanicus Interpres prius hemistichium huius versus ita reddidit: *Losque se sanctifican ey losque la purifican en los huertos*; id est, *en los bosques o feros plantados para la idolatria, despues de uno en medio*, id est *por orden, unos tras de otros*: ut ad hortos seu arbores, & ad homines referri possit. SIMUL CONSUMENTUR. Heb. *pariter deficient, desinent, finient, interibunt*.

V. 18. EGO AUTEM OPERAEORUM &c. Hunc versum varie ex Heb. explanant: I. *Ego autem ero cum operibus eorum, & cogitationibus eorum* quando erit tempus veniens, ut congregem omnes gentes & linguas: *venientes & videbunt gloriam meam*; quasi dicat, Opportune in improbos hypocritas ostendam gloriam iudiciorum meorum. II. *Ego autem novi opera eorum, & cogitationes eorum, venit tempus ut congregem, &c.* III. Tremellius, & Iunius sententiam huius versus sequente absolviunt: *De me autem*; id est, quod ad me attinet. Altera pars narrationis, de operibus Dei erga servos suos, ut diximus in vers. 14. & 15. in quibus numerantur ista, vocatio gentium in Ecclesiæ ministerio sanctorum reliquiarum ex Iudæis, tribus versibus; communis & æqua illorum dignitas in ministerio Dei, tribus alteris; & Ecclesiæ totius de hostibus triumphus, versu ultimo: *cum factorum horum*, vel *erga hos*, *cogitationumque horum*, sive *erga hos quique advenies*, congregando omnes gentes, & linguas, *que venientes visura sunt gloriam meam*: id est, cum plenitudo temporum advenerit, quæ effecturus sum ea quæ cogitavi & statui in consilio meo, & vocaturus gentes in Ecclesiæ: *Ponam in his signum, &c.* V. 20. *בְּנֵי בְרָחַב* *brach*, est proculdubio participium temineum, *veniens*, nec ad Deum Heb. referri omnino apte posse videtur; plerique ad tempus, quod subaudiunt, vel ad unamquamque cogitationum referunt. Noller, vel *בְּנֵי לֵא* *la*, legit sine *He*, vel Spiritum sanctum venientem intellexit, qui Hebræis seminei generis est.

V. 19. ET PONAM IN ESSIONUM. EX-

ponunt, Crucis; id est, prius prædicabitur eis remissio peccatorum per crucem & mortem Christi. Alii, ad illud Act. 11. 2. referunt: *Factus est repente de cælo sonus tanquam adveniens spiritus vehementis, &c.* cum Spiritus sanctus in signo venti & ignis effusus est in discipulos. Tremellius, & Iunius: *Ponam in his signum*; id est, signabo servos meos intus virtute spiritus, & administrationem ipsorum signis fidei confirmabo. Marc. xvi. 17. & 20. ET MITTAM EX EIS QUI SALVATI FUERINT, AD GENTES. Heb. *Mittam ex eis evasores ad gentes*, vel *Mittam ex his, qui evaserint, ad gentes*; id est, Iudæorum reliquias, nempe apostolos, & discipulos Domini, qui ex Iudaismo ad Ecclesiæ evaserint, mittam ad adducendas gentes ad Evangelium. Non tam recte alii active: *mittam ex eis evadere facientes*, vel *qui salvent & evadere faciant*, & auctores sint evasionis. IN MARE: *Tharsis: in Oceanum*, vel *in mare magnum clatum*; aut in *Indium*, vel in *Cilicium*. Omnia enim hæc sunt vocis Tharsis. Vide Librum VI. de Antichristo, cap. xxix. §. 1. & 2. Tremellius, & Iunius: *in Oceanum*; id est, mari æque ac terra ad Evangelium provocabo, ut exempli gratia nationes aliquot deinde nominantur. IN AFRICAM. Heb. *פְּלִי פְּהִל* *S. Hieronymus: Phut autem, sive Phul, Libyes, omnisque Africa usque ad mare Mauritanie, in qua fluxus hodie, qui Phut dicitur, & cuncta circa eam regio Phutensis appellatur*. Videtur existimasse idem omnino esse Phul, & Phut, de quo Genes. x. 6. Vide ibi eundem S. Hieronymum in Questionibus Hebræicis. Tremellius, & Iunius annotant: *Phul, id est, Cyrenas sive Pentapolim, & ulteriorem Africam, ubi regnavit Aphulla ab Agathocle Siculo circumventus, corrupte Ophellas appellatus apud Iulium Lib. XXII. Potuit dici Aphulla a Phul regi: nec regio Phul ab Aphulla dici non potuit ab Haisa nili per vaticinium: nam aliquot annorum centenariis Haisa tempora Agathocle & Ophelle antecessit. ET LYDIAM. Heb. *לִידִי* *lud*. Vide in Genes. x. 22. TENDENTIS SAGITTAM. *יִמְשֶׁכֶּה יִמְשֶׁכֶּה* *mosheche, נֶשֶׁךְ* *kechech*, *trahentes arcus*. Quidam hanc partem separant de Lydis, & ad trahentes arcus, id est ad Traces, seu Turcas, aut potius Cuppadoces, vel *Mosetoritas*; qui mirifici sunt trahentes arcuum, referunt. Sed præstat cum*

Nostro, aliisque cum Lydis coniungere: qui tamen si a sagittandi peritia non commendentur ab Herodoto, commendantur tamen a Ieremia XLVI. 9. IN ITALIAM. Heb. תיבאל. *Thibal*. Vide in Genf. x. 2. ET GRÆCIAM. Heb. ין יאון. vide ibidem.

V. 20. FRATRES VESTROS. Non quidem genitos secundum carnem, ut supra. verum. sed. 2. Deo genitos spiritu per fidem & semen incorruptum verbi. ET IN LECTICIS. צבצב. *tzabzim*, proprie. & in tumulis, id est vehiculis tumidis, planstris seu curribus oblectis, tumbatis, in modum tumbarum concameratis. Quidam reddunt, in curribus cameratis alii, in tumbis: nonnulli, in pilentis. Vide in Numeror. VII. 3. ET IN CARRUCIS. כרכור. *chircaroth*, voce consentiente plenique cum Nostro Carrucas interpretantur. Quidam. Hebræorum, camelos præstantissimos, vel animalia velocia. Fortiter, equos saltantes, proportionem stipulae incidentes, seu gradarios. Tremellius, Iunius, Buxtorfius, veredarios. Nos, desultorios, quod propius accedit ad notionem Radicis. Equos gradarios exponit Vatablus.

V. 21. EX EIS: vel ex istis, fratribus vestris spiritu, de quibus ante; videlicet ex genitibus, quæ in munus oblatæ fuerint: Iehova.

V. 22. QUIA SICUT CAELI NOVI, ET TERRA, &c. Aliqui hunc versum reddunt: Nam quemadmodum celi illi novi. & terra ipsa nova, de quibus supra. cap. LXV. 17. quam ego sacellus sum, constituta sunt coram me, ac proinde ministratera mihi in sæculum ad bonum Ecclesie; dictum Iehova: ita constitutum est semen vestrum, & nomen vestrum, coram me, ut mihi iugiter in Ecclesia ministrarent. Alii hæc ad extremum Iudicii diem referunt, quo & celi & terra recreabuntur: II. Petri, III. 12. & 13. ita semen Christianum & nomen Christianum per resurrectionem gloriose innovati vivent in æternum: Sed prior sensus est aptior.

V. 23. ET ERIT MENSIS EX MENSE, ET SABBATUM EX SABBATO, &c. Alii ex Heb. I. Et erit a mense in mensem eius; & a sabbato in sabbatum eius; &c. id est. Ab initio unius mensis usque ad initium sequentis, & ab initio hebdomadæ usque ad initium hebdomadæ proximæ, scilicet id est

totis & plenis mensibus & hebdomadibus; quasi dicat: Assidue, continenter, perpetuo tempore electi mei, qui præditi sunt corde carneo & non lapideo, dabunt operam ut me colant in spiritu & veritate. II. Eritque de novilunio in novilunium alterum, & de sabbato in sabbatum alterum, ut veniat omnis caro ad incurvandum se coram me, ait Iehova; id est, Ecclesia indefinenter colet me, non autem anniversariis ritibus ex veteri lege. Vide in Hamos VII. 5. III. Et erunt perpetua neomonia, & perpetua sabbata, id est perpetua festa in Ecclesia, &c. IV. Et erit exuberantia mensis in mense suo, & exuberantia sabbati in sabbato suo; id est, tanta erit rerum omnium copia & redundantia, ut non solum anno, sed nec mensi, nec diei cuius quidquam desit. Heb. de sufficientia mensis in mense suo, & de sufficientia sabbati in sabbato suo; id est, de sufficiente, pleno, integro mense cum mense suo sequente, &c. id est, singulis quibusque mensibus, & singulis hebdomadibus, non ut olim ter in anno, sed iugiter Christiani colent Deum. VENIET OMNIS CARO. Id est, summo studio adorabit & colet Deum. Nam veniendi verbum studium & curam importat, quod qui cupiunt a nobis aliquid fieri, sæpe ad nos veniant.

V. 24. ET EGREDIENTUR, ET VIDEBUNT CADAVERA, &c. Triumphus Ecclesie de prostratis & interfectis hostibus. Alii hunc versum referunt ad suprema supplicia improborum in die iudicii, quæ prius omnes palam cernent. VERMIS EORUM NON MORIETUR. Vel est allegoria a cadaveribus corruptis & putrefactis, quibus perpetui insunt vermes; vel de verme seu cruciatu conscientie damnatorum in inferno accipiendum, ut Marci IX. 45. ET IGNIS EORUM NON EXTINGUETUR. Aut est allegoria a bello, ubi ferro & igni grassatur in hostes: vel de vero igne gehennæ, quo improbi in æternum puniuntur, intelligendum ut eodem Marci loco. ET ERUNT USQUE AD SATIETATEM VISIONIS OMNI CARNI. Aptè. דרשון. *derashon*, composuisse videtur ex דני, *sufficientia*, *exuberantia*, & ראב, *vidit*, ut etiam Chaldaus Interpretes. Varii tamen alii. Sanctus ex Hebræis: דרשון, *contentus*, *abominatio*, *reprobatio*. פורסער, *Merces*, *Marinus*, *Schindlerus*, *Tortorius*, *despectio*, *abominatio*.

no, fastidium. Tremellius, Iunius, Buxtorfius: *fastidium, nausea.* Avenarius: *Devaon, diritas, inmanitas, obnuntiatio, dirarum execratio, & imprecatio dira & horrenda, item inferorum dira, seu furie quibus maleficia evagitantur, a verbo inusitato דירא, idest, diris devoti.* Cognationem habet cum דיר דabit, terruit calcando, & incendendo immunitur; item cum דיר dir, corrumpit: nam diris devoti torrebuntur igne inextinguibili. Sed hic passim putide aucupatur vocum aisonantias. Unde vertit: *Et erunt in diritatem omni carni.* Alii: *eruntque fastidio, nausea omni carni,* scilicet ob multitudinem vermium, qui in illis erant, & ob factorem.

Valentis 10. Iulii, in die S. Christophori, 1527. ætatis meæ 62. cum tamen opes intermedium essent quatuor menses integros, ob iter Calataugustanum, & alias occupationes.

MENOCHII.

Verf. 1. **H**AEC DICIT DOMINUS, &c. Reclitit Deus Iudæorum templum, & victimas, tum quod ipsi se vocantem spreverint, minaturque eis confusionem, & cladem. CAELUM SEDES MEA, &c. quasi dicat: Putatis me admodum delectari vestro templo, in quo pro sede habeo alas Cherubim, & propitiatorium pro scabellum pedum. Vestra opinio vos fallit; nam Sionem vestram, & templum vestrum non deperco: Caelum enim ipsum mihi sedes est, & terra scabellum pedum meorum. QUAE EST ISTA DOMUS, &c. si cum caelo, & terra conficitur?

V. 2. OMNIA PAEC, &c. quasi dicat: Vestro templo non indigeo, sum enim omnium Dominus. Simile est illud Psalm. XLIX. 9. *Non accipiam de domo tua vitulos, neque de gregibus tuis bircos, quoniam mea sunt omnes fœra silvarum, iumenta in montibus & boves,* &c. AD QUEM RESPICIAM: quo ergo delectabor? quem amabo? quem fovebo? PAUPERCULUM, ET CONTRITUM SPIRITU. LXX. habent, *Humilem, & quictum.* TREMENTEM: valde reverentem.

V. 3. QUI IMMOLAT BOVEM, &c. Affererat Deus de delectari sacrificia Iudæorum, eaque comparat homicidio, mactationi canis, oblationi sanguinis fuilli, & idololatric. Ideo vero hæc delectabatur,

Bib. Sac. Tom. XVII.

quia omnem pietatem in cultu exteriori sacrificiorum ponebant, interimque legem violabant, & rapinis, libidinibus, autque sceleribus vacabant. Vide supra cap. I. 11. Ita etiam loquitur de victimis Molais, quia respicit ad tempora Christi, quando hæc sacrificia abolita sunt, immo facta mortifera. QUASI QUI EXCEREBRET CANEM. Pagnin. vertit, *Ac si decervicasset canem,* id est cervicem amputasset. LXX. habent: *Quasi qui occidat canem.* RECORDATUR: recordando offert, & adolet; vel quasi dicat: Qui in mei memoriam, seu accepti beneficii, thus offert. QUASI QUI BENEDICAT IDOLO: execror, ac si illa adoleret idolo. HÆC OMNIA: mihi scilicet ingrata, eligunt, usurpant, & illis placent. LXX. habent, *& ipsi elegerunt vias suas.*

V. 4. ELIGAM ILLUSIONES EORUM, id est poenam peccati huius, ut scilicet capiantur, credantur, & illis illudatur a Romanis.

V. 5. QUI TREMITIS, &c. qui reverentini verbum Dei, eius iussa, & minas. PROPTER NOMEN MEUM: ob fidem Christi. GLOZIFICETUR DOMINUS, &c. id est ostendat Christus gloriam suam, resurgendo, & alia miracula patrando, ut lætetur, & nos videamus lætitiarum vestram, & eius gloriam: sunt verba infidelium Iudæorum irrisorie dicta. IPSI AUTEM CONFUNDENTUR: impii nimirum Iudæi ita loquentes.

V. 6. VOX POPULI DE CIVITATE; quasi dicat: Iam videor mihi audire vocem populi de civitate percussæ, & ululantis propter obsidionem Romanorum. VOX DE TEMPO: Angelorum clamantium, *Migremus hinc.* VOX DOMINI: per Prophetas, & per alios clamantis. Vide Iosephum Iudæum Lib. VII. de bello Iudæico cap. XII. RETRIBUTIIONEM: poenam sceleribus debitam.

V. 7. ANTEQUAM PARTURIRET, &c. Predicit partum, & sobolem numerosam Ecclesie, cui promittit ubera consolationis, pacem, delicias, & gloriam gentium. ANTEQUAM PARTURIRET, PEREPIT; id est, Ecclesia Christi subito, sine longo ministerio, cruciatus, & labore, qualis est parturientium, per Apostolos, qui ex Sion prodierunt, Christianos plurimos per totum orbem pariet Christo, illo tempore, quo

Cccc 3

Iu-

Judaei eorum irrisores cadentur a Romanis. **PEPERIT MASCULUM**: viros egregios, & mascula virtute, quales fuer. martyres Christi.

V. 8. QUIS AUDIUIT UMQUAM TALE, &c. Sententia est: Magnum hoc est miraculum, & supra vires naturae, ut tam cito, tam multa succreverit soboles, namque naturaliter sunt sensim sunt, & in tempore. **QUIA PARTURIVIT**, &c. quasi dicat: Sion autem, hoc est, Ecclesia simul, & quasi eodem puncto temporis plurimos peperit.

V. 9. NUMQUID EGO, &c. quasi dicat: Haec tam subita generatio, & multiplicatio Christianorum. non fiet naturali vi, sed mea divina: ego enim. qui alios parere facio, maxima, & infinita pariendi vi praeditus sum, ac proinde in puncto temporis infinitos ecclesiae filios generare possum, & parere.

V. 10. LAETAMINI CUM IERUSALEM, id est cum Ecclesia, propter eius gloriam, & propagationem.

V. 11. UT SUGATIS, id est. & fugite, vel, & sugatis, id est participes eritis.

V. 12. FLUVIUM PACIS: pacem exuberantem, & bonorum omnium affluentiam. **GLORIAM GENTIUM**: quas ad Ecclesiam, cum suis opibus, & potentia, adducam. **AD UBERA PORTABIMINI**, &c. Alloquitur fideles, qui omni genere deliciarum affluunt, absque molestia & labore, immo cum maxima voluptate, qualem experiuntur infantes, cum securi portantur in sinu matrum, aut nutricum, aut cum illis sedentibus, & ipsi super genua earum moliter sedent.

V. 14. OSSA VESTRA, QUAE HERBA GERMINABUNT. Symmachus habet, *floribunt*: quasi dicat: Tanta erit vestra laetitia, ut ossa vestra mœrores squalida, marcida, & quasi emortua, reviviscere, & reflorescere videantur. **COGNOSCETUR MANUS DOMINI**: Dei providentia, & cura in suos, & eiusdem virtus, & potentia. **INDIGNABITUR INIMICIIS SUIS**: tum Iudeos vastando per Romanos, tum eos, cunctosque impios damnando in die iudicii: ad eum enim transibit, ut patet. ex sequentibus.

V. 15. IN IGNE VENIET: intellige ignem conflagrationis mundi. De quo Psal. xcvi. 3. *Ignis ante ipsum praecedet*.

V. 16. QUADRIGAE FIUS. Per currus, & quadrigas metaphorice significatur maiestas victoris, & iudicii Dei. **REDDERE IN INDIGNATIONE FUREM SUUM**. LXX. habent, *Reddere in furore ultionem suam*. **INCREPATIONEM**: punitionem, ultionem.

V. 16. IN IGNE DOMINUS DIUDICABIT: tam dictum est significari ignem conflagrationis mundi. Potest etiam intelligi vis, potestas, zelus, & efficacia divinae vindictae. **ET IN GLADIO SUO AD OMNEM CARNEM**. Pagninus vertit, *Et gladius eius est cum omni carne*; id est, gladius ultionis eius depascetur omnem carnem, id est omnes homines. **MULTIPlicABUNTUR INTERFECTI A DOMINO**; quasi dicat: Christus multos, id est omnes reprobos interficiet, tradens in gehennam, & mortem æternam.

V. 17. QUI SANCTIFICABANTUR, &c. qui sanctificabant, & purificabant se in hortis, ablucendo se aquis expiatoriis, & sacrificando idolis. **POST IANUAM**. Symmach. & Theodotio habent, *unus post alium*. LXX. in *limitibus*. Post ianuam superstitioni operam dabant fortassis latebras captantes, & secessum, ita ut post ianuam idem sit quod clausus ianuis. Vel, post ianuam, qua in interiori parte aedis ad ianuam idolum statuiebant. Vide supra. lvi. 8. & ibi dicta. **ABOMINATIONEM**: cibos vetitos. **MUREM**. In Hebræo est *חֲבֵר* *habbar*, quæ vox etiam gloriam significat. Muris autem, seu gliris eius vetitus erat Iudeis Levit. xi. 29. Gliræ olim: ad mensas expetitos fuisse patet. ex Varrone. de re rustica Lib. III. cap. xv.

V. 18. EGO AUTEM OPERA EORUM: scilicet vidi, & cognovi. In Hebræo est, *ego autem ero cum operibus eorum*. **UT CONGREGEM**: ad iudicium in valle Iosaphat.

V. 19. ET PONAM IN EIS, &c. resilit hic Isaïas ab impiis ad pios, a secundo Christi adventu ad primum. **SICNUM**: intelligit charismata spiritus sancti, ut linguas igneas datas Apostolis in Pentecoste. his enim quasi Apostoli designati, profecti sunt in Africam, Lydiam, &c. **TENDENTES SAGITTAM**: vel. nectendum cum *perentes*, vel de Apostolis intelligendum, qui fuerunt quasi electi Dei sagittæ, ad penetranda corda mortalium vi prædicationis, & qui celerrime, ut sagittæ, ad varias mundi plagas volarunt.

V. 20.

TIRINI.

V. 20. DONUM DOMINO. Pro *donum* Heb. est *מנחה* *mincha*, id est *donum*, *oblatio*, *sacrificium*. Nobilissimum est, & Deo gratissimum *donum*, & *sacrificium*, si animæ ad ipsum adducantur, & convertantur. IN EQUIS, ET IN QUADRIGIS, &c. Allegoria eorum, quadrigarum, &c. significantur quævis auxilia, & solatia tum humana, tum Angelica, tum divina. Alludit ad Iudæos Babylone redeuntes in Iudæam; hi enim favente Cyro, commode, & exultantes redierunt in patriam.

V. 21. EX EIS: scilicet ex Christianis, qui ex gentilismo conversi fuerint ad fidem; olim enim alienigenæ sacerdotio fungi non poterant, immo ne omnes quidem Israelitæ, sed ii tantum, qui ex tribu Levi essent, & ex filiis, & nepotibus.

V. 22. QUIA SICUT CAELI, &c. Sententia est: Sicut caeli hi cum terra innovandi, in æternum perseverabunt, mihiq; servient; sic semen vestrum, o Apostoli, id est fideles a vobis Ecclesie aggregati. ET NOMEN VESTRUM: quo filii vestri gloriabuntur. Sic Hispani D. Iacobo gloriantur, Romanii SS. Petro, & Paulo, &c.

V. 23. ERIT MENSIS EX MENSE, &c. quasi dicat, Perpetue Neomeniæ & sabbatæ, id est festa. Ita est in Ecclesia militanti, in qua etiam profecti dies *Feria* appellantur. Idem verius erit in Ecclesia triumphanti. OMNIS CARO; omnes homines.

V. 24. EGREDIENTUR, ET VIDEBUNT CADAVERA, &c. SS. Hieronymus & Augustin. & alii passim, hæc referunt ad futurum sæculum; quasi dicat: Beati, mente & contemplatione, vel etiam localiter, si velint, egredientur de cælo, ut cominus intueantur damnatorum supplicia, quæ ipsi singulari Dei beneficio evaserunt, & in quæ hostes suos impios in æternum volutari videbunt. VERMIS EORUM NON MORIETUR: ut enim cadavera illa animata damnatorum æternum vivent in igne, ita vermes quibus cruciabantur. ET ERUNT USQUE AD SATIETATEM, &c. id est erunt sempiternum iustis spectaculum.

Vers. 1. QUAE EST ISTA DOMUS, QUAM EXULTAMUS a Chalædis, tum a Romanis, re *adificare* MIHI cupitis? quasi dicat: Vos o Iudæi, putatis me materiale Sionis vestrae templum deperire, meque illi quasi throno meo affixum esse, ut ab eo divelli nequeam: fallimini toto cælo. Ego enim sum spiritu infinitus & immensus: non capior, non adstringor, non delictor loco. Et si quando delictari volo, totum cælum mihi pro throno est, in quo maiestatem meam spectandam exhibeo: tota vero terra non est mihi nisi parvulum scabellum. Sed nosse vultis quo loco, quo throno, quo templo ego delecter? Spiritu peccatoris contrito, mihiq; subiecto & obediens: vel ut LXX. verunt, *humili & quietos* ita S. Hieronymus, Cyrillus, Ambrosius a, Procopius, Theodoretus & Gregorius b.

V. 3. QUI IMMOLAT BOVEM, QUASI QUI INTERFICIAT VERUM; quasi dicat: Ita detestor vestra sacrificia, ac si essent homicidia, victimæ caninæ, suillæ & idololatricæ, quæ vobis & mihi extremæ abominationi sunt. Causas dedi cap. 1. 11. Et hic mox unam subicit, nempe: HÆC sacrificia sua OMNIA non mihi oblectando vel honorando, sed suis sceleribus hoc pallio velandis ELEGERUNT, ipsi interim permanentes seseque oblectantes IN VITIIS suis pessimis ET ABOMINATIONIBUS extreme execrandis; ita petulantissime illudent mihi.

V. 4. UNDE ET EGO ELIGAM, non quæ ipsis oblectandis, sed quæ *illudendis* vicissim serviant, immittens eis Romanos, per quos illudantur, cadantur, exterminentur: ita S. Cyrillus & Procopius. Ad vos ergo solos me converto, qui ex impia hac Iudæorum facie conversi estis ad me, & ad Christum meum, ad vos inquam Apostolos & discipulos Christi.

V. 5. DIXERUNT FRATRES VESTRI, secundum carnem, Iudæi: in iudaismo obstinati: GLORIFICETUR DOMINO; id est, ostendat Christus vestre gloriæ & potentiam suam, nempe descendendo de cruce, resurgendo a mortuis, & alia miracula patrando: ut sic & vos lætmini, & nos vestram lætitiā videntes, una vobiscum læte-

temur; quasi dicat: Non est quod ab homine crucifixo & mortuo gaudium aliquod vel gloriam speretis: nihil ab eo nisi confusio, probum & moror vobis obveniet. Sed magno stabit sanionibus istis hic lusus. Non vos confundemini, sed ipsi CONFUNDENTUR: Christus enim resurgens factus manifestabit & toti orbi probabit suam gloriam, tum per se, tum per vos Apostolos suos. Per Titum vero ceterosque Romanos aeterna confusione & probro plectet sanionem istos. Atque ecce, sonat ex nunc in auribus meis

V. 6. VOX POPULI DE CIVITATE, percussit, ululantis & clamantis, ob adventum Romanorum, & urbis obidionem: vox item angelorum DE TEMPO, ex intimis adytis clamantium, *Migrenus hinc: e* denique vox DOMINI iubentis excindi Ierolimam, & sic REDLENTIS RETRIBUTIONEM, seu mercedem condignam perfidis & obstinatis Iudeis, INIMICIS suis: ita S. Hieronymus, Cyrillus, Theodoretus, Haymo & alii.

V. 7. ANTEQUAM vero Sion, id est Ecclesia primitiva ex Iudeis ad Christum conversis conflata, PARTURIET, subito PEPERIT MASCULUM, nempe sine longo ministerio, sine longo cruciatu & labore, qualis solet esse parturientium; quasi dicat: Dum impii Iudaei irrisores Ecclesiae Christi funditus excinduntur, Ecclesia Christi maximis incrementis exurgit, non sensim & lente, ut olim Synagoga, sed simul & subito. Sic unica concione S. Petrus Actor. II. 42. peperit tria hominum millia, altera quinque millia. Et peperit non feminam, sed *masculum* prolem, id est masculo & forti animo praeditam, martyrio parem: ita S. Hieronymus & alii iam citari, cum S. Ambrosio d. Forerio & Salsbo. Sed Nyssenus & Damascenus e id B. Virgini & partui Christi adaptant, neque omnino male, quia per hunc *masculum* alii omnes masculi & heroes Christiani procreantur. Huc alludit S. Ioannes Apoc. xxi. ubi Ecclesiam quasi mulierem masculos tales pugiles procreantem inducit.

V. 8. AN PARTURIET TERRA IN DIE UNA? nequaquam: nam multo eget tempore ut semen germinet, exerceat, fructificet. AUT PARIETUR INTEGRA UNAGENS SIMUL? minime. Nihilominus SION, id est primitiva Christi Ecclesia, PARTURI-

VIT simul & eodem tempore PEPERIT FILIOS suos tanto numero, tanto robore, quanto iam vidimus. Sed quid mirum? quid inopabile mihi?

V. 9. NUMQUID EGO, QUI ALIOS PARERE FACIO, IPSE NON PARIAM? & qui infinita vi parienti praeditus sum, non poterit uno instanti infinites parere? quasi dicat: Non fiet haec subita Christianorum multiplicatio vi naturali praecursum Evangelii, sed mea divina, qua possum quidquid volo.

V. 12. AD VERBA PORTABIMINI. Loquitur Ecclesiae recens nascenti & adhuc tencillae. Cetera vide cap. xlix. 23. & sequentibus.

V. 14. OSSA VESTRA: praecipua pars corporis vestri; id est, per synecdochen, vos ipsi, quamvis antea merore squalidi & aridi; novo gaudio excitati, QUASI HERBA GERMINABITIS, id est revirescetis & reflorescetis. Unde palam COGNOSCETUR MANUS, id est potentia, protectio, favor, DOMINI erga *servos suos*. Tertullianus, Irenaeus g, Hieronymus & Augustinus hoc exponunt de resurrectione ossium Sanctorum in die iudicii, de qua Ezechiel. xxxvii.

V. 15. & 16. ECCE DOMINUS IN, seu cum, IGNE VENIET: primo, iustitiae & vindictae temporalis in obitatos Iudeos tempore excidii Ierolymae: secundo cum igne conflagrationis, & gladio divinae ultionis, AD OMNEM CARNEM, in die extremi iudicii, quando MULTIPLICABUNTUR INTERFECTI, id est maximo numero interficientur morte aeterna, in inferno. Porro per *quadrigas* metaphorice designatur maiestas victoris & iudicis Christi: per *turbines* celeritas & impetus iudicii, inquit S. Hier. Cyrillus, & Augustinus.

V. 17. QUI IN HORTIS, ubi idolatriae & turpitudinis vacarant, aquis expiatoriis SANCTIFICABANTUR: item POST TANUAM INTRINSECUS in domo, ubi lares suos, aliaeque idola reposita habebant, & ut in loco fecretiore, obsecans sacrificiis colebant, inquit S. Augustinus i, Arias & alii. QUI COMEDEBANT MUREM, lege Iudaei vetitum Levit. xi. 29. aliosque cibos immundos. Et per haec intellige quaevis alia impiorum scelera: quae quicumque patrarint, consumentur, damnabuntur.

V. 18. EGO enim ad iudicium VENIO, UT

UT OPERA omnium impia CONGREGEM in valle Iosaphat, & ibi quasi in publico orbis theatro OMNIBUS GENTIBUS ET LINGUIS spectanda proponam: ita Sasboldus & a Lapide. Sed ante quam congregem omnes gentes in valle Iosaphat,

V. 19. PONAM IN EIS SIGNUM, id est, inter eas erigam vexillum meum, nempe & crucis, ad quod omnes evocabo & invitabo. Ideoque EX EIS QUISALVATIFUERINT, id est, ex numero illorum qui ex iudaismo & gentilitio ercepti, & ad salutis portum, nempe christianismum, traducti fuerint, MITTAM legatos AD GENTES IN MARE, id est ad insulas & transmarinas nationes, IN AFRICAM, in Italiam: Hebræum *תבול תבול* etiam Hispaniam significat, teste S. Hieronymo: mittam. & IN GRÆCIAM ET LYDIAM TENDENTES SAGITTAM: Hebraice, *ששכ מופעה*: quod tamquam proprium nomen retinet LXX. & Leo Caltrius vult Moscos seu Moscovitas intelligi. Uno verbo, mittam per universum orbem qui populos omnes quantumcumque remotos & barbaros ad bellum meum pertrahant, ad fidem, & ad salutem deducant.

V. 20. IN EQUIS, IN QUADRIGIS, IN LECTICIS, id est per quævis oportuna auxilia, subsidia, solatia; humana, angelica, divina; verbo, opere, exemplo; arguendo, obsecrando, increpando: ita S. Hieronymus, Cyrillus, Augustinus & Theodoretus. Alludit ad Iudeos Babylone redeuntes Ierosolymam maximo gaudio & commodo suo.

V. 21. EX EIS, id est ex Gentilibus ad Christum conversis, ASSUMAM multos mihi non solum in vinitores & agricolas, ut dixi LXI. 5. sed etiam IN SACERDOTES LEVITAS, id est in Ecclesiarum ministros, etiam primarios & summos: quasi dicat: In Synagoga ad templi ministrum non assumebantur nisi ex una tribu Levi: at in Ecclesia Christi assumuntur ex omni gente; idque usque ad finem mundi.

V. 22. QUA Sicut CAELI NOVI, ET TERRA NOVA, quæ ego (ut dixi cap. præced. vers. 17.) creo, & FACIO in concussa stare CORAM ME; SIC SEMEN VESTRUM, o Apostoli, id est fideles avobis conversi, ET NOMEN VESTRUM, seu gloria sacerdotii & præfecturæ vestræ, æternum perdurant.

V. 23. ET ERIT MENSIS EX MENSE; id est, neomenia alia nascetur ex neomenia eius, ut est in Hebræo; quasi dicat: Novi generis neomenia non erit in Ecclesia Christi, longe solemniior, iucundior, Deo gratior, quam neomenia Synagoge, & alia festa eius: quæ non erant nisi figuræ & typi testorum novi testamenti, & plerumque propter adiuncta Iudæorum festum celebrantium scelera, odio o. & nauseæ erant Deo: ita Arias & Gabriel Alvarez, immo & S. Hieronymus. Sed hic vulg. infirmari transmutationem: testorum temporarium & terrenorum in celestia & æterna scita Beatorum. Tertullianus, Augustinus & Theodoretus, & alii volunt hæc phrasi designari perpetuam continuationem festivitatum, id est quietis, gaudii, iubilii, maxime in Ecclesia triumphante. Sicut ex adverso impiis & damnatis æternus erit dolor & supplicium ex igne inextinguibili, & vermes interni perpetuo corrodent, de quibus alibi p. fusius.

V. 24. ET EGREDIENTUR Sancti non sola mente & contemplatione, ut vult Forerius & Sanchez, ad spectandas quotidianas strages & supplicia impiorum; partim in inferno; sed & realiter & motu locali, si velint, egredientur caelo, ut cominus videant & spectent CADAVERA VIRO-
RUM, id est corpora damnatorum, licet animata, sorda tamen & olida, & tormentis subacta, instar cadaverum: ita S. Hieronymus, August. S. Thomas 9. Sasboldus & alii. Immo Christus ipse Marci x. 45. hunc Isaie locum de damnatis in inferno exposuit. ET ERUNT & durabunt hæc tormentorum spectacula OMNI CARNI, id est, omni homini beato & sancto, USQUE AD SATIETATEM VISIONIS, id est donec satientur videndo. Erunt enim æterna, inquit S. Cyprianus 1. Et ex hoc poenarum suarum spectaculo damnatis accrescet novus dolor, maxime cum sentiant Sanctos nulla sui poenæ vel lamentis moveri, nisi ad irridendum & insultandum miseris, eorumdemque impietatem, stultitiam, ignaviam ipsis æternum exprobrandam. Sicut enim Deus ridet in interitu impiorum, ita & letabitur in infus cum viderit vindictam, manus suas lavabit in sanguine peccatoris.

(a) Ambros. in Psal. xxx.

(b) Gregor. Lib. 11. Moral. cap. 111. & Lib. XXXI.

(c) ibi.

- (c) Joseph. Lib. VII. Belli cap. xvi.
 (d) Amor. Elisha: ad Virg. & Lib. I. de Cain
 & Abel cap. x.
 (e) Nylh. orat. de Refuss. Damasc. Lib. IV. de
 Fide cap. xv.
 (f) Prov. xvii. 1.
 (g) Tertull. Lib. de Resurrect. carnis cap. xxxi.
 Irenaeus Lib. V. cont. haer. cap. xv.
 (h) Aug. Lib. XX. de Civ. cap. xxx.
 (i) August. Lib. IV. de Civit. cap. vii.
 (k) Istez xi. 12.
 (l) Genes. xx. 2.
 (m) August. Lib. XX. de Civ. cap. xxx.
 (n) Num. xxi. 11.
 (o) Istez i. 14.
 (p) Istez. ult. vers. 21. Eccli. vii. 19. & cap.
 x. 11.
 (q) August. sup. & Thom. in Supplemento. lit.
 p. q. lxxxix.
 (r) Cypr. contra Demetr. tract. I. in fac.
 (s) Prov. i. 20.
 (t) Sap. v. &c. Istez lxx. 11.

GORDON P.

Vers. 10. **H**AEC Dicit Dominus, &c. Deus ubique est, caelum & terram implet; dicitur tamen speciali modo in caelo, quia ibi maiestas eius & potentia, vel maxime apparet. Inepte ergo Novator, est in caelo, ergo non in Eucharistia. Immo extra caelum per immensa spatia est, & in terra ut hic habes; caelum vero est medius Dei thronus, in quo gloriam suam beatis ostendit: ergo ubique praesens.

V. 2. OMNIA HAEC, &c. quasi dicat: Omnia vestra & templum (quo tantopere vultis gloriari) ego feci, qui & templum & sacrificia vestra abiciam, quia vos bonis meis abutimini.

V. 5. AUDITE VERBUM DOMINI, &c. Convertit sermonem a Iudaeis impiis ad bonos, & credentes Christo Iudaeos & gentes, qui sunt Apostoli & socii vocationis. Hos consolatur Deus; quasi dicat: Fratres vestri odientes, seu Iudaei isti impii dixerunt irridentes, ostendat gloriam suam vester Christus, ut nobis etiam sit laetitia. Haec illi. Sed tamen confundentur: nam (ex vers. 6.) videor, inquit Isaias, audire vocem confusionis, & desolationis de civitate, de templo, &c.

V. 7. ANTEQUAM PARTURIRET PEPERIT, &c. Convertitur sermo ad Apostolos; ubi non est vox confusionis, sed tantum in partu, licet simul patiantur dolorem parturientis: simul enim conversi sunt 8000. hominum; & perfectionum seu dolores parturientis passi sunt: Act. 11.

vers. 4. non sic, inquit, (vers. 8.) antiqua Synagoga, quae non nisi longo tempore crevit, parturivit & peperit: non sic terra quae nequit uno die parturire, & parere.

V. 9. NUMQUID EGO QUI ALIOS PARERE FACIO ALIOS IPSE NON PARIAM. Sane ut recte plures. Sensus hic ad litteram est de incremento Ecclesiae, & adoptione spirituali, ut docent priores versiculi. Deus dat, creaturis vim pariendi omnibus: aequum est ut ipse quoque pariat; pariet autem sciscitando spiritualiter filios Ecclesiae. Hinc quidem Theologi a paritate ipsi etiam argumentantur, pro generatione aeterni verbi divini. Si enim Deus naturalem generandi vim dat creaturis, aequum est credere in Deo patre esse naturaliter quoque fecunditatem ad generandum filium aeternum & consubstantialem.

V. 10. LAETAMINI CUM IERUSALEM, &c. Sermo est ad credentes Christo, ut laetentur de propagatione Ierusalem & Ecclesiae, cui promittitur post exilem numerum, & tolerantiam aliquam, magnam omnibus accessio.

V. 15. QUIA ECCE DOMINUS IN IGNE VENIET, &c. Quamvis hoc aliqui referant ad primum adventum, tamen certius est referri debere ad iudicii diem, ut verba & res demonstrant; & ita docent Cyrill. Hieron. & Augustin. XX. civit. cap. xxi.

V. 19. ET PONAM IN ET SIGNUM, &c. Orditur epilogum, totius huius libri, & universi operis redemptionis per Christum; ac si dicret: Extollam signum (crucem plures recte intelligunt.) mittam sacerdotes & legatos, in mundum per nationes: congregabunt vario modo in Ecclesiam, antequam veniat dies extremus. Illud vers. 20. de modo in levis & carrucis habet allusum ad reditum & Babylone Cyro suppeditante curus & equos. LXX. in *umbraulis* (*omnibus*) pro carrucis: carruca penultima brevi, genus vehiculorum constantis duabus rotis.

V. 22. QUIA SICUT CAELI NOVI, &c. Sicut caeli novi seu aliquo modo in fine immutandi. Stabant inceptis aeternum; gaudebant sancti, & cruciabantur impii.

V. 24. Vide Marc. cap. ix. vers. 44.

EX EIUDEM AUCTARIO.

Vers. 1. SCABELLUM : sermo ad Iudæos .
 Fallimini , si putatis vos aliquid esse
 magnum , quia templum habetis . Ego
 templum , & terram totam pro pedum
 scabello reputo . Cælum mihi sedes est :

sic reprimit Iudæorum opinionem .
Vers. 3. Causam dat , cur detestetur Deus
 sacrificia ista : tantum hærebant in ex-
 terno ritu ; quod virtutis erat , negligebant .

Vers. 17. Qui sanctificabant , & munda-
 bant se in hortis sacrificando idolis .

FINIS TOMI DECIMI SEPTIMI.





